













D I V I  
T H O M A E  
A Q U I N A T I S  
D O C T O R I S A N G E L I C I  
O R D I N I S P R A E D I C A T O R U M  
O P E R A .

EDITIO ALTERA VENETA  
ad plurima exempla comparata, & emendata.

A C C E D U N T

Vita, seu Elogium eius a JACOBO ECHARDO diligentissime concinnatum,  
& BERNARDI MARIAE DE RUBEIS in singula Opera  
Admonitiones praevis.

XXIV

TOMUS VICESIMUSQUARTUS

complectens SUMMAE THEOLOGICAE PARTEM TERTIAM.



VENETIIS, MDCCLVII.

Cudebat SIMON OCCHI  
EX PRIVILEGIO EXCELLENTISSIMI SENATUS.



# ADMONITIO PRAEIVIA.

De quatuor Sancti Thomae Aquinatis locis, ac doctrinae capitibus, inepta & injusta censura notatis  
a Joanne Fabricio.

## CAPUT I.

*Sanctum Thomam notat Joannes Fabricius de mendoso indice Gregorii Magni super Cantica: quoniam ejusdem fuerit in hujusmodi indicibus diligenter. Ante Aquinatem idem index mendosus legitur in Magistro Sententiarum, Petro Lombardo; unde Fabricii censuræ, inhærens & injusta. Vitiolæ prædictæ citationis origo: an ergo potius Glossam, quam Gregorium, vere citaverit Sanctus Thomas. Hujusmodi censuræ in Thomam ineptissime. Bona, & optima fides ejus.*

I. Joannes Fabricius in secunda Historiæ Bibliothecæ Fabricianæ parte num. XIII. recenset Thomæ Aquinatis Summam Theologiæ, Coloniae anno 1622. typis editam. Hac data occasione, aliorum dicta plura colligit, quæ sane aut minus accurata sunt, aut inepta, aut falsa, ut sanctissimi Doctoris, ejusque postremi Operis claritas, & auctoritas quoquo modo infusceatur, ac minuatur. Singula, quæ fide Protestantium, aut Criticæ intemperantioris hominum adhibita opponuntur, referre hoc loco non lubet, cum ea in Præviis Ammonitionibus, aut Dissertationibus nostris hæcenus in lucem emisissis, aut valdè sime refutata sint, aut diligentius enarrata. Paucæ occurrunt ab ipso Fabricio adnotata, quæ cum momenti quidpiam videantur habere, ad examen vocare præstat.

Pagina 88. in Editione scilicet VVolfenbütellii anno 1713. curata, sic ait Censor: *Nunc de præmissa sunt, quæ Viri erudit in hac Summa (Theologiæ) observarunt, notat utque. Quænam vero, & quot illa sunt, quæ a novo Censore iterum proferri, ac redargui debuerint? Nimirum quatuor tantum numerantur, vel quæ insuper habenda fuerant utpote levissima, vel quæ iniqua censura perstringuntur. Primum est: „ P. I. (parte prima) Quest. VIII. „ Art. III. Sed contra est quod Gregorius dicit super Cant. Canticorum: quod Deus „ communi modo est in omnibus rebus præsentia, potentia, & substantia. hic locus „ non reperitur in Gregorio Magno: Ancillon Millæno Critique P. II. 323. „ At quid si in Gregorio Nysseno, qui illum in librum commentatus est? „ Imò in nostræ Editionis margine citatur Gregorius M. Homil. VIII. in Ezechielum, parum ante medium. “*

Inter *Dissertationes triginta*, in uno Volumine in folio simul collectas: *De gestis, & Scriptis, ac Doctrina Sancti Thomae Aquinatis*, editasque Venetiis anno 1750. apud Jo. Baptistam Pasquali, postrema est, ubi diligentius agitur Capite IV. de copia lectionis, quam longe lateque patentem in Sancto Thoma satis indicant ejus Opera, sive quod attinet ad veteres Philosophos, sive maxime ad Ecclesiae christianae Patres, Scriptoresve omnis aevi. Anonymi Critici Viri puerilem castigavimus animadversionem, qui cum recensent Scriptores Ecclesiasticos, quos legerit Thomas, numerat tantum *Magistrum Sententiarum, Epistolas Pontificum Decretales, ac integrum Gratiani Decretum*. Imo sine dubio in hisce rivulis non sisteat Aquinas, adibatque fontes ipsos, si pro seculi conditione liceret. Patrum opera, quae bene multa praesto erant, evolvebat, excutiebatque: ac novimus, insignes alias lucubrationes, quae desiderabantur, diligentissime ab ipso perquisitas in Codicibus, qui latebant in forulis. Noverat ipse nihilominus, non pauca sibi deesse Ecclesiastica monumenta, quae alibi indicata, aut in Catalogis recensita legebat: ipsorumque defectum ut aliquo modo suppleret, utebatur *Decreti Gratiani, & Glossis, & Catenis*, idque genus collectionibus, antiquiorumque Magistrorum scriptis, quae ferebatur illa aetate. Hanc lectionis copiam in Aquinate, & hanc ejus eruditionem splendidissimis exemplis, ac factis inconcussis ostendimus in Dissertatione citata, quae sub *Admonitionis praeviae* titulo habetur in Tomo XVI. Operum Sancti Thomae, quorum editionem Venetam in 4 incepit *Josephus Estinellus*, ac prosequitur diligentioribus typis *Simon Occhi*.

Quod ego Thomae Aquinatis elogium dum paucis repeto, novos etiam in ejus Operibus non disiteor, quos aetate sua praecavere nec ingenii aemulatio, nec ulla diligentia ac industria poterat: cujusmodi sunt, alium Audientem pro alio allegare, & alterius opus alteri substituere, ac librorum locos mendose citare, aut mendosos qui legebantur sequi indices. Temporum, quibus vitam agebat, scribebatque Aquinas, conditio haec erat: quae tamen non obstat, quominus Erasmus vir criticissimus ea laude Aquinatem celebraverit, ut *qui iis, quae per eam tempestatem dabantur, tam dextre sis usus*. Mendae hujuscemodi post referatos fontes Patrum, post editam Ecclesiasticorum monumentorum copiam, postque plurium seculorum sudores laboresque, facili negotio aut omnia, aut pene omnia emundarunt Nostres, alique Viri diligentissimi: collatisque codicibus Thomae Manuscriptis observare poterunt, mendosos indices non paucos, non e calamo Thomae profectos esse, sed ex Amanuensium aut Typothetarum inscitia, & osecrantia.

Il. Jam vero ad mendosum *Gregorii Magni super Cantica* indicem sermo convertatur. Ante Aquinatem verba, quae descripta sunt num. 1. jam Gregorius tribuerat *Magister Sententiarum, Petrus Lombardus*, in primo libro *Dist. XXXVII.* sub littera A: *Beatus Gregorius super Cantica Canticorum inquit: licet Deus communis modo omnibus rebus in se, praesentia, potentia, substantia &c.* Miratio subit, id non advertisse Fabricium censorem! Id vero pridem observaverat Reginaldus Lucarinus in suis Animadversionibus in Textum Operum Sancti Thomae, Romae excusis anno 1666. *Hanc Sententiam &c.* (inquit) *tribuit Magister in 1. Dist. 37. Sancto Gregorio, scribenti super Canticum Canticorum: ejusque fidem sequutus est Sanctus Thomas.* De hac allucinatione agit Sammaureus Operum Sancti Gregorii editor Doctissimus in Additione ad Expositionem Canticorum, a qua sine dubio abest ea sententia Thomae quidem, sed etiam *Magistrum Sententiarum* memorat pro sua diligentia & fide, qui in errorem inciderint: probatque deinde, temporibus Petri Lombardi, qui floruit duodecimo seculo, dubium non fuisse, Sanctum Gregorium exposuisse Cantica.

Mendosum ergo indicem ex *Magistro Sententiarum* transcripserit Aquinas: quem

quem etiam Sanctus Bonaventura transcripsit ibidem Parte I. Art. III. Qu. II. At lapsus huiusmodi, levissimum illud, & in ipsam vitiosum momenti, quis non condonet in Magistro, ac multo magis in Sancto Thoma, & in Sancto Bonaventura? Quis etiam maturioris consilii non illud præterisset omnino? Nonne vero *Joannes Fabricius*, qui censorem agit, aut inscitiz redarguendus est, qui mendum illud in *Petro Lombardo* non viderit ante Aquinatem: aut certe injussitiz, seu nimis criminandi *Thomam* libidinis, quem unum, prætermisso *Magistro*, de nævo accusat, utrique communi?

III. Quoniam vero in hanc disceptationem, tametsi levissimam, ingredi contigit, liceat mihi inferre gradum, & in ipsam vitiosum momenti diligenter inquirere. Id erit fortasse cum aliquo emolumento. In *Glossa*, quæ vocatur *Ordinaria*, super Caput V. *Cantici Canticorum*, ad ea verba *Y. 17. Quo abiit dilectus tuus?* plures afferuntur expositiones. Editione utor, quæ exstat in Bibliis sacris Nicolai Lyrani. (Expositio prima est:) „*Quo abiit*: non relinquendo vos, in quibus erat; sed ubi alios associet, & post alios etiam alios invitet. (Altera:) *Quo abiit*. *Gregorius*: sciendum, quod *Deus* qui ubique est, in loco est, sed localis non est. *Locale* dicitur, quod circumscribitur secundum partes loci, supra & infra, ante & retro, dextera & sinistra &c. (Tertia demum:) *Quo abiit*: licet *Deus* communi modo omnibus rebus insit, præsentia, potentia, substantia; tamen familiari modo dicitur inesse, idest per gratiam &c.“

Quo in loco perspicuum est, expositionem secundam *Gregorio* tribui; minime tertiam, quæ sententiam exhibet, quæ de agimus. Quemadmodum vero expositio tertia hæstus in operibus *Gregorii* irritò voto perquisita est; ita secunda, sin minus quoad singula verba, saltem quoad sensum, hauriri sine dubio ex variis *Gregorii* locis potuit; sive ex Libro II. in Job Capite XII. num. 20. sive ex Libro X. Capite IX. num. 14. sive ex Libro XVI. Capite VIII. num. 12. sive ex Libro XXVII. Capite XI. num. 19. sive ex Libro I. in Ezechielem Homilia VIII. num. 16. sive ex Libro II. Homilia V. num. 11.

Allatum *Glossæ* textum perpendenti jam facile innotescit mendosi indicis origo apud Magistrum Sententiarum. Hanc vidit *Franciscus Sylvius*, qui I. P. Qu. VIII. Art. III. in calce sic ait: „*Magister*, cum *Glossam* ordinariam legeret, quæ ad finem Capituli V. in *Cantica* habet ista verba, non quidem sub nomine *Gregorii*, sed quia paullo ante citatus erat *Gregorius*, putavit etiam sententia esse *Gregorii*: „cum sint procul dubio ipsius *Glossa*. Hanc veram originem sive dissimulaverit, sive ignoraverit *Fabricius*, pudendum sane est. *Glossæ* opus *VValafrido Straboni* tribuitur, qui nono seculo vitam agebat.

An *Glossam* legerit Sanctus Thomas, & an potius *Glossam* in prædicto Articulo scripserit ipse, imperitique Amanuenses *Gregorium* substituerint? *Francisci Garcia* in suis emendationibus erratorum &c. verba sunt: „Si me conjectura non fallit, Thomas sic citavit. *G. dicit supra Cantica*, volens significare *Glossam*, & non *Gregorium*: & tamen aliquis pro *Glossa* posuit *Gregorium*, cum utrumque ab eadem littera *G.* initium sumat.“ Eruditioni, ac diligentæ Aquinatis convenit conjectura. Res attamen est, quæ codicum MSS. fide consicienda videtur. Vetustum *Summæ Theologiæ* codicem in Veneta Sanctorum Joannis & Pauli Bibliotheca lustravit peritissimus *Dominicus M. Berardelli* ejus Cœnobii Alumnus: scriptumque invenit, g' g': quæ siglæ *Gregorium* indicant. At alii præterea Codices bonæ notæ expendendi forent, ut quid demum scripserit Thomas, quid Amanuenses peccaverint, certo constaret.

IV. Magistri fide deceptus fuerit Sanctus Thomas. Adeo levis hæc ejus lucinatio est, ut non nisi ineptissima haberi debeat censura, quam iterum



propalare Fabricio placuit. Mendum quidem cubat in indice : at quæ citatur, deferibiturque sententia, reperitur in *Glossa*, verissimamque doctrinam continet, quam latinorum græcorumque Patrum documentis illustrat Dionysius Petavius Libro, III. de Deo Deique proprietatibus a Capite VII. Patet jam vero, viciosi prædicti indicis emendationem querrendam non esse in aliis *Gregorii* operibus, ac locis superius indicatis : quod nonnulli fecerunt. *Glossæ* nomen nihil anceps repone pro *Gregorio* : quod factum video in Parisiensi editione anno 1652 curata. Hoc Opere, quod *Glossam ordinariam* vocamus, frequentius utitur Sanctus Thomas. Quid vero? Accidit non raro, allegatas a Thoma sententias in eadem non reperiri *Glossa*, quam scilicet variis typis editam habemus. At *Glossæ* codicem MS. nactum se esse, testatur Joannes Nicolaus in Præfatione ad *Summam Theologiae*, qui fidem integram Sancti Thomæ confirmat, easque sententias continet quas veluti e *Glossa* desumptas assertit Sanctissimus Doctor. Hinc vero prudens quisque discat, ne tam præceps in hujuscemodi rebus iudicium ferat.

V. Fuerint alii in Operibus Thomæ mendosi indices. Verum enim vero non omnes Aquinati tribui debent, cum plures ex insecitia & ositantia Amanuensium proficisci potuerint : & si quis ex ipsius Thomæ calamo exciderit, nonnulli per injuriam tam facile obijciuntur, ac etiam exaggerantur. Interim menda id genus omnia, aut pene omnia jam doctissimorum Virorum diligentia emendavit. Inter primos, qui hanc spartam ornare cœperunt, eminet inter nostrates *Antonius*, patria *Lusitanus*, cognominatus a *Conceptione*, mutatoque cognomine dictus deinde *Senensis* ob singularem erga Sanctam Virginem Catharinam de Senis observantiam. Antverpiæ opus edidit typis Plantini anno 1569. fol. inscriptum, *Testimonia Patrum, prophetarumque Auctorum, ac demum quæcumque alia citat Sanctus Thomas saltem in conspectu in tota sua Summa Theologiae, indefesso labore perquisita &c.* Hujus vestigia præstiterunt alii exitu felicissimo. Idque demum constat, Auctorem sententias ab Aquinate citatas aut ipsis verbis tenus, aut saltem quoad sensum, vel genuinas esse, suosque certos habere parentes : vel si quæ admodum pauca supposititiæ sunt, reperiri tamen in Ecclesiasticis monumentis : adeoque in hujusmodi indicibus bonam, & optimam constare Thomæ fidem.

## C A P U T II.

*Altera Fabricii censura doctrinam Thomæ petit de proprio illo Dei nomine, Qui est : ejusdem doctrinæ subtilitas ac etiam soliditas. Adversæ Fabricii rationes expense, & everse : vindicatorque Mafioresbica Textus hebreæ lectio. Sancti Thomæ doctrina, Veterum latinorum græcorumque Patrum documentis conformis : ac favens Hebræorum Magistri.*

I. **A**ltera sequitur Joannis Fabricii censura. „ Parte eadem ( prima ) Quæst. XIII. Art. XI. Hoc nomen, Qui est, triplici ratione est maxime proprium nomen Dei. 1. propter sui significationem. 2. propter ejus universalitatem. 3. propter ejus significationem. Ista subtilius excogitata videntur. Saltem parum solida sunt, præsertim cum non sit revera scriptum, Sum qui sum, sed ero qui ero. Quidquid tandem his verbis indicare Deus voluerit : hoc est, siue curiosam Moysis interrogationem simpliciter rejiciat : siue præsentem suam ipsi promittere : siue ex operibus suis qualis sit appariturus esse docere. C. Vorst. in Notis ad Disput. II. de Deo : “ Conradum Vorstium intellige in Tractatu de Deo, siue de Natura, & Attributis Dei.

Integrum Thomæ textum referre præstat, ut ejus doctrinæ subtilitas, si-

mi-

mulque soliditas magis effulgeant. Verba sunt: „Dicens quod hoc nomen, *Qui est*, triplici ratione est maxime proprium nomen Dei. Primo quidem, propter sui significationem. Non enim significat formam aliquam, sed ipsum esse: unde cum esse Dei sit ipsa ejus essentia, & hoc nulli alii conveniat, ut supra ostensum est, manifestum est quod inter alia nomina, hoc maxime proprie nominat Deum; unumquodque enim denominatur a sua forma. Secundo, propter ejus universalitatem. Omnia enim alia nomina, vel sunt minus communia: vel si convertantur cum ipso, tamen addunt aliqua supra ipsum secundum rationem, ( ut verum, bonum; ) unde quodammodo informant, & determinant ipsum. Intellectus autem noster non potest ipsam Dei essentiam cognoscere in statu viæ, secundum quod in se est: & ideo quanto aliqua nomina sunt minus determinata, & magis communia & absoluta, tanto magis proprie dicuntur de Deo a nobis. Unde & Damascenus ( Lib. I. Orthod. Fidei ) dicit, quod principaliter omnibus, quæ de Deo dicuntur, nominibus est, *Qui est*. . . . Tertio vero, ex ejus significatione. Significat enim esse in præsentia, & hoc maxime proprie de Deo dicitur, cujus esse non novit præteritum, vel futurum, ut dicit Augustinus in Quinto de Trinitate. “

*Subtiles* habeantur prædictæ Aquinatis rationes, hoc est a perspicaci ingenio rem, quam versat, profundius perscrutante inventæ: at *solide* quæ sunt, utpote ipsi rei, quæ subtilius consideratur, maxime convenientes. *Rationi* Tertie pondus additur ex auctoritate Sancti Augustini in Libro 83. Questionum Qu. XVII. *Apud Deum nihil dicitur: nec præteritum igitur, nec futurum, sed omne præsens est apud Deum.* Et Libro V. de Trinitate Capite II. *Ab eo, quod est esse, dicta est essentia. Et quis magis est, quam ille qui dixit famulo suo Moysi: Ego sum qui sum: & dices Filius Israel: Qui est, misit me ad vos.* Rationem secundam firmat auctoritas Ioannis Damasceni loco citato Capite IX. in Editione Michaelis Lequien: „ Ex omnibus porro nominibus, quæ Deo tribuuntur, nullum æque proprium videtur, atque *ὁ ὢν*, *Qui est*; quemadmodum ipsemet, cum Moysi in monte responderet, ait: *Dic filiis Israel: Qui est, misit me.* Nam totum esse, velut immensum quoddam, ac nullis terminis definitum *essentie* pelagus, complexu suo ipse continet. “ Utriusque demum, Augustini, & Damasceni, auctoritates allatæ primam rationem confirmant.

Neque tamen putandum est, nomen istud ita ab Aquinate intelligi proprium Dei, ac si perfecte & adæquate essentiam Dei, cujusmodi est in se, significaret, aut repræsentaret: sed quia adhuc imperfectius ( ipso Thoma sapientissime animadvertente in I. Dist. VIII. Qu. I. Art. I. ad 3. ) per alia nomina significatur eadem essentia Dei. Hæc vero Thomæ documenta si præsto Fabricius habuisset, haud umquam doctrinam ejus subtiliorem potius judicasset, quam solidiorem. Ad Joannis Damasceni locum notam appingit Lequienus, dignissimam animadvertitionem. Verba sunt: „ Prisci Philosophi Deum neutro nomine, *ὢν* appellabant: quæ vox ad ipsum *ens in communi* significandum atheo sensu detorqueri posset. At *μασкулινον*, *ᾧρ*, solum Deum verum exprimit, cujus essentia sit ipsummet esse purissimum, ac substantivum, conditis rebus neutiquam concretum, aut ex ipsis intellectus opera abstractum. “ Gregorii Nazianzeni verba subiungit in Oratione XXXVI. circa finem inquentis: *τὸ δὲ ὢν, ens vero proprium suum est Dei, ac totum, nec priore aliqua re nec posteriore ( nec enim erat, aut erit ) definitum ac circumscissum.* “ Ubi *τὸ δὲ ὢν* neutro genere ea ratione proprium esse Dei dicitur, quia totum esse Deûs comprehendit sine ulla limitatione. Clarius est, ac splendidior Joannis Damasceni expositio loco citato: *Ex omnibus nominibus, quæ Deo tribuuntur, ( inquentis, ) nullum æque proprium videri, atque ὁ ὢν, ( masculino genere ) Qui est. . . . Nam ὢν ἔστι τὸ ὢν,*

*totum esse, (quod est το ὅν, genere neutro,) velut immensum quoddam, ac nullis terminis definitum essentia pelagus, complexu suo ipse continet.*

II. Censoris Joannis Fabricii oppositio prima est: *non esse revera scriptum, Sum qui sum sed, ero qui ero, (tertio Capite Exodi 3. 14.) quo nempe ex loco nomen Dei sumitur, quod ipsius Dei maxime proprium esse docet Aquinas. Sacra Historia tradit, Moysen a Deo electum esse, missumque ad Israelitas, quos ab jugo Pharaonis liberaret: ipsumque Moysen rogasse Deum, ut quo ipsum nomine apud Israelitas vocaret, patefacere dignaretur. Divinum responsum sic exhibet Sacer Textus hebræus: *Dixit Deus ad Moysen: אהיה Ehjeh: qui אהיה Ehjeh: & dixit, sic dices filiis Israel, אהיה Ehjeh misit me ad vos.* At vero *Ehjeh* vox est verbi היה, *fuit*, ac temporis futuri in conjugatione, quæ dicitur *Kal*: unde juxta Grammaticæ regulas versio foret, *Ero qui ero... Ero misit me ad vos.* At enim frequentissimum *Hebraïsmum* adnotant Grammatici, quo *futurum* usurpatur pro *præsenti*: ipsumque in allatis verbis locum habere, adprobant Critici sacri, Munsterus, Fagius, Vatablus, Clavius, Druhus.*

Cur vero non? L. Interpretes tot ante Christum seculis græce verterant: *ἐγώ εἰμι ὁ ὢν, ego sum, qui sum* vel *ego sum is qui est*, vel etiam minus latine *ego sum ens*. Hunc Exodi spectasse locum videtur Joannes Apostolus, & Evangelista in Apocalypsi Capite 1. 8. *Gratia vobis, & pax ἀπὸ τοῦ ὄντος, καὶ ὁ ὢν, καὶ ὁ ἐρχόμενος, ab eo qui est, & qui erat, & qui erit*: hisque verbis vim vocis אהיה, aut יהיה, exprimere voluisse Joannem, observant Interpretes. Vetustissimum latinæ Versionis vulgatum Auctor eodem modo transtulit, *Sum qui sum*: ac postea cum verti debuisset, *Sum misit me ad vos*, personam primam commutavit in tertiam, *Qui est misit me ad vos*, ut clarior esset interpretatio. Peritissimum hebraicæ linguæ Sanctus Hieronymus in Epistola ad Marcellam sic ait: *Sextum (nomen Dei,) Aser Jeje, quod in Exodo legitur, qui est misit me*; prima scilicet persona in tertiam commutata. Quam denique temporis præsentis lectionem in Vulgata exstantem sequuti sunt Hilarius, Interpres Irenzi, Novatianus, Ambrosius, Augustinus, Ferrandus Diaconus, & Phœbadius, quorum verba recitat Petrus Sabatier in sua *Vetere Italica Versione*: hisque consonant Græci Patres. Alia dabimus infra. Hæc vero primam Fabricii oppositionem evertunt, ac elidunt.

Alia est ejusdem oppositio: *Quidquid tandem his verbis indicare Deus voluerit: hoc est, sive curiosam Moysis interrogationem simpliciter rejicere. Similem interpretationem tradiderat Hugo Victorinus in Annotationibus Elucidatoriis ad hunc locum: „Ego sum, qui sum, (inquiens.) Ac si diceret: „nomen meum non dicam eis: qui scilicet nomen meum scire deberent. Et „est ironice dictum: quasi diceret, nomen meum ignoratur. “ Hanc expositionem his verbis declarat Cornelius a Lapide: *Deus hic non declarat, sed potius cum quadam majestate silet suum nomen. Ut si gravis aliqua persona rogata de nomine, respondeat, Sum qui sum; quasi dicat, vocor ut vocor.* „ Verum hoc „(ipsius a Lapide verba sunt) est improbabile. Nam paulo post Deus „jubet Moysi, ut hoc nomen, *Qui est*, quasi Dei legantis se proprium nomen, & titulum, præferat missioni suæ: (Et ait, sic dices filiis Israel: *Qui est misit me ad vos.*) “ Ipse demum Hugo a Sancto Victore locum explicat de proprio, quod expresserit Deus nomen suum: *Vel aliter, (inquiens) ego sum, qui immutabiliter sum: cujus nomen proprium est ens.* Ubi animadvertendum est, *Hebraïsmum* in hac sententia novisse Hugonem, ac futurum tempus accepisse pro præsentis.*

Tertia sequitur Fabricii oppositio: *sive præsentiam suam ipsi Moysi promittere Deus voluerit. Parem assert expositionem laudatus Hugo: Vel sic: ne diffidas, quid loquaris, & quid dicas ei, (populo Israelitico,) quia ego sum,*  
qui

qui tecum sum. R. Salomon, & Burgenſis eodem modo exponunt apud Cornelium a Lapide: *Ego ero, (vel sum,) ſupple, vobiſcum in hac tribulatione, vos ea liberans: qui ero, (vel sum,) ſupple, deinceps ſemper vobiſcum in omni veſtra afflictione.* Scilicet, ut doctiſſimus laudatus Interpres: *hoc arctius eſt, & frigidius.* Ac ſane Moysi ineptitudinem ſuam proſitenti jam Deus reſponderat *ſ. xii. Qui dixit ei, כִּי אֵרָא עִיךְ, quia ero tecum.* Itaque cum iterum laboraret Moyses, quo filios Israel modo de miſſione ſua certiores faceret, nomenque ipſius Dei mittentis rogaret, ac ipſi Deus diceret, *ſe eſſe, qui eſt;* quidpiam ſine dubio addit, quod illis verbis, *ero tecum,* non expreſſerat. Nomen videlicet ſibi maxime proprium pateſcit, quod ſummam, ac primævam ſignificat rationem, ex qua promiſſa Moysi, & filiis Israel præſentia, ac protectio dependet: cum ipſe ſit *is, qui eſt, & eſt immutabilis, æternus, immenſus, omniſcius, omnipotens, omneſque continens perfectiones.* Hæc Thomæ Aquinatis, hæc omnium Sanctorum Patrum ſoliſſima interpretatio eſt. Hanc etiam vidiffæ R. Chiſchia inter Hebræos doctus videtur, qui apud Vatablum, & Paulum Fagium ſic locum iſtum exponit in Libro Hizkuni: „ ut primum אֵלֶּיךְ *ehjel* ſit nomen „ Dei: alterum vero אֲנִי אֲשֶׁר אֶפֶס *aſer ehjeh* ſit ejus expoſitio. Ac ſi dicat, „ Nomen meum *Ero,* (vel ſum.) Ratio, quia *Ero,* (vel ſum,) in ſæcu- „ la ſæculorum abſque fine. Dein quod *Ero* etiam, (vel ſum,) vobiſcum, „ ut liberem vos a tyrannide Ægyptiorum. “ Poſterioſiorem interpretationem conjungit cum priore, veluti quæ ab ea dependet.

Ait demum Fabricius: *ſive ex operibus ſuis, qualis ſit, appariturum eſſe docere voluerit Deus.* Ad eorum opinionem hæc obſectio reducit, qui vocem אֵלֶּיךְ a Conjugatione *Kal* remouent, putantque pertinere ad Conjugationem *Pibel*, vel *Hipbil*: genuinamque lectionem eſſe vel *Haajieh*, vel *Hajeh*: adeoque mendofam Maſoretharum punctationem אֵלֶּיךְ, *ehjeh* in Conjugatione *Kal* cum duplici *Sagol* ſub litteris א, & י, & cum *Schewa* ſub littera ה. Addunt vero, Conjugationem in *Kal* verbi הָיָה abſolutam eſſe, ac intransitiuam, & ſubſtantiuam: idemque Verbum in Conjugatione *Pibel*, & *Hipbil* ſignificationem habere tranſitiuam, actiuamque. Unde ſacrum denique Textum ſic exponunt: *Ego ſum qui do eſſe, vel facio eſſe;* ſimilemque ſenſum actiuum obtrudunt.

Hæc de re agit eruditiffime Stephanus Soucietus S. J. in Diſſertatione Critica ſur le nom de Dieu יהוה *Jehova* Capite III. Pauca delibare præſtat. Eam primo aſſero animadverſionem, quam promittit Vir doctiſſimus ex Grammaticorum documentis: verbum הָיָה, aut הָיָה *neutrum* eſſe ac intransitiuam, abſolutumque & ſubſtantiuum tantum: in eoque Conjugationem in *Pibel*, & in *Hipbil*, quæ actiue ſunt, veſtigium nullum in tota Sacra Scriptura reperiri. Maſoretharum punctatio deinde, ſcilicet *Ehjeh*, quæ ad ſuturum tempus Conjugationis in *Kal* pertinet, ab ipſis excogitata non fuit; ſed remotioris, remotiſſimæque ætatis Auctores habet L. Interpretes, tot ante Chriſtum ſeculis, ac illum qui in exordiis Eccleſiæ chriſtianæ latinam *Vulgatam*, ſive *Italiam* verſionem conſecit, ac *Hieronymum* qui novis curis latine vertit ex Hebræo ſacra Biblia. Ita quidem in Targum, ſive Paraphraſi Jeruſolymitana exponitur comma Exodi, de quo agimus, *ille qui mundo dixit, eſſo, ac fuit:* at ſimul etiam alia ſubjungitur interpretatio, *Ego ille, qui ſum, & ſuturus ſum, miſit me ad vos.* Arabica Verſio in Poliglottis VValtoni ſic habet, *Æternus qui non præteritis.* Quid? quod demum, ſi Deus ille ſit *qui dat eſſe;* dubio procul omni oportet, ut *illum* primo concipiamus eſſe, *qui eſt.* Alia diſſerit ſcitu digniſſima Soucietus Capite III. citato, & ſequentibus Capitibus: ac etiam evincere videtur, ipſum quoque nomen Dei Tetragrammaton *Jehova* ſuam ex Conjugatione verbi הָיָה in *Kal* originem ducere. Cadunt jam vero Joannis Fabricii op-

positiones : quæ contra ipsum Doctissimorum Virorum rationes allatæ sunt, Sancti Thomæ Aquinatis doctrinam mirifice confirmant.

III. Sumitur ipsa ex ipso Sacro Textu Hebræo, ejusdemque Sacri Textus antiquissimis ante Masoretharum ætatem Versionibus, Græca, Latina, Chaldaica, Arabica, ac etiam sequioris ævi interpretationibus omnis linguæ. Ipsissimam Græci, & Latini Patres una voce doctrinam tradiderunt. *Gregorii Nazianzeni, & Joannis Damasceni, & Augustini* verba descripsimus num. I. Sanctus *Hilarius* Libro I. de Trinitate num. 5. hæc habet : „Ego „*sum qui sum*... Non enim aliud proprium magis Deo, quam *esse*, intel- „*ligitur* : quia id ipsum *quod est*, neque desinentis est aliquando, neque „*cæpti* : sed id, quod cum incorruptæ beatitudinis potestate perpetuum „*est*, non potuit, aut poterit aliquando non *esse* : quia divinum omne ne- „*que abolitioni*, neque exordio obnoxium est. “ *Elegantissima Hieronymi* verba sunt in Caput III. ad Ephesios : „*Ego sum qui sum*.... quomodo „*nomen commune substantiæ*, sibi proprium vendicat Deus? Illa, ut dixi- „*mus*, causa, quia cætera ut sint, Dei sumpsere beneficio : Deus vero, „*qui semper est*, nec habet aliunde principium, & ipse sui origo est suæ „*que causa substantiæ*, non potest intelligi aliunde habere, quod substi- „*stit*. “ Alios Ecclesiæ Latinæ Patres, eorumque sententias asserit *Dionysius Petavius* Libro I. de Deo Deique proprietatibus Capite VI. Neque *Ambrosius* adversatur, qui in Psalmum XLIII. num. 19. sic ait : „*Moses* „*interrogavit, quod est nomen tuum?*.... Cognoscens mentem eius Deus, „*non respondit nomen, sed negotium*; hoc est, rem expressit, non appella- „*tionem*, dicens : *ego sum, qui sum*, quia nihil tam proprium Dei, quam „*semper esse*. “ Levissima difficultas est, quæ nullo modo Fabricii censu- ram fulcit. Satis namque est, Moyli nomen interroganti a Deo *rem ipsam expressam esse* : eamque expressionem, si pro nomine Ambrosius non habeat, ab aliis Patribus, veluti nomen, acceptam esse.

Inter Græcos Patres accipe *Clementem Alexandrinum* Libro I. Pædagogii Capite VIII. In quibus tribus temporibus, (qui fuit, & est, & erit,) ponitur unum nomen, nempe qui est (Exodi III. 14.) nomen Dei scilicet, qui solus est. Verba sunt *Epiphanii* in Hæresi LXIX. Arianorum num. 70. *Est igitur substantia*.... illud ipsum, quod est : sicut *Moses* dixit, qui est misit me ad filios Israel. Itaque οὗτος ἐστὶν ὁ θεός, qui est, ens est. Alia *Nazianzeni*, quem num. 1. laudavimus, verba profero in Oratione XXXVI. Non hoc solum nomine, (qui est,) (appellatur Deus:) quod ipse, cum *Moyse* in monte oraculum ederet, ita seipsum appellavit.... sed etiam quia nomen illud *κατὰ φύσιν*, magis proprium esse comperimus. En vero quot insignes, doctissi- mosque suæ doctrinæ vades habeat Sanctus Thomas, Ecclesiæ christianæ Latinos, & Græcos Patres.

Consentiunt Hebræorum Magistri. Verba sunt *Majemonidis* apud *Peta- vium* sexto Capite num. V. „Hoc nomen derivatum est a verbo *Hajab*, „quod existentiam significat : nam *baja* significat *existere*.... Totum ve- „ro mysterium positum est in eo, quod repetivit eandem dictionem, „quæ *existentiam* significat, per modum attributionis, vel significationis. „Nam pronomen relativum, *qui*, continet in se mentionem attributi ali- „cujus inhererentis sibi : quippe quod nomen sit imperfectum, & adiunctum „sibi nomen aliud requirit. Et positum est nomen primum, quod *subiecti* „vicem sustinet, *Echieb*, *ero* : & nomen secundum, quod *attributum* ejus „est, itidem vocatur *Echieb*, *ero*.... quasi ostendere vellet, subjectum ip- „sum idem in substantia esse cum attributo. Ut hæc totius rei declaratio sit : Deum existere, sed non per existentiam. Quare explicatio & „expositio illius est : *Existens, qui est existens* : diceret : *qui necessario* „*existit*. “ R. *Chischia* locum superius num. II. descriptum habes.

Sen-

Sententiam addo Doctoris, quem Fagius *Nebemanidem* appellat, *Gerunden- sem* Vatablus : „ Deus est illa existentia, vel subsistentia, quæ nec præ- terit, nec præteribit.... Est Deus semper, qui numquam cœpit, nec umquam desinit, sed transcendit omnem rationem temporis : & qui fo- lus potest dicere, *Sum*, vel *Ero*. Est enim ipse omnis essentia, atque vitæ fons & plenitudo : a quo omnia, quæ sunt, habent esse quod sunt. Quia igitur æternitas nullis finibus comprehenditur, ideo nullo tempo- re describi potest. Quo fit, ut recte vocetur, *qui est, qui fuit, qui erit* : nam omnia tempora, cum de Deo loquimur, confunduntur. “ Hebræo- rum Magistros alios prætereo.

Quam ergo subtiliter quidem, sed etiam solide nomen Dei explicaverit Thomas, quod est, *Sum qui sum*, vel *qui est*, jam patet. Ab hoc nomine distinguit illud, quod *Tetragrammaton* vocatur, idest *Jehovah*, Sancti Hieronymi auctoritatem sequutus in Epistola citata ad Marcellam. De hac distinctione, quam alii negant, itemque de nominis ejusdem origine, ac vi, consule laudatum *Souciatum*, aliosque Doctores. Satis est discrimen indicare, quod inter ea duo nomina assignat Aquinas, si quod admitti debeat, loco citato ad 1. „ Dicendum, quod hoc nomen, *Qui est*, est ma- gis proprium nomen Dei, quantum ad id, a quo imponitur, scilicet *ab esse* : & quantum ad modum significandi, & consignificandi.... Sed quan- tum ad id ad quod imponitur nomen ad significandum, est magis proprium nomen *Tetragrammaton* : quod est impositum ad significandam ipsam Dei substantiam incommunicabilem ; & (ut sic liceat loqui) singularem. “ Rem hanc penitiori indagine scrutari, pretium operæ non est.

### C A P U T I I I.

Unum potius, quam primum, vocari diem debuisse, in quo lux facta est, ratio- nibus ostendit Aquinas ex Sancto Basilio sumptis : hinc vero injusta est Joannis Fabricii censura. Fallitur Dionysius Petavius, qui rationes prædictas rejicit, veluti mysticæ interpretationes. An vespere præcesserit mane, sive lucem, an vice versa. Joannes Clericus notatus.

I. Tertiam refero, quam fert Joannes Fabricius, censuram in Sanctum Thomam Aquinatem. „ Parte eadem (prima) Quæst. LXXIV. Art. „ III. dicitur *unus dies* in prima diei institutione ( Geneseos Capite I. v. „ 5.) ad designandum, quod *vigintiquatuor horarum spatia* pertinent ad u- num diem. At *unus* dicitur pro *primus*. Sixtinus Amama Antibarh. Bi- bl. “ Textus Hebræus habet : *דיון יום אחד* *echad unus* : non *ראשון*, *primus*. Sunt vero Amamæ verba Libro II. Capite I. Genes. v. 5. Notarunt eruditi interpretes, cardinales numerum poni pro ordinali..... Id si in mentem ve- nisset Thomæ, non adeo sudasset in responsione ad quæstionem illam, cur dica- tur *unus dies*.

Textum Sancti Thomæ integrum asserre præstat. Verba sunt loco citato ad 7. „ Dicendum, quod dicitur *unus dies* in prima diei institutione ad designandum, quod *vigintiquatuor horarum spatia* pertinent ad *unum diem* : unde per hoc, quod dicitur *unus*, præfigitur mensura diei naturalis. Vel propter hoc, ut significaret diem consummari per *reditum Solis ad unum*, & *idem punctum*. Vel quia completo septenario dierum, reditur ad pri- mum diem, qui est *unus cum octavo*. Et has tres rationes Basilius assi- gnat. “

Tres utique compendio collectas rationes latiore sermone declarat San- ctus Basilius in Hexameron Homilia II. Cur ergo Basilius prætereunt Amama, & Fabricius, ac unum vellicant Aquinatem? Injusta censura est. Rationem aliam addo, quam assert *Nebemanides* inter Hebræos doctus, qui

apud Fagium inter Criticos sacrosdicit : *unum* (diem) & *non primum* merito dici debuisse, cum nondum dies existerit, cujus respectu dicatur *primus*. Hanc ipse Fagius rationem vocat *simplicissimam*. Sunt vero rationes probabiles, verisimiles, convenientes: quas non adoptare licuit Ioanni Fabricio, licuit Sixtino Amatae; at censura ferire non licuit.

II. Dionysius Petavius Libro I. de Opificio sex dierum Capite IX num. 9. ita scribit: „ Quod primus ille dies.... non *primus* a Moysse, sed *unus*, nominatur, *mysticum nescio quid*, & *arcantum* redolere visum Graecis maxime Scriptoribus, ut Philoni, Basilio, Origeni Homilia prima in Genesim, Procopio, Casario, sed & Hebraeis quibusdam: nihil hoc est, cum sit perspicuum, linguae potius Hebraeae proprietati tribuendum illud esse, quae *cardinales* numeros pro *ordinalibus* frequenter usurpat. “

Reponam ego cum Theophilo Alethino, seu Joanne Clerico, in Nota ad hunc locum: *Quamvis non negem, cardinales numeros pro ordinalibus non raro usurpari apud Hebraeos, esse tamen aliam rationem, ob quam Moyses usus sit voce אחד unus, non voce ראשון primus*. Restat unum, num quas adhibuerit Sancti Patres rationes, nihil exhibeant quod leve sit, alienum, & ineptum, probabileque & convenientes appareant?

*Mysticum nescio quid, & arcantum* a Patribus proferri Petavius ait, quod nihil est. Fallitur sine dubio Vir doctissimus. Equidem Philo in Libro de Mundi Opificio commentum mysticum habet: *Non primum, sed unum* nominavit Opifex: qui sic dicitur propter singularitatem intelligibilis mundi, habentis naturam unitatis. Tertiam quoque, quam Basilius rationem avertit, in arcanis traditam vocat: & an ea potior haberi debeat, ac validior expendit. Sed rationes alias duas a *mysticis commentis* quis non videat plene diversas? Basilium sequitur Casarius in Dialogo III. qui prostat in Tomo V. Lugdunensis Bibliothecae Patrum: ac *mysticum* denique *nescio quid* minime redolet ratio Origenis Homilia I. in Genesim: *Non dixit dies prima, sed dixit dies una* ( inquit ) quia tempus nondum erat, antequam esset mundus: tempus autem esse incepit ex consequentibus diebus, secunda namque dies & tertia dies & quarta & reliquae omnes tempus incipiunt designare. Ratio eadem videtur, quam superius ex *Nehemide* descripsimus..

III. Ratio praeteriri non debet, quam indicat Theophilus Alethinus loco citato: *quam* scilicet, ( inquit ) *diversam plane a commentis mysticis Veterum invenies apud Joannem Clericum*, ( qui in Notis ad Theologica Dogmata Petavii appellare se voluit Theophilum Alethinum ) in commentario in Genesim. Quo in loco & ipse fallitur, qui rationes a Veteribus allatas ad *commenta mystica* pertinere consentit. Ait ille vero in citato Commentario in Genesim: „ *Unus* dictus est ille dies, non *primus*, ob rationem quam subinnuimus: nempe propter *noctis*, quae mundi creationem antecessit prolixitatem, in qua non plurium dierum, sed infinitarum myriadum annorum intervalla querrere quis potuisset? Sed ut diximus, quantumvis longa, *instar unius noctis*, in quatuor vigiliis trium horarum dividenda; habita est: quod nulla esset mensura, quae in plures dies divideretur, nedum in ea distingui possent anni. “ Clerici mentem magis patefaciunt, quae superius praemisera. Vesperam matutino tempori praeposuit Moyses: eaque porro ab Hebraeis praeposita est in dierum numeratione. Ceterum hoc in loco *dies unus* immensa *nocte*, quae lucem antecesserat, & luce duodecim horarum, constatus fuisse censetur: quod in nocte illa, quantumvis longa nulla cuiuscumque rei vicissitudo fuerit, quales sunt dierum vices, quae in certas dividi potuerit partes. “

*Mystici commenti* nihil est in hac ratione Clerici: quae tamen obtrudere mihi videtur ineptissimum *immensa veluti cuiusdam noctis*, lucis & mundi creationem antecedentis, commentum; ex qua nocte veluti in duodecima

horas.

horas divisâ, & ex qua luce duodecim horarum *dies unus* conflatus fuerit, qui fuit primus. Narrat Sacer Geneseos Auctor: *in principio creavisse Deum cælum, & terram: terram fuisse inane: & vacuum, & tenebras super faciem abyssi: factam a Deo lucem, & hanc divisam a tenebris: ac Deum lucem appellavisse diem, & tenebras noctem: & ex hac nocte, cujus initium est vespere, & ex hac die cujus initium est mane, factum esse diem unum, scilicet naturalem.* Quis in hoc loco non videat, noctem sive tenebras, ex quibus & ex luce primus dies naturalis conflatus est, illas esse quæ mundi creationem consequutæ sunt, ac sine ulla ratione noctem obrudi immensam, quæ mundi curationem antecesserit? Hunc vero diem cur Sacer Historicus potius unum non dixerit, quam primum, ut ipsum ejusdem mensuræ fuisse cum sequentibus diebus indicaret? Hinc etiam ab eodem scriptum legimus Exodi Capite XX. §. 17. & Capite XXXI. §. 11. *Sex diebus fecit Dominus cælum, & terram, & mare, & omnia quæ in eis sunt. & requievit in die septimo.*

Clerici commento ea maxime adversatur doctrina, quæ cæli ac terræ creationem refert ad primam diem, primamque diei naturalis partem in vespere, sive nocte, sive tenebris reponit. Hanc optime declarat Franciscus Sylvius in Commentario Articuli III. citati Qu. LXXIV. auctoritate innixus Thomæ Aquinatis. „Dicimus ergo, (inquit) *diem naturalem*, qui scilicet viginti, quatuor horas complectitur, a *nocte* initium habuisse, a *tenebris* nimirum illis, quæ in mundo erant, priusquam Deus *lucem* formaret: & tamen diem, hoc est *diei civilis* seu *artificialis* a *nocte artificiali* distinctionem, nem incepisse a *lucē*. In ipso enim mundi exordio primum fuerunt tenebræ, ac postea demum lux est creata: sed illæ tenebræ, antequam lux produceretur, non habebant rationem diei, neque noctis. Non *diei*, quia diem facit lux, quæ tunc nulla erat: non etiam *noctis*, quia nox dicitur ea diei naturalis portio, quæ distincte & oppositæ se habet ad diem civilem. Tunc autem neque ullus *diei civilis* fuerat, cui nox opponeretur: neque ullum in toto mundo erat luminare, quod esset aptum facere diem. At ubi Deus *lucem* fecit, ipse eam appellavit, seu fecit quod appellari posset *dies*: *tenebras* autem appellavit, seu fecit quod appellari posset *nox*; atque ita ex illo temporis puncto tenebræ illæ fortiter sunt rationem noctis. Istum explicandi modum insinuavit Beatus Thomas Qu. III. de Potentia Art. XVIII. ad 6. dicens: *Creatio cæli, & terræ ad primum diem pertinet: quia cum cælo, & terræ creatum est tempus, licet distinctio temporum quantum ad diem & noctem inceperit per lucem.* Hinc etiam animadvertit Sanctus Doctor L. P. Quæst. LXVI. Art. IV. ad 2. *Tempus (post mundi creationem, dum erant tenebræ,) quodammodo fuisse informe; & postmodum formatum, & distinctum per diem, & noctem.*

Sunt alii vero, tum antiqui Patres, tum recentes Doctores, qui diem naturalem existimant incepisse a luce: adeoque cælum & terram facta esse, ac tenebras etiam fuisse, ante omnem diem. At Clerico adversantur, qui noctem illam excogitavit immensam, mundi creatione priorem, in quatuor vigilas trium horarum dividendam. Laudatum Sylvium audire præstat: „Responderi potest, cælum & terram facta esse ante omnem diem: illudque *tantillum spatii*, quod ante productionem lucis erant tenebræ, neque *diem* fuisse, neque *noctem*, eoquod nullum luminare erat quod sua præsentia faceret diem, & sua absentia noctem: annumerari tamen *sex dies*, (quibus fecit Deus cælum, & terram, & mare, & omnia quæ in eis sunt.) Partim quia licet cælum & terra fuerint quoad substantiam creata ante omnem diem; spatio tamen sex dierum fuerunt formata, seu distincta, & ornata: neque plures dies impeniti fuerint in illorum creatione, distinctione, & ornatu, quam sex. Partim, quia spa-



„ *tium illud procedens fuit brevissimum* . Sicut autem consuetudo loquendi  
 „ habet, ut ea dicantur facta *in aliquo loco*, quæ juxta illum facta sunt: quo-  
 „ modo Christus *in Jerusalem* passurus significatur Lucæ XIII. 7. 33. qui-  
 „ men extra portam passus est, ad Hebræos XIII. 7. 12. Ita quædam facta  
 „ esse dicuntur *in aliquo certo temporis spatio*, etiam si paullo ante cœpta  
 „ sint fieri: v.g. ædificium aliquod recte diceretur factum esse spatio duo-  
 „ rum annorum, etiam si unus atque alter dies antecedens fuisset etiam  
 „ impensus. “

„ *Tantillum illud spatii*, ut ait Sylvius, quo ante productionem lucis e-  
 „ rant tenebræ, vocat *momentum unum* Philoponus apud Petavium Libro I.  
 „ de Opificio sex dierum Capite IX. num. 11. At hæc, inquit Vir doctissimus,  
 „ *mera est ariolatio: neque fidem Philoponus ullo argumento facit*. „ Ego vero,  
 „ (ait idem Auctor) aliquanto intervallo putem durasse primas i-  
 „ stas tenebras: & fortasse *plus uno, alterove die, aut etiam longius*, cujus  
 „ temporis modus nobis est incertus. Paullatim enim in rerum conditu  
 „ progredi divina sapientia voluit, & rude primum atque imperfectum  
 „ opus edere: ut qui tum spectatores erant Angeli, quibusdam veluti  
 „ gradibus ad perfectæ summæ Opificis sapientiæ intelligentiam erudiren-  
 „ tur, ac pedetentim per rerum creaturarum vestigia pervenirent. “ Nonne  
 „ vero hæc etiam Petavii *ariolatio quædam* videri possit? An *uno, alterove*  
 „ *die*, aut longiori spatio indiguerint Angeli, ut ad perfectæ Summæ Opifi-  
 „ cis sapientiæ intelligentiam erudirentur? Ita ego existimaverim, super ter-  
 „ ram fuisse tenebras dictum esse, ut intelligeremus mundum eo momento,  
 „ quo conditus est quoad omnium rerum substantiam, conditum fuisse sine  
 „ ornatu, & sine ulla distinctione: & hanc incepisse formationem mundi a  
 „ luce. Diligentiorum huiusmodi rerum indaginem non exposcit Aquina-  
 „ tis doctrina, quam vindicamus.

## CAPUT IV.

*Supposititia Cyrilli Alexandrini testimonia ab Aquinate in Summa Theologiæ al-  
 legari, falso notat Joannes Fabricius. Launojus, quem ipse laudet, tum  
 bonam Thomæ fidem, tum justum criterium vindicat. Animadvertiones.*

I. Inter ea, quæ Joannes Fabricius animadvertit, *abs Viris eruditis in  
 hac Summa* (Theologiæ) *observata fuisse, ac notata*, quarto loco sup-  
 „ posititia quædam *Cyrilli testimonia* recenset: *Subinde allegavit* (inquirens)  
 „ quædam e *Cyrillo Alexandrino ad probandum potestatem pontificiam*. Ea ve-  
 „ ro loca apud *Sanctum illum Scriptorem non reperiri, fuisse ostendit Joannes Lau-  
 nojus Epist. I. Parte I.*

In errorem statim incidit Cenfor: nec enim *Launojus*, aut si qui alii  
 „ sunt Viri docti, observaverunt umquam, Thomam Aquinatem in *Summa  
 Theologiæ* allegasse *Cyrilli testimonia*, quæ in eius Operibus non habentur.  
 „ Alias Thomæ lucubrationes indicat ipse Launojus: & ex his promittit  
 „ quæ sub *Cyrilli Alexandrini nomine* verba allegantur. „ Hæc testimo-  
 „ nia (inquit in Epistola I. ad Faurum P. I.) sic leguntur apud Beatum  
 „ Thomam: & primum quidem in IV. Dist. XXIV. Quæst. III. Art. II. (in  
 „ argum. prolusorio 2.) *Præterea B. Cyrillus Episcopus Alexandrinus dicit: ut  
 membra maneamus in Capite nostro Apostolico throno Romanorum Pontificum  
 „ &c.* In Libro contra impugnantes Religionem Capite III. sub finem: *un-  
 „ de dicit Cyrillus Alexandrinus Episcopus in Libro II. Theaurorum: Ur  
 membra maneamus &c.* (ut supra) Mox in Capite IV. Cui (Romano  
 „ Pontifici,) *ut Cyrillus dicit, omnes jure divino caput inclinant &c.* In  
 „ Opusculo contra errores Græcorum, (parte II. ubi Thomas agit de Ro-

mano Pontifice, ac tertio, quarto, quinto, sexto, & septimo capite hujus Tituli: ) *Dicit Cyrillus Patriarcha Alexandrinus in Libro Thesaurorum: Sicut Christus accepit a Patre ducatum, & sceptrum &c. Et etiam Nulli alii, quam Petro &c. Et infra: Pedes Christi humanitas est &c. Ibidem: Dicit enim Cyrillus in Libro Thesaurorum: ut membra maneamus &c. Et quibusdam interpositis: Dicit Cyrillus, quod ipse Apostolici Throni Romano- rum Pontificum solius est reprehendere &c. Ac ibidem: Dicit enim Cyrillus in Libro Thesaurorum: Itaque fratres, si Christum imitamur &c.*

Integra indicata testimonia, quæ sub nomine Cyrilli allegantur ab Aquinate, si comparentur invicem, & expendantur; perspicue cuique patebit, non tam esse plura testimonia, pluresque sententias, quam potius unius prolixioris testimonii particulas plures. Ab his differt illud, quod Launojus adjungit in Epistola II. ad eundem Faurum, Cyrillo in sua Catena tributum a Sancto Thoma. Ita refertur ad ea verba, *Tu es Petrus &c. Capite XVI. Matthæi: Cyrillus in Libr. Thesauri: secundum autem hanc Domini promissionem Ecclesia Apostolica Petri &c.* Hæc vero Cyrilliana testimonia ab Aquinate in Summa Theologia, aut alibi, adhibita fuisse, ostendit numquam Joannes Fabricius: ac sane Launoji nomine abutitur, ac si eadem testimonia ipse observaverit, notaveritque, in sua Theologiæ Summa ab Aquinate fuisse allegata.

II. Quinimo cum Launojus observaverit, in Theologiæ Summa, quam extremis vitæ annis sine dubio elucubravit Aquinas, eadem prorsus prætermitti in his locis testimonia, in quibus aptissimum locum habere potuissent; argumentum inde sumit haud certe leve, de ipsorum falsitate a Thoma jam ætate provento deprehensa, aut olfacta: quod ejus eruditionis, ac justiciæ criterii indicium est. Launoji verba assero, quæ Thomæ vindicias continent. Sic ait vero in Epistola I. citata ad Antonium Faurum a num. 4. „ Doctor Sanctus, cum esset junior Theologus, imponi sibi passus est „ ab eo, qui *relata testimonia Cyrillo Alexandrino supposita*. Verum enim „ vero ad maturiorem cum pervenit ætatem, factus doctior & cautior, „ testimonia hæc pro derelicto habuit: & silentio, *deprehenso, vel saltem „ olfacte falsitatis indice*, suppressit. Inter omnes convenit, *Theologiæ Summam* Doctoris Sancti opus esse ultimum, & exteroqui perfectissimum: „ quod tamen, priusquam demigraret ab hominibus, absolvere non potuit. In *Secunda Secundæ* sunt loca maxime tria, quæ nec minus utiliter, nec minus opportune, quam *Commentarius in quartum sententiarum*, „ & *opuscula contra expugnantes Religionem*, & *contra errores Græcorum*, „ videntur auctoritates illas omnes, vel certe aliquas postulare, si qua „ veritate nitantur.

„ Locus primus est in *Questionis I. Articulo X.* cui titulus: *utrum ad „ Summum Pontificem pertineat Fidei Symbolum ordinare*.... Alter est in „ *Questionis XI. Articulo II.* cui titulus: *utrum beatus sit proprie circa „ ea, quæ sunt fidei*.... Tertius in *Questionis XXXIX. Articulo I.* cui titulus: *utrum schisma sit peccatum speciale*.... His tribus locis adjungo quartum, qui repetitur ex *Quodlibeti IX. Articulo IX.* ubi de Romano Pontifice, homines pios in Sanctorum album referente, agitur.... „ Ecce tibi *loca quatuor*, in quibus firmamenti, ac roboris non parum attulissent *relata Cyrilli testimonia*.... Prætermisionis causa quæ? Nisi quod „ Thomas, factus consultor, falsitatem suboluit, quam minus consultus „ olim subolere non potuerat. „ Addere hæc alia ejusdem Launoji pauca verba liceat, quæ habentur Parte V. Epistola IX. ad Thomam Fortinum, contra Vincentium Baronem Dominicanum, Capite VI. num. 34. *Epistolæ nostrarum*, inquit, in quibus *de subjectis quibusdam Cyrillo testimoniis agitur, scopus non est, Sanctum Thomam vel inscitiam, vel male fi-* „ *dei,*

*dei, vel negligentiae nomine accusare. Scopus est tantum ostendere: Testimonia, quae Thomas ex Cyrillo repetit, Cyrilli non esse: & Thomae fraudulentè obreptum... ab incognito homine, qui Doctori Sancto, cum esset junior Theologus, afflicta Cyrillo testimonia subministravit.*

Minus accurate nonnulla obrudi abs Launojo, dicendum est numero insequente. Quae vero disserit ille, sine dubio Joannem Fabricium redarguunt, qui subiecta Cyrillo Alexandrino testimonia fuisse a Thoma Aquinate in sua *Theologiae Summa* relata, imperite ac falso notavit. Castigant etiam Riveti audaciam, Libro IV. Critici Sacri Capite XIX. *Auctor falsi fuit, iniquitatis, Thomas Aquinas in Opusculo adversus Graecos, qui primus ex Cyrilli Thesaurorum libris tyrannidem Pontificis Romani asserere voluit.* Verum denique vapulat quoque Casimirus Oudinus, qui hæc inepta, & falsa, & iniqua Riveti dicta adhibere non erubuit in sua Dissertatione *de Vita & scriptis Sancti Cyrilli Alexandriae Episcopi* Capite V. Tomo I. Commentarii de scriptoribus Ecclesiae antiquis &c.

III. Ueberiores Thomæ nostri Sanctissimi, indicata Cyrilli Alexandrini testimonia elegantis, viciatias, regimus in Admonitione prævia, sive Dissertatione in ejus *Expositionem continuam, quæ appellatur Catena Aurea*, & in alia quæ priora ejusdem Opuscula ad examen vocat. Animadversiones nonnullas decerpere liceat, & hoc loco proferre, ac etiam illustrare.

Sancto Thomæ, cum nonnisi junior Theologus esset, fraudulentè obreptum fuisse afflicta Cyrillo testimoniis, minus vere scribit Launojus. Post annum 1256. elucubratum contra impugnantes Religionem Opusculum, & post annum 1262. consecratam *Catenam auream*, ostendimus in Dissertationibus. Cum his ergo in locis prædicta Cyrilli testimonia citaverit Aquinas; certo evincitur, uti eisdem ipsum voluisse jam provectiorem effectum. Sed ea demum prætermisit in *Summa*, quam anno circiter 1265. elucubrare coepit. Cur vero? Launoji conjectura verisimillima est, quod nempe maturiore demum inito examine, falsitatem subolfecerit, aut etiam deprehenderit. Voluerit quoque, si placeat, gravissimo in opere testimoniis abstinere, quæ pro dubiis incertisque semper habuerit. Subacti ingenii, singularisque prudentiæ haud leve argumentum est.

Ait rursus Launojus: *imponi sibi passum esse Thomam ab eo, qui relata testimonia Cyrillo Alexandrino supposuit, & Doctori Sancto Aquinati subministravit.* Quod etiam minus vere, & accurate dictum. Immo injuriam Aquinati inferit Launojus, ac si tam facilis ac levis fidei ille fuerit, ut Cyrilli testimonia, quæ nuper quispiam protulerit, sibi subministraverit sine vade, statim exceperit, adhibueritque suis in operibus. Dubium nulum esse debet, in aliqua *Sententiarum Patrum Collectione*, quæ ferebatur, prædicta testimonia sub Cyrilli nomine existisse: ac inde vel ab ipso Thoma deprompta; vel ab alio qui prompserit, Thomæ subministrata fuisse.

Quod aio, perspicue confirmat Libellus ille quem a Summo Pontifice Urbano IV. accepit Thomas, ut Græcorum Patrum quamplures auctoritates, quæ latine translatae in eo continebantur, expenderet, ac illustraret. In hoc vero Libello exstant *Cyrilli testimonia*, quæ in Commentario *Sententiarum*, & in Opusculo contra impugnantes Religionem allegaverat Aquinas. Non ergo *Doctor Sanctus, cum esset junior Theologus*, (ut ait Launojus,) *imponi sibi passus est ab eo, qui relata testimonia Cyrillo Alexandrino supposuit*; sed eadem ex *Collectionibus* quæ ferebantur deprompta, allegabat Sanctus Doctor.

Vincentio Baroni, qui simili quadam animadversione Launojum oppugnaverat, Doctor ipse Sorbonicus reponit Parte V. Epistola IX. ad

ad Thomam Fortunum Capite VI. num. 35. „ In *Libello*, ( in-  
 „ quiens, ) quem Urbanus Thomæ ad examinandum dedit, fuisse illa o-  
 „ mnia *Cyrylli testimonia*, quæ sunt in *Opusculo contra Græcorum errores*,  
 „ Baro tam facile pronuntiat, acsi *Libellum* vidisset aliquando, & perle-  
 „ gisset. *Opusculum* contra Græcorum errores duas in partes tribuitur.  
 „ Prior continet *Capita XXXII.* quorum unicuique præfigitur, *quomodo in-*  
 „ *telligatur* hoc, vel istud alicujus Græci Patris dictum. *Posterior* habet  
 „ *Capita XXXVI.* in quorum titulo, *quomodo intelligatur* hoc vel illud a-  
 „ llicujus Græci Patris dictum non ponitur amplius; sed simplex argumen-  
 „ tum rei, quæ deinceps tractanda est. Ex quo *pars posterior* non ita vi-  
 „ detur pertinere ad *priorem*, in qua *Libellus* Thomæ ab Urbano IV. da-  
 „ tus expenditur. „ Fallitur egregie Launojus. Tum Patrum testimonia,  
 quæ *priori* in parte expendantur, tum illa quæ habentur in *posteriori*,  
 in eo *Libello* existitisse, quem Thomæ examinandum dederat Summus Pon-  
 tificex, ex pluribus evincitur ipsius Thomæ verbis in suo *Opusculo*. In  
 Præfatione *prioris partis* hæc habentur: *Proposui primo ea, quæ dubia esse*  
*videntur in auctoritatibus prædictis, exponere: & postmodum ostendere, quo-*  
*modo ex eis veritas catholicæ fidei & doceatur, & defendatur.* Illud in *prio-*  
*ri parte* præstat Aquinas, ac istud in *posteriori*: unde quæ in utraque par-  
 te testimonia Græcorum Patrum occurrunt, continebat *Libellus* ille. In  
 Præfatione *alterius partis* verba sunt: *His igitur expositis, (difficilibus*  
*nempe aliquibus Patrum Græcorum sententis explanatis, ostendendum est,*  
*quomodo ex auctoritatibus in prædicto Libello contentis vera fides doceatur,*  
*& contra errores defenditur.* Erant ergo in eo *Libello*, non solum dubiæ  
 difficileque Patrum sententiæ, quas *priori* in parte *Opusculi* explanat A-  
 quinas; verum etiam testimonia, ad fidem docendam erroresque refellen-  
 dos aptissima, quæ in *posteriori* parte recensentur. In *Opusculi* Conclusio-  
 ne sic ait Sanctus Doctor: *Hæc sunt, Pater sanctissime, quæ ex auctoritati-*  
*bus Doctorum Græcorum, secundum vestram iussionem excepi, & exponenda,*  
*& ad confirmationem veræ fidei inducenda.* Utriusque partis auctoritates per-  
 spicue indicantur, quas *Libellus* complectebatur. His demum verbis *Opus-*  
*culum* absolvitur: *Sunt autem fortassis & alia in prædicto Libello, quæ vel*  
*dubia esse possunt, & expositione indigent; sed quæ ad fidei asserionem utilia*  
*esse possunt, ad ea quæ præmissa sunt, ut credo, omnia possunt reduci.* Claris-  
 sima verba sunt, quæ motum a Launojo dubium eliminant: certumque  
 faciunt, in *Libello*, qui Thomæ traditus fuit, exstasse Patrum testimo-  
 nia, sive quæ in *priori* *Opusculi* parte exponuntur, sive quæ in parte *altera*  
*inducuntur ad veræ fidei confirmationem.* Hæc duo sunt imposita Aquina-  
 ti munera, quibus ipse egregie desingitur, fide relicta penes *Libelli* A-  
 uctorem, an recte, an falso collectæ auctoritates sub Patrum nominibus,  
 quæ præfixa legebantur, excerptæ essent. Verba quædam sub Cyrylli no-  
 mine jam Thomæ innotuerant, antequam *Libellum* a Summo Pontifice ac-  
 ciperet: quod est argumento, eadem in aliis quibuscumque collectionibus ex-  
 stasse, aut prædictum libellum jam antea notum fuisse Aquinati. His ipse  
 in *Commentario Sententiarum*, & in *Opusculo contra impugnantes Religionem*  
 ulus est: quæ consultior denique factus in postremo *Summæ Theologicæ* o-  
 pere prætermisit.

Ipsius Thomæ ætate, opus græce, & latine, quod inscribitur ο' *Συναγωγὴ*  
*τῶν ἀδελφῶν τῆς πίστεως, Thesaurus veritatis fidei*, scribebat Bonacursius ordi-  
 nis Prædicatorum, Italus ille, & patria ac professione Bononientis, qui plu-  
 res annos in Provincia Græciæ vitam egit. Opus idem, cujus exemplaria  
 duo Mss. exstabant in Bibliotheca Colbertina, diligentissime recenset Ja-  
 cobus Echardus in Scriptoriis Ordinis Prædicatorum Tomo I. ad annum  
 1260. Tractatus continentur 1. de Spiritu sancto. 2. de Purgatorio. 3. de

*Paradiso*. 4. de *Inferno*. 5. quod *Christus* fecit pascha legale in die, & hora debitis. 6. quod *B. Petrus* habuit prerogativam dignitatis super omnes *Apostolos*, & plenitudinem potestatis, & successores ejus. In quinto Tractatu mentio fit *Libri Fratris Thomæ* contra *Græcos* de azymo & fermentato. Hinc innotescit, suum in opus adhuc incubuisse *Bonacursium* post editum ab *Aquinatæ* opusculum contra errores *Græcorum*.

In sexto Tractatu prolixam ex *Sancti Cyrilli Alexandrini* Libro II. Thesaurorum adducitur testimonium de *Romani Pontificis potestate*: illud ipsum nempe, quod per particulas habetur apud *Aquinatæ* in altera Opusculi contra *Græcos* parte, ut etiam admonuimus num. 1. Jam vero colligitur 1. *Thomæ*, & *Bonacursii* ætate, testimonium illud sub nomine *Cyrilli* vulgatum fuisse: & inter Patrum sententias, quæ colligebantur, exstasse. Colligitur 2. ejusdem testimonii suppositionem, aliorumque sive sub *Cyrilli*, sive sub aliorum Patrum nomine, remotiore ætate jam factam, cum idem *Cyrilli* testimonium in *Sententiarum Commentario* citaverit *Thomas*. Colligitur 3. ejusdem *Thomæ* bonam fidem in tuto esse, qui jam vulgata citabat testimonia: sed etiam innotescere justum ejus criterium, cum in aliis denique Operibus, maximeque in *Summa Theologiæ*, prædictum & alia testimonia prætermiserit.

Animadvertere demum præstat, *Cyrilli* testimonium, quod in *Catena aurea* citatur Capite XVI. *Matthæi* ad illa verba *Tu es Petrus* &c. non eundem habere Auctorem, qui alia de quibus egimus, testimonia supposuit sub ejusdem *Cyrilli* nomine. Invicem eadem comparata: ac stylium plane diversum deprehendes, rudem in istis, elegantiorē in illo. Verba sunt: *Secundum hanc Domini promissionem Ecclesia Apostolica Petri ab omni seductione, hereticæque circumventionē manet immaculata, super omnes Præpositos, & Episcopos, & super omnes Primates Ecclesiarum & populorum, in suis Pontificibus in fide plenissima & auctoritate Petri. Et cum aliæ Ecclesiæ quorundam errore sint verecundatæ, stabilita iniquissimè ipsa sola regnat, silentium imponens, & omnium obturans ora Hereticorum, & nos necessario salutis, non decepti superbia, neque vino superbiæ inebriati, typum veritatis, & sanctæ Apostolicæ traditionis, una cum ipsa confitemur, & predicamus.* Ad hunc *Catena* locum adnotavit *Nicolajus*: simile quippiam legi in *Epistola Marci Papæ ad Athanasium*, & omnes *Aegypti Episcopi*. Fons verus, unde sententia illa fluxerit, ignotus mihi. Cæterum tametsi hæc *Cyrilli* testimonia habeantur supposititia; nihil exinde Primatui *Petri*, ac successorum ejus decedit, qui non incertis hujusmodi testimoniis innititur, & quem nullus catholicorum est qui non agnoscat, ac veneretur.

# I N D E X

## QUAESTIONUM, ET ARTICULORUM.

Quae in hoc volumine continentur.

### TERTIAE PARTIS

#### SUMMAE THEOLOGICAE

#### QUAESTIO I.

De convenientia incarnationis  
Christi.

- 1 **U**trum conveniens fuerit Deum incarnari.
- 2 utrum fuerit necessarium ad reparationem humani generis.
- 3 utrum, si non fuisset peccatum, Deus fuisset incarnatus.
- 4 utrum principaliter sit incarnatus ad tollendum originale peccatum, quam accidentale.
- 5 utrum conveniens fuerit Deum incarnari principio mundi?
- 6 utrum eius incarnatio differri debuerit usque ad finem mundi.

#### QUAESTIO II.

De modo unionis Verbi incarnati quoad ipsam unionem.

- 1 utrum unio Verbi incarnati sit facta in natura.
- 2 utrum sit facta in persona.
- 3 utrum sit facta in supposito, vel hypostasi.
- 4 utrum persona, vel hypostasis Christi post incarnationem sit composita.
- 5 utrum sit facta aliqua unio animae, et corporis in Christo.
- 6 utrum natura humana fuerit unita Verbo accidentaliter.
- 7 utrum ipsa unio sit aliquid creatum.
- 8 utrum sit idem quod assumptio.
- 9 utrum sit maxima unionum quae creaturis conveniunt.
- 10 utrum unio duarum naturarum in Christo fuerit facta per gratiam.
- 11 utrum eam aliqua merita praecesserint.
- 12 utrum gratia fuerit homini Christo naturalis.

#### QUAESTIO III.

De modo unionis ex parte personae  
assumentis.

- 1 utrum assumere conveniat personae divinae.
- 2 utrum conveniat divinae naturae.
- 3 utrum natura possit assumere, abstracta personalitate.
- 4 utrum una persona possit assumere sine alia.
- 5 utrum quilibet persona possit assumere.
- 6 utrum plures personae possint assumere unam naturam numero.
- 7 utrum una persona possit assumere duas naturas numero.
- 8 utrum magis fuerit conveniens de persona Filii, quod assumpsit humanam naturam, quam de alia persona divina.

#### QUAESTIO IV.

De modo unionis ex parte naturae  
humanae assumptae.

- 1 utrum humana natura fuerit magis assumptibilis a Filio Dei quam alia natura.
- 2 utrum assumpsit personam.
- 3 utrum assumpsit hominem.
- 4 utrum fuisset conveniens quod assumpsisset humanam naturam separatam a singularibus.
- 5 utrum fuisset conveniens quod assumpsisset humanam naturam in omnibus eius singularibus.
- 6 utrum fuisset conveniens quod assumpsisset humanam naturam in aliquo homine ex stirpe Adae progenito.

## QUAESTIO V.

De modo unionis ex parte partium  
humanae naturae.

- 1 utrum Filius debuerit assumere verum corpus.
- 2 utrum debuerit assumere corpus terrenum, scilicet carnem, & sanguinem.
- 3 utrum assumeret animam.
- 4 utrum assumere debuerit intellectum.

## QUAESTIO VI.

De modo assumptionis quantum ad  
ordinem.

- 1 utrum Filius Dei assumpsit carnem, mediante anima.
- 2 utrum assumpsit animam mediante spiritu, sive mente.
- 3 utrum anima fuit prius assumpta quam caro.
- 4 utrum caro fuerit prius assumpta quam anima unita.
- 5 utrum tota natura humana sit assumpta mediantibus partibus.
- 6 utrum Filius Dei assumpsit humanam naturam, mediante gratia.

## QUAESTIO VII.

De coassumptis a Filio Dei in humana  
natura pertinentibus ad perfectionem,  
& primo de gratia Christi, prout est  
singularis homo.

- 1 utrum in anima Christi sit aliqua gratia habitualis.
- 2 utrum in Christo fuerint virtutes.
- 3 utrum in Christo fuerit fides.
- 4 utrum in Christo fuerit spes.
- 5 utrum in Christo fuerint dona.
- 6 utrum in Christo fuerit donum timoris.
- 7 utrum in Christo fuerint gratiae gratis datae.
- 8 utrum in Christo fuerit prophetia.
- 9 utrum in Christo sit plenitudo gratiae.
- 10 utrum talis plenitudo sit propria Christi.
- 11 utrum gratia Christi sit infinita.
- 12 utrum gratia Christi potuerit angari.
- 13 quaeritur haec gratia se habeat ad unionem, an scilicet subsequatur, vel praecedat.

## QUAESTIO VIII.

De gratia Christi, secundum quod  
est caput Ecclesiae.

- 1 utrum Christus sit caput Ecclesiae.
- 2 utrum sit caput omnium quantum ad corpora, vel solum quantum ad animas.
- 3 utrum sit caput omnium hominum.
- 4 utrum sit caput Angelorum.
- 5 utrum gratia, secundum quam est caput Ecclesiae, sit eadem cum gratia habituali, secundum quam est quidam homo singularis.
- 6 utrum esse caput Ecclesiae sit proprium Christi.
- 7 utrum diabolus sit caput omnium malorum.
- 8 utrum Antichristus possit etiam dici caput malorum.

## QUAESTIO IX.

De coassumptis a Filio Dei in natura  
humana pertinentibus ad perfectionem,  
scilicet de scientia Christi in com-  
muni.

- 1 utrum Christus habuerit aliquam scientiam praeter divinam.
- 2 utrum habuerit scientiam, quam habent beati vel comprehensores.
- 3 utrum habuerit scientiam inditam, vel infusam.
- 4 utrum habuerit aliquam scientiam acquisitam.

## QUAESTIO X.

De scientia beata, quae pertinet ad  
animam Christi.

- 1 utrum anima Christi comprehenderit Verbum, sive divinam essentiam.
- 2 utrum cognoverit omnia in Verbo.
- 3 utrum anima in Verbo cognoverit infinita.
- 4 utrum videat Verbum, sive divinam essentiam clarius qualibet alia creatura.

## QUAESTIO XI.

De scientia indita, vel infusa animae  
Christi.

- 1 utrum secundum hanc scientiam Christus sciat omnia.

2 utrumque

- 1 *utrum hac scientia uti potueris non convertendo se ad phantasmata.*
- 3 *utrum hac scientia fuerit collativa.*
- 4 *utrum hac scientia in Christo fuerit minor scientia Angelorum.*
- 5 *utrum fuerit scientia habitualis.*
- 6 *utrum fuerit distincta per diversos habitus.*

QUAESTIO XII.

De scientia animæ Christi acquisita, vel experimental.

- 1 *utrum secundum hanc scientiam cognoverit omnia.*
- 2 *utrum in hac scientia profecerit.*
- 3 *utrum aliquid ab homine didicerit.*
- 4 *utrum Christus aliquid acceperit ab Angelis.*

QUAESTIO XIII.

De potentia animæ Christi.

- 1 *utrum habueris omnipotentiam simpliciter.*
- 2 *utrum habueris omnipotentiam respectu corporalium creaturarum.*
- 3 *utrum habueris omnipotentiam respectu proprii corporis.*
- 4 *utrum habueris omnipotentiam respectu propriæ suæ voluntatis.*

QUAESTIO XIV.

De defectibus, quos Christus in humana natura assumpsit quantum ad corpus.

- 1 *utrum Filius Dei assumere debuerit in humana natura corporis defectus.*
- 2 *utrum assumpserit necessitatem his defectibus subiacendi.*
- 3 *utrum contraxerit hos defectus.*
- 4 *utrum assumpserit omnes huiusmodi defectus.*

QUAESTIO XV.

De defectibus, quos Christus assumpsit in humana natura, quantum ad animam.

- 1 *utrum in Christo fuerit peccatum.*
- 2 *utrum in eo fuerit fomes peccati.*
- 3 *utrum in eo fuerit ignorantia.*
- 4 *utrum anima Christi fuerit passibilis.*
- 5 *utrum in Christo fuerit dolor sensibilis.*

- 6 *utrum in Christo fuerit tristitia.*
- 7 *utrum in Christo fuerit timor.*
- 8 *utrum in Christo fuerit admiratio.*
- 9 *utrum in Christo fuerit ira.*
- 10 *utrum simul fuerit viator, & comprehensor.*

QUAESTIO XVI.

De his quæ consequuntur unionem quantum ad ea quæ conveniunt Christo secundum se.

- 1 *utrum hac sit vera, Deus est homo.*
- 2 *utrum hac sit vera, Homo est Deus.*
- 3 *utrum Christus possit dici homo dominicus.*
- 4 *utrum ea quæ conveniunt filio hominis, possint prædicari de Filio Dei, & e converso.*
- 5 *utrum ea quæ conveniunt filio hominis, possint prædicari de divina natura, & de humana ea quæ conveniunt Filio Dei.*
- 6 *utrum hac sit vera, Deus factus est homo.*
- 7 *utrum hac sit vera, Homo factus est Deus.*
- 8 *utrum hac sit vera, Christus factus est creatura.*
- 9 *utrum hac sit vera, Ille homo (demonstrato Christo) incepit esse, vel fuit semper.*
- 10 *utrum hac sit vera, Christus, secundum quod homo, est creatura.*
- 11 *utrum hac sit vera, Christus, secundum quod homo, est Deus.*
- 12 *utrum hac sit vera, Christus, secundum quod homo, est hypostasis, vel persona.*

QUAESTIO XVII.

De his quæ pertinent ad unitatem Christi quantum ad esse.

- 1 *utrum Christus sit unum, vel duo.*
- 2 *utrum in Christo sit tantum unum esse.*

QUAESTIO XVIII.

De his quæ pertinent ad unitatem Christi quantum ad voluntatem.

- 1 *utrum in Christo sit alia voluntas divina, & alia humana.*
- 2 *utrum in humana natura Christi sit alia voluntas respectu sensualitatis, & alia respectu rationis.*

3 *utrum*



*utrum ex parte rationis fuerint in Christo plures voluntates.*

- 4 *utrum in Christo fuerit liberum arbitrium.*
- 5 *utrum voluntas humana Christi fuerit omnino conformis voluntati divinae in volitis.*
- 6 *utrum in Christo fuerit aliqua contrarietas voluntatum.*

### QUAESTIO XIX.

De his quae pertinent ad unitatem quantum ad operationem Christi.

- 1 *utrum in Christo fuerit una operatio Divinitatis, & humanitatis, vel plures.*
- 2 *utrum in Christo fuerint plures operationes secundum humanam naturam.*
- 3 *utrum secundum operationem humanam aliquid sibi meruerit.*
- 4 *utrum per eam aliquid nobis meruerit.*

### QUAESTIO XX.

De his quae conveniunt Christo secundum subiectionem eius ad Patrem.

- 1 *utrum Christus sit subiectus Patri.*
- 2 *utrum sit subiectus sibiipso.*

### QUAESTIO XXI.

De oratione Christi.

- 1 *utrum Christo conveniat orare.*
- 2 *utrum conveniat sibi secundum sensualem.*
- 3 *utrum conveniat sibi orare pro seipso, an pro aliis tantum.*
- 4 *utrum oratio eius sit exaudita.*

### QUAESTIO XXII.

De sacerdotio Christi.

- 1 *utrum conveniat Christo esse sacerdotem.*
- 2 *de hostia huius sacerdotis.*
- 3 *de effectu huius sacerdotii.*
- 4 *utrum effectus sacerdotii huius pertineat ad ipsum solum, an ad alios.*
- 5 *utrum sit aeternum sacerdotium eius.*
- 6 *utrum debeat dici sacerdos secundum ordinem Melchisedech.*

### QUAESTIO XXIII.

De adoptione Christi.

- 1 *utrum conveniat Deo filios adoptare.*
- 2 *utrum hoc conveniat soli Deo Patri.*
- 3 *utrum sit proprium hominum adoptare filios.*
- 4 *utrum Christus possit dici filius adoptivus.*

### QUAESTIO XXIV.

De praedestinatione Christi.

- 1 *utrum Christus sit praedestinatus.*
- 2 *utrum sit praedestinatus, secundum quod homo.*
- 3 *utrum eius praedestinatio sit exemplar nostrae praedestinationis.*
- 4 *utrum sit causa nostrae praedestinationis.*

### QUAESTIO XXV.

De adoratione Christi.

- 1 *utrum una & eadem adoratione sit adoranda Divinitas Christi, & eius humanitas.*
- 2 *utrum caro Christi sit adoranda adoratione laetiae.*
- 3 *utrum adoratio laetiae sit exhibenda imaginis Christi.*
- 4 *utrum sit exhibenda cruci Christi.*
- 5 *utrum sit exhibenda Matri eius.*
- 6 *utrum reliquiae Sanctorum sint adorandae.*

### QUAESTIO XXVI.

De hoc quod Christus dicitur Dei, & hominum mediator.

- 1 *utrum esse mediatorem Dei, & hominum sit proprium Christo.*
- 2 *utrum hoc ei conveniat secundum humanam naturam.*

### QUAESTIO XXVII.

De sanctificatione B. Virginis.

- 1 *utrum B. Virgo fuerit sanctificata ante nativitatem ex utero.*
- 2 *utrum fuerit sanctificata ante conceptionem.*
- 3 *utrum per huiusmodi sanctificationem suc-*

*fuerit sibi subalter totaliter fomes peccati.*

4 *utrum per huiusmodi sanctificationem fuerit consecuta ut nunquam peccaret.*

5 *utrum per huiusmodi sanctificationem adeptas fuerit plenitudinem gratiarum.*

6 *utrum sic sanctificari fuerit ei proprium post Christum.*

QUAESTIO XXVIII.

De virginitate B. Mariæ.

1 *utrum fuerit virgo in concipiendo.*

2 *utrum fuerit virgo in partu.*

3 *utrum permanferit virgo post partum.*

4 *utrum votum virginitatis emiserit.*

QUAESTIO XXIX.

De desponsatione matris Dei.

1 *utrum Christus debuerit de desponsata nasci.*

2 *utrum fuerit verum matrimonium inter Matrem Domini, & Ioseph.*

QUAESTIO XXX.

De annuntiatione B. Virginis.

1 *utrum conueniens fuerit annuntiari ei, quod in ea generandum erat.*

2 *utrum conueniens fuerit ei annuntiari per Angelum.*

3 *de modo, per quem ei annuntiari debebat.*

4 *de ordine annuntiationis.*

QUAESTIO XXXI.

De conceptione Salvatoris, quantum ad materiam, de qua corpus eius est conceptum.

1 *utrum caro Christi fuerit sumpta de Adam.*

2 *utrum fuerit sumpta de David.*

3 *utrum genealogia Christi conuenienter texatur ab Evangelista.*

4 *utrum decuerit Christum nasci de femina.*

5 *utrum fuerit de purissimis sanguinibus Virginis eius corpus formatum.*

6 *utrum caro Christi fuerit in antiquis Patribus secundum aliquid signatum.*

7 *utrum caro Christi in Patribus fuerit peccato obnoxia.*

8 *utrum fuerit decimata in lumbis Abrahamæ.*

QUAESTIO XXXII.

De conceptione Christi quantum ad principium actuum.

1 *utrum Spiritus sanctus fuerit principium actuum in conceptione Christi.*

2 *utrum possit dici, quod Christus sit conceptus de Spiritu sancto.*

3 *utrum possit dici, quod Spiritus sanctus sit pater Christi secundum carnem.*

4 *utrum B. Virgo aliquid active egerit in conceptione Christi.*

QUAESTIO XXXIII.

De modo, & ordine conceptionis Christi.

1 *utrum corpus Christi in primo instanti conceptionis fuerit formatum.*

2 *utrum in primo instanti conceptionis fuerit animatum.*

3 *utrum in primo instanti conceptionis fuerit a Verbo assumptum.*

4 *utrum conceptio illa fuerit naturalis, vel miraculosa.*

QUAESTIO XXXIV.

De perfectione proles conceptæ.

1 *utrum in primo instanti conceptionis Christus fuerit sanctificatus per gratiam.*

2 *utrum in eodem instanti habuerit usum liberi arbitrii.*

3 *utrum in eodem instanti posuerit mereri.*

4 *utrum in eodem instanti fuerit plene comprehensor.*

QUAESTIO XXXV.

De nativitate Salvatoris.

1 *utrum nativitas sit natura, vel personæ.*

2 *utrum Christo sit attribuenda alia nativitas, præter æternam.*

3 *utrum secundum nativitatem temporalem beata Virgo sit mater Christi.*

4 *utrum debeat dici mater Dei.*

5 *utrum Christus secundum duas filiationes sit filius Dei Patris, & Virginis Matris.*

6 de

- 6 de modo natiuitatis, utrum scilicet fuerit natus sine dolore matris.  
 7 utrum conueniens fuerit eum nasci in Betlehem.  
 8 utrum fuerit congruo tempore natus.

## QUAESTIO XXXVI.

De manifestatione Christi nati.

- 1 utrum natiuitas Christi debuerit esse omnibus manifesta.  
 2 utrum debuerit aliquibus manifestari.  
 3 quibus manifestari debuerit.  
 4 utrum debuerit ipse se manifestare, vel potius manifestari per alios.  
 5 per qualia manifestari debuerit.  
 6 de ordine manifestationis.  
 7 de stella, per quam manifestata fuit eius natiuitas.  
 8 de ueneratione Magorum, qui per stellam Christi natiuitatem cognouerunt.

## QUAESTIO XXXVII.

De legalibus circa puerum Iesum observatis.

- 1 utrum voluerit circumcidi.  
 2 utrum fuerit conuenienter ei nomen impositum.  
 3 utrum debuerit offerri in templo.  
 4 utrum mater Dei debuerit purganda ad templum accedere.

## QUAESTIO XXXVIII.

De baptismo Ioannis.

- 1 utrum conueniens fuerit quod Ioannes baptizaret.  
 2 utrum ille baptismus fuerit a Deo.  
 3 utrum contulerit gratiam.  
 4 utrum alii praeter Christum illo baptismo debuerint baptizari.  
 5 utrum baptismus ille cessare debuerit, Christo baptizato.  
 6 utrum baptizati baptismo Ioannis essent postea baptizandi baptismo Christi.

## QUAESTIO XXXIX.

De baptizatione Christi.

- 1 utrum Christus debuerit baptizari.  
 2 utrum debuerit baptizari baptismo Ioannis.

- 3 de tempore baptismi.  
 4 de loco baptismi.  
 5 de eo quod sunt ei caeli aperti.  
 6 de Spiritus sancti apparitione in specie columbae.  
 7 utrum illa columba fuerit verum animal.  
 8 de voce paterni testimonii.

## QUAESTIO XL.

De modo conversationis Christi.

- 1 utrum Christus debuerit solitariam vitam ducere, an inter homines conversari.  
 2 utrum debuerit auferam vitam ducere in cibo, & potu, & vestitu, an alius communem.  
 3 utrum debuerit abiectione vivere in hoc mundo, an in diuitiis, & honore.  
 4 utrum debuerit vivere secundum legem.

## QUAESTIO XLI.

De tentatione Christi.

- 1 utrum conueniens fuerit Christum tentari.  
 2 de loco tentationis.  
 3 de tempore tentationis.  
 4 de modo, & ordine tentationis.

## QUAESTIO XLII.

De doctrina Christi.

- 1 utrum Christus debuerit praedicare solum Iudeis, vel etiam Gentilibus.  
 2 utrum in sua praedicatione debueriturbationem Iudeorum vitare.  
 3 utrum debuerit praedicare publice, vel occulte.  
 4 utrum debuerit docere solo verbo, vel etiam scripto.

## QUAESTIO XLIII.

De miraculis a Christo factis in generali.

- 1 utrum Christus debuerit miracula facere.  
 2 utrum fecerit ea virtute diuina.  
 3 utrum tempore incepit miracula facere.  
 4 utrum per miracula fuerit sufficienter assensus eius diuinitas.

QUAESTIO XLIV.

De miraculis Christi in speciali.

- 1 de miraculis quae Christus fecit circa spirituales substantias, utrum fuerint convenientia.
- 2 de miraculis quae Christus fecit circa ecclesiastica corpora.
- 3 de miraculis quae Christus fecit circa homines.
- 4 de miraculis quae Christus fecit circa irracionales creaturas.

QUAESTIO XLV.

De transfiguratione Christi.

- 1 utrum conveniens fuerit Christum transfigurari.
- 2 utrum claritas transfigurationis fuerit claritas gloriosa.
- 3 utrum convenienter adducti fuerint testes huiusmodi transfigurationis.
- 4 de testimonio paternae vocis.

QUAESTIO XLVI.

De passione Christi.

- 1 utrum conveniens fuerit Christum pati pro liberatione hominum.
- 2 utrum fuerit alius modus possibilis liberationis humanae.
- 3 utrum iste modus fuerit convenientior.
- 4 utrum fuerit conveniens quod in cruce pateretur.
- 5 utrum sustinuerit omnes passiones.
- 6 utrum dolor quem in passione sustinuit, fuerit maximus.
- 7 utrum tota anima eius pateretur.
- 8 utrum passio eius impediverit gaudium fruitionis.
- 9 de tempore passionis.
- 10 de loco passionis.
- 11 utrum fuerit conveniens Christum simul cum latronibus crucifigi.
- 12 utrum passio Christi sit eius Divinitati attribuenda.

QUAESTIO XLVII.

De causa efficiente passionis Christi.

- 1 utrum Christus fuerit ab alio occisus, vel a seipso.
- 2 ex quo motivo seipsum tradiderit ad patiendum.

S. Th. Op. Tom. XXII.

- 3 utrum Pater tradiderit eum ad patiendum.
- 4 utrum fuerit conveniens quod per manus gentium pateretur, vel potius a Iudeis.
- 5 utrum occisores eius eum cognoverint.
- 6 de peccato eorum qui Christum occiderunt.

QUAESTIO XLVIII.

De modo efficiendi passionis Christi.

- 1 utrum passio Christi causaverit nostram salutem per modum meriti.
- 2 utrum per modum satisfactionis.
- 3 utrum per modum sacrificii.
- 4 utrum per modum redemptionis.
- 5 utrum esse redemptorem sit proprium Christi.
- 6 utrum causaverit effectum nostrae salutis per modum efficientiae.

QUAESTIO XLIX.

De effectibus passionis Christi.

- 1 utrum per passionem Christi simus liberati a peccato.
- 2 utrum per eam simus liberati a potestate diaboli.
- 3 utrum per eam simus liberati a reatu poenae.
- 4 utrum per eam simus Deo reconciliati.
- 5 utrum per eam sit nobis aperta ianua caeli.
- 6 utrum per eam fuerit Christus adeptus exaltationem.

QUAESTIO L.

De morte Christi.

- 1 utrum conveniens fuerit Christum mori.
- 2 utrum per mortem fuerit separata unio Divinitatis, & carnis.
- 3 utrum fuerit separata unio Divinitatis, & animae.
- 4 utrum Christus in triduo mortis fuerit homo.
- 5 utrum corpus eius fuerit idem numero mortuum, & vivum.
- 6 utrum mors eius fuerit aliquid operata ad nostram salutem.

d

QUAE-

## QUAESTIO LI.

## De sepultura Christi.

- 1 *utrum fuerit conveniens Christum sepeliri.*
- 2 *de modo sepulturae eius.*
- 3 *utrum corpus eius fuerit in sepulcro resolutum.*
- 4 *de tempore quo iacuit in sepulcro.*

## QUAESTIO LII.

## De descensu Christi ad inferos.

- 1 *utrum conveniens fuerit Christum ad inferos descendere.*
- 2 *in quem infernum descenderit.*
- 3 *utrum totus fuerit in inferno.*
- 4 *utrum aliquam moram ibi traxerit.*
- 5 *utrum sanctos Patres ab inferno liberaverit.*
- 6 *utrum de inferno liberaverit damnatos.*
- 7 *utrum liberaverit pueros in peccato originali defunctos.*
- 8 *utrum liberaverit homines de purgatorio.*

## QUAESTIO LIII.

## De resurrectione Christi.

- 1 *utrum necesse fuerit Christum resurgere.*
- 2 *utrum necesse fuerit ipsum tertia die resurgere.*
- 3 *utrum ipse primus resurrexerit.*
- 4 *utrum ipse fuerit causa nostrae resurrectionis.*

## QUAESTIO LIV.

## De qualitate Christi resurgentis.

- 1 *utrum post resurrectionem Christus habuerit verum corpus.*
- 2 *utrum corpus eius fuerit gloriosum.*
- 3 *utrum resurrexerit cum corporis integritate.*
- 4 *utrum corpus eius resurrexerit cum cicatricibus.*

## QUAESTIO LV.

## De manifestatione resurrectionis.

- 1 *utrum resurrectio Christi omnibus hominibus manifestari debuerit, an solum quibusdam specialibus personis.*
- 2 *utrum fuerit conveniens quod discipulis videntibus resurgeret.*
- 3 *utrum post resurrectionem debuerit cum suis discipulis conversari.*
- 4 *utrum fuerit conveniens quod discipulis suis in aliena effigie appareret.*
- 5 *utrum resurrectionem suam argumentis probare debuerit.*
- 6 *de sufficientia illorum argumentorum.*

## QUAESTIO LVI.

## De causalitate resurrectionis Christi.

- 1 *utrum resurrectio Christi sit causa nostrae resurrectionis.*
- 2 *utrum sit causa nostrae iustificationis.*

## QUAESTIO LVII.

## De ascensione Christi.

- 1 *utrum fuerit conveniens Christum ascendere.*
- 2 *secundum quam naturam conveniat sibi ascensio.*
- 3 *utrum propria virtute ascenderit.*
- 4 *utrum ascenderit super omnes caelos corporeos.*
- 5 *utrum ascenderit super omnes spirituales creaturas.*
- 6 *de effectu ascensionis Christi, utrum sit causa nostrae salutis.*

## QUAESTIO LVIII.

## De sessione Christi ad dexteram Patris.

- 1 *utrum sedeat ad dexteram Patris.*
- 2 *utrum conveniat ei secundum divinam naturam.*
- 3 *utrum conveniat sibi secundum humanam.*
- 4 *utrum hoc sit proprium Christi.*

## QUAESTIO LIX.

De iudiciaria potestate Christi.

- 1 utrum iudiciaria potestas sit attribuenda Christo.
- 2 utrum conveniat sibi, secundum quod homo.
- 3 utrum eam ex meritis sit adeptus.
- 4 utrum eius potestas iudiciaria sit universalis respectu omnium hominum.
- 5 utrum præter iudicium quod agit etiam hoc tempore, sit expectandum aliud iudicium universale per ipsum futurum.
- 6 utrum eius iudiciaria potestas etiam ad Angelos se extendat.

## QUAESTIO LX.

De sacramentis : quid sit sacramentum.

- 1 utrum sacramentum sit in genere signi.
- 2 utrum omne signum rei sacræ sit sacramentum.
- 3 utrum sacramentum sit signum unius rei tantum, vel plurium.
- 4 utrum sacramentum sit signum, quod est res sensibilis.
- 5 utrum ad sacramentum requiratur determinata res sensibilis.
- 6 utrum ad sacramentum requirantur significatio quæ est per verba.
- 7 utrum requirantur determinata verba.
- 8 utrum illis *verbis* possit aliquid addi, vel subtrahi.

## QUAESTIO LXI.

De necessitate sacramentorum.

- 1 utrum sacramenta fuerint necessaria ad salutem humanam.
- 2 utrum fuerint necessaria in statu ante peccatum.
- 3 utrum fuerint necessaria in statu post peccatum ante Christum.
- 4 utrum fuerint necessaria post Christi adventum.

## QUAESTIO LXII.

De effectu principali sacramentorum, qui est gratia.

- 1 utrum sacramenta novæ legis sint causa gratiæ.
- 2 utrum gratia sacramentalis aliquid addat super gratiam virtutum, & donorum.
- 3 utrum sacramenta contineant gratiam.
- 4 utrum sit in eis aliqua virtus ad causandam gratiam.
- 5 utrum talis virtus in sacramentis derivetur a passione Christi.
- 6 utrum sacramenta veteris legis gratiam causarent.

## QUAESTIO LXIII.

De effectu sacramentorum, qui est character.

- 1 utrum ex sacramentis causetur character aliquis in anima.
- 2 quid sit ille character.
- 3 cuius sit character.
- 4 in quo sit sicut in subiecto.
- 5 utrum sit indelebilis.
- 6 utrum omnia sacramenta imprimant characterem.

## QUAESTIO LXIV.

De causa sacramentorum.

- 1 utrum solum Deus interius operetur in sacramentis.
- 2 utrum institutio sacramentorum sit solum a Deo.
- 3 de potestate, quam Christus habuit in sacramentis.
- 4 utrum illam potestatem potuerit aliis communicare.
- 5 utrum potestas ministerii in sacramentis conveniat malis.
- 6 utrum mali peccent dispensando sacramenta.
- 7 utrum Angeli possint esse ministri sacramentorum.
- 8 utrum intentio ministri requiratur in sacramentis.
- 9 utrum requiratur ibi recta fides, ita quod infidelis non possit tradere sacramentum.
- 10 utrum requiratur ibi recta intentio.

## QUÆST. LXV.

De numero, &amp; modo sacramentorum.

- 1 utrum sint septem sacramenta.
- 2 de ordine eorum ad invicem.
- 3 de comparatione eorum.
- 4 utrum omnia sacramenta sint de necessitate salutis.

## QUÆST. LXVI.

De sacramento baptismi quantum ad ea quæ ad ipsum pertinent.

- 1 quid sit baptismus, utrum scilicet sit ablutio.
- 2 de institutione huius sacramenti.
- 3 utrum aqua sit propria materia huius sacramenti.
- 4 utrum requiratur aqua simplex.
- 5 utrum hæc sit conveniens forma huius sacramenti: Ego te baptizo in nomine Patris, & Filii, & Spiritus sancti.
- 6 utrum aliquis possit baptizari sub hac forma: Ego te baptizo in nomine Christi.
- 7 utrum immersio sit de necessitate baptismi.
- 8 utrum requiratur trina immersio.
- 9 utrum baptismus possit reiterari.
- 10 de ritu baptismi.
- 11 de distinctione baptismatum.
- 12 de comparatione baptismatum.

## QUÆST. LXVII.

De ministris baptismatis.

- 1 utrum ad diaconum pertineat baptizare.
- 2 utrum hoc pertineat ad presbyterum, vel solum ad Episcopum.
- 3 utrum laicus possit sacramentum baptismi conferre.
- 4 utrum hoc possit facere mulier.
- 5 utrum non baptizatus possit baptizare.
- 6 utrum plures possint simul baptizare unum, & eundem.
- 7 utrum necesse sit, esse aliquem, qui baptismatum de sacro fonte recipiat.
- 8 utrum suscipiens aliquem de sacro fonte obligetur ad eius instructionem.

## QUÆST. LXVIII.

De suscipientibus baptismum.

- 1 utrum omnes teneantur ad suscipiendum baptismum.
- 2 utrum aliquis possit salvari sine baptismo.
- 3 utrum baptismus sit differendus.
- 4 utrum peccatores sint baptizandi.
- 5 utrum peccatoribus baptizatis sint imponenda opera satisfactoria.
- 6 utrum requiratur confessio peccatorum.
- 7 utrum requiratur intentio ex parte baptizati.
- 8 utrum requiratur fides.
- 9 utrum sint pueri baptizandi.
- 10 utrum pueri Iudeorum sine baptizandi iuvetis parentibus.
- 11 utrum aliqui sint baptizandi in matris uteris existentes.
- 12 utrum furiosi, & amentes sint baptizandi.

## QUÆST. LXIX.

De effectibus baptismi.

- 1 utrum per baptismum auferantur omnia peccata.
- 2 utrum per baptismum liberetur homo ab omni pena.
- 3 utrum baptismus auferat omnes penales huius vite.
- 4 utrum per baptismum conferantur homini gratia, & virtutes.
- 5 de effectibus virtutum, qui per baptismum conferuntur.
- 6 utrum etiam parvuli per baptismum gratias, & virtutes accipiant.
- 7 utrum per baptismum aperiatur baptizatis ianua regni caelestis.
- 8 utrum baptismus æqualem effectum habeat in omnibus baptizatis.
- 9 utrum scilicet impediat effectum baptismi.
- 10 utrum recedente fisione baptismus obtineat effectum suum.

## QUÆST. LXX.

De circumcissione, quæ præcessit baptismum.

- 1 utrum circumcisio fuerit præparatoria, & figurativa baptismi.
- 2 utrum fuerit convenienter instituta.
- 3 utrum

3 *utrum ritus circumcisionis fuerit conueniens.*

4 *utrum circumcisio conferret gratiam.*

QUAESTIO LXXI.

De preparatoriis, quæ concurrunt simul cum baptismo.

1 *utrum catechismus debeat præcedere baptismum.*

2 *utrum baptismum debeat præcedere exorcismus.*

3 *utrum ea quæ aguntur in catechismo, & exorcismo aliquid efficiant, vel solum significent.*

4 *utrum baptizandi debeant catechizari, vel exorcizari per sacerdotes.*

QUAESTIO LXXII.

De sacramento confirmationis.

1 *utrum confirmatio sit sacramentum.*

2 *de materia huius sacramenti.*

3 *utrum sit de necessitate sacramenti quod chrisma fuerit per Episcopum consecratum.*

4 *de forma ipsius.*

5 *utrum imprimat characterem.*

6 *utrum character confirmationis characterem baptismalem præsupponat.*

7 *utrum conferat gratiam.*

8 *cui competat recipere hoc sacramentum.*

9 *in qua parte recipiatur.*

10 *utrum requiratur aliquis qui teneat confirmandum.*

11 *utrum hoc sacramentum per solos Episcopos detur.*

12 *de ritu eius.*

QUAESTIO LXXIII.

De sacramento Eucharistiæ.

1 *utrum Eucharistia sit sacramentum.*

2 *utrum sit unum, vel plura.*

3 *utrum sit de necessitate salutis.*

4 *de nominibus eius.*

5 *de institutione ipsius.*

6 *de figuris eius.*

QUAESTIO LXXIV.

De materia Eucharistiæ secundum speciem.

1 *utrum panis, & vinum sint materia huius sacramenti.*

2 *utrum ad materiam huius sacramenti requiratur determinata quantitas.*

3 *utrum materia huius sacramenti sit panis triticeus.*

4 *utrum sit panis azymus, vel fermentatus.*

5 *utrum materia huius sacramenti sit vinum de vite.*

6 *utrum sit admiscenda aqua.*

7 *utrum aqua sit de necessitate huius sacramenti.*

8 *de quantitate aquæ quæ apponitur.*

QUAESTIO LXXV.

De conversione panis, & vini in corpus, & sanguinem Christi.

1 *utrum in hoc sacramento sit corpus Christi secundum veritatem.*

2 *utrum in hoc sacramento remaneat substantia panis, & vini post consecrationem.*

3 *utrum substantia panis post consecrationem huius sacramenti annihiletur, an in pristinam materiam resolvatur.*

4 *utrum panis possit converti in corpus Christi.*

5 *utrum in hoc sacramento remaneant accidentia panis, & vini.*

6 *utrum remaneat forma substantialis panis.*

7 *utrum ista conversio fiat in instanti.*

8 *utrum hæc sit vera: Ex pane fit corpus Christi.*

QUAESTIO LXXVI.

De modo quo corpus Christi existit in hoc sacramento.

1 *utrum totus Christus sit sub hoc sacramento.*

2 *utrum totus Christus sit sub utraque specie sacramenti.*

3 *utrum totus Christus sit sub qualibet parte specierum.*

4 *utrum dimensiones corporis Christi totæ sint sub hoc sacramento.*

5 *utrum corpus Christi sit sub hoc sacramento localiter.*

6 *utrum*



- 6 *utrum corpus Christi moveatur ad motum hostiae, vel calicis post consecrationem.*  
 7 *utrum corpus Christi sub hoc sacramento possit ab oculo aliquo videri.*  
 8 *utrum verum corpus Christi remaneat in hoc sacramento, cum miraculo appareat sub specie pueri, vel carnis.*

## QUAESTIO LXXVII.

De accidentibus remanentibus in hoc sacramento.

- 1 *utrum accidentia sint sine subiecto.*  
 2 *utrum quantitas dimensura sit subiectum accidentium aliorum.*  
 3 *utrum huiusmodi accidentia possint immutari aliquod corpus extrinsecum.*  
 4 *utrum possint corrumpi.*  
 5 *utrum possint ex eis aliquid generari.*  
 6 *utrum possint nutrire.*  
 7 *utrum in fractione panis species sacramentalis frangatur.*  
 8 *utrum vino consecrato possit liquor aliquis admisceri.*

## QUAESTIO LXXVIII.

De forma huius sacramenti.

- 1 *utrum haec sit conveniens forma huius sacramenti: Hoc est corpus &c.*  
 2 *utrum forma consecrationis panis sit conveniens: Hoc est corpus &c.*  
 3 *utrum sit conveniens forma consecrationis sanguinis: Hic est calix &c.*  
 4 *utrum in verbis dicendarum formarum sit aliqua vis creata effectiva consecrationis.*  
 5 *utrum locutiones in praedictis formis sint verae.*  
 6 *de comparatione unius formae ad aliam.*

## QUAESTIO LXXIX.

De effectibus huius sacramenti.

- 1 *utrum hoc sacramentum conferat gratiam.*  
 2 *utrum effectus huius sacramenti sit adeptio gloriae.*  
 3 *utrum effectus huius sacramenti sit remissio peccati mortalis.*  
 4 *utrum per hoc sacramentum remittatur peccatum veniale.*  
 5 *utrum per hoc sacramentum remittatur tota poena peccati.*

- 6 *utrum hoc sacramentum praeservet hominem a peccatis futuris.*  
 7 *utrum hoc sacramentum prodest aliis quam sumentibus.*  
 8 *utrum per peccatum veniale impediatur effectus huius sacramenti.*

## QUAESTIO LXXX.

De usu, sive sumptione huius sacramenti in communi.

- 1 *utrum sint duo modi manducandi hoc sacramentum, scilicet sacramentaliter, & spiritualiter.*  
 2 *utrum soli homini conveniat manducare spiritualiter hoc sacramentum.*  
 3 *utrum solus hominis iusti sit manducare sacramentaliter.*  
 4 *utrum peccator manducans sacramentaliter peccet.*  
 5 *utrum hoc sit gravissimum omnium peccatorum.*  
 6 *utrum peccator accedens ad hoc sacramentum sit repellendus.*  
 7 *utrum nocturna pollutio impediat hominem a sumptione huius sacramenti.*  
 8 *utrum sit solum a ieiuniis sumendum.*  
 9 *utrum sit recipiendum a non habentibus usum rationis.*  
 10 *utrum sit quotidie sumendum.*  
 11 *utrum liceat omnino abstinere.*  
 12 *utrum liceat percipere corpus sine sanguine.*

## QUAESTIO LXXXI.

De modo quo Christus usus est illo sacramento.

- 1 *utrum ipse Christus sumpserit corpus suum, & sanguinem.*  
 2 *utrum dederit ea Iudae.*  
 3 *utrum dederit, & assumpserit corpus passibile, vel impassibile.*  
 4 *quomodo se habuisset Christus sub hoc sacramento, si fuisset in triduo mortis reservatum, aut consecratum.*

## QUAESTIO LXXXII.

De ministris huius sacramenti.

- 1 *utrum consecrare hoc sacramentum sit proprium sacerdotis.*  
 1 *utrum plures sacerdotes simul possint eandem hostiam consecrare.*  
 3 *utrum dispensatio huius sacramenti pertineat*

sineat ad solum sacerdotem.

- 4 utrum liceat sacerdoti consecranti a communione abstinere.
- 5 utrum sacerdos peccator possit conficere hoc sacramentum.
- 6 utrum Missa mali sacerdotis minus valeat quam boni.
- 7 utrum heretici, & schismatici, velexcommunicati possint conficere hoc sacramentum.
- 8 utrum degradati.
- 9 utrum peccent a salibus communionem recipientes.
- 10 utrum liceat sacerdoti omnino a celebratione cessare.

QUAESTIO LXXXIII.

De ritu huius sacramenti.

- 1 utrum in celebratione huius mysterii Christus immoletur.
- 2 de tempore celebrationis.
- 3 de loco, & aliis quae pertinent ad apparatus huius celebrationis.
- 4 de his quae in celebratione huius mysterii dicuntur.
- 5 de his quae circa celebrationem huius mysterii fiunt.
- 6 de desectibus qui circa celebrationem huius mysterii committuntur.

QUAESTIO LXXXIV.

De sacramento poenitentiae.

- 1 utrum poenitentia sit sacramentum.
- 2 de materia huius sacramenti.
- 3 de forma ipsius.
- 4 utrum impositio manus requiratur ad hoc sacramentum.
- 5 utrum hoc sacramentum sit de necessitate salutis.
- 6 de ordine eius ad alia sacramenta.
- 7 de institutione eius.
- 8 de duratione ipsius.
- 9 de continuatione eius.
- 10 utrum possit iterari.

QUAESTIO LXXXV.

De poenitentia, secundum quod est virtus.

- 1 utrum poenitentia sit virtus.
- 2 utrum sit virtus specialis.
- 3 sub qua specie virtutis contineatur.

- 4 de subiecto eius.
- 5 de causa eius.
- 6 de ordine eius ad alias virtutes.

QUAESTIO LXXXVI.

De effectu poenitentiae.

- 1 utrum omnia peccata mortalia per poenitentiam auferantur.
- 2 utrum possint sine poenitentia tolli.
- 3 utrum possit unum peccatum remitti sine alio.
- 4 utrum poenitentia auferat culpam, remanente reatu.
- 5 utrum remaneant reliquiae peccatorum.
- 6 utrum auferre peccatum sit effectus poenitentiae, inquantum est virtus, vel inquantum est sacramentum.

QUAESTIO LXXXVII.

De remissione venialium peccatorum.

- 1 utrum sine poenitentia peccatum veniale possit remitti.
- 2 utrum possit dimitti sine gratiae infusione.
- 3 utrum peccata venialia remittantur per asperersionem aquae benedictae, & infusionem pectoris, & orationem dominicam, & alia huiusmodi.
- 4 utrum peccatum veniale possit remitti sine mortali.

QUAESTIO LXXXVIII.

De reducto peccatorum per poenitentiam dimittitorum.

- 1 utrum peccata per poenitentiam dimissa redeant simpliciter per sequens peccatum.
- 2 utrum aliquo modo per ingratitudinem redeant specialius secundum quadam peccata.
- 3 utrum redeant in equali reatu.
- 4 utrum illa ingratitudo per quam redeunt, sit speciale peccatum.

QUAE.

## QUAESTIO LXXXIX.

De recuperatione virtutum per  
pœnitentiam.

- 1 utrum per pœnitentiam restituantur vir-  
tutes.
- 2 utrum restituantur in æquali quantitate.
- 3 utrum restituatur pœnitenti æqualis di-  
gnitas.
- 4 utrum opera virtutum per peccatum se-  
quens mortificentur.

- 5 utrum opera mortificata per peccatum,  
per pœnitentiam reviviscant.
- 6 utrum opera mortua, idest sine caritate  
facta, per pœnitentiam vivificentur.

## QUAESTIO XC.

De partibus pœnitentiæ in generali.

- 1 utrum pœnitentia habeat partes.
- 2 de numero partium eius.
- 3 quales partes sint.
- 4 de divisione eius in partes subiectivas.

F I N I S.

# THOMAE

## AQUINATIS

### DOCTORIS ANGELICI

### SUMMAE THEOLOGICAE

## P A R S T E R T I A.

## P R O L O G U S.

## Q U A E S T I O I.

De convenientia incarnationis,

in sex articulos divisa.



Uia Salvator noster Dominus IESUS Christus, teste Angelo, populum suum saluum faciens a peccatis eorum, viam veritatis nobis in seipso demonstravit, per quam ad beatitudinem immortalis vitae resurgendo pervenire possumus; necesse est ut ad consummationem totius theologi negotii, post considerationem ultimi finis humanae vitae, & virtutum, ac vitiorum, de ipso omnium Salvatore, ac beneficiis eius humano generi praeiis nostra consideratio subsequatur.

Circa quam primo considerandum occurrit de ipso Salvatore.

Secundo de sacramentis eius, quibus salutem consequimur.

Tertio de fine immortalis vitae, ad quam per ipsum resurgendo pervenimus.

Circa primum duplex consideratio occurrit. Prima est de ipso incarnationis mysterio, secundum quod Deus pro nostra salute factus est homo.

Secunda de his quae per ipsum Salvatorem nostrum, idest Deum incarnatum, sunt acta, & passia.

Circa primum tria consideranda occurrunt. Primo quidem de convenientia incarnationis Christi. Secundo de modo unionis Verbi incarnati. Tertio de his quae consequuntur ad hanc unionem.

Circa primum quaeruntur sex.

Primo, utrum conveniens fuerit Deum incarnari.

Secundo, utrum fuerit necessarium ad reparationem generis humani.

Tertio, utrum si non fuisset peccatum, Deus incarnatus fuisset.

Quarto, utrum principalius sit incarnatus ad tollendum originale peccatum quam actuale.

Quinto, utrum conveniens fuerit Deum incarnari a principio mundi.

Sexto, utrum eius incarnatio differri debuerit usque in finem mundi.

## A R T I C U L U S I.

Utrum conveniens fuerit Deum incarnari.

III. dist. 1. quæst. 1. art. 1. & IV. cont. cap. xl. xlix. lxx. lxxv. & lv. & opus. III. cap. v. & vi. & op. II. cap. ccviii. & ccviii.

Ad primum sic proceditur. Videtur quod non fuerit conveniens Deum incarnari. Cum enim Deus ab æterno sit ipsa essentia bonitatis, sic optimus

nam est ipsum esse sicut ab æterno fuit. Sed Deus ab æterno fuit absque omni carne. Ergo convenientissimum est ipsum non esse carni unitum. Non ergo fuit conveniens Deum incarnari.

2. Præterea. Quæ sunt in infinitum distantia, inconvenienter iunguntur; sicut inconveniens iunctura esset, si quis pingeret imaginem, in qua humano capiti cervix iungeretur equina. Sed Deus, & caro in infinitum distant; cum Deus sit simplicissimus, caro autem maxime composita, & præcipue humana. Ergo inconveniens fuit quod Deus carni uniretur humanæ.

3. Præterea. Sic distat corpus a summo spiritu, sicut malitia a summa bonitate. Sed omnino inconveniens esset quod Deus, qui est summa bonitas, malitiam assumeret. Ergo non fuit conveniens quod summus spiritus increatus corpus assumeret.

4. Præterea. Inconveniens est ut qui excedit magna, contineatur in minimo, & cui imminet cura magnorum, ad parva se transferat. Sed Deus, qui totius mundi curam gerit, tota rerum universitas capere non sufficit. Ergo videtur inconveniens quod inter corpusculum vagientis infantie lateat, cui parva putatur universitas; & tamdiu a sedibus suis absit ille regnator, atque ad unum corpusculum totius mundi cura transferatur, ut Volutianus scribit ad Augustinum (epist. cxxxv. al. 2. a med. inter oper. Aug.).

Sed contra. Illud videtur esse convenientissimum ut per visibilia monstratur invisibilia Dei: ad hoc enim totus mundus est factus, ut patet per illud Apostoli Rom. 1. 20. *Invisibilia Dei per ea quæ facta sunt, intellecta conspiciuntur*. Sed, sicut Damascenus dicit in princ. III. Lib. per incarnationis mysterium monstratur simul bonitas, & sapientia, & iustitia, & potentia Dei, vel virtus.

„Bonitas quidem, quoniam non despicit proprii plasmatis infirmitatem; iustitia vero, quoniam homine victo, non (a) alio quam homine fecit vinci tyrannum, neque vi eripuit ex morte hominem; sapientia vero, quoniam invenit difficillimi pretii decentissimam solutionem; potentia vero, si-  
„ve virtus infinita, quia nihil est maius quam Deum fieri hominem.“ Ergo conveniens fuit Deum incarnari.

Respondeo dicendum, quod unicuique rei conveniens est illud quod competit sibi secundum rationem propriæ naturæ; sicut homini conveniens est ratiocinari; quia hoc convenit sibi, inquantum est rationalis secundum naturam suam. Ipsa autem natura Dei est (b) essentia bonitatis, ut patet per Dionysium 1. cap. de div. Nomin. (lect. 2. & 3.). Unde quicquid pertinet ad rationem boni, conveniens est Deo. Pertinet autem ad rationem boni ut se aliis communicet, ut patet per Dionysium 4. cap. de div. Nomin. (cir. princ. lect. 1.). Unde ad rationem summi boni pertinet quod summo modo se creaturæ communicet: quod quidem maxime fit per hoc quod naturam creatam sic sibi coniungit ut una persona fiat ex tribus, Verbo, anima, & carne, sicut dicit Augustinus XIII. de Trin. (cap. xvii. a princ.). Unde manifestum est quod conveniens fuit Deum incarnari.

Ad primum ergo dicendum, quod incarnationis mysterium non est impletum per hoc quod Deus sit aliquo modo a suo statu immutatus, in quo ab æterno fuit; sed per hoc quod novo modo se creaturæ univit, vel potius eam sibi. Est autem conveniens ut creatura, quæ secundum rationem sui mutabilis est, non semper eodem modo se habeat. Et ideo sicut creatura incipit esse, cum prius non esset; ita convenienter cum prius non esset unita Deo in persona, postmodum ei fuit unita.

Ad secundum dicendum, quod uniri Deo in unitate personæ, non fuit conveniens carni humanæ secundum conditionem suæ naturæ, quia hoc erat supra dignitatem ipsius; conveniens tamen fuit Deo secundum infinitam excellentiam bonitatis eius, ut sibi eam uniret pro salute humana.

Ad tertium dicendum, quod quælibet alia conditio, secundum quam creatura quæcumque differt a Creatore, a Dei sapientia est instituta, & ad Dei bonitatem ordinata. Deus enim propter suam bonitatem, cum sit increatus, immobilis, & incorporeas, produxit creaturas mobiles, & corporeas. Et similiter malum pœnæ a Dei iustitia est introductum propter gloriam Dei. Malum vero culpæ committitur per recessum ab arte divinæ sapientiæ, & ab ordine divinæ bonitatis. Et ideo Deo conveniens esse potuit.

(a) Nicolaus ab alio. (b) Ita edit, omnes, Codd, Camer, & Alcan, aliqui: natura Dei est bonitas.

tute assumere naturam creatam, mutabilem, corpoream, & pœnalitati subiectam, non autem fuit ei conveniens assumere malum culpæ.

Ad quartum dicendum, quod, sicut Augustinus respondet in epist. ad Voluntianum ( cxxxvi. al. iii. aliquant. a princ.) *non habet hoc christiana doctrina, quod ita sit Deus infusus carni humane, ut curam gubernandæ universitatis vel deseruerit, vel amiserit, vel ad illud corpusculum quasi contractam transfuserit: hominum enim est iste sensus, nihil nisi corpora valentium cogitare.* (cir. med.) *Deus autem non mole, sed virtute magnus est. Unde magnitudo virtutis eius nullas in angustio sentit angustias. Non est incredibile, si verbum hominis transiens simul audiretur a multis, & a singulis totum, quod Verbum Dei permanens simul ubique fit totum.* Unde nullum inconveniens sequitur Deo incarnato.

## ARTICULUS II.

*Utrum necessarium fuerit ad reparationem generis humani Verbum Dei incarnati.*

III. dist. iv. quæst. iii. art. 1. ad 3. & IV. dist. x. art. 1. ad 3. & dist. xliii. quæst. 1. art. 1. quæst. 1. ad 2. & IV. cont. cap. ltv. & lv. & Psal. xlv.

**A**D secundum sic proceditur. Videtur quod non fuerit necessarium ad reparationem humani generis Verbum Dei incarnari. Verbo enim Dei, cum sit Deus perfectus, ut in primo habitum est ( quæst. iv. art. 1. & 2. ) nihil virtutis per carnem assumptum accrevit. Si ergo Verbum Dei incarnatum humanam naturam reparavit, etiam absque carnis assumptione eam potuit reparare.

2. Præterea. Ad reparationem humanæ naturæ, quæ per peccatum collapsa erat, nihil aliud requiri videbatur quam quod homo satisfaceret pro peccato. (a) Sed homo, ut videtur, satisfacere potuit pro peccato: non enim Deus ab homine plus requirere debet quam possit; & cum prior sit ad miserendum quam ad puniendum, sicut homini imputat ad pœnam actum peccati, ita imputare debet ad meritum actum contrarium. Non ergo fuit necessarium

ad reparationem humanæ naturæ Verbum Dei incarnari.

3. Præterea. Ad salutem hominis præcipue pertinet ut Deum reveretur: unde dicitur Malach. 1. 6. *Si ego Pater, ubi bonor meus? si Dominus, ubi timor meus?* Sed ex hoc ipso homines Deum magis reverentur quod eum considerant super omnia elevatum, & ab hominum sensibus remotum: unde in Psal. cxix.

4. dicitur: *Excelsus super omnes gentes Dominus, & super celos gloria eius: & postea subditur: Quis sicut Dominus Deus noster?* quod ad reverentiam pertinet. Ergo videtur non convenire humanæ salutis quod Deus nobis similis fieret per carnis assumptionem.

Sed contra. Illud per quod humanum genus liberatur a perditione, est necessarium ad humanam salutem. Sed mysterium divinæ incarnationis est huiusmodi, secundum illud Ioan. iii. 16. *Sic Deus dilexit mundum ut Filium suum unigenitum daret; ut omnis qui credit in ipsum, non pereat, sed habeat vitam æternam.* Ergo necessarium fuit ad humanam salutem Deum incarnari.

Respondeo dicendum, quod ad finem aliquem dicitur aliquid esse necessarium dupliciter. Uno modo, sine quo aliquid esse non potest; sicut cibus est necessarius ad conservationem humanæ vitæ: alio modo, per quod melius, & convenientius pervenitur ad finem; sicut equus necessarius est ad iter.

Primo modo Deum incarnari non fuit necessarium ad reparationem humanæ naturæ. Deus enim per suam omnipotentem virtutem poterat humanam naturam multis aliis modis reparare. Secundo autem modo necessarium fuit Deum incarnari ad humanæ naturæ reparationem. Unde Augustinus dicit XIII. de Trinit. ( cap. x. parum a princ. ) *Verum etiam ostendamus, non alium modum possibilem Deo fuisse, cuius potestati omnia equaliter subiacerent; sed sananda miseria nostra convenientiorem alium modum non fuisse.*

Et hoc quidem considerari potest quantum ad promotionem hominis in bonum. Primo quidem quantum ad fidem, quæ magis certificatur ex hoc quod ipsi Deo loquenti credit: unde Augustinus dicit XI. de civit. Dei ( cap. ii. a med. ) *Ut homo fidentius ambularet ad veritatem,*

A 2 ipse

(a) Ita inf. & edit. p. 8m. In cod. Alex. desunt sequentia sed homo, ut videtur, satisfacere potuit pro peccato; & non sic legitur ita etiam videtur quod ei imputaret ad deletionem peccati actum contrarium.

*ipsa veritas Dei Filius homine assumpto constituit, atque fundavit fidem.* Secundo quantum ad ipem, quæ per hoc maxime erigitur: unde Augustinus dicit XIII. de Trin. (loc. cit.) *Nihil tam necessarium fuit ad erigendam spem nostram, quam ut demonstraretur nobis quantum diligeret nos Deus.* Quid vero huius rei isto indicio manifestus quam quod Dei Filius nature nostre dignatus est inire consortium? Tertio quantum ad caritatem, quæ maxime per hoc excitatur: unde Augustinus dicit in Lib. de catechizandis rudibus (cap. iv. in princ.) *Quæ maior est causa advenus Domini, nisi ut ostenderet Deus dilectionem suam in nobis?* & postea subdit: *Si amare pigebat, saltem redamare non pigeat.* Quarto quantum ad rectam operationem, in qua nobis exemplum se præbuit: unde Augustinus dicit in quodam sermone de nativ. Domini (xxix. de temp. in med.) *Homo sequendus non erat, qui videri poterat: Deus sequendus erat, qui videri non poterat.* Ut ergo exhiberetur homini & qui videretur ab homine, & quem homo sequeretur, Deus factus est homo. Quinto quantum ad plenam participationem Divinitatis, quæ vera est hominis beatitudo, & finis humanæ vitæ: & hoc collatum est nobis per Christi humanitatem: dicit enim Augustinus in quodam sermone de nativ. Domini (xlii. de temp. in princ.) *Factus est Deus homo, ut homo fieret Deus.* Similiter & hoc utile fuit ad remotionem mali. Primo enim per hoc hominem instruitur ne sibi diabolus præferat, & cum veneretur, qui est auctor peccati: unde Augustinus dicit XIII. de Trin. (c. xvii. cir. princ.) *Quandoquidem sic potuit Deus coniungi humana natura, ut fieret una persona, superbi illi maligni spiritus non ideo se audent homini præponere, quia non habent carnem.* Secundo per hoc instruitur, quanta sit dignitas humanæ naturæ, ne eam inquinemus peccando: unde Augustinus dicit in Lib. de vera relig. (cap. xvi. a princ.) *Demonstravit nobis Deus quam excelsum locum inter creaturas habeat humana natura, in hoc quod hominibus in vero homine apparuit.* Et Leo Papa dicit in serm. de nativ. (i. versu fin.) *Agnosce o Christiane dignitatem tuam; & divinæ conjors factus naturæ, noli in veterem vititatem degeneri conversatione redire.* Tertio quia ad præsumptionem hominis tollendam gratia Dei, nullis in nobis meritis præcedentibus, in homine

*Christo commendatur, ut dicit Augustinus in XIII. de Trin. (cap. xvii. ante med.)* Quarto quia *superbia hominis, quæ maxime impedimento est ne inbareatur Deo, per tantam Dei humilitatem redargui potest, atque sanari, ut dicit Augustinus ibidem.* Quinto ad liberandum hominem a servitute peccati: quod quidem, ut Augustinus dicit XIII. de Trin. (cap. xlii. in princ.) *fieri debuit sic ut diabolus in solitia hominis Iesu Christi superaretur: quod factum est Christo satisfaciens pro nobis.* Homo autem purus satisfacere non poterat pro toto humano genere; Deus autem satisfacere non debebat: unde oportebat Deum & hominem esse locum Christum. Unde & Leo Papa dicit in serm. de nativ. (loc. cit.) *Suscipitur a virtute infirmitas, a maiestate humilitas, ut quod nostris remediis congruebat, unus atque ideus Dei, & hominum mediator, & mori ex uno, & resurgere posset ex altero.* Nisi enim esset verus Deus, non afferret remedium: nisi esset verus homo, non præberet exemplum. Sunt autem & aliæ plurimæ utilitates quæ consecutæ sunt nobis apprehensionem sensus humani.

Ad primum ergo dicendum, quod ratio illa procedit secundum primum modum necessarij, sine quo ad finem perveniri non potest.

Ad secundum dicendum, quod aliqua satisfactio potest dici dupliciter sufficiens. Uno modo perfecte, quia est condigna per quamdam adæquationem & recompensationem culpæ commissæ: & sic hominis puri satisfactio sufficiens esse non potuit pro peccato: tum quia tota humana natura erat per peccatum corrupta; nec bonum alicuius personæ, vel etiam plurimum poterat per æquiparantiam totius naturæ detrimentum recompensare: tum etiam quia peccatum contra Deum commissum quamdam infinitatem habet ex inhnitate divinæ maiestatis: tanto enim offensæ est gravior, quanto maior est ille in quem delinquitur. Unde oportuit ad condignam satisfactionem ut actus satisfaciens haberet efficaciam infinitam, utpote Dei, & hominis existens. Alio modo potest dici satisfactio hominis esse sufficiens imperfecte, scilicet secundum acceptionem eius qui est ea contentus, quamvis non sit condigna: & hoc modo satisfactio puri hominis est sufficiens. Et quia omne imperfectum præsupponit aliquid perfectum, a quo sustentetur, inde est quod omnis puri.

puri hominis satisfactio efficaciam habet a satisfactione Christi.

Ad tertium dicendum, quod Deus assumendo carnem, suam maiestatem non minuit; & per consequens non minuitur ratio reverentiae ad ipsum, quae augetur per augmentum cognitionis ipsius. Ex hoc autem quod nobis appropinquare voluit per carnis assumptionem, magis nos ad se cognoscendum attraxit.

## ARTICULUS III. 3

*Utrum si homo non peccasset, Deus incarnatus fuisset.*

III. *dist. 1. quæst. 1. art. 3. & IV. dist. xl. 11. quæst. 1. art. 2. quæst. 1. ad 2. & ver. quæst. xxix. art. 4. ad 3. & 1. Tim. 1.*

**A**D tertium sic proceditur. Videtur quod si homo non peccasset, nihilominus Deus incarnatus fuisset. Manente enim causa, manet effectus. Sed, sicut Augustinus dicit XIII. de Trin. (cap. xvii. in princ.) *alia multa sunt cogitanda in Christi incarnatione, præter abolitionem a peccato*, de quibus dictum est (art. præc.) Ergo etiam si homo non peccasset, Deus incarnatus fuisset.

2. Præterea. Ad omnipotentiam divinæ virtutis pertinet ut opera sua perficiat, & se manifestet per aliquem infinitum effectum. Sed nulla pura creatura potest dici infinitus effectus, cum sit finita per suam essentiam: in solo autem opere incarnationis videtur præcipue manifestari infinitus effectus divinæ potentiae, per quam in infinitum distantia coniunguntur, in quantum factum est quod homo esset Deus: in quo etiam opere maxime videtur perfici universum, per hoc quod ultima creatura, scilicet homo, primo principio coniungitur, scilicet Deo. Ergo etiam si homo non peccasset, Deus incarnatus fuisset.

3. Præterea. Humana natura per peccatum non est facta capax gratiæ. Sed post peccatum capax est gratiæ unionis, quæ est maxima gratia. Ergo si homo non peccasset, humana natura huius gratiæ capax fuisset; nec Deus subtraxisset humanæ naturæ bonum cuius capax erat. Ergo si homo non peccasset, Deus incarnatus fuisset.

4. Præterea. Prædestinatio Dei est æterna. Sed dicitur Rom. 1. 4. de Christi, *Th. Oper. Tom. XXIV.*

sto: *Qui prædestinatus est Filius Dei in virtute*. Ergo etiam ante peccatum necessarium erat Filium Dei incarnari, ad hoc quod Dei prædestinatio impleretur.

5. Præterea. Incarnationis mysterium est primo homini revelatum, ut patet per hoc quod dixit (Gen. 11. 23.) *Hoc nunc os ex ossibus meis &c.* quod Apollonius dicit esse *magnum sacramentum in Christo, & in Ecclesia*, ut patet Ephel. v. 32. Sed homo non potuit esse præcius sui casus eadem ratione qua nec Angelus, ut Augustinus probat XI. super Genes. ad lit. (cap. xviii.) Ergo etiam si homo non peccasset, Deus incarnatus fuisset.

Sed contra est quod Augustinus dicit in Lib. de verbis Domini, exponens illud quod habetur Luc. xix. *Veni filius hominis querere, & saluum facere quod perierat* (term. xxxvi. cap. ult. sed expressius in Lib. de verb. Apost. term. viii. cap. 11. cir. princ.) „Ergo si homo non peccasset, filius hominis non venisset:“ & 1. Timoth. 1. super illud, *Christus venit in hunc mundum, ut peccatores salvos faceret*, dicit Glossa (ord. Aug. Lib. de verb. Apost. term. ix. cir. princ.) „Nulla causa veniendi fuit,“ Christus Domino, nisi peccatores salvi vos facere. Tolle morbos, tolle vulnere, & nulla est medicinæ causa.“

Respondendo dicendum, quod aliqui circa hoc diversimode opinantur. Quidam enim dicunt, quod etiam si homo non peccasset, Dei Filius incarnatus fuisset. Alii vero contrarium asserunt: quorum assertioni magis assentiendum videtur.

Ea enim quæ ex sola Dei voluntate proveniunt supra omne debitum creaturæ, nobis innotescere non possunt, nisi quatenus in sacra Scriptura traduntur, per quam divina voluntas nobis innotescit. Unde cum in sacra Scriptura ubique incarnationis ratio ex peccato primi hominis assignetur, convenientius dicitur, incarnationis opus ordinatum esse a Deo in remedium contra peccatum; ita quod, peccato non existente, incarnatio non fuisset. Quamvis potentia Dei ad hoc non limitetur: potuisset enim, etiam peccato non existente, Deus incarnari.

Ad primum ergo dicendum, quod omnes alie causæ quæ sunt assignatæ (art. præc.) pertinent ad remedium peccati. Si enim homo non peccasset, persusus fuisset lumine divinæ sapientiæ, & iustitiæ.



stitiæ rectitudine perfectus a Deo ad omnia necessaria cognoscenda, & agenda. Sed quia homo, deserto Deo, collapsus erat ad corporalia, conveniens fuit ut Deus carne assumpta etiam per corporalia ei salutis remedium exhiberet. Unde dicit Augustinus super Ioan. 1. *Verbum caro factum est* (tract. 11. cir. fin.). „Ca-“ ro te obcæverat, caro te sanat: „ quoniam sic venit Christus, ut de car-“ ne carnis vitia exstingeret. “

Ad secundum dicendum, quod in ipso modo productionis rerum ex nihilo divina virtus infinita ostenditur: ad perfectionem etiam universi sufficit quod naturali modo creatura ordinetur in Deum sicut in finem. Hoc autem excedit limites perfectionis naturæ ut creatura uniatu Deo in persona.

Ad tertium dicendum, quod duplex capacitas attendi potest in humana natura: una quidem secundum ordinem portitiæ naturalis, quæ a Deo semper impletur, qui dat unicuique rei secundum suam capacitatem naturalem; alia vero secundum ordinem divinæ potentie, cui omnis creatura obedit ad nutum: & ad hoc pertinet ista capacitas. Non autem Deus omnem talem capacitatem naturæ implet: alioquin Deus non posset facere in creatura nisi quod facit: quod falsum est, ut in primo habitum est (quæst. cv. art. 6.) Nihil autem prohibet ad aliquid maius humanam naturam deductam esse post peccatum. Deus enim permittit mala fieri, ut inde aliquid melius eliciat: unde dicitur Rom. v. 20. *Ubi abundavit delictum, superabundavit & gratia*. Unde & in benedictione cerei paschalis dicitur: *O felix culpa, quæ talem, ac tantum meritum habere Redemptorem!*

Ad quartum dicendum, quod prædestinatio præsupponit præscientiam futurorum: & ideo sicut Deus prædestinat salutem alicuius hominis per orationes aliorum implendam; ita etiam prædestinavit opus incarnationis in remedium humani peccati.

Ad quintum dicendum, quod nihil prohibet alicui revelari effectum cui non revelatur causa. Potuit igitur primo homini revelari incarnationis mysterium, sine hoc quod esset præcius sui casus. Non enim quicumque cognoscit effectum, cognoscit & causam.

## ARTICULUS IV.

4

*Utrum principalis Christi incarnatio facta fuerit ad tollendum peccatum originale quam actuale.*

III. dist. 1. quæst. 1. art. 2. ad 6. & op. x. cap. xxviii. & opusc. xi. cap. xxiii.

**A**D quartum sic proceditur. Videtur quod Deus principalis incarnatus fuerit in remedium actualium peccatorum quam in remedium originalis peccati. Quanto enim peccatum est gravius, tanto magis humanæ salutis adversatur, propter quam Deus est incarnatus. Sed peccatum actuale est gravius quam originale peccatum: *minima enim pena debetur originali peccato*, ut Augustinus dicit contra Iulianum (Lib. V. cap. xi. parum a princ.) Ergo principalis incarnatio Christi ordinatur ad deletionem actualium peccatorum quam ad deletionem originalis peccati.

2. Præterea. Peccato originali non debetur pena sensus, sed solum pena damni, ut in secundo habitum est (implic. 1. 2. quæst. lxxxvii. art. 5. arg. 11. sed clarius in II. dist. xxxiii. quæst. 11. art. 1.) Sed Christus venit pro satisfactione peccatorum penam sensus pati in cruce, non autem penam damni: quia nullum defectum habuit divinæ visionis, aut fruitionis. Ergo principalis venit ad deletionem peccati actualis quam originalis.

3. Præterea. Sicut Chrysostomus dicit in II. Lib. de compunctione cordis (cap. v. in fi.) *hic est affectus servi fidelis, ut beneficia Domini sui, quæ communiter omnibus data sunt, quasi sibi soli prestita reputet. Quasi enim de se solo loquens Paulus ita scribit ad Gal. 11. Dilexit me, & tradidit semetipsum pro me*. Sed propria peccata nostra sunt actualia, originale enim est commune peccatum. Ergo hunc affectum debemus habere ut existimemus eum principaliter propter actualia peccata venisse.

Sed contra est quod Ioan. 1. 29. dicitur: *Ecce agnus Dei, ecce qui tollit peccatum mundi*: quod exponens Beda dicit: „Peccatum mundi dicitur originale peccatum, quod est commune totius mundi.“ (Colligitur ex eius hom. in oct. Epiph. aliquant. a princ. & hab. in Glos. ord.)

Respondetur dicendum, quod certum est Christus

Christum venisse in hunc mundum non solum ad delendum illud peccatum quod traductum est originaliter in posteros, sed etiam ad deletionem omnium peccatorum quæ postmodum superaddita sunt: non quod omnia deleantur, quod est propter defectum hominum, qui Christo non inhaerent, secundum illud Ioan. III. 19. *Venit lux in mundum, & dilexerunt homines magis tenebras quam lucem*: sed quia ipse exhibuit quod sufficiens fuit ad omnium peccatorum deletionem. Unde dicitur Rom. v. 15. *Non sicut delictum, ita & donum.... Nam iudicium ex uno in condemnationem, gratia autem ex multis delictis in iustificationem*. Tanto autem principalius ad alicuius peccati deletionem Christus venit, quanto illud peccatum maius est. Dicitur autem aliquid maius dupliciter. Uno modo intensive; sicut est maior albedo quæ est intensior: & per hunc modum maius est peccatum actuale quam originale, quia plus habet de ratione voluntarii, ut in secundo habitum est (1. 2. quæst. lxxxii. art. 1.) Alio modo dicitur aliquid maius extensive; sicut dicitur maior albedo quæ est in maiori superficie: & hoc modo peccatum originale, per quod totum genus humanum inficitur, est maius quolibet peccato actuali, quod est proprium singularis personæ. Et quantum ad hoc Christus principaliter venit ad tollendum originale peccatum, in quantum bonum gentis divinius, & eminentius est quam bonum unius, ut dicitur I. Ethic. (cap. II. cir. fin.)

Ad primum ergo dicendum, quod ratio illa procedit de intensiva magnitudine peccati.

Ad secundum dicendum, quod peccato originali in futura retributione non debetur poenâ sensus. Poenalitatem tamen, quas sensibiliter in hac vitâ patimur, sicut famem, sitim, mortem, & alia huiusmodi, ex peccato originali procedunt. Et ideo Christus, ut plene pro peccato originali satisfaceret, sensibilem dolorem pati voluit, ut mortem, & alia huiusmodi in seipso consumeret.

Ad tertium dicendum, quod, sicut Chrysostomus ibidem (cap. vi.), dicit, *verba illa dicebat Apostolus, non quasi diminueret volens amplissima, & per orbem terrarum diffusa Christi munera; sed ut pro omnibus se solum iudicaret obnoxium. Quid enim interest, si & aliis præstitit, cum quæ tibi sunt præstita, ita integra sunt, & ita perfecta quasi nulli alii exbis*

*aliquid fuerit præstitum?* Ex hoc ergo quod aliquis debet reputare sibi beneficia Christi præstita esse, non debet exilimare quod non sint aliis præstita. Et ideo non excluditur quin principaliter venerit abolere peccatum totius naturæ quam peccatum unius personæ. Sed illud peccatum naturæ ita perfecte curatum est in unoquoque, ac si in uno solo esset curatum. Et ideo propter unionem caritatis totum quod omnibus est impensum, unusquisque debet sibi adscribere.

## ARTICULUS V. 5

*Utrum conveniens fuerit Deum incarnari ab initio mundi.*

1. 2. quæst. xcvi. art. 6. corp. & III. dist. 1. quæst. 1. art. 4. & IV. cont. cap. lv. ad 9. & I. sai. 11. & Gal. iv. fin.

**A**D quantum sic proceditur. Videtur quod conveniens fuisset Deum incarnari a principio humani generis. Incarnationis enim opus ex immanitate divinæ caritatis processit, secundum illud Ephes. II. 4. *Deus, qui dives est in misericordia, propter nimiam caritatem suam, qua dilexit nos, cum essemus mortui peccatis, convivificavit nos in Christo*. Sed caritas non tardat subvenire amico necessitatem patienti, secundum illud Prov. xii. 28. *Ne dicas amico tuo: Vade, & revertere, cras dabo tibi: cum statim possis dare*. Ergo Deus incarnationis opus differre non debuit, sed statim a principio per suam incarnationem humano generi subvenire.

2. Præterea. I. Tim. I. 15. dicitur: *Christus venit in hunc mundum peccatores salvos facere*. Sed plures salvati fuissent, si a principio humani generis Deus incarnatus fuisset: plurimi enim ignorantes Deum in suo peccato perierunt in diversis sæculis. Ergo convenientius fuisset quod a principio humani generis Deus incarnatus fuisset.

3. Præterea. Opus gratiæ non est minus ordinatum quam opus naturæ. Sed natura initium sumit a perfectis, ut dicit Boetius in Lib. III. de consolat. (prola x. parum a princ.) Ergo opus gratiæ a principio debuit esse perfectum. Sed in opere incarnationis consideratur perfectio gratiæ, secundum illud (Ioan. I. 14.) *Verbum caro factum est: & postea subditur. Plenum gratiæ, & veritatis. Ex-*



adducit; sed in uno & eodem imperfectum est prius tempore, et si sit posterius natura. Sic ergo imperfectionem naturae humanae duratione praecedat aeternitas Dei perfectio; sed sequitur ipsam consummata perfectio eius in unione ad Deum.

## ARTICULUS VI. 6

*Utrum incarnatio differri debuerit usque ad finem mundi.*

*Locus sup. art. 5. citatis.*

**A**D sextum sic proceditur. Videtur quod incarnationis opus differri debuerit usque in finem mundi. Dicitur enim in Psal. xci. 11. *Sanctus mea in misericordia uberi*; id est in novissimo, ut Glossa (interl. & Aug. in hunc loc.) dicit. Sed tempus incarnationis est maxime tempus misericordiae, secundum illud Psal. ci. 14. *Quoniam venit tempus miserendi eius*. Ergo incarnatio differri debuit usque in finem mundi.

2. Praeterea. Sicut dictum est (art. praec. ad 3.) perfectum in eodem tempore est posterius imperfecto. Ergo illud quod est maxime perfectum, debet esse omnino ultimum in tempore. Sed summa perfectio humanae naturae est in unione ad Verbum: quia in Christo complacuit orationem plenitudinem Divinitatis inhabitare, ut Apostolus dicit Coloss. 1. Ergo incarnatio differri debuit usque in finem mundi.

3. Praeterea. Non est conveniens fieri per duo quod per unum fieri potest. Sed unus Christi adventus sufficere poterat ad salutem humanae naturae, qui erit in fine mundi. Ergo non oportuit quod antea veniret per incarnationem; & ita incarnationis differri debuit usque in finem mundi.

Sed contra est quod dicitur Habac. 111. 2. *In medio annorum notum facies*. Non ergo debuit incarnationis mysterium, per quod mundo innotuit; usque in finem mundi differri.

Respondeo dicendum, quod sicut non fuit conveniens Deum incarnari a principio mundi; ita non fuit conveniens quod incarnatio differretur usque in finem mundi.

Quod quidem apparet primo ex ratione divinae, & humanae naturae. Sicut enim dictum est (art. praec. ad 3.) perfectum uno modo tempore praecedat im-

perfectum, alio modo e converso imperfectum tempore praecedat perfectum. In eo enim quod de imperfecto sit perfectum, imperfectum tempore praecedat perfectum; in eo vero quod est causa perfectionis efficiens, perfectum tempore praecedat imperfectum. In opere autem incarnationis utrumque concurrit: quia natura humana in ipsa incarnatione est perducta ad summam perfectionem: & ideo non decuit quod a principio humani generis incarnatio facta fuisset. Sed ipsum Verbum incarnatum est perfectionis humanae naturae causa efficiens, secundum illud Ioan. 1. 16. *De plenitudine* *gratiae nos omnes accepimus*: & ideo non debuit incarnationis opus usque in finem mundi differri; sed perfectio gloriae, ad quam perducenda est ultimo natura humana per Verbum incarnatum, erit in fine mundi.

Secundo ex effectu humanae salutis. Ut enim dicitur in Lib. de Qq. vet. & novi Testam. (quaest. lxxxiii.) „in potestate dantis est, quando, vel quantum velit misereri. Venit ergo, quando & subveniri debere scivit, & gratum futurum beneficium. Cum enim languore quodam humani generis, obsolescere cepisset cognitio Dei inter homines, & mores immutarentur, eligere dignatus est Abraham, in quo forma esset renovatae notitiae Dei, & morum: & cum adhuc reverentia senior esset, postea per Moysen legem litteris dedit: & quia eam gentes preverunt, non se subicientes ei, neque hi qui acceperunt, eam servaverunt, motus misericordiae Dominus misit Filium suum, qui data omnibus remissione peccatorum, Deo Patri illos iustificatos offerret. Si autem hoc remedium differretur usque in finem mundi, totaliter Dei notitia, & reverentia, & morum honestas abolita fuisset in terris.

Tertio apparet hoc fuisse conveniens ad manifestationem divinae virtutis, quae pluribus modis homines salvavit, non solum per fidem futuri, sed etiam per fidem praesentis, & praeteriti.

Ad primum ergo dicendum, quod Glossa illa exponit de misericordia producente ad gloriam. Si tamen referatur ad misericordiam exhibitam humano generi per incarnationem Christi, sciendum est, quod, sicut Augustinus dicit in Lib. 1. Retraclat. (cap. xxv. ante med.) tempus incarnationis potest com-

pa-

parari iuventuti humani generis propter vigorem, fervoremque fidei, quæ per dilectionem operatur; senectuti autem, quæ est sexta ætas, propter numerum temporum, quia Christus venit in sexta ætate. Et quamvis in corpore non possit simul esse iuventus, & senectus; potest tamen simul esse in anima, illa propter alacritatem, ista propter gravitatem. Et ideo alicubi in Lib. lxxxiii. Qq. (quæst. xlv. in med.) dicit Augustinus, quod non oportuit divinitus venire magistrum, cuius imitatione humanum genus in mores optimos formaretur, nisi tempore iuventutis. Alibi autem (Lib. I. de Gen. cont. Manich. cap. xxiii.) dicit, Christum in sexta ætate humani generis, tamquam in senectute, venisse.

Ad secundum dicendum, quod opus incarnationis non solum esse considerandum ut terminus motus est imperfecto ad perfectum, sed etiam ut principium perfectionis in humana natura, ut dictum est (in cor. art.)

Ad tertium dicendum, quod, sicut dicit Chrysostomus super illud Ioan. iii. *Non misit Deus Filium suum in mundum, ut indicet mundum* (hom. xxvii. inter princ. & med.) „ duo sunt Christi adventus: primus quidem, ut remittat peccata; secundus, ut indicet mundum. Si enim hoc non fecisset, universi simul perditii essent: omnes enim peccaverunt, & egent gloria Dei. „ Unde patet quod non debuit adventum misericordiæ differre usque in finem mundi.

## QUAESTIO II.

*De modo unionis Verbi incarnati,  
in duodecim articulos divisa.*

**D**Einde considerandum est de modo unionis Verbi incarnati: & primo quantum ad ipsam unionem; secundo quantum ad personam assumptam; tertio quantum ad naturam assumptam.

Circa primum quaeruntur duodecim. Primo, utrum unio Verbi incarnati sit facta in natura.

Secundo, utrum sit facta in persona.

Tertio, utrum sit facta in supposito, vel hypostasi.

Quarto, utrum persona vel hyposta-

sis Christi post incarnationem sit composita.

Quinto, utrum sit facta aliqua unio animæ, & corporis in Christo.

Sexto, utrum natura humana fuerit unita Verbo accidentaliter.

Septimo, utrum ipsa unio sit aliquid creatum.

Octavo, utrum sit idem quod assumptio.

Nono, utrum unio duarum naturarum sit maxima unionum.

Decimo, utrum unio duarum naturarum in Christo fuerit facta per gratiam.

Undecimo, utrum eam aliqua merita præcesserint.

Duodecimo, utrum gratia unionis fuerit homini Christo naturalis.

## ARTICULUS I. 7

*Utrum unio Verbi incarnati sit facta  
in natura.*

*Inf. art. 2. & 6. cor. & 12. ad 1. & quæst. 1. art. 2. & III. dist. 1. quæst. 11. art. 1. & dist. v. quæst. 1. art. 2. & 3. & 11. cont. cap. xxxv. xxxvii. & xli. & veri. quæst. xx. art. 1. cor. & opusc. 11. cap. cxxi. cxxii.*

**A**D primum sic proceditur. Videtur quod unio Verbi incarnati sit facta (a) in natura. Dicit enim Cyrillus, & inducitur in gestis Concilii Chalced. (part. 11. art. 1. aliquant. post epist. Cyril.) *Non oportet intelligere duas naturas, sed unam naturam Dei Verbi incarnatam*: quod quidem non esset, nisi unio fieret in natura. Ergo unio Verbi incarnati facta est in natura.

2. Præterea. Athanasius dicit (in symb. fid.) *Sicut anima rationalis, & caro unus est homo; ita Deus, & homo unus est Christus*. Sed anima rationalis, & caro conveniunt in constitutione unius naturæ humanæ. Sic ergo Deus, & homo conveniunt in constitutione alicuius (b) unius naturæ. Ergo unio facta est in natura.

3. Præterea. Duarum naturarum una non denominatur ex altera, nisi aliquo modo invicem transmutentur. Sed divina natura, & humana in Christo ab invicem denominantur: dicit enim Cyrillus (loc. cit.) *divinam naturam esse incar-*

(a) Ita post Theologos, qui vicem una sustulerunt, edit. omnes. MSS. & edit. veteres in una natura. (b) Ita eundem eisd. Camer. & Alcan. edit. passim. Alii deest unius.

*carneatam* : & Gregorius Nazianzenus dicit ( epist. 1. ad Cledonium ante med. ) *humanam naturam esse deificatam* , ut patet per Damascenum ( Lib. III. orth. Fid. cap. vi. a med. & cap. xi. ) Ergo ex duabus naturis videtur esse facta una natura .

Sed contra est quod dicitur in determinatione Concilii Chalcedon. ( sup. cit. act. v. ad fin. ) *Constituimus in indivisibilibus diebus Filium Dei unigenitum in duabus naturis inconfuse, immutabiliter, indivise, inseparabiliter agnoscendum, nunquam sublata differentia naturarum propter unionem* . Ergo unio non est facta in natura .

Respondeo dicendum , quod ad huius quaestionis evidenter oportet considerare, quid sit natura . Sciendum est ergo, quod nomen naturae a nascendo est dictum, vel sumptum . Unde primo est impositum hoc nomen ad significandum generationem viventium, quae nativitas, vel pullulatio dicitur, ut dicatur natura, quasi nascitura : deinde translatum est nomen naturae ad significandum principium huius generationis : & quia principium generationis in rebus viventibus est intrinsecum, ulterius derivatum est nomen naturae ad significandum quodlibet principium intrinsecum motus, secundum quod Philosophus dicit in II. Phys. ( tex. 3. ) *quod natura est principium motus in eo in quo est, per se, & non secundum accidens* . Hoc autem principium vel forma est, vel materia . Unde quandoque natura dicitur forma, quandoque vero materia . Et quia finis generationis naturalis est in eo quod generatur, scilicet essentia speciei, quam significat definitio; inde est quod huiusmodi essentia speciei vocatur etiam natura . Et hoc modo Boetius naturam definit in Lib. de duab. nat. ( alicant. a princ. ) dicens : *Natura est unamquamque rem informans specifica differentia*, quae scilicet complet definitionem speciei . Sic ergo nunc loquimur de natura, secundum quod natura significat essentiam, vel quod quid est, sive quidditatem speciei .

Hoc autem modo accipiendo naturam, impossibile est unionem Verbi incarnati esse factam in natura . Tripliciter enim aliquid unum ex duobus, vel pluribus constituitur .

Uno modo ex duobus integris perfe-

ctis remanentibus . Quod quidem fieri non potest nisi in iis quorum forma est compositio, vel ordo, vel figura; sicut ex multis lapidibus abique aliquo ordine adunatis, per solam compositionem fit cervus; ex lapidibus autem, & lignis secundum aliquem ordinem dispositis, & etiam ad aliquam figuram redactis fit domus . Et secundum hoc posuerunt aliqui, unionem esse per modum confusionis, quae scilicet est sine ordine; vel per modum ( a ) commensurationis, quae scilicet est cum ordine . Sed hoc non potest esse . Primo quidem quia compositio, vel ordo, vel figura non est forma substantialis, sed accidentalis : & sic sequeretur quod unio incarnationis non esset per se, sed per accidens : quod infra improbabitur ( art. 6. hu. quaest. ) Secundo quia ex huiusmodi non fit unum simpliciter, sed secundum quid, remanent enim plura actus . Tertio quia forma talium non est natura, sed magis ars; sicut forma domus : & sic non constitueretur una natura in Christo, ut ipsi volunt .

Alio modo fit aliquid unum ex perfectis, sed transmutatis, sicut ex elementis fit mixtum : & sic aliqui dixerunt, unionem incarnationis esse factam per modum ( b ) commixtionis . Sed hoc non potest esse . Primo quidem quia natura divina est omnino immutabilis, ut in I. Parte dictum est ( quaest. 1x. art. 1. & 2. ) unde nec ipsa potest converti in aliud, cum sit incorruptibilis; nec aliud in ipsam, cum ipsa sit ingenerabilis . Secundo quia id quod est commixtum, nulli miscibilius est idem specie : differt enim caro a quolibet elementorum specie . Et sic Christus non esset eiusdem naturae cum patre, nec cum matre . Tertio quia ex his quae plurimum distant, non potest fieri commixtio : solvitur enim carae species unius eorum, puta si quis guttam aquae amphorae vini apponat . Et secundum hoc cum natura divina in infinitum excedat humanam naturam, non potest esse mixtio; sed remanebit sola natura divina .

Tertio modo fit aliquid ex aliquibus non permixtis, vel permutatis, sed imperfectis; sicut ex anima, & corpore fit homo : & similiter ex diversis membris unum corpus constituitur . Sed hoc dici non potest de incarnationis mysterio . Primo quidem quia utraque natura est secundum rationem suam perfecta, divi-

na

( a ) Ita mss. & edit. passim . Alii commassationis, ( b ) Ita cum García edit, omnes posteriores, Codd. Alcan. Ave, alique cum veteribus alijs complexionis.

na scilicet, & humana. Secundo quia natura divina, & humana non possunt constitui aliquid per modum partium quantitativarum, sicut membra constitunt corpus, quia natura divina est incorporea; neque per modum formæ, & materiæ, quia divina natura non potest esse forma alicuius, præsertim corporei: sequeretur enim quod species reluctans esset communicabilis pluribus; & ita essent plures Christi. Tercio quia Christus non esset humanæ naturæ, neque divinæ naturæ. Differentia enim addita variat speciem, sicut unitas numerum, sicut dicitur in VIII. Metaph. (tex. 10.)

Ad primum ergo dicendum, quod auctoritas illa Cyrilli exponitur in quinta Synodo (scil. Constantin. II. general. V. collat. VIII. can. VIII.) sic: *Si quis unam naturam Verbi Dei incarnatam dicens, non sic accipiat sicut Patres docuerunt, quod unus Christus factus est ex divina natura, & humana, unione secundum subsistentiam facta, sed ex salibus volens naturam unam, sive substantiam divinitatis, & carnis Christi introducere conetur; talis anatema sit.* Non ergo sensus est quod in incarnatione ex duabus naturis sit una natura constituta; sed quod natura Verbi Dei carnem univit sibi in persona.

Ad secundum dicendum, quod ex anima, & corpore constituitur in unoquoque nostrum duplex unitas, naturæ, & personæ. Naturæ quidem, secundum quod anima unitur corpori, formaliter perficiens ipsum, ut ex duobus fiat una natura, sicut ex actu & potentia, vel materia & forma. Et quantum ad hoc non attenditur similitudo: quia natura divina non potest esse corporis forma, ut in primo probatum est (quest. III. art. 8.) Unitas vero personæ constituitur ex eis, in quantum est unus aliquis subsistens in carne, & anima: & quantum ad hoc attenditur similitudo: unus enim Christus subsistit in divina natura, & humana.

Ad tertium dicendum, quod, sicut Damascenus dicit (loc. cit. in arg.) natura divina dicitur incarnata, quia est unita carni personaliter, non quod sit in naturam carnis conversa. Similiter & caro dicitur deificata, ut ipse dicit (ibid. cap. XV. ante med. & cap. XVII.) non per conversionem, sed per unionem ad Verbum, salvis suis proprietatibus naturalibus, ut intelligatur caro deificata,

quia facta est Dei Verbi caro, non quia facta sit Deus.

## ARTICULUS II. 8

*Utrum unio Verbi incarnati sit facta in persona.*

*Locis sup. art. 1. indultis.*

**A**d secundum sic proceditur. Videtur quod unio Verbi incarnati non sit facta in persona. Persona enim Dei non est aliud a natura ipsius, ut habitum est in primo (quest. III. art. 3.) Si ergo unio non est facta in natura, sequitur quod non sit facta in persona.

2. Præterea. Natura humana non est minoris dignitatis in Christo quam in nobis. Personalitas autem ad dignitatem pertinet, ut in primo habitum est (quest. XXX. art. 3. ad 2.). Cum ergo natura humana in nobis propriam personalitatem habeat, multo magis habuit propriam personalitatem in Christo.

3. Præterea. Sicut Boetius dicit in Lib. de duab. nat. (aliquant. a princ.) *persona est rationalis naturæ individua substantia.* Sed Verbum Dei assumptum naturam humanam individuum: *natura enim universalis non subsistit secundum se, sed in nuda contemplatione consideratur*, ut Damascenus dicit (Lib. III. orth. Fid. cap. XI.) Ergo humana natura habet suam personalitatem in Christo. Non ergo videtur quod sit facta unio in persona.

Sed contra est quod in Chalcedon. Synodo legitur (act. v. vers. fi.) *Non in duas personas partitum, aut divinum, sed unum & eundem Filium unigenitum, Deum Verbum, Dominum nostrum Iesum Christum confitemur.* Ergo facta est unio Verbi in persona.

Respondeo dicendum, quod persona aliud significat quam natura. Natura enim, ut dictum est (art. præc.) significat essentiam speciei, quam significat definitio. Et si quidem his quæ ad rationem speciei pertinent, nihil aliud adiunctum inveniri posset, nulla necessitas esset distinguendi naturam a supposito naturæ, quod est individuum subsistens in natura illa: quia unumquodque individuum subsistens in natura aliqua esset omnino idem cum sua natura. Contingit autem in quibusdam rebus subsistentibus inveniri aliquid quod non pertinet ad rationem speciei, scilicet accidentia,

& prin-

& principia individuancia; sicut maxime apparet in his quæ sunt ex materia, & formæ composita. Et ideo in talibus etiam secundum rem differt natura, & suppositum, non quasi omnino aliqua separata, sed quia in supposito includitur ipsa natura speciei, & superadduntur quædam alia quæ sunt præter rationem speciei: unde suppositum significatur ut totum habens naturam sicut partem formalem, & perfectivam sui: & propter hoc in compositis ex materia, & forma natura non prædicatur de supposito: non enim dicimus, quod hic homo sit sua humanitas. Si qua vero res est in qua omnino nihil aliud est præter rationem speciei, vel naturæ suæ, sicut est in Deo, ibi non est aliud secundum rem suppositum, & natura, sed solum secundum rationem intelligendi: quia natura dicitur, secundum quod est essentia quædam; eadem vero dicitur suppositum, secundum quod est subsistens. Et quod est dictum de supposito, intelligendum est de persona in creatura rationali, vel intellectuali: quia nihil aliud est persona, quam *rationalis naturæ individua substantia* secundum Boetium (Lib. de duab. nat. parum a princ.)

Omne igitur quod inest alicui personæ, five pertineat ad naturam eius, live non, unitur ei in persona. Si ergo humana natura Verbo Dei non unitur in persona, nullo modo ei unitur: & sic totaliter tollitur incarnationis fides: quod est subnecare totam fidem christianam.

Quia ergo Verbum habet naturam humanam sibi unitam, non autem ad suam naturam divinam pertinentem, consequens est quod unio sit facta in Verbi persona, non autem in natura.

Ad primum ergo dicendum, quod licet in Deo non sit aliud secundum rem natura, & persona; differt tamen secundum modum significandi, sicut dictum est (in corp. art.) quia persona significat per modum subsistentis. Et quia natura humana sic unitur Verbo, ut Verbum in ea subsistat, non autem ut aliquid addatur ei ad rationem suæ naturæ, vel ut eius natura in aliud transmutetur; ideo unio humanæ naturæ ad Verbum Dei facta est in persona, non in natura.

Ad secundum dicendum, quod personalitas intantum pertinet ad dignitatem alicuius rei, & perfectionem, in quantum ad dignitatem alicuius rei, & perfectionem eius pertinet quod per se exi-

stat: quod in nomine personæ intelligitur. Dignius autem est alicui quod existat in aliquo se digniori, quam quod existat per se. Et ideo ex hoc ipso humana natura dignior est in Christo quam in nobis, quod in nobis quasi per se existens propriam personalitatem habet, in Christo autem existit in persona Verbi: sicut etiam esse completivum speciei pertinet ad dignitatem formæ, tamen sensitivum nobilius est in homine propter coniunctionem ad nobiliorem formam completivam, quam sit in brutis animalibus, in quo est forma completa.

Ad tertium dicendum, quod Verbum Dei non *assumpsit humanam naturam in universali, sed in atomo*, id est in individuo, sicut Damascenus dicit (Lib. III. orth. Fid. cap. xi. parum a princ.) alioquin oporteret quod cuilibet homini conveniret esse Dei Verbum, sicut convenit Christo. Sciendum est tamen, quod non quolibet individuum in genere substantiæ etiam in rationali natura habet rationem personæ, sed solum illud quod per se existit, non autem quod existit in alio perfectiori. Unde manus Socratis, quamvis sit quoddam individuum, non tamen est persona, quia non per se existit, sed in quodam perfectiori, scilicet in suo toto. Et hoc etiam potest significari in hoc quod persona dicitur substantia individua: non enim manus est substantia completa, sed pars substantiæ. Licet ergo hæc humana natura sit quoddam individuum in genere substantiæ; quia tamen non per se separatim existit; sed in quodam perfectiori, scilicet in persona Dei Verbi, consequens est quod non habet personalitatem propriam. Et ideo facta est unio in persona.



## ARTICULUS III.

*Utrum unio Verbi incarnati facta sit  
in supposito, vel hypostasi.*

III. diff. vi. quæst. i. art. i. & diff. vii. quæst. i. art. i. & diff. x. quæst. i. art. 2. quæst. 3. & IV. cont. cap. xxxiv. xxxviii. & xxxix. & veri. art. 1. 2. & 3. ad 4. & 5. ad 9. & quol. iv. art. 8. & quol. ix. quæst. ii. art. 1. & 3. cor. & opusc. i. cap. xxi. & xxii. & opusc. ii. cap. ccxvii. ccxviii. ccxix. & ccxx.

**A**D tertium sic proceditur. Videtur quod unio Verbi incarnati non sit facta in supposito, live in hypostasi. Dicit enim Augustinus in Enchir. (cap. xxxv.) *Divina substantia, & humana, utraque est unus Dei Filius; sed aliud propter Verbum, & aliud propter hominem.* Leo Papa etiam dicit in epist. ad ad Flavianum (xxviii. in edit. Ven. ante med.) *Unum horum coruscet miraculis, aliud succumbit iniuriis.* Sed aliud, & aliud differt supposito. Ergo unio Verbi incarnati non est facta in supposito.

2. Præterea. Hypostasis nihil aliud est quam substantia particularis, ut Boetius dicit in Lib. de duab. nat. (aliquant. a princ.) Manifestum est autem quod in Christo est quædam alia substantia particularis præter hypostasim Verbi, scilicet corpus, & anima, & compositum ex eis. Ergo in ipso est alia hypostasis præter hypostasim Verbi.

3. Præterea. Hypostasis Verbi non continetur in aliquo genere, neque sub specie, ut patet ex his quæ in prima parte dicta sunt (quæst. i. art. 5.) Sed Christus, secundum quod est factus homo, continetur sub specie humana: dicit enim Dionysius i. cap. de div. Nom. (ante med. lect. 2.) *Intra naturæ nostræ terminos venit qui omnem totius naturæ ordinem supereminenter excedit: non autem continetur sub specie humana, nisi sicut hypostasis quædam humanæ speciei.* Ergo in Christo est alia hypostasis præter hypostasim Verbi Dei; & sic idem quod prius.

Sed contra est quod Damascenus dicit in III. Lib. (orth. Fid. cap. iiii. xv. & v.) *In Domino Iesu Christo duas naturas cognoscimus, unam autem hypostasim.*

Respondeo dicendum, quod quidam ignorant habitudinem hypostasis ad personam, licet concederent in Christo unam solam personam, posuerunt tamen aliam hypostasim Dei, & aliam hominis, ac si unio sit facta in persona, non in hypostasi.

Quod quidem apparet erroneum tripliciter: Primo ex hoc quod persona super hypostasim non addit nisi determinatam naturam, scilicet rationalem, secundum quod Boetius dicit in Lib. de duab. nat. (aliquant. a princ.) quod *persona est rationalis naturæ individua substantia*; & ideo idem est attribuire propriam hypostasim humanæ naturæ in Christo, & propriam personam. Quod intelligentes sancti Patres, utrumque in Concilio quinto apud Constantinopolim celebrato (collat. viii. can. v.) damnaverunt, dicentes: *Si quis introducere conetur in mysterio Christi duas substantias, seu duas personas; anathema sit.* Nec enim adiectionem personæ, vel substantiæ (a) suscepit sancta Trinitas incarnato uno de sancta Trinitate Deo Verbo. Substantia autem idem est quod res subsistens, quod est proprium hypostasis, ut patet per Boetium in Lib. de duab. nat. (aliquant. a princ.)

Secundo quia si dicitur quod persona aliquid addat super hypostasim, in quo possit unio fieri, hoc nihil aliud est quam proprietas ad dignitatem pertinens; secundum quod a quibusdam dicitur, quod persona est hypostasis proprietate distincta ad dignitatem pertinente. Si ergo facta sit unio in persona, & non in hypostasi, consequens erit quod non facta sit unio nisi secundum dignitatem quamdam. Et hoc est approbante Synodo Ephesina (gener. III. part. iiii. can. seu anathem. iiii.) damnatum a Cyrillo sub his verbis: *Si quis in uno Christo dividit substantias post adunationem, sola copulans eas coniunctione, qua secundum dignitatem quamdam, vel auctoritatem est, vel secundum potentiam, & non magis concursu secundum adunationem naturalem; anathema sit.*

Tertio quia tantum hypostasis est cui attribuantur operationes, & proprietates naturæ, & ea etiam quæ ad naturæ rationem pertinent in concreto: dicimus enim, quod hic homo ratiocinatur, & est risibilis, & est animal rationale. Et hac ratione hic homo dicitur esse suppositum, quia scilicet supponitur his quæ

ad hominem pertinent, eorum prædicationem recipiens. Si ergo sit alia hypostasis in Christo præter hypostasim Verbi, sequitur quod de aliquo alio quam de Verbo verificentur ea quæ sunt hominis, puta esse natum de Virgine, passum, crucifixum, & sepultum. Et hoc etiam damnatum est, approbante Concilio Ephel. (loc. cit. can. 1v.) sub his verbis: *Si quis personis duabus, vel subsistentiis eas quæ sunt in evangelicis, & apostolicis Scripturis, pariter voces, aut de Christo a sanctis dictas, aut ab ipso de se, & quasdam quidem velut homini præter illud ex Deo Verbum specialiter intellecto applicat, quasdam vero, velut Deo decibiles, soli ex Deo Patre Verbo; anathema sit.*

Sic ergo patet esse hæresim olim ab Ecclesia damnatam, dicere, quod in Christo sunt duæ hypostases, vel duo supposita, sive quod unio non sit facta in hypostasi, vel supposito. Unde in eadem Synodo (can. 11.) legitur: *Si quis non confiteatur, carni secundum subsistentiam unicum ex Deo Patre Verbum, utrumque esse Christum cum sua carne, eundem scilicet Deum, & hominem; anathema sit.*

Ad primum ergo dicendum, quod sicut accidentaliter differentia facit alterum; ita differentia essentialis facit aliud. Manifestum est autem quod alteritas, quæ provenit ex differentia accidentali, potest ad eandem hypostasim, vel suppositum pertinere in rebus creatis, eo quod idem numero potest diversis accidentibus subesse. Non autem contingit in rebus creatis quod idem numero subsistere possit diversis essentiis, vel naturis; sed unus & idem Christus subsistit in duabus naturis. Unde sicut quod dicitur alterum, & alterum in creaturis, non significat diversitatem suppositi, sed solum diversitatem formarum accidentalium, ita quod dicitur Christus aliud, & aliud, non importat diversitatem suppositi, vel hypostasis, sed diversitatem naturarum. Unde Gregorius Nazianzenus dicit in epist. 1. (a) ad Cledonium (inter princ. & med.) *Aliud, & aliud sunt ea ex quibus Salvator est, non autem alius, & alius. Dico vero aliud, & aliud e contrario quam in Trinitate habet: tibi enim alius, & alius dicimus, ut non subsistentias confundamus, non autem aliud, & aliud.*

Ad secundum dicendum, quod hypostasis significat substantiam particularem, non quocumque modo, sed prout est in

suo complemento; secundum vero quod venit in unionem alicuius magis completi, non dicitur hypostasis, sicut manus, vel pes. Et similiter humana natura in Christo, quamvis sit substantia particularis, quia tamen venit in unionem cuiusdam compieti, scilicet totius Christi, prout est Deus, & homo, non potest dici hypostasis, vel suppositum; sed illud completum, ad quod concurrat, dicitur esse hypostasis, vel suppositum.

Ad tertium dicendum, quod in rebus creatis res aliqua singularis non ponitur in genere, vel in specie ratione eius quod pertinet ad eius individuationem, sed ratione naturæ, quæ secundum formam determinatur; cum individuatione magis sit secundum materiam in rebus compositis. Sic ergo dicendum est, quod Christus est in specie humana ratione naturæ assumptæ, non ratione ipsius hypostasis.

## ARTICULUS IV. 10

*Utrum persona, vel hypostasis Christi post incarnationem sit composita.*

## III. dist. vi. quæst. 11. art. 3.

**A**D quartum sic proceditur. Videtur quod persona Christi non sit composita. Persona enim Christi non est aliud quam persona, vel hypostasis Verbi, ut ex dictis patet (art. 2. hu. quæst.) Sed in Verbo non est aliud persona, & natura, ut patet ex dictis in prima parte (quæst. 11. art. 3. & 7.) Cum ergo natura Verbi sit simplex, ut in primo ostensum est (ibid.) impossibile est quod persona Christi sit composita.

2. Præterea. Omnis compositio videtur esse ex partibus. Sed divina natura non potest habere rationem partis: quia omnis pars habet rationem imperfecti. Ergo impossibile est quod persona Christi sit composita ex duabus naturis.

3. Præterea. Quod componitur ex aliquibus, videtur esse homogeneum eis; sicut ex corporibus non componitur nisi corpus. Si ergo ex duabus naturis aliquid sit in Christo compositum, consequens erit quod illud non erit persona, sed natura; & sic in Christo erit facta unio in natura: quod est contra prædicta (art. 2. hu. quæst.)

Sed contra est quod Damascenus dicit III. Lib. (orth. Fid. cap. 111. 1v. & v.)

(\*) Al. ad Didymum, & in marg. ad Cledonium.

v.) *In Domino Iesu Christo duas naturas cognoscimus, unam autem hypostasim ex utraque compositam.*

Respondeo dicendum, quod persona, sive hypostasis Christi dupliciter potest considerari. Uno modo secundum illud quod est in se; & sic est omnino simplex, sicut & natura Verbi. Alio modo secundum rationem personae, vel hypostasis, ad quam pertinet subsistere in aliqua natura; & secundum hoc persona Christi subsistit in duabus naturis. Unde licet sit ibi unum subsistens, est tamen ibi alia, & alia ratio subsistendi: & sic dicitur persona composita, inquantum unum duobus subsistit.

Et per hoc patet responsio ad primum.

Ad secundum dicendum; quod illa compositio personae ex naturis non dicitur esse ratione partium, sed potius ratione numeri; sicut omne illud in quo duo conveniunt, potest dici ex eis compositum.

Ad tertium dicendum, quod non in omni compositione hoc verificatur quod illud quod componitur, sit homogeneum componentibus, sed solum in partibus continui. Nam continuum non componitur nisi ex continuis; animal vero componitur ex anima, & corpore, quorum neutrum est animal.

## ARTICULUS V.

*Utrum sit facta aliqua unio animae, & corporis in Christo.*

*Inf. quest. xvi. art. 1. cap. & III. dist. vi. quest. 111. art. 1. & IV. con. gen. xxxvii. & xli. & opusc. 11. cap. cxxi.*

**A**D quantum sic proceditur. Videtur quod in Christo non fuerit unio animae, & corporis. Ex unione enim animae, & corporis in nobis causatur persona, vel hypostasis hominis. Si ergo anima, & corpus fuerint in Christo unita, sequitur quod fuerit ex unione eorum aliqua hypostasis constituta. Non autem hypostasis Verbi Dei, quae est aeterna. Ergo in Christo erit aliqua persona, vel hypostasis praeter hypostasim Verbi: quod est contra praedicta (art. 2. & 3. praec.)

2. Praeterea. Ex unione animae, & corporis constituitur natura humanae speciei. Damascenus autem dicit in III. Lib. (orth. Fid. cap. 111. cir. med.) quod in Domino Iesu Christo non est

communem speciem accipere. Ergo in eo non est facta animae, & corporis unio.

3. Praeterea. Anima non coniungitur corpori, nisi ut vivificet ipsum. Sed corpus Christi poterat vivificari ab ipso Verbo Dei, quod est fons, & principium vitae. Ergo in Christo non fuit unio animae, & corporis.

Sed contra est quod corpus non dicitur animatum nisi ex unione animae. Sed corpus Christi dicitur animatum, secundum illud quod Ecclesia cantat: *Animatum corpus iumentis, de Virgine nasci dignatus est.* Ergo in Christo fuit unio animae, & corporis.

Respondeo dicendum, quod Christus dicitur homo univocum cum aliis hominibus, utpote eiusdem speciei existens, secundum illud Apostoli Philip. 11. 7. *In similitudinem hominum factus.* Pertinet autem ad rationem speciei humanae quod anima corpori uniatur: non enim forma constituit speciem, nisi per hoc quod sit actus materiae, & hoc est ad quod generatio terminatur, per quam natura speciem intendit. Unde necesse est dicere, quod in Christo fuerit anima corpori unita; & contrarium est haereticum, utpote derogans veritati humanitatis Christi.

Ad primum ergo dicendum, quod ex hac ratione moti videntur illi qui negaverunt unionem animae, & corporis in Christo, ne per hoc scilicet cogereatur persona novam, vel hypostasim in Christo inducere: quia videbant quod in puris hominibus ex unione animae ad corpus constituitur persona. Sed hoc ideo in puris hominibus accidit, quia anima, & corpus sic in eis coniunguntur ut per se existant. Sed in Christo uniuntur ad invicem, ut adiuncta alteri principaliori, quod subsistit in natura ex eis composita. Et propter ex unione animae, & corporis in Christo non constituitur nova hypostasis, seu persona; sed adventit ipsum coniunctum personae, seu hypostasi praexistenti. Nec propter hoc sequitur quod sit minoris efficaciae unio animae, & corporis in Christo quam in nobis: quia ipsa coniunctio ad nobilius non admittit virtutem, aut dignitatem, sed augeat; sicut anima sensitiva in animalibus constituit speciem, quia consideratur ut ultima forma; non autem in hominibus; quavis in nobis sit virtuosior, & nobilior: & hoc propter adiunctionem ulterioris; & nobilioris perfectionis, scilicet animae

rationalis, ut etiam supra dictum est (art. 2. hu. quæst. ad 2.).

Ad secundum dicendum, quod verbum Damasceni potest intelligi dupliciter. Uno modo, ut referatur ad humanam naturam: quæ quidem non habet rationem communis speciei, secundum quod est in uno solo individuo, sed secundum quod est abstracta ab omni individuo, prout in nuda contemplatione consideratur, vel secundum quod est in omnibus individuis. Filius autem Dei non assumpsit humanam naturam, prout est in sola consideratione intellectus: quia sic non assumpsisset ipsam rem humanæ naturæ: nisi forte diceretur, quod humana natura est quedam idea separata, sicut Platonici posuerunt hominem sine materia (ex Arist. I. Metaph. tex. 6 25. & seq.) Sed tunc Filius Dei non assumpsisset carnem, contra illud quod dicitur Luc. ult. 39. *Spiritus carnem, & ossa non habet, sicut me videtis habere*. Similiter etiam non potest dici, quod Filius Dei assumpsit humanam naturam, prout est in omnibus individuis eiusdem speciei: quia sic omnes homines assumpsisset. Relinquitur ergo, ut Damascenus postea dicit in eodem Lib. (cap. xi. parum a princ.) quod *assumpsit naturam humanam in atomo*, idest in individuo: non quidem in alio individuo, quod sit suppositum, vel hypostasis illius naturæ, quam in persona Filii Dei. Alio modo potest intelligi dictum Damasceni, ut non referatur ad naturam humanam, quasi ex unione animæ, & corporis non resultet una communis natura, quæ est humana; sed est referendum ad unionem duarum naturarum, divinæ scilicet, & humanæ, ex quibus non componitur aliquid tertium, quod sit quedam natura communis: quia sic illud esset natum prædicari de pluribus: & hoc ibi intendit, unde subdit: *Neque enim generatus est, neque unquam generabitur alius Christus ex Deitate, & humanitate, in Deitate, & humanitate Deus perfectus, idem & homo perfectus*.

Ad tertium dicendum, quod duplex est principium vitæ corporalis. Unum quidem effectivum: & hoc modo Verbum Dei est principium omnis vitæ. Alio modo est aliquid principium vitæ formaliter: cum enim *vivere viventibus sit esse*, ut dicit Philosophus II. de Anima (tex. 37.) sicut unumquodque formaliter est per formam suam, ita corpus vivit per animam: & hoc modo non ponitur cor-

pus vivere per Verbum, quod non potest esse corporis forma.

## ARTICULUS VI. 13

*Utrum natura humana fuerit unita Verbo Dei accidentaliter.*

1. P. quæst. xvii. art. 1. & III. dist. viii. quæst. iiii. art. 2. & IV. con. cap. xxxviii. xli. & xlix. & un. art. 1. cor. 1. & ad 13. & opusc. ii. cap. ccxv. & Philip. ii.

**A**D sextum sic proceditur. Videtur quod humana natura fuerit unita Verbo Dei accidentaliter. Dicit enim Apostolus Philip. ii. de Filio Dei, quod *habitu inventus est ut homo*. Sed habitus accidentaliter advenit ei cuius est, sive accipiat habitus, prout est unum de decem prædicamentis, sive prout est species qualitatis. Ergo humana natura accidentaliter unita est Filio Dei.

2. Præterea. Omne quod advenit alicui post esse completum, advenit ei accidentaliter: hoc enim dicimus accidens, quod potest & adesse, & abesse alicui præter subiecti corruptionem. Sed natura humana advenit ex tempore Filio Dei habenti esse perfectum ab æterno. Ergo advenit ei accidentaliter.

3. Præterea. Quicquid non pertinet ad naturam, seu essentiam alicuius rei, est accidens eius: quia omne quod est, aut est substantia, aut accidens. Sed humana natura non pertinet ad essentiam, vel naturam divinam Filii Dei: quia non est facta unio in natura, ut supra dictum est (art. 1. hu. quæst.) Ergo oportet quod natura humana accidentaliter Filio Dei adveniret.

4. Præterea. Instrumentum accidentaliter advenit. Sed humana natura in Christo fuit Divinitatis instrumentum: dicit enim Damascenus in III. Lib. (orth. Fid. cap. xv. post med.) quod *cara Christi instrumentum Divinitatis existit*. Ergo videtur quod humana natura fuerit Filio Dei unita accidentaliter.

Sed contra est quod illud quod accidentaliter prædicatur, non prædicat quid, sed quantum, vel quale, vel aliquo alio modo se habens. Si ergo humana natura accidentaliter adveniret, cum dicitur, *Christus est homo*, non prædicaretur quid, sed quale, aut quantum, aut aliquo alio modo se habens: quod est contra Decretalem Alexandri Papæ III. dicentis (in Concil. Later. III. part. ult. cap.

B

xx.

xx. & hab. cap. *Cum Christus*, de hæreticis: ) *Cum Christus sit perfectus Deus, & perfectus homo; quia temeritate audens quidam dicere, quod Christus, secundum quod est homo, non est quid?*

Respondeo dicendum, quod ad huius quaestionis evidentiā sciendum est, quod circa mysterium unionis duarum naturarum in Christo duplex hæresis insurrexit. Una quidem confundentium naturas; sicut Eutychetis, & Dioscori, qui posuerunt, quod ex duabus naturis est constituta una natura; ita quod constituerent, Christum esse ex duabus naturis, quasi ante unionem distinctis, non autem in duabus naturis, quasi post unionem naturarum distinctione cessante. Alia vero fuit hæresis Nestorii, & Theodori Mopsuesteni separantium personas. Posuerunt enim aliam esse personam Filii Dei, & filii hominis, quas dicebant sibi invicem esse unitas primo quidem secundum inhabitationem, in quantum scilicet Verbum Dei habitavit in illo homine sicut in templo: secundo per unitatem affectus, in quantum scilicet voluntas illius hominis est semper conformis voluntati Verbi Dei: tertio secundum operationem, prout scilicet dicebant hominem illum esse Verbi Dei instrumentum: quarto secundum dignitatem honoris, prout omnis honor qui exhibetur Filio Dei, cohibetur filio hominis propter coniunctionem ad Filium Dei: quinto secundum æquocationem, id est communicationem nominum, prout scilicet dicimus, illum hominem esse Deum, & Filium Dei. Manifestum est autem istos omnes modos accidentalem unionem importare.

Quidam autem posteriores magistri, putantes se has hæreses declinare, in eas per ignorantiam inciderunt. Quidam enim eorum conciserunt unam Christi personam, sed posuerunt duas hypostasies, sive duo supposita, dicentes, hominem quemdam compositum ex corpore, & anima a principio suæ conceptionis esse assumptum a Dei Verbo. Et hæc est prima opinio, quam Magister ponit in vi. dist. Lib. III. Sent. Alii vero volentes servare unitatem personæ, posuerunt Christi animam non esse corpori unitam, sed hæc duo separata ab invicem esse unita Verbo accidentaliter, ut sic non cresceret numerus personarum. Et hæc est tertia opinio, quam Magister ibidem ponit. Utraque autem harum opinionum

incidit in hæresim Nestorii. Prima quidem, quia idem est ponere duas hypostasies, vel duo supposita in Christo, quod ponere duas personas, ut supra dictum est (art. 3. hu. quaest.) Et si fiat vis in nomine personæ, considerandum est, quod etiam Nestorius utebatur unitate personæ propter unitatem dignitatis, & honoris. Unde etiam quinta Synodus (Constant. II. gener. V. collat. viii. can. v.) definit anathema eum qui dicit *unam personam secundum dignitatem, & honorem, & aorationem, sicut Theodorus, & Nestorius insipientes conscripserunt*. Alia vero opinio incidit in errorem Nestorii quantum ad hoc quod posuit unionem accidentalem. Non enim disert dicere, quod Verbum Dei unitum est homini Christo secundum inhabitationem, sicut in templo suo (sicut dicebat Nestorius; ) & dicere, quod unitum fuit Verbum Dei homini secundum indutionem, sicut vestimento, sicut dicit tertia opinio: quæ etiam peius dicit aliquid quam Nestorius, scilicet quod anima, & corpus non sunt unita.

Fides autem catholica medium inter prædictas positiones tenens, non dicit unionem factam Dei, & hominis secundum essentiam, vel naturam, neque etiam secundum accidens, sed medio modo secundum subsistentiam, seu hypostasim. Unde in quinta Synodo (loc. sup. cit.) dicitur: *Cum multis modis unitas intelligatur, qui iniquitatem Apollinarii, & Eutychetis sequuntur (a) interemptionem eorum quæ convenerunt colentes, id est interimentes utramque naturam, unionem secundum confusionem dicunt; Theodori autem, & Nestorii sequaces, divisione gaudentes, affectualem unitatem introducunt. Sancta vero Dei Ecclesia utriusque perfidia impietatem reiiciens, unionem Verbi Dei ad carnem secundum compositionem confitetur, quod est secundum subsistentiam*. Sic ergo patet quod secunda trium opinionum, quas Magister ponit, (III. Sent. dist. vi.) quæ asserit unam hypostasim Dei, & hominis, non est dicenda opinio, sed sententia catholicæ fidei. Similiter etiam prima opinio, quæ ponit duas hypostasies, & tertia, quæ ponit unionem accidentalem, non sunt dicendæ opiniones, sed hæreses in Conciliis ab Ecclesiæ damnatæ.

Ad primum ergo dicendum, quod, sicut Damascenus dicit in III. Lib. (orth. Fid.

(a) Ita cum mss. Alean. aliisque pluribus edit. Rom. Titulgarum, & Patav. Nesciens ponentes, *Ad* in percipiptionem eorum quæ convenerunt, tollentes, *Ad* intercepptionem eorum quæ convenerunt, tollentes.

Fid. cap. xxvi. in fin.) *non necesse est omnifariam, & indiffertive assimilari exempla: quod enim est in omnibus simile, idem utique erit, & non exemplum, & maxime in divinis: impossibile enim est simile exemplum invenire in omnibus, & in Theologia, idest in Deitate personarum, & in dispensatione, idest in mysterio incarnationis.* Humana ergo natura in Christo assimilatur habitui, idest vestimento, non quidem quantum ad accidentalem unionem, sed quantum ad hoc quod Verbum videtur per humanam naturam, sicut homo per vestimentum; & etiam quantum ad hoc quod vestimentum mutatur, quia scilicet formatur secundum figuram eius qui induit ipsum, qui a sua forma non mutatur propter vestimentum. Et similiter humana natura assumpta a Verbo Dei est meliorata, ipsum autem Verbum Dei non est mutatum, ut Augustinus exponit in Lib. lxxxiii. Q. 9. (quaest. lxxxiii. vers. fi.)

Ad secundum dicendum, quod illud quod advenit post esse completum, accidentaliter advenit, nisi trahatur in communionem illius esse completi; sicut in resurrectione corpus advenit animae praexistenti; non tamen accidentaliter, quia ad idem esse assumetur, ut scilicet corpus habeat esse vitale per animam: non est autem sic de albedine, quia aliud est esse albi, & aliud est esse hominis, cui advenit albedo. Verbum autem Dei ab aeterno esse completum habuit secundum hypostasim, sive personam; ex tempore autem advenit ei natura humana, non quasi assumpta ad unum esse, prout est naturae, sicut corpus assumitur ad esse animae; sed ad unum esse, prout est hypostasis, vel personae. Et ideo humana natura non unitur accidentaliter Filio Dei.

Ad tertium dicendum, quod accidens dividitur contra substantiam. Substantia autem, ut patet V. Metaph. (tex. 15.) dupliciter dicitur: uno modo pro essentia, sive natura; alio modo pro supposito, sive hypostasi. Unde sufficit, ad hoc quod non sit unio accidentalis, quod sit facta unio secundum hypostasim, licet non sit facta unio secundum naturam.

Ad quartum dicendum, quod non omne quod assumitur ut instrumentum, pertinet ad hypostasim assumentis, sicut patet de securi, & gladio; nihil tamen prohibet, illud quod assumitur ad unitatem hypostasis, se habere ut instrumen-

tum, sicut corpus hominis, vel membra eius. Nestorius ergo posuit quod natura humana est assumpta a Verbo solum per modum instrumenti, non autem ad unitatem hypostasis. Et ideo non concedebat quod homo ille vere esset Filius Dei, sed instrumentum eius. Unde Cyrillus dicit in epistola ad monachos Aegypti (1. inter med. & fi.) *Hunc Emanuelem, idest Christum, non tamquam instrumenti officio assumptum dicit Scriptura, sed tamquam Deum vere humanatum, idest hominem factum.* Damascenus autem posuit naturam humanam in Christo esse sicut instrumentum ad unitatem hypostasis pertinens.

## ARTICULUS VII. 13

*Utrum unio naturae divinae, & humanae sit aliquid creatum.*

*Inf. art. 8. co. & III. dist. 11. quest. 11. art. 2. quest. 3. ad 2. & dist. v. quest. 1. art. 1. & dist. vii. quest. 11. art. 2. & IV. cont. cap. xxxix. & xli.*

**A**D septimum sic proceditur. Videtur quod unio naturae divinae, & humanae non sit aliquid creatum. Nil enim creatum in Deo potest esse: quia quicquid est in Deo, Deus est. Sed unio est in Deo, quia ipse Deus est humanae naturae unitus. Ergo videtur quod unio non sit aliquid creatum.

2. Praeterea. Finis est potissimum in unoquoque. Sed finis unionis est divina hypostasis, sive persona, ad quam terminata est unio. Ergo videtur quod huiusmodi unio maxime debeat iudicari secundum conditionem divinae hypostasis, quae non est aliquid creatum. Ergo nec ipsa unio est aliquid creatum.

3. Praeterea. Propter quod unumquodque, & illud magis, ut dicit Philosophus (Lib. I. Poster. tex. 5.) Sed homo dicitur esse creator propter unumquem. Ergo multo magis ipsa unio non est aliquid creatum, sed creator.

Secundum contra. Omne quod incipit esse ex tempore, est creatum. Sed unio illa ab aeterno non fuit, sed incepit esse ex tempore. Ergo unio est aliquid creatum.

Respondetur dicendum, quod unio de qua loquimur, est relatio quadam, quae consideratur inter divinam naturam & humanam, secundum quod conveniunt in una persona Filii Dei. Sicut autem

in prima parte dictum est (quaest. XIII. art. 7.) omnis relatio quae consideratur inter Deum & creaturam, realiter quidem est in creatura, per cuius mutationem talis relatio innascitur; non autem est realiter in Deo, sed secundum rationem tantum, quia non innascitur secundum mutationem Dei. Sic ergo dicendum est, quod haec unio de qua loquimur, non est in Deo realiter, sed secundum rationem tantum; in humana autem natura, quae creatura quaedam est, realiter est.

Et ideo oportet dicere, quod sit quiddam creatum.

Ad primum ergo dicendum, quod haec unio non est in Deo realiter, sed secundum rationem tantum: dicitur enim Deus unitus creaturae hoc quod creatura est realiter unita Deo absque eius mutatione.

Ad secundum dicendum, quod ratio relationis, sicut & motus, dependet ex fine, vel termino; sed esse eius dependet a subiecto. Et quia unio talis non habet esse reale nisi in natura creata, ut dictum est (in corp.) consequens est quod habeat esse creatum.

Ad tertium dicendum, quod homo dicitur creator, & est Deus propter unionem, in quantum terminatur ad hypostasim divinam; non tamen sequitur quod ipsa unio sit creator, vel Deus: quia quod aliquid dicatur creatum, hoc magis respicit esse ipsius quam rationem.

#### ARTICULUS VIII. 14

*Utrum unio Verbi incarnati sit idem quod assumptio.*

III. dist. v. quæst. 3. art. 1. quæst. 3.

**A**D octavum sic proceditur. Videtur quod idem sit unio quod assumptio. Relationes enim, sicut & motus, specificantur secundum terminum. Sed idem est terminus assumptionis, & unionis, scilicet divina hypostasis. Ergo videtur quod non differant unio, & assumptio.

2. Præterea. In mysterio incarnationis idem videtur esse unius, & assumens, unitum, & assumptum. Sed unio, & assumptio videtur sequi actionem, & passionem uniens, & uniti, vel assumptis, & assumpti. Ergo videtur idem esse unio quod assumptio.

3. Præterea. Damascenus dicit in Lib. III. (orth. Fid. cap. XI. ant. med.) *Aliud*

*est unio, aliud incarnatio: nam unio solam demonstrat copulationem; ad quid autem facta est copulatio, non adhuc: humanatio autem, & incarnatio determinans, ad quem sit facta copulatio. Sed similiter assumptio non determinat, ad quem facta sit copulatio. Ergo videtur unio idem esse quod assumptio.*

Sed contra est quod divina natura dicitur esse unita, non autem assumpta.

Respondeo dicendum, quod, sicut dictum est (art. præc.) unio importat relationem quamdam divinæ naturæ, & humanæ, secundum quod conveniunt in una persona. Omnis autem relatio quæ incipit esse ex tempore, ex aliqua mutatione causatur: mutatio autem consistit in actione, & passione. Sic ergo dicendum est, quod prima, & principalis differentia inter assumptionem & unionem est quod unio importat ipsam relationem, assumptio autem actionem, secundum quam dicitur aliquis assumens, vel passionem, secundum quam dicitur aliquid assumptum. Ex hac autem differentia accipitur secundo alia differentia: nam assumptio dicitur sicut in fieri, unio autem sicut in facto esse: & ideo uniens dicitur esse unitum, assumens autem non dicitur esse assumptum. Natura enim humana significatur ut in termino assumptionis ad hypostasim divinam, per hoc quod dicitur homo: unde vere dicimus, quod Filius Dei, qui est uniens sibi humanam naturam, est homo. Sed humana natura in se consue-rata, id est in abstracto, significatur ut assumpta: non autem dicimus, quod Filius Dei sit humana natura. Ex eadem etiam sequitur tertia differentia, quod relatio, præcipue æquiparantæ, non magis se habet ad unum extremum quam ad aliud; actio autem, & passio diversimode se habent ad agens, & patiens; & ad diversos terminos. Et ideo assumptio determinat terminum a quo, & ad quem: dicitur enim assumptio, quasi ab alio ad se sumptio. Unio autem nihil horum determinat: unde indifferenter dicitur, quod humana natura est unita divinæ, & e converso. Non autem dicitur divina natura assumpta ab humana, sed e converso: quia humana natura adiuncta est ad personalitatem divinam, ut scilicet persona divina in humana natura subsistat.

Ad primum ergo dicendum, quod unio, & assumptio non eodem modo se habent ad terminum, sed diversimode, sicut dictum est (in cor. art.)

Ad

Ad secundum dicendum, quod uniens, & assumens non omnino sunt idem. Nam, omnis persona assumens est uniens, non autem e converso. Nam persona Patris univit naturam humanam Filio, non autem sibi; & ideo dicitur uniens, non assumens, quasi ad se sumens: persona autem Filii, quæ sibi humanam naturam univit, est uniens, & assumens. Et similiter non est idem unitum, & assumptum: nam divina natura dicitur unita, & non assumpta.

Ad tertium dicendum, quod assumptio determinat, cui facta est copulatio, ex parte assumentis, inquantum assumptio dicitur, quasi ad se sumptio; sed incarnatio, & humanatio ex parte assumpti, quod est caro, vel natura humana. Et ideo assumptio differt ratione & ab unione, & ab incarnatione, seu humanatione.

ARTICULUS IX. 15

*Utrum unio duarum naturarum in Christo sit maxima unio.*

III. dist. v. quæst. i. art. i. quæst. i. & IV. cont. cap. xli.

**A**D nonum sic proceditur. Videtur quod unio duarum naturarum in Christo non sit maxima unio. Unitum enim deficit in ratione unitatis ab eo quod est unum, eo quod unitum dicitur per participationem, unum autem per essentiam. Sed in rebus creatis aliquid dicitur simpliciter esse unum, sicut præcipue patet de unitate ipsa, quæ est principium numeri. Ergo huiusmodi unio de qua loquimur, non importat maximam unitatem.

2. Præterea. Quanto ea quæ uniuntur, magis distant, tanto minor est unio. Sed ea quæ secundum hanc unionem uniuntur, maxime distant, scilicet natura divina, & humana: distant enim in infinitum. Ergo huiusmodi est minima unio.

3. Præterea. Per unionem fit aliquid unum. Sed ex unione animæ, & corporis in nobis fit aliquid unum in persona, & natura; ex unione autem divinæ, & humanæ naturæ fit aliquid unum solum in persona. Ergo maior est unio animæ ad corpus quam divinæ naturæ ad humanam: & sic unio, de qua loquimur, non importat maximam unitatem.

S. Th. Oper. Tom. XXIV.

Sed contra est quod Augustinus dicit in I. de Trinitate (cap. x. ante med.) *quod homo potius est in Filio Dei quam Filius in Patre.* Filius autem est in Patre per unitatem essentiae, homo vero est in Filio per unionem incarnationis. Ergo maior est unio incarnationis quam unitas divinæ essentiae, quæ tamen est maxima unio; & sic per consequens unio incarnationis importat maximam unitatem.

Respondendo dicendum, quod unio importat conjunctionem aliquorum in aliquo uno. Potest ergo unio incarnationis dupliciter accipi: uno modo ex parte eorum quæ coniunguntur; alio modo ex parte eius in quo coniunguntur.

Et ex hac parte huiusmodi unio habet præminentiam inter alias uniones: nam unitas personæ divinæ, in qua uniuntur duæ naturæ, est maxima; non autem habet præminentiam ex parte eorum quæ coniunguntur.

Ad primum ergo dicendum, quod unitas divinæ personæ est maior quam unitas numeralis, quæ scilicet est principium numeri. Nam unitas divinæ personæ est unitas increata per se subsistens, non recepta in aliquo per participationem: est etiam in se completa, habens in se quicquid pertinet ad rationem unitatis; & ideo non competit sibi ratio partis, sicut unitati numerali, quæ est pars numeri, & quæ participatur in rebus numeratis. Et ideo quantum ad hoc unio incarnationis præminet unitati numerali, ratione scilicet unitatis divinæ personæ, non autem ratione naturæ humanæ, quæ non est ipsa unitas divinæ personæ, sed est ei unita.

Ad secundum dicendum, quod ratio illa procedit ex parte coniungendorum, non autem ex parte personæ, in qua facta est unio.

Ad tertium dicendum, quod unitas divinæ personæ est maior unitas quam unitas & personæ, & naturæ in nobis: & ideo unio incarnationis est maior quam unio animæ & corporis in nobis.

Quia vero illud quod in contrarium obicitur, falsum supponit, scilicet quod maior sit unio incarnationis quam unitas personarum divinarum in essentia, dicendum est ad auctoritatem Augustini, quod humana natura non est magis in Filio Dei quam Filius Dei Patre, sed multo minus. Sed ipse homo quantum ad aliquid est in Filio magis quam Filius in Patre, inquantum scilicet i-



dem supponitur in hoc quod dico *homo*, prout sumitur pro Christo, & in hoc quod dico *Filius Dei*; non autem est idem suppositum Patris, & Filii.

# ARTICULUS X. 16

*Utrum unio duarum naturarum in Christo sit facta per gratiam.*

*Inf. quest. vi. & veri. quest. xxix. art. 1. & III. dist. xiii. quest. iiii. art. 1.*

**A**D decimum sic proceditur. Videtur quod unio incarnationis non sit facta per gratiam. Gratia enim est accidens quoddam, ut in secunda parte habitum est (1. 2. quest. cx. art. 2.) Sed humanæ naturæ unio ad divinam non est facta per accidens, ut supra ostensum est (art. 6. huius quest.) Ergo videtur quod unio incarnationis non sit facta per gratiam.

2. Præterea. Gratia subiectum est anima. Sed, sicut dicitur Coloss. 11. 9. *in Christo inhabitavit plenitudo Divinitatis corporaliter*. Ergo videtur quod illa unio non sit facta per gratiam.

3. Præterea. Quilibet Sanctus Deo unitur per gratiam. Si igitur unio incarnationis fuit per gratiam, videtur quod non, aliter dicitur Christus esse Deus quam alii sancti homines.

Sed contra est quod Augustinus dicit in Libro de prædestin. Sanctorum (cap. xv. ante med.) *Ea gratia fit ab initio fidei sue homo quicumque christianus, qua gratia homo ille ab initio suo factus est Christus*. Sed homo ille factus est Christus per unionem ad divinam naturam. Ergo unio illa fuit per gratiam.

Respondendo dicendum, quod, sicut in secunda parte dictum est (1. 2. quest. cx. art. 1.) gratia dupliciter dicitur: uno modo ipsa voluntas Dei gratis aliquid dantis; alio modo ipsum gratuitum donum Dei. Indiget autem humana natura gratuita Dei voluntate ad hoc quod eleveetur in Deum, cum hoc sit supra facultatem suæ naturæ. Eleveatur autem humana natura in Deum dupliciter: uno modo per operationem, qua scilicet Sancti cognoscunt, & amant Deum; alio modo per esse personale: qui quidem modus est singularis Christo, in quo humana natura assumpta est ad hoc quod sit persona Filii Dei. Manifestum est au-

tem quod ad perfectionem operationis requiritur quod potentia sit perfecta per habitum; sed quod natura habeat esse in supposito suo, non fit mediante aliquo habitu.

Sic ergo dicendum est, quod si gratia accipiat ipsa Dei voluntas gratis aliquid faciens, vel gratum, seu acceptum aliquem habens; unio incarnationis facta est per gratiam, sicut & unio Sanctorum ad Deum per cognitionem, & amorem. Si vero gratia dicatur ipsum gratuitum Dei donum, sic ipsum quod est humanam naturam esse unitam personæ divinæ, potest dici quædam gratia, in quantum nullis præcedentibus meritis hoc est factum; non autem ita quod sit aliqua gratia habitualis, qua mediante talis unio fiat.

Ad primum ergo dicendum, quod gratia quæ est accidens, est quædam similitudo Divinitatis participata in homine. Per incarnationem autem humana natura non dicitur participasse similitudinem aliquam divinæ naturæ; sed dicitur esse coniuncta ipsi divinæ naturæ in persona Filii. Maius autem est ipsa res quam similitudo eius participata.

Ad secundum dicendum, quod gratia habitualis est solum in anima; sed gratia idest gratuitum Dei donum, quod est uniri divinæ personæ, pertinet ad totam naturam humanam, quæ componitur ex anima, & corpore. Et per hunc modum dicitur plenitudo Divinitatis in Christo corporaliter habitasse: quia est unita divina natura non solum animæ, sed etiam corpori. Quamvis etiam possit dici, quod dicitur habitasse in Christo corporaliter, idest non umbraliter, sicut habitavit in sacramentis veteris legis; de quibus ibidem subditur, quod sunt umbra futurorum, corpus autem est Christus, prout scilicet corpus contra umbram dividitur. Dicunt etiam quidam, quod Divinitas dicitur in Christo habitasse corporaliter, idest tribus modis, sicut corpus habet tres dimensiones: uno modo per essentiam, præsentiam, & potentiam, sicut in ceteris creaturis; alio modo per gratiam gratum facientem, sicut in Sanctis; tertio per unionem personalem, quod est proprium ipsi Christo.

Unde patet responsio ad tertium, quia scilicet unio incarnationis non est facta solum per gratiam habitalem, sicut alii Sancti uniuntur Deo, sed secundum subsistentiam, sive personam.

## ARTICULUS XI. 17

*Utrum unionem Verbi incarnati aliqua merita præcesserint.*

1. 2. *quæst. xcvi. art. 4. corp. & III. diff. iv. quæst. 111. art. 1. & Rom. 1. lect. 3. & Heb. 1. lect. 4.*

**A**D undecimum sic proceditur. Videtur quod unio incarnationis fuerit aliqua merita subsecuta. Quia super illud Psal. xxxiii. *Fiat misericordia tua super nos, quemadmodum &c.* dicit Glossa (ord. implic.) „Hic insinuaturs delictum Prophetæ de incarnatione, & meritum impletionis.“ Ergo incarnatio cadit sub merito.

2. Præterea. Quicumque meretur aliquid, meretur illud sine quo illud haberi non potest. Sed antiqui patres merebantur vitam æternam, ad quam pervenire non poterant nisi per incarnationem: dicit enim Gregorius in Lib. XIII. Moral. (cap. xv. in fi.) *Hi qui ante Christi adventum in hunc mundum venerunt, quantumlibet iustitiae virtutem haberent, ex corporibus eadenti, in sinum cælestis patriæ statim recipi nullo modo poterant: quia nondum ille venerat qui iustorum animas in perpetua sede collocaret.* Ergo videtur quod meruerint incarnationem.

3. Præterea. De beata Virgine cantatur, quod *Dominum omnium meruit portare*: quod quidem factum est per incarnationem. Ergo incarnatio cadit sub merito.

Sed contra est quod Augustinus dicit in Lib. de prædest. Sanct. (cap. xv. ad fi.) *Quisquis in capite nostro præcedentia merita singularis illius generationis invenit, ipse in nobis membris eius præcedentia merita multipliciter regenerationis requirat.* Sed nulla merita præcesserunt regenerationem nostram, secundum illud ad Titum iiii. 5. *Non ex operibus iustitiæ, quæ fecimus nos, sed secundum suam misericordiam salvos nos fecit per lavacrum regenerationis.* Ergo nec illam Christi generationem aliqua merita præcesserunt.

Respondendo dicendum, quod quantum ad ipsum Christum, manifestum est ex præmissis (art. præc.) quod nulla eius merita potuerunt præcedere unionem. Non enim ponimus quod ante fuerit purus homo, & postea per meritum bonæ vitæ obtinuerit esse Filius Dei, sicut posuit Photinus; sed ponimus quod a principio

sua conceptionis ille homo vere fuerit Filius Dei, utpote non habens aliam hypostasim quam Filii Dei, secundum illud Luc. 1. 35. *Quod ex te nascetur sanctum, vocabitur Filius Dei.* Et ideo omnis operatio illius hominis subsecuta est unionem. Ergo nulla eius operatio potuit esse meritum unionis.

Sed neque etiam opera alterius cuiuscunque hominis potuerunt esse meritoria huius unionis ex condigno. Primo quidem quia opera meritoria hominis proprie ordinantur ad beatitudinem, quæ est virtutis præmium, & consistit in plena Dei fruitione. Unio autem incarnationis, cum sit in esse personalis, transcendit unionem beatæ mentis ad Deum, quæ est per actum fruētis: & ideo non potest cadere sub merito. Secundo quia gratia non potest cadere sub merito, quia est merendi principium. Unde multo minus incarnatio cadit sub merito, quæ est principium gratiæ, secundum illud Ioan. 1. 17. *Gratia, & veritas per Iesum Christum facta est.* Tertio quia incarnatio Christi est reformativa totius humanæ naturæ: & ideo non cadit sub merito alicuius hominis singularis: quia bonum alicuius puri hominis non potest esse causa boni totius naturæ.

Ex congruo tamen meruerunt sancti patres incarnationem, desiderando, & petendo: congruum enim erat ut Deus exaudiret eos qui ei obediabant.

Et per hoc pater responsio ad primum.

Ad secundum dicendum, quod hoc est falsum quod sub merito cadit omne illud sine quo præmium esse non potest. Quædam enim sunt quæ non solum requiruntur ad præmium, sed etiam præxiguntur ad meritum; sicut divina bonitas, & eius gratia, & ipsa hominis natura. Et similiter incarnationis mysterium est principium merendi: quia de plenitudine Christi omnes, accepimus, ut dicitur Ioan. 1. 16.

Ad tertium dicendum, quod beata Virgo dicitur meruisse portare Dominum omnium, non quia meruit ipsum incarnari, sed quia meruit ex gratia sibi data illum puritatis, & sanctitatis gradum, ut congrue posset esse mater Dei.

## ARTICULUS XII. 18

*Utrum gratia unionis fuerit homini  
Christo naturalis.*

*Inf. quæst. VII. art. 13. ad 2. & quæst.  
XXXIV. art. 3. ad 2. & III. dist. IV.  
quæst. III. art. 2.*

**A**D duodecimum sic proceditur. Videtur quod gratia unionis non fuerit homini Christo naturalis. Unio enim incarnationis non est facta in natura, sed in persona, ut dictum est (art. 2. huius quæst.) Sed unumquodque denominatur a termino. Ergo gratia illa magis debet dici personalis quam naturalis.

2. Præterea. Gratia dividitur contra naturam; sicut gratuita, quæ sunt a Deo, distinguuntur contra naturalia, quæ sunt a principio intrinseco. Sed eorum quæ ex opposito dividuntur, unum non denominatur ab alio. Ergo gratia Christi non est ei naturalis.

3. Præterea. Naturale dicitur quod est secundum naturam. Sed gratia unionis non est naturalis Christo secundum naturam divinam, quia sic conveniret aliis personis; nec etiam naturalis est ei secundum naturam humanam, quia sic conveniret omnibus hominibus, qui sunt eiusdem naturæ cum ipso. Igitur videtur quod nullo modo gratia unionis sit Christo naturalis.

Sed contra est quod Augustinus dicit in Enchir. (cap. xl.) *In humanæ naturæ susceptione fit quodammodo ipsa gratia illi homini naturalis, quæ nullum posset admittere peccatum.*

Respondetur dicendum, quod secundum Philosophum in V. Metaph. (tex. 5.) natura uno modo dicitur ipsa nativitas, alio modo essentia rei. Unde naturale potest aliquid dici dupliciter: uno modo quod est tantum ex principiis essentialibus rei, sicut igni naturale est sursum ferri; alio modo dicitur esse homini naturale quod ab ipsa nativitate habet, secundum illud Ephes. 11. 3. *Erasmus natura filii iræ*; & Sap. xii. 10. *Nequam est natio eorum, & naturalis malitia ipsorum*. Gratia igitur Christi, sive unionis, sive habitualis, non potest dici naturalis, quasi causata ex principiis humanæ naturæ in Christo; quamvis possit dici naturalis, quasi proveniens in naturam humanam Christi, causante divi-

na natura ipsius. Dicitur autem naturalis utraque gratia in Christo, inquantum eam a nativitate habuit: quia ab initio conceptionis fuit natura humana divinæ personæ unita, & anima eius fuit munere gratiæ repleta.

Ad primum ergo dicendum, quod licet unio non sit facta in natura, est tamen causata ex virtute divinæ naturæ, quæ est vere natura Christi; & etiam convenit Christo a principio suæ nativitatis.

Ad secundum dicendum, quod non secundum idem dicitur gratia, & naturalis: sed gratia quidem dicitur, inquantum non est ex merito; naturalis autem dicitur, inquantum est ex virtute divinæ naturæ in humanitate Christi ab eius nativitate.

Ad tertium dicendum, quod gratia unionis non est naturalis Christo secundum humanam naturam, quasi ex principiis humanæ naturæ causata; & ideo non oportet quod conveniat omnibus hominibus. Est tamen naturalis ei secundum humanam naturam propter proprietatem nativitatis ipsius, prout sic conceptus est ex Spiritu sancto, ut esset idem naturalis filius Dei, & hominis. Secundum vero divinam naturam est ei naturalis, inquantum divina natura est principium activum huius gratiæ; & hoc convenit toti Trinitati, scilicet huius gratiæ esse activum principium.

## QUAESTIO III.

*De modo unionis ex parte personæ  
assumentis,*

*in octo articulos divisa.*

**D**Einde considerandum est de unione ex parte personæ assumentis: & circa hoc quærentur octo.

Primo, utrum assumere conveniat personæ divinæ.

Secundo, utrum conveniat naturæ divinæ.

Tertio, utrum natura possit assumere abstracta personalitate.

Quarto, utrum una persona possit assumere sine alia.

Quinto, utrum quælibet personæ possit assumere.

Sexto, utrum plures personæ possint assumere unam numero naturam.

Septimo, utrum una persona possit assumere duas numero naturas.

Oratio

Octavo, utrum magis fuerit conveniens de persona Filii Dei quod assumeret humanam naturam, quam de alia persona divina.

ARTICULUS I. 19

*Utrum persona divina conveniat assumere naturam creatam.*

III. dist. v. quæst. 11. art. 1.

**A**D primum sic proceditur. Videtur quod personæ divinæ non conveniat assumere naturam creatam. Persona enim divina significat aliquid maxime perfectum. Perfectum autem est cui non potest fieri additio. Cum igitur assumere sit quasi ad se sumere, ita quod assumptum addatur assumenti, videtur quod personæ divinæ non convenit assumere naturam creatam.

2. Præterea. Illud ad quod aliquid assumitur, communicatur quodammodo ei quod in ipsum assumitur; sicut dignitas communicatur ei qui in dignitatem assumitur. Sed de ratione personæ est quod sit incommunicabilis, ut in prima parte dictum est (quæst. xxix. art. 1.) Ergo personæ divinæ non convenit assumere, quod est ad se sumere.

3. Præterea. Persona constituitur per naturam. Sed inconveniens est quod constitutum assumat constituens, quia effectus non agit in suam causam. Ergo personæ non convenit assumere naturam.

Sed contra est quod Augustinus (Fulgentius) dicit de fide ad Petrum (cap. 11. a med.) *Formam, id est naturam servi, in suam accepit Deus ille*, scilicet unigenitus, *personam*. Sed Deus unigenitus est persona. Ergo personæ competit accipere naturam, quod est assumere.

Respondeo dicendum, quod in verbo assumptionis duo importantur, videlicet principium actus, & terminus: dicitur enim assumere, quasi ad se sumere. Huius autem sumptionis persona est & principium, & terminus. Principium quidem, quia personæ proprie competit agere: huiusmodi autem sumptio carnis per actionem divinam facta est. Similiter etiam persona est huius sumptionis terminus: quia, sicut supra dictum est (quæst. præc. art. 1. & 2.) unio facta est in persona, non in natura. Et sic patet quod propriissime competit personæ assumere naturam.

Ad primum ergo dicendum, quod cum persona divina sit infinita, non potest ei fieri additio. Unde Cyrillus dicit in epist. synodali Ephes. Concil. (quæ inscribitur: *Cyrillus & Synodus ex Agoni* etc. can. v. & hab. in eo Conc. quod est generale III. part. 1. cap. xxvi.) *Non secundum appositionem coniunctionis intelligimus modum: sicut etiam in unione hominis ad Deum, quæ est per gratiam adoptionis, non additur aliquid Deo; sed illud quod divinum est, apponitur homini: unde non Deus, sed homo perficitur.*

Ad secundum dicendum, quod persona dicitur incommunicabilis, inquantum non potest de pluribus suppositis prædicari; nihil tamen prohibet plura de persona prædicari. Unde non est contra rationem personæ sic communicari, ut subsistat in pluribus naturis: quia etiam in personam creatam possunt plures naturæ concurrere accidentaliter; sicut in persona unius hominis invenitur quantitas, & qualitas. Hoc autem est proprium divinæ personæ propter eius infinitatem, ut fiat in ea concursus naturarum, non quidem accidentaliter, sed secundum subsistentiam.

Ad tertium dicendum, quod, sicut supra dictum est (quæst. 11. art. 1.) natura humana non constituit personam divinam simpliciter; sed constituit eam, secundum quod denominatur a tali natura. Non enim ex natura humana habet Filius Dei quod sit simpliciter, cum fuerit ab æterno; sed solum quod sit homo. Sed secundum naturam divinam constituitur persona divina simpliciter. Unde persona divina non dicitur assumere divinam naturam, sed humanam.

ARTICULUS II. 20

*Utrum divinæ naturæ conveniat assumere.*

III. dist. v. quæst. 11. art. 2.

**A**D secundum sic proceditur. Videtur quod naturæ divinæ non conveniat assumere. Quia, sicut dictum est (art. præc.) assumere dicitur quasi ad se sumere. Sed natura divina non sumptis ad se humanam naturam: quia non est facta unio in natura, sed in persona, sicut supra dictum est (quæst. 11. art. 1. & 11.) Ergo naturæ divinæ non competit assumere naturam humanam.

2. Præ-

2. Præterea. Natura divina communis est tribus personis. Si ergo naturæ convenit assumere, sequitur quod conveniat tribus personis: & ita Patet assumptis naturam humanam, sicut & Filius: quod est erroneum.

3. Præterea. Assumere est agere. Agere autem convenit personæ, non naturæ, quæ magis significatur ut principium quo agens agit. Ergo assumere non convenit naturæ.

Sed contra est quod Augustinus (Fulgentius) dicit in Lib. de fide ad Pet. (cap. 11. inter princ. & med.) *Illa natura quæ semper genita manet ex Patre, idest quæ est per generationem æternam accepta a Patre, naturam nostram a matre sine peccato suscepit.*

Respondeo dicendum, quod, sicut dictum est (art. præc.) in verbo assumptionis duo significantur, scilicet principium actionis, & terminus eius. Esset autem assumptionis principium, convenit naturæ divinæ secundum seipsam, quia eius virtute assumptio facta est; sed esse terminum assumptionis, non convenit naturæ divinæ secundum seipsam, sed ratione personæ, in qua consideratur. Et ideo primo quidem, & propriissime persona dicitur assumere; secundario autem potest dici, quod etiam natura assumpsit naturam ad sui personam: & secundum etiam hunc modum dicitur natura incarnata, non quasi sit in carnem conversa, sed quia naturam carnis assumpsit. Unde Damascenus dicit (Lib. III. orthod. Fid. cap. vi. ad fin.) *Dicimus naturam Dei incarnatam esse, secundum beatos Athanasium, & Cyrillum.*

Ad primum ergo dicendum, quod ly *se* est reciprocum, & refert idem suppositum. Natura autem divina non differt supposito a persona Verbi. Et ideo in quantum natura divina sumit naturam humanam ad personam Verbi, dicitur eam ad se sumere. Sed quamvis Pater sumat naturam humanam ad personam Verbi, non tamen propter hoc sumit eam ad se, quia non est idem suppositum Patris, & Verbi: & ideo non potest dici proprie, quod Pater assumat naturam humanam.

Ad secundum dicendum, quod illud quod convenit naturæ divinæ secundum se, convenit tribus personis; sicut bonitas, sapientia, & huiusmodi. Sed assumere convenit ei ratione personæ Ver-

bi, sicut dictum est (in corp. art.) & ideo soli illi personæ convenit.

Ad tertium dicendum, quod sicut in Deo idem est quod est, & quo est; ita etiam in eo idem est quod agit, & quo agit: quia unumquodque agit, in quantum est ens. Unde natura divina est illud quo Deus agit, & est ipse Deus agens.

## ARTICULUS III. 27

*Utrum, abstracta personalitate per intellectum, natura possit assumere.*

### III. dist. v. quæst. 11. art. 3.

**A**D tertium sic proceditur. Videtur quod abstracta personalitate per intellectum, natura non possit assumere. Dictum est enim (art. 1. huius quæst.) quod naturæ convenit assumere ratione personæ. Sed quod convenit alicui ratione alicuius, remoto eo, non potest ei convenire; sicut corpus, quod est visibile ratione coloris, sine colore videri non potest. Ergo, abstracta personalitate per intellectum, natura assumere non potest.

2. Præterea. Assumptio importat terminum unionis, ut dictum est (loc. cit.) Sed unio non potest fieri in natura, sed solum in persona. Ergo, abstracta personalitate, natura divina non potest assumere.

3. Præterea. In prima parte dictum est (quæst. xl. art. 3.) quod in divinis, abstracta personalitate, nihil manet. Sed assumens est aliquid. Ergo, abstracta personalitate, non potest divina natura assumere.

Sed contra est quod in divinis personalitas dicitur proprietas personalis; quæ triplex est, scilicet paternitas, filiatio, & processio, ut in prima parte dictum est (quæst. xxx. art. 2.) Sed remotis his per intellectum, adhuc remanet Dei omnipotentia, per quam est facta incarnatio; sicut Angelus dicit Luc. 1. 37. *Non erit impossibile apud Deum omne verbum.* Ergo videtur quod (a) etiam remota personalitate, natura divina possit assumere.

Respondeo dicendum, quod intellectus dupliciter se habet ad divina. Uno modo ut cognoscat Deum sicut est: & sic impossibile est quod describeretur per intellectum aliquid a Deo, & quod ali-

(a) Ita cum Mss, Camer, Nicolains, Cæd. Arian, Videtur etiam quod, Ali, d. est etiam.

remaneat: quia totum quod est in Deo, est unum, salva distinctione personarum; quarum tamen una tollitur, sublata alia: quia distinguuntur solum relationibus, quas oportet esse simul. Alio modo se habet intellectus ad divina, non quidem quasi cognoscens Deum ut est, sed per modum suum, scilicet multipliciter, & divisum, id quod in Deo est unum: & per hunc modum potest intellectus noster intelligere bonitatem, & sapientiam divinam, & alia huiusmodi, quæ dicuntur essentialia attributa, non intellecta paternitate, vel filiatione, quæ dicuntur personalitates. Et secundum hoc, abstracta personalitate per intellectum, possumus adhuc intelligere naturam assumentem.

Ad primum ergo dicendum, quod quia in divinis idem est quo est, & quod est, quicquid eorum quæ attribuuntur Deo in abstracto, secundum se consideretur, aliis circumscriptis, erit aliquid subsistens, & per consequens persona, cum sit in natura intellectuali. Sicut igitur nunc positis proprietatibus personalibus in Deo dicimus tres personas; ita exclusis per intellectum proprietatibus personalibus, remanebit in consideratione nostra natura divina ut subsistens, & ut persona. Et per hunc modum potest intelligi quod assumat naturam humanam ratione suæ subsistentiæ, vel personalitatis.

Ad secundum dicendum, quod etiam circumscriptis per intellectum personalitatibus trium personarum, remanebit in intellectu una personalitas Dei, ut Iudæi intelligunt; ad quam poterit terminari assumptio, sicut nunc dicimus eam terminari ad personam Verbi.

Ad tertium dicendum, quod abstracta personalitate per intellectum, dicitur nihil remanere per modum resolutionis, quasi aliud sit quod subiicitur relationi, & aliud ipsa relatio, quia quicquid consideratur in Deo, consideratur ut suppositum subsistens. Potest tamen aliquid eorum quæ dicuntur de Deo, intelligi sine alio, non per modum resolutionis, sed per modum iam dictum (in corp. art.)

## ARTICULUS IV. 22

*Utrum una persona possit sine alia naturam creatam assumere.*

III. dist. 1. quæst. 11. art. 1.

**A**D quartum sic proceditur. Videtur quod una persona non possit assumere naturam creatam, alia non assumente. *Indivisa enim sunt opera Trinitatis*, ut dicit Augustinus in Enchirid. (cap. xxxviii. a med.) Sicut autem trium personarum est una essentia, ita & una operatio. Sed assumere est operatio quædam. Ergo non potest convenire uni personæ divinæ, quin conveniat alii.

1. Præterea. Sicut dicimus personam Filii incarnatam, ita & naturam: *tota enim divina natura in una suarum hypostasum incarnata est*, ut dicit Damascenus in III. Lib. (orth. Fid. cap. vi. ante med.) Sed natura communis est tribus personis. Ergo & assumptio.

3. Præterea. Sicut humana natura in Christo assumpta est a Deo; ita etiam homines per gratiam assumuntur ab ipso, secundum illud Rom. xiv. 3. *Deus illum assumpsit*. Sed hæc assumptio communiter pertinet ad omnes personas. Ergo & prima.

Sed contra est quod Dionysius 11. cap. de div. Nom. (lect. 1. & 2.) incarnationis mysterium dicit pertinere ad discretam Theologiam, secundum quam scilicet aliquid distinctum dicitur de divinis personis.

Respondeo dicendum, quod, sicut dictum est (art. 1. huius quæst.) assumptio duo importat, scilicet actum assumentis, & terminum assumptionis. Actus autem assumentis procedit ex divina virtute, quæ communis est tribus personis; sed terminus assumptionis est persona, sicut dictum est (loc. cit.) Et ideo id quod est actionis in assumptione, commune est tribus personis; sed id quod pertinet ad rationem termini, convenit ita uni personæ quod non alii: tres enim personæ fecerunt ut humana natura uniretur uni personæ Filii.

Ad primum ergo dicendum, quod ratio illa procedit ex parte operationis: & sequeretur conclusio, si solam illam operationem importaret absque termino, qui est persona.

Ad secundum dicendum, quod natura di-

dicitur incarnata, sicut & assumens, ratione personæ, ad quam terminata est unio, sicut dictum est (art. 1. & 2. hu. quæst.) non autem prout est communis tribus personis. Dicitur autem tota natura divina incarnata, non quia fit incarnata in omnibus personis, sed quia nihil deest de perfectione divinæ naturæ personæ incarnatæ.

Ad tertium dicendum, quod assumptio quæ fit per gratiam adoptionis, terminatur ad quamdam participationem divinæ naturæ secundum quamdam assimilationem ad bonitatem illius, secundum illud II. Pet. 1. 4. (a) *Ut divinæ consortes naturæ* &c. & ideo huiusmodi assumptio communis est tribus personis & ex parte principii, & ex parte termini. Sed assumptio quæ est per gratiam unionis, est communis ex parte principii, non autem ex parte termini, ut dictum est (in corp. art. & art. 2. hu. quæst.)

## ARTICULUS V. 23

*Utrum qualibet persona divina potuerit humanam naturam assumere.*

### III. dist. 1. quæst. 11. art. 3.

**A**D quintum sic proceditur. Videtur quod nulla alia persona divina potuerit humanam naturam assumere præter personam Filii. Per huiusmodi enim assumptionem factum est quod Deus sit filius hominis. Sed inconveniens esset quod esse filium hominis conveniret Patri, vel Spiritui sancto: hoc enim vergeret in confusionem divinarum personarum. Ergo Pater, vel Spiritus sanctus carnem assumere non potuit.

2. Præterea. Per incarnationem divinarum homines affectu sunt adoptionem filiorum, secundum illud Rom. viii. 15. *Non accepimus spiritum servitutis iterum in timore, sed spiritum adoptionis filiorum.* Sed filiatio adoptiva est participata similitudo filiationis naturalis, quæ non convenit nec Patri, nec Spiritui sancto: unde dicitur Rom. viii. 29. *Quos præcavit, & prædestinavit conformes fieri imaginis Filii sui.* Ergo videtur quod nulla alia persona potuerit incarnari præter personam Filii.

3. Præterea. Filius dicitur missus, & genitus nativitate temporali, secundum quod incarnatus est. Sed Patri non convenit mitti, qui etiam est innascibilis,

ut in prima parte habitum est (quæst. xxxii. art. 3. & quæst. xliii. art. 4.) Ergo saltem persona Patris non potuit incarnari.

Sed contra est quod quicquid potest Filius, potest Pater, & Spiritus sanctus: alioquin non esset eadem potentia trium personarum. Sed Filius potuit incarnari. Ergo similiter Pater, & Spiritus sanctus.

Respondeo dicendum, quod, sicut dictum est (art. præc.) assumptio duo importat, scilicet ipsum actum assumptis, & terminum assumptionis. Principium autem actus est virtus divina; terminus autem est persona. Virtus autem divina communiter, & indifferenter se habet ad omnes personas. Eadem etiam est communis ratio personalitatis in tribus personis, licet proprietates personales sint differentes. Quandocumque autem virtus aliqua indifferenter se habet ad plura, potest ad quodlibet eorum suam actionem terminare; sicut patet in potentiis rationalibus, quæ se habent ad opposita, quorum utrumque agere possunt. Sic ergo divina virtus potuit naturam humanam unire personæ Patris, vel Spiritus sancti, sicut univit eam personæ Filii. Et ideo dicendum, quod Pater, vel Spiritus sanctus potuit carnem assumere, sicut & Filius.

Ad primum ergo dicendum, quod filiatio temporalis, qua Christus dicitur filius hominis, non constituit personam ipsius, sicut filiatio æterna; sed est quidam consequens nativitatem temporalem. Unde si per hunc modum nomen filiationis ad Patrem, vel Spiritum sanctum transferretur, nulla sequeretur confusio divinarum personarum.

Ad secundum dicendum, quod filiatio adoptiva est quædam participata similitudo filiationis naturalis; sed fit in nobis appropriata a Patre, qui est principium naturalis filiationis, & per donum Spiritus sancti, qui est amor Patris, & Filii, secundum illud Gal. iv. 6. *Miserere Deus Spiritum Filii sui in corda nostra clamantem, Abba, pater.* Et ideo, sicut Filio incarnato, adoptivam filiationem accepimus ad similitudinem filiationis naturalis eius; ita, Patre incarnato, adoptivam filiationem recipiemus ab eo, tamquam a principio naturalis filiationis, & a Spiritu sancto, tamquam a nexu communi Patris, & Filii.

Ad tertium dicendum, quod Patri con-

(a) *Vergat* Ut per hæc efficiamini divinæ consortes naturæ.

convenit esse inaccessibile secundum  
nativitatem eternam; quod non excluderet  
nativitatem temporalis. Mitti autem  
dicitur Filius Dei secundum incarnationem,  
eo quod est ab alio, sine quo in-  
carnatio non sufficeret ad rationem mis-  
sionis.

ARTICULUS VI. 24

*Utrum plures personae divinae possint assu-  
mere unam numero naturam.*

III. dist. 1. quaest. 11. art. 4.

**A**D sextum sic proceditur. Videtur  
quod duae personae divinae non pos-  
sint assumere unam & eandem numero  
naturam. Hoc enim supposito, aut es-  
sent unus homo, vel plures. Sed non  
plures: sicut enim una natura divina in  
personis pluribus non patitur esse plures  
deos; ita una natura humana in pluri-  
bus personis non patitur esse plures ho-  
mines. Similiter etiam non possent esse  
unus homo: quia unus homo est iste ho-  
mo, qui demonstrat unam personam; &  
sic tolleretur distinctio trium personarum  
divinarum: quod est inconveniens.  
Non ergo duae, aut tres personae pos-  
sunt accipere unam naturam humanam.

2. Praeterea. Assumptio terminatur ad  
unitatem personae, ut dictum est (art.  
2. hu. quaest.) Sed non est una persona  
Patris, & Filii, & Spiritus sancti. Ergo  
non possunt tres personae assumere unam  
naturam humanam.

3. Praeterea. Damascenus dicit in III.  
Lib. (orth. Fid. cap. 111. & cap. 14.  
ad fin.) & Augustinus in I. de Trin.  
(cap. xi. xxi. & xxi.) quod ex incar-  
natione Filii Dei consequitur quod quic-  
quid dicitur de Filio Dei, dicitur de fi-  
lio hominis, & converso. Si ergo tres  
personae assumerent unam naturam hu-  
manam, sequeretur quod quicquid dicitur  
de qualibet trium personarum, di-  
ceretur de illo homine; & e converso  
quod diceretur de illo homine, possent  
dici de qualibet trium personarum. Sic  
ergo est quod est proprium Patris, scilicet  
generare Filium ab aeterno, diceretur  
de illo homine, & per consequens  
diceretur de Filio Dei: quod est incon-  
veniens. Non ergo est possibile quod tres  
personae divinae assument unam naturam  
humanam.

Sed contra. Persona incarnata subsi-  
stet in duabus naturis, divina scilicet,

& humana. Sed tres personae possunt  
subsistere in una natura divina. Ergo  
etiam possunt subsistere in una natura  
humana, ita scilicet quod sit una na-  
tura humana a tribus personis assump-  
pta.

Respondeo dicendum, quod, sicut su-  
pra dictum est (quaest. 11. art. 5. ad 1.)  
ex unione animae, & corporis in Chri-  
sto non fit neque nova persona, neque  
nova hypostasis, sed fit una natura as-  
sumpta in personam, vel hypostasim di-  
vinam: quod quidem non fit per poten-  
tiam naturae humanae, sed per poten-  
tiam divinae personae. Est autem talis  
divinarum personarum conditio, quod  
una earum non excludit aliam a com-  
munionem eiusdem naturae, sed solum a  
communionem eiusdem personae. Quia i-  
gitur in mysterio incarnationis tota ratio  
facti est potentia facientis, ut Augustinus  
dicit in epist. ad Volutianum (cxxxix.  
al. xxi. ante med.) magis circa hoc est  
iudicandum secundum conditionem divi-  
nae personae assumptis, quam secundum  
conditionem naturae humanae assumptae.  
Sic ergo non est impossibile divinis per-  
sonis ut duae, vel tres assument unam  
naturam humanam; esset tamen impos-  
sibile ut assumerent unam hypostasim,  
vel unam personam humanam; sicut &  
Anselmus dicit in Lib. II. *Cur Deus  
homo*, (cap. ix. cir. princ.) quod plures  
personae non possint assumere unam eun-  
demque hominem in unitate personae.

Ad primum ergo dicendum, quod hac  
positione facta, scilicet quod tres perso-  
nae assumerent unam naturam huma-  
nam, verum esset dicere, quod tres per-  
sonae essent unus homo propter unam  
naturam humanam. Sicut enim nunc  
verum est dicere, quod tres personae sunt  
unus Deus propter unam divinam natu-  
ram; sic verum esset dicere, quod essent  
unus homo propter unam naturam hu-  
manam. Nec ly unus importaret unita-  
tem personae, sed unitatem in natura  
humana: non enim posset argui ex hoc  
quod tres personae sunt unus homo, quod  
essent unus simpliciter. Nihil enim pro-  
hibet dicere, quod homines qui sunt plu-  
res simpliciter, sint unus quantum ad al-  
iquid. puta unus populus: &, sicut Au-  
gustinus dicit VI. de Trin. (cap. 111.  
ante med.) *diversum est natura spiritus  
Dei, & spiritus hominis; sed inheren-  
do fit unus spiritus, secundum illud I.  
Cor. vi. 17. Qui adhaeret Deo, unus  
spiritus est.*

Ad



Ad secundum dicendum, quod illa positione facta, humana natura esset assumpta in unitate non unius personae, sed in unitate singularum personarum, ita scilicet quod sicut divina natura habet naturalem unitatem cum singulis personis, ita natura humana haberet unitatem cum singulis per assumptionem.

Ad tertium dicendum, quod circa mysterium incarnationis fit communicatio proprietatum pertinentium ad naturam: quia quaecumque conveniunt naturae, possunt praedicari de persona subsistente in natura illa, cuiuscumque naturae nomine significetur. Praedicta igitur positione facta, de persona Patris poterunt praedicari & ea quae sunt humanae naturae, & ea quae sunt divinae; & similiter de persona Filii, & Spiritus sancti: non autem id quod conveniret personae Patris ratione propriae personae, posset attribui personae Filii, aut Spiritus sancti, propter distinctionem personarum, quae remaneret. Posset ergo dici, quod sicut Pater est ingenuus, ita homo esset ingenuus, secundum quod ly *homo* supponeret pro persona Patris. Si quis autem ulterius procederet, Homo est ingenuus, Filius est homo. Ergo Filius est ingenuus, esset fallacia figurae dictionis, vel accidentis: sicut & nunc dicimus, Deum esse ingenuum, quia Pater est ingenuus: nec tamen possumus concludere, quod Filius sit ingenuus, quamvis sit Deus.

## ARTICULUS VII. 25

*Utrum una persona divina possit assumere duas naturas humanas.*

III. dist. 1. quæst. 11. art. 4.

**A**D septimum sic proceditur. Videtur quod una persona divina non possit assumere duas naturas humanas. Natura enim assumpta in mysterio incarnationis non habet aliud suppositum praeter suppositum personae divinae, ut ex supradictis patet (art. praec. & art. 2. bu. quæst.) Si ergo ponatur esse una persona divina assumens duas humanas naturas, esset unum suppositum duarum naturarum eiusdem speciei: quod videtur implicare contradictionem: non enim natura unius speciei multiplicatur nisi secundum distinctionem supposito-

rum. Ergo praedicta positio est omnino impossibilis.

3. Praeterea. In incarnationis mysterio tota natura divina est unita toti naturae assumptae, idest cuilibet patris eius: est enim *Christus perfectus Deus, & perfectus homo, totus Deus, & totus homo*, ut Damascenus dicit in III. Lib. (cap. VII. a med.) Sed duae humanae naturae non possent totaliter sibi invicem uniri: quia oportere quod anima unius esset unita corpori alterius, & quod etiam duo corpora essent simul, quod confusionem induceret naturarum. Non ergo est possibile quod una persona divina duas humanas naturas assumat.

Sed contra est quod quicquid potest Pater, potest Filius. Sed Pater post incarnationem Filii potest assumere naturam humanam aliam numero ab ea quam Filius assumpsit: in nullo enim per incarnationem Filii est diminuta potentia Patris, vel Filii. Ergo videtur quod Filius post incarnationem possit aliam humanam naturam assumere praeter eam quam assumpsit.

Respondeo dicendum, quod illud quod potest in unum, & non in amplius, habet potentiam limitatam ad unum. Potentia autem divinae personae est infinita, nec potest limitari ad aliquid creatum. Unde non est dicendum, quod persona divina ita assumpsit unam naturam humanam, quod non potuerit assumere aliam. Videretur enim ex hoc sequi quod personalitas divinae naturae esset ita comprehensa per unam naturam humanam, quod ad eius personalitatem aliam assumi non possit: quod est impossibile, non enim increatum a creato comprehenditur potest. Patet ergo quod si consideremus personam divinam secundum virtutem, quae est principium unionis, siue secundum suam personalitatem, quae est terminus unionis, oportet dicere, quod persona divina praeter naturam humanam quam assumpsit, possit aliam numero naturam humanam assumere.

Ad primum ergo dicendum, quod natura creata perhibetur in sua ratione perfectae.

formam, quæ multiplicatur secundum divisionem materiæ. Et ideo si compositio materiæ, & formæ constituat novum suppositum, consequens est quod natura multiplicetur secundum multiplicationem suppositorum. Sed in mysterio incarnationis unio formæ & materiæ, idest animæ, & corporis, non constituit novum suppositum, ut supra dictum est (art. præc.) Et ideo posset esse multitudo secundum numerum ex parte naturæ propter divisionem materiæ, absque distinctione suppositorum.

Ad secundum dicendum, quod posset videri dicendum, quod prædicta positio facta, sequeretur quod essent duo homines propter duas naturas, absque hoc quod essent ibi duo supposita; sicut e converso tres personæ dicerentur unus homo, propter unam naturam humanam assumptam, ut supra dictum est (art. præc. ad 1.). Sed hoc non videtur esse verum; quia nominibus est utendum, secundum quod sunt ad significandum imposita: quod quidem est ex consideratione eorum quæ apud nos sunt. Et ideo oportet circa modum significandi, & consignificandi considerare ea quæ apud nos sunt; in quibus numquam nomen ab aliqua forma impositum pluraliter dicitur, nisi propter pluralitatem suppositorum. Homo enim qui est duobus vestimentis indutus, non dicitur duo vestiti, sed unus vestitus duobus vestimentis; & qui habet duas qualitates, dicitur singulariter aliquis secundum duas qualitates. Natura autem assumpta quantum ad aliquid se habet per modum indumenti, licet non sit similitudo quantum ad omnia, ut supra dictum est (quæst. 11. art. 6. ad 1.). Et ideo si persona divina assumeret duas naturas humanas, propter unitatem suppositi diceretur unus homo habens duas naturas humanas. Contingit autem quod plures homines dicuntur unus populus propter hoc quod conveniunt in aliquo uno, non autem propter unitatem suppositi. Et similiter si duæ personæ divinæ assumerent unam numero humanam naturam, dicerentur unus homo, ut supra dictum est (art. præc. ad 1.), non unitate suppositi, sed inquantum conveniunt in aliquo uno.

Ad tertium dicendum, quod divina, & humana natura non eodem ordine se habent ad unam personam divinam: sed per prius comparatur ad ipsam divinam naturam, utpote quæ est unum cum ea

ab æterno; sed natura humana comparatur ad personam divinam per posterius, utpote assumpta ex tempore a divina persona, non quidem ad hoc quod natura sit ipsa persona, sed quod persona Dei in humana natura subsistat. Filius enim Dei est sua Deitas, sed non est sua humanitas. Et ideo ad hoc quod natura humana assumatur a divina persona, requiritur quod divina natura unionem personali uniat toti naturæ assumptæ, idest secundum omnes partes eius. Sed duarum naturarum assumptarum esset uniformis habitudo ad personam divinam, nec una assumeret aliam: unde non oporteret quod una earum totaliter alteri uniretur, idest omnes partes unius omnibus partibus alterius.

## ARTICULUS VIII. 26

*Utrum fuerit magis conveniens quod persona Filii assumeret humanam naturam quam alia persona divina.*

*Inf. quæst. xxxix. art. 8. ad 3. & III. dist. 11. quæst. 11. art. 2. & IV. cons. cap. xxxix. fin. & lxi.*

**A**D octavum sic proceditur. Videtur quod non fuerit magis conveniens Filium Dei incarnari quam Patrem, vel Spiritum sanctum. Per mysterium enim incarnationis homines ad veram Dei cognitionem sunt perducti, secundum illud Ioan. xviii. 37. *In hoc natus sum, & ad hoc veni in mundum, ut testimonium perhibeam veritati.* Sed ex hoc quod persona Filii Dei est incarnata, multi impediti fuerunt a vera Dei cognitione, ea quæ dicuntur de Filio secundum humanam naturam, referentes ad ipsam Filii personam; sicut Arius, qui posuit inæqualitatem personarum, propter hoc quod dicitur Ioan. xiv. 28. *Pater maior me est*: qui quidem error non provenisset, si persona Patris incarnata fuisset: nullus enim estimasset Patrem Filio minorem. Magis ergo videtur fuisse conveniens quod persona Patris incarnaretur quam persona Filii.

2. Præterea. Incarnationis effectus videtur esse recreatio quædam humanæ naturæ, secundum illud Gal. ult. 15. *In Christo Iesu neque circumcisio aliquid valet, nec præputium, sed nova creatura.* Sed potentia creandi appropriatur Patri.

tri. Ergo magis decuisset Patrem incarnari quam Filium.

3. Præterea. Incarnatio ordinatur ad remissionem peccatorum, secundum illud Matth. 1. 21. *Vocabis nomen eius Iesum: ipse enim saluum facies populum suum a peccatis eorum*. Remissio autem peccatorum attribuitur Spiritui sancto, secundum illud Ioan. xx. 22. *Accipite Spiritum sanctum: quorum remisistis peccata, remittuntur eis*. Ergo magis congruebat personam Spiritus sancti incarnari quam personam Filii.

Sed contra est quod Damascenus dicit in III. Lib. (orth. Fid. cap. 1.) *In mysterio incarnationis manifestata est sapientia, & virtus Dei: sapientia quidem, quia invenis difficillimi solutionem pretii (a) quam decentissimam; virtus autem, quia victum fecit rursus victorem*. Sed virtus, & sapientia appropriantur Filio, secundum illud I. Corinth. 1. 24. *Christum Dei virtutem, & Dei sapientiam*. Ergo conveniens fuit personam Filii incarnari.

Respondeo dicendum, quod convenientissimum fuit personam Filii incarnari.

Primo quidem ex parte unionis. Convenienter enim ea quæ sunt similia, uniuntur. Ipsi autem personæ Filii, qui est Verbum Dei, attenditur uno quidem modo communis convenientia ad totam creaturam: quia verbum artificis, id est conceptus eius, est similitudo exemplaris eorum quæ ab artifice fiunt. Unde Verbum Dei, quod est æternus conceptus eius, est similitudo exemplaris totius creaturæ. Et ideo sicut per participationem huius similitudinis creaturæ sunt in propriis speciebus institutæ, sed mobiliter; ita per unionem Verbi ad creaturam non participatam, sed personalem, conveniens fuit reparari creaturam in ordine ad æternam, & immobilem perfectionem: nam & artifex per formam artis conceptam, qua artificiatum condidit, ipsum, si collapsum fuerit, restaurat. Alio modo habet convenientiam specialiter cum humana natura ex eo quod Verbum est conceptus æternæ sapientiæ, a qua omnis sapientia hominum derivatur. Et ideo per hoc homo in sapientia perficitur, quæ est propria eius perfectio, prout est rationalis, quod participat Verbum Dei; sicut discipulus instruitur per hoc quod recipit verbum magistri. Unde Eccli. 1. 5. dicitur: *Fons sapientiæ Verbum Dei in excel-*

*sis*. Et ideo ad consummatam hominis perfectionem conveniens fuit ut ipsum Verbum Dei humanæ naturæ personaliter uniretur.

Secundo potest accipi ratio huius congruentiæ ex fine unionis, qui est impletio prædestinationis, eorum scilicet qui præordinati sunt ad hereditatem cælestem, quæ non debetur nisi filiis, secundum illud Rom. viii. 17. *Si filii, & heredes*. Et ideo congruum fuit ut per eum qui est filius naturalis, homines participarent similitudinem huius filiationis secundum adoptionem; sicut Apostolus ibidem 29. dicit: *Quos præcivit, & prædestinavit conformes fieri imaginis Filii sui*.

Tertio potest accipi ratio huius congruentiæ ex peccato primi parentis, cui per incarnationem remedium adhibetur. Peccaverat enim primus homo appetendo scientiam, ut patet ex verbis serpentis promittentis homini scientiam boni, & mali. Unde conveniens fuit ut per Verbum veræ sapientiæ homo reduceretur in Deum, qui per inordinatum appetitum scientiæ recesserat a Deo.

Ad primum ergo dicendum, quod nihil est quo humana malitia non possit abuti, quando etiam ipsa Dei bonitate abutitur, secundum illud Rom. 11. *An divitiarum bonitatis eius contemnis?* Unde etiam si persona Patris fuisset incarnata, potuisset ex hoc homo alicuius erroris occasionem sumere, quasi Filius sufficere non potuisset ad humanam naturam reparandam.

Ad secundum dicendum, quod prima rerum creatio facta est a potentia Dei Patris per Verbum: unde & recreatio per Verbum fieri debuit a potentia Dei Patris, ut recreatio creationi responderet, secundum illud II. Cor. v. 19. *Deus erat in Christo mundum reconcilians sibi*.

Ad tertium dicendum, quod Spiritui sancto proprium est quod sit donum Patris, & Filii. Remissio autem peccatorum fit per Spiritum sanctum, tamquam per donum Dei. Et ideo convenientius fuit ad iustificationem hominum quod incarnaretur Filius, cuius Spiritus sanctus est donum.

## QUAESTIO IV.

*De modo unionis ex parte naturae humanae assumptae,*

*in sex articulos divisa.*

**D**Einde considerandum est de unione ex parte assumpti. Circa quod primum considerandum occurrit de his quae sunt a Verbo Dei assumpta. Secundo de coassumptis, quae sunt perfectiones, & defectus. Assumpti autem Dei Filius humanam naturam, & partes eius.

Unde circa primum triplex consideratio occurrit. Prima est quantum ad ipsam naturam humanam. Secunda est quantum ad partes ipsius. Tertia quantum ad ordinem assumptionis.

Circa primum quaeruntur sex.

Primo, utrum humana natura fuerit magis assumptibilis a Filio Dei quam aliqua alia natura.

Secundo, utrum assumpserit personam.

Tertio, utrum assumpserit hominem. Quarto, utrum fuisset conveniens quod assumpseret naturam humanam a singularibus separatam.

Quinto, utrum fuisset conveniens quod assumpseret naturam humanam in omnibus eius singularibus.

Sexto, utrum fuerit conveniens quod assumeret humanam naturam in aliquo homine ex stirpe Adae progenito.

## ARTICULUS I. 27

*Utrum natura humana fuerit magis assumptibilis Filio Dei quam aliqua alia natura.*

III. dist. 11. quaest. 1. art. 1. & IV. cont. cap. iv. ad 3. & 5.

**A**D primum sic proceditur. Videtur quod humana natura non fuerit magis assumptibilis a Filio Dei quam quilibet alia natura. Dicit enim Augustinus in pist. ad Volusianum (cxxxviii. al. xii. ante med.). *In rebus mirabiliter factis tota ratio facti est potentia facientis.* Sed potentia Dei facientis incarnationem, quae est opus maxime mirabile, non limitatur ad unam naturam, cum potentia Dei sit infinita. Ergo natura humana non est magis assumptibilis a Deo quam aliqua alia creatura.

*S. Tb. Oper. Tom. XXIV.*

2. Præterea. Similitudo est ratio faciens ad congruitatem incarnationis divinae personae, ut supra dictum est (quaest. præc. art. 8.) Sed sicut in creatura rationali invenitur similitudo imaginis, ita in creatura irrationali invenitur similitudo vestigi. Ergo creatura irrationalis assumptibilis fuit, sicut humana natura.

3. Præterea. In natura angelica invenitur expressior Dei similitudo quam in natura humana, sicut Gregorius dicit in hom. de centum ovibus (xxxiv. in Evang. ante med.) introducens illud Ezech. xxviii. 12. *Tu signaculum similitudinis*: invenitur etiam in angelo peccatum, sicut in homine, secundum illud Iob iv. 18. *In angelis suis reperit pravitatem.* Ergo natura angelica fuit ita assumptibilis sicut natura hominis.

4. Præterea. Cum Deo competat summa perfectio, tanto magis est Deo aliquid simile, quanto est magis perfectum. Sed totum universum est magis perfectum quam partes eius, inter quas est humana natura. Ergo totum universum est magis assumptibile quam humana natura.

Sed contra est quod dicitur Proverb. viii. 31. *ex ore sapientiae genitæ: Deliciae meae esse cum filiis hominum*: & ita videtur esse quaedam congruentia unionis Filii Dei ad humanam naturam.

Respondeo dicendum, quod aliquid assumptibile dicitur, quasi aptum assumi a divina persona: quæ quidem aptitudo non potest intelligi secundum potentiam passivam naturalem, quæ non se extendit ad id quod transcendit ordinem naturalem, quem transcendit unio personalis creaturæ ad Deum. Unde relinquitur quod assumptibile aliquid dicatur secundum congruentiam ad unionem prædictam. Quæ quidem congruentia attenditur secundum duo in humana natura, scilicet secundum eius dignitatem, & necessitatem. Secundum dignitatem quidem, quia humana natura, in quantum est rationalis, & intellectualis, nata est attingere aequaliter ipsum Verbum per suam operationem, cognoscendo scilicet & amando ipsum; secundum necessitatem autem, quia indigebat reparatione, cum subiaceret originali peccato. Hæc autem duo soli humanæ naturæ conveniunt. Nam creaturæ irrationali deest congruitas dignitatis; naturæ autem angelicæ deest congruitas prædictæ necessitatis. Unde relinquitur quod fo-

C la

la natura humana sit assumptibilis.

Ad primum ergo dicendum, quod creaturæ denominantur aliquales ex eo quod competit eis secundum proprias causas, non autem ex eo quod convenit eis secundum causas primas, & universales; sicut dicimus aliquem morbum esse incurabilem, non quia non potest curari a Deo, sed quia per propria principia subiecti curari non potest. Sic ergo dicitur aliqua creatura non esse assumptibilis, non ad subtrahendum aliquid potentiae divinæ, sed ad ostendendum conditionem creaturæ, quæ ad hoc aptitudinem non habet.

Ad secundum dicendum, quod similitudo imaginis attenditur in natura humana, secundum quod est capax Dei, scilicet ipsum attingendo propria operatione cognitionis, & amoris; similitudo autem vestigiis attenditur solum secundum repræsentationem aliquam ex impressione divina in creatura existentem, non autem ex eo quod creatura irrationalis, in qua est sola talis similitudo, possit Deum attingere per solam suam operationem. Quod autem dicitur a minori, non habet congruitatem ad id quod est maius; sicut corpus quod non est aptum perfici anima sensitiva, multo minus est aptum perfici anima intellectiva. Multo autem maior, & perfectior est unio ad Deum secundum esse personale, quam quæ est secundum operationem. Et ideo creatura irrationalis, quæ deficit ab unione ad Deum per operationem, non habet congruitatem ut uniatur ei secundum esse personale.

Ad tertium dicendum, quod quidam dicunt Angelum non esse assumptibilem, quia a principio sue creationis est in sua personalitate perfectus, cum non subiaceat generationi, & corruptioni: unde non posset in unitatem divinæ personæ assumi, nisi eius personalitas destrueretur: quod neque convenit incorruptibilitati naturæ eius, neque bonitati assumptis; ad quam non pertinet quod aliquid perfectionis in creatura assumpta corrumpat. Sed hoc non videtur excludere totaliter congruitatem assumptionis angelicæ naturæ. Potest enim Deus producendo novam angelicam naturam, copulare eam sibi in unitate personæ; & sic nihil præexistens ibi corrumpetur. Sed, sicut dictum est (in corp. art.) deest congruitas ex parte necessitatis quia et si natura angelica in aliquibus peccato

subiacet, est tamen eius peccatum irremediabile, ut in I. Parte habitum est (quæst. lxxiv. art. 2.)

Ad quartum dicendum, quod perfectio universi non est perfectio unius personæ, vel suppositi, sed eius quod est unum positione, vel ordine, cuius plurimæ partes non sunt assumptibiles, ut dictum est (in corp. art. & ad 1.) Unde relinquitur quod solum natura humana sit assumptibilis.

## ARTICULUS II. 28

*Utrum Filius Dei assumpsit personam.*

**A**D secundum sic proceditur. Videtur quod Filius Dei assumpsit personam. Dicit enim Damascenus in III. Lib. (cap. xx. parum a princ.) quod *Filius Dei assumpsit humanam naturam in atomo*, idest in individuo. Sed individuum rationalis naturæ est persona, ut patet per Boetium in Lib. de duab. nat. (aliquant. a princ.) Ergo Filius Dei personam assumpsit.

2. Præterea. Damascenus dicit (Lib. III. orthod. Fid. cap. vi. cir. med.) quod *Filius Dei assumpsit ea quæ in natura nostra plantavit*. Plantavit autem ibi personalitatem. Ergo Filius Dei assumpsit personam.

3. Præterea. Nihil consumitur nisi quod est. Sed Innocentius III. dicit in quadam Decret. (id hab. Paschas. Diac. Lib. II. de Spiritu S. cap. iv. ante med. implic. & Concil. Francoford. an. 794. in epist. ad Episc. Gallie a med. to. 7. Conc.) quod *persona Dei consumpsit personam hominis*. Ergo videtur quod persona hominis fuerit prius assumpta.

Sed contra est quod Augustinus (Fulgentius) dicit in Lib. de fide ad Petr. (cap. 11.) quod *Deus naturam hominis assumpsit, non personam*.

Respondeo dicendum, quod aliquid dicitur assumi ex eo quod ad aliquid sumitur. Unde illud quod assumitur, oportet præintelligi assumptioni, sicut illud quod movetur localiter, præintelligitur ipsi motui. Persona autem non præintelligitur in humana natura assumptioni, sed magis se habet ut terminus assumptionis, ut supra dictum est (quæst. præc. art. 1. & 2.) Si enim præintelligeretur, vel oporteret quod corrumpetur; & sic frustra esset assumpta: vel quod remaneret post unionem, & sic essent duæ personæ, una assumens, & alia

& alia assumpta: quod est erroneum, ut supra ostensum est ( quæst. II. art. 6. ) Unde relinquitur quod nullo modo Filius Dei assumpsit humanam personam.

Ad primum ergo dicendum, quod naturam humanam assumpsit Filius Dei in atomo, idest in individuo, quod non est aliud a supposito increato, quod est persona Filii Dei. Unde non sequitur quod persona sit assumpta.

Ad secundum dicendum, quod naturæ assumptæ non deest propria personalitas propter defectum alicuius quod ad perfectionem humanæ naturæ pertineat, sed propter additionem alicuius, quod est supra humanam naturam, quod est unio ad divinam personam.

Ad tertium dicendum, quod consumptio ibi non importat destructionem alicuius quod prius fuerat, sed impeditionem eius quod aliter esse posset. Si enim humana natura non esset assumpta a divina persona, natura humana propriam personalitatem haberet: & pro tanto dicitur persona consumpsisse personam, licet improprie, quia personalitas sua unione impedivit ne humana natura propriam personalitatem haberet.

### ARTICULUS III. 29

*Utrum persona divina assumpsit hominem.*

III. dist. v. quæst. 1. art. 2. & dist. VII. quæst. III. art. 2. & op. I. cap. XXI. & op. III. cap. VI. & Rom. I. lect. 3.

**A**D tertium sic proceditur. Videtur quod persona divina assumpsit hominem. Dicitur enim Psal. LXXV. 5. *Beatus quem elegisti, & assumpsisti*: quod Glossa ( interl. & ord. Aug. ) exponit de Christo: & Augustinus dicit in Lib. de agone christiano ( cap. XI. ante med. ) quod *Filius Dei hominem assumpsit, & in illo humana perperesit*.

2. Præterea. Hoc nomen *homo* significat naturam humanam. Sed Filius Dei assumpsit humanam naturam. Ergo assumpsit hominem.

3. Præterea. Filius Dei est homo. Sed non est homo quem assumpsit: quia sic esset pari ratione Petrus, vel quilibet alius homo. Ergo est homo quem assumpsit.

Sed contra est auctoritas Felicis Papæ & Martyris, quæ introducit in Ephesina Synodo: ( & refertur in Concil.

Chalced. part. II. act. I. in actis Synodi Ephes. ) *Credimus in Dominum nostrum Iesum Christum de Virgine Maria natum, quia ipse est Dei sempiternus Filius, & Verbum, & non homo a Deo assumptus, ut alter sit præter illum. Neque enim hominem assumpsit Dei Filius, ut alter sit præter ipsum.*

Respondeo dicendum, quod, sicut supra dictum est ( art. præc. ) illud quod assumitur, non est terminus assumptionis, sed assumptioni præintelligitur. Dictum est autem ( quæst. III. art. 1. & 2. ) quod individuum in quo assumitur humana natura, non est aliud quam divina persona, quæ est terminus assumptionis. Hoc autem nomen *homo* significat humanam naturam, prout nata est in supposito esse: quia, ut dicit Damascenus ( Lib. III. orth. Fid. cap. IV. & XI. ) sicut hoc nomen *Deus* significat eum qui habet divinam naturam, ita hoc nomen *homo* significat eum qui habet naturam humanam. Et ideo non est proprie dictum, quod Filius Dei assumpsit hominem, supponendo ( sicut rei veritas se habet ) quod in Christo sit tantum unum suppositum, & una hypostasis.

Sed secundum illos qui ponunt in Christo duas hypostases, vel duo supposita, convenienter, & proprie dici posset, quod Filius Dei hominem assumpsisset. Unde & prima opinio, quæ ponitur in VI. dist. III. Sententiarum, concedit hominem esse assumptum. Sed illa opinio erronea est, ut supra dictum est ( quæst. II. art. 6. )

Ad primum ergo dicendum, quod huiusmodi locutiones non sunt extendendæ tamquam propriæ, sed pie sunt exponendæ, ubicumque a sacris Doctoribus ponuntur; ut dicamus hominem assumptum; quia eius natura est assumpta, & quia assumptio terminata est ad hoc ut Filius Dei sit homo.

Ad secundum dicendum, quod nomen *homo* significat naturam humanam in concreto, prout scilicet est in aliquo supposito. Et ideo sicut non possumus dicere, quod suppositum sit assumptum; ita non possumus dicere, quod homo sit assumptus.

Ad tertium dicendum, quod Filius Dei non est homo quem assumpsit, sed cuius naturam assumpsit.

## ARTICULUS IV. 30

*Utrum Filius Dei debuerit assumere humanam naturam abstractam ab omnibus individuis.*

*Sup. quæst. 11. art. 2. ad 3. & 5. ad 2. & quæst. præc. art. 2. ad 1. & 3. & 111. dist. 4. quæst. 111. art. 3. ad 1. & dist. 11. quæst. 1. art. 1. quæst. 3. ad 1.*

**A**D quantum sic proceditur. Videtur quod Filius Dei debuerit assumere humanam naturam abstractam ab omnibus individuis. Assumptio enim humanæ naturæ facta est ad communem omnium hominum salutem: unde dicitur I. ad Timoth. iv. 10. de Christo, quod est *salvator omnium hominum, maxime fidelium*. Sed natura, prout est in individuis, recedit a sua communitate. Ergo Filius Dei debuit humanam naturam assumere, prout est ab omnibus individuis abstracta.

2. Præterea. In omnibus id quod est nobilissimum, est Deo attribuendum. Sed in unoquoque genere illud quod est per se, potissimum est. Ergo Filius Dei debuit assumere hominem per se, qui quidem secundum Platonicos (ex Arist. I. Met. tex. 6. & 25.) est ipsa humana natura ab individuis separata. Hanc igitur debuit Filius Dei assumere.

3. Præterea. Humana natura non est assumpta a Filio Dei, prout significatur in concreto per hoc nomen *homo*, ut dictum est (art. præc.) Sic autem significatur, prout est in singularibus, ut ex dictis patet (ibid.) Ergo Filius Dei assumpsit naturam humanam, prout est ab individuis separata.

Sed contra est quod dicit Damascenus in III. Lib. (orth. Fid. cap. xi. cir. princ.) *Deus Verbum incarnatum non eam quæ nuda contemplatione consideratur, naturam assumpsit: non enim incarnatio hoc, sed deceptio, & fictio incarnationis esset*. Sed humana natura, prout est ab individuis separata, vel abstracta, in nuda contemplatione cogitatur, quia *secundum seipsam non subsistit*, ut ibidem Damascenus dicit. Ergo Filius Dei non assumpsit humanam naturam, secundum quod est a singularibus separata.

Respondetur dicendum, quod natura hominis, vel cuiuscumque alterius rei sensibilis, præter esse quod in singularibus habet, dupliciter potest intelligi: uno

modo, quasi per se ipsam esse habeat præter materiam, sicut Platonici posuerunt; alio modo, sicut in intellectu existens vel humano, vel divino.

Per se quidem subsistere non potest, ut Philosophus probat in VII. Met. (tex. 26. 27. 39. 51. & seq.) quia ad naturam speciei rerum sensibilium pertinet materia sensibilis, quæ ponitur in eius definitione, sicut carnes, & ossa in definitione hominis. Unde non potest esse quod natura humana sit præter materiam sensibilem. Si tamen esset hoc modo subsistens natura humana, non fuisset conveniens ut a Verbo Dei assumere-  
retur. Primo quidem quia assumptio ista terminatur ad personam: hoc autem est contra rationem formæ communis, ut sit in persona, quia in persona individuatur. Secundo quia naturæ communi non possunt attribui huius operationes communes, & universales, secundum quas homo non meretur, nec demeretur; cum tamen illa assumptio ad hoc facta sit ut Filius Dei, natura assumpta, nobis mereretur. Tercio quia natura sic existens non est sensibilis, sed intelligibilis: Filius autem Dei assumpsit humanam naturam, ut hominibus in ea visibilis appareret, secundum illud Baruch 111. 28. *Pest hæc in terris visus est, & cum hominibus conversatus est*.

Similiter etiam non potuit assumi humana natura a Filio Dei, secundum quod est in intellectu divino: quia sic nihil aliud est quam natura divina: & per hunc modum ab æterno esset in Filio Dei humana natura.

Similiter non convenit dicere, quod Filius Dei assumpsit humanam naturam, prout est in intellectu humano: quia hoc nihil aliud esset quam quod intelligeretur assumere naturam humanam: & sic si non assumeret eam in rerum natura, esset intellectus falsus: nec esset aliud illa naturæ humanæ assumptio quam fictio quædam incarnationis, ut Damascenus dicit (loc. cit.)

Ad primum ergo dicendum, quod Filius Dei incarnatus, est communis omnium salvator, non communitate generis, vel speciei, quæ attribuitur naturæ ab individuis separatæ; sed communitate causæ, prout Filius Dei incarnatus, est universalis causa salutis humanæ.

Ad secundum dicendum, quod per se homo non invenitur in rerum natura, ita quod sit præter singularia, ut Pla-

tonici posuerunt . quamvis quidam dicant , quod Plato non intellexit hominem separatum esse nisi in intellectu . divino . Et sic non oportuit quod assumeretur a Verbo , cum ab aeterno sibi adfuerit .

Ad tertium dicendum , quod quamvis natura humana non sit assumpta in concreto , ut suppositum praetelligatur assumptioni ; sic tamen assumpta est in individuo , quia assumpta est ut sit in individuo .

## ARTICULUS V. 31

*Utrum Filius Dei naturam humanam assumere debuerit in omnibus individuis .*

*Sup. quest. 11. art. 5. ad 2. & III. diff. 11. quest. 1. art. 2. quest. 1.*

**A**D quintum sic proceditur . Videtur quod Filius Dei humanam naturam assumere debuerit in omnibus individuis . Illud enim quod primo , & per se assumptum est , est natura humana . Sed quod convenit per se alicui naturae , convenit omnibus in eadem natura existentibus . Ergo conveniens fuit ut natura humana assumeretur a Dei Verbo in omnibus suis suppositis .

2. Praeterea . Incarnatio divina profecit ex divina caritate : unde dicitur Ioan. 11. 16. *Sic Deus dilexit mundum ut Filium suum unigenitum daret* . Sed caritas facit ut aliquis se communicet amicis , quantum est possibile : possibile autem fuit Filio Dei ut plures naturas humanas assumeret , ut supra dictum est ( quest. 11. art. 7. ) & eadem ratione omnes . Ergo conveniens fuit quod Filius Dei assumeret naturam humanam in omnibus suis suppositis .

3. Praeterea . Sapiens operator perficit opus suum breviori via qua potest . Sed brevior via fuisse , si omnes homines assumpti fuissent ad naturalem filiationem , quam quod per unum filium naturalem multi in adoptionem filiorum adducantur , ut dicitur Galat. 4. Ergo humana natura debuit a Filio Dei assumi in omnibus suppositis ,

Sed contra est quod Damascenus dicit in III. Lib. ( orth. Fid. cap. xi. cir. princ. ) quod *Filius Dei non assumpsit humanam naturam quae in specie consideratur , neque enim omnes hypostases eius assumpsit* .

*S. Tb. Oper. Tom. XXIV.*

Respondeo dicendum , quod non fuit conveniens quod humana natura in omnibus suis suppositis a Verbo assumeretur . Primo quia tolleretur multitudo suppositorum humanae naturae , quae est ei connaturalis . Cum enim in natura assumpta non sit considerare aliud suppositum praeter personam assumentem , ut supra dictum est ( art. 3. hu. quest. ) si non esset humana natura nisi assumpta , sequeretur quod non esset nisi unum suppositum humanae naturae , quod est persona assumens . Secundo quia hoc derogaret dignitati Filii Dei incarnati , pro ut est primogenitus in multis fratribus secundum humanam naturam , sicut est primogenitus omnis creaturae secundum divinam : essent enim tunc omnes homines aequalis dignitatis . Tertio quia conveniens est quod sicut unum suppositum divinum est incarnatum , ita unam solum naturam humanam assumeret , ut ex utraque parte unitas inveniat .

Ad primum ergo dicendum , quod assumi convenit secundum se humanae naturae , quia scilicet non convenit ei ratione personae , sicut naturae divinae convenit assumere ratione personae ; non autem convenit ei secundum se , sicut pertinet ad principia essentialia eius , vel sicut naturalis eius proprietas , per quem modum conveniret omnibus eius suppositis .

Ad secundum dicendum , quod dilectio Dei ad homines manifestatur non solum in ipsa assumptione humanae naturae , sed praecipue per ea quae passus est in humana natura pro aliis hominibus , secundum illud Rom. v. 8. *Commendat autem Deus caritatem suam in nobis , quia cum inimici essemus , Christus pro nobis mortuus est* : quod locum non haberet , si in omnibus hominibus naturam humanam assumpsisset .

Ad tertium dicendum , quod ad brevitatem viae , quam sapiens operator observat , pertinet quod non faciat per multa quod sufficienter potest fieri per unum . Et ideo convenientissimum fuit quod per unum hominem omnes alii salvarentur .



## ARTICULUS VI.

32

*Utrum conveniens fuerit quod Filius Dei humanam naturam assumeret ex stirpe Adæ.*

*Inf. quæst. xxxi. art. 2. & Ill. dist. 11. quæst. 1. art. 2. quæst. 2. & opusc. 11. cap. ccxxiv.*

**A**D sextum sic proceditur. Videtur quod non fuerit conveniens ut Filius Dei naturam humanam assumeret ex stirpe Adæ. Dicit enim Apostolus ad Heb. vii. 16. *Talis decebat ut esset nobis Pontifex . . . segregatus a peccatoribus.* Sed magis esset a peccatoribus segregatus, si non assumpsisset naturam humanam ex stirpe Adæ peccatoris. Ergo videtur quod non debuerit de stirpe Adæ naturam humanam assumere.

2. Præterea. In quolibet genere principium nobilius est eo quod est a principio. Si igitur assumere voluit humanam naturam, magis debuit eam assumere in ipso Adam.

3. Præterea. Gentiles fuerunt magis peccatores quam Iudæi, ut dicit Glossa (interl.) ad Galat. ii. super illud, *Nos natura Iudæi, & non ex gentibus peccatores.* Si ergo ex peccatoribus naturam humanam assumere voluit, debuit eam magis assumere ex gentibus quam ex stirpe Abraham, qui fuit iustus.

Sed contra est quod Luc. iii. generatio Domini reducitur usque ad Adam.

Respondeo dicendum, quod, sicut Augustinus dicit in XIII. de Trin. (cap. xviii. in princ.) *poterat Deus hominem aliunde suscipere, non de genere istius Adæ, qui suo peccato obligavit genus humanum; sed melius iudicavit ut de ipso quod victum fuerat genere assumeret hominem Deus, per quem generis humani vinceret inimicum.* Et hoc propter tria. Primo quidem quia hoc videtur ad iustitiam pertinere, ut ille satisfaciatur qui peccavit. Et ideo de natura per peccatum corrupta debuit assumi id per quod satisfactio erat implenda pro tota natura. Secundo quia hoc etiam pertinet ad maiorem hominis dignitatem; dum ex illo genere victor diaboli nascitur quod per diabolum fuerat victum. Tercio quia per hoc etiam Dei potentia magis ostenditur, dum de natura corrupta, & infirma as-

sumpsit id quod in tantam virtutem, & dignitatem est promotum.

Ad primum ergo dicendum, quod Christus debuit esse a peccatoribus segregatus quantum ad culpam, quam venerat destruere, non quantum ad naturam, quam venerat salvare, secundum quam debuit per omnia fratribus assimilari, ut idem Apostolus dicit ad Hebr. ii. Et in hoc etiam mirabilior est eius innocentia quod de massa peccato subiecta natura assumpta tantam habuit puritatem.

Ad secundum dicendum, quod, sicut dictum est (in solut. præ.) oportuit eum qui peccata venerat tollere, esse a peccatoribus segregatum, quantum ad culpam, cui Adam subiacebat, & quem Christus a suo delicto eduxit, ut dicitur Sap. x. Oportebat autem eum qui mundare omnes venerat, non esse mundandum; sicut & in quolibet genere motus primum movens est immobile secundum illum motum, sicut primum alterans est inalterabile. Et ideo non fuit conveniens ut assumeret humanam naturam in ipso Adam.

Ad tertium dicendum, quod quia Christus maxime debebat esse a peccatoribus segregatus quantum ad culpam, quasi summam innocentiam obtinens, conveniens fuit ut a primo peccatore usque ad Christum perveniretur mediante quibusdam iustis, in quibus præfulgerent quædam insignia futuræ sanctitatis. Et propter hoc etiam in populo, ex quo Christus erat nasciturus, instituit Deus quædam sanctitatis signa, quæ inceperunt in Abraham, qui primus promissionem accepit de Christo, & circumcisionem in signum fœderis (a) conservandi, ut dicitur Genes. xvii.

## QUAESTIO V.

*De modo unionis ex parte partium humane nature,*

*in quatuor articulos divisa.*

**D**Einde considerandum est de assumptione partium humane nature: & circa hoc quaeruntur quatuor.

Primo, utrum Filius Dei debuerit assumere verum corpus.

Secundo, utrum assumere debuerit corpus terrenum, scilicet carnem, & sanguinem.

Tercio, utrum assumpserit animam.

Quar-

(a) Ita cum pluribus mss. edit. passim, ad, consummandi.

Quarto, utrum assumere debuerit intellectum.

## ARTICULUS I. 33

*Utrum Dei Filius debuerit assumere verum corpus.*

*Inf. art. 2. corp. & quæst. XIV. art. 1. corp. & III. dist. 11. quæst. 1. art. 3. quæst. 1. & quæst. 2. corp. & IV. cont. cap. XXIX. XXX. & XXXIV. princ. & XXXV. fin. & pot. quæst. VI. art. 7. cor. & opu. 11. cap. CCVII. & CCVIII.*

**A**D primum sic proceditur. Videtur quod Filius Dei non assumpserit verum corpus. Dicitur enim Philip. 11. quod in similitudinem hominum factus est. Sed quod est secundum veritatem, non dicitur esse secundum similitudinem. Ergo Filius Dei non assumpserit verum corpus.

2. Præterea. Assumptio (a) corporis in nullo derogavit dignitati Divinitatis: dicit enim Leo Papa in ferm. de nativ. (1. a med.) quod: *nec inferiorem naturam consumpsisti glorificatio, nec superiorem minuit assumptio*. Sed hoc ad dignitatem Dei pertinet quod sit omnino a corpore separatus. Ergo videtur quod per assumptionem non fuerit Deus corpori unitus.

3. Præterea. Signa debent respondere signatis. Sed apparitiones veteris Testamenti, quæ fuerunt signa apparitionis Christi, non fuerunt secundum corporis veritatem, sed secundum imaginariam visionem, sicut patet Is. VI. 2. *Vidi Dominum sedentem &c.* Ergo videtur quod etiam apparitio Filii Dei in mundo non fuerit secundum corporis veritatem, sed solum secundum imaginationem.

Sed contra est quod dicit Augustinus in Lib. IXXIII. Q. (quæst. XIII. in fi.) *Si phantasma fuit corpus Christi, scilicet Christus; & si scilicet, veritas non est. Est autem veritas Christus. Ergo non fuit phantasma corpus eius.* Et sic patet quod verum corpus assumpsit.

Respondeo dicendum, quod, sicut dicitur in Lib. de ecclesiast. dogmatibus (cap. 11. a med.) *natus est Dei Filius non putative, quasi imaginatum corpus habens, sed corpus verum.* Et huius ratio potest triplex assignari. Quarum prima est ex ratione humanæ naturæ, ad quam pertinet verum corpus habere. Supposito igitur ex præmissis (quæst.

præc. art. 1.) quod conveniens fuerit Filium Dei assumere humanam naturam, consequens est quod verum corpus assumpserit. Secunda ratio sumi potest ex his quæ in mysterio incarnationis sunt acta. Si enim non fuit verum corpus eius, sed phantasticum, ergo nec veram mortem sustinuit, nec aliquid eorum quæ Evangelistæ de eo narrant, secundum veritatem gessit, sed solum secundum apparentiam quamdam: & sic etiam sequeretur quod non fuerit vera salus hominis subsecuta: oportet enim effectum causæ proportionari. Tertia ratio potest sumi ex ipsa dignitate personæ assumptis, quæ cum sit veritas, non decuit ut in eius opere aliqua fictio esset. Unde & Dominus hunc errorem per seipsum excludere dignatus est Luc. ult. 39. cum discipuli conturbati, & conterriti putabant se spiritum videre, & non verum corpus: & ideo se eis palpiandum præbuit, dicens: *Palpate, & videte, quia spiritus carnem, & ossa non habet, sicut vos videtis habere.*

Ad primum ergo dicendum, quod similitudo illa exprimit veritatem humanæ naturæ in Christo per modum quo omnes qui vere in natura humana existunt, similes specie esse dicuntur, non autem intelligitur similitudo phantastica. Ad cuius evidentiam Apostolus subiungit, quod *factus est obediens usque ad mortem, mortem autem crucis: quod fieri non potuisset, si esset sola similitudo phantastica.*

Ad secundum dicendum, quod per hoc quod Filius Dei verum corpus assumpsit, in nullo est eius dignitas diminuta. Unde Augustinus (Fulgentius) dicit in Lib. de fide ad Pet. (cap. 11. declinando ad fin.) *Exinanivit seipsum, formam servit accipiens, ut fieret servus; sed formæ Dei plenitudinem non amisit.* Non enim Filius Dei sic assumpsit verum corpus, ut forma corporis fieret; quod repugnat divinæ simplicitati, & puritati: hoc enim esset assumere corpus in unitatem naturæ; quod est impossibile, ut ex supra dictis patet (quæst. 11. art. 1.) sed salva distinctione naturæ, assumpsit corpus in unitatem personæ.

Ad tertium dicendum, quod figura debet respondere rei quantum ad similitudinem, non quantum ad rei veritatem: si enim secundum omnia esset similitudo, iam non esset signum, sed ipsa res, ut Damascenus dicit in III. Lib. (orth.

Fid. cap. xxvi. in fi.) Conveniens ergo fuit ut apparitiones veteris Testamenti essent secundum apparentiam tantum, quasi figuræ; apparitio autem Filii Dei in mundo esset secundum corporis veritatem, quasi res figurata per illas figuras. Unde dicit Apostolus II. Colois. 11. 17. *Quæ sunt umbra futurorum, corpus autem Christi.*

## ARTICULUS II. 34

*Utrum Dei Filius debuerit assumere corpus terrenum, scilicet carnem, & sanguinem.*

*Inf. quæst. xxxv. art. 3. c. & quæst. xxxvii. art. 1. c. & quæst. liv. art. 3. c. & III. dist. 11. quæst. 1. art. 3. quæst. 1. & quæst. 2. c. & IV. cont. cap. xxx. & xxxiv. & opusc. 11. cap. cccxv.*

**A**D secundum sic proceditur. Videtur quod Christus non habuerit corpus carnale, sive terrestre, sed cæleste. Dicit enim Apostolus I. ad Corinth. xv. 47. *Primus homo de terra terrenus, secundus homo de cælo cælestis.* Sed primus homo, scilicet Adam, fuit de terra quantum ad corpus, ut patet Genes. 1. Ergo etiam secundus homo, scilicet Christus, fuit de cælo quantum ad corpus.

2. Præterea. I. ad Corinth. xv. 50. dicitur: *Caro, & sanguis regnum Dei (a) non possidebunt.* Sed regnum Dei principaliter est in Christo. Non ergo in ipso est caro, & sanguis, sed magis corpus cæleste.

3. Præterea. Omne quod est optimum, est Deo attribuendum. Sed inter omnia corpora nobilissimum est corpus cæleste. Ergo tale corpus debuit Christi assumere.

Sed contra est quod Dominus dicit Luc. ult. 39. *Spiritus carnis, & ossa non habet, sicut me videtis habere.* Caro autem, & ossa non sunt ex materia cælestis corporis, sed ex inferioribus elementis. Ergo corpus Christi non fuit corpus cæleste, sed carneum, & terrenum.

Respondeo dicendum, quod iisdem rationibus apparet quare corpus Christi non debuit esse cæleste, quibus offensum est (art. præc.) quod non debuit esse phantasticum. Primo enim quia sicut veritas

humanæ naturæ non salveretur in Christo, si corpus eius esset phantasticum, ut posuit Manichæus; ita etiam non salveretur, si poneretur cæleste, sicut posuit Valentinus. Cum enim forma hominis sit quædam res naturalis, requirit determinatam materiam, scilicet carnes, & ossa, quæ in hominis definitione poni oportet, ut patet per Philosophum VII. Metaph. (tex. 39.) Secundo quia hoc etiam derogaret veritati eorum quæ Christus in corpore gessit. Cum enim corpus cæleste sit impassibile, & incorruptibile, ut probatur in I. de cælo (tex. 20.) si Filius Dei corpus cæleste assumpsisset, non vere cluisset, nec luctuisset, nec etiam passionem, & mortem sustinuisset. Tertio etiam derogaret veritati divinæ. Cum enim Filius Dei se hominibus ostenderit, quasi corpus carneum, & terrenum habentem; tuisset falsa demonstratio, si corpus cæleste habuisset. Et ideo in Lib. de ecclesiast. dogmatibus (cap. 11. a med.) dicitur: *Natus est Dei Filius, carnem ex virginis corpore trahens, & non de cælo secum afferens.*

Ad primum ergo dicendum, quod Christus dicitur de cælo descendisse dupliciter. Uno modo ratione divinæ naturæ; non ita quod natura divina in cælo esse desierit; sed quia in infimis novo modo esse cæpit, scilicet secundum naturam assumptam, secundum illud Ioan.

III. 13. *Nemo ascendit in cælum, nisi qui descendit de cælo, Filius hominis, qui in cælis est.* Alio modo ratione corporis, non quia ipsum corpus Christi secundum suam substantiam de cælo descendit; sed quia virtute cælesti, idest Spiritu sancto, est eius corpus formatum. Unde Augustinus (vel alius Auctor) dicit ad Orosium (in dial. lxx. Q. quæst. xv. a med.) exponens auctoritatem inductam: *Cælestem dico Christum, quia non ex humano conceptus est semine.* Et hoc etiam modo Hilarius exponit in Lib. X. de Trinit. (in princ. & med.)

Ad secundum dicendum, quod caro, & sanguis non accipiuntur ibi pro substantia carnis, & sanguinis, sed pro corruptione carnis, & sanguinis: quæ quidem in Christo non fuit quantum ad culpam; fuit tamen ad tempus quantum ad penam, ut opus nostræ redemptionis expleret.

Ad tertium dicendum, quod hoc ipsum ad maximam Dei gloriam pertinet, quod

(a) indigata: possidere non possunt.

quod corpus infirmum, & terrenum ad tantam sublimitatem provexit. Unde in Ephesina Synodo (gener. III. part. II. art. I.) legitur verbum S. Theophili dicentis: *Qualiter artificum optimi, non in pretiosis tantum materiis artem ostendentes in admiratione sunt, sed vilissimum lutum, & terram dissolutam plerumque assumptes, suae disciplinae demonstrantes virtutem, multo magis laudantur; ita omnium optimus artifex Dei Verbum, non aliquam pretiosam materiam corporis celestis apprehendens ad nos descendis, sed in luto magnitudinem suae artis ostendis.*

## ARTICULUS III. 33

*Utrum Filius Dei assumpserit animam.*

III. dist. II. quæst. 1. art. 3. quæst. 2. & IV. contra cap. XXXII: XXXIV. princ. XXXV. XXXVII. fin. & XI. & veri. quæst. XX. art. 1. c. & un. art. 1. & opusc. II. cap. CCXI.

**A**D tertium sic proceditur. Videtur quod Filius Dei animam non assumpserit. Ioannes enim incarnationis mysterium tradens dixit (Ioan. I. 14.) *Verbum caro factum est*, nulla facta de anima mentione. Non autem dicitur caro factum, eo quod sit in carne conversum, sed quia carnem assumpsit. Non ergo videtur assumpsisse animam.

2. Præterea. Anima necessaria est corpori, ad hoc quod per eam vivificetur. Sed ad hoc non fuit necessaria corpori Christi, ut videtur, quia ipsum Verbum Dei est de quo dicitur in Psal. XXXV. 10. *Domine, apud te est fons vite*. Superfluum ergo fuisset animam adesse, Verbo præsentem. Deus autem, & natura nihil frustra faciunt, ut etiam Philosophus dicit in I. de celo (tex. 22. & Lib. II. tex. 59.) Ergo videtur quod Filius Dei animam non assumpserit.

3. Præterea. Ex unione animæ ad corpus constituitur natura communis, quæ est species humana. In Domino autem Iesu Christo non est communis species accipere, ut Damascenus dicit in III. Lib. (orth. Fid. cap. 117. cir. med.) Non igitur assumpsit animam.

Sed contra est quod Augustinus dicit in Lib. de agone christiano (cap. XXI.) *Non eos audiamus qui solum humanum corpus dicunt esse susceptum a Verbo Dei; & sic audiunt quod dictum est, Verbum*

*caro factum est, ut negent illum hominem vel animam, vel aliquid hominis habuisse, nisi carnem solam.*

Respondeo dicendum, quod, sicut dicit Augustinus in Libro de hæresibus (hæresi lxxix. & lv.) opinio fuit primo quidem Arii, & postea Apollinaris, quod Filius Dei solam carnem assumpsit absque anima, ponentium quod Verbum fuerit 'carni loco animæ. Ex quo sequebatur quod in Christo non fuerint duæ naturæ, sed una tantum: ex anima enim, & carne una natura humana constituitur. Sed hæc positio stare non potest propter tria. Primo quidem quia repugnat auctoritati Scripturæ, in qua Dominus de sua anima facit mentionem Matth. xxvi. 38. *Tristis est anima mea usque ad mortem; & Ioan. x. 18. Potestatem habeo ponendi animam meam.* Sed ad hoc respondebat Apollinaris, quod in his verbis anima metaphorice sumitur: per quem modum in veteri Testamento Dei anima commemoratur Isa. I. 14. *Calendas vestras, & solemnitates vestras odit anima mea.* Sed, sicut dicit Augustinus in Lib. lxxxiii. Q. (quæst. lxxx. a med.) Evangelistæ in evangelica narratione narrant, quod miratus est Iesus, & iratus, & contristatus, & quod elurrit. Quæ quidem ita demonstrant eum veram animam habuisse, sicut ex hoc quod comedit, & dormivit, & fatigatus est, demonstratur eum habuisse verum corpus humanum: alioquin si hæc ad metaphoram referantur, cum similia legantur in veteri Testamento de Deo, peribit fides evangelicæ narrationis. Aliud enim est quod propheticæ nuntiatur in figuris, aliud quod secundum rerum proprietatem ab Evangelistis historicè scribitur. Secundo derogat prædictus error utilitati incarnationis, quæ est liberatio hominis. Ut enim argumentatur Augustinus in Lib. contra Felicianum (cap. xiii. a med.) *Si accepta carne Filius Dei animam omisit, aut innoxiam sciens, medicina indigentem non credidit; aut a se alienam putans, redemptionis beneficio non donavit; aut ex toto insanabilem iudicans, curare nequivit; aut us vilem, & quæ nullis usus apta videretur, abiectis. Horum duo blasphemiam important in Deum. Quomodo enim (a) dicitur Omnipotens, si curare non potuit desperatam? aut quomodo omnium Deus, si non ipse fecit animam nostram? Duobus autem aliis, in uno anima*

nima causa nescitur, in altero meritum non tenetur. An intelligere causam quædam legem habitu insita rationis instruat a peccato voluntarie transgressionis nititur separare? Aut quomodo eius generositatem novit qui ignobilitatis vitio dicit esse despectam? Si originem attendas, pretiosior est anima substantia; si transgressionis culpam, propter intelligentiam, peior est carne. Ego autem Christum & perfectam sapientiam scio, & piissimum esse non dubito: quorum primo meliorem, & prudentia capacem, non desepit; secundo eam quæ magis fuerat vulnerata, suscepit. Tercio vero hæc positio est contra ipsam incarnationis veritatem. Caro enim, & ceteræ partes hominis per animam speciem fortiuntur. Unde, recedente anima, non est os, aut caro, nisi æquivoce, ut patet per Philosophum in II. de Anima (tex. 9.) & VII. Metaph. (tex. 34.)

Ad primum ergo dicendum, quod cum dicitur, *Verbum caro factum est*, caro ponitur pro toto homine: ac si diceretur, *Verbum homo factum est*: sicut & IIa. xl. 5. Videbit omnis caro pariter quod os Domini locutum est. Ideo autem totus homo per carnem significatur, quia, ut dicitur in auctoritate inducta, per carnem Filius Dei visibilis apparuit: unde subditur, *Et vidimus gloriam eius*. Vel ideo quia, ut Augustinus dicit in Lib. lxxxiii. Qq. (quæst. lxxx. parum a princ.) in tota illa unitate susceptionis principale Verbum est, extrema autem, atque ultima caro. Volens itaque Evangelista commendare pro nobis dilectionem humilitatis Dei, Verbum, & carnem nominavit, prætermittens animam, quæ est Verbo inferior, carne præstantior. Rationabile etiam fuit ut nominaret carnem, quæ propter hoc quod magis distat a Verbo, minus assumptibilis videbatur.

Ad secundum dicendum, quod Verbum est fons vitæ, sicut prima causa vitæ effectiva; sed anima est principium vitæ corporis, tamquam forma ipsius: forma autem est effectus agentis. Unde ex præsentia Verbi magis concludi posset, quod corpus esset animatum; sicut ex præsentia ignis potest concludi quod corpus cui ignis adhæret, sit calidum.

Ad tertium dicendum, quod non est inconveniens, immo necessarium dicere, quod in Christo fuerit natura, quæ constituitur per animam corpori advenien-

tem. Damascenus autem negat in Domino Iesu Christo esse communem speciem quasi aliquid tertium resultans ex unione Divinitatis, & humanitatis.

## ARTICULUS IV. 36

*Utrum Filius Dei assumere debuerit intellectum.*

III. dist. II. quæst. I. art. 3. quæst. 2. & IV. con. cap. xxxiii. & ver. quæst. xx. art. 1. & un. art. 1. c. & opus. II. cap. ccxii.

**A**D quartum sic proceditur. Videtur quod Filius Dei non assumpserit mentem humanam, sive intellectum. Ubi enim est præsentia rei, non requiritur eius imago. Sed homo secundum mentem est ad imaginem Dei, ut Augustinus dicit in Lib. XIV. de Trinit. (cap. iij. & vi.) Cum ergo in Christo fuerit præsentia ipsius divini Verbi, non oportuit ibi esse mentem humanam.

2. Præterea. Maior lux offuscat minorem. Sed Verbum Dei, quod est lux illuminans omnem hominem venientem in hunc mundum, ut dicitur Ioan. 1. comparatur ad mentem, sicut lux maior ad minorem: quia & ipsa mens lux quædam est, quasi lucerna illuminata a prima luce. Proverb. xx. 27. *Lucerna Domini spiraculum hominis*. Ergo in Christo, qui est Verbum Dei, non fuit necessarium esse mentem humanam.

3. Præterea. Assumptio humanæ naturæ a Dei Verbo dicitur incarnatio eius. Sed intellectus, sive mens humana neque est caro, neque actus carnis: quia nullius corporis actus est, ut probatur in III. de Anima (implic. tex. 6.) Ergo videtur quod Filius Dei humanam mentem non assumpserit.

Sed contra est quod Augustinus (Fulgentius) dicit in Libro de fide ad Petr. (cap. xiv.) *Firmissime tene, & nullatenus dubites, Christum Filium Dei habere veram nostri generis carnem, & animam rationalem, qui de carne sua dicit: Palpate, & videte, quia spiritus carnis. & ossa non habet, sicut me videtis habere: (Luc. ult. 39.) Animam quoque se habere ostendit, dicens: Ego pono animam meam, & iterum sumo eam: (Ioan. x. 18.) Intellectum quoque anima ostendit se habere, dicens: Dicitis a me, quia mitis sum, & humilis corde: (Matth. xi. 29.)*

29.) *Et de ipso per Prophetam Deus dicit: Ecce intelligit puer meus.* (IIa. lxx. 13.)

Respondendo dicendum, quod, sicut Augustinus dicit in Lib. de haeresibus (haeresi xlix. & lv.) Apollinaristae de anima Christi a catholica Ecclesia disenserunt, dicentes, sicut Ariani, Deum Christum carnem solum sine anima suscepisse: in qua quaestione testimonii evangelicis victi, mentem desuisse animae Christi, sed pro hac ipsum Verbum in ea fuisse dixerunt.

Sed haec positio eisdem rationibus vincitur, sicut & praedicta. Primo enim hoc adversari narrationi evangelicae, quae commemorat cum fuisse miratum, ut patet Matth. viii. Admiratio autem absque ratione esse non potest: quia importat collationem effectus ad causam, dum scilicet aliquis videt effectum, cuius causam ignorat, & quaerit, ut dicitur in princ. Metaph. (cap. xi. in med.) Secundo repugnat utilitati incarnationis, quae est iustificatio hominis a peccato. Anima enim humana non est capax peccati, nec gratiae iustificantis, nisi per mentem. Unde praecipue oportuit mentem humanam assumi. Unde dicit Damascenus in III. Lib. (orth. Fid. cap. vi. cir. med.) quod *Dei Verbum assumpsit corpus, & animam intellectualem, & rationalem*: & postea subdit: *Totus totus unius est, ut toti mihi salutem largiretur: quod enim inassumptum est, incurabile est.* Tertio hoc repugnat veritati incarnationis. Cum enim corpus proportionetur animae, sicut materia propriae formae, non est vere caro humana quae non est perfecta anima humana, scilicet rationali. Et ideo si Christus animam sine mente habuisset, non habuisset veram carnem humanam, sed bestialem: quia per solum mentem anima nostra differt ab anima bestiali. Unde dicit Augustinus in Lib. lxxxiii. Qq. (quaest. lxxx. cir. princ.) quod secundum hunc errorem legeretur quod Filius Dei belluam quamdam cum figura humani corporis suscepisset: quod iterum repugnat veritati divinae, quae nullam patitur fictionis falsitatem.

Ad primum ergo dicendum, quod ubi est ipsa res per sui praesentiam, non requiritur eius imago, ad hoc quod suppleat locum rei; sicut ubi est Imperator, milites non venerantur eius imaginem: sed tamen requiritur cum praesentia rei imago ipsius, ut perficiatur ex

ipsa rei praesentia; sicut imago in cera perficitur per impressionem sigilli, & imago hominis relucet in speculo per eius praesentiam. Unde ad perficiendam mentem humanam necessarium fuit quod eam sibi Verbum Dei univertit.

Ad secundum dicendum, quod lux maior evacuat lucem minorem alterius corporis illuminantis; non tamen evacuat, sed perficit lucem corporis illuminati: ad praesentiam enim Solis stellarum lux obscuratur, sed aeris lumen perficitur. Intellectus autem, seu mens hominis est quasi lux illuminata a luce divini Verbi: & ideo per praesentiam Verbi non evacuat mens hominis, sed magis perficitur.

Ad tertium dicendum, quod licet potentia intellectiva non sit alicuius corporis actus; ipsa tamen essentia animae humanae, quae est forma corporis, requiritur quod sit nobilior, ad hoc quod habeat potentiam intelligendi: & ideo necesse est ut corpus melius dispositum ei respondeat.

### QUAESTIO VI.

*De modo assumptionis quantum ad ordinem,*

*in sex articulos divisa.*

**D**inde considerandum est de ordine assumptionis praedictae: circa quod quaeruntur sex.

Primo, utrum Filius Dei assumpserit carnem mediante anima.

Secundo, utrum assumpserit animam mediante spiritu, sive mente.

Tertio, utrum anima fuerit prius assumpta a Verbo quam caro.

Quarto, utrum caro Christi fuerit prius a Verbo assumpta quam animae unita.

Quinto, utrum tota humana natura sit assumpta mediantibus partibus.

Sexto utrum sit assumpta mediante gratia.

## ARTICULUS I. 37

*Utrum Filius Dei assumpsit carnem  
mediante anima.*

III. *dist. 11. quæst. 11. art. 1. & dist.  
xii. quæst. v. art. 2. & IV. cont. cap.  
xlv. & de spirit. crea. art. 3. ad 5.*

**A**D primum sic proceditur. Videtur quod Filius Dei non assumpsit carnem mediante anima. Perfectior enim est modus quo Filius Dei unitur humanæ naturæ, & partibus eius, quam quo est in omnibus creaturis. Sed in creaturis est immediate per essentiam, potentiam, & præsentiam. Ergo multo magis Filius Dei immediate unitur carni, & non mediante anima.

2. Præterea. Anima, & caro unita sunt Dei Verbo in unitate hypostasis, seu personæ. Sed corpus immediate pertinet ad personam, sive hypostasis hominis, sicut & anima; quinimmo magis videtur se de propinquo habere ad hypostasis hominis corpus, quod est materia, quam anima, quæ est forma: quia principium individuationis, quæ importatur in nomine hypostasis, videtur esse materia. Ergo Filius Dei non assumpsit carnem mediante anima.

3. Præterea. Remoto medio, separantur ea quæ per medium coniunguntur; sicut remota superficie, cessaret color a corpore, qui inest corpori per superficiem. Sed separata per mortem animæ, adhuc remanet unio Verbi ad carnem, ut infra patebit (quæst. 1. art. 2. & 3.) Ergo Verbum non coniungitur carni mediante anima.

Sed contra est quod Augustinus dicit in epist. ad Volusianum (cxxxvi. al. 111. ante med.) *Ipsa magnitudo divine virtutis animam sibi rationalem, & per eandem corpus humanum, totumque omnino hominem in melius mutandum coaptavit.*

Respondendo dicendum, quod medium dicitur respectu principii, & finis. Unde sicut principium, & finis important ordinem, ita & medium. Est autem duplex ordo: unus quidem temporis; alius autem naturæ. Secundum autem ordinem temporis non dicitur in mysterio incarnationis aliquid medium: quia totam humanam naturam simul sibi Verbum Dei univit, ut infra patebit (quæst. xxxiii. art. 3.) Ordo autem naturæ

inter aliqua potest attendi dupliciter: uno modo secundum gradum dignitatis; sicut dicimus Angelos esse medios inter homines, & Deum; alio modo secundum rationem causalitatis; sicut dicitur media causa existere inter primam causam, & ultimum effectum. Et hic secundus ordo aliquo modo consequitur primum: sicut enim dicit Dionysius xv. cap. de div. Nom. (lect. 3. implic. & cap. xii. & xiiii. cælest. Hierarch.) *Deus per substantias magis sibi propinquas agit in ea quæ sunt magis remota.*

Sic ergo si attendamus gradum dignitatis, anima media invenitur inter Deum & carnem: & secundum hoc potest dici, quod Filius Dei univit sibi carnem mediante anima. Sed & secundum ordinem causalitatis ipsa anima est aliquoties causa carnis uniendæ Filio Dei. Non enim esset assumptibilis, nisi per ordinem quem habet ad animam rationalem, secundum quam habet quod sit caro humana. Dictum est enim supra (quæst. xv. art. 1.) quod natura humana præ ceteris est assumptibilis.

Ad primum ergo dicendum, quod duplex ordo considerari potest inter creaturam & Deum. Unus quidem, secundum quod creaturæ causantur a Deo, & dependent ab ipso sicut a principio sui esse; & sic propter infinitatem suæ virtutis Deus immediate attingit quamlibet rem, causando, & conservando: & ad hoc pertinet quod Deus immediate est in omnibus per essentiam, præsentiam, & potentiam. Alius autem ordo est, secundum quod res reducuntur in Deum sicut in finem: & quantum ad hoc invenitur medium inter creaturam & Deum: quia inferiores creaturæ reducuntur in Deum per superiores, ut dicit Dionysius in Lib. ecclesiasticæ Hierarch. (cap. v. inter princ. & med.) & ad hunc ordinem pertinet assumptio humanæ naturæ a Verbo Dei, quod est terminus assumptionis; & ideo per animam unitur carni.

Ad secundum dicendum, quod si hypostasis Verbi Dei constitueretur simpliciter per humanam naturam, sequeretur quod corpus esset ei vicinius, cum sit materia, quæ est individuationis principium; sicut & anima, quæ est forma specifica, propinquius se habet ad naturam humanam. Sed quia hypostasis Verbi est prior, & altior quam humana natura, tanto id quod est in humana natura, propinquius ad eam se habet, quan-

to est altius. Et ideo propinquior est Verbo Dei anima quam corpus.

Ad tertium dicendum, quod nihil prohibet aliquid esse causam alicuius quantum ad appetitum, & congruitatem; quo tamen remoto, illud non tollitur: quia etsi fieri alicuius dependet ex aliquo, postquam tamen est in facto esse, ab eo non dependet: sicut si inter aliquos amicitia causatur aliquo mediante, eo recedente adhuc amicitia remanet: & si aliqua in matrimonium ducitur propter pulchritudinem, quæ facit congruitatem in muliere ad copulam conjugalem, tamen pulchritudine cessante, adhuc durat copula coniugalis. Et similiter separata anima, remanet unio Verbi ad carnem.

## ARTICULUS II. 38

*Utrum Dei Filius assumpserit animam mediante spiritu, sive mente.*

*Locis sup. art. 1. notatis.*

**A**D secundum sic proceditur. Videtur quod Filius Dei non assumpserit animam mediante spiritu. Idem enim non cadit medium inter seipsum, & aliquid aliud. Sed spiritus, sive mens non est aliud in essentia ab ipsa anima, ut in prima parte habitum est (quæst. lxxvii. art. 1. ad 1.) Ergo Filius Dei non assumpserit animam mediante spiritu, sive mente.

2. Præterea. Illud quo mediante facta est assumptio, videtur esse magis assumptibile. Sed spiritus, sive mens non est magis assumptibilis quam anima: quod patet ex hoc quod spiritus angelici non sunt assumptibiles, ut supra dictum est (quæst. iv. art. 1.) Ergo videtur quod Filius Dei non assumpserit animam mediante spiritu.

3. Præterea. Posterius assumitur a primo mediante priori. Sed anima nominat ipsam essentiam, quæ est prior naturaliter quam ipsa potentia eius, quæ est mens. Ergo videtur quod Filius Dei non assumpserit animam mediane spiritu, sive mente.

Sed contra est quod Augustinus dicit in lib. de agone christiano (cap. xviii.) *Invisibilis, & incommutabilis veritas per spiritum animam, & per animam corpus accepit.*

Respondeo dicendum, quod, sicut diximus est (art. præc.) *Filius Dei dicitur*

*assumpsisse carnem anima mediante, tum propter ordinem dignitatis, tum etiam propter congruitatem assumptionis. Utrumque autem horum invenitur, si comparemus intellectum, qui spiritus dicitur, ad ceteras animæ partes. Non enim est assumptibilis secundum congruitatem, nisi per hoc quod est capax Dei, ad imaginem eius exillens; quod est secundum mentem, quæ spiritus dicitur, secundum illud Ephes. iv. 23 *Renovamini spiritu mentis vestre*. Similiter etiam intellectus inter ceteras partes animæ est superior, & dignior, & Deo similior: & ideo, ut Damascenus dicit in iii. lib. (orth. Fid. cap. vi. cir. med.) *unitum est carni per medium intellectum Verbum Dei. Intellectus enim est quid animæ purissimum; sed & Deus est intellectus.**

Ad primum ergo dicendum, quod etsi intellectus non sit aliud ab anima secundum essentiam; distinguitur tamen ab aliis partibus animæ secundum rationem potentie: & secundum hoc competit sibi ratio medii.

Ad secundum dicendum, quod spiritui angelico non deest congruitas ad assumptionem propter defectum dignitatis, sed propter irreparabilem casum: quod non potest dici de spiritu humano, ut patet ex his quæ in prima parte dicta sunt (quæst. lxxi. art. 8. & quæst. lxxiv. art. 2.)

Ad tertium dicendum, quod anima, inter quam & Dei Verbum ponitur medium intellectus, non accipitur pro essentia animæ, quæ est omnibus potentiis communis, sed pro potentiis inferioribus, quæ sunt omni animæ communes.

## ARTICULUS III. 39

*Utrum anima a Dei Filio prius fuerit assumpta quam caro.*

*Inf. art. 4. & quæst. xxxiii. art. 1. ad 2. & 3. & quæst. xxxv. art. 4. & iii. dist. ii. quæst. ii. & iii. & iv. cont. cap. xxxiii. xlv. & xlv.*

**A**D tertium sic proceditur. Videtur quod anima Christi fuerit prius assumpta a Verbo quam caro. Filius enim Dei assumpsit carnem mediante anima, ut dictum est (art. i. huius quæst.) Sed prius pervenitur ad medium quam ad

ex-



extremum. Ergo Filius Dei assumptus prius animam quam corpus.

3. Præterea. Anima Christi est dignior Angelis, secundum illud Psal. xcvi. 8. *Adorate eum omnes Angeli eius.* Sed Angeli creati sunt a principio, ut in primo habitum est (quæst. xlvj. art. 3. & quæst. lxi. art. 2. & 3.) Ergo & anima Christi, quæ non fuit ante creata quam assumpta: dicit enim Damascenus in III. Lib. (orth. Fid. cap. 11. 111. & ix.) quod *numquam neque anima, neque corpus Christi propriam habuerunt hypostasim præter Verbi hypostasim.* Ergo videtur quod anima fuerit ante assumpta quam caro, quæ est concepta in utero Virginis.

3. Præterea. Ioan. 1. 14. dicitur (a) *Vidimus eum plenum gratiæ, & veritatis:* & postea subditur, quod *de plenitudine eius nos omnes accepimus*, id est omnes fideles quocumque tempore, ut Chrysostomus exponit (hom. xlii. in Ioan. aliquant. a princ.) Hoc autem non esset, nisi anima Christi habuisset plenitudinem gratiæ, & veritatis ante omnes Sanctos, qui fuerunt ab origine mundi: quia causa non est posterior causato. Cum igitur plenitudo gratiæ, & veritatis fuerit in anima Christi ex unione ad Verbum, secundum illud quod ibidem dicitur: *Vidimus gloriam eius, quasi unigeniti a Patre, plenum gratiæ, & veritatis:* consequens videtur quod a principio mundi anima Christi fuerit a Verbo Dei assumpta.

Sed contra est quod Damascenus dicit in IV. Lib. (orth. Fid. cap. vi. in princ.) *Non, ut quidam mentiantur, ante eam quæ est ex Virgine, incarnationem, intellectus est unius Deo Verbo, & ex tunc vocatus est Christus.*

Respondeo dicendum, quod Origenes posuit in suo Periarch. (Lib. I. cap. vii. & viii. & Lib. II. cap. viii.) omnes animas a principio fuisse creatas, inter quas etiam posuit animam Christi creatam.

Sed hoc quidem est inconueniens, si ponatur quod fuerit tunc creata, sed non statim Verbo unita: quia sequeretur quod anima illa aliquando habuisset propriam subsistentiam sine Verbo: & sic cum fuisset a Verbo assumpta, vel non esset facta unio secundum subsistentiam, vel corrupta fuisset subsistentia animæ præexistens.

Similiter etiam est inconueniens, si

ponatur quod anima illa fuerit a principio Verbo unita, & postmodum in utero Virginis incarnata: quia sic eius anima videretur esse non eiusdem naturæ cum nostris, quæ simul creantur, dum corporibus infunduntur. Unde Leo Papa dicit in epist. ad Iulianum (xxxv. al. xi. versus fin.) quod *non alterius naturæ erat caro eius quam nostra; nec alio illi quam ceteris hominibus anima est principio inspirata.*

Ad primum ergo dicendum, quod, sicut supra dictum est (art. i. huius quæst.) anima Christi dicitur esse medium in unione carnis ad Verbum secundum ordinem naturæ; non autem oportet ex hoc quod fuerit medium ex ordine temporis.

Ad secundum dicendum, quod, sicut Leo Papa in eadem epist. (loc. cit.) dicit, anima Christi excellit nostras animas *non diversitate generis, sed sublimitate virtutis:* est enim eiusdem generis cum nostris animabus; sed excellit etiam Angelos secundum plenitudinem gratiæ, & veritatis. Modus autem creationis respondet animæ secundum proprietatem sui generis, ex quo habet, cum sit corporis forma, ut creetur simul dum corpori infunditur, & unitur: quod non competit Angelis, qui sunt substantiæ omnino a corporibus absolutæ.

Ad tertium dicendum, quod de plenitudine Christi omnes homines accipiunt secundum fidem quam habent in ipsum: dicitur enim Rom. 111. 22. quod *iustitia Dei est per fidem Iesu Christi in omnes, & super omnes qui credunt in ipsum.* Sicut autem nos in ipsum credimus ut in iam natum; ita antiqui crediderunt in ipsum ut in nasciturum. *Habentes enim eundem spiritum fidei credimus,* ut dicitur II. ad Corinth. 14. 13. *Habet autem fides quæ est in Christum, virtutem iustificandi ex proposito gratiæ Dei, secundum illud Rom. 14. 5. Ei qui non operatur, credenti autem in eum qui iustificat impium, fides reputatur ad iustitiam secundum propositum gratiæ Dei.* Unde quia hoc propositum est æternum, nihil prohibet per fidem Iesu Christi aliquos iustificari, etiam antequam eius anima esset plena gratiæ, & veritate.

(a) *Vulgata* Vidimus gloriam eius.

## ARTICULUS IV. 40

*Utrum caro Christi fuerit prius a Verbo assumpta quam anima unita.*

*Locus supra art. 3. citatis.*

**A**D quartum sic proceditur. Videtur quod caro Christi fuisse prius a Verbo assumpta quam animæ unita. Dicit enim Augustinus (Fulgentius) in Lib. de fide ad Pet. (cap. xviii.) *Firmissime tene, & nullatenus dubites, non carnem Christi sine Divinitate conceptam in utero Virginis, priusquam susceperetur a Verbo etc.* Sed caro Christi videtur prius fuisse concepta quam animæ rationali unita: quia materia, vel dispositio prior est in via generationis quam forma completiva. Ergo prius fuit caro Christi assumpta quam animæ unita.

2. Præterea. Sicut anima est pars naturæ humanæ, ita & corpus. Sed anima humana non habuit aliud principium sui esse in Christo quam in aliis hominibus, ut patet ex auctoritate Leonis Papæ supra inducta (art. præ.) Ergo videtur quod nec corpus Christi aliter habuerit principium ciscendi quam in nobis. Sed in nobis ante concipitur caro quam adveniat anima rationalis. Ergo etiam ita fuit in Christo: & sic caro prius fuit a Verbo assumpta quam animæ unita.

3. Præterea. Sicut dicitur in Lib. de causis (proposit. 1.) *causa prima plus influit in causatum, & prius unitur ei, quam causa secunda.* Sed anima Christi comparatur ad Verbum sicut causa secunda ad primam. Prius ergo Verbum est unitum carni quam anima.

Sed contra est quod Damascenus dicit in III. Lib. (orth. Fid. cap. 11. ad fin.) *Simul Dei Verbi caro, simul caro animata rationalis, & intellectualis.* Non ergo unio Verbi ad carnem præcessit unionem ad animam.

Respondeo dicendum, quod caro humana est assumptibilis a Verbo secundum ordinem quem habet ad animam rationalem sicut ad propriam formam. Hunc autem ordinem non habet, antequam anima rationalis ei adveniat: quia simul dum aliqua materia fit, propria alicuius formæ, recipit illam formam: unde in eodem instanti terminatur alteratio, in quo introducit formam substantialis. Et inde est quod caro non debuit ante assu-

mi quam esset caro humana: quod factum est, anima rationali adveniente. Sicut igitur anima non est prius assumpta quam caro, quia contra naturam animæ est ut prius sit quam corpori uniatur; ita caro non debuit prius assumi quam anima, quia non prius est caro humana quam habeat animam rationalem.

Ad primum ergo dicendum, quod caro humana sortitur esse per animam: & ideo ante adventum animæ non est caro humana, sed potest esse dispositio ad carnem humanam. In conceptione tamen Christi Spiritus sanctus, qui est agens inhiat virtutis, simul & materiam disposuit, & ad perfectum perduxit.

Ad secundum dicendum, quod forma actu dat speciem; materia autem, quantum est de se, est in potentia ad speciem. Et ideo contra rationem formæ esset quod præxisteret naturæ speciei, quæ perhincitur per unionem eius ad materiam; non autem est contra naturam materiæ quod præexistat naturæ speciei. Et ideo dissimulando quæ est inter originem nostram, & originem Christi, secundum hoc quod caro nostra prius concipitur quam animetur, non autem caro Christi, est secundum illud quod præcedit naturæ complementum; sicut & quod nos concipimur ex semine viri, non autem Christus. Sed differentia quæ esset quantum ad originem animæ, redunderet in diversitatem naturæ.

Ad tertium dicendum, quod Verbum Dei per prius intelligitur unitum carni quam anima per modum communem quo est in ceteris creaturis per essentiam, potentiam, & præsentiam. Prius tamen dico non tempore, sed natura: prius enim intelligitur caro ut quoddam ens, quod a Verbo habet, quam ut animata, quod habet ab anima. Sed unio personalis prius secundum intellectum oportet quod caro uniatur animæ quam Verbo: quia ex unione ad animam habet quod sit unibilis Verbo in persona: præsertim quia persona non invenitur nisi in rationali natura.

## ARTICULUS V. 41

*Utrum tota humana natura sit assumpta  
mediantibus partibus.*

III. *dist. 11. quest. 11. art. 1. quest. 3. &  
art. 3. quest. 2. c. & dist. 111. quest.  
v. art. 2. c. & dist. v. quest. 11. art. 3.*

**A**D quintum sic proceditur. Videtur  
quod Filius Dei assumpserit totam  
naturam humanam mediantibus partibus  
eius. Dicit enim Augustinus in Lib. de  
agone christiano (cap. xviii) quod *in-  
visibilis, & incommutabilis veritas per  
spiritum animam, & per animam cor-  
pus, & sic totum hominem assumpsit.* Sed  
spiritus, anima, & corpus sunt partes  
totius hominis. Ergo totum assumpsit  
mediantibus partibus.

2. Præterea. Ideo Filius Dei carnem assump-  
sit mediante anima, quia anima est Deo  
similior quam corpus. Sed partes humanæ  
naturæ, cum sint simpliciores quam cor-  
pus, videntur esse similiores Deo, qui  
est simplicissimus, quam totum. Ergo  
assumpsit totum mediantibus parti-  
bus.

3. Præterea. Totum resultat ex unio-  
ne partium. Sed unio intelligitur ut ter-  
minus, assumptionis; partes autem præ-  
intelliguntur assumptioni. Ergo assumpsit  
totum per partes.

Sed contra est quod Damascenus di-  
cit in III. Lib. (orth. Fid. cap. xvi.  
cir. fin.) *In Domino nostro Iesu Christo  
non partes partium intuemur, sed que  
proxime componuntur, idest Deitatem, &  
humanitatem.* Humanitas autem est  
quoddam totum, quod componitur ex  
anima, & corpore, sicut ex partibus.  
Ergo Filius Dei assumpsit partes median-  
te toto.

Respondendo dicendum, quod cum dicitur  
aliquid medium in assumptione in-  
carnationis, non designatur ordo tempo-  
ris, quia simul facta est assumptio to-  
tius, & omnium partium. Ostensum est  
enim (art. 3. & 4. præc.) quod si-  
mul anima, & corpus sunt ad invi-  
cem unita ad constituendam naturam  
humanam in Verbo. Designatur au-  
tem ibi ordo naturæ. Unde per id  
quod est prius in natura, assumitur id  
quod est posterius. Est autem aliquid  
prius natura dupliciter: uno modo  
ex parte agentis; alio modo ex parte  
materiæ: hæ enim duæ causæ præexi-

stunt rei. Ex parte quidem agentis est  
simpliciter primum illud quod primo ca-  
dit in eius intentione; sed secundum  
quid prius est illud a quo incipit eius o-  
peratio: & hoc ideo, quia intentio est  
prior operatione. Ex parte vero mater-  
iæ est primum illud quod prius existit  
in transmutatione materiæ. In incarna-  
tione autem oportet maxime attendere  
ordinem qui est ex parte agentis: quia,  
ut Augustinus dicit in epit. ad Volusia-  
num (cxxxvii. al. 111. ante med.) *in-  
ta-libus rebus tota ratio facti est potentia fa-  
cientis.* Manifestum autem est quod se-  
cundum intentionem facientis prius est  
completum quam incompletum, & per  
consequens totum quam partes.

Et ideo dicendum est, quod Verbum  
Dei assumpsit partes humanæ naturæ me-  
diante toto. Sicut enim assumpsit cor-  
pus propter ordinem quem habet ad ani-  
mam rationalem; ita assumpsit cor-  
pus, & animam propter ordinem quem  
habent ad humanam naturam.

Ad primum ergo dicendum, quod ex  
verbis illis nihil aliud datur intelligi,  
nisi quod Verbum assumendo partes hu-  
manæ naturæ, assumpsit totam huma-  
nam naturam. Et sic assumptio partium  
est prior in via operationis intellectu,  
non tempore; assumptio autem naturæ  
est prior in via intentionis: quod est esse  
prius simpliciter, ut dictum est (in cor.  
art.)

Ad secundum dicendum, quod Deus  
ita est simplex, quod etiam est perfec-  
tissimus: & ideo totum est magis simili-  
e Deo quam partes, inquantum est per-  
fectius.

Ad tertium dicendum, quod unio per-  
sonalis est ad quam terminatur assump-  
tio, non autem unio naturæ, quæ re-  
sultat ex coniunctione partium.

## ARTICULUS VI. 43

*Utrum humana natura sit assumpta me-  
diante gratia.*

III. *dist. 11. quest. 11. art. 2. & dist. 1111.  
quest. 111. art. 1. & verit. quest. xx. art.  
2. & opusc. 11. cap. cc11.*

**A**D sextum sic proceditur: Videtur  
quod Filius Dei assumpserit huma-  
nam naturam mediante gratia. Per gra-  
tiam enim unimur Deo. Sed humana  
natura in Christo maxime fuit Deo unita.  
Ergo illa unio facta fuit per gratiam.

2. Præ-

2. Præterea . Sicut corpus vivit per animam, quæ est eius perfectio; ita anima per gratiam . Sed humana natura redditur congrua ad assumptionem (a) per animam, ut dictum est ( art. 5. huius quæst. ) Ergo & anima congrua redditur ad assumptionem per gratiam . Ergo Filius Dei assumpsit animam mediante gratia .

3. Præterea . Augustinus in XV. de Trinit. ( cap. xi. ) dicit, quod Verbum incarnatum, est sicut verbum nostrum in voce . Sed verbum nostrum unitur voci mediante spiritu . Ergo Verbum Dei unitur carni mediante Spiritu sancto, & ita mediante gratia, quæ Spiritui sancto, attribuitur, secundum illud I. ad Cor. xii. 4. *Divisiones gratiarum sunt, idem autem spiritus .*

Sed contra est quod gratia est quoddam accidens animæ, ut in secunda parte habitum est ( 1. 2. quæst. cx. art. 2. ) Unio autem Verbi ad humanam naturam est facta secundum subsistentiam, & non secundum accidens, ut ex supra dictis patet ( quæst. xi. art. 6. ) Ergo natura humana non est assumpta mediante gratia .

Respondendo dicendum, quod in Christo ponitur gratia unionis, & gratia habitualis . Gratia ergo non potest intelligi ut medium in assumptione humanæ naturæ, sive loquamur de gratia unionis, sive de gratia habituali . Gratia enim unionis est ipsum esse personale, quod gratiæ divinitus datur humanæ naturæ in persona Verbi, quod quidem est terminus assumptionis; gratia autem habitualis pertinet ad spirituales sanctitatem illius hominis, est effectus quidam consequens unionem, secundum illud Ioan. 1. 14. *Vidimus gloriam eius, quasi unigeniti a Patre, plenum gratiæ, & veritatis .* Per quod datur intelligi quod ex hoc ipso quod ille homo est unigenitus a Patre, ( quod habet per unionem ) habet plenitudinem gratiæ, & veritatis . Si vero intelligatur gratia voluntas Dei aliquid gratis faciens, vel donans; sic unio facta est per gratiam, non sicut per medium, sed sicut per causam efficientem .

Ad primum ergo dicendum, quod unio nostra ad Deum est per operationem, inquantum scilicet eum cognoscimus, & amamus; & ideo talis unio est per gratiam habitualement, inquantum operatio perfecta procedit ab habitu . Sed unio naturæ humanæ ad Verbum Dei

est secundum esse personale, quod non dependet ab aliquo habitu, sed immediate ab ipsa natura .

Ad secundum dicendum, quod anima est perfectio substantialis corporis; gratia vero est perfectio animæ accidentalis . Et ideo gratia non potest ordinare animam ad unionem personalem, quæ non est accidentalis, sicut anima, & corpus .

Ad tertium dicendum, quod verbum nostrum unitur voci mediante spiritu, non quidem sicut medio formali, sed sicut per medium movens . Nam ex verbo conceptio interius procedit spiritus, ex quo formatur vox . Et similiter ex Verbo æterno procedit Spiritus sanctus, qui formavit corpus Christi, ut infra patebit ( quæst. xxxii. art. 1. ) Non autem ex hoc sequitur quod gratia Spiritus sancti sit formale medium in unione prædicta .

## QUAESTIO VII.

*De gratia Christi, prout est quidam singularis homo,*

*in tredecim articulos divisa .*

**D**Einde considerandum est de coassumptione a Filio Dei in humana natura; & primo de his quæ pertinent ad perfectionem; secundo de his quæ pertinent ad defectum :

Circa primum consideranda sunt tria : Primo de gratia Christi ; Secundo de scientia eius . Tertio de potentia ipsius .

De gratia autem Christi considerandum est dupliciter . Primo quidem de gratia eius, secundum quod est quidam singularis homo . Secundo de gratia eius, secundum quod est caput Ecclesiæ; nana de gratia unionis iam dictum est ( quæst. xi. )

Circa primum quærentur tredecim : Primo, utrum in anima Christi fuerit aliqua gratia habitualis .

Secundo, utrum in Christo fuerint virtutes .

Tertio, utrum in eo fuerit fides .

Quarto, utrum fuerit in eo spes .

Quinto, utrum in Christo fuerint dona .

Sexto, utrum in Christo fuerit timoris donum .

Septimo, utrum in Christo fuerint gratiæ gratis datæ .

Octavo, utrum in Christo fuerit prophetia,

D

No-

*S. Th. Oper. Tom. XXIV.*

(a) Ita cum est. Alii, alique edidi possim, Al. per gratiam.

Nono, utrum in eo fuerit plenitudo gratiae.

Decimo, utrum talis plenitudo sit propria Christi.

Undecimo, utrum Christi gratia sit infinita.

Duodecimo, utrum potuerit augeri.

Tertiodecimo, qualiter hæc gratia se habeat ad unionem.

## ARTICULUS I. 43

*Utrum in anima Christi fuerit aliqua gratia habitualis.*

*III. dist. XIII. quest. 1. art. 1. & verit. quest. XXVII. art. 1. & opus. 11. cap. CCXIII. & Ioan. 111. lect. 6.*

**A**D primum sic proceditur. Videtur quod in anima assumpta a Verbo non fuerit gratia habitualis. Gratia enim est quædam participatio Divinitatis in creatura rationali, secundum illud II. Petr. 1. 4. *Per quem maxima, & pretiosa promissa nobis donavit, (a) ut divinæ simus consortes naturæ.* Christus autem est Deus non participative, sed secundum veritatem. Ergo in eo non fuit gratia habitualis.

2. Præterea. Gratia ad hoc est necessaria homini ut per eam bene operetur, secundum illud I. Corinth. xv. 10. *Abundantius omnibus laboravi, non ego autem, sed gratia Dei mecum:* & etiam ad hoc quod homo consequatur vitam æternam, secundum illud Rom vi. 23. *Gratia Dei vita æterna.* Sed Christo ex hoc solo quod erat naturalis Filius Dei, debebatur hereditas vitæ æternæ; ex hoc etiam quod erat Verbum, per quod facta sunt omnia, aderat ei facultas omnia bene operandi. Non ergo secundum humanam naturam indigebat alia gratia, nisi unionem ad Verbum.

3. Præterea. Illud quod operatur per modum instrumenti, non indiget habitu ad proprias operationes, quia habitus fundatur in principali agente. Humana autem natura in Christo fuit sicut instrumentum Divinitatis, ut dicit Damascenus in III. Lib. (orth. Fid. cap. xv. a med.) Ergo non debuit in Christo esse aliqua gratia habitualis.

Sed contra est quod dicitur Isa. xi. 2. *Requiescet super eum Spiritus Domini:* qui quidem in homine esse dicitur per gratiam habitualement, ut in I. Parte di-

ctum est (quæst. VIII. art. 3. & quæst. XLIII. art. 6.) Ergo in Christo fuit gratia habitualis.

Respondeo dicendum, quod necesse est ponere in Christo gratiam habitualement propter tria. Primo quidem propter unionem animæ illius ad Verbum Dei. Quanto enim aliquod receptivum est propinquius causæ influenti, tanto magis participat de influentia ipsius. Influxus autem gratiæ est a Deo, secundum illud Psal. lxxxviii. 12. *Gratiam, & gloriam dabit Dominus.* Et ideo maxime fuit conveniens ut anima illa reciperet influxum divinæ gratiæ. Secundo propter nobilitatem illius animæ, cuius operationes oportebat propinquissime attingere ad Deum per cognitionem, & amorem: ad quod necesse est elevari rationalem naturam per gratiam. Tercio propter habitudinem ipsius Christi ad genus humanum. Christus enim, inquantum homo, est mediator Dei, & hominum, ut dicitur I. ad Timoth. 11. & ideo oportebat quod haberet gratiam etiam in alios redundantem, secundum illud Ioan. 1. 16. *De plenitudine eius omnes accepimus, & gratiam pro gratia.*

Ad primum ergo dicendum, quod Christus est verus Deus secundum personam, & naturam divinam. Sed quia cum unitate personæ remanet distinctio naturarum, ut ex supradictis patet (quæst. 11. art. 1. & 2.) anima Christi non est per suam essentiam divina. Unde oportet quod fiat divina per participationem, quæ est secundum gratiam.

Ad secundum dicendum, quod Christo, inquantum est naturalis Filius Dei, debetur hereditas æterna, quæ est ipsa beatitudo increata, per increatum actum cognitionis, & amoris Dei, eundem scilicet quo Pater cognoscit, & amat seipsum: cuius actus anima capax non erat propter differentiam naturæ: unde oportebat quod attingeret ad Deum per actum fructus creatum: qui quidem esse non potest nisi per gratiam. Similiter etiam inquantum est Verbum Dei, habuit facultatem omnia bene operandi operatione divina. Sed quia præter operationem divinam oportet poni in eo operationem humanam, ut infra patebit (quæst. XIX. art. 1.) oportuit in eo esse habitualement gratiam, per quam huiusmodi operatio in eo esset perfecta.

Ad tertium dicendum, quod humanitas Christi est instrumentum Divinitatis, non

(a) *Unctus*: ut per hæc efficiamini divinæ consortes naturæ.

non quidem sicut instrumentum inanimatum, quod nullo modo agit, sed solum agitur; sed tanquam instrumentum animæ rationali animatum, quod ita agitur quod etiam agit. Et ideo ad convenientiam actionis oportuit eum habere gratiam habitualement.

## ARTICULUS II. 44

*Utrum in Christo fuerint virtutes.*

*Inf. art. 3. ad 1. & quæst. xv. art. 2. c. & III. dist. xiiii. quæst. 1. art. 1. c.*

**A**D secundum sic proceditur. Videtur quod in Christo non fuerint virtutes. Christus enim habuit abundantiam gratiæ. Sed gratia sufficit ad omnia recte agendum, secundum illud II. Corin. xii. 9. *Sufficit tibi gratia mea*. Ergo in Christo non fuerunt virtutes.

2. Præterea. Secundum Philosophum VII. Ethic. (cap. 1.) virtus dividitur contra quemdam heroicum, sive divinum habitum, qui attribuitur hominibus divinis. Hic autem maxime convenit Christo. Ergo Christus non habuit virtutes, sed aliquid alius virtute.

3. Præterea. Sicut in secunda parte dictum est (1. 2. quæst. lxx. art. 1. & 2.) virtutes omnes simul habentur. Sed Christo non fuit conveniens habere omnes virtutes; sicut patet de liberalitate, & magnificentia, quæ habent actum suum circa divitias, quas Christus contempsit, secundum illud Matth. viii. 20. *Filius hominis non habet ubi caput suum reclinat*: temperantia etiam, & continentia sunt circa concupiscentias pravas, quæ in Christo non fuerunt. Ergo Christus non habuit virtutes.

Sed contra est quod super illud Psal. 1. *Sed in lege Domini voluntas eius*, dicit Glossa (ordinar. Cassiod.) „Hic ostenditur Christus plenus omni bono.“ Sed bona qualitas mentis est virtus. Ergo Christus fuit plenus omni virtute.

Respondeo dicendum, quod, sicut in secunda parte dictum est (1. 2. quæst. ix. art. 3. & 4.) sicut gratia respicit essentiam animæ, ita virtus respicit potentiam eius. Unde oportet quod sicut potentia animæ derivantur ab eius essentia, ita virtutes sint quædam derivationes gratiæ. Quanto autem aliquod principium est perfectius, tanto magis imprimat suos effectus. Unde cum gratia Christi fuerit perfectissima, consequens

est quod ex ipsa processerint virtutes ad perficiendum singulas potentias animæ quantum ad omnes animæ actus: & ita Christus habuit omnes virtutes.

Ad primum ergo dicendum, quod gratia sufficit homini quantum ad omnia quibus ordinatur ad beatitudinem; horum tamen quædam perficit gratia immediate per seipsam, sicut gratum facere Deo, & alia huiusmodi; quædam autem mediantibus virtutibus, quæ ex gratia procedunt.

Ad secundum dicendum, quod habitus ille heroicus, vel divinus non differt a virtute communiter dicta, nisi secundum perfectiorem modum, in quantum scilicet aliquis est dispositus ad bonum quodam altiori modo quam communiter omnibus competat. Unde per hoc non ostenditur quod Christus non habuerit virtutes, sed quod habuerit eas perfectissime ultra communem modum: sicut etiam Plotinus posuit quemdam sublimem modum virtutum, quas esse dixit animi purgati, (ut refert Macrobi. Lib. I. in Somn. Scip. cap. viii.)

Ad tertium dicendum, quod liberalitas, & magnificentia commendantur circa divitias, in quantum aliquis non tantum appetitur divitias quod velit eas retinere, prætermittendo id quod fieri oportet. Ille autem minime divitias appetitur qui penitus eas contemnit, & abiicit propter perfectionis amorem. Et ideo in hoc ipso quod Christus omnes divitias contempsit, ostendit in se summum gradum liberalitatis, & magnificentia; licet etiam liberalitatis actum exercuerit, secundum quod sibi conveniens erat, faciendo pauperibus erogari quæ sibi dabantur. Unde cum Dominus Iudæ dicit Ioan. xiii. 27. *Quod facis, fac citius*, discipuli intellexerunt Dominum mandasse quod egenis aliquid daret. Concupiscentias autem pravas Christus omnino non habuit, sicut infra patebit (quæst. xv. art. 1. & 2.) nec propter hoc tamen excluditur quin habuerit temperantiam; quæ tanto perfectior est in homine, quanto magis pravis concupiscentiis caret. Unde secundum Philosophum VII. Ethic. (cap. ix.) temperatus in hoc differt a continente, quod temperatus non habet pravas concupiscentias, quas continens patitur. Unde sic accipiendo continentiam, sicut Philosophus accipit, ex hoc ipso quod Christus habuit omnem virtutem, non habuit continentiam, quæ non est virtus, sed aliquid minus virtute.

## ARTICULUS III. 45

*Utrum in Christo fuerit fides.*

*Inf. art. 4. cor. & art. 8. ad 2. & art. 9. ad 1. & 1. 2. quæst. lxxv. art. 5. ad 3. & III. dist. xlii. quæst. 1. art. 2. quæst. 1. ad 1. & dist. xxxvi. art. 2. ad 3. & ver. quæst. xxix. art. 4. ad 15. & ver. quæst. iv. art. 1. ad 11.*

**A**D tertium sic proceditur. Videtur quod in Christo fuerit fides. Fides enim est nobilior virtus quam virtutes morales, puta temperantia, & liberalitas. Huiusmodi autem virtutes fuerunt in Christo, ut dictum est (art. præc.) Multo ergo magis fuit in eo fides.

2. Præterea. Christus non docuit virtutes quas ipse non habuit, secundum illud Act. 1. 1. *Cæpi facere, & docere*. Sed de Christo dicitur Hebr. xii. *quod est auctor, & consummator fidei*. Ergo in eo maxime fuit fides.

3. Præterea. Quicquid est imperfectionis, excluditur a beatis. Sed in beatis est fides: nam super illud Rom. 1. *Iustitia Dei revelatur in eo ex fide in fidem*, dicit Glossa (ord. loc. citando in responsi.) „de fide verborum, & spei in fidem rerum, & speciei.“ Ergo videtur quod etiam in Christo fuerit fides, cum nihil imperfectionis importet.

Sed contra est quod dicitur Hebr. xi. 1. *quod fides est argumentum non apparentium*. Sed Christo nihil fuit non apparens, secundum illud quod dixit ei Petrus Ioan. ult. 17. *Tu omnia nosti*. Ergo in Christo non fuit fides.

Respondendo dicendum, quod, sicut in secunda parte dictum est (2. 2. quæst. 3. art. 4.) obiectum fidei est res divina non visa. Habitus autem virtutis, sicut & quilibet alius, respicit speciem ab obiecto. Et ideo exclusio quod res divina sit non visa, excluditur ratio fidei. Christus autem a primo instanti suæ conceptionis plene vidit Deum per essentiam, ut infra dicitur (quæst. xxxiv. art. 4.) Unde in eo fides esse non potuit.

Ad primum ergo dicendum, quod fides est nobilior virtus virtutibus moralibus, quia est circa nobiliorem materiam; sed tamen importat quendam defectum in comparatione ad illam materiam: qui defectus in Christo non fuit. Et ideo non

potuit in eo esse fides, licet fuerint in eo virtutes morales, quæ in sui ratione huiusmodi defectum non important per comparationem ad suas materias.

Ad secundum dicendum, quod meritum fidei consistit in hoc quod homo ex obedientia Dei assentit illis quæ non videt, secundum illud Rom. 1. 5. *Ad obediendum fidei in omnibus gentibus pro nomine eius*. Obedientiam autem ad Deum plenissime habuit Christus, secundum illud Philip. 11. 8. *Factus est obediens usque ad mortem*. Et sic nihil ad meritum pertinens docuit, quod ipse excellentius non implevit.

Ad tertium dicendum, quod, sicut Glossa (Aug. Lib. II. Qg. Evang. quæst. xxxix. in princ.) ibidem dicit, fides proprie est *qua creduntur quæ non videntur*; sed fides quæ est rerum visarum, improprie dicitur, & secundum quamdam similitudinem quantum ad certitudinem, aut firmitatem adhesionis.

## ARTICULUS IV. 46

*Utrum in Christo fuerit spes.*

*Inf. art. 6. ad 1. & art. 9. ad 1. & 1. 2. quæst. lxxv. art. 5. ad 3. & 2. 2. quæst. xlviii. art. 2. ad 1. & III. dist. xxvi. quæst. 2. art. 5. quæst. 1. & dist. xxxvi. quæst. 1. art. 2. ad 3.*

**A**D quartum sic proceditur. Videtur quod in Christo fuerit spes. Dicitur enim in Psal. xxx. 1. ex persona Christi: *In te Domine speravi*. Sed virtus spei est qua homo sperat in Deum. Ergo virtus spei fuit in Christo.

2. Præterea. Spes est expectatio futuræ beatitudinis, ut in secunda parte habitum est (2. 2. quæst. xviii. art. 5. ad 3.) Sed Christus aliquid expectabat ad beatitudinem pertinens, videlicet gloriam corporis. Ergo videtur quod in eo fuerit spes.

3. Præterea. Unusquisque potest sperare illud quod ad eius perfectionem pertinet, si sit futurum. Sed aliquid erat futurum, quod ad perfectionem Christi pertinet, secundum illud Ephes. iv. 12. *Ad consumptionem sanctorum in opus ministerii, in ædificationem corporis Christi*. Ergo videtur quod Christo compete-  
bat habere spem.

Sed contra est quod dicitur Rom. viii. 24. *Quod videt quis, quid sperat?* Et sic patet quod sicut fides est de non visis, ita

ARTICULUS V. 47

*Utrum in Christo fuerint dona.*

*Isa. xi. leſt. 2.*

**A**D quantum sic proceditur. Videtur quod in Christo non fuerint dona. Sicut enim communiter dicitur, donantur in adiutorium virtutum. Sed id quod est in se perfectum, non indiget exteriori auxilio. Cum igitur in Christo fuerint virtutes perfectæ, videtur quod in eo non fuerint dona.

2. Præterea. Non videtur esse eiudem dare dona, & recipere: quia dare est habentis; accipere autem non habentis. Sed Christo convenit dare dona, secundum illud Psal. lxxvii. 19. (a) *Dedit dona hominibus*. Ergo Christo non convenit accipere dona Spiritus sancti.

3. Præterea. Quatuor dona videntur pertinere ad contemplationem viæ, scilicet sapientia, scientia, intellectus, & consilium, quod pertinet ad prudentiam: unde & Philosophus in VI. Ethic. (cap. xxi.) numerat ista inter virtutes intellectuales. Sed Christus habuit contemplationem patriæ. Ergo non habuit huiusmodi dona.

Sed contra est quod dicitur Isa. iv. 7. *Apprehendens septem mulieres virum unum*: Glossa (interl. & ord. Hieron.) „ idest „ septem dona Spiritus sancti Christum. “

Respondetur dicendum, quod, sicut in secunda parte dictum est (1. 2. quæst. lxxviii. art. 1.) dona proprie sunt perfectiones quædam potentialium animæ, secundum quod sunt natæ moveri a Spiritu sancto. Manifestum est autem quod anima Christi perfectissime a Spiritu sancto movebatur, secundum illud Luc. iv. 1. *Iesus autem plenus Spiritu sancto regressus est a Iordane, & agebatur a Spiritu in desertum*. Unde manifestum est quod in Christo fuerint excellentissime dona.

Ad primum ergo dicendum, quod illud quod est perfectum secundum ordinem suæ naturæ, indiget adiuvari ab eo quod est altioris naturæ; sicut homo, quantumcumque perfectus, indiget adiuvari a Deo. Et hoc modo virtutes, quæ perficiunt potentias animæ, secundum quod ducuntur ratione, quantumcumque sint perfectæ, indigent adiuvari per dona, quæ perficiunt potentias animæ, secundum quod sunt motæ a Spiritu sancto.

D 3 Ad

ita & spes. Sed fides non fuit in Christo, sicut dictum est (art. præc.) Ergo nec spes.

Respondetur dicendum, quod sicut de ratione fidei est quod aliquis assentiat his quæ non videt; ita de ratione spei est quod aliquis expectet id quod nondum habet: & sicut fides, in quantum est virtus theologica, non est de quocumque non viso, sed solum de Deo; ita etiam spes, in quantum est virtus theologica, habet pro obiecto ipsum Deum, cuius fruitionem homo principaliter expectat per spei virtutem; sed ex consequenti ille qui habet virtutem spei, potest etiam in aliis divinum auxilium expectare; sicut & ille qui habet virtutem fidei, non solum credit Deo de rebus divinis, sed etiam de quibuscumque aliis divinitus sibi revelatis. Christus autem a principio suæ conceptionis plene habuit fruitionem divinam, ut infra dicitur (quæst. xxxiv. art. 4.) & ideo virtutem spei non habuit; habuit tamen spem respectu aliquorum quæ nondum erat adeptus; licet non habuerit fidem respectu quorumcumque: quia licet plene cognosceret omnia, per quod totaliter fides excluderetur ab eo; non tamen adhuc plene habebat omnia quæ ad eius perfectionem pertinebant, puta immortalitatem, & gloriam corporis, quam poterat sperare.

Ad primum ergo dicendum, quod hoc non dicitur de Christo secundum spem, quæ est virtus theologica, sed eo quod quædam alia speravit nondum habita, sicut dictum est (in corp. art.)

Ad secundum dicendum, quod gloria corporis non pertinet ad beatitudinem, sicut in quo principaliter beatitudo consistat, sed per quamdam redundantiam a gloria animæ, ut in secunda parte dictum est (1. 2. quæst. iv. art. 6.) Unde spes, secundum quod est virtus theologica, non respicit beatitudinem corporis, sed beatitudinem animæ, quæ in divina fruitione consistit.

Ad tertium dicendum, quod edificatio Ecclesiæ per conversionem fidelium non pertinet ad perfectionem Christi, quia in se perfectus est, sed secundum quod alios ad participationem suæ perfectionis inducit. Et quia spes dicitur proprie respectu alicuius quod expectatur ab ipso sperante habendum, non proprie potest dici, quod virtus spei Christo ratione inducitur conveniat.

S. Tb. Oper. Tem. XXIV.

(a) Vulgata: Accepti dona in hominibus,



Ad secundum dicendum, quod Christus non secundum idem est recipiens, & dans dona Spiritus sancti; (a) sed dat, secundum quod Deus, & accipit, secundum quod homo. Unde Gregorius dicit in II. Moral. (cap. ult. a med.) quod *Spiritus sanctus humanitatem Christi nunquam deseruit, sed cuius Divinitate procedit.*

Ad tertium dicendum, quod in Christo non solum fuit cognitio patrie, sed etiam cognitio viae, ut infra dicitur (quaest. xv. art. 10.) Et tamen etiam in patria sunt per aliquem modum dona Spiritus sancti, ut in secunda parte dictum est (1. 2. quaest. lxxxvi. art. 6.)

## ARTICULUS VI. 48

*Utrum in Christo fuerit donum timoris.*

*Inf. quaest. xv. art. 7. & III. dist. xv. quaest. 11. art. 2. quaest. 3.*

**A**D sextum sic proceditur. Videtur quod in Christo non fuerit donum timoris. Spes enim videtur potior quam timor: nam spei obiectum est bonum, timoris vero malum, ut in secunda parte habitum est (1. 2. quaest. xl. art. 1. & quaest. xlii. art. 1.) Sed in Christo non fuit virtus spei, ut supra habitum est (art. 4. huius quaest.) Ergo etiam non fuit in eo donum timoris.

2. Præterea. Dono timoris timet aliquis vel separationem a Deo, quod pertinet ad timorem castum; vel puniri ab ipso, quod pertinet ad timorem servilem, ut Augustinus dicit super Canonic. Ioan. (tract. ix. cir. med.) Sed Christus non timuit separari a Deo per peccatum, neque etiam puniri ab eo propter culpam: quia impossibile erat ei peccare, ut infra dicitur (quaest. xv. art. 1. & 2.) Timor autem non est de impossibili. Ergo in Christo non fuit donum timoris.

3. Præterea. J. Ioan. iv. 18. dicitur quod *perfecta caritas foras mittit timorem*. Sed in Christo fuit perfectissima caritas, secundum illud Ephes. iii. 19. *Supereminenter scientia-caritatem Christi*. Ergo in Christo non fuit donum timoris.

Sed contra est quod dicitur Isa. xi. 3. *Replebis eum spiritus timoris Domini.*

Respondendo dicendum, quod, sicut in

secunda parte dictum est (1. 2. quaest. xlii. art. 1.) timor respicit duo obiecta: quorum unum est malum terribile; aliud est illud cuius potestate malum potest inferri, sicut aliquis timet Regem, in quantum habet occidendi potestatem. Non autem timeretur ille qui potest nocere, nisi haberet quandam eminentiam potestatis, cui de facili resisti non possit: ea enim quæ in promptu habemus, repellere non timeamus. Et sic patet quod aliquis non timeret nisi propter suam eminentiam. Sic igitur dicendum est, quod in Christo fuit timor Dei, non quidem secundum quod respicit malum separationis a Deo per culpam, neque etiam secundum quod respicit malum punitionis pro culpa; sed secundum quod respicit ipsam divinam eminentiam, prout scilicet anima Christi quodam affectu reverentiae movebatur in Deum a Spiritu sancto acta. Unde Hebr. v. 7. dicitur, quod in omnibus *exauditus est pro sua reverentia*. Hunc enim affectum reverentiae ad Deum Christum, secundum quod homo, præ ceteris habuit plenior. Et ideo ei attribuit Scriptura plenitudinem timoris Domini.

Ad primum ergo dicendum, quod habitus virtutum, & donorum proprie & per se respiciunt bonum, malum autem ex consequenti: pertinet enim ad rationem virtutis ut opus bonum reddat, ut dicitur in II. Ethic. (cap. vi.) Et ideo de ratione doni timoris non est illud malum quod respicit timor, sed eminentia illius boni, scilicet divini, cuius potestate aliquod malum infligi potest. Sed spes, secundum quod virtus est, respicit non solum auctorem boni, sed etiam ipsum bonum, in quantum est non habitum. Et ideo Christo, qui iam habebat perfectum beatitudinis bonum, non attribuitur virtus spei, sed donum timoris.

Ad secundum dicendum, quod ratio illa procedit de timore, secundum quod respicit obiectum quod est malum.

Ad tertium dicendum, quod perfecta caritas foras mittit timorem servilem, qui respicit principaliter poenam. Sic autem timor non fuit in Christo.

A R-

(a) Ita cum mss. edit. melioris nota, Al. typographicis solum, sed dat secundum quod homo, aliis omis.

## ARTICULUS VII. 49

*Utrum in Christo fuerint gratiae gratis datae.*

III. cont. cap. cliv. fin. & ver. quæst. xxvii. art. 1. cor. & apulc. xii. cap. cxxiii. & Rom. 1. lect. 3. & Eph. 1. lect. 2.

**A**D septimum sic proceditur. Videtur quod in Christo non fuerint gratiae gratis datae. Ei enim qui habet aliquid secundum plenitudinem, non competit illud habere secundum participationem. Sed Christus habuit gratiam secundum plenitudinem, secundum illud Ioan. 1. 14. *Plenum gratiae, & veritatis*. Gratiae autem gratis datae videntur esse quaedam participationes divinae, divilium & particulariter diversis attributae, secundum illud I. ad Corinth. xii. 4. *Divisiones gratiarum sunt*. Ergo videtur quod in Christo non fuerint gratiae gratis datae.

2. Præterea. Quod debetur alicui, non videtur esse gratis ei datum. Sed debitum erat homini Christo quod sermone sapientiae, & scientiae abundaret, & potens esset in virtutibus faciendis, & in aliis huiusmodi, quæ pertinent ad gratias gratis datas; cum ipse sit *Dei virtus, & Dei sapientia*, ut dicitur I. ad Cor. 1. Ergo Christo non fuit conveniens habere gratias gratis datas.

3. Præterea. Gratiae gratis datae ordinantur ad utilitatem fidelium, secundum illud I. Cor. xii. 7. *Unicuique datur manifestatio spiritus ad utilitatem*. Non autem videtur ad utilitatem aliorum pertinere habitus, aut quæcumque dispositio, si homo non utatur, secundum illud Eccli. xx. 32. *Sapientia abscondita, & thesaurus inuisus, quæ utilitas in utriusque?* Christus autem non legitur usus omnibus gratiis gratis datis, præsertim quantum ad genera linguarum. Non ergo in Christo fuerunt omnes gratiae gratis datae.

Sed contra est quod Augustinus dicit in epist. ad Dardanum (cclxxxvii. al. lviii.) quod *sicut in capite sunt omnes sensus, ita in Christo fuerunt omnes gratiae*.

Respondendo dicendum, quod, sicut in secunda parte habitum est (1. 2. quæst. cxi. art. 1. & 4.) gratiae gratis datae ordinantur ad fidei, & spiritualis doctrinae manifestationem. Oportet enim eum qui

docet, habere ea per quæ sua doctrina manifestetur; alias sua doctrina esset inutilis. Spiritualis autem doctrinae, & fidei primus, & principalis doctor est Christus, secundum illud Heb. 11. 3. *Cum initium accepisset enarrari per Dominum, ab eis qui audierunt, in nos confirmata est, attestante Deo signis, & portentis* &c.

Unde manifestum est quod in Christo excellentissime fuerunt omnes gratiae gratis datae, sicut in primo, & principali fidei Doctore.

Ad primum ergo dicendum, quod sicut gratia gratum faciens ordinatur ad actus meritorios tam interiores, quam exteriores; ita gratia gratis data ordinatur ad quosdam actus exteriores fidei manifestativos, sicut est operatio miraculorum, & alia huiusmodi. In utraque autem gratia Christus plenitudinem habuit: in quantum enim Divinitati unita erat eius anima, plenam efficaciam habebat ad omnes prædictos actus perfriciendos. Sed alii Sancti, qui moventur a Deo, sicut instrumenta non unita, sed separata, particulariter efficaciam recipiunt ad hos, vel ad illos actus perfriciendos. Et ideo in aliis Sanctis huiusmodi gratiae dividuntur, non autem in Christo.

Ad secundum dicendum, quod Christus dicitur *Dei virtus, & Dei sapientia*, in quantum est æternus Dei Filius. Sic autem non competit sibi habere gratiam, sed esse potius datorem gratiæ; competit autem sibi habere gratiam secundum humanam naturam.

Ad tertium dicendum, quod donum linguarum datum est Apostolis, quia mittebantur ad docendas omnes gentes. Christus autem in una sola gente Iudæorum voluit personaliter prædicare, secundum quod ipse dicit Matth. xv. 24. *Non sum missus nisi ad oves quæ perierunt domus Israel*: & Apostolus dicit Rom. xv. 8. *Dico Christum Iesum ministrum fuisse circumcisionis*. Et ideo non oportuit quod loqueretur pluribus linguis. Nec tamen defuit ei omnium linguarum notitia; cum etiam occulta cordium ei non essent abscondita, ut infra dicitur (quæst. x. art. 2. & quæst. xii. art. 1.) quorum voces quæcumque sunt signa. Nec tamen inutiliter hanc notitiam habuit; sicut non inutiliter habet habitum qui eo non utitur quando non est opportunum.

## ARTICULUS VIII. 50

*Utrum in Christo fuerit prophetia.*

*Inf. quæst. xxxi. art. 2. & 2. 2. quæst. clxxiv. art. 5. & Ps. xlv. & Matth. 1. & Io. 14. lect. 6. & 1. Cor. xiii. lect. 1.*

**A**D octavum sic proceditur. Videtur quod in Christo non fuerit prophetia. Prophetia enim importat quamdam obscuram, & imperfectam notitiam, secundum illud Num. xii. 6. *Si quis fuerit inter vos Propheta Domini, per somnium, aut in visione loquar ad eum.* Sed Christus habuit plenam, & apertam notitiam, multo magis quam Moyses, de quo ibi subditur, *quod palam, & non per ænigmata vidit Deum.* Non ergo in Christo debet poni prophetia.

2. Præterea. Sicut fides est eorum quæ non videntur, & spes eorum quæ non habentur; ita prophetia est eorum quæ non sunt præsentia, sed distant: nam Prophetia dicitur, quasi procul fans. Sed in Christo non ponitur fides, nec spes, ut supra dictum est (art. 3. & 4. huius quæst.) Ergo prophetia etiam non debet poni in Christo.

3. Præterea. Prophetia est inferioris ordinis quam Angelus: unde & de Moyse, qui fuit supremus Prophetarum, ut in secunda parte dictum est (2. 2. quæst. clxxiv. art. 4.) dicitur Act. vii. quod locutus est cum Angelo in solitudine. Sed Christus non est minoratus ab Angelis, secundum notitiam animæ, sed solum secundum corporis passionem, ut habetur Hebr. ii. Ergo videtur quod Christus non fuit Prophetia.

Sed contra est quod de eo prædicitur Deut. xxi. 35. (a) *Prophetam suscitabit vobis Deus de fratribus vestris: & ipse de se dicit Matth. xiii. 57. & Ioan. 14. Non est Propheta sine honore nisi in patria sua.*

Respondendo dicendum, quod Prophetia dicitur, quasi procul fans, vel procul videns, in quantum scilicet cognoscit, & loquitur ea quæ sunt procul ab hominum sensibus, sicut etiam Augustinus dicit XVI. contra Faustum (cap. xvi. 11.) Est autem considerandum, quod non potest dici aliquis Prophetia ex hoc quod cognoscit, & annuntiat ea quæ sunt a-

liis procul, cum quibus ipse non est. Et hoc manifestum est secundum locum, & secundum tempus. Si enim aliquis in Gallia existens cognosceret, & annuntiaret aliis in Gallia existentibus ea quæ tunc in Syria agerentur, propheticum esset; sicut Helisæus ad Giezi dixit IV. Reg. v. quomodo vir descenderat de curru, & occurreret ei. Si vero aliquis in Syria existens, ea quæ sunt ibi annuntiaret, non esset propheticum. Et idem apparet secundum tempus. Propheticum enim fuit quod Isaias prænnuntiavit, quod Cyrus Rex Persarum templum Dei esset reedificaturus, ut patet Isa. xlv. Non autem fuit propheticum quod Esdras hoc scripsit, cuius tempore factum est. Si scitur Deus, aut Angeli, vel etiam Beati cognoscunt, & annuntiant ea quæ sunt procul a nostra notitia, hoc non pertinet ad prophetiam, quia in nullo nostrum statum attingunt. Christus autem ante passionem nostrum statum attingebat, in quantum non solum erat comprehensor, sed etiam viator. Et ideo propheticum erat, quod ea quæ erant procul ab aliorum viatorum notitia, & cognoscebat, & annuntiabat. Et hac ratione dicitur in eo fuisse prophetia.

Ad primum ergo dicendum, quod per illa verba non ostenditur esse de ratione prophetiæ ænigmatica cognitio, quæ scilicet est per somnium, & in visione, sed ostenditur comparatio aliorum Prophetarum, qui per somnium, & in visione perceperunt divina, ad Moysen, qui palam, & non per ænigmata Deum vidit; qui Prophetia est dictus, secundum illud Deuter. ult. 10. *Non surrexit ultra Propheta in Israel sicut Moyses.* Potest tamen dici, quod et si Christus habuit plenam, & apertam notitiam quantum ad partem intellectivam; habuit tamen in parte imaginativa quasdam similitudines, in quibus etiam poterat speculari divina, in quantum non solum erat comprehensor, sed etiam viator.

Ad secundum dicendum, quod fides est eorum quæ non videntur ab ipso credente; & similiter spes est eorum quæ non habentur ab ipso sperante: sed prophetia est eorum quæ sunt procul a communi hominum sensu, cum quibus Prophetia conversatur, & communicat in statu viæ. Et ideo fides, & spes repugnant perfectioni beatitudinis Christi, non autem prophetia.

Ad

(a) *Suscitabit Prophetam de gente tua, & de fratribus tuis, sicut me, suscitabit tibi Dominus Deus tuus.*

Ad tertium dicendum, quod Angelus, cum sit comprehensor, est supra Prophetam, qui est purus viator, non autem supra Christum, qui fuit simul viator, & comprehensor.

## ARTICULUS IX. 51

*Utrum in Christo fuerit plenitudo gratiæ.*

*Inf. art. 10. & 12. c. & III. dist. XIII. quæst. 1. art. 2. quæst. 1. & dist. xv. quæst. 1. art. 2. ad 5. & opusc. 11. cap. CCXIII. & opusc. IX. cap. 111.*

**A**D notum sic proceditur. Videtur quod non fuerit in Christo gratiæ plenitudo. A gratia enim derivantur virtutes, ut in secunda parte dictum est (1. 2. quæst. ex. art. 4. ad 1.) Sed in Christo non fuerunt omnes virtutes: non enim fuit in eo fides, neque spes, ut ostensum est (art. 3. & 4. hu. quæst.) Ergo in Christo non fuit gratiæ plenitudo.

2. Præterea. Sicut patet ex his quæ in secunda parte dicta sunt (1. 2. quæst. cxi. art. 2.) gratia dividitur in operantem, & cooperantem. Operans autem gratia dicitur per quam iustificatur impius: quod quidem non habuit locum in Christo, qui nunquam subiacuit alicui peccato. Ergo in Christo non fuit plenitudo gratiæ.

3. Præterea. Iacobi 1. 17. dicitur: *Omne datum optimum, & omne donum perfectum de sursum est, descendens a Patre luminum.* Sed quod descendit, habetur particulariter, & non plene. Ergo nulla creatura, nec etiam anima Christi, potest habere plenitudinem donorum gratiæ.

Sed contra est quod dicitur Ioan. 1. 14. *Vidimus eum plenum gratiæ, & veritatis.*

Respondeo dicendum, quod plene dicitur haberi quod perfecte, & totaliter habetur. Totalitas autem, & perfectio potest attendi dupliciter. Uno modo quantum ad quantitatem eius intensivam; puta si dicam aliquem plene habere albedinem, si habeat eam quantumcumque nata est haberi. Alio modo secundum virtutem; puta si aliquis dicatur plene habere vitam, quia habet eam secundum omnes effectus, vel opera virtutis: & sic habet plene vitam homo, non autem brutum animal, vel planta. Utroque autem modo Christus habuit

gratiæ plenitudinem. Primo quidem quia habuit eam in summo, secundum perfectissimum modum quo haberi potest. Et hoc quidem apparet primo ex propinquitate animæ Christi ad causam gratiæ. Dictum est enim (art. 1. hu. quæst.) quod quanto aliquod receptivum propinquius est causæ influenti, tanto abundantius recipit. Et ideo anima Christi, quæ propinquius coniungitur Deo inter omnes creaturas rationales, maximam recipit influentiam gratiæ eius. Secundo ex comparatione eius ad effectum. Sic enim recipiebat anima Christi gratiam, ut ex ea quodammodo transfunderetur in alios. Et ideo oportuit quod haberet maximam gratiam; sicut ignis, qui est causa caloris in omnibus calidis, est maxime calidus.

Similiter etiam quantum ad virtutem gratiæ, plene habuit gratiam, quia habuit eam ad omnes operationes, vel effectus gratiæ: & hoc ideo, quia conferebatur ei gratia tamquam cuidam universali principio in genere habentium gratiam. Virtus autem primi principii alicuius generis universaliter se extendit ad omnes effectus illius generis; sicut Sol, qui est universalis causa generationis, ut Dionysius dicit in iv. cap. de div. Nom. (par. 1. lect. 3.) eius virtus se extendit ad omnia quæ sub generatione cadunt. Et sic secunda plenitudo gratiæ attenditur in Christo, inquantum se extendit eius gratia ad omnes gratiæ effectus, qui sunt virtutes, & dona, & alia huiusmodi.

Ad primum ergo dicendum, quod fides, & spes nominant effectus gratiæ cum quodam defectu, qui est ex parte recipientis gratiam, inquantum scilicet fides est de non visis, & spes de non habitis. Unde non oportet quod in Christo, qui est auctor gratiæ, fuerint defectus quos important fides, & spes; sed quicquid est perfectionis in fide, & spe, in Christo est multo perfectius; sicut in igne non sunt omnes modi caloris defectivi ex defectu subiecti, sed quicquid pertinet ad perfectionem caloris.

Ad secundum dicendum, quod ad gratiam operantem per se pertinet facere iustum; sed quod iustum faciat ex impio, hoc accidit ei ex parte subiecti, in quo peccatum invenitur. Anima Christi igitur iustificata est per gratiam operantem, inquantum per eam facta est iusta, & sancta a principio suæ conceptionis, non quod ante fuerit.

rit peccatrix, aut etiam non iusta. Ad tertium dicendum, quod plenitudo gratiæ attribuitur animæ Christi secundum capacitatem creaturæ, non autem per comparationem ad plenitudinem infinitam bonitatis divinæ.

## ARTICULUS X. 52

*Utrum plenitudo gratiæ sit propria Christi.*

III. dist. XIII. quæst. 1. art. 2. quæst. 2.

**A**D decimum sic proceditur. Videtur quod plenitudo gratiæ non sit propria Christi. Quod enim est proprium alicuius, sibi soli convenit. Sed esse plenum gratia quibusdam aliis attribuitur: dicitur enim Luc. 1. 28. beatæ Virginis: *Ave gratia plena*: dicitur etiam Act. vi. 8. *Stephanus plenus gratia, & fortitudine*. Ergo plenitudo gratiæ non est propria Christo.

2. Præterea. Illud quod potest communicari aliis per Christum, non videtur esse proprium Christo. Sed plenitudo gratiæ potest communicari per Christum aliis: dicit enim Apostolus Ephes. 11. 19. *Ut impleamini in omnem plenitudinem Dei*. Ergo plenitudo gratiæ non est propria Christo.

3. Præterea. Status viæ proportionari videtur statui patriæ. Sed in statu patriæ erit quædam plenitudo: quia in illa celesti patria, ubi plenitudo est omnis boni, licet quædam data sint excellenter, nihil tamen possideretur singulariter, ut patet per Gregorium in hom. de centum ovib. (xxxiv. in Evang. a med. implic.). Ergo in statu viæ habetur gratiæ plenitudo à singulis hominibus; & ita plenitudo gratiæ non est propria Christo.

Sed contra est quod plenitudo gratiæ attribuitur Christo, inquantum est unigenitus a Patre, secundum illud Ioan. 1. 14. *Vidimus eum, quasi unigenitum a Patre, plenum gratiæ, & veritatis*. Sed esse unigenitum a Patre est proprium Christo. Ergo & sibi proprium est esse plenum gratiæ, & veritatis.

Respondendo dicendum, quod plenitudo gratiæ potest attendi dupliciter: uno modo ex parte ipsius gratiæ; alio modo ex parte habentis gratiam. Ex parte quidem ipsius gratiæ dicitur: esse plenitudo gratiæ ex eo quod aliquis pertingit ad summum gratiæ & quantum ad essentiam, & quantum ad virtutem, quia

scilicet habet gratiam & in maxima excellentia qua potest haberi, & in maxima extensione ad omnes gratiæ effectus. Et talis gratiæ plenitudo est propria Christo. Ex parte vero subiecti dicitur gratiæ plenitudo, quando quis habet plenam gratiam secundum suam conditionem, sive secundum intentionem, prout in eo est intensa gratia usque ad terminum præfixum ei a Deo, secundum illud Ephes. 14. 7. *Unicuique possumus data est gratia secundum mensuram donationis Christi*: sive etiam secundum virtutem, inquantum scilicet habet facultatem gratiæ ad omnia quæ pertinent ad suum officium, sive statum: sicut Apostolus dicebat Ephes. 111. 8. *Mihi omnium sanctorum minimo data est gratia hæc, illuminare omnes* &c. Et talis gratiæ plenitudo non est propria Christo, sed communicatur aliis per Christum.

Ad primum ergo dicendum, quod B. Virgo dicta est plena gratia, non ex parte ipsius gratiæ, quia non habuit gratiam in summa excellentia qua potest haberi, nec ad omnes effectus gratiæ; sed dicitur fuisse plena gratia per comparationem ad ipsam, quia scilicet habebat gratiam sufficientem ad statum illum ad quem erat electa a Deo, ut esset scilicet mater Unigeniti eius. Et similiter Stephanus dicitur plenus gratia, quia habebat gratiam sufficientem ad hoc quod esset idoneus minister, & testis Dei, ad quod erat electus. Et idem dicendum est de aliis. Harum tamen plenitudinum una est plenior altera, secundum quod aliquis est divinitus præordinatus ad altiorem, vel inferiorem statum.

Ad secundum dicendum, quod Apostolus ibi loquitur de illa plenitudine gratiæ quæ accipitur ex parte subiecti, in comparatione ad id ad quod homo est divinitus præordinatus: quod quidem est vel aliquid commune, ad quod præordinantur omnes sancti; vel aliquid speciale, quod pertinet ad excellentiam aliquorum. Et secundum hoc quædam plenitudo gratiæ est omnibus sanctis communis, ut scilicet habeant gratiam sufficientem ad merendum vitam æternam, quæ in plena Dei fruitione consistit. Et hanc plenitudinem optat Apostolus fidelibus quibus scribit.

Ad tertium dicendum, quod illa dona quæ sunt communia in patria, scilicet visio, comprehensio, & fructio, & alia huiusmodi, habent quædam dona sibi cor-

correspondentia in statu viæ, quæ etiam sunt communia omnibus sanctis. Sunt tamen quedam prærogativæ sanctorum in patria, & in via, quæ non habentur ab omnibus.

ARTICULUS XI. 33

*Utrum Christi gratia sit infinita.*

II. dist. XIII. quæst. I. art. 2. quæst. 2. & dist. XIX. art. 1. quæst. I. c. & ver. quæst. XXX. art. 3. & op. IX. cap. III. & Ioan. III. lect. 6.

**A**D undecimum sic proceditur. Videtur quod gratia Christi sit infinita. Omne enim immensum est infinitum. Sed gratia Christi est immensa: dicitur enim Ioan. III. 34. *Non enim ad mensuram dat Deus Spiritum (a) Filio*, scilicet Christo. Ergo gratia Christi est infinita.

2. Præterea. Effectus infinitus demonstrat virtutem infinitam, quæ non potest fundari nisi in essentia infinita. Sed effectus gratiæ Christi est infinitus: extendit enim se ad salutem totius humani generis: ipse enim est propitiatio pro peccatis nostris, & totius mundi, ut dicitur I. Ioan. II. Ergo gratia Christi est infinita.

3. Præterea. Omne finitum per additionem finiri potest pervenire ad quantitatem cuiuscunque finiti. Si igitur gratia Christi esset finita, posset alterius hominis gratia tantum crescere quod perveniret ad æqualitatem gratiæ Christi, contra quod dicitur Iob XXV. 17. *Non aequabitur ei aurum, vel vitrum*, secundum quod Gregorius ibi exponit (Lib. XVIII. Moral. cap. XXVII. inter princ. & med.) Ergo gratia Christi est infinita.

Sed contra est quod gratia est quiddam creatum in anima. Sed omne creatum est finitum, secundum illud Sap. XI. 21. *Omnia in numero, & pondere, & mensura disposuisti*. Ergo gratia Christi non est infinita.

Respondetur dicendum, quod, sicut ex supra dictis patet (quæst. II. art. 10.) in Christo potest duplex gratia considerari: Una quidem est gratia unionis, quæ, sicut supra dictum est (quæst. VI. art. 6.) est ipsam uniti personaliter Filio Dei, quod est gratis concessum humane nature: & hanc gratiam constat esse infinitam, secundum quod, ipsa per-

sona Verbi est infinita. Alia vero est gratia habitualis: quæ quidem potest dupliciter considerari. Uno modo, secundum quod est quoddam ens; & sic necesse est quod sit ens finitum: est enim in anima Christi sicut in subiecto; anima autem Christi est creatura quædam habens capacitatem finitam: unde esse gratiæ, cum non excedat suum subiectum, non potest esse infinitum. Alio modo potest considerari secundum propriam rationem gratiæ: & sic gratia Christi potest dici infinita, eo quod non limitatur, quia scilicet habet quicquid potest pertinere ad rationem gratiæ, & non datur ei secundum aliquam certam mensuram id quod ad rationem gratiæ pertinet; eo quod secundum propositum Dei, cuius est gratiam mensurare, gratia confertur animæ Christi sicut cuidam universali principio gratificationis in humana natura, secundum illud Ephel. I. 6. *Gratificavit nos in dilecto Filio suo*: sicut si dicamus lucem Solis esse infinitam, non quidem secundum suum esse, sed secundum rationem lucis, quia habet quicquid ad rationem lucis pertinere potest.

Ad primum ergo dicendum, quod id quod dicitur, *Pater non ad mensuram dat Spiritum Filio*, uno modo exponitur de dono quod Deus Pater ab æterno dedit Filio, scilicet divinam naturam, quæ est donum infinitum. Unde quædam Glossa (interl.) dicit ibi: „ Ut „ tantus sit Filius, quantus & Pater.“

Alio modo potest referri ad donum quod datum est humane nature, ut uniatur divinæ personæ: quod etiam est donum infinitum. Unde Glossa (ord.) dicit ibidem: „ Sicut Pater plenum, & perfectum genuit Verbum; sic & plenum, „ & perfectum est unitum humane nature. „ Tertio modo potest referri ad gratiam habitualement, inquantum gratia Christi se extendit ad omnia: quæ sunt gratiæ. Unde Augustinus hoc exponens (tract. XIV. inter med. & fin.) dicit: „ Mensura divisio quædam donorum est. Alii enim datur per Spiritum „ sermo sapientie, alii sermo scientie. „ Sed Christus, qui dat, non ad mensuram accipit.“

Ad secundum dicendum, quod gratia Christi habet infinitum effectum, tum propter infinitatem prædictam gratiæ, tum propter unitatem divinæ personæ, cui anima Christi unita est.

Bd

(a) In Vulgata dist. Filio.

Ad tertium dicendum, quod minus per augmentum potest pervenire ad quantitatem maioris, in his quae habent quantitatem unius rationis. Sed gratia alterius hominis comparatur ad gratiam Christi sicut quaedam virtus particularis ad universalem: unde sicut virtus ignis, quantumcumque crescat, non potest adaequare virtutem Solis; ita gratia alterius hominis, quantumcumque crescat, non potest adaequare gratiam Christi.

## ARTICULUS XII. 54

*Utrum gratia Christi potuerit augeri.*

1. *dist. xxxv. quest. v. art. 1. quest. 4. & dist. xvii. quest. 11. art. 4. ad 3. & III. dist. xiii. quest. 1. art. 2. quest. 3. & dist. xviii. quest. 1. art. 5. c. & Ija 11. lect. 2. princ.*

**A**D duodecimum sic proceditur. Videtur quod gratia Christi potuerit augeri. Omnis enim finito potest fieri additio. Sed gratia Christi fuit finita, ut dictum est (art. praec.) Ergo potuit augeri.

2. Praeterea. Augmentum gratiae fit per virtutem divinam, secundum illud II. ad Cor. ix. 8. *Potens est autem Deus omnem gratiam abundare facere in vobis.* Sed virtus divina, cum sit infinita, nullo termino coarctatur. Ergo videtur quod gratia Christi potuerit esse maior.

3. Praeterea. Luc. 11. 52. dicitur quod *puer Iesus proficiebat sapientia, & aetate, & gratia apud Deum, & homines.* Ergo gratia Christi potuit augeri.

Sed contra, est quod dicitur Ioan. 1. 14. *Vidimus eum, quasi unigenitum a Patre, plenum gratiae, & veritatis.* Sed nihil potest esse, aut intelligi maius quam quod aliquis sit unigenitus a Patre. Ergo non potest esse, vel intelligi maior gratia quam illa qua Christus fuit plenus.

Respondetur dicendum, quod aliquam formam non posse augeri, contingit dupliciter: uno modo ex parte ipsius subiecti; alio modo ex parte ipsius formae. Ex parte quidem subiecti, quando subiectum attingit ad ultimum gradum in participatione illius formae secundum suum modum; sicut si dicatur, quod aer non potest crescere in caliditate, quando pertingit ad ultimum gradum caloris qui potest salvari in natura aeris, licet possit esse maior calor in rerum natura,

qui est calor ignis. Ex parte autem formae excluditur possibilitas augmenti, quando aliquid subiectum attingit ad ultimam perfectionem, quam potest talis forma habere in natura; sicut si dicamus, quod calor ignis non potest augeri, quia non potest esse perfectior gradus caloris quam ille ad quem pertingit ignis. Sicut autem aliarum formarum est ex divina sapientia determinata propria mensura, ita & gratiae, secundum illud Sap. 11. 21. *Omnia in numero, & pondere, & mensura disposuisti.* Mensura autem unicuique formae praefigitur per comparationem ad suum finem; sicut non est maior gravitas quam gravitas terrae, quia non potest esse inferior locus loco terrae. Finis autem gratiae est unio creaturae rationalis ad Deum. Non potest autem esse, nec intelligi maior unio creaturae rationalis ad Deum, quam quae est in persona. Et ideo gratia Christi pertingit ad summam mensuram gratiae.

Sic igitur manifestum est quod gratia Christi non potest augeri ex parte ipsius gratiae, sed neque etiam ex parte subiecti: quia Christus, secundum quod homo, a primo instanti suae conceptionis fuit verus, & plenus comprehensor. Unde in eo non potuit esse gratiae augmentum, sicut nec in aliis beatis, quorum gratia augeri non potest, eo quod sunt in termino. Hominum vero qui suae pure viatores, gratia potest augeri & ex parte formae, quia non attingunt summum gradum gratiae gradum, & ex parte subiecti, quia nondum pervenerunt ad terminum.

Ad primum ergo dicendum, quod si loquamur de quantitativis mathematicis, cuilibet finitae quantitati potest fieri additio: quia ex parte quantitativis finitae non est aliquid quod repugnet additioni. Si vero loquamur de quantitate naturalis, sic potest esse repugnantia ex parte formae, cui debetur determinata quantitas, sicut & alia accidentia determinata. Unde Philosophus dicit in II. de Anima (tex. 41.) quod *omnium natura constantium est terminus, & ratio magnitudinis, & augmenti.* Et inde est quod quantitati totius caeli non potest fieri additio. Multo igitur magis in ipsis formis consideratur aliquis terminus, ultra quem non progrediuntur. Et propter hoc non oportet quod gratiae Christi possit fieri additio, quamvis sit finita secundum sui essentiam.

Ad secundum dicendum, quod virtus divina, licet possit facere aliquid maius, & melius quam sit habitualis gratia Christi; non tamen posset facere quod ordinaretur ad aliquid maius quam sit unio personalis ad Filium unigenitum a Patre: cui unioni sufficienter correspondet talis mensura gratiæ, secundum definitionem divinæ sapientiæ.

Ad tertium dicendum, quod in sapientia, & gratia aliquis potest proficere dupliciter. Uno modo secundum ipsos habitus sapientiæ, & gratiæ augmentatos: & sic Christus in eis non proficiebat. Alio modo secundum effectus, in quantum scilicet aliquis sapientiora, & virtuosiora opera facit: & sic Christus proficiebat sapientia, & gratia, sicut & ætate: quia secundum processum ætatis perfectiora opera faciebat, ut se verum hominem demonstraret, & in his quæ sunt ad Deum, & in his quæ sunt ad homines.

# ARTICULUS XIII. 55

*Qualiter gratia Christi habitualis se habeat ad unionem.*

III. dist. XIII. quæst. III. art. 2. quæst. 3. & op. 2. cap. ccliv. & op. ix. cap. III.

**A**D tertiumdecimum sic proceditur. Videtur quod gratia habitualis in Christo non subsequatur unionem. Idem enim non sequitur ad seipsum. Sed hæc gratia habitualis videtur eadem esse cum gratia unionis: dicit enim Augustinus in Lib. de prædest. sanctorum (cap. xv. ante med.) *Ea gratia fit ab initio fidei sua homo quicumque Christianus, quæ gratia homo ille ab initio suo factus est Christus*: quorum duorum primum pertinet ad gratiam habitualement, secundum ad gratiam unionis. Ergo videtur quod gratia habitualis non subsequatur unionem.

2. Præterea. Dispositio præcedit perfectionem tempore, vel saltem intellectu. Sed gratia habitualis videtur esse sicut quædam dispositio humanæ naturæ ad unionem personalem. Ergo videtur quod gratia habitualis non subsequatur unionem, sed magis præcedat.

3. Præterea. Commune est prius proprio. Sed gratia habitualis est communis Christo, & aliis hominibus; gratia autem unionis est propria Christo. Ergo

prior est secundum intellectum gratia habitualis quam ipsa unio. Non ergo sequitur eam.

Sed contra est quod dicitur Isa. XLIII. 1. *Ecce servus meus, suscipiam eum*: & postea sequitur: *Dedi spiritum meum super eum*: quod quidem pertinet ad donum gratiæ habitualis. Unde relinquitur quod susceptio naturæ humanæ in unitatem personæ præcedat gratiam habitualement in Christo.

Respondeo dicendum, quod unio humanæ naturæ ad divinam personam, quam supra (quæst. II. art. 10. & quæst. VI. art. 6.) diximus esse ipsam gratiam unionis, præcedit gratiam habitualement in Christo, non ordine temporis, sed naturæ, & intellectus: et hoc triplici ratione. Primo quidem secundum ordinem principiorum utriusque. Principium enim unionis est persona Filii assumens humanam naturam, quæ secundum hoc dicitur missa esse in mundum quod humanam naturam assumpsit; principium autem gratiæ habitualis, quæ cum caritate datur, est Spiritus sanctus, qui secundum hoc dicitur mitti, quod per caritatem mentem inhabitat. Missio autem Filii secundum ordinem naturæ prior est missione Spiritus sancti; sicut ordine naturæ Spiritus sanctus procedit a Filio, & a sapientia dilectio. Unde & unio personalis, secundum quam intelligitur missio Filii, est prior ordine naturæ habituali gratiæ, secundum quam intelligitur missio Spiritus sancti. Secundo accipitur ratio huius ordinis ex habitudine gratiæ ad suam causam. Gratia enim causatur in homine ex præsentia Divinitatis, sicut lumen in aere ex præsentia Solis. Unde dicitur Ezech. XLIII. 2. *Gloria Dei Israel ingrediebatur per viam orientalem, & terra splendebat a maiestate eius*. Præsentia autem Dei in Christo intelligitur secundum unionem humanæ naturæ ad divinam personam. Unde gratia habitualis Christi intelligitur ut consequens hanc unionem, sicut splendor Solem. Tercio ratio huius ordinis sumi potest ex fine gratiæ: ordinatur enim ad bene agendum; actiones autem sunt suppositorum, & individuorum: unde actio, & per consequens gratia ad ipsam ordinans, præsupponit hypostasim operantem. Hypostasis autem non præsupponitur in humana natura ante unionem, ut ex supra dictis patet (quæst. IV. art. 2.) Et ideo gratia unionis secundum intellectum præcedit gratiam habitualement.

Ad



Ad primum ergo dicendum, quod Augustinus ibi gratiam nominat gratuitam Dei voluntatem, gratis beneficia largientur: & propter hoc eadem gratia dicit hominem quemcumque fieri Christianum, qua gratia factus est homo Christus: quia utrumque gratuita Dei voluntate absque meritis factum est.

Ad secundum dicendum, quod sicut dispositio in via generationis praecedit perfectionem, ad quam disponit, in his quae successive perficiuntur; ita naturaliter perfectionem sequitur quam aliquis iam consecutus est; sicut calor, qui fuit dispositio ad formam ignis, est effectus profluens a forma ignis iam praexistentis. Humana autem natura in Christo unita est personae Verbi a principio absque successione. Unde gratia habitualis non intelligitur ut praecedens unionem, sed ut consequens eam, sicut quaedam proprietas naturalis. Unde & Augustinus dicit in Enchir (cap. xl.) quod *gratia est quodammodo Christo homini naturalis*.

Ad tertium dicendum, quod commune est prius proprio, si utrumque sit unius generis; sed in his quae sunt diversorum generum, nihil prohibet proprium esse prius communi. Gratia autem unionis non est in genere gratiae habitualis; sed est supra omne genus, sicut & ipsa divina persona. Unde hoc proprium nihil prohibet esse prius communi: quia non se habet per additionem ad commune, sed potius est principium, & origo eius quod est commune.

## QUAESTIO VIII.

*De gratia Christi, secundum quod est caput Ecclesiae,*

*in octo articulis divisa.*

**D**Einde considerandum est de gratia Christi, secundum quod est caput Ecclesiae: & circa hoc quaeruntur octo.

Primo, utrum Christus sit caput Ecclesiae.

Secundo, utrum sit caput hominum quantum ad corpora, vel solum quantum ad animas.

Tertio, utrum sit caput omnium hominum.

Quarto, utrum sit caput Angelorum.

Quinto, utrum gratia Christi, secundum quam est caput Ecclesiae, sit eadem cum gratia habituali eius, secundum

quod est quidam homo singularis. Sexto, utrum esse caput Ecclesiae sit proprium Christo.

Septimo, utrum diabolus sit caput omnium malorum.

Octavo, utrum Antichristus etiam possit dici caput omnium malorum.

## ARTICULUS I. 56

*Utrum Christus sit caput Ecclesiae*

*Inf. quaest. xlviii. art. 1. cor. & quaest. xlix. art. 1. co. & III. dist. xiii. quaest. 11. art. 1. & ver. quaest. xxix. art. 3. c. fi. & art. 4. & art. 5. cor. & op. 11. cap. cxxiii. & opusc. lx. cap. 111. & I. Cor. xi. lect. 1. & Ephes. 1.*

**A**D primum sic proceditur. Videtur quod Christo, secundum quod est homo, non competat esse caput Ecclesiae. Caput enim insitit sensum, & motum in membra. Sensus autem, & motus spiritualis, qui est per gratiam, non insitit a nobis a Christo homine: quia, sicut Augustinus dicit in Lib. I. de Trin. (cap. xii. & Lib. XV. cap. xxvi.) *ne etiam Christus, secundum quod est homo, dat Spiritum sanctum, sed solum inquantum est Deus*. Ergo ei, secundum quod est homo, non competit esse caput Ecclesiae.

2. Præterea. Capitis non videtur esse aliud caput. Sed Christi, secundum quod est homo, est caput Deus, secundum illud I. Corinth. xi. 3. *Caput Christi Deus*. Ergo ipse Christus non est caput.

3. Præterea. Caput in homine est quoddam particulare membrum, influentiam recipiens a corde. Sed Christus est universale principium totius Ecclesiae. Ergo non est Ecclesiae caput.

Sed contra est quod dicitur Ephes. 1. 22. *Ipsum dedit caput super omnem Ecclesiam*.

Respondetur dicendum, quod sicut tota Ecclesia dicitur unum corpus mysticum per similitudinem ad naturale corpus hominis, quod secundum diversa membra habet diversos actus, ut Apostolus docet Rom. xii. & I. ad Corinth. xii. ita Christus dicitur caput Ecclesiae secundum similitudinem humani capitis: in quo tria possumus considerare, scilicet ordinem, perfectionem, & virtutem. Ordinem quidem, quia caput est prima pars hominis, incipiendo a superiori: & inde est quod omne principium consuevit vocari caput.

put, secundum illud Ezech. xvi. 25. *Ad omne caput via edificasti signum prostitutionis tue*. Perfectionem autem, quia in capite vigent omnes sensus & interiores, & exteriores, cum ceteris in membris sit solus tactus: & inde est quod dicitur Ila. ix. 15. (a) *Senex, & honorabilis ipse est caput*. Virtutem vero, quia virtus, & motus ceterorum membrorum, & gubernatio eorum in suis actibus est a capite, propter vim sensitivam, & motivam ibi dominantem: unde & rector dicitur caput populi, secundum illud I. Reg. xv. 17. *Cum esset parvulus in oculis tuis, caput in tribubus Israel facies es*. Hæc autem tria competunt Christo spiritualiter. Primo enim secundum propinquitatem ad Deum gratia eius altior est, & prior, etsi non tempore: quia omnes alii acceperunt gratiam per respectum ad gratiam ipsius, secundum illud Rom. viii. 29. *Quos præcivit, hos & prædestinavit conformes fieri imaginis Filii sui, ut sit ipse primogenitus in multis fratribus*. Secundo vero perfectionem habet quantum ad plenitudinem omnium gratiarum, secundum illud Ioan. i. 14. *Vidimus eum plenum gratiæ, & veritatis*, ut etiam supra ostensum est (quæst. præc. art. 9.) Tercio virtutem habet influendi gratiam in omnia membra Ecclesiæ, secundum illud Ioan. i. 16. *De plenitudine eius nos omnes accepimus*. Et sic patet quod Christus convenienter dicitur Ecclesiæ caput.

Ad primum ergo dicendum, quod dare gratiam, aut Spiritum sanctum convenit Christo, secundum quod est Deus, autoritative; sed instrumentaliter convenit etiam ei, secundum quod est homo, inquantum scilicet eius humanitas instrumentum fuit Divinitatis eius. Et ita actiones ipsius ex virtute Divinitatis fuerunt nobis salutiferæ, utpote gratiam in nobis causantes & per meritum, & per efficientiam quamdam. Augustinus autem negat Christum, secundum quod homo est, dare Spiritum sanctum per autoritatem. Instrumentaliter autem, live ministerialiter etiam alii Sancti dicuntur dare Spiritum sanctum, secundum illud Gal. iii. 5. *Qui tribuit vobis Spiritum &c.*

Ad secundum dicendum, quod in metaphoris locutionibus non oportet attendi similitudinem quantum ad omnia: sic enim non esset similitudo, sed rei veritas. Capitis igitur naturalis non est ca-

put aliud, quia corpus humanum non est pars alterius corporis; sed corpus similitudinarie dictum, idest aliqua multitudo ordinata, est pars alterius multitudinis, sicut multitudo domestica est pars multitudinis civilis: & ideo paterfamilias, qui est caput multitudinis domesticæ, habet supra se caput rectorem civitatis. Et per hunc modum nihil prohibet caput Christi esse Deum, cum tamen ipse Christus sit caput Ecclesiæ.

Ad tertium dicendum, quod caput habet manifestam eminentiam respectu ceterorum exteriorum membrorum; sed cor habet quamdam influentiam occultam. Et ideo cordi comparatur Spiritus sanctus, qui invisibiliter Ecclesiam vivificat, & unit; capiti autem comparatur ipse Christus secundum visibilem naturam, secundum quam homo hominibus præfertur.

## ARTICULUS II. 57

*Utrum Christus sit caput hominum quantum ad corpora, vel solum quantum ad animas.*

III. dist. xlii. quæst. ii. art. 2. quæst. 3. & ver. quæst. xxix. art. 4. ad 1. & opusc. lx. cap. 111.

**A**D secundum sic proceditur. Videtur quod Christus non sit caput hominum quoad corpora. Christus enim dicitur caput Ecclesiæ, inquantum influit spiritualem sensum, & motum gratiæ in Ecclesiam. Sed huius spiritualis sensus, & motus capax non est corpus. Ergo Christus non est caput hominum secundum corpora.

2. Præterea. Secundum corpora communicamus cum brutis. Si ergo Christus esset caput hominum quantum ad corpora, sequeretur quod etiam esset caput brutorum animalium: quod est inconveniens.

3. Præterea. Christus corpus suum ab aliis hominibus traxit, ut patet Matth. i. & Luc. iii. Sed caput est primum inter cetera membra, ut dictum est (art. præc. ad 3.) Ergo Christus non est caput Ecclesiæ quantum ad corpora.

Sed contra est quod dicitur Philipp. ii. 21. *Reformabit corpus humilitatis nostræ configuratum corpori claritatis sue*.

Respondetur dicendum, quod corpus hu-

manum habet naturalem ordinem ad animam rationalem, quæ est propria forma eius, & motor : & in quantum quidem est forma eius, recipit ab anima vitam, & ceteras proprietates convenientes humano corpori secundum suam speciem ; in quantum vero anima est motor corporis, corpus instrumentaliter servit animæ. Sic ergo dicendum est, quod habet vim influendi humanitas Christi, in quantum est coniuncta Dei Verbo, cui corpus unitur per animam, ut supra dictum est (quæst. vi. art. r.) Unde tota Christi humanitas, secundum scilicet animam, & corpus, influit in homines & quantum ad animam, & quantum ad corpus ; sed principaliter quantum ad animam, secundario quantum ad corpus : uno modo in quantum membra corporis exhibentur arma iustitiæ in anima existenti per Christum, ut Apostolus dicit Rom. vi. alio modo in quantum vita gloriæ ab anima derivatur ad corpus, secundum illud Rom. viii. 11. *Qui suscitavit Christum Jesum a mortuis, vivificabit & mortalia corpora vestra, propter inhabitantem spiritum eius in vobis.*

Ad primum ergo dicendum, quod sensus spiritualis gratiæ non pervenit quidem ad corpus primo, & principaliter, sed secundario, & instrumentaliter, ut dictum est (in corp.)

Ad secundum dicendum, quod corpus animalis bruti nullam habitudinem habet ad animam rationalem, sicut habet corpus humanum ; & ideo non est simile.

Ad tertium dicendum, quod licet Christus traxerit materiam corporis ab aliis hominibus ; vitam tamen immortalem corporis omnes homines trahunt ab ipso, secundum illud I. ad Corinth. 15. 22. *Sicut in Adam omnes moriuntur, ita & in Christo omnes vivificabuntur.*

### ARTICULUS III. 58

*Utrum Christus sit caput omnium hominum.*

*Inf. quæst. xiii. art. 3. c. & quæst. xix. art. 4. c. & ad 1. & III. dist. xiii. quæst. 11. art. 2. quæst. 2. & 3.*

**A**D tertium sic proceditur. Videtur quod Christus non sit caput omnium hominum. Caput enim non habet relationem nisi ad membra sui corporis. Infideles autem nullo modo sunt membra

Ecclesiæ, quæ est corpus Christi, ut dicitur Ephel. 1. Ergo Christus non est caput omnium hominum.

2. Præterea. Apostolus dicit ad Ephel. v. 25. *quod Christus tradidit semetipsum pro Ecclesia, ut ipse exhiberet sibi gloriosam Ecclesiam, non habentem maculam, aut rugam, aut aliquid huiusmodi.* Sed multi sunt etiam fideles, in quibus invenitur macula, aut ruga peccati. Ergo nec etiam omnium fidelium Christus est caput.

3. Præterea. Sacramenta veteris legis comparantur ad Christum sicut umbra ad corpus, ut dicitur Coloss. 11. Sed patres veteris Testamenti sacramenti illius suo tempore serviebant, secundum illud Hebr. viii. 5. *Qui exemplari, & umbræ deservunt caelestium.* Non ergo pertinebant ad corpus Christi ; & ita Christus non est caput omnium hominum.

Sed contra est quod dicitur I. Timoth. iv. 10. *Est Salvator omnium hominum, & maxime fidelium :* & I. Ioan. 11. 2. *Ipse est propitiatio pro peccatis nostris, non pro nostris tantum, sed etiam pro totius mundi.* Salvare autem homines, & propitiationem esse pro peccatis eorum, competit Christo, secundum quod est caput. Ergo Christus est caput omnium hominum.

Respondeo dicendum, quod hæc est differentia inter corpus hominis naturale, & corpus Ecclesiæ mysticum, quod membra corporis naturalis sunt omnia simul ; membra autem corporis mystici non sunt omnia simul ; neque quantum ad esse naturæ, quia corpus Ecclesiæ constituitur ex hominibus qui fuerunt a principio mundi usque ad finem ipsius ; neque etiam quantum ad esse gratiæ, quia eorum etiam qui sunt in uno tempore, quidam gratia carent, postmodum habituri aliis eam iam habentibus. Sic igitur membra corporis mystici accipiuntur, non solum secundum quod sunt in actu, sed etiam secundum quod sunt in potentia. Quædam tamen sunt in potentia quæ nunquam reducuntur ad actum ; quædam vero sunt quæ quandoque reducuntur ad actum : & hoc secundum triplicem gradum ; quorum primus est per fidem, secundus per caritatem viæ, tertius per fruitionem patriæ.

Sic ergo dicendum est, quod accipiendo generaliter secundum totum tempus mundi, Christus est caput omnium hominum, sed secundum diversos gradus :

Præ-

Primo enim & principaliter est caput eorum qui actu uniuntur sibi per gloriam; secundo eorum qui actu uniuntur sibi per caritatem; tertio eorum qui actu uniuntur sibi per fidem; quarto vero eorum qui sibi uniuntur solum in potentia nondum reducta ad actum, quæ tamen est ad actum reducenda secundum divinam prædestinationem. Quinto vero eorum qui in potentia sunt sibi uniti, quæ nunquam reducitur ad actum; sicut homines in hoc mundo viventes, qui non sunt prædestinati; qui tamen ex hoc sæculo recedentes, totaliter desinunt esse membra Christi, quia iam nec sunt in potentia ut Christo uniantur.

Ad primum ergo dicendum, quod illi qui sunt infideles, etsi actu non sint de Ecclesia, sunt tamen de Ecclesia in potentia. Quæ quidem potentia in duobus fundatur: primo quidem & principaliter in virtute Christi, quæ est sufficiens ad salutem totius humani generis; secundo in arbitrii libertate.

Ad secundum dicendum, quod esse Ecclesiam gloriosam, non habentem maculam, neque rugam, est ultimus finis, ad quem perducimur per passionem Christi. Unde hoc erit in statu patriæ, non autem in statu viæ: in quo si dixerimus quia peccatum non habemus, nosipsos seducimus, ut dicitur I. Ioan. 1. 8. Sunt tamen quedam, scilicet mortalia, quibus caret illi qui sunt membra Christi per actualem unionem caritatis; qui vero his subduntur peccatis, non sunt membra Christi actualiter, sed potentialiter: nisi forte imperfecte per fidem informem, quæ unit Christo secundum quid, & non simpliciter, ut scilicet per Christum homo consequatur vitam patriæ. *Fides enim sine operibus mortua est*, ut dicitur Iacobi 11. 20. Percipiunt tamen tales a Christo quendam actum vitæ, qui est credere; sicut si membrum mortificatum moveatur, aequaliter ab homine.

Ad tertium dicendum, quod sancti patres non insistebant sacramentis legalibus tanquam quibusdam rebus, sed sicut imaginibus, & umbris futurorum. Idem autem est motus in imaginem, in quantum est imago, & in rem, ut patet per Philosophum in Lib. de memor. & reminisc. (cap. 11. in med.) Et ideo antiqui patres, servando legalia sacramenta, ferebantur in Christum per fidem, & dilectionem eandem qua & nos in i-

psum ferimur: & ita patres antiqui pertinebant ad idem corpus Ecclesiæ ad quod nos pertinemus.

## ARTICULUS IV. 39

*Utrum Christum sit caput Angelorum.*

III. dist. XIII. quæst. 11. art. 2. quæst. 1. & IV. dist. 19. qu. 1. art. 2. quæst. 5. c. & dist. XLIX. quæst. 14. art. 4. ad 5. & ver. quæst. XXIX. art. 4. c. & ad 5. & opusc. 11. cap. CCXXII. & I. Corinb. XI. & Ephes. 1. fin.

**A**D quartum sic proceditur. Videtur quod Christus, secundum quod homo, non sit caput Angelorum. Caput enim, & membra sunt unius naturæ. Sed Christus, secundum quod est homo, non est conformis in natura cum Angelis, sed solum cum hominibus: quia, ut dicitur Hebr. 11. 16. *nunquam Angelos apprehendit, sed semen Abrahæ apprehendit*. Ergo Christus, secundum quod homo, non est caput Angelorum.

2. Præterea. Illorum Christus est caput qui pertinent ad Ecclesiam, quæ est corpus eius, ut dicitur Ephes. 1. Sed Angeli non pertinent ad Ecclesiam: nam Ecclesia est congregatio fidelium; fides autem non est in Angelis: non enim ambulant per fidem, sed per speciem; alioquin peregrinarentur a Domino, secundum quod Apostolus argumentatur II. ad Cor. v. Ergo Christus, secundum quod homo, non est caput Angelorum.

3. Præterea. Augustinus dicit super Ioannem (tract. XIX. a med. & tract. XXIII. ante med.) quod sicut Verbum quod erat in principio apud Patrem, vivificat animas; ita Verbum caro factum vivificat corpora, quibus Angeli carent. Sed Verbum caro factum est Christus, secundum quod homo. Ergo Christus, secundum quod homo, non inluit vitam Angelis; & ita, secundum quod homo, non est caput Angelorum.

Sed contra est, quod Apostolus dicit Colos. 11. 10. *Qui est caput omnis Principatus, & Potestatis*: & eadem ratio est de Angelis aliorum ordinum. Est ergo Christus caput Angelorum.

Respondetur dicendum, quod, sicut dictum est (art. 1. hu. quæst. ad 2.) ubi est unum corpus, necesse est ponere unum caput. Unum autem corpus similitudinarie dicitur una multitudo ordinata

E

ta

ta in unum, secundum distinctos actus, sive officia. Manifestum est autem quod ad unum finem, qui est gloria divinae fruitionis, ordinantur & homines, & Angeli. Unde corpus Ecclesiae mysticum non solum consistit ex hominibus, sed etiam ex Angelis. Totius autem huius multitudinis Christus est caput: quia propinquius se habet ad Deum, & perfectius participat dona ipsius, non solum quam homines, sed etiam quam Angeli; & de eius influentia non solum homines recipiunt, sed etiam Angeli: dicitur enim Ephes. 1. 20. quod *constituit eum*, scilicet Christum Deus Pater, *ad dexteram suam in caelestibus supra omne Potestatem, & Principatum, & Virtutem, & Dominationem, & omne nomen quod nominatur non solum in hoc saeculo, sed etiam in futuro: & omnia subiecit sub pedibus eius*. Et ideo Christus non solum est caput hominum, sed etiam Angelorum. Unde & Matth. 18. 11. legitur, quod *accesserunt Angeli, & ministrabant ei*.

Ad primum ergo dicendum, quod influentia Christi super homines principaliter quidem est quantum ad animas, secundum quas homines conveniunt cum Angelis in natura generis, licet non in natura speciei. Et ratione huius conformitatis Christus potest dici caput Angelorum, licet deficiat conformitas quantum ad corpus.

Ad secundum dicendum, quod Ecclesia secundum statum viae est congregatio fidelium; sed secundum statum patriae est congregatio comprehendentium. Christus autem non solum fuit viator, sed comprehensor. Et ideo non solum fidelium, sed etiam comprehendentium est caput, utpote plenissime habens gratiam, & gloriam.

Ad tertium dicendum, quod Augustinus ibi loquitur secundum quandam assimilationem causae ad effectum, prout scilicet res corporalis agit in corpus, & res spiritualis in res spirituales. Tamen humanitas Christi ex virtute spiritualis naturae, scilicet divinae, potest aliquid causare non solum in spiritibus hominum, sed etiam in spiritibus Angelorum, propter maximam coniunctionem eius ad Deum, scilicet secundum unionem personalem.

## ARTICULUS V. 67

*Utrum gratia Christi, secundum quam est caput Ecclesiae, sit eadem cum gratia habituali eius, secundum quod est quidam homo singularis.*

III. dist. XIII. quest. 111. art. 2. quest. 1. & 2. & IV. dist. V. quest. 1. art. 3. quest. 2. ad 3. & ver. quest. XX. art. 2. corp. fin. & ad 6. & opusc. 11. cap. CCXIV. & CCXV. & Ioan. 111. lect. 6.

**A**D quintum sic proceditur. Videtur quod non sit eadem gratia qua Christus est caput Ecclesiae, eum gratia singulari illius hominis. Dicit enim Apostolus Rom. 7. 15. *Si unius delictio multi mortui sunt, multo magis gratia Dei, & donum in gratia unius hominis Iesu Christi in plures abundavit*. Sed aliud est peccatum actuale ipsius Adae, & aliud peccatum originale, quod traduxit in posteros. Ergo alia est gratia personalis, quae est propria ipsius Christi, & alia est gratia eius, inquantum est caput Ecclesiae, quae ab ipso ad alios derivatur.

2. Præterea. Habitus distinguuntur secundum actus. Sed ad alium actum ordinatur in Christo gratia eius personalis, scilicet ad sanctificationem illius animae; & ad alium actum ordinatur gratia capitis, scilicet ad sanctificandum alios. Ergo alia est gratia personalis ipsius Christi, & alia est gratia eius, inquantum est caput Ecclesiae.

3. Præterea. Sicut supra dictum est (quest. VI. art. 6.) in Christo distinguitur triplex gratia, scilicet gratia unionis, gratia capitis, & gratia singularis illius hominis. Sed gratia singularis Christi est alia a gratia unionis. Ergo etiam est alia a gratia capitis.

Sed contra est quod dicitur Ioan. 1. 16. *De plenitudine eius nos omnes accepimus*. Secundum hoc autem est caput nostrum quod ab eo accipimus. Ergo secundum hoc quod habuit plenitudinem gratiae, est caput nostrum. Plenitudinem autem gratiae habuit, secundum quod perfecte fuit in illo gratia personalis, ut supra dictum est (quest. VII. art. 9.) Ergo secundum gratiam personalem est caput nostrum. Et ita non est alia gratia capitis, & alia gratia personalis.

Re-

Respondeo dicendum, quod quia unumquodque agit, in quantum est ens actu, oportet quod idem sit actus quod aliquid est actu, & quo agit; sicut idem est calor quo ignis est calidus, & quo calefacit. Non tamen omnis actus quod aliquid est actu, sufficit ad hoc quod sit principium agendi in alia. Cum enim agens sit praestantius patiente, ut Augustinus dicit XII. super Gen. ad lit. (cap. xvi. cir. med.) & Philoposophus in III. de Anima (tex. 19.) oportet quod agens in alia habeat actum secundum eminentiam quamdam. Dicitur est autem supra (art. 1. hu. quaest. & quaest. vii. art. 9.) quod in anima Christi recepta est gratia secundum maximam eminentiam: & ideo ex illa eminentia gratiae quam accepit, competit sibi quod gratia illa ad alios deriveretur: quod pertinet ad rationem capitis. Et ideo eadem est secundum essentiam gratia personalis, qua anima Christi est iustificata, & gratia eius, secundum quam est caput Ecclesiae iustificans alios; differt tamen secundum rationem.

Ad primum ergo dicendum, quod peccatum originale in Adam, quod est peccatum naturae, derivatum est a peccato actuali ipsius, quod est peccatum personale: quia in eo persona corrupta naturam; qua corruptione mediante, peccatum primi hominis derivatur ad posterios, secundum quod natura corrupta corrumpit personam. Sed gratia non derivatur a Christo in nos mediante natura humana, sed per solam personalem actionem ipsius Christi. Unde non oportet in Christo distinguere duplicem gratiam, quarum una respondeat naturae, alia personae; sicut in Adam distinguitur peccatum naturae, & personae.

Ad secundum dicendum, quod diversi actus, quorum unus est ratio, & causa alterius, non diversificant habitum. Actus autem personalis gratiae, qui est sanctum facere formaliter habentem, est ratio iustificationis aliorum, quae pertinet ad gratiam capitis. Et inde est quod per huiusmodi differentiam non diversificatur essentia habitus.

Ad tertium dicendum, quod gratia personalis, & gratia capitis ordinantur ad aliquem actum; gratia autem unionis non ordinatur ad actum, sed ad esse personale. Et ideo gratia personalis, & gratia capitis conveniunt in essentia habitus; non autem gratia unionis: quavis personalis gratia possit quodammodo

dici gratia unionis, prout facit congruitatem quamdam ad unionem; & secundum hoc una per essentiam est gratia unionis, & gratia capitis, & gratia singularis personae, sed differens sola ratione.

## ARTICULUS VI. 61

*Utrum esse caput Ecclesiae sit proprium Christo.*

*Inf. art. 7. corp. & ver. quaest. xxix. art. 4. corp. & 1. Cor. xi.*

**A**D sextum sic proceditur. Videtur quod esse caput Ecclesiae non sit proprium Christo. Dicitur enim I. Reg. xv. 17. *Cum esses parvulus in oculis tuis, caput in tribus Israel factus es.* Sed una est Ecclesia in novo, & veteri Testamento. Ergo videtur quod eadem ratione aliquis alius homo, praeter Christum, poterit esse caput Ecclesiae.

2. Praeterea. Ex hoc Christus dicitur esse caput Ecclesiae quod gratiam influit Ecclesiae membris. Sed etiam ad alios pertinet gratiam aliis praebere, secundum illud Ephes. iv. 29. *Omnia sermo malus ab ore vestro non procedat; sed si quis bonus est ad edificationem fidei, ut det gratiam audientibus.* Ergo videtur quod etiam alii quam Christo competat esse Ecclesiae caput.

3. Praeterea. Christus ex eo quod praestitit Ecclesiae, non solum dicitur caput, sed etiam pastor, & fundamentum Ecclesiae. Sed non sibi solum Christus retinuit nomen Pastoris, secundum illud I. Pet. v. 4. *Cum apparuerit princeps pastorum, percipietis immarcescibilem gloriae coronam: nec etiam nomen Fundamenti, secundum illud Apoc. xxi. 14. Murus civitatis habens fundamenta duodecim.* Ergo videtur quod nec etiam nomen capitis sibi soli retinuerit.

Sed contra est quod dicitur Colos. ii. 19. *Caput Ecclesiae est, ex quo corpus per nexus, & coniunctiones subministratum, & constructum crescit in augmentum Dei.* Sed hoc soli Christo convenit. Ergo solus Christus est caput Ecclesiae.

Respondeo dicendum, quod caput in alia membra influit dupliciter: uno modo quodam intrinsicco influxu, prout scilicet virtus motiva, & sensitiva a capite derivatur ad cetera membra; alio modo secundum quamdam exteriorum gubernationem, prout scilicet se-

cundum visum, & alios sensus, qui in capite radicantur, dirigitur homo in exterioribus actibus. Interior autem influxus gratiae non est ab aliquo nisi a solo Christo, cuius humanitas ex hoc quod est Divinitati coniuncta, habet virtutem iustificandi; sed influxus in membra Ecclesiae quantum ad exteriorem gubernationem potest aliis convenire: & secundum hoc aliqui alii possunt dici capita Ecclesiae, secundum illud Amos vi. 1. *Optimates capita populorum; differenter tamen a Christo*. Primo quidem quantum ad hoc quod Christus est caput omnium eorum qui ad Ecclesiam pertinent secundum omnem locum, & tempus, & statum; alii autem homines dicuntur capita secundum quaedam specialia loca, sicut Episcopi suarum Ecclesiarum; vel etiam secundum determinatum tempus, sicut Papa est caput totius Ecclesiae, scilicet tempore sui Pontificatus; & secundum determinatum statum, prout scilicet sunt in statu viatoris. Alio modo quia Christus est caput Ecclesiae propria virtute, & auctoritate; alii vero dicuntur capita, in quantum vicem gerunt Christi, secundum illud II. ad Cor. 11. 10. *Nam & ego quod donavi, si quid donavi, propter vos in persona Christi*: & secundum illud II. ad Cor. v. 20. *Pro Christo legatione fungimur, tamquam Deo exhortante per nos*.

Ad primum ergo dicendum, quod verbum illud intelligitur, secundum quod ratio capitis consideratur ex exteriori gubernatione, prout dicitur Rex caput regni sui.

Ad secundum dicendum, quod homo non dat gratiam interiori influendo, sed exteriori persuadendo ad ea quae sunt gratiae.

Ad tertium dicendum, quod, sicut Augustinus dicit super Ioan. (tract. xlv. in med.) *si praepositi Ecclesiae pastores sunt, quomodo unus pastor est, nisi quia sunt illi omnes unius membra pastoris*? Et similiter alii possunt dici fundamenta, & capita, in quantum sunt unius capitis, & fundamenti membra. Et tamen, sicut Augustinus ibidem (tract. xlvii. inter princ. & med.) dicit, *pastorem esse dedisti membris suis; ostium vero nemo nostrum se dicit: hoc sibi ipse proprium tenuit*. Et hoc ideo quia in officio importatur principalis auctoritas, in quantum ostium est per quod omnes ingrediuntur in domum; & ipse solus

Christus est per quem accessum habemus in gratiam istam in qua stamus: (Rom. v. 2.) per alia vero nomina praedicta potest importari auctoritas non solum principalis, sed etiam secundaria.

## ARTICULUS VII. 63

*Utrum diabolus sit caput omnium malorum.*

*Inf. art. 8. c.*

**A**D septimum sic proceditur. Videtur quod diabolus non sit caput malorum. Ad rationem enim capitis pertinet quod influat sensum, & motum in membra, ut dicit quaedam Glossa (Petri Lomb.) super illud ad Ephel. 1. *Ipsum dedit caput &c.* Sed diabolus non habet virtutem influendi malitiam peccati, quod ex voluntate peccantis procedit. Ergo diabolus non potest dici caput malorum.

2. Praeterea. Per quodlibet peccatum fit homo malus. Sed non omnia peccata sunt a diabolo: quod quidem manifestum est de peccatis demonum, qui non ex persuasionem alterius peccaverunt: similiter etiam nec omne peccatum hominis ex diabolo procedit: dicitur enim in Lib. de ecclesiast. dogmatibus (cap. lxxxii.) *Non omnes cogitationes nostrae male semper diaboli instinctu excitantur; sed aliquoties ex motu arbitrii nostri emergunt*. Ergo diabolus non est caput omnium malorum.

3. Praeterea. Unum caput uni corpori praeficitur. Sed tota multitudo malorum non videtur habere aliquid in quo uniatur: quia malum malo contingit esse contrarium: contingit etiam ex diversis defectibus, ut Dionysius dicit iv. cap. de div. Nom. (par. 4. inter med. & fin. lect. 22.) Non ergo diabolus potest dici caput omnium malorum.

Sed contra est quod super illud Job xviii. *Memoria illius pereat de terra*, dicit Glossa (ord. Greg. Lib. XIV. Moral. cap. xi. in princ.) „De unoquoque „ iniquo dicitur, ut ad caput, id est diabolus, bolum, revertatur: “

Respondendo dicendum, quod, sicut supra dictum est (art. praec.) caput non solum interiori influunt in membra, sed etiam exteriori gubernat, eorum actus dirigendo ad aliquem finem. Sic ergo potest dici aliquis caput alicuius multitudi-

dinis vel secundum utrumque, scilicet secundum interiorem influxum, & exteriorem gubernationem; & sic est Christus caput Ecclesiae, ut dictum est (art. præc.) vel secundum exteriorem gubernationem; & sic quilibet Princeps, vel Prælati sunt caput multitudinis sibi subiectæ.

Et per hunc modum dicitur diabolus caput omnium malorum. Nam, ut dicitur Iob xli. 25. *ipse est rex super universos filios superbie*. Pertinet autem ad gubernatorem ut eos quos gubernat, ad suum finem adducat. Finis autem diaboli est averio rationalis creaturæ a Deo; unde & a principio hominem ab obedientia divini præcepti remove tentavit. Ipsa autem averio a Deo habet rationem finis, inquantum appetitur sub specie libertatis, secundum illud Hierem. 17. 20. *A seculo confregisti iugum, rupisti vincula, & dixisti, Non serviam*. Inquantum igitur ad hunc finem aliqui adducuntur peccando, sub diaboli regimine, & gubernatione cadunt; & ex hoc dicitur eorum caput.

Ad primum ergo dicendum, quod licet diabolus interius non influat rationali menti, tamen suggerendo inducit ad malum.

Ad secundum dicendum, quod gubernator non semper suggerit singulis subiectis ut suæ voluntati obediant; sed proponit omnibus signum suæ voluntatis, ad cuius sequelam aliqui excitantur inducti, alii propria sponte; sicut patet in duce exercitus, cuius vexillum sequuntur milites, etiam nullo persuadente. Sic igitur primum peccatum diaboli, qui ab initio peccat, ut dicitur I. Ioan. 111. propositum est omnibus ad sequendum; quod quidam imitantur per suggestionem ipsius, quidam propria sponte absque ulla suggestionem. Et secundum hoc omnium malorum caput est diabolus, inquantum ipsum imitantur, secundum illud Sap. 11. 24. *Invidia diaboli mors introiit in orbem terrarum. Imitantur autem illum qui sunt ex parte illius*.

Ad tertium dicendum, quod omnia peccata conveniunt in aversione a Deo, licet ab invicem differant secundum conversionem ad diversa commutabilia bona.

## ARTICULUS VIII. 63.

*Utrum Antichristus possit etiam dici caput omnium malorum.*

2.2. *quæst. lxxxiv. ar. 3. & 4. & III. d. xiii. quæst. 11. ar. 1. c. & verit. quæst. xxix. ar. 4. c. & mal. quæst. viii. ar. 1. c. & op. 11. cap. lxxxiii. & I. Cor. xi. lec. 3.*

**A**D octavum sic proceditur. Videtur quod Antichristus non sit caput malorum. Unius enim corporis non sunt diversa capita. Sed diabolus est caput multitudinis malorum. Non ergo Antichristus est eorum caput.

2. Præterea. Antichristus est membrum diaboli. Sed caput distinguitur a membris. Ergo Antichristus non est caput malorum.

3. Præterea. Caput habet influentiam in membra. Sed Antichristus nullam habet influentiam in malos qui eum præcesserunt. Ergo Antichristus non est caput malorum.

Sed contra est quod Iob xxi. super illud, *Interrogate quemlibet de viatoribus*, dicit Glossa (ord. Greg. Lib. XV. Moral. cap. xxxvi. parum a princ.) „Dum de „omnium malorum corpore loqueretur, „subito ad omnium iniquorum caput „(Antichristum) verba convertit.

Respondetur dicendum, quod, sicut supra dictum est (ar. 1. hu. quæst.) in capite naturali tria inveniuntur, scilicet ordo, perfectio, & virtus influendi. Quantum igitur ad ordinem temporis, non dicitur Antichristus esse malorum caput, quasi eius peccatum præcesserit, sicut præcessit peccatum diaboli. Similiter etiam non dicitur esse caput malorum propter virtutem influendi: etsi enim aliquos sui temporis ad malum sit converturus, exterius inducendo; non tamen illi qui ante eum fuerunt, ab ipso sunt in malitiam inducti, nec etiam eius malitiam sunt imitati. Unde secundum hoc non posset dici caput omnium malorum, sed aliquorum. Relinquitur ergo quod dicatur caput omnium malorum propter malitiæ perfectionem. Unde super illud II. ad Thess. 11. *Ostendens se, tamquam sit Deus*, dicit Glossa (ord. Haym.) „Sicut in Christo omnis plenitudo divinitatis inhabitavit; ita in Antichristo omnis malitiæ plenitudo: „non quidem ita quod humanitas eius sit af-



sumpta a diabolo in unitatem personæ, sicut humanitas Christi a Filio Dei; sed quia diabolus suam malitiam eminentius ei influet suggerendo quam omnibus aliis. Et secundum hoc omnes alii mali qui præcesserunt, sunt quasi quædam figura Antichristi, secundum illud II. ad Thess. II. 7. *Myſterium iam operatur iniquitatis.*

Ad primum ergo dicendum, quod diabolus, & Antichristus non sunt duo capita, sed unum: quia Antichristus dicitur esse caput, in quantum plenissime invenitur in eo impressa malitia diaboli. Unde super illud II. ad Thessal. II. *Offendens se, tamquam sit Deus*, dicit Glossa (ordin. Haym.) „In ipso erit caput „omnium malorum, scilicet diabolus, „qui est rex super omnes filios superbiæ.“ Non autem dicitur in eo esse per unionem personalem, nec per intrinsecam inhabitationem: quia sola Trinitas menti illabitur, ut dicitur in Lib. de eccles. dog. (cap. lxxxiii.) sed per malitiæ effectum.

Ad secundum dicendum, quod sicut caput Christi est Deus, & tamen ipse est caput Ecclesiæ, ut supra dictum est (ar. I. h. quæst. ad II.) ita Antichristus est membrum diaboli, & tamen est caput malorum.

Ad tertium dicendum, quod Antichristus non dicitur caput omnium malorum propter similitudinem influentiæ, sed propter similitudinem perfectionis. In eo enim diabolus quasi malitiam suam ducet ad caput, per modum quo dicitur aliquis ad caput suum propositum ducere, cum illud persequitur.

## QUAESTIO IX.

### De scientia Christi in communi,

in quatuor articulos divisa.

**D**Einde considerandum est de scientia Christi: circa quam duo consideranda sunt. Primo quam scientiam Christus habuerit. Secundo de unaquaque scientiarum ipsius.

Circa primum quaeruntur quatuor.

Primo, utrum Christus habuerit aliquam scientiam præter divinam.

Secundo, utrum habuerit scientiam quam habent beati, vel comprehensores.

Tertio, utrum habuerit scientiam inditam, vel insulam.

Quarto, utrum habuerit aliquam scientiam acquisitam.

## ARTICULUS I. 64

*Utrum Christus habuerit aliquam scientiam præter divinam.*

III. dist. XIV. ar. 1. quæst. 1. & ver. quæst. XX. art. 2. & opusc. II. cap. CCXIV.

**A**D primum sic proceditur. Videtur quod in Christo non fuerit aliqua scientia præter divinam. Ad hoc enim necessaria est scientia, ut per eam aliqua cognoscantur. Sed Christus per scientiam divinam cognoscebat omnia. Superfluum igitur fuisset quod in eo esset alia scientia.

2. Præterea. Lux minor per maiorem offuscatur. Sed omnis scientia creata comparatur ad scientiam Dei increatam, sicut lux minor ad maiorem. Ergo in Christo non refulsit alia scientia quam divina.

3. Præterea. Unio humanæ naturæ ad divinam facta est in persona, ut ex supra dictis patet (quæst. II. art. 2.) Ponitur autem in Christo secundum quosdam quædam scientia unionis, per quam scilicet Christus ea quæ ad mysterium incarnationis pertinent, plenius scivit quam aliquis alius. Cum ergo unio personalis contineat duas naturas, videtur quod in Christo non sint duæ scientiæ, sed una scientia, pertinetens ad utramque naturam.

Sed contra est quod Ambrosius dicit in Libro de incarnat. (cap. VII. a medi.) *Deus in carne perfectionem naturæ assumpsit humane: suscepit sensum hominis, non sensum carnis inflatum.* Sed ad sensum hominis pertinet scientia creata. Ergo in Christo fuit scientia creata.

Respondeo dicendum, quod, sicut ex supradictis patet (quæst. V.) Filius Dei humanam naturam integram assumpsit, idest non solum corpus, sed etiam animam, non solum sensitivam, sed etiam rationalem. Et ideo oportuit quod haberet scientiam creatam, propter tria. Primo quidem propter animæ perfectionem. Anima enim secundum se considerata est in potentia ad intelligibilia cognoscenda: est enim sicut tabula in qua nihil est scriptum; & tamen possibile est in ea scribi (a) propter intellectum possibilem, quo est omnia fieri, ut dicitur in III.

de

(a) Ita cum mss. Theologi & Nestains. Ad. per.

de Anima ( tex. 18. ) Quod autem est in potentia, est imperfectum, nisi reducat ad actum. Non autem fuit conveniens quod Filius Dei humanam naturam imperfectam assumeret, sed perfectam, utpote qua mediante totum humanum genus ad perfectum erat reducendum. Et ideo oportuit quod anima Christi esset perfecta per aliquam scientiam, quæ esset propria perfectio eius. Et ideo oportuit in Christo esse aliquam scientiam præter scientiam divinam; alioquin anima Christi esset imperfectior animabus aliorum hominum. Secundo quia cum quælibet res sit propter suam operationem, ut dicitur in II. de celo ( text. 17. ) frustra haberet Christus animam intellectivam, si non intelligeret secundum illam; quod pertinet ad scientiam creatam. Tercio quia aliqua scientia creata pertinet ad animæ humanæ naturam, scilicet illa per quam naturaliter cognoscimus prima principia: scientiam enim hic large accipimus pro qualibet cognitione intellectus humani. Nihil autem naturalium Christo defuit, quia totam humanam naturam suscepit, ut supra dictum est ( quæst. v. ) Et ideo in sexta Synodo ( Constant. III. gener. VI. act. 14. in epist. Agath. Pp. ad Imp. ) damnata est positio negantium in Christo esse duas scientias, vel duas sapientias.

Ad primum ergo dicendum, quod Christus cognovit omnia per scientiam divinam operatione increata, quæ est ipsa Dei essentia: Dei enim intelligere est sua substantia, ut probat Philosophus XII. Metaph. ( tex. 39. ) Unde hic actus non potuit esse animæ humanæ Christi, cum sit alterius naturæ. Si igitur non fuisset in anima Christi aliqua alia scientia præter divinam, nihil cognovisset: & ita fuisset frustra assumpta; cum omnis res sit propter suam operationem.

Ad secundum dicendum, quod si duo lumina accipiantur eiusdem ordinis, minus offuscatur per maius; sicut lumen Solis offuscat lumen candelæ, quorum utrumque accipitur in ordine illuminantis. Si vero accipiantur duo lumina, ita quod maius sit in ordine illuminantis, & minus in ordine illuminati, minus lumen non offuscatur per maius, sed magis augeatur, sicut lumen aeris per lumen Solis. Et hoc modo lumen scientiæ non offuscatur, sed magis clarescit in anima Christi per lumen scientiæ diviniæ, quæ est lux vera illuminans omnem ho-

minem venientem in hunc mundum, ut dicitur Ioan. 1. 9.

Ad tertium dicendum, quod ex parte unitorum ponitur scientia in Christo & quantum ad naturam divinam, & quantum ad humanam; ita quod propter unionem, secundum quam est eadem hypostasis Dei, & hominis, id quod est Dei, attribuitur homini, & id quod est hominis, attribuitur Deo, ut supra dictum est ( quæst. 111. art. 1. in arg. & responsionib. & art. 6. arg. 3. ) Sed ex parte ipsius unionis non potest poni in Christo aliqua scientia. Nam unio illa est esse personale; scientia autem non convenit personæ nisi ratione alicuius naturæ.

## ARTICULUS II. 65

*Utrum Christus habuerit scientiam quam habent beati, vel comprehensores.*

*Inf. art. 3. co. & op. 11. cap. ccxviii.*

**A**D secundum sic proceditur. Videtur quod in Christo non fuerit scientia beatorum, vel comprehensorum. Scientia enim beatorum est per participationem divini luminis, secundum illud Psal. xxxv. 10. *In lumine tuo videbimus lumen.* Sed Christus non habuit lumen divinum tantum participatum, sed ipsam Divinitatem in se habuit substantialiter manentem, secundum illud Coloss. 11. 9. *In Christo inhabitat omnis plenitudo Divinitatis corporaliter.* Ergo in Christo non fuit scientia beatorum.

2. Præterea. Scientia beatorum eos beatos facit, secundum illud Ioan. xviii. 3. *Hæc est vita æterna, ut cognoscant te solum verum Deum, & quem misisti Iesum Christum.* Sed homo ille fuit beatus ex hoc ipso quod fuit Deo unicus in persona, secundum illud Psal. lxxv. 5. *Beatus quem elegisti, & assumpsisti.* Non ergo oportet ponere in ipso scientiam beatorum.

3. Præterea. Scientia duplex homini competit, una secundum suam naturam, alia supra naturam. Scientia autem beatorum, quæ in divina visione consistit, non est secundum naturam hominis, sed supra eius naturam. In Christo autem fuit alia supernaturalis scientia multo altior, scilicet scientia divina. Non ergo oportuit in Christo esse scientiam beatorum.

Sed contra. Scientia beatorum in Dei

cognitione consistit. Sed ipse plene cognovit Deum, etiam secundum quod homo, secundum illud Ioan. viii. 55. *Scio eum, & sermonem eius servo*. Ergo in Christo fuit scientia beatorum.

Respondeo dicendum, quod illud quod est in potentia, reducitur in actum per id quod est actu: oportet enim esse calidum id per quod alia calefiunt. Homo autem est in potentia ad scientiam beatorum, quæ in Dei visione consistit; & ad eam ordinatur sicut ad finem: est enim creatura rationalis capax illius beatæ cognitionis, inquantum est ad imaginem Dei. Ad hunc autem finem beatitudinis homines reducuntur per Christi humanitatem, secundum illud Heb. ii. 10. *Decebat eum propter quem omnia, & per quem omnia, qui multos filios in gloriam adduxerat, audientem salutis eorum per passionem consummari*. Et ideo oportuit quod cognitio beata in Dei visione consistens, excellentissime Christo homini conveniret: quia semper causam oportet esse potius causato.

Ad primum ergo dicendum, quod Divinitas unita est humanitati Christi, secundum personam, non secundum essentiam, vel naturam; sed cum unitate personæ remanet distinctio naturarum. Et ideo anima Christi, quæ est pars humanæ naturæ, per aliquod lumen participatum a natura divina, perfecta est ad scientiam beatam, qua Deus per essentiam videtur.

Ad secundum dicendum, quod ex ipsa unione homo ille est beatus beatitudine increata, sicut ex unione est Deus; sed præter beatitudinem increatam, oportuit in natura humana Christi esse quamdam beatitudinem creatam, per quam anima eius in ultimo fine humanæ naturæ constitueretur.

Ad tertium dicendum, quod visio, seu scientia beata est quodam modo supra naturam animæ rationalis, inquantum scilicet propria virtute ad eam pervenire non potest; alio vero modo est secundum naturam ipsius, inquantum scilicet secundum naturam suam capax est eius, prout scilicet est ad imaginem Dei facta, ut supra dictum est (in cor. art.) Sed scientia increata est omnibus modis supra naturam animæ humanæ.

## ARTICULUS III. 66

*Utrum Christus habuerit scientiam inditam, vel infusam.*

*Inf. quest. xii. art. 1. cor. & III. dist. xiv. quest. 11. art. 3. quest. 3. & ver. quest. xx. art. 2. c. fi. & art. 3. & opusc. 11. cap. ccxvi.*

**A**D tertium sic proceditur. Videtur quod in Christo non sit alia scientia indita, vel infusa præter scientiam beatam. Omnis enim alia scientia comparatur ad scientiam beatam sicut imperfectum ad perfectum. Sed præsentem cognitionem perfecta, excluditur cognitio imperfecta, sicut manifesta visio laciei excludit ænigmaticam visionem fidei, ut patet i. ad Cor. xiii. Cum igitur in Christo fuerit scientia beata, ut dictum est (art. præc.) videtur quod non potuerit in eo esse alia scientia indita.

2. Præterea. Imperfector modus cognitionis disponit ad perfectiorem; sicut opinio, quæ est per syllogismum dialecticum, disponit ad scientiam, quæ est per syllogismum demonstrativum. Habita autem perfectione, non est ulterius necessaria dispositio, sicut habito termino, non est necessarius motus. Cum ergo cognitio quæcumque alia creata comparatur ad cognitionem beatam sicut imperfectum ad perfectum, & sicut dispositio ad terminum, videtur quod cum Christus habuerit cognitionem beatam, non fuerit ei necessarium habere aliam cognitionem.

3. Præterea. Sicut materia corporalis est in potentia ad formam sensibilem, ita intellectus possibilis est in potentia ad formam intelligibilem. Sed materia corporalis non potest simul recipere duas formas sensibiles, unam perfectiorem, & aliam minus perfectam. Ergo neque anima potest simul recipere duplicem scientiam, unam perfectiorem, & aliam minus perfectam: & sic idem quod prius.

Sed contra est quod dicitur Colos. ii. 3. quod in Christo sunt omnes thesauri sapientiæ, & scientiæ absconditi.

Respondeo dicendum, quod, sicut dictum est (art. i. hu. quest.) decebat ut natura humana assumpta a Verbo Dei imperfecta non esset. Omne autem quod est in potentia, est imperfectum, nisi reducatur ad actum. Intellectus autem possibilis humanus est in potentia ad omnia

omnia intelligibilia; reducitur autem in actum per species intelligibiles, quæ sunt quædam formæ completivæ ipsius, ut patet ex his quæ dicuntur in III. de Anima (tex. 32. & 38.) Et ideo oportet in Christo ponere scientiam inditam, in quantum per Verbum Dei animæ Christi ubi personaliter unitæ impressæ sunt species intelligibiles ad omnia ad quæ intellectus possibilis est in potentia; sicut etiam per Verbum Dei impressæ sunt species intelligibiles menti angelicæ in principio creationis rerum, ut patet per Augustinum II. super Gen. ad lit. (cap. viii.) Et ideo sicut in Angelis secundum eundem Augustinum (IV. super Gen. ad lit. cap. xxii. xxiv. & xxx.) ponitur duplex cognitio; una scilicet matutina, per quam cognoscunt res in Verbo; & alia vespertina, per quam cognoscunt res in propria natura per species sibi inditas; ita præter scientiam divinam, & increatam, est in Christo secundum eius animam scientia beata, quæ cognoscit Verbum, & res in Verbo; & scientia infusa, sive indita, per quam cognoscit res in propria natura per species intelligibiles humanæ mentis proportionatas.

Ad primum ergo dicendum, quod visio imperfecta fidei in sui ratione includit oppositum manifestæ visionis, eo quod de ratione fidei est ut sit de non visis, ut in secunda parte dictum est (2. 2. quæst. 1. art. 4.) Sed cognitio quæ est per species inditas, non includit aliquid oppositum cognitioni beatæ. Et ideo non est eadem ratio utrobique.

Ad secundum dicendum, quod dispositio se habet ad perfectionem dupliciter: uno modo sicut via ducens ad perfectionem; alio modo sicut effectus a perfectione procedens: per calorem enim disponitur materia ad suscipiendam formam ignis; quæ tamen adveniente, calor non cessat, sed remanet, quasi quidam effectus talis formæ: & similiter opinio ex syllogismo dialectico causata, est via ad scientiam, quæ per demonstrationem acquiritur; quia tamen acquisita, potest remanere cognitio quæ est per syllogismum dialecticum, quasi consequens scientiam demonstrativam, quæ est per causam: quia ille qui cognoscit causam, ex hoc etiam magis potest cognoscere signa probabilia, ex quibus procedit dialecticus syllogismus. Et similiter in Christo simul cum scientia beatitudinis manet scientia indita, non quasi via ad beatitudinem, sed quasi per

beatitudinem confirmata.

Ad tertium dicendum, quod cognitio beata non fit per speciem, quæ sit similitudo divinæ essentia, vel eorum quæ in divina essentia cognoscuntur, ut patet ex his quæ in prima parte dicta sunt (quæst. xii. art. 2.) sed talis cognitio est ipsius divinæ essentia immediate, per hoc quod ipsa essentia divina unitur menti beatæ sicut intelligibile intelligenti; quæ quidem essentia divina est forma excedens proportionem cuiuslibet creaturæ. Unde nihil prohibet quin cum hac forma superexcedente simul insint rationali menti species intelligibiles proportionatæ suæ naturæ.

#### ARTICULUS IV. 67

*Utrum Christus habuerit aliquam scientiam acquisitam.*

*Inf. quæst. xii. art. 2. & quæst. xv. art. 8. & opusc. 11. cap. cxcv. & III. dist. xiv. quæst. 3. art. 3. quæst. 5. ad 3. & xviii. quæst. 1. art. 3. ad 5. & verit. quæst. xx. art. 3. ad 1.*

**A**D quartum sic proceditur. Videtur quod in Christo non fuerit aliqua scientia experimentalis acquisita. Quicquid enim Christo conveniens fuit, excellentissime habuit. Sed Christus non habuit excellentissime scientiam acquisitam: non enim inititit studio litterarum, quo perfectissime scientia acquiritur: dicitur enim Ioan. vii. 15. *Mirabantur Iudei dicentes: Quomodo hic litteras scit, cum non didicerit?* Ergo videtur quod in Christo non fuerit aliqua scientia acquisita.

2. Præterea. Ei quod est plenum, non potest aliquid superaddi. Sed potentia animæ Christi fuit impleta per species intelligibiles divinitus inditas, ut dictum est (art. præc.) Ergo non potuerunt supervenire eius animæ aliquæ species acquisitæ.

3. Præterea. In eo qui iam habet habitum scientiæ, per ea quæ a sensu accipit, non acquiritur novus habitus (quia sic duæ formæ eiusdem speciei simul essent in eodem;) sed habitus qui prius inerat, confirmatur, & augetur. Ergo cum Christus habuerit habitum scientiæ inditæ, non videtur quod per ea quæ sensu percipit, aliquam aliam scientiam acquisierit.

Sed contra est quod Hebr. v. 8. dicitur: *Cum*

Cum esset Filius Dei, didicit ex his quae passus est, obedientiam: Glossa (interl. Haym.) „ idest expertus est. “ Fuit ergo in Christo aliqua experimentalis scientia, quae est scientia acquisita.

Respondeo dicendum, quod, ut ex supra dictis patet (art. i. h. quæst.) nihil eorum quae Deus in nostra natura plantavit, desinit humanæ naturæ assumptæ a Dei Verbo. Manifestum est autem quod in humana natura Deus plantavit non solum intellectum possibilem, sed etiam intellectum agentem. Unde necesse est dicere, quod in anima Christi fuit non solum intellectus possibilis, sed etiam intellectus agens. Si autem in aliis Deus, & natura nihil frustra faciunt, ut Philosophus dicit in I. de cælo (tex. 31. & Lib. II. tex. 59.) multo minus in anima Christi aliquid fuit frustra. Frustra autem est quod non habet propriam operationem; cum omnis res sit propter suam operationem, ut dicitur in II. de cælo (tex. 17.) Propria autem operatio intellectus agentis est facere species intelligibiles actu, abstractendo eas a phantasmatibus: unde dicitur in III. de Anima (tex. 18.) quod intellectus agens est *quo est omnia facere*. Sic igitur necesse est dicere, quod in Christo fuerint aliquæ species intelligibiles, per actionem intellectus agentis in intellectu possibili eius receptæ; quod est esse in ipso scientiam acquisitam, quam quidam experimentalem nominant.

Et ideo quamvis aliter alibi scripserim (III. sent. quæst. xix. art. 3. quæst. 5.) dicendum est, in Christo fuisse scientiam acquisitam, quæ proprie est scientia secundum modum humanum, non solum ex parte subiecti recipientis, sed etiam eo parte causæ agentis. Nam talis scientia ponitur in Christo secundum lumen intellectus agentis, quod est animæ humanæ connaturale. Scientia autem infusa attribuitur animæ humanæ secundum lumen desuper infusum; qui modus cognoscendi est proportionatus naturæ angelicæ. Scientia vero beata, per quam ipsa Dei essentia videtur, est propria, & connaturalis soli Deo, ut in prima parte dictum est (quæst. xxi. art. 4.)

Ad primum ergo dicendum, quod cum duplex sit modus acquirendi scientiam, scilicet inveniendū, & addiscendū; modus qui est per inventionem, est præcipuus; modus autem qui est per disciplinam, est secundarius. Unde dicitur in I. Ethic. (cap. xv. in fin.) *Ille quidem est o-*

*ptimus qui omnia per seipsum intelligit; bonus autem rursus est ille qui bene dicenti obedit.* Et idem Christo magis competeat habere scientiam acquisitam per inventionem quam per disciplinam; præsertim cum ipse daretur a Deo omnibus doctorum, secundum illud Ios. 12. *Lætami in Domino Deo vestro, quia dedit vobis doctorem iustitiæ.*

Ad secundum dicendum, quod humana mens duplicem habet respectum. Unum quidem ad superiora: & secundum hunc respectum anima Christi fuit plena per scientiam inditam. Alius autem respectus eius est ad inferiora, idest ad phantasmata, quæ sunt nata movere mentem humanam per virtutem intellectus agentis. Oportuit autem quod etiam secundum hunc respectum anima Christi scientia impleteretur, non quin prima plenitudo menti humanæ sufficeret secundum seipsam, sed oportebat eam perfici etiam secundum (a) comparationem ad phantasmata.

Ad tertium dicendum, quod alia ratio est de habitu acquisito, & de habitu infuso: nam habitus scientiæ acquiritur per comparationem humanæ mentis ad phantasmata, unde secundum eandem rationem non potest alius habitus iterato acquiri; sed habitus scientiæ infusus est alterius rationis, utpote a superiori descendens in animam, non secundum proportionem phantasmatum. Et ideo non est eadem ratio de utroque habitu.

## QUAESTIO X.

*De scientia beata animæ Christi,  
in quatuor articulos divisa.*

**D**einde considerandum est de qualibet prædictarum scientiarum. Sed quia de scientia divina dictum est in prima parte (quæst. xiv.) restat nunc dicendum de aliis tribus: primo de scientia beata; secundo de scientia indita; tertio de scientia acquisita.

Sed quia etiam de scientia beata, quæ in Dei visione consistit, plura dicta sunt in prima parte (quæst. xxi.) hic illa sola videntur dicenda quæ proprie pertinent ad animam Christi.

Circa hoc ergo quærentur quatuor. Primo, utrum anima Christi comprehenderit Verbum, sive divinam essentiam.

(a) Ita mss. & edit. passim, Al. conformationem.

Secundo, utrum in Verbo cognoverit omnia.

Tertio, utrum anima Christi in Verbo cognoverit infinita.

Quarto, utrum videat Verbum, siue divinam essentiam clarius qualibet alia creatura.

ARTICULUS I. 68

*Utrum anima Christi comprehenderit Verbum, siue divinam essentiam.*

III. diff. xiv. art. 2. quæst. 1. & 2. & ver. quæst. xx. art. 4. & 5. c. & quæst. 31. art. 1. c. & opusc. 11. cap. cxxvi. & I. Timoth. vi. lect. 3.

**A**D primum sic proceditur. Videtur quod anima Christi comprehenderit, & comprehendat Verbum, siue divinam essentiam. Dicit enim Ildorus (Lib. I. de summo bono cap. 111.) quod *Trinitas sibi sola nota est, & homini assumptio*. Igitur homo assumptus communicat cum sancta Trinitate in illa noticia sui quæ est sanctæ Trinitati propria. Huismodi autem est noticia comprehensionis. Ergo anima Christi comprehendit divinam essentiam.

2. Præterea. Magis est uniri Deo secundum esse personale quam secundum visionem. Sed, sicut Damascenus dicit in III Lib. (orth. Fid. cap. vi. cir. med.) *tota Divinitas in una personarum est unita humana nature in Christo*. Multo ergo magis tota natura divina videtur ab anima Christi; & ita videtur quod anima Christi comprehenderit divinam essentiam.

3. Præterea. Illud quod convenit Filio Dei per naturam, convenit filio hominis per gratiam, ut Augustinus dicit in I. de Trin. (implic. cap. xii.) Sed comprehendere divinam essentiam competit Filio Dei per naturam. Ergo filio hominis competit per gratiam; & ita videtur quod anima Christi per gratiam Verbum comprehenderit.

Sed contra est quod Augustinus dicit in Lib. lxxxii. Qn. (quæst. xiv. in princ.) *Quod se comprehendit, finitum est sibi*. Sed essentia divina non est finita in comparatione ad animam Christi, cum in infinitum eam excedat. Ergo anima Christi non comprehendit Verbum.

Respondeo dicendum, quod, sicut ex supra dictis patet (quæst. 11. art. 1. & 6.) sic facta est unio naturarum in persona

Christi, quod tamen proprietates utriusque naturæ inconfusa permanferit, ita scilicet quod *increatum manferit increatum, & creatum manferit infra limites creaturæ*, sicut Damascenus dicit in III. Lib. (orth. Fid. cap. 111. ad fin. & cap. tv.) Est autem impossibile quod aliqua creatura comprehendat divinam essentiam, sicut in prima parte ostensum est (quæst. xii. art. 1. 4. & 7.) eo quod infinitum non comprehenditur a finito. Et ideo dicendum, quod anima Christi nullo modo comprehendit divinam essentiam.

Ad primum ergo dicendum, quod homo assumptus (a) connumeratur divinæ Trinitati in sui cognitione, non ratione comprehensionis, sed ratione cuiusdam excellentissimæ cognitionis præ ceteris creaturis.

Ad secundum dicendum, quod nec etiam in unione, quæ est secundum esse personale, natura humana comprehendit Dei Verbum, siue naturam divinam; quæ quamvis tota unita fuerit humanæ naturæ in una persona Filii, non tamen fuit tota virtus Divinitatis ab humana natura quasi circumscripta. Unde Augustinus dicit in epist. ad Volusianum (cxxxv, al. 111. aliquant. a princ.) *Scire te volo, non hoc christianam habere doctrinam, quod ita Deus infusus sit carni, ut curam gubernandæ universitatis vel deseruerit, vel amiserit, vel ad illud corpusculum quasi contractam collectamque transfulerit*. Et similiter anima Corisli totam Dei essentiam videt; non tamen eam comprehendit: quia non totaliter eam videt, idest non ita perfecte sicut visibilis est, ut in prima parte expositum est (quæst. xii. art. 7.)

Ad tertium dicendum, quod verbum illud Augustini est intelligendum de gratia unionis, secundum quam omnia quæ dicuntur de Filio Dei secundum divinam naturam, etiam dicuntur de filio hominis propter identitatem suppositi. Et secundum hoc vere potest dici, quod filius hominis est comprehensor divinæ essentiae, non quidem secundum animam, sed secundum divinam naturam: per quem etiam modum potest dici, quod filius hominis est creator.

## ARTICULUS II. 69

*Utrum anima Christi in Verbo cognoverit omnia.*

III. *diff. xii. quest. 1. art. 2. quest. 2. & art. 4. ad 3. & 4. & ver. quest. viii. art. 4. c. & quest. xx. art. 4. & 5. & quel. xii. quest. 11. art. 1. c. & opusc. 11. cap. cxxvi. & opusc. 1x. quest. lxxxi.*

**A**D secundum sic proceditur. Videtur quod anima Christi in Verbo non cognoscat omnia. Dicitur enim Marci *xiii. 32. De die autem illa nemo scit, neque Angeli in celo, neque Filius, nisi Pater.* Non ergo omnia scit in Verbo.

2. Præterea. Quanto aliquis perfectius cognoscit aliquod principium, tanto plura in illo principio cognoscit. Sed Deus perfectius videt essentiam suam quam anima Christi. Ergo plura cognoscit in Verbo quam anima Christi. Non ergo anima Christi in Verbo cognoscit omnia.

3. Præterea. Quantitas scientiæ attenditur secundum quantitatem seibilium. Si ergo anima Christi sciret in Verbo omnia quæ scit Verbum, sequeretur quod scientia animæ Christi æquaretur scientiæ divinæ, creatum videlicet increato: quod est impossibile.

Sed contra est quod super illud *Apoal. v. Dignus est agnus qui occisus est, accipere Divinitatem, & sapientiam*, Glossa (ord.) dicit, „ idest omnium cognitio- „ nem. “

Respondendo dicendum, quod cum quæritur, an Christus cognoscat omnia in Verbo, ly *omnia* potest dupliciter accipi. Uno modo proprie, ut distribuatur per omnia quæ quocumque modo sunt, vel erunt, vel fuerunt vel facta, vel dicta, vel cogitata a quocumque, secundum quodcumque tempus. Et sic dicendum est, quod anima Christi in Verbo cognoscit omnia. Unusquisque enim intellectus creatus in Verbo cognoscit, non quidem omnia simpliciter, sed tanto plura, quanto perfectius videt Verbum. Nulli tamen intellectui beato deest quin cognoscat in Verbo omnia quæ ad ipsum spectant. Ad Christum autem, & ad eius dignitatem spectant quodammodo omnia, in quantum ei subiecta sunt omnia. Ipse etiam est omnium iudex constitutus a Deo, quia *filius hominis est*, ut dicitur *Ioan. v. &*

ideo anima Christi in Verbo cognoscit omnia existentia, secundum quodcumque tempus, & etiam hominum cogitatus, quorum est iudex; ita ut quod de eo dicitur *Ioan. 11. 25. Ipse enim sciebat quid esse in homine*, possit intelligi non solum quantum ad scientiam divinam, sed etiam quantum ad scientiam animæ eius, quam habet in Verbo. Alio modo ly *omnia* potest accipi magis large, ut extendatur non solum ab omnia quæ sunt actu secundum quodcumque tempus, sed etiam ad omnia quæcumque sunt in potentia, nunquam reducenda, vel reducta ad actum. Horum autem quædam sunt in sola potentia divina: & huiusmodi non omnia cognoscit in Verbo anima Christi. Hoc enim esset comprehendere omnia quæ Deus potest facere, quod esset comprehendere divinam virtutem, & per consequens divinam essentiam. Virtus enim quælibet cognoscitur per cognitionem omnium in quæ potest. Quædam vero sunt non solum in potentia divina, sed etiam in potentia creaturæ: & huiusmodi omnia scit anima Christi in Verbo: comprehendit enim in Verbo omnis creaturæ essentiam, & per consequens potentiam, & virtutem, & omnia quæ sunt in potentia creaturæ.

Ad primum ergo dicendum, quod illud verbum intellexerunt Arius, & Eunomius, non quantum ad scientiam animæ, quam in Christo non ponebant, ut supra dictum est (quest. 1x. art. 1.) sed quantum ad divinam cognitionem Filii, quem ponebant esse minorem Patre quantum ad scientiam. Sed istud stare non potest: quia per Verbum Dei facta sunt omnia, ut dicitur *Ioan. 1.* & inter alia facta sunt etiam per ipsum omnia tempora. Nihil autem per ipsum factum est quod ab eo ignoretur. Dicitur ergo nec scire diem, & horam iudicii, quia non facit scire: interrogatus enim super hoc ab Apostolis *Añ. r.* hoc eis noluit revelare; sicut e contrario legitur *Genesis xxxii. 12. Nunc cognovi quod timeas Deum*, idest nunc cognoscere te feci. Dicitur autem Pater scire, quia huiusmodi cognitionem tradidit Filio. Unde in hoc ipso quod dicitur, *nisi Pater*, datur intelligi, quod Filius cognoscit, & non solum quantum ad divinam naturam, sed etiam quantum ad humanam: quia, ut Chrysostomus argumentatur (hom. lxxviii. in Matth. aliquant. a princ.) si Christo homini datum est ut sciat qualiter oporteat iudicare, quod est

ma:

maius, multo magis datum est ei scire quod minus est, scilicet tempus iudicii. Origenes tamen ( tract. xxx. in Matth. vers. fin. ) hoc exponit de Christo secundum corpus eius, quod est Ecclesia, quæ hoc tempus ignorat. Quidam autem dicunt, hoc esse intelligendum de filio Dei adoptivo, non de filio naturali.

Ad secundum dicendum, quod Deus intantum perfectius cognoscit suam essentiam quam anima Christi, quod eam comprehendit. Et ideo cognoscit omnia, non solum quæ sunt in actu secundum quodcumque tempus, quæ dicitur cognoscere scientia visionis, sed etiam omnia quæcumque ipse facere potest, quæ dicitur cognoscere per simplicem intelligentiam, ut in I. habitum est ( quæst. xiv. art. 9. ) Scit ergo anima Christi omnia quæ Deus in seipso cognoscit per scientiam visionis; non tamen omnia quæ Deus in seipso cognoscit per scientiam simplicis intelligentiæ: & ita plura scit Deus in seipso quam anima Christi.

Ad tertium dicendum, quod quantitas scientiæ non solum attenditur secundum numerum scibilium, sed etiam secundum claritatem cognitionis. Quamvis igitur scientia animæ Christi, quam habet in Verbo, parificetur scientiæ visionis, quam Deus habet in seipso, quantum ad numerum scibilium; scientia tamen Dei excedit in infinitum, quantum ad claritatem cognitionis, scientiam animæ Christi: quia lumen increatum divini intellectus in infinitum excedit lumen creatum quodcumque receptum in anima Christi: licet, absolute loquendo, scientia divina excedat scientiam animæ Christi, non solum quantum ad modum cognoscendi, sed etiam quantum ad numerum scibilium, ut dictum est ( in cor. art. )

### ARTICULUS III. 70

*Utrum anima Christi in Verbo cognoverit infinita.*

1. P. quæst. xiv. art. 12. & III. diff. xiv. quæst. 1. art. 2. quæst. 4. ad 2. & veris. quæst. xx. art. 4. c. & ad 1. 2. & 5. & quol. 111. quæst. 11. art. 1. & op. 1x. quæst. lxxxi.

**A**D tertium sic proceditur. Videtur quod anima Christi non possit cognoscere infinita in Verbo. Quod enim infinitum cognoscatur, repugnat definitioni infiniti, prout dicitur in III. Phy-

sicor. ( tex. 63. ) quod *infinitum est cuius quantitatem accipientibus, semper est aliquid extra accipere*. Impossibile autem est definitionem a definito separari, quia hoc esset contradictoria esse simul. Ergo impossibile est quod anima Christi sciat infinita.

2. Præterea. Infinitorum scientia est infinita. Sed scientia animæ Christi non potest esse infinita: est enim capacitas eius finita, cum sit creata. Non ergo anima Christi potest cognoscere infinita.

3. Præterea. Infinito non potest esse aliquid maius. Sed plura continentur in scientia divina, absolute loquendo, quam in scientia animæ Christi, ut dictum est ( art. præc. ) Ergo anima Christi non cognoscit infinita.

Sed contra. Anima Christi cognoscit totam suam potentiam, & omnia in quæ potest. Potest autem in emundationem infinitorum peccatorum, secundum illud I. Ioan. 11. 2. *Ipse est propitiatio pro peccatis nostris; non autem pro nostris tantum, sed etiam pro totius mundi*. Ergo anima Christi cognoscit infinita.

Respondeo dicendum, quod scientia non est nisi entis, eo quod ens, & verum convertuntur. Dupliciter autem dicitur aliquid ens: uno modo simpliciter, quod scilicet est ens actu; alio modo secundum quid, quod scilicet est ens in potentia. Et quia, ut dicitur in IX. Metaph. ( tex. 20. ) unumquodque cognoscitur, secundum quod est actu; non autem secundum quod est in potentia; scientia primo & principaliter respicit ens actu, secundario autem respicit ens in potentia: quod quidem non secundum seipsum cognoscibile est, sed secundum quod cognoscitur illud in cuius potentia existit.

Quantum igitur ad primum modum scientiæ, anima Christi non scit infinita: quia non sunt infinita in actu, etiam si accipiantur omnia, quæcumque sunt in actu, secundum quodcumque tempus, eo quod status generationis, & corruptionis non durat in infinitum. Unde est certus numerus non solum eorum quæ sunt absque generatione, & corruptione, sed etiam generabilium, & corruptibilium.

Quantum vero ad alium modum scientiæ, anima Christi in Verbo scit infinita: scit enim, ut dictum est ( art. præc. ) omnia quæ sunt in potentia creaturæ. Unde cum in potentia creaturæ sint infinita, per hunc modum scit infinita, quasi quadam scientia simplicis intelligentiæ.



lignitæ, non autem scientiæ visionis.

Ad primum ergo dicendum, quod infinitum, sicut in prima parte dictum est ( quæst. vii. art. 1. ) dupliciter dicitur. Uno modo secundum rationem formæ; & sic dicitur infinitum negative, scilicet id quod est forma, vel actus non limitatus per materiam, vel subiectum, in quo recipiatur: & huiusmodi infinitum, quantum est de se, est maxime cognoscibile propter perfectionem actus, licet non sit comprehensibile a potentia finita creaturæ: sic enim dicitur Deus infinitus. Et tale infinitum anima Christi cognoscit, licet non comprehendat. Alio modo dicitur infinitum secundum rationem materiæ: quod quidem dicitur privative, ex hoc scilicet quod non habet formam quam natum est habere: & per hunc modum dicitur infinitum in quantitate. Tale autem infinitum ex sui ratione est ignotum, quia scilicet est quasi materia cum privatione formæ, ut dicitur III. Phys. ( tex. 65. ) Omnis autem cognitio est per formam, vel actum. Sic ergo si huiusmodi infinitum cognosci debeat secundum modum ipsius cogniti, impossibile est quod cognoscatur. Est enim modus ipsius ut accipiatur pars eius post partem; ut dicitur in III. Phys. ( tex. 62. & 63. ) Et hoc modo verum est quod eius quantitatem accipientibus, scilicet parte accepta post partem, semper est aliquid extra accipere. Sed sicut materialia possunt accipi ab intellectu immaterialiter, & multa unite; ita infinita possunt accipi ab intellectu non per modum infiniti, sed quasi finite; ut sic ea quæ sunt in seipsis infinita, sunt in intellectu cognoscens finita. Et hoc modo anima Christi scit infinita, in quantum scilicet scit ea non discurrendo per singula, sed in aliquo uno; puta in aliqua creatura, in cuius potentia existunt infinita, & principaliter in ipso Verbo.

Ad secundum dicendum, quod nihil prohibet aliquid esse infinitum uno modo quod est alio modo finitum; sicut si imaginemur in quantitatibus superficiem quæ sit secundum longitudinem infinita, secundum latitudinem autem finita. Sic igitur si essent infiniti homines numero, haberent quidem infinitatem secundum aliquid, scilicet secundum multitudinem; secundum tamen essentiam rationem haberent finitatem, eo quod omnium essentia esset limitata sub ratione unius speciei. Sed id quod est simpliciter infinitum, secundum essentiam rationem, est

Deus, ut in I. Parte dictum est ( quæst. vii. art. 2. ) Proprium autem obiectum intellectus est quod quid est, ut dicitur III. de Anima ( tex. 26. ) ad quod pertinet ratio speciei. Sic igitur anima Christi, propter hoc quod habet capacitatem finitam, id quod est simpliciter infinitum secundum essentiam, scilicet Deum, attingit quidem, sed non comprehendit, ut dictum est ( art. 1. hu. quæst. ) Id autem infinitum quod in creaturis est in potentia, potest comprehendi ab anima Christi: quia comparatur ad ipsam secundum essentiam rationem, ex qua parte infinitatem non habet. Nam etiam intellectus noster intelligit universale, puta naturam generis, vel speciei, quod quodammodo habet infinitatem, in quantum potest de infinitis prædicari.

Ad tertium dicendum, quod id quod est infinitum omnibus modis, non potest esse nisi unum. Unde Philosophus dicit in I. de cælo ( tex. 2. & 3. ) quod quia corpus est ad omnem partem dimensionatum, impossibile est esse plura corpora infinita. Si tamen aliquid esset infinitum uno modo tantum, nihil prohiberet esse plura talia infinita; sicut si intelligeremus plures lineas infinitas secundum longitudinem proratas in aliqua superficie finita secundum latitudinem.

Quia igitur infinitum non est substantia quædam, sed accidit rebus quæ dicuntur infinitæ, ut dicitur III. Physic. ( tex. 37. & 38. ) sicut infinitum multiplicatur secundum diversa subiecta, ita necesse est quod proprietates infiniti multiplicetur, ita quod conveniat unicuique illorum secundum illud subiectum. Est autem quædam proprietas infiniti quod infinito non sit aliquid maius. Sic igitur si accipiamus unam lineam infinitam, in illa non est aliquid maius inhiis: & similiter si accipiamus quamcumque aliarum linearum infinitarum, manifestum est quod unicuique earum partes sunt infinitæ. Oportet ergo quod omnibus illis partibus infinitis non sit aliquid maius in illa linea; tamen in alia linea, & in tertia erunt plures partes etiam infinitæ præter illas. Et hoc etiam videmus in numeris accidere: nam species numerorum parium sunt infinitæ, & similiter species numerorum imparium; & tamen numeri pares, & impares sunt plures quam pares. Sic igitur dicendum est, quod infinito simpliciter, & quoad omnia, nihil est maius; infinito autem secundum quid determinatum non est aliquid ma-

maius in illo ordine; potest tamen accipi aliquid aliud maius extra illum ordinem. Per hunc igitur modum infinita sunt in potentia creaturæ; & tamen plura sunt in potentia Dei quam in potentia creaturæ. Et similiter anima Christi scit infinita scientia simplicis intelligentiæ; plura tamen scit Deus secundum hunc scientiæ, vel intelligentiæ modum.

ARTICULUS IV. 71

*Utrum anima Christi videat Verbum, sive divinam essentiam, clarius qualibet alia creatura.*

*Sup. quæst. IX. art. 2. c. & inf. quæst. XI. art. 5. ad 1.*

**A**D quantum sic proceditur. Videtur quod anima Christi non perfectius videat Verbum quam qualibet alia creatura. Perfectio enim cognitionis est secundum medium cognoscendi; sicut perfectior est cognitio quæ habetur per medium syllogismi demonstrativi, quam quæ habetur per medium syllogismi dialectici. Sed omnes beati vident Verbum immediate per ipsam divinam essentiam, ut in I. Parte dictum est ( quæst. XII. art. 2. ) Ergo anima Christi non perfectius videt Verbum quam qualibet alia creatura.

2. Præterea. Perfectio visionis non excedit potentiam visivam. Sed potentia rationalis animæ, qualis est anima Christi, est infra potentiam intellectivam Angeli, ut patet per Dionysium IV. cap. cæl. Hier. ( ante med. ) Ergo anima Christi non perfectius videt Verbum quam Angeli.

3. Præterea. Deus in intuitum perfectius videt Verbum suum quam anima Christi. Sunt ergo infiniti gradus medii possibiles inter modum quo Deus videt Verbum suum, & inter modum quo anima Christi videt Verbum ipsum. Ergo non est asserendum, quod anima Christi perfectius videat Verbum, vel essentiam de vinam, quam qualibet alia creatura.

Sed contra est quod Apostolus dicit ad Ephes. 1. 20. quod Deus constituit Christum ad dexteram suam in cælestibus supra omnem Principatum, & Potestatem, & Virtutem, & Dominationem, & omne nomen quod nominatur, non solum in hoc seculo, sed etiam in futuro. Sed in illa

cælesti gloria tanto aliquis est superior, quanto perfectius cognoscit Deum. Ergo anima Christi perfectius videt Deum quam quævis alia creatura.

Respondeo dicendum, quod visio divinæ essentiae convenit omnibus beatis secundum participationem luminis derivati in eos a fonte Verbi Dei, secundum illud Eccli. 1. 5. *Fons sapientiæ, Verbum Dei in excelsis.* Huic autem Verbo Dei propinquius coniungitur anima Christi, quæ est unita Verbo in persona, quam quævis alia creatura. Et ideo plenius recipit influentiam luminis, in quo Deus videtur ab ipso Verbo, quam quæcumque alia creatura. Et ideo præ ceteris creaturis perfectius videt ipsam primam veritatem, quæ est Dei essentia: unde dicitur Ioan. 1. 14. *Vidimus gloriam eius, quæst Unigeniti a Patre plenum non solum gratiæ, sed etiam veritatis.*

Ad primum ergo dicendum, quod perfectio cognitionis, quantum est ex parte cogniti, attenditur secundum medium; sed quantum est ex parte cognoscentis, attenditur secundum potentiam, vel habitum. Et inde est quod etiam inter homines per unum medium unus perfectius cognoscit aliquam conclusionem quam alius. Et per hunc modum anima Christi, quæ abundantiori repletur lumine, perfectius cognoscit divinam essentiam quam alii beati, licet omnes ipsam Dei essentiam videant per seipsam.

Ad secundum dicendum, quod visio divinæ essentiae excedit naturalem potentiam cuiuslibet creaturæ, ut in prima parte dictum est ( quæst. XII. art. 4. ) Et ideo gradus in ipsa attenduntur magis secundum ordinem gratiæ in quo Christus est excellentissimus, quam secundum ordinem naturæ, secundum quem natura angelica præteritur humanæ.

Ad tertium dicendum, quod, sicut supra dictum est de gratia ( quæst. VII. art. 12. ) quod non potest esse maior gratia quam gratia Christi per respectum ad unionem Verbi: idem etiam dicendum est & de perfectione divinæ visionis; licet absolute considerando, possit esse aliquis gradus sublimior secundum infinitatem divinæ potentiae.

## QUAESTIO XI.

*De scientia indita, vel infusa  
animæ Christi,*

*in sex articulos divisa.*

**D**Einde considerandum est de scientia indita, vel infusa animæ Christi: & circa hoc quaeruntur sex.

Primo, utrum secundum hanc scientiam Christus sciat omnia.

Secundo, utrum hac scientia uti poterit non convertendo se ad phantasmata.

Tertio, utrum hæc scientia fuerit colativa.

Quarto de comparatione huius scientiæ ad scientiam angelicam.

Quinto, utrum fuerit scientia habitualis.

Sexto, utrum fuerit distincta per diversos habitus.

## ARTICULUS I. 71

*Utrum secundum scientiam inditam, vel infusam Christus omnia sciat.*

*Inf. quæst. xii. art. 1. c. & ad 3. & III. dist. xiv. quæst. 1. art. 3. quæst. 1. & quæst. 4. cor. & quæst. 5. ad 2. & ver. quæst. xx. art. 6. & opusc. 11. cap. cccxvi.*

**A**D primum sic proceditur. Videtur quod secundum hanc scientiam Christus non cognoverit omnia. Hæc enim scientia indita est Christo ad perfectionem possibilis intellectus eius. Sed intellectus possibilis animæ humanæ non videtur esse in potentia ad omnia simpliciter, sed ad illa sola in quæ potest reduci in actum per intellectum agentem, qui est proprium activum ipsius; quæ quidem sunt cognoscibilia secundum rationem naturalem. Ergo secundum hanc scientiam non cognovit Christus ea quæ naturalem rationem excedunt.

1. Præterea. Phantasmata se habent ad intellectum humanum sicut colores ad visum, ut dicitur in III. de Anima (implic. tex. 18. 31. & 39.) Sed non pertinet ad perfectionem visivæ potentiæ cognoscere ea quæ sunt omnino absque colore. Ergo neque ad perfectionem intellectus humani pertinet cognoscere ea quorum non possunt esse phantasmata,

sicut sunt substantiæ separatae. Sic ergo cum huiusmodi scientia fuerit in Christo ad perfectionem animæ intellectivæ ipsius, videtur quod per huiusmodi scientiam non cognoverit substantias separatas.

3. Præterea. Ad perfectionem intellectus non pertinet cognoscere singularia. Videtur ergo quod per huiusmodi scientiam anima Christi singularia non cognoverit.

Sed contra est quod dicitur Isa. xi. quod replebit eum Spiritus sapientiæ, & intellectus, scientiæ, & consilii: sub quibus comprehenduntur omnia cognoscibilia: nam ad sapientiæ pertinet cognitio omnium divinorum; ad intellectum autem pertinet cognitio omnium immaterialium; ad scientiam autem pertinet cognitio omnium conclusionum; ad consilium autem cognitio omnium agibilium. Ergo videtur quod Christus secundum scientiam inditam sibi per Spiritum sanctum habuerit omnium cognitionem.

Respondeo dicendum, quod, sicut prius dictum est (quæst. ix. art. 1.) conveniens fuit ut anima Christi omnino esset perfecta per hoc quod omnis eius potentialitas sit reducta ad actum. Est autem considerandum, quod in anima humana, sicut in qualibet creatura, consideratur duplex potentia passiva: una quidem per comparationem ad agens naturale; alia vero per comparationem ad agens primum, quod potest quamlibet creaturam reducere in actum aliquem altiore actu in quem reducitur per agens naturale: & hæc consuevit vocari potentia obedientiæ in creatura. Utraque autem potentia animæ Christi fuit reducta in actum secundum hanc scientiam divinitus inditam. Et ideo secundum eam anima Christi primo quidem cognovit quæcumque ab homine cognosci possint per virtutem luminis intellectus agentis; sicut sunt quæcumque pertinent ad scientias humanas: secundo vero per hanc scientiam cognovit Christus omnia illa quæ per revelationem divinam hominibus innotescunt, sive pertineant ad donum sapientiæ, sive ad donum prophetiæ, sive ad quodcumque donum Spiritus sancti: omnia enim ista abundantius, & plenius ceteris cognovit anima Christi. Ipsam tamen Dei essentiam per hanc scientiam non cognovit, sed solum per primam, de qua supra dictum est (quæst. præc.)

Ad primum ergo dicendum, quod ratio illa procedit de potentia naturali

animæ intellectivæ, quæ scilicet est per comparationem ad agens naturale, quod est intellectus agens.

Ad secundum dicendum, quod anima humana in statu huius vitæ, quia quodammodo est ad corpus obligata, ut sine phantasmate intelligere non possit, non potest intelligere substantias separatas. Sed post statum huius vitæ anima separata poterit aqualiter substantias separatas per seipsam cognoscere, ut in I. Parte dictum est (quæst. lxxxix. art. 1. & 2.) & hoc præcipue manifestum est circa animas beatorum. Christus autem ante passionem non solum fuit viator, sed etiam comprehensor: unde anima eius poterat cognoscere substantias separatas per modum quo cognoscit anima separata.

Ad tertium dicendum, quod cognitio singularium non pertinet ad perfectionem animæ intellectivæ secundum cognitionem speculativam; pertinet tamen ad perfectionem eius secundum cognitionem practicam, quæ non perficitur absque cognitione singularium, in quibus est operatio, ut dicitur in VI. Ethic. (cap. vii. cir. fi.) Unde ad prudentiam requiritur memoria præteritorum, cognitio præsentium, & providentia futurorum, ut Tullius dicit in sua Rhetor. (Lib. II. de invent. aliquant. ante fi.) Quia igitur Christus habuit plenitudinem prudentiæ secundum donum consilii, consequens est quod cognoverit omnia singularia præsentia, præterita, & futura.

## ARTICULUS II. 73

*Utrum Christus hac scientia uti potuerit, non convertendo ad se phantasmata.*

*Inf. art. 4. Et quæst. xxxiv. art. 2. ad 3. Et III. dist. xiv. quæst. 1. art. 3. quæst. 2. Et 3. c. Et ver. quæst. xx. art. 3. ad 1.*

**A**D secundum sic proceditur. Videtur quod anima Christi non potuerit intelligere secundum hanc scientiam, nisi convertendo se ad phantasmata. Quia, ut dicitur III. de Anima (implic. tex. 18. 31. & 39.) phantasmata comparantur ad animam intellectivam humanam, sicut colores ad visum. Sed potentia visiva Christi non potuit exire in actum nisi convertendo se ad colores. Ergo etiam neque anima intellectiva eius potuit aliquid intelligere nisi convertendo se ad phantasmata.

*1. Tb. Oper. Tom. XXIV.*

2. Præterea. Anima Christi est eiusdem naturæ cum animabus nostris: alioquin ipse non esset eiusdem speciei nobiscum, contra id quod Apostolus dicit Philip. ii. 7. quod est in similitudinem hominem factus. Sed anima nostra non potest intelligere nisi convertendo se ad phantasmata. Ergo etiam neque anima Christi.

3. Præterea. Sensus dati sunt homini ut deserviant intellectui. Si igitur anima Christi intelligere potuit absque conversione ad phantasmata, quæ per sensus accipiuntur, sequeretur quod sensus frustra fuissent in anima Christi: quod est inconveniens. Videtur igitur quod anima Christi non potuerit intelligere nisi convertendo se ad phantasmata.

Sed contra est quod anima Christi cognovit quædam quæ per phantasmata cognosci non possunt, scilicet substantias separatas. Potuit igitur intelligere, non convertendo se ad phantasmata.

Respondeo dicendum, quod Christus statu ante passionem fuit simul viator, & comprehensor, ut infra magis patebit (quæst. xv. art. 10.) & præcipue quidem conditiones viatoris habuit ex parte corporis, inquantum fuit passibile; conditiones vero comprehensoris maxime habuit ex parte animæ intellectivæ. Est autem hæc conditio animæ comprehensoris ut nullo modo subdatur suo corpori, aut ab eo dependeat, sed totaliter ei dominetur. Unde & post resurrectionem ex anima gloria redundabit ad corpus. Ex hoc autem anima hominis viatoris indiget ad phantasmata converti, quod est corpori obligata, & quodammodo ei subiecta, & ab eo dependens. Et ideo animæ beatæ & ante resurrectionem, & post intelligere possunt absque conversione ad phantasmata. Et hoc etiam oportet dicere de anima Christi, quæ plene habuit facultatem comprehensoris.

Ad primum ergo dicendum, quod similitudo illa quam Philosophus ponit, non attenditur quantum ad omnia. Manifestum est enim quod finis potentie visivæ est cognoscere colores; finis autem potentie intellectivæ non est cognoscere phantasmata, sed cognoscere species intelligibiles, quas apprehendit a phantasmatibus, & in phantasmatibus secundum statum præsentis vitæ. Est igitur similitudo quantum ad hoc ad quod alpicit utra-

F tra-

traque potentia, non autem quantum ad hoc in quod utriusque potentiae conditio terminatur: Nihil autem prohibet, secundum diversos status ex diversis rem aliquam ad suum finem tendere. Finis tamen proprius alicuius rei semper est unus. Et ideo licet visus nihil cognoscat absque colore; intellectus tamen secundum aliquem statum potest cognoscere absque phantasmate, sed non absque specie intelligibili.

Ad secundum dicendum, quod licet anima Christi fuerit eiusdem naturae cum animabus nostris; habuit tamen aliquem statum quem animae nostrae non habent nunc in re, sed solum in spe, scilicet statum comprehensoris.

Ad tertium dicendum, quod licet anima Christi potuerit intelligere non convertendo se ad phantasmata; poterat tamen intelligere, se ad phantasmata convertendo. Et ideo sensus non fuerunt frustra in ipsa; praesertim cum sensus non duntaxat homini solum ad scientiam intellectivam, sed etiam ad necessitatem vitae animalis.

### ARTICULUS III. 74

*Utrum haec scientia fuerit collativa.*

III. dist. xiv. quaest. 2. art. 3. quaest. 3. & ver. quaest. xx. art. 3. ad 1.

**A**D tertium sic proceditur. Videtur quod anima Christi hanc scientiam non habuerit per modum collationis. Dicit enim Damascenus in III. Lib. (orth. Fid. cap. xiv. ad fi. & Lib. II. cap. xxii. amed.) *In Christo non dicimus consilium, neque electionem.* Non autem remouetur haec a Christo, nisi inquantum importat collationem, & discursum. Ergo videtur quod in Christo non fuerit scientia collativa, vel discursiva.

2. Praeterea. Homo indiget collatione, & discursu rationis ad inquirenda ea quae ignorat. Sed anima Christi cognovit omnia, ut supra dictum est (quaest. praec. art. 2.) Non ergo in ea fuit scientia discursiva, vel collativa.

3. Praeterea. Scientia animae Christi se habuit per modum comprehensorum, qui Angelis conformantur, ut dicitur Matth. xxii. Sed in Angelis non est scientia discursiva, seu collativa, ut patet per Dionysium vii. cap. de div. Nom. (inter princ. & med. lect. 2.) Ergo nec etiam in anima Christi fuit scientia discursiva, seu collativa.

Sed contra est quod Christus habuit animam rationalem, ut supra habitum est (quaest. v. art. 3.) Propria autem operatio animae rationalis est conferre, & discurrere de uno in aliud. Ergo in Christo fuit scientia discursiva, vel collativa.

Respondeo dicendum, quod aliqua scientia potest esse discursiva, vel collativa dupliciter. Uno modo quantum ad scientiae acquisitionem; sicut accidit in nobis, qui procedimus ad cognoscendum unum per aliud, sicut effectus per causas, vel e converso. Et hoc modo scientia animae Christi non fuit discursiva, vel collativa; quia haec scientia, de qua nunc loquimur, fuit sibi divinitus indita, non per investigationem rationis acquisita. Alio modo potest dici aliqua scientia discursiva, vel collativa quantum ad usum; sicut interdum scientes ex causis concludunt effectus, non ut de novo addiscant, sed volentes uti scientia quam iam habent. Et hoc modo scientia animae Christi poterat esse collativa, & discursiva; poterat enim ex uno aliud concludere, sicut sibi placebat; sicut Matth. xvii. cum Dominus quaesisset a Petro, a quibus Reges terrae tributum acciperent, a filiis suis, an ab alienis, Petro respondente, quod alienis, concludit: *Ergo liberi sunt filii.*

Ad primum ergo dicendum, quod a Christo excluditur consilium quod est cum dubitatione, & per consequens electio, quae in sui ratione tale consilium includit; non autem a Christo excluditur usus consiliandi.

Ad secundum dicendum, quod ratio illa procedit de discursu, & collatione, prout ordinantur ad scientiam acquirendam.

Ad tertium dicendum, quod beati conformantur Angelis quantum ad dona gratiarum; manet tamen differentia quae est secundum naturam: & ideo uti collatione, & discursu, est connaturale animabus beatorum, non autem Angelis.

## ARTICULUS IV. 75

*Utrum hæc scientia in Christo fuerit maior scientia Angelorum.*

*Sup. quest. x. art. 4. & inf. art. 6. ad 1. & quest. lix. art. 6. c. & III. dist. xiv. quest. 1. art. 1. quest. 2. ad 1. & art. 2. quest. 2. c. & art. 3. quest. 2. c. & ver. quest. xx. art. 3. c. & art. 4. c. & 6. corp. & opus. 11. cap. ccxvi.*

**A**D quantum sic proceditur. Videtur quod huiusmodi scientia in Christo fuerit minor quam in Angelis. Perfectio enim proportionatur perfectibili. Sed anima humana secundum ordinem naturæ est infra naturam angelicam. Cum igitur scientia de qua nunc loquimur, sit indita animæ Christi ad perfectionem ipsius, videtur quod huiusmodi scientia fuerit infra scientiam qua perficitur natura angelica.

2. Præterea. Scientia animæ Christi fuit aliquo modo collativa, & discursiva: quod non potest dici de scientia angelica. Ergo scientia animæ Christi fuit inferior scientia Angelorum.

3. Præterea. Quanto aliqua scientia est magis immaterialis, tanto est potior. Sed scientia Angelorum est immaterialior quam scientia animæ Christi: quia anima Christi est actus corporis, & habet conversionem ad phantasmata; quod de Angelis dici non potest. Ergo scientia Angelorum est potior quam scientia Christi.

Sed contra est quod Apostolus dicit *Hebr. 11. 9. Eum autem qui modicoquam Angeli minoratus est, videmus Iesum propter passionem mortis gloria, & honore coronatum*: ex quo apparet quod propter solam passionem mortis dicatur Christus ab Angelis minoratus. Non ergo propter scientiam.

Respondendo dicendum, quod scientia indita animæ Christi potest dupliciter considerari: uno modo secundum illud quod habuit a causa influente; alio modo secundum id quod habuit ex subiecto recipiente. Quantum igitur ad primum, scientia indita animæ Christi fuit multo excellentior quam Angelorum scientia & quantum ad multitudinem cognitorum, & quantum ad scientiæ certitudinem: quia lumen spiritualis gratiæ, quod est inditum animæ Christi, est multo excellentius quam lumen quod pertinet ad na-

turam angelicam. Quantum autem ad secundum, scientia indita animæ Christi est infra scientiam angelicam, scilicet quantum ad modum cognoscendi, qui est naturalis animæ humanæ, qui scilicet est per conversionem ad phantasmata, & per collationem, & discursum.

Et per hoc patet responsio ad obiecta.

## ARTICULUS V. 76

*Utrum hæc scientia fuerit habitualis.*

*III. dist. xiv. quest. 1. art. 1. quest. 2. & 3. & ver. quest. xx. art. 2.*

**A**D quantum sic proceditur. Videtur quod in Christo non fuerit habitualis scientia. Dictum est enim (*quest. ix. art. 1.*) quod animam Christi deicit maxima perfectio scientiæ. Sed maior est perfectio scientiæ existentis in actu quam existentis in potentia, vel habitu. Ergo conveniens simile videtur quod omnia sciret in actu. Non ergo habuit habituales scientiam.

2. Præterea. Cum habitus ordinetur ad actum, frustra videtur esse habituales scientia, quæ nunquam in actum reducit. Cum autem Christus sciverit omnia, sicut iam dictum est (*quest. x. art. 2.*) non potuisset actu omnia illa considerare, unum post aliud cogitando, quia infinita non est enumerando pertransire. Frustra igitur fuisset in eo quorundam scientia habitualis: quod est inconveniens. Habuit ergo actualem scientiam omnium quæ scivit, & non habituales.

3. Præterea. Scientia habitualis est quedam perfectio scientis. Perfectio autem est nobilior perfectibili. Si igitur in anima Christi fuisset aliquis habitus scientiæ creatus, sequeretur quod aliquid creatum esset nobilius quam anima Christi. Non igitur in anima Christi fuit scientia habitualis.

Sed contra. Scientia Christi, de qua nunc loquimur, univoca fuit scientiæ nostræ, sicut & anima eius fuit unius speciei cum anima nostra. Sed scientia nostra est in genere habitus. Ergo & scientia Christi fuit habitualis.

Respondendo dicendum, quod, sicut supra dictum est (*art. præc.*) modus huius scientiæ inditæ animæ Christi fuit conveniens ipsi subiecto recipienti. Nam receptum est in recipiente per modum

recipientis. Est autem hic modus connaturalis animæ humanæ, ut quandoque sit intelligens actu, quandoque in potentia. Medium autem inter puram potentiam, & actum completum est habitus. Eiusdem autem generis sunt medium, & extrema. Et sic patet quod modus connaturalis animæ humanæ est ut recipiat scientiam per modum habitus. Et ideo dicendum est, quod scientia iudita animæ Christi fuit habitualis; & poterat ea uti quando volebat.

Ad primum ergo dicendum, quod in anima Christi fuit duplex cognitio, & utraque suo modo perfectissima. Uno quidem excedens modum naturæ humanæ, quia scilicet videt Dei essentiam, & alia in ipsa; & hæc fuit perfectissima simpliciter: & talis cognitio non fuit habitualis, sed actualis respectu omnium quæ hoc modo cognovit. Alia autem cognitio fuit in Christo secundum modum proportionatum humanæ naturæ, prout scilicet cognovit res per species sibi divinitus inditas, de qua cognitione nunc loquimur: & hæc cognitio non fuit simpliciter perfectissima, sed perfectissima in genere humanæ cognitionis: unde non oportuit quod esset semper in actu.

Ad secundum dicendum, quod habitus reducit in actum ad imperium voluntatis: nam habitus est quo quis agit cum voluerit. Voluntas autem indeterminate se habet ad infinita. Nec tamen hoc est frustra, licet non in omnia actualiter tendat; dummodo tendat actualiter in id quod convenit loco, & tempori. Et ideo etiam habitus non est frustra, licet non omnia reducantur in actum, quæ habitui subiacent; dummodo reducat in actum id quod congruit ad debitum finem voluntatis, secundum exigentiam negotiorum, & temporis.

Ad tertium dicendum, quod bonum, sicut & ens, dupliciter dicitur. Uno modo simpliciter: & sic bonum, & ens dicitur substantia, quæ in suo esse, & sua bonitate subsistit. Alio modo dicitur ens, & bonum secundum quid: & hoc modo dicitur ens, & bonum accedens, non quia ipsum habeat esse, & bonitatem, sed quia eius subiectum est ens, & bonum. Sic igitur scientia habitualis non est simpliciter melior, aut dignior quam anima Christi, sed secundum quid; cum tota bonitas habitualis scientiæ cedat in bonitatem subiecti.

## ARTICULUS VI. 17

*Utrum hæc scientia fuerit distincta per diversos habitus.*

III. dist. xiv. quæst. 1. art. 3. quæst. 3.

**A**D sextum sic proceditur. Videtur quod in anima Christi non fuerit nisi unus habitus scientiæ. Quanto enim scientia est perfectior, tanto est magis unita: unde & Angeli superiores per formas magis universales cognoscunt, ut in prima parte dictum est (quæst. iv. art. 3.) Sed scientia Christi fuit perfectissima. Ergo fuit maxima una. Non ergo fuit distincta per plures habitus.

2. Præterea. Fides nostra derivatur a scientia Christi: unde dicitur Hebr. xii. 2. *Aspicientes in auctorem fidei, & consummatorem Iesum.* Sed unus est habitus fidei de omnibus credibilibus, ut in secunda parte dictum est (2. 2. quæst. iv. art. 6.) Ergo multo magis in Christo non fuit nisi unus habitus scientiæ.

3. Præterea. Scientiæ distinguuntur secundum diversas rationes sciibilium. Sed anima Christi omnia scivit secundum unam rationem, scilicet secundum lumen divinitus infusum. Ergo in Christo fuit tantum unus habitus scientiæ.

Sed contra est quod Zachar. iii. 9. dicitur, quod *super lapidem unum*, id est Christum, *sunt septem oculi.* Per oculum autem scientia intelligitur. Ergo videtur quod in Christo fuerint plures habitus scientiæ.

Respondetur dicendum, quod, sicut dictum est (art. 2. & 4. huius quæst.) scientia indita animæ Christi habuit modum connaturalem animæ humanæ. Est autem connaturale animæ humanæ ut recipiat species in minori universalitate quam Angeli; ita scilicet quod diversas naturas específicas per diversas species intelligibiles cognoscat. Ex hoc autem contingit quod in nobis sint diversi habitus scientiarum, quia sunt diversa sciibilium genera, inquantum scilicet ea quæ reducuntur in unum genus, eodem habitu scientiæ cognoscuntur; sicut dicitur in I. Posterior. (tex. 42.) *quod una scientia est quæ est unius generis subiecti.* Et ideo scientia indita animæ Christi.

Christi fuit distincta secundum diversos habitus.

Ad primum ergo dicendum, quod, sicut supra dictum est (art. 4. huius quæst.) scientia animæ Christi est perfectissima, & excedens Angelorum scientiam quantum ad id quod consideratur in ea ex parte Dei influentis; est tamen infra scientiam angelicam quantum ad modum recipientis. Et ad huiusmodi modum pertinet quod scientia illa per multos habitus distinguatur, quasi per species magis particulares existens.

Ad secundum dicendum, quod fides nostra innititur primæ veritati: & ideo Christus est auctor fidei nostræ secundum divinam scientiam, quæ est simpliciter una.

Ad tertium dicendum, quod lumen divinitus infusum est communis ratio intelligendi ea quæ divinitus revelantur, sicut & lumen intellectus agentis eorum quæ naturaliter cognoscuntur. Et ideo oportuit esse in anima Christi proprias species singularum rerum, ad cognoscendum cognitione propria unumquodque: & secundum hoc oportuit esse diversos habitus scientiæ in anima Christi, ut dictum est (in cor. art.)

## QUAESTIO XII.

*De scientia animæ Christi acquisita, in quatuor articulos divisa.*

**D**Einde considerandum est de scientia Christi acquisita, vel experimentalis: & circa hoc quaeruntur quatuor.

Primo, utrum secundum hanc scientiam cognoverit omnia.

Secundo, utrum in hac scientia profecerit.

Tertio, utrum aliquid ab homine didicerit.

Quarto, utrum acceperit aliquid ab Angelis.

### ARTICULUS I. 78

*Utrum secundum hanc scientiam Christus cognoverit omnia.*

**A**D primum sic proceditur. Videtur quod secundum hanc scientiam Christus non omnia cognoverit. Huiusmodi enim scientia per experientiam acquiritur. Sed Christus non omnia expertus

est. Non igitur omnia secundum hanc scientiam scivit.

2. Præterea. Homo scientiam per sensum acquirit. Sed non omnia sensibilia sensibus corporalibus Christi fuerunt subiecta. Non igitur secundum hanc scientiam omnia cognovit Christus.

3. Præterea. Quantitas scientiæ attenditur secundum seibilia. Si igitur secundum hanc scientiam Christus omnia scivisset, esset in eo scientia acquisita æqualis scientiæ infusæ, & scientiæ beatæ: quod est inconveniens. Non ergo secundum hanc scientiam Christus omnia scivit.

Sed contra est quod nihil imperfectum fuit in Christo quantum ad animam. Fuisset autem imperfecta hæc eius scientia, si secundum eam non scivisset omnia: quia imperfectum est cui potest fieri additio. Ergo secundum hanc scientiam Christus omnia scivit.

Respondeo dicendum, quod scientia acquisita ponitur in anima Christi, ut supra dictum est (quæst. ix. art. 4.) propter convenientiam intellectus agentis, ne eius actio sit otiosa, quæ facit intelligibilia in actu; sicut & scientia indita, vel infusa ponitur in anima Christi ad perfectionem intellectus possibilis. Sicut autem intellectus possibilis est quo est omnia fieri, ita intellectus agens est quo est omnia facere, ut dicitur in III. de Anima (text. 18.) Et ideo sicut per scientiam inditam scivit anima Christi omnia illa ad quæ intellectus possibilis est quocumque modo in potentia; ita per scientiam acquisitam scivit omnia illa quæ possunt sciri per actionem intellectus agentis.

Ad primum ergo dicendum, quod scientia rerum acquiri potest non solum per experientiam ipsarum, sed etiam per experientiam quarundam aliarum rerum; cum ex virtute luminis intellectus agentis possit homo procedere ad intelligendum effectus per causas, & causas per effectus, & similia per similia, & contraria per contraria. Sic igitur licet Christus non fuerit omnia expertus; ex his tamen quæ expertus est, in omnium devenit notitia.

Ad secundum dicendum, quod licet sensibus corporalibus Christi non fuerint subiecta omnia sensibilia; fuerunt tamen sensibus eius subiecta aliqua sensibilia, ex quibus propter excellentissimam vim rationis eius potuit in aliorum notitiam devenire per modum prædictum (in fol.

F 3 præc.)

S. Tb. Oper. Tem. XXIV.



præc.) sicut videndo corpora celestia, potuit comprehendere eorum virtutes, & effectus, quos habent in istis inferioribus, qui eius sensibus non subiacebant: & eadem ratione ex quibuscumque aliis inf aliorum notitiam devenire potuit.

Ad tertium dicendum, quod secundum istam scientiam anima Christi non simpliciter cognovit omnia, sed illa omnia quæ per lumen intellectus agentis homini sunt cognoscibilia. Unde per hanc scientiam non cognovit essentias substantialium separatarum, nec etiam singularia præterita, præsentia, & futura, quæ tamen cognovit per scientiam inditam, ut supra dictum est (in cor. art. & quæst. præc.)

## ARTICULUS II. 79

*Utrum Christus in hac scientia profecerit.*

*Su. quæst. VII. art. II. ad 3. & inf. art. 3. ad 3. & quæst. XV. art. 8. & III. dist. XIII. in exp. lit. fin. & dist. XIV. quæst. 1. art. 3. quæst. 5. & ver. quæst. XX. art. 6. ad 3. & op. II. cap. CXXV. & Ioan. 1. lect. 10 fin. & Heb. v.*

**A**D secundum sic proceditur. Videtur quod secundum hanc scientiam Christus non profecerit. Sicut enim secundum scientiam beatitudinis, & secundum scientiam infusam Christus cognovit omnia; ita & secundum hanc scientiam acquisitam, ut ex dictis patet (art. præc.) Sed secundum illas scientias non profecit. Ergo nec secundum istam.

2. Præterea. Proficere est imperfecti: quia perfectum additionem non recipit. Sed in Christo non est ponere scientiam imperfectam. Ergo secundum hanc scientiam Christus non profecit.

3. Præterea. Damascenus dicit (Lib. III. orth. Fid. cap. XXII.) *Qui proficere dicunt Christum sapientia, & gratia, ut additamentum sensus suscipientem, non venerantur unionem quæ est secundum hypostasim.* Sed impium est illam unionem non venerari. Ergo impium est dicere, quod scientia eius additamentum accepit.

Sed contra est quod dicitur Luc. II. 52. *quod Iesus proficiebat sapientia, & ætate, & gratia apud Deum, & homines:* & Ambrosius dicit (Lib. de incarn. Dom. cap. VII. a. med.) *quod proficiebat secundum sapientiam humanam.*

Humana autem sapientia est quæ humano modo acquiritur, scilicet per lumen intellectus agentis. Ergo Christus secundum hanc scientiam profecit.

Respondeo dicendum, quod duplex est profectus scientiæ: unus quidem secundum essentiam, prout scilicet ipse habitus scientiæ augetur; alius autem secundum effectum; puta si aliquis secundum eundem & æqualem scientiæ habitum primo minora aliis demonstraret, & postea maiora, & subtiliora.

Hoc autem secundo modo manifestum est quod Christus in scientia, & gratia profecit, sicut & in ætate, quia scilicet secundum augmentum ætatis opera maiora faciebat, quæ scilicet maiorem scientiam, & gratiam demonstrabant.

Sed quantum ad ipsum habitum scientiæ, manifestum est quod habitus scientiæ infusæ in eo non est augmentatus; cum a principio plenarie fuerit sibi omnium scientia infusa; & multo minus scientia beata in eo augeri potuit: de scientia enim divina, quod non possit augeri, supra in prima parte dictum est (quæst. XIV. art. 15.) Si igitur præter habitum scientiæ infusum, non sit in anima Christi aliquis habitus scientiæ acquisitæ, ut quibusdam videtur, & mihi aliquando visum est (III. dist. XIV. quæst. 1. art. 3. quæst. 5.) nulla scientia in Christo augmentata fuit secundum essentiam, sed solum per experientiam, idest conversionem specierum intelligibilium inditarum ad phantasmatia. Et secundum hoc dicunt, quod scientia Christi profecit secundum experientiam, convertendo scilicet species intelligibiles inditas ad ea quæ de novo per sensum accepit. Sed quia inconueniens videtur quod aliqua naturalis actio intelligibilis Christo deesset, cum extrahere species intelligibiles a phantasmatibus sit quædam naturalis actio hominis secundum intellectum agentem, conueniens videtur hanc etiam actionem in Christo ponere. Et ex hoc sequitur quod in anima Christi aliquis habitus scientiæ fuerit, qui per huiusmodi abstractionem specierum potuerit augmentari; ex hoc scilicet quod intellectus æens post primas species intelligibiles abstractas a phantasmatibus poterat etiam alias & alias abstrahere.

Ad primum ergo dicendum, quod tam scientia infusa anime Christi, quam scientia beata fuit effectus agentis infusæ

nitæ virtutis, qui potest simul totum operari: & ita in neutra scientia Christus profecit, sed a principio eam perfectam habuit. Sed scientia acquisita causatur ab intellectu agente, qui non simul totum operatur, sed successive: & ideo secundum hanc scientiam Christus non a principio scivit omnia, sed paulatim, & post aliquod tempus, scilicet in perfecta ætate: quod patet ex hoc quod Evangelista simul dicit eum profecisse scientia, & ætate.

Ad secundum dicendum, quod hæc etiam scientia in Christo semper fuit perfecta secundum tempus; licet non semper fuerit perfecta simpliciter, & secundum naturam: & ideo potuit habere augmentum.

Ad tertium dicendum, quod verbum Damasceni intelligitur quantum ad illos qui dicunt simpliciter fuisse factam additionem scientiæ Christi, scilicet secundum quamcumque eius scientiam, & præcipue secundum infusam, quæ causatur in anima Christi ex unione ad Verbum; non autem intelligitur de augmento scientiæ quæ ex naturali agente causatur.

## ARTICULUS III. 80

*Utrum Christus aliquid ab homine didicerit.*

**A**D tertium sic proceditur. Videtur quod Christus aliquid ab hominibus didicerit. Dicitur enim Luc. 11. quod invenerunt eum in templo in medio doctorum interrogantem illos, & respondens. Interrogare vero, & respondere est addiscere. Ergo Christus aliquid didicit ab hominibus.

2. Præterea. Acquirere scientiam ab homine docente videtur esse nobilior quam acquirere a rebus sensibilibus: quia in anima hominis docentis sunt species intelligibiles in actu; in rebus autem sensibilibus sunt species intelligibiles solum in potentia. Sed Christus accipiebat scientiam experimentalem ex rebus sensibilibus, ut dictum est (art. præc.) Ergo multo magis poterat accipere scientiam, addiscendo ab hominibus.

3. Præterea. Christus secundum scientiam experimentalem non omnia a principio scivit, sed in ea profecit, ut dictum est (art. præc.) Sed quilibet audiens sermonem significativum alicuius, potest addicere quod nescit. Ergo Christus potuit ab hominibus aliqua addiscere.

scere quæ secundum hanc scientiam nesciebat.

Sed contra est quod dicitur Isa. 41. *Ecce testem populi dedi eum, ducem, ac præceptorem gentibus.* Præceptoris autem non est doceri, sed docere. Ergo Christus non accepit aliquam scientiam per doctrinam alicuius hominis.

Respondeo dicendum, quod in quolibet genere id quod est primum movens, non movetur secundum illam speciem motus; sicut primum alterans non alteratur. Christus autem constitutus est a Deo caput Ecclesiæ, quinimmo omnium hominum, ut supra dictum est (quæst. viii. art. 3.) ut non solum omnes per ipsum gratiam acciperent, sed etiam ut omnes ab eo doctrinam veritatis reciperent. Unde ipse dicit Ioan. xviii. 37. *In hoc natus sum, & ad hoc veni in mundum, ut testimonium perhibeam veritati.* Et ideo non fuit conveniens eius dignitati ut a quocumque homine doceretur.

Ad primum ergo dicendum, quod, sicut Origenes dicit super Luc. (hom. xviii. & hom. xix. ad ii.) *Dominus interrogabat, non ut aliquid addiceret, sed ut interrogans erudiret. Ex uno quippe doctrinæ fonte manat et interrogare, & respondere sapienter.* Unde & ibidem in Evangelio sequitur, quod stupebant omnes qui eum audiebant, super prudentia, & responsis eius.

Ad secundum dicendum, quod ille qui addicit ab homine, non accipit immediate scientiam a speciebus intelligibilibus, quæ sunt in mente ipsius, sed mediautibus vocibus sensibilibus, tanquam signis intelligibilium conceptionum. Sicut autem voces ab homine formatae sunt signa intellectualis scientiæ ipsius; ita creaturæ a Deo conditæ sunt signa scientiæ eius. Unde dicitur Eccli. 1. 10. *quod Deus effudit sapientiam super omnia opera sua.* Sicut igitur dignius est doceri a Deo quam ab homine; ita dignius est accipere scientiam per sensibiles creaturas, quam per hominis doctrinam.

Ad tertium dicendum, quod Iesus proficiebat in scientia experiuntiali, sicut & in ætate, ut dictum est (art. præc.) Sicut autem ætas opportuna requiritur, ad hoc quod homo accipiat scientiam per inventionem; ita etiam ad hoc quod accipiat scientiam per disciplinam. Dominus autem nihil fecit quod non congrueret eius ætati: & ideo audiendis doctrinæ sermonibus non accommodavit auditum, nisi illo tempore quo poterat etiam

etiam per viam experientiae talem scientiae gradum attigisse. Unde Gregorius dicit super Ezech. (hom. 11. parum a princ.) *Duodecimo anno aetatis suae interrogare dignatus est homines in terra: quia iuxta rationis usum, doctrinae sermo non suppetit nisi in aetate perfecta.*

### ARTICULUS IV. 81

*Utrum Christus aliquid acceperit ab Angelis.*

*Inf. quest. xxx. art. 2. ad 1. & III. dist. xiii. quest. 11. art. 2. quest. 1. & dist. xiv. art. 3. quest. 6.*

**A**D quartum sic proceditur. Videtur quod Christus ab Angelis scientiam acceperit. Dicitur enim Luc. xxii. 43. *quod apparuit Christo Angelus de caelo confortans eum.* Sed confortatio fit per verba confortatoria docentis, secundum illud Iob iv. 3. *Ecce docuisti plurimos, & manus lassas roborasti, vacillantes confirmaverunt sermones tui.* Ergo Christus ab Angelis edoctus est.

2. Præterea. Dionysius dicit iv. cap. cæl. Hierar. (versus fin.) *Vides enim quod & ipse Iesus supercaelestium substantiarum superubstantialis substantia, ad nostram intrinsecum utiliter veniens, obediens subicitur Patri, & Dei per Angelos formationibus.* Videtur igitur quod ipse Christus ordinationi legis divinae subieci voluerit, per quam homines mediantibus Angelis erudiuntur.

3. Præterea. Sicut corpus humanum naturali ordine subieciatur corporibus caelestibus; ita etiam humana mens angelicis mentibus. Sed corpus Christi subiectum fuit impressionibus caelestium corporum, passus est enim calorem in aestate, & in hieme frigus, sicut & alias humanas passiones. Ergo etiam eius mens humana subieciatur illuminationibus supercaelestium spirituum.

Sed contra est quod Dionysius dicit vii. cap. cæl. Hier. (a med.) *quod supremi Angeli ad ipsum Iesum questionem faciunt, divinique illius operis, & pro nobis assumptæ carnis scientiam discunt, & eos ipse Iesus sine medio docet.* Non est autem eiusdem docere, & doceri. Ergo Christus non accepit scientiam ab Angelis.

Respondendo dicendum, quod sicut anima humana media est inter spirituales substantias, & res corporales; ita duobus

modis nata est perfici: uno quidem modo per scientiam acceptam ex rebus sensibilibus; alio modo per scientiam inditam, sive impressam ex illuminatione spiritualium substantiarum.

Utroque autem modo anima Christi fuit perfecta: ex sensibilibus quidem secundum scientiam experimentalem; ad quam quidem non requiritur lumen angelicum, sed sufficit lumen intellectus agentis: ex impressione vero superiori secundum scientiam insulam, quam est immediate adeptus a Deo. Sicut enim supra communem modum creature animæ illa unita est Verbo in unitate personæ; ita supra communem modum hominum immediate ab ipso Dei Verbo repleta est scientia, & gratia; non autem mediantibus Angelis, qui etiam ex influentia Verbi rerum scientiam in sui principio acceperunt, sicut in II. super Gen. ad lit. (cap. vii.) Augustinus dicit.

Ad primum ergo dicendum, quod illa confortatio Angeli non fuit per modum instructionis, sed ad demonstrandam proprietatem humanæ naturæ. Unde Beda dicit sup. Luc. (cap. xxi.) *In documento utriusque naturæ, & Angeli ei ministrasse, & eum confortasse dicuntur. Creator enim creature suæ non eguit prædico; sed homo factus, sicut propter nostris est, ita propter nos confortatur; ut scilicet in nobis fides incarnationis ipsius confirmetur.*

Ad secundum dicendum, quod Dionysius dicit, Christum fuisse formationibus angelicis subiectum, non ratione simplicius, sed ratione eorum quæ circa eius incarnationem agebantur, & circa ministratorem eius in infantili aetate constituti. Unde ibidem subdit, quod *per medios Angelos nuntiatur Ioseph a Patre dispensata Iesu ad Aegyptum recessu, & rursum ad Iudæam de Aegypto tradidit.*

Ad tertium dicendum, quod Filius Dei assumptus corpus passibile, ut infra dicitur (quest. xiv. art. 1.) sed animam perfectam scientia, & gratia; & ideo corpus eius convenienter fuit subiectum impressioni caelestium corporum; anima vero eius non fuit subiecta impressioni caelestium spirituum.

QUAESTIO XIII.

*De potentia animæ Christi,  
in quatuor articulos diuisa.*

**D**Einde considerandum est de potentia animæ Christi: & circa hoc quaeruntur quatuor.

Primo, utrum habuerit omnipotentiam simpliciter.

Secundo, utrum habuerit omnipotentiam respectu immutationis creaturarum.

Tercio, utrum habuerit omnipotentiam respectu proprii corporis.

Quarto, utrum habuerit omnipotentiam respectu executionis suæ voluntatis.

ARTICULUS I. 82

*Utrum anima Christi habuerit omnipotentiam simpliciter.*

*Inf. 3. art. huius quæst. & quæst. xxi. art. 1. ad 1. & I. dist. xii. quæst. 1. art. 2. quæst. 2. & III. dist. xiv. quæst. 1. art. 4.*

**A**D primum sic proceditur. Videtur quod anima Christi habuerit omnipotentiam. Dicit enim Ambrosius super Luc. (hab. in Glos. ord. sup. illud Luc. 1. *Hic erit magnus*;) *Potentiam quam Dei Filius naturaliter habet, homo erat ex tempore accepturus.* Sed hoc præcipue videtur esse secundum animam, quæ est potior pars hominis. Cum ergo Filius Dei ab æterno omnipotentiam habuerit, videtur quod anima Christi ex tempore omnipotentiam acceperit.

2. Præterea. Sicut potentia Dei est infinita, ita etiam eius scientia. Sed anima Christi habet omnium scientiam quæ scit Deus, quodam modo, ut supra dictum est (quæst. x. art. 2.) Ergo etiam habet omnium potentiam; & ita est omnipotens.

3. Præterea. Anima Christi habet omnem scientiam. Sed scientiarum quædam est practica, quædam speculativa. Ergo habet eorum quæ scit scientiam practicam, ut scilicet sciat facere ea quæ scit: & sic videtur quod omnia facere possit.

Sed contra. Illud quod est proprium Dei, non potest alicui creaturæ conveni-

re. Sed proprium est Dei esse omnipotentem, secundum illud Exod. xv. 2. *Iste Deus meus, & glorificabo eum*: & postea subditur: *Omnipotens nomen eius.* Ergo anima Christi, cum sit creatura, non habet omnipotentiam.

Respondeo dicendum, quod, sicut supra dictum est (quæst. ii. art. 1. & 2.) in mysterio incarnationis ita facta est unio in persona, quod tamen remansit distinctio naturarum, utraque scilicet natura retinente id quod sibi est proprium. Potentia autem activa cuiuslibet rei sequitur formam ipsius, quæ est principium agendi. Forma autem vel est ipsa natura rei, sicut in simplicibus; vel est constituens ipsam rei naturam, in his scilicet quæ sunt composita ex materia, & forma. Unde manifestum est quod potentia activa cuiuslibet rei consequitur naturam ipsius. Et per hunc modum omnipotentia consequenter se habet ad divinam naturam. Quia enim natura divina est ipsum esse Dei incircumscriptum, ut patet per Dionysium v. cap. de div. Nom. (lect. 1. cir. med.) inde est quod habet potentiam activam respectu omnium quæ possunt habere rationem entis; quod est habere omnipotentiam; sicut & qualibet alia res habet potentiam activam respectu eorum ad quæ se extendit perfectio suæ naturæ, sicut calidum ad calefaciendum. Cum igitur anima Christi sit pars humanæ naturæ, impossibile est quod omnipotentiam habeat.

Ad primum ergo dicendum, quod homo accepit ex tempore omnipotentiam, quam Filius Dei habuit ab æterno, per ipsam unionem personæ: ex qua factum est ut sicut homo dicitur Deus, ita dicatur omnipotens; non quasi sit alia omnipotentia hominis quam Filius Dei, sicut nec alia Deitas; sed eo quod est una persona Dei, & hominis.

Ad secundum dicendum, quod alia ratio est de scientia, & de potentia activa, sicut quidam dicunt. Nam potentia activa consequitur ipsam naturam rei, eo quod actio consideratur ut egrediens ab agente; scientia autem non semper habetur per ipsam essentiam vel formam scientis, sed potest haberi per assimilationem scientis ad res scitas secundum similitudines susceptas. Sed hæc ratio non videtur sufficere: quia sicut aliquis potest cognoscere per similitudinem susceptam ab alio; ita etiam potest agere per formam ab alio susceptam, sicut aqua, vel ferrum calefacit per calorem

lorem susceptum ab igne. Non ergo per hoc prohibetur quin sicut anima Christi per similitudines omnium rerum sibi a Deo indicatas potest omnia cognoscere, ita per eandem similitudines possit ea facere. Est igitur ulterius considerandum, quod id quod a superiori natura in inferiori recipitur, habetur per inferiorem modum: non enim calor in eadem perfectione, & virtute recipitur ab aqua, quae est in igne. Quia igitur anima Christi inferioris naturae est quam natura divina, similitudines rerum non recipiuntur in ipsa anima Christi secundum eandem perfectionem, & virtutem, secundum quam sunt in natura divina. Et inde est quod scientia animae Christi est inferior scientia divina quantum ad modum cognoscendi, quia Deus perfectius cognoscit res quam anima Christi; & quantum etiam ad numerum scitorum, quia anima Christi non cognoscit omnia quae Deus potest facere, quae tamen Deus cognoscit scientia simpliciter intelligentiae; licet cognoscat omnia praesentia, praeterita, & futura, quae Deus cognoscit scientia visionis. Et similiter similitudines rerum animae Christi indicatae non adaequant virtutem divinam in agendo, ut scilicet possint omnia agere quae Deus potest, vel etiam eo modo agere sicut Deus agit, qui agit infinita virtute, cuius creatura non est capax. Nulla autem res est ad cuius cognitionem aliquam habendam requiratur virtus infinita, licet aliquis modus cognoscendi sit virtutis infinitae; quaedam tamen sunt quae non possunt fieri nisi a virtute infinita, sicut creatio, & alia huiusmodi, ut patet ex his quae in prima parte dicta sunt (quaest. xiv.) Et ideo anima Christi, quae cum sit creatura, est virtutis finitae, potest quidem omnia cognoscere, sed non per omnem modum; non autem potest omnia facere, quod pertinet ad rationem omnipotentiae: & inter cetera manifestum est quod non potest creare seipsam.

Ad tertium dicendum, quod anima Christi habuit & scientiam practica, & speculativam; non tamen oportet, quod omnium illorum habeat scientiam practica, quorum habuit scientiam speculativam. Ad scientiam enim speculativam habendam sufficit sola conformitas, vel assimilatio scientis ad rem scitam; ad scientiam autem practicam requiritur, quod formae rerum, quae sunt in intellectu, sint activae. Plus autem est habere

formam, & imprimere formam habitam in alterum, quam solum habere formam; sicut plus est lucere, & illuminare, quam solum lucere. Et inde est quod anima Christi habet quidem speculativam scientiam creandi (scilicet enim qualiter Deus creat; ) sed non habet huius rei scientiam practicam, quia non habet scientiam creationis activam.

## ARTICULUS II. 83

*Utrum anima Christi habuerit omnipotentiam respectu immutationis creaturarum.*

III. dist. xiv. quaest. I. art. 4.

**A**D secundum sic proceditur. Videtur quod anima Christi habeat omnipotentiam respectu immutationis creaturarum. Dicit enim in Ioh. Matthei ult. 18. *Data est mihi omnis potestas in caelo, & in terra.* Sed nomine caeli, & terrae intelligitur omnis creatura, ut patet cum dicitur Genes. 1. 1. *In principio creavit Deus caelum, & terram.* Ergo videtur quod anima Christi habeat omnipotentiam respectu immutationis creaturarum.

2. Praeterea. Anima Christi est perfectior qualibet creatura. Sed qualibet creatura potest moveri ab aliqua creatura: dicit enim Augustinus in III. de Trin. cap. iv. a princ. *quod sicut corpora crassiora, & inferiora per subtiliora, & potentiora quodam ordine reguntur; ita omnia corpora per spiritum vitae, & spiritus vitae irrationalis per spiritum vitae rationalem, & spiritus vitae rationalis defensor, atque peccator per spiritum vitae rationalem, & iustum.* Anima autem Christi etiam ipsos supremos spiritus movet, illuminando eos, ut dicit Dionysius vii. cap. cael. Hier. (post med.) Ergo videtur quod anima Christi habeat omnipotentiam respectu immutationis creaturarum.

3. Praeterea. Anima Christi habuit plenissime gratiam miraculorum, seu virtutum, sicut & ceteras gratias. Sed omnis immutatio creaturae potest ad gratiam miraculorum pertinere; cum etiam miraculose calefilla corpora a suo ordine immutata fuerint, sicut Dionysius probat in epist. ad Polycarpum (quae est vii. parum a princ.) Ergo anima Christi habuit omnipotentiam respectu immutationis creaturarum.

Sed contra est quod eiusdem est transmutare creaturas cuius est eas conservare.

re. Sed hoc est solius Dei, secundum illud Heb. 1. 3. *Portans omnia verbo virtutis sue*. Ergo solius Dei est habere omnipotentiam respectu immutationis creaturarum. Non ergo hoc convenit animæ Christi.

Respondeo dicendum, quod hic duplici distinctione est opus. Quarum prima est ex parte transmutationis creaturarum: quæ triplex est: una quidem est naturalis, quæ scilicet fit a proprio agente secundum ordinem naturæ; alia vero est miraculosa, quæ fit ab agente supernaturali supra contactum ordinem, & cursum naturæ, sicut resuscitatio mortuorum; tertia autem est, secundum quod omnis creatura veritabilis est in nihil.

Secunda autem distinctio est accipienda ex parte animæ Christi: quæ dupliciter considerari potest: uno modo secundum propriam naturam, & virtutem sive naturalem, sive gratuitam; alio modo, prout est instrumentum Verbi Dei sibi personaliter uniti.

Si ergo loquamur de anima Christi secundum propriam naturam, & virtutem sive naturalem, sive gratuitam, potentiam habuit ad illos effectus faciendos qui sunt animæ convenientes; puta ad gubernandum corpus, & ad disponendos humanos actus, & etiam ad illuminandum per gratiæ, & scientiæ plenitudinem omnes creaturas rationales ab eius perfectione deficientes, per modum quo hoc est conveniens creaturæ rationali. Si autem loquamur de anima Christi, secundum quod est instrumentum Verbi sibi uniti, sic habuit instrumentalem virtutem ad omnes immutationes miraculosas faciendas, ordinabiles ad incarnationis finem, qui est initiare omnia, sive quæ in caelis, sive quæ in terris sunt. Immutationes vero creaturarum, secundum quod sunt veritabiles in nihil, correspondent creationi rerum, prout scilicet producuntur ex nihilo. Et ideo sicut solus Deus potest creare, ita solus potest creaturas in nihilum redigere; qui etiam solus eas in eile conservat, ne in nihilum decendant.

Sic ergo dicendum est, quod anima Christi non habet omnipotentiam respectu immutationis creaturarum.

Ad primum ergo dicendum, quod, sicut Hieronymus dicit § sup. loc. Matth. cit. in arg. *illi potestas data est qui pauci ante crucifixus, qui sepultus in tumulo, qui postea resurrexit*, idest Christo, secundum quod homo. Dicitur autem

sibi omnis potestas data, ratione unionis, per quam factum est ut homo esset omnipotens, ut supra dictum est (ar. præc. ad 1.) Et quavis hoc ante resurrectionem innotuerit Angelis, post resurrectionem tamen innotuit omnibus hominibus, ut Remigius dicit. (Hab. in Cat. aur. Div. Thomæ.) Tunc autem dicuntur res fieri, quando innotescunt. Et ideo post resurrectionem dicit Dominus sibi datam omnem potestatem in caelo, & in terra.

Ad secundum dicendum, quod licet omnis creatura sit mutabilis ab alia creatura, præter supremum Angelum, qui tamen potest illuminari ab anima Christi; non tamen immutatio omnis quæ potest fieri circa creaturam, potest fieri a creatura; sed quædam immutationes possunt fieri a solo Deo. Quæcumque tamen immutationes possunt fieri per creaturas, possunt etiam fieri per animam Christi, secundum quod est instrumentum Verbi, non autem secundum propriam naturam, & virtutem: quia quædam huiusmodi immutationum non pertinent ad animam neque quantum ad ordinem naturæ, neque quantum ad ordinem gratiæ.

Ad tertium dicendum, quod, sicut dictum est in secunda parte (2. 2. quæst. cxxxviii. art. 1. ad 1.) gratia virtutum, seu miraculorum datur animæ alicuius Sancti, non ut propria virtute ei conveniat miracula facere, sed ut per virtutem divinam huiusmodi miracula fiant. Et hæc quidem gratia excellentissime data est animæ Christi, ut scilicet non solum ipse miracula faceret, sed etiam ut hanc gratiam in alios transfunderet. Unde dicitur Matth. x. 1. *quod convocatis duodecim discipulis, dedit eis potestatem spirituum immundorum, ut eicerent eos, & curarent omnem languorem, & omnem infirmitatem*.

### ARTICULUS III. 84

*Utrum anima Christi habuerit omnipotentiam respectu proprii corporis.*

**A**D tertium sic proceditur. Videtur quod anima Christi habuerit omnipotentiam respectu proprii corporis. Dicit enim Damascenus in III. Lib. (orth. Fid. cap. xx. in fin. & cap. xxiii.) *quod omnia naturalia fuerunt Christo voluntaria: volens enim juravit, volens sivit, volens timuit, volens mortuus est &c.* Sed ex hoc Deus dicitur omnipotens, quia omnia

quæ-

quæcumque voluit fecit. Ergo videtur quod anima Christi habuerit omnipotentiam respectu naturalium operationum proprii corporis.

2. Præterea. In Christo fuit perfectius humana natura quam in Adam; in quo secundum originalem iustitiam, quam habuit in innocentie statu, corpus (a) habebat omnino subiectum animæ, ut nihil in corpore posset accidere contra animæ voluntatem. Ergo multo magis anima Christi habuit omnipotentiam respectu sui corporis.

3. Præterea. Ad imaginationem animæ naturaliter corpus immutatur; & tanto magis, quanto magis anima fuerit fortis imaginationis, ut in prima parte habitum est (quæst. cxviii. art. xiii. ad 3.) Sed anima Christi habuit virtutem perfectissimam & quantum ad imaginationem, & quantum ad alias vires. Ergo anima Christi fuit omnipotens in respectu ad corpus proprium.

Sed contra est quod dicitur Hebr. ii. 17. quod debuit per omnia fratribus assimilari, & præcipue in his quæ pertinent ad conditionem naturæ humanæ. Sed ad conditionem humanæ naturæ pertinet quod valetudo corporis, & eius nutritio, & augmentum imperio rationis, seu voluntatis non subdantur: quia naturalis soli Deo, qui est auctor naturæ, subduntur. Ergo nec in Christo subdebantur. Non igitur anima Christi fuit omnipotens respectu proprii corporis.

Respondendo dicendum, quod, sicut dictum est (art. præc.) anima Christi potest dupliciter considerari. Uno modo secundum propriam naturam, & virtutem: et hoc modo sicut non poterat immutare exteriora corpora a cursu, & ordine naturæ; ita etiam non poterat immutare proprium corpus a naturali dispositione: quia anima Christi secundum propriam naturam habet determinatam proportionem ad suum corpus. Alio modo potest considerari anima Christi, secundum quod est instrumentum unitum Verbo Dei in persona: et sic subdebatur eius potestati totaliter omnis dispositio proprii corporis. Quia tamen virtus actionis non proprie attribuitur instrumento, sed principali agenti, talis omnipotentia magis attribuitur ipsi Verbo Dei quam animæ Christi.

Ad primum ergo dicendum, quod verbum Damasceni est intelligendum quantum ad voluntatem Christi divinam

quia, sicut ipse in præcedentibus dicit (cap. xiv. & cap. xv. a med.) *beneficentia divine voluntatis permittatur carni pati, & operari quæ propria.*

Ad secundum dicendum, quod non pertinebat hoc ad originalem iustitiam, quam Adam habuit in statu innocentie, quod anima hominis haberet virtutem transmutandi proprium corpus in quantumcumque formam, sed quod posset ipsum conservare abique omni nocummento. Et hanc etiam virtutem Christus assumere potuisset, si voluisset. Sed cum sint tres status hominum, scilicet innocentie, culpæ, & gloriæ, sicut de statu gloriæ assumptis comprehensionem, & de statu innocentie immunitatem a peccato; ita & de statu culpæ assumptis necessitatem subiaccendi poenalitibus huius vitæ, ut infra dicitur (quæst. xiv. art. 2.)

Ad tertium dicendum, quod imaginationi, si fuerit fortis, naturaliter obedit corpus quantum ad aliqua, puta quantum ad casum de trabe in alto posita: quia imaginatio nata est esse principium motus localis, ut dicitur III. de Anima (tex. xlviii. & seq.) Similiter etiam quantum ad alterationem quæ est secundum calorem, & frigus, & alia consequentia: eo quod ex imaginatione consequenter natae sunt consequi animæ passionem, secundum quas movetur cor; & sic per commotionem spirituum totum corpus alteratur. Aliæ vero dispositiones corporales, quæ non habent naturalem ordinem ad imaginationem, non transmutantur ab imaginatione, quantumcumque sit fortis; puta figura manus, vel pedis, vel aliquid simile.

#### ARTICULUS IV. 85

*Utrum anima Christi habuerit omnipotentiam respectu executionis suæ voluntatis.*

**A**D quantum sic proceditur. Videtur quod anima Christi non habuerit omnipotentiam respectu executionis propriæ voluntatis. Dicitur enim Marci vii. quod ingressus domum neminem voluit scire, & non potuit latere. Non ergo potuit in omnibus exequi propositum suæ voluntatis.

2. Præterea. Præceptum est signum voluntatis, ut in prima parte dictum est (quæst. xix. art. 12.) Sed Dominus quædam faciendi præcepit, quorum contraria acciderunt: dicitur enim Matth.

ix. 31.

(a) Numquid erat? aut qui loquitur in quo?

3x. 31. quod cæcis illuminatis comminatus est Iesus, dicens: *Videte ne quis sciat. Illi autem exeuntes dissipaverunt illum per totam terram illam.* Non ergo in omnibus potuit exequi propositum suæ voluntatis.

3. Præterea. Id quod potest aliquis facere, non petit ab alio. Sed Dominus petivit a Patre, orando illud quod fieri volebat: dicitur enim Lucæ vi. 12. quod *exiit in montem orare, & erat pernoctans in oratione Dei.* Ergo non potuit exequi in omnibus propositum suæ voluntatis.

Sed contra est quod dicit Augustinus (alius Auctor) in Lib. de quæstionibus veteris, & novi Testamenti (quæst. lxxvii. in princ.) *Impossibile est ut Salvatoris voluntas non impleatur; nec potest velle quod scit fieri non debere.*

Respondendo dicendum, quod anima Christi dupliciter aliquid voluit. Uno modo quasi per se implendum; et sic dicendum est, quod quicquid voluit, potuit: non enim conveniret sapientie eius ut aliquid vellet per se facere quod suæ virtuti non subiaceret. Alio modo voluit aliquid ut implendum virtutis divina, sicut resurrectionem proprii corporis, & alia huiusmodi miraculosa opera: quæ quidem non poterat propria virtute, sed secundum quod erat instrumentum Divinitatis, ut dictum est (art. 11. hu. quæst.).

Ad primum ergo dicendum, quod, sicut Augustinus dicit in Lib. de quæstionibus veteris, & novi Testamenti (ut sup.) quod factum est, hoc voluisse dicens est Christus. Advertendum est enim, quod illud in finibus gestum est Gentilium, quibus adhuc tempus predicandi non erat. Ulro tamen venientes ad fidem non suscipere, invidia erat. A suis ergo noluit prædicari, requiri autem se voluit: et ita factum est. Vel potest dici, quod hæc voluntas Christi non fuit de eo quod per eam fiendum erat, sed de eo quod erat fiendum per alios, quod non subiacebat humanæ voluntati ipsius. Unde in epistola Agathonis Papæ, quæ est recepta in sexta Synodo, (scilicet Constant. III. a. d. iv. a. med. epist.) legitur: *Ergone ille omnium Conditor, ac Redemptor, in terris latere volens non potuit, nisi hoc ad humanam eius voluntatem, quam temporaliter est dignatus assumere, redigatur?*

Ad secundum dicendum, quod, sicut Gregorius dicit XIX. Moral. (cap. xiv. a. princ.) per hoc quod Dominus præceptis taceret virtutes suas, servis suis se sequentibus exemplum dedit, ut ipsi quidem vir-

tutes suas occultari desiderarent, & tamen ut alii eorum exemplo proficiant, prodantur inviti. Sic ergo præceptum illud designabat voluntatem ipsius, qui humanam gloriam recusabat, secundum illud Joan. vii. 50. *Ego gloriam meam non quero.* Volebat tamen absolute, præsertim secundum divinam voluntatem, ut publicaretur miraculum factum propter aliorum utilitatem.

Ad tertium dicendum, quod Christus orabat & pro his quæ virtute divina fienda erant, & pro his etiam quæ humana voluntate erat facturus: quia virtus, & operatio animæ Christi dependebant a Deo, qui operatur in nobis velle, & perficere, ut dicitur Philip. ii. 13.

## Q U A E S T I O XIV.

*De defectibus corporis assumptis a Filio Dei, in quatuor articulos divisa.*

**D**Einde considerandum est de defectibus quos Christus in humana natura assumpsit: et primo de defectibus corporis; secundo de defectibus animæ.

Circa primum quærentur quatuor.

Primo, utrum Filius Dei assumeret debuerit in humana natura corporis defectus.

Secundo, utrum assumpsit necessitatem his defectibus subiaceret.

Tertio, utrum hos defectus contraxerit.

Quarto, utrum omnes defectus assumpsit.

## A R T I C U L U S I. 86

*Utrum Filius Dei in humana natura assumere debuerit corporis defectus.*

III. diff. xv. quæst. 1. art. 1. & diff. xxii. quæst. 11. art. 1. quæst. 1. cap. & IV. contr. cap. lv. & op. 11. cap. ccxxvi.

**A**D primum sic proceditur. Videtur quod Filius Dei non debuerit assumere humanam naturam cum corporis defectibus. Sicut enim anima unita est personaliter Verbo Dei, ita & corpus. Sed anima Christi habuit omnimodam perfectionem & quantum ad gratiam, & quantum ad scientiam, ut supra dictum est (quæst. vii. art. 9. & quæst. ix. art. 1.) Ergo etiam corpus eius debuit esse omnibus modis perfectum, nullum in se habens defectum.

2. Præ-



2. Præterea. Anima Christi videbat Verbum Dei ea visione qua beati vident, ut supradictum est (quæst. ix. art. 2.) & sic anima Christi erat beata. Sed ex beatitudine animæ glorificatur corpus: dicit enim Augustinus in epistola ad Dioscorum (cxviii. al. lvi. ante med.) *Tam potenti natura Deus fecit animam, ut ex eius plenissima beatitudine redundet etiam in inferiorem naturam, quæ est corpus, non beatitudo quæ fruenter, & intelligentis est propria, sed plenitudo sanitatis, id est incorruptionis vigor.* Corpus igitur Christi fuit incorruptibile, & absque omni defectu.

3. Præterea. Pœna consequitur culpam. Sed in Christo non fuit aliqua culpa, secundum illud I. Pet. 11. 22. *Qui peccatum non fecit.* Ergo nec defectus corporales, qui sunt pœnales, in eo esse debuerunt.

4. Præterea. Nullus sapiens assumit id quod impedit ipsum a proprio fine. Sed per huiusmodi defectus corporales multiplicitè videtur impediiri finis incarnationis. Primo quidem quia propter huiusmodi infirmitates homines ab eius cognitione impediabantur, secundum illud Isa. lxxi. 2. *Desideravimus eum depectum, & novissimum virorum, virum dolorum, & scientem infirmitatem: & quasi absconditus vultus eius, & despectus: unde nec respeximus eum.* Secundo quia sanctorum patrum desiderium non videtur impleri, ex quorum persona dicitur Isa. li. 9. *Consurge, consurge, adnuere fortitudinem brachium Domini.* Tertio quia congruentius per fortitudinem quam per infirmitatem videbatur & potestas diaboli posse superari, & humana infirmitas posse sanari. Non ergo videtur conveniens fuisse quod Filius Dei humanam naturam assumpsit cum corporalibus infirmitatibus, sive defectibus.

Sed contra est quod dicitur Heb. 11. 28. *In eo in quo passus est ipse, & tentatus, potens est & eis qui tentantur, auxiliari.* Sed ad hoc venit ut nos adjuvaret: unde & David dicebat Pl. cxx. 1. *Levavi oculos meos in montes, unde venies auxilium mihi.* Ergo conveniens fuit ut Filius Dei carnem assumpsit infirmitatibus humanis subiaccntem, ut in ea posset pati, & tentari, & sic auxilium nobis ferre.

Respondeo dicendum, conveniens fuisse, corpus assumptum a Filio Dei humanis infirmitatibus, & defectibus subiaccere; & præcipue propter tria. Primo

quidem quia ad hoc Filius Dei, carne assumpta, venit in mundum, ut pro peccato humani generis satisficeret. Unus autem pro peccato alterius satisfacit, dum pœnam pro peccato alterius debitam in se suscipit. Huiusmodi autem defectus corporales, scilicet mors, fames, sitis, & huiusmodi, sunt pœna peccati, quod est in mundum per Adam introductum, secundum illud Rom. v. 12. *Per unum hominem peccatum intravit in mundum, & per peccatum mors.* Unde conveniens fuit quantum ad finem incarnationis quod huiusmodi pœnales in nostra natura susciperet vice nostra, secundum illud Isa. liii. 4. *Vere languores nostros ipse tulit.* Secundo propter fidem incarnationis adstruendam. Cum enim natura humana non aliter esset nota hominibus, nisi prout huiusmodi corporalibus defectibus subiaceret, si sine his defectibus Filius Dei humanam naturam assumpsisset, videretur non fuisse verus homo, nec veram carnem habuisse, sed phantasticam, ut Manichæi poluerunt. Et ideo, ut dicitur Philip. 11. 7. *exinanivit semetipsum, formam servi accipiens, in similitudinem hominum factus, & habitus inventus ut homo.* Unde & B. Thomas per aspectum vulnere loat ad fidem revocatus, ut dicitur Ioan. xx. Tertio propter exemplum patientiæ quod nobis exhibet, passiones, & defectus humanos iortiter tolerando: unde dicitur Hebr. xii. 3. *Sustinuit a peccatoribus adversus semetipsum contradictionem, ut non fatigemini animis vestris deficientes.*

Ad primum ergo dicendum, quod satisfactio pro peccatis alterius habet quidem, quasi materiam, pœnas quas aliquis pro peccato alterius sustinet; sed pro principio habet habitum animæ, ex quo inclinatur ad volendum satisfacere pro alio, & ex quo satisfactio efficaciam habet: non enim esset efficax satisfactio nisi ex caritate procederet, ut infra dicitur. (Vid. Supplem. quæst. xiv. art. 2.) Et ideo oportuit animam Christi perfectam esse quantum ad habitus scientiarum, & virtutum, ut haberet facultatem satisfaciendi; & quod corpus eius esset subiectum infirmitatibus, ut ei satisfactio materia non desset.

Ad secundum dicendum, quod secundum naturalem habitudinem, quæ est inter animam & corpus, ex gloria animæ redundat gloria ad corpus. Sed hæc naturalis habitudo in Christo subiacebat voluntati Divinitatis ipsius, ex qua factum est

est quod beatitudo remaneret in anima, & non derivaretur ad corpus; sed caro pateretur quæ conveniunt naturæ passibili, secundum illud quod Damascenus dicit, Lib. III. orth. Fid. cap. xv. a med.) quod *beneficentia divine voluntatis permittebatur carni pati, & operari quæ propria.*

Ad tertium dicendum, quod poena semper sequitur culpam actualem, vel originalem; quandoque quidem eius qui puniatur, quandoque autem alterius, pro quo ille qui poenas patitur, satisfacit. Et ita accidit in Christo, secundum illud Isa. liii. 5. *Ipse vulneratus est propter iniquitates nostras, attritus est propter scelera nostra.*

Ad quartum dicendum, quod infirmitas assumpta a Christo non impedivit finem incarnationis, sed maxime promovit, ut dictum est (in cor. ar.) Et quamvis per huiusmodi infirmitates absconderetur eius Divinitas; manifestabatur tamen humanitas, quæ est via ad Divinitatem perveniendi, secundum illud Rom. v. 2. *Accessum habemus per Iesum Christum ad Deum.* Desiderabant autem antiqui patres in Christo non quidem fortitudinem corporalem, sed spirituales, per quam & diabolum vicit, & humanam infirmitatem sanavit.

## ARTICULUS II. 87

*Utrum Christus necessitatem his defectibus subiaceret assumptis.*

*Inf. quæst. xv. art. 5. & ad 1. & III. dist. xv. quæst. 1. art. 1.*

**A**D secundum sic proceditur. Videtur quod Christus non ex necessitate his defectibus subiaceret. Dicitur enim Isa. liii. 7. *Oblatus est, quia ipse voluit;* & loquitur de oblatione ad passionem. Sed voluntas opponitur necessitati. Ergo Christus non ex necessitate subiaceret corporales defectibus.

2. Præterea. Damascenus dicit in III. Lib. (ord. Fid. cap. xx. in fin.) *Nihil coactum in Christo consideratur, sed omnia voluntaria.* Sed quod est voluntarium, non est necessarium. Ergo huiusmodi defectus non fuerunt ex necessitate in Christo.

3. Præterea. Necessitas infertur ab aliquo potentiori. Sed nulla creatura est potentior quam anima Christi, ad quam pertinebat proprium corpus conservare. Ergo huiusmodi defectus, seu infirmita-

tes non fuerunt in Christo ex necessitate.

Sed contra est quod Apostolus dicit Rom. viii. 3. *Misti Deus Filium suum in similitudinem carnis peccati.* Sed conditio carnis peccati est quod habeat necessitatem moriendi, & sustinendi alias huiusmodi passiones. Ergo talis necessitas sustinendi hos defectus fuit in carne Christi.

Respondeo dicendum, quod duplex est necessitas. Una quidem coactionis, quæ fit ab agente extrinseco: & hæc quidem necessitas contrariatur & naturæ, & voluntati; quorum utrumque est principium intrinsecum. Alia autem est necessitas naturalis, quæ consequitur principia naturalia; puta formam, sicut necessarium est ignem calefacere; vel materiam, sicut necessarium est corpus ex contrariis compositum dissolvi.

Secundum igitur hanc necessitatem, quæ consequitur materiam, corpus Christi subiectum fuit necessitati mortis, & aliorum huiusmodi defectuum: quia, sicut dictum est (art. præc. ad 2.) *beneficentia divine voluntatis carni Christi permittebatur agere, & pati quæ propria.* Hæc autem necessitas caulatur ex principiis carnis humanæ, ut dictum est (hic supra.) Si autem loquamur de necessitate coactionis, secundum quidem quod repugnat naturæ corporali, sic iterum corpus Christi secundum conditionem propriæ naturæ necessitati subiaceret & clavi perforantis, & flagelli percutientis. Secundum vero quod necessitas talis repugnat voluntati, manifestum est quod in Christo non fuit necessitas horum defectuum neque per respectum ad divinam voluntatem, neque per respectum ad voluntatem humanam Christi absolute, prout sequitur rationem deliberantem; sed solum secundum naturalem motum voluntatis, prout scilicet naturaliter refugit mortem, & etiam corporis nocumenta.

Ad primum ergo dicendum, quod Christus dicitur *oblatus, quia voluit* & voluntate divina, & voluntate humana deliberata; licet mors esset contra naturalem motum voluntatis humanæ, ut Damascenus dicit (Lib. III. orth. Fid. cap. xxiii. & cap. xxiv. in fin.)

Ad secundum patet responsio ex dictis (in cor.)

Ad tertium dicendum, quod nihil fuit potentius quam anima Christi absolute; nihil tamen prohibet aliquid fuisse poten-

potentius quantum ad hunc effectum; sic ut clavus ad perforandum. Et hoc dico, secundum quod anima Christi consideratur secundum propriam naturam, & virtutem.

### ARTICULUS III. 88

*Utrum Christus defectus corporales contraxerit.*

III. *dist. xv. quæst. 1. art. 3. & dist. xxi. quæst. 11. art. 2. cor. & opusc. 11. cap. cccxvi.*

**A**D tertium sic proceditur. Videtur quod Christus defectus corporales contraxerit. Illud enim contrahere dicunt quod simul cum natura ex origine trahimus. Sed Christus simul cum natura humana defectus, & infirmitates corporales per suam originem traxit a matre, cuius caro huiusmodi defectibus subiacebat. Ergo videtur quos defectus contraxerit.

2. Præterea. Id quod ex principiis naturæ causatur, simul cum natura trahitur; & ita contrahitur. Sed huiusmodi penalitates causantur ex principiis naturæ humanæ. Ergo eas Christus contraxit.

3. Præterea. Secundum huiusmodi defectus Christus aliis hominibus similatur, ut dicitur Hebr. 11. Sed alii homines huiusmodi defectus contrahunt. Ergo videtur quod etiam Christus huiusmodi defectus contraxerit.

Sed contra est quod huiusmodi defectus contrahuntur ex peccato, secundum illud Rom. v. 12. *Per unum hominem peccatum intravit in hunc mundum, & per peccatum mors.* Sed in Christo non habuit locum peccatum. Ergo huiusmodi defectus Christus non contraxit.

Respondeo dicendum, quod in verbo contrahendi intelligitur ordo effectus ad causam, ut scilicet illud dicatur contrahi quod simul cum sua causa ex necessitate trahitur. Causa autem mortis, & horum defectuum in humana natura est peccatum: quia *per peccatum mors intravit in hunc mundum*, ut dicitur Rom. v. 12. Et ideo illi proprie dicuntur hos defectus contrahere qui ex debito peccati hos defectus incurrunt. Christus autem hos defectus non habuit ex debito peccati: quia, ut Augustinus di-

cit exponens illud Ioan. 111. *Qui de sursum venit, super omnes est*, (hab. in Gloria ord.) „de sursum venit Christus, id est de altitudine naturæ humanæ, „quam habuit ante peccatum primi hominis. „Accipit enim naturam humanam absque peccato in illa puritate in qua erat in statu innocentiae: & simili modo potuisset assumere humanam naturam absque defectibus. Sic igitur patet quod Christus non contraxit hos defectus, quali ex debito peccati eos suscipiens, sed ex propria voluntate.

Ad primum ergo dicendum, quod caro Virginis concepta fuit in originali peccato: & ideo hos defectus contraxit. (a) Sed caro Christi ex Virgine assumptam naturam absque culpa: & similiter potuisset naturam assumere absque poena. Sed voluit suscipere poenam propter opus nostræ redemptionis implendum, ut dictum est (art. 1. huius quæst.) Et ideo habuit huiusmodi defectus, non contrahendo, sed voluntarie assumendo.

Ad secundum dicendum, quod causa mortis, & aliorum corporalium defectuum in humana natura est duplex. Una quidem remota, quæ accipitur ex parte principiorum materialium humani corporis, in quantum est ex contrariis compositum. Sed hæc causa impediatur per originalem iustitiam. Et ideo proxima causa mortis, & aliorum defectuum est peccatum, per quod subtrahitur originalis iustitia. Et propter hoc quia Christus fuit sine peccato, dicitur non contraxisse huiusmodi defectus, sed voluntarie assumptis.

Ad tertium dicendum, quod Christus in huiusmodi defectibus assimilatus est aliis hominibus quantum ad qualitatem defectuum, non autem quantum ad causam: & ideo Christus non contraxit huiusmodi defectus, sicut alii.

A R-

(a) Ita ms. & edit. passim. Edit. Rom. Sed Christus naturam ex Virgine assumpsit absque culpa.

## ARTICULUS IV. 89

*Utrum Christus omnes defectus corporales hominum assumere debuerit.*

*Sup. quest. xii. ar. 4. ad 3. & inf. quest. xv. ar. 1. c. & quest. xvi. ar. 5. ad 1. & III. dist. xv. quest. 1. ar. 2. & dist. xxii. quest. 11. ar. 1. quest. 1. corp. & IV. cont. cap. IV. num. xi. & opusc. 11. cap. cccxxvi. & cccxxviii.*

**A**D quartum sic proceditur. Videtur quod Christus omnes defectus corporales hominum assumere debuerit. Dicit enim Damascenus (Lib. III. orth. Fid. cap. vi. cir. med. & cap. xviii. paruma princ.) *Quod est inassumpribile, est incurabile.* Sed Christus venerat omnes defectus nostros curare. Ergo omnes defectus nostros assumere debuit.

2. Præterea. Dictum est (art. 1. hu. quest.) quod ad hoc quod Christus pro nobis satisficeret, debuit habere habitus perfectivos in anima, & defectus in corpore. Sed Christus ex parte animæ assumpsit plenitudinem omnis gratiæ. Ergo ex parte corporis debuit assumere omnes defectus.

3. Præterea. Inter omnes defectus corporales præcipuum locum tenet mors. Sed Christus mortem assumpsit. Ergo multo magis omnes alios defectus assumere debuit.

Sed contra est quod contraria non possunt simul fieri in eodem. Sed quædam infirmitates sunt sibiipsis contrariæ, utpote ex contrariis principiis causatæ. Ergo non potuit esse quod Christus omnes infirmitates humanas assumeret.

Respondeo dicendum, quod, sicut dictum est (art. 1. & 2. hu. quest.) Christus defectus humanos assumpsit ad satisfaciendum pro peccato humanæ naturæ, ad quod requirebatur quod haberet perfectionem scientiæ, & gratiæ in anima. Illos ergo defectus Christus assumere debuit qui consequuntur ex peccato communi totius naturæ; nec tamen repugnant perfectioni scientiæ, & gratiæ. Sic igitur non fuit conveniens ut omnes defectus, seu infirmitates humanas assumeret. Sunt enim quidam defectus qui repugnant perfectioni scientiæ, & gratiæ, sicut ignorantia, pronitas ad malum, & difficultas ad bonum. Quidam autem defectus sunt qui non consequuntur communiter totam humanam naturam pro-

5. Thom. Oper. Tom. XXIV.

pter peccatum primi parentis, sed causalantur in aliquibus hominibus ex quibusdam particularibus causis, sicut lepra, & morbus caducus, & alia huiusmodi: qui quidem defectus quandoque causalantur ex culpa hominis, puta ex inordinato victu; quandoque autem ex defectu virtutis formativæ: quorum neutrum convenit Christo: quia & caro eius de Spiritu sancto concepta est, qui est infinitæ sapientiæ, & virtutis, errare, & deficere non potens; & ipse nihil inordinatum in regimine lux vitæ exercuit. Sunt autem tertii defectus qui in omnibus hominibus communiter inveniuntur ex peccato primi parentis, sicut mors, fames, sitis, & alia huiusmodi: & hos defectus omnes Christus suscepit, quos vocat Damascenus (Lib. I. orth. Fid. cap. xiv. in fi. & Lib. III. cap. xx.) *naturales, & indetractibiles passiones*: naturales quidem, quia consequuntur communiter totam naturam humanam; indetractibiles autem, quia defectus scientiæ, & gratiæ non important.

Ad primum ergo dicendum, quod omnes particulares defectus hominum causalantur ex corruptibilitate, & passibilitate corporis, superadditis quibusdam particularibus causis: & ideo cum Christus curaverit passibilitatem, & corruptibilitatem corporis nostri, per hoc quod eam assumpsit, ex consequenti omnes alios defectus curavit.

Ad secundum dicendum, quod plenitudo omnis gratiæ, & scientiæ animæ Christi secundum se debebatur ex hoc ipso quod erat a verbo Dei assumpta: & ideo absolute omnem plenitudinem sapientiæ, & gratiæ Christus assumpsit. Sed defectus nostros dispensative assumpsit, ut pro peccato nostro satisficeret, non quia ei secundum se competenter: & ideo non oportuit quod omnes assumeret, sed solum illos qui sufficiebant ad satisfaciendum pro peccato totius humanæ naturæ.

Ad tertium dicendum, quod mors in omnes homines advenit ex peccato primi parentis; non autem quidam alii defectus, licet sint morte minores. Unde non est similis ratio.

## QUAESTIO XV.

*De defectibus animæ a Christo assumptis,  
in decem articulos divisa.*

**D**Einde considerandum est de defectibus pertinentibus ad animam: & circa hoc quaeruntur decem.

Primo, utrum in Christo fuerit peccatum.

Secundo, utrum in eo fuerit sordes peccati.

Tertio, utrum in eo fuerit ignorantia.

Quarto, utrum anima eius fuerit passibilis.

Quinto, utrum in eo fuerit dolor sensibilis.

Sexto, utrum in eo fuerit tristitia.

Septimo, utrum in eo fuerit timor.

Octavo, utrum in eo fuerit admiratio.

Nono, utrum in eo fuerit ira.

Decimo, utrum simul fuerit viator, & comprehensor.

## ARTICULUS I. 90

*Utrum in Christo fuerit peccatum.*

*Inf. quæst. xxxi. art. 7. & III. dist. vi. quæst. 1. cor. f. & dist. xii. quæst. 11. per tot. & quod. vi. quæst. xi. art. 1.*

**A**D primum sic proceditur. Videtur quod in Christo fuerit peccatum. Dicitur enim in Psal. xxi. 1. *Deus, Deus meus respice in me: quare me dereliquisti? longe a salute mea verba delictorum meorum.* Sed hæc verba dicuntur ex persona ipsius Christi, ut patet ex hoc quod ipse ea in cruce protulit. Ergo videtur quod in Christo fuerint delicta.

2. Præterea. Rom. v. 12. dicit Apostolus, quod in Adam omnes peccaverunt, quia scilicet in eo originaliter fuerunt. Sed Christus etiam originaliter fuit in Adam. Ergo in eo peccavit.

3. Præterea. Apostolus dicit Hebr. 11. 18. quod in eo in quo Christus passus est, & tentatus, potens est & his qui sentantur, auxiliari. Sed maxime indigebamus auxilio eius contra peccatum. Ergo videtur quod in eo fuerit peccatum.

4. Præterea. II. ad Cor. v. 21. dicitur, quod Deus sum qui non noverat pec-

catum, scilicet Christum, pro nobis peccatum fecit. Sed illud vere est quod a Deo factum est. Ergo in Christo vere fuit peccatum.

5. Præterea. Sicut Augustinus dicit in Libro de agone christiano (cap. xi. in fin.) in homine Christo se nobis ad exemplum vitæ præbuit Filius Dei. Sed homo indiget exemplo non solum ad recte vivendum, sed etiam ad hoc quod poeniteat de peccatis. Ergo videtur quod in Christo debuerit esse peccatum, ut de peccatis poenitendo, poenitentia nobis daret exemplum.

Sed contra est quod ipse dicit Ioan. viii. 46. *Quis est vobis arguit me de peccato?*

Respondeo dicendum, quod, sicut supra dictum est (art. 1. & 2. hu. quæst.) Christus suscepit defectus nostros, ut pro nobis satisfaceret, & ut veritatem humanæ naturæ comprobaret, & ut nobis fieret exemplum virtutis. Secundum quæ tria manifestum est quod defectum peccati assumere non debuit. Primo quidem quia peccatum nihil operatur ad satisfactionem; quinimmo virtutem satisfactionis impedit: quia, ut dicitur Eccli. xxxiv. 23. *dona iniquorum non probat Altissimus.* Similiter etiam ex peccato non demonstratur veritas humanæ naturæ: quia peccatum non pertinet ad humanam naturam, cuius Deus est causa; sed magis est contra naturam per seminationem diaboli introductum, ut Damascenus dicit (Lib. II. orth. Fid. cap. xxx. ante med. & Lib. III. cap. xx.).

Tertio quia peccandum exemplum virtutis præbere non potuit, cum peccatum contrarietur virtuti. Et ideo Christus nullo modo assumpsit defectum peccati nec originalis, nec actualis, secundum illud quod dicitur I. Pet. 11. 22. *Qui peccatum non fecit.*

Ad primum ergo dicendum, quod, sicut Damascenus dicit in III. Lib. (orth. Fid. cap. xxv.) dupliciter dicitur aliquid de Christo: uno modo secundum proprietatem naturalem, & hypostaticam, sicut dicitur, quod Deus factus est homo, & quod passus est pro nobis; alio modo secundum proprietatem personalem, & habitudinalem, prout scilicet aliqua dicuntur de ipso in persona nostra, quæ sibi secundum se nullo modo conveniunt. Unde & inter septem regulas Ticonii, quas Augustinus ponit in III. de doctrina christiana (cap. xxxi.) prima ponitur de Domino, & eius corpore, cum scilicet Cbri-

*Christi, & Ecclesiae una persona aestimatur.* Et secundum hoc Christus ex persona membrorum horum loquens dicit Pl. xxi. 2. *Verba delictorum meorum, non quod in ipso capite delicta fuerint.*

Ad secundum dicendum, quod, sicut dicit Augustinus X. super Genes. ad lit. (cap. xix. & xx.) non eodem omni modo Christus fuit in Adam, & in aliis patribus, quo nos ibi fuimus. Nos enim fuimus in Adam secundum feminalem rationem, & secundum corpulentam substantiam: quia scilicet, ut ipse ibidem dicit, *cum sit in semine & visibilis corpulentia, & invisibilis ratio, utrumque currit ex Adam; sed Christus visibilem carnis substantiam de carne Virginis sumpsit, ratio vero conceptionis eius non a semine virili, sed longe aliter, ac desuper venit:* ideo non fuit in Adam secundum feminalem rationem, sed solum secundum corpulentam substantiam. Et ideo Christus non accepit active ab Adam humanam naturam, sed solum materialiter, active vero a Spiritu sancto; sicut & ipse Adam materialiter sumpsit corpus ex limo terrae, active autem a Deo. Et propter hoc Christus non peccavit in Adam, in quo fuit solum secundum materiam.

Ad tertium dicendum, quod Christus ex sua tentatione, & passione nobis auxiliatus est, pro nobis satisfaciendo. Sed in peccatum non cooperatur ad satisfactionem, sed magis ipsam impedit, ut dictum est (in corp. ar. & quaest. xv. ar. 6. ad 2.) Et ideo non oportuit quod peccatum in se haberet, sed omnino esset purus a peccato: alioquin poena quam sustinuit, fuisset sibi debita pro proprio peccato.

Ad quartum dicendum, quod Deus fecit Christum peccatum, non quidem ut in se peccatum haberet, sed quia fecit eum hostiam pro peccato; sicut & Oseea iv. 8. dicitur: *Peccata populi mei comedent, scilicet sacerdotes, qui secundum legem comedebant hostias pro peccato oblatas.* Et secundum hunc modum dicitur Isa. lxxxiii. 6. quod Dominus posuit in eo iniquitatem omnium, quia scilicet eum tradidit, ut esset hostia pro peccatis omnium hominum: vel fecit eum peccatum, id est habentem similitudinem carnis peccati, ut dicitur Rom. viii. Et hoc propter corpus passibile, & mortale, quod assumpsit.

Ad quintum dicendum, quod poenitens

laudabile exemplum dare potest, non ex eo quod peccavit, sed in hoc quod voluntarie poenam sustinet pro peccato. Unde Christus dedit maximum exemplum poenitentibus, dum non pro peccato proprio, sed pro peccatis aliorum voluit poenam subire.

## ARTICULUS II. 91

*Utrum in Christo fuerit fomes peccati.*

*Inf. quaest. xxvii. ar. 3. c. & ad 1. & III. dist. xvii. quaest. 1. art. 1. quaest. 2. ad 4. & opusc. 11. cap. cccxvi.*

**A**D secundum sic proceditur. Videtur quod in Christo fuerit fomes peccati. Ab eodem enim principio derivatur fomes peccati, & passibilitas corporis, sive mortalitas, scilicet ex subtractione originalis iustitiae, per quam simul inferiores vires animae subdebantur rationi, & corpus animae. Sed in Christo fuit passibilitas corporis, & mortalitas. Ergo etiam in eo fuit fomes peccati.

2. Praeterea. Sicut Damascenus dicit in III. Lib. (orth. Fid. cap. xiv. & cap. xv. a med.) *beneficatio divinae voluntatis permittitur carni Christi pati, & operari quae propria.* Sed proprium est carni ut concupiscat delectabilia sibi. Cum igitur nihil aliud sit fomes quam concupiscentia, ut dicitur in Glossa Rom. vii. (interl. & ord. sup. illud, *Nam concupiscentiam nesciebam;*) videtur quod in Christo fuerit fomes peccati.

3. Praeterea. Ratione fomitis peccati *caro concupiscit adversus spiritum*, ut dicitur Gal. v. 17. Sed tanto spiritus ostenditur fortior, & magis dignus corona, quanto magis superat hostem, scilicet concupiscentiam carnis, secundum illud II. ad Tim. ii. 5. (a) *Non coronabitur, nisi qui legitime certaverit:* Christus autem habuit fortissimum, & victoriosissimum spiritum, & maxime dignum corona, secundum illud Apocal. vi. 2. *Data est ei corona, & exivit vincens, ut vinceret.* Videtur ergo quod in Christo maxime debuerit esse fomes peccati.

Sed contra est quod dicitur Matth. x. *Quod in ea natum est, de Spiritu sancto est.* Sed Spiritus sanctus excludit peccatum, & inclinationem peccati, quae

G 2 im-

(a) *Ingata:* Non coronatur, nisi legitime certaveris.

importatur nomine fomitis. Ergo in Christo non fuit fomes peccati.

Respondeo dicendum, quod, sicut supra dictum est (quaest. vii. art. 2. & 9.) Christus perfectissime habuit gratiam, & omnes virtutes. Virtus autem moralis, quæ est (a) in irrationali parte animæ, eam facit esse rationi subiectam, & tanto magis, quanto perfectior fuerit virtus; sicut temperantia concupiscibilem, & fortitudo, & mansuetudo irascibilem, ut in secunda parte dictum est (1. 2. quaest. lvi. art. 4.) Ad rationem autem fomitis pertinet inclinatio sensualis appetitus in id quod est contra rationem. Sic igitur patet quod quanto virtus in aliquo fuerit magis perfecta, tanto magis in eo debilitatur vis fomitis. Cum igitur in Christo fuerit virtus secundum perfectissimum gradum, consequens est quod in eo fomes peccati non fuerit; cum etiam iste defectus non sit ordinabilis ad satisfaciendum, sed potius inclinet ad contrarium satisfactionis.

Ad primum ergo dicendum, quod inferiores vires pertinentes ad sensibilem appetitum naturaliter sunt obedibiles rationi; non autem vires corporales, vel humorum corporum, vel etiam ipsius animæ vegetabilis, ut patet in 1. Ethic. (cap. ult.) Er ideo perfectio virtutis, quæ est secundum rationem rectam, non excludit passibilitatem corporis, excludit autem fomitem peccati; cuius ratio consistit in resistencia sensualis appetitus ad rationem.

Ad secundum dicendum, quod caro naturaliter concupiscit id quod est sibi delectabile concupiscentia appetitus sensibilis; sed caro hominis, qui est animal rationale, hoc concupiscit secundum modum, & ordinem rationis. Et hoc modo caro Christi concupiscentia appetitus sensitivi naturaliter appetebat escam, & potum, & somnum, & alia quæ secundum rectam rationem appetuntur, ut patet per Damascenum in III. Lib. (orth. Fid. cap. xiv. ante med.) Ex hoc autem non sequitur quod in Christo fuerit fomes peccati, qui importat concupiscentiam delectabilium præter ordinem rationis.

Ad tertium dicendum, quod fortitudo spiritus aliqualis offenditur ex hoc quod resistit concupiscentiæ carnis sibi contrariantis; sed maior fortitudo spiritus ostenditur, si per eius virtutem totaliter caro comprimatur, ne contra spiritum con-

cupiscere possit. Et ideo hoc competebar Christo, cuius spiritus summum fortitudinis gradum attigerat: & licet non sustinuerit impugnationem interiorum ex parte fomitis, sustinuit tamen exteriorum impugnationem ex parte mundi, & diaboli, quos superando victoriæ coronam promeruit.

### ARTICULUS III. 93

*Utrum in Christo fuerit ignorantia.*

III. dist. xviii. art. 1. quæst. 2. ad 3.

**A**D tertium sic proceditur. Videtur quod in Christo fuerit ignorantia. Illud enim vere fuit in Christo quod sibi competit secundum humanam naturam, licet ei non competat secundum divinam, sicut passio, & mors. Sed ignorantia convenit Christo secundum humanam naturam: dicit enim Damascenus in III. Lib. (orth. Fid. cap. xxi. in princ.) quod ignorantem, & servilem assumpsit naturam. Ergo ignorantia vera fuit in Christo.

2. Præterea. Aliquis dicitur ignorans per notitiæ defectum. Sed aliqua notitia defuit Christo: dicit enim Apostolus II. ad Corinth. v. 21. *Eum qui non (b) novit peccatum, pro nobis peccatum fecit.* Ergo in Christo fuit ignorantia.

3. Præterea. Isa. viii. 4. dicitur: *Attequam sciat puer vocare patrem suum, & matrem suam, auferetur fortitudo Damasci.* Puer autem ille est Christus. Ergo in Christo fuit aliquarum rerum ignorantia.

Sed contra. Ignorantia per ignorantiam non tollitur. Christus autem ad hoc venit, ut ignorantias nostras auferret: venit enim ut illuminaret his qui in tenebris, & in umbra mortis sedent. (Luc. i. 79.) Ergo in Christo ignorantia non fuit.

Respondeo dicendum, quod sicut in Christo fuit plenitudo gratiæ, & virtutis ita in ipso fuit plenitudo omnis scientiæ, ut ex prædictis patet (quaest. vii. art. 9. & quæst. ix. art. 1.) Sicut autem in Christo plenitudo gratiæ, & virtutis excludit fomitem peccati; ita plenitudo scientiæ excludit ignorantiam, quæ scientiæ opponitur. Unde sicut in Christo non fuit fomes peccati, ita non fuit in eo ignorantia.

Ad primum ergo dicendum, quod natura

(a) Ita mss. & editi passim. A. in rationali. (b) Vult a novet.

## ARTICULUS IV. 93

*Utrum anima Christi fuerit passibilis.*

III. dist. xiii. quest. 1. art. 1. quest. 1. ad 2. & dist. xv. quest. 11. art. 1. quest. 1. & 2. & dist. xxxiii. in exposit. lit. opusc. 11. cap. cccxvi. & opusc. 1x. cap. 111.

natura a Christo assumpta potest dupliciter considerari. Uno modo secundum rationem suae speciei: & secundum hoc dicit Damascenus eam esse ignorantem, & servilem: unde subdit: Nam serva quidem est hominis natura, eius qui fecit ipsam, Dei scilicet, & non habet futurorum cognitionem. Alio modo potest considerari secundum id quod habet ex unione ad hypostasim divinam; ex qua habet plenitudinem scientiae, & gratiae, secundum illud Ioan. 1. 14. *Vidimus eum quasi unigenitum a Patre, plenum gratiae, & veritatis:* & hoc modo natura humana in Christo ignorantiam non habuit.

Ad secundum dicendum, quod Christus dicitur non novisse peccatum, quia nescivit per experientiam, scivit autem per simplicem notitiam.

Ad tertium dicendum, quod loquitur ibi Propheta de scientia humana Christi: dicit enim: *Antequam sciat puer*, scilicet secundum humanitatem, *vocare patrem suum*, scilicet Ioseph, qui pater eius fuit putativus, & *matrem suam*, scilicet Mariam, *auferetur fortitudo Damasci*. Quod non est sic intelligendum, quasi aliquando fuerit homo, & hoc nesciverit; sed *antequam sciat*, id est antequam fiat homo scientiam habens humanam, *auferetur vel ad litteram fortitudo Damasci, & spolia Samariae* per Regem Assyriorum; vel spiritualiter, quia *nondum natus populum suum sola invocatione salvabit*, ut Glossa (interl.) Hieronymi ibi exponit. Augustinus tamen in serm. de Epiph. (xxxii. de temp. circ. med.) dicit, hoc esse completum in adoratione Magorum. Ait enim: *Antequam per humanam carnem humana verba proferret, accepit virtutem Damasci, scilicet divitias, in quibus Damascus presumebat: in divitiis autem principatus auro desertur. Spolia vero Samariae iidem ipsi erant qui incolebant. Samaria namque pro idololatria ponitur: illic enim populus Israel aversus a Domino, ad idola colenda conversus est. Haec igitur prima spolia puer idololatriae dominationi detraxit.* Et secundum hoc intelligitur, *antequam sciat*, id est antequam ostendat se scire.

Ad quartum sic proceditur. Videtur quod anima Christi non fuerit passibilis. Nihil enim patitur, nisi a fortiori: quia *agens praestantius est patiente*, ut patet per Augustinum XII. super Genes. ad lit. (cap. xvi. in med.) & per Philosophum III. de Anima (tex. 19.) Sed nulla creatura fuit praestantior quam anima Christi. Ergo anima Christi non potuit ab aliqua creatura pati; & ita non fuit passibilis: frustra enim in ea fuisset potentia patiendi, si a nullo pati potuisset.

2. Praeterea. Tullius in Lib. III. de Tulculanis quaestionibus (aliquant. a princ.) dicit, quod passiones animae sunt quaedam aegritudines. Sed in anima Christi non fuit aliqua aegritudo: nam aegritudo animae sequitur peccatum, ut patet per illud Psal. xl. 5. *Sana animam meam, quia peccavi tibi.* Ergo in Christo non fuerunt animae passiones.

3. Praeterea. Passiones animae videntur idem esse cum fomite peccati: unde & Apostolus Rom. vii. vocat eas *passiones peccatorum*. Sed in Christo non fuit fomites peccati, ut supra dictum est (art. 2. hu. quest.). Ergo videtur quod non fuerint in eo animae passiones; & ita anima Christi non fuit passibilis.

Sed contra est quod in Psal. lxxxviii. 4. dicitur ex persona Christi: *Repleta est malis anima mea*, non quidem peccatis, sed humanis malis, id est doloribus, ut Glossa (interl. Aug.) ibi exponit. Sic ergo anima Christi fuit passibilis.

Respondeo dicendum, quod animam in corpore constitutam dupliciter contingit pati: uno modo passione corporali; alio modo passione animali. Passione quidem corporali patitur per corporis laesionem: cum enim anima sit forma corporis, consequens est quod unum sit esse animae, & corporis: & ideo corpore perturbato per aliquam corpoream passionem, necesse est quod anima per accidens perturbetur, scilicet quantum ad esse, quod habet in corpore. Quia igitur corpus Christi fuit



passibile, & mortale, ut supra habitum est (quaest. xiv. art. 2.) necesse fuit ut etiam eius anima hoc modo passibilis esset. Passione autem animali pati dicitur anima secundum operationem, quæ vel est propria animæ, vel principaliter est animæ quam corporis: & quamvis etiam secundum intelligere, & sentire dicatur hoc modo anima aliquid pati; tamen, sicut in secunda parte dictum est (1. 2. quaest. xxii.) propriissime dicuntur passionibus animæ affectiones appetitus sensitivi: quæ in Christo fuerunt, sicut & cetera quæ ad naturam hominis pertinent. Unde Augustinus dicit in XIV. de civit. Dei (cap. ix. parum ante med.) *Ipsæ Dominus in forma servi vitam agere dignatus humanam adhibuit eas, ubi adhibendas esse indicavit: neque enim in quo verum erat hominis corpus, & verus hominis animus, falsus erat humanus affectus.*

Sciendum tamen est, quod huiusmodi passionibus aliter fuerunt in Christo quam in nobis, quantum ad tria. Primo quidem quantum ad obiectum: quia in nobis plerumque huiusmodi passionibus feruntur ad illicita: quod in Christo non fuit. Secundo quantum ad principium: quia huiusmodi passionibus frequenter in nobis præveniunt iudicium rationis; sed in Christo omnes motus sensitivi appetitus oriebantur secundum dispositionem rationis. Unde Augustinus dicit XIV. de civ. Dei (loc. cit.) quod *hæc motus (a) certissime dispensationis gratia ita, cum voluit, Christus suscepit animo humano, sicut cum voluit, factus est homo.* Tertio quantum ad (b) effectum: quia in nobis quandoque huiusmodi motus non sistant in appetitu sensitivo, sed trahunt rationem; quod in Christo non fuit: quia motus naturaliter humanæ carni convenientes, sic ex eius dispositione in appetitu sensitivo manebant quod ratio ex his nullo modo impediatur facere quæ conveniebant. Unde Hieronymus dicit super Matth. (sup. illud cap. xxv. *Cæpit contristari*) quod *Dominus noster, ut veritatem assumpti probaret hominis, vera quidem contristatus est; sed ne passio in animo illius dominaretur, per passionem dicitur quod cæpit contristari:* ut passio perfecta intelligatur, quando animo, id est rationi dominatur; pro passio autem, quando est inchoata in appetitu sensitivo, sed ulterius non se extendit.

Ad primum ergo dicendum, quod ani-

ma Christi poterat quidem resistere passionibus, ut non ei supervenirent, præsertim virtute divina; sed propria voluntate se passionibus subiciebat tam corporalibus, quam animalibus.

Ad secundum dicendum, quod Tullius ibi loquitur secundum opinionem Stoicorum; qui non vocabant passionibus quoscunque motus appetitus sensitivi, sed solum inordinatos. Tales autem passionibus manifestum est in Christo non fuisse.

Ad tertium dicendum, quod passionibus peccatorum sunt motus appetitus sensitivi in illicita tendentes: quod nosse fuit in Christo, sicut nec somes peccati.

## ARTICULUS V. 94

Utrum in Christo fuerit dolor sensibilis.

*Inf. quaest. xlv. art. 6. c. & III. dist. xv. quaest. 11. art. 2. quaest. 1. & ver. quaest. xxvi. art. 8. co. & fin. & ad 8. & ep. 11. cap. cccxxi.*

**A**D quantum sic proceditur. Videtur quod in Christo non fuerit verus dolor sensibilis. Dicit enim Hilarius in X. de Trinit. (aliquant. a princ.) *Cum pro Christo mori sit visa, quid ipse in mortis sacramento doluisse estimandus est, qui pro se morientibus vitam rependit?* Et infra dicit: *Unigenitus Deus hominem verum, non deficient a se Deo, sumpsit: in quem quamvis aut ictus incideret, aut vulnus descenderet, aut nodi concurrerent, aut suspensio elevarer; afferrent quidem hæc imperium passionis, non tamen dolorem passionis inferrent, ut velum aliquod æquam perforans.* Non igitur in Christo fuit verus dolor.

2. Præterea. Hoc proprium videtur esse carni in peccato conceptæ quod necessitati doloris subiaceat. Sed caro Christi non est cum peccato concepta, sed ex Spiritu sancto in utero virginali. Non ergo subiacuit necessitati patiendi dolorem.

3. Præterea. Delectatio contemplationis divinorum diminuit sensum doloris: unde & Martyres in passionibus suis tolerabilius sustinuerunt ex consideratione divini amoris. Sed anima Christi summo delectabatur in contemplatione Dei, quem per essentiam videbat, ut supra dictum est (quaest. ix. art. 2.) Non ergo poterat sentire aliquem dolorem.

Sed

(a) *Inf. cetera.* (b) *Ita nesci. & aliter putaret, et, si, dum,*

Sed contra est quod Isa. lxxi. 4. dicitur: *Vere dolores nostros ipse tulit.*

Respondetur dicendum, quod, sicut patet ex his quae in II. Parte dicta sunt (1. 2. quæst. xxxv. art. 1.) ad veritatem doloris sensibilis requiritur læsio corporis, & sensus læsionis. Corpus autem Christi lædi poterat, quia erat passibile, & mortale, ut supra habuimus (quæst. xiv. art. 1.) nec defuit ei sensus læsionis, cum anima Christi perfecte haberet omnes potentias naturales. Unde nulli dubium debet esse quin in Christo fuerit verus dolor.

Ad primum ergo dicendum, quod in omnibus illis verbis, & similibus Hilarius a carne Christi non veritatem doloris, sed necessitatem excludere intendit. Unde post præmissa verba subdit: *Necque enim cum sivit, aut esurivit, aut flevit, bibisse Dominus, aut manducasse, aut doluisse monstratus est. Sed ad demonstrandam corporis veritatem, corporis consuetudo suscepta est, ita ut naturæ nostræ consuetudine consuetudini sit corporis satisfactum. Vel cum potum, & cibum accepit, non necessitati corporis, sed consuetudini tribuit.* Et non accepit necessitatem per comparationem ad causam primam horum defectuum, quæ est peccatum, ut supra dictum est (quæst. xiv. art. 1. & art. 3. ad 2.) ut scilicet ex ratione dicatur caro Christi non subiaccisse necessitati horum defectuum, quia non fuit in ea peccatum. Unde subdit: *Habuit enim, scilicet Christus, corpus, sed originis suæ proprium, neque ex vitiis humanæ conceptionis existens, sed in forma corporis nostri, virtutis suæ potestate subsistens.* Quantum tamen ad causam propinquam horum defectuum, quæ est complicitio contrariorum, caro Christi subiaccit necessitati horum defectuum, ut supra dictum est (quæst. xiv. art. 2.).

Ad secundum dicendum, quod caro in peccato concepta subiaccit dolori, non solum ex necessitate naturalium principiorum, sed etiam ex necessitate reatus peccati: quæ quidem necessitas in Christo non fuit, sed solum necessitas naturalium principiorum.

Ad tertium dicendum, quod, sicut supra dictum est (quæst. xiv. art. 1. ad 2.) virtute Divinitatis Christi dispensative sic beatitudo in anima continebatur quod non derivabatur ad corpus, ne eius sensibilitas, & mortalitas tolleretur: & eadem ratione delectatio contempla-

tionis sic retinebatur in mente quod non derivabatur ad vires sensibiles, ne per hoc dolor sensibilis excluderetur.

## ARTICULUS VI. 95

*Utrum in Christo fueris tristitia.*

*Inf. quæst. xlv. art. 6. & III. dist. xv. quæst. 11. art. 3. quæst. 3. cor. & ad 1. & opusc. 11. cap. cccxvi.*

**A**D sextum sic proceditur. Videtur quod in Christo non fuerit tristitia. Dicitur enim de Christo Isa. xlii. 4. *Non erit tristis, nec turbulens.*

2. Præterea. Proverb. xii. 21. dicitur: *Non contristabit iustum, quicquid ei acciderit.* Et huius rationem Stoici assignabant, quia nullus tristatur nisi de amissione suorum bonorum: iustus autem non reputat bona sua nisi iustitiam, & virtutem; quas non potest amittere: alioquin subiceretur iustus fortunæ, si pro amissione bonorum fortunæ tristaretur. Sed Christus fuit maxime iustus, secundum illud Hierem. xxiii. 6. *Hoc est nomen quod vocabunt eum, Dominus iustus noster.* Ergo in eo non fuit tristitia.

3. Præterea. Philosophus dicit in VII. Ethic. (cap. xiii. & xiv.) quod omnis tristitia est malum, & fugiendum. Sed nullum malum fugiendum fuit in Christo. Ergo in Christo non fuit tristitia.

4. Præterea. Sicut Augustinus dicit XIV. de civit. Dei (cap. vi. in med.) *tristitia est de his quæ nobis volentibus accidunt.* Sed nihil passus est Christus contra suam voluntatem: dicitur enim Isa. liii. 7. *Oblatus est, quia ipse voluit.* Non ergo in Christo fuit tristitia.

Sed contra est quod dicit Dominus Matth. xxvi. 38. *Tristis est anima mea usque ad mortem.* Et Ambrosius dicit in II. de Trinit. (seu de fide ad Gratian. cap. 111. versus fin.) *Ut homo tristitiam habuit: suscepit enim tristitiam meam. Confidenter tristitiam nomino, quia crucem prædico.*

Respondetur dicendum, quod, sicut dictum est (art. præc. ad 3.) delectatio divinæ contemplationis ita per dispensationem divinæ virtutis retinebatur in mente Christi quod non derivabatur ad vires sensibiles, ut per hoc dolor sensibilis excluderetur. Sicut autem dolor sensibilis est in appetitu sensitivo, ita & tristitia. Sed est differentia secundum

motivum, sive obiectum: nam obiectum, & motivum doloris est lesio sensu tactus percepta, sicut cum aliquis vulneratur; obiectum autem, & motivum tristitiæ est nocivum, seu malum interius apprehensum sive per rationem, sive per imaginationem, ut in secunda parte habitum est (1. 2. quæst. xxxiii. art. 2.) sicut cum aliquis tristatur de amissione gratiæ, vel pecuniæ. Potuit autem anima Christi interius apprehendere aliquid ut nocivum & quantum ad se, sicut passio, & mors eius fuit; & quantum ad alios, sicut peccatum discipulorum, vel etiam Iudæorum occidentium ipsum. Et ideo sicut in Christo potuit esse verus dolor, ita potuit in eo esse vera tristitia; alio tamen modo quam nobis, secundum illa tria quæ supra assignata sunt (art. 4. bu. quæst.) cum communiter de passionibus animæ Christi loqueremur.

Ad primum ergo dicendum, quod tristitia removeretur a Christo secundum passionem perfectam; fuit tamen in eo initiata secundum propagationem. Unde dicitur Matth. xxvi. 37. *Capit contristari, & mæsus esse.* Aliud enim est contristari, aliud incipere contristari, "ut Hieronymus ibidem dicit.

Ad secundum dicendum, quod, sicut Augustinus dicit in XIV. de civ. Dei (cap. viii. in princ.) pro tribus perturbationibus, scilicet cupiditate, lætitia, & timore, Stoici tres *passiones*, id est bonas passiones, in animo sapientis posuerunt, scilicet pro cupiditate voluntatem, pro lætitia gaudium, pro metu cautionem. Sed pro tristitia negaverunt aliquid posse esse in animo sapientis: quia tristitia de malo est quod iam accidit: nullum autem malum existimant posse accidere sapienti: & hoc ideo est, quia non credebant aliquid esse bonum, nisi honestum, quod homines bonos facit; nec aliquid esse malum, nisi inhonestum, per quod homines mali fiunt. Quamvis autem honestum sit principale hominis bonum, & inhonestum principale hominis malum, quia hæc pertinent ad ipsam rationem, quæ est principalis in homine; sunt tamen quædam secundaria hominis bona, quæ pertinent ad ipsum corpus, vel ad exteriores res corpori deservientes. Et secundum hoc potest in animo sapientis esse tristitia quantum ad appetitum sensitivum secundum apprehensionem huiusmodi malorum; non tamen ita quod illa tristitia perturbet ratio-

nem. Et secundum hoc intelligitur quod non contristabit iustum, quicquid ei acciderit, quia scilicet ex nullo accidente eius ratio perturbatur. Et secundum hoc tristitia fuit in Christo secundum passionem, non autem secundum passionem.

Ad tertium dicendum, quod omnis tristitia est malum pœnæ; non autem est semper malum culpæ, sed solum quando ex inordinato affectu procedit. Unde Augustinus dicit XIV. de civ. Dei (cap. ix. ante med.) *Cum rectam rationem sequuntur ille affectiones, & quando, & ubi oportet adhibentur, quis eas tunc morbos, seu vitiosas passiones audeat dicere?*

Ad quartum dicendum, quod nihil prohibet, aliquid esse contrarium voluntati secundum se, quod tamen est volitum ratione finis, ad quem ordinatur; sicut medicina amara non est secundum se voluta, sed solum secundum quod ordinatur ad sanitatem. Et hoc modo mors Christi, & eius passio fuit secundum se considerata involuntaria, & tristitia causans; licet fuerit voluntaria in ordine ad finem, qui est redemptio humani generis.

## ARTICULUS VII. 96

*Utrum in Christo fuerit timor.*

*Sup. quæst. vii. art. 6. & iii. dist. xv. quæst. ii. art. 2. quæst. 3.*

**A**D septimum sic proceditur. Videtur quod in Christo non fuerit timor. Dicitur enim Proverb. xxviii. 1. *Iustus quasi leo confidens, absque terrore erit.* Sed Christus fuit maxime iustus. Ergo in Christo non fuit aliquis timor.

2. Præterea Hilarius dicit X. de Trin. (aliquant. a princ.) *Interrogo eos qui hoc ita existimant, an ratione subsistat, ut mori timeret qui omnem ad Apostolos mortis timorem expellens, ad gloriam eos per martyrii exhortatur.* Non ergo in Christo rationabile est fuisse timorem.

3. Præterea. Timor non videtur esse nisi de malo quod non potest homo vitare. Sed Christus poterat vitare & malum pœnæ, quod passus est, & malum culpæ, quod alius accidit. Ergo in Christo non fuit aliquis timor.

Sed contra est quod dicitur Marc. xiv. 33. *Capit lesus parere, & redere.*

Respondeo dicendum, quod sicut tristitia causatur ex apprehensione mali

præ-

praesentis, ita timor causatur ex apprehensione mali futuri. Apprehensio autem mali futuri, si omnimodam certitudinem habeat, non inducit timorem. Unde Philosophus dicit in II. Rethor. (cap. v. cir. med.) quod timor non est, nisi ubi est aliqua spes evadendi. Nam quando nulla spes est evadendi, apprehenditur malum ut praesens; & sic magis causat tristitiam quam timorem.

Sic ergo timor potest considerari quantum ad duo. Uno modo quantum ad hoc quod appetitus sensitivus naturaliter refugit corporis lationem & per tristitiam, si sit praesens, & per timorem, si sit futura; & hoc modo timor fuit in Christo, sicut & tristitia. Alio modo potest considerari secundum incertitudinem futuri eventus; sicut quando nocte timeamus ex aliquo sonitu, quasi ignorantes quid hoc sit: & quantum ad hoc timor non fuit in Christo, ut Damascenus dicit in III. Lib. (orth. Fid. cap. xxiii. in med.)

Ad primum ergo dicendum, quod iustus dicitur esse absque terrore, secundum quod terror importat perfectam passionem avertentem hominem ab eo quod est rationis. Et sic timor non fuit in Christo, sed solum secundum propassionem. Et ideo dicitur, quod *Jesus capiti pavere*, quasi *secundum propassionem*, ut Hieronymus exponit (sup. illud Matth. xxvi. *Capit contristari*.)

Ad secundum dicendum, quod Hilarius eo modo a Christo excludit timorem, quo excludit tristitiam, scilicet quoad necessitatem timendi. Sed tamen ad comprobendam veritatem humanae naturae, voluntarie timorem assumpsit, sicut etiam & tristitiam.

Ad tertium dicendum, quod licet Christus potuerit vitare mala futura secundum virtutem Divinitatis; erant tamen inevitabilia, vel non de facili vitabilia secundum infirmitatem carnis.

## ARTICULUS VIII. 97

*Utrum in Christo fuerit admiratio.*

IV. cont. cap. xxxiii. ff. & Matth. vii. com. 5. ff.

**A**D octavum sic proceditur. Videtur quod in Christo non fuerit admiratio. Dicit enim Philosophus in I. Metaphisic. (cap. ii. in med.) quod admiratio causatur ex hoc quod aliquis videt esse-

rum, & ignorat causam: & sic admirari non est nisi ignorantis. Sed in Christo non fuit ignorantia, ut dictum est (art. 3. hu. quæst.) Ergo in Christo non fuit admiratio.

2. Præterea. Damascenus dicit in II. Lib. (orth. Fid. cap. xv.) quod *admiratio est timor ex magna imaginatione*; & ideo Philosophus dicit in IV. Ethicor. (cap. iii. ad fi.) quod magnanimus non est admirativus. Sed Christus fuit maxime magnanimus. Ergo in Christo non fuit admiratio.

3. Præterea. Nullus admiratur de eo quod ipse facere potest. Sed Christus facere poterat quicquid magnum erat in rebus. Ergo videtur quod de nullo admirabatur.

Sed contra est quod dicitur Matth. viii. 10. *Audiens Jesus*, scilicet verba Centurionis, *miratus est*.

Respondeo dicendum, quod admiratio proprie est de aliquo novo, & insolito. In Christo autem non poterat esse aliquid novum, & insolitum quantum ad scientiam divinam, qua cognoscebat res in Verbo, neque etiam quantum ad scientiam humanam, qua cognoscebat res per species inditas; potuit tamen aliquid esse sibi novum, & insolitum secundum scientiam experimentalem, secundum quam sibi poterant quotidie aliqua nova occurrere. Et ideo si loquamur de seipso quantum ad scientiam divinam, & scientiam beatam, vel etiam infusam, non fuit in Christo admiratio; si autem loquamur de eo quantum ad scientiam experimentalem, sic admiratio in eo esse potuit: & assumpsit hunc affectum ad nostram instructionem, ut scilicet doceat esse mirandum quod etiam ipse mirabatur. Unde dicit Augustinus in I. super Gen. contra Manichæos (cap. viii. ad fi.) *Quod mirabatur Dominus, nobis mirandum esse significat, quibus adhuc opus est se moveri. Omnes ergo tales motus eius non perturbati animi signa sunt, sed docentis manifesti*.

Ad primum ergo dicendum, quod licet Christus nihil ignoraret, poterat tamen aliquid de novo occurrere experimentali eius scientiæ, ex quo admiratio causaretur.

Ad secundum dicendum, quod Christus non admirabatur de fide Centurionis ea ratione quod esset magna quantum ad ipsum, sed quia erat magna quantum ad alios.

Ad tertium dicendum, quod ipse poterat

terat facere omnia secundum virtutem divinam, secundum quam in eo admiratio non erat, sed solum secundum humanam scientiam experimentalem, ut dictum est (in cor. ar.)

## ARTICULUS IX. 98

*Utrum in Christo fuerit ira.*

III. dist. xv. quæst. 11. art. 2.  
quæst. 2.

**A**D nonum sic proceditur. Videtur quod in Christo non fuerit ira. Dicitur enim Iacobi 1. 20. *Ira viri iustitiam Dei non operatur.* Sed quicquid fuit in Christo, ad iustitiam Dei pertinuit: *ipse enim factus est nobis iustitia a Deo*, ut dicitur I. Coriuth. 1. 30. Ergo videtur quod in Christo non fuerit ira.

2. Præterea. Ira mansuetudini opponitur, ut patet in IV. Ethicor. (cap.v.) Sed Christus fuit mansuetus. Ergo in eo non fuit ira.

3. Præterea. Gregorius dicit in V. Moral. (cap. xxx. inter med. & fi.) quod *ira per vitium excæcat oculum mentis, ira vero per zelum ipsum turbat.* Sed in Christo nec vitium oculum non fuit excæcatus, nec turbatus. Ergo in Christo nec fuit ira per vitium, nec ira per zelum.

Sed contra est quod Ioan. 11. de eo dicitur esse impletum quod in Ps. lxxviii. 10. legitur: *Zelus domus sue comedit me.*

Respondendo dicendum, quod, sicut in secunda parte dictum est (1. 2. quæst. xlv. art. 3. ad 3. & 2. 2. quæst. clviii. art. 1. 2. & 3.) ira est effectus tristitiæ. Ex tristitia enim alicui illata consequitur in eo circa sensitivam partem appetitus repellendi illatam iniuriam vel sibi, vel aliis. Et sic ira est passio composita ex tristitia, & appetitu vindictæ. Dictum est autem (art. 6. hu. q.) quod in Christo tristitia esse potuit. Appetitus etiam vindictæ quandoque est cum peccato, quando scilicet aliquis vindictam querit absque ordine rationis. Et sic ira in Christo esse non potuit, huiusmodi enim dicitur ira per vitium. Quandoque vero talis appetitus est sine peccato, immo est laudabilis; puta cum aliquis appetit vindictam secundum ordinem iustitiæ: & hoc vocatur ira per zelum. Dicit enim Augustinus super Ioan. (tract. x. aliquant. a med.) quod *zelo domus Dei comeditur qui omnia provera que videt, latagit emendare; & si emendare non pot-*

*est, tolerat, & gemit. Et talis ira fuit in Christo.*

Ad primum ergo dicendum, quod, sicut Gregorius dicit V. Moral. (cap. xxx.) ira dupliciter se habet in homine. Quandoque enim prævenit rationem, & trahit eam secum ad operandum: & tunc proprie ira dicitur operari, nam operatio attribuitur principali agenti. Et secundum hoc intelligitur, quod *ira viri iustitiam Dei non operatur.* Quandoque vero ira sequitur rationem, & est quasi instrumentum ipsius: & tunc operatio, quæ est iustitiæ, non attribuitur iræ, sed rationi.

Ad secundum dicendum, quod ira quæ transgreditur ordinem rationis, opponitur mansuetudini, non autem ira quæ est moderata, & ad medium reducta per rationem: nam mansuetudo medium tenet in ira.

Ad tertium dicendum, quod in nobis secundum naturalem ordinem potentia animæ mutuo se impediunt, ita scilicet quod cum unus potentia operatio fuerit intensa, alterius operatio debilitetur. Et ex hoc procedit quod motus iræ, etiam si sit secundum rationem moderatus, utcumque impedit oculum animæ contemplantis. Sed in Christo per moderationem divinæ virtutis unicuique potentia permittebatur agere quod erat ei proprium, ita quod una potentia ex alia non impediatur. Et ideo sicut delectatio mentis contemplantis non impediabat tristitiam, vel dolorem inferioris partis; ita etiam e converso passiones inferioris partis in nullo impediabant actum rationis.

## ARTICULUS X. 99

*Utrum Christus simul fuerit viator, & comprehensor.*

III. dist. xiv. art. 2. & dist. xviii. art. 11. & ver. quæst. xxvi. art. 10. & quæst. xxix. art. 6. & quol. 1. quæst. 11. art. 11. co. & op. 2. cap. cccxxxviii. & p. p. sc. xviii. cap. iv.

**A**D decimum sic proceditur. Videtur quod Christus non fuerit simul viator, & comprehensor. Viatori enim competit moveri ad finem beatitudinis, comprehensori autem competit in fine quiescere. Sed non potest eadem simul convenire quod moveatur ad finem, & quod quiescat in fine. Ergo non potuit simul esse

esse quod Christus esset viator, & comprehensor.

2. Præterea. Moveri ad beatitudinem, aut eam obtinere, non competit homini secundum corpus, sed secundum animam: unde Augustinus dicit in epistola ad Dioscorum (cxviii. ad lvi. parum antemed.) quod ad inferiorem naturam, quæ est corpus, redundat ab anima, non beatitudo quæ propria est fruentis, & intelligentis, sed plenitudo sanitatis, id est incorruptionis vigor. Sed Christus licet haberet corpus passibile, tamen secundum mentem plene Deo fruebatur. Non igitur Christus fuit viator, sed purus comprehensor.

3. Præterea. Sancti, quorum animæ sunt in celo, & corpora in sepulcris, fruuntur quidem beatitudine secundum animam, quamvis eorum corpora mortui tubaceant; tamen non dicuntur viatores, sed solum comprehensores. Ergo pari ratione licet corpus Christi fuerit mortale; quia tamen mens eius Deo fruebatur, videtur quod fuerit purus comprehensor, & nullo modo viator.

Sed contra est quod dicitur Hierem. xiv. 8. *Quare quasi colonus futurus es in terra, & quasi viator declinans ad manducandum?*

Respondetur dicendum, quod aliquis dicitur viator ex eo quod tendit in beatitudinem; comprehensor autem dicitur ex hoc quod iam beatitudinem obtinet, secundum illud I. Corinth. ix. 24. *Sic currite ut comprehendatis*; & Philip. iiii. 12. *Sequitur autem, si quo modo comprehendam.* Hominis autem beatitudo perfecta consistit in anima, & corpore, ut in secunda parte habitum est (1. 2. quæst. iv. art. 6.) In anima quidem quantum ad id quod est ei proprium, secundum quod mens videt, & fruatur Deo; in corpore vero, secundum quod corpus resurget spirituale, & in virtute, & in gloria, & in incorruptione, ut dicitur I. Corinth. xv. Christus autem ante passionem secundum mentem plene videbat Deum: & sic habebat beatitudinem quantum ad id quod est proprium animæ; sed quantum ad alia deerat ei beatitudo, quia & anima eius erat passibilis, & corpus passibile, & mortale, ut ex supradictis patet (art. 4. huius quæst. & quæst. xiv. art. 1. & 2.) Et ideo simul erat comprehensor, in quantum habebat beatitudinem propriam animæ, & simul viator, in quantum tenebat in beatitudinem secundum id quod ei de beatitudine deerat.

Ad primum ergo dicendum, quod impossibile est moveri ad finem, & quietare in fine secundum idem; sed secundum diversa nihil hoc prohibet: sicut aliquis homo simul est sciens quantum ad ea quæ iam novit, & addiscens quantum ad ea quæ nondum novit.

Ad secundum dicendum, quod beatitudo principaliter & proprie consistit in anima secundum mentem; secundario tamen, & quasi instrumentaliter requiruntur ad beatitudinem corporis bona; sicut etiam Philosophus dicit in I. Ethic. (cap. viii. circ. si.) quod exteriora bona organicè deserviunt beatitudini.

Ad tertium dicendum, quod non est eadem ratio de animabus Sanctorum, & de Christo, propter duo: primo quidem quia animæ Sanctorum non sunt passibiles, sicut fuit anima Christi; secundo quia corpora non agunt aliquid, per quod in beatitudinem tendant, sicut Christus secundum corporis passiones in beatitudinem tendebat quantum ad gloriam corporis.

## QUAESTIO XVI.

*De consequentibus unionem, quantum ad ea quæ conveniunt Christo secundum esse, & fieri,*

*in duodecim articulos divisa.*

**D**einde considerandum est de his quæ consequuntur unionem: et primo quantum ad ea quæ conveniunt Christo secundum se; secundo de his quæ conveniunt Christo per comparisonem ad Deum Patrem; tertio de his quæ conveniunt Christo per comparisonem ad nos.

Circa primum duplex consideratio occurrit. Prima quidem de his quæ conveniunt Christo secundum esse, & fieri; secunda de his quæ conveniunt Christo secundum rationem unitatis.

Circa primum quærentur duodecim. Primo, utrum hæc sit vera, *Deus est homo.*

Secundo, utrum hæc sit vera, *Homo est Deus.*

Tertio, utrum Christus possit dici homo dominicus.

Quarto, utrum ea quæ conveniunt Filio hominis, possint prædicari de Filio Dei, & e contrario.

Quinto, utrum ea quæ conveniunt Filio hominis, possint prædicari de divina natura, & de humana ea quæ conveniunt Filio Dei.

Se-

Sexto, utrum hæc sit vera, *Filius Dei factus est homo*.

Septimo, utrum hæc sit vera, *Homo factus est Deus*.

Octavo, utrum hæc sit vera, *Christus est creatura*.

Nono, utrum hæc sit vera: *Iste homo, demonstrato Christo, incepit esse, vel fuit semper*.

Decimo, utrum hæc sit vera: *Christus, secundum quod homo, est Deus*.

Duodecimo, utrum hæc sit vera: *Christus, secundum quod homo, est hypostasis, vel persona*.

## ARTICULUS I. 100

*Utrum hæc sit vera, Deus est homo.*

III. dist. VII. quæst. I. art. I. & un.  
art. 4. c. fi.

**A**D primum sic proceditur. Videtur quod hæc sit falsa, *Deus est homo*. Omnis enim propositio affirmativa in materia remota est falsa. Sed hæc propositio, *Deus est homo*, est in materia remota, quia formæ significatæ per subiectum, & prædicatum sunt maxime distantes. Cum ergo propositio prædicta sit affirmativa, videtur quod sit falsa.

2. Præterea. Magis conveniunt tres personæ divinæ ad invicem, quam humana natura, & divina. Sed in mysterio Trinitatis hæc persona non prædicatur de alia: non enim dicimus, quod Pater est Filius, vel e converso. Ergo videtur quod nec humana natura possit prædicari de Deo, ut dicatur quod Deus est homo.

3. Præterea. Athanasius dicit (in symb. fid.) quod *sicut anima, & caro unus est homo, ita Deus, & homo unus est Christus*. Sed hæc est falsa, *Anima est corpus*. Ergo etiam hæc est falsa, *Deus est homo*.

4. Præterea. Sicut in prima parte habitum est (quæst. xxxix. art. 3.) quod prædicatur de Deo non relative, sed absolute, convenit toti Trinitati, & singulis personis. Sed hoc nomen *homo* non est relativum, sed absolutum. Si ergo vere prædicatur de Deo, sequeretur quod tota Trinitas, & quælibet persona sit homo: quod patet esse falsum.

Sed contra est quod dicitur Philipp. 11. 6. *Qui cum in forma Dei esset.... exinavit semetipsum, formam servi accipiens, in similitudinem hominum factus, & habitu inventus ut homo*: et sic ille qui est

in forma Dei, est homo. Sed ille qui est in forma Dei, est Deus. Ergo Deus est homo.

Respondeo dicendum, quod ista propositio, *Deus est homo*, ab omnibus Christianis conceditur, non tamen ab omnibus secundum eandem rationem.

Quidam enim hanc propositionem concedunt, non secundum propriam acceptionem horum terminorum. Nam Manichæi Verbum Dei dicunt esse hominera, non quidem verum, sed similitudinarium, inquantum dicunt, Filium Dei corpus phantasticum assumpsisse; ut sic dicatur Deus homo, sicut cuprum figuratum dicitur homo, quia habet similitudinem hominis. Similiter etiam illi qui poluerunt, quod in Christo anima, & corpus non fuerunt unita, non possunt dicere, quod Deus sit verus homo, sed quod dicatur homo figurative ratione partium. Sed utraque harum opinionum supra improbatæ est (quæst. 11. art. 5. & 6. & quæst. v. art. 1. & 2.)

Alii vero e converso ponunt veritatem ex parte hominis, sed negant veritatem ex parte Dei. Dicunt enim, Christum, qui est Deus, & homo, esse Deum non naturaliter, sed participative, scilicet per gratiam; sicut & omnes sancti viri dicuntur Dii; excellentius tamen Christus præ aliis, propter gratiam abundantiorum. Et secundum hoc cum dicitur, *Deus est homo*, ly *Deus* non supponit verum, & naturalem Deum. Et hæc est hæres Photini, quæ supra improbatæ est (quæst. 11. art. 6.)

Alii vero concedunt hanc propositionem cum veritate utriusque termini, ponentes Christum & verum Deum esse, & verum hominem; sed tamen veritatem prædicationis non salvant. Dicunt enim, quod homo prædicatur de Deo per quamdam coniunctionem vel dignitatis, vel auctoritatis, vel etiam affectionis, aut inhabitationis. Et sic posuit Nestorius, Deum hominem esse; ut per hoc nihil aliud significetur quam quod Deus est homini coniunctus tali coniunctione, quod homo inhabitetur a Deo, & utriusque ei secundum affectum, & secundum participationem auctoritatis, & honoris divini. Et in similem errorem incidunt quicunque ponunt duas hypostases, vel duo supposita in Christo: quia non est possibile intelligi, quod duorum quæ sunt secundum suppositum, vel hypostasim distincta, unum proprie prædicetur de alio, sed solum secundum quamdam

dam figurativam locutionem, inquantum in aliquo coniunguntur; puta si dicamus, Petrum esse Ioannem, quia habent aliquam conjunctionem ad invicem. Et hæc etiam opiniones supra improbatæ sunt (quæst. xi. art. 6.)

Unde supponendo secundum veritatem catholicæ huius, quod vera natura divina unita est cum vera natura humana, non solum in persona, sed etiam in supposito, vel hypostasi, dicimus hanc propositionem esse veram, & propriam, *Deus est homo*, non solum propter veritatem terminorum, (quia scilicet Christus est verus Deus, & verus homo,) sed etiam propter veritatem prædicationis. Nomen enim significans naturam communem in concreto, potest supponere pro quolibet contentorum sub natura communi; sicut hoc nomen *homo* potest supponere pro quolibet homine singulari. Et ita hoc nomen *Deus* ex ipso modo suæ significationis potest supponere pro persona Filii Dei, ut etiam in prima parte habitum est (quæst. xxxix. art. 4.) De quolibet autem supposito aliquius naturæ potest vere, & proprie prædicari nomen significans illam naturam in concreto; sicut de Socrate, & Platone proprie & vere prædicatur *homo*. Quia ergo persona Filii Dei, pro qua supponit hoc nomen *Deus*, est suppositum naturæ humanæ, vere & proprie hoc nomen *homo* potest prædicari de hoc nomine *Deus*, secundum quod supponit pro persona Filii Dei.

Ad primum ergo dicendum, quod quando formæ diversæ non possunt convenire in unum suppositum, tunc oportet quod propositio sit in materia remota, cuius subiectum significat unam illarum formarum, & prædicatur aliam; sed quando duæ formæ possunt convenire in unum suppositum, non est materia remota, sed naturalis, vel contingens; sicut cum dico, *album est musicum*. Natura autem divina, & humana, quamvis sint maxime distantes, tamen conveniunt per incarnationis mysterium in uno supposito, cui neutra illarum inest per accidens, sed per se. Et ideo hæc propositio, *Deus est homo*, non est neque in materia remota, neque in materia contingenti, sed in materia naturali; & prædicatur homo de Deo non per accidens, sed per se, sicut species de sua hypostasi, non quidem ratione formæ significatæ per hoc nomen *Deus*, sed ratione suppositi, quod est hypostasis humanæ naturæ.

Ad secundum dicendum, quod tres personæ divinæ conveniunt in natura; distinguuntur tamen in supposito: & ideo non prædicantur de invicem. In mysterio autem incarnationis naturæ quidem, quia distinctæ sunt, de invicem non prædicantur, secundum quod significantur in abstracto (non enim natura divina est humana; ) sed quia conveniunt in supposito, prædicantur de se invicem in concreto.

Ad tertium dicendum, quod *anima*, & *caro* significantur ut in abstracto, sicut Divinitas, & humanitas; in concreto vero dicuntur *animatum*, & *carneum*, live *corporeum*, sicut & ex alia parte *Deus*, & *homo*. Unde utrobique abstractum non prædicatur de abstracto, sed solum concretum de concreto.

Ad quartum dicendum, quod hoc nomen *homo* prædicatur de Deo ratione unionis in persona: quæ quidem unio relationem importat; & ideo non sequitur regulam eorum nominum quæ absolute prædicantur de Deo ab æterno.

## ARTICULUS II. 101

*Utrum hæc sit vera, Homo est Deus.*

*Locis sup. art. 1. inducis.*

AD secundum sic proceditur. Videtur quod hæc sit falsa, *Homo est Deus*. Deus enim est nomen incommunicabile: unde Sap. xxi. & xiv. reprehenduntur idololatæ de hoc quod hoc nomen *Deus*, quod est incommunicabile, lignis, & lapidibus imposuerunt. Ergo pari ratione videtur esse inconveniens quod hoc nomen *Deus* prædicetur de homine.

2. Præterea. Quicquid prædicatur de prædicato, prædicatur de subiecto. Sed hæc est vera, *Deus est Pater*, vel *Deus est Trinitas*. Si ergo hæc sit vera, *Homo est Deus*, videtur quod hæc etiam sit vera, *Homo est Pater*, vel *Homo est Trinitas*: quas quidem patet esse falsas. Ergo & prima.

3. Præterea. In Pl. lxxx. 9. dicitur: *Non eris in te Deus recens*. Sed homo est quiddam recens: non enim Christus semper fuit homo. Ergo hæc est falsa, *Homo est Deus*.

Sed contra est quod dicitur Rom. ix. 5. *Ex quibus est Christus secundum carnem, qui est super omnia Deus benedictus in secula*. Sed Christus secundum carnem est homo. Ergo hæc est vera, *Homo est Deus*.

Re-



Respondeo dicendum, quod supposita veritate utriusque naturæ, divinæ scilicet, & humanæ, & unione in persona, & hypostasi, hæc est vera, & propria, *Homo est Deus*, sicut & ista, *Deus est homo*. Hoc enim nomen *homo* potest supponere pro qualibet hypostasi humanæ naturæ; & ita potest supponere pro persona Filii Dei, quam dicimus esse hypostasim humanæ naturæ. Manifestum est autem quod de persona Filii Dei vere & proprie prædicatur hoc nomen *Deus*, ut in prima parte habitum est (quæst. xxxix. art. 3. & 4.) Unde relinquitur quod hæc sit vera, & propria, *Homo est Deus*.

Ad primum ergo dicendum, quod idololatæ attribuebant nomen Deitatis lapidibus, & lignis, secundum quod in sua natura considerantur, quia putabant in illis aliquid luminis esse. Nos autem non attribuiamus nomen Deitatis Christo homini secundum humanam naturam, sed secundum suppositum æternum, quod est etiam per unionem suppositum humanæ naturæ, ut dictum est (in cor. ar.)

Ad secundum dicendum, quod hoc nomen *Pater* prædicatur de hoc nomine *Deus*, secundum quod hoc nomen *Deus* supponit pro persona Patris. Sic autem non prædicatur de persona Filii, quia persona Filii non est persona Patris; & per consequens non oportet quod hoc nomen *Pater* prædicetur de hoc nomine *homo*, de quo prædicatur hoc nomen *Deus*, inquantum ly *homo* supponit pro persona Filii.

Ad tertium dicendum, quod licet humana natura in Christo sit quiddam recens, tamen suppositum humanæ naturæ non est recens, sed æternum. Et quia hoc nomen *Deus* non prædicatur de homine ratione humanæ naturæ, sed ratione suppositi, non sequitur quod ponamus Deum recentem; sequeretur autem, si poneremus quod homo supponit suppositum creatum, secundum quod oportet dicere eos qui in Christo ponunt duo supposita.

## ARTICULUS III. 403

*Utrum Christus possit dici homo dominicus.*

III. dist. vii. quæst. 1. art. 2.

**A**D tertium sic proceditur. Videtur quod Christus possit dici *homo dominicus*. Dicit enim Augustinus in Lib. lxxxiii. Qg. (quæst. xxxvi. cir. med.) *Momentum est ut illa bona expediantur quæ fuerunt in illo homine dominico*; loquitur autem de Christo. Ergo videtur quod Christus sit homo dominicus.

2. Præterea. Sicut dominum convenit Christo ratione divinæ naturæ, ita etiam humanitas pertinet ad humanam naturam. Sed Deus dicitur *humanatus*, ut patet per Damascenum in III. Lib. (orth. Fid. cap. 11. ante med.) ubi dicit, quod *humanatio eam quæ ad hominem copulationem demonstrat*. Ergo pari ratione potest dici denominative, quod homo ille sit *dominicus*.

3. Præterea. Sicut *dominicus* denominative dicitur a domino ita *divinus* denominative dicitur a Deo. Sed Dionysius (cap. iv. eccles. Hierarch. ante med.) Christum nominat *divinissimum Iesum*. Ergo pari ratione potest dici, quod Christus sit homo dominicus.

Sed contra est quod Augustinus dicit in Lib. I. Retract. (cap. xix. ad fi.) *Non video, utrum recte dicatur homo dominicus Iesus Christus, cum sit utique Dominus*.

Respondeo dicendum, quod, sicut supra dictum est (art. præc. ad 3.) cum dicitur homo Christus Iesus, designatur suppositum æternum, quod est persona Filii Dei, propter hoc quod est unum suppositum utriusque naturæ. De persona autem Filii Dei prædicatur *Deus*, & *Dominus* essentialiter; & ideo non debet prædicari denominative, quia hoc derogat veritati unionis. Unde cum *dominicus* dicatur denominative a Domino, non potest vere & proprie dici, quod homo ille sit dominicus, sed magis quod sit Dominus. Si autem per hoc quod dicitur, Homo Christus Iesus, designaretur suppositum aliquod creatum, secundum illos qui ponunt in Christo duo supposita, posset dici homo ille *dominicus*, inquantum assumitur in participationem honoris divini, sicut Nestoriani posuerunt. Et hoc etiam modo humana natura

tura non dicitur essentialiter *deus*, sed *deificata*, non quidem per conversionem ipsius in divinam naturam, sed per conjunctionem ad divinam naturam in una hypostasi, ut patet per Damascenum in III. Lib. (orth. Fid. cap. xi. & xvii.)

Ad primum ergo dicendum, quod Augustinus verba illa, & similia retractat in Lib. I. Retract. (cap. xix. ad fi.) unde post verba praemissa in I. Lib. Retract. (ibid.) subdit: *Ubi quique hoc dixi, scilicet quod Christus Iesus sit homo dominicus, dixisse me nollem: postea quippe vidi non esse dicendum: quamvis nonnulla ratione posset defendi: quia scilicet posset aliquis dicere, quod dicitur homo dominicus ratione humanæ naturæ, quam significat hoc nomen homo, non autem ratione suppositi.*

Ad secundum dicendum, quod illud unum suppositum, quod est humanæ, & divinæ naturæ, primo quidem fuit divinæ naturæ, scilicet ab æterno, postea autem ex tempore per incarnationem factum est suppositum humanæ naturæ. Et hac ratione dicitur *humanatum*, non quia assumpserit hominem, sed quia assumpsit humanam naturam. Non autem sic est e converso quod suppositum humanæ naturæ assumpserit divinam naturam: unde non potest dici homo *deificatus*, vel *dominicus*.

Ad tertium dicendum, quod hoc nomen *divinum* consuevit prædicari etiam de his de quibus prædicatur essentialiter hoc nomen *Deus*: dicimus enim, quod divina essentia est *Deus* ratione identitatis, & quod essentia est *Dei*, sive divina propter diversum modum significandi, & Verbum divinum, cum tamen Verbum sit *Deus*. Et similiter dicimus personam divinam, sicut & personam Platonis, propter diversum modum significandi. Sed *dominicus* non dicitur de his de quibus *Dominus* prædicatur: non enim consuevit dici, quod aliquis homo qui est dominus, sit *dominicus*; sed illud quod qualitercumque est Domini, *dominicum* dicitur; sicut dominica voluntas, vel dominica manus, vel dominica passio. Et ideo ipse homo Christus, qui est Dominus, non potest dici *dominicus*; sed potest caro eius dici *caro dominica*, & passio eius potest dici *passio dominica*.

## ARTICULUS IV. 103

*Utrum ea quæ conveniunt Filio hominis, possint prædicari de Filio Dei, & e converso.*

**A**D quartum sic proceditur. Videtur quod ea quæ sunt humanæ naturæ, non possint dici de Deo. Impossibile enim est opposita de eodem prædicari. Sed ea quæ sunt humanæ naturæ, sunt contraria his quæ sunt propria Dei: Deus enim est increatus, immutabilis, & æternus; ad humanam autem naturam pertinet ut sit creata, temporalis, & mutabilis. Ergo ea quæ sunt humanæ naturæ, non possunt dici de Deo.

2. Præterea. Attribuire Deo ea quæ ad defectum pertinent, videtur derogare divino honori, & ad blasphemiam pertinere. Sed ea quæ sunt humanæ naturæ, defectum quemdam continent, sicut pati, mori, & alia huiusmodi. Ergo videtur quod nullo modo ea quæ sunt humanæ naturæ, possint dici de Deo.

3. Præterea. Assumi convenit humanæ naturæ; non autem hoc convenit Deo. Non ergo ea quæ sunt humanæ naturæ, de Deo dici possunt.

Sed contra est quod Damascenus dicit in III. Lib. (orth. Fid. cap. iv. & vi. in med.) quod *Deus suscepit ea quæ sunt carnis idiomata*, id est proprietates dum *Deus passibilis nominatur, & Deus gloriæ crucifixus est*.

Respondetur dicendum, quod circa hanc questionem diversitas fuit inter Nestorianos, & Catholicos. Nestoriani enim voces quæ dicuntur de Christo, dividere volebant hoc modo, ut ea quæ pertinent ad humanam naturam, non dicerentur de Deo, nec ea quæ pertinent ad divinam naturam, dicerentur de homine. Unde Nestorius dixit: *Si quis Dei Verbo tentat passionem tribuere, anathema sit*. Si qua vero nomina sunt quæ pertinere possunt ad utramque naturam, de talibus prædicabant ea quæ sunt utriusque naturæ, sicut hoc nomen *Christus*, vel *Dominus*. Unde concedebant, Christum esse natum de Virgine, & fuisse ab æterno; non tamen dicebant, vel Deum natum de Virgine, vel hominem ab æterno fuisse. Catholicis vero posuerunt, huiusmodi quæ dicuntur de Christo sive secundum divinam naturam, sive secundum humanam, dici posse tam de Deo, quam de homine. Unde Cyrillus dicit (in

(in epist. ad Nestor. de excom. can. iv. & hab. in Conc. Ephes. gener. III. p. 1 cap. xxvi.) Si quis duabus personis, scilicet hypostasibus, eas quæ in evangelicis, & apostolicis conscriptionibus sunt, divites voces, vel ea quæ de Christo a Sanctis dicuntur, vel ab ipso Christo de semetipso, & aliquas quidem ex his hominibus applicandas crediderit, aliquas vero soli Verbo deputaverit; anathema sit.

Et huius ratio est, quia cum sit eadem hypostasis utriusque naturæ, eadem hypostasis supponitur nomine utriusque naturæ. Sive ergo dicatur homo, live Deus, supponitur hypostasis divinæ, & humanæ naturæ. Et ideo de homine possunt dici ea quæ sunt divinæ naturæ, tamquam de hypostasi divinæ naturæ; & de Deo possunt dici ea quæ sunt humanæ naturæ, tamquam de hypostasi humanæ naturæ.

Sciendum tamen, quod in propositione, in qua aliquid de aliquo prædicatur, non solum attenditur quid sit illud de quo prædicatur (a) prædicatum, sed etiam secundum quid de illo prædicetur. Quamvis ergo non distinguantur ea quæ prædicantur de Christo, distinguuntur tamen secundum id secundum quod utrumque prædicatur: nam ea quæ sunt divinæ naturæ, prædicantur de Christo secundum divinam naturam; ea autem quæ sunt humanæ naturæ, prædicantur de eo secundum humanam naturam. Unde Augustinus dicit in l. de Trin. (cap. xi.) *Distinguiamus quid in Scripturis sonet secundum formam Dei, in qua equalis est Patri, & quid secundum formam servi quam accepit, in qua minor est Patri: & infra (cap. xiii.) Quid propter quid, & quid secundum quid dicatur, prudens, & diligens, & pius lector intelligit.*

Ad primum ergo dicendum, quod opposita prædicari de eodem secundum idem est impossibile; sed secundum diversa nihil prohibet: & hoc modo opposita prædicantur de Christo non secundum idem, sed secundum diversas naturas.

Ad secundum dicendum, quod si ea quæ ad defectum pertinent, Deo attribuerentur secundum divinam naturam, esset blasphemia, quasi pertinet ad diminutionem honoris ipsius; non autem pertinet ad Dei iniuriam, si attribuantur ei secundum naturam assumptam. Unde in quodam sermone Ephesini Con-

cilii (qui est 11. de nativ. aliquant. a princ. eo Conc. par. 111. cap. x.) dicitur: *Nihil putat Deus iniuriam quod est occasio salutis hominibus. Nihil enim ab iustorum, quæ elegit propter nos, iniuriam facit illi naturæ quæ non potest esse subiecta iniuriis; propria vero facit inferiora, ut salvetur naturam nostram. Quando ergo quæ abiecta, & vilia sunt, divinam naturam non iniuriuntur, sed salutem hominibus operantur; quomodo dicis, ea quæ causa nostræ salutis sunt, iniurie occasionem Deo fuisse?*

Ad tertium dicendum, quod assumi convenit humanæ naturæ, non ratione suppositi, sed ratione sui ipsius: & ideo non convenit Deo.

## ARTICULUS V. 104

*Utrum ea quæ conveniunt Filio hominis, possint prædicari de divina natura, & de humana ea quæ conveniunt Filio Dei,*

**A**D quintum sic proceditur. Videtur quod ea quæ sunt humanæ naturæ, possint dici de natura divina. Ea enim quæ sunt humanæ naturæ, prædicantur de Filio Dei, & de Deo. Sed Deus est sua natura. Ergo ea quæ sunt naturæ humanæ, possunt prædicari de divina natura.

2. Præterea. Caro pertinet ad naturam humanam. Sed, sicut dicit Damascenus in III. Lib. (orth. Fid. cap. vi. cir. fin. & cap. vii. a med.) *dicimus, naturam Verbi incarnatam esse, secundum beatos Arbanasium, & Cyrillum.* Ergo videtur quod pari ratione ea quæ sunt humanæ naturæ, possint dici de divina natura.

3. Præterea. Ea quæ sunt divinæ naturæ, conveniunt humanæ naturæ in Christo, sicut cognoscere futura, & habere salutiferam virtutem. Ergo videtur quod pari ratione ea quæ sunt humanæ naturæ, possint dici de divina natura.

Sed contra est quod Damascenus dicit in III. Lib. (orth. Fid. cap. iv. cir. med.) *Deitatem quidem dicentes non nominamus de ea quæ humanitatis idiomata sunt, id est proprietates: non enim dicimus Deitatem passibilem, vel creabilem.* Deitas autem est divina natura. Ergo ea quæ sunt humanæ naturæ propria, non possunt dici de divina natura.

Re-

(a) *Id est, scilicet, & aliter, possim, de ead., aliter, id est, prædicatum.*

Respondeo dicendum, quod ea quæ sunt propria unius, non possunt vere de alio prædicari, nisi de eo quod est idem illi; sicut risibile non convenit nisi ei quod est homo. In mysterio autem incarnationis non est eadem natura divina, & humana; sed eadem est hypostasis utriusque naturæ. Et ideo ea quæ sunt unius naturæ, non possunt de alia prædicari, secundum quod in abstracto significatur.

Nomina vero concreta supponunt hypostaticam naturæ: & ideo indifferenter prædicari possunt ea quæ ad utramque naturam pertinent, de nominibus concretis: sive illud nomen de quo dicuntur, det intelligere utramque naturam, sicut hoc nomen *Christus*, in quo intelligitur & Divinitas ungens, & humanitas uncta; sive solum divinam naturam, sicut hoc nomen *Deus*, vel *Filius Dei*; sive solum naturam humanam, sicut hoc nomen *homo*, vel *Iesus*. Unde Leo Papa dicit in epistola ad Palæstinos (lxxxiii. inter med. & fi.) *Non interest, ex qua Christus substantia nominetur, cum inseparabiliter manente unitate personæ, idem sit & totus hominis filius propter carnem, & totus Dei filius propter unam cum Patre Deitatem.*

Ad primum ergo dicendum, quod in divinis realiter est idem persona cum natura; & ratione huius identitatis divina natura prædicatur de Filio Dei; non tamen est idem modus significandi; & ideo quædam dicuntur de Filio Dei quæ non dicuntur de divina natura; sicut dicimus, quod Filius Dei est genitus; non tamen dicimus, quod natura divina sit genita, ut in prima parte habitum est (quæst. lxxxix. ar. 5) Et similiter in mysterio incarnationis dicimus, quod Filius Dei passus est; non autem dicimus, quod divina natura sit passiva.

Ad secundum dicendum, quod incarnatio magis importat unionem ad carnem quam carnis proprietatem. Utraque autem natura in Christo est unita alteri in persona; ratione cuius unionis & divina natura dicitur incarnata, & humana natura, deificata, ut supra dictum est (quæst. lxi. art. 2.)

Ad tertium dicendum, quod ea quæ sunt divinæ naturæ, dicuntur de humana natura, non secundum quod essentialiter competunt divinæ naturæ, sed secundum quod participative derivantur ad humanam naturam: unde ea quæ participari non possunt a natura huma-

na (sicut esse increatum, aut omnipotentem) nullo modo de humana natura dicuntur. Divina autem natura nihil participative recipit ab humana natura: & ideo ea quæ sunt humanæ naturæ, nullo modo possunt dici de divina natura.

# ARTICULUS VI. 109

*Utrum hæc sit vera, Deus factus est homo.*

*Inf. quæst. xxxiii. ar. 3. c. & iii. dist. lxi. quæst. v. art. 3. con. & dist. vii. quæst. ii. & opus. i. cap. xviii. & opus. i. cap. vi. & Rom. i. lect. 2.*

**A**D sextum sic proceditur. Videtur quod hæc sit falsa, *Deus factus est homo*. Cum enim *homo* significet substantiam, fieri hominem est fieri simpliciter. Sed hæc est falsa, *Deus factus est simpliciter*. Ergo hæc est falsa, *Deus factus est homo*.

2. Præterea. Fieri hominem est mutari. Sed Deus non potest esse subiectum mutationis, secundum illud Malach. lxi. *Ego Dominus, & non mutor*. Ergo videtur quod hæc sit falsa, *Deus factus est homo*.

3. Præterea. Homo, secundum quod de Christo dicitur, supponit personam Filii Dei. Sed hæc est falsa: *Deus factus est persona Filii Dei*. Ergo hæc est falsa: *Deus factus est homo*.

Sed contra est quod dicitur Ioan. i. *Verbum caro factum est*: & sicut Athanasius dicit in epist. ad Episcopum (con. hæreticos aliquant. a med.) *quod dixit, Verbum caro factum est, simile est ac si diceretur, quod Deus homo factus est.*

Respondeo dicendum, quod unumquodque dicitur esse factum illud quod de novo incipit prædicari de ipso. Esse autem hominem vere prædicatur de Deo, sicut dictum est (art. i. hu. quæst.) ita tamen quod non convenit Deo esse hominem ab æterno, sed ex tempore per assumptionem humanæ naturæ. Et ideo hæc est vera, *Deus factus est homo*; diversimode tamen intelligitur a diversis, sicut & hæc, *Deus est homo*, ut supra dictum est (ar. i. hu. quæst.)

Ad primum ergo dicendum, quod fieri hominem est fieri simpliciter in omnibus his in quibus humana natura incipit esse in supposito de novo creato. Deus autem dicitur factus homo, eo quod huma-

H

huma-

humana natura inceptit esse in supposito divinæ naturæ ab æterno præexistente. Et ideo Deum fieri hominem, non est Deum fieri simpliciter.

Ad secundum dicendum, quod, sicut dictum est (in cor. ar.) fieri importat quod aliquid prædicatur de novo de altero. Unde quodcumque aliquid de novo prædicatur de altero cum mutatione eius de quo dicitur, tunc fieri est mutari: & hoc contingit in omnibus quæ absolute dicuntur: non enim potest albedo, aut nigredo de novo advenire alicui, nisi per hoc quod de novo mutatur ad albedinem, vel nigredinem. Ea vero quæ relative dicuntur, possunt de novo prædicari de aliquo abique eius mutatione; sicut homo de novo fit dexter abique sui mutatione per motum illius qui fit ei sinister. Unde in talibus non oportet omne quod dicitur fieri, esse mutatum, quia hoc potest accidere per mutationem alterius. Et per hunc modum Deo dicimus: *Domine refugium factus es nobis*: Psal. lxxxix. 1. Est autem hominem convenit Deo ratione unionis, quæ est relatio quedam. Et ideo esse hominem prædicatur de novo de Deo abique eius mutatione per mutationem humanæ naturæ, quæ assumitur in divinam personam. Et ideo cum dicitur, *Deus factus est homo*, non intelligitur aliqua mutatio ex parte Dei, sed solum ex parte humanæ naturæ.

Ad tertium dicendum, quod homo supponit personam Filii Dei non nudam, sed prout subsistit in humana natura. & ideo quamvis hæc sit falsa, *Deus factus est persona Filii Dei*; est tamen hæc vera, *Deus factus est homo*, ex eo quod est unitus humanæ naturæ.

## ARTICULUS VII. 106

*Utrum hæc sit vera, Homo factus est Deus.*

*Locus sup. art. 6. cit.*

**A**D septimum sic proceditur. Videtur quod hæc sit vera, *Homo factus est Deus*. Dicitur enim Rom. 1. 2. *Quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem*. Sed Christus, secundum quod homo, est ex semine David secundum carnem. Ergo homo factus est Filius Dei.

2. Præterea. Augustinus dicit in I. de

Trin. (cap. xiiii. in princ.) *Talis erat illa susceptio, quæ Deum hominem faceret, & hominem Deum*. Sed ratione illius susceptionis hæc est vera, *Deus factus est homo*. Ergo similiter hæc est vera, *Homo factus est Deus*.

3. Præterea. Gregorius Nazianzenus dicit in epist. 1. ad Cledonium (seu orat. 31. inter princ. & med.) *Deus quidem humanatus est, homo autem deificatus, vel quomodo libet aliquis nominaverit*. Sed Deus ea ratione dicitur humanatus qua est homo factus. Ergo homo ea ratione dicitur deificatus qua est factus Deus: & ita hæc est vera, *Homo factus est Deus*.

4. Præterea. Cum dicitur, *Deus factus est homo*, subiectum factiois, vel mutationis non est Deus, sed humana natura, quam significat hoc nomen *homo*. Sed illud videtur esse subiectum factiois cui factio attribuitur. Ergo hæc magis est vera, *Homo factus est Deus*, quam ista, *Deus factus est homo*.

Sed contra est quod Damascenus dicit in III. Lib. (orth. Fid. cap. 11. ad fi.) *Non hominem deificatum dicimus, sed Deum humanatum*. Idem autem est fieri Deum quod deificari. Ergo hæc est falsa, *Homo factus est Deus*.

Respondeo dicendum, quod ista propositio, *Homo factus est Deus*, tripliciter potest intelligi. Uno modo ita quod hoc participium *factus* determinet absolute vel subiectum, vel prædicatum: & in hoc sensu est falsa: quia neque homo ille de quo Deus prædicatur, est factus, neque Deus est factus, ut infra dicetur (ar. 8. & 9. seq.) & sub eodem sensu hæc est falsa, *Deus factus est homo*. Sed sub hoc sensu non queritur hic de illis propositionibus.

Alio modo potest intelligi, ut ly *factus* determinet compositionem; ut sit sensus *Homo factus est Deus*; id est, factum est ut homo sit Deus. Et sub hoc sensu utraque est vera, & *Homo factus est Deus*, & *Deus factus est homo*. Sed hic non est proprius sensus harum locutionum: nisi forte intelligatur, secundum quod ly *homo* non habet personalem propositionem, sed simplicem. Licet enim hic homo non sit factus Deus; quia hoc suppositum, scilicet persona Filii Dei, ab æterno fuit Deus; tamen homo, communiter loquendo, non semper fuit Deus.

Tertio modo proprie intelligitur, secundum quod hoc participium *factus* ponit

ponit fieri circa hominem in respectu ad Deum, sicut ad terminum factionis. Et in hoc sensu, supposito quod in Christo sit eadem persona, & hypostasis, & suppositum Dei, & hominis, ut supra ostensum est (quaest. 11. art. 3.) ista propositio est falsa: quia cum dicitur, *Homo factus est Deus*, ly *homo* habet personalem suppositionem. Non enim esse Deum verificatur de homine ratione humanae naturae, sed ratione suppositi sui. Suppositum autem illud humanae naturae, de quo verificatur esse Deum, est idem quod hypostasis, seu persona Filii Dei, quae semper fuit Deus. Unde non potest dici, quod iste homo incepit esse Deus, vel quod fiat Deus, aut quod factus sit Deus. Si vero esset alia persona, vel hypostasis Dei, & hominis, ita quod esse Deum predicaretur de homine, & e converso, per quamdam conjunctionem suppositorum, vel dignitatis personalis, vel affectionis, vel inhabitationis, ut Nestoriani dicebant: tunc par ratione posset dici, quod homo factus est Deus, idest coniunctus Deo, sicut & quod Deus factus est homo, idest coniunctus homini.

Ad primum ergo dicendum, quod in verbis illis Apostoli hoc relativum quod, quod refert personam Filii Dei, non debet intelligi ex parte praedicati; quasi aliquis existens ex semine David secundum carnem, sit factus Filius Dei: in quo sensu obiectum procedebat: sed debet intelligi ex parte subiecti; ut sit sensus quod „ Filius Dei factus est, scilicet homo, ad honorem Patris, “ ut Glossa (interl.) exponit, „ existens ex semine „ David secundum carnem: “ ac si diceret: „ Filius Dei factus est habens carnem, nem ex semine David ad honorem Dei. “

Ad secundum dicendum, quod illud verbum Augustini est intelligendum in illo sensu, secundum quod ex illa susceptione incarnationis factum est ut homo esset Deus, & Deus esset homo: in quo sensu ambae locutiones sunt verae, ut dictum est (in cor. ar.)

Et similiter dicendum est ad tertium: nam deificari idem est quod fieri Deum.

Ad quartum dicendum, quod terminus in subiecto positus tenetur materialiter, idest pro supposito; positus vero in praedicato tenetur formaliter, idest pro natura significata. Et ideo cum dicitur, *Homo factus est Deus*, ipsum fieri non attribuitur humanae naturae, sed suppo-

sito humanae naturae, quod est ab aeterno Deus: & ideo non convenit ei fieri Deum. Cum autem dicitur, *Deus factus est homo*, factio intelligitur terminari ad ipsam humanam naturam. Et ideo, proprie loquendo, haec est vera, *Deus factus est homo*; sed haec est falsa, *Homo factus est Deus*: sicut si Socrates, cum prius fuerit homo, postea factus est albus, demonstrato Socrate, haec est vera, *Hic homo bodie factus est albus*; haec tamen est falsa, *Hoc album bodie factum est homo*. Si tamen ex parte subiecti poneretur aliquod nomen significans naturam humanam in abstracto, posset hoc modo significari ut subiectum factionis; puta si diceretur, quod natura humana facta est Filii Dei.

## ARTICULUS VIII. 107

*Utrum haec sit vera, Christus est creatura.*

*Inf. quest. xx. art. 1. ad 1. & I. P. quest. xli. art. 3. cap. & ad 4. & III. dist. xv. quest. 11. art. 2. ad 4. & dist. xi. quest. 1. art. 2. & dist. xxi. quest. 1. art. 3. ad 2. & IV. con. cap. xlviii. & ver. quest. xxix. ar. 1. ad 1. & opus. 11. cap. cccxiii. & I. Cor. xv. lect. 3.*

**A**D octavum sic proceditur. Videtur quod haec sit vera, *Christus est creatura*. Dicit enim Leo Papa: (quod simile hab. serm. 111. Pentecost. parum a princ.) *Nova, & inaudita conventio: Deus, qui est, & erat, fit creatura*. Sed illud potest praedicari de Christo quod Filius Dei factus est per incarnationem. Ergo haec est vera, *Christus est creatura*.

2. Præterea. Proprietates utriusque naturae possunt praedicari de hypostasi communi utriusque naturae, quocumque nomine significetur, ut supra dictum est (art. 5. hu. quart.) Sed proprietates humanae naturae est esse creaturam, sicut & proprietates divinae naturae est esse creatorem. Ergo utrumque potest dici de Christo, scilicet quod sit creatura, & quod sit increatus, & creator.

3. Præterea. Principalior pars hominis est anima quam corpus. Sed Christus ratione corporis, quod de Virgine traxit, dicitur esse simpliciter natus de Virgine. Ergo ratione animae, quae creata est a Deo, debet simpliciter dici, quod Christus sit creatura.

Sed contra est quod Ambrosius dicit in Lib. I. de Trinit. (seu de fide ad Gratian. cap. vii. cir. med.) *Numquid dicto factus est Christus? numquid mandato creatus est Christus?* quasi dicat, non. Unde subdit: *Quomodo autem creatura in Deo esse potest? etenim Deus natura simpliciter est, non coniunctus.* Ergo hæc non est concedenda, *Christus est creatura.*

Respondeo dicendum, quod, sicut Hieronymus dicit (implic. in cap. v. ad Gal.) *ex verbis inordinate prolatis incurritur hæresis*: unde cum hæreticis nec nomina debemus habere communia, ne eorum errori favere videamur. Ariani autem hæretici Christum dixerunt esse creaturam, & minorem Patre, non solum ratione humanæ naturæ, sed etiam ratione divinæ personæ. Et ideo non est absolute dicendum, quod *Christus sit creatura*, vel *minor Patre*; sed cum determinatione, scilicet secundum humanam naturam.

Ea vero de quibus suspicari non potest quod divinæ personæ convenient secundum seipsam, possunt simpliciter dici de Christo ratione humanæ naturæ; sicut simpliciter dicimus, Christum esse passum, mortuum, & sepultum: sicut etiam in rebus corporalibus, & humanis, ea quæ in dubitationem venire possunt an convenient toti, vel parti, si insunt alicui parti, non attribuimus toti simpliciter, idest sine determinatione, non enim dicimus, quod Ethiops est albus, sed quod est albus secundum dentes; dicimus autem absque determinatione, quod est crispus, quia hoc non potest ei convenire nisi secundum capillos.

Ad primum ergo dicendum, quod aliquando sancti Doctores causa brevitatatis, determinatione omissa, nomine creaturæ utuntur circa Christum; est tamen in eorum dictis subintelligenda determinatio, *inquantum homo.*

Ad secundum dicendum, quod omnes proprietates humanæ naturæ, sicut & divinæ, possunt æqualiter dici de Christo. Unde & Damascenus dicit in III. Lib. (orth. Fid. cap. xv. ad fin.) quod *Christus, qui Deus est, & homo, dicitur & creatus, & increatus, passibilis, & impassibilis.* Sed tamen illa quæ dubitationem habent circa alterutram naturam, non sunt dicenda absque determinatione: unde ipse postea alibi (Lib. IV. orth. Fid. cap. v.) subdit: *Ipse una*

*hypostasis, scilicet Christi, & increata est Divinitate, & creata est humanitate*: sicut & e converso non esset dicendum sine determinatione, *Christus est incorporeus, vel impassibilis*, ad evitandum errorem Manichæi, qui posuit Christum verum corpus non habuisse, nec vere passum esse, sed dicendum est cum determinatione, quod *Christus secundum Deitatem est incorporeus, & impassibilis.*

Ad tertium dicendum, quod de natiuitate ex Virgine nulla dubitatio potest esse quod conveniat personæ Filii Dei, sicut potest esse de creatione: & ideo non est similis ratio utrobique.

## ARTICULUS IX. 108

*Utrum hæc sit vera, Ille homo, demonstrato Christo, inceptit esse.*

III. dist. xii. quæst. i. art. iii.

**A**D novum sic proceditur. Videtur quod ille homo, demonstrato Christo, inceptit esse. Dicit enim Augustinus super Ioan. (tract. cv. a med.) *Præquam mundus esset, nec nos eramus, nec ipse mediator Dei & hominum homo Iesus Christus.* Sed illud quod non semper fuit, inceptit esse. Ergo ille homo, demonstrato Christo, inceptit esse.

2. Præterea. Christus inceptit esse homo. Sed esse hominem est esse simpliciter. Ergo ille homo inceptit esse simpliciter.

3. Præterea. Homo importat suppositum humanæ naturæ. Sed Christus non semper fuit suppositum humanæ naturæ. Ergo ille homo inceptit esse.

Sed contra est quod dicitur Hebr. ult. 8. *Iesus Christus heri, & hodie, & ipse & in secula.*

Respondeo dicendum, quod non est dicendum, quod *ille homo, demonstrato Christo, inceptit esse*, si nihil addatur. Et hoc duplici ratione. Primo quidem quia hæc locutio est simpliciter falsa secundum sententiam catholicæ fidei, quæ ponimus in Christo unum suppositum, & unam hypostasim, sicut & unam personam. Secundum hoc enim oportet quod in hoc quod dicitur, *iste homo, demonstrato Christo, designetur suppositum æternum, cuius æternitati repugnat incipere esse*: unde hæc est falsa, *Hic homo inceptit esse.* Nec obstat quod incipere esse convenit humanæ naturæ, quæ significatur per hoc nomen *homo*: quia ter-

ninus in subiecto positus non tenetur formaliter pro natura, sed magis materialiter pro supposito, ut supra dictum est (art. 7. hu. quæst. ad 4.) Secundo quia etiam si esset vera, non tamen esset ea utendum absque determinatione, ad evitandum hæresim Arian: quia sicut perfonæ Filii Dei attribuit quod esset creatura, & quod esset minor Patre; ita attribuit ei quod esse inceperit, dicens, quod erat quando non erat.

Ad primum ergo dicendum, quod auctoritas illa est intelligenda cum determinatione, ut scilicet dicamus, quod homo Iesus Christus non fuit, antequam mundus esset, secundum humanitatem.

Ad secundum dicendum, quod cum hoc verbo incipit non sequitur argumentum ab inferiori ad superius. Non enim sequitur: Hoc incipit esse album: Ergo incipit esse coloratum. Et hoc ideo, quia incipere importat nunc esse, & non prius. Non autem sequitur: Hoc non erat prius album: Ergo non erat prius coloratum. Esse autem simpliciter est superius ad esse hominem. Unde non sequitur: Christus incipit esse homo: Ergo incipit esse.

Ad tertium dicendum, quod hoc nomen homo, secundum quod accipitur pro Christo; licet significet humanam naturam, quæ incipit esse; tamen supponit suppositum æternum, quod esse non incipit. Et ideo quia secundum quod ponitur in subiecto, tenetur pro supposito, secundum autem quod ponitur in prædicato, refertur ad naturam; ideo hæc est falsa, Homo Christus esse incipit; sed hæc est vera, Christus incipit esse homo.

# ARTICULUS X. 109

Utrum hæc sit vera: Christus, secundum quod homo, est creatura.

III. dist. IV. quæst. 1. art. 2. quæst. 1. c. & quæst. 2. ad 3. & dist. X. quæst. 1. art. 1. quæst. 2. & dist. XI. quæst. 1. art. 3.

**A**D decimum sic proceditur. Videtur quod hæc sit falsa: Christus, secundum quod homo, est creatura, vel incipit esse. Nihil enim in Christo est creatum nisi humana natura. Sed hæc est falsa: Christus, secundum quod homo, est humana natura. Ergo hæc etiam est falsa:

S. Tb. Oper. Tom. XXIV.

Christus, secundum quod homo, est creatura.

2. Præterea. Prædicatum magis prædicatur de termino in reduplicatione posito, quam de ipso subiecto propositionis; sicut si dicam, Corpus, secundum quod coloratum, est visibile, sequitur quod coloratum sit visibile. Sed hæc non est absolute, sicut dictum est (art. 8. & 9. præc.) concedenda: Homo Christus est creatura. Ergo neque hæc: Christus, secundum quod homo, est creatura.

3. Præterea. Quicquid prædicatur de quocumque homine, secundum quod homo, prædicatur de eo per se, & simpliciter: idem enim est per se, & secundum quod ipsum, ut dicitur in V. Metaph. (tex. 23.) Sed hæc est falsa: Christus est per se, & simpliciter creatura. Ergo etiam hæc est falsa: Christus, secundum quod homo, est creatura.

Sed contra. Omne quod est, vel est creator, vel creatura. Sed hæc est falsa: Christus, secundum quod homo, est creator. Ergo hæc est vera: Christus, secundum quod homo, est creatura.

Respondeo dicendum, quod cum dicitur, Christus secundum quod homo, hoc nomen homo potest refumi in reduplicatione vel ratione suppositi, vel ratione naturæ. Si quidem resumatur ratione suppositi, cum suppositum humanæ naturæ in Christo sit æternum, & increatum, hæc erit falsa: Christus, secundum quod homo, est creatura. Si vero resumatur ratione humanæ naturæ, sic est vera: quia ratione humanæ naturæ, sive secundum humanam naturam, convenit sibi esse creaturam, ut supra dictum est (art. 8. hu. quæst.)

Sciendum tamen, quod nomen sic resumptum in reduplicatione magis proprie tenetur pro natura quam pro supposito: resumitur enim in vi prædicati, quod tenetur formaliter: idem enim est dictum, Christus, secundum quod homo, ac si diceretur, Christus secundum quod est homo. Et ideo hæc est magis concedenda quam neganda: Christus, secundum quod homo, est creatura. Si tamen adderetur aliquid per quod traheretur ad suppositum, esset propositio magis neganda quam concedenda; puta si diceretur: Christus, secundum quod hic homo, est creatura.

Ad primum ergo dicendum, quod licet Christus non sit humana natura, est tamen habens humanam naturam. Nomen



autem creaturæ naturam est prædicari non solum de abstractis, sed etiam de concretis: dicimus enim, quod humanitas est creatura, & quod homo est creatura.

Ad secundum dicendum, quod ly *homo*, secundum quod ponitur in subiecto, magis respicit suppositum; secundum autem quod ponitur in reduplicatione, magis respicit naturam, ut dictum est (in corp. art.) Et quia natura est creata, suppositum vero increatum, ideo licet non concedatur illa simpliciter, *Homo Christus est creatura*; conceditur tamen ista: *Christus, secundum quod homo, est creatura*.

Ad tertium dicendum, quod cuilibet homini, qui est suppositum solius naturæ humanæ, competit quod non habeat esse, nisi secundum humanam naturam: & ideo de quolibet tali supposito sequitur, si secundum quod homo, est creatura, quod sit creatura simpliciter. Sed Christus non solum est suppositum humanæ naturæ, sed etiam divinæ, secundum quam habet esse increatum. Et ideo non sequitur, si secundum quod homo, est creatura, quod sit simpliciter creatura.

## ARTICULUS XI. 110

*Utrum hæc sit vera: Christus, secundum quod homo, est Deus.*

III. dist. x. quest. 1. art. 1. quest. 1. & quest. 3. cor.

**A**D undecimum sic proceditur. Videtur quod Christus, secundum quod homo, sit Deus. Christus enim est Deus per gratiam unionis. Sed Christus, secundum quod homo, habet gratiam unionis. Ergo Christus, secundum quod homo, est Deus.

2. Præterea. Dimittere peccata est proprium Dei, secundum illud Isa. xlii. 25. *Ego sum ipse qui deleo iniquitates tuas propter me*. Sed Christus, secundum quod homo, dimittit peccata, secundum illud Matth. ix. 6. *Ut autem sciatis quia Filius hominis habet potestatem in terra dimittendi peccata* &c. Ergo Christus, secundum quod homo, est Deus.

3. Præterea. Christus non est homo communis, sed est homo iste particularis. Sed Christus, secundum quod est iste homo, est Deus: quia in isto homine designatur suppositum æternum,

quod naturaliter est Deus. Ergo Christus, secundum quod homo, est Deus.

Sed contra. Illud quod convenit Christo, secundum quod homo, convenit cuilibet homini. Si ergo Christus, secundum quod homo est Deus, sequitur quod omnis homo sit Deus: quod patet esse falsum.

Respondeo dicendum, quod iste terminus *homo* in reduplicatione positus potest dupliciter accipi. Uno modo quantum ad naturam: & sic non est verum quod Christus, secundum quod homo, sit Deus: quia humana natura est distincta a divina secundum differentiam naturæ. Alio modo potest accipi ratione suppositi: & sic cum suppositum naturæ humanæ in Christo sit persona Filii Dei, cui per se convenit esse Deum, verum est quod Christus, secundum quod homo, sit Deus.

Quia tamen terminus in reduplicatione positus magis proprie tenetur pro natura quam pro supposito, ut supra dictum est (art. præc. in corp. & ad 2.) ideo magis est ista neganda, *Christus, secundum quod homo, est Deus*, quam sit affirmanda.

Ad primum ergo dicendum, quod non secundum idem convenit alicui moveri ad aliquid, & esse illud: nam moveri convenit alicui ratione materiæ, vel subiecti; esse autem in actu ratione formæ. Et similiter non secundum idem convenit Christo ordinari ad hoc quod sit Deus per gratiam unionis, & esse Deum; sed primum convenit sibi secundum humanam naturam, secundum vero secundum divinam. Et ideo hæc est vera: *Christus, secundum quod homo, habet gratiam unionis*: non tamen ista: *Christus, secundum quod homo, est Deus*.

Ad secundum dicendum, quod Filius hominis habet in terra potestatem dimittendi peccata, non virtute humanæ naturæ, sed virtute naturæ divinæ: in qua quidem natura divina consistit potestas dimittendi peccata per auctoritatem; in humana autem natura consistit instrumentaliter, & per ministerium. Unde Chrysostomus super Matth. (implic. hom. xxx. cir. med.) hoc exponens dicit: *Sig-nanter dixit, In terra dimittendi peccata, ut ostenderet quod humane nature potestatem divinitatis univit indivisibili unione: quia etsi factus est homo, tamen Dei Verbum permanfit*.

Ad tertium dicendum, quod cum dicitur *iste homo*, pronomen demonstrativum

nam *hoc nomen homo* trahit ad suppositum: & ideo magis est hæc vera, *Christus, secundum quod iste homo, est Deus*, quam ista, *Christus, secundum quod homo, est Deus*.

ARTICULUS XII. III

*Utrum hæc sit vera: Christus, secundum quod homo, est hypostasis, vel persona.*

XII. dist. x. quæst. 1. art. 2. & Rom. 1. lect. 3.

**A**D duodecimum sic proceditur. Videtur quod Christus, secundum quod homo, sit hypostasis, vel persona. Illud enim quod convenit cuilibet homini, convenit Christo, secundum quod est homo: est enim aliis hominibus similis, secundum illud Philip. 11. 7. *In similitudinem hominum factus*. Sed omnis homo est persona. Ergo Christus, secundum quod homo, est persona.

2. Præterea. Christus, secundum quod homo, est substantia rationalis naturæ: non autem substantia universalis: ergo substantia individua. Sed nihil aliud est persona quam *rationalis naturæ individua substantia*, ut Boetius dicit in Lib. de duabus naturis (aliquant. a princ.) Ergo Christus, secundum quod homo, est persona.

3. Præterea. Christus, secundum quod homo, est res humanæ naturæ, & suppositum, & hypostasis eiusdem naturæ. Sed omnis hypostasis, & suppositum, & res humanæ naturæ est persona. Ergo Christus, secundum quod homo, est persona.

Sed contra. Christus, secundum quod homo, non est persona æterna. Si ergo Christus, secundum quod homo, sit persona, sequeretur quod in Christo sint duæ personæ, una temporalis, & alia æterna: quod est erroneum, ut supra dictum est (quæst. 11. art. 3. & 6. & quæst. 14. art. 2. & 3.)

Respondetur dicendum, quod, sicut supra dictum est (art. 10 & 11. huius quæst.) iste terminus *homo* in redPLICATIONE potest potest accipi vel ratione suppositi, vel ratione naturæ. Cum ergo dicitur, *Christus, secundum quod homo, est persona*, si accipitur ratione suppositi, manifestum est quod Christus, secundum quod homo, est persona: quia suppositum humanæ naturæ nihil est aliud quam

persona Filii Dei. Si autem accipitur ratione naturæ, sic potest intelligi dupliciter. Uno modo, ut intelligatur quod naturæ humanæ competat esse in aliqua persona; & hoc etiam modo verum est: omne enim quod subsistit in humana natura, est persona. Alio modo potest intelligi, ut naturæ humanæ in Christo propria personalitas debeat, cantata ex principiis humanæ naturæ: & sic Christus, secundum quod homo, non est persona: quia humana natura non est per se seorsum subsistens a divina natura; quod requirit ratio personæ.

Ad primum ergo dicendum, quod omni homini convenit esse personam, secundum quod omne subsistens in humana natura est persona. Sed hoc est proprium homini Christo quod persona subsistens in humana natura eius non sit causata ex principiis humanæ naturæ, sed sit æterna: & ideo uno modo est persona, secundum quod homo, alio modo non, sicut dictum est (in corp. ar.)

Ad secundum dicendum, quod *substantia individua*, quæ ponitur in definitione personæ, importat substantiam completam per se subsistentem separatim ab aliis; aliquin manus hominis posset dici persona, cum sit substantia quedam individua; quia tamen est substantia individua, sicut in alio existens, non potest dici persona: & eadem ratione nec humana natura in Christo, quæ tamen potest dici individuum, vel singulare quoddam.

Ad tertium dicendum, quod sicut persona significat quid completum, & per se subsistens in natura rationali; ita hypostasis, suppositum, & res naturæ in genere substantiæ significant quiddam per se subsistens. Unde sicut humana natura non est per se persona seorsum a persona Filii Dei; ita etiam non est per se hypostasis, vel suppositum, vel res naturæ. Et ideo in sensu in quo negatur ista, *Christus, secundum quod homo, est persona*, oportet etiam negari omnes alias.

QUAESTIO XVII.

*De pertinentibus ad unitatem in Christo quantum ad esse,*

*in duos articulos divisa.*

**D**Einde considerandum est de his quæ pertinent ad unitatem in Christo

in communi. Nam de his quæ pertinent ad unitatem, vel pluralitatem in speciali, suis locis determinandum est; sicut supra determinatum est (quæst. ix.) quod in Christo non est una tantum scientia, & infra determinabitur (quæst. xxxv.) quod in Christo non est una tantum nativitas.

Considerandum est ergo primo de unitate Christi quantum ad esse. Secundo quantum ad velle. Tercio quantum ad operari.

Circa primum quærentur duo.

Primo, utrum Christus sit unum, vel duo.

Secundo, utrum in Christo sit tantum unum esse.

## ARTICULUS I. 112

*Utrum Christus sit unum, vel duo.*

III. dist. vi. quæst. xi. art. 1. & dist. xxi. quæst. 1. art. 1. quæst. 2. ad 6. & IV. cont. cap. xxxviii. fin. & in. art. 2. ad 2. & 7. & art. 3. & 4. per tot. & art. 5. ad 14.

**A**D primum sic proceditur. Videtur quod Christus non sit unum, sed duo. Dicit enim Augustinus in l. de Trinit. (cap. vii. cir. med.) *Quia forma Dei accepit formam servi, utrumque Deus propter accipientem Deum, utrumque autem homo propter acceptum hominem.* Sed utrumque dici non potest, nisi ubi sunt duo. Ergo Christus est duo.

1. Præterea. Ubicumque est aliud, & aliud, ibi sunt duo. Sed Christus est aliud, & aliud: dicit enim Augustinus in Ench. (cap. xxxv. in med.) *Cum in forma Dei esset, formam servi accepit, utrumque unus, sed aliud propter Verbum, aliud propter hominem.* Ergo Christus est duo.

2. Præterea. Christus non est tantum homo, quia sic purus homo esset. Ergo est aliquid aliud quam homo. & ita in Christo est aliud, & aliud. Ergo Christus est duo.

3. Præterea. Christus est aliquid quod est Pater, & est aliquid quod non est Pater. Ergo Christus est aliquid, & aliquid. Ergo Christus est duo.

4. Præterea. Sicut in mysterio Trinitatis sunt tres personæ in una natura; ita in mysterio incarnationis sunt duæ naturæ in una persona. Sed propter uni-

tatem naturæ, non obstante distinctione personæ, Pater, & Filius sunt unum, secundum illud Ioan. x. 30. *Ego, & Pater unum sumus.* Ergo, non obstante unitate personæ, propter dualitatem naturarum Christus est duo.

5. Præterea. Philosophus dicit in III. Phys. (tex. 18.) quod unum, & duo denominative dicuntur. Sed Christus habet dualitatem naturarum. Ergo Christus est duo.

6. Præterea. Sicut forma accidentalit facit alterum, ita forma substantialit aliud, ut Porphyrius dicit (in Prædic. cap. de differ.) Sed in Christo sunt duæ naturæ substantiæ, humana scilicet, & divina. Ergo Christus est aliud, & aliud. Ergo Christus est duo.

Sed contra est quod Boetius dicit in Lib. de duabus naturis (implic. & Lib. de unit. & uno, cir. princ.) *Omne quod est, inquantum est, unum est.* Sed Christum esse confitemur. Ergo Christus est unum.

Respondeo dicendum, quod natura secundum se considerata, prout in abstracto significatur, non vere potest prædicari de supposito, seu persona, nisi in Deo, in quo non differt quod est, & quo est, ut in prima parte habitum est (quæst. iii. art. 3. & 4.) In Christo autem cum sint duæ naturæ, divina scilicet, & humana, altera earum, scilicet divina, potest de eo prædicari & in abstracto, & in concreto: dicimus enim, quod Filius Dei, qui supponitur in hoc nomine *Christus*, & est divina natura, & est Deus. Sed humana natura non potest prædicari de Christo secundum se in abstracto, sed solum in concreto, prout scilicet significatur in supposito. Non enim vere potest dici, quod Christus sit humana natura, quia natura humana non est nata prædicari de suo supposito; dicitur autem, quod Christus est homo, sicut & quod Christus est Deus.

Deus autem significat habentem Deitatem, & homo significat habentem humanitatem. Aliiter tamen habens humanitatem significatur per hoc nomen *homo*, & aliter per hoc nomen *Iesus*, vel *Petrus*. Nam hoc nomen *Iesus* importat habentem humanitatem indistincte, sicut & hoc nomen *Deus* indistincte importat habentem Deitatem; hoc autem nomen *Petrus*, vel *Iesus*, importat distincte habentem humanitatem, scilicet sub determinatis individualibus proprietatibus, sicut & hoc nomen *Filius Dei* importat

portat habentem Deitatem sub determinata proprietate personali. Numerus autem dualitatis in Christo ponitur circa ipsas naturas. Et ideo si ambæ naturæ in abstracto prædicarentur de Christo, sequeretur quod Christus esset duo. Sed quia duæ naturæ non prædicantur de Christo, nisi prout significantur in supposito, oportet secundum rationem suppositi prædicari de Christo unum, vel duo.

Quidam autem posuerunt in Christo duo supposita, sed unam personam: quæ quidem videtur se habere secundum eorum opinionem tamquam suppositum completum ultima completionem. Et ideo quia ponebant in Christo duo supposita, dicebant Christum esse duo neutraliter. Sed quia ponebant unam personam, dicebant Christum unum masculinè: nam neutrum genus designat quiddam informe, & imperfectum; genus autem masculinum designat quiddam formatum, & perfectum. Nestoriani autem ponentes in Christo duas personas dicebant, Christum non solum esse duo neutraliter, sed etiam duos masculinè. Quia vero nos ponimus in Christo unam personam, & unum suppositum, ut ex supra dictis patet (q. xxi. art. 2. & 3.) sequitur quod dicamus, quod non solum Christus est unus masculinè, sed etiam quod est unum neutraliter.

Ad primum ergo dicendum, quod verbum illud Augustini non est sic intelligendum, quod *ly utrumque* teneatur ex parte prædicati; quasi dicat, quod Christus sit utrumque; sed tenetur ex parte subiecti. Et tunc *ly utrumque* ponitur non quasi pro duobus suppositis, sed pro duobus nominibus significantibus duas naturas in concreto. Possum enim dicere, quod utrumque, scilicet Deus, & homo, est Deus propter accipientem Deum; & utrumque, scilicet Deus, & homo, est homo propter acceptum hominem.

Ad secundum dicendum, quod cum dicitur, *Christus est aliud, & aliud*, locutio est exponenda, ut sit sensus, *Habens aliam, & aliam naturam*. Et hoc modo exponit Augustinus in Lib. contra Felicianum (cap. xi. in fin.) ubi cum dixisset, *In mediatore Dei, & hominum aliud Dei Filius, aliud hominis Filius*, subdit: *Aliud, inquam, pro distinctione substantiæ, non aliud pro unitate persone*. Unde Gregorius Nazianzenus in epist. 1. (inter princ. & med.) ad Cledonium dicit: *Si oportet compendiose*

*dicere, aliud quidem, & aliud ea ex quibus Salvator est: siquidem non idem est invisibile visibile, & quod absque tempore, ei quod sub tempore: non autem alius, & alius: absit: hæc enim ambo unum.*

Ad tertium dicendum, quod hæc est falsa, *Christus est tantum homo*: quia non excludit aliud suppositum, sed aliam naturam, eo quod termini in prædicato positi formaliter tenentur. Si vero adderetur aliquid, per quod traheretur ad suppositum, esset vera locutio; puta *Christus est tantum id quod est homo*. Non tamen sequitur quod sit aliud aliud quam homo: quia *ly aliud*, cum sit relativum diversitatis substantiæ, proprie refertur ad suppositum, sicut & omnia relativa facientia personalem relationem. Sequitur autem: Ergo habet aliam naturam.

Ad quartum dicendum, quod cum dicitur, *Christus est aliquid quod est Pater*, *ly aliquid* tenetur pro natura divina, quæ etiam in abstracto prædicatur de Patre, & Filio. Sed cum dicitur, *Christus est aliquid quod non est Pater*, *ly aliquid* tenetur non pro ipsa natura humana, secundum quod significatur in abstracto, sed secundum quod significatur in concreto, non quidem secundum suppositum distinctum, sed secundum suppositum indistinctum, prout scilicet subsistat naturæ, non autem proprietatibus individuantibus. Et ideo non sequitur quod Christus sit aliud, & aliud, vel quod sit duo: quia suppositum humanæ naturæ in Christo, quod est persona Filii Dei, non ponit in numerum cum natura divina, quæ prædicatur de Patre, & Filio.

Ad quintum dicendum, quod in mysterio divinæ Trinitatis natura divina prædicatur etiam in abstracto de tribus personis: & ideo simpliciter potest dici, quod tres personæ sint unum. Sed in mysterio incarnationis non prædicatur ambæ naturæ in abstracto de Christo: & ideo non potest simpliciter dici, quod Christus sit duo.

Ad sextum dicendum, quod duo dicitur, quasi habens dualitatem, non quidem in aliquo alio, sed in ipso de quo duo prædicatur. Fit autem prædicatio de supposito, quod importatur per hoc nomen *Christus*. Quamvis igitur Christus habeat dualitatem naturarum; quia tamen non habet dualitatem suppositorum, non potest dici Christus esse duo.

Ad septimum dicendum, quod *alterum*

itur

importat diversitatem accidentis. Et ideo diversitas accidentis sufficit ad hoc quod aliquid simpliciter dicatur alterum. Sed aliud importat diversitatem substantiae: substantia autem dicitur non solum natura, sed etiam suppositum, ut dicitur in V. Met. (tex. 15.) Et ideo diversitas naturae non sufficit ad hoc quod aliquid simpliciter dicatur aliud, nisi addit diversitas secundum suppositum; sed diversitas naturae facit aliud secundum quid, scilicet secundum naturam, si non addit diversitas suppositi.

## ARTICULUS II. 123

### *Utrum in Christo sit tantum unum esse.*

III. dist. 14. quæst. 1. art. 2. quæst. 1. cor. ff. & dist. vi. quæst. 15. art. 2. & un. art. 4. & quod. 15. quæst. 11. art. 2. & opus. 11. cap. 11. x. & cxi.

**A**D secundum sic proceditur. Videtur quod in Christo non sit tantum unum esse, sed duo. Dicit enim Damascenus in III. Lib. (orth. Fid. cap. xxi.) quod ea quæ consequuntur naturam, in Christo duplicantur. Sed esse consequuntur naturam, esse enim est a forma. Ergo in Christo sunt duo esse.

2. Præterea. Esse Filii Dei est ipsa natura divina, & est æternum. Esse autem hominis Christi non est divina natura, sed est esse temporale. Ergo in Christo non est tantum unum esse.

3. Præterea. In Trinitate quamvis sint tres personæ, est tamen unum esse propter unitatem naturæ. Sed in Christo sunt duo naturæ, quamvis sit una persona. Ergo in Christo non est tantum unum esse, sed duo.

4. Præterea. In Christo anima dat aliquid esse corpori, cum sit forma eius. Sed non dat sibi esse divinum, cum sit increatum. Ergo in Christo est aliud esse præter esse divinum: & sic in Christo non est tantum unum esse.

Sed contra. Unumquodque secundum hoc dicitur ens, secundum quod dicitur unum: quia unum, & ens convertuntur. Si ergo in Christo essent duo esse, & non tantum unum, Christus esset duo, & non unum.

Respondetur dicendum, quod quia in Christo sunt due naturæ, & una hypostasis, necesse est quod ea quæ ad naturam pertinent in Christo, sint duo; quæ

autem pertinent ad hypostasim in Christo, sint unum tantum. Esse autem pertinet & ad naturam, & ad hypostasim: ad hypostasim quidem sicut ad id quod habet esse; ad naturam autem sicut ad id quod aliquid habet esse. Natura enim significatur per modum forme, quæ dicitur ens ex eo quod ea aliquid est; sicut albedine est aliquid album, & humanitate est aliquis homo. Est autem considerandum, quod si est aliqua forma, vel natura, quæ non pertineat ad esse personale hypostasis substantiæ, illud esse non dicitur esse illius personæ simpliciter, sed secundum quid, sicut esse album est esse Socratis, non inquantum est Socrates, sed inquantum est albus. Et huiusmodi esse nihil prohibet multiplicari in una hypostasi, vel persona: aliud enim est esse quo Socrates est albus, & quo Socrates est musicus. Sed illud esse quod pertinet ad ipsam hypostasim, vel personam secundum se, impossibile est in una hypostasi, vel persona multiplicari: quia impossibile est quod unius rei non sit unum esse.

Si igitur humana natura adveniret Filio Dei non hypostatice, vel personaliter, sed accidentaliter, sicut quidam posuerunt; oporteret ponere in Christo duo esse, unum quidem, secundum quod est Deus, aliud autem, secundum quod est homo; sicut in Socrate ponitur aliud esse, secundum quod est albus, & aliud, secundum quod est homo: quia esse album non pertinet ad ipsum esse personale Socratis; esse autem capitulum, & esse corporeum, & esse animatum, totum pertinet ad unam personam Socratis: & ideo ex omnibus his non fit nisi unum esse in Socrate: & si contingeret quod post constitutionem personæ Socratis adveniret Socrati manus, vel pedes, vel oculi, sicut accidit in cæco nato; ex his non accresceret Socrati aliud esse, sed solum relatio quædam ad huiusmodi: quia scilicet diceretur esse non solum secundum ea quæ prius habebat, sed etiam secundum ea quæ sibi postmodum advenirent. Sic igitur cum humana natura coniungatur Filio Dei hypostatice, vel personaliter, ut supra dictum est (quæst. 11. art. 5. & 6.) & non accidentaliter; consequens est quod secundum humanam naturam non adveniat sibi novum esse personale, sed solum nova habitudo esse personalis præexistens ad naturam humanam; ut scilicet persona illa iam dicatur subsistere non

non solum secundum divinam naturam, sed etiam secundum humanam.

Ad primum ergo dicendum, quod esse consequitur naturam, non sicut habentem esse, sed sicut qua aliquid est; personam autem, sive hypostasim consequitur, sicut habentem esse. Et ideo magis retinet unitatem secundum unitatem hypostasim, quam habeat dualitatem secundum dualitatem naturarum.

Ad secundum dicendum, quod illud esse æternum Filii Dei, quod est divina natura, fit esse hominis, inquantum humana natura assumitur a Filio Dei in unitatem personarum.

Ad tertium dicendum, quod, sicut in prima parte dictum est (quest. III. art. 3. & 4. & quest. XXXIX. art. 1.) quia persona divina est idem cum natura, in personis divinis non est aliud esse personarum præter essentiam naturarum: & ideo tres personarum non habent nisi unum esse. Habent autem triplex esse, si in eis esset aliud esse personarum, & aliud esse naturarum.

Ad quartum dicendum, quod anima in Christo dat esse corpori, inquantum facit ipsum actu animatum; quod est dare ei complementum naturarum, & speciei. Sed si intelligatur corpus perfectum per animam absque hypostasi habente utrumque, hoc totum compositum ex anima, & corpore, prout significatur nomine humanitatis, non significatur ut *quod est*, sed ut *quo aliquid est*. Et ideo ipsum esse est persona subsistentis, secundum quod habet habitudinem ad talem naturam: cuius habitudinis causa est anima, inquantum perficit humanam naturam informando corpus.

## QUAESTIO XVIII.

*De pertinentibus ad unitatem in Christo quantum ad voluntatem, in sex articulos divisa.*

**D**Einde considerandum est de unitate quantum ad voluntatem: & circa hoc quaeruntur sex.

Primo, utrum in Christo sit alia voluntas divina, & alia humana.

Secundo, utrum in humana natura Christi sit alia voluntas sensualitatis, & alia rationis.

Tertio, utrum ex parte rationis fuerint in Christo plures voluntates.

Quarto, utrum in Christo fuerit liberum arbitrium.

Quinto, utrum voluntas humana Christi fuerit omnino conformis divinae voluntati in volito.

Sexto, utrum in Christo fuerit aliqua contrarietas voluntatum.

## ARTICULUS I. 114

*Utrum in Christo sint duae voluntates.*

III. dist. XIV. art. 1. quest. 1. cor. & dist. XVII. art. 1. quest. 1. & IV. conc. cap. XXXVI. & pot. quest. X. art. 4. ad 13. & op. II. cap. CII. & Joan. VI. lect. 4.

**A**D primum sic proceditur. Videtur quod in Christo non sint duae voluntates, una divina, & alia humana. Voluntas enim est primum movens, & imperans in unoquoque volente. Sed in Christo primum movens, & imperans fuit voluntas divina: quia omnia humana in Christo movebantur secundum voluntatem divinam. Ergo videtur quod in Christo non fuerit nisi una voluntas, scilicet divina.

2. Præterea. Instrumentum non movetur propria voluntate, sed voluntate moventis. Sed natura humana fuit in Christo sicut instrumentum Divinitatis eius. Ergo natura humana in Christo non movebatur propria voluntate, sed divina.

3. Præterea. Illud solum multiplicatur in Christo quod pertinet ad naturam. Voluntas autem non videtur ad naturam pertinere: quia ea quæ sunt naturalia, sunt ex necessitate; quod autem est voluntarium, non est necessarium. Ergo voluntas est una tantum in Christo.

4. Præterea. Damascenus dicit in III. Lib. (orth. Fid. cap. XIV. inter. princ. & med.) quod *aliquando velle non est naturæ, sed nostræ intelligentiæ*, scilicet personalis. Sed omnis voluntas est aliquis voluntas: quia nihil est in genere quod non sit in aliqua eius specie. Ergo omnis voluntas ad personam pertinet. Sed in Christo fuit, & est una tantum persona. Ergo in Christo est una tantum voluntas.

Sed contra est quod Dominus dicit Luc. XXII. 42. *Pater, si vis, transfer calicem istum a me; verumtamen non mea voluntas, sed tua fiat*: quod inducens Ambrosius ad Gratianum Imperatorem (Lib. II. de fide cap. III. verius si.) dicit: „Sicut susceperat voluntatem meam,

„ su-

„suscepit tristitiam meam : “ & super Luc. (cap. xxii. sup. illud, *Verumtamen non mea voluntas*) dicit : „Voluntatem „suam ad hominem retulit, Patris ad „Divinitatem : voluntas enim hominis „est temporalis, voluntas Divinitatis „aeterna.“

Respondere dicendum, quod quidam posuerunt in Christo esse unam solam voluntatem. Sed ad hoc ponendum diversimode moti esse videntur. Apollinaris enim non posuit animam intellectualem in Christo, sed quod Verbum esset loco animæ, vel etiam loco intellectus. Unde cum voluntas sit in ratione, ut Philosophus dicit in III. de Anima (tex. 42.) sequebatur quod in Christo non esset voluntas humana; & ita in eo non esset nisi una voluntas. Et similiter Eutyches, & omnes qui posuerunt unam naturam compositam in Christo, cogebantur ponere unam voluntatem in eo. Nestorius etiam, quia posuit unionem Dei, & hominis esse factam solum secundum affectum, & voluntatem, posuit unam voluntatem in Christo. Postmodum vero Macarius Antiochenus Patriarcha, & Cyrus Alexandrinus, & Sergius Constantinopolitanus, & quidam eorum sequaces posuerunt in Christo unam voluntatem, quamvis ponerent duas naturas in Christo secundum hypostasim unitas : quia opinabantur quod humana natura in Christo nunquam movebatur proprio motu, sed solum secundum quod erat mota a Divinitate, ut patet ex epistola synodica Agathonis Papæ (a med. & hab. in Conc. Const. III. gener. VI aet. iv.)

Et ideo in sexta Synodo apud Constantinopolim celebrata (max. cit. aet. xviii. quæ Græce est xvii. in symb. Const. cl. PP. versus fi.) determinatum est, oportere dici quod in Christo sint duæ voluntates : ubi sic legitur : *Iuxta quod olim Propheta de Christo, & ipse nos erudit, & sanctorum Patrum nobis tradidit symbolum, duas naturales voluntates in eo, & duas naturales operationes prædicamus.* Et hoc necessarium fuit dici. Manifestum est enim quod Filius Dei assumpsit humanam naturam perfectam, sicut supra ostensum est (quæst. ii. art. 5.) Ad perfectionem autem humanæ naturæ pertinet voluntas, quæ est naturalis eius potentia, sicut & intellectus, ut patet ex his quæ in prima parte dicta sunt (quæst. lxxix. & lxxx.) Unde necesse est dicere, quod Filius Dei huma-

nam voluntatem assumpsit in humanæ natura. Per assumptionem autem humanæ naturæ nullam diminutionem passus est Filius Dei in his quæ pertinent ad divinam naturam, cui competit voluntatem habere, ut in prima parte habitum est (quæst. xix. art. 1.) Unde necesse est dicere, quod in Christo sint duæ voluntates, una scilicet divina, & alia humana.

Ad primum ergo dicendum, quod quicquid fuit in humana natura Christi, movebatur nutu voluntatis divinæ; non tamen sequitur quod in Christo non fuerit motus voluntatis proprius naturæ humanæ : quia etiam aliorum Sanctorum præ voluntates moventur secundum voluntatem Dei, qui operatur in eis vellet, & perficere, ut dicitur Philipp. ii. Licet enim voluntas non possit interius moveri ab aliqua creatura; interius tamen movetur a Deo, ut in prima parte dictum est (quæst. cv. art. 4.) Et sic etiam Christus secundum voluntatem humanam sequebatur voluntatem divinam, secundum illud Ps. xxxix. 9. *Ut facerem voluntatem tuam, Deus meus, volui.* Unde Augustinus dicit contra Maximinum (Lib. III. cap. xx. ante med.) *Ubi dixit Filius Patri, Non quod ego volo, sed quod tu vis, quid te adiuvat, quod tua verba subiungis, & dicitis : Ostendit vere suam voluntatem subiectam suo genitori : quasi nos negemus, hominis voluntatem voluntati Dei debere esse subiectam?*

Ad secundum dicendum, quod proprium est instrumenti quod moveatur a principali agente, diversimode tamen secundum proprietatem naturæ ipsius. Nam instrumentum inanimum (sicut securis, aut terra) movetur ab artifice per solum motum corporalem; instrumentum vero animatum anima sensibili movetur per appetitum sensitivum, sicut equus a lefflore; instrumentum vero animatum anima rationali movetur per voluntatem eius; sicut per imperium domini movetur servus ad aliquid agendum, qui quidem servus est sicut instrumentum animatum, ut Philosophus dicit in I. Polit. (cap. ii. & xv. & VIII. Ethic. cap. ii.) Sic ergo humana natura in Christo fuit instrumentum Divinitatis, ut moveretur per propriam voluntatem.

Ad tertium dicendum, quod ipsa potentia voluntatis est naturalis, & consequitur naturam ex necessitate; sed motus, vel actus huius potentie, qui etiam voluntas dicitur, quandoque quidem est natu-

naturalis, & necessarius; puta respectu se-  
licitatis: quandoque autem ex libero ar-  
bitrio rationis proveniens, & non neces-  
sarius, neque naturalis, sicut patet ex  
his quæ in prima parte dicta sunt (quæst.  
lxxxii. art. 2. & 1. 2. quæst. v. art.  
8. quæst. vi. art. 1.) Et tamen etiam  
ipsa ratio, quæ est principium huiusmo-  
tus, est naturalis. Et ideo præter volun-  
tatem divinam oportet in Christo pone-  
re voluntatem humanam, non solum  
prout est potentia naturalis, aut prout  
est motus naturalis, sed etiam prout est  
motus rationalis.

Ad quartum dicendum, quod per hoc  
quod dicitur aliquando velle, designatur  
determinatus modus volendi. Determi-  
natus autem modus ponitur circa ipsam  
rem cuius est modus. Unde cum volun-  
tas pertineat ad naturam, ipsum etiam  
quod est aliquid velle, pertinet ad na-  
turam, non secundum quod est absolute  
considerata, sed secundum quod est in  
ali hypostasi. Unde etiam voluntas hu-  
mana Christi habuit quendam determi-  
natum modum ex eo quod fuit in hy-  
pостasi divina, ut scilicet moveretur sem-  
per secundum nutum divinæ voluntatis.

## ARTICULUS II. 115

*Utrum in Christo fuerit aliqua voluntas  
sensualitatis præter rationis vo-  
luntatem.*

*Inf. art. 5. cor. & III. dist. xvii. art. 1.  
quæst. 2. & op. 111. cap. ccxxx.*

**A**D secundum sic proceditur. Videtur  
quod in Christo non fuerit aliqua  
voluntas sensualitatis præter rationis vo-  
luntatem. Dicit enim Philosophus in III. de  
Anima (tex. 42.) quod voluntas in ra-  
tione est; in sensitivo autem appetitu est  
irascibilis, & concupiscibilis. Sed sensua-  
litas significat appetitum sensitivum. Er-  
go non fuit in Christo voluntas sensua-  
litas.

2. Præterea. Secundum Augustinum XII  
de Trinit. (cap. xiii. a princ.) sensua-  
litas significatur per serpentem. Sed nihil  
serpentinum fuit in Christo: habuit enim  
similitudinem animalis venenosi sine ve-  
neno, ut Augustinus dicit (Lib. I. de peccator.  
meritis, & remis. cap. xxxii.) super  
illud Ioan. 111. *Sicut exaltavit Moyses  
serpentem in deserto.* Ergo in Christo  
non fuit voluntas sensualitatis.

3. Præterea. Voluntas sequitur natu-

ram, ut dictum est (art. præc.) Sed in  
Christo non fuit nisi una natura, præter  
divinam. Ergo in Christo non fuit nisi  
una voluntas humana.

Sed contra est quod Ambrosius dicit  
in II. ad Gratianum Imperat. (scilicet  
de fide cap. 111. ad fin.) *Mea est volun-  
tas, quam suam dicit: quia ut homo  
suscepit tristitiam meam.* Ex quo datur  
intelligi, quod tristitia pertinet ad huma-  
nam voluntatem in Christo. Sed tristitia  
pertinet ad sensualitatem, ut in secun-  
da parte habitum est (quæst. xxiii. art.  
1. & 3. & quæst. xxv. art. 1. & quæst.  
xxxv. art. 1. & 2.) Ergo videtur quod  
in Christo sit voluntas sensualitatis præ-  
ter voluntatem rationis.

Respondeo dicendum, quod, sicut præ-  
dictum est (art. præc.) Filius Dei huma-  
nam naturam assumpsit cum omnibus  
quæ pertinent ad perfectionem ipsius na-  
turæ. In humana autem natura inclu-  
ditur etiam natura animalis, sicut in  
specie includitur genus. Unde oportet  
quod Filius Dei assumpsit cum humana  
natura etiam ea quæ pertinent ad per-  
fectionem naturæ animalis: inter quæ est  
appetitus sensitivus, qui sensualitas dicitur:  
& ideo oportet dicere quod in Chris-  
to fuit sensualis appetitus, sive sensua-  
litas. Sciendum est etiam, quod sensua-  
litas, sive sensualis appetitus, in quantum  
est natus obedire rationi, dicitur ratio-  
nale per participationem, ut patet per  
Philosophum I. Eth. (cap. ult.) Et quia vo-  
luntas est in ratione, ut dictum est (art.  
præc.) pari ratione potest dici, quod sen-  
sualitas sit voluntas per participationem.

Ad primum ergo dicendum, quod ratio  
illa procedit de voluntate essentiali-  
ter dicta, quæ non est nisi in parte in-  
tellectiva; sed voluntas participative dic-  
ta potest esse in parte sensitiva, in quan-  
tum obedit rationi.

Ad secundum dicendum, quod sensua-  
litas signatur per serpentem, non quan-  
tum ad naturam sensualitatis, quæ  
Christus assumpsit, sed quantum ad cor-  
ruptionem somitis, quæ in Christo non  
fuit.

Ad tertium dicendum, quod ubi est u-  
num propter alterum, ibi unum tantum  
esse videtur; sicut superficies, quæ est  
visibilis per colorem, est unum visibile  
cum colore. Et similiter quia sensualitas  
non dicitur voluntas, nisi quia partici-  
pat voluntatem rationis, sicut una na-  
tura humana in Christo, ita etiam po-  
nitur una voluntas humana in Christo.

A R-



## ARTICULUS III. 116

*Utrum in Christo fuerint duæ voluntates quantum ad rationem.*

*Sup. art. 2. ad 2. & inf. art. 4. & 5. cor. & III. diff. xvii. art. 1. quæst. 3. & opus. 11. cap. cccxxx.*

**A**D tertium sic proceditur. Videtur quod in Christo fuerint duæ voluntates quantum ad rationem. Dicit enim Damascenus in II. Lib. (orth. Fid. cap. xxi. ante med. & Lib. III. cap. xiv. & xvi.) quod duplex est hominis voluntas; scilicet naturalis, quæ vocatur *δύναμις*; & voluntas rationalis, quæ vocatur *βούλησις*. Sed Christus in humana natura habuit quicquid ad perfectionem humanæ naturæ pertinet. Ergo utraque prædictarum voluntatum fuit in Christo.

2. Præterea. Vis appetitiva diversificatur in homine secundum diversitatem virtutis apprehensivæ, & ideo secundum differentiam sensus, & intellectus diversificatur in homine appetitus sensitivus, & intellectivus. Sed similiter quantum ad apprehensionem hominis ponitur differentia rationis, & intellectus, quorum utrumque fuit in Christo. Ergo fuit in eo duplex voluntas, una intellectualis, & alia rationalis.

3. Præterea. A quibusdam ponitur in Christo voluntas pietatis, quæ non potest poni nisi ex parte rationis. Ergo in Christo ex parte rationis sunt plures voluntates.

Sed contra est quod in quolibet ordine est una primum movens. Sed voluntas est primum movens in genere humanorum actuum. Ergo in uno homine non est nisi una voluntas proprie dicta, quæ est voluntas rationis: Christus autem est unus homo. Ergo in Christo est una tantum voluntas humana.

Respondetur dicendum, quod, sicut dictum est (art. 1. hui. quæst. ad 3.) voluntas quandoque accipitur pro potentia, & quandoque pro actu. Si ergo voluntas accipitur pro actu, sic oportet in Christo ex parte rationis ponere duas voluntates, idest duas species actuum voluntatis. Voluntas enim, ut in secunda parte dictum est (1. 2. quæst. viii. art. 2. & 3.) & est finis, & est eorum quæ sunt ad finem; & alio modo fertur in utrumque. Nam in finem fertur simpliciter, & absolute, sicut in id quod est

secundum se bonum; in id autem quod est ad finem, fertur cum quadam comparatione, secundum quod habet bonitatem ex ordine ad aliud. Et ideo alterius rationis est actus voluntatis, secundum quod fertur in aliquid quod est secundum se volitum, ut sanitas, quod a Damasceno (loc. cit.) vocatur *δύναμις*, idest simplex voluntas, & a magistris vocatur voluntas ut natura; & alterius rationis est actus voluntatis, secundum quod fertur in aliquid quod est volitum solum ex ordine ad alterum, sicut est sumptio medicinæ: quem quidem voluntatis actum Damascenus vocat *βούλησις*, idest consiliativam voluntatem, a magistris autem vocatur voluntas ut ratio. Hæc autem diversitas actus non diversificat potentiam: quia uterque actus attenditur ad unam communem rationem obiecti, quod est bonum. Et ideo dicendum est, quod si loquamur de potentia voluntatis, in Christo est una sola voluntas humana essentialiter, & non participative dicta; si vero loquamur de voluntate quæ est actus, sic distinguitur in Christo voluntas quæ est ut natura, quæ dicitur *δύναμις*, & voluntas quæ est ut ratio, quæ dicitur *βούλησις*.

Ad primum ergo dicendum, quod illæ duæ voluntates non diversificantur secundum potentiam, sed solum secundum differentiam actus, ut dictum est (in cor. art. 1.)

Ad secundum dicendum, quod etiam intellectus, & ratio non sunt diversæ potentie, ut in prima parte dictum est (quæst. lxxix. art. 8.)

Ad tertium dicendum, quod voluntas pietatis non videtur esse aliud quam voluntas quæ consideratur ut natura, in quantum scilicet refugit alienum malum, absolute consideratum.

## ARTICULUS IV. 117

*Utrum in Christo fuerit liberum arbitrium.*

*III. diff. xiv. art. 1. quæst. 1. cor. & diff. xvii. art. 1. quæst. 3. ad 5. & diff. xviii. art. 2. ad 5.*

**A**D quartum sic proceditur. Videtur quod in Christo non fuerit liberum arbitrium. Dicit enim Damascenus in III. Lib. (orth. Fid. cap. xiv. prope finem) *ὅτι οὐκ ἔστιν ἐν αὐτῷ ἐκλογὴ καὶ ἀπολογισμὸς*, idest electionem, & excogitationem, & *ἡ ἀπολογισμὸς ἐστὶν ἡ ἐκλογὴ*, idest electionem, in Domino dicere impossibile.

*libile est, si proprie loqui volumus.* Maxime autem in his quæ sunt fidei, est proprie loquendum. Ergo in Christo non fuit electio, & per consequens nec liberum arbitrium, cuius actus est electio.

2. Præterea. Philosophus dicit in III. Ethic. (cap. 11. cir. fin.) quod *electio est appetitus præconflatus*. Sed consilium non videtur fuisse in Christo: quia non consiliatur de quibus certi sumus; Christus autem de omnibus certitudinem habuit. Ergo in Christo non fuit electio, & sic nec liberum arbitrium.

3. Præterea. Liberum arbitrium se habet ad utrumque. Sed voluntas Christi fuit determinata ad bonum: quia non potuit peccare, sicut supra dictum est (quæst. xv. art. 1. & 2.) Ergo in Christo non fuit liberum arbitrium.

Sed contra est quod dicitur Isa. vii. 15. *Butyrum, & mel comedet, ut scias reprobatum malum, & eligere bonum*: quod est actus liberi arbitrii. Ergo in Christo fuit liberum arbitrium.

Respondeo dicendum, quod, sicut dictum est (art. 1. hu. quæst. ad 3.) in Christo fuit duplex actus voluntatis: unus quidem, quo eius voluntas ferebatur in aliquid, sicut secundum se voluit; quod pertinet ad rationem finis: alius autem, secundum quem eius voluntas ferebatur in aliquid per ordinem ad aliud; quod pertinet ad rationem eius quod est ad finem. Dissert autem, ut Philosophus dicit in III. Ethic. (cap. 11. in med.) electio a voluntate in hoc quod voluntas, per se loquendo, est ipsius finis; electio autem eorum quæ sunt ad finem. Et sic simpliciter voluntas est idem quod voluntas ut natura electio; autem est idem quod voluntas ut ratio, & est proprius actus liberi arbitrii, ut in prima parte dictum est (quæst. lxxxiii. art. 3. & 4.) Et ideo cum in Christo ponatur voluntas ut ratio, necesse est etiam ponere electionem, & per consequens liberum arbitrium, cuius actus est electio, ut in prima parte habitum est (ibid. & 1. 2. quæst. xiii. art. 1.)

Ad primum ergo dicendum, quod Damascenus excludit a Christo electionem, secundum quod intelligit in nomine electionis importari dubitationem. Hæc tamen dubitatio non est de necessitate electionis: quia etiam Deo convenit eligere, secundum illud Eph. 1. *Eligit nos in ipso &c.* cum tamen in Deo nulla sit dubitatio. Accedit tamen dubitatio electioni, inquantum est in natura ignoran-

te. Et idem dicendum est de aliis de quibus fit mentio in auctoritate prædicta.

Ad secundum dicendum, quod electio præsupponit consilium; non tamen sequitur ex consilio, nisi iam determinato per iudicium. Illud enim quod iudicamus agendum, post inquisitionem consilii eligimus, ut in III. Ethic. (cap. 11. & 111.) dicitur. Et ideo si aliquid iudicetur ut agendum absque dubitatione, & inquisitione præcedente, hoc sufficit ad electionem. Et sic patet quod dubitatio, sive inquisitio non per se pertinet ad electionem, sed solum secundum quod est in natura ignorante.

Ad tertium dicendum, quod voluntas Christi licet sit determinata ad bonum, non tamen est determinata ad hoc, vel id illud bonum. Et ideo pertinet ad Christum eligere per liberum arbitrium confirmatum in bono, sicut ad beatos.

## ARTICULUS V. 128

*Utrum voluntas humana Christi fuerit omnino conformis divine voluntati in volito.*

*Inf. quæst. xxi. art. 3. & 4. & III. dist. xvii. art. 2. quæst. 1. & IV. contra cap. xxxvi. fin.*

**A**D quintum sic proceditur. Videtur quod voluntas humana in Christo non voluerit aliud quam Deus vult. Dicitur enim in Psal. xxxix. 9. ex persona Christi: *Ut facerem voluntatem tuam, Deus meus, volui*. Sed ille qui vult voluntatem alicuius facere, vult quod ille vult. Ergo videtur quod voluntas humana Christi nihil aliud voluerit, quam voluntas divina ipsius.

2. Præterea. Anima Christi habuit perfectissimam caritatem, quæ etiam comprehensionem nostræ scientiæ excedit, secundum illud Eph. 111. 19. *Supereminens scientiæ caritatem Christi*. Sed caritatis est facere quod homo idem velit quod Deus: unde & Philosophus in IX. Ethic. (cap. 1v.) dicit, quod unus de amicabilibus est eadem velle, & eligere. Ergo voluntas humana in Christo nihil aliud voluit quam divina.

3. Præterea. Christus fuit verus comprehensor. Sed Sancti qui sunt comprehensores in patria, nihil aliud volunt quam quod Deus vult: alioquin non essent

sens beati : quia non haberent quicquid vellent : *beatus enim est qui habet quaecumque vult, & nihil male vult*, ut Augustinus dicit in Lib. XIII. de Trinit. ( cap. v. in fin. ) Ergo Christus nihil aliud voluit secundum voluntatem humanam, quam voluerit voluntas divina.

Sed contra est quod Augustinus dicit contra Maximinum ( Lib. III. cap. xx. in medi. ) *In hoc quod Christus ait, Non quod ego volo, sed quod tu, aliud se ostendit voluisse quam Pater; quod nisi humano corde non posset, cum infirmitatem nostram in suum non dixerim, sed humanum transfigureret affectum.*

Respondendum dicendum, quod, sicut dictum est ( art. 1. & 2. hu. quæst. ) in Christo secundum humanam naturam ponitur duplex voluntas; scilicet voluntas sensualitatis, quæ participative voluntas dicitur; & voluntas rationalis, siue consideretur per modum naturæ, siue per modum rationis. Dictum est autem supra ( quæst. xiv. art. 1. ad 2. ) quod ex quadam dispensatione Filius Dei ante suam passionem permittebat carni agere, & pati quæ sunt ei propria : & similiter etiam permittebat omnibus viribus animæ agere, & pati quæ propria. Manifestum est autem quod voluntas sensualitatis refugit naturaliter dolores sensibiles, & corporis lationem. Similiter etiam voluntas ut natura repudiatur ea quæ sunt naturæ contraria, & quæ sunt secundum se mala, puta mortem, & alia huiusmodi; sed hæc tamen voluntas quandoque per modum rationis eligere potest ex ordine ad finem; sicut etiam in aliquo puro homine sensualitas eius, & etiam voluntas absolute considerata refugit ultionem, quam tamen voluntas secundum rationem eligit propter finem sanitatis. Voluntas autem Dei erat ut Christus dolores, & passionem, & mortem pateretur; non quod ista essent a Deo volita secundum se, sed ex ordine ad finem humanæ salutis. Unde patet quod Christus secundum voluntatem sensualitatis, & secundum voluntatem rationis, quæ consideratur per modum naturæ, aliud poterat velle quam Deus; sed secundum voluntatem quæ est per modum rationis, semper idem volebat quod Deus : quod patet ex hoc ipso quod dicit ( Marci xiv. 36. ) *Non sicut ego volo, sed sicut tu.* Volebat enim secundum rationem, voluntatem divinam impleri, quamvis aliud dicat se velle secundum quamdam aliam eius voluntatem.

Ad primum ergo dicendum, quod Christus per voluntatem rationalem voluit ut divina voluntas impleteretur; non autem per voluntatem sensualitatis, cuius motus non se extendit uique ad voluntatem Dei; neque per voluntatem quæ consideratur per modum naturæ, quæ fertur in aliqua obiecta absolute considerata, & non in ordine ad divinam voluntatem.

Ad secundum dicendum, quod conformitas voluntatis humanæ ad voluntatem divinam attenditur secundum voluntatem rationis, secundum quam etiam voluntates amicorum concordant, inquantum scilicet ratio considerat aliud quod volitum in ordine ad voluntatem amici.

Ad tertium dicendum, quod Christus fuit simul comprehensor, & viator, inquantum scilicet per mentem truebatur Deo, & habebat carnem passibilem. Ecce ideo ex parte carnis passibilis poterat in eo aliquid accidere quod repugnaret naturali voluntati ipsius, & etiam appetitui sensitivo.

## ARTICULUS VI. 116

*Utrum in Christo fuerit contrarietas voluntatum.*

III. dist. xviii. art. 2. quæst. 2. & 3.  
& op. 11. cap. cccxxx. fin.

**A**D sextum sic proceditur. Videtur quod in Christo fuerit contrarietas voluntatum. Contrarietas namque voluntatum attenditur secundum contrarietatem obiectorum : sicut etiam contrarietas motuum attenditur secundum contrarietatem terminorum, ut patet per Philosophum in V. Physic. ( tex. 49. & seq. ) Sed Christus secundum diversas voluntates contraria volebat : nam secundum voluntatem divinam volebat mortem, quam refugiebat secundum voluntatem humanam : unde Athanasius dicit in lib. adversus Apollinarium ( qui inscribitur : *De nat. hum. suscepta*, vers. fin. ) *Quando Christus dicit : Pater, si possibile est, transeat a me calix iste, & tamen non mea, sed tua voluntas fiat : & iterum : Spiritus promptus est, caro autem infirma : duas voluntates hic ostendit, humanam quæ propter infirmitatem carnis refugiebat passionem, & divinam eius promptam ad passionem.* Ergo in Christo fuit contrarietas voluntatum.

2. Præ

2. Præterea. Ad Galat. v. 17. dicitur, quod caro concupiscit adversus spiritum, & spiritus adversus carnem. Est igitur contrarietas voluntatum, quando spiritus unum concupiscit, & caro aliud. Sed hoc fuit in Christo: nam per voluntatem caritatis, quam Spiritus sanctus in eius mente faciebat, volebat passionem, secundum illud Iſa. lxxi. 7. *Obſatus eſt, quia voluit*: secundum autem carnem passionem reſugiebat. Ergo erat in eo contrarietas voluntatum.

3. Præterea. Luc. xxii. 43. dicitur, quod factus in agonia prolixius orabat. Sed agonia videtur importare quandam compugnationem animi in contraria tendentis. Ergo videtur quod in Christo fuerit contrarietas voluntatum.

Sed contra est quod in determinatione sextæ Synodi (ſcil. Conſtant. III. gener. VI. aſ. xviii. quæ græce eſt xvii. in ſymb. cl. PP. a med.) dicitur: *Prædicamus duas naturales voluntates non contrarias, iuxta quod impij aſſerunt hæretici, ſed ſequentem eius humanam voluntatem, & non reſiſtentem, vel reſuſtantem, ſed poſius ſubiectam divinæ eius, atque omnipotentis voluntati.*

Reſpondeo dicendum, quod contrarietas non poteſt eſſe, niſi oppoſitio attendatur in eodem, & ſecundum idem; ſi autem ſecundum diverſa, & in diverſis exiſtat diverſitas, non ſufficit hoc ad rationem contrarietatis, ſicut nec ad rationem contradicitionis; puta quod homo ſit pulcher, aut ſanus ſecundum manum, & non ſecundum pedem. Ad hoc ergo quod ſit contrarietas voluntatum in aliquo, requiritur primo quidem quod ſecundum idem attendatur diverſitas voluntatum. Si enim unus voluntas ſit de aliquo ſiendo ſecundum quandam rationem univerſalem, & alterius voluntas ſit de eodem non ſiendo ſecundum quandam rationem particularem, non eſt omnino contrarietas voluntatum; puta ſi Rex vult ſuſpendi latronem propter bonum publicum, & aliquis eius conſanguineus nolit eum ſuſpendi propter amorem privatum, non erit contrarietas voluntatis; niſi forte intantum ſe extendat voluntas hominis privati, ut bonum publicum velit impedire, ut conſervetur bonum privatum: tunc enim circa idem attenditur repugnantia voluntatum. Secundo autem requiritur ad contrarietatem voluntatis quod ſit circa eandem voluntatem. Si enim homo vult unum ſecundum appetitum ra-

tionis, & vult aliud ſecundum appetitum ſenſitivum, non eſt hic aliqua contrarietas; niſi forte appetitus ſenſitivus intantum prævaleat quod vel immutet, vel retardet appetitum rationis: ſic enim iam ad ipſam voluntatem rationis perveniret aliquid de motu contrario appetitus ſenſitivi.

Sic igitur dicendum eſt, quod licet voluntas naturalis, & voluntas ſenſualitatis in Christo aliquid aliud voluerit, quam voluntas divina, & voluntas rationis ipſius; non tamen fuit aliqua contrarietas voluntatum. Primo quidem quia neque voluntas naturalis, neque voluntas ſenſualitatis repudiabat illam rationem, ſcilicet qua divina voluntas, & voluntas rationis humanæ in Christo paſſionem volebat. Volebat enim etiam voluntas abſoluta in Christo ſalutem humani generis, ſed eius non erat velle hoc in ordine ad aliud: motus autem ſenſualitatis ad hoc ſe extendere non valebat. Secundo quia neque voluntas divina, neque voluntas rationis in Christo impediabatur, aut retardabatur per voluntatem naturalem, aut per appetitum ſenſualitatis. Similiter etiam nec e contra-rio voluntas divina, vel voluntas rationis in Christo reſugiebat, aut retardabat motum voluntatis naturalis humanæ, & motum ſenſualitatis in Christo. Placebat enim Christo ſecundum voluntatem divinam, & etiam ſecundum voluntatem rationis, ut voluntas naturalis in ipſo, & voluntas ſenſualitatis ſecundum ordinem ſuæ naturæ moverentur. Unde patet quod in Christo nulla fuit repugnantia, vel contrarietas voluntatum.

Ad primum ergo dicendum, quod hoc ipſum quod aliqua voluntas humana in Christo aliud volebat quam eius voluntas divina, procedebat ex ipſa voluntate divina, cuius beneplacito natura humana motibus propriis movebatur in Christo, ut Damascenus dicit (Lib. II. orth. Fid. cap. xv. a med. & cap. xix.)

Ad ſecundum dicendum, quod in nobis per concupiſcentiam carnis impeditur, aut retardatur concupiſcentia ſpiritus: quod in Christo non fuit. Et id eo in Christo non fuit contrarietas carnis ad ſpiritum, ſicut in nobis.

Ad tertium dicendum, quod agonia non fuit in Christo quantum ad partem animæ rationalem, ſecundum quod importat concertationem voluntatum ex diverſitate rationum procedentem; puta

cum aliquis, secundum quod ratio considerat unum, vult hoc, & secundum quod considerat aliud, vult contrarium. Hoc enim contingit propter debilitatem rationis, quæ non potest diiudicare, quid sit simpliciter melius quod in Christo non fuit: quia per suam rationem iudicabat simpliciter esse melius quod per eius passionem impleteretur voluntas divina circa salutem generis humani. Fuit tamen in Christo agonia quantum ad partem sensitivam, secundum quod importat timorem infortunii imminentis, ut dicit Damascenus in III. Lib. (orth. Fid. cap. XVIII. a med. & cap. XX. & XXIII.)

## QUAESTIO XIX.

*De pertinentibus ad unitatem Christi quantum ad operationem,*

*in quatuor articulos divisa.*

**D**Einde considerandum est de unitate operationis Christi: & circa hoc quaeruntur quatuor.

Primo, utrum in Christo sit una operatio Divinitatis, & humanitatis, vel plures.

Secundo, utrum in Christo sint plures operationes secundum humanam naturam.

Tertio, utrum Christus secundum humanam operationem aliquid sibi meruerit.

Quarto, utrum per eam aliquid meruerit nobis.

## ARTICULUS I. 320

*Utrum in Christo sit una tantum operatio Divinitatis, & humanitatis.*

*Inf. quæst. XXV. art. 1. ad 2. & III. diff. x. quæst. 1. art. 2. quæst. 1. ad 3. & diff. XVIII. art. 1. & IV. cont. cap. XXXVI. & ver. quæst. XX. art. 1. ad 2. & 6. & un. art. 1. ad 16. & art. 5. & opusc. 11. cap. CCXI.*

**A**D primum sic proceditur. Videtur quod in Christo sit una tantum operatio Divinitatis, & humanitatis. Dicit enim Dionysius in II. cap. de div. Nom. (a med. lect. 3.) *Discreta autem est benignissima circa nos Dei operatio per hoc quod secundum nos ex nobis integre veræque humanatum est Verbum, quod est ju-*

*pra substantiam, & operatum, & passum quæcumque humane eius, divineque operationi congruant: ubi unam operationem nominat humanam, & divinam, quæ in Græco dicitur *δυναμις*, idest divinis. Videtur igitur esse una operatio composita in Christo.*

2. Præterea. Principalis agentis, & instrumenti est una sola operatio. Sed humana natura in Christo fuit instrumentum divinæ, ut supra dictum est (quæst. XIII. art. 2. & 3.) Ergo eadem est divinæ, & humanæ naturæ in Christo operatio.

3. Præterea. Cum in Christo sint duæ naturæ in una hypostasi, vel persona, necessarium est unum & idem esse quod pertinet ad hypostasim, vel personam. Sed operatio pertinet ad hypostasim, vel personam: nihil enim operatur nisi suppositum subsistens: unde secundum Philosophum (Lib. I. Metaph. cir. princ.) actus sunt singularium. Ergo in Christo est una & eadem operatio Divinitatis, & humanitatis.

4. Præterea. Sicuti esse est hypostasis subsistens, ita etiam operari. Sed propter unitatem hypostasis est in Christo unum esse, ut supra dictum est (quæst. XVII. art. 2.) Ergo etiam propter eandem unitatem est in Christo una operatio.

5. Præterea. Ubi est unum operatum, ibi est una operatio. Sed idem operatum erat Divinitatis, & humanitatis, sicut sanatio leprosi, vel suscitatio mortui. Ergo videtur quod in Christo sit una tantum operatio Divinitatis, & humanitatis.

Sed contra est quod Ambrosius dicit in II. Lib. ad Gratianum Imperatorem (scil. de Fide cap. IV. aliquid a princ.) *Quomodo eadem operatio diverse est potestatis? Numquid sic potest minor, quemadmodum maior operari, aut una operatio potest esse, ubi diversa substantia est?*

Respondeo dicendum, quod hæretici supra dicti (quæst. præc. art. 1.) qui posuerunt in Christo unam voluntatem, posuerunt etiam in Christo unam operationem. Et ut eorum opinio erronea melius intelligatur, considerandum est, quod ubicunque sunt plura agentia ordinata, inferius movetur a superiori, sicut in homine corpus movetur ab anima, & inferiores vires a ratione. Sic igitur actiones, & motus inferioris principii sunt magis operata quàm quædam

ope-

operationes. Id autem quod perrinet ad supremum principium, est proprie operatio; puta si dicamus in homine, quod ambulare, quod est pedum, & palpare, quod est manuum, sunt quaedam hominis operata, quorum unum operatur anima per pedes, aliud per manus: & quia est eadem anima operans per utrumque, ex parte ipsius operantis, quod est primum principium movens, est una & indifferens operatio; ex parte autem ipsorum operatorum differentia invenitur. Sicut autem in homine puro corpus movetur ab anima, & appetitus sensitivus a rationali; ita in Domino Iesu Christo humana natura movebatur, & regebatur a divina. Et ideo dicebant, quod eadem est operatio, & indifferens ex parte ipsius Divinitatis operantis; sunt tamen diversa operata, in quantum scilicet Divinitas Christi aliud agebat per se ipsam, sicut quod portabat omnia verbo virtutis suae, aliud autem per humanam naturam, sicut quod corporaliter ambula- bat. Unde in sexta Synodo (sc. Const. III. gener. VI. aet. x. inter med. & fin.) inducuntur verba Severi haeretici sic dicentis: *Ea quae agebantur, & operabantur ab uno Christo, multum differunt: quaedam enim sunt Deo decibilia, quaedam humana; veluti corporaliter vadere super terram, profectio humanum est, crucibus vero vexatis, & ambulare super terram penitus non valentibus sanum gressum donare, Deo decibile est. Sed unus, scilicet incarnatum Verbum, hoc, & illud operatus est: & nequaquam hoc quidem huius, hoc vero huius est naturae: neque eo quod diversa sunt operamenta, ideo duas operationes naturas, atque formas iuste designemus.*

Sed in hoc decipiebantur: quia actio eius quod movetur ab altero, est duplex: una quidem quam habet secundum propriam formam; alia autem quam habet secundum quod movetur ab alio: sicut securis operatio secundum propriam formam est incisio; secundum autem quod movetur ab artifice, operatio eius est facere scammum. Operatio igitur quae est alienius rei secundum suam formam, est propria eius; nec pertinet ad moventem, nisi secundum quod utitur huiusmodi re ad suam operationem; sicut calefacere est propria operatio ignis, non autem fabri, nisi quatenus utitur igne ad calefaciendum ferrum. Sed illa operatio quae est rei solum secundum quod movetur ab alio, non est

alia praeter operationem moventis ipsam; sicut facere scammum, non est securum operatio securis ab operatione artificis, sed securis participat instrumentaliter operationem artificis.

Et ideo ubique movens, & motum habent diversas formas, seu virtutes operativas, ibi oportet quod sit alia operatio moventis, & alia operatio propria moti: licet motum participet operationem moventis, & movens utatur operatione moti, & sic utrumque aequum communionem alterius. Sic igitur in Christo humana natura habet propriam formam, & virtutem, per quam operatur; & similiter divina. Unde humana natura habet propriam operationem distinctam ab operatione divina, & e converso. Et tamen divina natura utitur operatione naturae humanae, sicut operatione sui instrumenti; & similiter humana natura participat operationem divinam naturae, sicut instrumentum participat operationem principalis agentis. Et hoc est quod dicit Leo Papa in epist. ad Flav. (xxviii. in novis. Ven. edit. cap. iv. ante med. al. x.) *Agit utraque forma, scilicet tam natura divina, quam humana in Christo, cum alterius communionem quod proprium est, Verbo scilicet operante quod Verbi est, & carne exequente quod carnis est.* Si vero esset una tantum operatio Divinitatis, & humanitatis in Christo, oporteret dicere, vel quod humana natura non haberet propriam formam, & virtutem (de divina enim hoc dici est impossibile); ex quo sequeretur quod in Christo esset tantum divina operatio: vel oporteret dicere, quod ex divina virtute, & humana esset constata in Christo una virtus. Quorum utrumque est impossibile. Nam per primum horum ponitur natura humana in Christo esse imperfecta; per secundum vero ponitur confusio naturarum. Et ideo rationabiliter in sexta Synodo (ut sup. cit. aet. xviii. quae graece est xvii. in symb. cl. PP.) haec opinio est condemnata: in cuius determinatione dicitur: *Duas naturales operationes indivise, inconvertibiliter, inseparabiliter in eodem Domino Iesu Christo vero Deo nostro glorificamus, hoc est divinam operationem, & humanam operationem.*

Ad primum ergo dicendum, quod Dionysius ponit in Christo operationem *divinam*, id est divinam virilem, vel divinam humanam, non per aliquam confu-

fusionem operationum, seu virtutum utriusque naturæ, sed per hoc quod divina operatio eius utitur humana, & humana eius operatio participat virtutem divinæ operationis. Unde, sicut ipse dicit in quadam epistola ad Caium, (quæ est 14. cir. med.) *super hominem operabatur ea quæ sunt hominis: quod monstrat Virgo supernaturaliter concipiens, & aqua instabilis terrenorum pedum sustinens gravitatem*. Manifestum est enim quod concipi est humanæ naturæ, similiter & ambulare, sed utrumque fuit in Christo supernaturaliter. Et similiter divina operabatur humanitus, sicut cum sanavit leprosum tangendo. Unde in eadem epistola subdit: *Non secundum Deum divini faciens, non humana secundum hominem, sed Deo homine facto, nova quadam Dei & hominis operatione*. Quod autem intellexerit, duas esse operationes in Christo, unam divinæ naturæ, aliam autem humanæ, patet ex his quæ dicit in 11. cap. de div. Nom. (a med. lect. 3.) ubi dicit, quod his quæ pertinent ad humanam eius operationem, Pater, & Spiritus sanctus nulla ratione communicant: nisi quis dixerit secundum benignissimam, & misericordem voluntatem; in quantum scilicet Pater, & Spiritus sanctus ex sua misericordia voluerunt Christum agere, & pati humana. Addit autem, & secundum omnem sublimissimam & instabilem Dei operationem, quam homo pro nobis factus adimplevit, immutabilis professio Deus, & Dei Verbum. Sic igitur patet quod alia est operatio humana, in qua Pater, & Spiritus sanctus non communicant, nisi secundum acceptationem misericordie suæ; & alia est eius operatio, in quantum est Dei Verbum, in qua communicant Pater, & Spiritus sanctus.

Ad secundum dicendum, quod instrumentum dicitur aliquid agere ex eo quod movetur a principali agente, quod tamen præter hoc potest habere propriam operationem secundum suam formam, ut de igne dictum est (in cor. art.) Sic igitur actio instrumenti, in quantum est instrumentum, non est alia ab actione principalis agentis; potest tamen habere aliam operationem, prout est res quædam. Sic igitur operatio quæ est humanæ naturæ in Christo, in quantum est instrumentum Divinitatis, non est alia ab operatione Divinitatis: non enim est alia salvatio qua salvat humanitas Christi, & Divinitas eius: habet tamen humana natura in Christo, in quantum est

natura quædam, quamdam propriam operationem præter divinam, ut dictum est (in cor. art.)

Ad tertium dicendum, quod operari est hypostasis subsistentis, sed secundum formam, & naturam, a qua operatio speciem recipit. Et ideo a diversitate formarum, seu naturarum est diversa species operationum; sed ab unitate hypostasis est unitas secundum numerum, quantum ad operationem speciei: sicut ignis habet duas operationes specie differentes, scilicet illuminare, & calefacere secundum differentiam lucis, & caloris; & tamen est una numero illuminatio ignis simul illuminantis. Et similiter in Christo oportet quod sint duæ operationes specie differentes secundum eius duas naturas; quælibet tamen operationum est una numero in Christo simul facta, sicut una ambulatio, & una sanatio.

Ad quartum dicendum, quod esse, & operari est personæ a natura; aliter tamen, & aliter. Nam esse pertinet ad ipsam constitutionem personæ; & sic quantum ad hoc se habet in ratione termini: & ideo unitas personæ requirit unitatem ipsius esse completi, & personalis. Sed operatio est quidam effectus personæ secundum aliquam formam, vel naturam. Unde pluralitas operationum non præiudicat unitati personali.

Ad quintum dicendum, quod aliud est proprium operatum operationis divinæ, & operationis humanæ in Christo; sicut operatum proprium divinæ operationis est sanatio leprosi, operatum autem proprium humanæ naturæ est eius contactus. Concurrent autem ambæ operationes ad unum operatum, secundum quod una natura agit cum communione alterius, ut dictum est (in cor. art.)

## ARTICULUS II. 121

### Utrum in Christo sint plures operationes humane.

AD secundum sic proceditur. Videtur quod in Christo sint plures humanæ operationes, Christus enim, in quantum homo, communicat cum plantis in natura nutritiva, cum animalibus autem in natura sensitiva, cum Angelis vero in natura intellectiva, sicut & ceteri homines. Sed alia est operatio plantarum, in quantum est planta, & alia animalis, in quantum est animal. Ergo Christi-

flus, inquantum est homo, habet plures operationes.

2. Præterea. Potentiæ, & habitus distinguuntur secundum actus. Sed in anima Christi fuerunt diversæ potentiæ, & diversi habitus. Ergo & diversæ operationes.

3. Præterea. Instrumenta debent esse proportionata operationibus. Corpus autem humanum habet diversa membra differentia secundum formam. Ergo diversis operationibus debent esse accommodata. Sunt ergo in Christo diversæ operationes secundum humanam naturam.

Sed contra est quod, sicut Damascenus dicit in III. Lib. (orth. Fid. cap. xv. ante med.) operatio sequitur naturam. Sed in Christo est tantum una natura humana. Ergo in Christo fuit una tantum operatio humana.

Respondeo dicendum, quod quia homo est id quod est secundum rationem, illa operatio dicitur esse simpliciter humana quæ a ratione procedit per voluntatem, quæ est rationis appetitus. Si qua autem operatio est in homine quæ non procedit a ratione, & voluntate, non est simpliciter operatio humana, sed convenit homini secundum aliquam partem humanæ naturæ: quandoque quidem secundum ipsam naturam elementis corporalis, sicut ut terri deorsum; quandoque vero secundum virtutem animæ vegetabilis, sicut nutrirî, & augeri; quandoque vero secundum partem sensitivam, sicut videre, & audire, imaginari, & memorari, concupiscere, & irasci. Inter quas operationes est differentia. Nam operationes animæ sensitivæ sunt aliquid obediens rationi: & ideo sunt aliquid rationales, & humanæ, inquantum scilicet obediunt rationi, ut patet per Philosophum in I. Ethic. (cap. ult.) Operationes vero quæ sequuntur animam vegetabilem, vel etiam naturam elementaris corporis, non subiciuntur rationi: unde nullo modo sunt rationales, nec humanæ simpliciter, sed solum secundum partem humanæ naturæ. Dictum est autem supra (art. præc.) quod quando agens inferius agit per propriam formam, tunc est alia operatio interioris agentis, & superioris; quando vero agens inferius non agit nisi secundum quod est motum a superiori agente, tunc est eadem operatio superioris agentis, & inferioris.

Sic igitur in quocumque homine puro alia est operatio elementaris corporis, & animæ vegetabilis ab operatione volun-

tatis, quæ est proprie humana: & similiter etiam operatio animæ sensitivæ, quantum ad id quod non movetur a ratione; sed quantum ad id quod movetur a ratione, est eadem operatio partis sensitivæ, & rationalis. Ipsius autem animæ rationalis est una operatio, si attendamus ad ipsum principium operationis, quod est ratio, vel voluntas; diversificatur autem secundum respectum ad diversa obiecta. Quam quidem diversitatem aliqui appellaverunt diversitatem operatorum magis quam operationum, iudicantes de unitate operationis solum ex parte operativi principii. Sic enim nunc queritur de unitate, vel pluralitate operationum in Christo. Sic igitur in quolibet puro homine est tantum una operatio, quæ proprie humana dicitur; præter quantamen sunt in homine puro quædam aliæ operationes, quæ non sunt proprie humanæ, sicut dictum est (hic sup.) Sed in homine Jesu Christo nullus erat motus sensitivæ partis, qui non esset ordinatus a ratione. Ipsæ etiam operationes naturales, & corporales aliquid ad eius voluntatem pertinebant, inquantum voluntatis eius erat ut caro eius ageret, & pateretur quæ sunt sibi propria, ut dictum est supra (quæst. præc. art. 5.) Et ideo multo magis est una operatio in Christo quam in quocumque alio homine.

Ad primum ergo dicendum, quod operatio partis sensitivæ, & etiam nutritivæ non est proprie humana, sicut dictum est (in corp.) & tamen in Christo humilissimi operationes fuerunt magis humanæ quam in aliis.

Ad secundum dicendum quod potentiæ, & habitus diversificantur per comparisonem ad obiecta. Et ideo diversitas operationum hoc modo respondet diversis potentiis, & habitibus, sicut etiam respondet diversis obiectis. Talem autem diversitatem operationum non intendimus excludere ab humanitate Christi, sicut nec eam quæ est secundum aliud & aliud instrumentum; sed solum illam quæ est secundum primum principium activum, ut dictum est (in corp. art.)

Unde patet etiam responso ad tertium.



## ARTICULUS III. 122

*Utrum actio humana Christi potuerit  
esse sibi meritoria.*

III. *dist. XVIII. art. 2. 3. 4. & 5. & ver.  
quaest. XXIX. art. 7. ad 6. & op. 11. cap. cxxl. f.*

**A**D tertium sic proceditur. Videtur quod actio humana Christi non potuerit esse meritoria. Christus enim ante mortem fuit comprehensor, sicut & modo est. Sed comprehensor non est mereri. Caritas enim comprehensoris pertinet ad primum beatitudinis, cum secundum eam attendatur fructus: unde non videtur esse principium merendi, cum non sit idem meritorium, & primum. Ergo Christus ante passionem non merebatur, sicut nec modo meretur.

2. Præterea. Nullus meretur id quod est sibi debitum. Sed ex hoc quod Christus est Filius Dei per naturam, debetur sibi hereditas æterna, quam alii homines per bona opera merentur. Non ergo Christus aliquid sibi mereri potuit, quia a principio fuit Filius Dei.

3. Præterea. Quicunque habet id quod est principale, non proprie meretur id quod ex illo habito sequitur. Sed Christus habuit gloriam animæ, ex qua secundum communem ordinem sequitur gloria corporis, ut Augustinus dicit in epistola ad Dilectum (cxviii. al. lvi.) ante med.) in Christo tamen dispensative factum est quod gloria animæ non derivaretur ad corpus. Non ergo Christus meruit gloriam corporis.

4. Præterea. Manifestatio excellentiæ Christi non est bonum ipsius Christi, sed eorum qui eum cognoscunt: unde & pro præmio promittitur dilectoribus Christi, ut eis manifestetur, secundum illud Ioan. xiv. 21. *Si quis diligit me, diligetur a Patre meo, & ego diligam eum, & manifestabo ei me ipsum.* Ergo Christus non meruit manifestationem suæ altitudinis.

Sed contra est quod Apostolus dicit Philip. ii. 8. *Factus est obediens usque ad mortem: propter quod & Deus exaltavit illum.* Meruit ergo obediendo suam exaltationem; & ita aliquid sibi meruit.

Respondendo dicendum, quod habere aliquid donum per se est nobilius quam habere illud per aliud. Semper enim ea quæ quæ est per se, potior est ea quæ est per aliud, ut dicitur in VIII. Physi-

cor (tex. 39.) Hoc autem dicitur aliquis habere per seipsum, cuius est sibi aliquo modo causa. Prima autem causa omnium honorum nostrorum per auctoritatem est Deus: & per hunc modum nulla creatura habet aliquid boni per seipsum, secundum illud I. ad Corinth. xv. 7. *Quid habes quod non accepisti?* Potest tamen secundario aliquis esse causa sibi alicuius boni habendi, in quantum scilicet in hoc ipso Deo cooperatur: & sic ille qui habet aliquid per meritum proprium, habet quodammodo illud per seipsum. Unde nobilius habetur id quod habetur per meritum, quam id quod habetur sine merito. Quia autem omnis perfectio, & nobilitas Christo est attribuenda, consequens est quod ipse per meritum habuerit illud quod alii per meritum habent: nisi sit tale quid, cuius carentia magis dignitati Christi, & perfectioni præiudicat, quam per meritum accrescat. Unde nec gratiam, nec scientiam, nec beatitudinem animæ, nec Divinitatem meruit: quia cum meritum non sit nisi eius quod nondum habetur, oporteret quod Christus aliquando istis caruisset; quibus carere magis diminuit dignitatem Christi, quam augeat meritum. Sed gloria corporis, vel si quid aliud huiusmodi est, minus est quam dignitas merendi, quæ pertinet ad virtutem caritatis. Et ideo dicendum est, quod Christus gloriam corporis, & ea quæ pertinent ad exteriorem eius excellentiam, sicut est ascensio, veneratio, & alia huiusmodi, habuit per meritum. Et sic patet quod aliquid sibi mereri potuit.

Ad primum ergo dicendum, quod fructus, quæ est actus caritatis, pertinet ad gloriam animæ, quam Christus non meruit. Et ideo si per caritatem aliquid meruit, non sequitur quod idem sit meritum, & præmium. Nec tamen per caritatem meruit, in quantum erat caritas comprehensoris, sed in quantum erat viatoris. Nam ipse fuit simul viator, & comprehensor, ut supra habuitur. Et ideo quia nunc non est viator, non est in statu merendi.

Ad secundum dicendum, quod Christus, secundum quod est Deus, & Dei Filius, per naturam debetur gloria divina, & dominium omnium, sicut primo, & supremo domino. Nihilominus tamen debetur ei gloria sicut homini beato; quantum ad aliquid debuit habere sine merito, & quantum ad aliquid cum merito,

sito, ut ex supra dictis patet (in cor. art.)

Ad tertium dicendum, quod redundancia gloria ex anima ad corpus est ex divina ordinatione, secundum congruentiam humanorum meritorum; ut scilicet sicut homo meretur per actum animae, quem exercet in corpore, ita etiam remuneretur per gloriam animae redundantem ad corpus. Et propter hoc non solum gloria animae, sed etiam gloria corporis cadit sub merito, secundum illud Rom. VIII. 11. *Vivificabit mortalia corpora nostra propter inhabitantem Spiritum eius in nobis*. Et ita potuit cadere sub merito Christi.

Ad quartum dicendum, quod manifestatio excellentiae Christi pertinet ad bonum eius secundum esse quod habet in nocuita aliorum; quamvis principalius pertineat ad bonum eorum qui eum cognoscunt, secundum esse quod habent in seipsis: sed etiam hoc ipsum retertur ad Christum, inquantum sunt membra eius.

#### ARTICULUS IV. 123

*Utrum Christus aliis mereri poterit.*

*Inf. quest. XLVIII. art. 1. co. & art. 6. & quest. XLIX. art. 1. cor. & II. dist. XX. quest. 11. art. 3. ad 3. & III. dist. XLVIII. art. 6. & 22. quest. XXVI. art. 6. ad 20. & quest. XXIX. art. 7.*

**A**D quartum sic proceditur. Videtur quod Christus aliis mereri non poterit. Dicitur enim Ezech. XVIII. 4. *Anima quae peccaverit, ipsa morietur*. Ergo pari ratione anima quae meretur, ipsa remunerabitur. Non ergo est possibile quod Christus aliis mereretur.

2. Praeterea. De plenitudine gratiae Christi omnes accipiunt, ut dicitur Ioh. 1. Sed alii homines habentes gratiam Christi non possunt aliis mereri. Dicitur enim Ezech. XIV. 20. *quod si fuerint (a) in civitate Noe, Daniel, & Iob, scilicet, & filium suum liberabunt, sed ipsi iustitia sua liberabunt animas suas*. Ergo nec Christus potuit aliquid nobis mereri.

3. Praeterea. Merces quam quis meretur, debetur secundum iustitiam, & non secundum gratiam, ut patet Rom. XV. Si ergo Christus meruit salutem nostram, sequitur quod salus nostra non sit ex gratia Dei, sed ex iustitia; & quod iniuste agat cum eis quos non sal-

vat, cum meritum Christi ad omnes se extendat.

Sed contra est quod dicitur Rom. V. 18. *Sicut per unius delictum in omnes homines in condemnationem, sic & per unius iustitiam in omnes homines in iustificationem vitae*. Sed demeritum Adae derivatur ad condemnationem aliorum. Ergo multo magis meritum Christi ad alios derivatur.

Respondetur dicendum, quod, sicut supra dictum est (quest. VIII.) in Christo non solum fuit gratia sicut in quodam homine singulari, sed sicut in capite totius Ecclesiae, cui omnes uniuntur, sicut capiti membra, ex quibus constituitur mystice una persona. Et exinde est quod meritum Christi se extendit ad alios, inquantum sunt membra eius; sicut etiam in uno homine actio capitis aliquo modo pertinet ad omnia membra eius, quia non solum sibi sentit, sed omnibus membris.

Ad primum ergo dicendum, quod peccatum singularis personae non nocet nisi sibi ipsi; sed peccatum Adae, qui constitutus est a Deo principium totius naturae, ad alios per carnis propaginem derivatur: & similiter meritum Christi, qui est a Deo constitutus caput omnium hominum quantum ad gratiam, se extendit ad omnia eius membra.

Ad secundum dicendum, quod alii de plenitudine Christi accipiunt, non quidem fontem gratiae, sed quandam particularem gratiam: & ideo non oportet quod alii homines possint aliis mereri, sicut Christus.

Ad tertium dicendum, quod sicut peccatum Adae non derivatur ad alios nisi per carnalem generationem; ita meritum Christi non derivatur ad alios nisi per regenerationem spiritualem, quae fit in baptismo, per quam homines Christo incorporantur, secundum illud Galat. III. 27. *(b) Omnes quotquot in Christo baptizati estis, Christum induistis*: & hoc ipsum est gratia, quod homini conceditur regenerari in Christo: & sic salus hominis est ex gratia.

## QUAESTIO XX.

De convenientibus Christo, secundum quod  
Patri fuit subiectus,

in duos articulos divisa.

**D**Einde considerandum est de his quae  
conveniunt Christo per compara-  
tionem ad Patrem: quorum quaedam di-  
cuntur de ipso secundum habitudinem  
ipsius ad Patrem, puta quod est ei subie-  
ctus, quod ipsum oravit, quod ei in sacer-  
dotio ministravit; quaedam vero dicuntur  
vel dici possent secundum habitudinem  
Patris ad ipsum, puta si Pater eam ado-  
pserit, & quod eum praedestinavit.

Primo igitur considerandum est de sub-  
iectione Christi ad Patrem. Secundo de  
eius oratione. Tertio de ipsius sacerdo-  
tio. Quarto de adoptione, an ei con-  
veniat. Quinto de eius praedestinatione.

Circa primum quaeruntur duo.

Primo, utrum Christus sit subiectus  
Patri.

Secundo, utrum sit subiectus sibiipso.

## ARTICULUS I. 124

Utrum dicendum sit, Christum esse subie-  
ctum Patri.

1. P. quæst. xlii. art. 4. ad 1. & quæst.  
xiv. art. 7. ad 1. & III. dist. xi. art.  
1. ad 2. & dist. xvii. art. 3. quæst. 1.  
co. & I. Cor. xv. lect. 3. fin.

**A**D primum sic proceditur. Videtur  
quod non sit dicendum, Christum  
esse subiectum Patri. Omne enim quod  
subiicitur Deo Patri, est creatura: quia,  
ut dicitur in Lib. de ecclesiasticis dogma-  
tibus (cap. 1v.) *in Trinitate nihil est ser-  
vienti, neque subiectum*. Sed non est sim-  
pliciter dicendum, quod Christus sit crea-  
tura, ut supra dictum est (quæst. xvi.  
art. 8.) Ergo etiam non est simpliciter  
dicendum, quod Christus sit Deo Patri  
subiectus.

2. Præterea. Ex hoc dicitur aliquid  
Deo subiectum, quod est eius dominio  
serviens. Sed humanæ naturæ in Chri-  
sto non potest attribui servitus: dicit  
enim Damascenus in III. Lib. (orth.  
Fid. cap. xxi. cir. med.) *Sciendum est,  
quod neque servam ipsam, scilicet huma-  
nam naturam Christi, dicere possumus*:

*servitutis enim, & dominationis nomina  
non naturæ sunt nomina, cognitioni/que  
signa, sed eorum quæ ad aliquid, quem-  
admodum paternitatis, & filiationis no-  
mina. Ergo Christus secundum huma-  
nam naturam non est subiectus Deo Pa-  
tri.*

3. Præterea. I. ad Corinth. xv. 28.  
dicitur: *Cum autem subiecta illi fuerint  
omnia, tunc ipse Filius subiectus erit il-  
li qui sibi subiecit omnia*. Sea, sicut di-  
citur Hebr. 11. 8. *nunc nequam videmus  
omnia subiecta ei*. Ergo nomen ipse est  
subiectus Patri, qui ei subiecit omnia.

Sed contra est quod Dominus dicit  
Ioan. xiv. 28. *Pater maior me est*: & Au-  
gustinus dicit in I. de Trinit. (cap. vii.  
ante med.) *Non immerito Scriptura te-  
rminare dicit, & æqualem Patri Filium,  
& Patrem Filio maiorem: illud enim pro-  
pter formam Dei; hoc autem propter for-  
mam servi sine ulla confusione intelligitur*.  
Sed minor est subiectus majori. Ergo  
Christus secundum formam servi est Pa-  
tri subiectus.

Respondeo dicendum, quod cuilibet  
habenti aliquam naturam conveniunt ea  
quæ sunt propria illi naturæ. Natura  
autem humana ex sui conditione habet  
triplicem subiectionem ad Deum. Unam  
quidem secundum gradum bonitatis, pro-  
ut scilicet divina natura est ipsa essen-  
tia bonitatis, ut patet per Dionysium 1.  
cap. de div. Nom. (a med. lect. 3.)  
natura autem creata habet quamdam par-  
ticipationem divinæ bonitatis, quasi ra-  
diis illius bonitatis subiecta. Secundo  
humana natura subiicitur Deo quantum  
ad Dei potestatem, prout scilicet natu-  
ra humana, sicut & quælibet creatura,  
subiacet operationi divinæ dispositionis.  
Tertio modo specialiter humana natura  
Deo subiicitur quantum ad proprium suum  
actum, inquantum scilicet propria volun-  
tate obedit mandatis eius. Et hanc tripli-  
cem subiectionem ad Patrem Christus de  
seipso constituit. Primam quidem Matth.  
xix. 17. *Quid me interrogas de bono? U-  
nus est bonus Deus*: ubi Hieronymus dicit,  
quod „ qui magistrum vocaverat bo-  
num, & non Deum, vel Dei Filium  
„ confessus erat, discit, hominem, quam-  
vis sanctum, comparatione Dei non  
„ esse bonum: “ per quod dedit intelli-  
gere, quod ipse secundum humanam na-  
turam non pertinebat ad gradum boni-  
tatis divinæ. Et quia in his quæ non  
mole magna sunt, idem est esse maius  
quod melius, ut Augustinus dicit in VI.

de Trinit. (cap. viii. cir. med.) ex hac ratione Pater dicitur maior Christo secundum humanam naturam. Secunda etiam subiectio Christo attribuitur, in quantum omnia quae circa humanitatem Christi acta sunt, divina dispositione gesta creduntur: unde Dionysius dicit iv. cap. cæl. Hierar. (prop. fin.) quod Christus subiecitur Dei Patris ordinationibus. Et hæc est subiectio servitutis, secundum quod omnis creatura Deo servit, eius ordinationi subiecta. Necundum illud Sap. xvi. 24. *Creatura tibi factori deserviens*. Et secundum hoc etiam Filius Dei Philipp. ii. dicitur formam servi accepisse. Tertia etiam subiectio attribuitur sibi ipsi Ioan. viii. 29. dicens: *Quæ placita sunt ei, facio semper*. Et hæc est subiectio obedientiae Patris usque ad mortem: unde dicitur Philipp. ii. 8. *quod factus est obediens Patri usque ad mortem*.

Ad primum ergo dicendum, quod sicut non est simpliciter intelligendum, quod Christus sit creatura, sed solum secundum humanam naturam, sive apponatur ei determinatio, sive non, ut supra dictum est (quaest. xvi. art. 8.) ita etiam non est simpliciter intelligendum, quod Christus sit subiectus Patri, sed solum secundum humanam naturam, etiamsi hæc determinatio non apponatur: quam tamen convenientius est apponere, ad evitandum errorem Ariti, qui posuit Filium minorem Patre.

Ad secundum dicendum, quod relatio servitutis, & domini fundatur super actione, & passione, in quantum scilicet servi est moveri a domino secundum imperium. Agere autem non attribuitur naturæ, sicut agenti, sed personæ: actus enim suppositorum sunt, & singularium, secundum Philosophum (Lib. I. Metaphys. cap. 1. ante med.) Attribuitur tamen actio naturæ sicut ei secundum quam persona, vel hypostasis agit. Et ideo quamvis non proprie dicatur, quod natura sit domina, vel serva: potest tamen proprie dici, quod quilibet hypostasis, vel persona sit domina, vel serva secundum hanc vel illam naturam. Et secundum hoc nihil prohibet Christum dicere Patri subiectum, vel servum secundum humanam naturam.

Ad tertium dicendum, quod, sicut Augustinus dicit in I. de Trin. (cap. viii. ante med.) *tunc Christus tradet regnum Deo, & Patri, cum istos, in quibus nunc regnat per fidem, perducitur*

*est ad speciem, ut scilicet videant ipsam essentiam communem Patri, & Filio: & tunc totaliter erit Patri subiectus non solum in se, sed etiam in membris suis, per plenam participationem divinæ bonitatis*. Tunc etiam omnia erunt plene ei subiecta per finalem impletionem suæ voluntatis de eis; licet etiam modo sint omnia ei subiecta quantum ad potestatem, secundum illud Matth. ult. 20. *Data est mihi omnis potestas in cælo, & in terra*.

## ARTICULUS II. 125

*Utrum Christus sit subiectus sibi ipsi.*

**A**D secundum sic proceditur. Videtur quod Christus non sit subiectus sibi ipsi. Dicit enim Cyrillus in epistola synodica, quam scilicet Synodus Ephesina (gener. III. par. 1. cap. xxvi.) recepit: *Neque ipse Christus sibi servus est, neque dominus: satum enim est, magis autem & impium ita dicere, & sapere*. Et hoc etiam asserit Damascenus in IV. Libro (orth. Fid. cap. xxi. a med.) dicens: *Unum enim ens Christus non potest servus esse suis ipsius, & dominus*. Sed in tantum Christus dicitur servus Patris, in quantum est ei subiectus. Ergo Christus non est subiectus sibi ipsi.

2. Præterea. Servus refertur ad dominum. Sed relatio non est alicuius ad seipsum: unde & Hilarius dicit in Lib. III. de Trinit. (parum ante fin.) quod nihil est sibi simile, aut æquale. Ergo Christus non potest dici servus suis ipsius, & per consequens nec sibi esse subiectus.

3. Præterea. *Sicut anima rationalis, & caro unus est homo; ita Deus, & homo unus est Christus*, ut Achanasius dicit (in symb. fid.) Sed homo non dicitur subiectus sibi ipsi, vel servus suis ipsius, aut maior seipso, propter hoc quod corpus eius subiectum est animæ. Ergo neque Christus dicitur subiectus sibi ipsi propter hoc quod eius humanitas subiecta est Divinitati ipsius.

1. Sed contra est quod Augustinus dicit in I. de Trinit. (cap. vii. ante med.) *Veritas ostendit secundum istum modum, quo scilicet Pater maior est Christo secundum humanam naturam, etiam se ipso minorem Filium*.

2. Præterea. Sicut ipse argumentatur ibidem, sic accepta est a Filio Dei forma servi, ut non amitteretur forma Dei. Sed secundum formam Dei, quæ est

est communis Patri, & Filio, Pater est Filio maior secundum humanam naturam. Ergo etiam Filius est maior seipso secundum humanam naturam.

3. Præterea. Christus secundum humanam naturam est servus Dei Patris, secundum illud Ioan. xx. 17. *Ascendo ad Patrem meum, & Patrem vestrum, Deum meum, & Deum vestrum*. Sed quicumque est servus Patris, est servus Filii: alioquin non omnia quæ sunt Patris, essent Filii. Ergo Christus est servus sui ipsius, & sibi lubditus.

Respondeo dicendum, quod, sicut dictum est (art. præc. ad 2.) esse dominum, & servum attribuitur personæ, vel hypostasi secundum aliquam naturam. Cum ergo dicitur Christus esse dominus, vel servus sui ipsius, vel quod Verbum Dei est dominus hominis Christi, hoc potest intelligi dupliciter. Uno modo ut intelligatur hoc esse dictum ratione alterius hypostasis, vel personæ; quasi alia sit persona Verbi Dei dominantis, & alia hominis servientis; quod pertinet ad hæresim Nestorii: unde in condemnatione Nestorii dicitur in Synodo Ephesina (par. III. cap. 1. anathematiz. 6.) *Si quis dicit, Deum, vel Dominum esse Christi ex Deo Patre Verbum, & non magis eundem ipsum confiteretur simul Deum, & hominem, utpote Verbum factum carnem, secundum Scripturas; anathema sit*. Et hoc modo negatur a Cyrillo, & Damasceno (locis in arg. 1. citat.) & sub eodem sensu negandum est, Christum esse minorem seipso, vel esse sibi subiectum. Alio modo potest intelligi secundum diversitatem naturarum in una persona, vel hypostasi. Et sic dicere possumus secundum unam earum, in qua cum Patre convenit, simul cum cum Patre præesse, & dominari; secundum vero alteram naturam, in qua nobiscum convenit, ipsum subesse, & servire: Idem per hunc modum dicit Augustinus (loc. sup. cit.) *Filius esse seipso minorem*.

Sciendum tamen, quod cum hoc nomen *Christus* sit nomen personæ, sicut & hoc nomen *Filius*, illa per se, & absolute possunt dici de Christo quæ conveniunt ei ratione suæ personæ, quæ est æterna; & maxime huiusmodi relationes, quæ magis proprie videntur ad personam, vel hypostasim pertinere. Sed ea quæ conveniunt sibi secundum humanam naturam, sunt ei potius attribuenda cum determinatione, ut videli-

cet dicamus, Christum esse simpliciter maximum, & dominum, & præsentem; quod autem sit subiectus, vel servus, vel minor, est ei attribuendum cum determinatione, scilicet secundum humanam naturam.

Ad primum ergo dicendum, quod Cyrillus, & Damascenus negant Christum esse Dominum sui ipsius, secundum quod per hoc importatur pluralitas suppositorum, quæ requiritur ad hoc quod aliqua simpliciter sit dominus alicuius.

Ad secundum dicendum, quod simpliciter quidem oportet esse alium dominum, & alium servum; potest tamen aliqua ratio domini, & servitutis servari, prout idem est dominus, & servus sui ipsius secundum aliud, & aliud.

Ad tertium dicendum, quod propter diversas partes hominis, quarum una est superior, & alia inferior, dicit etiam Philoſophus in V. Ethic. (cap. ult.) quod est hominis ad seipsum iustitia, inquantum irascibilis, & concupiscibilis obediunt rationi. Unde per hunc modum etiam unus homo potest dici sibi subiectus, & serviens secundum diversas sui partes.

Ad alia autem argumenta patet responsio ex dictis. Nam Augustinus asserit, Filium seipso minorem esse, vel sibi subiectum, secundum humanam naturam, non secundum diversitatem suppositorum.

## QUAESTIO XXI.

### De oratione Christi,

#### in quatuor articulos divisa.

**D**Einde conderandum est de oratione Christi: & circa hoc quaeruntur quatuor.

Primo, utrum Christo conveniat orare.

Secundo, utrum conveniat sibi secundum suam sensualitatem.

Tertio, utrum conveniat sibi orare pro seipso, an tantum pro aliis.

Quarto, utrum omnis eius oratio sit exaudita.

ARTICULUS I. 126

*Utrum Christo competat orare.*

III. dist. xviii. ar. 3. quest. 1. & IV. dist. xv. quest. iv. art. 6. quest. 2. ad 1. & Ioan. xi. lect. 6.

**A**D primum sic proceditur. Videtur quod Christo non competat orare. Nam, sicut Damascenus dicit (Lib. III. orth. Fid. cap. xxiv. in princ.) *oratio est petitio decentium a Deo*. Sed cum Christus omnia facere posset, non videtur ei convenire quod aliquid ab aliquo peteret. Ergo videtur quod Christo non conveniat orare.

2. Præterea. Non oportet orando petere illud quod aliquis scit pro certo esse futurum; sicut non oramus quod Sol oriatur cras: neque est etiam conveniens quod aliquis orando petat quod scit nullo modo esse futurum. Sed Christus sciebat circa omnia quid esset futurum. Ergo non conveniebat ei aliquid orando petere.

3. Præterea. Damascenus dicit in Libro III. (loc. cit.) quod *oratio est ascensus intellectus in Deum*. Sed intellectus Christi non indigebat ascensione in Deum, quia semper intellectus eius erat Deo coniunctus, non solum secundum unionem hypostasis, sed etiam secundum fructuositatem beatitudinis. Ergo Christo non conveniebat orare.

Sed contra est quod dicitur Luc. vi. 12. *Factum est in illis diebus exiit in montem orare, & erat pernoctans in oratione Dei*.

Respondeo dicendum, quod, sicut dictum est in secunda parte (2. 2. quest. lxxxiii. art. 1. & 2.) oratio est quædam explicatio propriæ voluntatis apud Deum, ut eam impleat. Si igitur in Christo esset una tantum voluntas, scilicet divina, nullo modo competere sibi orare; quia voluntas divina per seipsam est effectiva eorum quæ vult, secundum illud Psal. cxxxiv. 6. *Omnia quæcumque voluit Dominus, fecit*. Sed quia in Christo est alia voluntas divina, & alia humana, & voluntas humana non est per seipsam efficax ad implendum quæ vult, nisi per virtutem divinam, inde est quod Christo, secundum quod est homo, & humanam voluntatem habens, competit orare.

Ad primum ergo dicendum, quod Christus poterat perficere omnia quæ volebat, secundum quod Deus, non autem secundum quod homo: quia secundum quod homo, non habuit omnipotentiam, ut supra habitum est (quest. xiii. art. 1.) Nihilominus tamen ipse idem Deus existens, & homo, voluit ad Patrem orationem porrigere, non quasi ipse esset impotens, sed propter nostram instructionem. Primo quidem ut ostenderet se esse a Patre: unde ipse dicit Ioan. xi. 42. *Propter populum qui circumstant, dixi, scilicet verba orationis, ut credant, quia tu me misisti*. Unde Hilarius in X. de Trinit. (cir. fi.) dicit: *Non prece eguit, (a) pro nobis oravit, ne filius ignoraretur*. Secundo ut nobis exemplum orandi daret: unde Ambrosius dicit super Luc. (cap. vi. sup. illud *Et erat pernoctans* &c.) *Noli infidultrices aperire aures, ut putes Filium Dei quasi infirmum rogare, ut impetret quod implere non possit: potestatis enim auctor, obedientie magister, ad præcepta virtutis suo nos informat exemplo*. Unde & Augustinus dicit super Ioan. (tract. civ. cir. med.) *Poterat Dominus in forma servi, si hoc opus esset, orare silentio; sed ita se Patri exhibere voluit precatorem, ut meminisset nostrum se esse doctorem*.

Ad secundum dicendum, quod inter alia quæ Christus scivit futura, scivit quædam esse fienda propter suam operationem, & huiusmodi non inconvenienter a Deo petiit.

Ad tertium dicendum, quod ascensio nihil est aliud quam motus in id quod est sursum. Motus autem, ut habetur in III. de Anima (tex. 28.) dupliciter dicitur. Uno modo proprie, secundum quod importat exitum de potentia in actum, prout est actus imperfecti: & sic ascendere competit ei quod est potentia sursum, & non actu: & hoc modo, ut Damascenus dicit in III. Lib. (loc. cit. in arg.) *intellectus humanus Christi non get ascensione in Deum, sicut fit semper Deo unitus & secundum esse personale, & secundum contemplationem beatam*. Alio modo dicitur motus, qui est actus perfecti, id est existentis in actu, sicut intelligere, & sentire dicuntur quidam motus: & hoc modo intellectus Christi semper ascendit in Deum, quia semper contemplatur ipsum, ut supra se existentem.

A R-

(a) Theophrasti, & Nicanoris nobis, emissi pro.

## ARTICULUS II. 127

*Utrum Christo conveniat orare secundum suam sensualitatem :*

*Inf. art. 4. corp. & ad 4. & III. dist. xvii. art. 3. quæst. 3. & opus. 11. cap. cexl. & opus. vii.*

**A**D secundum sic proceditur. Videtur quod Christo conveniat orare secundum suam sensualitatem. Dicitur enim in Ps. lxxxiii. 3. ex persona Christi: *Cor meum, & caro mea exultaverunt in Deum vivum*. Sed sensualitas dicitur appetitus carnis. Ergo sensualitas Christi potuit ascendere in Deum vivum exultando, & pari modo orando.

2. Præterea. Eius videtur esse orare cuius est desiderare illud quod petitur. Sed Christus petivit aliquid quod desideravit eius sensualitas, cum dixit, *Transseat a me calix iste*, sicut dicitur Matth. xxvi. 39. Ergo sensualitas Christi oravit.

3. Præterea. Magis est uniri Deo in persona quam ascendere in Deum per orationem. Sed sensualitas fuit assumpta a Deo in unitatem personæ, sicut & quilibet pars humanæ naturæ. Ergo multo magis potuit ascendere in Deum orando.

Sed contra est quod dicitur Philip. ii. quod Filius Dei secundum naturam quam assumpsit, *in similitudinem hominum factus est*. Sed alii homines non orant secundum sensualitatem. Ergo nec Christus oravit secundum sensualitatem.

Respondeo dicendum, quod orare secundum sensualitatem potest intelligi dupliciter. Uno modo sic quod ipsa oratio sit actus sensualitatis: & hoc modo Christus secundum sensualitatem non oravit: quia eius sensualitas eiusdem naturæ, & speciei fuit in Christo, & in nobis. In nobis autem non potest sensualitas orare duplici ratione. Primo quidem quia motus sensualitatis non potest sensibilia transcendere: & ideo non potest in Deum ascendere; quod requiritur ad orationem. Secundo quia oratio importat quamdam ordinationem, prout scilicet aliquis desiderat aliquid quasi a Deo implendum: & hoc est solius rationis.

Unde oratio est actus rationis, ut in secunda parte habitum est (2. 2. quæst. lxxxiii. art. 1.)

Alio modo potest dici aliquis orare se-

cundum sensualitatem, quia scilicet eius oratio oratio Deo proponit quod est in appetitu sensualitatis ipsius: & secundum hoc Christus oravit secundum sensualitatem, in quantum scilicet oratio eius exprimebat sensualitatis affectum, tamquam sensualitatis advocata: & hoc ut nos de tribus instrueret: primo quidem ut ostenderet se veram naturam humanam suscepisse cum omnibus naturalibus affectibus; secundo ut ostenderet quod homini licet secundum naturalem affectum aliquid vellet quod Deus non vult; tertio ut ostendat quod proprium affectum debet homini divinæ voluntati subiacere. Unde Augustinus in Plal. xxxii. (conc. 1. parum a princ.) dicit: *Christus hominem gerens, ostendit privatam quamdam hominis voluntatem, cum dicit: „ Transseat a me „ calix iste: „ hec enim erat humana voluntas, proprium aliquid, & tamquam privatum volens. Sed quia recto corde vult esse hominem, & ad Deum dirigi, subdit: „ Verumtamen non sicut ego volo, sed sicut tu; „ ac si dicat: Vide te in me, quia potes aliquid proprium velle, est Deus aliud velis.*

Ad primum ergo dicendum, quod caro exultat in Deum vivum, non per actum carnis ascendentem in Deum, sed per redundantiam a corde in carnem, in quantum appetitus sensitivus sequitur motum appetitus rationalis.

Ad secundum dicendum, quod licet sensualitas hoc voluerit quod ratio petebat; hoc tamen orando petere non erat sensualitatis, sed rationis, ut dictum est (in corp. ar.)

Ad tertium dicendum, quod unio in persona est secundum esse personale, quod pertinet ad quamlibet partem humanæ naturæ; sed ascensio orationis est per actum qui non convenit nisi rationi, ut dictum est (in corp. art.) Unde non est similis ratio.

## ARTICULUS III. 128

*Utrum fuerit conveniens Christum pro se orare.*

*III. dist. xvii. art. 3. quæst. 2. & opus. vii. & Ioan. xii. lect. 4.*

**A**D tertium sic proceditur. Videtur pro se orare. Dicit enim Hilarius in X. de Trinit. (cir. fi.) *Cum sibi non proficeret deprecationis sermo, ad profectionem*

*amen nostrae fidei loquebatur.* Sic ergo videtur quod Christus non sibi, sed nobis oraverit.

2. Præterea. Nullus orat nisi pro eo quod vult: quia, sicut dictum est (art. 1. hu. quæst.) oratio est quædam explicatio voluntatis per Deum implendæ. Sed Christus volebat pati ea quæ patiebatur: dicit enim Augustinus XXVI. contra Faust. (cir. fi. Lib.) *Homo plerumque, etsi nolit, irascitur; etsi nolit, contristatur; etsi nolit, dormit; etsi nolit, esurit, ac sitit. Ille autem, scilicet Christus, omnia ista fecit, quia voluit.* Ergo ei non competebat pro seipso orare.

3. Præterea. Cyprianus dicit in Lib. de oratione dominica (aliquant. a princ.) *Pacis doctor, & unitatis magister noluit scissuram, & privatim preces fieri, ut quis, cum precatur, pro se tantum precetur.* Sed Christus illud implevit quod docuit, secundum illud Act. 1. 1. *Cæpi testis facere, & docere.* Ergo Christus nunquam pro se solo oravit.

Sed contra est quod ipse Dominus orando dicit Ioan. XVII. 1. *Clarifica Filium tuum.*

Respondeo dicendum, quod Christus pro se oravit dupliciter: uno modo exprimendo affectum sensualitatis, ut supra dictum est (art. præc.) vel etiam voluntatis simplicis, quæ consideratur ut natura; sicut cum oravit, a se calicem passionis transferri: alio modo exprimendo affectum voluntatis deliberatæ, quæ consideratur ut ratio; sicut cum petiit gloriam resurrectionis. Et hoc rationaliter. Sicut enim dictum est (art. 1. hu. quæst. ad 1.) Christus ad hoc uti voluit oratione ad Patrem ut nobis daret exemplum orandi, & ut ostenderet Patrem suum esse auctorem a quo & æternaliter processit secundum divinam naturam, & secundum naturam humanam ab eo habet quicquid boni habet. Sicut autem in humana natura quædam bona habebat a Patre iam percepta; ita etiam expectabat ab eo quædam bona nondum habita, sed percipienda. Et ideo sicut pro bonis iam perceptis in humana natura gratias agebat Patri, recognoscendo eum auctorem, ut patet Matth. XXVI. & Ioan. XI. etiam ut Patrem auctorem recognosceret, ab eo orando petebat ea quæ sibi deerant secundum humanam naturam, puta gloriam corporis, & alia huiusmodi. Et in hoc etiam nobis dedit exemplum, ut de per-

ceptis a nobis muneribus gratias agamus, & etiam nondum habita orando postulemus.

Ad primum ergo dicendum, quod Hilarius loquitur quantum ad orationem vocalem, quæ non erat ei necessaria propter ipsum, sed solum propter nos: unde signanter dicit, quod *sibi non proficiebat deprecationis sermo.* Si enim desiderium pauperum exaudire Dominus, ut in Psal. IX. dicitur, multo magis sola voluntas Christi habet vim orationis apud Patrem: unde ipse dicebat Ioan. XI. 42. *Ego sciebam quoniam semper me audis; sed propter populum qui circumstat, dixi, ut credant quia tu me misisti.*

Ad secundum dicendum, quod Christus volebat quidem pati illa quæ patiebatur pro tempore illo; sed nihilominus volebat ut post passionem gloriam corporis consequeretur, quam nondum habebat: quam quidem gloriam expectabat a Patre sicut ab auctore: & ideo convenienter ab ipso eam petebat.

Ad tertium dicendum, quod ipsa gloria quam Christus orando petebat, pertinebat ad salutem aliorum, secundum illud Rom. XV. 25. *Resurrexit propter iustificationem nostram:* & ideo illa etiam oratio quam pro se faciebat, erat quodammodo pro aliis; sicut & quicumque homo aliquod bonum a Deo postulat, ut utatur illo ad utilitatem aliorum, non sibi soli, sed etiam aliis orat.

## ARTICULUS IV. 129

*Utrum oratio Christi semper fuerit exaudita.*

III. dist. XVII. art. 3. quæst. 3. & 4. & opus. II. cap. CXL. & opus. VII. & Ps. XXI. & Ioan. XII. lect. 4. & Heb. v. lec. 2.

**A**D quartum sic proceditur. Videtur quod oratio Christi non semper fuerit exaudita. Petiit enim a se removeri calicem passionis, ut patet Matth. XXVI. qui tamen ab eo non fuit translatus. Ergo videtur quod non omnis oratio eius fuerit exaudita.

2. Præterea. Ipse oravit ut peccatum crucifixoribus suis ignosceretur, ut patet Luc. XXIII. Non tamen omnibus peccatum illud fuit dimissum, nam Iudæi fuerunt pro illo peccato puniti. Ergo videtur quod non omnis eius oratio sit exaudita.

3. Præ-



3. Præterea. Dominus oravit pro his qui erant credituri per verbum Apostolorum in ipsum; ut omnes in eo unirentur, & ut pervenirent ad hoc quod essent cum ipso. Sed non omnes ad hoc perveniunt. Ergo non omnis eius oratio est exaudita.

4. Præterea. In Psal. xxi. 3. dicitur in persona Christi: *Clamabo per diem, & non exaudies*. Ergo non omnis oratio Christi fuit exaudita.

Sed contra est quod Apostolus dicit ad Hebr. v. 7. *Cum clamore valido, & lacrymis offerens, exauditus est pro sua reverentia*.

Respondendo dicendum, quod, sicut dictum est (art. præc. arg. 2.) oratio est quodammodo interpretativa voluntatis humane. Tunc ergo alicuius orantis exauditur oratio, quando eius voluntas adimpletur. Voluntas autem simpliciter hominis est rationis voluntas: hoc enim absolute volumus quod secundum deliberatam rationem volumus. Illud autem quod volumus secundum motum sensualitatis, vel etiam secundum motum voluntatis simplicis, quæ consideratur ut natura, non simpliciter volumus, sed secundum quid, scilicet si aliud non obstat, quod per deliberationem rationis invenitur. Unde talis voluntas magis est dicenda velleitas quam absoluta voluntas, quia scilicet homo hoc velle, si aliud non obstitisset. Secundum autem voluntatem rationis Christus nihil aliud voluit nisi quod seivit Deum velle: & ideo omnis absoluta voluntas Christi, etiam humana, fuit impleta; quia fuit Deo conformis; & per consequens omnis eius oratio fuit exaudita. Nam & secundum hoc aliorum orationes implentur quod sunt eorum voluntates Deo conformes, secundum illud Rom. viii. 27. *Qui autem scrutatur corda, scit, id est approbat, quid desideret spiritus, id est quid faciat Sanctus desiderare: quoniam secundum Deum, id est secundum conformitatem divinæ voluntatis, postulat pro Sanctis*.

Ad primum ergo dicendum, quod illa petitio de translatione calicis diversimode a Sanctis exponitur. Hilarius enim super Matth. (can. xxxi. a med.) dicit: *Quod autem ut a se transcat rogat, non ut ipse præteatur orat, sed ut in alterum id quod a se transsit, accedat: ut quæ ideo pro his orat qui passuri post se erant: ut sit tentus. Quomodo a me bibitur calix iste passionis, ita ab his biba-*

*tur sine spei diffidentia, sine sensu doloris, sine metu mortis*. Vel secundum Hieronymum (sup. hunc loc. Matth. xxv.) *signanter dicit, Calix iste, hoc est populi iudæorum, qui excusationem ignorantie habere non possunt, si me occiderint, habentes leges, & Prophetas, qui me quotidie vaticinantur*. Vel secundum Dionysium Alexandrinum (hab. in Cat. Græcor. PP.) quod dicit, *Transfer calicem istum a me, non hoc est, Non adveniat mihi: nisi enim advenit, transferri non poterit: sed sicut quod præterit, nec intantum est, nec permanens, sic Salvator leviter invadentem tentationem flagitat pelliculi*. Ambrosius autem dicit (sup. illud Luc. xxi. *Pater, si vis &c.*) & Origenes (tract. xxxv. in Matth. inter princ. & med.) & Chrysostomus (hom. lxxxiv. in Matth. parum a princ.) quod hoc petit, quasi homo naturali voluntate mortem recusans. Sic ergo si intelligatur, quod petierit per hoc, alios Martyres tunc passionis imitatores fieri, secundum Hilarium (loc. sup. cit.) vel si petiit quod timor bibendi calicis eum non perturbaret, vel quod mors eum non detineret, omnino impletum est quod petiit. Si vero intelligitur petiit quod non biberet calicem mortis, & passionis, vel quod non biberet ipsum a Iudæis, non quidem est factum quod petiit, quia ratio, quæ petitionem proposuit, nolebat ut hoc impleteretur; sed ad instructionem nostram volebat demonstrare nobis suam voluntatem naturalem, & motum sensualitatis, quem sicut homo habebat.

Ad secundum dicendum, quod Dominus non oravit pro omnibus crucifixoribus, neque etiam pro omnibus qui erant credituri in eum, sed pro his solum qui erant prædestinati, ut per ipsum vitam consequerentur æternam.

Unde patet etiam responsio ad tertium.

Ad quartum dicendum, quod cum dicit, *Clamabo, & non exaudies*, intelligendum est quantum ad affectum sensualitatis, quæ mortem respiciebat; exauditur tamen quantum ad affectum rationis, ut dictum est (in corp.)

## QUAESTIO XXII.

De sacerdotio Christi,  
in sex articulos divisa.

**D**Einde considerandum est de sacerdotio Christi: & circa hoc quaeruntur sex.

Primo, utrum conveniat Christo esse sacerdotem.

Secundo de hostia huius sacerdotii.

Tertio de effectu huius sacerdotii.

Quarto, utrum effectus sacerdotii eius pertineat ad ipsum, vel solum ad alios.

Quinto de aeternitate sacerdotii eius.

Sexto, utrum debeat dici sacerdos secundum ordinem Melchisedech.

## ARTICULUS I. 130

Utrum Christo conveniat esse sacerdotem.

*Inf. quæst. xxxi. art. 2. cor. & ad 2. & quæst. lxx. art. 4. ad 1. & IV. con. cap. xxvi. & opusc. xx. cap. xli. & Psal. li. com. 6. & Psal. xli. com. 10. & Heb. 1. lect. 4. fin.*

**A**D primum sic proceditur. Videtur quod Christo non conveniat esse sacerdotem. Sacerdos enim est minor Angelo: unde dicitur Zach. iiii. 1. *Ossendit mihi Deus sacerdotem magnum stantem coram Angelo Domini.* Sed Christus est maior Angelis, secundum illud Hebr. i. 4. *Tanto melior Angelis effectus, quanto differentius præ illis nomen hereditavit.* Ergo Christo non convenit esse sacerdotem.

2. Præterea. Ea quæ fuerunt in veteri Testamento, fuerunt figuræ Christi, secundum illud Colof. ii. 17. *Quæ sunt umbra futurorum, corpus autem Christi.* Sed Christus non traxit carnis originem ex sacerdotibus veteris legis: dicit enim Apostolus ad Heb. vii. 14. *Manifestum est quod ex Iuda ortus sit Dominus noster: in qua tribu nihil de sacerdotibus Moyses locutus est.* Ergo Christo non convenit esse sacerdotem.

3. Præterea. In veteri lege, quæ est figura Christi, non fuit idem legislator, & sacerdos: unde dicit Dominus ad Moy-

sem legislatorem Exod. xxviii. 1. *Applica Aaron fratrem tuum... ut sacerdotio fungatur tibi.* Christus autem est lator novæ legis, secundum illud Hierem. xxxi. 33. *Dabo legem meam (a) in cordibus eorum.* Ergo Christo non convenit esse sacerdotem.

Sed contra est quod dicitur Heb. iv. 14. (b) *Habemus Pontificem, qui penetravit celos, Iesum Filium Dei.*

Respondeo dicendum, quod proprie officium sacerdotis est esse mediator inter Deum & populum, in quantum scilicet divina populo tradit, unde dicitur sacerdos, quasi *sacra dans*, secundum illud Malach. ii. 7. *Legem requirunt ex ore eius*, scilicet sacerdotis; & iterum in quantum preces populi Deo offert, & pro eorum peccatis Deo aliquammodo satisfaciunt: unde Apostolus dicit ad Heb. v. 1. *Omnis Pontifex ex hominibus assumptus pro hominibus constituitur in his quæ sunt ad Deum, ut offerat dona, & sacrificia pro peccatis.* Hoc autem maxime convenit Christo: nam per ipsum divina dona hominibus sunt collata, secundum illud II. Petr. i. 4. *Per quem, scilicet Christum, maxima, & pretiosa nobis promissa donavit, ut per hoc efficiamini divina consortes nature.* Ipse etiam humanum genus Deo reconciliavit, secundum illud Colof. i. 19. *In ipso, scilicet Christo, complacuit omnem plenitudinem inhabitare, & per eum reconciliare omnia.* Unde Christo maxime convenit esse sacerdotem.

Ad primum ergo dicendum, quod potestas hierarchica convenit quidem Angelis, in quantum & ipsi sunt medii inter Deum & hominem, ut patet per Dionysium in Lib. cæl. Hierarch. (cap. ix. ad fin.) ita quod ipse sacerdos in quantum est medius inter Deum & populum, Angelii nomen habet, secundum illud Malach. ii. 7. *Angelus Domini exercituum est.* Christus autem maior Angelis fuit, non solum secundum Divinitatem, sed etiam secundum humanitatem, in quantum habuit plenitudinem gratiæ, & gloriæ. Unde etiam excellentiori modo hierarchicam, seu sacerdotalem potestatem præ Angelis habuit, ita etiam quod ipsi Angelis fuerunt ministri sacerdotii eius, secundum illud Matth. xv. 11. *Accesserunt Angeli, & ministrabant ei.* Secundum tamen passibilitatem carnis modico ab Angelis minoratus est, ut Apostolus dicit Heb.

(a) *Vulgata* in visceribus eorum, & in corde eorum scribam eam. (b) *Vulgata*: Habemus ergo Pontificem magnum, qui &c.

Heb. 11. 9. Et secundum hoc conformis fuit hominibus viatoribus in sacerdotio constitutis.

Ad secundum dicendum, quod, sicut Damascenus dicit in III. Libro (orth. Fid. cap. xxvi. in fin.) quod in omnibus est simile, idem utique erit, & non exemplum. Quia igitur sacerdotium veteris legis erat figura sacerdotii Christi, noluit Christus nasci de stirpe figuratum sacerdotum, ut ostenderetur non esse omnino idem sacerdotium, sed differre, sicut verum a figurati.

Ad tertium dicendum, quod, sicut supra dictum est (quaest. viii.) alii homines particulatim habent quasdam gratias; sed Christus, tanquam omnium caput, habet perfectionem omnium gratiarum: & ideo quantum ad alios pertinet, alius est legislator, & alius sacerdos, & alius rex; sed haec omnia concurrunt in Christo tanquam in fonte omnium gratiarum. Unde dicitur Isa. xxxiii. 23. Dominus iudex noster, Dominus legislator noster, Dominus rex noster, ipse venit, & salvabit nos.

## ARTICULUS II. 137

*Utrum Christus simul fuerit sacerdos, & hostia.*

*Inf. quaest. lxxxiv. art. 7. ad 4. & opusc. lxxx. cap. xviii.*

**A**D secundum sic proceditur. Videtur quod ipse Christus non fuerit simul sacerdos, & hostia. Sacerdotis enim est hostiam occidere. Sed Christus non seipsum occidit. Ergo ipse non fuit simul sacerdos, & hostia.

3. Præterea. Sacerdotium Christi magis est simile sacerdotio Iudæorum, quod erat a Deo institutum, quam sacerdotio Gentilium, quo dæmones colebantur. In veteri autem lege numquam homo in sacrificium offerebatur; quod maxime reprehenditur in sacrificiis Gentilium, secundum illud Psal. cv. 38. *Effuderunt sanguinem innocentem, sanguinem filiorum suorum, & filiarum suarum, quas sacrificaverunt sculpilibus Chanaan.* Ergo in sacerdotio Christi non debuit esse ipse homo Christus hostia.

3. Præterea. Omnis hostia ex hoc quod Deo offertur, Deo sanctificatur. Sed ipsa Christi humanitas a principio fuit sanctificata, & Deo coniuncta. Ergo non

convenienter potest dici, quod Christus, secundum quod homo, fuerit hostia.

Sed contra est quod Apostolus dicit ad Eph. v. 2. *Christus dilexit nos, & tradidit semetipsum pro nobis oblationem, & hostiam Deo in odorem suavitatis.*

Respondetur dicendum, quod, sicut Augustinus dicit in X. de civit. Dei (cap. v.) omne sacrificium visibile invisibile sacrificii sacramentum, id est sacrum signum est. Invisibile autem sacrificium est quo homo Deo spiritum offert, secundum illud Psal. l. 19. *Sacrificium Deo spiritus contribulatus*; & ideo enim illud quod Deo exhibetur, ad hoc quod spiritus hominis leatur in Deum, potest dici sacrificium. Indiget igitur homo sacrificio propter tria. Uno quidem modo ad remissionem peccati, per quod a Deo avertitur; & ideo Apostolus dicit ad Hebr. v. 1. quod ad sacerdotem pertinet ut offerat dona, & sacrificia pro peccatis. Secundo ut homo in statu gratiae conservetur, semper Deo inhaerens in quo eius pax, & salus consistit.

Unde & in veteri lege immolabatur hostia pacifica pro offerentium salute, ut habetur Levit. 12. Tercio ad hoc quod spiritus hominis perfecte Deo uniatur; quod maxime erit in gloria. Unde & in veteri lege offerebatur holocaustum, quasi totum incensum, ut dicitur Levit. 1. Haec autem per humanitatem Christi nobis provenerunt. Nam primo quidem nostra peccata deleta sunt, secundum illud Rom. 14. 25. *Traditus est propter delicta nostra.* Secundo gratiam nostram salvantem per ipsum accepimus, secundum illud Hebr. v. 9. *Faciens est omnibus obtemperantibus sibi causa salutis æternæ.* Tercio per ipsum perfectionem gloriosae adepti sumus. Heb. x. 19. *(a) Habemus fiduciam per sanguinem eius in introitum Sanctorum,* scilicet in gloriam accessum. Et ideo ipse Christus, inquantum homo, non solum fuit sacerdos, sed etiam hostia perfecta, simul existens hostia pro peccato, & hostia pacifica, & holocaustum.

Ad primum ergo dicendum, quod Christus non se occidit, sed seipsum voluntarie morti exposuit, secundum illud Isa. liii. 7. *Oblatum est, quia ipse voluit*; & ideo dicitur seipsum obrulisse.

Ad secundum dicendum, quod hominis Christi occisio potest ad duplicem voluntatem comparari. Uno modo ad voluntatem occidentium; & sic non habet

(\*) *Vulgata: Habentes itaque, fratres, fiduciam in introitu Sanctorum in sanguine Christi.*

bet rationem hostiæ: non enim dicuntur occisores Christi hostiam Deo obtulisse, sed graviter deliquisse. Et huius peccati similitudinem gerebant inopia Gentilium sacrificia, quibus homines idolis immolabant. Alio modo potest considerari occisio Christi per comparisonem ad voluntatem patientis, qui voluntarie se obtulit passioni; & ex hac parte habet rationem hostiæ: in quo non convenit cum sacrificiis Gentilium.

Ad tertium dicendum, quod sanctitas humanitatis Christi a principio non impedit quin ipsamet humana natura, cum in passione oblata est Deo, sanctificata novo modo fuerit, scilicet ut hostia actualiter tunc exhibita: acquisivit enim actuale hostiæ sanctificationem tunc ex antiqua caritate, & gratia unionis sanctificante eandem absolute.

## ARTICULUS III. 132

*Utrum effectus sacerdotii Christi sit expiatio peccatorum.*

**A**D tertium sic proceditur. Videtur quod effectus sacerdotii Christi non sit expiatio peccatorum. Solius enim Dei est peccata delere, secundum illud IIa. XLIII. 25. *Ego sum qui deleo iniquitates tuas propter me.* Sed Christus non est sacerdos, secundum quod Deus, sed secundum quod homo. Ergo sacerdotium Christi non est expiativum peccatorum.

2. Præterea. Apostolus dicit Heb. x. 1. quod hostiæ veteris testamenti non poterant perfectos facere; alioquin cessassent offerri: eo quod nullam haberent conscientiam peccati cultores sufficienter semel mundati; sed in ipsis commemoratio peccatorum per singulos annos fit. Sed similiter sub sacerdotio Christi fit commemoratio peccatorum, cum dicitur: *Dimitte nobis debita nostra*: Matth. vi. 12. Offeritur etiam continue sacrificium in Ecclesia: unde & ibidem dicitur: *Panem nostrum quotidianum da nobis hodie*. Ergo per sacerdotium Christi non expiantur peccata.

3. Præterea. In veteri lege maxime immolabatur hircus pro peccato principis, vel capra pro peccato alicuius de populo, vel vitulus pro peccato sacerdotis, ut patet Levit. iv. Sed Christus nulli horum comparatur, sed agno, secundum illud Hierem. xi. 19. *Ego quasi agnus mansuetus, qui portatur ad victimam*. Tb. Oper. Tom. XXIV.

*nam*. Ergo videtur quod eius sacerdotium non sit expiativum peccatorum.

Sed contra est quod Apostolus dicit Hebr. ix. 14. *Sanguis Christi, qui per Spiritum sanctum seipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi*. Opera autem mortua dicuntur peccata. Ergo sacerdotium Christi habet virtutem emundandi peccata.

Respondendo dicendum, quod ad peccatorum perfectam emundationem duo requiruntur, secundum quod duo sunt in peccato, scilicet macula culpæ, & reatus pænæ. Macula quidem culpæ deletur per gratiam, qua cor peccatoris convertitur in Deum; reatus autem pænæ totaliter tollitur per hoc quod homo Deo satisfacit. Utrunque autem horum efficit sacerdotium Christi. Nam virtute ipsius gratia nobis datur, qua corda nostra convertuntur ad Deum, secundum illud Rom. xii. 24. *Iustificati gratis per gratiam ipsius per redemptionem, quæ est in Christo Iesu, quem proposuit Deus propitiatorem per fidem in sanguine ipsius*. Ipse etiam pro nobis plenarie satisfecit, in quantum ipse languores nostros tulit & dolores nostros ipse portavit. (IIa. lxx. 4.) Unde patet quod Christi sacerdotium habet plenam vim expiandi peccata.

Ad primum ergo dicendum, quod licet Christus non fuerit sacerdos, secundum quod Deus, sed secundum quod homo; unus tamen & idem fuit sacerdos, & Deus. Unde in Synodo Ephesina (part. III. cap. i. can. x.) legitur: *Si quis Pontificem, & Apostolum nostrum factum dicit, non ipsum ex Deo Verbum, quando factum est caro, & secundum nos homo, sed tamquam alterum præter eum seorsum hominem ex muliere; anathema sit*. Et ideo, in quantum eius humanitas operabatur in virtute Divinitatis, illud sacrificium erat efficacissimum ad delenda peccata. Propter quod Augustinus dicit in IV. de Trinit. (cap. xiv. in fin.) *Ut quoniam quatuor considerantur in omni sacrificio, cui offeratur, a quo offeratur, quid offeratur, pro quibus offeratur; idem ipse unus versusque mediator, per sacrificium pacis reconcilians nos Deo, unum cum illo maneret, cui offerebat; unum in se faceret, pro quibus offerebat; unus ipse esset, qui offerebat, & quod offerebat*.

Ad secundum dicendum, quod peccata non commemorantur in nova lege pro-

propter inefficaciam sacerdotii Christi, quasi per ipsum non sufficienter expiuntur peccata; sed commemorantur quantum ad illos qui vel eius sacrificii nolunt esse participes, sicut sunt infideles, pro quorum peccatis oramus, ut convertantur; vel etiam quantum ad illos qui post participationem huius sacrificii ab eo deviant qualitercumque peccando. Sacrificium autem quod quotidie in Ecclesia offertur, non est aliud a sacrificio quod ipse Christus obtulit, sed eius commemoratio. Unde Augustinus dicit in *X. de civitate Dei* (cap. xx. in med.) *Sacerdos ipse Christus offerens, ipse & oblatio: cuius rei sacramentum quotidianum esse voluit Ecclesiae sacrificium.*

Ad tertium dicendum, quod, sicut Origenes dicit super Ioan. (tomo ix. secundum eius ordinem sup. illud Ioan. 1. *Ecce Agnus Dei*) licet diversa animalia in veteri lege offerrentur; quotidianum tamen sacrificium, quod offerebatur mane, & vespere, erat agnus, ut habetur Num. xxviii. Unde significabatur quod oblatio agni veri, id est Christi, esset sacrificium consummationis omnium aliorum. Et ideo Ioan. 1. 29. dicitur: *Ecce agnus Dei, qui tollis (a) peccata mundi.*

#### ARTICULUS IV. 133

*Utrum effectus sacerdotii Christi non solum ad alios pertinuerit, sed etiam ad ipsum.*

*IV. dist. 14. quest. 1. art. 3. quest. 5.*

**A**D quartum sic proceditur. Videtur quod effectus sacerdotii Christi non solum pertinuerit ad alios, sed etiam ad ipsum. Ad officium enim sacerdotis pertinet pro populo orare, secundum illud 11. Machab. 1. 23. *Orationem faciebant sacerdotes, dum consummaretur sacrificium.* Sed Christus non solum pro aliis oravit, sed etiam pro seipso, secundum quod supra dictum est (quest. præc. art. 3.) sicut expresse dicitur Heb. v. 7. quod *in diebus carnis sue preces, supplicationesque ad Deum, qui possit illum salvum facere a morte, cum clamore valido, & lacrimis obtulit.* Ergo sacerdotium Christi effectum habuit non solum in aliis, sed etiam in seipso.

2. Præterea. Christus sacrificium obtulit seipsum in sua passione. Sed per

passionem suam non solum aliis meruit, sed etiam sibi, ut supra habitum est (quest. xix. art. 3. & 4.) Ergo sacerdotium Christi non solum habuit effectum in aliis, sed etiam in seipso.

3. Præterea. Sacerdotium veteris legis fuit figura sacerdotii Christi. Sed sacerdotes veteris legis non solum pro aliis, sed etiam pro seipso sacrificium offerebat; dicitur enim Levit. xvi. quod *Pontifex ingreditur sanctuarium, ut roget pro se, & pro domo sua, & pro universo caetero filiorum Israel.* Ergo etiam sacerdotium Christi non solum in aliis, sed in seipso effectum habuit.

Sed contra est quod in Ephesina Synodo (gener. lll. part. lll. cap. 1. can. x.) legitur: *Si quis dicit, Christum pro se obtulisse oblationem, & non magis pro nobis solum (non enim indiget sacrificio qui peccatum nescit), anathema sit.* Sed in sacrificio offerendo potissime sacerdotis consistit officium. Ergo sacerdotium Christi non habuit effectum in ipso Christo.

Respondeo dicendum, quod, sicut dictum est (art. 1. huius quest.) sacerdos constituitur medius inter Deum & populum. Ille autem indiget medio ad Deum, qui per seipsum accedere ad Deum non potest; & talis sacerdotio subiicitur, effectum sacerdotii participans. Hoc autem Christo non competit; dicit enim Apostolus ad Heb. vii. 25. *(b) Accedens per semetipsum ad Deum, semper vivens ad interpellandum pro nobis.* Et ideo Christo non convenit effectum sacerdotii in se suscipere, sed potius ipsum aliis communicare. Primum enim agens in quolibet genere ita est influens quod non est recipiens in genere illo; sicut Sol illuminat, sed non illuminatur, & ignis calefacit, sed non calefit. Christus autem est fons totius sacerdotii. Nam sacerdos legalis erat figura ipsius; sacerdos autem novæ legis in persona ipsius operatur, secundum illud 11. ad Corinth. 11. 10. *Nam & ego quod donavi, si quid donavi, propter vos in persona Christi.* Et ideo non competit Christo effectum sacerdotii recipere.

Ad primum ergo dicendum, quod oratio etiam convenit sacerdotibus, non tamen est eorum officio propria. Cuiuslibet enim convenit & pro se, & pro aliis orare, secundum illud Iacobi ult. 16. *Orate pro invicem, ut salvemini.* Et sic posset dici, quod oratio qua Christus

pro

(a) *Vulgata peccatum.* (b) *Vulgata: Salvare in perpetuum potest accedentes per semetipsum &c.*

pro se oravit, non erat actus sacerdotii eius. Sed hæc responsio videtur excludi per hoc quod Apostolus Hebr. v. 7. cum dixisset, *Tu es sacerdos in æternum secundum ordinem Melchisedech*: subdit: *Qui in diebus carnis suæ preces* &c. ut supra (in arg. 1.) Et ita videtur quod oratio qua Christus oravit, ad eius sacerdotium pertineat. Et ideo oportet dicere, quod alii sacerdotes effectum sacerdotii sui participant, non inquantum sacerdotes, sed inquantum peccatores, ut infra dicitur (art. seq. arg. 1.) Christus autem simpliciter loquendo peccatum non habuit. Habuit tamen similitudinem peccati in carne, ut dicitur Rom. viii. Et ideo non simpliciter dicendum est, quod ipse effectum sacerdotii participaverit, sed secundum quid, scilicet secundum passibilitatem carnis. Unde si gnanter dicit: *Qui possit illum salvum facere a morte*.

Ad secundum dicendum, quod in oblatione sacrificii cuiuscumque sacerdotis duo possunt considerari; scilicet ipsum sacrificium oblatum, & devotio offerentis. Proprius autem effectus sacerdotii est id quod sequitur ex ipso sacrificio. Christus autem consecutus est per suam passionem gloriam resurrectionis, non quasi ex vi sacrificii, quod offertur per modum satisfactionis, sed ex ipsa devotione qua secundum caritatem humiliter passionem sustinuit.

Ad tertium dicendum, quod figura non potest adæquare veritatem. Unde sacerdos figuralis veteris legis non poterat ad hanc perfectionem pertingere ut sacrificio satisfactorio non indigeret. Sed Christus non indiguit. Unde non est similis ratio de utroque. Et hoc est quod Apostolus dicit (Hebr. vii. 28.) *Lex homines constituit sacerdotes, infirmitatem habentes; sermo autem iuraturandi, qui post legem est, filium in æternum perfectum*.

## ARTICULUS V. 134

*Utrum sacerdotium Christi permaneat in æternum.*

*Art. seq. con. & quæst. lxxii. art. 5. cor. & 1. 2. quæst. cxi. art. 4. & III. dist. xxii. quæst. 1. art. 1. ad 4.*

**A**D quantum sic proceditur. Videtur quod sacerdotium Christi non permaneat in æternum. Quia, ut dictum

est (art. præc.) illi soli effectus sacerdotii indigent qui habent infirmitatem peccati, quæ per sacerdotium sacrificium expiari potest. Sed hoc non erit in æternum: quia in Sanctis nulla erit infirmitas, secundum illud Isaia ix. 21. *Populus tuus omnes iusti*: peccatorum autem infirmitas inextinguibilis erit, quia in inferno nulla est redemptio. Ergo sacerdotium Christi frustra remaneret in æternum.

2. Præterea. Sacerdotium Christi præcipue manifestatum est in eius passione, & morte, quando per proprium sanguinem introivit in sancta, ut dicitur Hebr. ix. 12. Sed passio, & mors Christi non erit in æternum, secundum illud Rom. vi. 9. *Christus resurgens a mortuis iam non moritur*. Ergo sacerdotium Christi non est in æternum.

3. Præterea. Christus est sacerdos, non secundum quod Deus, sed secundum quod homo. Sed Christus quandoque non fuit homo, scilicet in triduo mortis. Ergo sacerdotium Christi non est in æternum.

Sed contra est quod dicitur in Psal. cix. 4. *Tu es sacerdos in æternum*.

Respondeo dicendum, quod in officio sacerdotis duo possunt considerari: primo quidem ipsa oblatio sacrificii; secundo ipsa sacrificii consummatio: quæ quidem consistit in hoc quod illi pro quibus sacrificium offertur, finem sacrificii consequuntur. Finis autem sacrificii quod Christus obtulit, non fuerunt bona temporalia, sed æterna, quæ per eius mortem adipiscimur. Unde dicitur Hebr. ix. 12. quod *Christus est assidens Pontifex futurorum bonorum*: ratione cuius Christi sacerdotium dicitur esse æternum. Et hæc quidem consummatio sacrificii Christi præfigurabatur in hoc ipso quod Pontifex legalis semel in anno cum sanguine hirci, & vituli intrabat in sancta sanctorum, ut dicitur Levit. xvi. cum tamen hircum, & vitulum non immolaret in sanctis sanctorum, sed extra. Et similiter Christus in sancta sanctorum, id est in ipsam cælum intravit, & nobis viam paravit intrandi per virtutem sanguinis sui, quem pro nobis in terra effudit.

Ad primum ergo dicendum, quod Sancti qui erunt in patria, non indigebunt ulterius expiari per sacerdotium Christi; sed expiati iam indigebunt consummari per ipsum Christum, a quo gloria eorum dependet. Unde dicitur Apocal. xxi.

xxi. 23. quod claritas Dei illuminat illam, scilicet civitatem Sanctorum, & lucerna eius est agnus.

Ad secundum dicendum, quod licet passio, & mors Christi de cetero non sint iteranda; tamen virtus illius hostiae semel oblatae permanet in aeternum; quia, ut dicitur ad Hebr. x. 14 una oblatione consummavit in aeternum sanctificationes.

Et per hoc patet responsio ad tertium.

Unitas autem huius oblationis figurabatur in lege per hoc quod semel in anno legalis Pontifex cum solemnibus oblationibus sanguinis intrabat in sancta, ut dicitur Levit. xvi. Sed deficiebat figura a veritate in hoc quod illa hostia non habebat sempiternam virtutem: & ideo annuatim illae hostiae reiterabantur.

## ARTICULUS VI. 135

*Utrum sacerdotium Christi fuerit secundum ordinem Melchisedech.*

*Inf. quaest. lxi. art. 3. ad 3. & IV. dis. viii. quaest. 1. art. 3. quaest. 3.*

**A**D sextum sic proceditur. Videtur quod sacerdotium Christi non fuerit secundum ordinem Melchisedech. Christus enim est fons totius sacerdotii, ramquam principalis sacerdos. Sed illud quod est principale, non sequitur ordinem alterius, sed alia sequuntur ordinem ipsius. Ergo Christus non debet dici sacerdos secundum ordinem Melchisedech.

2. Praeterea. Sacerdotium veteris legis propinquius fuit sacerdotio Christi quam sacerdotium quod fuit ante legem. Sed sacramenta tanto expressius significabant Christum, quanto propinquiora fuerunt Christo, ut patet ex his quae in secunda parte dicta sunt (simplic. 2. 2. quaest. 11. art. 7.) Ergo sacerdotium Christi magis debet denominari secundum sacerdotium legale quam secundum sacerdotium Melchisedech, quod fuit ante legem.

3. Praeterea. Heb. vii. 2. dicitur, quod est Rex pacis, sine patre, sine matre, sine genealogia, neque initium dierum, neque finem vitae habens: quae quidem conveniunt soli Filio Dei. Ergo non debet dici Christus sacerdos secundum ordinem Melchisedech, ramquam cuiusdam alterius, sed secundum ordinem suum ipsum.

Sed contra est quod dicitur in Pl. cix.

4. Tu es sacerdos in aeternum secundum ordinem Melchisedech.

Respondendo dicendum, quod, sicut supra dictum est (art. 4. hu. quaest. arg. 3.) legale sacerdotium fuit figura sacerdotii Christi, non quidem quasi aequans veritatem, sed multum ab ea deficiens: tum quia sacerdotium legale non munda peccata; tum etiam quia non erat aeternum, sicut sacerdotium Christi: ipsa autem excellentia sacerdotii Christi ad sacerdotium Leviticum fuit figurata in sacerdotio Melchisedech, qui ab Abraham decimas sumptit, in cuius lumbis decimatus est quodammodo ipse sacerdos legalis. Et ideo sacerdotium Christi dicitur esse secundum ordinem Melchisedech, propter excellentiam veri sacerdotii ad figurale sacerdotium legis.

Ad primum ergo dicendum, quod Christus non dicitur esse secundum ordinem Melchisedech, quasi principalioris sacerdotis, sed quasi prafigurantis excellentiam sacerdotii Christi ad sacerdotium Leviticum.

Ad secundum dicendum, quod in sacerdotio Christi duo possunt considerari, scilicet ipsa oblatio Christi, & participatio eius. Quantum ad ipsam oblationem, expressius figurabat sacerdotium Christi, sacerdotium legale per sanguinis effusionem, quam sacerdotium Melchisedech, in quo sanguis non effundebatur. Sed quantum ad participationem huius sacrificii, & eius effectum, in quo praecipue attenditur excellentia sacerdotii Christi ad sacerdotium legale, expressius prafigurabatur per sacerdotium Melchisedech, qui offerebat panem, & vinum significancia, ut Augustinus dicit (tract. xxv. in Ioan. a med. vid. etiam cap. Quia passus de Consecrat. dist. 2.) ecclesiasticam unitatem, quam constituit participatio sacrificii Christi. Unde etiam in nova lege verum Christi sacrificium communicatur fidelibus sub specie panis, & vini.

Ad tertium dicendum, quod Melchisedech dictus est sine patre, & sine matre, & sine genealogia, & quod non habet initium dierum, neque finem, non quia ista non habuerit, sed quia in Scriptura sacra ista de eo non leguntur. Et per hoc ipsum, ut Apostolus ibidem dicit, assimilatus est Filio Dei, qui in terris est sine patre, & in caelis sine matre, & sine genealogia, secundum illud Isa. liii. 8. Generationem eius quis enarrabit? & secundum Divinitatem neque principium, neque finem dierum habet.

QUAE-

## QUAESTIO XXIII.

*De adoptione Christi,**in quatuor articulos divisa.*

**D**Einde considerandum est, an adoptio Christo conveniat: & circa hoc quaeruntur quatuor.

Primo, utrum Deo conveniat adoptare filios.

Secundo, utrum hoc conveniat soli Deo Patri.

Tertio, utrum sit proprium hominum adoptari in filios Dei.

Quarto, utrum Christus possit dici filius adoptivus.

## ARTICULUS I. 136

*Utrum Deo conveniat filios adoptare.*

III. dist. x. quaest. 12. art. 1. quaest. 1. & IV. cont. cap. xviii. §.

**A**D primum sic proceditur. Videtur quod Deo non conveniat filios adoptare. Nullus enim adoptat nisi extraneam personam in filium, secundum quod Iuristae dicunt. Sed nulla persona est extranea a Deo, qui est omnium creator. Ergo videtur quod Deo non conveniat adoptare.

2. Praeterea. Adoptio videtur esse introducta in defectum filiationis naturalis. Sed in Deo invenitur naturalis filiationis, ut in prima parte habitum est (quaest. xxxiii. art. 3.) Ergo non convenit Deo filios adoptare.

3. Praeterea. Ad hoc aliquis adoptatur ut in hereditate adoptantis succedat. Sed in hereditate Dei non videtur aliquis posse succedere, quia ipse numquam decessit. Ergo Deo non convenit adoptare.

Sed contra est quod dicitur Ephes. 1. 5. *Prædestinavit nos in adoptionem filiorum.* Sed prædestinatio Dei non est irrita. Ergo Deus aliquos sibi adoptat in filios.

Respondetur dicendum, quod aliquis homo adoptat alium sibi in filium, in quantum ex sua bonitate admittit eum ad participationem suae hereditatis. Deus autem est infinitae bonitatis: ex qua contingit quod ad participationem bonorum suorum suas creaturas admittit, & præci-

*S. Tb. Oper. Tom. XXIV.*

(4) Ita eam eod. Arian, & Camer, editi passim, ad. & incipit.

pue rationales creaturas, quæ in quantum sunt ad imaginem Dei factæ, sunt capaces beatitudinis divinæ: quæ quidem consistit in fruitione Dei, per quam etiam ipse Deus beatus est, & per seipsum dives, in quantum scilicet seipso truitur. Hoc autem dicitur hereditas alicuius, ex quo ipse est dives. Et ideo, in quantum Deus ex sua bonitate admittit homines ad beatitudinis hereditatem, dicitur eos adoptare. Hoc autem plus habet adoptatio divina quam humana: quia Deus hominem quem adoptat, idoneum facit per gratiæ munus ad hereditatem cælestem percipiendam; homo autem non facit idoneum eum quem adoptat, sed potius eum iam idoneum eligit adoptando.

Ad primum ergo dicendum, quod homo in sua natura consideratus non est extraneus a Deo quantum ad bona naturalia quæ recipit; est tamen extraneus quantum ad bona gratiæ, & gloriæ: & secundum hoc adoptatur.

Ad secundum dicendum, quod hominis est operari ad supplendam suam indigentiam; non autem Dei, cui convenit operari ad communicandam suæ perfectionis abundantiam. Et ideo sicut per actum creationis communicatur bonitas divina omnibus creaturis secundum quamdam similitudinem; ita per actum adoptionis communicatur similitudo naturalis filiationis hominibus, secundum illud Rom. viii. 29. *Quos præcivit conformes fieri imaginis Filii sui.*

Ad tertium dicendum, quod bona spiritualia possunt simul a pluribus possideri, non autem bona corporalia: & ideo hereditatem corporalem nullus potest percipere nisi succedens decedenti; hereditatem autem spirituales simul omnes ex integro accipiunt sine detrimento patris semper viventis. Quamvis possit dici, quod Deus decessit, secundum quod est in nobis per fidem, (a) ut incipiat in nobis esse per speciem, sicut Glossa (ordinar.) dicit Rom. viii. super illud, *Si filii, & heredes.*



## ARTICULUS II. 137.

Utrum adoptare conveniat toti Trinitati.

III. dist. x. quæst. 11. art. 1. quæst. 2. &amp; 3.

**A**D secundum sic proceditur. Videtur quod adoptare non conveniat toti Trinitati. Adoptatio enim dicitur in divinis ad similitudinem rerum humanarum. Sed in rebus humanis soli illi convenit adoptare qui potest filios generare; quod in divinis convenit soli Patri. Ergo in divinis solus Pater potest adoptare.

2. Præterea. Homines per adoptionem efficiuntur fratres Christi, secundum illud Rom. viii. 29. *Ut sit ipse primogenitus in multis fratribus*. Fratres autem dicuntur qui sunt filii unius patris: unde & Dominus dicit Ioan. xx. 17. *Ascendo ad Patrem meum, & Patrem vestrum*. Ergo solus Pater Christi habet filios adoptivos.

3. Præterea. Galat. iv. 4. dicitur: *Misti Deus Filium suum.... ut adoptionem filiorum Dei reciperemus. Quoniam autem estis filii Dei, missi Deus Spiritum Filii sui in corda vestra clamantem, Abba, pater*. Ergo eius est adoptare cuius est Filius, & Spiritum sanctum habere. Sed hoc est solius personæ Patris. Ergo adoptare convenit soli personæ Patris.

Sed contra. Eius est adoptare nos in filios quem nos patrem possumus nominare: unde dicitur Roman. viii. 15. *Accipistis Spiritum adoptionis filiorum, in quo clamamus, Abba, pater*. Sed cum Deo dicimus, *Pater noster*, hoc pertinet ad totam Trinitatem, sicut & cetera nomina, quæ dicuntur de Deo relative ad creaturam, ut in prima parte habitum est (quæst. xxxiii. art. 3. & quæst. xxxix. art. 7.) Ergo adoptare convenit toti Trinitati.

Respondeo dicendum, quod hæc est differentia inter filium Dei adoptivum, & naturalem, quod filius Dei naturalis est genitus, non factus; filius autem adoptivus est factus, secundum illud Ioan. 1. 12. *Dedit eis potestatem filios Dei fieri*. Dicitur tamen quandoque filius adoptivus esse genitus propter spirituales regenerationem, quæ est gratuita, non naturalis. Unde dicitur Iacobi 1. 18. *Voluntarie genuit nos verbo veritatis*. Quamvis autem generare in divinis sit proprium

personæ Patris; tamen facere quemcumque effectum in creaturis est commune toti Trinitati propter unitatem naturæ: quia ubi est una natura, oportet quod sit una virtus, & una operatio. Unde Dominus dicit Ioan. v. 19. *Quæcumque Pater facit, hæc & Filius similiter facit*. Et ideo adoptare homines in filios Dei convenit toti Trinitati.

Ad primum ergo dicendum, quod omnes personæ humanæ non sunt unius naturæ secundum numerum, ut oporteat unam esse omnium operationem tantum, & unum effectum, sicut accidit in divinis: & ideo quantum ad hoc non potuit attendi similitudo utrobique.

Ad secundum dicendum, quod nos per adoptionem efficiuntur fratres Christi, quasi eundem Patrem habentes cum ipso; qui tamen alio modo est Pater Christi, & alio modo est Pater noster: unde signanter Dominus Ioan. xx. leonem dixit, *Patrem meum*, & leonem dixit, *Patrem vestrum*: est enim Pater Christi naturaliter generando; quod est proprium sibi: est autem pater noster voluntarie aliquid faciendo; quod est commune sibi, & Filio, & Spiritui sancto: & ideo Christus non est filius totius Trinitatis, sicut nos.

Ad tertium dicendum, quod, sicut dictum est (art. præc. ad 2.) filiationis adoptiva est quædam similitudo filiationis æternæ; sicut omnia quæ in tempore facta sunt, similitudines quædam sunt eorum quæ ab æterno fuerunt. Assimilatur autem homo splendori æterni Filii per gratiæ claritatem, quæ attribuitur Spiritui sancto. Et ideo adoptatio licet sit communis toti Trinitati, appropriatur tamen Patri ut auctori, Filio ut exemplari, Spiritui sancto ut imprimentis in nobis huius similitudinem exemplaris.

## ARTICULUS III. 138

Utrum adoptari sit proprium rationalis creaturæ.

III. dist. x. quæst. 11. art. 2. quæst. 1. &amp; 2. &amp; IV. cont. cap. xvii. §. &amp; xxi. fin.

**A**D tertium sic proceditur. Videtur quod adoptari non sit proprium rationalis creaturæ. Non enim dicitur Deus pater creaturæ rationalis nisi per adoptionem. Dicitur autem pater creaturæ etiam irrationalis, secundum illud Iob xxxviii. 28. *Quis est pluvie pater, & stillas toris quis genuit?* Ergo adoptari non

non est proprium rationalis creaturæ.  
2. Præterea. Per adoptionem dicuntur aliqui filii Dei. Sed esse filios Dei in Scriptura proprie videtur attribui Angelis, secundum illud Iob 1. 6. *Quadam autem die cum assisterent filii Dei coram Domino*. Ergo non est proprium creaturæ rationalis adoptari.

3. Præterea. Quod est proprium alicui naturæ, convenit omnibus habentibus naturam illam, sicut risibile convenit omnibus hominibus. Sed adoptari non convenit omni rationali naturæ. Ergo adoptari non est proprium rationalis creaturæ.

Sed contra est quod filii adoptati sunt heredes Dei, ut patet Rom. VIII. Sed talis hereditas convenit soli rationali creaturæ. Ergo proprium est creaturæ rationalis adoptari.

Respondeo dicendum, quod, sicut dictum est (art. præc. ad 3.) filiationis adoptionis est quedam similitudo filiationis naturalis. Filius autem Dei naturaliter procedit a Patre ut Verbum intellectuale, unum cum ipso Patre existens. Huic ergo Verbo tripliciter potest aliquid assimilari. Uno quidem modo secundum rationem formæ, non autem secundum intellectualitatem ipsius; sicut forma domus exterior constituitur assimilatur verbo mentali artificis secundum speciem formæ, non autem secundum (a) intellectualitatem: quia forma domus in materia non est intelligibilis, sicut erat in mente artificis. Et hoc modo Verbo æterno assimilatur quælibet creatura, cum sit facta per Verbum. Secundo modo assimilatur creatura Verbo, non solum quantum ad rationem formæ, sed etiam quantum ad intellectualitatem ipsius; sicut scientia quæ sit in mente discipuli, assimilatur verbo quod est in mente magistri. Et hoc modo creatura rationalis, etiam secundum suam naturam assimilatur Verbo Dei. Tertio modo assimilatur creatura Verbo Dei æterno secundum unitatem quam habet ad Patrem; quod quidem fit per gratiam, & caritatem. Unde Dominus orat Ioan. XVII. 22. *Sine unum in nobis, sicut & nos unum sumus*. Et talis assimilatio pericit rationem adoptionis: quia sic assimilatis debetur hereditas æterna. Unde manifestum est quod adoptari convenit soli creaturæ rationali, non tamen omni, sed solum habenti caritatem, quæ est diffusa in cordibus nostris per Spiritum sanctum, ut dicitur

Roman. v. Et ideo Rom. VIII. Spiritus sanctus dicitur *Spiritus adoptionis filiorum*.

Ad primum ergo dicendum, quod Deus dicitur pater creaturæ irrationalis non proprie per adoptionem, sed per creationem secundum primam participationem similitudinis.

Ad secundum dicendum, quod Angeli dicuntur filii Dei filiatione adoptionis, non quia ipsis (b) primo conveniat, sed quia ipsi primo adoptionem filiorum receperunt.

Ad tertium dicendum, quod adoptio non est proprium consequens naturam, sed consequens gratiam, cuius natura rationalis est capax: & ideo non oportet quod omni rationali creaturæ conveniat, sed quod omnis rationalis creatura sit capax adoptionis.

# ARTICULUS IV. 139

*Utrum Christus, secundum quod homo, sit filius Dei adoptivus.*

*Inf. quæst. XXXII. art. 3. & quæst. XLIII. art. 1. cor. & III. dist. x. quæst. 11. art. 2. quæst. 3. & IV. contra cap. IV. & ver. quæst. XXXI. art. 1. ad 1.*

**A**D quartum sic proceditur. Videtur quod Christus, secundum quod homo, sit filius Dei adoptivus. Dicit enim Hilarius (Lib. II. de Trinit. a med.) de Christo loquens: *Potestatis dignitas non amittitur, dum carnis humilitas adoptatur*. Ergo Christus, secundum quod homo, est filius adoptivus.

2. Præterea. Augustinus dicit in Lib. de prædestin. Sanct. (cap. xv. ante med.) quod *ea gratia fit ab initio fidei sue homo quicumque Christianus, qua gratia homo ille ab initio suo factus est Christus*. Sed alii homines sunt Christiani per gratiam adoptionis. Ergo & ille homo est Christus per adoptionem: & ita videtur esse filius adoptivus.

3. Præterea. Christus, secundum quod homo, est servus. Sed dignius est esse filium adoptivum quam servum. Ergo multo magis Christus, secundum quod homo, est filius adoptivus.

Sed contra est quod Ambrosius dicit in Lib. de incarnat. (cap. VIII. in fi.) *Adoptivum filium non dicimus filium esse naturæ; sed eum dicimus naturæ esse filium qui verus est filius*. Christus autem

K 4 est

(a) id. intelligibilis, (b) Ita mss. & edit. communiter, Niciæne proprie creaturæ.

\*It verus, & naturalis Dei Filius, secundum illud I. Ioan. ult. 20. *Ut finis in vero Filio eius Iesu Christo*. Ergo Christus, secundum quod homo, non est filius adoptivus.

Respondeo dicendum, quod filiatio proprie convenit hypostasi, vel personae, non autem naturae. Unde & in prima parte dictum est (quaest. xxxiii. art. 2. & 3.) quod filiatio est proprietas personalis. In Christo autem non est alia persona, vel hypostasis quam increata, cui convenit esse filium per naturam. Dictum est autem supra (art. praec.) quod filiatio adoptionis est participata similitudo filiationis naturalis. Non autem recipitur, aliquid dici participative, quod per se dicitur. Et ideo Christus, qui est Filius Dei naturalis, nullo modo potest dici filius adoptivus. Secundum autem illos qui ponunt in Christo duas personas, vel duas hypostasies, seu duo supposita, nihil rationabiliter prohiberet Christum hominem dici filium adoptivum.

Ad primum ergo dicendum, quod sicut filiatio non proprie convenit naturae, ita nec adoptio. Et ideo cum dicitur, quod carnis humilitas adoptatur, impropria est locutio: & accipitur ibi adoptatio pro unione humanae naturae ad personam Filii.

Ad secundum dicendum, quod similitudo illa Augustini est intelligenda quantum ad principium, quia scilicet sicut sine meritis quilibet homo habet ut sit Christianus, ita iste homo sine meritis habuit ut esset Christus. Est tamen differentia quantum ad terminum, quia scilicet Christus per gratiam unionis est filius naturalis, alius autem per gratiam habituales est filius adoptivus. Gratia autem habitualis in Christo non facit de non filio filium adoptivum; sed est quidam effectus filiationis naturalis in anima Christi, secundum illud Ioan. 1. 14. *Vidimus gloriam eius quasi unigeniti a Patre, plenum gratiae, & veritatis*.

Ad tertium dicendum, quod esse creaturam, & etiam servitum, vel subiectum ad Deum, non solum respicit personam, sed etiam naturam: quod non potest dici de filiatione. Et ideo non est similis ratio.

## QUAESTIO XXIV.

*De praedestinatione Christi,  
in quatuor articulos divisa.*

**D**Einde considerandum est de praedestinatione Christi: & circa hoc quaeruntur quatuor.

Primo, utrum Christus sit praedestinatus.

Secundo, utrum sit praedestinatus, secundum quod homo.

Tertio, utrum eius praedestinatio sit exemplar nostrae praedestinationis.

Quarto, utrum sit causa praedestinationis nostrae.

### ARTICULUS I. 149

*Utrum Christo conveniat praedestinatum esse.*

*I. dist. xl. quaest. 11. co. fin. & ad 5. & III. dist. vii. quaest. 111. art. 2. quaest. 2. & 3. & IV. con. cap. 1x. & Ro. 1. lect. 3.*

Ad primum sic proceditur. Videtur quod Christo non conveniat praedestinationis videtur esse adoptio filiorum, secundum illud Ephes. 1. 5. *Praedestinavit nos in adoptionem filiorum*. Sed Christo non convenit esse filium adoptivum, ut dictum est (quaest. praec. art. 4.) Ergo Christo non convenit praedestinatum esse.

2. Praeterea. In Christo duo est considerare, scilicet naturam humanam, & personam. Sed non potest dici, quod Christus sit praedestinatus ratione humanae naturae: quia haec est falsa: *Humana natura est Filius Dei*: similiter etiam neque ratione personae: quia illa persona non habet ex gratia quod sit Filius Dei, sed ex natura: praedestinatio autem est eorum quae sunt ex gratia, ut in prima parte dictum est (quaest. xxxiii. art. 1. & 5.) Ergo Christus non est praedestinatus Filius Dei.

3. Praeterea. Sicut illud quod est factum, non semper fuit, ita & illud quod est praedestinatum, eo quod praedestinatio antecessorem quandam importat. Sed quia Christus semper fuit Deus, & Filius Dei, non proprie dicitur quod homo ille sit factus Filius Dei. Ergo per-

ratione non debet dici, quod Christus sit prædestinatus Filius Dei.

Sed contra est quod Apostolus dicit Rom. 1. 4. de Christo loquens: *Qui prædestinatus est Filius Dei in virtute.*

Respondeo dicendum, quod, sicut patet ex his quæ in prima parte dicta sunt (quaest. xxiii. art. 1. & 5.) prædestinatio proprie accepta est quædam divina præordinatio ab æterno de his quæ per gratiam Dei sunt fienda in tempore. Est autem hoc in tempore factum per gratiam unionis a Deo ut homo esset Deus, & Deus esset homo. Nec potest dici, quod Deus ab æterno non præordinaverit hoc se facturum in tempore: quia sequeretur quod divinæ menti aliquid de novo accideret. Et ideo oportet dicere, quod ipsa unio naturarum in persona Christi cadat sub æterna Dei prædestinatione: & ratione huius Christus dicitur esse prædestinatus.

Ad primum ergo dicendum, quod Apostolus ibi loquitur de prædestinatione qua nos prædestinamur, ut simus filii adoptivi. Sicut autem Christus singulari modo præ aliis est Dei Filius naturalis, ita quodam singulari modo est prædestinatus.

Ad secundum dicendum, quod, sicut dicitur in Glossa (ord. sup. illud, *Qui prædestinatus est Filius Dei*, & est Augustini Lib. de prædest. Sanct. cap. xv. a med.) Rom. 1. quidam dixerunt, prædestinationem intelligendam esse de natura, non de persona, quia scilicet humanæ naturæ facta est hæc gratia, ut uniretur Filio Dei in unitate personæ. Sed secundum hoc locutio Apostoli est impropria, propter duo. Primo quidem ratione communis: non enim dicimus, naturam alicuius prædestinari, sed ipsum suppositum: quia prædestinari est dirigi in salutem; quod quidem est suppositi agentis propter beatitudinis finem. Secundo ratione specialis: quia esse Filium Dei non convenit humanæ naturæ. Est enim hæc falsa: *Humana natura est Filius Dei*: nisi forte quis velit sic exponere extorta expositione: *Qui prædestinatus est Filius Dei in virtute*, id est prædestinatum est ut humana natura uniretur Filio Dei in persona. Relinquitur ergo quod prædestinatio attribuitur personæ Christi, non quidem secundum se, vel secundum quod subsistit in divina natura, sed secundum quod subsistit in humana natura. Unde cum dixisset Apostolus, *Qui factus est ei*

*ex semine David secundum carnem*, subiunxit, *Qui prædestinatus est Filius Dei in virtute*; ut daret intelligere, quod secundum hoc quod est factus ex semine David secundum carnem, est prædestinatus Filius Dei in virtute: quamvis enim sit naturale illi personæ secundum se consideratæ quod sit Filius Dei in virtute; non tamen est ei naturale secundum humanam naturam, secundum quam hoc sibi convenit per gratiam unionis.

Ad tertium dicendum, quod Origenes super epistolam ad Rom. (cap. 1.) dicit hanc esse litteram Apostoli, *Qui (a) prædestinatus est Filius Dei in virtute*; ita quod non designetur aliqua antecessio: & sic nihil habet difficultatis. Alii vero antecessorem, quæ designatur in hoc participio *prædestinatus*, referunt non ad id quod est esse Filium Dei, sed ad eius manifestationem, secundum illud consuetum modum loquendi in Scripturis, quo res dicuntur fieri quando innoscunt; ut sit sensus, quod Christus prædestinatus est manifestari Filius Dei. Sed sic non proprie prædestinatio accipitur: nam aliquis dicitur proprie prædestinari, secundum quod dirigitur in finem beatitudinis: beatitudo autem Christi non dependet ex nostra cognitione. Et ideo melius dicendum est, quod illa antecessio quam importat hoc participium *prædestinatus*, non refertur ad personam secundum seipsam, sed ratione humanæ naturæ: quia scilicet persona illa est ab æterno fuerit Filius Dei; hoc tamen non fuit semper quod subsistens in natura humana fuerit filius Dei. Unde Augustinus dicit in Lib. de prædest. Sanct. (cap. xv. a med.) *Prædestinatus est Iesus, ut qui futurus erat secundum carnem filius David, esset in virtute Filius Dei*. Et est considerandum, quod licet hoc participium *prædestinatus* importet antecessorem, sicut & hoc participium *factus*; aliter tamen, & aliter. Nam heri pertinet ad ipsam rem, secundum quod in se est; prædestinari autem pertinet ad aliquid, secundum quod est in apprehensione alicuius præordinantis. Id autem quod subest alicui formæ, & naturæ secundum rem, potest apprehendi, vel prout est sub forma illa, vel etiam absolute. Et quia absolute non convenit personæ Christi quod inceperit esse Filius Dei; convenit autem ei, secundum quod intelligitur, vel apprehenditur ut in natura humana existens, quia scilicet hoc aliquan-

(a) Ita cum Origene edit, passim. Al. cum cisd. Arian, prædestinatus.

liquando inceptum esse quod in natura humana existens esset Filius Dei; ideo magis hæc est vera, *Christus est prædestinatus Filius Dei*, quam illa, *Christus est factus Filius Dei*.

# ARTICULUS II. 141

*Utrum hæc sit falsa: Christus, secundum quod homo, est prædestinatus esse Filius Dei.*

III. dist. x. quæst. 1. art. 1. quæst. 2. & IV. cont. cap. ix.

**A**D secundum sic proceditur. Videtur quod hæc sit falsa: *Christus, secundum quod homo, est prædestinatus esse Filius Dei*. Hoc enim est unumquodque secundum aliquod tempus, quod est prædestinatus esse, eo quod prædestinatio Dei non fallitur. Si ergo Christus, secundum quod homo, est prædestinatus esse Filius Dei, videtur sequi quod sit Filius Dei, secundum quod homo. Hoc autem est falsum. Ergo & primum.

2. Præterea. Illud quod convenit Christo, secundum quod est homo, convenit cuilibet homini, eo quod ipse est unius speciei cum aliis hominibus. Si ergo Christus, secundum quod homo, est prædestinatus esse Filius Dei, sequeretur quod cuilibet homini hæc conveniat. Hoc autem est falsum. Ergo & primum.

3. Præterea. Hoc ab æterno prædestinatur quod est aliquando fiendum in tempore. Sed magis hæc est vera, *Filius Dei factus est homo*, quam illa, *Homo factus est Filius Dei*, ut supra habitum est (quæst. xvi. art. 6. & 7.) Ergo magis hæc est vera, *Christus, secundum quod est Filius Dei, prædestinatus est esse homo*, quam e converso, *Christus, secundum quod est homo, est prædestinatus esse Filius Dei*.

Sed contra est quod Augustinus dicit in Lib. de prædest. Sanct. (cap. xv. cir. med.) *Ipsum Dominum glorie, in quantum homo factus est Dei Filius, prædestinatum esse dicimus*.

Respondeo dicendum, quod in prædestinatione duo possunt considerari. Unum quidem ex parte ipsius prædestinationis æternæ: & secundum hoc importat antecessorem quamdam respectu eius quod sub prædestinatione cadit. Alio modo potest considerari secundum effectum temporalem, qui quidem est aliquod gratuum Dei donum. Dicendum est ergo,

quod secundum utrumque istorum attribuitur prædestinatio Christo ratione solius humanæ naturæ. Nam humana natura non semper fuit Verbo unita; & ei etiam hoc per gratiam est collatum ut Filio Dei in persona uniretur. Et ideo solum ratione humanæ naturæ prædestinatio competit Christo. Unde Augustinus dicit in Libro de prædest. Sanct. (loc. cit.) *Prædestinata est ipsa humanæ naturæ tantum, & tam excelsa subvectio, ut quo attolleretur alius non haberet*. Hoc autem dicimus convenire alicui, secundum quod homo, quod ei convenit ratione humanæ naturæ. Et ideo dicendum est, quod *Christus, secundum quod homo, est prædestinatus esse Filius Dei*.

Ad primum ergo dicendum, quod cum dicitur, *Christus, secundum quod homo, est prædestinatus esse Filius Dei*, hæc determinatio, secundum quod homo, potest referri ad actum significatum per participium dupliciter. Uno modo ex parte eius quod materialiter cadit sub prædestinatione; & hoc modo est falsa: est enim sensus, quod prædestinatum sit ut Christus, secundum quod homo, sit Filius Dei. Et in hoc sensu procedit obiectio. Alio modo potest referri ad ipsam propriam rationem actus, prout scilicet prædestinatio importat in sui ratione antecessorem, & effectum gratuitum. Et hoc modo convenit Christo ratione humanæ naturæ, ut dictum est (in corp.) Et secundum hoc dicitur prædestinatus, secundum quod homo.

Ad secundum dicendum, quod aliquid potest convenire alicui homini ratione humanæ naturæ dupliciter. Uno modo sic quod humana natura sit causa illius; sicut esse risibile convenit Socrati ratione humanæ naturæ, ex cuius principiis causatur: & hoc modo prædestinari non convenit nec Christo, nec alteri homini ratione humanæ naturæ. Et in hoc sensu procedit obiectio. Alio modo dicitur convenire aliquid alicui ratione humanæ naturæ, cuius humana natura est susceptiva: & sic dicimus, Christum esse prædestinatum ratione humanæ naturæ: quia prædestinatio refertur ad exaltationem humanæ naturæ in ipso, ut dictum est (in corp. ar.)

Ad tertium dicendum, quod, sicut Augustinus dicit in Lib. de prædest. Sanct. (loc. sup. cit.) *ipsa est illa ineffabiliter facta hominis a Deo Verbo susceptio singularis, ut Filius Dei, & filius hominis simul, & filius hominis propter susceptum hominis*.

*hominem , & Filius Dei propter suscipientem unigenitum Deum veraciter , & proprie diceretur . Et ideo quia illa susceptio sub praedestinatione cadit , tamquam gratuita , utrumque potest dici , scilicet quod & Filius Dei praeordinatus sit esse homo , & filius hominis praeordinatus sit esse Filius Dei . Quia tamen gratia non est facta Filio Dei ut esset homo , sed potius humanae naturae ut Filio Dei uniretur ; magis proprie potest dici , quod Christus , secundum quod homo , est praeordinatus esse Filius Dei , quam quod Christus , secundum quod Filius Dei , sit praeordinatus esse homo .*

ARTICULUS III. 142

*Utrum praeordinatio Christi sit nostrae praeordinationis exemplar .*

III. dist. x. quest. III. art. 3. & Rom. 1. 16. 3.

**A**D tertium sic proceditur . Videtur quod praeordinatio Christi non sit exemplar nostrae praeordinationis . Exemplar enim praerexit exemplato . Nihil autem praerexit aeterno . Cum igitur praeordinatio nostra sit aeterna , videtur quod praeordinatio Christi non sit exemplar nostrae praeordinationis .

2. Praeterea . Exemplar ducit in cognitionem exemplati . Sed non oportuit quod Deus duceretur in cognitionem nostrae praeordinationis ex aliquo alio , cum dicitur Rom. VIII. 29. *Quos praescivit , (a) hos praeordinavit* . Ergo praeordinatio Christi non est exemplar nostrae praeordinationis .

3. Praeterea . Exemplar est conforme exemplato . Sed alterius rationis videtur esse praeordinatio Christi quam praeordinatio nostra : quia nos praeordinamur in filios adoptionis ; Christus autem est praeordinatus Filius Dei in virtute , ut dicitur Rom. 1. 4. Ergo eius praeordinatio non est exemplar nostrae praeordinationis .

Sed contra est quod Augustinus dicit in Libro de praedest. Sancti . ( cap. xv. ) *Est praeracissimum lumen praeordinationis , & gratiae ipse Salvator , ipse mediator Dei , & hominum , homo Christus Iesus* . Dicitur autem lumen praeordinationis , & gratiae , inquantum per eius praeordinationem , & gratiam manifestatur nostra praeordinatio ; quod videtur ad rationem exemplaris pertinere . Ergo praeordinatio

Christi est exemplar nostrae praeordinationis .

Respondeo dicendum , quod praeordinatio dupliciter potest considerari . Uno modo secundum ipsum actum praeordinantis ; & sic praeordinatio Christi non potest dici exemplar nostrae praeordinationis : uno enim modo , & eodem actu aeterno praeordinavit Deus nos , & Christum . Alio modo potest praeordinatio considerari secundum illud ad quod aliquis praeordinatur ; quod est praeordinationis terminus , & effectus : & secundum hoc praeordinatio Christi est exemplar nostrae praeordinationis . Et hoc dupliciter . Primo quidem quantum ad bonum ad quod praeordinamur : ipse enim est praeordinatus ad hoc quod esset Dei Filius naturalis ; nos autem praeordinamur ad filiationem adoptionis , quae est quaedam participata similitudo filiationis naturalis . Unde dicitur Rom. VIII. 29. *Quos praescivit , hos praeordinavit conformes fieri imaginis filii sui* . Alio modo quantum ad modum consequendi illud bonum , quod est per gratiam : quod quidem in Christo est manifestissimum : quia natura humana in Christo nullis suis praecedentibus meritis est unita Filio Dei : & de plenitudine gratiae eius nos omnes accipimus , ut dicitur Ioan. 1. 16.

Ad primum ergo dicendum , quod illa ratio procedit ex parte illius actus praeordinantis .

Et similiter dicendum ad secundum .

Ad tertium dicendum , quod non est necessarium quod exemplatum exemplari quantum ad omnia conformetur ; sed sufficit quod exemplatum aliquantulum imitetur suum exemplar .

ARTICULUS IV. 143

*Utrum praeordinatio Christi sit causa nostrae praeordinationis .*

III. dist. x. quest. III. art. 3.

**A**D quartum sic proceditur . Videtur quod praeordinatio Christi non sit causa nostrae praeordinationis . Aeternum enim non habet causam . Sed praeordinatio nostra est aeterna . Ergo praeordinatio Christi non est causa nostrae praeordinationis .

2. Praeterea . Illud quod dependet ex simplici Dei voluntate , non habet aliam causam nisi Dei voluntatem . Sed praeordinatio

(a) *Vulgata & praedestinavit .*

stinatio nostra ex simplici voluntate Dei dependet: dicitur enim Ephes. 1. 11. *Prædestinati secundum propositum eius, qui omnia operatur secundum consilium voluntatis suæ*. Ergo prædestinatio Christi non est causa nostræ prædestinationis.

3. Præterea. Remota causa, removeatur effectus. Sed remota prædestinatione Christi, non removeatur nostra prædestinatio: quia etiam si Filius Dei non incarnaretur, erat alius modus possibilis nostræ salutis, ut Augustinus dicit in Lib. XIII. de Trinit. (cap. x. a. princ.) Prædestinatio ergo Christi non est causa nostræ prædestinationis.

Sed contra est quod dicitur Ephes. 1. 5. *Prædestinavit nos in adoptionem filiorum per Iesum Christum*.

Respondendo dicendum, quod si consideretur prædestinatio secundum ipsum prædestinationis actum, prædestinatio Christi non est causa nostræ prædestinationis; cum uno & eodem actu Deus prædestinaverit ipsum, & nos. Si autem consideretur prædestinatio secundum terminum prædestinationis, sic prædestinatio Christi est causa nostræ prædestinationis. Sic enim Deus præordinavit nostram salutem, ab æterno prædestinando, ut per Iesum Christum completeretur. Sub prædestinatione enim æterna non solum cadit id quod est fiendum in tempore, sed etiam modus, & ordo, secundum quem est complendum in tempore.

Ad primum ergo, & secundum dicendum, quod rationes illæ procedunt de prædestinatione secundum prædestinantis actum.

Ad tertium dicendum, quod si Christus non fuisset incarnandus, Deus præordinasset homines salvari per aliam causam. Sed quia præordinavit incarnationem Christi, simul cum hoc præordinavit ut esset nostræ salutis causa.

## QUAESTIO XXV.

*De adoratione Christi,*

*in sex articulos divisa.*

**D**Einde considerandum est de his quæ pertinent ad Christum in comparatione ad nos: & primo de adoratione Christi, quæ scilicet nos eum adoramus; secundo de hoc quod est mediator noster ad Deum.

Circa primum quærentur sex.

Primo, utrum una & eadem adoratione sit adoranda Divinitas Christi, & eius humanitas.

Secundo, utrum caro Christi sit adoranda adoratione latrice.

Tertio, utrum adoratio latrice sit exhibenda imagini Christi.

Quarto, utrum sit exhibenda cruci Christi.

Quinto, utrum sit exhibenda matri eius.

Sexto de adoratione reliquiarum Sanctorum.

## ARTICULUS I. 144

*Utrum una & eadem adoratione sit adoranda Divinitas Christi, & eius humanitas.*

*Inf. quæst. lvi. art. 3. c. fi. & ad 1. & III. diff. ix. quæst. 1. art. 2. quæst. 1. & diff. xxxix. ar. 1. ad 4. & ver. quæst. xxix. ar. 4. ad 4.*

**A**D primum sic proceditur. Videtur quod non eadem adoratione adoranda sit humanitas Christi, & eius Divinitas. Divinitas enim Christi (a) est adoranda adoratione quæ est communis Patri, & Filio: unde dicitur Ioan. v. 23. *Omnes honorificent Filium, sicut honorificant Patrem*. Sed humanitas Christi non est communis ei, & Patri. Ergo non eadem adoratione adoranda est humanitas Christi, & eius Divinitas.

2. Præterea. Honor est proprie præmium virtutis, ut Philosophus dicit in IV. Eth. (cap. 111. cir. med.) Meretur autem virtus suum præmium per actum. Cum igitur in Christo sit alia operatio divinæ, & humanæ naturæ, ut supra habitum est (quæst. xix. art. 1.) videtur quod alio honore sit veneranda humanitas Christi, & alio eius Divinitas.

3. Præterea. Anima Christi, si non esset Verbo unita, esset veneranda propter excellentiam sapientie, & gratiæ, quam habet. Sed nihil dignitatis est ei subtrahendum per hoc quod est unita Verbo. Ergo natura humana in Christo est quadam propria adoratione veneranda, præter venerationem quæ exhibetur Divinitati ipsius.

Sed contra est quod in capitulis quinque Synodi (scilicet Constan. II. gener. V. col.

(a) Da post Theologos aditi omnes. Mf. & editi veteres est adoranda, quia est communis. Garcia est a, adoranda eadem adoratione, quid est, Madalena mf. retinendam esse sit primum maius quia in qua id est quatenus.

V. collat. VIII. can. ix.) sic legitur: *Si quis in duobus naturis adorari dicit Christum, ex quo duæ adorationes introducuntur, sed non una adoratione Deum Verbum incarnatum cum propria ipsius carne adorat, sicut ab initio Dei Ecclesiæ traditum est; talis anathema sit.*

Respondere dicendum, quod in eo qui honoratur, duo possumus considerare, scilicet eum cui honor exhibetur, & causam honoris. Proprie autem honor exhibetur toti rei subsistenti. Non enim dicimus, quod manus hominis honoretur, sed quod homo honoretur: & si quandoque contingat quod dicatur honorari manus, vel pes alicuius, hoc non dicitur ea ratione quod huiusmodi partes secundum se honorentur, sed quia in istis partibus honoratur totum: per quem etiam modum aliquis homo potest honorari in aliquo exteriori, puta in veste, aut in imagine, aut in nuntio. Causa autem honoris est id ex quo ille qui honoratur, habet aliquam excellentiam. Nam honor est reverentia alicui exhibita propter sui excellentiam, ut in secunda parte dictum est (2. 2. quæst. ciii. art. 1.) Et ideo si in uno homine sunt plures causæ honoris, puta prælatio, scientia, & virtus; erit quidem illius hominis unus honor ex parte eius qui honoratur, plures tamen secundum causas honoris: homo enim est qui honoratur & propter scientiam, & propter virtutem.

Sic ergo cum in Christo sit tantum una persona divinæ, & humanæ naturæ, & etiam una hypostasis, & unum suppositum; est quidem eius una adoratio, & unus honor ex parte eius qui adoratur; sed ex parte causæ qua honoratur, possunt dici esse plures adorationes, ut scilicet alio honore honoretur propter sapientiam increatam, & alio propter sapientiam creatam. Si autem ponerentur in Christo plures personæ, seu hypostases, sequeretur quod simpliciter essent plures adorationes. Et hoc est quod in Synodus reprobatur: dicitur enim in capitulo Cyrilli (hab. in eius epist. ad Nestor. in Concil. Ephes. gener. III. par. 1. cap. xxvi.) *Si quis audet dicere, assumptum hominem coadorari oportere Deo Verbo, quasi alterum alteri, & non potius una adoratione honorificat Emmanuelem, secundum quod Verbum caro factum est; anathema sit.*

Ad primum ergo dicendum, quod in

Trinitate sunt tres qui honorantur, sed est una causa honoris; in mysterio autem incarnationis est e converso. Et ideo alio modo est unus honor Trinitatis, & alio modo est unus honor Christi.

Ad secundum dicendum, quod operatio non est quæ honoratur, sed est ratio honoris. Et ideo per hoc quod in Christo sunt duæ operationes, non ostenditur quod sint duæ adorationes, sed quod sint duæ adorationis causæ.

Ad tertium dicendum, quod anima Christi, si non esset unita Dei Verbo, esset id quod est principalissimum in homine illo: & ideo sibi præcipue debere honor, quia homo est id quod est potissimum in eo. Sed quia anima Christi est unita personæ digniori, illi personæ præcipue debetur honor cui anima Christi unitur. Nec per hoc tamen diminuitur dignitas animæ Christi, sed augetur, ut etiam supra dictum est (quæst. ii. art. 2. ad 2.)

## ARTICULUS II. 145

*Utrum humanitas Christi adoranda sit adoratione latræ.*

III. dist. ix. quæst. 1. art. 2. quæst. 1. & quæst. 4. ad 1.

**A**D secundum sic proceditur. Videtur quod humanitas Christi non sit adoranda adoratione latræ. Quia super Pl. xcvi. *Adorata scabellum pedum eius, quoniam sanctum est*, dicit Glossa (ord. vetus ms.) „Caro a Verbo Dei assumpta sine impietate adoratur a nobis: quia nec mo carnem eius spiritualiter manducat, nisi prius adoret; non illa dico „adoratione quæ latræ est, quæ soli Creatori debetur. “Caro autem Christi est pars humanitatis. Ergo humanitas Christi non est adoranda adoratione latræ.

2. Præterea. Cultus latræ nulli creaturæ debetur: ex hoc enim reprobantur Gentiles, quod coluerunt, & servierunt creaturæ, ut dicitur Rom. 1. 25. Sed humanitas Christi est creatura. Ergo non est adoranda adoratione latræ.

3. Præterea. Adoratio latræ debetur Deo in recognitionem maximi dominii, secundum illud Deuteronom. vi. 13. *Dominum Deum tuum (a) adorabis, & illi soli servies.* Sed Christus, secundum quod est

(a) Vulgata ibi timabis, Matth. xv. 16. adorabis.



est homo, est minor Patre. Ergo humanitas eius non est adoratione latrice adoranda.

Sed contra est quod Damascenus dicit in IV. Lib. (orth. Fid. cap. 111.) *Adoratur autem caro Christi incarnato Verbo Deo, non propter seipsam, sed propter unitum ei secundum hypostasim Verbum Dei.* Et super illud Psal. xcvi. *Adorate scabellum pedum eius*, dicit Glossa (ord. August.) „ Qui adorat corpus „ Christi, non terram intuetur, sed il- „ lum potius cuius scabellum est, in „ cuius honore scabellum adorat. „ Sed Verbum incarnatum adoratione adoratione latrice. Ergo & corpus eius, sive, eius humanitas.

Respondendo dicendum, quod, sicut supra dictum est (ar. præc.) honor adorationis proprie debetur hypostasi subsistenti, tamen ratio honoris potest esse aliquid subsistens, propter quod honoratur persona cui illud inest. Adoratio igitur humanitatis Christi dupliciter potest intelligi. Uno modo ut sit eius cultus rei adoratae: & sic adorare carnem Christi nihil est aliud quam adorare Verbum Dei in carnem; sicut adorare vestem Regis nihil est aliud quam adorare Regem vestitum. Et secundum hoc adoratio humanitatis Christi est adoratio latrice. Alio modo potest intelligi adoratio humanitatis Christi quæ sit ratione humanitatis Christi perfecte omni munere gratiarum. & sic adoratio humanitatis Christi non est adoratio latrice, sed adoratio dulcæ; ita scilicet quod una & eadem persona Christi adoretur adoratione latrice propter suam Divinitatem, & adoratione dulcæ propter perfectionem humanitatis. Nec hoc est inconveniens: quia ipsi Deo Patri debetur honor latrice propter Deitatem, & honor dulcæ propter dominium, quo gubernat creaturam. Unde super illud Psal. vii. *Dominus Deus meus, in te speravi*, dicit Glossa (interl.) „ Do „ minus omnium per potentiam, cui de- „ betur dulcis; Deus omnium per crea- „ tionem, cui debetur latrice.

Ad primum ergo dicendum, quod Glossa illa non est sic intelligenda, quasi seorsum adoretur caro Christi ab eius Divinitate: hoc enim posset contingere solum hoc modo, si esset alia hypostasis Dei, & hominis. Sed quia, ut Damascenus dicit (loc. sup. cit.) *si dividat subtilibus intelligitur, quod videtur, ab eo quod intelligitur, inadorabilis est ut creatura*, scilicet adoratione latrice: & tunc sic

intellectæ, ut separatæ a Dei Verbo, deberetur sibi adoratio dulcæ, non cuiuscumque, puta quæ communiter exhibetur aliis creaturis, sed cuiusdam excellentioris, quam hyperdulum vocant.

Et per hoc etiam patet responsio ad secundum, & tertium: quia oratio latrice non exhibetur humanitati Christi ratione simplicius, sed ratione Divinitatis, cui unitur, secundum quam Christus non est minor Patre.

### ARTICULUS III. 146

*Utrum imago Christi sit adoranda adoratione latrice.*

2. 2. quæst. lxxx. art. 3. ad 3. & quæst. xlix. art. 1. ad 2. & inf. art. 4. cor. Et art. 5. ad 2. & III. dist. ix. quæst. 1. art. 2. quæst. 2.

Ad tertium sic proceditur. Videtur quod imago Christi non sit adoranda adoratione latrice. Dicitur enim Exod. xx. 4. *Non facies tibi sculptile, neque omnem similitudinem.* Sed nulla adoratio est facienda contra Dei præceptum. Ergo imago Christi non est adoranda adoratione latrice.

2. Præterea. Operibus Gentilium non debemus communicare, ut Apostolus dicit Ephel. v. Sed Gentiles de hoc præcipue inculpanitur, quod commutaverunt gloriam incorruptibilis Dei in similitudinem imaginis corruptibilis hominis, ut dicitur Rom. i. 23. Ergo imago Christi non est adoranda adoratione latrice.

3. Præterea. Christo debetur adoratio latrice ratione Divinitatis, non ratione humanitatis. Sed imaginem Divinitatis eius, quæ est animæ rationali impressa, non debetur adoratio latrice. Ergo multo minus imagini corporali, quæ repræsentat humanitatem ipsius.

4. Præterea. Nihil videtur esse in cultu divino faciendum, nisi quod est a Deo institutum: unde & Apostolus I. ad Corinth. xi. 23. traditur doctrinam de sacrificio Ecclesiæ dicit: *Ego accepi a Domino, quod & tradidi vobis.* Sed nulla traditio in Scriptura invenitur de adorandis imaginibus. Ergo imago Christi non est adoranda adoratione latrice.

Sed contra est quod Damascenus (Lib. IV. orth. Fid. cap. xvii. cir. princ.) inducit Basilium dicentem: *Imaginis honor ad prototypum pervenit, id est exemplar: sed ipsum exemplar (scilicet Christus) est ado-*

adorandum adoratione latræ. Ergo & eius imago.

Respondeo dicendum, quod, sicut Philosophus dicit in Lib. de memoria & remanentia (cap. 11. cir. med.) duplex est motus animæ in imaginem: unus quidem in ipsam imaginem, secundum quod res quædam est; alio modo in imaginem, inquantum est imago alterius: & inter hos duos motus est hæc differentia: quia primus motus, quo quis movetur in imaginem, ut est res quædam, est alius a motu qui est in rem; secundus autem motus, qui est in imaginem, inquantum est imago, est unus & idem cum illo qui est in rem.

Sic ergo dicendum est, quod imaginem Christi, inquantum est res quædam (puta lignum sculptum, vel pictum) nulla reverentia exhibetur: quia reverentia non nisi rationali naturæ debetur. Relinquitur ergo quod exhibetur ei reverentia solum inquantum est imago: & sic sequitur quod eadem reverentia exhibetur imaginem Christi, & ipsi Christo. Cum ergo Christus adoretur adoratione latræ, consequens est quod eius imago sit adoratio latræ adoranda.

Ad primum ergo dicendum, quod non prohibetur illo præcepto facere quantumque sculpturam, vel similitudinem, sed facere ad adorandum. Unde subdit: *Non adorabis ea, neque coles*. Et quia, sicut dictum est (in cor. art.) idem est motus in imaginem, & in rem; eo modo prohibetur adoratio imaginis quo prohibetur adoratio rei cuius imago est. Unde ibi intelligitur prohiberi adoratio imaginum, quas Gentiles faciebant in venerationem deorum suorum, id est dæmonum. Et ideo præmittitur: *Non habebis deos alienos coram me*. Ipsi autem vero Deo, cum sit incorporeus, nulla imago corporalis poterat poni: quia, ut Damascenus dicit (loc. sup. cit.) *infringentia summe est, & impietatis figurare quod est divinum*. Sed quia in novo Testamento Deus factus est homo, potest in sui imagine corporali adorari.

Ad secundum dicendum, quod Apostolus prohibet operibus instructuosis Gentilium communicare; & communicare autem utilibus eorum operibus Apostolus non prohibet. Adoratio autem imaginum est inter instructuosa opera computanda quantum ad duo. Primo quidem quantum ad hoc quod quidam eorum adorabant ipsas imagines ut res quædam, credentes in eis esse aliquod numen, propter

responsa quæ dæmones in eis dabant, & alios huiusmodi effectus mirabiles. Secundo propter res quarum erant imagines, statuebant enim huiusmodi imagines aliis creaturis, quas in eis veneratione latræ venerabantur. Nos autem adoramus adoratione latræ imaginem Christi, qui est verus Deus, non propter ipsam imaginem, sed propter rem cuius imago est, sicut dictum est (in cor. ar.)

Ad tertium dicendum, quod creaturæ rationali debetur reverentia propter se ipsam: & ideo si creaturæ rationali, in qua est imago Dei, exhiberetur adoratio latræ, posset esse erroris occasio, ut scilicet motus adorantis listeret in homine, inquantum est res quædam, & non ferretur in Deum, cuius est imago: quod non potest contingere de imagine sculpta, vel picta in materia sensibilis.

Ad quartum dicendum, quod Apostoli familiari instinctu Spiritus sancti quædam Ecclesiis tradiderunt servanda, quæ non reliquerunt in scriptis, sed in observatione Ecclesiæ per successionem fidelium: unde ipse Apostolus dicit II. ad Thess. xi. 15. *State, & tenete traditiones, quas didicistis sive per sermonem, scilicet ore prolatum, sive per epistolam*, scilicet scripto transmissam: & inter huiusmodi traditiones est imaginem Christi adoratio. Unde & B. Lucas dicitur depinxisse Christi imaginem, quæ Romæ habetur.

## ARTICULUS IV. 147

*Utrum crux Christi sit adoranda adoratione latræ.*

2. 2. quæst. cxi. art. 4. ad 3. & III. dist. 12. quæst. 1. art. 2. quæst. 4.

Ad quartum sic proceditur. Videtur quod crux Christi non sit adoranda adoratione latræ. Nullus enim pius filius veneratur contumeliam patris sui, puta flagellum quo flagellatus est, vel lignum in quo fuit suspensus, sed magis illud abhorret. Christum autem in ligno crucis opprobriosissimam mortem passus est, secundum illud Sapientie 11. 20. *Morte turpissima condemnemus eum*. Ergo non debemus crucem venerari, sed magis abhorreere.

2. Præterea. Humanitas Christi adoratione latræ adoratur, inquantum est unita Filio Dei in persona; quod de cru-

ce

Se dici non potest. Ergo crux Christi non est adoranda adoratione latræ.

3. Præterea. Sicut crux Christi fuit instrumentum passionis eius, & mortis; ita etiam & multa alia, puta clavi, corona, & lancea; quibus tamen non exhibemus latræ cultum. Ergo videtur quod crux Christi non sit adoranda adoratione latræ adoranda.

Sed contra est quod illi exhibemus latræ cultum in quo ponimus spem salutis. Sed in cruce Christi ponimus spem salutis: cantat enim Ecclesia:

*O crux, ave spes unica,  
Hoc passionis tempore,  
Auge piis iussitiam,  
Reisque dona veniam.*

Ergo crux Christi est adoranda adoratione latræ.

Respondeo dicendum, quod, sicut supra dictum est (art. præc.) honor, seu reverentia non debetur nisi rationali naturæ; creaturæ autem insensibili non debetur honor, vel reverentia nisi ratione rationalis naturæ. Et hoc dupliciter: uno modo inquantum repræsentat rationalem naturam; alio modo inquantum ei quocumque modo coniungitur. Primo modo consueverunt homines venerari Regis imaginem; secundo modo eius vestimentum. Utrumque autem venerant homines eadem veneratione qua venerantur & Regem.

Si ergo loquamur de ipsa cruce in qua Christus crucifixus est, utroque modo est a nobis veneranda. Uno scilicet modo inquantum repræsentat nobis figuram Christi extensi in ea; alio modo ex contactu ad membra Christi, & ex hoc quod eius sanguine est persusa. Unde utroque modo adoratur eadem adoratione cum Christo, scilicet adoratione latræ. Et propter hoc etiam crucem alloquimur, & deprecamur quasi ipsum crucifixum. Si vero loquamur de effigie crucis Christi in quacumque alia materia, puta lapidis, vel ligni, argenti, vel auri; sic veneramus crucem tantum ut imaginem Christi, quam veneramus adoratione latræ, ut supra dictum est (art. præc.)

Ad primum ergo dicendum, quod in cruce Christi quantum ad intentionem, vel opinionem infidelium consideratur opprobrium Christi; sed quantum ad effectum nostræ salutis consideratur virtus divina ipsius, qua de hostibus triumphavit, secundum illud Coloss. 11. 14. *Ipsum tulit de medio, affigens illud cruci, & spo-*

*lians principatus, & potestates, traduxit confidenter palam triumphans illos in semetipso.* Et ideo dicit Apostolus I ad Corinth. 1. 18. *Verbum crucis percutitibus quidem stultitia est; his autem qui salvi sunt, id est nobis, virtus Dei est.*

Ad secundum dicendum, quod crux Christi licet non fuerit unita Verbo Dei in persona, fuit tamen ei unita aliquo alio modo, scilicet per repræsentationem, & contactum. Et hac sola ratione exhibetur ei reverentia.

Ad tertium dicendum, quod quantum ad rationem contactus membrorum Christi, adoramus non solum crucem, sed etiam omnia quæ sunt Christi: unde Damascenus dicit in IV. Lib. (orth. Fid. cap. xii. cir. med.) *pretiosum lignum, ut sanctificatum tactu sancti corporis, & sanguinis, decenter adorandum, clavos, indumenta, lanceam, & sacra eius tabernacula, quæ sunt præsepe, spelunca, & huiusmodi.* Ista tamen non repræsentant imaginem Christi, sicut crux, quæ dicitur signum Filii hominis, quod apparuit in cælo, ut dicitur Matth. xxiv. Ideoque mulieribus dixit Angelus (Marci xvi. 6.) *Iesum queritis Nazarenum crucifixum: non dixit lanceatum, sed crucifixum.* Et inde est quod crucem Christi veneramus in quacumque materia, non autem imaginem clavorum, vel quorumcumque huiusmodi.

## ARTICULUS V. 148

*Utrum mater Christi sit adoranda adoratione latræ.*

2. 2. quæst. ciii. art. 4. ad 2. & III. dist. IX. quæst. 1. art. 2. quæst. 3.

**A**D quantum sit proceditur. Videtur quod mater Dei sit adoranda adoratione latræ. Videtur enim idem honor esse exhibendus matri Regis, & Regi: unde dicitur III. Reg. 11. 19. *quod postus est thronus matri Regi, quæ sedis ad dexteram eius:* & Augustinus (alius Autor) dicit in serm. de assumptione (cap. vi. cir. med.) *Thronum Dei, & thalamum Domini, domum, atque tabernaculum Christi dignum est ibi esse ubi est ipse.* Sed Christus adoratur adoratione latræ. Ergo & mater eius.

2. Præterea. Damascenus dicit IV. Lib. (orth. Fid. cap. xvi. ad fin.) quod honor matris refertur ad filium. Sed filius

lius adoratur adoratione latræ. Ergo & mater.

3. Præterea. Coniunctior est Christo mater eius quam crux. Sed crux adoratur adoratione latræ. Ergo & mater Christi est adoratione latræ adoranda.

Sed contra est quod mater Dei est pura creatura. Non ergo ei debetur adoratio latræ.

Respondeo dicendum, quod quia latræ soli Deo debetur, nulli creaturæ debetur latræ, prout creaturam secundum se veneramur. Licet autem creaturæ insensibiles non sint capaces venerationis secundum seipsas; creatura tamen rationalis est capax venerationis secundum seipsam. Et ideo nulli puræ creaturæ rationali debetur cultus latræ. Cum igitur beata Virgo sit pura creatura rationalis, non debetur ei adoratio latræ, sed solum veneratio dulcis; eminentius tamen quam ceteris creaturis, in quantum ipsa est mater Dei. Et ideo dicitur, quod debetur ei non qualescunque cultus, sed hyperdulia.

Ad primum ergo dicendum, quod matri Regis non debetur æqualis honor honor qui debetur Regi; debetur tamenei quidam honor consimilis, ratione cuiusdam excellentiæ. Et hoc significant auctoritates inductæ.

Ad secundum dicendum, quod honor matris refertur ad filium, quia ipsa mater est propter filium adoranda; non tamen eo modo quo honor imaginis refertur ad exemplar: quia ipsa imago, prout in se consideratur ut res quædam, nullo modo est veneranda.

Ad tertium dicendum, quod crux non est capax venerationis, prout in se consideratur, ut dictum est (art. præc.) sed B. Virgo secundum seipsam est venerationis capax: & ideo non est similis ratio.

## ARTICULUS VI. 149

*Utrum reliquæ Sanctorum sint adorandæ.*

2. 2. quæst. xcvi. art. 3.

**A**D sextum sic proceditur. Videtur quod Sanctorum reliquæ nullo modo sint adorandæ. Non enim est aliquid faciendum quod possit esse occasio erroris. Sed adorare mortuorum reliquias videtur ad errorem Gentilium pertinere, qui

5. Th. Oper. Tom. XXIV.

mortuis hominibus honorificentiam impendebant. Ergo non sunt Sanctorum reliquæ adorandæ.

2. Præterea. Stultum videtur rem insensibilem venerari. Sed Sanctorum reliquæ sunt insensibilia corpora. Ergo stultum est eas venerari.

3. Præterea. Corpus mortuum non est eiusdem speciei cum corpore vivo, & per consequens non videtur esse numero idem. Ergo videtur quod post mortem alicuius Sancti corpus eius non sit adorandum.

Sed contra est quod dicitur in Libro de ecclesiasticis dogmatibus (cap. lxxiii.) *Sanctorum corpora, & præcipue beatorum Maritimum reliquias, ac si Christi membra, sincerissime honoranda credimus: & postea subditur: Si quis contra hanc sententiam (a) venerit, non Christianus, sed Eunomianus, & Vigilantianus creditur.*

Respondeo dicendum, quod, sicut Augustinus dicit in Libro I. de civ. Dei (cap. xlii. a princ.) *si paterna vestis, & annulus, ac si quid huiusmodi, tanto carius est posteris, quanto erga patentes est maior affectus; nullo modo ipsa spernenda sunt corpora, quæ utique multo familiarius, atque consuetius quam quilibet indumenta, gestamus: hæc enim ad ipsam naturam hominis pertinent.* Ex quo patet quod qui habet affectum ad aliquem, etiam ea quæ de ipso post mortem relinquuntur, veneratur, non solum corpus, aut partes corporis eius, sed etiam aliqua exteriora, puta vestes, & similia. Manifestum est autem quod Sanctos Dei in veneratione habere debemus, tamquam membra Christi, Dei filios, & amicos, & nostros intercessores. Et ideo eorum reliquias qualescunque honore congruo in eorum memoriam venerari debemus, & præcipue eorum corpora, quæ fuerunt templa, & organa Spiritus sancti in eis habitantis, & operantis, & sunt corpori Christi configuranda per gloriosam resurrectionem. Unde & ipse Deus huiusmodi reliquias convenienter honorat, in earum præsentia miracula faciendo.

Ad primum ergo dicendum, quod hæc fuit ratio Vigilantii, cuius verba introducit Hieronymus in Libro quem contra eum scribit (cap. ii. parum a princ.) dicentis: *Prope ritum Gentilium videmus sub prætextu religionis introduci: put-visculum nescio quod, in modico vasculo*

pre-

(a) Ita cum nisi. Thes. agrum re. e. rictus edit. Editi veteres cum ed. Alcum. v. e. t. e. s. t.

*pretioso linteamine circumdatum, osculantes adorant.* Contra quem Hieronymus dicit in epistola ad Riparium: *Nos, non dico Marium reliquias, sed nec Solem, nec Lunam, nec Angelos adoramus, scilicet adoratione patriæ; honoramus autem reliquias Marium, ut cum cuius sunt Martyres, adoramus: honoramus servos, ut honor servorum redundet ad Dominum.* Sic ergo honorando reliquias Sanctorum, non incidimus in errorem Gentilium, qui cultum patriæ mortuis hominibus exhibebant.

Ad secundum dicendum, quod corpus illud insensibile non adoramus propter seipsum, sed propter animam, quæ fuit ei unita, quæ nunc fruatur Deo, & propter Deum, cuius fuerunt ministri.

Ad tertium dicendum, quod corpus mortuum alicuius Sancti non est idem numero quod primo fuit, dum viveret, propter diversitatem formæ, quæ est anima; est tamen idem identitate materiæ, quæ est iterum suæ formæ unita.

## QUAESTIO XXVI.

*De eo quod Christus mediator Dei, & hominum dicitur,*

*in duos articulos divisa.*

**D**Einde considerandum est de hoc quod dicitur Christus Dei, & hominum mediator: & circa hoc quaeruntur duo.

Primo, utrum esse mediatorem Dei, & hominum, sit proprium Christo.

Secundo, utrum hoc conveniat ei secundum humanam naturam.

### ARTICULUS I. 150

*Utrum esse mediatorem Dei, & hominum sit proprium Christo.*

**A**D primum sic proceditur. Videtur quod esse mediatorem Dei, & hominum non sit proprium Christo. Sicut enim sacerdos, ita & propheta videtur esse mediator inter Deum, & homines, secundum illud Deuter. v. 5. *Ego illo tempore sequeſter fui, & medius inter Deum & vos.* Sed esse prophetam, & sacerdotem non est proprium Christo. Ergo nec esse mediatorem.

2. Præterea. Illud quod convenit Angelis bonis, & malis, non potest dici

esse proprium Christo. Sed esse medium inter Deum & homines convenit Angelis bonis, ut Dionysius dicit xv. cap. de divin. Nom. (parum a princ. lect. 1.) convenit etiam angelis malis, id est demonibus: habent enim quædam communia cum Deo, scilicet immortalitatem, quædam cum hominibus, scilicet quod sunt animo passivi, & per consequens miseri, ut patet per Augustinum in IX. de civit. Dei (cap. viii. xiii. & xv.) Ergo esse mediatorem Dei, & hominum non est proprium Christo.

3. Præterea. Ad officium mediatoris pertinet interpellare ad unum eorum inter quos est mediator pro altero. Sed *Spiritus sanctus*, sicut dicitur Rom. viii. 26. (a) *interpellat pro nobis ad Deum gemibus inenarrabilibus.* Ergo Spiritus sanctus est mediator inter Deum & homines. Non ergo est proprium Christo.

Sed contra est quod dicitur I. ad Timoth. ii. 5. *Unus est mediator Dei, & hominum homo Iesus Christus.*

Respondendo dicendum, quod ad mediatoris officium proprie pertinet coniungere, & unire eos inter quos est mediator: nam extrema uniantur in medio. Unire autem homines Deo perfecte quidem convenit Christo, per quem homines sunt reconciliati Deo, secundum illud II. ad Corinth. v. 19. *Deus erat in Christo, mundum reconcilians sibi.* Et ideo solus Christus est perfectus Dei, & hominum mediator, inquantum per suam mortem humanum genus Deo reconciliavit. Unde cum Apostolus dixisset, *Mediator Dei, & hominum homo Christus Iesus*, subiunxit: *Qui dedit semetipsum redemptionem pro omnibus.* Nihil tamen prohibet aliquos alios secundum quid dici mediatores inter Deum & homines prout scilicet cooperantur ad unionem hominum cum Deo dispositive, vel ministerialiter.

Ad primum ergo dicendum, quod propheta, & sacerdotes veteris Testamenti dicti sunt mediatores inter Deum & homines dispositive, & ministerialiter, inquantum scilicet prænuntiabant, & præfigurabant verum & perfectum Dei & hominum mediatorem. Sacerdotes vero novi Testamenti possunt dici mediatores Dei, & hominum, inquantum sunt ministri veri mediatoris, vice ipsius sacramenta hominibus exhibentes.

Ad secundum dicendum, quod Angeli boni, ut Augustinus dicit in IX. de civ. Dei (cap. xiii. a med.) non recte pot-

(a) *Velut postulat.*

possunt dici mediatores inter Deum & homines. Cum enim utrumque habeant commune cum Deo, & beatitudinem, & immortalitatem, nihil autem horum cum hominibus miseris, & mortalibus; quomodo non potius remoti sunt ab hominibus, Deoque coniuncti, quam inter utroque medii constituti? Dionysius tamen dicit eos esse medios, quia secundum gradum naturae sunt infra Deum, & supra homines constituti, & mediatoris officium exerceant, non quidem principaliter, & perfecte, sed ministerialiter, & dispositive. Unde Matth. 14. 12. dicitur, quod accesserunt Angeli, & ministrabant ei, scilicet Christo. Demones autem habent communem cum Deo immortalitatem, cum hominibus autem miseriam: ad hoc enim se interponit medium demon immortalis, & miser, ut ad immortalitatem beatam transire non sinat, sed perducatur ad miseriam immortalem: unde est hic malus medius, qui separat amicos. Christus autem habuit communem cum Deo beatitudinem, cum hominibus autem mortalitatem: & ideo ad hoc se interposuit medium, ut mortalitate transacta, & ex mortuis faceret immortales (quod in se resurgendo monstravit) & ex miseris beatos efficeret: unde nunquam iple decessit. Et ideo ipse est bonus mediator, qui reconciliat inimicos.

Ad tertium dicendum, quod Spiritus sanctus, cum sit per omnia Deo aequalis, non potest dici medius, vel mediator inter Deum, & homines; sed solus Christus, qui licet secundum Divinitatem aequalis sit Patri, tamen secundum humanitatem minor est Patre, ut supra dictum est (quaest. 22. art. 1.) Unde super illud ad Galat. 3. Mediator unius non est, dicit Glossa: „Non Pater, nec Spiritus sanctus.“ Dicitur autem Spiritus sanctus interpellare pro nobis, quia ipse interpellare nos facit.

## ARTICULUS II. 152

*Utrum Christus, secundum quod homo, sit mediator Dei, & hominum.*

III. dist. XIX. art. 5. quaest. 2. & IV. dist. III. art. 2. quaest. 1. cor. & dist. XLVIII. quaest. 1. art. 2. & veri. quaest. XXIX. art. 5. ad 5. & I. Timoth. 11. l. 1. & I. Timoth. 11.

**A**D secundum sic proceditur. Videtur quod Christus non sit mediator

Dei, & hominum, secundum quod homo. Dicit enim Augustinus in Lib. contra Felicianum (cap. x. ante med.) *Una est Christi persona, ne sit non unus Christus, non una substantia, ne mediatoris dispensatione submota, aut Dei tantum dicatur, aut hominis filius.* Sed non est Dei, & hominis filius, secundum quod homo, sed simul secundum quod Deus, & homo. Ergo neque dicendum est, quod sit mediator Dei, & hominum solum secundum quod homo.

2. Præterea. Sicut Christus, in quantum est Deus, convenit eum Patre, & Spiritu sancto; ita in quantum est homo, convenit eum hominibus. Sed propter hoc quod in quantum est Deus, convenit eum Patre, & Spiritu sancto, non potest dici mediator, in quantum est Deus: quia super illud I. ad Timoth. 11. *Mediator Dei, & hominum* etc. dicit Glossa (ord. Aug. Lib. X. Conf. cap. XLIII. ante med.) *In quantum est Verbum, non medius est: quia aequalis est Deo, & Deus apud Deum, & simul unus Deus.* Ergo nec etiam in quantum est homo, potest dici mediator, propter convenientiam quam eum hominibus habet.

3. Præterea. Christus dicitur mediator, in quantum reconciliavit nos Deo: quod quidem fecit auferendo peccatum, quod nos separabat a Deo. Sed auferre peccatum convenit Christo, non in quantum est homo, sed in quantum est Deus. Ergo Christus, in quantum est homo, non est mediator, sed in quantum est Deus.

Sed contra est quod Augustinus dicit in Lib. IX. de civit. Dei (cap. xv. ad fin.) *Non ob hoc mediator est Christus, quia Verbum: maxime quippe immortale, & maxime beatum Verbum longe est a mortalibus miseris: sed mediator est, secundum quod homo.*

Respondendo dicendum, quod in mediatore duo possumus considerare: primo quidem rationem medii; secundo officium coniungendi. Est autem de ratione medii quod distat ab utroque extremorum. Coniungit autem mediator per hoc quod ea quae unius sunt, desert ad alterum. Neutrum autem horum potest convenire Christo, secundum quod est Deus, sed solum secundum quod est homo. Nam secundum quod Deus, non distat a Patre, & Spiritu sancto in natura, & potestate dominii. Nec etiam Pater, & Spiritus sanctus aliquid habent quod non sit Filii; ut sic possit id quod est Patris, vel Spiritus sancti, quasi quod

est aliorum, ad alios deferre. Sed utrumque convenit ei, inquantum est homo: quia secundum quod est homo, distat & a Deo in natura, & ab hominibus in dignitate & gratia, & gloria. Inquantum etiam est homo, convenit ei coniungere homines Deo, praecepta, & dona Dei hominibus exhibendo, & pro hominibus Deo satisfaciendo, & interpellando.

Et ideo verissime dicitur mediator, secundum quod homo.

Ad primum ergo dicendum, quod si subtrahatur divina natura a Christo, subtraheretur per consequens ab eo singularis plenitudo gratiarum, quae convenit ei, inquantum est unigenitus a Patre, ut dicitur Ioan. 1. Ex qua quidem plenitudine habet ut sit super omnes homines constitutus, & propinquius ad Deum accedens.

Ad secundum dicendum, quod Christus, secundum quod Deus, est per omnia aequalis Patri; sed etiam in humana natura excedit alios homines: & ideo secundum quod homo, potest esse mediator, non autem secundum quod Deus.

Ad tertium dicendum, quod licet autoritative peccatum auferre conveniat Christo, secundum quod est Deus; tamen satisfacere pro peccato humani generis convenit ei, secundum quod est homo. Et secundum hoc dicitur Dei, & hominum mediator.

## QUAESTIO XXVII.

*De beata Virginis Mariae  
sanctificatione,  
in sex articulos divisa.*

Post praedicta, in quibus de unione Dei, & hominis, & de his quae unionem consequuntur, tractatum est, restat considerare de his quae Filius Dei incarnatus in natura humana sibi unita gessit, vel passus est. Quae quidem consideratio quadripartita erit. Nam primo considerabimus de his quae pertinent ad ingressum eius in mundum. Secundo de his quae pertinent ad progressum vitae ipsius in hoc mundo. Tertio de exitu ipsius ab hoc mundo. Quarto de his quae pertinent ad exaltationem ipsius post hanc vitam.

Circa primum quatuor consideranda occurrunt. Primo quidem de conceptione Christi. Secundo de eius nativitate.

Tertio de eius circumcissione. Quarto de eius baptismo.

Circa conceptionem autem eius oportet primo aliqua considerare quantum ad matrem concipientem. Secundo quantum ad modum conceptionis. Tertio quantum ad perfectionem proles conceptae.

Ex parte autem matris occurrunt quinque consideranda. Primo quidem de sanctificatione eius. Secundo de virginitate eius. Tertio de desponsatione eiusdem. Quarto de annuntiatione ipsius. Quinto de preparatione ipsius ad concipiendum.

Circa primum quaeruntur sex.

Primo, utrum B. Virgo mater Dei fuerit sanctificata ante nativitatem ex utero.

Secundo, utrum fuerit sanctificata ante animationem.

Tertio, utrum per huiusmodi sanctificationem fuerit sibi totaliter sublatus fomes peccati.

Quarto, utrum per huiusmodi sanctificationem fuerit consecrata ut nunquam peccaret.

Quinto, utrum per huiusmodi sanctificationem adepta fuerit plenitudinem gratiarum.

Sexto, utrum sic sanctificari fuerit proprium sibi.

## ARTICULUS I. 173

*Utrum B. Virgo mater Dei fuerit sanctificata ante nativitatem ex utero.*

III. dist. 111. quest. 1. art. 1. quest. 3. & quolib. vi. quest. 5. art. 1. cor. & op. 111. cap. cccxxxi. & Psal. xlv. ccm. 111.

Ad primum sic proceditur. Videtur quod beata Virgo non fuerit sanctificata ante nativitatem ex utero. Dicit enim Apostolus I. ad Cor. xv. 46. *Non prius quod spirituale est, sed prius quod animale, deinde quod est spirituale.* Sed per gratiam sanctificantem nascitur homo spiritualiter in filium Dei, secundum illud Ioan. 1. 13. *Ex Deo nati sunt: nativitas autem ex utero est nativitas animalis.* Non ergo beata Virgo fuit prius sanctificata quam ex utero nasceretur.

2. Praeterea. Augustinus dicit in epist. ad Dardanum (celxxxvii. al. lvi. inter med. & h.) *Sanctificatio, qua efficitur semplum Dei, non nisi venatorum est. Ne-*

no

non autem renascitur, nisi prius nascatur. Ergo beata Virgo non fuit prius sanctificata quam ex utero nasceretur.

3. Præterea. Quicumque est sanctificatus per gratiam, est mundatus a peccato originali, & actuali. Si ergo beata Virgo fuit sanctificata ante nativitatem ex utero, consequens est quod tunc fuerit emundata ab originali peccato. Sed solum originale peccatum poterat eam impedire ab introitu regni celestis. Si ergo tunc mortua fuisset, videtur quod ianuam regni celestis introisset; quod tamen fieri non potuit ante passionem Christi: *habemus enim fiduciam in introitu sanctorum per sanguinem eius*, ut dicitur Hebr. x. 19. Videtur ergo quod B. Virgo non fuerit sanctificata, antequam ex utero nasceretur.

4. Præterea. Peccatum originale contrahitur ex origine, sicut peccatum actuale ex actu. Sed quamdiu aliquis est in actu peccandi, non potest a peccato actuali mundari. Ergo etiam nec beata Virgo a peccato originali mundari potuit, dum esset adhuc in ipso actu originis in materno utero exilens.

Sed contra est quod Ecclesia celebrat nativitatem B. virginis. Non autem celebratur festum in Ecclesia nisi pro aliquo Sancto. Ergo B. Virgo in ipsa sua nativitate fuit sancta. Fuit ergo in utero sanctificata.

Respondeo dicendum, quod de sanctificatione B. Mariæ, quod scilicet fuerit sanctificata in utero, nihil in Scriptura canonica traditur, quæ etiam nec de eius nativitate mentionem facit. Sicut tamen Augustinus (alius Auctor in serm. de Assumptione ipsius Virginis cap. 11. 14. & v.) rationabiliter argumentatur, quod cum corpore sit assumpta in cælum (quod tamen Scriptura non tradit;) ita etiam rationabiliter argumentari possumus quod fuerit sanctificata in utero.

Rationabiliter enim creditur quod illa quæ gemit *Unigenitum a Patre, plenum gratiæ, & veritatis*, præ omnibus aliis maiora privilegia gratiæ acceperit. Unde, ut legitur Luc. 1. 28. *Angelus ei dixit: Ave gratia plena*. Invenimus autem quibusdam aliis hoc privilegium esse concessum, ut in utero sanctificarentur; sicut videtur Hierem. 1. 5. *Antequam exires de vulva, sanctificavi te*: & sicut Ioanni Baptistæ, de quo dictum est Luc. 1. 15. *Spiritu sancto replebitur adhuc ex utero matris sue*.

S. Th. Oper. Tom. XXIV.

(a) Ita cum *in*, Tarrac, Alico, Paris, &c., editi *passim*. Alii *ostium*.

Unde rationabiliter creditur quod B. Virgo sanctificata fuerit antequam ex utero nasceretur.

Ad primum ergo dicendum, quod etiam in B. Virgine prius fuit id quod est animale, & post id quod est spirituale: quia prius fuit secundum carnem concepta, & postea secundum spiritum sanctificata.

Ad secundum dicendum, quod Augustinus loquitur secundum legem communem, secundum quam per sacramenta non regenerantur aliqui, nisi prius nati. Sed Deus huic legi sacramentorum potentiam suam non alligavit, quin aliquibus ex speciali privilegio gratiam suam conferre possit, antequam nascerentur ex utero.

Ad tertium dicendum, quod B. Virgo sanctificata fuit in utero a peccato originali quantum ad maculam personalem; non tamen fuit liberata a reatu, quo tota natura tenebatur obnoxia, ut scilicet non intraret in paradysum, nisi per Christi (a) hostiam; sicut & de sanctis Patribus dicitur qui fuerunt ante Christum.

Ad quartum dicendum, quod peccatum originale trahitur ex origine, in quantum per eam communicatur humana natura, quam proprie respicit peccatum originale: quod quidem sit quando proles concepta animatur: unde post animationem nihil prohibet prolem conceptam sanctificari: postea enim non manet in materno utero ad accipiendam humanam naturam, sed ad aliqualem perfectionem eius quod iam accepit.

## ARTICULUS II. 153

Utrum B. Virgo fuerit sanctificata ante animationem.

III. dist. 111. quæst. 1. art. 1. & quod. vi. quæst. v. art. 1. cor. & opus. 11. cap. ccxxxi.

AD secundum sic proceditur. Videtur quod B. Virgo sanctificata fuerit ante animationem. Quia, ut dictum est (art. præc.) plus gratiæ est collatum Virgini matri Dei quam alicui Sancto. Sed quibusdam videtur esse concessum quod sanctificarentur ante animationem: quia, ut dicitur Hierem. 1. 5. *Priusquam te formarem in utero, novi te*; non autem infunditur anima ante corporis formationem: similiter etiam de Ioanne Baptista dicit Ambrosius super Luc. (cap. 1. sup. illud *Et Spiritu sancto replebitur*) quod *nondum inerat ei spiritus vitæ, &*

L 3

tam



*jam inerat ei spiritus gratiæ . Ergo multo magis B. Virgo ante animationem sanctificari potuit .*

2. Præterea . Conveniens fuit , sicut Anselmus dicit in Lib. de conceptu virginali ( cap. xviii. parum a princ. ) *ut illa Virgo ex puritate niteret qua maior sub Deo nequit intelligi* : unde & Cant. xv. 7. dicitur : *Tota pulchra es , amica mea , & macula non est in te .* Sed maior puritas fuisse B. Virginis , si numquam anima eius fuisset inquinata contagio originalis peccati . Ergo hoc ei præstitum fuit ut antequam animaretur caro eius , sanctificaretur .

3. Præterea . Sicut dictum est ( artic. præc. arg. *Sed cont.* ) non celebratur festum nisi de aliquo Sancto . Sed quidam celebrant festum Conceptionis B. Virginis . Ergo videtur quod in ipsa sua conceptione fuerit sancta ; & ita quod ante animationem fuerit sanctificata .

4. Præterea . Apostolus dicit Rom. 11. 16. *Si radix sancta , & rami .* Radix autem filiorum sunt parentes eorum . Potuit ergo B. Virgo sanctificari etiam in suis parentibus ante animationem .

Veteri contraest quod ea quæ fuerunt in veteri Testamento , sunt figura novi , secundum illud I. ad Cor. x. 12. *Omnia in figura contingebant illis .* Sed per sanctificationem tabernaculi , de qua dicitur in Plal. xlv. 5. *Sanctificavit tabernaculum suum Altissimus* , videtur significari sanctificatio matris Dei , quæ tabernaculum Dei dicitur , secundum illud Pl. xlviii. 6. *In Sole posuit tabernaculum suum* : de tabernaculo autem dicitur Exod. vit. 31. *Postquam cuncta perfecta sunt , operui nubes tabernaculum testimonii , & gloria Domini implevit illud .* Ergo etiam beata Virgo non fuit sanctificata , nisi postquam cuncta eius perfecta sunt , scilicet & corpus , & anima .

Respondeo dicendum , quod sanctificatio beate Virginis non potest intelligi ante eius animationem , duplici ratione . Primo quidem quia sanctificatio de qua loquimur , non est nisi emundatio a peccato originali : sanctitas enim est perfecta munditia , ut Dionysius dicit in xii. cap. de divinis Nominibus ( parum a princ. ) Culpa autem non potest emundari nisi per gratiam , cuius subiectum est sola creatura rationalis . Et ideo ante infusionem animæ rationalis beata Virgo sanctificata non fuit . Secundo quia cum sola creatura rationalis sit susceptiva culpæ , ante infusionem animæ ratio-

nalis proles concepta non est culpæ obnoxia . Et sic quocumque modo ante animationem beata Virgo sanctificata fuisset , numquam incurrisset maculam originalis culpæ ; & ita non indigisset redemptione , & salute , quæ est per Christum , de quo dicitur Matth. 1. 21. *Ipsa saluum faciet populum suum a peccatis eorum .* Hoc autem inconveniens est quod Christus non sit Salvator omnium hominum , ut dicitur I. ad Tim. 4.

Unde relinquitur quod sanctificatio B. Virginis fuerit post eius animationem .

Ad primum ergo dicendum , quod Dominus dicit , ante formationem in utero se Hieremiam novisse , notitia scilicet prædestinationis ; sed sanctificasse dicit eum non ante formationem , sed antequam exiret de ventre . Quod autem Ambrosius dicit , quod Ioanni Baptista nondum inerat spiritus vitæ , cum iam habebat spiritum gratiæ , non est intelligendum , secundum quod spiritus vitæ dicitur anima vivificans , sed secundum quod spiritus vitæ dicitur aer exterius respiratus . Vel potest dici , quod nondum inerat ei spiritus vitæ , idest anima , quantum ad manifestas , & completas operationes ipsius .

Ad secundum dicendum , quod si numquam anima B. Virginis fuisset contagio originalis peccati inquinata , hoc derogaret dignitati Christi , secundum quam est universalis omnium Salvator . Et ideo sub Christo , qui salvari non indiguit , tamquam universalis Salvator , maxima fuit B. Virginis puritas . Nam Christus nullo modo contraxit originale peccatum , sed in ipsa sui conceptione fuit sanctus , secundum illud Luc. 1. 35. *Quod ex te nascetur sanctum , vocabitur Filius Dei .* Sed B. Virgo contraxit quidem originale peccatum , sed ab eo fuit munda , antequam ex utero nasceretur . Et hoc signatur Iob xii. 9. ubi de nocte originalis peccati dicitur : *Expectet lucem* , idest Christum , & non videat ( quia nihil inquinatum incurrat in illam , ut dicitur Sap. vii. 25. ) *nec ortum surgentis auroræ* , idest B. Virginis , quæ in suo ortu a peccato originali fuit immunis .

Ad tertium dicendum , quod licet Romana Ecclesia conceptionem B. Virginis non celebret , tolerat tamen consuetudinem aliquarum Ecclesiarum illud festum celebrantium . Unde talis celebratio non est totaliter reprobanda . Nec tamen per hoc quod festum conceptionis celebratur , datur intelligi quod in sua conceptione fue-

fuerit sancta; sed quia quo tempore sanctificata fuerit, ignoratur, celebratur festum sanctificationis eius potius quam conceptionis in die conceptionis ipsius.

Ad quantum dicendum, quod duplex est sanctificatio. Una quidem totius naturæ, in quantum scilicet tota natura humana ab omni corruptione culpæ, & pœnæ liberatur: & hæc erit in resurrectione. Alia vero est sanctificatio personalis, quæ non transit in prolem carnaliter genitam, quia talis sanctificatio non respicit carnem, sed mentem. Et ideo estis parentes beatæ Virginis fuerunt mundati a peccato originali, nihilominus beata Virgo peccatum originale contraxit, cum fuerit concepta secundum carnem concupiscentiam ex commixtione maris, & feminæ. Dicit enim Augustinus in Lib. I. de nuptiis & concupiscentia (cap. XII. cir. princ.) *omnem quæ de concubitu nascitur, carnem esse peccati.*

## ARTICULUS III. 154

*Utrum per sanctificationem fuerit beata Virgini fomes totaliter sublatus.*

III. dist. III. quæst. 1. art. 2. & ib. in expositione pr. par. 100. & opus. 11. cap. CCXXXI.

**A**D tertium sic proceditur. Videtur quod B. Virgo non fuerit emundata ab infectione fomitis. Sicut enim pœna originalis peccati est fomes, qui consistit in interiorum virium rebellionem ad rationem; ita etiam pœna originalis peccati est mors, & ceteræ pœnalitates corporales. Sed B. Virgo fuit subiecta huiusmodi pœnalitatibus. Ergo etiam fomes ab ea totaliter remotus non fuit.

2. Præterea. II. Cor. XII. 9. dicitur: *Virtus in infirmitate perficitur: & loquitur ibi de infirmitate somitis, secundum quam patiebatur stimulum carnis.* Sed nihil quod pertinet ad perfectionem virtutis, fuit B. Virgini subtrahendum. Ergo non fuit B. Virgini totaliter subtrahendus fomes.

3. Præterea. Damascenus dicit (Lib. III. orth. Fid. cap. 11.) quod in B. Virginem supervenit Spiritus sanctus, purgans eam ante conceptionem Filii Dei: quod non potest intelligi, nisi de purgatione a fomite: nam peccatum non secit, ut Augustinus dicit in Lib. de natura, & gratia (cap. XXXI. ante med.) Ergo per

sanctificationem in utero non fuit libere mundata a fomite.

Sed contra est quod dicitur Cant. XV. *Tota pulchra es, amica mea, & macula non est in te.* Fomes autem ad maculam pertinet, saltem carnis. Ergo in beata Virgine fomes non fuit.

Respondeo dicendum, quod circa hoc sunt diversæ opiniones. Quidam enim dixerunt, quod in ipsa sanctificatione B. Virginis, quæ fuit sanctificata in utero, totaliter fuit ei fomes subtrahendus. Quidam vero dicunt, quod remansit fomes quantum ad hoc quod facit difficultatem ad bonum; sublatus tamen fuit quantum ad hoc quod facit pronitatem ad malum. Alii vero dixerunt, quod sublatus fuit fomes, in quantum pertinet ad corruptionem personæ, prout impellit ad malum, & difficultatem facit ad bonum; remansit tamen, in quantum pertinet ad corruptionem naturæ, prout scilicet est causa traducendi originale peccatum in prolem. Alii vero dicunt, quod in prima sanctificatione remansit fomes secundum essentiam, sed ligatus; in ipsa autem conceptione Filii Dei fuit totaliter sublatus.

Ad horum autem intellectum oportet considerare, quod fomes nihil est aliud quam inordinata concupiscentia sensibilis appetitus; habitualis tamen, quia actualis concupiscentia est motus peccati. Dicitur autem concupiscentia sensualitatis esse inordinata, in quantum repugnat rationi; quod fit, in quantum inclinat ad malum, vel difficultatem facit in bono. Et ideo ad ipsam rationem fomitis pertinet quod inclinet ad malum, vel difficultatem faciat in bono. Unde ponere quod remanserit fomes in B. Virgine non inclinans ad malum, est ponere duo opposita simul. Similiter etiam videtur oppositionem implicare quod remanserit fomes, in quantum pertinet ad corruptionem naturæ, non autem in quantum pertinet ad corruptionem personæ. Nam secundum Augustinum in Lib. I. de nuptiis & concupiscentia (cap. XXIV.) libido est quæ peccatum originale transmittit in prolem. Libido autem importat inordinatam concupiscentiam, quæ non totaliter subditur rationi. Et ideo si totaliter fomes subtraheretur, in quantum pertinet ad corruptionem personæ, non posset remanere, in quantum pertinet ad corruptionem naturæ. Restat ergo ut dicamus, quod vel totaliter fomes fuerit ab ea sublatus per primam sanctificationem, vel quod remanserit ligatus. Posset enim in-

telligi, quod totaliter fuerit sublatuſ ſomes hoc modo quod præſtitum fuerit B. Virgini ex abundantia gratiæ deſcendentis in ipſam, ut talis eſſet diſpoſitio virium animæ in ipſa quod inferiores vires nunquam moverentur ſine arbitrio rationis, ſicut dictum eſt (quaest. xv. art. 2.) fuiſſe in Chriſto, quem conſtat peccati ſomitum non habuiſſe, & ſicut fuit in Adam ante peccatum per originale iuſtitiam; ita quod quantum ad hoc gratia ſanctificationis in Virgine habuit vim originalis iuſtitiae. Et quamvis hæc poſitio ad dignitatem Virginis matris pertinere videatur; derogat tamen in aliquo dignitati Chriſti, abſque cuius virtute nullus a prima damnatione liberatur. Et quamvis per fidem Chriſti aliqui ante Chriſti incarnationem ſint ſecundum ſpiritum ab illa damnatione liberati; tamen quod ſecundum carnem aliquis ab illa damnatione liberetur, non videtur fieri debuiſſe niſi poſt incarnationem eius, in qua primo debuit immunitas damnationis apparere. Et ideo ſicut ante immortalitatem carnis Chriſti reſurgens nullus adeptus fuit carnis immortalitatem; ita inconſuetum videtur dicere, quod ante Chriſti carnem, in qua nullum fuit peccatum, caro Virginis matris eius, vel cuiſcumque alterius fuerit abſque ſomite, qui dicitur lex carnis, ſive membrum.

Et ideo videtur melius dicendum, quod per ſanctificationem in utero non fuerit ſublatus B. Virgini ſomes ſecundum eſſentiam, ſed remanſerit ligatus: non quidam per actum rationis ſux, ſicut in viris ſanctis quia non habuit uſum liberi arbitrii adhuc in ventre matris exiſtens, hoc enim eſt ſpeciale privilegium Chriſti; ſed per abundantiam gratiæ, quam in ſanctificatione recepit, & etiam perfectius per divinam providentiam, ſenſualitatem eius ab omni inordinato motu prohibentem. Poſtmodum vero in ipſa conceptione carnis Chriſti, in qua primo debuit reſurgere peccati immunitas, credendum eſt quod ex prole redundaverit in matrem, totaliter ſomite ſubtraſto. Et hoc ſignatur Ezech. xlii. 2. ubi dicitur: *Ecce gloria Dei Iſrael ingrediebatur per viam orientalem, id eſt per beatam Virginem; & terra, id eſt caro ipſius, ſplendebat a maiestate eius, ſcilicet Chriſti.*

Ad primum ergo dicendum, quod mors, & huiusmodi poenalitatem de ſe non inclinant ad peccatum. Unde etiam Chri-

ſtus, licet aſſumpſerit huiusmodi poenalitatem, ſomitum tamen non aſſumpſit. Unde etiam in B. Virgine, ut Filio conformaretur, decuius plenitudine gratiam accipiebat, primo quidem fuit ligatus ſomes, & poſtea ſublatus; non autem liberata fuit a morte, & aliis huiusmodi poenalitatem.

Ad ſecundum dicendum, quod infirmitas carnis ad ſomitum pertinet, eſt quidem in ſanctis viris perfectæ virtutis occaſio, non tamen cauſa ſine qua perfectio haberi non poſſit. Sufficit autem in B. Virgine ponere perfectam virtutem ex abundantia gratiæ; nec oportet in ea ponere omnem occaſionem perfectionis.

Ad tertium dicendum, quod Spiritus ſanctus in B. Virgine duplicem purgationem fecit. Unam quidem quali præparatoriam ad Chriſti conceptionem; quæ non fuit ab aliqua impuritate culpæ, vel ſomitibus, ſed mentem eius magis in unum colligens, & a multitudine ſuſtollens. Nam & Angeli purgari dicuntur, in quibus nulla impuritas invenitur, ut Dionyſius dicit vi. cap. eccl. Hierarch. (variis fin.) Aliam vero purgationem operatus eſt in ea Spiritus ſanctus mediante conceptione Chriſti, quæ eſt Spiritus ſancti opus. Et ſecundum hoc poſſet dici, quod purgavit eam totaliter a ſomite.

#### ARTICULUS IV. 155

*Utrum per huiusmodi ſanctificationem fuerit conſecuta ut nunquam peccaret.*

III. diſt. III. quaest. 1. art. 2. quaest. 3. & diſt. XIII. quaest. 2. art. 2. quaest. 1. cor. & IV. diſt. VI. quaest. 1. art. 1. quaest. 2. cor. & opus. III. cap. CCXXIV. & opus. VII. cap. VI. prin. & opus. LX. cap. III.

**A**D quartum ſic proceditur. Videtur quod per ſanctificationem in utero non fuerit B. Virgo præſervata ab omni peccato actuali. Quia, ut dictum eſt (art. præc.) poſt primam ſanctificationem ſomes peccati remanſit in Virgine. Motus autem ſomitibus, etiamſi rationem præveniatur, eſt peccatum veniale, licet leviſſimum, ut Auguſtinus dicit in Lib. de Trinitate. Ergo in B. Virgine fuit aliquod peccatum veniale.

2. Præterea. Super illud Luc. II. *Tuam ipſius animam pertransibit gladius*, dicit Auguſtinus (alius Auctor in Lib. Qq. veteris, & novi Teſtamenti quaest. lxxii).

lxxiii. cir. med.) quod *B. Virgo in morte Domini seipore quodam dubitavit*. Sed dubitare de hīde peccatum est. Ergo B. Virgo non fuit præsērvata immunis ab omni peccato.

3. Præterea. Chrysostomus super Matth. xii. (hom. xlv. parum a princ.) exponens illud, *Ecce mater tua, & fratres tui foris stant, querentes te*, dicit: „Ma-  
„ nifestum est quod solum ex vana glo-  
„ ria hoc faciebant. “ Et Ioan. ii. super illud, *Vinum non habent*, dicit idem Chrysostomus (hom. xx. in Ioan. cir. med.) quod (a) „ volebat enim iam hominum  
„ gratiam conciliare, & se ipsam clario-  
„ rem facere per Filium: & fortassis  
„ quid humanum patiebatur, quemadmo-  
„ dum & fratres eius dicentes: *Manife-*  
„ *sta te ipsum mundo*. “ Et post pauca subdit: „ Nondum enim, quam oportet  
„ bat, de eo opinionem habebat: “ quod totum constat esse peccatum. Ergo B. Virgo non fuit præsērvata immunis ab omni peccato.

Sed contra est quod Augustinus dicit in Lib. de natura, & gratia (cap. xxxvi. ante med.) *De sancta Virgine Maria propter honorem Christi nullam prorsus, cum de peccatis agitur, habere volo questionem: inde enim scimus quod ei plus gratie collatum fuerit ad vincendum ex omni parte peccatum, quod concipere, ac parere meruit eum quem constat nullum habuisse peccatum*.

Respondere dicendum, quod illos quos Deus ad aliquid eligit, ita præsērvat, & disponit ut ad id ad quod eliguntur, inveniantur idonei, secundum illud II. ad Corinth. iii. 6. *Idoneos nos fecit ministerios novi Testamenti*. Beata autem Virgo fuit electa divinitus ut esset mater Dei. Et ideo non est dubitandum quin Deus per suam gratiam eam ad hoc idoneam reddidit, secundum quod Angelus ad eam dicit Lucæ 1. 30. *Invenisti gratiam apud Deum: ecce concipies &c.* Non autem fuisset idonea mater Dei, si peccasset aliquando: tum quia honor parentum redundat in prolem, secundum illud Proverb. xvii. 6. *Gloria filiorum patris eorum*: unde & per oppositum ignominia matris ad filium redundasset: tum etiam quia singularem affinitatem habuit ad Christum, qui ab ea carnem accepit. Dicitur autem II. ad Corinth. vi. 15. *Quæ conventio Christi ad Belial?* Tum

etiam quia singulari modo Dei Filius, qui est Dei sapientia, in ipsa habitavit, non solum in anima, sed etiam in utero. Dicitur autem Sap. 1. 4. *In malevolam animam non introibit sapientia, nec habitabit in corpore subdito peccatis*. Et ideo simpliciter fatendum est, quod beata Virgo nullum actuale peccatum commisit nec mortale, nec veniale: ut sic in ea impleatur quod dicitur Cant. iv. 7. *Tota pulchra es, amica mea, & macula non est in te*.

Ad primum ergo dicendum, quod in B. Virgine post sanctificationem in utero remansit quidem iomes peccati, sed ligatus, ne scilicet prorumperet in aliquem motum inordinatum, qui rationem præveniret: & licet ad hoc operaretur gratia sanctificationis, non tamen ad hoc sufficiebat: aliquo virtute illius gratiæ hoc ei fuisset præstitum ut nullus motus posset esse in sensualitate eius, nisi ratione præventus; & sic somitem non habuisset; quod est contra supra dicta (art. præc.) Unde oportet dicere, quod complementum illius ligationis fuit ex divina providentia, quæ non permittebat aliquem motum inordinatum ex fomite provenire.

Ad secundum dicendum, quod illud verbum Simeonis Origenes (hom. xvii. in Luc. 2 med.) & quidam alii Doctores exponunt de dolore quem passa est in Christi passione. Ambrosius autem (in hunc loc.) per gladium dicit significari prudentiam Mariæ, non ignaram mysterii celestis. *Verum est enim verbum Dei, & validum, & acutius omni gladio acutissimo*. Quidam vero per gladium dubitationem intelligunt: quæ tamen non est intelligenda dubitatio infidelitatis, sed admirationis, & discussionis. Dicit enim Basilii in epist. ad Optimum (ccccvii. in fi.) quod *B. Virgo assitens cruci, & aspiciens singula, post testimonium Gabrielis, post ineffabilem divine conceptionis naturam, post ingentem miraculorum ostensionem, animo fluctuabat, ex una scilicet parte videns eum pati abiecta, & ex alia parte considerans eius mirifica*.

Ad tertium dicendum, quod in verbis illis Chrysostomus excessit; possunt tamen exponi, ut intelligatur in ea Dominum cohibuisse non inordinatum inanis gloriæ motum quantum ad ipsam, sed id quod ab aliis posset æstimari.

A R-

(a) Ita cum Theologis Nicolai. Cid. Alcan. volebat illius imponere gratiam, & semetipsum clariorem facere &c. Edit. Romana Alique videret volebat illi imponere gratiam, & seipsum &c. Edit. Parag. volebat ut iam bonum gratiam conciliaret &c.

## ARTICULUS V. 156

*Virgo beata Virgo per huiusmodi sanctificationem adeptam fuerit plenitudinem omnium gratiarum.*

III. dist. 311. quæst. 1. art. 2. quæst. 3. c. & dist. XIII. quæst. 1. art. 2. quæst. 3. c. & opus. VIII. & opus. IX. cap. 111. & Ioan. XVI. com. 3. & Rom. VIII. lect. 5.

**A**D quintum sic proceditur. Videtur quod beata Virgo per sanctificationem in utero non obtinuerit gratiæ plenitudinem, siue perfectionem. Hoc enim videtur pertinere ad privilegium Christi, secundum illud Ioan. 1. 14. *Vidimus eum quasi unigenitum a Patre, plenum gratiæ, & veritatis.* Sed ea quæ sunt propria Christi, non sunt alteri attribuenda. Ergo beata Virgo plenitudinem gratiarum non accepit in sanctificatione.

2. Præterea. Ei quod est plenum, & perfectum, non restat aliquid addendum, quia *perfectum est cui nihil deest*, ut dicitur in III. Physic. (tex. 63. & 64.) Sed beata Virgo postmodum additionem gratiæ suscepit, & quando Christum concepit (dictum est enim Luc. 1. 35. *Spiritus sanctus superveniet in te*) & iterum quando in gloriam est assumpta. Ergo videtur quod non habuerit in sua prima sanctificatione plenitudinem gratiarum.

3. Præterea. Deus non facit aliquid frustra, ut dicitur in I. de celo (tex. 32. & Lib. II. tex. 59.) Frustra autem habuisset quasdam gratias, cum earum usum numquam exerceverit: non enim legitur aut docuisse, quod est actus sapientiæ; aut miracula fecisse, quod est actus gratiæ gratis datæ. Non igitur habuit plenitudinem gratiarum.

Sed contra est quod Angelus ad eam dixit Luc. 1. 28. *Ave gratia plena.* Quod exponens Hieronymus in serm. de Assumptione (seu epist. ad Paul. & Euseb. inter op. relict. inter princ. & med.) dicit: „Bene gratia plena, quia ceteris per partes præstatur, Mariæ vero se totam simul infudit gratiæ plenitudo.“

Respondendo dicendum, quod quanto aliquid magis appropinquat principio in quolibet genere, tanto magis participat effectum illius principii. Unde Dionysius dicit IV. cap. cæl. Hierar. (ante med.)

quod Angeli, qui sunt Deo propinquiores, magis participant de bonitatibus divinis, quam homines. Christus autem est principium gratiæ, secundum Divinitatem quidem autoritative, secundum humanitatem vero instrumentaliter. Unde & Ioan. 1. 17. dicitur: *Gratia, & veritas per Iesum Christum facta est.* Beata autem Virgo Maria propinquissima Christo fuit secundum humanitatem, quia ex ea accepit humanam naturam. Et ideo præ ceteris maiorem debuit a Christo gratiæ plenitudinem obtinere.

Ad primum ergo dicendum, quod unicuique a Deo datur gratia, secundum hoc ad quod eligitur. Et quia Christus, in quantum est homo, ad hoc fuit prædestinatus, & electus ut esset Filius Dei in virtute sanctificandi, hoc fuit sibi proprium ut haberet talem plenitudinem gratiæ quod redundaret in omnes, secundum quod dicitur Ioan. 1. 16. *De plenitudine eius nos omnes accepimus.* Sed beata Virgo Maria tantam gratiæ obtinuit plenitudinem, ut esset propinquissima auctori gratiæ; ita quod eum qui est plenus omni gratia, in se reciperet, & eum pariendo, quodammodo gratiam ad omnes derivaret.

Ad secundum dicendum, quod in rebus naturalibus primo quidem est perfectio dispositionis, puta cum materia est perfecte ad formam disposita. Secundo autem est perfectio formæ, quæ est posterior: nam & ipse calor est perfectior qui provenit ex forma ignis, quam ille qui ad formam ignis disponebat. Tercio autem est perfectio finis; sicut ignis perfectissime habet proprias qualitates, cum ad locum suum pervenerit. Et similiter in beata Virgine fuit triplex perfectio gratiæ. Prima quidem quali dispositiva, per quam reddebatur idonea ad hoc quod esset mater Christi: & hæc fuit perfectio sanctificationis. Secunda autem perfectio gratiæ fuit in beata Virgine ex præsentia Filii Dei in eius utero incarnati. Tercia autem est perfectio finis, quam habet in gloria.

Quod autem secunda perfectio sit posterior quam prima, & tertia quam secunda, patet quidem uno modo per liberationem a malo. Nam primo in sua sanctificatione fuit liberata a culpa originali; secundo in conceptione Filii Dei fuit totaliter a fomite mundata; tertio vero in sui glorificatione fuit liberata etiam ab omni miseria. Alio modo, per ordinem ad bonum: nam primo in sua sancti-

Ad hanc

ificatioe adepta est gratiam inclinarem eam ad bonum; in conceptione autem Filii Dei consummata est eius gratia confirmans eam in bono; in sui vero glorificatione consummata est eius gratia periciens eam in fruitione omnis boni.

Ad tertium dicendum, quod non est dubitandum quin B. Virgo acceperit excellenter donum sapientiae, & gratiam virtutum, & etiam gratiam prophetiae; non tamen accepit ut haberet omnes usus harum, & similium gratiarum, sicut habuit Christus, sed secundum quod conveniebat conditioni ipsius. Sapientiae enim usum habuit in contemplando, secundum illud Luc. 11. 19. *Maria autem conservabat omnia verba haec, conferens in corde suo*; non autem habuit usum sapientiae quantum ad docendum, quia hoc non conveniebat sexui muliebri, secundum illud 1. ad Timoth. 11. 12. *Docere autem mulieri non permitto*. Miraculorum autem usus sibi non competebar, dum viveret: quia tunc temporis confirmanda erat doctrina Christi miraculis. Et ideo soli Christo, & eius discipulis, qui erant baiuli doctrinae Christi, conveniebat miracula facere. Propter quod etiam de Ioanne Baptista dicitur Ioan. x. quod *signum fecit nullum*, ut scilicet omnes Christo intenderent. Usum autem prophetiae habuit, ut patet in Cantico quod fecit: *Magnificat anima mea Dominum &c.* (Lucæ 1. 47.)

# ARTICULUS. VI. 157

*Utrum sic sanctificari fuerit proprium beatae Virgini.*

III. dist. 111. quæst. 1. art. 2. quæst. 1. ad 4. & quæst. v. art. 1. corp. fi. & opus. 11. cap. ccxxiv. & Psal. xlv. con. 5.

**A**D sextum sic proceditur. Videtur quod sanctificari in utero post Christum proprium fuerit B. Virgini. Dictum est enim (art. 3. & 4. hu. quæst.) quod propter hoc B. Virgo fuit sanctificata in utero ut redderetur idonea ad hoc ut esset mater Dei. Sed hoc est proprium sibi. Ergo sola ipsa fuit sanctificata in utero.

2. Præterea. Aliqui videntur propinquius accessisse ad Christum quam Hieremias, & Ioannes Baptista, qui dicuntur sanctificati in utero. Nam Christus

specialiter dicitur filius David, & Abraham propter promissionem eis specialiter factam de Christo: Iaias etiam expressissime de eo prophetavit: Apostoli etiam cum ipso Christo conversati sunt: nec tamen leguntur sanctificati in utero. Ergo neque etiam Hieremias, & Ioanni Baptiste convenit sanctificari in utero.

3. Præterea. Iob de se dicit Iob xxxi. 18. *Ab infantia crevit mecum miseria, & de utero egressa est mecum*: nec tamen propter hoc dicitur eum sanctificatum in utero. Ergo neque etiam Ioannem Baptistam, & Hieremiam cogitur dicere sanctificatos in utero.

Sed contra est quod dicitur de Hieremia Hierem. 1. 5. *Antequam exires de ventre, sanctificavi te*: & de Ioanne Baptista dicitur Luc. 1. 15. *Spiritu sancto replebitur adhuc ex utero matris sue*.

Respondendo dicendum, quod Augustinus in epist. ad Dardanum (cclxxxvii. al. lvi. a med.) dubie videtur loqui de horum sanctificatione in utero. *Potuit enim exultatio Ioannis in utero, ut ipse dicit, esse significatio rei tante, scilicet quod mulier esset mater Dei, a maioribus cognoscenda, non a parvulo cognita. Unde in Evangelio non dicitur. Credidit infans in utero, sed, Exultavit. Videmus autem, exultationem non solum parvulorum, sed etiam pecorum esse. Sed hæc iniuriata extitit, quia in utero. Et ideo sicut solent miracula fieri, facta est divinitus in infante, non humanitus ab infante. Quamquam etiam si usque adeo est in illo puero acceleratus usus rationis, & voluntatis, ut intra viscera matris iam posset cognoscere, credere, consentire (ad quod in aliis parvulis ætas expectatur ut possint) & hoc in miraculis habendum puto divine potentie.*

Sed quia expresse in Evangelio (Lucæ 1. 15.) dicitur, quod *Spiritu sancto replebitur adhuc ex utero matris sue*, & de Hieremia expresse dicitur: *Antequam exires de vulva, sanctificavi te*: asserendum videtur, eos sanctificatos in utero; quavis in utero usum liberi arbitrii non habuerint: de quo Augustinus (loc. cit.) quæstionem movet: sicut etiam pueri, qui sanctificantur per baptismum, non statim habent usum liberi arbitrii. Nec est credendum, aliquos alios sanctificatos esse in utero de quibus Scriptura mentionem non facit, quia huiusmodi privilegia gratiæ, quæ dantur aliquibus præter legem communem, ordinantur ad utilitatem aliorum, secundum illud 1. ad

Corinth. xii. 7. *Unicuique datur manifestatio spiritus ad utilitatem* : quæ nulla proveniret ex sanctificatione aliquorum in utero , nisi Ecclesiæ innotesceret . Et quamvis iudiciorum Dei non possit ratio assignari , quare scilicet huic , & non alii hoc munus gratiæ conferat ; conveniens tamen videtur fuisse utrumque doctorum sanctificari in utero ad præstigiandam sanctificationem per Christum faciendam : primo quidem per eius passionem , secundum illud Heb. ult. 12. *Iesus ut sanctificaret per suum sanguinem populum , extra portam passus est* : quam quidem passionem Hieremias & verbis , & mysteriis apertissime prænuñciavit , & suis passionibus expressissime præfiguravit : secundo per baptismum , secundum illud I. ad Corinth. vi. 11. *Sed abluti estis , sed sanctificati estis* : ad quem quidem baptismum Ioannes suo baptismo homines præparavit .

Ad primum ergo dicendum , quod B. Virgo , quæ fuit a Deo electa in matrem , ampliorem sanctificationis gratiam obtinuit quam Ioannes Baptista , & Hieremias , qui sunt electi ut speciales præfiguratores sanctificationis Christi . Cuius signum est quod B. Virgini præstitum est ut de cetero non peccaret nec mortaliter , nec venialiter ; aliis autem sanctificationis creditur præstitum esse ut de cetero mortaliter non peccarent , divina eos gratia protegente .

Ad secundum dicendum , quod quantum ad alia potuerunt sancti esse Christo coniunctiores quam Hieremias , & Ioannes Baptista ; qui tamen fuerunt ei coniunctissimi quantum ad expressam figuram sanctificationis ipsius , ut dictum est ( in corp. art. )

Ad tertium dicendum , quod miseria de qua ibi Job loquitur , non significat virtutem infusam , sed quamdam inclinationem naturalem ad actum huius virtutis .

## QUAESTIO XXVIII.

*De virginitate B. Mariæ ,  
in quatuor articulos divisa .*

**D**Einde considerandum est de virginitate matris Dei : & circa hoc quaruntur quatuor .

Primo , utrum fuerit virgo in concipiendo .

Secundo , utrum fueris virgo in partu .

Tertio , utrum permanferit virgo post partum .

Quarto , utrum votum virginitatis emisserit .

## ARTICULUS I. 158

*Utrum B. Maria fueris virgo in concipiendo .*

*IV. cont. cap. xlv. & opusc. 11. cap. ccxxv.  
& opusc. ix. cap. iv.*

**A**D primum sic proceditur . Videtur quod mater Dei non fuerit virgo in concipiendo Christum . Nulla enim proles quæ habet patrem , & matrem , ex virgine matre concipitur . Sed Christus non solum dicitur habere matrem , sed etiam patrem : dicitur enim Luc. 11. 33. *Erant pater eius , & mater mirantes super his quæ dicebantur de illo* : & infra 48. eadem mater dicit : *Ecce pater tuus , & ego dolentes querebamus te* . Ergo Christus non est conceptus ex virgine matre .

2. Præterea . Matth. x. probatur quod Christus fuerit filius Abraham , & David , per hoc quod Ioseph ex David descendit : quæ quidem probatio nulla esset , si Ioseph pater Christi non fuisset . Ergo videtur quod mater Christi eum ex semine Ioseph conceperit : & ita non videtur fuisse virgo in concipiendo .

3. Præterea . Galat. iv. 4. dicitur : *Misit Deus filium suum factum ex muliere* . Mulier autem consueto modo loquendi dicitur quæ est viro cognita . Ergo Christus non fuit conceptus ex virgine matre .

4. Præterea . Eorum quæ sunt eiusdem speciei , est idem modus generationis : quia generatio recipit speciem a termino , sicut & ceteri motus . Sed Christus fuit eiusdem speciei cum aliis hominibus , secundum illud Philip. 11. 7. *In similitudinem hominum factus , & habitus inventus ut homo* . Cum ergo alii homines generentur ex commixtione maris , & feminae , videtur quod etiam Christus simili modo fuerit generatus : & ita non videtur fuisse conceptus ex virgine matre .

5. Præterea . Quælibet forma naturalis habet materiam sibi determinatam , extra quam esse non potest . Materia autem formæ humanæ videtur esse semen maris , & feminae . Si ergo corpus Christi non fuerit conceptum ex semine maris ,

ris, & semine, non vere fuit corpus humanum: quod est inconveniens. Videtur igitur non fuisse conceptus ex virgine matre.

Sed contra est quod dicitur Isaia: **II.** *Ecce virgo concipiet.*

Respondetur dicendum, quod simpliciter confitendum est, matrem Christi virginem concepsisse. Contrarium enim pertinet ad hæresim Ebionitarum, & Cerinthi, qui Christum purum hominum arbitrabantur, & de utroque sexu eum natum putaverunt.

Quod enim Christus sit conceptus ex virgine, conveniens est propter quatuor. Primo propter mittentis Patris dignitatem conservandam. Cum enim Christus sit verus, & naturalis Dei Filius, non fuit conveniens quod alium patrem haberet quam Deum, ne dignitas Dei Patris transferretur ad alium. Secundo hoc fuit conveniens proprietati ipsius Filii qui mittitur, qui quidem est Verbum Dei. Verbum autem absque omni corruptione cordis concipitur; quinimmo cordis corruptio perfecti verbi conceptionem non patitur. Quia ergo caro sic fuit a Verbo Dei assumpta, ut esset caro Verbi Dei, conveniens fuit quod etiam ipsa sine corruptione matris conciperetur. Tercio hoc fuit conveniens dignitati humanitatis Christi, in qua locum peccati habere non debuit, per quam peccatum mundi tolleretur, secundum illud Ioan. **1. 29.** *Ecce agnus Dei, scilicet innocens, qui tollis peccatum mundi.* Non poterat autem esse quod in natura iam corrupta ex concubitu caro nasceretur sine infectione originalis peccati. Unde Augustinus dicit in Lib. **I.** de nuptiis, & concupiscentia (cap. **xii.** in princ.) *Solus nuptialis concubitus ibi non fuit, scilicet in matrimonio Mariæ, & Ioseph: quia in carne peccati fieri non poterat sine ipsa carnis pendenda concupiscentia, que accidit ex peccato, sine qua concipi voluit, qui futurus erat sine peccato.* Quarto propter ipsum finem incarnationis Christi, quæ ad hoc fuit ut homines renascerentur in filios Dei, non ex voluntate carnis, neque ex voluntate viri, sed ex Deo, id est ex ipsa Dei virtute: cuius rei exemplar apparere debuit in ipsa conceptione Christi. Unde Augustinus dicit in Libro de sancta virginitate (cap. **vi.** ante med.) *Oportebat casus nostrum insigni miraculo secundum carnem nasci de virgine, quo significaret membra sua de virgine Ecclesia secundum spiritum nascitura.*

Ad primum ergo dicendum, quod, sicut Beda dicit super Lucam (Lib. **I.** cap. **vii.** inter med. & fin.) *pater Salvatoris appellatur Ioseph, non quod vere iuxta Pbotinianos pater fuerit ei, sed quod ad samam Mariam conservandam pater sit ab omnibus æstimatus.* Unde & Luc. **iii. 23.** dicitur: *Ut putabatur filius Ioseph.* Vel, sicut Augustinus dicit in Lib. **II.** de consensu Evangelistarum (cap. **1.**) *eo modo pater Christi dicitur Ioseph, quo & vir Mariæ intelligitur sine commixtione carnis; ipsa copulatione coniugii, multo videlicet coniunctius quam si esset aliunde adoptatus.* Neque enim propterea non erat appellandus Ioseph pater Christi, quia non eum genuerat concumbendo: quandoquidem pater esset etiam ei quem non ex sua coniuge procreavit aliunde adoptasset.

Ad secundum dicendum, quod, sicut Hieronymus dicit super Matth. (cap. **1.** sup. illud, *Christi generatio sic erat*) cum Ioseph non sit pater Domini Salvatoris, ordo generationis eius usque ad Ioseph deducitur. Primo quidem quia non est consuetudinis Scripturarum ut mulierum in generationibus ordo texatur. Deinde ex una tribu fuit Ioseph, & Maria: unde & ex lege cum accipere cogeretur ut propinquam. Et, ut Augustinus dicit in Lib. **I.** de nuptiis, & concupiscentia (cap. **xi.** ad fin.) *fuit generationum series usque ad Ioseph perducenda, ne illo coniugio virilis sexui utique potiori fieret iniuria, cum veritati nihil deperiret, quia ex semine David & Ioseph erat, & Maria.*

Ad tertium dicendum, quod, sicut Glossa (ord. August. Lib. **XXIII.** cont. Faust. cap. **vii.**) dicit ibidem, *mulierem pro semina posuit, more locutionis Hebræorum: usus enim Hebrææ locutionis mulieres dicit non virginitate corruptas, sed feminas.*

Ad quartum dicendum, quod ratio illa habet locum in his quæ procedunt in esse per viam naturæ, eo quod natura sicut est determinata ad unum effectum, ita etiam est determinata ad unum modum producendi illum; sed virtus supernaturalis divina, cum sit infinita, sicut non est determinata ad unum effectum, ita non est determinata ad modum producendi quemcumque effectum. Et ideo sicut virtute divina fieri potuit ut primus homo de limbo terræ formaretur, ita etiam fieri potuit ut divina virtute corpus Christi formaretur de virgine absque virili semine.



Ad quintum dicendum, quod secundum Philosophum in Lib. I. de gener. animal. ( cap. ix. xix. & xx. vers. fin. ) Semen maris non est sicut materia in conceptione animalis, sed solum sicut agens; sola autem femina materiam subministrat conceptui. Unde per hoc quod semen maris desuit in conceptione corporis Christi, non sequitur quod desuerit ei debita materia. Si tamen semen maris esset materia fetus concepti in animalibus, manifestum est quod non est materia permanens in eadem forma, sed materia transmutata. Et quamvis virtus naturalis non possit transmutare ad certam formam nisi determinatam materiam; virtus tamen divina, quæ est infinita, potest transmutare omnem materiam in quaecumque formam. Unde sicut transmutavit limbum terræ in corpus Adæ; ita in corpus Christi transmutare potuit materiam a matre ministratam, etiamsi non esset sufficiens materia ad naturalem conceptum.

## ARTICULUS II. 159

*Utrum mater Dei fuerit virgo in partu.*

*Opusc. 11. cap. ccxxv.*

**A**D secundum sic proceditur. Videtur quod mater Christi non fuerit virgo in partu. Dicit enim Ambrosius super Luc. ( cap. i. sup. illud, *Omne masculinum* ) : *Qui vulvam sanctificavit alienam, ut nasceretur Propheta, hic est qui aperuit matris suæ vulvam, ut immaculatus exiret.* Sed apertio vulvæ virginis excludit. Ergo mater Christi non fuit virgo in partu.

2. Præterea. Nihil in mysterio Christi esse debuit per quod corpus eius phantasticum appareret. Sed hoc non videtur vero corpori, sed phantastico convenire, ut possit per clausula transire, eo quod duo corpora simul esse non possunt. Non igitur debuit ex matris utero clauso corpus Christi prodire. Et ita non deuit quod esset virgo in partu.

3. Præterea. Sicut Gregorius dicit in homil. octavarum Paschæ ( xxvi. in Evangelio, a princ. ) per hoc quod ianuis clausis ad discipulos post resurrectionem intravit Dominus, *offendit corpus suum esse eiusdem naturæ, & alterius gloriæ*; & sic per clausula transire videtur ad gloriam corporis pertinere. Sed corpus Christi in

sua conceptione non fuit gloriosum, sed passibile, habens similitudinem carnis peccati, ut Apostolus dicit ad Rom. vii. Non ergo exivit per Virginis uterum clausum.

Sed contra est quod in quodam sermone Ephesini Concilii ( qui est Theodori Ancyr. in princ. & hab. in eo Con. part. iii. cap. ix. ) dicitur: *Natura post partum nescit ulterius virginem; gratia vero & patientem offendit, & matrem fecit, & virginitati non nocuit. Fuit ergo mater Christi virgo in partu.*

Respondeo dicendum, quod absque omni dubio asserendum est, quod matrem Christi etiam in partu virginem fuisse: nam Propheta non solum dicit, *Eccce virgo concipiet*; sed etiam addit, *Et pariet filium.* ( Isaïæ vii. 14. )

Et hoc quidem conveniens fuit propter tria. Primo quidem quia hoc competit proprietati eius qui nascebatur, qui est Verbum Dei. Nam verbum non solum in corde absque corruptione concipitur, sed etiam absque corruptione ex corde procedit. Unde ut ostenderetur quod illud esset corpus ipsius Verbi Dei, conveniens fuit ut de incorrupto virginis utero nasceretur. Unde in sermone quodam Ephesini Concilii ( loc. cit. ) legitur: *Que parit carnem puram, a virginitate cessat. Sed quia natum est in carne Verbum Dei, custodit virginitatem, seipsum per hoc ostendens Verbum. Neque enim nostrum verbum, cum paritur, corrumpit mentem: neque Deus Verbum substantiale, partum eligens, perimit virginitatem.* Secundum hoc est conveniens quantum ad effectum incarnationis Christi. Nam ad hoc venit ut nostram corruptionem tolleret: unde non fuit conveniens ut virginitatem matris nascendo corrumpere. Unde Augustinus ( vel alius Auctor ) dicit in quodam serm. de nativitate Domini: *Fas non erat ut per eius adventum violaretur integritas, qui venerat sanare corrupta.* Tercio fuit conveniens ne matris honorem nascendo diminueret qui parentes præcepit honorandos.

Ad primum ergo dicendum, quod Ambrosius dicit hoc, exponens illud quod Evangelista ( Luc. ii. ) de lege induxit, *Omne masculinum adaperiens vulvam sanctum Domino vocabitur*. Quod quidem, " ut Beda dicit ( cap. viii. in Luc. ) ", conluctæ nativitatæ more loquitur, non quod Dominus sacri ventris hospitium, quod ingressus sancti-

„caverat, egressus devirginasse creden-  
dus sit.“ Unde illa adaptio non si-  
gnificat refectionem communem claustrii  
pudoris virginiei, sed solum exitum pro-  
lis de utero matris.

Ad secundum dicendum, quod ita  
Christus voluit veritatem sui corporis  
demonstrare quod etiam eius Divinitas  
declararetur: & ideo permiscuit mira hu-  
milibus. Unde ut corpus eius verum o-  
stenderetur, nascitur ex femina; sed ut  
ostenderetur eius Divinitas, nascitur ex  
virgine. *Talis enim partus docet Deum*,  
ut Ambrosius dicit in hymno Nativita-  
tis.

Ad tertium dicendum, quod quidam  
dixerunt, Christum in sua nativitate do-  
rem subtilitatis assumpsisse, sicut quan-  
do ambulavit siccis pedibus super mare,  
dicitur eum assumpsisse dotem agilitatis.  
Sed hoc non convenit his quæ supra de-  
terminata sunt (quaest. xiv.) Huiusmodi  
enim dotes corporis gloriosi proveniunt  
ex redundantia gloriæ animæ ad corpus,  
ut infra dicitur, cum tractabitur de  
corporibus gloriosis. (in supplem. quaest.  
xv.) Dictum est autem supra (quaest.  
xiv. art. 1. ad 1.) quod Christus antepas-  
sionem permittebat carni suæ agere, &  
pati quæ propria; nec fiebat talis redun-  
dantia gloriæ ab anima ad corpus. Et  
ideo dicendum est, quod omnia ista fa-  
cta sunt miraculose per virtutem divi-  
nam. Unde Augustinus dicit super Ioan-  
(tract. cxxi. inter med. & fin.) *Moli*  
*corporis, ubi Divinitas erat, ostia clau-*  
*sa non obstitit: ille quippe non eis a-*  
*peritis intrare potuit, quo nascente vir-*  
*ginitas matris inviolata permansit.* Et Dio-  
nylius dicit in quadam epist. (111. ad  
Caium cir. med.) quod *Christus super ho-*  
*minem operabatur ea quæ sunt homi-*  
*nis: & hoc monstrat virgo supernatura-*  
*liter concipiens, & aqua instabilis ter-*  
*rorum pedum sustinens gravitatem.*

### ARTICULUS III. 160

*Utrum mater Dei permanserit virgo  
post partum.*

*Opusc. 11. cap. cccxy.*

**A**D tertium sic proceditur. Videtur  
quod mater Christi non permanse-  
rit virgo post partum. Dicitur enim Mat-  
th. 1. 18. *Antequam convenirent Ioseph*  
*& Maria, inventa est in utero habens de*  
*Spiritu sancto.* Non autem Evangelista

diceret, *antequam convenirent*, nisi de  
conventuris: quia nemo dicit de non  
præluo, antequam pranderet. Ergo vi-  
detur quod beata Virgo quandoque con-  
venerit carnali copula cum Ioseph;  
& ita non permanferit virgo post par-  
tum.

2. Præterea. Ibidem subditur ex ver-  
bis Angeli loquentis ad Ioseph: *Noli ti-*  
*mere accipere Mariam coniugem tuam.*  
Coniugium autem consummatur per car-  
nalem copulam. Ergo videtur quod quan-  
doque carnalis copula interveniret inter  
Mariam & Ioseph; & ita videtur quod  
non permanferit virgo post partum.

3. Præterea. Ibidem subditur pauca subdi-  
tur: *Et accepit coniugem suam, & non*  
*cognoscebat eam, donec peperit filium suum*  
*primogenitum.* Hoc autem adverbium  
*donec* consuevit determinatum tempus si-  
gnare, quo impleto fiat id quod usque  
ad illud tempus non fiebat: verbum au-  
tem cognoscendi ibi ad coitum refertur,  
sicut & Genes. iv. 1. dicitur, quod *Ada-*  
*m cognovit uxorem suam.* Ergo vide-  
tur quod post partum beata Virgo fuerit  
carnaliter a Ioseph cognita. Ergo vide-  
tur quod non permanferit virgo post  
partum.

4. Præterea. Primogenitus non potest  
dici nisi qui habeat fratres sublequentes:  
unde & Rom. viii. 29. dicitur; *Quos*  
*præcivit, & prædestinavit conformes fieri*  
*imaginis Filii sui, ut sit ipse primogenitus*  
*in multis fratribus.* Sed Evangelista no-  
minat Christum primogenitum matris &  
ius. Ergo habuit alios filios post Chri-  
stum; & ita videtur quod mater Christi  
non manserit virgo post partum.

5. Præterea. Ioan. 11. 12. dicitur: *Post*  
*hec descendit Capharnaum ipse, scilicet*  
*Christus, & mater eius, & fratres eius.*  
Sed fratres dicuntur qui ex eodem pa-  
rente geniti sunt. Ergo videtur quod  
beata Virgo habuerit alios filios post Chri-  
stum.

6. Præterea. Matth. xxvii. 55. dici-  
tur: *Erant ibi, scilicet iuxta crucem*  
*Christi, mulieres multe a longe, quæ se-*  
*cute erant Iesum a Galilea, ministrantes*  
*ei: inter quas erat Maria Magdalene, &*  
*Maria Iacobi, & Ioseph mater, & mater*  
*fiorum Zebedæi.* Videtur autem hæc  
Maria quæ hic dicitur Iacobi, & Ioseph  
mater, esse etiam mater Christi: dicitur  
enim Ioan. xix. 25. quod *stabat iuxta cru-*  
*cem Iesu Maria mater eius.* Ergo vide-  
tur quod mater Christi non permanferit  
virgo post partum.

Sed

Sed contra est quod dicitur Ezech. xlv. 2. *Porta haec clausa erit, & non aperietur, & vir non transibit per eam: quoniam Dominus Deus Israel ingressus est per eam*: quod exponens Augustinus (alius Auctor) in quodam sermone dicit: *Quid est porta in domo Domini clausa, nisi quod Maria semper erit intacta? Et quid est, Homo non transibit per eam, nisi quod Ioseph non cognosceret eam? Et quid est, Dominus solus intrat, & egreditur per eam, nisi quod Spiritus sanctus imprægnabit eam, & Angelorum Dominus nascetur per eam? Et quid est, Clausa erit in æternum, nisi quod Maria virgo est ante partum, & virgo in partu, & virgo post partum?*

Respondeo dicendum, quod absque omni dubio detestandum est error Helvidii, qui dicere præsumpsit, matrem Christi post partum a Ioseph esse carnaliter cognitam, & alios filios genuisse. Hoc enim primo derogat Christi perfectioni: qui sicut secundum divinam naturam unigenitus est Patris, tamquam perfectus per omnia filius eius; ita decuit ut esset unigenitus matris, tamquam perfectissimum germen eius. Secundo hic error iniuriam facit Spiritui sancto, cuius sacrarium fuit uterus virginalis, in quo carnem Christi formavit. Unde non decebat quod de cetero violaretur per commixtionem virilem. Tercio derogat dignitati, & sanctitati matris Dei, quæ ingratissima videretur, si tanto Filio contenta non esset, & si virginitatem, quæ in ea miraculose conservata fuerat, sponte perdere vellet per carnis concubitus. Quarto etiam ipsi Ioseph esset ad maximam præsumptionem imputandum, si eam quam revelante Angelo de Spiritu sancto Deum concessisse cognoverat, polluere attentaret. Et ideo simpliciter est asserendum, quod mater Dei sicut virgo concepit, & virgo peperit, ita etiam & virgo post partum in sempiternum permanens.

Ad primum ergo dicendum, quod, sicut Hieronymus dicit in Lib. contra Helvidium (cap. x. ad fin.) *intelligendum est, quod hæc præpositio ante licet sæpe consequentia indicet, tamen nonnumquam ea tantum quæ prius cogitabantur, ostendit. Nec necesse est ut cogitata fiant: cum ideo aliud intervenerit ne ea quæ cogitata sunt, fierent: sicut si aliquis dicat, Antequam in portu pranderem, na-*

*vigavi, non intelligitur quod in portu prandeat, postquam navigaveris, sed quia cogitabatur in portu pransurus. Et similiter Evangelista dicit, Antequam converirent, inventa est in utero habens de Spiritu sancto, non quia postea convenirent, sed quia dum viderentur conveniuri, prævenit conceptio per Spiritum sanctum; ex quo factum est ut ulterius non convenirent.*

Ad secundum dicendum, quod, sicut Augustinus dicit in Lib. 1. de nuptiis & concupisc. (cap. xi. a princ.) *coniuix Ioseph vocabatur mater Dei ex prima dispositionis fide, quam per concubitus non cognoverat, nec fuerat cogniturus. Ut enim Ambrosius dicit super Lucam (cap. x. super illud, Et nomen Virginis Maria,) non virginis creptio, sed coniugii significatio, nuptiarum celebratio declaratur.*

Ad tertium dicendum, quod quidam dixerunt, hoc non esse intelligendum de cognitione coitus, sed de cognitione notitiæ. Dicit enim Chrysostomus (alius Auctor hom. x. in opusc. imperf. ad fin.) *quod non cognovit eam Ioseph, antequam pareret, cuius fuerit dignitatis; sed postquam peperit, tunc cognovit eam: quia per ipsius prolem (a) spatiofior, & dignior facta fuerat quam totus mundus: quia quem totus mundus capere non poterat, in angusto cubiculo uteri sui sola suscepit. Quidam vero hoc referunt ad notitiam visus. Sicut enim Moysi cum Deo colloquens glorificata est facies, ut non possent intendere in eum filii Israel; sic Maria claritate virtutis Altissimi obumbrata cognosci non poterat a Ioseph, donec pareret; post partum autem a Ioseph agnita invenitur specie faciei, non tactu libidinis. Hieronymus autem (Lib. adversi. Helvid. cap. 111. partum a princ.) concedit, hoc esse intelligendum de cognitione coitus; sed dicit, quod usque, vel donec in Scripturis dupliciter potest intelligi. Quandoque enim designat certum tempus, secundum illud Galat. 111. 19. *Propter transgressionem lex posita est, donec veniret semen cui promiserat.* Quandoque vero signat infinitum tempus, secundum illud Psal. cxxii. 2. *Oculi nostri ad Dominum Deum nostrum, donec misereatur nostri: ex quo non est intelligendum quod post inpenetratam misericordiam oculi avertantur a Deo.* Et secundum hunc modum*

(a) Ita cum quibusdam mss. veteres editi. Cod. Allen. specialior, Edit. Parav. cum Nicolai's specialior.

diu loquendi significantur ea de quibus posset dubitari, si scripta non fuissent; cetera vero nostrae intelligentiae derelinquuntur. Et secundum hoc Evangelizata dicit, matrem Dei non esse cognitam a viro usque ad partum, ut multo magis intelligamus cognitam non fuisse post partum.

Ad quartum dicendum, quod mos divinarum Scripturarum est ut primogenitum vocent non solum eum quem fratres sequuntur, sed eum qui primus natus sit: alioquin si non est primogenitus, nisi quem sequuntur fratres, (a) tamdiu secundum legem primogenita non debentur, quamdiu & alia fuerint procreata: quod patet esse falsum, cum (b) intra unum mensem primogenita redimi mandentur secundum legem.

Ad quintum dicendum, quod quidam, sicut Hieronymus dicit super Matth. (cap. xii. sup. illud, Ecce mater eius) fratres Domini de alia uxore Ioseph filius suspicantur. Nos autem fratres Domini, non filios Ioseph, sed consobrinos Salvatoris Marie matertera Domini liberos intelligimus. Quatuor enim modis in Scripturis fratres dicuntur, scilicet natura, gente, cognatione, & affectu. Unde fratres Domini dicti sunt, non secundum naturam, quasi ab eadem matre nati, sed secundum cognationem, quasi consanguinei eius exilientes. Ioseph autem, sicut Hieronymus dicit contra Helvidium (cap. ix. in fin.) magis credendus est virgo permansisse: quia aliam uxorem habuisse non scribitur, & fornicatio in sanctum virum non cadit.

Ad sextum dicendum, quod Maria, quae dicitur Iacobi & Ioseph mater, non intelligitur esse mater Domini, quae in Evangelio non consuevit nominari nisi cum cognominatione huius dignitatis, quod sit mater Iesu. Haec autem Maria intelligitur esse uxor Alphai, cuius filius est Iacobus minor, qui dictus est frater Domini.

ARTICULUS IV. 161

Utrum mater Dei virginitatem voverit.

IV. dist. xxx. quaest. 11. art. 5. quaest. 1. Et Matth. 1.

Ad quartum sic proceditur. Videtur quod mater Dei virginitatem non voverit. Dicitur enim Deuter. vii. 14. Non erit apud te sterilis utriusque sexus. Sterilitas autem lequitur virginitatem. Ergo servatio virginitatis erit contra praeceptum veteris legis. Sed adhuc lex vetus habebat statum, antequam Christus nasceretur. Ergo non potuit licite B. Virgo vovere virginitatem pro tempore illo.

2. Praeterea. Apostolus I. ad Corinth. vii. 25. dicit: De virginibus autem praeceptum Domini non habeo, consilium autem do. Sed perfectio consilii a Christo debuit inchoari, qui est finis legis, ut Apostolus dicit Rom. x. Non ergo conveniens fuit quod B. Virgo votum virginittatis emitteret.

3. Praeterea. (c) Glossa Augustini dicit I. ad Timoth. v. (sup. illud, Habentes damnationem &c. & hab. in Lib. de bono viduit. cap. ix.) quod votentibus castitatem non solum nubere, sed etiam velle nubere damnabile est. Sed mater Christi nullum peccatum damnabile commisit, ut supra habitum est (quaest. xxvii. art. 4.) Cum ergo desponsata fuerit, ut habetur Luc. 1. videtur quod ipsa virginittatis votum non emiseric.

Sed contra est quod Augustinus dicit in Lib. de sancta virginitate (cap. iv. cir. princ.) Annuntiavit Angelo Maria respondit: Quomodo fiet istud, quoniam virum non cognosco? quod profecto non diceret, nisi prius se virginem Deo vovisset.

Respondeo dicendum, quod, sicut in secunda parte habitum est (2. 2. quaest. lxxxviii. art. 6.) perfectionis opera magis sunt laudabilia, si ex voto celebrentur. Virginittas autem in Matre Dei praecipue debuit pollere, ut ex supra dictis

M ratio-

S. Tb. Oper. Tom. XXIV.

(a) Ita mss. & veteres edis. passim. Al. tamdiu sacerdotibus secundum legem primogenita non debentur, (item debet nari) quamdiu alia non fuerint procreata: qua sententia a Garcia inducitur, a posterioribus passim ad asp. m. (b) Ita mss. & edis. communiter. Cod. Tarrac. intra annum, & mensem. Camer. infra annum (legitimum) mensem. Al. infra annum & mensem. Niclaui post mensem. Vid. Num. xviii. 16. (c) Ita post Nicolaum recentiores edis. ceterosque veteres Apostolus dicit &c. Cod. Alex. Camer. Paris. Glossa Hieronymi, ut habetur in decretis dist. xxvii. c. p. Votentibus, apud quem tamen non, respondit, isti appendicem notat.

rationibus patet ( art. 1. hu. quæst. ) Et ideo conveniens fuit ut virginitas eius ex voto esset Deo consecrata.

Verum quia tempore legis oportebat generationi insistere tam mulieres, quam viros, quia secundum carnis originem cultus Dei propagabatur, antequam ex illo populo Christus nasceretur; mater Dei non creditur, antequam desponsaretur Ioseph, absolute virginitatem vovisse; sed licet eam in desiderio habuerit, super hoc tamen voluntatem suam divino commisit arbitrio. Postmodum vero, accepto sponso, secundum quod mores illius temporis exigebant, simul cum eo votum virginitatis emisit.

Ad primum ergo dicendum, quod quia videbatur esse lege prohibitum non dare operam ad relinquendum semen super terram, ideo non simpliciter virginitatem vovit Dei genitrix, sed sub conditione, si Deo placeret; postquam autem ei innotuit hoc esse Deo acceptum, absolute vovit, antequam ab Angelo annuntiaretur.

Ad secundum dicendum, quod sicut gratia plenitudo perfecte quidem fuit in Christo, & tamen aliqua eius inchoatio præcessit in matre; ita etiam observatio consiliorum, quæ per gratiam Dei fit, perfecte quidem inchoat in Christo, sed aliquo modo fuit inchoata in Virgine matre eius.

Ad tertium dicendum, quod verbum illud Apostoli est intelligendum de illis quæ absolute castitatem vovent: quod quidem mater Dei non fecit, antequam Ioseph desponsaretur; sed post desponsationem ex communi voluntate simul cum sponso suo votum virginitatis emisit.

## QUAESTIO XXIX.

### De matris Dei desponsatione,

#### in duos articulos divisa.

**D**Einde considerandum est de desponsatione matris Dei: & circa hoc quaeruntur duo.

Primo, utrum Christus debuerit de desponsata nasci.

Secundo, utrum fuerit verum matrimonium inter Mariam matrem Domini & Ioseph.

## ARTICULUS I. 162

*Utrum Christus nasci debuerit de virgine desponsata.*

*IV. dist. xxx. quæst. 11. art. 1. quæst. 2. & 3. & Matth. 1.*

**A**D primum sic proceditur. Videtur quod Christus non debuerit de virgine desponsata nasci. Desponsatio enim ad carnalem copulam ordinatur. Sed mater Domini nunquam voluit carnali copula uti, quia hoc derogaret virginitati mentis ipsius. Ergo non debuit esse desponsata.

2. Præterea. Quod Christus ex virgine nasceretur, miraculum fuit: unde Augustinus dicit in epist. ad Volusianum ( cxxxvii. al. iiii. ante med. ) *Ipsa Dei virtus per inviolata matris virginea viscera membra infantis eduxit, quæ postea per clausa ostia membra iuvenis introduxit. Hic si ratio quaeritur, non erit mirabile; si exemplum poscitur, non erit singulare.* Sed miracula sunt ad confirmationem fidei: unde debent esse manifesta. Cum igitur per desponsationem hoc miraculum fuerit obumbratum, videtur non fuisse conveniens quod Christus de desponsata nasceretur.

3. Præterea. Ignatius martyr, ut Hieronymus dicit super Matth. ( cap. 1. sup. illud, *Cum esset desponsata* ) hanc causam assignavit desponsationis matris Dei, *ut partus eius diabolo celeretur; dum cum putat non de Virgine, sed ex uxore generatum.* Quæ quidem causa nulla esse videtur: tum quia diabolus ea quæ corporaliter fiunt, perspicacitate sui sensus cognoscit: tum etiam quia postmodum per multa evidentia signa dæmones aliquantulum Christum cognoverunt: unde dicitur Marci 1. 24. *quod homo in spiritu immundo exclamavit dicens: Quid nobis, & tibi Iesu Nazarene? Venisti, ante tempus perdere nos? Scio quod sis sanctus Dei.* Non ergo videtur conveniens fuisse quod mater Dei esset desponsata.

4. Præterea. Aliam rationem assignat Hieronymus ( loc. cit. ) *Ne lapidaretur mater Dei a Iudeis, sicut adultera.* Hæc autem ratio nulla esse videtur: si enim non esset desponsata, non posset de adulterio condemnari. Et ita non videtur rationale fuisse quod Christus de desponsata virgine nasceretur.

Sed contra est quod dicitur Matth. 1.

28. Cum esset desponsata mater Iesu Maria Ioseph: & Luc. 1. 26. Missus est Gabriel Angelus ad Mariam virginem desponsatam viro, cui nomen erat Ioseph.

Respondendo dicendum, quod conveniens fuit Christum de desponsata virgine nasci, tum propter ipsum, tum propter matrem, tum etiam propter nos. Propter ipsum quidem Christum quadruplici ratione. Primo quidem ne ab infidelibus tamquam illegitime natus abiceretur. Unde Ambrosius dicit super Luc. (cap. 1. sup. illud In mense sexto) Quid Iudeis, quid Herodi posset adscribi, si natum viderentur ex adulterio persecuti? Secundo ut consuetudo modo eius genealogia per virum describeretur. Unde dicit Ambrosius super Luc. (cap. 111. sup. illud & ipse Iesus erat &c.) Qui in saeculum venit, saeculi debuit more describi. Viri autem persona queritur, qui in senatu, & reliquis curiis civitatum generis asserit dignitatem. Consecutio etiam nos insinuat Scripturarum, quae semper viri originem querit. Tercio ad tutelam pueri nati, ne diabolus contra eum vehementius nocumenta procuraret. Et ideo Ignatius dicit, ipsam fuisse desponsatam, ut partus eius diabolus celaretur. Quarto ut a Ioseph nutriretur: unde & pater eius dictus est, quasi nutritius. Fuit etiam conveniens ex parte virginis. Primo quidem quia per hoc redditur immuni a poena, ne scilicet lapidaretur a Iudeis tamquam adultera, ut Hieronymus dicit (loc. sup. cit.) Secundo ut per hoc ab infamia liberaretur. Unde dicit Ambrosius super Luc. (cap. 3. sup. illud In mense sexto) quod desponsata est, ne temeritate virginis aduretur infamia, cui gravis alius corruptelae videretur insigne praeferre. Tercio ut ei a Ioseph ministerium exhiberetur, ut Hieronymus dicit (loc. cit.) Ex parte etiam nostra hoc fuit conveniens. Primo quidem quia testimonio Ioseph comprobatum est, Christum ex virgine natum. Unde Ambrosius dicit super Luc. (loc. sup. cit.) Locupletior testis pudoris maritus adhibetur, qui posset (a) & dolentiam, & vindicare opprobrium, si non agnosceret sacramentum. Secundo quia ipsa verba virginis matris magis credibilia redduntur suam virginitatem asserentis. Unde Ambrosius dicit super Luc. (ibid.) Fides Mariae verbis maior adsciscitur, & mendacii causa removetur. Videretur enim culpam obumbrare voluisse mendacio innupta pregnans. Causam au-

tem mentiendi desponsata non habuit, cum coniugii praeium, & gratia nuptiarum parius sit seminarum: quae quidem duo pertinent ad firmitatem fidei nostrae. Tercio ut tolleretur excusatio virginibus, quae propter suam incautelam non vitant infamiam. Unde Ambrosius dicit (ibid.) Non dedit virginibus sinistra opinione viventibus velamen excusationis relinqui, quod infamata mater quoque Domini videretur. Quarto quia per hoc significatur universa Ecclesia; quae cum virgo sit, desponsata tamen est uni viro Christo, ut Augustinus dicit in Lib. de sancta virginitate (cap. 111.) Potest etiam & quinta ratio esse, quod mater Domini fuit desponsata, & virgo, quia in persona ipsius & virginitas, & matrimonium honoratur contra haereticos alteri horum detrahentes.

Ad primum ergo dicendum, quod B. Virgo mater Dei ex familiari instinctu Spiritus sancti credenda est desponsari voluisse, confidens de divino auxilio, quod numquam ad carnalem copulam perveniret; hoc tamen divino commisit arbitrio: unde in nullo detrimentum passa est virginitas.

Ad secundum dicendum, quod, sicut Ambrosius dicit super Lucam (loc. cit. in princ. cor.) maluit Dominus aliquos de sui ortu quam de matris pudore dubitare. Sciebat enim, teneram esse virginis verecundiam, & lubricam famam pudoris, nec pusavisset sui fidei matris iniuriis astruendam. Sciendum tamen, quod miraculorum Dei quaedam sunt de quibus est fides, sicut miraculum virginis partus, & resurrectionis Domini, & etiam sacramenti altaris; & ideo Dominus voluit ista occultiora esse, ut fides eorum magis meritoria esset: quaedam vero miracula sunt ad fidei comprobationem; & ista debent esse manifesta.

Ad tertium dicendum, quod, sicut Augustinus dicit in III. de Trinit. (implic. cap. vii. & viii.) diabolus multa potest virtute suae naturae, a quibus tamen prohibetur virtute divina. Et hoc modo potest dici, quod virtute naturae suae diabolus cognoscere poterat, matrem Dei non fuisse corruptam, sed virginem; prohibebatur tamen a Deo cognoscere modum partus divini. Quod autem postmodum eum aliquantulum cognovit diabolus esse Filium Dei, non obstat: quia iam tempus erat ut Christus suam virtutem contra diabolum ostenderet, &

(a) Ita optime Nicetaus & posteriora edd., *Atq.* delere.



sunt matrimonium Virginis matris Dei, & Ioseph: quia uterque consentit in copulam conjugalem; non autem expresse in copulam carnalem, nisi sub conditione, si Deo placeret. Unde & Angelus vocat Mariam coniugem Ioseph, dicens ad Ioseph Matth. 1. 20. *Noli timere accipere Mariam coniugem tuam*: quod exponens Augustinus in Lib. I. de nuptiis & concupisc. (cap. 11. a princ.) dicit: „Coniux vocatur ex prima desponsatione, nisi fide, quam concubitu nec cognoscit, verat, nec fuerat cogniturus.“ Quantum vero ad secundam perfectionem, quae est per actum matrimonii, si hoc referatur ad carnalem concubitus, per quem proles generatur, non fuit illud matrimonium consummatum. Unde Ambrosius dicit super Luc. (cap. 1. sup. illud *In mense sexto*): *Non se moveat quod frequenter Mariam Scriptura vocat coniugem: non enim virginitatis ereptio, sed coniugii testificatio, nuptiarum celebratio declaratur.*

Habuit tamen illud matrimonium etiam secundam perfectionem quantum ad proles educationem. Unde Augustinus dicit in Lib. I. de nupt. & concupisc. (cap. 11. in fi.) *Omne nuptiarum bonum impletum est in illis parentibus Christi, proles, fides, sacramentum. Prolem cognoscimus ipsum Dominum Iesum; fidem, quia nullum adulterium; sacramentum, quia nullum divorcium: solus ibi nuptialis concubitus non fuit.*

Ad primum ergo dicendum, quod Hieronymus accipit ibi maritum ab actu matrimonii consummati.

Ad secundum dicendum, quod nuptias Hieronymus vocat nuptialem concubitus.

Ad tertium dicendum, quod, sicut Chrysostomus (alius Auctor) dicit super Matth. (hom. 1. in op. imperf. sub h.) *beata Virgo sic fuit desponsata Ioseph, quod etiam esset domi habitata. Nam sicut in ea quae in domo viri concipit, intelligitur conceptio maritalis; sic in ea quae extra domum concipit, est suspecta coniugio.* Et ita non esset sufficienter provium famae B. Virginis per hoc quod fuit desponsata, nisi etiam fuisset domi habitata. Unde quod dicitur, *Et nollet eam traducere*, melius intelligitur, idest nollet eam diffamare in publicum, quam quod intelligatur de translatione in domum. Unde & Evangelista subdit, quod *voluit occulte dimittere eam*. Quamvis tamen esset domi habitata propter primum

desponsationis fidem, nondum tamen intervenerat sollemniter celebratio nuptiarum; propter quod etiam nondum carnaliter convenerant. Unde, sicut Chrysostomus dicit (hom. 14. in Matth. aliquant. a princ.) *non dicit Evangelista, Antequam duceretur in domum sponsi, etenim intus iam erat. Consuetudo enim fuit veteribus, multoties in domo desponsatas habere.* Et ideo etiam Angelus dicit Ioseph: *Ne timeas accipere Mariam coniugem tuam, idest non timeas nuptias eius sollemniter celebrare.* Licet alii dicant, quod nondum erat in domum inducta, id solum desponsata. Primum tamen magis consonat Evangelio.

### QUAESTIO XXX.

De B. Mariae Virginis annuntiatione, in quatuor articulos divisa.

**D**Einde considerandum est de annuntiatione B. Virginis: & circa hoc quaeruntur quatuor.

Primo, utrum conveniens fuerit ei annuntiari quod in ea generandum erat.

Secundo, per quem erat ei hoc annuntiandum.

Tertio, per quem modum ei annuntiari debebat.

Quarto, de ordine annuntiationis.

### ARTICULUS I. 164

Utrum necessarium fuerit annuntiari B. Virgini quod in ea erat generandum.

III. dist. 111. quest. 111. art. 1. quest. 1.

**A**D primum sic proceditur. Videtur quod non fuerit necessarium B. Virgini annuntiari quod in ea fiendum erat. Annuntiatio enim ad hoc solum necessaria esse videbatur ut Virginis consensus haberetur. Sed consensus eius non videtur necessarius fuisse: quia conceptus Virginis praenuntiatus fuit prophetia praedestinationis, quae sine nostro completur arbitrio, ut dicit quaedam Glossa Matth. 1. (ord. sup. illud *Ut adimpleretur quod dictum est &c.*) Non ergo necessarium fuit quod talis annuntiatio fieret.

2. Praeterea. B. Virgo incarnationis fidem habebat, sine qua nullus esse poterat in statu salutis: quia, ut dicitur Rom. 11. 22. *instituta Dei per fidem Iesu Christi in omnes*. Sed de eo quod aliquis per



certitudinem credit, non indiget ulterius instrui. Ergo B. Virgini non fuit necessarium ut ei incarnatio Filii Dei annuntiaretur.

3. Præterea. Sicut B. Virgo corporaliter Christum concepit, ita & quolibet sancta anima concipit ipsum spiritualiter: unde Apostolus dicit Gal. iv. 9. *Filioli mei, quos iterum parturio, donec formetur Christus in vobis*. Sed illis qui spiritualiter debent Christum concipere, talis conceptio non annuntiatur. Ergo nec B. Virgini fuit annuntiandum quod esset in utero conceptura Filium Dei.

Sed contra est quod habetur Luc. i. 31. quod Angelus dixit ei: *Ecce concipies in utero, & paries filium*.

Respondeo dicendum, quod congruum fuit B. Virgini annuntiari, quod esset Christum conceptura. Primo quidem ut servaretur congruus ordo coniunctionis Filii Dei ad Virginem, ut scilicet prius mens eius de ipso instrueretur quam carne eum conciperet. Unde Augustinus dicit in Lib. de virginitate (cap. 111.) *Beatior est Maria percipiendo fidem Christi quam concipiendo carnem Christi*: & postea subdit: *Materna propinquitas nihil Mariæ prorsus, nisi felicius Christum corde quam carne gessisset*. Secundo ut posset esse certior tellis huius sacramenti, quando super hoc divinitus erat instructa. Tercio ut voluntaria sui obsequii munera Deo offerret: ad quod se promptam obtulit dicens: *Ecce ancilla Domini*. Quarto ut ostenderetur esse quoddam spirituale matrimonium inter Filium Dei & humanam naturam. Et ideo per annuntiationem expectabatur consensus Virginis loco totius humanæ naturæ.

Ad primum ergo dicendum, quod prophetia prædestinationis completur sine nostro arbitrio causante, non tamen sine nostro arbitrio consentiente.

Ad secundum dicendum, quod B. Virgo expressam fidem habebat incarnationis futuræ; sed cum esset humilis, non tam alta de se sapiebat: & ideo super hoc erat instruenda.

Ad tertium dicendum, quod spiritualement conceptionem Christi, quæ est per fidem, præcedit annuntiatio, quæ est per fidei prædicationem, secundum quod *fides est ex auditu*, ut dicitur Rom. x. 17. Nec tamen propter hoc aliquis pro certo scit se gratiam habere; sed scit veram fidem esse quam accepit.

## ARTICULUS II. 165

*Utrum annuntiatio B. Virgini fieri debuerit per Angelum.*

III. dist. 111. quæst. 111. art. 2. quæst. 1. & 2.

**A**D secundum sic proceditur. Videtur quod B. Virgini non debuerit annuntiatio fieri per Angelum. Supremis enim Angelis fit revelatio immediate a Deo, ut Dionysius dicit vii. cap. cælest. Hierar. (parum a med.) Sed mater Dei est super omnes Angelos exaltata. Ergo videtur quod immediate a Deo debuerit sibi annuntiari incarnationis mysterium, & non per Angelum.

2. Præterea. Si in hoc oportebat servari communem ordinem, secundum quem divina hominibus per Angelos revelantur, similiter divina ad mulierem per virum desiderantur: unde & Apostolus dicit I. Corinth. xiv. 34. *Mulieres in Ecclesiis taceant: si quid autem volunt discere, domi viros suos interrogent*. Ergo videtur quod B. Virgini debuerit annuntiari mysterium incarnationis per aliquem virum, præsertim quia Ioseph vir eius super hoc fuit ab Angelo instructus, ut legitur Matth. 1.

3. Præterea. Nullus potest congrue annuntiari quod ignorat. Sed etiam suppremi Angeli non plene cognoverunt incarnationis mysterium: unde dicit Dionysius vii. cælest. Hierar. (a med.) *eorum persona esse intelligendam questionem quæ ponitur Isa. lxiii. 1. Quis est iste qui venit de Edom?* Ergo videtur quod per nullum Angelum potuit convenienter annuntiatio incarnationis fieri.

4. Præterea. Maiora sunt per maiores nuntios annuntianda. Sed mysterium incarnationis est maximum inter omnia quæ per Angelos sunt hominibus annuntiata. Ergo videtur quod si per aliquem Angelum debuit annuntiari, ille debuerit esse de supremo ordine. Sed Gabriel non est de supremo ordine, cum fit de ordine Archangelorum, qui est penultimus: unde Ecclesia cantat: *Gabrielem Archangelum scimus divinitus te esse assumptum*. Non ergo huiusmodi annuntiatio per Gabrielem Archangelum convenienter facta est.

Sed contra est quod dicitur Luc. i. 26. *Missus est Gabriel Angelus a Deo &c.*  
Re-

Respondendo dicendum, quod conveniens fuit matri Dei annuntiari per Angelum divinæ incarnationis mysterium, propter tria. Primo quidem ut in hoc etiam servaretur divina ordinatio, secundum quam mediantibus Angelis divina ad homines perveniunt: unde Dionysius dicit iv. cap. cælest. Hierarch. (a nied.) quod *divinum Iesu benignitatis mysterium Angeli primo edoceri sunt*; postea per ipsos ad nos cognitionis gratia transiit. Sic ergo divinissimus Gabriel Zachariam quidem docuit, Prophetam Ioannem ex ipso nascenturum; Mariam autem, quomodo in ipsa fieret thearchicum ineffabilis Dei formationis mysterium. Secundo hoc fuit conveniens reparationi humanæ, quæ futura erat per Christum: unde Beda dicit in homil. (in festo Annunt. in princ. & est inter hiemales de SS.) *Aptum humanæ restaurationis principium ut Angelus a Deo mittetur ad Virginem partu consecrandam divino: quia prima perditionis humanæ fuit causa, cum serpens a diabolo mittebatur ad mulierem spiritu superbie decipiendam.* Tercio quia hoc congruebat virginitati matris Dei: unde Hieronymus (alius Auctor) dicit in ferm. Assumptionis (inter princ. & med.) *Bene Angelus ad Virginem mittitur: quia semper est Angelis cognata virginitas. Profecto in carne præter carnem vivere, non terrena vita est, sed cælestis.*

Ad primum ergo dicendum, quod mater Dei superior erat Angelis quantum ad dignitatem, ad quam divinitus eligebatur; sed quantum ad statum præsentis vite, inferior erat Angelis: quia & ipse Christus ratione passibilis vite modico ab Angelis minoratus est, ut dicitur Hebr. 11. 9. Sed tamen quia Christus simul fuit viator, & comprehensor, quantum ad cognitionem divinorum non indigebat ab Angelis instrui. Sed mater Dei nondum erat in statu comprehensorum: & ideo de divino conceptu per Angelos instruenda erat.

Ad secundum dicendum, quod, sicut Augustinus (alius Auctor) dicit in ferm. de Assumptione (cap. iv.) *Virgo Maria vera assumptione a quibusdam generalibus accipitur: quia nec conceptus multiplicavit, nec sub viri, id est mariti, potestate fuit, quæ integerrimis visceribus de Spiritu sancto Christum suscepit.* Et ideo non debuit mediante viro instrui de mysterio incarnationis, sed mediante Angelo. Propter quod etiam ipsa est prius instructa quam Ioseph: nam ipsa instructa est

ante conceptum, Ioseph autem post eius conceptum.

Ad tertium dicendum, quod, sicut patet ex auctoritate Dionysii inducta (in corp. ar.) Angeli incarnationis mysterium cognoverunt; sed tamen interrogabant, perfectius scire cupientes a Christo huius mysterii rationes, quæ sunt incomprehensibiles omni creato intellectui. Unde Maximus (Martyr) dicit: *Quod Angeli noverint futuram incarnationem, ambigere non oportet. Latuit autem eos investigabilis Domini conceptio, atque modus, qualiter totus in genitore, totus manebat in omnibus, necnon & in virginea cellula.*

Ad quartum dicendum, quod quidam dicunt, Gabrielem fuisse de supremo ordine Angelorum: propter quod Gregorius dicit (hom. xxxiv. in Evang. cir. med.) *Summum Angelum venire dignum fuerat, qui summum omnium nuntiabat.* Sed ex hoc non habetur quod fuerit summus inter omnes ordines, sed respectu Angelorum: fuit enim de ordine Archangelorum: unde & Ecclesia eum Archangelum nominat: & Gregorius ipse dicit in homil. de centum ovibus (loc. cit.) quod *Archangeli dicuntur qui summa annuntiant.* Satis est ergo credibile quod sit summus in ordine Archangelorum. Et, sicut Gregorius dicit (ibid.) hoc nomen officio suo congruit. *Gabriel enim Dei fortissimum nominatur. Per Dei ergo fortitudinem nuntiandus erat qui virtutum Dominus, & potens in prælio ad debellandas potestates acceas veniebat.*

## ARTICULUS III. 166

*Utrum Angelus annuntians debuerit B. Virgini visione corporali apparere.*

III. dist. 111. quæst. 111. art. 2. quæst. 2.

**A**D tertium sic proceditur. Videtur quod Angelus annuntians non debuerit Virgini apparere visione corporali. *Dignior enim est intellectualis visio quam corporalis*, ut Augustinus dicit XII. super Genes. ad lit. (cap. xxiv. cir. med.) & præcipue ipsi Angelo est magis conveniens: nam visione intellectuali videtur Angelus in sui substantia; visione autem corporali videtur in assumpta figura corporea. Sed sicut ad annuntian- dum conceptum divinum decebat venire summum nuntium; ita etiam videtur quod decuerit esse summum genus visionis. Ergo videtur quod Angelus annun- tians.

tians apparuerit Virgini visione intellectuali.

2. Præterea. Visio imaginaria videtur etiam esse nobilior quam visio corporalis, sicut imaginatio est altior potentia quam sensus. Sed Angelus apparuit Ioseph in somnis secundum imaginariam visionem, ut patet Matth. 1. & 2. Ergo videtur quod etiam apparere debuerit B. Virgini imaginaria visione, & non corporali.

3. Præterea. Corporalis visio spiritalis substantiæ videntes stupefacit: unde & de ipsa Virgine cantatur: *Expavescit Virgo de lumine*. Sed melius fuisset quod a tali turbatione mens eius esset prætervata. Non ergo visio conveniens quod huiusmodi annuntiatio fieret per visionem corporalem.

Sed contra est quod Augustinus (vel alius Auctor) in quodam sermone (xxv. in App.) inducit B. Virginem sic dicentem: *Veni ad me Gabriel Archangelus facie rutilans, veste coruscans, ingressu mirabili*. Sed hæc non possunt pertinere nisi ad corpoream visionem. Ergo corporea visione Angelus annuntians B. Virgini apparuit.

Respondendo dicendum, quod Angelus annuntians apparuit matri Dei corporea visione: & hoc conveniens fuit. Primo quidem quantum ad id quod annuntiabatur. Venerat enim Angelus annuntiare incarnationem invisibilis Dei, per quam visibilis fieret: unde etiam conveniens fuit ut ad huius rei declarationem invisibilis creatura formam assumeret, in qua visibiliter appareret; cum etiam omnes apparitiones veteris Testamenti ad hanc apparitionem præordinentur, qua Filius Dei in carne apparuit. Secundo fuit congruum dignitati matris Dei, quæ non solum in mente, sed in corporeo ventre erat Dei Filium receptura: & ideo non solum mens eius, sed etiam sensus corporei erant visione angelica refrendendi. Tercio congruit certitudini eius quod annuntiabatur. Ea enim quæ sunt oculis tubicte, certius apprehendimus quam ea quæ imaginamur. Unde Chrysostomus dicit super Matth. (hom. iv. ante med.) quod *Angelus non in somnis, immo visibiliter Virgini apparuit: (a) nam quia magnam valde revelationem accipiebat ab Angelo, cgebat ante tantæ rei eventum visionem solemni*.

Ad primum ergo dicendum, quod in-

tellectualis visio est potior quam visio imaginaria, vel corporalis, si sit sola. Sed ipse Augustinus dicit (Lib. XII. sup. Gen. ad lit. cap. xx. cir. med.) quod excellentior est prophetia quæ habet simul intellectualem, & imaginariam visionem, quam illa quæ habet alteram tantum. B. autem Virgo non solum percepit visionem corporalem, sed etiam intellectualem illuminationem. Unde talis apparitio nobilior fuit. Fuisset tamen nobilior, si ipsum Angelum intellectuali visione in sua substantia vidisset. Sed hoc non patiebatur status hominis viatoris quod Angelum per essentiam videret.

Ad secundum dicendum, quod imaginatio est quidem altior potentia quam sensus exterior; quia tamen principium humanæ cognitionis est sensus, in eo consistit maxima certitudo: quia semper oportet quod principia cognitionis sint certiora. Et ideo Ioseph, cui Angelus in somnis apparuit, non ita excellentem apparitionem habuit sicut B. Virgo.

Ad tertium dicendum, quod, sicut Ambrosius dicit super Luc. (cap. 1. sup. illud, *Apparuit illi Angelus, perturbamus, & a nostro alienamus affectu, quando perstringimur alicuius superioris potestatis occursum*). Et hoc contingit non solum in visione corporali, sed etiam in visione imaginaria. Unde Genes. xv. 12. dicitur, quod *cum Sol (b) occubisset, sopor irruit super Abraham, & horror magnus, & tenebrosus intravit cum*. Talis tamen perturbatio hominis non tantum homininoceat ut propter eam debeat angelica apparitio prætermitti. Primo quidem quia ex hoc ipso quod homo supra seipsum elevatur, quod ad eius pertinet dignitatem, pars eius interior debilitatur; ex quo provenit perturbatio prædicta; sicut etiam calore naturali ad interiora reducto, exteriora tremunt. Secundo quia, sicut Origenes dicit super Luc. (hom. iv. in princ.) *Angelus apparet, sciens hanc esse humanam naturam, primum perturbationi medetur: unde tam Zacharia, quam Maria posturbationem dixit, Ne timeas*. Et propter hoc, ut legitur in vita Antonii (in Vitis Patrum Lib. 1. cap. xviii.) non difficilis est beatorum spirituum, malorumque discretio. Si enim post timorem successerit gaudium, a Domino venisse sciamus auxilium: quia securitas animæ præsentis maiestatis indicium est. Si autem incussa formido per-

man-

(a) Ita a ff. & editi passim. Al. cum ea, Al. an. cum quia magnam valde revelationem ab Angelo accipiebat, cgebat tantæ rei eventum visionem solemni.

(b) Fulgura occubuerunt.

manserit, hostis est qui videtur. Ipsa etiam turbatio Virginis conveniens fuit veritatis virginali: quia, ut Ambrosius dicit super Lucam (cap. 1. sup. illud *Et ingressus Angelus, et trepidare virginum est, & ad omnes viros ingressus parere, omnes viros affatus vereri*). Quidam tamen dicunt, quod cum B. Virgo aliueta etet visionibus Angelorum, non turbata fuit in visione Angeli, sed in admiratione eorum quae ei ab Angelo dicebantur, quia de se tam magnifica non cogitabat. Unde & Evangelista non dicit, quod turbata fuerit in visione Angeli, sed in sermone eius.

## ARTICULUS IV. 167

*Utrum annuntiatio convenienti fuerit ordine perfecta.*

**A**D quartum sic proceditur. Videtur quod annuntiatio eius non fuerit convenienti ordine perfecta. Dignitas enim matris Dei dependet ex prole concepta. Sed causa prius debet manifestari quam effectus. Ergo primo debuit Angelus Virgini annuntiare conceptum proli quam eius dignitatem exponere, eam salutando.

2. Præterea. (a) Probatio aut prætermitti debet in his quæ dubia non sunt, aut præmitti in his quæ dubia esse possunt. Sed Angelus primo videtur annuntiare id de quo Virgo dubicaret, & dubitando quæreretur, dicens: *Quomodo fiet istud?* & postea probationem adiunxit tum ex exemplo Elisabeth, tum ex Dei omnipotentia. Ergo inconvenienti ordine annuntiatio per Angelum est effecta.

3. Præterea. Maius non potest probari sufficienter per minus. Sed maius fuit virginem parere quam vetulam. Ergo non fuit sufficiens probatio Angeli probantis conceptum virginis ex conceptu tenis.

Sed contra est quod dicitur Rom. XIII.

1. *Quæ a Deo sunt, ordinata sunt.* Angelus autem missus est a Deo ad hoc quod Virgini annuntiaret, ut dicitur Luc. 1. Ergo ordinatissime fuit annuntiatio per Angelum completa.

Respondetur dicendum, quod annuntiatio congruo ordine per Angelum est perfecta. Tria enim Angelus intendebat circa Virginem. Primo quidem reddere men-

tem eius attentam ad tantæ rei considerationem: quod quidem fecit, eam salutando quadam nova, & insolita salutatione. Unde Origenes dicit super Lucam (hom. vi. a medio) quod si scivisset, ad alium quempiam similem esse factum sermonem, utpote quæ habebat agia scientiam, nunquam eam quasi per gratia talis salutatio tenuisset. In qua quidem salutatione præmisit idoneitatem eius ad conceptum in hoc quod dixit, *Gratia plena*; expressit conceptum in hoc quod dixit, *Dominus tecum*; & prænuuntiavit honorem consequentem cum dixit, *Benedicta tu in mulieribus*. Secundo autem intendebat eam instruire de mysterio incarnationis, quod in ea erat implendum: quod quidem fecit prænuuntiando conceptum, & partum, dicens, *Ecce concipies in utero &c.* & ostendendo dignitatem proli conceptæ, cum dixit, *Hic erit magnus &c.* & etiam demonstrando modum conceptionis, cum dixit, *Spiritus sanctus superveniet in te*. Tercio intendebat animum eius inducere ad consensum: quod quidem fecit exemplo Elisabeth, & ratione ex divina omnipotentiaumpta.

Ad primum ergo dicendum, quod animo humili nihil est mirabilius quam auditus suæ excellentiæ: admiratio autem maxime attentionem animi facit: & ideo Angelus volens mentem Virginis attentam reddere ad auditum tanti mysterii, ab eius laude incepit.

Ad secundum dicendum, quod Ambrosius expresse dicit super Lucam (cap. 1. super illud, *Quomodo fiet istud?*) quod B. Virgo de verbis Angeli non dubitavit: dicit enim: *Temperantior est Mariæ responso quam verba sacerdotis. Hæc ait: Quomodo fiet istud? Ille respondit: Unde hoc sciam? Negat ille se credere qui negat se scire; ista se facere profertur, nec dubitat esse faciendum quod quomodo fieri possit, inquirat.* Augustinus tamen (vel alius Auctor) videtur dicere, quod dubitaverit: dicit enim in Lib. questionum veteris, & novi Testamenti (quæst. 11. cir. princ.) *Ambigenti Mariæ de conceptu possibilitatem Angelus prædicat.* Sed talis dubitatio magis est admirationis quam incredulitatis: & ideo probationem Angelus inducit, non ad auferendam infidelitatem, sed magis ad removeendam eius admirationem.

Ad

(a) Ita cum melioris nota missi editi possim, aliqui tantum admittunt typographicum errorem, utrobique prætermittit, vel præmittit exhibentes. Garcia propter hunc errorem lectionem depravatam putans hoc tantum ex Tarrac. edd. admittit: Probatio autem (pro autem, quod erat in nemine edd. loco aut) præmitti debet in his quæ dubia esse possunt.

Ad tertium dicendum, quod, sicut Ambrosius dicit in Hexameron (simplic. Lib. V. cap. xix. & super illud Luc. 1. *Exurgens Maria, & cap. viii. sup. illud, Ex hoc eo loquente*), ob hoc multae steriles (a) pepererunt, ut paritur credatur Virginis. Et ideo conceptus Elisabeth sterilis inducitur, non quasi sufficiens argumentum, sed quasi quoddam figurale exemplum. Et ideo ad confirmationem huius exempli subditur argumentum efficax ex omnipotentia divina.

### QUAESTIO XXXI.

*De conceptione Salvatoris quoad materiam, de qua corpus eius conceptum est.*

*in octo articulos divisa.*

**D**Einde considerandum est de ipsa conceptione Salvatoris primo quantum ad materiam de qua eius corpus conceptum est; secundo quantum ad conceptionis auctorem; tertio quantum ad modum, & ordinem conceptionis.

Circa primum quaeruntur octo.

Primo, utrum caro Christi fuerit sumpta ab Adam.

Secundo, utrum fuerit sumpta de David.

Tertio, de genealogia Christi, quae in Evangelio ponitur.

Quarto, utrum decuerit Christum nasci de femina.

Quinto, utrum fuerit de purissimis sanguinibus Virginis corpus eius formatum.

Sexto, utrum caro Christi fuerit in antiquis patribus secundum aliquid signatum.

Septimo, utrum caro Christi in patribus fuerit peccato obnoxia.

Octavo, utrum fuerit decimata in lumbis Abrahae.

### ARTICULUS I. 168

*Utrum caro Christi fuerit sumpta de Adam.*

**A**D primum sic proceditur. Videtur quod caro Christi non fuerit sumpta ex Adam. Dicit enim Apostolus I. ad Corinth. xv. 47. *Primus homo de terra terrenus, secundus homo de caelo caelestis*. Primus autem homo est Adam, secundus est Christus. Ergo Christus non est ex A-

dam, sed habet ab eo distinctam originem.

2. Præterea. Conceptio Christi debuit esse maxime miraculosa. Sed maius est miraculum formare corpus hominis ex limo terræ quam ex materia humana, quæ de Adam trahitur. Ergo videtur quod non fuerit conveniens Christum ab Adam carnem sumpsisse. Ergo videtur quod corpus Christi non debuerit formari de massa humani generis derivata ab Adam, sed de aliqua alia materia.

3. Præterea. Peccatum in hunc mundum intravit per unum hominem, scilicet per Adam: quia omnes in eo originaliter existentes peccaverunt, ut patet Roman. v. Sed si corpus Christi fuisset ab Adam sumptum, ipse etiam in Adam originaliter fuisset, quando peccavit. Ergo peccatum originale contraxisset, quod non decebat Christi puritatem. Non ergo corpus Christi est formatum de materia sumpta ab Adam.

Sed contra est quod Apostolus dicit ad Hebr. 11. 16. *Nusquam Anglos apprehendit, scilicet Filium Dei, sed semen Abrahae apprehendit*. Semen autem Abrahae sumptum est ex Adam. Ergo corpus Christi fuit formatum de materia ex Adam sumpta.

Respondeo dicendum, quod Christus humanam naturam assumpsit, ut eam a corruptione purgaret. Non autem purificatione indigebat natura humana, nisi secundum quod infecta erat per originem vitiatam, qua ex Adam descendebat. Et ideo conveniens fuit ut carnem sumeret ex materia ab Adam derivata, ut ipsa natura per assumptionem curaretur.

Ad primum ergo dicendum, quod secundus homo, idest Christus, dicitur esse de caelo, non quidem quantum ad materiam corporis, sed vel quantum ad virtutem formativam corporis eius, vel etiam quantum ad ipsam eius divinitatem. Secundum autem materiam corpus Christi fuit terrenum, sicut & corpus Adæ.

Ad secundum dicendum, quod, sicut supra dictum est (quaest. xxix. ar. 1. ad 2.), mysterium incarnationis Christi est quiddam miraculosum, non sicut ordinatum ad confirmationem fidei, sed sicut articulus fidei. Et ideo in mysterio incarnationis non requiritur quid sit maius miraculum, sicut in miraculis quæ sunt ad confirmationem fidei; sed quid sit divinæ sapientiæ convenientius, &

(a) Ita post Garziam edidi fere omnes libri. Al. cum sed. Alian. aliisque prævenere.

magis expediens humanæ salutis, quod requiritur in omnibus quæ fidei sunt.

Vel potest dici, quod in mysterio incarnationis non solum attenditur miraculum ex materia conceptus, sed magis ex modo conceptionis, & partus, quia scilicet Virgo concepit, & peperit Deum.

Ad tertium dicendum, quod, sicut supra dictum est (in corp. art. & quaest. 12. art. 6.) corpus Christi fuit in Adam secundum compulsum substantiam, quia scilicet ipsa materia corporis Christi derivata est ab Adam; non autem fuit ibi secundum seminalem rationem, quia non est conceptum ex virili semine: & ideo non contraxit originale peccatum, sicut ceteri qui ab Adam per viam virilis feminis derivantur.

# ARTICULUS II. 169

*Utrum caro Christi fuerit sumpta de David.*

**A**D secundum sic proceditur. Videtur quod Christus non sumperit carnem de semine David. Matthæus enim genealogiam Christi texens eam ad Ioseph perducit. Ioseph autem non fuit pater Christi, ut supra dictum est (quaest. 22. art. 1. ad 2. & quaest. 22. art. 2.) Non ergo videtur quod Christus de genere David descendit.

2. Præterea. Aaron fuit de tribu Levi, ut patet Exodi vi. Maria autem mater Christi cognata dicitur Elisabeth, quæ est filia Aaron, ut patet Luc. 1. Cum ergo David fuerit de tribu Iuda, ut patet Matth. 1. videtur quod Christus de semine David non descendit.

3. Præterea. Hierem. 22. 30. dicitur de Iechonia: *Scribe istum virum sterilem: nec enim erit de semine eius vir qui sedeat super solium David.* Sed de Christo dicitur Isa. 11. 7. *Super solium David sedebit.* Ergo Christus non fuit de semine Iechoniae, & per consequens nec de genere David: quia Matthæus a David per Iechoniam seriem generationum perducit.

Sed contra est quod dicitur Rom. 1. 3. *Qui factus est ei ex semine David secundum carnem.*

Respondendo dicendum, quod Christus specialiter duorum antiquorum patrum filius dicitur esse, Abraham scilicet, & David, ut patet Matth. 1. Cuius est

multiplex ratio. Prima quidem, quia ad hos specialiter de Christo promissio facta est. Dictum est enim Abraham Genes. 22. 18. *Benedicentur in semine tuo omnes gentes terræ:* quod Apostolus de Christo exponit, dicens Gal. 3. 16. *Abrahæ dictæ sunt promissiones, & semini eius. Non dicit, Et seminibus, quasi in multis, sed quasi in uno, Et semini tuo, qui est Christus.* Ad David autem dictum est (Psal. cxxx. 11.) *De fructu ventris tui ponam super sedem tuam.* Unde & populi Iudeorum, ut Regem honorifice suscipientes, dicebant Matth. 22. 9. *Hojanna filio David.* Secunda ratio est, quod Christus futurus erat Rex, Propheta, & Sacerdos. Abraham autem Sacerdos fuit, ut patet ex hoc quod Dominus dixit ad eum Gen. 15. 9. *Sume (a) tibi vaccam triennem &c.* Fuit etiam Propheta, secundum illud quod dicitur Genes. 22. 7. *Propheta es, & orabis pro te.* David autem Rex fuit, & Propheta. Tertia ratio est, quia in Abraham primo inceptum circumcilio; in David autem maxime manifestata est Dei electio, secundum illud quod dicitur 1. Reg. 22. 14. *Quæsit Dominus sibi virum iuxta cor suum.* Et ideo utriusque filius Christus specialissime dicitur, ut ostendatur esse in salutem & circumcisioni, & electioni Gentilium.

Ad primum ergo dicendum, quod hæc obiectio fuit Fausti Manichæi volentis probare, Christum non esse filium David, quia non est conceptus ex Ioseph, usque ad quem seriem generationis Matthæus perducit. Contra quem Augustinus respondet XXIII. Lib. contra Faust. (cap. viii. ad fi. & cap. ix.) quod cum idem Evangelista dicat & virum Mariæ esse Ioseph, & Christi matrem virginem esse, & Christum esse ex semine David; quid restat, nisi credere Mariam non fuisse extraneam a cognatione David, & eam Ioseph conjugem non frustra appellatam propter animorum consederationem, quamvis ei non fuerit carne commixtus; & quod potius propter dignitatem virilem ordo generationum usque ad Ioseph perducitur? Sic ergo nos credimus etiam Mariam fuisse de cognatione David, quia Scripturis credimus, quæ utrumque dicunt, & Christum ex semine David secundum carnem, & eius matrem Mariam, non cum viro concubendo, sed virginem. Ut enim dicit Hieronymus super Matth. (cap. 1. super illud, *Christi generatio sic erat*) ex

una

una tribu fuit Ioseph, & Maria; & secundum legem eam accipere cogebatur ut propinquum: propter quod & simul consentur in Bethlehem, quasi de una stirpe generati.

Ad secundum dicendum, quod huic objectioni Gregorius Nazianzenus (implic. in carm. xxxviii. de genealog. Christi, & Augustinus Lib. I. de consensu Evang. cap. ii. & Lib. II. cap. iiii.) respondet dicens, quod hoc nunc superne contigit ut regum genus sacerdotali stirpi iungeretur, ut Christus, qui Rex est, & Sacerdos, ab utroque nasceretur secundum carnem. Unde & Aaron, qui fuit primus sacerdos secundum legem, duxit ex tribu Iuda coniugem Elisabeth filiam Aminadab. Sic ergo potuit heri ut pater Elisabeth aliquam uxorem habuerit de stirpe David, ratione cuius B. Virgo Maria, quae fuit de stirpe David, esset Elisabeth cognata: vel potius e converso, quod pater B. Mariae de stirpe David existens, uxorem habuerit de stirpe Aaron: vel, sicut Augustinus dicit XXIII. contra Faustum (cap. ix.) ut Ioachim pater Mariae de stirpe Aaron fuit (ut Faustus haereticus per quasdam scripturas apocryphas asserbat) credendum est, quod mater Ioachim fuerit de stirpe David, vel etiam uxor eius, ita ut per aliquem modum Mariam dicamus fuisse de stirpe David.

Ad tertium dicendum, quod per illam auctoritatem prophetica, sicut Ambrosius dicit super Lucam (cap. iiii. sup. illud Qui fuit Salathiel), non negatur ex semine Iechonae posteros nasciturus: ros: & ideo de semine eius Christus est. Et quod regnavit Christus, non contra prophetiam est: non enim saeculari honore regnavit: ipse enim dixit: Regnum meum non est de hoc mundo.

### ARTICULUS III. 170

Utrum convenienter genealogia Christi ab Evangelistis tractatur.

Matth. 1. Luc. 1. II. III. & IV.

AD tertium sic proceditur. Videtur quod genealogia Christi inconvenienter ab Evangelistis tractatur. Dicitur enim Isa. lxxviii. 8. de Christo: Generationem eius quis enarrabit? Ergo non fuit generatio Christi enarranda.

2. Praeterea. Impossibile est unum hominem duos patres habere. Sed Matthaeus

dicat (cap. i. 16.) quod Iacob genuit Ioseph virum Mariae; Lucas autem dicit (cap. iiii.) Ioseph fuisse filium Heli. Ergo contraria sibi invicem scribunt.

3. Praeterea. Videtur in quibusdam a se invicem diversificari. Matthaeus enim in principio libri incipiens ab Abraham descendendo usque ad Ioseph, quadraginta duas generationes enumerat. Lucas autem post baptismum Christi generationem Christi ponit, incipiens a Christo, & perducens generationum numerum usque ad Deum, ponens generationes septuaginta septem, utroque extremo computato. Videtur igitur quod inconvenienter generationem Christi describant.

4. Praeterea. IV. Reg. viii. legitur, quod Ioram genuit Ochoziam: cui successit Ioas filius eius: huic autem successit filius eius Amasias: postea regnavit filius eius Azarias, qui appellatur Ozias: cui successit Ioatham filius eius. Matthaeus autem dicit, quod Ioram genuit Oziam. Ergo videtur inconvenienter generationem Christi describere, tres Reges in medio praetermittens.

5. Praeterea. Omnes qui in Christi generatione describuntur, patres habuerunt, & matres; & plurimi etiam ex eis fratres habuerunt. Matthaeus autem in generatione Christi tres tantum enumerat matres, scilicet Thamar, Ruth, & uxorem Uriae; fratres autem nominat Iudae, & Iechoniam; & iterum Phares, & Zaram: quorum nihil posuit Lucas. Ergo videntur Evangelistae inconvenienter genealogiam Christi descripsisse.

Sed contra est auctoritas Scripturae.

Respondeo dicendum, quod, sicut dicitur II. ad Timotheum. iiii. 16. omnis Scriptura sacra est divinitus inspirata. Quae autem divinitus fiunt, ordinatissime fiunt; secundum illud Rom. xiiii. 1. Quae a Deo sunt, ordinata sunt. Unde convenienti ordine genealogia Christi est ab Evangelistis scripta.

Ad primum ergo dicendum, quod, sicut Hieronymus dicit super Mattheum. (in cap. i. in princ.) Isaías loquitur de generatione Divinitatis Christi; Matthaeus autem enarrat generationem Christi secundum humanitatem, non quidem explicans modum incarnationis, quia hoc etiam est ineffabile, sed enumerans patres, ex quibus Christus secundum carnem processit.

Ad secundum dicendum, quod ad hanc obiectionem, quam movit Iulianus Apostata, diversimode ab aliquibus respondetur.

Quidam enim, ut Gregorius Nazianzenus dicit, ( Vide August. Lib. II. Q. 9. Evang. quæst. v. ) dicunt eisdem esse quos uterque Evangelista enumerat, sed sub diversis nominibus, quasi ( a ) binomios. Sed hoc stare non potest: quia Matthæus ponit unum filiorum David, scilicet Salomonem; Lucas autem ponit alium, scilicet Nathan, quos secundum historiam Libri Regum constat fratres fuisse.

Unde alii dixerunt, quod Matthæus veram genealogiam Christi tradidit, Lucas autem putativam: unde inceptit, *Uti putabatur, filius Ioseph*. Erant enim aliqui ex Iudæis, qui propter peccata Regum Iuda credebant, Christum ex David non per Reges, sed per aliam eius stirpem hominum privatorum esse nasciturum.

Alii vero dixerunt, quod Matthæus posuit patres carnales, Lucas vero posuit patres spirituales, scilicet iustos viros, qui dicuntur patres propter similitudinem honestatis. In libro vero de quæstionibus veteris, & novi Testamenti ( part. I. quæst. lvi. & par. II. in Q. novi Testam. quæst. vi. inter opera Aug. ) respondetur, quod non est intelligendum, quod Ioseph a Luca dicitur esse filius Heli, sed quod Heli, & Ioseph fuerunt patres Christi, diversimode a David descendentes. Unde de Christo dicitur, quod putabatur filius Ioseph, & quod ipse etiam Christus fuit Heli filius; quasi diceret, quod Christus ea ratione qua dicitur filius Ioseph, potest dici filius Heli, & omnium eorum qui ex stirpe David descendunt, sicut Apostolus dicit Rom. ix. 5. *Ex quibus, scilicet Iudæis, Christus est secundum carnem*.

Augustinus vero in Lib. II. de quæstionibus Evangel. ( quæst. v. ) tripliciter solvit, dicens: *Tres causæ occurrunt; quarum aliquam Evangelista secutus est. Una enim unus Evangelista patrem Ioseph, a quo genitus est, nominavit; alter vero vel avum maternum, vel aliquem de cognatis maioribus posuit: aut unus erat Ioseph naturalis pater, & alter cum adoptivæ: aut more Iudæorum, cum sine filiis unus decessisset, eius uxorem propin-*

*quus accipiens, filium quem genuit, propinquo mortuo deputavit: quod etiam quoddam genus adoptionis legalis est, ut ipse Augustinus dicit in II. de consensu Evangel. ( cap. xxx. a princ. )*

Et hæc ultima causa est verior, quam & Hieronymus super Matth. ( cap. I. sup. illud, *Iacob autem genuit Ioseph* ) ponit, & Eusebius Cæsariensis in ecclesiastica historia ( Lib. I. cap. vii. ) ab Aphricano Historiographo traditam asserit. Dicunt enim, quod ( b ) Marthan, & Melchi diversis temporibus de una eademque uxore Estha nomine singulos filios procreaverunt: quia Marthan, qui per Salomonem descendit, uxorem eam primum ceperat; & relicto filio uno Iacob nomine, defunctus est: post cuius obitum, quoniam lex viduam alii viro non verat nubere, Melchi qui per Nathan genus ducit; cum esset ex eadem tribu, sed non ex eodem genere, relictam Marthan accepit uxorem, ex qua etiam ipse suscepit filium nomine Heli: & sic ex diverso patrum genere efficiuntur Iacob, & Heli uterini fratres: quorum alter, idest Iacob, fratris sui Heli sine liberis defuncti ex mandato legis accipiens uxorem, genuit Ioseph, natura quidem generis suum filium; secundum vero legis præceptum Heli efficitur filius. Et ideo Matthæus dicit, *Iacob genuit Ioseph*; sed Lucas, quia legalem generationem describit, nullum nominat aliquem genuisse. Et quavis Damascenus dicat ( Lib. IV. orth. Fid. cap. xv. ante med. ) quod B. Virgo Maria Ioseph attinebat secundum illam originem, qua pater eius dicitur Heli, quia dicit eam ex Melchi descendisse; tamen credendum est quod etiam ex Salomone originem duxerit, secundum aliquem modum per illos patres, quos enumerat Matthæus, qui carnalem Christi generationem dicitur enarrare; præsertim cum Ambrosius dicat ( sup. illud Lucæ xii. *Qui fuit Salasbiel* ) Christum de semine Iechonizæ descendisse.

Ad tertium dicendum, quod, sicut dicit Augustinus in Lib. II. de consensu Evangel. ( cap. iv. ) *Matthæus regiam in Christo insinuat insinuare personam, Lucas autem sacerdotalem: unde in generationibus Matthæi significatur nostrorum susceptio peccatorum a Domino Iesu Christo, inquantum scilicet per carnis originem similitudinem carnis peccati assumptæ;*

( a ) Ita mss. edit. omnes. Ed. t. Parav. binomines. ( b ) Ita mss. & edit. accuratius. Alii Nathan: sicut infra pro Estha al. Elca.



phit; in generationibus autem Lucae signatur nostrorum abolitio peccatorum, quæ est per sacrificium Christi. Et ideo generationes Matthæus descendens enumerat, Lucas autem ascendens. Inde etiam est quod Matthæus ab ipso David per Salomonem descendit, in cuius matre ille peccavit; Lucas vero ad ipsum David per Nathan ascendit, per cuius nominis Prophetam Deus peccatum illius expiavit. Et inde est etiam quod quia Matthæus ad mortalitatem nostram Christum descendentem voluit figurare, ipsas generationes ab Abraham usque ad Ioseph, & usque ad ipsum Christum nativitatem descendendo commemoravit ab initio Evangelii sui; Lucas autem non ab initio, sed a bassimo Christi generationes narrat, nec descendendo, sed ascendendo, tamquam sacerdotem in expiandis peccatis magis assignans, ubi testimonium Iohannes perhibuit dicens: „Ecce qui tollit peccatum mundi:“ ascendendo autem transit ad Abraham, & pervenit ad Deum, cui mundati, & expiati reconciliamur. Merito etiam adoptionis originem ipse suscepit: quia per adoptionem efficitur filii Dei; per carnalem vero generationem Filius Dei filius hominis factus est. Satis autem demonstravit, non se idcirco dixisse Ioseph filium Heleli, quod de illo sit genitus, sed quod ab illo fuerit adoptatus, cum & ipsum Adam filium Dei dixerit, cum sit factus a Deo. Numerus etiam quadragenarius ad tempus præsentis vitæ pertinet, propter quatuor partes mundi, in quo mortalem vitam ducimus sub Christo regnante. Quadraginta autem quater habent decem, & ipsa decem ab uno usque ad quatuor progrediente numero consummatur. Posset etiam denarius ad Decalogum referri, & quaternarius ad præsentem vitam, vel etiam ad quatuor Evangelia, secundum quæ Christus regnat in nobis. Et ideo Matthæus regiam personam Christi commendans, quadraginta personas posuit, excepto ipso. Sed hoc intelligendum est, si sit idem Iechonias, qui ponitur in fine secundi quaternarii, & in principio tertii, ut Augustinus vult (loc. sup. cit.) qui dicit factum esse ad significandum, quod in Iechonia facta est quedam deflexio ad extraneas gentes, quando in Babyloniam transmigrationem est; quod præfigurabat Christum a circumcissione ad præputium migrationem. Hieronymus autem dicit (sup. illud March. 1. Et post transmigrationem) duos fuisse Iochim, idest Iechonias, patrem scilicet, & filium; quorum uterque in generatione Christi assumitur, ut confiter distinctionem generationum, quas Evangelista per tres quaterdenarios distinguit, quod ascendit ad quadraginta duas personas. Qui etiam numerus sanctæ convenit Ecclesiæ: hic enim numerus confurgit ex senario, qui significat laborem præsentis vitæ, & septenario, qui significat quietem vitæ futuræ: sexies enim septem sunt quadraginta duo. Ipse etiam quaterdenarius, quia ex denario, & quaternario constituitur per aggregationem ad eandem significationem pertinere potest, quæ attributa est quadragenario, qui confurgit ex eisdem numeris secundum multiplicationem. Numerus autem quo Lucas utitur in generationibus Christi, significat universitatem peccatorum. Denarius enim, tamquam inutilitatis numerus, in decem præceptis legis ostenditur. Peccatum autem est legis transgressio. Denarii vero numeri transgressio est undenarius. Septenarius autem significat universitatem: quia univarium tempus septenario dierum numero voluitur. Septies autem undecim sunt septuaginta septem. Et ita per hoc significatur universalitas peccatorum, quæ per Christum tolluntur.

Ad quartum dicendum, quod, sicut Hieronymus super Matth. dicit, (cap. 1. sup. illud, Ioram autem genuit &c.) quia Ioram Rex generi se miscuerat impissimæ Iezabelis, idcirco usque ad tertiam generationem eius memoria tollitur, ne in sanctæ nativitatē ordine poneretur. Et ita, ut Chrysostomus (alius Auctor) dicit (hom. 1. in Matth. in oper. imperf. ante med.) quanta benedictio facta est super Iobab, qui vindictam fecerat super domum Achab, & Iezabel, tanta fuit maledictio super domum Ioram propter filiam iniqui Achab, & Iezabel, ut usque ad quartam generationem præcidantur filii eius de numero Regum, sicut scriptum est Exod. xx. Reddam peccatum parentum in filios usque ad tertiam, & quartam generationem. Est etiam attendendum, quod & alii Reges fuerunt peccatores, qui in genealogia Christi ponuntur; sed non fuit eorum continua impietas. Nam, ut dicitur in Lib. questionum veteris, & novi Testamenti (quæst. lxxx. a med.) Salomon merito patris sui dimissus in regno est; Roboam merito Aia filii sui. Horum autem trium continuavit impietatem.

Ad quintum dicendum, (a) quod, sic-  
ut dicit Hieronymus super Matth. (cap.  
x. super illud, *Iudas genuit &c.*) in  
genealogia Saluatoris nulla sanctarum mu-  
lierum assumitur, sed eas quas Scriptura  
reprehendit, ut qui propter peccatores vene-  
nerat, de peccatoribus nascens omnium  
peccata deleteret. Unde ponitur Thamar,  
quæ reprehenditur de socrino concubi-  
tu; & Raab, quæ fuit meretrix; &  
Ruth, quæ fuit alienigena; & Ber-  
sabee, uxor Uriæ, quæ fuit adultera,  
quæ tamen proprio nomine non ponitur,  
sed ex nomine viri designatur: tum pro-  
pter peccatum ipsius, quæ fuit adulterii,  
& homicidii conficia; tum etiam ut no-  
minato viro peccatum David ad memo-  
riam revocetur. Et quia Lucas Chri-  
stum designare intendit ut peccatorum  
expiatore, talium mulierum mentio-  
nem non facit. Fratres autem Iudæ  
commemoratur, ut ostendat eos ad Dei  
populum pertinere; cum tamen Ismael  
frater Isaac, & Esau frater Iacob a po-  
pulo Dei fuerint separati, propter quod  
in generatione Christi non commemo-  
rantur; & etiam ut superbiam de nobi-  
litate excludat. Multi enim fratrum Iu-  
dæ ex ancillis nati fuerunt; sed omnes  
simul erant Patriarchæ, & tribuum prin-  
cipes. Phares autem, & Zaram simul  
nominantur, ut Ambrosius dicit super  
Lucam (cap. iii. sup. illud, *Qui fuit  
Phares*) quia per eos gemina describitur  
vita populorum: una secundum legem,  
quæ significatur per Zaram, altera secun-  
dum fidem, quæ significatur per Phares.  
Fratres autem Iechonias ponit, quia o-  
mnes regnaverunt diversis temporibus,  
quod in aliis Regibus non acciderat; vel  
quia eorum similis fuit & iniquitas, &  
miseria.

## ARTICULUS. IV. 171

*Utrum decuerit Christum nasci  
de femina.*

III. dist. xii. quest. iiii. art. 2. quest. 2.  
& opusc. ii. cap. cxcviii.

**A**D quantum sic proceditur. Videtur  
quod materia corporis Christi non  
debuisset esse assumpta de femina. Sexus  
enim masculinus est nobilior quam se-  
xus femineus. Sed maxime decuit ut  
Christus assumeret id quod est perfectum

in humana natura. Ergo videtur quod  
non debuerit de femina carnem assu-  
mere, sed magis dei viro, sicut & Eva  
de costa viri formata est.

2. Præterea. Quicumque ex femina  
concipitur, utero femine includitur.  
Sed Deo, qui calum, & terram implet,  
ut dicitur Hierem. xxxiii. non competit  
quod parvo femine utero includatur. Er-  
go videtur quod non debuerit concipi de  
femina.

3. Præterea. Illi qui concipiuntur ex  
femina, quamdam immunditiam patiun-  
tur; unde dicitur Iob xxv. 4. *Namquid  
iustificari potest homo comparatus Deo,  
aut apparere mundus natus de muliere?*  
Sed in Christo nulla immunditia esse de-  
buit: ipse enim est Dei sapientia, de qua  
dicitur Sapientie vii. 25. *Nihil inquinatum  
in illam incurrit.* Ergo videtur  
quod non debuerit carnem assumere de  
femina.

Sed contra est quod dicitur Galat. iv.  
4. *Misit Deus Filium suum factum ex mu-  
liere.*

Respondeo dicendum, quod licet Fi-  
lius Dei carnem humanam assumere  
potuerit de quacumque materia voluisset;  
convenientissimum tamen fuit ut  
de femina carnem acciperet. Primo quidem  
quia per hoc tota humana natura  
nobilitata est. Unde Augustinus dicit in  
Lib. lxxxiii. Q. (quæst. xi.) *Hominis  
liberatio in utroque sexu debuit apparere.*  
Ergo quia virum oportebat suscipere, qui  
sexus honorabilior est, conveniens erat ut  
feminei sexus liberatio hinc appareret quod  
ille vir de femina natus est. Secundo  
quia per hoc veritas incarnationis ad-  
struitur. Unde Ambrosius dicit in Lib.  
de incarnat. (cap. vi. cir. med.) *Multa  
in Christo secundum naturam invenies, &  
ultra naturam: secundum conditionem et-  
enim natura in utero, feminei scilicet  
corporis, fuit; sed supra conditionem vir-  
go concepit, virgo generavit; ut crederes  
quia Deus erat, qui innovabat natu-  
ram, & homo erat, qui secundum naturam  
nascebatur ex homine.* Et Augustinus di-  
cit in epist. ad Volusianum (cxxxvii.  
al. iiii. parum ante med.) *Si omnipotens  
Deus hominem ubicumque formatum non  
ex materno utero crearet, sed repentinum  
inserter aspectibus, nonne opinionem con-  
firmaret erroris, nec hominem verum sus-  
cepisse ullo modo crederetur? & dum om-  
nia mirabiliter facit, auferres quod mi-  
seri-*

(1) Ita cum mss. & antiquis editis Nicolais, Theologi & edit. Parav. dicendum, sicut dicit Hieron. super  
Matth. .... in genealogia Saluatoris nullam sanctarum mulierum assumi, sed eas &c.

*sericorditer fecit? Nunc vero ita inter Deum & hominem mediator apparuit, ut in unitate personae copulans utramque naturam, & solita sublimaret insolitis, & insolita solitis temperaret. Tertio quia per hunc modum completur omnis diversitas generationis humanæ. Nam primum homo productus est ex limo terræ sine viro, & femina; Eva vero producta est ex viro sine femina; alii vero homines nascuntur ex viro, & femina. Unde hoc quartum quasi Christo proprium relinquebatur, ut produceretur ex femina sine viro.*

Ad primum ergo dicendum, quod quia sexus masculinus est nobilior quam femineus, ideo humanam naturam in masculino sexu assumptis. Ne tamen sexus femineus contemneretur, congruum fuit ut carnem assumeret de femina. Unde Augustinus dicit in Lib. de agone christiano (cap. xi. cir. med.) *Nolite vos ipsos contemnere viri: Filius Dei virum suscepit. Nolite vos ipsos contemnere feminae: Filius Dei natus ex femina est.*

Ad secundum dicendum, quod, sicut Augustinus dicit XXIII. Lib. contra Faust. (cap. x. ante med.) qui hac objectionem utebatur: *Non plane (a) inquit, catholica fides, quæ Christum Dei Filium, natum secundum carnem credit ex virgine, ullo modo eundem Dei Filium sic in utero mulieris includit, quasi extra non sit, quasi cæli, & terræ administrationem deseruerit, quasi a Patre recesserit. Sed vos Manichei corde illo quo nihil potestis nisi corporalia phantasmata cogitare, ista omnino non capitis. Ut enim dicit in epist. ad Volusian. (cxxxvii. al. iii. aliquant. a princ.) hominum iste sensus est, nihil nisi corpora valentium cogitare, quorum nullum potest esse ubique totum, quoniam per innumerabiles partes aliud alibi habere necesse est. Longe alia est animæ natura quam corporis: quanto magis Dei, qui creator est animæ, & corporis, & novis ubique totus esse, & nullo contineri loco; novit venire, non recedendo ubi erat; novit abire, non deserendo quo venerat?*

Ad tertium dicendum, quod in conceptione viri ex femina non est aliquid immundum, inquantum est opus Dei: unde dicitur Act. x. 15. *Quod Deus (b) creavit, tu ne commune dixeris, idest immundum.* Est ibi tamen aliqua immunditia ex peccato proveniens, prout cum libidine quis concipitur ex

commixtione maris, & feminae; quod tamen in Christo non fuit, ut supra ostensum est (quæst. xxxix. art. 2.)

Si tamen aliqua esset ibi immunditia, ex ea non inquinaretur Dei Verbum, quod nullo modo est mutabile, vel alterabile. Unde Augustinus dicit in Lib. de v. hæresibus (cap. v. cir. med.) *Dicit Deus creator hominis, filius hominis: Quid est, quod te permovet in mea natiuitate? non sum libidinis conceptus cupiditate: ego matrem, de qua nascerer, feci. Si Solis radius cloacarum sordes siccare novit, eis inquinari non novit, quanto magis splendor lucis æternæ, quocumque radiaverit, mundare potest, & ipse pollui non potest?*

## ARTICULUS V. 173

*Utrum corpus Christi de purissimis sanguinibus Virginis formatum fuerit.*

### III. dist. III. quæst. II. art. I. ad 4.

**A**D quantum sic proceditur. Videtur quod caro Christi non fuerit concepta ex purissimis sanguinibus Virginis. Dicitur enim in collecta, quod Deus Verbum suum de Virgine carnem sumere voluit. Sed caro differt a sanguine Virginis. Ergo corpus Christi non est sumptum de sanguine Virginis.

2. Præterea. Sicut mulier formata est miraculose de viro, sic corpus Christi miraculose formatum est de Virgine. Sed mulier non dicitur esse formata de sanguine viri, sed magis de carne, & ossibus eius, secundum illud quod dicitur Genes. 11. 23. *Hoc nunc os de ossibus meis, & caro de carne mea.* Ergo videtur quod nec etiam corpus Christi formari debuerit de sanguine Virginis, sed de carnibus, & ossibus eius.

3. Præterea. Corpus Christi fuit eiusdem speciei cum corporibus aliorum hominum. Sed corpora aliorum hominum non formantur ex purissimo sanguine, sed ex femine, & sanguine menstruo. Ergo videtur quod nec etiam corpus Christi fuerit conceptum ex purissimis sanguinibus Virginis.

Sed contra est quod Damascenus dicit in III. Lib. (orth. Fid. cap. 11. in med.) quod *Filius Dei construxit sibi ipse ex castissimis, & purissimis sanguinibus Virginis carnem animatam rationi.*

Respondeo dicendum, quod, sicut supra

(a) An redondas inquit? (b) Vulgata purificavit.

pra dictum est ( art. præc. ) in conceptione Christi fuit secundum conditionem naturæ quod est natus ex femina, sed supra conditionem naturæ quod est status ex virgine. Habet autem hoc naturalis conditio quod in generatione animalis femina materiam ministrat, ex parte autem maris fit principium activum in generatione, sicut probat Philosophi in Lib. I. de generatione animalium. ( cap. xix. in fine ) Femina autem quæ ex matre concipit, non est virgo. Et ideo ad supernaturalem modum generationis Christi pertinet quod activum principium in generatione illa fuerit virtus supernaturalis divina; sed ad naturalem modum generationis eius pertinet quod eius materia, de qua corpus eius conceptum est, sit conformis materię quam aliæ seminae subministrant ad conceptionem prolis. Hæc autem materia, secundum Philosophum in Lib. I. de generatione animalium ( cap. xix. ) est sanguis mulieris, non quicumque sed perductus ad quandam ampliorem digestionem per virtutem generativam matris, ut sit materia apta ad conceptum. Et ideo ex tali materia fuit corpus Christi conceptum.

Ad primum ergo dicendum, quod cupit. B. Virgo fuerit eiusdem naturæ cum aliis feminis, consequens est quod habuerit carnem, & ossa eiusdem naturæ. Carnes autem, & ossa in aliis feminis sunt actuales corporis partes, ex quibus constituitur integritas corporis: & ideo subtrahi non possunt sine corruptione corporis, vel diminutione. Christus autem, qui venerat corrupta reparare, nullam corruptionem, aut diminutionem integritati matris eius inferre debuit, ut supra dictum est ( quæst. xxviii. art. 1. & 2. ) Et ideo non debuit corpus Christi formari de carne, vel ossibus Virginis, sed de sanguine, qui nondum est actu pars, sed est potentia totum, ut dicitur in Lib. I. de gener. animalium ( cap. xviii. & xix. ) Et ideo dicitur carnem de Virgine sumpsisse, non quod materia corporis eius fuerit actu caro, sed sanguis, qui est potentia caro.

Ad secundum dicendum, quod, sicut in prima parte dictum est ( quæst. xcii. art. 3. ad 2. ) Adam, quia institutus erat ut principium quoddam humanæ naturæ, habebat in suo corpore aliquid carnis, & ossis, quod non pertinebat ad integritatem personalem

ipsius, sed solum inquantum erat naturæ humanæ principium: & de tali carne formata est mulier absque viri detrimento. Sed nihil tale fuit in corpore Virginis, ex quo corpus Christi posset formari sine corruptione materni corporis.

Ad tertium dicendum, quod semen feminæ non est generandi aptum, sed est quiddam imperfectum in genere seminis, quod non potuit perducit ad perfectum seminis complementum propter imperfectionem virtutis feminæ. Et ideo tale semen non est materia, quæ de necessitate requiratur ad conceptum, sicut Philosophus dicit in Lib. I. de generat. animalium ( cap. xix. a med. ) Et ideo in conceptione corporis Christi non fuit: præsertim quia licet sit imperfectum in genere seminis, tamen cum quadam concupiscentia resolvitur, sicut & semen maris. In illo autem conceptu virginali concupiscentia locum habere non potuit. Et ideo Damascenus dicit ( Lib. III. orth. Fid. cap. 11. cir. med. & Lib. IV. cap. xv. a med. ) quod corpus Christi non feminaliter conceptum est. Sanguis autem menstruus, quem feminæ per singulos menses emittunt, impuritate quamdam naturalem habet corruptionis; sicut & ceteræ superfluitates, quibus natura non indiget, sed eas expellit. Ex tali autem menstruo corruptionem habente, quod natura repudiat, non formatur conceptus; sed hoc est purgamentum quoddam illius puri sanguinis, qui digestionem quamdam est præparatus ad conceptum, quasi purior, & perfectior alio sanguine. Habet tamen impuritatem libidinis in conceptione aliorum hominum, inquantum ex ipsa commixtione maris, & feminæ talis sanguis ad locum generationi congruum attrahitur. Sed hoc in conceptione Christi non fuit; quia operatione Spiritus sancti talis sanguis in utero Virginis adunatus est, & formatus in prolem. Et ideo dicitur corpus Christi ex castissimis, & purissimis sanguinibus Virginis formatum.

## ARTICULUS VI. 173

*Utrum corpus Christi in antiquis patribus fuerit secundum aliquid signatum.*

III. dist. III. quæst. IV. art. 2.

**A**D sextum sic proceditur. Videtur quod corpus Christi fuerit secundum aliquid signatum in Adam, & in aliis patribus. Dicit enim Augustinus x. super Genes. ad lit. (cap. XIX. & XX.) quod caro Christi fuit in Adam, & Abraham secundum corpulentam substantiam. Sed substantia corpulenta est quiddam signatum. Ergo caro Christi fuit in Adam, & Abraham, & aliis patribus secundum aliquid signatum.

2. Præterea. Rom. 1. 3. dicitur, quod *Christus factus est ex semine David secundum carnem*. Sed semen David fuit aliquid signatum in ipso. Ergo Christus fuit in David secundum aliquid signatum, & eadem ratione in aliis patribus.

3. Præterea. Christus ad humanum genus affinitatem habet, in quantum ex humano genere carnem assumpsit. Sed si caro illa non fuit secundum aliquid signatum in Adam, nullam videtur habere affinitatem ad humanum genus, quod ex Adam derivatur, sed magis ad alias res, unde materia carnis eius assumpta est. Videtur ergo quod caro Christi fuerit in Adam, & in aliis patribus secundum aliquid signatum.

Sed contra est quod Augustinus dicit x. super Genes. ad lit. (colligitur ex cap. XIX. & XX.) Quocumque modo Christus fuit in Adam, & Abraham, & aliis patribus, alii homines etiam ibi fuerunt, sed non convertitur. Alii autem homines non fuerunt in Adam, & Abraham secundum aliquam materiam signatam, sed solum secundum originem, ut in prima parte habitum est (quæst. & art. ult. ad 4.) Ergo neque Christus fuit in Adam, & Abraham secundum aliquid signatum, & eadem ratione nec in aliis patribus.

Respondeo dicendum, quod, sicut supra dictum est (art. præc.) materia corporis Christi non fuit caro, & os B. Virginis, nec aliquid quod fuerit actu pars corporis eius, sed sanguis, qui est potentia caro. Quicquid autem fuit in B. Virgine a parentibus acceptum, fuit actu pars corporis B. Virginis. Unde illud quod fuit in B. Virgine a parentibus acceptum, non fuit materia corporis Christi.

Et ideo dicendum est, quod corpus Christi non fuit in Adam, & aliis patribus secundum aliquid signatum, ita scilicet quod aliqua pars corporis Adæ, vel alicuius alterius posset designari determinate, ut diceretur quod ex hac materia determinate formabitur corpus Christi; sed fuit ibi secundum originem, sicut & caro aliorum hominum. Corpus enim Christi habet relationem ad Adam, & alios patres mediante corpore matris eius. Unde nullo alio modo fuit in patribus corpus Christi quam corpus matris eius, quod non fuit in patribus secundum materiam signatam, sicut nec corpora aliorum hominum, ut in prima parte dictum est (quæst. & art. ult. ad 4.)

Ad primum ergo dicendum, quod cum dicitur Christus fuisse in Adam secundum corpulentam substantiam, non est intelligendum hoc modo quod corpus Christi in Adam fuerit quædam corpulenta substantia; sed quia corpulenta substantia corporis Christi, id est materia quam sumpsit ex Virgine, fuit in Adam sicut in principio activo, non autem sicut in materiali principio; quia scilicet per virtutem generativam Adæ, & aliorum ab Adam descendendum usque ad B. Virginem, factum est ut illa materia præpararetur ad conceptum corporis Christi. Non autem fuit materia illa formata in corpus Christi per virtutem feminis ab Adam derivatam. Et ideo Christus dicitur fuisse in Adam originaliter secundum corpulentam substantiam, non autem secundum seminalem rationem.

Ad secundum dicendum, quod quavis corpus Christi non fuerit in Adam, & in aliis patribus secundum seminalem rationem; corpus tamen B. Virginis, quod ex semine maris est conceptum, fuit in Adam, & in aliis patribus secundum rationem seminalem. Et ideo mediante B. Virgine Christus secundum carnem dicitur esse ex semine David per modum originis.

Ad tertium dicendum, quod Christus habet affinitatem ad humanum genus secundum similitudinem speciei. Similitudo autem speciei attenditur non secundum materiam remotam, sed secundum materiam proximam, & secundum principium activum, quod generat sibi simile in specie. Sic igitur affinitas Christi ad humanum genus sufficienter conservatur per hoc quod corpus Christi formatum est ex sanguinibus Virginis, derivatis secundum originem ab Adam, & aliis

illis patribus. Nec refert ad hanc affinitatem, undeque materia illorum sanguinum sumpta fuerit; sicut nec hoc refert in generatione aliorum hominum, sicut in prima parte dictum est (quaest. cxviii. art. 1.).

## ARTICULUS VII. 174

*Utrum caro Christi in patribus fuerit peccato obnoxia.*

III. dist. 111. quaest. 14. art. 1.

**A**D septimum sic proceditur. Videtur quod caro Christi in antiquis patribus peccato infecta non fuerit. Dicitur enim Sap. vii. quod in divinam sapientiam nihil inquinatum incurrit. Christus autem est Dei sapientia, ut dicitur I. ad Corinth. i. Ergo caro eius numquam peccato inquinata fuit.

2. Præterea. Damascenus dicit in III. Lib. (orth. fid. cap. 11. a. med. & cap. xi. a. princ.) quod Christus primitias nostræ naturæ assumpsit. Sed in primo statu caro humana non erat peccato infecta. Ergo caro Christi non fuit infecta nec in Adam, nec in aliis patribus.

3. Præterea. Augustinus dicit x. super Genes. ad lit. (cap. xx. a. med.) quod *natura humana semper habuit cum vulneris medicinam*. Sed id quod est infectum; non potest esse vulneris medicina, sed magis ipsum indiget medicina. Ergo semper in natura humana fuit aliquid non infectum, ex quo postmodum est corpus Christi formatum.

Sed contra est quod corpus Christi non refertur ad Adam, & ad alios patres, nisi mediante corpore B. Virginis, de qua carnem assumpsit. Sed corpus B. Virginis totum fuit in originali peccato conceptum, ut supra dictum est (quaest. xiv. art. 3. ad 1. & quaest. xxvii. art. 2.) & ita etiam secundum quod fuit in patribus, fuit peccato obnoxium. Ergo caro Christi, secundum quod fuit in patribus, fuit peccato obnoxia.

Respondeo dicendum, quod cum dicimus, Christum, vel carnem eius fuisse in Adam, & in aliis patribus, comparamus ipsum, vel carnem eius ad Adam, & alios patres. Manifestum autem est quod alia fuit conditio patrum, & alia Christi: nam patres fuerunt subiecti peccato; Christus autem fuit omnino a peccato immunis.

Dupliciter ergo in hac comparatione errare contingit. Uno modo ut attribuamus Christo, vel carni eius conditionem quæ fuit in patribus; puta si dicamus, quod Christus in Adam peccavit, quia in eo aliquo modo fuit; quod est falsum; quia non eo modo in eo fuit, ut ad Christum peccatum Adæ perveniret, quia non derivatur ab eo secundum concupiscentiæ legem, sive secundum rationem feminalem, ut supra dictum est (art. præc. ad 1. & quaest. xv. art. 1. ad 2.). Alio modo contingit errare, si attribuamus ei quod actu fuit in patribus, conditionem Christi, vel carnis eius, ut scilicet quia caro Christi, secundum quod in Christo fuit, non fuit peccato obnoxia, ita etiam in Adam, & in aliis patribus fuerit aliqua pars corporis eius quæ non fuit peccato obnoxia, ex qua postmodum corpus Christi formaretur, sicut quidam posuerunt: Quod quidem esse non potest. Primo quia caro Christi non fuit secundum aliquod signatum in Adam, & in aliis patribus, quod posset distingui a reliqua eius carne, sicut purum ab impuro, sicut iam supra dictum est (loc. cit.) Secundo quia eum caro humana peccato inficiatur ex hoc quod est per concupiscentiam concepta, sicut tota caro alius cuius hominis per concupiscentiam concipitur, ita etiam tota peccato inquinatur.

Et ideo dicendum est, quod tota caro antiquorum patrum fuit peccato obnoxia; nec fuit in eis aliquid a peccato immune, de quo postmodum corpus Christi formaretur.

Ad primum ergo dicendum, quod Christus non assumpsit carnem humani generis subiectam peccato, sed ab omni infectione peccati mundatam: & ideo in Dei sapientiam nihil inquinatum incurrit.

Ad secundum dicendum, quod Christus dicitur primitias nostræ naturæ assumpsisse quantum ad similitudinem conditionis, quia scilicet assumpsit carnem peccato non infectam, sicut fuerat caro hominis ante peccatum; non autem hoc intelligitur secundum continuationem puritatis, ita scilicet quod illa caro (a) primi hominis conservaretur a peccato immunis usque ad formationem corporis Christi.

Ad tertium dicendum, quod in humana natura ante Christum erat vulnus, id est infectio originalis peccati in actu;

N 2 me-

medicina autem vulneris non erat ibi, sed solum secundum virtutem originis, prout ab illis patribus propaganda erat caro Christi.

## ARTICULUS VIII. 175

*Utrum Christus in lumbis Abrahe fuerit decimatus.*

III. dist. III. quest. IV. art. 3. quest. II.  
 & IV. dist. I. quest. II. art. 2. quest.  
 3. ad 2. & dist. II. quest. I. art. 2.  
 ad 4.

**A**D octavum sic proceditur. Videtur quod Christus fuerit in lumbis Abrahe decimatus. Dicit enim Apostolus ad Hebr. vii. quod Levi pronepos Abrahe decimatus fuit in Abraham, quia eo decimas dante Melchisedech, adhuc Levi erat in lumbis eius. Sed similiter Christus erat in lumbis Abrahe, quando decimas dedit. Ergo ipse etiam Christus fuit decimatus in Abraham.

2. Præterea. Christus est ex semine Abrahe secundum carnem, quam de matre accepit. Sed mater eius fuit decimata in Abraham. Ergo pari ratione Christus.

3. Præterea. Illud in Abraham decimabatur quod curatione indigebat, ut Augustinus dicit x. super Genes. ad lit. (cap. xx. a med.) Curatione autem indiget omnis caro peccato obnoxia. Cum igitur caro Christi fuerit peccato obnoxia, sicut dictum est (art. præc.) videtur quod caro Christi in Abraham fuerit decimata.

4. Præterea. Hoc non videtur aliquo modo derogare dignitati Christi: nihil enim prohibet, patre alicuius Pontificis decimas dante, alicui sacerdoti, filium eius Pontificem maiorem esse simplicem sacerdotem. Licet ergo dicatur Christus decimatus, Abraham decimas dante Melchisedech, non tamen propter hoc excluditur quin Christus sit maior quam Melchisedech.

Sed contra est quod Augustinus dicit in x. super Genes. ad lit. (cap. xx. a med.) quod *Christus ibi*, scilicet in Abraham, decimatus non est, cuius caro inde non fervorem vulneris, sed materiam medicaminis traxit.

Respondendo dicendum, quod secundum intentionem Apostoli oportet dicere, quod Christus in lumbis Abrahe non fuerit decimatus. Probat enim Apostolus,

maius esse sacerdotium quod est secundum ordinem Melchisedech, sacerdotio Levitico, per hoc quod Abraham decimas dedit Melchisedech, adhuc Levi existente in lumbis eius, ad quem pertinet legale sacerdotium. Si autem Christus etiam in Abraham decimatus esset, eius sacerdotium non esset secundum ordinem Melchisedech, sed minus sacerdotio Melchisedech. Et ideo dicendum est, quod Christus non est decimatus in lumbis Abrahe, sicut Levi. Quia enim ille qui decimas dat, novem sibi retinet, & decimam alii tribuit, quod est perfectionis signum, inquantum est quodammodo terminus omnium numerorum, qui procedunt utque ad decem; inde est quod ille qui decimas dat, proteclatur se imperfectum, & perfectionem alii tribuere. Imperfectio autem humani generis est propter peccatum, quod indiget perfectione eius qui a peccato curat. Curare autem a peccato est solus Christi: ipse enim est agnus qui tollis peccatum mundi, ut dicitur Ioan. i. Figuram autem eius gerebat Melchisedech, ut Apostolus probat Hebr. vii. Per hoc ergo quod Abraham Melchisedech decimas dedit, præfiguravit se velut in peccato conceptum, & omnes qui ab eo descenduri erant, & ratione ut peccatum originale contraherent, indigere curatione, quæ est per Christum. Isaac autem, & Iacob, & Levi, & omnes alii qui fuerunt in Abraham, ut ex eo derivarentur non solum secundum corpulentam substantiam, sed etiam secundum rationem seminalem, per quam originale peccatum contrahitur. Et ideo omnes in Abraham sunt decimati, id est præfigurati indigere curatione, quæ est per Christum. Solus autem Christus sic fuit in Abraham ut ab eo derivaretur non secundum rationem seminalem, sed secundum corpulentam substantiam. Et ideo non fuit in Abraham sicut curatione indigens, sed magis sicut vulneris medicina. Et ideo non fuit in lumbis Abrahe decimatus.

Et per hoc patet responsio ad primum.

Ad secundum dicendum, quod quia B. Virgo fuit in originali concepta, fuit in Abraham sicut curatione indigens: & ideo fuit ibi decimata, velut inde descendens secundum seminalem rationem. De corpore autem Christi non est sic, ut dictum est (art. præc.)

Ad tertium dicendum, quod caro Christi dicitur fuisse in antiquis patribus peccato obnoxia, secundum qualitatem quam ha-

habuit in suis parentibus, qui fuerunt decimati. Non autem secundum qualitatem quam habet, prout est actu in Christo, qui non est decimatus.

Ad quartum dicendum, quod sacerdotium Leviticum secundum carnis originem derivabatur. Unde non minus fuit in Abraham quam in Levi. Unde per hoc quod Abraham decimas dedit Melchisedech tamquam maiori, ostenditur sacerdotium Melchisedech, in quantum gerit figuram Christi, esse maius sacerdotio Levitico. Sacerdotium autem Christi non sequitur carnis originem, sed gratiam spiritualem. Et ideo potest esse quod pater decimas alicui sacerdoti, tamquam minor maiori; & tamen filius eius, si sit Pontifex, esse maior illo sacerdote, non propter carnis originem, sed propter gratiam spiritualem, quam habet a Christo.

## QUAESTIO XXXII.

*De conceptione Christi quoad activum principium,*

*in quatuor articulos divisa.*

**D**Einde considerandum est de principio activo in conceptione Christi: & circa hoc quaeruntur quatuor.

Primo, utrum Spiritus sanctus fuerit principium activum conceptionis Christi.

Secundo, utrum possit dici, quod Christus sit conceptus de Spiritu sancto.

Tertio, utrum possit dici, quod Spiritus sanctus sit pater Christi secundum carnem.

Quarto, utrum B. Virgo aliquid active egerit in conceptione Christi.

## ARTICULUS I. 176

*Utrum Spiritus sanctus fuerit principium activum conceptionis Christi.*

**II. dist. 11. quæst. 11. art. 2. quæst. 2. & IV. cont. cap. XIII. & XVI. & op. 11. cap. CCXXXIII. & Io. XII. lec. 4.**

**A**D primum sic proceditur. Videtur quod efficere conceptionem Christi non debeat attribui Spiritui sancto. Quia, ut Augustinus dicit in I. de Trin. (cap. IV. in fi. & cap. V.) *indivisa sunt opera Trinitatis, sicut & indivisa est Trinitatis essentia*. Sed efficere conceptionem Christi.

*S. Tb. Oper. Tom. XXIV.*

(2) *Putata: Sic autem dicebat.*

sti, est quoddam opus divinum. Ergo videtur quod non magis sit attribuendum Spiritui sancto quam Patri, vel Filio.

2. Præterea. Apollolus dicit Galat. IV. 4. *Cum venit plenitudo temporis, misit Deus Filium suum factum ex muliere*: quod exponens Augustinus in IV. de Trin. (cap. XX. cir. med.) dicit: „Eo utique „missum, quo factum ex muliere. „Sed missio Filii attribuitur præcipue Patri, ut in prima parte habitum est (quæst. XIII. art. 8.) Ergo & conceptio, secundum quam factus est ex muliere, debet præcipue Patri attribui.

3. Præterea. Proverb. IX. 1. dicitur: *Sapientia edificavit sibi domum*. Est autem sapientia Dei ipse Christus, secundum illud I. ad Corinth. I. 24. *Christum Dei virtutem, & Dei sapientiam*: domus autem huius sapientiae est corpus Christi, quod etiam dicitur templum eius, secundum illud Ioan. II. 21. (a) *Hoc autem dicebas de templo corporis sui*. Ergo videtur quod efficere conceptionem corporis Christi debet præcipue attribui Filio. Non ergo Spiritui sancto.

Sed contra est quod dicitur Luc. I. 35. *Spiritus sanctus supervenies in te &c.*

Respondeo dicendum, quod conceptionem corporis Christi tota Trinitas est operata. Attribuitur tamen hoc Spiritui sancto, triplici ratione.

Primo quidem quia hoc congruit causæ incarnationis, quæ consideratur ex parte Dei. Spiritus enim sanctus est amor Patris, & Filii, ut in prima parte habitum est (quæst. XXXVII. art. 1.) Hoc autem ex maximo Dei amore, provenit ut Filius Dei carnem sibi assumeret in utero virginali. Unde dicitur Ioan. III. 16. *Sic Deus dilexit mundum ut Filium suum unigenitum daret*.

Secundo quia hoc congruit causæ incarnationis ex parte naturæ assumptæ. Per hoc enim datur intelligi, quod humana natura assumpta est a Filio Dei in unitatem personæ, non ex aliquibus meritis, sed ex sola gratia, quæ Spiritui sancto attribuitur, secundum illud I. ad Corinth. XII. 4. *Divisiones gratiarum sunt, idem autem Spiritus*. Unde Augustinus dicit in Enchirid. (cap. XI.) *Iste modus quo est natus Christus de Spiritu sancto, insinuat nobis gratiam Dei, qua homo nullis præcedentibus meritis, in ipso primo exordio naturæ suæ, quo esse coepit, Verbo Dei copularetur in tantam personæ unitatem, ut idem ipse esset Filius Dei qui*

N 3 *filius*



*filius hominis, & filius hominis qui Filius Dei.*

Tertio quia hoc congruit termino incarnationis. Ad hoc enim terminata est incarnatio, ut homo ille qui concipiebatur, esset sanctus, & Filius Dei. Utrumque autem horum attribuitur Spiritui sancto. Nam per ipsum efficiuntur homines filii Dei, secundum illud Galat. iv. 6. *Quoniam essis Filii Dei, misit Deus Spiritum Filii sui in corda vestra, clamantem, Abba, pater.* Ipse est etiam spiritus sanctificationis, ut dicitur Rom. i. Sicut ergo alii per Spiritum sanctum sanctificantur spiritualiter, ut sint filii adoptivi; ita Christus per Spiritum sanctum est in sanctitate conceptus, ut esset Filius Dei naturalis. Unde Rom. i. secundum unam Glossam (interlin.) quod praemittitur, scilicet, *Qui praedestinatus est Filius Dei in virtute*, manifestatur per id quod immediate sequitur, *Secundum Spiritum sanctificationis*, idest per hoc quod est conceptus de Spiritu sancto. Et Angelus annuntians ex hoc quod praemisera, *Spiritus sanctus superveniet in te*, concludit: *Ideoque & quod nasceretur ex te sanctum, vocabitur Filius Dei.*

Ad primum ergo dicendum, quod opus conceptionis commune quidem est toti Trinitati; secundum tamen modum aliquem attribuitur singulis personis. Nam Patri attribuitur auctoritas respectu personae Filii, qui per huiusmodi conceptionem sibi assumpsit humanam naturam; Filio autem attribuitur ipsa carnis assumptio; sed Spiritui sancto attribuitur formatio corporis, quod assumitur a Filio. Nam ipse Spiritus sanctus est Spiritus Filii, secundum illud Galat. iv. 6. *Misit Deus Spiritum Filii sui.* Sicut autem virtus animae, quae est in semine, per spiritum qui in semine includitur, format corpus in generatione aliorum hominum; ita virtus Dei, quae est ipse Filius, secundum illud I. ad Corinth. i. 24. *Christum Dei virtutem*, per Spiritum sanctum corpus formavit quod assumpsit. Et hoc etiam verba Angeli demonstrant dicentis: *Spiritus sanctus superveniet in te*, quasi ad preparandam, & formandam materiam corporis Christi; & *virtus Altissimi*, idest Christus, obumbrabit tibi, idest corpus in te humanitatis accipiet incorporeum lumen Divinitatis. *Unde enim a lumine formatur, & corpore*, ut Gregorius dicit XVIII. Moral. (cap. xii. vers. fin.) Altissimus autem intelligitur Pater, cuius virtus est Filius.

Ad secundum dicendum, quod missio refertur ad personam assumentem, quae a Patre mittitur; sed conceptio refertur ad corpus assumptum, quod operatione Spiritus sancti formatur. Et ideo licet missio, & conceptio sint idem subiecto; quia tamen differunt ratione, missio attribuitur Patri, efficere autem conceptionem Spiritui sancto; sed carnem assumere attribuitur Filio.

Ad tertium dicendum, quod, sicut Augustinus (alius Auctor) dicit in Lib. de quaestionibus veteris, & novi Testamenti (quaest. lxx.) *questio ista gemina ratione potest intelligi. Primum enim domus Christi Ecclesia est, quam edificavit filii sanguine suo. Deinde potest & corpus eius dici domus ipsius, sicut dicitur templum eius. Factum autem Spiritus sancti factum Filii Dei est propter naturae, & voluntatis unitatem.*

## ARTICULUS II. 177

*Utrum Christus debeat dici conceptus de Spiritu sancto.*

III. dist. iv. quaest. 1. art. 1. quaest. 4. & IV. cont. cap. xlv. & op. iii. cap. ccxxiii.

**A**D secundum sic proceditur. Videtur quod Christus non debeat dici conceptus de Spiritu sancto. Quia super illud Rom. ii. *Ex ipso, & per ipsum, & in ipso sunt omnia*, dicit Glossa Augustini (ord. Lib. de nat. boni cap. xxvii.) „Attendendum, quod non ait, De ipso, sed Ex ipso: ex ipso enim caeli sunt, & terra, quia fecit ea; non autem de ipso, quia non de substantia sua.“ Sed Spiritus sanctus non formavit corpus Christi de substantia sua. Ergo Christus non debet dici conceptus de Spiritu sancto.

2. Praeterea Principium activum, de quo aliquid concipitur, se habet sicut semen in generatione. Sed Spiritus sanctus non se habuit sicut semen in conceptione Christi: dicit enim Hieronymus (Pelagius) in expositione catholicae fidei: *Non, sicut quidam sceleratissime opinantur, Spiritum sanctum dicimus fuisse pro semine; sed potentia, ac virtute Creatoris dicimus esse operatum*, idest formatum, corpus Christi. Non ergo debet dici, quod Christus sit conceptus de Spiritu sancto.

3. Praeterea. Nihil unum de duobus for-

formatur, nisi aliquo modo commixtis. Sed corpus Christi formatum est de Virgine Maria. Si ergo Christus dicatur conceptus de Spiritu sancto, videtur quod facta sit commixtio quædam Spiritus sancti, & materię, quam Virgo ministravit: quod patet esse falsum. Non ergo Christus debet dici conceptus de Spiritu sancto.

Sed contra est quod dicitur Matth. I. 18. *Ancequam convenirent, inventa est in utero habens de Spiritu sancto.*

Respondeo dicendum, quod conceptio non attribuitur soli corpori Christi, sed etiam ipsi Christo ratione ipsius corporis. In Spiritu autem sancto duplex habitudo consideratur respectu Christi. Nam ad ipsum Filium Dei, qui dicitur esse conceptus, habet habitudinem consubstantialitatis; ad corpus autem eius habet habitudinem causę efficientis. Hęc autem præpositio de utramque habitudinem designat; sicut cum dicimus hominem aliquem esse de suo patre. Et ideo convenienter dicere possumus, Christum esse conceptum de Spiritu sancto, hoc modo quod efficientia Spiritu sancti referatur ad corpus assumptum, consubstantialitas vero ad personam assumptam.

Ad primum ergo dicendum, quod corpus Christi, quia non est consubstantialitè Spiritu sancto, non proprie potest dici de Spiritu sancto conceptum, sed magis ex Spiritu sancto, sicut Ambrosius dicit in Lib. II. de Spiritu sancto (cap. v. ad fi.) *Quod ex aliquo est, aut ex substantia, aut ex potestate eius est: ex substantia, sicut Filius, qui a Patre est; ex potestate, sicut ex Deo omnia, quomodo & in utero habuit Maria ex Spiritu sancto.*

Ad secundum dicendum, quod super hoc videtur esse quædam diversitas Hieronymi ad quosdam alios Doctores, qui asserunt, Spiritum sanctum in conceptione Christi fuisse pro semine. Dicit enim Chrysostomus (alius Auctor) super Matth. (hom. 1. in op. imperf. ad fi.) *Unigenito Dei in Virginem ingressuro, præcessit Spiritus sanctus, ut præcedente Spiritu sancto in sanctificationem, nascatur scilicet Christus secundum corpus, Divinitate ingrediente pro semine.* Et Damascenus dicit in III. Lib. (orth. Fid. cap. 11. a princ.) *Obumbravit super ipsam Dei sapientia, & virtus, velut divinum semen.* Sed hoc de facili solvitur: quia secundum quod in semine intelligitur virtus activa, sic Chrysostomus, & Damascenus comparant se-

mini Spiritum sanctum, vel etiam Filium, qui est virtus Altissimi; secundum autem quod in semine intelligitur substantia corporalis, quæ in conceptione transmutatur, negat Hieronymus, Spiritum sanctum fuisse pro semine.

Ad tertium dicendum, quod, sicut Augustinus dicit in Enchirid. (cap. xl.) non eodem modo dicitur Christum conceptus, aut natus de Spiritu sancto, & de Maria Virgine: nam de Maria Virgine materialiter, de Spiritu sancto vero effectivè. Et ideo non habuit hic locum commixtio.

### ARTICULUS III. 178

*Utrum Spiritus sanctus dici debeat pater Christi secundum carnem.*

III. dist. xv. quæst. 1. ar. 2. quæst. 1. & quæst. 2. ad 1. & 4. & in expo. lii. ad 2. & IV. cont. cap. xlvii. & opusc. III. cap. ccxxiii.

**A**D tertium sic proceditur. Videtur quod Spiritus sanctus debeat dici pater Christi secundum humanitatem. Quia secundum Philosophum in Lib. I. de generatione animalium (cap. 11.) pater dat principium activum in generatione, mater vero ministrat materiam. Sed B. Virgo dicitur mater Christi, propter materiam quam in conceptione eius ministravit. Ergo videtur quod etiam Spiritus sanctus possit dici pater eius, propter hoc quod fuit principium activum in conceptione ipsius.

2. Præterea. Sicut mentes aliorum Sanctorum formantur per Spiritum sanctum; ita etiam corpus Christi est per Spiritum sanctum formatum. Sed alii Sancti propter prædictam formationem dicuntur filii totius Trinitatis, & per consequens Spiritus sancti. Videtur ergo quod Christus debeat dici filius Spiritus sancti, inquantum corpus eius est Spiritu sancto formatum.

3. Præterea. Deus dicitur pater noster secundum hoc quod nos fecit, secundum illud Deuter. xxxii. 6. *Nonne ipse est pater tuus, qui possedit te, & fecit, & creavit te?* Sed Spiritus sanctus fecit corpus Christi, ut dictum est (ar. 1. hñ. quæst.) Ergo Spiritus sanctus debet dici pater Christi secundum corpus ab ipso formatum.

Sed contra est quod Augustinus dicit in Enchir. (cap. xl.) *Natus est Christus*

de Spiritu sancto non sicut filius, & de Maria Virgine sicut filius.

Respondeo dicendum, quod nomina paternitatis, & maternitatis, & filiationis generationem consequuntur; non tamen quamlibet, sed proprie generationem viventium, & praecipue animalium. Non enim dicimus, quod ignis generatus sit filius ignis generantis, nisi forte secundum metaphoram; sed hoc solum dicimus in animalibus, quorum generatio est magis perfecta. Nec tamen omne quod in animalibus generatur, filiationis accipit nomen; sed solum illud quod generatur in similitudinem generantis. Unde, sicut Augustinus dicit (in Enchir. cap. xxxix.) non dicimus, quod capillus qui nascitur ex homine, sit filius hominis, nec etiam dicimus, quod homo qui nascitur, sit filius seminis: quia nec capillus habet similitudinem hominis, nec homo qui nascitur ex semine, habet similitudinem seminis, sed hominis generantis. Et si quidem perfecta sit similitudo, erit perfecta filiatio tam in divinis, quam in humanis; si autem sit similitudo imperfecta, erit etiam filiatio imperfecta: sicut in homine est quaedam similitudo Dei imperfecta, & inquantum creatus est ad imaginem Dei, & inquantum recreatus est secundum similitudinem gratiae: & ideo utroque modo potest homo dici filius Dei, & quia scilicet est creatus ad imaginem eius, & quia est ei assimilatus per gratiam.

Est autem considerandum, quod illud quod de aliquo dicitur secundum perfectam rationem, non est dicendum de eo secundum rationem imperfectam: sicut quod Socrates dicitur naturaliter homo secundum propriam rationem hominis, numquam dicitur homo secundum illam significationem qua pictura hominis dicitur homo, licet forte ipse assumetur alteri homini.

Christus autem est Filius Dei secundum perfectam rationem filiationis: unde quavis secundum humanam naturam sit creatus, & iustificatus; non tamen debet dici Filius Dei neque ratione creationis, neque ratione iustificationis, sed solum ratione generationis aeternae, secundum quam est filius Patris solius. Et ideo nullo modo debet dici Christus filius Spiritus sancti, nec etiam totius Trinitatis.

Ad primum ergo dicendum, quod Christus conceptus est de Maria Virgine materiam ministrante in similitudinem speciei: & ideo dicitur filius eius. Christus

autem, secundum quod homo, conceptus est de Spiritu sancto sicut de activo principio; non tamen secundum similitudinem speciei, sicut homo nascitur de patre suo: & ideo Christus non dicitur filius Spiritus sancti.

Ad secundum dicendum, quod homines qui spiritaliter formantur a Spiritu sancto, non possunt dici filii Dei secundum perfectam rationem filiationis: & ideo dicuntur filii Dei secundum filiationem imperfectam, quae est secundum similitudinem gratiae, quae est a tota Trinitate. Sed de Christo est alia ratio, ut dictum est (in cor. art.)

Et similiter dicendum est ad tertium.

#### ARTICULUS IV. 179

*Utrum B. Virgo aliquid active egerit in conceptione corporis Christi.*

*Inf. quaest. xxxiii. art. 4. ad 2. & III. dist. xii. quaest. xi. art. 1.*

**A**D quartum sic proceditur. Videtur quod B. Virgo aliquid active egerit in conceptione corporis Christi. Dicit enim Damascenus in III. Lib. (orth. Fid. cap. ii. ante med.) quod Spiritus sanctus supervenit Virgini, purgans ipsam, & virtutem susceptionis Verbi Dei tribuens, simul autem & generativam. Sed virtutem generativam passivam habebat a natura, sicut & quaelibet femina. Ergo dedit ei virtutem generativam activam: & sic aliquid active egit in conceptione Christi.

2. Praeterea. Omnes virtutes animae vegetabilis sunt virtutes activae, sicut Commentator dicit in II. de Anima (comment. xxxxi. & seq.) Sed potentia generativa tam in mare, quam in femina pertinet ad animam vegetabilem. Ergo tam in mare quam in femina active operatur ad conceptionem prolis.

3. Praeterea. Femina ad conceptionem prolis materiam ministrat, ex qua naturaliter corpus prolis formatur. Sed natura est principium motus intrinsecum. Ergo videtur quod in ipsa materia, quam B. Virgo ministravit ad conceptum Christi, fuerit aliquod principium activum.

Sed contra est quod principium activum in generatione dicitur ratio seminalis. Sed, sicut Augustinus dicit X. super Gen. ad lit. (cap. xx. & xxx.) corpus Christi in sola materia corporali per divinam conceptionis, formationisque rationem de Virgine assumptum est, non autem

tem

*sem secundum aliquam rationem feminalem humanam.* Ergo B. Virgo nihil active fecit in conceptione corporis Christi.

Respondeo dicendum, quod quidam dicunt, B. Virginem aliquid active operatam esse in conceptione Christi & naturali virtute, & supernaturali. Naturali quidem virtute, quia ponunt quod in qualibet materia naturali est aliquid activum principium; alioquin credunt quod non esset transmutatio naturalis.

In quo decipiuntur: quia transmutatio dicitur naturalis propter principium intrinsecum, non solum activum, sed etiam passivum. Expresse enim dicit Philosophus in VIII. Physic. (tex. 29. & seq.) quod in gravibus, & levibus est principium passivum motus naturalis, & non activum. Nec est possibile quod materia agat ad sui formationem, quia non est actus: nec est etiam possibile quod aliquid moveat seipsum, nisi dividatur in duas partes, quarum una sit movens, & alia sit mota, quod in solis animatis contingit, ut probatur VIII. Physic. (tex. 30.)

Supernaturali autem virtute, quia dicunt ad matrem requiri quod non solum materiam ministraret (quæ est sanguis menstrualis) sed etiam semen, quod commixtum virili semini habet virtutem activam in generatione. Et quia in B. Virgine nulla fuit facta resolutio seminis propter integritatem eius virginis, dicunt, quod Spiritus sanctus supernaturaliter ei tribuit virtutem activam in conceptione corporis Christi, quam aliae matres habent per semen resolutum.

Sed hoc non potest stare: quia cum quælibet res sit propter suam operationem, ut dicitur II. de celo (text. 17.) natura non distingueret ad opus generationis sexum maris, & feminæ, nisi esset distincta operatio maris ab operatione feminæ. In generatione autem distinguitur operatio agentis, & patientis. Unde relinquitur quod tota virtus activa sit ex parte maris, passio autem ex parte feminæ: propter quod in plantis, in quibus utraque vis commisceatur, non est distinctio maris, & feminæ.

Quia igitur B. Virgo non hoc accepit ut esset pater Christi, sed mater, consequens est quod non accepit potentiam activam in conceptione Christi: sive aliquando egerit, ex quo sequitur ipsam fuisse patrem Christi; sive nihil egerit, ut quidam dicunt, ex quo sequitur huiusmodi potentiam activam sibi frustra fuisse col-

latam. Et ideo dicendum est, quod in ipsa conceptione Christi B. Virgo nihil active operata est, sed solum materiam ministravit; operata tamen est ante conceptionem aliquid active, præparando materiam, ut esset apta conceptui.

Ad primum ergo dicendum, quod illa conceptio tria privilegia habuit, scilicet quod esset sine peccato originali, quod esset non puri hominis, sed Dei, & hominis, item quod esset conceptio virginis: & hæc tria habuit a Spiritu sancto. Et ideo dicit Damascenus quantum id primum, quod Spiritus sanctus supervenit Virgini purgans ipsam, idest præservans, ne cum peccato originali conciperet: quantum ad secundum dicit, *et virtutem susceptivam Verbi Dei tribuens*, idest ut conciperet Verbum Dei: quantum autem ad tertium dicit, *simul autem et generativam*, ut scilicet matiens virgo posset generare, non quidem active, sed passive, sicut aliae matres hoc consequuntur ex semine viri.

Ad secundum dicendum, quod potentia generativa in femina est imperfecta respectu potentie generativæ quæ est in mare. Et ideo sicut in artibus ars inferior disponit materiam, ars autem superior inducit formam, ut dicitur in II. Physic. (tex. 25.) ita etiam virtus generativa feminæ præparat materiam, virtus autem activa maris format materiam præparatam.

Ad tertium dicendum, quod ad hoc quod transmutatio sit naturalis, non requiritur quod in materia sit principium activum, sed solum passivum, ut dictum est (in cor. art.)

### QUAESTIO XXXIII.

*De modo, & ordine conceptionis Christi, in quatuor articulos divisa.*

**D**Einde considerandum est de modo, & ordine conceptionis Christi: & circa hoc quaeruntur quatuor.

Primo, utrum corpus Christi in primo instanti conceptionis fuerit fornicatum.

Secundo, utrum in primo instanti conceptionis fuerit animatum.

Tertio, utrum in primo instanti conceptionis fuerit a Verbo assumptum.

Quarto, utrum conceptio illa fuerit naturalis, vel miraculosa.

## ARTICULUS I. 180

*Utrum corpus Christi fuerit formatum in primo instanti conceptionis.*

III. *dist. 111. quaest. v. art. 2. & IV. cont. cap. xlv.*

**A**D primum sic proceditur. Videtur quod corpus Christi non fuerit formatum in primo instanti suae conceptionis. Dicitur enim Ioan. 11. 20. *Quadragesima & sex annis edificatum est templum hoc*: quod exponens Augustinus IV. de Trinit. (cap. v.) dicit: „Hic numerus perfectioni domini corporis aper-“ te congruit: “& in Lib. lxxxiii. Qq (quaest. lvi. in fi.) dicit: „Non absur-“ de quadraginta sex anni dicitur fabrica- tum esse templum, quod corpus eius „figurabat, ut quot anni fuerint in sa-“ bricatione templi, tot dies fuerint in „corporis domini perfectione. “ Non ergo in primo instanti conceptionis corpus Christi fuit perfecte formatum.

2. Præterea. Ad formationem corporis Christi requirebatur motus localis, quo purissimi sanguines de corpore Virginis ad locum generationis congruum pervenirent. Nullum autem corpus potest moveri localiter in instanti, eo quod tempus motus dividitur secundum divisionem mobilis, ut probatur in VI. Physic. (tex. 37. 38. 39.) Ergo corpus Christi non fuit in instanti formatum.

3. Præterea. Corpus Christi formatum est ex purissimis sanguinibus Virginis, ut supra habitum est (quaest. xxxi. art. 5.) Non autem potuit esse materia illa in eodem instanti sanguis, & caro, quia sic materia simul fuisset sub duabus formis. Ergo aliud fuit instans in quo ultimo fuit sanguis, & aliud in quo primo fuit caro formata. Sed inter quolibet duo instantia est tempus medium. Ergo corpus Christi non fuit in instanti formatum, sed per aliquod tempus.

4. Præterea. Sicut potentia augmentativa requirit determinatum tempus in suo actu, ita etiam virtus generativa: utraque enim est potentia naturalis ad vegetativam animam pertinens. Sed corpus Christi fuit determinato tempore augmentatum, sicut & aliorum hominum corpora: dicitur enim Lucæ 11. 52. *quod proficiebat sapientia, & ætate*. Ergo videtur quod pari ratione formatio corporis eius, quæ pertinet ad vim generati-

vam, non fuerit in instanti, sed determinato tempore, quo aliorum hominum corpora formantur.

Sed contra est quod Gregorius dicit XVIII. Moral. (cap. xxvii. inter med. & fi.) *Angelo nuntiante, & Spiritu sancto adveniente, mox Verbum in utero, mox intra uterum Verbum caro*.

Respondeo dicendum, quod in conceptione corporis Christi tria est considerare: primo quidem motum localem sanguinis ad locum generationis; secundo formationem corporis ex tali materia; tertio autem augmentum, quo perducitur ad quantitatem perfectam: in quorum medio ratio conceptionis consistit: nam primum est conceptionis præambulum; tertium autem conceptionem consequitur, Primum autem non potuit esse in instanti: quia hoc est contra ipsam rationem motus localis corporis cuiuscumque, cuius partes successive subintrant locum. Similiter & tertium oportet esse successivum, tum quia augmentum non est sine motu locali, tum etiam quia procedit ex virtute animæ iam in corpore formato operantis, quæ non operatur nisi in tempore.

Sed ipsa formatio corporis, in qua principaliter ratio conceptionis consistit, fuit in instanti, duplici ratione. Primo quidem propter virtutem agentis infinitam, scilicet Spiritus sancti, per quem corpus Christi est formatum, ut supra dictum est (quaest. præc. art. 1.) Tanto enim aliquid agens citius potest materiam dis- ponere, quanto maioris virtutis est: unde agens infinitæ virtutis potest in instanti materiam disponere ad debitam formam. Secundo: ex parte personæ Filii, cuius corpus formabatur. Non enim erat congruum ut corpus humanum al- sumeret, nisi formatum. Si autem ante formationem perfectam aliquid tempus conceptionis præcessisset, non posset tota conceptio attribui Filio Dei, quæ non attribuitur ei nisi ratione assumptionis. Et ideo in primo instanti quo materia adunata pervenit ad locum generationis, fuit perfecte formatum corpus Christi, & assumptum. Et per hoc dicitur ipse Filius Dei conceptus; quod aliter dici non posset.

Ad primum ergo dicendum, quod verbum Augustini utrobique non relictur ad totam formationem corporis Christi, sed ad formationem simul cum determinato augmento usque ad tempus partus. Unde secundum rationem illius numeri dicitur perfecti

perfecti tempus novem mensium, quo Christus fuit in utero Virginis.

Ad secundum dicendum, quod motus ille localis non comprehenditur infra ipsam conceptionem, sed est conceptionis praëmbulus.

Ad tertium dicendum, quod non est assignare ultimum instant, in quo materia illa fuit sanguis; sed est assignare ultimum tempus, quod continuatur nullo interveniente medio ad primum instant in quo fuit caro Christi formata: & hoc instant fuit terminus temporis motus localis materiae ad locum generationis.

Ad quartum dicendum, quod augmentum fit per potentiam augmentativam ipsius quod augeatur; sed formatio corporis fit per potentiam generativam, non eius qui generatur, sed ipsius generantis ex semine, in quo operatur vis formativa ab anima patris derivata. Corpus autem Christi non fuit formatum ex semine viri, sicut supra dictum est (quæst. præc. art. 1.) sed ex operatione Spiritus sancti. Et ideo talis debuit esse formatio, ut Spiritum sanctum deceret. Sed augmentum corporis Christi fuit factum secundum potentiam augmentativam animæ Christi; quæ cum sit specie conformis animæ nostræ, eodem modo debuit corpus illud augmentari, sicut & alia hominum corpora augmentantur, ut ex hoc ostenderetur veritas humanæ naturæ.

## ARTICULUS II. 181

*Utrum corpus Christi fuerit animatum in primo instanti suæ conceptionis.*

III. dist. 111. quæst. v. art. 2. ad 3. & IV. cont. cap. xlv. & xlv. ad 2. & opus. 11. cap. ccxxiii. & ccxxv. & Ioan. 1. lect. 15. & cap. 11. lect. 3.

**A**D secundum sic proceditur. Videtur quod corpus Christi non fuerit animatum in primo instanti suæ conceptionis. Dicit enim Leo Papa in epistola ad Julianum (in novis. edit. Ven. xxxv. apud Quæst. xxv. al. xi. prope fin.) *Non alterius naturæ erat caro Christi quam nostra; nec alia illi quam ceteris hominibus anima est inspirata principio.* Sed aliis hominibus non infunditur anima in primo instanti suæ conceptionis. Ergo nec corpori Christi anima debuit infundi in primo instanti suæ conceptionis.

2. Præterea. Anima, sicut quælibet forma naturalis, requirit determinatam quantitatem in sua materia. Sed in primo instanti conceptionis corpus Christi non habuit tantam quantitatem, quantum habent corpora aliorum hominum quando animantur: alioquin si continue fuisset postmodum augmentatum, vel citius fuisset natum, vel in sua nativitate fuisset maioris quantitatis quam alii infantes: quorum primum est contra Augustinum IV. de Trinit. (cap. v.) ubi probat, cum spatio novem mensium in utero Virginis fuisse; secundum autem est contra Leonem Papam, qui in sermone Epiphaniæ (iv. in eod. festo cap. 111. ad fin.) dicit, quod Magi invenerunt puerum Iesum in nullo ab humane infantie generationis (a) dissimilem. Non ergo corpus Christi fuit animatum in primo instanti suæ conceptionis.

3. Præterea. Ubicumque est prius, & posterius, oportet esse plura instantia. Sed secundum Philosophum in Libro II. de generatione animalium (cap. 111. cir. princ. & cap. xv. ad fin.) in generatione hominis requiritur prius, & posterius: prius enim est vivum, & postea animal, & postea homo. Ergo non potuit animatio Christi perfecti in primo instanti suæ conceptionis.

Sed contra est quod Damascenus dicit in III. Lib. (orth. Fid. cap. 11. a med.) *Simul caro, simul Dei Verbi caro, simul caro animata anima rationali, & intellectu.*

Respondeo dicendum, quod ad hoc quod conceptio ipsi Filio Dei attribuitur, ut in Symbolo confitemur dicentes, *Qui conceptus est de Spiritu sancto*, necesse est dicere, quod ipsum corpus Christi, dum conciperetur, esset a Verbo Dei assumptum. Ostensum est autem supra (quæst. vi. art. 1. & 2.) quod Verbum Dei assumpsit corpus mediante anima, & animam mediante spiritu, idest intellectu. Unde oportuit quod in primo instanti conceptionis corpus Christi esset animatum anima rationali.

Ad primum ergo dicendum, quod principium inspirationis animæ potest considerari dupliciter. Uno modo secundum dispositionem corporis: & sic non ab alio principio inspirata est anima corpori Christi, & corporibus aliorum hominum: sicut enim statim formato corpore alterius hominis infunditur anima, ita fuit

(a) Ita mss. & edid. melior. nra cum t. vna S. Leonis, Al. discrevum.

in Christo. Alio modo potest considerari dictum principium solum secundum tempus: & sic quia prius tempore formatum fuit perfecte corpus Christi, prius tempore fuit etiam animatum.

Ad secundum dicendum, quod anima requirit debitam quantitatem in materia cui infunditur; sed ista quantitas quamdam latitudinem habet, quia & in maiori, & in minori quantitate salvatur. Quantitas autem corporis, quam habet, cum primo sibi infunditur anima, proportionatur quantitati perfectæ ad quam per augmentum perveniet; ita scilicet quod maiorum hominum maiorem quantitatem corpora habent in prima animatione. Christus autem in perfecta ætate habuit decentem, & mediocrem quantitatem, cui proportionabatur quantitas quam corpus eius habuit tempore quo aliorum hominum corpora animantur; minorem tamen habuit in principio suæ conceptionis; sed tamen illa parva quantitas non erat tam parva, ut in ea non posset ratio animati corporis conservari; cum in tali quantitate quorundam parvorum hominum corpora animantur.

Ad tertium dicendum, quod in generatione aliorum hominum locum habet quod dicit Philosophus, propter hoc quod successive corpus formatur, & disponitur ad animam: unde primo tamquam imperfecte dispositum recipit animam imperfectam, & postmodum, quando perfecte est dispositum, recipit animam perfectam. Sed corpus Christi propter infinitam virtutem agentis fuit perfecte dispositum in instanti: unde statim in primo instanti recepit formam perfectam, idest animam rationalem.

### ARTICULUS III. 182

*Utrum corpus Christi in primo instanti suæ conceptionis fuerit a Verbo assumptum.*

III. dist. 11. quest. 11. art. 3. & dist. 111. quest. v. art. 2. & IV. con. cap. xlv. & xlv.

**A**D tertium sic proceditur. Videtur quod caro Christi prius fuerit concepta, & postmodum assumpta. Quod enim non est, non potest assumi. Sed caro Christi per conceptionem esse incipit. Ergo videtur quod fuerit assumpta a Verbo Dei, postquam fuit concepta.

2. Præterea. Caro Christi fuit assumpta a Verbo Dei mediante anima rationali. Sed in termino conceptionis accipit animam rationalem. Ergo in termino conceptionis fuit assumpta. Sed in termino conceptionis dicitur iam concepta. Ergo prius fuit concepta, & postmodum assumpta.

3. Præterea. In omni generato prius tempore est id quod est imperfectum, eo quod est perfectum, ut patet per Philosophum in 1x. Metaphys. (tex. 13.) Sed corpus Christi est quiddam generatum. Ergo ad ultimam perfectionem, quæ consistit in unione ad Verbum Dei, non statim in primo instanti conceptionis pervenit; sed primo fuit caro concepta, & postmodum assumpta.

Sed contra est quod Augustinus (Fulgentius) dicit in Libro de Fide ad Petrum (cap. xviii.) *Firmissime tene, & nullatenus dubites, carnem Christi non fuisse conceptam in utero Virginis, priusquam susciperetur a Verbo.*

Respondeo dicendum, quod, sicut supra dictum est (quæst. xvi. art. 6. & 7.) proprie dicimus Deum factum esse hominem; non autem proprie dicimus, quod homo factus sit Deus: quia scilicet Deus assumpsit sibi id quod est hominis; non autem præexistit id quod est hominis, quasi per se subsistens, antequam susciperetur a Verbo. Si autem caro Christi fuisset concepta, antequam susciperetur a Verbo, habuisset aliquando aliquam hypostasim præter hypostasim Verbi Dei: quod est contra rationem incarnationis, secundum quam ponimus, Verbum Dei esse unicum humane naturæ, & omnibus partibus eius in unitate hypostasis. Nec fuit conveniens quod hypostasim præexistentem humane naturæ, vel aliquius partis eius Verbum Dei sua assumptione destrueret. Et ideo contra fidem est dicere, quod caro Christi prius fuerit concepta, & postmodum assumpta a Verbo Dei.

Ad primum ergo dicendum, quod si caro Christi non fuisset in instanti formata, seu concepta, sed per temporis successionem, oporteret alterumduorum sequi, vel quod assumptum novum esset caro, vel quod prius esset conceptio carnis quam eius assumptio. Sed quia ponimus conceptionem in instanti esse perfectam, consequens est quod in illa carne simul fuit concipi, & conceptum esse: & sicut Augustinus (Fulgentius) dicit in Libro de Fide ad Petrum (cap. xviii.)

di-

*dicimus ipsum Dei Verbum suae carnis acceptione conceptum, ipsamque carnem Verbi incarnatione conceptam.*

Et per hoc patet etiam responsio ad secundum: nam simul dum caro illa concipitur, concepta est, & animatur.

Ad tertium dicendum, quod in mysterio incarnationis non consideratur ascensus, quasi alicuius praëxistentis proficientis ulque ad unionis dignitatem, sicut posuit Phorinus hæreticus; sed potius consideratur ibi descensus, secundum quod perfectum Dei Verbum imperfectionem naturæ nostræ sibi assumpsit, secundum illud Ioan. vi. 38. *Descendi de celo.*

#### ARTICULUS IV. 183

*Utrum conceptio Christi fuerit naturalis, vel miraculosa.*

III. dist. 111. quest. 11. art. 2. & IV. con. cap. xlv. & quodlib. vi. quest. x. & opus. 11. cap. cccxxv. usque cccxxxii. & 1<sup>a</sup>. VII. lect. 2.

**A**D quartum sic proceditur. Videtur quod conceptio Christi fuerit naturalis. Secundum enim conceptionem carnis Christus dicitur filius hominis. Est autem verus & naturalis filius hominis, sicut verus & naturalis Dei Filius. Ergo eius conceptio fuit naturalis.

2. Præterea. Nulla creatura producit operationem miraculosam. Sed conceptio Christi attribuitur B. Virgini, quæ est pura creatura: dicitur enim, quod Virgo Christum concepit. Ergo videtur quod non sit miraculosa conceptio, sed naturalis.

3. Præterea. Ad hoc quod aliqua transmutatio sit naturalis, sufficit quod principium passivum sit naturale, ut supra habitum est (quest. præc. art. 4.) Sed principium passivum ex parte matris in conceptione Christi fuit naturale, ut ex dictis patet (ibid.) Ergo conceptio Christi fuit naturalis.

Sed contra est quod Dionysius dicit in epist. ad Caium Monachum (iv. cir. med.) *super hominem operabatur Christus ea quæ sunt hominis: & hoc monstrat Virgo supernaturaliter concipiens.*

Respondeo dicendum, quod, sicut Ambrosius dicit in Libro de incarnatione (cap. vi. cir. med.) *multa in hoc mysterio & secundum naturam invenies, & ultra naturam.* Si enim consideremus id quod est ex parte materis conceptus, quam

mater ministravit, totum est naturale; Si vero consideremus id quod est ex parte virtutis activæ, totum est miraculosum. Sed quia unumquodque magis iudicatur secundum formam quam secundum materiam, & similiter secundum agens quam secundum patiens; inde est quod conceptio Christi debet dici simpliciter miraculosa, & supernaturalis, sed secundum aliquid naturalis.

Ad primum ergo dicendum, quod Christus dicitur naturalis filius hominis, in quantum habet naturam humanam veram, per quam est filius hominis, licet eam miraculose habuerit; sicut cæcus illuminatus videt naturaliter per potentiam visivam, quam miraculose accepit.

Ad secundum dicendum, quod conceptio attribuitur Virgini Beatæ, non tamquam principio activo, sed quia ministravit materiam conceptui, & in eius utero est conceptio celebrata.

Ad tertium dicendum, quod principium passivum naturale sufficit ad transmutationem naturalem, quando naturali, & consueti modo movetur a principio activo proprio; sed hoc in proposito non habet locum: & ideo conceptio illa non potest dici simpliciter naturalis.

#### QUAESTIO XXXIV.

*De perfectione prolis conceptæ,*

*in quatuor articulos divisa.*

**D**Einde considerandum est de perfectione prolis conceptæ: & circa hoc quaeruntur quatuor.

Primo, utrum in primo instanti conceptionis Christus fuerit sanctificatus per gratiam.

Secundo, utrum in eodem instanti habuerit usum liberi arbitrii.

Tertio, utrum in eodem instanti potuerit mereri.

Quarto, utrum in eodem instanti fuerit plene comprehensor.



## ARTICULUS I. 184

*Utrum Christus in primo instanti suae conceptionis fuerit sanctificatus per gratiam.*

III. dist. III. quæst. v. art. 3.

**A**D primum sic proceditur. Videtur quod Christus non fuerit sanctificatus in primo instanti suae conceptionis. Dicitur enim I. ad Cor. xv. 46. *Non prius spirituale, sed quod animale, demum quod spirituale est.* Sed sanctificatio gratiae pertinet ad spiritualitatem. Non ergo statim a principio suae conceptionis Christus percepit gratiam sanctificationis, sed post aliquod spatium temporis.

2. Præterea. Sanctificatio videtur esse a peccato, secundum illud I. ad Cor. vi. 11. *Et hæc quidem fuistis aliquando, scilicet peccatores; sed abluti estis, sed sanctificati estis.* Sed in Christo numquam fuit peccatum. Ergo non convenit sibi sanctificari per gratiam.

3. Præterea. Sicut per Verbum Dei omnia facta sunt, ita per Verbum incarnatum sunt omnes homines sanctificati, qui sanctificantur, Hebr. 11. 11. *Qui sanctificat, & qui sanctificantur ex uno omnes.* Sed Verbum Dei, per quod facta sunt omnia, non est factum, ut Augustinus dicit in I. de Trin. (cap. vi. parum a princ.) Ergo Christus, per quem sanctificantur omnes, non est sanctificatus.

Sed contra est quod dicitur Luc. 1. 35. *Quod ex te nascetur sanctum, vocabitur Filius Dei.* Et Ioan. x. 36. *Quem Pater sanctificavit, & misit in mundum.*

Respondendum dicendum, quod, sicut supra dictum est (quæst. vii. art. 1.) abundantia gratiae sanctificantis animam Christi derivatur ex ipsa Verbi unione, secundum illud Ioan. 1. 14. *Vidimus gloriam eius, quasi unigeniti a patre, plenum gratiae, & veritatis.* Ostensum est autem supra (quæst. præc.) quod in primo instanti suae conceptionis corpus Christi animatum fuit, & a Verbo Dei assumptum. Unde consequens est quod in primo instanti conceptionis Christus habuerit plenitudinem gratiae sanctificantis animam, & corpus eius.

Ad primum ergo dicendum, quod ille ordo quem ponit ibi Apostolus, pertinet ad eos qui per prosectum ad spiritualem statum perveniunt. In mysterio autem incarnationis magis consideratur descen-

sus divinæ plenitudinis in naturam humanam quam prosectus humanæ naturæ, quasi præexistens in Deum. Et ideo in homine Christo a principio fuit perfecta spiritualitas.

Ad secundum dicendum, quod sanctificari est aliquid fieri sanctum. Fit autem aliquid non solum ex contrario, sed etiam ex negative, vel privative opposito; sicut album fit ex nigro, & etiam ex non albo. Nos autem ex peccatoribus sancti efficiuntur. Et ita sanctificatio nostra est ex peccato. Sed Christus quidem secundum hominem factus est sanctus, quia hanc gratiae sanctitatem non semper habuit; non tamen factus est sanctus ex peccatore, quia peccatum numquam habuit; sed factus est sanctus ex non sancto secundum hominem, non quidem privative, ut scilicet aliquando fuerit homo, & non fuerit sanctus; sed negative, quia scilicet quando non fuit homo, non habuit sanctitatem humanam; & ideo simul factus fuit homo, & sanctus homo. Propter quod Angelus dicit Luc. 1. *Quod nascetur ex te sanctum: quod exponens Gregorius xviii. Moral. (cap. xxvii. inter med. & fin.) dicit: „Ad distinctionem nostræ sanctitatis Iesus sanctus nascitur; rus alleritur: nos quippe, si sancti efficiamur, non tamen nascimur, quia ipsa naturæ corruptibilis conditio constringitur; ille autem solus veraciter sanctus natus est, qui ex coniunctione carnalis copulæ conceptus non est.* “

Ad tertium dicendum, quod aliter operatur Pater creationem rerum per Filium, aliter tota Trinitas sanctificationem hominum per hominem Christum. Nam Verbum Dei est eiusdem virtutis, & operationis cum Deo Patre: unde Pater non operatur per Filium, sicut per instrumentum quod movet motum. Humanitas autem Christi est sicut instrumentum Divinitatis, ut supra dictum est (quæst. xiii. art. 3.) & ideo humanitas Christi est sanctificans, & sanctificata.

## ARTICULUS II. 185

*Utrum Christus in primo instanti suae conceptionis habuerit usum liberi arbitrii.*

Veri quæst. xxix. art. 8.

**A**D secundum sic proceditur. Videtur quod Christus secundum hominem non habuerit usum liberi arbitrii in pri-

no instanti suæ conceptionis : Prius est enim esse rei quam agere , vel operari . Usus autem liberi arbitrii est quædam operatio . Cum ergo anima Christi esse inciperet in primo instanti conceptionis , ut ex prædictis patet ( art. præc. ) videtur esse impossibile quod in primo instanti conceptionis habuerit usum liberi arbitrii .

2. Præterea . Usus liberi arbitrii est electio . Electio autem præsupponit deliberationem consilii : dicit enim Philosophus in III. Ethic. ( cap. iii. cir. fin. ) quod *electio est appetitus præconsiliati* . Ergo videtur impossibile quod in primo instanti suæ conceptionis Christus habuerit usum liberi arbitrii .

3. Præterea . Liberum arbitrium est facultas voluntatis , & rationis , ut in prima parte habitum est ( quæst. lxxxiii. art. 3. ) & ita usus liberi arbitrii est actus voluntatis , & rationis , sive intellectus . Sed actus intellectus præsupponit actum sensum , qui esse non potest sine convenientia organorum , quæ non videntur fuisse in primo instanti conceptionis Christi . Ergo videtur quod Christus non potuerit habere usum liberi arbitrii in primo instanti suæ conceptionis .

Sed contra est quod Augustinus dicit in Lib. de Trinitate ( id hab. Greg. in Registro Lib. IX. epistola lxi. a med. ) *Mox ut Verbum venit in uterum , servata veritate propriæ naturæ , factum est caro , & perfectus homo* . Sed perfectus homo habet usum liberi arbitrii . Ergo Christus habuit in primo instanti suæ conceptionis usum liberi arbitrii .

Respondetur dicendum , quod , sicut supra dictum est ( quæst. vii. art. 12. & quæst. xix. art. 3. & quæst. xxxiii. art. 3. ad 3. ) humanæ naturæ , quam Christus assumpsit , convenit spiritalis perfectio ; in qua non profecit , sed eam statim a principio habuit . Perfectio autem ultima non consistit in potentia , vel in habitu , sed in operatione . Unde in II. de Anima ( tex. 5. ) dicitur , quod operatio est actus secundus . Et ideo dicendum est , quod Christus in primo instanti suæ conceptionis habuit illam operationem animæ quæ potest in instanti haberi . Talis autem est operatio voluntatis , & intellectus , in qua consistit usus liberi arbitrii . Subito enim , & in instanti perficitur operatio intellectus , & voluntatis , magis quam visio corporalis , eo quod intelligere , velle & sentire non est motus qui sit actus imperfecti

( quod successive perficitur ) sed est actus iam perfecti , ut dicitur in III. de Anima ( tex. 28. ) Et ideo dicendum est , quod Christus in primo instanti suæ conceptionis habuit usum liberi arbitrii .

Ad primum ergo diceadum , quod esse est prius natura quam agere ; non tamen est prius tempore , sed simul cum agens habet esse perfectum , incipit agere , nisi sit aliquid impediens ; sicut ignis simul dum generatur , incipit calefacere , & illuminare ; sed calefactio non terminatur in instanti , sed per temporis successionem ; illuminatio autem perficitur in instanti . Et talis operatio est usus liberi arbitrii , ut dictum est ( in corp. art. )

Ad secundum dicendum , quod simul cum terminatur consilium , vel deliberatio , potest esse electio . Illi autem qui deliberatione consilii indigent , in ipsa terminatione consilii primo habent certitudinem de eligendis , & ideo non statim eligunt . Ex quo patet quod deliberatio consilii non præexigit ad electionem , nisi propter inquisitionem incerti . Christus autem in primo instanti suæ conceptionis , sicut habuit plenitudinem gratiæ sanctificantis , ita habuit plenitudinem veritatis cognitiæ , secundum illud ( Ioan. 1. 14. ) *Plenum gratiæ , & veritatis* . Unde quasi habens omnium certitudinem , potuit statim in instanti eligere .

Ad tertium dicendum , quod intellectus Christi secundum scientiam infusam poterat intelligere , etiam non convertendo se ad phantasmata , ut supra habitum est ( quæst. lxi. art. 1. ad 2. & art. 2. ) Unde poterat in eo esse operatio voluntatis , & intellectus absque operatione sensus . Sed tamen potuit in eo esse etiam operatio sensus in primo instanti suæ conceptionis , maxime quantum ad sensum tactus : quo sensu proles concepta sentit in matre , etiam antequam animam rationalem obtineat , ut dicitur in Lib. II. de gener. animal. ( cap. iiii. a princ. & cap. iv. a med. ) Unde cum Christus in primo instanti suæ conceptionis habuerit animam rationalem , formato iam , & organizato corpore eius , multo magis in eodem instanti poterat habere operationem sensus tactus .

## ARTICULUS III. 186

*Utrum Christus in primo instanti suae conceptionis mereri potuerit.*

III. *diff. xxiii. quest. 1. art. 3. quest. 3. & diff. xiv. art. 3. quest. 6. & diff. xviii. art. 3. & 5. cap. & ver. quest. xxix. art. 8. & opusc. 11. cap. cxxiii. & cxxiv.*

**A**D tertium sic proceditur. Videtur quod Christus in primo instanti suae conceptionis mereri non potuerit. Sicut enim se habet liberum arbitrium ad merendum, ita ad demerendum. Sed diabolus in primo instanti suae creationis non potuit peccare, ut in prima parte habitum est (quest. lxxii. art. 3.) Ergo neque anima Christi in primo instanti suae creationis, quod fuit primum instanti conceptionis Christi, potuit mereri.

2. Praeterea. Illud quod homo habet in primo instanti suae conceptionis, videtur ei esse naturale, quia hoc est ad quod terminatur suae generatio naturalis. Sed naturalibus non meremur, ut patet ex his quae dicta sunt in secunda parte (1. 2. quest. xxiv. art. 1. ad 3. & 2. 2. quest. clviii. art. 2. ad 1.) Ergo videtur quod usus liberi arbitrii, quem Christus habuit secundum hominem in primo instanti suae conceptionis, non fuerit meritorius.

3. Praeterea. Id quod senel aliquis meruit, iam fecit quodammodo suum: & ita non videtur quod iterum possit illud mereri, quia nullus meretur quod suum est. Si ergo Christus in primo instanti suae conceptionis meruerit, sequitur quod postea nihil meruerit: quod patet esse falsum. Non ergo Christus in primo instanti suae conceptionis meruit.

Sed contra est quod Gregorius dicit super Exod. ( seu Paterius inter op. Greg. cap. xl. ante med.) *Non habuit omnino Christus iuxta animae meritum, quo potuisset proficere.* Potuisset autem proficere in merito, si in primo instanti suae conceptionis non meruisset. Ergo in primo instanti suae conceptionis meruit Christus.

Respondet ad hoc dicendum, quod, sicut supra dictum est (art. 1. huius quest.) Christus in primo instanti suae conceptionis suscipiens fuit per gratiam. Est autem duplex sanctificatio: una quidem

adultorum, qui secundum proprium actum sanctificantur; alia autem puerorum, qui non sanctificantur secundum proprium actum fidei, sed secundum fidem parentum, vel Ecclesiae. Prima autem sanctificatio est perfectior quam secunda; sicut actus est perfectior quam habitus, & quod est per se, eo quod est per aliud. Cum ergo sanctificatio Christi fuerit perfectissima (quia sic sanctificatus est ut esset aliorum sanctificator) consequens est quod ipse secundum proprium motum liberi arbitrii in Deum fuerit sanctificatus: qui quidem motus liberi arbitrii est meritorius. Unde consequens est quod in primo instanti suae conceptionis Christus meruerit.

Ad primum ergo dicendum, quod liberum arbitrium non eodem modo se habet ad bonum, & malum. Nam ad bonum se habet per se, & naturaliter; ad malum autem se habet per modum defectus, & praeter naturam. Sicut autem Philosophus dicit in II. de caelo (tex. 18) posterius est quod est praeter naturam, eo quod est secundum naturam: quia id quod est praeter naturam, est quaedam excipio ab eo quod est secundum naturam. Et ideo liberum arbitrium creaturae in primo instanti creationis potest moveri ad bonum merendo, non autem ad malum peccando, si tamen natura sit integra. (a)

Ad secundum dicendum, quod illud quod homo habet in principio suae creationis, secundum communem naturam cursum, est homini naturale. Nihil tamen prohibet quin aliqua creatura in principio suae creationis aliquod beneficium gratiae a Deo consequatur. Et hoc modo anima Christi in principio suae creationis consecrata est gratiam, qua posset mereri: & ea ratione gratia illa secundum quamdam similitudinem dicitur fuisse illi homini naturalis, ut patet per Augustinum in Enchir. (cap. xl.)

Ad tertium dicendum, quod nihil prohibet idem esse aliquis ex diversis causis: & secundum hoc Christus gloriam immortalitatis, quam meruit in primo instanti suae conceptionis, potuit etiam posterioribus actibus, & passionibus mereri, non quidem ut esset tibi magis debita, sed ut tibi ex pluribus causis deberetur.

AR-

(a) Ita cum mss. editis omnes. Mediceis addit sicut erat natura quam Christus assumpsit.

## ARTICULUS IV. 187

*Utrum Christus fuerit perfectus comprehensor in primo instanti suae conceptionis.*

*Locis sup. art. 3. adductis.*

**A**D quartum sic proceditur. Videtur quod Christus non fuerit perfectus comprehensor in primo instanti suae conceptionis. Meritum enim praecedit praemium, sicut & culpa poenam. Sed Christus in primo instanti suae conceptionis meruit, sicut dictum est (art. praec.) Cum ergo status comprehensoris sit principale praemium, videtur quod Christus in primo instanti suae conceptionis non fuerit comprehensor.

2. Praeterea. Dominus dicit Luc. ult. 26. *Hec oportuit Christum pati, & ita intrare in gloriam suam.* Sed gloria pertinet ad statum comprehensoris. Ergo Christus non fuit in statu comprehensoris in primo instanti suae conceptionis, quando adhuc nullam sustinuerat passionem.

3. Praeterea. Illud quod non convenit nec homini, nec Angelo, videtur esse proprium Deo; & ita non convenit Christo, secundum quod homo. Sed semper esse beatum non convenit nec homini, nec angelo: si enim fuissent conditi beati, postmodum non peccassent. Ergo Christus, secundum quod homo, non fuit beatus in primo instanti suae conceptionis.

Sed contra est quod dicitur in Psal. lxiv. 5. *Beatus quem elegisti, & assumpti:* quod secundum Glossam (ord. Aug.) refertur ad humanam naturam Christi, quae assumpta est a Verbo Dei in unitatem personae. Sed in primo instanti conceptionis fuit assumpta humana natura a Verbo Dei in unitatem personae. Ergo in primo instanti suae conceptionis Christus, secundum quod homo, fuit beatus; quod est esse comprehensorem.

Respondendo dicendum, quod, sicut ex dictis patet (art. praec.) non fuit conveniens ut Christus in sua conceptione acciperet gratiam habitualetantum abque actu: accipit enim gratiam non ad mensuram, ut supra habitum est (quaest. vii. art. 9. 10. & 12.) Gratia autem viatoris, cum sit deficiens a gratia comprehensoris, habet mensuram minorem respectu gratiae comprehensoris. Unde manifestum est quod Christus in

*5. Tb. Oper. Tom. XXIV.*

primo instanti suae conceptionis accepit non solum tantam gratiam, quantum comprehensores habent, sed etiam omnibus comprehensoribus maiorem. Et quia gratia illa non fuit sine actu, consequens est quod actu fuerit comprehensor, videndo Deum per essentiam clarius ceteris creaturis.

Ad primum ergo dicendum, quod, sicut supra dictum est (quaest. xix. art. 3.) Christus non meruit gloriam animae, secundum quam dicitur comprehensor, sed gloriam corporis, ad quam per suam passionem pervenit.

Unde patet responsio ad secundum. Ad tertium dicendum, quod Christus, ex hoc quod fuit Deus, & homo, etiam in sua humanitate habuit aliquid praeter ceteris creaturis, ut scilicet statim a principio esset beatus.

## QUAESTIO XXXV.

*De nativitate Christi,*

*in octo articulis divisa.*

**C**onsequenter post Christi conceptionem agendum est de eius nativitate: & primo quantum ad ipsam nativitatem, secundo quantum ad nativitatis manifestationem.

Circa primum quaeruntur octo.

Primo, utrum nativitas sit naturae, vel personae.

Secundo, utrum Christo sit attribuenta alia nativitas praeter aeternam.

Tertio, utrum secundum nativitatem temporalem B. Virgo sit mater eius.

Quarto, utrum debeat dici mater Dei.

Quinto, utrum Christus secundum duas filiationes sit filius Dei Patris, & Virginis matris.

Sexto de modo nativitatis.

Septimo de loco.

Octavo de tempore nativitatis.

## ARTICULUS I. 188

*Utrum nativitas sit naturae, vel personae.*

*III. dist. viii. art. 2.*

**A**D primum sic proceditur. Videtur quod nativitas naturae conveniat magis quam personae. Dicit enim Augustinus (Fulgentius) in Libro de fide ad Petrum (cap. 11. parum ante med.) *Natura aeterna, atque divina non posset concipi,*

*O*

*pi,*

pi, & nasci ex humana natura, nisi secundum veritatem humanæ naturæ. Si igitur divinæ naturæ convenit concipi, & nasci ratione humanæ naturæ, multo magis convenit humanæ naturæ.

2. Præterea. Secundum Philosophum V. Metaph. (tex. 5.) *nomen naturæ nascendo sumptum est*. Sed denominationes fiunt secundum similitudinis convenientiam. Ergo videtur quod nativitas magis pertineat ad naturam quam ad personam.

3. Præterea. Illud proprie nascitur quod per nativitatem incipit esse. Sed per nativitatem Christi non incipit esse persona Christi, sed eius humana natura. Ergo videtur quod nativitas proprie pertineat ad naturam, non ad personam.

Sed contra est quod Damascenus dicit in III. Lib. (orth. Fid. cap. 11. 111. & VI.) *Nativitas hypostasis est, non natura*.

Respondeo dicendum, quod nativitas potest attribui alicui dupliciter: uno modo sicut subiecto; alio modo sicut termino. Sicut subiecto quidem, attribuitur ei quod nascitur: hoc autem proprie est hypostasis, non natura. Cum enim nasci sit quoddam generari, sicut generatur aliquid ad hoc quod sit, ita nascitur aliquid ad hoc quod sit. Esse autem proprie est rei subsistentis: nam forma quæ non subsistit, dicitur esse solum, quia ea aliquid est; persona autem, vel hypostasis significatur per modum subsistentis; natura autem significatur per modum formæ, qua aliquid subsistit.

Et ideo nativitas, tamquam subiecto nascenti, proprie attribuitur personæ, vel hypostasi, non naturæ; sed sicut termino attribuitur nativitas naturæ. Terminus enim generationis, & cuiuslibet nativitatis est forma: natura autem per modum formæ significatur. Unde nativitas dicitur esse via in naturam, ut patet per Philosophum II. Physic. (tex. 14.) terminatur enim naturæ intentio ad formam, seu naturam speciei.

Ad primum ergo dicendum, quod propter identitatem quæ in divinis est inter naturam & hypostasim, quandoque natura ponitur pro persona, vel hypostasi. Et secundum hoc dicit Augustinus, naturam divinam esse conceptam, & natam, quia scilicet persona Filii est concepta, & nata secundum humanam naturam.

Ad secundum dicendum, quod nullus motus, seu mutatio denominatur a subiecto quod movetur, sed a termino motus, a quo speciem habet: & propter hoc nativitas non denominatur a persona quæ nascitur, sed a natura, ad quam nativitas terminatur.

Ad tertium dicendum, quod natura, proprie loquendo, non incipit esse; sed magis persona incipit esse in aliqua natura: quia, sicut dictum est (in corp. ar.) natura significatur ut quo aliquid est, persona autem significatur ut quæ habet esse subsistens.

## ARTICULUS II. 189

*Utrum attribuenda sit Christo aliqua nativitas temporalis.*

II. dist. XIV. quæst. 1. art. 2. ad 4. & III. dist. VIII. art. 4. quæst. 1. & de unic. art. 1. ad 16.

**A**D secundum sic proceditur. Videtur quod Christo non sit attribuenda aliqua nativitas temporalis. Nasci enim est velut quidam motus rei non extantis, antequam nascatur, (a) *id agens beneficio nativitatis, ut sit* Sed Christus ab æterno fuit. Ergo non potuit temporaliter nasci.

2. Præterea. Illud quod est in se perfectum, nativitate non indiget. Sed persona Filii Dei ab æterno fuit perfecta. Non ergo indiget temporali nativitate: & ita videtur quod non sit temporaliter natus.

3. Præterea. Nativitas proprie personæ convenit. Sed in Christo est una tantum persona. Ergo in Christo est tantum una nativitas.

4. Præterea. Quod duabus nativitatibus nascitur, bis nascitur. Sed hæc videtur esse falsa, *Christus est bis natus*: quia nativitas eius qua de Patre est natus, interruptionem non patitur, cum sit æterna; quod tamen requiritur ad hoc adverbium *bis*: ille enim dicitur bis currere qui cum interruptione currit. Ergo videtur quod in Christo non sit ponenda duplex nativitas.

Sed contra est quod Damascenus dicit in III. Lib. (orth. Fid. cap. VII. in med.) *Confitemur duas Christi nativitates, unam, quæ est ex Patre, æternam; & unam, quæ est in ultimis temporibus, propter nos*.

Re-

(a) Ita cum mss, editi mellerit nota. Nescit autem idem agens. Genia indigenus.

Respondeo dicendum, quod, sicut dictum est (art. præc.) natura comparatur ad nativitatem sicut terminus ad motum, vel mutationem. Motus autem diversificatur secundum diversitatem terminorum, ut patet per Philosophum in V. Physic. (tex. 41. & seq.) In Christo autem sunt duæ naturæ, divina scilicet, & humana: quarum unam accepit ab æterno a Patre, alteram accepit temporaliter a matre. Et ideo necesse est attribueri Christo duas nativitates, unam qua æternaliter natus est a Patre, aliam qua temporaliter natus est a matre.

Ad primum ergo dicendum, quod hæc fuit obiectio cuiusdam Feliciani hæretici, quam Augustinus in Lib. contra Felicianum (cap. xix.) sic solvit. *Pingamus inquit, sicut plerique volunt, esse in mundo animam generalem, quæ sit ineffabili motu semina cuncta vivificet, ut non sit concreta cum genitis, sed vitam præstet ipsa gignendis: nempe cum hæc in utero, passibilem materiam ad usus suos formatura, pervenerit, unam facit secum esse personam eius rei quam non eandem constat habere substantiam; & sit operante anima, & patiente materia, ex duabus substantiis unus homo: sicque animam nasci fatemur ex utero; non quia antequam nasceretur, quantum ad se attinet, ipsa penitus non fuisset. Sic ergo, immo sublimius natus est de matre Filius Dei secundum hominem, eo pacto quo cum corpore nasci docetur & animus, non quia utriusque sit una substantia, sed quia ex utraque sit una persona. Non tamen ab initio carnis incepisse dicimus Dei Filium, ne temporalem credat aliquis Deitatem; non ab æterno Filii Dei novimus carnem, ne non veritatem humani corporis, sed quamdam eum suscepisse putemus imaginem.*

Ad secundum dicendum, quod hæc fuit ratio Nestorii, quam solvit Cyrillus in quadam epistola (quæ hab. in Conc. Ephes. part. 1. cap. viii. in med.) dicens: Non dicimus, quod Filius Dei indiguerit necessario propter se secundam nativitate, post eam quæ ex Patre est: est enim factum, & indoluit, existentem ante omnia secula, & consensum Patri indigere dicere initio, ut sit secundo. Quoniam autem propter nos, & propter nostram salutem uniens sibi secundum substantiam quod est humanum, processit ex muliere, ob hoc dicitur nasci carnaliter.

Ad tertium dicendum; quod nativitas est personæ ut subiecti, naturæ autem

ut termini: Possibile est autem uni subiecto plures transmutationes inesse; quas tamen necesse est secundum terminos variari: quod tamen non dicimus, quasi æterna nativitas sit transmutatio, aut motus, sed quia significatur per modum mutationis, aut motus.

Ad quartum dicendum, quod Christus potest dici bis natus secundum duas nativitates. Sicut enim dicitur bis currere qui currit duobus temporibus; ita potest dici bis nasci qui semel nascitur in æternitate, & semel in tempore: quia æternitas, & tempus multo magis differunt quam duo tempora; cum tamen utrumque designet mensuram durationis.

### ARTICULUS III. 190

*Utrum secundum temporalem Christi nativitatem B. Virgo possit dici mater eius.*

III. dist. III. quæst. II. art. 1. & 2. & dist. IV. quæst. II. art. 2. & IV. cont. cap. xxxv. n. 4. & xlv. & opusc. II. cap. cxxxi. & cxxxii. & opusc. lx. cap. III.

**A**D tertium sic proceditur. Videtur quod secundum temporalem nativitatem Christi B. Virgo non possit dici mater eius. Ut enim supra dictum est (quæst. xxxix. art. 4.) B. Virgo Maria nihil active in generatione Christi operata est, sed solam materiam ministravit. Sed hoc non videtur sufficere ad rationem matris; alioquin lignum diceretur esse mater leſſi, aut scamni. Ergo videtur quod B. Virgo non possit dici mater Christi.

2. Præterea. Christus ex B. Virgine miraculose natus est. Sed miraculosa generatio non sufficit ad rationem maternitatis, vel filiationis: non enim dicimus, Evam fuisse filiam Adæ. Ergo videtur quod nec Christus debeat dici filius B. Virginis.

3. Præterea. Ad matrem pertinere videtur decisio seminis. Sed, sicut Damascenus dicit in III. Lib. (orth. Fid. cap. II. cir. med. & cap. vii.) corpus Christi non seminaliter, sed conditum a Spiritu sancto formatum est. Ergo videtur quod B. Virgo non debeat dici mater Christi.

Sed contra est quod dicitur Matth. 1. 17. *Christi generatio sic erat: Cum esset*

*set desponsata mater Iesu Maria Ioseph.*  
*Ecce.*

Respondeo dicendum, quod B. Virgo est vera, & naturalis mater Christi. Sicut enim supra dictum est (quaest. v. art. 2.) corpus Christi non est de caelo allatum, sicut Valentinus haereticus posuit, sed de Virgine matre sumptum, & ex purissimis sanguinibus eius formatum. Et hoc solum requiritur ad rationem matris, ut ex supradictis patet (quaest. xxxi. art. 5.) Unde B. Virgo vere est mater Christi.

Ad primum ergo dicendum, quod, sicut supra dictum est (quaest. xxxii. art. 3.) paternitas, sive maternitas, & filiationis non competunt in quacunque generatione, sed in sola generatione viventium. Et ideo si aliqua inanimata ex aliqua materia fiant, non propter hoc consequitur eis relatio maternitatis, & filiationis, sed solum in generatione viventium, quae proprie nativitas dicitur.

Ad secundum dicendum, quod, sicut Damascenus dicit in Lib. III. (orth. Fid. cap. viii. cir. med.) *nativitas temporalis, qua Christus est natus propter nostram salutem, est quodammodo secundum nos, quoniam natus est homo ex muliere, & tempore conceptionis debito, super nos autem, quoniam non ex semine, sed ex Spiritu sancto, & iuxta Virgine supra legem conceptionis.* Sic igitur ex parte matris nativitas illa fuit naturalis; sed ex parte operationis Spiritus sancti fuit miraculosa. Unde B. Virgo est vera, & naturalis mater Christi.

Ad tertium dicendum, quod, sicut supra dictum est (quaest. xxxii. art. 4.) resolutio seminis feminae non pertinet ad necessitatem conceptus: & ideo resolutio seminis non ex necessitate requiritur ad matrem.

#### ARTICULUS IV. 191

*Utrum B. Virgo debeat dici mater Dei.*

III. dist. iv. quaest. 11. art. 3. & IV. cont. cap. xxxiv. xlvi. fin. & opusc. 11. cap. cccxi.

**A**D quartum sic proceditur. Videtur quod B. Virgo non debeat dici mater Dei. Non enim dicendum est circa divina mysteria nisi quod ex sacra Scriptura habetur. Sed numquam in sacra Scriptura legitur, quod sit mater, aut

genitrix Dei, sed quod sit mater Christi, vel mater pueri, ut patet Matth. 1. Ergo non est dicendum, quod beata Virgo sit mater Dei.

2. Praeterea. Christus dicitur Deus secundum divinam naturam. Sed divina natura non accipit initium essendi ex Virgine. Ergo B. Virgo non est dicenda mater Dei.

3. Praeterea. Hoc nomen *Deus* communiter praedicatur de Patre, & Filio, & Spiritu sancto. Si ergo B. Virgo est mater Dei, videtur sequi quod B. Virgo sit mater Patris, & Filii, & Spiritus sancti: quod est inconveniens. Non ergo B. Virgo debet dici mater Dei.

Sed contra est quod in capitulis Cyrilli approbatis in Ephelina Synodo (par. 1. cap. xxvj. anathem. 1.) legitur: *Si quis non confitetur Deum esse secundum veritatem Emmanuelem, & propter hoc Dei genitricem sanctam Virginem (genuit enim carnaliter carnem secundum Dei Verbum); anathema sit.*

Respondeo dicendum, quod, sicut supra dictum est (quaest. xvi. art. 1.) omne nomen significans in concreto naturam aliquam, potest supponere pro qualibet hypostasi illius naturae. Cum autem unio incarnationis sit facta in hypostasi, sicut supra dictum est (quaest. 11. art. 2. & 3.) manifestum est quod hoc nomen *Deus* potest supponere pro hypostasi habente humanam naturam, & divinam. Et ideo quicquid convenit divinae naturae, vel humanae, potest attribui illi personae, sive secundum quod pro ea supponit nomen significans divinam naturam, sive secundum quod pro ea supponit nomen significans humanam naturam. Concepti autem, & nasci personae attribuitur, & hypostasi, secundum naturam illam in qua concipitur, & nascitur. Cum igitur in ipso principio conceptionis fuerit humana natura assumpta a divina persona, sicut praedictum est (quaest. xxxiii. art. 3.) consequens est quod vere possit dici Deum esse conceptum, & natum de Virgine. Ex hoc autem dicitur aliqua mulier alicuius mater quod eum concepit, & genuit. Unde consequens est quod B. Virgo vere dicatur mater Dei. Solum enim sic negari posset, B. Virginem esse matrem Dei, si vel humanitas prius fuisset subiecta conceptioni, & nativitati, quam homo ille fuisset Filius Dei, sicut Photinus posuit; vel humanitas non fuisset assumpta in unitatem personae, vel hypostasis Verbi Dei, sicut posuit Nestorius.

## ARTICULUS V. 193

*Utrum in Christo sint duæ filiationes.*

III. dist. VIII. art. 5. & quol. 1. art. 2. &  
 quol. IX. quæst. 11 art. 3. & op.  
 11. cap. CCXI.

rius. Utrumque autem horum est erroneum. Unde hæreticum est negare, B. Virginem esse matrem Dei.

Ad primum ergo dicendum, quod hæc fuit obiectio Nestorii: quæ quidem solvitur ex hoc quod licet non inveniatur expresse in Scriptura dictum, quod B. Virgo sit mater Dei; invenitur tamen expresse in Scriptura quod Iesus Christus est verus Deus, ut patet l. Ioan. ult. & quod B. Virgo est mater Iesu Christi, ut patet Matth. 1. Unde sequitur ex necessitate ex verbis Scripturæ quod sit mater Dei. Dicitur etiam Rom. ix. 5. quod ex Iudæis est secundum carnem Christus, qui est super omnia Deus benedictus in sæcula. Non autem est ex Iudæis, nisi mediante B. Virgine. Unde ille qui est super omnia Deus benedictus in sæcula, est vere natus ex B. Virgine sicut ex sua matre.

Ad secundum dicendum, quod illa est obiectio Nestorii. Sed Cyrillus in quadam epistola contra Nestorium (quæ hab. in Concilio Ephes. par. 1. cap. 11. num. 12.) eam solvit, sic dicens: Sicut hominis anima cum proprio corpore nascitur, & tamquam unum reputatur; & si volueris quispianam dicere, quod est genitrix carnis, non tamen & animæ genitrix, nimis superflue sequitur: tale aliquid gestum percipimus in generatione Christi: natum est enim ex Dei Patris substantia Dei Verbum; quia vero carnem assumpsit, necessarium est considerare, quod natum est secundum carnem ex muliere. Dicendum est ergo, quod B. Virgo dicitur mater Dei, non quia sit mater Divinitatis, sed quia personæ habentis Divinitatem, & humanitatem est mater secundum humanitatem.

Ad tertium dicendum, quod hoc nomen Deus quamvis sit commune tribus personis, tamen supponit quandoque pro sola persona Patris, quandoque pro sola persona Filii, vel Spiritus sancti, ut supra habitum est (quæst. xvi. art. 1. & 2.) Et ita cum dicitur, Beata Virgo est mater Dei, hoc nomen Deus supponit pro sola persona Filii incarnata.

Ad quantum sic proceditur. Videtur quod in Christo sint duæ filiationes. Nativitas enim est causa filiationis. Sed in Christo sunt duæ nativitates. Ergo etiam in Christo sunt duæ filiationes.

2. Præterea. Filiatio qua quis dicitur filius alicuius ut matris, vel patris, dependet aliquoties ab ipso: quia esse relationis est ad aliud aliquoties se habere: unde & interempto uno relativorum, interimitur aliud. Sed filiatio æterna, qua Christus est Filius Dei Patris, non dependet a matre, quia nullum æternum dependet a temporali. Ergo Christus non est filius matris filiatione æterna. Aut ergo nullo modo est filius eius, quod est contra prædicta (art. præc.) aut oportet quod sit filius eius quadam alia filiatione temporali. Sunt ergo in Christo duæ filiationes.

3. Præterea. Unum relativorum ponitur in definitione alterius: ex quo patet quod unum relativorum specificatur ex alio. Sed unum & idem non potest esse in diversis speciebus. Ergo impossibile videtur quod una & eadem relatio terminetur ad extrema omnino diversa. Sed Christus dicitur filius Patris æterni, & matris temporalis; qui sunt termini omnino diverſi. Ergo videtur quod non possit eadem relatione Christus dici filius Patris, & matris. Sunt ergo in Christo duæ filiationes.

Sed contra est quod, sicut Damascenus dicit in Lib. III. (orth. Fid. cap. xiii.) ea quæ sunt naturæ, multiplicantur in Christo, non autem ea quæ sunt personæ. Sed filiatio maxime pertinet ad personam: est enim proprietas personalis, ut patet ex his quæ in l. parte dicta sunt (quæst. xl. art. 2. 3. & 4.) Ergo in Christo est una tantum filiatio.

Respondendo dicendum quod circa hoc sunt diversæ opiniones. Quidam enim attendentes ad causam filiationis, quæ est nativitas, ponunt in Christo duas filiationes, sicut & duas nativitates. Alii vero attendentes ad subiectum filiationis, quod est persona, vel hypostasis Filii, ponunt in Christo unam tantum fili-



liationem, sicut & unam hypostasim, vel personam.

Unitas enim relationis, vel eius pluralitas non attenditur secundum terminos, sed secundum causam, vel subiectum. Si enim secundum terminos attenderetur, oporteret quod quilibet homo in se duas filiationes haberet, unam qua referretur ad patrem, & aliam qua referretur ad matrem. Sed recte consideranti apparet, eadem relatione referri unumquemque ad suum patrem, & matrem, propter unitatem causae: eadem enim activitate homo nascitur ex patre, & matre; unde eadem relatione ad utrumque refertur: & eadem ratio est de magistro qui docet multos discipulos eadem doctrina, & de domino qui gubernat diversos subiectos eadem potestate. Si vero sint causae diversae specie differentes, ex consequenti videntur etiam relationes specie differre. Unde nihil prohibet plures tales relationes eidem inesse; sicut si aliquis est aliquorum magister in Grammatica, & aliorum in Logica, alia est ratio magisterii utriusque: & ideo relationibus diversis unus & idem homo potest esse magister vel diversorum, vel eorundem, secundum diversas doctrinas. Contingit autem quandoque quod aliquis habet relationem ad plures secundum diversas causas, eiusdem tamen speciei; sicut cum aliquis est pater diversorum filiorum secundum diversos generationis actus: unde paternitas non potest specie differre, cum actus generationum sint iidem speciei: & quia plures formae eiusdem speciei non possunt simul inesse eidem subiecto, non est possibile quod sint plures paternitates in eo qui est pater plurium filiorum generatione naturali; secus autem esset, si esset pater unius generationis naturali, & alterius per adoptionem.

Manifestum autem est quod non una & eadem nativitate Christus est natus ex Patre ab aeterno, & ex matre ex tempore; nec nativitas est unius speciei. Unde quantum ad hoc, oporteret dicere in Christo esse diversas filiationes, unam temporalem, & aliam aeternam. Sed quia subiectum filiationis non est natura, aut pars naturae, sed solum persona, vel hypostasis; in Christo autem non est hypostasis, vel persona, nisi aeterna; non potest in Christo esse aliqua filio, nisi quae sit in hypostasi aeterna. Omnis autem relatio quae ex tempore de Deo dicitur, non ponit in ipso Deo aeterno aliquid secundum rem, sed secundum rationem

tantum, sicut in prima parte habitum est (quaest. xiii. art. 7.) Et ideo filio quia Christus refertur ad matrem, non potest esse realis relatio, sed solum secundum rationem.

Et sic, quantum ad aliquid, utraque opinio verum dicit. Nam si attendamus ad perfectas rationes filiationis, oportet dicere duas filiationes secundum dualitatem nativitatum; si autem attendamus ad subiectum filiationis, quod non potest esse nisi suppositum aeternum, non potest in Christo esse realiter nisi filio aeterna. Dicitur tamen relative filius ad matrem relatione quae contingit relationi maternitatis ad Christum; sicut etiam Deus dicitur Dominus relatione quae contingit relationi reali relationi qua creatura subiicitur Deo; & quamvis relatio domini non sit realis in Deo, dicitur tamen realiter Dominus ex reali subiectione creaturae ad ipsum. Et similiter Christus dicitur realiter filius Virginis matris ex relatione reali maternitatis ad Christum.

Ad primum ergo dicendum, quod nativitas temporalis causatur in Christo temporalem filiationem realem, si esset ibi subiectum huiusmodi filiationis capax; quod quidem esse non potest: ipsum enim suppositum aeternum non potest esse susceptivum relationis temporalis, ut dictum est (in cor. art.) Nec potest dici, quod sit susceptivum filiationis temporalis ratione humanae naturae, sicut etiam & temporalis nativitatis: quia oporteret naturam humanam aequaliter esse subiectam filiationi, sicut est aequaliter subiecta nativitati; cum enim Aethiops dicitur albus ratione dentis, oportet quod Aethiopsis dens sit albedinis subiectum. Natura autem humana nullo modo potest esse subiectum filiationis: quia haec relatio directe respicit personam.

Ad secundum dicendum, quod filio aeterna non dependet a matre temporali; sed huic filiationi aeternae contingit quidam respectus temporalis dependens a matre, secundum quem Christus dicitur filius matris.

Ad tertium dicendum, quod, unum, & ens se consequuntur, ut dicitur in IV. Metaphys. (tex. 3.) Et ideo sicut contingit quod in uno extremorum relatio sit quoddam ens, in alio autem non sit ens, sed ratio tantum, sicut de scibili, & scientia Philosophus dicit in V. Metaph. (tex. 20.) ita etiam contingit quod ex parte unius extremi est una relatio, ex parte

au-

autem alterius extremi sunt multae relationes : sicut in hominibus ex parte parentum invenitur duplex relatio, una paternitatis, & alia maternitatis; quæ sunt speciem differentes, propter hoc quod alia ratione pater, & alia mater est generationis principium. Si vero essent plures eadem ratione principium unius actionis (puta cum multi simul trahunt navem,) in omnibus esset una & eadem relatio. Ex parte autem prolis est una sola filiatione secundum rem, sed duplex secundum rationem, inquantum correspondet utrique relationi parentum secundum duos respectus intellectus. Et sic etiam quantum ad aliquid in Christo est una tantum filiatione realis, quæ respicit patrem æternum; est tamen ibi alius respectus temporalis, qui respicit matrem temporalem.

## ARTICULUS VI. 193

*Utrum Christus fuerit natus sine dolore matris.*

## 2. 2. quæst. clxiv. art. 2. ad 3.

**A**D sextum sic proceditur. Videtur quod Christus non fuerit natus sine dolore matris. Sicut enim mors hominum subsecuta est ex peccato primorum parentum, secundum illud Genes. 11. 17. *Quicumque die comederitis ex eo, morte moriemini*; ita etiam dolor partus, secundum illud Gen. 111. 16. *In dolore paries filios*. Sed Christus mortem subire voluit. Ergo videtur quod pari ratione eius partus esse debuerit cum dolore.

2. Præterea. Finis proportionatur principio. Sed finis vite Christi fuit cum dolore, secundum illud Isa. 111. 4. *Vere dolores nostros ipse tulit*. Ergo videtur quod etiam in sua natiuitate fuerit dolor partus.

3. Præterea. In Libro de ortu Salvatoris narratur, quod ad Christi natiuitatem obstertrices occurrerunt; quæ videntur esse necessariae parienti propter dolorem. Ergo videtur quod B. Virgo peperit cum dolore.

Sed contra est quod Augustinus (alius Auctor) dicit in serm. de Nativit. alloquens Virginem matrem: *Nec in conceptione, inquit, inventa es sine pudore, nec in partu inventa es cum dolore*.

Respondeo dicendum, quod dolor parientis causatur ex apertione meatuum, per quos proles egreditur. Dictum est au-

tem supra (quæst. xxviii. art. 2.) quod Christus est egressus ex clauso utero matris; & sic nulla violentia apertionis meatuum ibi fuit. Et propter hoc in illo partu nullus fuit dolor, sicut nec aliqua corruptio; sed fuit ibi maxima iucunditas ex hoc quod homo Deus est natus in mundum, secundum illud Isa. xxxv.

2. *Germinans germinabit, sicut lilium, & exultabit letabunda, & laudans*.

Ad primum ergo dicendum, quod dolor partus consequitur in muliere conjunctionem virilem. Unde Gen. 111. postquam dictum est, *In dolore paries*, subditur: *Et sub viri potestate eris*. Sed, sicut dicit Augustinus (alius Auctor) in serm. de assumpt. B. Virginis, *ab hac sententia excipitur Virgo mater Dei; quæ quia sine peccati collusione, & sine virilis admixtionis detrimento Christum suscepit, sine dolore genuit, & sine integritatis violatione, pudore virginis integro permansit*. Christus autem mortem suscepit spontanea voluntate, ut pro nobis satisfaceret, non quali ex necessitate illius sententiæ, quia ipse mortis debitor non erat.

Ad secundum dicendum, quod sicut Christus moriendo destruxit mortem nostram; ita suo dolore nos a doloribus liberavit: & ideo mori voluit cum dolore. Sed dolor parientis matris non pertinebat ad Christum, qui pro peccatis nostris satisfacere veniebat. Et ideo non oportuit quod mater eius pareret cum dolore.

Ad tertium dicendum, quod Luc. 2. dicitur, quod B. Virgo ipsum puerum, quem pepererat, pannis involvit, & posuit in præsepio. Et ex hoc ostenditur narratio illius Libri, qui est apocryphus, esse falsa. Unde Hieronymus dicit contra Helvidium (cap. iv. in fi.) *Nulla ibi obsteratrix, nulla muliercularum sedulitas intercessit; & mater, & obsterrix fuit. Pannis, inquit, involvit infantem, & posuit in præsepio: quæ sententia apocryphorum deliramenta convincit*.

## ARTICULUS VII. 194

*Utrum Christus debuerit in Bethlebem nasci.*

*Inf. quæst. xlv. art. 10. ad 1. & Mat. 11. & opus. ix. cap. 4.*

**A**D septimum sic proceditur. Videtur quod Christus non debuerit in Bethlebem

Alehem nasci. Dicitur enim Isa. 11. 3. *De Sion exibit lex, & verbum Domini de Hierusalem*. Sed Christus est vere Verbum Dei. Ergo de Hierusalem debuit prodire in mundum.

2. Præterea. Matt. 11. dicitur scriptum esse de Christo, quod *Nazareus vocabitur*: quod sumitur ex eo quod scribitur Isa. xi. 1. *Flos de radice eius ascendet*: Nazareth enim flos interpretatur. Sed maxime aliquis denominatur a loco suæ natiuitatis. Ergo videtur quod in Nazareth nasci debuerit, ubi etiam fuit conceptus, & nutritus.

3. Præterea. Ad hoc Dominus natus est in mundo, ut veritatis fidem annuntiaret, secundum illud Io. xviii. 37. *In hoc natus sum, & ad hoc veni in mundum, ut testimonium perhibeam veritati*. Sed hoc facilius fieri potuisset, si natus fuisset in civitate Romana, quæ tunc dominatum orbis habebat: unde & Paulus Romanis scribens dicit Rom. 1. 8. *Fides vestra annuntiatur in universo mundo*. Ergo videtur quod non debuerit in Bethlehem nasci.

Sed contra est quod dicitur Mich. v. 2. *Et tu Bethlehem Ephrata, parvulus es in millibus Iuda: ex te mihi egredietur qui sit dominus in Israel*.

Respondendo dicendum, quod Christus in Bethlehem nasci voluit, duplici ratione. Primo quidem, quia *factus est ex semine David secundum carnem*, ut dicitur Rom. 1. 3. cui etiam facta fuerat repromissio specialis de Christo, secundum illud II. Reg. xxvii. 1. *Dixit vir cui constitutum est de Christo Dñi Iacob*. Et ideo in Bethlehem, de qua natus fuit David, nasci voluit, ut ex ipso loco natiuitatis promissio ei facta impleta ostenderetur: & hoc designat Evangelista dicens Luc. 11. *Eo quod esset de domo & familia David*. Secundo quia, ut Gregorius dicit in hom. (viii. in Evang. parum a princ.) *Bethlehem domus panis interpretatur*. Ipse autem Christus est qui ait: *Ego sum panis vivus, qui de celo descendi*.

Ad primum ergo dicendum, quod sic ut David in Bethlehem natus est, ita etiam Hierusalem elegit, ut in ea sedem regni constitueret, & templum Dei ibi ædificaret; & sic Hierusalem elegit, ut esset civitas simul regalis, & sacerdotialis. Sacerdotium autem Christi, & eius regnum præcipue consummatum est in eius passione. Et ideo convenienter Bethlehem elegit natiuitati, Hierusalem vero passioni. Similiter etiam per hoc homi-

num gloriam confutavit, qui gloriantur de hoc quod ex civitatibus nobilibus originem ducunt, in quibus etiam præcipue volunt honorari. Christus autem e converso in civitate ignobili nasci voluit, & in civitate nobili pati opprobrium.

Ad secundum dicendum, quod Christus florere voluit secundum virtuosam conversationem, non secundum carnis originem. Et ideo in civitate Nazareth educari voluit, & nutriri, in Bethlehem autem voluit quasi peregre nasci: quia, ut Gregorius dicit (loc. sup. cit.) *per humanitatem, quam assumpsit, quasi in alieno nascebatur, non secundum potestatem, sed secundum naturam*: & etiam, ut Beda dicit (cap. v. in Luc.) *in diversiori loco egebat, ut nobis multas mansiones in domo Patris sui præpararet*.

Ad tertium dicendum, quod, sicut dicitur in quodam serm. Ephes. Conc. (qui est Theodoti Ancyr. & hab. in eo Conc. par. 111. cap. ix.) *si maximam Romanam elegisset civitatem, propter potentiam civitum, mutationem orbis terrarum putarent; si filius fuisset Imperatoris, potestati utilitatem adscriberet. Sed ut Divinitas cognosceretur orbem transformasse terrarum, pauperulam elegit matrem, & pauperiorem patriam. Elegit autem Deus infirmam mundi, ut confundat fortia, sicut dicitur I. ad Corinth. 1. 27. Et ideo ut suam potestatem magis ostenderet, in ipsa Roma, quæ caput mundi erat, etiam caput Ecclesiæ suæ statuit in signum perfectæ victoriæ, ut exinde fides derivaretur ad universum mundum, secundum illud Isa. xxvi. 5. *Civitatem sublimem humiliabit... & conculcabit eam pes pauperis*, scilicet Christi, *gressus egenorum*, id est Apostolorum Petri, & Pauli.*

#### ARTICULUS VIII. 197

*Utrum Christus fuerit tempore congruo natus.*

**A**D octavum sic proceditur. Videtur quod Christus non fuerit congruo tempore natus. Ad hoc enim Christus venerat ut suos in libertatem revocaret. Natus est autem tempore servitutis, quo scilicet totus orbis præcepto Augusti describitur, quasi tributarius factus, ut habetur Luc. 11. Ergo videtur quod non congruo tempore Christus fuerit natus.

2. Præterea. Promissiones de Christo nascituro Gentilibus non fuerant factæ, secundum illud Rom. 15. 4. *Quorum sunt pro-*

*promissa.* Sed Christus natus est tempore quo Rex alienigena dominabatur, sicut patet Matth. 11. 1. *Cum natus esset Iesus in diebus Herodis Regis.* Ergo videtur quod non fuerit congruo tempore natus.

3. Præterea. Tempus præsentiae Christi in mundo diei comparatur, propter id quod ipse est lux mundi: unde ipse dicit Ioan. 1x. 4. *Me oportet operari opera eius qui misit me, donec dies est.* Sed in æstate sunt dies longiores, quam in hieme. Ergo cum natus fuerit in profundo hiemis, idest VIII. kalendas Ian. videtur quod non fuerit convenienti tempore natus.

Sed contra est quod dicitur Galat. 1v. 4. *Cum venit plenitudo temporis, misit Deus Filium suum, factum ex muliere, factum sub lege.*

Respondendo dicendum, quod hæc est differentia inter Christum, & alios homines, quod alii homines nascuntur subiecti necessitati temporis; Christus autem, tamquam dominus, & conditor omnium temporum, elegit sibi tempus in quo nasceretur, sicut & matrem, & locum. Et quia *quæ a Deo sunt, ordinata sunt.* (Rom. xiii. 1.) & convenienter disposita, consequens est quod convenientissimo tempore Christus nasceretur,

Ad primum ergo dicendum, quod Christus venerat nos in statu libertatis reducere de statu servitutis. Et ideo sicut mortalitatem nostram suscepit, ut nos ad vitam reduceret; ita, ut Beda dicit (cap. v. in Luc.) *eo tempore dignatus est incarnari quo mox natus censu Cæsaris adscriberetur, atque ob nostri liberationem ipse servitio subderetur.* Tempore etiam illo quo totus orbis sub uno Principe vivebat, maxima pax fuit in mundo. Et ideo decebat ut illo tempore Christus nasceretur, qui est *pax nostra, faciens utraque unum*, ut dicitur Ephel. 11. 14. Unde Hieronymus dicit super Isa. (sup. illud cap. 11. *Non levabit gens &c.*) *Veteres si revolvamus historias, invenimus utque ad vigintiannum octavum annum Cæsaris Augusti in toto orbe terrarum fuisse discordiam; orto autem Domino, omnia bella cessaverunt, secundum illud Isa. 11. 4. Non levabit gens contra gentem gladium.* Congruebat etiam ut in illo tempore, quo unus Princeps dominabatur in mundo, Christus nasceretur, qui venerat congregare suos in unum, ut esset *unum ovile, & unus pastor*, ut dicitur Ioan. x. 16.

Ad secundum dicendum, quod ideo Chri-

stus Regis alienigenæ tempore nasci voluit, ut impleteretur prophetia Iacob dicentis Genes. p. ult. 10. *Non auferetur sceptrum de Iuda, & dux de femore eius, donec veniat qui mittendus est:* quia, ut Chrysostomus (alius Auctor) dicit super Matth. (hom. 2. in op. imperf. parum a princ.) *quamdiu Iudæica gens sub Iudæicis Regibus, quamvis peccatoribus, tenebatur, Prophetæ mittebantur ad remedium eius; nunc autem quando lex Dei sub potestate Regis iniqui tenebatur, nascitur Christus; quia magna, & desperabilis infirmitas medicum artificiosum requæbat.*

Ad tertium dicendum, quod, sicut dicitur in Lib. de Qq. vet. & novi Testam. (quæst. 1111.) *tunc Christus nasci voluit, quando lux diei crementum incipit accipere;* ut ostenderetur quod ipse venerat, ut homines crescerent in lucem divinam, secundum illud Luc. 1. 79. *Illuminare his qui in tenebris, & in umbra mortis sedent.* Similiter etiam asperitatem hiemis elegit ad nativitatem, ut ex tunc carnis afflictionem pateretur pro nobis.

## QUAESTIO XXXVI.

*De manifestatione Christi nati,*

*in octo articulos divisa.*

**D**Einde considerandum est de manifestatione Christi nati: & circa hoc quaeruntur octo.

Primo, utrum nativitas Christi debuerit esse omnibus manifesta.

Secundo, utrum debuerit aliquibus manifestari.

Tertio, quibus manifestari debuerit.

Quarto, utrum debuerit ipse se manifestare, vel potius manifestari per alios.

Quinto, per quæ alia manifestari debuerit.

Sexto de ordine manifestationum.

Septimo de stella, per quam manifestata fuit eius nativitas.

Octavo de veneratione Magorum, qui per stellam Christi nativitatem cognoverunt.

## ARTICULUS I. 196

*Utrum natiuitas Christi debuerit esse omnibus manifesta.*

*Inf. quæst. xxxix. art. 8. ad 3.*

**A**D primum sic proceditur. Videtur quod Christi natiuitas debuerit esse omnibus manifesta. Impletio enim promissioni debet respondere. Sed de promissione aduentus Christi dicitur in Psal. xlix. 3. *Deus manifeste ueniet: uenit autem per carnis natiuitatem.* Ergo uidetur quod eius natiuitas debuerit esse toti mundo manifesta.

2. Præterea. I. ad Timoth. 1. 15. dicitur: *Christus in hunc mundum uenit peccatores saluos facere.* Sed hoc non fit, nisi in quantum eis gratia Christi manifestatur, secundum illud Tit. 11. 11. *Apparuit gratia Dei, & Salvatoris nostri omnibus hominibus, erudiens nos, ut abnegantes impietatem, & secularia desideria, sobrie, & pie, & iuste uiuamus in hoc seculo.* Ergo uidetur quod Christi natiuitas debuerit esse omnibus manifesta.

3. Præterea. Deus super omnia prior est ad milierendum, secundum illud Pl. cxlv. 9. *Miserationes eius super omnia opera eius.* Sed in secundo aduentu, quo iustitias iudicabit, ueniet omnibus manifestus, secundum illud Matth. xxiv. 27. *Sicut fulgur exit ab Oriente, & paret usque in Occidentem; ita erit aduentus Filii hominis.* Ergo multo magis primus aduentus, quo natus est in mundo secundum carnem, debuit esse omnibus manifestus.

Sed contra est quod dicitur Isa. xlv. 17. *Verè tu es Deus absconditus, sanctus Israel saluator: & Isa. l. 11. 3. Quasi absconditus est uultus eius, & despectus.*

Respondeo dicendum, quod natiuitas Christi non debuit esse communiter omnibus manifesta. Primo quidem quia per hoc impedita fuisset humana redemptio, quæ per crucem eius peracta est: quia, ut dicitur I. ad Corinth. 11. 8. *si cognouissent, nunquam Dominum glorie crucifixissent.* Secundo quia hoc diminuisset meritum fidei, per quam uenerat homines iustificare, secundum illud Rom. 11. 22. *Iustitia Dei per fidem Iesu Christi.* Si enim manifestis indicis, Christo nascente, eius natiuitas omnibus appareret, iam tolleretur ratio fidei, quæ

est *argumentum non apparentium*, ut dicitur Heb. xi. Tercio quia per hoc uenisset in dubium ueritas humanitatis ipsius. Unde Augustinus dicit in epistola ad Volusianum (cxxxvi. al. 101. parum antemed.) *Si nullas ex paruulo in iuuentutem mutaret ætates, nullos cibos, nullos caperet somnos, nonne opinionem confirmaret erroris, nec hominem uerum ullo modo suscepisse crederetur, & dum omnia mirabiliter facit, auferret quod misericorditer fecit?*

Ad primum ergo dicendum, quod auctoritas illa intelligitur de aduentu Christi ad iudicium, secundum quod Glossa (interl. Augustin.) ibidem exponit.

Ad secundum dicendum, quod de gratia Dei Salvatoris erudiendi erant omnes homines ad saluam, non in principio natiuitatis eius, sed postea tempore procedente, postquam operatus est salutem in medio terre. (Psal. lxxiii. 12.) Unde post passionem, & resurrectionem suam dicit discipulis suis Matth. ult. 19. *Euntes docete omnes gentes.*

Ad tertium dicendum, quod ad iudicium requiritur quod auctoritas iudicis cognoscatur: & propter hoc oportet quod aduentus Christi ad iudicium fit manifestus. Sed primus aduentus fuit ad omnium salutem, quæ est per fidem, quæ quidem est de non apparentibus. Et ideo primus Christi aduentus debuit esse occultus.

## ARTICULUS II. 197

*Utrum natiuitas Christi debuerit aliquibus manifestari.*

**A**D secundum sic proceditur. Videtur quod natiuitas Christi nulli debuerit manifestari. Quia, ut dictum est (ar. præc.) hoc erat congruum humanæ salutis, ut primus Christi aduentus esset occultus. Sed Christus uenerat ut omnes saluaret, secundum illud I. ad Timoth. iv. 16. *Qui est saluator omnium, maxime fidelium.* Ergo natiuitas Christi nulli debuit manifestari.

2. Præterea. Ante natiuitatem Christi manifestata erat B. Virgini, & Ioseph futura Christi natiuitas. Non ergo erat necessarium, Christo nato, eandem aliis manifestari.

3. Præterea. Nullus sapiens manifestat id ex quo turbatio nascitur, & detrimentum aliorum. Sed, manifestata Christi natiuitate, sublecuta est turbatio:

Non dicitur enim Matth. 11. 3. quod audiens Herodes Christi nativitatem, turbatus est, & omnis Hierosolyma cum illo: cessit etiam hoc in detrimentum aliorum, quia ex hac occasione Herodes occidit pueros in Bethlehemi, & in omnibus finibus eius, a bimatu, & infra. (Matth. 11. 16.) Ergo videtur quod non fuerit conveniens Christi nativitatem aliquibus manifestari.

Sed contra est quod Christi nativitas nulli fuisset proficua, si omnibus esset occulta. Sed oportebat Christi nativitatem esse proficuum; alioquin frustra natus fuisset. Ergo videtur quod aliquibus manifestari debuerit Christi nativitas.

Respondetur dicendum, quod, sicut Apostolus dicit Rom. xiii. 1. *que a Deo sunt, ordinata sunt.* Pertinet autem ad divinam sapientiam ordinem ut Dei dona, & secreta sapientiae eius non aequaliter ad omnes, sed immediate ad quosdam perveniant, & per eos ad alios deriventur. Unde & quantum ad resurrectionis mysterium dicitur Act. x. 40. quod *Deus dedit Christum revertentem manifestum fieri non omni populo, sed testibus praedictis a Deo.* Unde hoc etiam debuit circa ipsius nativitatem observari, ut non omnibus Christus manifestaretur, sed quibusdam, per quos posset ad alios devenire.

Ad primum ergo dicendum, quod sicut fuisset in praedictum salutis humanae, si omnibus hominibus Dei nativitas innotuisset; ita etiam, si nulli nota fuisset. Utrouque enim modo tollitur fides, tam scilicet per hoc quod aliquid estrota- litem manifestum, quam etiam per hoc quod a nullo cognoscitur, a quo possit testimonium audiri. *Fides enim est ex auditu*, ut dicitur Rom. x.

Ad secundum dicendum, quod Maria, & Ioseph instruendi erant de Christi nativitate, antequam naceretur, quia ad eos pertinebat reverentiam exhibere proli conceptae in utero, & etiam obsequi nascituro. Eorum autem testimonium, propter hoc quod erat domesticum, fuisse habitum suspectum circa magnificentiam Christi. Et ideo oportuit ut aliis manifestaretur extraneis, quorum testimonium suspectum esse non posset.

Ad tertium dicendum quod ipsa turbatio subsecuta ex nativitate Christi manifestata congruebat Christi nativitati. Primo quidem quia per hoc manifestatur caelestis Christi dignitas: unde Gregorius dicit in hom. (x. in Evan. in princ.) *Celi rege nato, Rex terre turbatus est*;

*quia nimirum terrena altitudo confunditur, cum celsitudo caelestis aperitur.* Secundo quia per hoc figurabatur iudicia Christi potestas: unde Augustinus dicit in quodam serm. Epiph. (xxx. de temp. aliquant. a princ.) *Quid erit tribunal iudicantis, quando superbos reges cuna ter- rebat infantis?* Tertio quia per hoc figurabatur delectio regni diaboli: quia, ut Leo Papa dicit in sermone Epiphani. (imph. ser. v. cap. 11. a princ. sed expref. Auditor oper. imperf. hom. 11. ante med.) *Non tantum Herodes in semetipso turbabatur, quantum diabolus in Herode. Herodes enim terrenum hominem estimabat, sed diabolus Deum cognoscebat; & uterque regni sui successorem timebat, diabolus caelestem, sed Herodes terrenum:* superflue tamen, quia Christus non venerat regnum in terra habere. Unde Leo Papa dicit (serm. iv. de Epiph. cap. 11. ad fi.) *Herodi loquens: Non capis Christum regia tua; nec mundi Dominus potestatis tue seipsum est contentus angustis.* Quod autem Iudaei turbabantur, qui tamen magis gaudere debebant, aut hoc est, quia, ut Chrysostomus (alius Auditor) dicit (hom. 11. in op. imperf. ante med.) *de adventu istius non poterant gaudere iniqui, aut volentes favere Herodi, quem timebant:* populus enim plus nullo favet eis quos crudeles sustinet. Quod autem pueri ab Herode sunt interfecti, non cessit in eorum detrimentum, sed in eorum profectum: dicit enim Augustinus in serm. quodam de Epiph. (qui est lxxv. de diversis cap. 111. in h.) *Abst ut ad liberandos homines Christus veniens, de istorum praemio qui pro eo interfecerant, nihil egerit, qui pendens in ligno pro eis a quibus interficiebatur oravit.*

### ARTICULUS III. 198

*Utrum sint convenienter electi illi quibus est Christi nativitas manifestata.*

**A**D tertium sic proceditur. Videtur quod non sint convenienter electi illi quibus est Christi nativitas manifestata. Dominus enim Matth. x. 5. mandavit discipulis: *In viam gentium ne abieritis;* ut scilicet prius manifestaretur Iudaeis quam Gentibus. Ergo videtur quod multo minus a principio fuerit revelanda Christi nativitas Gentilibus, qui ab Oriente venerunt, ut habetur Matth. 11,

2. Præterea. Manifestatio divinæ veritatis præcipue debet fieri ad Dei amicos, secundum illud Iob xxxv. 33. *Annuntiat de ea amico suo*. Sed Magi videntur esse Dei inimici: dicitur enim Levit. xix. 31. *Non declinetis ad magos, nec ab ariolis aliquid sciscitemini*. Non ergo debuit Christi nativitas Magis manifestari.

3. Præterea. Christus venerat totum mundum a potestate diaboli liberare: unde dicitur Malach. i. 11. *Ab ortu Solis usque ad occasum magnum est nomen meum in gentibus*. Non ergo solum in Oriente politis debuit manifestari, sed etiam ubique terrarum.

4. Præterea. Omnia sacramenta veteris legis erant Christi figura. Sed sacramenta veteris legis dispensabantur per ministerium sacerdotum legalium. Ergo videtur quod magis debuerit Christi nativitas manifestari sacerdotibus in templo quam pastoribus in agro.

5. Præterea. Christus ex virgine matre natus est, & ætate parvulus erat. Convenientius igitur videtur fuisse quod Christus manifestaretur iuvenibus, & virginibus, quam senibus, & coniugatis, vel viduis, sicut Simeoni, & Annæ.

Sed contra est quod dicitur Ioan. xiii. 18. *Ego scio quos elegerim*. Quæ autem fiunt secundum Dei sapientiam, convenienter fiunt. Ergo convenienter sunt electi illi quibus est manifestata Christi nativitas.

Respondeo dicendum, quod salus quæ erat futura per Christum, ad omnem diversitatem hominum pertinebat: quia, sicut dicitur Colos. iii. 11. *(a) in Christo Iesu non est masculus, & femina; Gentilis, & Iudæus; servus, & liber: & sic de aliis huiusmodi: & ut hoc in ipsa Christi natiuitate præfiguraretur, omnibus conditionibus hominum est manifestatus*: quia, ut Augustinus dicit in sermone de Epiphania, (xxxii. de tempore cap. i. ad h.) *pastores fuerunt Israelitæ, Magi Gentiles, illi prope, isti longe; utrique tamen ad angularem lapidem concurrerunt*. Fuit etiam inter eos alia diversitas: nam Magi fuerunt sapientes, & potentes; pastores autem simplices, & viles. Manifestatus etiam est iustus, Simeoni, & Annæ, & peccatoribus, scilicet Magis. Manifestatus est etiam & viris, & mulieribus, ut per hoc ostenderetur, nullam

conditionem hominum excludi a Christi salute.

Ad primum ergo dicendum, quod illa manifestatio natiuitatis Christi fuit quædam prælibatio plenæ manifestationis, quæ erat futura: & sicut in secunda manifestatione primo annuntiata est gratia Christi per Christum, & eius Apostolos Iudæis, & postea Gentilibus; ita ad Christum primo pervenerunt pastores, qui erant primitiæ Iudæorum, tamquam prope existentes, & postea venerunt Magi a remotis, qui fuerunt primitiæ Gentium, ut Augustinus dicit (serm. xxx. de temp. cir. princ.)

Ad secundum dicendum, quod, sicut Augustinus dicit in sermone de Epiph. (ibid. sub fi.) *sicut prævalet imperitia in rusticitate pastorum, ita prævalet impietas in sacrilegiis magorum; utroque tamen sibi lapis ille angularis applicuit, quippe qui venit stulta eligere, ut confunderet sapientes, & non vocare iustos, sed peccatores; ut nullus magnus superbiat, nullus infirmus desperaret*.

Quidam tamen dicunt, quod isti Magi non fuerunt malefici, sed sapientes Astrologi, qui apud Persas, vel Chaldaeos Magi vocantur.

Ad tertium dicendum, quod, sicut Chrysostomus (alius Auctor) dicit (hom. 11. in op. imperf. aliquant. a princ.) *ab Oriente venerunt Magi, quia unde dies nascitur, inde initium fidei processit: quia fides lumen est animarum; vel quia omnes qui ad Christum veniunt, ab ipso, & per ipsum veniunt*. Unde dicitur Zach. vi. 12 *Ecce vir: Oriens nomen eius*. Dicuntur autem ab Oriente ad litteram venisse, vel quia de ultimis Orientis partibus venerunt, secundum quoddam, vel quia de aliquibus vicinis partibus Iudææ venerunt, quæ tamen sunt regionem Iudææ ad Orientem. Credibile tamen est etiam in aliis partibus mundi aliqua indicia natiuitatis Christi apparuisse; sicut Romæ fluxit oleum, & in Hispania apparuerunt tres Soles paritatem in unum coeuntes. (Eusebius in Chron. & Innocentius III. sermon. 11. de nativ.)

Ad quartum dicendum, quod, sicut Chrysostomus dicit (hab. in Cat. aur. D. Th. sup. cap. 11. Luc.) *Angelus manifestans Christi natiuitatem non iussit Hierosolimam, non requisivit Scribas, & Phariseos: erant enim corrupti, & præ invidia cruciabantur; sed pastores erant finceri*,

(a) Vulgata: Ubi non est Gentilis, & Iudæus; circumcisio, & præputium; Barbarus, & Scythæ; Servus, & liber.

*ceri, antiquam conversationem Patriarcharum, & Moysi colentes. Per hos etiam pastores significabantur Doctores Ecclesiae, quibus Christi mysteria revelantur, quae latebant Iudaeos.*

Ad quintum dicendum, quod, sicut Ambrosius dicit (sup. illud Luc. 11. *Ecce homo erat &c.*) *generatio Domini non solum a iuvenibus, sed etiam a senioribus, & iusti accipere debuit testimonium.* quorum etiam testimonium propter iustitiam magis credebatur.

## ARTICULUS IV. 199

*Utrum Christus per seipsum nativitatem suam manifestare debuerit.*

**A**D quartum sic proceditur. Videtur quod Christus per seipsum nativitatem suam manifestare debuerit. Causa enim quae est per se, semper est potior ea quae est per aliud, ut dicitur in VIII. Physic. & text. 39. Sed Christus suam nativitatem manifestavit per alios, puta pastores per Angelos, & Magis per stellam. Ergo magis per seipsum debuit suam nativitatem manifestare.

2. Præterea. Eccli. xx. 32. dicitur: *Sapientia abscondita, & thesaurus invisus, quæ utilitas in virisque?* Sed Christus a principio suæ conceptionis plene habuit sapientiae, & gratiae thesaurum. Nisi ergo hanc plenitudinem manifestasset per opera, & verba, fuisset frustra ei data sapientia, & gratia: quod est inconveniens, quia Deus, & natura nihil frustra facit, ut dicitur in I. de cælo (text. 32. & Lib. II. text. 19.)

3. Præterea. In lib. de infantia Salvatoris legitur, quod Christus in sua pueritia multa miracula fecit: & ita videtur quod suam nativitatem per seipsum manifestaverit.

Sed contra est quod Leo Papa dicit (serm. rv. de Epiph. cap. 111. ad fin.) *quod Magi invenerunt puerum Iesum, in nullo ab humane infantie generalitate dissimilem.* Sed alii infantes non seiplos manifestant. Ergo neque decuit quod Christus per seipsum suam nativitatem manifestaret.

Respondetur dicendum, quod nativitas Christi ad humanam salutem ordinabatur: quæ quidem est per fidem, fides autem salutaris Divinitatem, & humanitatem Christi consistetur. Oportebat igitur

ita manifestari nativitatem Christi, ut demonstratio Divinitatis eius fidei humanitatis ipsius non præiudicaret. Hoc autem factum est, dum Christus in seipso nativitatem similem infirmitati humane exhibuit, & tamen per Dei creaturas Divinitatis virtutem in se monstravit. Et ideo Christus non per seipsum nativitatem manifestavit, sed per quendam alias creaturas.

Ad primum ergo dicendum, quod in via generationis, & motus oportet per imperfecta ad perfectum perveniri. Et ideo Christus prius manifestavit se per alias creaturas, & postea manifestavit se per seipsum manifestatione perfecta.

Ad secundum dicendum, quod licet sapientia abscondita sit inutilis, non tamen ad sapientiam pertinet ut quolibet tempore manifestet seipsum, sed tempore congruo. Dicitur enim Eccli. xx. 6. *Est tacens, non habens sensum loquens; & est tacens, sciens (a) tempus apertur temporis.* Sic ergo sapientia Christo data non fuit inutilis, quia seipsum tempore congruo manifestavit; & hoc ipsum quod tempore congruo abscondebatur, est sapientiae indicium.

Ad tertium dicendum, quod liber ille de infantia Salvatoris est apocryphus. Et Chrysostomus dicit super Ioan. (hom. xx. ante med.) quod Christus non fecit miracula, antequam aquam converteret in vinum, secundum illud quod dicitur Ioan. 11. *Hoc fecit initium signorum Iesus. Si enim secundum primam ætatem miracula fecisset, non indignissent Israelitæ alio manifestante eum,* cum tamen Ioannes Baptista dicat Ioan. 1. 31. *Ut manifestetur in Israel, propterea veni in aqua baptizans. Decenter, autem non incepit facere signa in prima ætate: existimarent enim phantasma esse incarnationem; & ante opportunum tempus cruci cum tradidissent livore liquefacti.*

## ARTICULUS V. 200

*Utrum nativitas Christi debuerit per Angelos, & stellam manifestari.*

**A**D quintum sic proceditur. Videtur quod non debuerit manifestari per Angelos Christi nativitas. Angeli enim sunt spirituales substantiæ, secundum illud Psal. ciii. 4. *Qui (b) facit Angelos suos spiritus.* Sed Christi nativitas erat se-

(a) Ita omnes edd. D. Thoma cum ass. An primi amanuensis scriptura fuit. Vulgata tempus apertum, & sic quæque legendum videtur. (b) Vulgata laus, & timor.



secundum carnem, non autem secundum spirituales eius substantiam. Ergo non debuit per Angelos manifestari.

2. Præterea. Maior est affinitas iustorum ad Angelos quam ad quoscunque alios, secundum illud Psal. lxxviii. 8. *Immitte Angelus Domini in circuitu timentium eum, & eripiet eos.* Sed iustis, scilicet Simeoni, & Annæ, non est manifestata Christi nativitas per Angelos. Ergo nec pastoribus per Angelos, manifestari debuit.

3. Præterea. Videtur quod nec Magis debuerit manifestari per stellam. Hoc enim videtur esse erroris occasio, quantum ad illos qui æstimant sidera nativitatibus hominum dominari. Sed occasiones peccandi sunt hominibus auferendæ. Non ergo fuit conveniens quod per stellam Christi nativitas manifestaretur.

4. Præterea. Signum oportet esse certum, ad hoc quod per ipsum aliquid manifestetur. Sed stella non videtur esse signum certum nativitatis Christi. Ergo inconvenienter fuit Christi nativitas per stellam manifestata.

Sed contra est quod dicitur Deuter. xxxii. 4. *Dei perfecta sunt opera.* Sed talis manifestatio fuit opus divinum. Ergo per convenientia signa fuit effecta.

Respondendo dicendum, quod sicut manifestatio syllogistica fit per ea quæ sunt magis nota ei cui est aliquid manifestandum; ita manifestatio quæ fit per signa, debet fieri per ea quæ sunt familiaria illis quibus manifestatur. Manifestum est autem quod viris iustis est familiare, & consuetum interiori Spiritui sancti instinctu edoceri: absque signorum sensibilibus demonstratione, scilicet per spiritum prophetiæ. Alii vero corporalibus rebus dediti, per sensibilia ad intelligibilia adducuntur. Iudæi autem consueverant divina responsa per Angelos accipere, per quos etiam legem acceperant, secundum illud Act. vii. 53. *Accepistis legem in dispositione Angelorum.* Gentiles vero, & maxime Astrologi consueverunt stellarum cursus inspicere. Et ideo iustis, scilicet Simeoni, & Annæ, manifestata est Christi nativitas per interierem instinctum Spiritus sancti, secundum illud Luc. ii. 26. *Responsum (a) accepit a Spiritu sancto, non visurum se mortem, nisi prius videret Christum Domini.* Pastoribus autem, & Magis tamquam re-

bus corporalibus deditis, manifestata est Christi nativitas per visibiles apparitiones. Et quia nativitas non erat pure terrena, sed quodammodo cælestis, ideo per signa cælestia utrique Christi nativitas revelatur. Ut enim Augustinus dicit in serm. de Epiph. (æquivalenter serm. lxxv. de diversis. cir. princ.) *Cælos Angeli habitant, & sidera ornant: utrisque ergo cæli enarrant gloriam Dei.* Rationabiliter autem pastoribus, tamquam Iudæis, apud quos frequenter factæ sunt apparitiones Angelorum, revelata est nativitas Christi per Angelos; Magis autem aliteris in consideratione cælestium corporum manifestata est per signum stellæ: quia, ut Chrysostomus dicit, (hom. vii. in Matth.) aliquant. ante med.) *per consuetudinem eos Dominus vocare voluit, eis condescendens.* Est autem alia ratio: quia, ut Gregorius dicit (hom. x. in Evang. cir. princ.) *Iudeis tamquam ratione utentibus rationale animal, idest Angelus, predicare debuit; Gentiles vero, quia uti ratione nesciebant, ad cognoscendum Dominum, non per vocem, sed per signa perducuntur: & sicut Dominum iam loquentem annuntiaverunt Gentilibus predicatoribus loquentes; ita eundem loquentem elementa muta prædicaverunt.* Est etiam & alia ratio: quia, ut Augustinus (alius Auctor) dicit in serm. Epiphaniæ. *Abraham innumerabilis fuerat promissa successio, non carnis semine, sed fidei secunditate generanda: & ideo stellarum multitudini est comparata, ut cælestis progenies speraretur.* Et ideo Gentiles in sideribus designati, ortu novi sideris excitantur, ut perveniant ad Christum, per quem efficiuntur semen Abrahamæ.

Ad primum ergo dicendum, quod illud manifestatione indiget quod de se est occultum, non autem illud quod de se est manifestum. Caro autem eius quæ nascabatur, erat manifesta, sed Divinitas erat occulta. Et ideo convenienter manifestata est illa nativitas per Angelos, qui sunt Dei ministri: unde & cum claritate Angelus apparuit, ut ostenderetur quod ille qui nascabatur, erat splendor paternæ gloriæ.

Ad secundum dicendum, quod iusti non indigebant visibili apparitione Angelorum; sed eis sufficiebat interior instinctus Spiritus sancti, propter eorum perfectionem.

Ad tertium dicendum, quod stella nativ-

(a) Vulgata acceperat.

vivitatem Christi manifestans, omnem occasionem erroris subtrahit. Ut enim Augustinus dicit contra Faustum (Lib. II. cap. v. a med.) *nulli Astrologi ita confiterentur nascentium hominum fata sub stellis, ut aliquam stellarum, homine aliquo nato, circuitus sui ordinem reliquisset, & ad eum qui natus est, perrexisset assererent*, sicut accidit circa stellam quae demonstravit nativitatem Christi. Et ideo per hoc non confirmatur error eorum, qui *sortem nascentium hominum astrorum ordini colligari arbitrantur; non autem credunt astrorum ordinem ad hominis nativitatem posse mutari*. Similiter etiam, ut Chrysostomus dicit (hom. vi. in Matth. parum a princ.) *non est hoc Astronomia opus, a stellis scire eos qui nascuntur, sed ab hora nativitatis futura praedicere*. Magi autem tempus nativitatis non cognoverunt, ut hinc fumentes initium, a stellarum motu futura cognoscerent, sed potius e converso.

Ad quantum dicendum, quod, sicut Chrysostomus (alius Auctor) refert (hom. 11. in op. imperf. inter princ. & med.) in quibusdam scripturis apocryphis legitur, quod *quaedam gens in extremo Orientis iuxta Oceanum scripturam quamdam habebat ex nomine Seth de apparitura hac stella, & muneribus huiusmodi offerebatur: quae gens diligenter observabat huius stelle exortum, postis exploratoribus duodecim, qui certis temporibus de nocte ascendeabant in montem, in quo postmodum eam viderunt habentem in se quasi parvuli formam, & super se similitudinem crucis*.

Vel dicendum, quod, sicut dicitur in Libro de quaestionibus vet. & novi Testamenti (quaest. lxxii.) *Magi illi traditionem Balaam sequebantur, qui dixit: Orietur stella ex Jacob. Unde videntes stellam extra ordinem mundi, hanc esse intellexerunt quam Balaam futuram indicem Regis Iudeorum prophetaverat*.

Vel dicendum, sicut Augustinus (alius Auctor) dicit in sermone de Epiphania, quod ab Angelis aliqua admonitione revelationis audierunt Magi, quod stella Christum natum significaret, & probabile videtur quod a bonis, quando in Christo adorando salus eorum iam quaerebatur. Vel, sicut Leo Papa dicit in sermone de Epiphania (iv. eiusd. festiv. cap. 111. ante med.) *praeter illam speciem quae corporum indicavit obtutum, fulgurator veritatis radius eorum corda per-*

*docuit: quod ad illuminationem fidei perinebat*.

# ARTICULUS VI. 201

*Utrum nativitas Christi ordine convenienti fuerit manifestata.*

**A**D sextum sic proceditur. Videtur quod inconvenienti ordine Christi nativitas fuerit manifestata. Illis enim debuit primo manifestari Christi nativitas qui Christo propinquo fuerunt, & qui magis Christum desiderabant, secundum illud Sap. vi. 14. *Praecipuas eos qui se concupiscunt, ut se priorem illis ostendat*. Sed iusti propinquissimi erant Christo per fidem, & maxime eius adventum desiderabant: unde dicitur Luc. 11. 25. de Simeone, quod erat *homo iustus, & timoratus, expectans redemptionem Israel*. Ergo prius debuit manifestari Christi nativitas Simeoni quam pastoribus, vel Magis.

2. Praeterea. Secundum Augustinum Magi fuerunt primitiae gentium Christo crediturarum. Sed primo plenitudo gentium intrat ad fidem, & postmodum omnis Israel salvus fiet, ut dicitur Rom. xi. Ergo prius debuit manifestari Christi nativitas Magis quam pastoribus.

3. Praeterea. Matth. 11. 16. dicitur, quod *Herodes occidit omnes pueros qui erant in Betlebem, & in omnibus finibus eius, a bimatu, & infra, secundum tempus quod exquisierat a Magis: & sic videtur quod per duos annos post Christi nativitatem Magi ad Christum pervenerint*. Inconvenienter igitur post tantum tempus fuit Gentilibus Christi nativitas manifestata.

Sed contra est quod dicitur Dan. 11. 21. *Ipse mutat tempora, & etates: & ita tempus manifestationis nativitatis Christi videtur congruo ordine esse dispositum*.

Respondeo dicendum, quod Christi nativitas primo quidem manifestata est pastoribus ipso die nativitatis Christi: ut enim dicitur Luc. 11. 8. *pastores erant in regione eadem vigilantes, & custodientes vigilias noctis super gregem suum: & ut discesserunt ab eis Angeli in caelum, loquebantur ad invicem, Transcimus usque Betlebem: & venerunt festinantes*. Secundo autem Magi pervenerunt ad Christum tertiadecima die nativitatis eius, quo die festum Epiphaniae celebratur.

tur. Si enim revoluto anno, vel etiam duobus annis venissent, non invenissent eum in Bethlehem; cum scriptum sit Luc. 11. 39. *quod postquam perfecerunt omnia secundum legem Domini offerentes, secesserunt in templum, et reversi sunt in Galileam civitatem suam Nazareth.* Tertio autem manifestata est iustitia in templo quadragesimo die a nativitate Christi, ut habetur Luc. 11. Et huius ordinis ratio est, quia per pastores significatur Apostoli, & alii credentes ex Iudæis, quibus primo manifestata est fides Christi, inter quos non fuerunt multi potentes, nec multi nobiles, ut dicitur I. ad Corinth. 1. Secundo autem fides Christi pervenit ad plenitudinem Gentium, quæ est præfigurata per Magos. Tertio autem pervenit ad plenitudinem Iudæorum, quæ est præfigurata per iustos: unde & in templo Iudæorum est eis Christus manifestatus.

Ad primum ergo dicendum, quod sicut Apostolus dicit Rom. 10. 31. *Israel seclando legem iustitiæ, in legem iustitiæ non pervenit.* Sed Gentiles, qui non quærebant iustitiam, Iudæos communiter in iustitia fidei prævenierunt. Et in huius figuram Simeon, qui expectabat consolationem Israel, ultimo Christum narum cognovit, & præcesserunt eum Magi, & pastores, qui Christi nativitatem non ita sollicitè expectabant.

Ad secundum dicendum, quod licet plenitudo Gentium prius intraverit a fidem quam plenitudo Iudæorum; tamen primitiæ Iudæorum prævenierunt in fide primitias Gentium. Et ideo pastoribus prius manifestata est Christi nativitas quam Magis.

Ad tertium dicendum, quod de apparitione stellæ quæ apparuit Magis, est duplex opinio. Chrysostomus enim (alius Auctor) super Matth. (hom. 11. in op. imperf. aliquant. a princ.) & Augustinus in serm. Epiphani. (vii. ante med.) dicunt, quod stella Magis apparuit per biennium ante Christi nativitatem: & tunc prædicantes, & se ad iter præparantes, a remotissimis partibus Orientis pervenerunt ad Christum tritidecima die a sua nativitate. Unde & Herodes statim post recessum Magorum videns te ab eis illulum, mandavit occidi pueros a bimatu, & infra dubitans ne tunc Christus natus esset quando stella apparuit, secundo quod a Magis audierat. Alii vero dicunt, stellam apparuisse primo, cum Christus

natus est; & statim Magi, visa stella, iter arripientes longissimum iter in tredecim diebus peregrinantes, partim quidem adiuti divina virtute, partim autem dromedariorum velocitate: & hoc dico, si venerint ex extremis partibus Orientis. Quidam tamen dicunt, eos venisse de regione propinqua, unde fuerat Balaam, cuius doctrinæ sectatores fuerunt. Dicuntur autem ab Oriente venisse, quia terra illa est ad orientalem partem terræ Iudæorum. Et secundum hoc Herodes non statim recedentibus Magis, sed post biennium pueros interfecit: vel quia dicitur ut interim accusatus Romam ivisse, vel aliquorum periculorum terroribus avertatus, a cura interficiendi puerum interim destituisse: vel quia potuit credere, Magos fallacis stellæ visione deceptos, postquam non invenerunt quem natum putaverant, erubuisse ad se redire, ut Augustinus dicit in Lib. II. de consensu Evangel. (cap. 11. ad fin.) Ideo autem non solum bimos pueros interfecit, sed etiam infra, quia, ut Augustinus dicit in quodam serm. Innocentium (hab. in Glor. orat. up. illud Matth. 11. *A bimatu &c.*) timebat ne puer, cui fidera famulantur, speciem suam paulo supra etatem, vel infra transformaret.

## ARTICULUS VII. 203

*Utrum stella quæ Magis apparuit, fuerit una de cælestibus stellis.*

*Opusc. x. cap. vii. & Matth. 11. lect. 4.*

**A**D septimum sic proceditur. Videtur quod stella quæ Magis apparuit, fuerit una de cælestibus stellis. Dicit enim Augustinus in quodam sermone Epiph. (implic. variis in locis serm.) *Dum ceciderat ad ubera, & vilium patitur Deus involumenta pannorum, repente novum de cælo fidus effudit.* Fuit igitur stella cælestis, quæ Magis apparuit.

2. Præterea. Augustinus dicit in sermone quodam Epiph. (ut sup.) *Pastoribus Argeli, Magis stella Christum demonstrat: utriusque loquitur lingua calorum, quia lingua cessavit Prophetarum.* Sed Angelus pastoribus apparentes fuerunt vere de cælestibus Angelis. Ergo & stella Magis apparens fuit vere de cælestibus stellis.

3. Præterea. Stellæ quæ non sunt in cælo, sed in aere, dicuntur stellæ cometæ, quæ non apparent in nativitatibus Re-

Regum, sed magis sunt indicia mortis eorum. Sed illa stella designabat Regis nativitatem: unde Magi dicunt Matth. 11. 2. *Ubi est qui natus est Rex Iudaeorum? vidimus enim stellam eius in Oriente.* Ergo videtur quod fuerit una de caelestibus stellis.

Sed contra est quod Augustinus dicit in Lib. II. contra Faustum (cap. v. a med.) *Non ex illis erat haec stella quae ab initio creaturae itinerum suorum ordinem sub creatoris lege custodiunt; sed novo Virginis partu novum fidus apparuit.*

Respondeo dicendum, quod, sicut Chrysolomus dicit sup. Matth. (hom. vi. aliant. a princ.) quod illa stella quae Magis apparuit, non fuerit una caelestium stellarum, multipliciter manifestum est. Primo quidem quia nulla alia stellarum hac via incedit: haec enim stella ferebatur a Septentrione in Meridiem: ita enim Iudaea iacet ad Perlidem, unde Magi venerunt. Secundo apparet hoc ex tempore: non enim solum apparebat in nocte, sed etiam in media die; quod non est virtutis stellae, sed nec etiam Lunae. Tertio quia quandoque apparebat, & quandoque occultabatur: cum enim intraverunt Hierosolimam, occultavit se ipsam; deinde ubi Herodem reliquerunt, seipsam monstravit. Quarto quia non habebat continuum motum; sed cum oportebat ire Magos, ibat, cum oportebat stare, stabat; sicut & de columna nubis erat in deserto. Quinto quia non sursum manens partum Virginis demonstrabat, sed deorsum descendens hoc faciebat. Dicitur enim Matth. 11. 9.) quod stella, quam viderant Magi in Oriente, antecedebat eos, usque dum veniens foret supra ubi erat puer. Ex quo patet quod verbum Magorum dicentium, *Vidimus stellam eius in Oriente*, non est sic intelligendum, quali ipsis in Oriente positis stella apparuerit existens in terra Iuda; sed quia viderunt eam in Oriente existentem, & praecessit eos usque in Iudaeam: quamvis hoc a quibusdam sub dubio relinquatur. Non autem potuisset distincte domum demonstrare, nisi esset terrae vicina. Et, sicut ipse dicit, (loc. cit.) *hoc non videtur proprium esse stellae, sed virtutis rationalis cuiusdam.* Unde videtur haec stella virtutis invisibilis fuisse in talem apparentiam transformatam.

Unde quidam dicunt, quod sicut Spiritus sanctus descendit super baptizatum

S. Tb. Oper. Tom. XXIV.

(a) Visitata regna haec.

Dominum in specie columbae, ita apparuit Magis in specie stellae.

Alii vero dicunt, quod Angelus qui apparuit pastioribus in humana specie, apparuit Magis in specie stellae.

Probabilius tamen videtur quod fuerit stella de novo creata, non in caelo, sed in aere vicino terrae, quae secundum divinam voluntatem movebatur. Unde Leo Papa dicit in ferm. Epiph. (qui est 1. eiuld. festi, cap. 1. ad h.) *Tribus Magis in regione Orientis stella novae claritatis apparuit, quae illustraret ceteris, subcriorque sideribus, in se intuentium oculos, animosque converteret; ut consensim adverteretur, non esse otiosum quod tam innotitum videbatur.*

Ad primum ergo dicendum, quod caelum in sacra Scriptura quandoque dicitur aer, secundum illud (Psal. viii. 9.) *Volucres caeli, & pisces maris.*

Ad secundum dicendum, quod ipsi Angeli caelestes ex suo officio habent, ut ad nos descendant in ministerium missi; sed stellae caelestes suum situm non mutant. Unde non est similis ratio.

Ad tertium dicendum, quod sicut stella illa non est secuta motum stellarum caelestium, ita nec etiam stellarum cometarum, quae nec de die apparent, nec cursum suum ordinatum mutant. Et tamen non omnino aberat significatio cometarum: quia caeleste regnum Christi comminuit, & consumit universa (a) regna terrae, & ipsum stabit in aeternum, ut dicitur Dan. 11. 44.

## ARTICULUS VIII. 203

Utrum Magi convenienter ad Christum adorandum venerint.

**A**D octavam sic proceditur. Videtur quod Magi non convenienter ad Christum adorandum venerint. Unicusque enim Regi reverentia debetur a suis subiectis. Magi autem non erant de regno Iudaeorum. Ergo cum ex visione stellae cognoverunt natum esse Regem Iudaeorum, videtur quod inconvenienter venerint ad eum adorandum.

2. Praeterea. Stultum est, vivente Rege aliquo, extraneum Regem annuntiare. Sed in regno Iudaeae regnabat Herodes. Ergo stulte fecerunt Magi, alterius Regis nativitatem annuntiantes.

3. Praeterea. Certius est caeleste indicium quam indicium humanum. Sed Ma-

P gi

gi ducatu cælestis indicii ab Oriente venerant in Iudæam. Stulte ergo egerunt, præter ducatum stellæ humanum indicium requirendo, dicentes: *Ubi est qui natus est Rex Iudeorum?* Matth. 11. 2.

4. Præterea. Munerum oblatio, & adorationis reverentia non debetur nisi Regibus iam regnantibus. Sed Magi non invenerunt Christum regia dignitate fulgentem. Ergo inconvenienter ei munera, & reverentiam regiam exhibuerunt.

Sed contra est quod dicitur Isa. lx. 3. *Ambulant gentes in lumine tuo, & Reges in splendore ortus tui.* Sed qui divino lumine ducuntur, non errant. Ergo Magi absque errore Christo reverentiam exhibuerunt.

Respondendo dicendum, quod, sicut dictum est (art. 3. hu. q. ad 1.) Magi sunt primitiæ Gentium in Christum creditum; in quibus apparuit, sicut in quodam præfatio, fides, & devotio Gentium venientium a remotis ad Christum. Et ideo sicut devotio, & fides Gentium est absque errore per inspirationem Spiritus sancti; ita etiam credendum est, Magos a Spiritu sancto inspiratos sapienter Christo reverentiam exhibuisse.

Ad primum ergo dicendum, quod, sicut Augustinus dicit in sermone Epiphaniæ (serm. 11. vi. vii.) *cum multi Reges Iudeorum nati fuissent, atque defuncti, nullum eorum Magi adorandum quaesiverunt.* Non itaque Regi Iudeorum, quales illic esse solebant, hunc tam magnum honorem longinquæ, alienigenæ, & ab eodem regno prorsus extranei, a se deberi arbitrabantur; sed talem natum esse didicerunt, in quo adorando se salutem, & quæ secundum Deum est, consecuturos minime dubitarent.

Ad secundum dicendum, quod per illam annuntiationem Magorum præsignabatur constantia Gentium Christum usque ad mortem consensum: unde Chryllostomus (alius Auctor) dicit super Matth. (hom. 11. in op. imperf. parum a princ.) *quod dum considerabant Regem futurum, non timebant Regem presentem, adhuc non viderant Christum, & tam parati erant pro eo mori.*

Ad tertium dicendum, quod, sicut Augustinus dicit in sermone Epiphaniæ (ut sup.) *stellæ quæ Magos perduxit ad locum, ubi erat cum matre Virgine Deus infans, poterat eos ad ipsam perducere civitatem Bethleem, in qua natus est Christus; sed tamen subtraxit se, donec de civitate, in*

*qua Christus nasceretur, etiam Iudæi testimonium perhiberent; ut sic geminato testimonio confirmati, sicut Leo Papa dicit, (serm. 1v. de Epiph. cap. 11. ante med.)*

*(a) ardentiori fide existerent, quem & stellæ claritas, & prophetiæ manifestabat auctoritas: Et ita ipsi annuntiant Iudæis Christi nativitate, & interrogant locum, credunt, & quaerunt, tamquam significantes eos, qui ambulant per fidem, & desiderant speciem, ut Augustinus dicit in sermone Epiphaniæ (ut supra.) Iudæi autem indicantes eis locum nativitatis Christi, similes facti sunt fabris arca Noe, qui alius, ubi evaderent, præstiterunt; & ipsi diluvio perierunt. Audierunt, & abierunt inquisitores, dixerunt, & remanserunt doctores similes lapidibus militaris, qui viam ostendunt, nec ambulant. Divino etiam nutu factum est ut aspectu stellæ subtrahito, Magi humano sensu in Hierusalem irent, quaerentes in civitate regiam Regem natum, ut in Hierusalem primo Christi nativitas publice annunciaretur, secundum illud Isa. 11. 3. *De Sion exibit lex, & verbum Domini de Hierusalem;* & ut etiam studio Magorum de longe venientium damnaretur Iudeorum pigritia prope exilientium.*

Ad quartum dicendum, quod, sicut Chryllostomus (alius Auctor) dicit super Matth. (hom. 11. in op. imperf. aliquant. a princ.) *si Magi terrenum Regem quaerentes sic invenissent, fuissent confusi: quia tanti itineris laborem sine causa suscepissent: unde nec adorassent, nec munera obtulissent.* Nunc autem quia cælestem Regem quærebant, esth nihil regalis excellentiæ in eo viderent, tamen solius stellæ testimonio contenti, eum adoraverunt. Vident enim hominem, & agnoscunt Deum, & offerunt munera dignitati Christi congruentia: aurum quidem quasi Regi magno; ipsis, quod in Dei sacrificio ponitur, immolatur ut Deo; myrrha, qua mortuorum corpora condiuntur, præbetur tamquam pro salute omnium mortituro. In quo etiam, ut Gregorius dicit (hom. x. in Evang. vers. 11.) instrumur, ut nato Regi aurum, per quod significatur sapientia, offeramus, in conspectu eius sapientiæ lumine splendentes; thus autem, per quod exprimitur orationis devotio, offerimus Deo, si per orationum studia Deo redolere valeamus; myrrham autem, quæ significat mortificationem carnis, offerimus, si carnis vitia per abstinentiam mortificemus.

QUAE-

(a) Ita cum miss. Camer. Alcan. aliisque editi passim, *Leoni sensu concincentes*, Al. *attentionis*.

## QUAESTIO XXXVII.

*De legalibus circa puerum Iesum observatis,*

*in quatuor articulos divisa.*

**D**Einde considerandum est de circumcissione Christi. Et quia circumcisio est quædam professio legis observandæ, secundum illud Galat. v. 3. *Tessificor omni homini circumcidenti se, quoniam debitor est universæ legis sciendæ*, simul cum hoc querendum est de aliis legalibus circa puerum Iesum observatis.

Unde queruntur quatuor.

Primo de eius circumcissione.

Secundo de nominis impositione.

Tertio de eius oblatione.

Quarto de matris purgatione.

## ARTICULUS I. 204

*Utrum Christus debuerit circumcidi.*

*Inf. quæst. xl. art. 4. corp. & IV. dist. 1. quæst. 11. art. 2. quæst. 3. & opus. lx. cap. v.*

**A**D primum sic proceditur. Videtur quod Christus non debuerit circumcidi. Veniente enim veritate, cessat figura. Sed circumcisio fuit Abraham præcepta in signum fœderis, quod erat de semine nascituro, ut patet Gen. xvii. Hoc autem fœdus fuit in Christi natiuitate completum. Ergo circumcisio statim cessare debuit.

2. Præterea. Omnis Christi actio nostra est instructio: unde dicitur Ioan. xiii. 15. *Exemplum dedi vobis, ut quemadmodum ego feci, ita & vos faciatis*. Sed nos non debemus circumcidi, secundum illud Gal. v. 2. *Si circumcidimini, Christus vobis nihil proderit*. Ergo videtur quod nec Christus debuerit circumcidi.

3. Præterea. Circumcisio est ordinata in remedium originalis peccati. Sed Christus non contraxit originale peccatum, ut ex supra dictis patet (quæst. xv. art. 1. & 2.) Ergo Christus non debuit circumcidi.

Sed contra est quod dicitur Luc. 11. 21. *Postquam consummati sunt dies octo, ut circumcideretur puer*.

Respondendo dicendum, quod pluribus de causis Christus debuit circumcidi. Pri-

mo quidem ut ostendat veritatem carnis humanæ, contra Manichæum, qui dixit eum habuisse corpus phantasticum; & contra Apollinarium, qui dixit corpus Christi esse Divinitati consubstantiale; & contra Valentinum, qui dixit Christum de cælo corpus attulisse. Secundo ut approbaret circumcissionem, quam olim Deus instituerat. Tertio ut comprobaret se esse de genere Abraham, qui circumcissionis mandatum acceperat in signum fidei, quam de ipso habuerat. Quarto ut Iudæis excusationem tolleretur, ne eum reciperent, si esset incircumcissus. Quinto ut obediendi virtutem nobis suo commendaret exemplo: unde & octava die circumcissus est, sicut in lege erat præceptum. Sexto ut quia in similitudinem carnis peccati advenerat, remedium, quo caro peccati conluerat mundari, non respueret. Septimo ut legis onus in se sustinens, alios a legis onere liberaret, secundum illud Gal. iv. 4. *Miser Deus Filium suum factum sub lege, ut eos qui sub lege erant, redimeret*.

Ad primum ergo dicendum, quod circumcisio per remotionem carnalis pelliculæ in membro generationis facta, significabat spoliationem vetustæ generationis; a qua quidem veritate liberamur per passionem Christi: & ideo veritas huius figuræ non fuit plene impleta in Christi natiuitate, sed in eius passione, ante quam circumcisio suam (a) virtutem, & statum habebat: & ideo deiecit Christum ante suam passionem, tamquam filium Abraham, circumcidi.

Ad secundum dicendum, quod Christus circumcissionem suscepit eo tempore quo erat sub præcepto. Et ideo sua actio in hoc est nobis imitanda, ut observemus ea quæ sunt nostro tempore in præcepto: quia unicuique negotio est tempus, & oportunitas, ut dicitur Eccles. viii. 6.

Et præterea, ut Origenes dicit (hom. xiv. in Luc. in princ.) *sicut mortuus sumus cum illo moriente, & conjunctissimi Christo resurgenti: ita circumcissi sumus spirituali circumcissione per Christum: & ideo carnali circumcissione non indigemus*. Et hoc est quod Apostolus dicit Colos. ii. 11. *In quo, scilicet Christo, circumcissi estis circumcissione non manifestata, in expositione corporis carnis, sed in circumcissione Domini nostri Iesu Christi*.

Ad tertium dicendum, quod sicut Christus propria voluntate mortem nostram suscepit, quæ est effectus peccati, nul-

P 2 lum

lum in se habens peccatum, ut nos a morte liberaret, & spiritualiter nos faceret mori peccato; ita etiam circumcissionem, quæ est remedium originalis peccati, suscepit, absque hoc quod haberet originale peccatum, ut nos a legis iugo liberaret, & ut in nobis spirituales circumcissionem efficeret, ut scilicet suscipiendo figuram, impleter veritatem.

## ARTICULUS II. 205

*Utrum convenienter fuerit Christo nomen impositum.*

*Opusc. lx. cap. vi.*

**A**D secundum sic proceditur. Videtur quod inconvenienter fuerit Christo nomen impositum. Veritas enim Evangelica debet prænuntiationi prophetica respondere. Sed Prophetæ aliud nomen de Christo prænuntiaverunt: dicitur enim Isa. vii. 14. *Ecce virgo concipiet, & pariet filium, & vocabitur nomen eius Emmanuel: & cap. viii. 3. Voca nomen eius. Accelera, spolia detrahe, festina prædari: & cap. ix. 6. Vocabitur nomen eius Admirabilis, confiliarius, Deus fortis, pater futuri seculi, princeps pacis: & Zach. vi. 12. dicitur: ecce vir: Oriens nomen eius.* Ergo inconvenienter vocatum est nomen eius Iesus.

2. Præterea. Isa. lxii. 2. dicitur: *Vocabitur tibi nomen novum, quod os Domini nominavit.* Sed hoc nomen Iesus non est nomen novum, sed pluribus fuit in veteri testamento impositum, ut patet etiam ex ipsa genealogia Christi, Luc. iii. Ergo videtur quod inconvenienter vocatum est nomen eius Iesus.

3. Præterea. Hoc nomen Iesus salutem significat, ut patet per id quod dicitur Matth. i. 21. *(a) Pariet filium, & vocabis nomen eius Iesum: ipse enim salvum faciet populum suum a peccatis eorum.* Sed salus per Christum non est facta solum in circumcissione, sed etiam in præputio, ut patet per Apostolum Rom. iv. Inconvenienter ergo hoc nomen fuit Christo impositum in sua circumcissione.

Sed contra est auctoritas Scripturæ, in qua dicitur Luc. ii. 21. *quod postquam consummati sunt dies octo, ut circumcideretur puer, vocatum est nomen eius Iesus.*

Respondeo dicendum, quod nomina debent proprietatibus rerum respondere.

Et hoc patet in nominibus generum, & specierum: quia, ut dicitur iv. Metaph. (tex. 28.) *ratio quam significat nomen, est definitio, quæ designat propriam rei naturam.* Nomina autem singularium hominum semper imponuntur ab aliqua proprietate eius cui nomen imponitur: vel a tempore sicut imponuntur nomina aliorum Sanctorum his qui in eorum festis nascuntur: vel a cognatione, sicut cum filio imponitur nomen patris, vel alicuius de cognatione eius; sicut propinqui Ioannis Baptistæ volebant eum vocare nomine patris sui Zachariam, non autem Ioannem, quia nullus erat in cognatione eius, qui vocaretur hoc nomine, ut dicitur Luc. i. 61. vel etiam ab eventu, sicut Ioseph vocavit primogenitum suum Manassæ, dicens: *Oblivisci fecit me Deus omnium laborum meorum,* Genes. xli. 51. vel etiam ex aliqua qualitate eius cui nomen imponitur; sicut Genes. xxv. dicitur, quod quia *qui primus egressus est de utero matris, rufus erat.* & totus in morem pellis bispidis, vocatum est nomen eius Esau, quod interpretatur rubeus. Nomina autem quæ imponuntur aliquibus divinitus, semper significant aliquod gratuitum donum eis divinitus datum; sicut Gen. xvii. 5. dictum est Abraham: *Appellaberis Abraham, quia patrem multarum gentium constitui te:* Et Matth. xvi. 18. dictum est Petro: *Tu es Petrus, & super hanc Petram edificabo Ecclesiam meam.*

Quia igitur Christo hoc munus gratiæ collatum erat ut per ipsum omnes salvarentur, ideo convenienter vocatum est nomen eius Iesus, id est *Salvator*, Angelo hoc nomen prænuntiante, non solum matri, sed etiam Ioseph, qui erat futurus eius nutritius.

Ad primum ergo dicendum, quod in omnibus illis nominibus quodammodo significatur hoc nomen Iesus, quod est significativum salutis. Nam in hoc quod dicitur Emmanuel, quod interpretatur, *Nobiscum Deus*, designatur causa salutis, quæ est unio divinx & humanæ naturæ in persona Filii Dei, per quam factum est ut Deus esset nobiscum, quasi particeps nostræ naturæ. Per hoc autem quod dicitur, *Voca nomen eius, Accelera, spolia detrahe* &c. designatur, a quo nos salvavit, quia a diabolo, cuius spolia abtulit, secundum illud Colos. ii. 15. *Expoliatus principatus, & potestates, traduxit confidenter.* In hoc autem quod dicitur: *Vocabitur*

tur nomen eius Admirabilis &c. designatur via, & terminus nostræ salutis in quantum scilicet admirabili Divinitatis consilio, & virtute ad hereditatem futuri sæculi perducimur, in quo erit pax perfecta filiorum Dei sub ipso principe Deo. Quod vero dicitur, *Ecce vir, Oriens nomen eius*, ad idem refertur, ad quod primum, scilicet ad incarnationis mysterium, secundum quod exortum est in tenebris lumen reddis (a) corde. (Psal. cxi. 4.)

Ad secundum dicendum, quod his qui fuerunt ante Christum, potuit convenire hoc nomen *Iesus* secundum aliquam aliam rationem, puta quia aliquam particularem, & temporalem salutem attulerunt; sed secundum rationem spirituales, & universalis salutis, hoc nomen proprium est Christo: & secundum hoc dicitur esse nomen novum.

Ad tertium dicendum, quod, sicut Gen. xvii. legitur, simul Abraham suscepit nominis impositionem a Deo, & circumcisionis mandatum. Et ideo apud Iudæos consuetum erat ut ipso die circumcisionis nomina pueris imponerentur, quasi ante circumcisionem perfectum esse non habuerint, sicut etiam nunc pueri in baptismo nomina imponuntur. Unde super illud Proverb. iv. *Ego filius sui patris mei, tenellus, & unigenitus coram matre mea*, dicit Glossa (ordin.) „Quare Salomon se unigenitum coram matre nominat, quem fratrem uterinum præcessisse Scriptura testatur, nisi quia ille mox natus sine nomine, quasi nomen, quam esset, de vita decessit? “ Et ideo Christus simul cum fuit circumcissus, nominis impositionem accepit.

### ARTICULUS III. 206

*Utrum Christus convenienter fuerit in templo oblatus.*

*Opusc. lx. cap. vii.*

**A**D tertium sic proceditur. Videtur quod inconvenienter fuerit Christus in templo oblatus. Dicitur enim Exodi xlii. 2. *Sanctifica mihi omne primogenitum, quod aperit vulvam in filiis Israel.* Sed Christus exivit de clauo virginis utero; & ita matris vulvam non aperuit. Ergo Christus ex hac lege non debuit in templo offerri.

2. Præterea. Illud quod est semper præst. Tb. Op. Tom. XXIV.

(a) In Psalms non est corde.

sens alicui, non potest ei præsentari. Sed Christi humanitas semper fuit Deo maxime præsens, utpote ei semper coniuncta in unitate personæ. Ergo non oportuit quod coram Domino tolleretur.

3. Præterea. Christus est hostia principalis, ad quam omnes hostiæ veteris legis referuntur, sicut figura ad veritatem. Sed hostiæ non debet esse alia hostia. Ergo non fuit conveniens ut pro Christo alia hostia offerretur.

4. Præterea. Inter legales hostias præcipua fuit agnus, qui erat iuge sacrificium, ut habetur Numer. xxviii. unde etiam Christus dicitur agnus, Ioan. i. 29. *Ecce agnus Dei.* Magis ergo fuit conveniens quod pro Christo offerretur agnus quam par turturum, vel duo pulli columbarum.

Sed in contrarium est auctoritas Scripturæ, quæ hoc factum esse testatur, Luc. ii.

Respondeo dicendum, quod, sicut dictum est (art. i. hu. q. in cor. & ad 3.) Christus voluit sub lege fieri, ut eos qui sub lege erant, redimeret, & ut iustificatio legis in suis membris spiritualiter impleteretur. De prole autem nata duplex præceptum in lege traditur. Unum quidem generale quoad omnes, ut scilicet completis diebus purificationis matris, offerretur sacrificium pro filio, sive pro filia, ut habetur Levit. xii. Et hoc quidem sacrificium erat & ad expiationem peccati, in quo proles erat concepta, & nata, & etiam ad consecrationem quamdam ipsius, quia tunc primo præsentabatur in templo: & ideo aliquid offerebatur in holocaustum, & aliquid pro peccato. Aliud autem præceptum erat speciale in lege de primogenitis tam in hominibus, quam in iumentis. Sibi enim Dominus deputaverat omne primogenitum filiorum Israel, pro eo quod ad liberationem populi Israel percussisset primogenita Aegypti ab homine usque ad pecus, primogenitis filiorum Israel reservatis. Et hoc mandatum ponitur Exodi xlii. in quo etiam præfigurabatur Christus, qui est *primogenitus in multis fratribus*, ut dicitur Rom. viii. 29. Quia igitur Christus ex muliere natus erat quasi primogenitus, & voluit fieri sub lege, hæc duo Evangelista Lucas circa eum tuisse observata ostendit. Primo quidem id quod pertinet ad primogenitos, cum dicit (Luc. ii. 22.) *Tulerunt illum in Hierusalem, ut offerrent eum Domino; sic-*

P 3 ut



ut scriptum est in lege Domini, quia omne masculinum adaperiens vulvam, sanctum Domino vocabitur. Secundo illud quod pertinet communiter ad omnes, cum dicit: Ut darent hostiam, secundum quod dictum erat in lege Domini, per turturum, aut duos pullos columbarum.

Ad primum ergo dicendum, quod, sicut Gregorius Nyssenus dicit (hab. in catena D. Th. sup. illud Lucæ 11. *Sanctum Domino* &c.) Illud legis præceptum in solo incarnato Deo singulariter, & ab aliis differenter impleri videtur: ipse namque solus ineffabiliter conceptus, ac incomprehensibiliter editus, virginalem uterum aperuit, non antea connubio r.feratum, servans & post partum (a) inviolabile signaculum castitatis. Unde quod dicit, *adaperiens vulvam*, designat quod nihil antea inde intraverat, vel exiverat: & per hoc etiam specialiter dicitur masculinus, quia nihil de femineitate culpæ portavit: singulariter etiam sanctus, quia teneat contagia corruptelæ immaculati partus novitate non sensit. (Ambr. in hunc loc. Luc. 11.)

Ad secundum dicendum, quod sicut Filius Dei non propter seipsum factus est homo, & circumcilius in carne, sed ut nos per gratiam faceret deos, & ut spiritaliter circumcidamur; sic propter nos sistitur Domino, ut discamus Deo consentaneos nosmetipsos: & hoc post circumcilionem eius factum est, ut ostendat, neminem, nisi circumcilius vitiis, dignum esse divinis conspectibus.

Ad tertium dicendum, quod propter hoc ipsum voluit hostias legales pro se offerri, qui erat vera hostia, ut figura veritati coniungeretur, & per veritatem figura approbaretur, contra illos qui Deum legis negant a Christo fuisse in Evangelio prædicatum. Non enim putandum est, ut Origenes dicit (hom. xiv. in Luc. a med.) quod filium suum bonus Deus sub lege (b) inimici fecerit, quam ipse non dederat.

Ad quartum dicendum, quod Levit. xxi. præcipitur, ut qui possent, agnum pro filio, aut filia, simul & turturem, sive columbam offerrent; qui vero non sufficerent ad offerendum agnum, duos turtures, vel duos columbarum pullos offerrent. Dominus ergo, qui cum dixeret, *propter nos egenus factus est*, ut illius inopia divites essemus, ut dicitur II. ad Cor. viii. 9. pro se pauperum hostiam

voluit offerri, sicut & in ipsa nativitate pannis involvitur, & reclinatur in præsepio. Nihilominus tamen huiusmodi aves figuræ congruunt: turtur enim, quia est avis loquax, prædicationem, & confessionem fidei significat; quia vero est animal castum, significat castitatem; quia vero est animal solitarium, significat contemplationem. Columba vero est animal mansuetum, & simplex, mansuetudinem, & simplicitatem significans: est etiam animal gregale, unde significat vitam activam: & ideo huiusmodi hostia figurabat perfectionem Christi, & membrorum eius. Utrumque etiam animal propter consuetudinem gemendi præsentem Sanctorum luctus designat; sed turtur, quæ est solitaria, significat secretas orationum lacrymas; columba vero, quæ est gregalis, significat publicas orationes Ecclesiæ. Utrumque vero animal duplicatum offertur, ut sanctitas sit non solum in anima, sed etiam in corpore.

## ARTICULUS IV. 207

Utrum mater Dei convenienter ad templum purganda accesserit.

Op. lx. cap. 111.

Ad quartum sic proceditur. Videtur quod inconvenienter mater Dei purganda ad templum accesserit. Purgatio enim non videtur esse nisi ad immunditia. Sed in B. Virgine nulla fuit immunditia, ut ex supradictis patet (art. præc. ad 1. & q. xxvii. art. 4. & 5. & quest. xxviii.) Ergo non debuit ut purganda ad templum accedere.

2. Præterea. Levit. xxi. 2. dicitur: Mulier (c) quæ suscepto semine pepererit masculum, immunda erit septem diebus: & ideo ei præcipitur quod non ingrediar sanctuarium, donec impleantur dies purificationis eius. Sed B. Virgo peperit masculum sine virili semine. Non ergo debuit ad templum venire purganda.

3. Præterea. Purgatio ad immunditia non fit nisi per gratiam. Sed sacramenta veteris legis gratiam non consecrabant; sed ipsa potius secum gratiæ auctorem habebat. Non ergo conveniens fuit ut ad templum purganda veniret.

Sed contra est autoritas Scripturæ, qua dicitur Luc. 11. 32. quod impleti sunt dies

(a) Ad, inviolabiliter. (b) Et a m. & editi passim, Ad, deest inimici, (c) Virgine si incepto.

*dies purgationis Mariæ secundum legem Moysi.*

Respondeo dicendum, quod sicut plenitudo gratiæ a Christo derivatur in matrem; ita decuit ut mater humilitati filii conformaretur. *Humilibus enim Deus dat gratiam*, ut dicitur Iacobi xv. 6. Et ideo sicut Christus, licet non esset legi obnoxius, voluit tamen circumcissionem, & alia legis onera subire, ad demonstrandum humilitatis, & obedientiæ exemplum, & ut approbaret legem, & ut calumniæ occasionem Iudæis tolleretur; propter easdem rationes voluit & matrem suam implere legis observantias, quibus tamen non erat obnoxia.

Ad primum ergo dicendum, quod licet B. Virgo nullam haberet immunditiam; voluit tamen purgationis observantiam implere, non propter indigentiam, sed propter legis præceptum. Et ideo signanter Evangelista dicit, quod *impleti sunt dies purgationis eius secundum legem*: ipsa enim secundum se purgatione non indigebat.

Ad secundum dicendum, quod signanter Moyses videtur fuisse locutus ad excipiendam ab immunditia matrem Dei, quæ non peperit fuisse semine. Et ideo patet quod non obligabatur ad impletionem illius præcepti, sed voluntarie purgationis observantiam adimplevit, ut dictum est (in corp. ar.)

Ad tertium dicendum, quod legalia sacramenta non purgabant ab immunditia culpæ, quod fit per gratiam, sed hanc purgationem præfigurabant; purgabant autem purgatione quadam carnali ab immunditia irregularitatis cuiusdam, sicut in secunda parte dictum est (1. 2. quæst. cxi. art. 5. ad 5. 6. & 7.) Neutram tamen immunditiam B. Virgo contraxerat: & ideo non indigebat purgari.

## QUÆSTIO XXXVIII.

*De baptismo Ioannis,*

*in sex articulos divisa.*

**D**Einde considerandum est de baptismo quo Christus baptizatus est: & quia Christus baptizatus est baptismo Ioannis, primo considerandum est de baptismo Ioannis in communi; secundo de baptisatione Christi.

Circa primum quæruntur sex.

Primo, utrum conveniens fuerit quod Ioannes baptizaret.

Secundo, utrum ille baptizatus fuerit a Deo.

Tertio, utrum contulerit gratiam.

Quarto, utrum alii, præter Christum, illo baptismo debuerint baptizari.

Quinto, utrum baptizatus ille cessare debuerit Christo baptizato.

Sexto, utrum baptizari baptismo Ioannis essent postea baptizandi baptismo Christi.

## ARTICULUS I. 108

*Utrum fuerit conveniens Ioannem baptizare.*

*IV. dist. 11. quæst. 11. art. 2. ad 4.*

**A**D primum sic proceditur. Videtur quod non fuerit conveniens Ioannem baptizare. Omnis enim ritus sacramentalis ad aliquam pertinet legem. Sed Ioannes non introduxit novam legem. Ergo inconveniens fuit quod novum ritum baptizandi introduceret.

2. Præterea. Ioannes fuit missus a Deo in testimonium, tamquam Propheta secundum illud Luc. 1. 76. *Tu puer Propheta Altissimi vocaberis*. Sed Propheta qui fuerat ante Christum, non introduxerunt novum ritum, sed ad observantiam legalium rituum inducebant, ut patet Malach. ult.

4. *Memento legis Moysi servi mei*. Ergo nec Ioannes novum ritum baptizandi introducere debuit.

3. Præterea. Ubi est alicuius rei superfluitas, non est ad illud aliquid addendum. Sed Iudæi excedebant in superfluitate baptismatum: dicitur enim Marci vii. 3. quod *Pharisæi, & omnes Iudæi, nisi crebro laverint manus, non manducant...* & a foro venientes, nisi baptizentur, non comedunt; & alia multa sunt quæ tradita sunt illis servare, baptismata calicum, & urceorum, & aeramentorum, & lektorum. Ergo inconveniens fuit quod Ioannes baptizaret.

Sed contra est auctoritas Scripturæ Matth. 21. 6. ubi præmissa sanctitate Ioannis, subditur, quod *exibant ad eum multi, & baptizabantur ab eo in Iordane*.

Respondeo dicendum, quod conveniens fuit Ioannem baptizare, propter quatuor. Primo quidem quia oportebat Christum a Ioanne baptizari, ut baptismum consecraret, ut Augustinus dicit super Ioan. (implic. tract. v. aliquant. a princ.) Secundo ut Christus manifestetur.

P 4 tur.

tur. Unde ipse Ioannes Baptista dicit Ioan. 1. 31. *Ut manifestetur, scilicet Christus, in Israel, propterea veni ego in aqua baptizans: concurrentibus enim tur- bus ad baptismum, annuntiabat Christum: quod quidem facilius fci factum est, quam si per singulos discurrisset, ut Chrysostomus dicit super Ioan. (hom. xvi. inter prin. & med.)* Tertio ut suo baptismo adiuveret homines ad baptismum Christi. Unde Gregorius dicit in quadam hom. (vii. in Evang. ante med.) quod *ideo Ioannes baptizavit, ut praecursoris suae ordinem servans, qui nasciturum Dominum nascendo praevenerat, baptizando quoque baptizatum Dominum praeveneret.* Quarto ut ad poenitentiam homines inducens, homines prepararet ad digne suscipiendum baptismum Christi. Unde ibidem Beda dicit (in hom. circumcisi- quae est inter hom. totius anni, parum a prin.) quod *quantum cathecumenis non dum baptizatis prodest doctrina fidei, tantum profuit baptismus Ioannis ante baptisma Christi: quia sicut ille praedicabat poenitentiam, & baptismum Christi praenuntiabat, & in cognitionem veritatis, quae mundo apparuit, attrahebat; sic ministri Ecclesiae primo erudiunt, post peccata eorum redarguunt, demum in baptismo Christi remissionem peccatorum promittunt.*

Ad primum ergo dicendum, quod baptismus Ioannis non erat per se sacramentum, sed quasi quoddam sacramentale disponens ad baptismum Christi: & ideo aequaliter pertinebat ad legem Christi, non autem ad legem Moysi.

Ad secundum dicendum, quod Ioannes non solum fuit Propheta, sed *plusquam Propheeta*, ut dicitur Matth. xi. Fuit enim terminus legis, & initium Evangelii. Et ideo magis pertinebat ad eum verbo, & opere inducere homines ad legem Christi quam ad observantiam veteris legis.

Ad tertium dicendum, quod baptismata illa Phariseorum erant inania, utpote ad solam munditiam carnis ordinata; sed baptismus Ioannis ordinabatur ad munditiam spiritualem: inducebat enim homines ad poenitentiam, ut dictum est (in corp.)

## ARTICULUS II. 209

*Utrum baptismus Ioannis fuerit a Deo.*

II. dist. 11. quæst. 11. art. 1. quæst. 3.

**A**D secundum sic proceditur. Videtur a Deo. Nihil enim sacramentale, quod est a Deo, denominatur ab homine puro; sicut baptismus novae legis non dicitur Petri, vel Pauli, sed Christi. Sed ille baptismus denominatur a Ioanne, secundum illud Matth. xxi. 25. *Baptismus Ioannis unde erat, & calo, an ex hominibus?* Ergo baptismus Ioannis non fuit a Deo.

2. Præterea. Omnis doctrina de novo a Deo procedens aliquibus signis confirmatur: unde & Dominus Exodi xv. dedit Moyli potestatem signa faciendi: & Heb. 11. 3. dicitur: *Cum fides nostra principium accepisset enarrari a Deo, per eos qui audierunt, in nos confirmata est, constante Deo signis, & prodigiis.* Sed de Ioanne Baptista dicitur Ioan. x. 41. *Ioannes signum fecit nullum.* Ergo videtur quod baptismus quod baptizavit, non esset a Deo.

3. Præterea. Sacramenta, quae sunt divinitus instituta, aliquibus sacrae Scripturae praeceptis continentur. Sed baptismus Ioannis non praecepit aliquo praecepto sacrae Scripturae. Ergo videtur quod non fuerit a Deo.

Sed contra est quod dicitur Ioan. 1. 33. *Qui me misit baptizare, in aqua, ille mihi dixit: Super quem videris Spiritum &c.*

Respondeo dicendum, quod in baptismo Ioannis duo possunt considerari, scilicet ipse ritus baptizandi, & effectus baptismi. Ritus quidem baptizandi non fuit hominibus, sed a Deo, qui familiari Spiritus sancti revelatione Ioannem ad baptizandum misit. Effectus autem illius baptismi fuit ab homine: quia nihil in illo baptismum efficiebatur quod homo facere non posset. Unde non fuit a solo Deo, nisi inquantum Deus in homine operatur.

Ad primum ergo dicendum, quod per baptismum novae legis homines interior per Spiritum sanctum baptizantur; quod facit solus Deus. Per baptismum autem Ioannis solum corpus mundabatur aqua. Unde dicitur Matth. 11. 11. *Ego baptizo vos in aqua... ille vos baptizabit in Spi-*

*Spiritu sancto*. Et ideo baptismus Ioannis denominatur ab ipso, quia scilicet nihil in eo agebatur quod ipse non ageret; baptismus autem novae legis non denominatur a ministro, qui principalem baptismi effectum non agit, scilicet interiore emundationem.

Ad secundum dicendum, quod tota doctrina, & operatio Ioannis ordinabatur ad Christum, qui multitudine signorum & suam, & Ioannis doctrinam confirmavit. Si autem Ioannes signa fecisset, homines ex aequo Ioanni, & Christo attendissent. Et ideo ut homines principaliter Christo intenderent, non est datum Ioanni ut faceret signum. Iudaeis tamen quærentibus, quare baptizaret, confirmavit suum officium auctoritate Scripturæ, dicens: *Ego vox clamantis in deserto* &c. ut dicitur Ioan. 1. 23. Ipsa etiam austeritas vitæ eius officium commendabat: quia, ut Chrysostomus dicit super Matth. (hom. x. a med.) *mirabile erat in humano corpore tantam (a) patientiam videre*.

Ad tertium dicendum, quod baptismus Ioannis non fuit ordinatus a Deo, nisi ut modico tempore duraret, propter causas prædictas: & ideo non fuit commendatus aliquo præcepto communiter edito in sacra Scriptura, sed familiari quadam revelatione Spiritus sancti, ut dictum est (art. præc.)

### ARTICULUS III. 210

*Utrum in baptismo Ioannis gratia daretur.*

IV. dist. 11. quæst. 11. art. 1. quæst. 1. cor.

**A**D tertium sic proceditur. Videtur quod in baptismo Ioannis gratia daretur. Dicitur enim Marci 1. 4. *Fuit Ioannes in deserto baptizans, & prædicans baptismum penitentiae in remissionem peccatorum*. Sed penitentia, & remissio peccatorum est per gratiam. Ergo baptismus Ioannis gratiam conferebat.

2. Præterea. Baptizandi a Ioanne confitebantur peccata sua, ut habetur Matth. 11. & Marci 1. Sed confessio peccatorum ordinatur ad peccatorum remissionem, quæ fit per gratiam. Ergo in baptismo Ioannis gratia conferebatur.

3. Præterea. Baptismus Ioannis propinquior erat baptismi Christi quam circumcisio. Sed per circumcisionem remittebatur peccatum originale: quia, ut Beda dicit (in hom. circumcis. parum a princ.) *idem salutaris curationis auxilium circumcisio in lege contra originalis peccati vulnus agebat, quod nunc baptismus agere revelatæ gratiæ tempore consuevit*. Ergo multo magis baptismus Ioannis remissionem peccatorum operabatur; quod sine gratia fieri non potest.

Sed contra est quod Matth. 11. 11. dicitur: *Ego quidem baptizo vos in aqua in penitentiam*: quod exponens Gregorius in quadam homil. (VII. in Evang. ante med.) dicit: „Ioannes non in ipso, ritu, sed in aqua baptizat, quia peccata, ta solvere non valebat.“ Sed gratia est a Spiritu sancto, & per eam peccata tolluntur. Ergo baptismus Ioannis gratiam non conferebat.

Respondeo dicendum, quod, sicut dictum est (art. 1. hu. quæst. & art. 2. ad 2.) tota doctrina, & operatio Ioannis præparatoria erat ad Christum; sicut ministri, & inferioris artificis est præparare materiam ad formam, quam inducit principalis artifex. Gratia autem conferenda erat hominibus per Christum, & secundum illud Ioan. 1. 17. *Gratia, & veritas per Iesum Christum facta est*. Et ideo baptismus Ioannis gratiam non conferebat; sed solum ad gratiam præparabat tripliciter. Uno quidem modo per doctrinam Ioannis inducentem homines ad fidem Christi; alio modo assuefaciendo homines ad ritum baptismi Christi; tertio modo per penitentiam præparando homines ad suscipiendum effectum baptismi Christi.

Ad primum ergo dicendum, quod in illis verbis, ut Beda dicit (cap. 11 in Mar. sup. illud, *Fuit Ioannes in deserto*), potest intelligi duplex baptismus. Unus quidem, quem Ioannes baptizans conferebat, qui dicitur baptismus penitentiae, quia scilicet ille baptismus erat quoddam inductivum ad penitentiam, & quasi quædam protestatio, qua prohibebantur homines (b) se penitentiam acturos: alius autem est baptismus Christi, per quem peccata remittuntur, quem Ioannes dare non poterat, sed solum prædicabat dicens: *Ille vos baptizabit in Spiritu sancto*.

Vel potest dici, quod prædicabat baptismum penitentiae, id est inducentem ad

(a) Ita cum Chrysostomo edit. fere omnes libri, Mss. plerumque penitentiam, (b) si. desit se.

ad poenitentiam: quæ quidem poenitentia dicitur homines in remissionem peccatorum.

Vel potest dici, quod per baptismum Christi, ut Hieronymus dicit (alius Auctor sup. illud Marci 1. *Prædicans baptismum pen. gratia datur, quæ peccata gratis dimittuntur: quod autem consummatur per sponsum, initiatum per paranymphum*, scilicet per Ioannem. Unde dicitur, quod baptizabat, & prædicabat baptismum poenitentiae in remissionem peccatorum, non ideo quia hoc ipse perficeret, sed quia præparando ad hoc homines disponebat.

Ad secundum dicendum, quod illa confessio peccatorum non fiebat ad remissionem peccatorum statim per baptismum Ioannis exhibendam, sed consequendam per poenitentiam consequentem, & per baptismum Christi, ad quem poenitentia illa præparabat.

Ad tertium dicendum, quod circumcisio instituta erat ad remedium originalis peccati; sed baptismus Ioannis ad hoc non erat institutus, sed solum erat præparatorius ad baptismum Christi, ut dictum est (in corp. & ar. 1. hu. quæst.) Sacramenta autem ex vi institutionis suæ habent effectum.

#### ARTICULUS IV. 211

*Utrum alii, præter Christum, baptismo Ioannis baptizari debuerint.*

*IV. dist. 12. quæst. 11. ar. 3. quæst. 2.*

**A**D quartum sic proceditur. Videtur quod baptismus Ioannis solus Christus debuerit baptizari. Quia, sicut dictum est (art. 1. hu. quæst.) ad hoc Ioannes baptizavit, ut Christus baptizaretur, sicut Augustinus dicit super Ioannem (tract. xiii. ante med.) Sed quod est proprium Christo, non debet aliis convenire. Ergo nulli alii debuerunt illo baptismo baptizari.

2. Præterea. Quicumque baptizatur, aut accipit aliquid a baptismo, aut baptismo aliquid confert. Sed a baptismo Ioannis nullus aliquid accipere poterat, quia in eo gratia non conferebatur, ut dictum est (art. præc.) nec aliquis baptismus aliquid conferre poterat, nisi Christus, qui *tasu mundissima suæ carnis aquas sanctificavit*. Ergo videtur quod solus Christus baptismo Ioannis debuerit baptizari.

3. Præterea. Si alii illo baptismo ba-

pizabantur, hoc non erat, nisi ut præpararentur ad baptismum Christi: & sic conveniens videbatur quod sicut baptismus Christi omnibus confertur, & magnis, & parvis, & Gentilibus, & Iudeis, ita etiam & baptismus Ioannis conferretur. Sed non legitur, quod ab eo pueri baptizarentur, nec etiam Gentiles: dicitur enim Marci 1. 5. quod *egrediebantur ad illum Hierosolymite universi, & baptizabantur ab illo*. Ergo videtur quod solus Christus a Ioanne debuerit baptizari.

Sed contra est quod dicitur Luc. xii. 21. *Factum est cum baptizaretur omnis populus, & Iesu baptizato, & orante, aperti sunt caeli*.

Respondetur dicendum; quod duplici de causa oportuit alios a Christo baptizari baptismo Ioannis. Primo quidem, ut Augustinus dicit super Ioan. (tract. iv. a med. & tract. v. inter princ. & med.) *quia si solus Christus baptismo Ioannis baptizatus esset, non deessent qui dicerent, baptismum Ioannis, quo Christus est baptizatus, digniorem esse baptismo Christi, quo alii baptizantur*. Secundo quia oportebat per baptismum Ioannis alios ad baptismum Christi præparari, sicut dictum est (art. 1. & 3. hu. quæst.)

Ad primum ergo dicendum, quod non propter hoc solum fuit Ioannis baptismus institutus ut Christus baptizaretur, sed etiam propter alias causas, ut dictum est (ar. 1. hu. quæst.) Et tamen si ad hoc solum esset institutus ut Christus eo baptizaretur, oportebat prædictum inconveniens vitari, aliis hoc baptismo baptizatis.

Ad secundum dicendum, quod alii qui ad baptismum Ioannis accedebant, non poterant quidem baptismo aliquid conferre, nec tamen a baptismo gratiam accipiebant, sed solum poenitentiae signum.

Ad tertium dicendum, quod quia ille baptismus erat poenitentiae, quæ pueris non convenit, ideo baptismo illo pueri non baptizabantur. Conferre autem Gentibus viam salutis soli Christo reservabatur, qui est *expectatio gentium*, ut dicitur Gen. penult. Sed & ipse Christus Apostolis inibuit Gentilibus Evangelium prædicare ante passionem, & resurrectionem. Unde multo minus conveniebat per Ioannem Gentiles ad baptismum admitti.

ARTICULUS V. 212

*Utrum baptismus Ioannis debuerit cessare, Christo baptizato.*

IV. dist. 11. quæst. 11. art. 1. quæst. 3. ad 1. & quæst. 4. per totam.

**A**D quintum sic proceditur. Videtur quod baptismus Ioannis cessare debuerit, postquam Christus fuit baptizatus. Dicitur enim Ioan. 1. 31. *Ut manifestetur in Israel, propterea veni in aqua baptizans.* Sed (a) Christo baptizato sufficienter fuit manifestatus tum per testimonium Ioannis, tum per descensum columbæ, tum etiam testimonio paternæ vocis. Ergo videtur quod non debuerit postea baptismus Ioannis durare.

2. Præterea. Augustinus dicit sup. Ioan. (tract. iv. inter med. & fin.) *Baptizatus est Christus, & cessavit Ioannis baptismus.* Ergo videtur quod Ioannes post Christum baptizatum non debuerit baptizare.

3. Præterea. Baptismus Ioannis erat præparatorius ad baptismum Christi. Sed baptismus Christi incepit statim Christo baptizato: quia *tactu suæ mundissimæ carnis vim regenerativam contulit aquis*, ut Beda dicit (cap. x. in Luc. sup. illud Luc. 111. *Factum est autem.*) Ergo videtur quod baptismus Ioannis cessaverit, Christo baptizato.

Sed contra est quod dicitur Ioan. xiiii. *quod venit Iesus in Iudeam terram, & baptizabat: erat autem & Ioannes baptizans.* Sed Christus non baptizavit, nisi postquam fuit baptizatus. Ergo videtur quod postquam Christus fuit baptizatus, adhuc Ioannes baptizabat.

Respondendo dicendum, quod baptismus Ioannis cessare non debuit, Christo baptizato. Primo quidem quia, ut Chrysostomus dicit (hom. xxviii. in Ioan. parum a princ.) *si cessasset Ioannes baptizare, Christo baptizato, existeretur quod zelo, vel ira hoc faceret.* Secundo quia fuit cessasset a baptizando, Christo baptizante, discipulos suos in maiorem zelum immisisset. Tertio quia persistens in baptizando, suos auditores mittebat ad Christum. Quarto quia, ut Beda dicit (hab. in Gloss. ord. sup. illud Ioan. xii. *Erat autem Ioannes*) *adhuc permanebat umbra veteris legis; nec debuit præcursor cessare, donec veritas manifestaretur.*

(a) *Id.* in Christo.

Ad primum ergo dicendum, quod nondum Christus erat plene manifestatus eo baptizato: & ideo adhuc necessarium erat quod Ioannes baptizaret.

Ad secundum dicendum, quod baptizato Christo, cessavit baptismus Ioannis; non tamen statim, sed eo incarcerationato. Unde Chrysostomus dicit super Ioannem (hom. xxviii. parum a princ.) *Aestimò, propter hoc permissam esse mortem Ioannis, & eo sublato de medio, Christum maxime prædicare cõpisse, ut omnis multitudinis affectio ad Christum transiret, & non ultra his quæ de utroque errant, sententiis scinderetur.*

Ad tertium dicendum, quod baptismus Ioannis præparatorius erat non solum ad hoc quod Christus baptizaretur, sed etiam ad hoc quod alii ad Christi baptismum accederent: quod nondum fuit impletum, Christo baptizato.

ARTICULUS VI. 213

*Utrum baptizati baptismio Ioannis essent postea baptismio Christi baptizandi.*

Inf. quæst. lxxv. art. 9. ad 2. & IV. dist. 11. quæst. 11. art. 4.

**A**D sextum sic proceditur. Videtur quod baptizati baptismio Ioannis non fuerint baptizandi baptismio Christi. Ioannes enim non fuit minor Apostolis; cum de eo scriptum sit Matth. xi. 11. *Insuper natos mulierum non surrexit maior Ioanne Baptista.* Sed illi qui baptizabantur ab Apostolis, non iterum baptizabantur, sed solummodo addebatur eius impositio manuum: dicitur enim Act. viii. 16. *quod aliqui baptizati tantum erant a Philippo in nomine Domini Iesu, & tunc Apostoli, scilicet Petrus, & Ioannes, imponebant manus super illos, & accipiebant Spiritum sanctum.* Ergo videtur quod baptizati a Ioanne non debuerint baptizari baptismio Christi.

2. Præterea. Apostoli fuerunt baptizati baptismio Ioannis: fuerunt enim quidam eorum discipuli Ioannis, ut patet Ioan. 1. Sed Apostoli non videntur esse baptizati baptismio Christi: dicitur enim Ioan. iv. 2. *quod Iesus non baptizabat, sed discipuli eius.* Ergo videtur quod baptizati baptismio Ioannis non erant baptizandi baptismio Christi.

3. Præterea. Minor est qui baptizatur, quam qui baptizat. Sed ipse Ioan-

nes non legitur baptizatus baptismo Christi. Ergo multo minus illi qui a Ioanne baptizabantur, indigebant baptismo Christi.

4. Præterea. Að. xix. 1. dicitur, quod Paulus invenit quosdam de discipulis, dicitque ad eos: Si Spiritum sanctum accepistis credentes? At illi dixerunt ad eum: Sed neque si Spiritus sanctus est, audivimus. Ille vero ait: In quo ergo baptizati estis? Qui dixerunt: In Ioannis baptismo. Et sequitur, quod baptizati sunt iterum in nomine Domini nostri Iesu Christi. Sic ergo videtur quod quia esse Spiritum sanctum nesciebant, oportuit eos iterum baptizari, sicut Hieronymus dicit super Ioel. (sup. illud cap. iii. *Efundam de Spiritu meo*) & in epist. de viro unius uxoris (lxxxiii. ad Ocean. cap. iii. a med.) & Ambrosius dicit in Lib. I. de Spiritu sancto (cap. iii. cir. princ.) Sed quidam fuerunt baptizati baptismo Ioannis, qui habebant plenam notitiam Trinitatis. Ergo non erant baptizandi iterum baptismo Christi.

5. Præterea. Rom. x. sup. illud, *Hoc est verbum fidei quod prædicamus*, dicit Glossa Augustinus (ord. tract. lxxx. in Ioan. a med.) „Unde est ista tanta virtus aquæ, ut corpus tangat, & cor „abluat, nisi faciente verbo, non quia „dicitur, sed quia creditur? “ Ex quo patet quod virtus baptismi dependet ex fide. Sed forma baptismi Ioannis significavit fidem Christi, in qua nos baptizamur: dicit enim Paulus Að. xix. 4. *Ioannes baptizabat baptismum penitentiae populum, dicens, in eum qui venturus est post ipsum, ut crederent, hoc est in Iesum*. Ergo videtur quod non oportebat baptizatos baptismo Ioannis iterum baptizari baptismo Christi.

Sed contra est quod Augustinus dicit super Ioan. (tract. v. a med.) *Qui baptizati sunt baptismate Ioannis, oportebat ut baptizarentur baptismate Christi*.

Respondeo dicendum, quod secundum opinionem Magistri in ii. distinctione Lib. IV. sententiarum, illi qui baptizati sunt a Ioanne, nescientes Spiritum sanctum esse, ac spem ponentes in illius baptismo, postea baptizati sunt baptismo Christi; illi vero qui spem non posuerunt in baptismo Ioannis, & Patrem, & Filium, & Spiritum sanctum credebant, non fuerunt postea baptizati, sed impositione manuum ab Apostolis super eos facta, Spiritum sanctum receperunt.

Et hoc quidem verum est quantum ad primam partem, quod multis auctoritatibus confirmatur; sed quantum ad secundam partem est penitus irrationabile quod dicitur. Primo quidem quia baptismus Ioannis neque gratiam conferebat, neque caracterem imprimebat; sed erat solum in aqua, ut ipsemet dicit Matth.

iii. Unde baptizatis fides, vel spes, quam habebant in Christum, non poterat hunc defectum supplere. Secundo quia quando in sacramento omittitur aliquid quod est de necessitate sacramenti, non solum oportet impleri quod fuerat omissum, sed oportet totaliter innovari. Est autem de necessitate baptismi Christi quod fiat non solum in aqua, sed etiam in Spiritu sancto, secundum illud Ioan. iii. 5. *Nisi quis renatus fuerit ex aqua, & Spiritu sancto, non potest introire in regnum Dei*. Unde illis qui tantum in aqua baptizati erant baptismum Ioannis, non solum erat supplendum, quod deerat (ut scilicet daretur eis Spiritus sanctus per impositionem manuum) sed erant iterato totaliter baptizandi in aqua, & Spiritu.

Ad primum ergo dicendum, quod, sicut Augustinus dicit super Ioan. (tract. v. vers. fin.) *ideo post Ioannem baptismum est, quia non dabat baptismum Christi, sed suum: quod autem dabatur a Petro, & si quod datum est a Iuda, Christi erat*. Et ideo si quos baptizavit Iudas, non sunt iterum baptizati: baptismum enim tale est qualis est ille in cuius potestate datur, non qualis ille cuius ministerio datur. Et inde est etiam quod baptizati a Philippo diacono, qui baptismum Christi dabat, non sunt iterum baptizati; sed acceperunt manuum impositionem per Apostolos, sicut baptizati per sacerdotes confirmantur per Episcopos.

Ad secundum dicendum, quod, sicut Augustinus dicit ad Seleucianum (epist. cclxv. al. cviii. in med.) *intelligimus discipulos Christi fuisse baptizatos sive baptismum Ioannis (sicut nonnulli arbitrantur) sive, quod magis credibile est, baptismum Christi: neque enim ministerio baptizandi desuit, ut haberet baptizatos servos, per quos ceteros baptizaret, qui non desuit memorabilis illius humilitatis ministerio, quando eis pedes lavit*.

Ad tertium dicendum, quod, sicut Chrysostomus dicit super Matth. (alius Auctor hom. xv. in op. imperf. parum a princ.)

ARTICULUS I. 214

*Utrum fuerit conveniens Christum baptizari.*

*IV. diff. 11. quest. 11. art. 3. quest. 1. & quest. 111. art. 2. quest. 1. & Matth. 111. & op. ix. cap. ix.*

princ.) per hoc quod Christus Ioanni dicens, *Ego a te debco baptizari*, respondit, *Sine modo*, ostenditur quod postea Christus baptizavit Ioannem: & hoc dicit in quibusdam libris apocryphis manifeste scriptum esse. Certum tamen est, ut Hieronymus dicit super Matth. (sup. illud cap. 111. *Sine modo*, ) quod *sicut Christus fuit baptizatus in aqua a Ioanne, ita Ioannes a Christo erat in Spiritu baptizandus*.

Ad quartum dicendum, quod non est tota causa quare illi fuerunt baptizati post baptismum Ioannis, quia Spiritum sanctum non cognoverant, sed quia non erant baptismum Christi baptizati.

Ad quintum dicendum, quod, sicut dicit Augustinus contra Faustum ( Lib. XIX. cap. xiiii. ) sacramenta nostra sunt signa presentis gratiae; sacramenta vero veteris legis fuerunt signa gratiae futurae. Unde ex hoc ipso quod Ioannes baptizavit in nomine venturi, datur intelligi quod non dabat baptismum Christi, qui est sacramentum novae legis.

QUAESTIO XXXIX.

*De baptizazione Christi,*

*in octo articulos divisa.*

**D**einde considerandum est de baptizazione Christi: & circa hoc quaeruntur octo.

Primo, utrum Christus debuerit baptizari.

Secundo, utrum debuerit baptizari baptismum Ioannis.

Tertio de tempore baptismi.

Quarto de loco.

Quinto de hoc quod ei sunt caeli aperti.

Sexto de Spiritu sancto apparente in specie columbae.

Septimo, utrum illa columba fuerit verum animal.

Octavo de voce paterni testimonii.

**A**D primum sic proceditur. Videtur quod non fuerit conveniens Christum baptizari. Baptizari enim est abluere. Sed Christo non convenit abluere, in quo nulla fuit impuritas. Ergo videtur quod Christum non decuerit baptizari.

2. Praeterea. Christus circumcissionem suscepit, ut impleter legem. Sed baptismus non pertinebat ad legem. Ergo non debebat baptizari.

3. Praeterea. Primum movens in quolibet genere est immobile secundum illum motum; sicut caelum, quod est primum alterans, non est alterabile. Sed Christus est primum baptizans, secundum illud Ioan. 1. 33. *Super quem videris Spiritum descendentem, & manentem, hic est qui baptizat*. Ergo ipsum non decuit baptizari.

Sed contra est quod dicitur Matth. 111. 13. *quod venit Iesus a Galilea in Iordanem ad Ioannem, ut baptizaretur ab eo*.

Respondeo dicendum, quod conveniens fuit Christum baptizari. Primo quidem quia, ut Ambrosius dicit super Luc. (sup. illud cap. 111. *Factum est autem &c*) *baptizatus est Dominus, non mundari volens, sed mundare aquas, ut abluta per carnem Christi, qui peccatum non cognovit, baptismatis vim haberet; & ut sanctificatae aquas relinqueret postmodum baptizandis*, sicut Chrysostomus dicit super Matth. (alius Auctor hom. iv. in op. imperf. a princ.) Secundo quia, sicut Chrysostomus dicit super Matth. (ibid.) *quamvis ipse non esset peccator, tamen naturam suscepit peccatricem, & similitudinem carnis peccati: propterea est pro se baptizatus non indigebat, tamen in aliis carnalis natura opus habebat; & sicut Gregorius Nazianzenus dicit (in orat. xxxix. quae est in sancta Lumina a med.) baptizatus est Christus, ut totum veteranum Adam immergat aquae*. Tertio baptizari voluit, sicut Augustinus dicit in sermone de Epiphania. (xxxix. de temp. implic. parum a princ.) *quia voluit facere,*



*cere, quod faciendum omnibus imperavit.* Et hoc est quod ipse dicit: *Sic decet nos implere omnem iustitiam* ( *Matth. 23.* ) Ut enim Ambrosius dicit super Luc. ( *loc. sup. cit.* ) *haec est iustitia ut quod alterum facere velis, prior ipse incipias, & tuo alios hortaris exemplo.*

Ad primum ergo dicendum, quod Christus non fuit baptizatus, ut ablueretur, sed ut ablineret, sicut dictum est ( *in corp.* )

Ad secundum dicendum, quod Christus non solum debebat implere ea quae erant veteris legis, sed etiam inchoare ea quae sunt novae legis: & ideo non solum voluit circumcidi, sed etiam baptizari.

Ad tertium dicendum, quod Christus est primum baptizans spiritualiter; & sic non est baptizatus, sed solum in aqua.

## ARTICULUS II. 215

*Utrum Christus baptismo Ioannis abluerit baptizari.*

**A**D secundum sic proceditur. Videtur quod Christus non debuerit baptizari baptismo Ioannis. Baptismus enim Ioannis fuit baptismus poenitentiae. Sed poenitentia Christo non convenit, quia nullum habuit peccatum. Ergo videtur quod non debuerit baptizari baptismo Ioannis.

2. Praeterea. Baptismus Ioannis, sicut dicit Chrysostomus ( *hom. xii. in Matth. a med.* ) medium fuit inter baptismum Iudaeorum, & Christi baptismum. Sed medium sapit naturam extremorum. Cum ergo Christus non fuerit baptizatus baptismo legali, nec etiam baptismate suo, videtur quod pari ratione baptismate Ioannis baptizari non debuerit.

3. Praeterea. Omne quod in rebus humanis est optimum, debet attribui Christo. Sed baptismus Ioannis non tenet supremum locum inter baptismata. Ergo non convenit Christum baptizari baptismate Ioannis.

Sed contra est quod dicitur Matth. 23. 33. *quod venit Iesus in Iordanem, ut baptizaretur a Ioanne.*

Respondendo dicendum, quod, sicut dicit Augustinus super Ioan. ( *tract. xiii. aliquant. a princ.* ) *baptizatus Dominus baptizabat, non eo baptismate quo baptizatus est.* Unde cum ipse baptizaret ba-

pismo proprio, consequens est quod non fuerit baptizatus suo baptismate, sed baptismate Ioannis.

Et hoc fuit conveniens. Primo quidem propter conditionem baptismi Ioannis, qui non baptizavit in Spiritu, sed solum in aqua. Christus autem spirituali baptismate non indigebat, qui a principio suae conceptionis gratia Spiritus sancti repletus fuit, ut patet ex dictis ( *quæst. xxxiv. art. 4.* ) Et hæc est ratio Chrysostomi ( *alterius Auctoris hom. iv. in op. imperf.* ) Secundo, ut Beda dicit ( *cap. iv. in Mar.* ) *baptizatus est baptismo Ioannis, ut baptismi suo baptismum Ioannis comprobaret.* Tertio. Sicut Gregorius Nazianzenus dicit ( *loc. cit. art. præc.* ) *accedit Christus ad baptismum Ioannis sanctificaturus baptismum.*

Ad primum ergo dicendum, quod, sicut supra dictum est ( *art. præc.* ) Christus baptizari voluit, ut nos exemplo suo induceret ad baptismum. Et ideo ad hoc quod esset efficacior eius inductio, voluit baptizari baptismi quo mansisset non indigebat, ut homines ad baptismum accederent quo indigebant. Unde Ambrosius dicit super Luc. ( *sup. illud cap. 22.* ) *Passum est autem. Nemo resurgat lavacrum gratiae, quando Christus lavacrum poenitentiae non resugit.*

Ad secundum dicendum, quod baptismus Iudaeorum in lege praeceptus, erat solum figuralis; baptismus autem Ioannis aequaliter erat realis, inquantum inducebat homines ad abstinendum a peccatis; baptismus autem Christi habet efficaciam mundandi a peccato, & gratiam conferendi. Christus autem neque indigebat percipere remissionem peccatorum, quæ in eo non erant, neque recipere gratiam, quia plenus erat: similiter etiam cum ipse sit veritas, non compete-  
bat ei id quod in sola figura gerebatur. Et ideo magis congruum fuit quod baptizaretur baptismi medio quam aliquo extremorum.

Ad tertium dicendum, quod baptismus est quoddam spirituale remedium: quanto autem aliquid est magis perfectum, tanto minori remedio indiget. Unde ex hoc ipso quod Christus est maxime perfectus, conveniens fuit quod non baptizaretur perfectissimo baptismi; sicut ille qui est sanus, non indiget efficaci medicina.

ARTICULUS III. 216

*Utrum Christus convenienti tempore fuerit baptizatus.*

IV. *dist. xv. quæst. lxx. art. 1. quæst. 1. & dist. xlv. in princ. expositionis litteræ.*

**A**D tertium sic proceditur. Videtur quod non convenienti tempore Christus fuerit baptizatus. Ad hoc enim Christus baptizatus est ut suo exemplo alios ad baptismum provocaret. Sed fideles Christi laudabiliter baptizantur non solum ante trigessimum annum, sed etiam in infantili ætate. Ergo videtur quod Christus non debuerit baptizari in ætate triginta annorum.

2. Præterea. Christus non legitur docuisse, quod miracula fecisse ante baptismum. Sed utilis fuisset mundo, si priori tempore docuisset, incipiens a vigesimo anno, vel etiam prius. Ergo videtur quod Christus, qui pro utilitate hominum venerat, ante trigessimum annum debuerit baptizari.

3. Præterea. Indicium sapientie divinitus intus maxime debuit manifestari in Christo. Est autem manifestatum in Daniele tempore suæ pueritiæ, secundum illud Dan. xii. 45. *Suscitavit Dominus (a) spiritum pueri iunioris, cuius nomen Daniel.* Ergo multo magis Christus in sua pueritia debuit baptizari, & docere.

4. Præterea. Baptismus Ioannis ordinatur ad baptismum Christi sicut ad finem. Sed finis est prior in intentione, & posterior in executione. Ergo vel Christus debuit primus a Ioanne baptizari, vel ultimus.

Sed contra est quod dicitur Luc. xii. 21. *Factum est cum baptizaretur omnis populus, & Iesu baptizato, & orante etc. & infr. Et ipse Iesus erat incipiens, quasi annorum triginta.*

Respondeo dicendum, quod Christus convenienti fuit in trigesimo anno baptizatus. Primo quidem quia Christus baptizabatur, quasi ex tunc incipiens docere, & prædicare: ad quod requiritur perfecta ætas, qualis est triginta annorum. Unde legitur Genes. xli. 46. *quod triginta annorum erat Ioseph, quando accipit regimen Aegypti.* Similiter etiam II. Reg. v. 4. legitur de David, *quod triginta annorum erat, cum regnare ce-*

*pisset.* Ezechiel etiam in trigesimo anno cepit prophetizare, ut habetur Ezech. 1. Secundo quia, sicut Chrysostomus dicit super Matth. (hom. x. parum a prin.) futurum erat ut post baptismum Christi lex cessare inciperet. Et ideo hac ætate Christus ad baptismum venit, quæ potest omnia peccata suscipere, ut lege servata nullus dicat, quod ideo eam solvit, quia implere non potuit. Tercio quia per hoc quod Christus in ætate perfecta baptizatur, datur intelligi quod baptismus parit viros perfectos, secundum illud Ephes. iv. 13. *Donec occurramus omnes in unitatem fidei, & agnitionis Filii Dei, in virum perfectum, in mensuram ætatis plenitudinis Christi.* Unde & ipsa proprietates numeri ad hoc pertinere videtur: confurgit enim trigentarius numerus ex ductu ternarii in denarium. Per ternarium autem intelligitur fides Trinitatis; per denarium autem impletio mandatorum legis; & in his duobus perfectio vite Christianæ consistit.

Ad primum ergo dicendum, quod, sicut Gregorius Nazianzenus dicit (in orat. xl. quæ est de baptismo, aliquant. a med.) Christus non est baptizatus *quasi indigeret purgatione, nec quod aliquod illi immineret periculum diffundendo baptismum; sed cuius alii non in partum redundat periculum, si exeat ex hac vita non indutus veste incorruptionis, scilicet gratia: & licet bonum sit post baptismum baptismi munditiam custodire, fortius tamen est, ut ipse dicat, inserendum paulisper maculari, quam gratia omnino carete.*

Ad secundum dicendum, quod utilitas quæ a Christo provenit hominibus, præcipue est per fidem, & humilitatem: ad quorum utrumque valet quod Christus in pueritia, vel adolescentia non cepit docere, sed in perfecta ætate. Ad fidem quidem, quia per hoc apparet in eo vera natura humanitatis, quod per temporum incrementa corporaliter profecit: & ne huiusmodi profectus putaretur esse phantasticus, noluit sapientiam suam, vel virtutem manifestare ante perfectam corporis ætatem: ad humilitatem vero, ne ante perfectam ætatem aliquis præsumptuose prælationis gradum, & docendi officium assumat.

Ad tertium dicendum, quod Christus proponebatur hominibus in exemplum omnium: & ideo oportuit in eo ostendi id quod competit omnibus secundum

(a) *Paucata Spiritum Sanctum.*

dum legem communem, ut scilicet in ætate perfecta doceret. Sed, sicut Gregorius Nazianzenus dicit (in orat. xxxix. quæ est in sancta Lumina, a med.) *non est lex communis quod raro contingit, sicut nec una birundo ver facit*. Aliquibus enim ex quadam speciali dispensatione secundum divinæ sapientiæ ordinem, & rationem concessum est præter legem communem ut ante perfectam ætatem officium vel prædiciendi, vel docendi haberent, sicut Salomon, Daniel, & Hieremias.

Ad quartum dicendum, quod Christus nec primus, nec ultimus debuit a Ioanne baptizari: quia, ut Chrysostomus dicit super Matth. (alius Auctor hom. iv. in op. imperf. in princ.) Christus ad hoc baptizabatur ut confirmaret prædicationem, & baptismum Ioannis, & ut testimonium acciperet a Ioanne. Non autem creditum fuisset testimonio Ioannis, nisi postquam fuerunt multi baptizati ab ipso. Et ideo non debuit primus a Ioanne baptizari. Similiter etiam nec ultimus; quia, sicut ipse ibidem subdit, *sicut lux Solis non expectat occasum luciferi, sed eo procedente egreditur, & suo lumine obscurat illum candorem; sic & Christus non expectavit ut cursum suum Ioannes impleret, sed adhuc eo docente, & baptizante apparuit*.

#### ARTICULUS IV. 217

*Utrum Christus debuerit in Iordane baptizari.*

*Matth. III.*

**A**D quartum sic proceditur. Videtur quod Christus non debuerit baptizari in Iordane. Veritas enim debet respondere figuræ. Sed figura baptismi præcessit in transitu maris rubri, ubi Aegyptii sunt submersi, sicut peccata delectantur in baptismo. Ergo videtur quod Christus magis debuerit baptizari in mari rubro quam in lumine Iordanis.

2. Præterea. Iordanis interpretatur descensus. Sed per baptismum aliquis ascendit magis quam descendat: unde etiam Matth. III. 16. dicitur, quod *baptizatus Iesus confestim ascendit de aqua*. Ergo videtur inconveniens fuisse quod Christus in Iordane baptizaretur.

3. Præterea. Transientibus filiis Israel, aquæ Iordanis conversæ sunt retrorsum, ut legitur Iosue IV. & sicut etiam in

Psal. cxiii. dicitur. Sed illi qui baptizantur, non retrorsum, sed in anteriora progrediuntur. Non ergo fuit conveniens quod Christus in Iordane baptizaretur.

Sed contra est quod dicitur Marci I. 9. quod *baptizatus est Iesus a Ioanne in Iordane*.

Respondendo dicendum, quod fluvius Iordanis fuit per quem filii Israel in terram promissionis intraverunt. Hoc autem habet baptismus Christi speciale præ omnibus baptismatibus, quod introducit in regnum Dei, quod per terram promissionis significatur: unde dicitur Ioan. III. 5. *Nisi quis renatus fuerit ex aqua, & Spiritu sancto, non potest introire in regnum Dei*. Ad quod etiam pertinet quod Helias divisit aquas Iordanis, quando erat in curru igneo rapiendus in cælum, ut dicitur IV. Reg. II. quia scilicet transiuntibus per aquam baptismi, per ignem Spiritus sancti patet aditus in cælum. Et ideo conveniens fuit ut Christus in Iordane baptizaretur.

Ad primum ergo dicendum, quod transitus maris rubri præfiguravit baptismum quantum ad hoc quod baptismus delet peccata; sed transitus Iordanis quantum ad hoc quod aperit ianuam regni cælestis, qui est principalior effectus baptismi, est per solum Christum impletus. Et ideo convenientius fuit quod Christus in Iordane quam in mari baptizaretur.

Ad secundum dicendum, quod in baptismo est ascensus per profectionem gratiæ, qui requirit descensum humilitatis, secundum illud Iacobi IV. 6. *Humilibus autem dat gratiam*: & ad talem descensum referendum est nomen Iordanis.

Ad tertium dicendum, quod, sicut Augustinus dicit in serm. de Epiphania. *sicut antea aquæ Iordanis retrorsum conversæ fuerant; ita modo Christo baptizato, retrorsum peccata conversæ sunt*.

Vel etiam per hoc significatur quod contra descensum aquarum, benedictionum fluvius sursum ferebatur.

## ARTICULUS V. 218

*Utrum, Christo baptizato, celi debuerint aperiri.*

*Inf. quæst. xlix. art. 5. ad 3. & III. dist. xviii. art. 6. quæst. III. ad 2. & dist. II. quæst. III. art. 1. ad 4. & opusc. IX. cap. vi.*

**A**D quintum sic proceditur. Videtur quod Christo baptizato, non debuerint celi aperiri. Illi enim aperiendi sunt celi qui indiget intrare in caelum, quasi extra caelum existens. Sed Christus semper erat in caelo, secundum illud Ioan. III. 13. *Filius hominis, qui est in caelo.* Ergo videtur quod non debuerint ei celi aperiri.

2. Præterea. Apertio caelorum aut intelligitur spiritualiter, aut corporaliter. Sed non potest intelligi corporaliter: quia corpora caelestia sunt impassibilia, & infrangibilia, secundum illud Iob xxxvii. 18. *Tu forsan cum eo fabricatus es caelos, qui solidissimi quasi ære fusi sunt?* Similiter etiam nec potest intelligi spiritualiter: quia ante oculos Filii Dei celi antea clausi non fuerant. Ergo videtur inconvenienter dici, quod baptizato Christo, aperti fuerint ei celi.

3. Præterea. Fidelibus caelum apertum est per Christi passionem, secundum illud Heb. x. 19. *Habemus fiduciam in introitu sanctorum in sanguine Christi:* unde etiam nec Christi baptismo baptizati, si qui ante eius passionem decesserint, caelos intrare poterunt. Ergo magis debuerunt aperiri celi Christo patiente, quam eo baptizato.

Sed contra est quod dicitur Luc. III. 21. *Iesu baptizato, & orante apertum est caelum.*

Respondeo dicendum, quod, sicut dictum est (art. 1. hu. quæst.) Christus baptizari voluit, ut suo baptismo consecraret baptismum, quo nos baptizaremur. Et ideo in baptismo Christi ea demonstrari debuerunt quæ pertinent ad efficaciam nostri baptismi. Circa quam tria sunt considerata. Primo quidem principalis virtus, ex qua baptismus habet efficaciam, quæ quidem est virtus caelestis. Et ideo, baptizato Christo, apertum est caelum, ut ostenderetur quod de cetero caelestis virtus baptismum sanctificaret. Secundo operatur ad efficaciam baptis-

mi fides Ecclesiar, & eius qui baptizatur: unde & baptizati fidem profitentur, & baptismus fidei dicitur sacramentum. Per fidem autem inspicimus caelestia, quæ sensum, & rationem humanam excedunt. Et ad hoc significandum, *Christo baptizato, aperti sunt celi.* Tertio quia per baptismum Christi specialiter aperitur nobis introitus regni caelestis, qui primo homini præclusus fuerat per peccatum. Unde baptizato Christo, *aperti sunt celi*, ut ostenderetur quod baptizatis patet via in caelum. Post baptismum autem necessaria est homini iugis oratio, ad hoc quod caelum introeat. Licet enim per baptismum remittantur peccata, remanet tamen scomes peccati, nos impugnans interior, & mundus, & demones, qui impugnant exterior. Et ideo si-guaute dicitur Luc. III. quod Iesu baptizato, & orante, *apertum est caelum:* quia scilicet fidelibus necessaria est oratio post baptismum: vel ut detur intelligi quod hoc ipsum quod per baptismum caelum aperitur credentibus, est ex virtute orationis Christi. Unde signanter Matth. III. dicitur, quod apertum est ei caelum, idest omnibus propter eum; sicut si Imperator alicui pro alio petenti dicat: *Ecce hoc beneficium non illi do, sed tibi, idest propter te illi*, ut Chrysostomus (alius Auctor) dicit super Matth. (hom. IV. in op. imperf. a med.)

Ad primum ergo dicendum, quod, sicut Chrysostomus dicit super Matth. (ibidem) sicut Christus secundum dispensationem humanam baptizatus est, quamvis ipse propter se baptizari non indigeret; sic etiam secundum humanam dispensationem aperti sunt ei celi; secundum autem naturam divinam semper erat in caelis.

Ad secundum dicendum, quod, sicut Hieronymus dicit super Matth. (cap. III. in hunc loc.) *celi aperti sunt, Christo baptizato, non reversione elementorum, sed spiritualibus oculis; sicut & Ezechiel in principio voluminis sui caelos apertos esse commemorat.* Et hoc probat Chrysostomus super Matth. (loc. sup. cit.) dicens, *quod si ipsa creatura, scilicet caelorum, rupta fuisset, non dixisset, Aperti sunt ei: quia quod corporaliter aperitur, omnibus est apertum.* Unde etiam Marci i. 10. expresse dicitur, quod *Iesus statim ascendens de aqua vidit apertos caelos*, quali ipsa apertio caelorum ad visionem Christi referatur. Quod quidem aliqui reterunt ad visionem corporalem, dicen-

res, quod circa Christum baptizatum tantus splendor fuit in baptismo, ut viderentur caeli aperti. Potest etiam referri ad imaginariam visionem: per quem modum Ezechiel vidit caelos apertos: formabatur enim ex virtute divina, & voluntate rationis talis visio in imaginatione Christi, ad designandum quod per baptismum caeli aditus hominibus aperitur. Potest etiam ad visionem intellectualem referri, prout scilicet Christus vidit, iam baptismum sanctificatum, apertum esse caelum hominibus, quod tamen etiam ante viderat esse hendum.

Ad tertium dicendum, quod per passionem Christi aperitur caelum (a) hominibus, sicut per causam communem apertionis caelorum. Oportet tamen hanc causam communem apertionis caelorum singulis applicari, ad hoc quod caelum introeant: quod quidem fit per baptismum, secundum illud Rom. vi. 3. *Qui cumque baptizati sumus in Christo Iesu, in morte ipsius baptizati sumus*. Et ideo potius fit mentio de apertione caelorum in baptismo quam in passione Christi.

Vel, sicut Chrysostomus dicit super Matth. (alius Auctor hom. iv. in op. imperf. a med.) baptizato Christo, *caeli tantum sunt aperti, post quam vero tyrannum vicit per crucem, quia non erant necessarie portae caelo nunquam claudendo, non dicunt Angeli, Aperite portas, iam enim erant aperte; sed, Tollite portas*. Per quod dat intelligere Chrysostomus quod obstacula, quibus prius obstitentibus, animae defunctorum introire non poterant caelos, sunt totaliter per passionem Christi ablata; sed in baptismo Christi sunt aperta, quasi manifestata iam via per quam homines erant in caelum intraturi.

## ARTICULUS VI. 219

*Utrum convenienter Spiritus sanctus super Christum baptizatum descenderit in specie columbae.*

*Inf. quaest. xlv. art. 4. ad 2. & opus. lx. cap. ix.*

**A**D sextum sic proceditur. Videtur quod inconvenienter Spiritus sanctus super Christum baptizatum dicatur descendisse in specie columbae. Spiritus enim sanctus habitat in homine per gra-

tiam. Sed in homine Christo fuit plenitudo gratiae a principio suae conceptionis, quia fuit *unigenitus a Patre*, ut ex supradictis patet (quaest. xxxiv. art. 4.) Non ergo debuit Spiritus sanctus ad eum mitti in baptismo.

2. Praeterea. Christus dicitur in mundum descendisse per mysterium incarnationis, quando *exinivit semetipsum, formam servi accipiens*. (Philipp. ii.) Sed Spiritus sanctus non est incarnatus. Ergo inconvenienter dicitur, quod Spiritus sanctus descenderit super eum.

3. Praeterea. In baptismo Christi ostendi debuit, sicut in quodam exemplari, id quod fit in nostro baptismo. Sed in nostro baptismo non fit aliqua missio visibilis Spiritus sancti. Ergo nec in baptismo Christi debuit fieri visibilis missio Spiritus sancti.

4. Praeterea. Spiritus sanctus a Christo in omnes alios derivatur, secundum illud Ioan. i. 13. *De plenitudine eius nos omnes accepimus*. Sed super Apostolos Spiritus sanctus descendit, non in specie columbae, sed in specie ignis. Ergo nec super Christum debuisset descendere in specie columbae, sed in specie ignis.

Sed contra est quod dicitur Luc. iii.

22. *Descendit Spiritus sanctus corporali specie, sicut columba, in ipsum*.

Respondeo dicendum, quod hoc quod circa Christum factum est in eius baptismo, sicut Chrysostomus dicit super Matth. (alius Auctor hom. iv. in op. imperf. a med.) pertinet ad mysterium omnium qui postmodum fuerant baptizandi. Omnes autem qui baptismum Christi daptizantur, Spiritum sanctum recipiunt, nisi isti accedant, secundum illud Matth. iii. 11. *Ipsa vos baptizavit in Spiritu sancto*. Et ideo conveniens fuit ut super Christum baptizatum Spiritus sanctus descenderet.

Ad primum ergo dicendum, quod, sicut Augustinus dicit XV. de Trinit. (cap. xxvi. cit. med.) *absurdissimum est dicere, quod Christus, cum iam triginta esset annorum, accepit Spiritum sanctum; sed venit ad baptismum sicut sine peccato, ita non sine Spiritu sancto*. Si enim de Ioanne scriptum est, quod Spiritu sancto replebatur ab utero matris suae; quid de homine Christo dicendum est, cuius carnis ipsa conceptio non carnalis, sed spiritualis fuit? Tunc ergo, idest in baptismo, corpus suum, idest Ecclesiam, praefigurare dignatus est, in qua pra-

(a) Ita f. & dist. Marius nota libri. At, omittit.

*precipue baptizati accipiunt Spiritum sanctum.*

Ad secundum dicendum, quod, sicut Augustinus dicit in II. de Trinit. (cap. vi.) Spiritus sanctus descendisse dicitur super Christum corporali specie, sicut columba, non quia ipsa substantia Spiritus sancti videretur, quæ est invisibilis; neque ita quod illa visibilis creatura in unitatem personæ divinæ assumeretur: neque enim dicitur, quod Spiritus sanctus sit columba, sicut dicitur quod Filius Dei est homo ratione unio- nis. Neque etiam hoc modo Spiritus sanctus visus est in specie columbæ, sicut Ioannes vidit agnum occidit in Apocalypsi, ut habetur Apoc. v. illa enim visio facta fuit in spiritu per spirituales imagines corporum; de illa vero columba nullus unquam dubitavit quin oculis visa sit. Nec etiam hoc modo in specie columbæ Spiritus sanctus apparuit, sicut dicitur I. ad Corinth. x. 4. *Petra autem erat Christus*: illa enim petra iam erat in creatura; & (a) per significationis modum nuncupata est nomine Christi, quem significabat; illa autem columba ad hoc tantum significandum repente exiit; & postea cessavit, sicut flamma, quæ in rubo apparuit Moysi. Dicitur ergo Spiritus sanctus descendisse super Christum, non ratione unionis ad columbam, sed vel ratione ipsius columbæ significantis Spiritum sanctum, quæ descendendo super Christum venit, vel ratione spiritualis gratiæ, quæ a Deo per modum cuiusdam descensus in creaturam derivatur, secundum illud Iacobi 1. 17. *Omne datum optimum, et omne donum perfectum de sursum est, descendens a Patre luminis.*

Ad tertium dicendum, quod, sicut Chrysostomus dicit super Marth. (hom. xxi. ante med.) in principis spiritualium rerum semper sensibiles apparent rationes, propter eos qui nullam intelligentiam incorporealis nature suscipere possunt; ut si postea non fiant, ex his quæ semel facta sunt, recipiant fidem. Et ideo circa Christum baptizatum corporali specie Spiritus sanctus visibiliter descendit, ut super omnes baptizatos invisibiliter postea crederetur descendere.

Ad quartum dicendum, quod Spiritus sanctus in specie columbæ apparuit super Christum baptizatum, propter quatuor. Primo quidem propter dispositionem quæ

requiritur in baptizato, ut scilicet non factus accedat: quia, sicut dicitur Sap. 1. 5. *Spiritus sanctus disciplina effugiet fictum*. Columba autem est animal simplex, astutus & dolo carens; unde dicitur Marth. x. 16. *Esote simplices, sicut columbæ*. Secundo ad designandum septem dona Spiritus sancti, quæ columba suis proprietatibus significat. Columba enim secus fluentia habitat, ut inde, viso accipere, mergat se, & evadat: quod pertinet ad donum sapientie, per quam Sancti secus Scripturæ divinæ fluentia resident, ut incensum diaboli evadant. Item columba meliora grana eligit: quod pertinet ad donum scientiæ, quæ Sancti sententias sanas, quibus pascuntur, eligunt. Item columba alienos pullos nutrit: quod pertinet ad donum consilii, quo sancti homines, qui fuerunt pulli, idest imitatores diaboli, doctrina nutriunt, & exemplo. Item columba non lacerat rostris: quod pertinet ad donum intellectus, quo Sancti bonas scientias la- cerando non pervertunt, hæreticorum more. Item columba felle caret: quod pertinet ad donum pietatis, per quam Sancti ira irrationabili carent. Item columba in cavernis petrarum nidificat: quod pertinet ad donum fortitudinis, quæ Sancti in plagis mortis Christi, qui est petra firma, nidum ponunt, idest suum refugium, & ipem. Item columba gemitum pro cantu habet: quod pertinet ad donum timoris, quo Sancti delectantur in gemitu pro peccatis. Tertio apparuit Spiritus sanctus in specie columbæ propter effectum proprium baptismi, qui est remissio peccatorum, & reconciliatio ad Deum. Columba enim est animal mansuetum: & ideo, sicut Chrysostomus dicit super Marth. (hom. xxi. parum ante med.) in diluvio apparuit hoc animal, rarinum ferens olive, & communem orbis terrarum tranquillitatem annuntians: & nunc etiam columba apparet in baptismo, liberatorem nobis demonstrans. Quarto apparuit Spiritus sanctus in specie columbæ super Dominum baptizatum, ad designandum communem effectum (b) baptismi, qui est constructio ecclesiasticæ unitatis. Unde dicitur Ephes. v. 25. quod Christus tradidit semetipsum... ut exhiberet sibi gloriosam Ecclesiam, non habentem maculam, aut rugam, aut aliquid huiusmodi, lavans eam lavacro aque in verbo vite. Et ideo convenienter Spiritus

Q 2 tus

(a) Et enim Garcia recentiores edd. Veteris cum mss. edidi passim, de cod. A. cum, deest baptismi.

per actionis modum.

(b) Pa enim plurimus mss.

us sanctus in baptismo demonstratus est in specie columbae, quæ est animal amabile, & gregale. Unde & Cant. vi. 8. dicitur de Ecclesia: *Una est columba mea*. Super Apostolos autem in specie ignis Spiritus sanctus descendit, propter duo. Primo quidem ad offendendum fervorem, quo corda eorum erant commovenda, ad hoc quod Christum ubique inter presules prædicarent: & idco etiam in ignis linguis apparuit. Unde Augustinus dicit super Ioan. (tract. vi. aliquant. a princ.) *Duebus modis ostendit visibilibus Dominus Spiritum sanctum, scilicet per columbam super Dominum baptizatum, & per ignem super discipulos congregatos: ibi simplicitas, hic fervor ostenditur*. Ergo ne spiritu sanctificati dolum habeant, in columba demonstratus est, & ne simplicitas frigida remaneat, in igne demonstratus est. Nec te moveat, quia lingue divisa sunt: unitatem in columba cognosce. Secundo quia, sicut Chrysostomus dicit (hab. in Cat. D. Th. sup. illud Luc. 111. *Iesu baptizato*), cum oportebat delictis ignoscere, quod sit in baptismo, mansuetudine necessaria erat, quæ demonstratur in columba; sed ubi adepti sumus gratiam, restat iudicii tempus, quod significatur per ignem.

## ARTICULUS VII. 220

*Verum illa columba, in qua apparuit Spiritus sanctus, fuerit verum animal.*

*Ioan. 1. lect. 20. & opus. lx. cap. ix.*

**A**D septimum sic proceditur. Videtur quod illa columba in qua Spiritus sanctus apparuit, non fuerit verum animal. Illud enim videtur specie tenus apparere quod secundum similitudinem apparet. Sed Luc. 111. 22. dicitur, quod descendit Spiritus sanctus corporali specie, sicut columba, in ipsum. Non ergo fuit vera columba, sed quædam similitudo columbae.

1. Præterea. Sicut natura nihil facit frustra, ita nec Deus, ut dicitur in I. de celo. (tex. 32. & L. rr. tex. 59.) Sed cum columba illa non adveniret, nisi ut aliquando significaret, atque præteriret, ut Augustinus dicit in II. de Trinit. (cap. vi. in fi.) frustra fuisset vera columba; quia hoc ipsum fieri poterat per columbae similitudinem. Non ergo illa columba fuit verum animal.

3. Præterea. Proprietates cuiuslibet rei ducunt in cognitionem naturæ illius rei. Si ergo fuisset illa columba verum animal, proprietates columbae significassent naturam veri animalis, non autem effectus Spiritus sancti. Non ergo videtur quod illa columba fuerit verum animal.

Sed contra est, quod Augustinus dicit in Lib. de agone christiano (cap. xxxi. a med.) *Neque hoc ita dicimus, ut Dominum Iesum Christum dicamus solum verum corpus habuisse, Spiritum autem sanctum fallaciter apparuisse oculis hominum; sed ambo illa corpora vera esse credimus*.

Respondeo dicendum, quod, sicut supra dictum est (quaest. v. art. 1.) non decebat ut Filius Dei, qui est veritas Patris, aliqua fictione uteretur. Et ideo non phantasticum, sed verum corpus accepit. Et quia Spiritus sanctus dicitur spiritus veritatis, ut patet Ioan. xvi. idco etiam ipse veram columbam formavit, in qua appareret; licet non assumeret ipsam in unitatem personæ. Unde post prædicta verba Augustini subdit: *Sicut non oportebat ut homines falleret Filius Dei; sic etiam non oportebat ut falleret Spiritus sanctus. Sed omnipotenti Deo, qui universam creaturam ex nihilo fabricavit, non erat difficile verum corpus columbae sine aliarum columbarum ministerio figurare; sicut non fuit ei difficile verum corpus in utero Mariae sine virili semine fabricare; cum creatura corpora & in visceribus seminis ad formandum hominem, & in ipso mundo ad formandum columbam, imperio Domini voluntatque serviret.*

Ad primum ergo dicendum, quod Spiritus sanctus dicitur descendisse in specie, vel similitudine columbae, non ad excludendam veritatem columbae, sed ad offendendum quod ipse non apparuit in specie sua substantiæ.

Ad secundum dicendum, quod non fuit superfluum formare veram columbam, ut in ea Spiritus sanctus appareret; quia per ipsam veritatem columbae significatur veritas Spiritus sancti, & effectuum eius.

Ad tertium dicendum, quod proprietates columbae eodem modo ducunt ad significandam naturam columbae, & ad significandam effectus Spiritus sancti. Per hoc enim quod columba habet tales proprietates, ostenditur quod columba significat Spiritum sanctum.

## ARTICULUS VIII. 221

*Utrum convenienter, Christo baptizato, fuerit vox Patris audita Filium protestantis.*

*Inf. quest. xlv. art. 4. & quest. lxxvi. art. 6. corp. & opusc. lx. cap. ix.*

**A**D octavum sic proceditur. Videtur quod inconvenienter, Christo baptizato, fuerit vox Patris audita Filium protestantis. Filius enim, & Spiritus sanctus, secundum hoc quod sensibiliter apparuerunt, dicuntur visibiliter esse missi. Sed Patri non convenit mitti, ut patet per Augustinum in II. de Trin. (cap. xii. in fi.) Ergo etiam nec apparere.

2. Præterea. Vox est significativa verbi in corde concepti. Sed Pater non est verbum. Ergo inconvenienter manifestatur in voce.

3. Præterea. Homo Christus non incepit esse filius Dei in baptismo, sicut quidam hæretici putaverunt; sed a principio suæ conceptionis fuit filius Dei. Magis ergo in nativitate debuit vox Patris protestari Christi Divinitatem, quam in eius baptismo.

Sed contra est quod Matth. iii. 17. dicitur: *Ecce vox de cælis dicens: Hic est Filius meus dilectus, in quo mihi complacui.*

Respondetur dicendum, quod, sicut supra dictum est (art. 6. hu. q.) in baptismo Christi, qui fuit exemplar nostri baptismi, demonstrari debuit quod in nostro baptismo pericetur. Baptismus autem quo baptizantur fideles, consecratur in invocatione, & virtute Trinitatis, secundum illud Matth. ult. 19. *Euntes docete omnes gentes baptizantes eos in nomine Patris, & Filii, & Spiritus sancti.* Et ideo in baptismo Christi, ut Hieronymus dicit (sup. illud Matth. iii. *Et ecce aperti &c.*) mysterium Trinitatis demonstratur. Dominus enim in natura humana baptizatur; Spiritus sanctus descendit in specie columbæ; Patris vox testimonium Filio perhibentis auditur. Et ideo conveniens fuit ut in illo baptismo Pater declararetur in voce.

Ad primum ergo dicendum, quod missio visibilis addit aliquid super apparitionem, scilicet auctoritatem mittentis. Et ideo Filius, & Spiritus sanctus, qui sunt ab alio, dicuntur mitti visibiliter, &

non solum apparere; Pater autem, qui non est ab alio, apparere quidem potest, visibiliter autem mitti non potest.

Ad secundum dicendum, quod Pater non demonstratur in voce, nisi sicut auctor vocis, vel loquens per vocem: & quia proprium est Patri producere Verbum, quod est dicere, vel loqui, ideo convenientissime Pater per vocem manifestatus est, quæ significat Verbum: unde & ipsa vox a Patre emissâ filiationem Verbi protestatur: & sicut species columbæ, in qua demonstratur est Spiritus sanctus, non est ipsa natura Spiritus sancti; nec species hominis, in qua demonstratur est ipse Filius, est ipsa natura Filii Dei: ita etiam ipsa vox non pertinet ad naturam Verbi, vel Patris loquentis. Unde Ioan. v. 37. Dominus dicit: *Neque vocem eius, idest Patris, unquam audistis, neque speciem eius vidistis.* Per quod, sicut Chrysostomus dicit super Ioan. (ho. xxxix. a med.) *paulem eos in philosophicum dogma inducens, ostendit quoniam neque vox circa Deum est, neque species; sed superior est & figuris, & loquelis talibus.* Et sicut columbam, & etiam humanam naturam a Christo assumptam tota Trinitas operata est, ita etiam & formationem vocis; sed tamen in voce declaratur solus Pater ut loquens; sicut naturam humanam solus Filius assumpsit, & sicut in columba solus Spiritus sanctus demonstratus est, ut patet per Augustinum (Fulgentium) in Lib. de fide ad Petrum (cap. ix.).

Ad tertium dicendum, quod Divinitas Christi non debuit omnibus in eius natiuitate manifestari, sed magis occultari in defectibus infantilis ætatis. Sed quando iam pervenit ad perfectam ætatem, in qua oportebat eum docere, & miracula tacere, & homines ad se convertere, tunc testimonio Patris erat eius Divinitas manifestanda, ut eius doctrina credibilior heret: unde & ipse dicit Ioan. v. 37. *Qui misit me Pater, ipse testimonium (a) perhibet de me:* Et hoc præcipue in baptismo, per quem homines renascuntur in filios Dei adoptivos. Filii autem Dei adoptivi insinuantur ad similitudinem filii naturalis, secundum illud Rom. viii. 29. *Quos præcivit, hos & prædestinavit conformes fieri imaginis Filii sui.* Unde Hilarius dicit super Matth. (can. xi. in fi.) quod *super Iesum baptizatum descendit Spiritus sanctus, & vox Patris audita est dicentis: Hic est Filius*

S. Tb. Oper. Tom. XXIV.  
(a) *Figura perhibebat,*



*lius meus dilectus: ut ex his quæ consummabantur in Christo, cognosceremus postquam lavacrum & de celestibus (a) poris sanctum in nos spiritum involare, & paternæ vocis adoptione Dei filios fieri.*

## QUAESTIO XL.

*De modo conversationis Christi,*

*in quatuor articulos divisa.*

Consequenter post ea quæ pertinent ad ingressum Christi in mundum, vel ad eius principium, considerandum restat de his quæ pertinent ad progressum ipsius: & primo considerandum est de modo conversationis ipsius; secundo de tentatione eius; tertio de doctrina; quarto de miraculis.

Circa primum quærentur quatuor.

Primo, utrum Christus debuerit solitariam vitam ducere, an inter homines conversari.

Secundo, utrum debuerit austeram vitam ducere in cibo, & potu, & vestitu, an cum aliis communem.

Tertio, utrum debuerit abiectione vivere in hoc mundo, an in divitiis, & honore.

Quarto, utrum debuerit secundum legem vivere.

## ARTICULUS I. 322

*Utrum conveniens fuerit, Christum inter homines conversari.*

*Inf. art. 2. cor. & 2. 2. quæst. xxv. art. 6. ad 5.*

AD primum sic proceditur. Videtur quod Christus non debuerit inter homines conversari, sed solitariam vitam agere. Oportebat enim quod Christus sua conversatione non solum se hominem ostenderet esse, sed etiam Deum. Sed Deum non convenit cum hominibus conversari: dicitur enim Danielis 11. 11. *Exceptis diis, quorum non est cum hominibus conversatio*: & Philoſophus dicit in 1. Politicæ (cap. 11. a med.) quod ille qui solitarius vivit, aut est bestia, si scilicet propter sevitiam hoc faciat, aut est Deus, si hoc faciat propter contemplandam veritatem. Ergo videtur quod non fuerit conveniens Christum inter homines conversari.

2. Præterea. Christus, dum in carne mortali vixit, debuit perfectissimam vitam ducere. Perfectissima autem vita est contemplativa, ut in secunda parte habitum est (2. 2. quæst. clxxxii. art. 1. & 2.) Ad vitam autem contemplativam maxime competit solitudo, secundum illud Osee 11. 14. *Ducam eam in solitudinem, & loquar ad cor eius*. Ergo videtur quod Christus debuerit solitariam vitam ducere.

3. Præterea. Conversatio Christi debuit esse uniformis: quia semper in eo debuit apparere id: quod optimum est. Sed quandoque Christus solitaria loca quærebat, turbas declinans: unde Remigius dicit super Matth. (hab. in Cat. D. Th. in princ. cap. v.) *Tria resurgit legimus Dominus habuisse, nativum, montem, & desertum; ad quorum alterum, quotiescumque a turbis comprimebatur, conſcendebat*. Ergo & semper debuit solitariam vitam agere.

Sed contra est quod dicitur Baruch 111. 38. *Post hæc in terris viſus est, & cum hominibus conversatus est*.

Respondetur dicendum, quod conversatio Christi talis debuit esse ut conveniret fini incarnationis, secundum quam venit in mundum. Venit autem in mundum primo quidem ad manifestandum veritatem, sicut ipse dicit Io. xviii. 37. *In hoc natus sum, & ad hoc veni in mundum, ut testimonium perhibeam veritati*. Et ideo non debebat se occultare, vitam solitariam agens, sed in publicum procedere, publice prædicando. Unde Lucæ 14. 43. dixit illis qui volebant eum detinere: *Quia & aliis civitatibus oportet me evangelizare regnum Dei, quia ideo missus sum*. Secundo venit ad hoc ut homines a peccato liberaret, secundum illud 1. ad Timoth. 1. 15. *Christus Iesus venit in hunc mundum peccatores salvos facere*. Et ideo, ut Chrysostomus dicit (hab. in Cat. aur. D. Th. sup. illud Luc. 14. *Quia & aliis civitatibus*) licet in eodem loco mandando posset Christus ad se omnes attrahere, ut eius prædicationem audirent, non tamen hoc fecit, præbens nobis exemplum, ut perambulemus, & requiramus pereuntem, sicut pastor ovem perditam, & medicus accedit ad infirmum. Tertio venit ut petipium haberet accessum ad Deum, ut dicitur Rom. v. Et ideo familiariter cum hominibus conversando, conveniens fuit ut hominibus fiduciam daret ad se accedendi.

Un-

(a) Ita off. & editi communiter, Cod. Alcan. peritibus,

Unde dicitur Matth. ix. 10. *Factum est discumbente eo in domo, ecce multi publicani, & peccatores venientes discumbebant cum Iesu, & discipulis eius*: quod exponens Hieronymus dicit peccatores: „(a) Viderunt publicanum a peccatis ad meliora conversum, locum invenisse peccentiarum; & ob id etiam ipsi non desperant salutem.“

Ad primum ergo dicendum, quod Christus per humanitatem suam voluit manifestare Divinitatem: & ideo conversando cum hominibus (quod est proprium hominis) manifestavit omnibus suam Divinitatem, praedicando, & miracula faciendo, & innocenter & inle inter homines conversando.

Ad secundum dicendum, quod, sicut in secunda parte dictum est (2.2. quæst. clxxxii. art. 1. & quæst. clxxxviii. art. 6.) vita contemplativa simpliciter est melior quam activa, quæ occupatur circa corporales actus; sed vita activa, secundum quam aliquis praedicando, & docendo contemplata aliis tradit, est perfectior quam vita quæ solum contemplatur, quia talis vita præsupponit abundantiam contemplationis. Et ideo Christus talem vitam elegit.

Ad tertium dicendum, quod actio Christi fuit nostra instructio. Et ideo ut daret exemplum prædicatoribus, quod non semper le darent in publicum, ideo quandoque Dominus se a turbis retraxit. Quod quidem legitur fecisse propter tria. Quandoque quidem propter corporealem quietem: unde Marci vi. 31. dicitur, quod Dominus dixit discipulis: *Venite seorsum in desertum locum, & requiescite pusillum: erant enim qui veniebant, & redibant multi, & nec spatium manducandi habebant.* Quandoque vero causa orationis: Unde dicitur Lucæ vi. 12. *Factum est in illis diebus, exiit in montem orare, & erat pernoctans in oratione Dei:* ubi ait Ambrosius quod „ad præcepta virtutis suo nos informat exemplo.“ Quandoque vero, ut doceret favorem humanum vitare. Unde super illud Matth. v. *Videns Iesus turbas, ascendit in montem,* dicit Chrysostomus (hom. xv. in Matth. cir. prin.) „Per hoc quod non in civitate, & foro, sed in monte, & solitudine sedit, erudit nos, nihil ad ostentationem facere, & a tumultibus abscedere, & maxime cum de necessariis disputare oportet.“

## ARTICULUS II. 223

*Utrum Christus auferam vitam in hoc mundo ducere debuerit.*

*Infr. quæst. xli. art. 4. ad 1.*

**A**D secundum sic proceditur. Videtur quod Christus debuerit auferam vitam ducere in hoc mundo. Christus enim multo magis prædicavit perfectionem vitæ, quam Ioannes. Sed Ioannes auferam vitam duxit, ut loco exemplo homines ad perfectionem vitæ provocaret: dicitur enim Matth. xii. 4. quod *ipse Ioannes habebat vestimentum de pilis camelorum, & zonam pelliceam circa lumbos suos; esca autem eius erant locustæ, & mel sylvestre*: quod exponens Chrysostomus (hom. x. in Matth. cir. med.) dicit: „Erat mirabile in humano corpore, re tantam patientiam videre; quod & Iudæos magis atterebat.“ Ergo videtur quod multo magis Christum decuerit auferam vitam.

2. Præterea. Abilentia ad continentiam ordinatur: dicitur enim Oleez ix. 10. *Comedent, & non saturabuntur; fornicati sunt, & non cessaverunt*: Sed Christus continentiam & in se servavit, & aliis servandam proposuit, cum dixit Matth. xix. 12. *Sunt eunuchi qui se castraverunt propter regnum celorum: qui potest capere capiat.* Ergo videtur quod Christus in se, & in suis discipulis austeritatem vitæ servare debuerit.

3. Præterea. Ridiculum videtur ut aliquis districtiorem vitam incipiat, & ab ea in laxiorem revertatur: potest enim dici contra eum, quod habetur Luc. xiv. 30. *Hic homo cepit edificare, & non potuit consummare.* Christus autem districtissimam vitam incepit post baptismum, manens in deserto, & ieiunans quadraginta diebus & quadraginta noctibus. Ergo videtur non fuisse congruum quod post tantam vitæ districtiorem ad communem vitam rediret.

Sed contra est quod dicitur Matth. xi. 19. *Venit Filius hominis manducans, & bibens.*

Respondere dicendum, quod, sicut dictum est (ar. præc.) congruum erat incarnationis fini, ut Christus non ageret solitariam vitam, sed cum hominibus conversaretur. Qui autem cum aliquibus

Q 4 bus

(a) Ita Codex Vaticanus. Hieronymo confonimus. Falsi enim: Videbant publicanum a peccatis &c. Editio Rom. Viderant publicanum a peccatis ad meliora conversi locum invenisse peccentiarum &c.

bus conversatur, convenientissimum est ut se eis in conversatione conformet, secundum illud Apostoli I. ad Cor. IX. 22. *Omniibus omnia factus sum*. Et ideo convenientissimum fuit ut Charillus in cibo, & potu communiter se, sicut alii, haberet. Unde Augustinus dicit contra Faustum (Lib. XVI. cap. xxxi. ante med.) quod *Ioannes dictus est non manducans, neque bibens, quia illo visu quo Iudaei utebantur, non utebatur*. Hoc ergo nisi Dominus uteretur, non in eius comparatione manducans, bibensque diceretur.

Ad primum ergo dicendum, quod Dominus in sua conversatione exemplum perfectionis dedit in omnibus quae per se pertinent ad salutem. Ipsa autem abstinencia cibi, & potus non per se pertinent ad salutem, secundum illud Rom. XIV. 17. *Non est regnum Dei esca, & potus*; & Augustinus dicit in Lib. II. de quaest. Evangel. (quaest. XI.) exponens illud Matth. XI. *Instructa est sapientia a filiis suis*: quia scilicet „sancti Apostoli intellexerunt regnum Dei non esse in esca, & potu, sed in aequanimitate tolerandi, quos nec copia sublevar, nec deprimit egestas.“ Et in III. de doctrina Christi. (cap. XII. parum a princ.) dicit, quod „in omnibus talibus non usus rerum, sed libido utentis in culpa est.“ Utraque autem vita est licita, & laudabilis, ut scilicet aliquis a communi consortio hominum segregatus abstinentiam servet, & ut in societate aliorum positus communi vita utatur. Et ideo Dominus voluit utriusque vitae exemplum dare hominibus. Ioannes autem, sicut Chrysostomus dicit super Matth. (hom. xxxviii. cir. med.) *nihil plus offendit prae vitam, & iustitiam; Christus autem & a miraculis testimonium habebat*. Dimittens ergo Ioannem ieiunio fulgere, ipse contraria incessiva, ad mensam intrans publicanorum, & manducans, & bibens.

Ad secundum dicendum, quod sicut alii homines per abstinentiam consequuntur virtutem continendi; ita etiam Christus in se, & in suis discipulis per virtutem suae divinitatis carnem comprimebat. Unde, sicut Matth. IX. dicitur, Pharisei, & discipuli Ioannis ieiunabant, non autem discipuli Christi. Quod exponens Beda (cap. XII. in Marc. & Ambros. sup. illud Luc. I. *Ne timeas Maria*.) dicit, quod *Ioannes vinum, & ficeram non bibit: quia illi abstinentia meritis augei cui potentia nulla inerat na-*

*turae. Dominus autem, cui naturaliter suppetebat delicta donare, cur eos declinaret quos abstinentibus poterat reddere puriores?*

Ad tertium dicendum, quod, sicut Chrysostomus dicit super Matth. (hom. XIII. aliquant. a princ.) *ut discas quam magnum bonum est ieiunium, & quale scutum est adversus diabolum, & quoniam post baptismum non lascivias, sed ieiunio intendere oportet, & ipse ieiunavit, non eo indigens, sed nos instruens; non autem ultra processit ieiunando, quam Moyses, & Helias, ne incredibilis videretur carnis assumptio*. Secundum mykherum autem, ut Gregorius dicit, (hom. XVII. in Evang. a med.) *quadragesarius numerus exemplo Christi in ieiunio custoditur, quia virtus Decalogi per libros quatuor S. Evangelii impletur: denarius enim quater ductus in quadragesarium surgit. Vel quia in hoc mortali corpore ex quatuor elementis subtilissimus, per cuius voluptiones preceptis Dominici contrahimur, quae per Decalogum sunt acceptae*.

Vel secundum Augustinum in Lib. LXXXIII. Qq. (quaest. LXXXIII. in pr.) *omnis sapientiae disciplina est, Creatorum, creaturarumque cognoscere. Creator est Trinitas, Pater, & Filius, & Spiritus sanctus. Creatura vero partim est invisibilis, sicut anima, cui ternarius numerus attribuitur: diligere enim Deum tripliciter iubemur, ex toto corde, & ex tota anima, & ex tota mente: partim visibilis, sicut corpus, cui quaternarius debetur, propter calidum, humidum, frigidum, & siccum. Denarius ergo numerus, qui totam insinuat disciplinam, quater ductus, id est numero, qui corpori tribuitur, multiplicatus, quadragesarius conficit numerum. Et ideo tempus quo ingemiscimus, & dolemus, quadragesario numero celebratur. Nec tamen incongruum fuit ut Christus post ieiunium, & desertum ad communem vitam rediret. Hoc enim convenit vitae, secundum quam aliquis contemplata aliis tradit, quam Christus dicitur assumptisse, ut primo contemplationi vacet, & postea ad publicum actionis descendat, aliis convivendo. Unde & Beda ( & Ambrosius locis sup. citat.) dicit sup. Marci XI. *Ieiunavit Christus, ne praecipuum declinaret; manducavit cum peccatoribus, ut gratiam cernens agnosceres potestatem*.*

## ARTICULUS III. 224

*Utrum Christus in hoc mundo debuerit pauperem vitam ducere.*

*IV. cont. cap. IV. & op. XVIII. cap. XV. & opusc. XX. cap. XV.*

**A**D tertium sic proceditur. Videtur quod Christus in hoc mundo non debuerit pauperem vitam ducere. Christus enim debuit eligibilissimam vitam assumere. Sed eligibilissima vita est, quæ est mediocris inter divitias, & paupertatem: dicitur enim Proverb. xxx. 8. *Mendacitatem, & divitias ne dederis mihi: tribue tantum vinctui meo necessaria.* Ergo Christus non debuit pauperem vitam ducere, sed moderatam.

2. Præterea. Exteriores divitiæ ad usum corporis ordinantur quantum ad victum; & vestitum. Sed Christus in victu, & vestitu communem vitam duxit, secundum modum aliorum quibus convivebat. Ergo videtur, quod in divitiis, & paupertate communem modum vivendi servare debuerit, & non uti maxima paupertate.

3. Præterea. Christus maxime homines invitavit ad exemplum humilitatis, secundum illud Matth. xi. 29. *Discite a me, quia mitis sum, & humilis corde.* Sed humilitas maxime commendatur in divitibus: unde dicitur I. ad Timoth. ult. 17. *Divitibus huius sæculi præcipe, non altum sapere.* Ergo videtur quod Christus non debuerit ducere pauperem vitam.

Sed contra est quod dicitur Matth. viii. 20. *Filius hominis non habet ubi caput reclinet:* quali dicat, secundum Hieronymum: (in illud Matth. viii. *Accedens unus scriba*;) „Cur me propter divitias, & sæculi lucra cupis sequi, cum tantæ sim paupertatis ut nec hospitium quidem habeam, & testor utar non meo?“ Et super illud Matth. xvii. *Ut non scandalizemus eos, vade ad mare,* dicit Hieronymus: „Hoc simpliciter intellectum ædificat auditorem; dum audit tantæ Dominum fuisse pauperem, ut unde tributa pro se, & Apostolo redderet, non habuerit.“

Respondendo dicendum, quod Christum decessit in hoc mundo pauperem vitam ducere. Primo quidem quia hoc erat congruum prædicationis officio, propter quod venisse se dicit Marci i. 38. *Eamus in*

*proximos vicos, & civitates, ut & ibi prædicem: ad hoc enim veni.* Oportet autem prædicatores verbi Dei, ut omnino vacent prædicationi, omnino a secularium rerum cura esse absolutos, quod facere non possunt qui divitias possident. Unde & ipse Dominus Apostolos ad prædicandum mittens, dicit eis Matth. x. 9. *Nolite possidere aurum, neque argentum:* & ipsi Apostoli dicunt Act. vi. *Non est æquum nos relinquere verbum Dei, & ministrare mensis.* Secundo quia sicut mortem corporalem assumpsit, ut nobis vitam largiretur spiritualem; ita corporalem paupertatem sustinuit, ut nobis divitias spirituales largiretur, secundum illud II. ad Corinth. viii. 9. *Scitis gratiam Domini nostri Iesu Christi, quoniam propter vos egenus factus est, ut illius inopia divites efficeret.* Tertio ne si divitias haberet, cupiditati eius prædicatio adscriberetur. Unde Hieronymus dicit super Matth. (in illud cap. x. *Nolite possidere aurum*) quod si discipuli eius divitias habuissent, viderentur non causa salutis hominum, sed causa lucri prædicare: & eadem ratio est de Christo. Quarto ut tanto maior virtus Divinitatis eius ostenderetur, quanto per paupertatem videbatur abiectionis. Unde dicitur in quodam sermone Ephesini Concilii (a med. & hab. in eo Concil. par. iii. cap. ix.) *Omnia paupera, & vilia elegit, omnia mediocria, & plurimis obscura, ut Divinitas cognosceretur orbem transformasse terrarum: propterea pauperulam elegit matrem, pauperiorem patriam, agens suis pecuniis; & hoc tibi exponit præcipe.*

Ad primum ergo dicendum, quod superabundantiam divitiarum, & mendicitas vitanda videtur ab his qui volunt vivere secundum virtutem, in quantum sunt occasiones peccandi. Abundantia namque divitiarum est superbiendi occasio; mendicitas autem est occasio furandi, & mentiendi, aut etiam periurandi. Quia vero Christus peccati capax non erat, propter hanc causam, ex qua Salomon hoc vitabat, Christo vitanda non erant. Neque tamen quælibet mendicitas est furandi, & periurandi occasio, ut ibidem Salomon iubere videtur; sed sola illa quæ est contraria voluntati, ad quam vitandam homo furatur, & periurat. Sed paupertas voluntaria hoc periculum non habet: & talem paupertatem Christus elegit.

Ad secundum dicendum, quod communi vita uti quantum ad victum, &

vestitum, potest aliquis non solum divitiis possidendo, sed etiam a mulieribus, & divitiis necessaria accipiendo: quod etiam circa Christum factum est. Dicitur enim Lucæ viii. 2. quod mulieres quædam sequebantur Christum, quæ ministrabant ei de facultatibus suis. Ut enim Hieronymus dicit super Matth. (sup. illud cap. xxvii. Erant ibi mulieres,) consuetudinis Iudaicæ fuit, nec ducebatur in cultum more gentis antiquo, ut mulieres de substantia sua victum, atque vestitum prætoribus suis ministrarent. Sed quia hoc scandalum facere poterat in nationibus, Paulus se abiecit commemorat. Sic ergo communis victus poterat esse sine sollicitudine impediende prædicationis officium, non autem divitiarum possessio.

Ad tertium dicendum; quod in eo qui ex necessitate pauper est, humilitas non multum commendatur; sed in eo qui voluntarie pauper est (sicut fuit Christus) ipsa paupertas est maximæ humilitatis indicium.

#### ARTICULUS IV. 225

*Utrum Christus in hac vita secundum legem conversatus fuerit.*

*Sup. quæst. xxxvii. per totam, & infr. quæst. xlvii. art. 2. ad 1. & III. diff. xiv. art. 3. quæst. 6. ad 3. & IV. diff. ii. quæst. ii. art. 2. quæst. 3. & opusc. lx. cap. xiiii.*

**A**D quartum sic proceditur. Videtur quod Christus non fuerit conversatus secundum legem. Lex enim præcipiebat ut nihil operis in sabbato fieret, sicut Deus de septimo requievit ab omni opere quod patrarat. (Gen. ii.) Sed ipse in sabbato curavit hominem, & ei mandavit ut tolleret scutum suum. Ergo videtur quod non fuerit secundum legem conversatus.

2. Præterea. Eadem Christus fecit, & docuit, secundum illud Act. i. 1. *Cæteris Iesus facere, & docere.* Sed ipse Matth. xv. 11. docuit, quod (a) omne quod intrat in os, non inquinat hominem; quod est contra præceptum legis, quæ per eum, & continentium quorundam animalium dicebat hominem immundum fieri, ut patet Levit. xi. Ergo videtur quod ipse non fuerit secundum legem conversatus.

3. Præterea. Idem indicium videtur effectientis, & contentientis, secundum illud Rom. 1. 32. *Non solum illi qui faciunt, sed & qui contentantur facientibus.* Sed Christus contentus discipulis suis solventibus legem in hoc quod sabbato spicas vellebant, excusando eos, ut habetur Matth. xii. Ergo videtur quod Christus non conversatus fuerit secundum legem.

Sed contra est quod dicitur Matth. v. 17. *Nolite putare quoniam veni solvere legem, aut prophetas: quod exponens Chrylollomus (hom. xvi. in Matth. aliquant. a princ.) dicit: „Legem implevit, primo quidem nihil transgrediendo legem, secundo iustificando per fidem, quod lex per litteram facere non valebat.“*

Respondetur dicendum, quod Christus in omnibus secundum legis præcepta conversatus est. In cuius signum etiam voluit circumcisci: circumcisio enim est quædam protestatio legis implendæ, secundum illud Galat. v. 3. *Testis est omni homini circumciscendi se, quoniam debitor est universæ legis faciendæ.* Voluit autem Christus secundum legem conversari: primo quidem ut legem veterem approbaret; secundo ut eam observando, in seipso consummaret, & terminaret, ostendens quod ad seipsum erat ordinata; tertio ut Iudæis occasionem calumniandi subtraheret; quanto ut homines a servitute legis liberaret, secundum illud Galat. iv. 4. *Misit Deus Filium suum factum sub lege, ut eos qui sub lege erant, redimeret.*

Ad primum ergo dicendum, quod Dominus super hoc se excusat a transgressionem legis tripliciter. Uno quidem modo quia per præceptum de sanctificatione sabbati non interdictum opus divinum, sed opus humanum. Quamvis enim Deus de septimo cessaverit a novis creaturis condendis, semper tamen operatur in rerum conservatione, & gubernatione. Quod autem Christus miracula faciebat, erat operis divini. Unde ipse dicit Ioan. v. 17. *Pater meus usque modo operatur, & ego operor.* Secundo excusat se per hoc quod illo præcepto non prohibentur opera quæ sunt de necessitate salutis, etiam corporalis. Unde ipse dicit Lucæ xiiii. 15. *Unusquisque vestrum sabbato non solvit bovem suum, aut asinum a præsepio, & ducit adquare?* Et infra cap. xiv. 5. *Cuius vestrum asinus,*  
aut

(§) *Vulgaris:* Non quod intrat in os, inquinat hominem.

aut bos in puteum caderet, & non continuo extrahet illum die sabbati? Manifestum est autem quod opera miraculorum, quæ Christus faciebat, ad salutem corporis, & animæ pertinebant. Tercio quia illo præcepto non prohibentur opera quæ pertinent ad Dei cultum. Unde dicitur Matth. xii. 5. *An non legis in lege, quia sabbati sacerdotes in templo sabbatum violant, & sine crimine sunt?* & Ioan. vii. 23. dicitur, quod circumcisionem accipit homo in sabbato. Quod autem Christus paralytico mandavit ut lectum suum sabbato portaret, ad cultum Dei pertinebat, id est ad laudem virtutis divinæ. Et sic patet quod sabbatum non solvebat; quamvis hoc ei Iudæi falso obicerent, dicentes Ioan. ix. 16. *Non est hic homo a Deo, qui sabbatum non custodit.*

Ad secundum dicendum, quod Christus voluit ostendere per illa verba, quod homo non redditur immundus secundum animam ex usu ciborum quorumcumque secundum suam naturam, sed solum secundum quamdam significationem. (a) Quod autem in lege quidam cibi dicuntur immundi, hoc est per quamdam significationem. Unde Augustinus dicit contra Faustum (Lib. VI. cap. vii. a princ.) *Si (b) de porco, & agno requiratur, utrumque natura mundum est, quia omnis creatura Dei bona est; quidam vero significatione agnus mundus, porcus immundus est.*

Ad tertium dicendum, quod etiam discipuli, quando esurientes ipicas sabbato vellebant, a transgressione legis excusantur propter necessitatem famis; sicut & David non fuit transgressor legis, quando propter famis necessitatem comedit sanctos panes, quos ei edere non licebat.

## QUAESTIO XLI.

De tentatione Christi,

in quatuor articulis divisa.

**D**Einde considerandum est de tentatione Christi: & circa hoc quaeruntur quatuor.

Primo, utrum fuerit conveniens Christum tentari.

Secundo de loco tentationis.

Tercio de tempore.

Quarto de modo, & ordine tentationis.

## ARTICULUS I. 226

*Utrum conveniens fuerit Christum tentari.*

*Opusc. lx. cap. xi. in princ.*

**A**D primum sic proceditur. Videtur quod Christum tentari non conveniebat. Tentare enim est experimentum sumere: quod quidem non fit nisi de re ignota. Sed virtus Christi erat nota etiam daemionibus: dicitur enim Luc. iv. 41. *quod non finebat daemones loqui, quia sciebant eum esse Christum.* Ergo videtur quod non debuerit Christum tentari.

2. Præterea. Christus ad hoc venerat ut opera diaboli dissolveret, secundum illud I. Ioan. iii. 8. *In hoc apparuit Filius Dei, ut dissolveret opera diaboli.* Sed non est eiusdem dissolvere opera alicuius, & ea pati: & ita videtur inconveniens fuisse quod Christus pateretur se tentari a diabolo.

3. Præterea. Triplex est tentatio, scilicet a carne, a mundo, & a diabolo. Sed Christus non fuit tentatus nec a carne, nec a mundo. Ergo nec etiam debuit tentari a diabolo.

Sed contra est quod dicitur Matth. iv. 1. *Ductus est Iesus a spiritu in desertum, ut tentaretur a diabolo.*

Respondeo dicendum, quod Christus tentari voluit. Primo quidem ut nobis contra tentationes auxilium ferret: unde Gregorius dicit in hom. (xvi. in Evangel. a princ.) *Non erat indignum Redemptori nostro quod tentari voluit, qui venerat occidi: iustum quippe erat ut si tentationes nostras suis tentationibus vinceret, sicut mortem nostram, venerat sua morte superare.* Secundo propter nostram cautelam, ut nullus quantumcumque sanctus, se æstimet securum, & immunem a tentatione. Unde & post baptismum tentari voluit: quia, sicut Hilarius dicit super Matth. (can. xii. a princ.) *in sanctificatis nobis maxime diaboli tentamenta grassantur: quia & gloria magis est ei exoptata de sanctis.* Unde & Eccli. ii. 1. dicitur: *Fili, accedens ad ser-*

(a) Qua sequuntur usque ad verbum significationem, se Theologi addidisse dunt, at ipsissima verba sunt in mss. Alean. & edit. Rom. (b) Ita restituimus cum ead. Alean. & Augustini ceteris, Al. Si de porco & agno requiratur, utrum natura mundus est, dicimus, quod omnis creatura Dei &c.

*servitutem Dei, sit in iustitia, & timore, & praepara animam tuam ad tentationem.* Tertio propter exemplum, ut scilicet nos instrueret, qualiter diaboli tentationes vincamus: unde Augustinus dicit in IV. de Trinit. (cap. xiiii. aliquant. a princ.) quod *Christus diabolo se tentandum praeiit, ut ad superandas tentationes eius mediator esset, non solum per adiutorium, verum etiam per exemplum.* Quarto ut nobis fiduciam de sua misericordia largiretur: unde dicitur Heb. iv. 15. *Non habemus Pontificem, qui non possit compati infirmitatibus nostris; tentatum autem per omnia pro similitudine absque peccato.*

Ad primum ergo dicendum, quod, sicut Augustinus dicit in IX. de civitate Dei (cap. xxi. a princ.) *Christus tantum innotuit demonibus, quantum voluit, non per id quod est vita aeterna, sed per quadam temporalia suae virtutis effecta, ex quibus quamdam coniecturam habebant, Christum esse Filium Dei.* Sed quia rursus in eo quadam signa humanae infirmitatis videbant, non pro certo cognoscebant, eum esse Filium Dei: & ideo eum tentare voluerunt. Et hoc significatur Matth. iv. ubi dicitur, quod *postquam esuriis, accessit tentator ad eum: quia, ut Hilarius dicit (loc. sup. cit.), tentare, Christum diabolus non, fuisset ausus, nisi in eo per esuritionis infirmitatem, quae sunt hominis re, cognosceret.* Et hoc etiam patet ex ipso modo tentandi, cum dixit: *Si Filius Dei es: quod exponens Ambrosius dicit (Lucæ iv.). Quid tibi vult talis sermonis exorsus, nisi quia cognoverat Dei Filium esse venturum, sed, venisse per hanc infirmitatem corporis, non putabat.*

Ad secundum dicendum, quod Christus venerat dissolvere opera diaboli, non potestate agendo, sed magis ab eo, & eius membris patiendo; ut sic diabolum vinceret iustitia, non potestate; sicut Augustinus dicit XIII. de Trin. (cap. xiiii. in princ.) quod *diabolus non potentia Dei, sed iustitia superandus fuit.* Et ideo circa tentationem Christi considerandum est, quid propria voluntate fecit, & quid a diabolo passus fuit. Quod enim tentatori se offerret, fuit propriae voluntatis: unde dicitur Matth. iv. *Dudus est Iesus in desertum a spiritu. ut tentaretur a diabolo:* quod Gregorius (hom. xvi. in Evang. a princ.) intelligendum dicit de Spiritu sancto, ut sci-

licet, *illuc eum Spiritus suus duceret, ubi eum ad tentandum spiritus malignus inveniret.* Sed a diabolo patius est ut assumeretur vel supra pinna-culum templi, vel etiam in montem excelsum valde. Nec est mirum, ut Gregorius dicit (ibid.) *si se ab illo permisit in montem duci, qui se permisit a membris ipsius crucifigi.* Intelligitur autem a diabolo assumptus, non quasi ex necessitate; sed quia, ut Origenes dicit super Luc. (hom. xxxi. in princ.) *sequebatur eum ad tentationem, quasi athleta sponsus procedens.*

Ad tertium dicendum, quod, sicut Apostolus dicit (Heb. iv.) *Christus in omnibus tentari voluit absque peccato.* Tentatio autem quae est ab hoste, potest esse sine peccato, quia sit per solam exteriorum suggestionem. Tentatio autem quae est a carne, non potest esse sine peccato, quia huiusmodi tentatio sit per delectationem, & concupiscentiam: & sicut Augustinus dicit (Lib. XIX. de civit. Dei cap. iv. ante med.) *nonnullum peccatum est, quando caro concupiscit adversus spiritum.* Et ideo Christus tentari voluit ab hoste, sed non a carne.

## ARTICULUS II. 257

*Utrum Christus in deserto tentari debuerit.*

**A**D secundum sic proceditur. Videtur quod Christus non debuerit tentari in deserto. Christus enim tentari voluit propter exemplum nostrum, ut dictum est (art. præc.) Sed exemplum debet manifeste proponi illis qui sunt per exemplum informandi. Non ergo debuit in deserto tentari.

2. Præterea. Chrysostomus dicit super Matth. (hom. xiiii. a princ.) quod *tunc maxime inflat diabolus ad tentandum, cum videris solitarius: unde & in principio mulierem tentavit, sine viro eam inveniens:* & sic videtur, per hoc quod in desertum ivit ut tentaretur, quod tentationi iste exposuit. Cum ergo eius tentatio sit nostrum exemplum, videtur quod etiam alii debeant se ingerere ad tentationes suscipiendas; quod tamen videtur esse periculosum, cum magis tentationum occasiones vitare debeamus.

3. Præterea. Matth. iv. ponitur secunda Christi tentatio, quia *diabolus Chris-*  
tum

*sum assumpsit in sanctam civitatem, & statuit eum super pinnaculum templi; quod quidem non erat in deserto. Non ergo tentatus est solum in deserto.*

Sed contra est quod dicitur Marci 1. 13. *quod erat Iesus in deserto quadraginta diebus, & quadraginta noctibus, & tentabatur a Satana.*

Respondendo dicendum, quod, sicut dictum est (art. præc. ad 2.) Christus propria voluntate se diabolo exhibuit ad tentandum, sicut etiam propria voluntate membris eius se exhibuit ad occidendum; alioquin diabolus venire ad eum non auderet. Diabolus autem magis attentare aliquem, cum est solitarius: quia, ut dicitur Eccl. 1v. 12. *si quisquam prævaluerit contra unum, duo resistunt ei.* Et inde est quod Christus in deserto exivit, quasi ad campum certaminis, ut ibi a diabolo tentaretur. Unde Ambrosius dicit super Lucam (cap. 1v.) quod *Christus angitur in desertum consilio, ut diabolum provocaret. Nam nisi ille certasset, scilicet diabolus, non ipse mihi viceret, idest Christus.* Addit autem & alias rationes, dicens, hoc Christum secisse mysterio, ut Adam de exilio liberaret, qui scilicet de paradiso in desertum eiectus est; & exemplo, ut ostenderet nobis diabolum ad meliora tendentibus invadere.

Ad primum ergo dicendum, quod Christus proponitur omnibus in exemplum per fidem, secundum illud Hebr. xxi. 2. *Aspicientes in auctorem fidei, & consummatorem Iesum.* Fides autem, ut dicitur Rom. x. 17. *est ex auditu*, non autem ex visu. Quinimmo Ioan. xx. 29. dicitur: *Beati qui non videntur, & crediderunt.* Et ideo ad hoc quod tentatio Christi esset nobis in exemplum, non oportuit quod ab hominibus videretur; sed sufficiens fuit quod hominibus narraretur.

Ad secundum dicendum, quod duplex est tentationis occasio. Una quidem ex parte hominis; puta cum aliquis se peccato propinquit facit, occasio peccandi non evitans: & talis occasio tentationis est vitanda, sicut dictum est Loth Genes. xix. 17. (a) *Ne steteris in omni regione circa Sodomam.* Alia vero tentationis occasio est ex parte diaboli, qui semper invadit ad meliora tendentibus, ut Ambrosius dicit (loc. sup. cit.) & talis tentationis occasio non est vitanda. Unde dicit Chrysostomus (alius Auctor)

super Matth. (hom. v. in op. impetf. aliquant. a princ.) quod non solum Christus ductus est in desertum a Spiritu, sed omnes filii Dei habentes Spiritum sanctum: non enim sunt contenti sedere otiosi; sed Spiritus sanctus urget eos aliquod magnum apprehendere opus; quod est esse in deserto quantum ad diabolum: quia non est ibi iniustitia, in qua diabolus delectatur. Omne etiam bonum opus est desertum, quantum ad carnem, & mundum; quia non est secundum voluntatem carnis, & mundi. Talem autem occasionem tentationis dare diabolo non est periculosum: quia magis est consilium Spiritus sancti, qui est perfecti operis auctor, quam impugnatio diaboli invidentis.

Ad tertium dicendum, quod quidam dicunt, omnes tentationes factas fuisse in deserto: quorum quidam dicunt, quod Christus ductus est in sanctam civitatem non realiter, sed secundum imaginariam visionem: quidam autem dicunt, quod etiam ipsa civitas sancta, id est Hierusalem, desertum dicitur, quia erat derelicta a Deo. Sed hoc non est necessarium: quia Marcus dicit, quod in deserto tentabatur a diabolo; non autem dicit, quod solum in deserto.

## ARTICULUS III. 228

*Utrum Christi tentatio debuerit esse post ieiunium.*

AD tertium sic proceditur. Videtur quod Christi tentatio non debuerit esse post ieiunium. Dictum enim est supra (quaest. præc. art. 2.) quod Christum non decebat conversationis austeritas. Sed maxime austeritatis fuisse videtur quod quadraginta diebus & quadraginta noctibus nihil comederit: sic enim intelligitur quadraginta diebus & noctibus ieiunasse: quia scilicet in illis diebus nullum omnino cibum sumpsit, ut Gregorius dicit (hom. xvi. in Evang. cir. med.) Ergo non videtur quod debuerit huiusmodi ieiunium tentationi præmittere.

2. Præterea, Marci 1. 13. dicitur, quod erat in deserto quadraginta diebus & quadraginta noctibus, & tentabatur a Satana. Sed quadraginta diebus & quadraginta noctibus ieiunavit. Ergo videtur quod non post ieiunium, sed simul dum ieiunaret, sit tentatus a diabolo.

3. Præ-

(a) Vulgata nec stes in omni circa regione.



3. Præterea. Christus non legitur nisi semel ieiunasse. Sed non solum semel fuit tentatus a diabolo: dicitur enim Luc. iv. 13. quod consummata omni tentatione, diabolus recessit ab illo usque ad tempus. Sicut ergo secundæ tentationi non præmisit ieiunium, ita nec primæ præmittere debuit.

Sed contra est quod dicitur Matth. iv. 2. Cum ieiunasset quadraginta diebus & quadraginta noctibus, postea esurivit: & tunc accessit ad eum tentator.

Respondetur dicendum, quod convenienter Christus post ieiunium tentari voluit. Primo quidem propter exemplum: quia cum omnibus, sicut dictum est (art. r. h. quæst.) imminet se contra tentationes tueri, per hoc quod ipse ante tentationem futuram ieiunavit, docuit quod per ieiunium nos oportet contra tentationes armari. Unde inter arma iustitiæ Apostolus ieiunia connumerat II. ad Corinth. vi. Secundo ut ostenderet quod etiam ieiunantes diabolus aggreditur ad tentandum, sicut alios qui bonis operibus vacant: & ideo sicut post baptismum, ita post ieiunium Christus tentatur. Unde Chrysostomus dicit super Matthæum (hom. xlii. parum a princ.) *Ut discas quam magnum bonum est ieiunium, & quale secum est adversus diabolum, & quoniam post baptismum non lascivia, sed ieiunio intendere oportet; ideo Christus ieiunavit, non ieiunio indigens, sed nos instruens.* Tercio quia post ieiunium secuta est esuries, quæ dedit diabolo audaciam eum aggrediendi, sicut dictum est (art. r. h. quæst. ad 1.) *Cum autem esurivit Dominus, ut Hilarius dicit super Matth. (can. iir. parum a princ.) non fuit ex surreptione inedia; sed naturæ suæ hominem dereliquit: non enim erat a Deo diabolus, sed a carne vincendus.* Unde etiam, ut Chrysostomus dicit (ut sup.) *non ultra processit in ieiunando quam Moyses, & Helias, ne incredibilis videretur carnis assumptio.*

Ad primum ergo dicendum, quod Christum non decuit conversatio austerioris vitæ, ut se communem exhiberet illis quibus prædicavit. Nullus autem debet assumere prædicationis officium, nisi prius fuerit purgatus, & in virtute perfectus; sicut & de Christo dicitur Actuum x. 1. quod cepit Iesus facere, & docere. Et ideo Christus statim post baptismum austeritatem vitæ assumpsit, ut doceret, post carnem edomitam oportere alios ad prædicationis officium transire, secun-

dum illud Apostoli I. Corinth. ix. 27. *Cæligo corpus meum, & in servitutem redigo, ne forte cum aliis prædicavero, ipse reprobus efficiar.*

Ad secundum dicendum, quod verbum illud Marci potest sic intelligi, quod erat in deserto quadraginta diebus & quadraginta noctibus, quibus scilicet ieiunavit. Quod autem dicitur, *Et tentabatur a Satana*, intelligendum est non in illis quadraginta diebus & quadraginta noctibus quibus ieiunavit, sed post illos, eo quod Matthæus dicit, quod cum ieiunasset quadraginta diebus & quadraginta noctibus, postea esurivit: ex quo sumptis tentator occasionem accedendi ad ipsum. Unde & quod subditur, *Et Angeli ministrabant ei*, consecutive intelligendum esse ostenditur ex hoc quod Matthæi iv. 11. dicitur: *Tunc reliquit eum diabolus*, scilicet post tentationem: & ecce Angeli accesserunt, & ministrabant ei. Quod vero interponit Marcus (cap. i. 13.) *Erantque cum bestis*, inducitur, secundum Chrysostomum (hom. xlii. in Matth. paulo a princ.) ad ostendendum, quale erat desertum, quia scilicet erat inivium hominibus, & bestis plenum.

Tamen secundum expositionem Bedæ (cap. v. in Marc.) Dominus tentabatur quadraginta diebus & quadraginta noctibus. Sed hoc intelligendum est non de illis tentationibus visibilibus, quas narrat Matthæus, & Lucas, quæ manifestæ factæ sunt post ieiunium, sed de quibusdam aliis impugnationibus, quas forte illo ieiunii tempore Christus est a diabolo passus.

Ad tertium dicendum, quod, sicut Ambrosius dicit super Lucam (cap. xv. sup. illud, *Et consummata omni &c.*) recessit diabolus a Christo usque ad tempus: quia postea non tentaturus, sed aperte pugnaturus advenit, tempore scilicet passionis: & tamen per illam impugnationem videbatur Christum tentare de tristitia, & odio proximorum, sicut in deserto de delectatione gulæ, & contemptu Dei per idololatriam.

## ARTICULUS IV. 229

*Utrum fuerit conveniens ordo, & modus  
tentationis Christi.*

*Op. ix. cap. xi. circa med.*

**A**D quartum sic proceditur. Videtur quod non fuerit conveniens tentationis modus, & ordo. Tentatio enim diaboli ad peccandum inducit. Sed si Christus subvenisset corporali fami convertendo lapides in panem, non peccasset; sicut non peccavit, cum panes multiplicavit, quod non fuit minus miraculum, ut turbæ esurienti subveniret. Ergo videtur quod nulla fuerit illa tentatio.

2. Præterea. Nullus persuasor convenienter tuadet contrarium ejus quod intendit. Sed diabolus statuens Christum supra pinnaculum templi, intendebat eum de superbia, seu vana gloria tentare. Ergo inconvenienter persuadet ei ut se mittat deorum, quod est contrarium superbiæ, vel vanæ gloriæ, quæ temper quærit ascendere.

3. Præterea. Una tentatio conveniens est ut fit de uno peccato. Sed in tentatione quæ fuit in monte, duo peccata persuasit, scilicet cupiditatem, & idololatricam. Non ergo conveniens videtur fuisse tentationis modus.

4. Præterea. Tentationes ad peccata ordinantur. Sed septem sunt vitia capitalia, ut in secunda parte habitum est (1. 2. quest. lxxxiv. art. 4.) non autem tentavit nisi de tribus, scilicet gula, vana gloria, & cupiditate. Non ergo videtur sufficiens tentationis modus fuisse.

5. Præterea. Post victoriam omnium victoriarum remanet homini tentatio superbiæ, vel vanæ gloriæ: quia *superbia etiam bonis operibus insidatur, ut pereant*, sicut dicit Augustinus (epist. cxxi. al. cix. ante med.). Inconvenienter ergo Matthæus ultimum ponit tentationem: cupiditatis in monte, mediam autem inanis gloriæ in templo; præsertim cum Lucas ordinet e converso.

6. Præterea. Hieronymus dicit super Matth. (sup illud cap. iv. *Non in solo pane quod propositum Christi fuit diabolus humilitate vincere, non potest*). Ergo non imperiose, & oburgando eum repellere debuit, dicens: *Vade retro Satana.*

7. Præterea. Narratio Evangelii videtur saltim continere: non enim videtur possibile quod Christus supra pinnaculum templi statui potuerit, quin ab aliis videretur; neque aliquis mons tam altus invenitur, ut inde totus mundus inspicere possit, ut sic ex eo potuerint Christo omnia regna mundi ostendi. Inconvenienter ergo videtur descripta Christi tentatio.

Sed contra est Scripturæ sacræ auctoritas (Matth. iv. & Luc. iv.)

Respondeo dicendum, quod tentatio quæ est ab hoste, fit per modum suggestionis, ut Gregorius dicit (hom. xvi. in Evang. paulo a princ.). Non autem eodem modo potest aliquid omnibus suggeri; sed unicuique suggeritur aliquid ex his circa quæ est affectus. Et ideo diabolus hominem spiritualem non statim tentat de gravibus peccatis, sed paulatim a levioribus incipit, ut postmodum ad graviora perducatur. Unde Gregorius XXXI. Moral. (cap. xvii. vers. h.) exponens illud Job xxxix. *Procul odoratur bellum exhortationem ducum, & ululatum exercitus*, dicit: „Bene dices exhortari dicti sunt, exercitus ululare: „quia prima vitia deceptæ menti quasi „sub quadam ratione se inferunt; sed „innumera quæ sequuntur, dum hanc „ad omnem infamiam pertrahunt, quasi „bestiali clamore confundunt.“

Et hoc idem diabolus observavit in tentatione primi hominis. Nam primo sollicitavit mentem primi hominis de ligni vetiti usu, dicens Genes. iii. 1. *Cur præcepit vobis Deus ut non comederetis de omni ligno paradisi?* Secundo de inani gloria, cum dixit: *Aperientur oculi vestri*. Tercio perduxit tentationem ad extremam superbiam, cum dixit: *Eritis sicut Dii, scientes bonum, & malum.*

Et hunc etiam tentandi ordinem servavit in Christo. Nam primo tentavit ipsum de eo quod appetunt quantumcumque spirituales viri, scilicet de sustentatione corporalis naturæ per cibum. Secundo processit ad id in quo spirituales viri quandoque deficient, ut scilicet aliqua ad ostentationem operentur, quod pertinet ad inanem gloriam. Tercio perduxit tentationem ad id quod jam non est spiritualium virorum, sed carnalium, scilicet ut divitias, & gloriam mundi concupiscant usque ad contemptum Dei. Et ideo in primis duas tentationibus dixit, *Si Filius Dei es*, non autem in tertia, quæ non potest con-

convenire spiritualibus vitis, qui sunt per adoptionem filii Dei, sicut dicitur princeps.

His autem tentationibus Christus restitit testimonio legis, non potestate virtutis, ut hoc ipso & plus hominem honoraret, & adversarium plus puniret, cum hostis generis humani non quasi a Deo, sed quasi ab homine vinceretur, sicut dicit Leo Papa (serm. 1. de Quadrag. cap. 111.)

Ad primum ergo dicendum, quod uti necessarii ad sustentationem non est peccatum gulae; sed quod ex desiderio huius sustentationis homo aliquid inordinatum faciat, ad vitium gulae pertinere potest. Est autem inordinatum quod aliquis, ubi potest recursum haberi ad humana subsidia, pro solo corpore sustentando, miraculose sibi cibum querere velit. Unde & Dominus filiis Israel miraculose manna praebebat in deserto, ubi aliunde cibus haberi non poterat: & similiter Christus in deserto turbas pavit miraculose, ubi aliter cibi haberi non poterant. Sed Christus ad subveniendum fami poterat aliter sibi providere, quam miracula faciendo, sicut & Ioannes Baptista fecit, ut legitur Matth. 111. vel etiam ad loca proxima properando: & ideo reputabat diabolus quod Christus peccaret, si ad subveniendum fami miracula facere attemptaret, si esset purus homo.

Ad secundum dicendum, quod per humiliationem exteriorem frequenter querit aliquis gloriam, qua exaltetur circa spiritualia bona. Unde Augustinus dicit in Lib. II. de sermone Domini in monte (cap. xix. parum a princ.) *Animadvertendum est, non in solo rerum corporum nitore, atque pompa, sed etiam in ipsis sordibus luctuosus esse posse instantiam*. Et ad hoc significandum diabolus Christo iussit ut ad querendum gloriam spiritualem corporaliter mitteret se deorsum.

Ad tertium dicendum, quod divitias, & honores mundi appetere peccatum est, quando huiusmodi inordinate appetuntur. Hoc autem praecipue manifestatur ex hoc quod pro huiusmodi adipiscendis homo aliquid inhonestum facit. Et ideo non fuit contentus diabolus persuadere cupiditatem divitiarum, & honorem; sed induxit ad hoc, quod propter huiusmodi adipiscendam Christus eum adoraret; quod est maximum scelus, & contra Deum. Nec solum dixit, *Si adoraveris me*, sed addidit, *Si cadens*: quia, ut di-

cit Ambrosius (sup. illud Luc. 14. *Duxit illum in montem &c.*) *habet ambitio domesticum periculum: ut enim dominetur aliis, prius servit, & curvatur obsequio, ut honore donetur; & dum vult esse sublimior, fit remissior*. Et similiter etiam in praecedentibus tentationibus ex appetitu unius peccati in aliud peccatum inducere est conatus; sicut ex desiderio cibi conatus est inducere in vanitatem sine causa miracula faciendi; & ex cupiditate gloriae conatus est inducere ad tentandum Deum per praecipitium.

Ad quartum dicendum, quod, sicut dicit Ambrosius super Luc. (cap. 14. in illud, *Et consummata omni &c.*) *non dixisset Scriptura, quod consummata omni tentatione, diabolus recessit ab illo, nisi in tribus praemissis esset omnium materia delictorum: quia cause tentationum cause sunt cupiditatum, scilicet carnis oblectatio, spes gloriae, & aviditas potentiae*.

Ad quintum dicendum, quod, sicut Augustinus dicit in Lib. II. de consensu Evangel. (cap. xvi.) *insertum est quid prius factum sit, utrum regna terrae prius demonstrata sint ei, & postea in pinnaculum templi locatus sit, an hoc prius, & illud postea; nihil tamen ad rem, dum omnia iusta esse manifestum sit*. Videntur autem Evangelistae diverum ordinem tenuisse: quia quandoque ex inani gloria venit ad cupiditatem, quandoque e converso.

Ad sextum dicendum, quod Christus, cum passus fuisset tentationis iniuriam, dicente sibi diabolo, *Si Filius Dei es, mitte te deorsum*, non est turbatus, nec diabolum increpavit. Quando vero diabolus Dei sibi usurpavit honorem, dicens, *Haec omnia tibi dabo, si cadens adoraveris me*, exasperatus est, & repulit eum dicens, *Vade Satana: ut nos illius discamus exemplo, nostras quidem iniurias aequanimiter sustinere, Dei autem iniurias nec usque ad auditum sustinere*.

Ad septimum dicendum, quod, sicut Chrysostomus dicit (alius Auctor hom. v. in op. imperf. cir. med.) *diabolus sic Christum assumebat in pinnaculum templi, ut ab omnibus videretur; ipse autem, ne sciente diabolo, sic agbat ut a nemine videretur*. Quod autem dicit, *Et ostendit ei omnia regna mundi, & gloriam eorum*, non est intelligendum quod videret ipsa regna, vel civitates eorum, vel populos, vel aurum, vel argentum; sed partes terrae, in quibus unumquodque regnum,

gnum, vel civitas posita est, diabolus Christo digito demonstribat, & uniuersusque regni honores, & statum verbis exponerebat. Vel secundum Origen. (hom. xxx. in Luc. ante med.) ostendit ei quomodo ipse per diversa vitia regnabat in mundo.

## QUAESTIO XLII.

*De doctrina Christi,*

*in quatuor articulos diuisa.*

**D**Einde considerandum est de doctrina Christi: & circa hoc quaruntur quatuor.

Primo, utrum Christus debuerit praedicare solum Iudæis, an etiam Gentilibus.

Secundo, utrum in sua praedicatione debuerit turbationem Iudæorum vitare.

Tertio, utrum debuerit praedicare publice, vel occulte.

Quarto, utrum debuerit docere solum verbo, vel etiam scripto.

De tempore autem quo docere incepit, supra dictum est (quaest. xxxix. art. 3.) cum de baptismo eius ageretur.

## ARTICULUS I. 230

*Utrum conueniens fuerit Christum Iudæis, & non Gentilibus praedicare.*

III. dist. 111. in exposit. lit. circa med.

**A**D primum sic proceditur. Videtur quod Christus non solum Iudæis, sed etiam Gentilibus debuerit praedicare. Dicitur enim Isa. xlix. 6. *Paruum est ut sis mihi seruus ad subiungendas tribus Israel, & facies Iacob conuerterendas: dedi te in lucem gentium, ut sis salus mea usque ad extremum terræ.* Sed lumen, & salutem Christus præbuit per suam doctrinam. Ergo videtur parum fuisse, si solum Iudæis, & non Gentilibus praedicauit.

2. Præterea. Sicut dicitur Matth. xii. 29. *Erat docens eos, sicut potestatem habens.* Sed maior potestas doctrinæ ostenditur in instructione illorum qui penitus nihil audierant, quales erant Gentiles: unde Apostolus dicit Rom. xv. 20. *Sic praedicari Evangelium hoc, non ubi nominatus est Christus, ne super alienum fundamentum edificarem.* Ergo multo magis Christus praedicare debuit Gentilibus quam Iudæis.

*S. Tb. Oper. Tom. XXIV.*

3. Præterea. Utilior est instructio multorum quam unus. Sed Christus aliquos Gentilium instruxit, sicut mulierem Samaritanam Ioan. iv. & Chananæam Matth. xv. Ergo videtur quod multo fortius Christus debuerit multitudini gentium praedicare.

Sed contra est quod Dominus dicit Matth. xv. 24. *Non sum missus nisi ad oves, quæ perierunt domus Israel.* Sed Rom. x. 15. dicitur: *Quomodo predicabunt, nisi mittantur?* Ergo Christus non debuit praedicare nisi Iudæis.

Respondeo dicendum: quod conueniens fuit praedicationem Christi tam per ipsum, quam per Apostolos a principio totis Iudæis exhiberi. Primo quidem ut ostenderet per suum adventum impleri promissiones antiquitus factas Iudæis, non autem Gentilibus. Unde Apostolus dicit Rom. xv. 8. *Dico Christum Iesum missum fuisse circumcissionis, id est Apostolum, & Praedcatorem Iudæorum, propter veritatem Dei, ad confirmandas promissiones patrum.* Secundo ut eius adventus ostenderetur esse a Deo. Quæ enim a Deo sunt, ordinata sunt, ut dicitur Rom. xiii. 1. Hoc autem debitus ordo exigebat, ut Iudæis, qui Deo erant propinquiore per hæc, & cultum unius Dei, prius doctrina Christi proponeretur, & per eos transmitteretur ad gentes; sicut etiam in cælesti hierarchia per superiores Angelos ad inferiores diuinæ illuminationes deveniunt. Unde super illud Matth. xv. *Non sum missus, nisi ad oves, quæ perierunt domus Israel,* dicit Hieronymus: „Non hoc dicit, quin & ad gentes missus sit, sed quod primum ad Israel missus est.“ Unde Isa. ult. 19. dicitur: *Mittam ex eis, qui facti fuerint, scilicet ex Iudæis, ad gentes & annuntiabunt gloriam meam gentibus....* Tertio ut Iudæis asteret calumniam materiam: unde super illud Matth. x. *In viam gentium ne abieritis,* dicit Hieronymus: „Oportebat primum adventum Christi nuntiari Iudæis, ne illam haberent excusationem, dicentes, id est, eo se Dominum reiecit, quia ad gentes, & Samaritanos Apostolos misit.“

Quarto quia Christus per crucis victoriam meruit potestatem, & dominium super gentes: unde dicitur Apocalyp. ii. 26. *Qui vicerit, dabo illi potestatem super gentes.... sicut & ego accepi a Patre meo:* & Philipp. ii. 8. dicitur, quod quia factus est obediens usque ad mortem crucis, Deus exaltavit illum, ut in no-

R

miq

*mine Iesu omne genuflectatur, & omnis lingua ei confiteatur.* Et ideo ante passionem suam noluit gentibus prædicari suam doctrinam; sed post passionem dixit discipulis *Match. ult. 19. Eantes docete omnes gentes.* Propter quod, ut legitur *Ioan. xii. 24.* cum imminente passione, quidam Gentiles vellent Iesum videre, respondit: *Nisi granum frumenti cadens in terram mortuum fuerit, ipsum solum manet; si autem mortuum fuerit, multum fructum affert: &* sicut Augustinus dicit ibidem (*Tract. li. in Ioan. cir. med.*) *se dicebat granum mortificandum in infidelitate Iudæorum, & multiplicandum in fide omnium populorum.*

Ad primum ergo dicendum, quod Christus fuit in lumen, & salutem gentium per discipulos suos, quos ad prædicandum gentibus misit.

Ad secundum dicendum, quod non est minoris potestatis, sed maioris facere aliquid per alios, quam per seipsum. Et ideo in hoc maxime potestas divina in Christo monstrata est quod discipulis suis tantam virtutem contulit in docendo, ut gentes, quæ nihil de Christo audierant, converterent ad ipsum. Potestas autem Christi in docendo attenditur & quantum ad miracula, per quæ doctrinam suam confirmabat, & quantum ad efficaciam persuadendi, & quantum ad auctoritatem loquentis, quia loquebatur quasi dominum habens super legem, cum diceret, *Ego autem dico vobis*, & etiam quantum ad virtutem reſtitutionis, quam in sua conversatione monstrabat, sine peccato vivendo.

Ad tertium dicendum, quod sicut Christus non debuit a principio indifferenter Gentilibus suam doctrinam communicare, ut Iudæis tamquam primogenito populo deditus observaretur; ita etiam non debuit Gentiles omnino repellere, ne spes salutis eis præcluderetur. Et propter hoc aliqui Gentilium particulariter sunt admissi propter excellentiam fidei, & devotionis eorum.

## ARTICULUS II. 231

*Utrum Christus debuerit Iudæis sine eorum offensione prædicare.*

**A**D secundum sic proceditur. Videtur quod Christus debuerit Iudæis sine eorum offensione prædicare. Quia, ut Augustinus dicit in *Lib. de agone*

*christiano (cap. xi. in fi.) in homine Iesu Christo se nobis ad exemplum vitæ præbuit Filius Dei.* Sed nos debemus vitare offensionem non solum fidelium, sed etiam infidelium, secundum illud *I. ad Corinth. x. 32. Sine offensione estote Iudæis, & Gentibus, & Ecclesiæ Dei.* Ergo videtur quod etiam Christus in sua doctrina offensionem Iudæorum vitare debuerit.

2. Præterea. Nullus sapiens debet facere, unde effectum sui operis impediatur. Sed per hoc quod sua doctrina Christus Iudæos turbavit, impediabatur effectus eius doctrinæ: dicitur enim *Luc. xi. 53.* quod cum Dominus Phariseos, & Scribas reprehenderet, *ceperunt graviter insistere, & os eius opprimere de multis, insidiantes ei, & querentes aliquid capere ex ore eius, ut accusarent eum.* Non ergo videtur conveniens fuisse quod eos in sua doctrina offenderet.

3. Præterea. Apostolus dicit *I. Timothei. v. 1. Seniorum ne increpaveris, sed obsecra ut patrem.* Sed Sacerdotes, & Principes Iudæorum erant illius populi seniores. Ergo videtur quod non fuerint duris increpationibus arguendi.

Sed contra est quod *Isai. viii. 14.* fuerat prophetizatum, quod Christus esset in lapidem offensionis, & petram scandalum duabus domibus Israel.

Respondeo dicendum, quod, salus multitudinis est præterenda paci quorumcumque singularium hominum. Et ideo quando aliqui sua perversitate multitudinis salutem impediunt, non est timenda eorum offensio a prædicatore, vel doctore, ad hoc quod multitudinis salutis provideat. Scribæ autem, & Pharisei, & Principes Iudæorum sua malitia plurimum impediabant populi salutem: tum quia repugnabant Christi doctrinæ, per quam solam poterat esse salus: tum etiam quia pravis suis moribus vitam populi corrumpebant. Et ideo Dominus, non obstante offensione eorum, publice veritatem docebat, quam illi oderant, & eorum vitia arguebat. Et ideo dicitur *Matth. xv. 12.* quod discipulis Domino dicentibus, *Scis quia (a) Iudæi, audito hoc verbo, scandalizati sunt?* respondit: *Sinite illos, cæci sunt, ducesque cæcorum: cæcus autem si cæco ducatur præstet, ambo in foveam cadunt.*

Ad primum ergo dicendum, quod homo sic debet esse sine offensione omnibus ut nulli det suo facto, vel dicto minus recto occasionem ruinæ; sed cum de

veritate scandalum oritur, magis est sustinendum scandalum, quam veritas relinquantur, ut Gregor. dicit (hom. vii. in Ezech. aliquant. a princ.)

Ad secundum dicendum, quod per hoc quod Christus publice Scribas, & Phariseos arguebat, non impedivit, sed magis promovit effectum suae doctrinae: quia cum eorum vitia populo innotescerent, minus avertebatur a Christo propter verba Scribarum, & Phariseorum, qui semper doctrinae Christi obstitabant.

Ad tertium dicendum, quod illud verbum Apostoli est intelligendum de illis senioribus qui non solum ætate, vel auctoritate, sed etiam honestate sunt lenes, secundum illud Num. xi. 16. *Congrega mihi septuaginta viros de senioribus Israel, quos tu nosti, quod senes populi sint.* Si autem auctoritatem senectutis in instrumentum malitiae vertant publice peccando, sunt manifeste, & acriter arguendi: sicut & Daniel dixit Dan. xiii. 52. *inveterate dierum malorum &c.*

### ARTICULUS III. 332

*Utrum Christus omnia publice docere debuerit.*

*Opusc. lx. cap. xiv.*

**A**D tertium sic proceditur. Videtur quod Christus non omnia publice docere debuerit. Legitur enim multa seniorum discipulis dixisse, sicut patet in sermone cœnæ: unde & Matth. x. 27. dicit: *Quod in aure audistis in cubilibus, predicabitur in testis.* Non ergo omnia publice docuit.

2. Præterea. Profunda sapientiae non sunt nisi perfectis exponenda, secundum illud I. ad Corinth. ii. 6. *Sapientiam loquimur inter perfectos.* Sed doctrina Christi continebat profundissimam sapientiam. Non ergo erat imperfectae multitudini communicanda.

3. Præterea. Idem est veritatem aliquam occultare silentio, & obscuritate verborum. Sed Christus veritatem, quam prædicabat, occultabat turbis obscuritate verborum: quia *sine parabolis non loquebatur ad eos*, ut dicitur Matth. xiii. 34. Ergo pari ratione poterat occultare silentio.

Sed contra est quod ipse dicit Ioan. xviii. 20. *In oculo locutus sum nihil.*

Respondeo dicendum, quod doctrina aliquis potest esse in occulto tripliciter.

Uno modo quantum ad intentionem docentis, qui intendit suam doctrinam non manifestare multis, sed magis occultare. Quod quidem contingit dupliciter: Quandoque ex invidia docentis, qui vult per suam scientiam excellere: & inde scientiam suam non vult aliis communicare: quod in Christo locum non habuit, ex cuius persona dicitur Sap. vii. 13. *Quam sine fisione didici, & sine invidia communico, & honestatem illius non abscondo:* quandoque vero hoc contingit propter inhonestatem eorum quod docentur, sicut Augustinus dicit super Ioan. (tract. xcvi. cir. fi.) *quod quaedam sunt mala quae portare non potest qualicumque pudor humanus.* Unde de doctrina haereticorum dicitur Proverb. ix. 17. *Aquae surriva dulciores sunt.* Doctrina autem Christi non est neque de errore, neque de immunditia. Et ideo Dominus dicit Marci iv. 21. *Numquid venis lucerna, id est vera, & honesta doctrina, ut sub modio ponatur?* Alio modo aliqua doctrina est in occulto, quia paucis proponitur: & sic Christus etiam nihil docuit in occulto: quia Christus omnem doctrinam suam vel turbæ toti proposuit, vel omnibus suis discipulis in communi. Unde Augustinus dicit super Ioan. (tract. cxiii. in med.) *Quis in occulto loquitur, qui coram tot hominibus loquitur; præsertim si hoc loquitur paucis, quod per eos velis innotescere multis?* Tertio modo aliqua doctrina est in occulto quantum ad modum docendi: & sic Christus quædam turbis loquebatur in occulto, parabolis utens ad annuntianda spiritualia mysteria, ad quæ capiendi non erant idonei, vel digni: & tamen melius erat eis, vel sic sub tegumento parabolarum spiritualium doctrinam audire quam omnino ea privari. Harum tamen parabolarum apertam, & nudam veritatem Dominus discipulis exponebat, per quos deveniret ad alios, qui essent idonei, secundum illud II. Timoth. ii. 2. *Quæ audisti a me per multos testes, hæc commenda fidelibus hominibus, qui idonei erunt & alios docere.* Et hoc significatum est Num. iv. ubi mandatur, quod filii Aaron involverent vasa sanctuarii, quæ Levitæ involuta portarent.

Ad primum ergo dicendum, quod, sicut Hilarius dicit super Matth. (can. x. a med.) exponens illud verbum induit, *non legimus Dominum solum suscipere nostris sermocinari, & doctrinam tradidisse*

*didisse in tenebris; sed hoc dicit, quia omnis sermo eius carnalibus tenebrae sunt, & verbum eius in fidelibus nox est. Itaque quod a se dictum est, cum liberaretur fidei, & confessionis vult esse loquendum.*

Vel secundum Hieronymum (in hunc loc.) comparative loquitur, quia videlicet erudebat eos in parvo ludææ loci respectu totius mundi, in quo erat per Apostolorum predicationem doctrina Christi publicanda.

Ad secundum dicendum, quod Dominus non omnia profunda suæ sapientiae sua doctrina manifestavit, non solum turbis, sed nec etiam discipulis, quibus dixit Ioann. xvi. 12. *Adhuc multa habeo vobis dicere, quæ non potestis portare modo.* Sed tamen quodcumque dignum dicitur aliis tradere de sua sapientia, non in occulto, sed palam proposuit, licet non ab omnibus intelligeretur. Unde Augustinus dicit super Ioan. (tract. cxiii. in med.) *Intelligendum est ita dixisse Dominum. Palam locutus sum mundo, ac si dixisset, Multi me audierunt: Et rursus non erat palam, quia non intelligebant.*

Ad tertium dicendum, quod turbis Dominus in parabolis loquebatur, sicut dictum est (in cor. ar.) quia non erant digni, nec idonei nudam veritatem accipere, quam discipulis exponerebat. Quod autem dicitur, quod *sine parabolis non loquebatur eis*, secundum Chrysostomum (hom. xlviii. in Matth. cir. prin.) intelligendum est quantum ad illum sermonem; quamvis alias sine parabolis multa turbis locutus fuerit.

Vel secundum Augustinum in Lib. de quaestionibus Evang. (scilicet secundum Matth. quaest. xv. in princ.) hoc dicitur, *non quia nihil proprie locutus est, sed quia nullum fere sermonem explicavit, ubi non per parabolam aliquid significaverit; quamvis in eo aliqua proprie dixit.*

#### ARTICULUS IV. 233

*Utrum Christus debuerit doctrinam suam scripto tradere.*

Hebr. viii. lect. 2.

**A**D quartum sic proceditur. Videtur quod Christus doctrinam suam debuerit scripto tradere. Scriptura enim inventa est ad hoc quod doctrina commendetur memoriae in futurum. Sed do-

ctrina Christi duratura erat in æternum, secundum illud Luc. xxi. 33. *Cælum, & terra transibunt, verba autem mea non transibunt.* Ergo videtur quod Christus debuerit suam doctrinam scripto mandare.

2. Præterea. Lex vetus in figura Christi præcessit, secundum illud Heb. x. 1. *Umbram habens lex futurorum bonorum.* Sed lex vetus a Deo fuit descripta, secundum illud Exodi xxiv. 12. *Dabo tibi duas tabulas lapideas, & legem, ac mandata, quæ scripsi.* Ergo videtur quod etiam Christus doctrinam suam scribere debuerit.

3. Præterea. Ad Christum, qui venerat illuminare his qui in tenebris, & umbra mortis sedent, ut dicitur Luc. 1. 79. pertinebat erroris occasiones excludere, & viam fidei aperire. Sed hoc fecisset doctrinam suam scribendo: dicit enim Augustinus in I. de consensu Evang. (cap. vii. ante med.) quod *solet nonnullos movere, cur ipse Dominus nihil scripserit, ut aliis de illo scribentibus necessitas sit credere: hoc enim illi, & maxime pagani querunt, qui Christum culpant, aut blasphemant non audent, eique tribuunt excellentissimam sapientiam, sed tamen tanquam bonini; discipulos vero eius dicunt magistro suo amplius tribuisse quam erat, ut eum Filium Dei dicerent, & Verbum Dei, per quod facta sunt omnia: & postea subdit: Videtur parati fuisse hoc de illo credere quod de se ipse scripserit, non quod alii de illo pro suo arbitrio prædicassent.* Ergo videtur quod Christus ipse doctrinam suam scripto tradere debuerit.

Sed contra est quod nulli libri ab eo scripti habentur in canone Scripturæ.

Respondeo dicendum, convenientius fuisse Christum doctrinam suam non scripisse. Primo quidem propter dignitatem ipsius: excellentiori enim doctore excellentior modus doctrinæ debetur. Et ideo Christo, tanquam excellentissimo doctore, hic modus competebar, ut doctrinam suam auditorum cordibus imprimeret. Propter quod dicitur Matth. vii. 29. *quod erat docens eos, sicut possetatem habens.* Unde etiam apud Gentiles Pythagoras, & Socrates, qui fuerunt excellentissimi doctores, nihil scribere voluerunt. Scriptura enim ordinatur ad impressionem doctrinæ in cordibus auditorum, sicut ad finem. Secundo propter excellentiam doctrinæ Christi, quæ litteris comprehendi non potest, secundum illud

Ilud Ioan. ult. 25. *Sunt & alia multa, quæ fecit Iesus, quæ si scribantur per singula, nec ipsum arboris mundum capere posse eos, qui scribendi sunt, libros: quos, sicut Augustinus dicit (tract. ult. in Ioan. ad fin.) non spatio locorum credendum est mundum capere non posse, sed capacitæ legentium comprehendere non posse.* Si autem Christus scripto doctrinam suam mandasset, nihil altius de eius doctrina homines æstimarent quam quod scriptura contineret. Tercio ut ordine quodam ab ipso doctrina ad omnes perveniret; dum ipse scilicet discipulos suos immediate docuit, qui postmodum alios verbo, & scripto docuerunt. Si autem ipsemet scripsisset, eius doctrina immediate ad omnes pervenisset. Unde & de sapientia Dei dicitur Proverb. ix. 3. *quod misit ancillas suas (a) vocare ad arcem.*

Sciendum tamen est, sicut Augustinus dicit in I. de consensu Evang. (cap. ix. & x.) aliquos Gentiles exultimasse, Christum quosdam libros scripsisse continentes quedam magica, quibus miracula faciebat, quæ disciplina christiana condemnat. *Et illi tamen qui Christi libros tales se legisse affirmant, nullam salutem faciunt, quia illum libris talibus fecisse mirantur. Divino enim iudicio sic errant, ut eosdem libros ad Petrum, & Paulum dicant tamquam epistolari titulo prænotatos, eo quod in pluribus locis simul eos cum Christo fidos viderunt. Nec mirum, si a pingentibus fingentes decepti sunt: toto enim tempore quo Christus in carne mortali cum suis discipulis vixit, nondum erat Paulus discipulus eius.*

Ad primum ergo dicendum, quod, sicut Augustinus dicit in eodem Libro (cap. ult. ad fin.) omnibus discipulis suis tamquam membris sui corporis Christus capus est. Itaque cum illi scriperunt quæ ille ostendit, & dixit, nequaquam dicendum est, quod ipse non scriperit: quandoquidem membra eius id operata sunt quod distans capite cognoverunt, quicquid enim ille de suis factis, & dictis nos legere voluit, hoc scribendum illis, tamquam suis manibus, imperavit.

Ad secundum dicendum, quod quia lex vetus in sensibilibus figuris dabatur, ideo etiam convenienter sensibilibus signis scripta fuit. Sed doctrina Christi, quæ est lex spiritus vite, scribi debuit non atramento, sed spiritu Dei vivi, non in tabulis lapideis, sed in tabulis cordis car-

nalibus, ut Apostolus dicit II. Corinth. xii. 3.

Ad certum dicendum, quod illi qui scripturæ Apostolorum de Christo credere noluerunt, nec ipsi Christo scribenti credidissent, de quo opinabantur quod magicis artibus fecisset miracula.

## QUAESTIO XLIII.

*De miraculis a Christo factis in generali,*

*in quatuor articulos divisa.*

**D**Einde considerandum est de miraculis a Christo factis: & primo in generali; secundo in speciali de singulis miraculorum generibus: tertio in particulari de transfiguratione ipsius.

Circa primum quærentur quatuor.

Primo, utrum Christus debuerit miracula facere.

Secundo, utrum fecerit ea virtute divina.

Tercio, quo tempore inceperit miracula facere.

Quarto, utrum per miracula fuerit sufficienter ostensa eius Divinitas.

## ARTICULUS I. 234

*Utrum Christus debuerit facere miracula.*

*Opusc. ix. cap. vii. & opusc. xii. cap. cxxxv. & opusc. xi. cap. xvii. & opusc. lx. cap. lxxv. princ.*

**A**D primam sic proceditur. Videtur quod Christus miracula facere non debuerit. Factum enim Christi verbo ipsius debuit concordare. Sed ipse dicit Matth. xii. 39. *Generatio mala, & adultera signum querit; & signum non dabitur ei, nisi signum Ione prophetæ.* Non ergo debuit miracula facere.

2. Præterea. Sicut Christus in secundo adventu venturus est in virtute (b) magna, & maiestate, ut dicitur Matth. xxiv. 30. ita in primo adventu venit in infirmitate, secundum illud Isa. liii. 3. *Virum dolorum, & scientem infirmitatem.* Sed operatio miraculorum magis pertinet ad virtutem quam ad infirmitatem. Ergo non fuit conveniens quod in primo adventu miracula faceret.

3. Præterea. Christus venit ad hoc ut

R 3

ho-

(a) Vocata ut vocatur. (b) Vocata multa.



homines saluaret per fidem, secundum illud Hebr. xii. 2. *Aspicientes in auctorem fidei, & consummatorem lesu*. Sed miracula diminuunt meritum fidei; unde Dominus Ioan. iv. 48. dicit. *Nisi signa, & prodigia videritis, non creditis*. Ergo non videtur quod Christus debuisset miracula facere.

Sed contra est quod ex persona aduersariorum Dei dicitur Ioan. xi. 47. *Quid facimus, quia hic homo multa signa facit*.

Respondeo dicendum, quod diuinitus conceditur homini miracula facere, propter duo. Primo quidem, & principaliter ad confirmandam veritatem quam aliquis docet: quia enim ea quae sunt fidei, humanam rationem excedunt, non possunt per rationes humanas probari, sed oportet quod probentur per argumentum diuinæ virtutis; ut dum aliquis facit opera quae solum Deus facere potest, credantur ea quae dicuntur, esse a Deo; sicut cum aliquis defert litteras annulo Regis signatas, creditur ex voluntate Regis processisse quod in illis continetur. Secundo ad ostendendam praesentiam Dei in homine per gratiam Spiritus sancti; ut dum scilicet homo facit opera Dei, credatur Deus habitare in eo per gratiam; unde dicitur Galat. iii. 5. *Qui tribuit vobis Spiritum sanctum, operatur virtutes in vobis*. Utrunque autem circa Christum erat hominibus manifestandum, scilicet quod Deus esset in eo per gratiam, non adoptionis, sed unionis, & quod eius supernaturalis doctrina esset a Deo. Et ideo convenientissimum fuit ut miracula faceret: unde ipse dicit Ioan. x. 38. *Si mihi non vultis credere, operibus credite*; & Ioan. v. 36. *Opera quae dedit mihi Pater (a), ut faciam, ipsa sunt quae testimonium perhibent de me*.

Ad primum ergo dicendum, quod hoc quod dicit, *Signum non dabitur ei, nisi signum Ione Propheta*, intelligendum est, ut Chrylologus dicit (hom. xiv. in Matth. a princ.) quod tunc non acceperunt tale signum, quale petebant, scilicet de caelo, non quod nullum signum eis dederit; vel quia signa faciebat non propter eos quos sciebat lapideos esse, sed ut alios emendaret: & ideo non eis, sed aliis illa signa dabantur.

Ad secundum dicendum, quod licet Christus venerit in infirmitate carnis,

quod manifestatur per passiones: venit tamen in virtute Dei, quod erat manifestandum per miracula.

Ad tertium dicendum, quod miracula incantum diminuunt meritum fidei, inquantum per hoc ostenditur duritia eorum qui nolunt credere ea quae Scripturis diuinis probantur, nisi per miracula. Et tamen melius est eis ut vel per miracula convertantur ad fidem, quam quod omnino in iniquitate permanent: dicitur enim I. ad Corinth. xiv. 22. quod (b) *signa data sunt infidelibus*, ut scilicet convertantur ad fidem.

## ARTICULUS II. 235

*Utrum Christus fecerit miracula diuina virtute.*

III. dist. xv. quæst. 1. art. 3. co. & dist. xvi. quæst. 1. art. 3. co. & ad 4. & IV. dist. v. quæst. 1. art. 1. & opusc. xi. cap. xvii.

**A**D secundum sic proceditur. Videtur quod Christus non fecerit miracula diuina virtute. Virtus enim diuina est omnipotens. Sed videtur quod Christus non fuerit omnipotens in miraculis faciendis: dicitur enim Marci vi. 5. quod *non poterat ibi, scilicet in patria sua, virtutem ullam facere*. Ergo videtur quod non fecerit miracula virtute diuina.

2. Præterea. Dei non est orare. Sed Christus aliquando in miraculis faciendis orabat, ut patet in suscitacione Lazari Ioan. xi. & in multiplicacione panum, ut patet Matth. xiv. Ergo videtur quod non fecerit miracula virtute diuina.

3. Præterea. Ea quae virtute diuina fiunt, non possunt virtute aliquius creaturæ fieri. Sed ea quae Christus faciebat, poterant etiam fieri in virtute aliquius creaturæ: unde & Pharisei ei dicebant, quod *in Beelzebub principe demoniorum eiciebat demonia*. Lucæ xi. 15. Ergo videtur quod Christus non fecerit miracula virtute diuina.

Sed contra est quod Dominus dicit Ioan. xiv. 10. *Pater in me manens ipse facit opera*.

Respondeo dicendum, quod, sicut in prima parte habitum est (quæst. cx. art. 4.) vera miracula sola virtute diuina fieri possunt: quia solum Deus potest mutare

(a) Vulgata ut periciam ei: ipsa opera quae ego facio, testimonium perhibent de me. (b) Vulgata: Linguae in signum sunt non fidelibus, sed infidelibus.

re naturæ ordinem; quod pertinet ad rationem miraculi. Unde Leo Papa dicit in epist. ad Flavianum ( xxviii. cap. xv. ante med. ) quod in Christo sunt duæ naturæ; una, scilicet divina, quæ fulget miraculis; altera, scilicet humana, quæ succumbit iniuriis.

Ecce tamen una eorum agit cum communicatione alterius, inquantum scilicet humana natura est instrumentum divinæ actionis, & actio humana virtutem accipit a natura divina, sicut supra habitum est ( quæst. xliii. art. 3. )

Ad primum ergo dicendum, quod hoc quod dicitur, *Non poterat ibi ullam virtutem facere*, non est referendum ad potentiam absolutam, sed ad id quod potest fieri congruenter. Non enim congruum erat ut inter in credulos operaretur miracula: unde subditur: *Et mirabatur propter incredulitatem eorum*. Secundum quem modum dicitur Gen. xviii. 17. *Nam celare potero Abraham quæ gesturus sum?* & xix. 22. *Non potero facere quicquam, donec ingrediaris illuc.*

Ad secundum dicendum, quod, sicut Chrysostomus dicit super illud Matth. xiv. *Acceptis quinque panibus, & duobus piscibus, aspiciens in celum benedixit, & fregit*, ( hom. l. parum a princ. ) oportebat credi de Christo quoniam a Patre est, & quod ei æqualis est. Et ideo ut utrumque ostendat, nunc quidem cum potestate, nunc autem oras miracula facit: & in minoribus quidem respicit in celum, puta in multiplicatione panum; in maioribus autem quæ sunt solius Dei, cum potestate a se ipso agit; puta quando peccata dimisit, mortuos suscitavit. "Quod autem dicitur Ioan. x. quod in suscitatione Lazari oculos sursum levavit, non propter necessitatem suffragii, sed propter exemplum hoc fecit: unde dicit: *Propter populum, qui circumstat, dixi, ut credant quia tu me misisti.*

Ad tertium dicendum, quod Christus alio modo expellebat daemones quam virtute demonum expellantur. Nam virtute superiorum demonum ita daemones a corporibus hominum expelluntur, quod tamen remanet dominium eorum quantum ad animam; non enim contra regnum suum diabolus agit. Sed Christus daemones expellebat non solum a corpore, sed multo magis ab anima. Et ideo Dominus blasphemiam Phariseorum dicentium eum in virtute demoniorum daemones eiicere reprobat: primo qui-

dem per hoc quod Satanæ contra seipsum non dividitur; secundo exemplo aliorum, qui daemones eiiciebant per spiritum Dei; tertio quia daemones expellere non possent, nisi ipsum vicisset virtute divina; quarto quia nulla convenientia in operibus, nec in effectu erat tibi, & Satanæ; cum Satanæ dispergere cuperet quos Christus colligebat.

## ARTICULUS III. 236

*Utrum Christus incepit facere miracula in nuptiis.*

I. dist. xlv. in expositione lit. & opusc. xi. cap. xviii. & Ioan. i. lect. 21. fin. & cap. xv. lect. 5. fin.

AD tertium sic proceditur. Videtur quod Christus non incepit miracula facere in nuptiis, mutando aquam in vinum. Legitur enim in Lib. de infantia Salvatoris; quod Christus in sua puericia multa miracula fecit. Sed miraculum de conversione aquæ in vinum fecit in nuptiis trigesimo, vel trigesimo primo anno suæ ætatis. Ergo videtur quod non incepit tunc miracula facere.

2. Præterea. Christus faciebat miracula secundum virtutem divinam. Sed virtus divina in eo a principio suæ conceptionis erat: ex tunc enim fuit Deus, & homo. Ergo videtur quod a principio miracula fecerit.

3. Præterea. Christus post baptismum, & tentationem cepit discipulos congregare, ut legitur Matth. iv. & Ioan. i. Sed discipuli præcipue congregati sunt ad ipsum propter miracula; sicut dicitur Luc. v. quod Petrum vocavit oblescentem propter miraculum quod fecerat in captura piscium. Ergo videtur quod ante miraculum quod fecit in nuptiis, fecerit alia miracula.

Sed contra est quod dicitur Ioan. ri. rr. *Hoc fecit initium signorum Iesus in Cana Galilee.*

Respondendo dicendum, quod miracula facta sunt a Christo propter confirmationem doctrinæ eius, & ad ostendendam virtutem divinam in ipso. Et ideo quantum ad primum non debuit ante miracula facere quam docere inciperet: non autem debuit incipere docere ante perfectam ætatem, ut supra habitum est ( quæst. xxxix. art. 3. ) cum de baptismo eius ageretur. Quantum autem ad se-

cundum, sic debuit per miracula Deitatem ostendere, ut crederetur veritas humanitatis ipsius. Et ideo, sicut dicit Chrysostomus super Ioan. (hom. xx. parum ante med.) *decenter non incepit signa facere in prima etate: existimassent enim phantasma esse incarnationem; & ante opportunum tempus cruci eum tradidisset.*

Ad primum ergo dicendum, quod, sicut Chrysostomus dicit super Ioan. ex verbo Ioannis Baptistae dicentis, *Ut manifestetur in Israel, propterea veni ego in aqua baptizans,* (hom. xvi. cir. med.) manifestum est quod „ illa signa quae quidam dicunt in pueritia a Christo facta, et mendacia, & fictiones sunt. Si enim a prima etate miracula fecisset Christus, neque Ioannes eum ignorasset, neque reliqua multitudo indigisset magistro ad manifestandum eum. “

Ad secundum dicendum, quod Dei virtus operabatur in Christo, secundum quod erat necessarium ad salutem humanam, propter quam carnem assumpserat. Et ideo sic miracula fecit virtute divina ut fidei de veritate carnis eius prauiudicium non fieret.

Ad tertium dicendum, quod hoc ipsum ad laudem discipulorum pertinet quod Christum secuti sunt, cum nulla eum miracula facere viderent; sicut Gregorius dicit in quadam homil. (v. in Evang. in princ.) Et Chrysostomus dicit (hom. xxii. in Ioan. parum a princ.) *Tunc signa maxime necessarium erat facere, quando discipuli iam congregati erant, & devoti, & attendentes his quae fiebant; unde subditur: Ioan. xi. 11. Et crediderunt in eum discipuli eius: non quia tunc primum crediderunt, sed quia tunc diligentius, & perfectius crediderunt. Vel discipulos vocat eos qui futuri erant discipuli, sicut exponit Augustinus in Lib. II. de consensu Evangelistarum (cap. xvii. a med.)*

## ARTICULUS IV. 237

*Utrum miracula per Christum facta sufficienter eius Divinitatem ostenderint.*

III. dist. xv. quest. i. art. i. & dist. xvi. quest. 1. art. 3. cor. & I. cons. cap. vi. & Lib. IV. cap. lv. ad 8. & quot. xi. art. 6. ad 4. & Ioan. xv. lect. 3.

**A**D quartum sic proceditur. Videtur quod miracula quae Christus fecit, non fuerint sufficientia ad ostendendam Divinitatem ipsius. Eise enim Deum, & hominem, proprium est Christo. Sed miracula quae Christus fecit, etiam ab aliis sunt facta. Ergo videtur quod non fuerint sufficientia ad ostendendam Divinitatem ipsius.

2. Præterea. Virtute divina nihil est maius. Sed aliqui fecerunt maiora miracula quam Christus: dicitur enim Ioan. xiv. 12. *Qui credit in me, opera quae ego facio, & ipse faciet, & maiora horum faciet.* Ergo videtur quod miracula quae Christus fecit, non fuerint sufficientia ad ostendendam Divinitatem ipsius.

3. Præterea. Ex particulari non sufficienter ostenditur universale. Sed quodlibet miraculorum Christi fuit quoddam particulare opus. Ergo ex nullo eorum potuit manifestari sufficienter Divinitas Christi, ad quam pertinet universale virtutem habere de omnibus.

Sed contra est quod Dominus dicit Ioan. v. 36. *Opera quae dedit mihi Pater ut faciam, ipsa testimonium perhibent de me.*

Respondeo dicendum, quod miracula, quae Christus fecit, sufficientia erant ad manifestandam Divinitatem ipsius, secundum tria. Primo quidem secundum ipsam speciem operum, quae transcendebant omnem potestatem create virtutis: & ideo non poterant fieri nisi virtute divina. Et propter hoc caecus illuminatus dicebat Ioan. ix. 32. *A saeculo non est auditum, quia aperuit quis oculos caeci nati: nisi esset hic a Deo, non poterat facere quicquam.* Secundo propter modum miracula faciendi, quia scilicet quasi ex propria potestate miracula faciebat, non autem orando, sicut alii: unde dicitur Luc. vi. 19. *quod virtus de illo exibat, & sanabat omnes:* per quod ostenditur, sicut Cyrillus dicit, (Lib. XII. Theaur. cap. xiv. cir. med.) quod „ non accipiebat alienam virtutem; sed „ cum

„ cum esset naturaliter Deus, propriam  
 „ virtutem super inermos ostendebat;  
 „ & propter hoc innumerabilia miracu-  
 „ la faciebat. „ Unde super illud Mat-  
 „ thei. viii. *Eiciebat spiritus verbo, & om-  
 „ nes male habentes curavit, dicit Chry-  
 „ sostomus (hom. xxviii. in Matth. parum  
 „ a princ.)* „ Intende quantam multitudinem  
 „ hominum curatam transcurrunt Evan-  
 „ gelistæ, non unumquemque curatum  
 „ enarrantes, sed uno verbo pelagus in-  
 „ effabile miraculorum inducentes. „ Et  
 „ ex hoc ostendebatur quod haberet virtu-  
 „ tem coequallem Deo Patri, secundum il-  
 „ lud Ioan. v. 19. *Quicumque Pater facit,  
 „ hæc & Filius similiter facit: & ibi-  
 „ dem: Sicut Pater suscitavit mortuos, &  
 „ vivificat; sic & Filius hominis quos vult  
 „ vivificat.* Tertio ex ipsa doctrina, qua  
 „ se Deum dicebat; quæ nisi vera esset,  
 „ non confirmaretur miraculis divina vir-  
 „ tute factis: & ideo dicitur Marci i. 27.  
 „ *Quenam doctrina hæc nova, quia in po-  
 „ testate spiritibus immundis imperat, &  
 „ obediunt ei?*

Ad primum ergo dicendum, quod hæc  
 erat obiectio Gentilium. Unde Augu-  
 stinus dicit in epist. ad Volusianum:  
 (cxxxvii. al. xiii. a med.) *Nullis, inquit,  
 „ competentibus signis tantæ maiestatis in-  
 „ dicta claruerunt: quia larvalis illa pur-  
 „ gatio, quæ scilicet demones effugabat, de-  
 „ bibit cura, reddita vita defunctis, si  
 „ & alia considerentur, Deo parva sunt.*  
 Hæc ad hoc respondet Augustinus: *Fate-  
 „ mur & nos talia quædam fecisse Prophe-  
 „ tas; sed & ipse Moyses, & ceteri Pro-  
 „ phetæ Dominum Iesum prophetaverunt;  
 „ & ei gloriam inagnam dederunt. Qui  
 „ propterea talia & ipse facere voluit, ne  
 „ esset absurdum, quæ per illos secerat, si  
 „ ipse etiam non faceret. Sed tamen & ali-  
 „ quid proprium facere debuit, nasci de vir-  
 „ gine, resurgere a mortuis, cælum ascen-  
 „ dere. Hoc Deo qui parum putat, quid  
 „ plus expectet igitur. Num homine assump-  
 „ tis alium mundum facere debuit, ut cum  
 „ esse credimus, per quem factus est mun-  
 „ dus? Sed nec maior mundus, nec isti æ-  
 „ qualis in hoc mundo fieri posset. Si au-  
 „ tem minorem faceret infra istum, simili-  
 „ ter hoc quoque parum putaretur. Quæ ta-  
 „ men alii fecerunt, Christus excellentius  
 „ fecit. Unde super illud Ioan. xv. *Si ope-  
 „ ra non fecissem in eis quæ nemo alius fe-  
 „ cit &c.* dicit Augustinus (tract. xxi. a  
 „ princ.) „ Nulla in operibus Christi vi-  
 „ dentur esse maiora quam suscitatio  
 „ mortuorum; quod scimus etiam anti-*

„ quos fecisse Prophetas. Fecit tamen  
 „ aliqua Christus quæ nemo alius fecit.  
 „ Sed responderetur nobis, & alios fecisse  
 „ quæ nec ipse, nec alius fecit. Sed qui  
 „ tam multa vitia, & malas valetudi-  
 „ nes, vexationeque mortalium tanta  
 „ potestate sanaret, nullus omnino legi-  
 „ tur antiquorum. Ut enim taceam,  
 „ quos iubendo, sicut occorrebat, sal-  
 „ vos singulos fecit, Marcus dicit, quod  
 „ quocumque loco introibat in vicos,  
 „ aut in villas, aut in civitates, in pla-  
 „ teis ponebant infirmos, & deprecaban-  
 „ tur cum ut vel fimbriam vestimenti  
 „ eius tangerent; & quotquot tangebant  
 „ eum, salvi fiebant. Hæc nemo alius  
 „ fecit in eis. Sic enim intelligendum  
 „ est quod ait in eis, non inter eos,  
 „ aut coram eis, sed prorsus in eis, quia  
 „ sanavit eos. Nec tamen alius quicum-  
 „ que in eis talia opera fecit: quoniam  
 „ quisquis alius homo aliquid eorum fe-  
 „ cit, ipso faciente fecit; quæ autem  
 „ ipse non illis facientibus fecit.

Ad secundum dicendum, quod Augu-  
 stinus (tract. lxxi. ad fi.) exponens il-  
 lud verbum Ioannis, inquit, quæ sint  
 ista opera maiora, quæ credentes in eum  
 erant facturi: „ An forte quod agros  
 „ ipsis transcurrentibus etiam eorum um-  
 „ bra sanabat? maius est enim quod fa-  
 „ net umbra quam fimbria. Verumta-  
 „ men quando ista Christus dicebat, ver-  
 „ borum suorum facta, & opera com-  
 „ mendabat. Cum enim dixit, Pater in  
 „ me manens ipse facit opera, quæ ope-  
 „ ra tunc dicebat, nisi verba quæ lo-  
 „ quebatur? Et eorumdem verborum  
 „ fructus erat fides illorum. Verumta-  
 „ men evangelizantibus discipulis, non  
 „ tam pauci, quam illi erant; sed gen-  
 „ tes etiam crediderunt. „ (Quæ se-  
 „ quuntur, habentur tract. lxxii.) „ Non-  
 „ ne ab ore ipsius dives ille tristis ab-  
 „ fecit, qui ab eo vitam æternæ confi-  
 „ lium quaesivit? & tamen postea quod  
 „ ab illo auditum non fecit unus, tece-  
 „ runt multi, cum per discipulos loque-  
 „ retur. Ecce maiora fecit prædicatus a  
 „ credentibus quam locutus audientibus.  
 „ Verum hoc adhuc movet quod hæc  
 „ maiora per Apostolos fecit. Non au-  
 „ tem ipsos tantum significans ait: Qui  
 „ credit in me, opera quæ ego facio, &  
 „ ipse faciet. Audi ergo, & intellige:  
 „ qui credit in me, opera quæ ego fa-  
 „ cio, & ipse faciet. Prius ergo facio,  
 „ deinde & ipse faciet: quia facio ut fa-  
 „ ciat. Quæ opera, nisi ut ex impio iu-  
 „ „ stus

„stus fiat? quod utique in illo, sed non  
 „sine illo Christus operatur. Prorsus  
 „maius hoc esse dixerim quam creare  
 „cælum, & terram. Cælum enim, &  
 „terra transibunt; prædestinatorum au-  
 „tem salus, & iustificatio permanebit.  
 „Sed & in cælis Angeli sunt opera  
 „Christi. Numquid etiam his operibus  
 „maiora facit qui cooperatur Christo ad  
 „suam iustificationem? Iudicet qui pos-  
 „test, utrum maius sit iustos creare  
 „quam impios iustificare. Certe si a-  
 „qualis est utrumque potentia, hoc ma-  
 „ioris est misericordiae. Sed omnia ope-  
 „ra Christi intelligere, ubi ait, Maiora  
 „horum faciet, nulla nos necessitas cogit.  
 „Horum enim forsitan dixit quæ  
 „illa hora faciebat. Tunc autem verba  
 „fidei faciebat. Et utique minus est  
 „verba iustitiae prædicare, quod fecit  
 „præter nos, quam impios iustificare,  
 „quod ita facit in nobis ut faciamus &  
 „nos.”

Ad tertium dicendum, quod quando  
 aliquod particulare opus proprium est a-  
 licuius agentis, tunc per illud particu-  
 lare opus probatur tota virtus agentis;  
 sicut cum ratiocinari sit proprium ho-  
 minis, ostenditur aliquis esse homo ex  
 hoc ipso quod ratiocinatur circa quod-  
 cumque particulare propositum. Et simi-  
 liter cum propria virtute miracula face-  
 re sit solius Dei, sufficienter ostensum  
 est Christum esse Deum, ex quocumque  
 miraculo quod propria virtute fecit.

#### QUAESTIO XLIV.

*De singulis miraculorum speciebus,  
 in quatuor articulos divisa.*

**D**Einde considerandum est de singulis  
 miraculorum speciebus.

Et primo de miraculis quæ fecit circa  
 spirituales substantias.

Secundo de miraculis quæ fecit circa  
 cælestia corpora.

Tertio de miraculis quæ fecit circa ho-  
 mines.

Quarto de miraculis quæ fecit circa  
 creaturas irracionales.

#### ARTICULUS I. 238

*Utrum miracula facta per Christum circa  
 spirituales substantias fuerint  
 convenientia.*

**A**D primum sic proceditur. Videtur  
 quod miracula quæ fecit Christus  
 circa spirituales substantias, non fuerint  
 convenientia. Inter spirituales enim sub-  
 stantias sancti Angeli præpollent dæmo-  
 nibus: quia, ut Augustinus dicit in III.  
 de Trinit. (cap. xv. ante med.) *spiritus*  
*vite rationalis deservit, atque peccator*  
*regitur per spiritum vite rationalem pium,*  
*& iustum.* Sed Christus non legitur ali-  
 qua miracula fecisse circa Angelos bonos.  
 Ergo nec etiam circa dæmones aliqua mi-  
 racula facere debuit.

2. Præterea. Miracula Christi ordina-  
 bantur ad manifestandam Divinitatem  
 ipsius. Sed Divinitas Christi non erat dæ-  
 monibus manifestanda, quia per hoc im-  
 pedium tulisset mysterium passionis eius,  
 secundum illud I. Cor. 11. 8. *Si cognovissent, nunquam Dominum glorie crucifi-*  
*xissent.* Ergo non debuit circa dæmones  
 aliqua miracula facere.

3. Præterea. Miracula Christi ad glo-  
 riam Dei ordinabantur: unde dicitur  
 Matth. 12. 8. quod videntes turbæ para-  
 lyticum sanatum a Christo, *timuerunt,*  
*& glorificaverunt Deum, qui dedit potesta-*  
*tem talem hominibus.* Sed ad dæmones  
 non pertinet glorificare Deum; quia non  
 est speciosa laus in ore peccatoris, ut di-  
 citur Ecclesi. 10. 9. unde & sicut dicitur  
 Marci 1. & Lucæ 10. non finebat dæ-  
 monia loqui ea quæ ad gloriam ipsius  
 pertinebant. Ergo videtur non fuisse con-  
 veniens quod circa dæmones aliqua mi-  
 racula faceret.

4. Præterea. Miracula a Christo facta  
 ad salutem hominum ordinantur. Sed  
 quædam dæmonia ab hominibus eiecta  
 fuerunt cum hominum detrimento quan-  
 doque quidem corporali, sicut dicitur  
 Marci 12. 25. quod dæmon ad præcep-  
 tum Christi exclamans, *& multum dis-*  
*scerpens hominem, exiit ab eo; & factus*  
*est sicut mortuus, ita ut multi dicerent,*  
*quia mortuus est:* quandoque etiam cum  
 damno rerum, sicut quando dæmones ad  
 eorum preces misit in porcos, quos præ-  
 cipitaverunt in mare: unde cives illius  
 regionis rogaverunt eum ut transiret a  
 finibus eorum, ut legitur Matth. 23. 12.

Ergo

Ergo videtur inconvenienter fecisse huiusmodi miracula.

Sed contra est quod Zach. xiii. 2. hoc praenuntiatum fuerat, ubi dicitur: Spiritum immundum auferam de terra.

Respondeo dicendum, quod miracula quae Christus fecit, argumenta quadam fuerunt fidei quam ipse docebat. Futurum autem erat ut per virtutem Divinitatis eius excluderet demonum potestatem ab hominibus credituris in eum, secundum illud Ioan. xii. 31. Nunc princeps huius mundi eicietur foras. Et ideo conveniens fuit quod inter alia miracula etiam obfessio a demonibus liberaretur.

Ad primum ergo dicendum, quod homines sicut per Christum erant a potestate demonum liberandi, ita per eum erant Angelis conficiendi, secundum illud Coloss. i. 20. Pacificans per sanguinem crucis eius, quae in caelis, & quae in terris sunt. Et ideo circa Angelos alia miracula hominibus demonstrare non conveniebat, nisi ut Angeli hominibus apparerent: quod quidem factum est in nativitate ipsius, & in resurrectione, & ascensione eius.

Ad secundum dicendum, quod, sicut Augustinus dicit IX. de civit. Dei (cap. xxi.) Christus tantum innouit demonibus, quantum voluit; tantum autem voluit, quantum oportuit: sed innouit eis non sicut Angelis sanctis per id quod est vita aeterna, sed per quadam temporalia suae virtutis effecta. Et primo quidem videntes Christum ecurrere post ieiunium, aestimaverunt eum non esse Filium Dei. Unde sup. illud Luc. iv. Si Filius Dei es &c. dicit Ambrosius. „ Quid tibi vult, talis sermonis exortus, nisi quia cognoverat Dei Filium esse venturum, sed venisse per inhumanitatem corporis, non putavit? „ Sed postmodum visis miraculis, ex quadam suspitione coniecit, eum esse Filium Dei. Unde super illud Marci i. Scio quod sis sanctus Dei, dicit Chrysostomus (hab. in Catena D. Thomae, & in Lib. Qq. vet. & novi Testam. quæst. lxxv. inter op. Augustini) quod „ non certam, aut firmam adventus Dei habebat notitiam; sciebat tamen ipsum esse Christum in lege promissum: „ unde dicitur Luc. iv. 41. Quia sciebant ipsum esse Christum. Quod autem ipsum confitebantur esse Filium Dei, magis erat ex quadam suspitione quam ex certitudine. Unde Beda dicit super Luc. (cap. xiv. secundum

eius ord.) Et demonia filium Dei confitebantur: Et, sicut postea dicit (ibid.) sciebant eum esse Christum: quia cum ieiunio fatigatum eum diabolus videret, verum hominem intellexit; sed quia tentando non praevaluit, utrum Filius Dei esset, dubitabat. Nunc autem per signorum potentiam vel intellexit, vel potius suspicatus est esse Filium Dei. Non ideo igitur Iudeis eum crucifigere persuasit, quia Christum Dei Filium non esse putavit, sed quia se morte illius non praevidit esse damnandum: de hoc enim mysterio a secularibus abscondito dicit Apostolus: Quod nemo principum huius saeculi cognovit: si enim cognovissent, nunquam Dominum glorie crucifixissent.

Ad tertium dicendum, quod miracula in expulsiōe demonum non fecit Christus propter utilitatem demonum, sed propter utilitatem hominum, ut ipsi eum glorificarent. Et ideo prohibuit eos loqui ea quae ad laudem ipsius pertinebant. Primo quidem propter exemplum: quia, ut dicit Athanasius (imply in epist. de Synod. Arim. & Seleuc. & Chryostomus conc. ii. de Laz. a princ.) confitebatur eius sermonem, quamvis vera faceretur, ut nos etiam assuescat, ne curremus de talibus, etiam si vera loqui videantur: nefas est enim ut cum adisti nobis Scriptura divina, instruamur a diabolo: est enim hoc periculum, quia veritati frequenter demones immiscet mendacia. Secundo quia, sicut Chrysostomus dicit (hab. in Catena D. Th.) non oportebat eos surripere officii Apostolici gloriam; nec decebat Christi mysterium lingua foetida publicari: quia non est speciosa laus in ore peccatorum. Tercio quia, ut Beda dicit (loc. sup. cit. & Theophyl. in hunc loc.) nolebat ex hoc invidiam accendere Iudeorum. Unde etiam ipsi Apostoli iubentur reticere de ipso, ne divina maiestate praedicata, passionis dispensatio differatur.

Ad quartum dicendum, quod Christus specialiter venerat docere, & miracula tacere propter utilitatem hominum principaliter quantum ad animae salutem: & ideo permisit, demones quos eiciebat, hominibus aliquid nocumentum inferre vel in corpore, vel in rebus, propter animae humanae salutem, ad hominum scilicet instructionem. Unde Chrysostomus dicit super Matth. (hom. xxix. cir. med.) quod Christus permisit demonibus in porcos ire, non quasi a demonibus permissus; sed primo quidem ut instruat magni-

gnitudinem nocuenti demonum, qui hominibus infestantur; secundo ut omnes discerent, quantam nec aduersus porcos audiant aliquid facere, nisi ipse consenserit; tertio ut ostenderet quod graviora in illos homines operati essent quam in illos porcos, nisi essent divina providentia adiuti. Et propter eandem etiam causam afflicto, eum qui a demonibus liberabatur, ad horam gravius affligi; a qua tamen afflictione eum continuo liberavit. Per hoc etiam ostenditur, ut Beda dicit (id hab. Gregor. hom. 11. in Evang. a princ.) quod *lepe, dum converti ad Deum post peccata conamur, maioribus, rogiisque antiqui bestis pulsamur insidiis: quod facit, vel ut odium virtutis incuriat, vel expulsiōis suae vindictam inuriam.* Factus est etiam homo sanatus velut mortuus, ut Hieronymus dicit (in hunc loc. Marci) quia sanatis dicitur Coloss. 111. 3. *Mortui estis, & vita vestra abscondita est cum Christo in Deo.*

## ARTICULUS II. 239

*Utrum convenienter facta fuerint miracula per Christum circa caelestia corpora.*

**A**D secundum sic proceditur. Videtur quod inconvenienter fuerint a Christo facta miracula circa caelestia corpora. Ut enim Dionysius dicit IV. c. de div. Nom. (par. IV. lect. 23.) *divinae providentiae non est naturam corrumpere, sed salvare.* Corpora autem caelestia secundum suam naturam sunt incorruptibilia, & inalterabilia, ut probatur in I. de celo (tex. 20. & seq.) Ergo non fuit conveniens ut per Christum fieret aliqua immutatio circa ordinem caelestium corporum.

3. Præterea. Secundum motum caelestium corporum temporum cursus designantur, secundum illud Genes. 1. 14. *Fiant luminaria in firmamento caeli, & sint in signa, & tempora, & dies, & annos.* Sic ergo mutato cursu caelestium corporum, mutatur temporum distinctio, & ordo. Sed non legitur hoc esse perceptum ab Astrologis, qui contemplantur sidera, & computant menses, ut dicitur Isa. xlvii. 13. Ergo videtur quod per Christum non fuerit aliqua mutatio facta circa cursum caelestium corporum.

3. Præterea. Magis competebat Christo ut faceret miracula vivens, & do-

cens, quam moriens: tum quia, ut dicitur II. ad Corinth. ult. 4. *crucifixus est ex infirmitate, sed vivit ex virtute Dei*, secundum quam miracula faciebat: tum etiam quia eius miracula confirmativa erant doctrinae ipsius. Sed in vita sua non legitur Christus aliquid miraculum circa caelestia corpora fecisse; quinimmo Phariseis petentibus ab eo signum de celo, eis dare renuit, ut habetur Matth. xxi. & xvi. Ergo videtur quod nec in morte circa caelestia corpora aliquid miraculum facere debuerit.

Sed contra est quod dicitur Luc. xxiii. *Tenebrae factae sunt in universa terra usque ad horam nonam, & obscuratus est sol.*

Respondeo dicendum, quod, sicut supra dictum est (quæst. præc. art. 4.) miracula Christi talia esse debebant ut sufficienter eum esse Deum ostenderent. Hoc autem non ita evidenter ostenditur per transmutationes corporum interiorum, quæ etiam ab aliis causis moveri possunt, sicut per transmutationem cursus caelestium corporum, quæ a solo Deo sunt immobiliter ordinata: & hoc est quod Dionysius dicit in epist. ad Polycarpum (VII. parum ante med.) *Cognoscere oportet non aliter aliquando posse aliquid perverti caelestis ordinationis, & motus, nisi causam haberet ad hoc moventem, quæ facit omnia, & mutat secundum suum sermonem.* Et ideo conveniens fuit, ut Christus miracula faceret etiam circa caelestia corpora.

Ad primum ergo dicendum, quod sicut interioribus corporibus naturale est moveri a caelestibus corporibus, quæ sunt superiora secundum naturam ordinem; ita etiam naturale est cuilibet creaturæ ut transmutetur a Deo secundum eius voluntatem. Unde Augustinus dicit XXVI. contra Faustum, (cap. 111. ante med.) & habetur in Gloss. (ordin.) Roman. xi. super illud, *Contra naturam insertus es Ecce.* „Deus creator, & conditor omnium naturarum nihil „contra naturam facit: quia id est cuius, „que rei natura, quod facit: „& ita non corrumpitur natura caelestium corporum, cum eorum cursus immutatur a Deo; corrumpere autem, si ab aliqua alia causa immutaretur.

Ad secundum dicendum, quod per miraculum a Christo factum non est perversus ordo temporum. Nam secundum quosdam illæ tenebræ, vel Solis obscuratio, quæ in passione Christi accidit, fuit

fuit propter hoc quod Sol suos radios retraxit, nulla immutatione facta circum caelestium corporum, secundum quem tempora mensurantur. Unde Hieronymus dicit super Matth. (sup. illud cap. xxvii. *A sexta autem hora:*) *Videtur luminare manus retraxisse radios suos, et: aut pendente videret Dominum, aut impij blasphemantes sua luce fruerentur.* Talis autem retractio radiorum non est sic intelligenda, quasi Sol in sua potestate habeat radios emittere, vel retrahere: non enim ex electione, sed ex natura radios emittit, ut dicit Dionysius IV. c. de div. Nom. (cir. princ. lect. 1.): *sed Sol dicitur retraxisse radios, in quantum divina virtute factum est ut Solis radii ad terram non pervenirent.* Origenes autem dicit, hoc accidisse per interpositionem nubium. Unde super Matth. dicit: (tract. xxxv. a med.) *Conveniens est intelligere quasdam tenebrosissimas nubes multas, & magnas concurrisse super Hierusalem, & terram Iudae: & ideo factae sunt tenebrae profundae a sexta hora usque ad nonam. Arbitror enim sic cetera signa quae facta sunt in passione, scilicet quod velum templi est scissum, quod terra tremuit &c. in Hierusalem tantummodo facta sunt, ita & hoc: Aut si latius voluerit quis extendere ad terram Iudae, propter hoc quod dicitur: Tenebrae factae sunt in universa terra: quod intelligitur de terra Iudae: sicut in III. lib. Reg. (cap. xviii.) dixit Abdias ad Eliam: *Vivis Dominus Deus tuus, quia non est gens, aut regnum, ubi non miseris dominus meus querere te: ostendens quod eum quiescerat in gentibus quae sunt circa Iudaeam.* Sed circa hoc magis credendum est Dionysio, qui oculata fide inexistit hoc accidisse per interpositionem Lunae inter nos & Solem: dicit enim in epist. ad Polycarpum (vii. a med.) *Inopinabiliter Soli Lunam incidentem videmus, in Aegypto scilicet existentes, ut ibidem dicitur: & designat ibi quatuor miracula.**

Quorum primum est quod naturalis eclipsis Solis per interpositionem Lunae nunquam accidit, nisi tempore coniunctionis Solis, & Lunae. Tunc autem erat Luna in oppositione ad Solem, quindecima existens, quia erat Pascha Iudeorum. Unde dicit: *Non enim erat conjunctionis tempus.*

Secundum miraculum est quod cum

circa horam sextam Luna visa fuisset simul cum Sole in medio caeli, in vespere apparuit suo loco, idest in Oriente opposita Soli. Unde dicit: *Rursum ipsam vidimus, scilicet Lunam, a nona hora, in qua, scilicet recessit a Sole cessantibus tenebris, usque ad vespertum supernaturaliter restitutam ad diametrum Solis, idest ut diametraliter esset Soli opposita.* Et sic patet quod non est turbatus conclusus temporum cursus: quia divina virtute factum est & quod ad Solem supernaturaliter accederet praeter tempus debitum, & quod a Sole recedens in locum proprium restitueretur tempore debito.

Tertium miraculum est quod naturalis eclipsis semper incipit ab occidentali parte Solis, & pervenit usque ad orientalem: & hoc ideo, quia Luna secundum proprium motum, quo movetur ab Occidente in Orientem, est velocior Sole in suo proprio motu: & ideo Luna ab Occidente veniens attingit Solem, & pertransit ipsum, ad Orientem tendens. Sed tunc Luna iam pertransiverat Solem, & distabat ab eo quasi per medietatem circuli, in oppositione existens: unde oportuit quod reverteretur ad Orientem versus Solem, & attingeret ipsum primo ex parte orientali, procedens versus Occidentem. Et hoc est quod dicit: *Eclipse etiam ipsam ex Oriente vidimus inchoatam, & usque ad solarem terminum venientem* (quia totum Solem eclipsavit) *postea regredientem.*

Quartum miraculum fuit, quod in naturali eclipsi ex eadem parte incipit Sol prius reapparere, ex qua parte incepit prius obcurari: quia scilicet Luna se Soli subiiciens, naturali suo motu Solem pertransit versus Orientem, & ita partem occidentalem Solis, quam primo occupat, primo etiam derelinquit. (a) Sed tunc Luna miraculose ab Oriente versus occidentem rediens, non pertransiit Solem, ut esset eo occidentalior: sed postquam pervenit ad terminum Solis, revertitur est versus Orientem: & ita partem Solis, quam ultimo occupavit, primo etiam derelinquit: & sic ex parte orientali inchoata fuit eclipsis, sed in parte occidentali prius incepit claritas apparere. Et hoc est quod dicit: *Et rursum vidimus non ex eodem; idest non ex eadem parte Solis, & descensum, & purificationem, sed e converso secundum diametrum factam.*

Quin-

(a) Magnam hic tractationem varietatem innotuit Theologi, & Medici: aliqui eandem invenimus, & articulo in edit. Rom. pro miraculosa (quod edit. habent, & in A. Can. edit. desit) eclipsis.



Quintum miraculum addit Chrysostomus super Matth. (hom. lxxxix. parum a princ.) dicens, quod tribus horis tunc tenebrae permanserunt, cum eclipsis Solis in momento pertranseat: non enim habet moram, ut sciunt illi qui consideraverunt. Unde datur intelligi, quod Luna quieverit sub Sole. Nisi forte velimus dicere, quod tempus tenebrarum computatur ab instanti quo Sol incepit obscurari, usque ad instanti in quo totaliter fuit repurgatus. Sed sicut Origenes dicit super Matth. (loc. sup. cit.) *adversus hoc filii seculi huius dicunt: Quomodo hoc factum tam mirabile nemo Graecorum, aut Barbarum scripsit?* Et dicit, quod quidam, nomine Philegon, in Chronicis suis scripsit, hoc in principatu Tiberii Caesaris factum; sed non signavit quod fuerit in Luna plena. Potuit ergo hoc contingere, quia Astrologi ubique terrarum tunc temporis existentes, non sollicitabantur de observanda eclipsi, quia tunc tempus non erat; sed illam obscuritatem ex aliqua passione aeris accidere putaverunt; sed in Aegypto, ubi raro nubes apparent propter aeris serenitatem, permotus est Dionysius, & socii eius ut praedicta circa illam obscuritatem observarent.

Ad tertium dicendum, quod tunc praecipue oportebat in Christo Divinitatem per miracula ostendere, quando in eo maxime apparebat infirmitas secundum humanam naturam. Et ideo in Christi nativitate stella nova in caelo apparuit: unde Maximus dicit in term. Nativit. (iv. cir. fi.) *Si praesepe despicias, erigamur oculos, & novam in caelo stellam protestantem mundo nativitatem dominicam contuere.* In passione autem adhuc maior infirmitas circa humanitatem Christi apparuit: & ideo oportuit ut maiora miracula ostenderentur circa principalia mundi luminaria: & sicut Chrysostomus dicit super Matth. (hom. lxxxix. in princ.) „ hoc est signum quod petentibus promittebat dare, dicens: Generatio prava, & adultera signum querit, & signum non dabitur ei, nisi signum Ionae Prophetae: crucem significans, & resurrectionem. Etenim multo mirabilius est in eo qui crucifixus erat, hoc fieri, quam ambulante eo, super terram.

*Utrum convenienter Christus circa homines miracula fecerit.*

**A**D tertium sic proceditur. Videtur quod inconvenienter Christus circa homines miracula fecerit. In homine enim potior est anima quam corpus. Sed circa corpora multa miracula Christus fecit; circa animas vero nulla miracula legitur fecisse: nam neque aliquos incredulos ad fidem virtuosae convertit, sed adinonendo; & exteriora miracula ostendendo; neque etiam aliquos fatuos sapientes legitur fecisse. Ergo videtur quod non convenienter sit circa homines miracula operatus.

2. Praeterea. Sicut supra dictum est (quast. praec. art. 3.) Christus faciebat miracula virtute divina, cuius proprium est subito operari, & perfecte absque adminiculo alicuius. Sed Christus non semper subito homines curavit quantum ad corpus; dicitur enim Marci vii. 23. quod *apprehensa manu caeci, eduxit eum extra vicum; & expuens in oculos eius, imperpetis manibus, interrogavit eum, si quid videret: & aspicientes ait: Video homines velut arbores ambulantes.* Deinde iterum *inseque manus super oculos eius, & cepit videre, & restitutus est ei visus, ita ut clare videret omnia.* Et sic patet quod non subito eum curavit, sed primo quidem imperfecte, & per ipsum. Ergo videtur non convenienter circa homines miracula fecisse.

3. Praeterea. Quae se invicem non consequuntur, non oportet quod simul tollerantur. Sed aegritudo corporalis non semper ex peccato causatur, ut patet per illud quod Dominus dixit Ioan. ix. 3. *Neque hic peccavit, neque parentes eius, ut caecus nasceretur.* Non ergo oportuit ut hominibus corporum curationem quatenus peccata dimitteret, sicut legitur fecisse circa paralyticum Matth. ix. praesertim quia sanatio corporalis, cum sit minus quam remissio peccatorum, non videtur esse sufficiens argumentum quod possit peccata dimittere.

4. Praeterea. Miracula Christi facta sunt ad confirmationem doctrinae ipsius, & testimonium Divinitatis eius, ut supra dictum est (quast. praec. art. 4.) Sed nullus debet impedire finem operis sui. Ergo videtur inconvenienter Christus quibusdam miraculose curatis praecipisse ut

demum

nemini dicerent, ut patet Matth. ix. & Mar. viii. præteritum quia quibusdam aliis mandavit ut miracula circa se facta publicarent; sicut Mar. v. 19. legitur, quod dixit ei quem a dæmonibus liberaverat. *Vade in domum tuam ad tuos, & annuntia eis quanta tibi Dominus fecerit.*

Sed contra est quod dicitur Marci vii. 37. *Bene omnia fecit, & surdos fecit audire, & mutos loqui.*

Respondeo dicendum, quod ea quæ sunt ad finem, debent fini esse proportionata. Christus autem ad hoc in mundum venerat, & docebat, ut homines salvos faceret, secundum illud Ioan. iii. 17. *Non enim misit Deus Filium suum in mundum, ut iudicet mundum, sed ut salvetur mundus per ipsum.* Et ideo conveniens fuit, ut Christus particulariter homines miraculose curando, ostenderet se esse universalem, & spirituales hominum salvatorem.

Ad primum ergo dicendum, quod ea quæ sunt ad finem, distinguuntur ab ipso fine. Miracula autem a Christo facta ordinabantur, sicut ad finem, ad rationalis partis salutem, quæ consistit in sapientiæ illustratione, & hominum iustificatione, quorum primum præsupponit secundum: quia, ut dicitur Sap. i. 4. *in malevolam animam non introibit sapientia, nec habitabit in corpore subdito peccatis.* Iustificare autem homines non conveniebat nisi eis volentibus: hoc enim esset & contra rationem iustitiæ, quæ rectitudinem voluntatis importat; & etiam contra rationem humanæ naturæ, quæ libero arbitrio ad bonum ducenda est, non autem per coactionem. Christus ergo virtute divina interius homines iustificavit, non tamen eis invitis: nec hoc ad miracula pertinet, sed ad miraculorum finem. Et similiter etiam virtute divina simplicibus discipulis divinam sapientiam intudit: unde dicit eis Lucæ xxi. 15. *Ego dabo vobis os, & sapientiam, cui non poterunt resistere, & contradicere omnes adversarii vestri:* quod quidem, quantum ad interiorum illuminationem, inter visibilia miracula non numeratur, sed solum quantum ad exteriorum actum, in quantum scilicet videbant homines, eos qui fuerant illiterati & simplices, tam sapientes, & constanter loqui. Unde dicitur Act. xv. 13. *Videntes Iudei Petri constantiam, & Ioannis, comperto quod homines essent sine literis, & idiotæ, admirabantur.* Et ta-

men huiusmodi spirituales effectus, etsi a miraculis visibilibus distinguantur, sunt tamen quædam testimonium doctrinæ, & virtutis Christi, secundum illud Heb. ii. 4. *Conestante Deo signis, & portentis, & variis virtutibus, & Spiritus sancti distributionibus.* Sed tamen circa animas hominum, maxime quantum ad immutandas inferiores vires, Christus aliqua miracula fecit. Unde Hieronymus super illud Matth. ix. *Surgens secutus est eum,* (seu sup. illud, *Cum transiret, vidit hominem* &c.) dicit: „Fulgur ipse, & nias, iestas Divinitatis occultæ, quæ etiam in facie relucebat humana, videntes, ad se trahere poterat ex primo alpe.” „Au.” „Et super illud Matth. xxi. *Encubabat omnes vendentes, & ementes* &c. (seu sup. illud, *Principes sacerdotum* &c.) dicit idem Hieronymus. „Mihi inter omnia signa quæ fecit Dominus, hoc videtur esse mirabilius, quod unus homo, & illo tempore contemptibilis, potuerit ad unius flagelli verbera tantam eicere multitudinem: igneum enim quiddam, atque sydereum radiabat ex oculis eius, & Divinitatis maiestas lucebat in facie eius.” „Et Origenes dicit super Ioan. (tomo 2. secundum eius ordinem, ante med.) hoc esse maius miraculum eo quod aqua conversa est in vinum: eo quod illic inanimata subsistit materia; hic vero tot infirmum hominum domantur ingenia.” Et super illud Ioan. xviii. *Abierunt retrorsum, & ceciderunt in terram,* dicit Augustinus (tract. cxiii. in Ioan. ante med.). „Una vox tantam turbamodis ferocem, armique terribilem sine teulo ullo percussit, repulit, stravit: Deus enim latebat in carne.” „Et ad idem pertinet quod dicitur Lucæ iv. 30. *quod Iesus transiens per medium illorum ibat;* ubi dicit Chrysostomus (hom. xlvii. in Ioan. parum a princ.) quod „stare in medio insidiantium, & non apprehendi, Divinitatis eminentiam ostendebat: & quod dicitur Ioan. viii. 59. *Iesus abscondit se, & exivit de templo:* ubi Theophylactus dicit: „Non abscondit se in angulo templi quasi timens, vel post murum, aut columnam diversens; sed divina potestate se invisibilem insidiantibus constituens, per medium illorum exivit.” „Ex quibus omnibus patet, quod Christus, quando voluit, virtute divina animas hominum immutavit, non solum iustificando, & sapientiam infundendo (quod pertinet ad mira-

miraculorum finem) sed etiam exterius alliciendo, vel terrendo, vel stupefaciendo: quod pertinet ad ipsa miracula.

Ad secundum dicendum, quod Christus venerat salvare mundum non solum virtute divina, sed per mysterium incarnationis ipsius. Et ideo frequenter in sanatione infirmorum non sola potestate divina utebatur, curando per modum imperiti, sed etiam aliquid ad humanitarem ipsius pertinens appendendo. Unde super illud Lucæ iv. *Singulis manus imponens, curabat omnes*, dicit Cyrillus Lib. IV. in Ioan. sup. illud Ioan. vi. *Nisi manduca-veritis carnem &c.* & hab. in Cat. D. Th. sup. Luc.) „Quamvis ut Deus potuisset „omnes verbo pelere morbos, tangit „tamen omnes, ostendens propriam car- „nem efficacem ad praestanda remedia. „Et super illud Marci viii. *Expuens in oculos eius, imposuit manibus &c.* dicit Chrysostomus ( id hab. Victor Antioche- nus in hunc loc. ) „Spuis quidem, & „manus imponit cæco, volens offende- „re quod verbum divinum operationi „adiunctum miracula perficit: manus „enim operationis est offensiva, sputum „sermonis ex ore prolati. “ Et super il- lud Ioannis ix. *Fecit lutum ex spato, & linxit lutum super oculos cæci*, dicit Au- gustinus ( tract. xlv. in Ioan. parum a princ. ) „De saliva sua lutum fecit, „quia Verbum caro factum est. “ Vel etiam ad significandum quod ipse erat, qui ex limo terræ hominem formaverat, ut Chrysostomus dicit ( hom. lv. in Ioan. ante med. )

Est autem circa miracula Christi con- siderandum, quod communiter perfectis- sima opera faciebat. Unde super illud Ioan. ii. *Omnis homo primum bonum vinum bibit*, dicit Chrysostomus ( hom. xxi. in Ioan. a med. ) „Talia sunt Christi „miracula, ut multo his quæ per na- „turam fiunt, speciosiora, & utiliora „fiant. Et similiter in instanti infirmus perfectam sanitatem conferebat: unde su- per illud Matth. viii. *Et surrexit, & ministrabat illis*, dicit Hieronymus ( seu sup. illud, *Cum venisset Iesus* ) „Sani- „tas quæ confertur a Domino, tota simul „redit. “ Specialiter autem in illo cæ- co contrarium fuit propter infidelitatem ipsius, ut Chrysostomus dicit. ( innuitur hom. ix. in Matth. parum a princ. ) Vel, sicut Beda dicit ( cap. xxxiv. in Marc. ) „quem uno verbo totum simul curare „poterat, paulatim curat, ut magnitu- „dinem humanæ cæcitatæ ostendat,

quæ vix, & quasi per gradus ad lu- cem redeat, & gratiam suam nobis in- dicet, per quam singula perfectionis incrementa adiuvat. “

Ad tertium dicendum, quod, sicut su- pra dictum est ( quæst. præc. art. 2. ) Chris- tus miracula faciebat virtute divina. Dei autem *perfecta sunt opera*, ut dicitur Deuter. xxxii. 4. Non est autem ali- quid perfectum, si finem non consequatur. Finis autem exterioris curationis per Christum factæ, est curatio animæ. Et ideo non conveniebat Christo ut alicuius corpus curaret, nisi eius curaret animam. Unde super illud Ioan. vii. *Totum hominem sanum fecit in sabbato*, dicit Augustinus ( tract. xxx. in Io. anied ) quod „curatus est, ut sanus esset in cor- „pore; & credidit, ut sanus esset in a- „nima. “ Specialiter autem paralytico dicitur: *Dimittuntur tibi peccata*, quia, ut Hieronymus dicit super Matth. ( sup. illud cap. ix. *Quid est facilius dicere?* ) „datur ex hoc nobis intelligentia, pro- „pter peccata plerisque evenire corpo- „rum debilitates: & ideo forsitan prius „dimittuntur peccata, ut causis debili- „tatis ablatis, sanitas restitueretur. “ Unde & Ioan. v. 14. dicitur; *Iam noli amplius peccare, ne deterius tibi aliquid contingat*: ubi dicit Chrysostomus ( hom. xxxvii. in Ioan. parum a princ. ) „Di- „scimus quod ex peccatis nata erat ei „agritudo. “ Quamvis autem, ut Chry- sostomus dicit super Matth. ( hom. xxx. a med. ) „quanto anima est potior cor- „pore, tanto peccatum dimittere maius „sit quam corpus sanare; quia tamen il- „lud non est manifestum, tacite roinus, „quod est manifestum, ut demonstraret „maius, & non manifestum. “

Ad quartum dicendum, quod super illud Matth. ix. *Videte, ne quis sciatur*, dicit Chrysostomus ( hom. xiii. in Matth. aliquant. a princ. ) „Non est hoc con- trarium quod hic dicitur, ei quod al- teri dicit: Vade, & annuntia gloriam Dei: erudit enim nos prohibere eos qui volunt nos propter nos laudare; si autem ad Deum gloria refertur, non debemus prohibere, sed magis in- iungere ut hoc fiat. “

ARTICULUS IV. 241

*Utrum convenienter Christus fecerit miracula circa creaturas irrationales.*

**A**D quantum sic proceditur. Videtur quod inconvenienter fecerit Christus miracula circa creaturas irrationales. Bruta enim animalia sunt nobiliora plantis. Sed Christus fecit aliquod miraculum circa plantas, puta cum ad verbum eius esset siccata ficulnea, ut dicitur Matth. xxi. Ergo videtur quod etiam circa animalia bruta miracula facere debuisset.

2. Præterea. Pœna non iuste infertur nisi pro culpa. Sed non fuit culpa ficulneæ quod in ea Christus iratum non invenit, quando non erat tempus fructuum. Ergo videtur quod inconvenienter eam siccaverit.

3. Præterea. Aqua, & aer sunt in medio cæli, & terræ. Sed Christus aliqua miracula fecit in cælo, sicut supra dictum est (art. 1. & 2. huius q.) Similiter etiam in terra, quando in eius passione terra mota est. Ergo videtur quod etiam in aere, & aqua aliqua miracula facere deberet; ut mare dividere, sicut fecit Moyses; vel etiam flumen, sicut fecerunt Iosue, & Helias; & ut herent in aere tonitrua, sicut factum est in monte Sinai, quando lex dabatur, & sicut Helias fecit III. Regum xviii.

4. Præterea. Opera miraculosa pertinent ad opus gubernationis mundi per divinam providentiam. Hoc autem opus præsupponit creationem. Inconveniens ergo videtur quod Christus in suis miraculis usus esset creatione, quando scilicet multiplicavit panes. Non ergo convenientia videntur fuisse eius miracula circa irrationales creaturas.

Sed contra est quod Christus est Dei sapientia, de qua dicitur Sap. viii. 1. quod disponit omnia suaviter.

Respondeo dicendum, quod, sicut supra dictum est (ar. præc.) miracula Christi ad hoc ordinabantur quod virtus Divinitatis cognosceretur in ipso ad hominum salutem. Pertinet autem ad virtutem Divinitatis, ut omnis creatura sit ei subiecta. Et ideo in omnibus creaturarum generibus miracula eum facere oportuit, & non solum in hominibus, sed etiam in irrationabilibus creaturis.

Ad primum ergo dicendum, quod animalia bruta propinque se habent secundum

idem genus ad hominem: unde & in eodem die cum homine facta sunt. Et quia circa corpora humana multa miracula fecerat, non oportebat quod circa corpora brutorum animalium aliqua miracula faceret; præsertim quia quantum ad naturam sensibilem, & corporalem eadem ratio est de hominibus, & de aliis animalibus, præcipue terrestribus. Pisces autem cum vivant in aqua, magis a natura hominum differunt: unde & alio die sunt facti: in quibus miraculum Christus fecit in copiosa piscium captura, ut legitur Lucæ v. & Ioan. ult. & etiam in pisce, quem Petrus cepit, & in eo invenit statorem. Quod autem porci in mare præcipitati sunt, non fuit operatio divini miraculi, sed operatio dæmonum ex permissione divina.

Ad secundum dicendum, quod, sicut Chrysostomus dicit super Matth. (hom. lxxviii. parum a princ.) cum in plantis, vel brutis aliquid tale Dominus operatur, non querat qualiter iuste siccata est ficus, si tempus non erat: hoc enim querere est ultime demencie, quia scilicet in talibus non invenitur culpa, & pœna: sed miraculum inspicere, & admirare miraculi factorem. Nec facit creator iniuriam possidenti, si creatura suo arbitrio utatur ad aliorum salutem; sed magis, ut Hilarius dicit super Matth. (can. xxi. cir. med.) in hoc bonitatis dominice argumentum reperimus: nam ubi ajerri voluit procurare per se salutis exemplum, virtutis suæ potestatem in humanis corporibus exercuit; ubi vero in consumaces formam severitatis constituabat, situri præstem damno arboris indicavit, & præcipue, ut Chrysostomus dicit (loc. cit.) in ficulnea, quæ est humidissima, ut miraculum maius appareret.

Ad tertium dicendum, quod Christus etiam in aqua, & in aere fecit miracula, quæ sibi conveniebant, quando scilicet ut legitur Matth. viii. 26. imperavit ventis, & mari; & facta est tranquillitas magna. Non autem conveniebat ei qui omnia in statum pacis, & tranquillitatis revocare venerat, ut velurbationem aeris, vel divisionem aquarum faceret. Unde Apostolus dicit Heb. xii. 18. Non accessibilis ad tractabilem, & accessibilem ignem, & turbinem, & caliginem, & procellam. Circa passionem tamen diximus est velum, ad ostendendum reiterationem mysteriorum legis; aperta sunt monumenta, ad ostendendum quod per eius mortem mortuis vita daretur;

*terra mota est, & petra scissae sunt*, ad ostendendum quod lapidea hominum corda per eius passionem emolliantur, & quod totus mundus virtute passionis eius erat in melius commutandus.

Ad quartum dicendum, quod multiplicatio panum non est facta per modum creationis, sed per additionem extraneae materiae in panes converſae. Unde Augustinus super Io. (tract. xxiv. parum a prine.) dicit: *Unde multiplicat de paucis granis segetes, inde in manibus suis multiplicavit quinque panes*. Manifestum est autem quod per conversionem grana multiplicantur in segetes.

## QUAESTIO XLV.

*De transfiguratione Christi,*

*in quatuor articulos divisa.*

**D**Einde considerandum est de transfiguratione Christi: & circa hoc quaeruntur quatuor.

Primo, utrum conveniens fuerit Christum transfigurari.

Secundo, utrum claritas transfigurationis fuerit claritas gloriosa.

Tertio, de testibus transfigurationis.

Quarto, de testimonio paternae vocis.

## ARTICULUS I. 243

*Utrum fuerit conveniens Christum transfigurari.*

*Opusc. lx. cap. xxvi.*

**A**D primum sic proceditur. Videtur quod non fuerit conveniens Christum transfigurari. Non enim competit vero corpori, ut in diversas figuras mutetur, sed corpori phantastico. Corpus autem Christi non fuit phantasticum, sed verum, ut supra habitum est (quaest. v. art. 1.) Ergo videtur quod transfigurari non debuerit.

2. Praeterea. Figura est in quarta specie qualitatis; claritas autem est in tertia, cum sit sensibilis qualitas. Assumptio ergo claritatis a Christo transfiguratio dici non debet.

3. Praeterea. Corporis gloriosi sunt quatuor dotes, ut infra dicitur (Supplem. quaest. lxxxi. & seq.) scilicet *impassibilitas, agilitas, subtilitas, & claritas*. Non ergo debuit transfigurari magis se-

cundum assumptionem claritatis, quam secundum assumptionem aliarum dotium.

Sed contra est quod dicitur Matth. xvii. 2. *quod Iesus transfiguratus est ante tres discipulorum suorum*.

Respondeo dicendum, quod Dominus discipulis suis praenuntiata sua passione, induxerat eos ad suae passionis sequelam. Oportet autem, ad hoc quod aliquis directe procedat in via, quod finem aliquem prae cognoscat; sicut sagittator non recte iacit sagittam, nisi prius signum prospexerit in quod iaciendum est.

Unde & Thomas dixit Ioan. xiv. 5. *Domine, nescimus, quo vadis: & quomodo possumus viam scire?* Et hoc praecipue necessarium est, quando via est difficilis, & aspera, & iter laboriosum, finis vero iucundus. Christus autem per suam passionem ad hoc pervenit ut gloriam obtineret non solum animae, quam habuit a principio suae conceptionis, sed etiam corporis, secundum illud Luc. ult. xxv. *Hec oportuit Christum pati, & ita intrare in gloriam suam*: ad quam etiam perducit eos qui vestigia suae passionis sequantur, secundum illud Act. xiv. 21. *Per multas tribulationes oportet nos intrare (scilicet) in regnum celorum*. Et ideo conveniens fuit ut discipulis suis gloriam suae claritatis ostenderet; quod est ipsum transfigurari, cui suos configurabit, secundum illud Philipp. iiii. 21. *Reformabit corpus humilitatis nostrae configuratum corpori claritatis suae*. Unde Beda dicit super Marc. (cap. xxxvii. secundum eius ordinem: ) *Pia provisione factum est ut contemplatione semper manentis gaudii ad breve tempus delibata, fortius adversa tolerarent*.

Ad primum ergo dicendum, quod, sicut Hieronymus dicit super Matth. (in illud cap. xvii. *Et transfiguratus est*, ) „ nemo putet Christum, per hoc quod transfiguratus dicitur, pristinam formam, & faciem perdidisse, vel amisisse corporis veritatem, & assumpsisse corpus spirituale, vel aereum; sed quomodo transformatus sit, Evangelista demonstrat, dicens: *Resplenduit facies eius, sicut sol; vestimenta autem eius facta sunt alba, sicut nix*. „ Ubi „ splendor faciei ostenditur, & candor „ describitur vestium; non substantia „ tollitur, sed gloria commutatur. „

Ad secundum dicendum, quod figura circa extremitatem corporis considera-

tur : est enim figura quæ termino , vel terminis comprehenditur . Et ideo omnia illa , quæ circa extremitatem corporis considerantur , ad figuram quodammodo pertinere videntur . Sicut autem color , ata & claritas corporis non transparentis in eius superficie attenditur . Et ideo assumptio claritatis transfiguratio dicitur .

Ad tertium dicendum , quod inter prædictas quatuor dotes sola claritas est qualitas ipsius personæ in seipsa ; aliæ vero tres dotes non percipiuntur nisi in aliquo actu , vel motu , seu passione . Ostendit igitur Christus in seipso aliqua illarum trium dotum indicia ; puta agilitatis , cum supra undas maris ambulavit ; subtilitatis , quando de claufo utero virginis exivit ; impassibilitatis , quando de manibus ludæorum vel precipitare , vel lapidare eum volentium illæsus evasit . Nec tamen propter illas transfiguratus dicitur , sed propter solam claritatem , quæ pertinet ad aspectum personæ ipsius .

## ARTICULUS II. 243

*Utrum claritas Christi in transfiguratione fuerit claritas gloriosa .*

### III. diff. xvi. quæst. II. art. I.

**A**D secundum sic proceditur . Videtur quod illa claritas non fuerit claritas gloriosa . Dicit enim quædam Glossa Bedæ supra illud Matth. xvii. *Transfiguratus est coram eis* : „ In corpore , inquit , mortali ostendit non immortalitatem , sed claritatem similem futuræ immortalitati . “ Sed claritas gloriæ est claritas immortalitatis . Non ergo illa claritas quam Christus discipulis ostendit , fuit claritas gloriæ .

2. Præterea . Super illud Luc. ix. *Non gustabunt mortem , donec videant regnum Dei* , dicit Glossa ( interl. ) idest „ glorificationem corporis in imaginaria re , præsentatione futuræ beatitudinis . “ Sed imago alicuius rei non est ipsa res . Ergo claritas illa non fuit claritas beatitudinis .

3. Præterea . Claritas gloriæ non est nisi in corpore humano . Sed claritas illa transfigurationis apparuit non solum in corpore Christi , sed etiam in vestimentis eius , & in nube lucida , quæ discipulos obumbravit . Ergo videtur quod illa claritas non fuerit claritas gloriæ .

Sed contra est quod super illud Mat-

th. xvii. *Transfiguratus est ante eos* , dicit Hieronymus . „ Qualis futurus est „ tempore iudicii , talis Apostolis apparuit . “ Et super illud Matth. xvi. *Donec videant colorem hominis venientem in regno suo* , dicit Chrysostomus ( hom. lvi. in Matth. cir. prin. ) „ Volens monstrare „ re quid est illa gloria in qua postea „ venturus est , eis in præsentia vita re „ velavit , sicut possibile erat eos discedere „ re , ut neque in Domini morte iam „ doleant . “

Respondendo dicendum , quod claritas illa , quam Christus in transfiguratione assumpsit , fuit claritas gloriæ quantum ad essentiam , non tamen quantum ad modum essendi . Claritas enim corporis gloriosi derivatur ab animæ claritate , sicut Augustinus dicit in epist. ad Dioscorum ( cxviii. al. lvi. ante med. ) Et similiter claritas corporis Christi in transfiguratione derivata est & a Divinitate ipsius , ut Damascenus dicit , ( potest colligi ex eius Lib. sentent. in cap. de *Transfigur. Christi* , ) & a gloria animæ eius . Quod enim a principio conceptionis Christi gloria animæ non redundaret ad corpus , ex quadam dispensatione divina factum est , ut in corpore passibili nostræ redemptionis expleret mysteria , sicut supra dictum est ( quæst. xiv. art. 1. ad 2. ) Non tamen per hoc adempta est Christo potestas derivandi gloriam animæ ad corpus . Et hoc quidem fecit quantum ad gloriæ claritatem in transfiguratione ; aliter tamen , quam in corpore glorificato : Nam ad corpus glorificatum redundat claritas ab anima , sicut qualitas quædam permanens , corpus afficiens ; unde fulgere corporaliter , non est miraculosum in corpore glorioso : sed ad corpus Christi in transfiguratione derivata est claritas a Divinitate , & anima eius , non per modum qualitatis immanens , & afficiens ipsum corpus , sed magis per modum passionis transeuntis , sicut cum aer illuminatur a Sole : unde ille fulgor tunc in corpore Christi apparet miraculosus fuit , sicut & hoc ipsum quod ambulavit super undas maris . Unde Dionysius dicit in epistola iv. ad Caium ( cir. med. ) *Super hominem operabatur Christus ea quæ sunt hominis : & hoc monstrat Virgo supernaturaliter concipiens , & aqua inhabilis materialium , & terrenorum pedum sustinens gravitatem .* Unde non est dicendum , sicut Hugo de S. Viatore ( id hab. Innocent. III. Lib. IV. de myster. Missæ cap. xii. ad fi. ) dicit ,

quod Christus assumpsit quatuor dotes ; claritatis in transfiguratione, agilitatis, ambulando super mare, subtilitatis, egrediendo de clauo utero Virginis, & impassibilitatis in crena, quando dedit corpus suum ad edendum, sine hoc quod dvideretur : quia dos nominat quandam qualitatē immanentem corpori glorioso : sed miraculose habuit ea, quae pertinent ad dotes . Et est simile quantum ad animam de visione, qua Paulus vidit Deum in raptu, ut in secunda parte dictum est ( 2.2. quæst. clixv. art. 3. ad 1. )

Ad primum ergo dicendum, quod ex illo verbo non ostenditur, quod claritas Christi non fuerit claritas gloriæ, sed quod non fuerit claritas corporis gloriosi, quia corpus Christi nondum erat immortale : sicut enim dispensative factum est ut in Christo gloria animæ non redundaret ad corpus ; ita fieri potuit dispensative, ut redundaret quantum ad dotem claritatis, & non quantum ad dotem impassibilitatis.

Ad secundum dicendum, quod illa claritas dicitur imaginaria fuisse, non quia esset vera claritas gloriæ, sed quia erat quædam imago repræsentans illam gloriæ perfectionem, secundum quam corpus erit gloriosum.

Ad tertium dicendum, quod sicut claritas quæ erat in corpore Christi, repræsentabat futuram claritatem corporis eius ; ita claritas vestimentorum eius designabat futuram claritatem Sanctorum, quæ superabitur a claritate Christi, sicut cantor nivis superatur a splendore Solis. Unde Gregorius dicit XXXII. Moral. ( cap. vii. a princ. ) quod vestimenta Christi facta sunt splendida, quia in supernæ claritatis culmine Sancti omnes ei hoc insigne fulgentes adhaerebunt . Vestium enim nomine iustos, quos sibi adiungit, significat, secundum illud Isaia xlix. 18. *His omnibus velut ornamento vestieris* . Nubes autem lucida significat Spiritum sancti gloriā, vel virtutem paternam, ut Origenes dicit ( hom. 111. in Matth. inter med. & fi. ) per quam Sancti in futura gloria protegentur . Quamvis etiam convenienter significare possit claritatem mundi innovari, quæ erit Sanctorum tabernaculum : unde, Petro disponente tabernacula facere, nubes lucida discipulos obumbravit.

## ARTICULUS III. 244

*Utrum testes transfigurationis convenienter fuerint induci.*

**A**D tertium sic proceditur . Videtur quod non convenienter induci fuerint testes transfigurationis . Unusquisque enim maxime potest perhibere testimonium de notis . Sed qualis esset futura gloria tempore transfigurationis Christi, nulli homini per experimentum erat adhuc notum, sed solis Angelis . Ergo testes transfigurationis magis debuerunt esse Angeli, quam homines.

2. Præterea . Testes veritatis non decet aliqua fictio, sed veritas . Moyses autem, & Helias non ibi vere affuerunt, sed imaginariæ dicit enim quædam Glossa ( colligitur ex Lib. III. de mirabilibus S. Scripturæ cap. ix. & x. inter op. Aug. ) super illud Luc. ix. *Erant autem Moyses, & Helias* &c. „ Sciendum est ( inquit ) non corpora, vel animas Moyses, & Helias ibi apparuisse, sed in subiecta creatura illa corpora fuisse formata . Potest etiam credi, angelico ministerio hoc factum esse, ut Angelii eorum personas assumerent . “ Non ergo videtur quod fuerint convenientes testes.

3. Præterea . Ad x. 43. dicitur, quod Christo omnes Prophetæ testimonium perhibent . Ergo non soli Moyses, & Helias debuerunt adesse tamquam testes, sed etiam omnes Prophetæ .

4. Præterea . Gloria Christi omnibus Christi fidelibus repromittitur, quos per suam transfigurationem ad illius gloriæ desiderium accendere voluit . Non ergo solos Petrum, & Iacobum, & Ioannem in testimonium suæ transfigurationis assumere debuit, sed omnes discipulos .

In contrarium est Evangelicæ Scripturæ autoritas . ( Matth. xvi. & Marci ix. & Luca ix. )

Respondetur dicendum, quod Christus transfigurari voluit, ut gloriā suam hominibus ostenderet, & ad eam desiderandam homines provocaret, sicut supra dictum est ( art. 1. bu. qu. ) : Ad gloriā autem æternæ beatitudinis adducuntur homines per Christum, non solum qui post eum fuerunt, sed etiam qui eum præcesserunt . Unde, eo ad passionem properante, tam turbæ quæ sequebantur, quam quæ præcedebant, ei clamabant *Mosanna*, ut dicitur Matth. xxi. quasi

salutem ab eo petentes. Et ideo conveniens fuit ut de praecedentibus ipsum testes adessent, scilicet Moyses, & Helias; & de sequentibus ipsum, scilicet Petrus, & Iacobus, & Ioannes, ut in ore duorum, vel trium testium staret hoc verbum.

Ad primum ergo dicendum, quod Christus per suam transfigurationem manifestavit discipulis corporis gloriam, quae ad solos homines pertinet. Et ideo conveniens non Angelis, sed homines ad hoc pro testibus inducuntur.

Ad secundum dicendum, quod Glossa illa dicitur esse sumpta ex Libro qui intitulatur *de mirabilibus Sacrae Scripturae*, qui non est liber authenticus, sed falso ascribitur Augustino. Et ideo illi Glossae non est standum. Dicit enim expresse Hieronymus super Matth. (in illud cap. xvii. *Et apparuerunt illis Moyses &c.*) „ Considerandum est, quod Scribis, & „ Phariseis de caelo signa poscentibus, „ dare noluit; hic vero, ut Apostolo- „ rum augeat fidem, dat signum de cae- „ lo, Helia inde decedente, quo con- „ scenderat, & Moysa ab inferis resur- „ gente. „ Quod non est sic intelligendum, quia animi Moysi suum corpus resumpserit; sed quod anima eius apparuit per aliquod corpus assumptum, sicut Angelis apparet Helias autem apparuit in proprio corpore, non quidem de caelo empyreo allato, sed de aliquo eminenti loco, quo fuerat in curru igneo raptus.

Ad tertium dicendum, quod, sicut Chrysostomus dicit super Matth. (horn. lxxv. parum a princ.) Moyses, & Helias in medium adducuntur propter multas rationes. Prima est haec: quia *enim turbae dicebant, esse esse Heliam, vel Hieremiam, aut unum ex Prophetis, capta Prophetarum secum ducit, ut saltem hinc appareant differentia servorum, & Domini.* Secunda ratio est, quia *Moses legem dedit, Helias pro gloria Domini emulator fuit: unde per hoc quod simul cum Christo apparent, excluditur calumnia Iudeorum accusantium Christum, tamquam transgressorem legis, & blasphemum, Dei sibi gloriam usurpantem.* Tertia ratio est, ut ostendat se habere fortitatem mortis, & vitae, & esse iudicem mortuorum, & vivorum, per hoc quod Moysen iam mortuum, & Heliam adhuc viventem secum ducit: Quarta ratio est, quia, sicut Lucas dicit, loquebantur cum eo de excessu, quem completurus erat in

S. Tb. Oper. Tom. XXIV.

Hierusalem, idest de passione, & morte sua. Et ideo ut super hoc discipulorum animos confirmaret, inducit eos in medium, qui se morti exposuerunt pro Deo: nam Moyses cum periculo mortis se obtulit Pharaoni, Helias vero Regi Achab. Quinta ratio est, quia volebat ut discipuli sui *emularentur Moysi mansuetudinem, & zelum Heliae.* Sextam rationem addit Hilarius (can. xviii. in Matth. a princ.) ut ostenderet scilicet se per legem, quam dedit Moyses, & per prophetas, inter quos fuit Helias praecipuus, esse praedicatum.

Ad quartum dicendum, quod alta mysteria non sunt omnibus exponenda immediate, sed per maiores suo tempore ad alios debent devenire. Et ideo, ut Chrysostomus dicit (loc. sup. cit.) *assumpsit tres tanquam potiores. Nam Petrus excellens fuit in delectione, quam habuit ad Christum, & iterum in potestate sibi commissa; Ioannes vero in privilegio amoris, quo a Christo diligebatur propter suam virginitatem, & iterum propter praerogativam evangelicae doctrinae; Iacobus autem propter praerogativam martyrii.* Et tamen hos ipsos noluit hoc quod viderant, aliis annuntiare ante resurrectionem, ne, ut Hieronymus dicit (sup. illud Matth. xvii. *Nemini dixistis &c.*) *& incredibile esset pro rei magnitudine, & post tantam gloriam apud rudes animos sequens crux scandalum faceret:* Vel etiam ne totaliter impediretur a populo. (hoc habet Remig. in Cat. D. Th.) & ut cum essent Spiritu sancto repleti, tunc gestorum spiritualium testes essent. (Hoc habet Hilar. loc. sup. cit.)

#### ARTICULUS IV. 245

Utrum convenienter auditum fuerit testimonium paterna vocis in transfiguratione.

In Cat. auct. Matth. xvii. lect. 2.

Marc. ix. lect. 1.

**A**D quartum sic proceditur. Videtur quod inconvenienter auditum fuerit testimonium paterna vocis (Matth. xvii. 3.) dicentis: *Hic est filius meus dilectus.* Quia, ut dicitur Job. xxxiii. *semel loquitur Deus, & secundo idipsum non repetit.* Sed in baptismo hoc ipsum paterna vox fuerat praelestata. Non ergo fuit conveniens quod hoc iterum protestaretur in transfiguratione.

2. Praeterea. In baptismo simul cum

S. 3

vo-



voce paterna affuit Spiritus sanctus in specie columbæ : quod in transfiguratione factum non fuit. Non ergo conveniens videtur fuisse Patris protectio.

3. Præterea. Christus docere incepit post baptismum; & tamen in baptismo vox Patris ad eum audiendum homines non induxerat. Ergo nec in transfiguratione inducere debuit.

4. Præterea. Non debent aliquibus dici ea quæ ferre non possunt, secundum illud Ioan. xvi. 12. *Adhuc habeo vobis multa dicere, quæ non potestis portare modo.* Sed discipuli vocem Patris ferre non poterant : dicitur enim Matth. xvii. 6. *quod audientes discipuli ceciderunt in faciem suam, & timuerunt valde.* Ergo non debuit vox paterna ad eos fieri.

In contrarium est auctoritas evangelicæ Scripturæ ( Matth. xvii. & Marci ix. )

Respondeo dicendum, quod adoptio filiorum Dei est per quamdam conformitatem imaginis ad filium Dei naturalem. Quod quidem sic dupliciter : primo quidem fit per gratiam viæ, quæ est conformitas imperfecta; secundo per gloriam patriæ, quæ erit conformitas perfecta, secundum illud I. Ioan. iii. 2. *Nunc filii Dei sumus, & nondum apparuit quid erimus : scimus quoniam cum apparuerit, similes ei erimus, quoniam videbimus eum sicuti est.* Quia igitur gratiam per baptismum consequimur, in transfiguratione autem præmonstrata est claritas futuræ gloriæ, ideo tam in baptismo, quam in transfiguratione conveniens fuit manifestari naturalem Christi filiationem testimonio Patris; quia solus est perfectè consensu illius perfectæ generationis simul cum Filio, & Spiritu sancto.

Ad primum ergo dicendum, quod illud verbum referendum est ad æternam Dei locutionem, qua Deus Pater Verbum unicum protulit sibi coæternum. Et tamen potest dici, quod licet idem corporali voce Deus protulerit, non tamen propter idem, sed ad ostendendum diversum modum quo homines participare possunt similitudinem filiationis æternæ.

Ad secundum dicendum, quod sicut in baptismo, ubi declaratum fuit mysterium primæ regenerationis, ostensa est operatio totius Trinitatis per hoc quod fuit ibi Filius incarnatus, apparuit Spiritus sanctus in specie columbæ, & Pa-

ter fuit ibi declaratus in voce; ita etiam in transfiguratione, quæ est sacramentum secundæ regenerationis, tota Trinitas apparuit, Pater in voce, Filius in homine, Spiritus sanctus in nube clara: quia sicut in baptismo dat innocentiam, quæ per simplicitatem columbæ designatur; ita in resurrectione dabit electis suis claritatem gloriæ, & refrigerium ab omni malo, quæ designantur in nube lucida.

Ad tertium dicendum, quod Christus venerat gratiam actualiter dare, gloriam vero promittere verbo. Et ideo convenienter in transfiguratione inducuntur homines ut ipsum audiant, non autem in baptismo.

Ad quartum dicendum, quod conveniens fuit discipulos voce paterna terri, & prosterni, ut ostenderetur quod excellentia illius gloriæ quæ tunc demonstrabatur, excedit omnem sensum, & facultatem mortalium, secundum illud Exodi xxxiii. 20. *Non videbit homo, & vivet.* Et hoc est quod Hieronymus dicit super Matth. ( sup. illud cap. xvii. *Audientes discipuli ceciderunt etc.* ) quod *humana fragilitas conspectum maioris gloriæ ferre non sustinet.* Ab hac autem fragilitate sanantur homines per Christum, eos in gloriam adducendo : quod significatur per hoc quod dixit eis: *Surge, nolite timere.*

## QUAESTIO XLVI.

*De passione Christi,*

*in duodecim articulos divisa.*

Consequenter considerandum est de his quæ pertinent ad exitum Christi de mundo, & primo de passione eius; secundo de morte; Tercio de sepultura; quarto de descensu ad inferos.

Circa passionem occurrit triplex consideratio. Prima de ipsa passione; secunda de causa efficiente passionis; tertia de fructu passionis.

Circa primum quærentur duodecim.

Primo, utrum necesse fuerit Christum pati pro liberatione hominum.

Secundo, utrum fuerit alius modus possibilis liberationis humanæ.

Tercio, utrum ille modus fuerit convenientior.

Quarto, utrum fuerit conveniens quod in cruce pateretur.

Quin

Quinto de generalitate passionis eius.

Sexto, utrum dolor quoniam in passione sustinuit, fuerit maximus.

Septimo, utrum tota anima eius patiretur.

Octavo, utrum passio eius impediret gaudium fruitionis.

Nono de tempore passionis.

Decimo de loco.

Undecimo, utrum conveniens fuerit ipsum cum latronibus crucifigi.

Duodecimo, utrum passio ipsius Christi sit divinitati attribuenda.

## ARTICULUS I. 246

*Utrum fuerit necessarium Christum pati pro liberatione humani generis.*

*III. dist. xx. art. 1. quest. 3. & art. 4. quest. 1. & opusc. III. cap. VII.*

**A**D primum sic proceditur. Videtur quod non fuerit necessarium Christum pati pro humani generis liberatione. Humanum enim genus liberari non poterat nisi a Deo, secundum illud Isa. xlv. 21. *Numquid non ego Dominus, & non est ultra Deus absque me? Deus iustus, & salvans non est praeter me.* In Deum autem non cadit aliqua necessitas, quia hoc repugnaret omnipotentiae ipsius. Ergo non fuit necessarium Christum pati.

2. Praeterea, Necessarium voluntario opponitur. Sed Christus propria voluntate est passus: dicitur enim Isa. lxxxvii. 7. *Oblatus est, quia ipse voluit.* Non ergo necessarium fuit eum pati.

3. Praeterea. Sicut in Psal. xlii. 10 dicitur, *universae viae Domini misericordia, & veritas.* Sed non videtur necessarium quod pateretur ex parte misericordiae divinae, quae sicut gratis donna tribuit, ita videtur quod gratis debita relaxet absque satisfactione: neque etiam ex parte divinae iustitiae, secundum quam homo aeternam damnationem meruerat. Ergo videtur non fuisse necessarium quod Christus pro liberatione hominum pateretur.

4. Praeterea. Angelica natura est excellentior quam humana, ut patet per Dionysium iv. cap. de div. Nom. (a princ. lect. 1.) Sed pro reparatione angelice naturae, quae peccaverat, Christus non est passus. Ergo videtur quod nec

etiam fuerit necessarium eum pati pro salute humani generis.

Sed contra est quod dicitur Ioan. xii. 14. *Sicut Moyses exaltavit serpentem in deserto, sic oportet exaltari Filium hominis; ut omnis qui credit in eum, non pereat, sed habeat vitam aeternam:* quod quidem de exaltatione in cruce intelligitur. Ergo videtur quod Christum oportuerit pati.

Respondeo dicendum, quod, sicut Philosophus docet in V. Metaph. (tex. 6.) necessarium multipliciter dicitur. Uno quidem modo quod secundum sui naturam impossibile est aliter se habere: & sic manifestum est quod non fuit necessarium Christum pati neque ex parte Dei, neque ex parte hominis. Alio modo dicitur aliquid necessarium ex aliquo exteriori: quod quidem si sit causa efficiens, vel movens, facit necessitatem coactionis; utpote cum aliquis non potest ire propter violentiam detinentis ipsum: si vero illud exterius quod necessitatem inducit, sit finis, dicitur aliquid necessarium ex suppositione finis, quando scilicet finis aliquis aut nullo modo potest esse, aut non potest esse convenienter (a) nisi tali fine praesupposito. Non ergo fuit necessarium Christum pati necessitate coactionis neque ex parte Dei, qui Christum definivit pati, neque etiam ex parte ipsius Christi, qui voluntarie passus est. Fuit autem necessarium necessitate finis: qui quidem potest tripliciter intelligi. Primo quidem ex parte nostra, qui per eius passionem liberati sumus, secundum illud Ioan. xii. 14. *Oportet exaltari filium hominis; ut omnis qui credit in eum, non pereat, sed habeat vitam aeternam.* Secundo ex parte ipsius Christi, qui per humilitatem passionis meruit gloriam exaltationis: & ad hoc pertinet quod dicitur Luc. ult. 26. *Nonne oportuit Christum pati, & sic intrare in gloriam suam?* Tertio ex parte Dei, cuius definitionem circa passionem Christi praenuntiavit in Scripturis, & praefiguravit in observantia veteris Testamenti, oportebat impleri: & hoc est quod dicitur Luc. xxii. 22. *Filius hominis secundum quod definitum est, vadit:* & Luc. ult. 44. *Haec sunt verba quae locutus sum ad vos, cum adhuc essem vobiscum, quoniam necesse est impleri omnia quae scripta sunt in lege Moysi, & Prophetis, & Psalmis de me: quoniam sic scriptum est, & sic oportet.*

S 4

(a) Ita cum esset, passum dicitur antiqui, & Nicolaus, Cud. Alex. nihil tali fine consupposito, al. nisi tali praesupposito.

*bat Christum pati, & resurgere a mortuis.*

Ad primum ergo dicendum, quod ratio illa procedit de necessitate coactionis ex parte Dei.

Ad secundum dicendum, quod ratio illa procedit de necessitate coactionis ex parte hominis Christi.

Ad tertium dicendum, quod hominem liberari per passionem Christi, conveniens fuit & misericordiae, & iustitiae eius. Iustitiae quidem, quia per passionem suam Christus satisfacit pro peccato humani generis; & ita homo per iustitiam Christi liberatur: est: misericordiae vero, quia cum homo per se satisfacere non posset pro peccato totius humanae naturae, ut supra dictum est (quaest. 1. art. 2.) Deus ei satisfactorem dedit Filium suum, secundum illud Rom. 111. 24. *Iustificati gratis per gratiam ipsius, per redemptionem quae est in Christo Iesu, quem proposuit Deus propitiorem per fidem in sanguine ipsius: & hoc fuit abundantioris misericordiae quam si peccata abique satisfactione dimisisset.* Unde dicitur Ephel. 11. 4. *Deus, qui dives est in misericordia, propter nimiam caritatem, qua dilexit nos, cum essemus mortui peccatis, convivificavit nos in Christo.*

Ad quartum dicendum, quod peccatum angeli non fuit remediabile, sicut peccatum hominis, ut ex supradictis in prima parte patet (quaest. lxiv. art. 2.)

## ARTICULUS II. 247

*Utrum fuerit possibilis alius modus liberationis humanae quam per passionem Christi.*

III. dist. xx. art. 4. quaest. 1. & opusc. 3. cap. xvii.

**A**D secundum sic proceditur. Videtur quod non fuerit possibilis alius modus liberationis humanae quam per passionem Christi. Dicit enim Dominus Ioan. xii. 24. *Nisi granum frumenti cadens in terram mortuum fuerit, ipsum solum manet, si autem mortuum fuerit, multum fructum afferit:* ubi dicit Augustinus (tract. 11. in Ioan. cir. med.) quod „seipsum granum dicebat.“ Nisi ergo mortem passus esset, aliter fructum nostrae liberationis non levisset.

2. Præterea. Matth. xxvi. 42. Dominus dicit ad Patrem: *Pater mi, si non*

*potest hic calix transire, nisi bibam illum, fiat voluntas tua.* Loquitur autem ibi de calice passionis. Ergo passio Christi præteriri non poterat: unde & Hilarius dicit (can. xxxi. in Matth. ad fin.) *Ideo calix transire non potest, nisi illum bibat, quia reparari nisi ex eius passione non possumus.*

3. Præterea. Iustitia Dei exigebat ut homo a peccato liberaretur, Christo per passionem satisfaciente. Sed Christus suam iustitiam non potest præterire: dicitur enim II. ad Timoth. 11. 13. *Si non credimus, ille fideiis permanet, negare seipsum non potest.* Seipsum autem negaret, si iustitiam suam negaret, cum ipse sit iustitia. Ergo videtur quod non fuerit possibile alio modo hominem liberari quam per passionem Christi.

4. Præterea. Fidei non potest subesse fallum. Sed antiqui Patres crediderunt Christum passurum. Ergo videtur quod non potuerit esse quin Christus pateretur.

Sed contra est quod Augustinus dicit XIII. de Trin. (cap. x. cir. princ.) *Istum modum quo nos per medietatem Dei, & hominum hominem Christum Iesum Deus liberare dignatur, asserimus bonum, & divine congruum dignitari; verum etiam offendamus, non alium modum possibilem Deo desuisse, cuius potestati cuncta aequaliter subiacent.*

Respondeo dicendum, quod aliquod potest dici possibile, vel impossibile dupliciter: uno modo simpliciter, & absolute; alio modo ex suppositione. Simpliciter igitur, & absolute loquendo, possibile fuit Deo alio modo hominem liberare quam per passionem Christi: quia non est impossibile apud Deum omne verbum, ut dicitur Luc. 1. 37. Sed ex aliqua suppositione facta, fuit impossibile. Quia enim impossibile est Dei præscientiam falli, & eius voluntatem, seu dispositionem cassari, supposita præscientia, & præordinatione Dei de passione Christi, non erat simul possibile Christum non pati, vel hominem alio modo quam per eius passionem liberari. Et est eadem ratio de omnibus his quæ sunt prædicta, & præordinata a Deo, ut in prima parte habitum est (quaest. xiv. art. 13.)

Ad primum ergo dicendum, quod Dominus ibi loquitur, supposita præscientia, & præordinatione Dei, secundum quam erat ordinatum ut fructus humanae salutis non sequeretur nisi Christo patiente.

Et similiter intelligendum est quod secundo obicitur, *Si non potest hic calix transire, nisi bibam illum*, scilicet propter hoc quod tu ita disposuisti: unde subdit: *Fiat voluntas tua*.

Ad tertium dicendum, quod hæc etiam iustitia dependet ex voluntate divina, ab humano genere satisfactionem exigente pro peccato. Nam si voluisset absque omni satisfactione hominem a peccato liberare, contra iustitiam non fecisset. Ille enim iudex non potest salva iustitia culpam sine pena dimittere, qui habet punire culpam in alium commissam, puta vel in alium hominem, vel in totam rempublicam, sive in superiorem Principem. Sed Deus non habet aliquem superiorem, sed ipse est supremum, & commune bonum totius universi. Et ideo si dimittat peccatum, quod habet rationem culpæ, ex eo quod contra ipsum committitur, nulli facit injuriam; sicut quicumque homo remittit offensam in se commissam absque satisfactione, misericorditer, & non iniuste agit. Et ideo David misericordiam petens dicebat (Psal. l. 6.) *Tibi soli peccavi*; quasi dicat, *Potes sine iniustitia mihi dimittere*.

Ad quartum dicendum, quod fides humana, & etiam Scripturæ divinæ, quibus fides instruitur, innituntur præscientiæ, & præordinationi divinæ. Et ideo eadem ratio est de necessitate quæ provenit ex suppositione eorum, & de necessitate quæ provenit ex præscientia, & voluntate divina.

### ARTICULUS III. 248

*Utrum fuerit aliquis modus convenientior ad liberationem humani generis quam per passionem Christi.*

III. dist. xviii. art. 6. quæst. 3. cor. & dist. x. art. 4. quæst. 2. & quol. iv. art. 2.

**A**D tertium sic proceditur. Videtur quod alius modus convenientior tulit liberationis humanæ quam per passionem Christi. Natura enim in sua operatione imitatur opus divinum, utpote a Deo mota, & regulata. Sed natura non facit per duo quod per unum potest facere. Cum ergo Deus poterit hominem liberare sola propria voluntate, non videtur conveniens fuisse quod ad liberationem humani generis Christi passio adderetur.

2. Præterea. Ea quæ sunt per naturam, convenientius sunt quam ea quæ sunt per violentiam: quia violentia est quædam excisio, seu casus ab eo quod est secundum naturam, ut dicitur in Lib. II. de celo (tex. 18.) Sed passio Christi mortem violentam induxit. Ergo convenientius fuisset ut Christus naturali morte moriendo hominem liberaret, quam quod pateretur.

3. Præterea. Convenientissimum videtur quod ille qui violenter, & iniuste detinet aliquid, per superioris potentiam spoliatur: unde Isa. lxx. 3. dicitur: *Gratias venundatis essis, & sine argento redimini*. Sed diabolus nullum ius in homine habebat, quem per fraudem deceperat, & per quamdam violentiam servituti subiectum detinebat. Ergo videtur convenientissimum fuisse quod Christus diabolum per solam potentiam spoliaret absque sua passione.

Sed contra est quod Augustinus dicit XIII. de Trinit. (cap. x. cir princ.) *Salvanda nostra miseræ convenienter modus alius non fuit quam per Christi passionem*.

Respondeo dicendum, quod tanto aliquis modus convenientior est ad assequendum finem, quanto per ipsum plura concurrunt quæ sunt expedientia fini. Per hoc autem quod homo per Christi passionem est liberatus, multa concurrerunt ad salutem hominis pertinentia præter liberationem a peccato. Primo enim per hoc homo cognoscit quantum Deus hominem diligit; & per hoc provocatur ad eum diligendum, in quo perfectio humanæ salutis consistit: unde Apostolus dicit Rom. v. 3. *Commendat suam caritatem Deus in nobis: quoniam cum inimici essemus, Christus pro nobis mortuus est*. Secundo quia per hoc dedit nobis exemplum obedientiæ, humilitatis, constantiæ, iustitiæ, & ceterarum virtutum in passione Christi ostensarum, quæ sunt necessariæ ad humanam salutem: unde dicitur I. Pet. ii. 21. *Christus passus est pro nobis, vobis relinquens exemplum, ut sequamini vestigia eius*. Tercio quia Christus per passionem suam non solum hominem a peccato liberavit, sed etiam gratiam iustificancem, & gloriam beatitudinis ei promeruit, ut infra dicitur (quæst. xlviii.) Quarto quia per hoc est homini induta maior necessitas se immunem a peccato conservandi, qui se sanguine Christi redemptum cogitat a peccato, secundum illud I. Corinth. vi.

20. *Empti enim estis pretio magno: glorificati, & portate Deum in corpore vestro.* Quinto quia hoc ad maiorem dignitatem hominis cessit, ut sicut homo viri fuerat, & deceptus a diabolo, ita etiam homo esset qui diabolum vincedet; & sicut homo mortem meruit, ita homo moriendo mortem superaret. Unde dicitur I. ad Corinth. xv. 57. *Deo gratias, qui dedit nobis victoriam per Dominum nostrum Iesum Christum.* Et ideo convenientius fuit quod per passionem Christi liberaremur quam per solam Dei voluntatem.

Ad primum ergo dicendum, quod natura etiam, ut aliquid convenientius faciat, plura ad unum assumit, sicut duos oculos ad videndum, & idem patet in aliis.

Ad secundum dicendum, quod, sicut Chrysostomus dicit (hab. expref. ex Athanas. in Lib. de incarnat. Verbi, & eius adventu corporali cir. med.) *Christus non sui mortem, quam non habebat, cum sit vita, sed hominum mortem venerat consumpturus. Unde non propria morte corpus deposuit, sed ab hominibus illatam sustinuit. Sed etsi agrotavisset corpus eius, & in conspectu omnium solveretur, inconvenientis erat eum qui sanaret aliorum languores, habere proprium corpus affectum languoribus. (a) Sed etsi absque morbo aliquo corpus alicubi seorsum deposuisset, ac deinde se offerret, non crederetur ei de resurrectione discrenti. Quomodo enim pateret Christi in morte victoria, nisi coram omnibus eam patiens, per incorruptionem corporis probasset extindam?*

Ad tertium dicendum, quod licet diabolus iniuste invaserit hominem; tamen homo propter peccatum iuste erat sub servitute diaboli derelictus a Deo. Et ideo conveniens fuit ut per iustitiam homo a servitute diaboli liberaretur, Christo satisfaciendo pro ipso per suam passionem. Fuit etiam hoc conveniens ad vincendam superbiam diaboli, qui esset derisor iustitiae, & amator potentiae, ut Christus diabolum vinceret, & hominem liberaret, non per solam potentiam divinitatis, sed etiam per iustitiam, & humilitatem passionis, ut Augustinus dicit XIII. de Trinitate (cap. XIII. xiv. & xv.)

## ARTICULUS IV.

149

*Utrum Christus pati debuerit in cruce.*

III. dist. xx. art. 4. quæst. 2. ad 1. & 17. cont. cap. iv. ad 17. & 18. & 11. quæst. 1. art. 2. & opusc. 11. cap. cccxxxvi.

**A**D quartum sic proceditur. Videtur quod Christus non debuerit pati in cruce. Veritas enim debet respondere figuræ. Sed in figura Christi præcesserunt omnia sacramenta veteris Testamenti, in quibus animalia gladio necabantur, & postmodum igni cremabantur. Ergo videtur quod Christus non debuerit pati in cruce, sed magis gladio, vel igne.

2. Præterea. Damascenus dicit (Lib. III. orth. Fid. cap. xx.) quod Christus non debuerit assumere (a) detestabiles passiones. Sed mors crucis videtur fuisse maxime detestabilis, & ignominiosa: unde dicitur Sap. 11. 20. *Morte turpissima condemnemus eum.* Ergo videtur quod Christus non debuerit pati mortem crucis.

3. Præterea. De Christo dicitur: *Benedictus, qui venit in nomine Domini, ut patet Matth. xxi. 9.* Sed mors crucis erat mors maledictionis, secundum illud Deuter. xxi. 23. *Maledictus est a Deo qui pendet in ligno.* Ergo videtur quod non fuerit conveniens Christum crucifigi.

Sed contra est quod dicitur Philip. 11. 8. *Factus est obediens usque ad mortem, mortem autem crucis.*

Respondeo dicendum, quod convenientissimum fuit Christum pati mortem crucis.

Primo quidem propter exemplum virtutis. Dicit enim Augustinus in Lib. lxxxiii. Qq. (quæst. xxv.) *Sapientia Dei hominem ad exemplum, quo reddeviremus, suscepit.* Pertinet autem ad vitam rectam, ea quæ non sunt metuenda, non metuere. Sunt autem homines qui quantois mortem ipsam non timeant, genus tamen mortis horrescunt. Ut ergo nulum genus mortis recte viventi homini metuendum esset, illius hominis cruce ostendendum fuit. Nihil enim erat inter omnia genera mortis illo genere execrabilius, & formidabilius.

Secun-

(a) Ita cum posterioribus mss. edidit passim. Alii Sed & si absque morbo corpus &c. perperam. (b) Ita cum antiquioribus. Edit. Rom. detestabilis, & infra detestabilis: licet in solutione detestabilis a bico.

Secundo quia hoc genus mortis maxime conveniens erat satisfaciendi pro peccato primi parentis, quod fuit ex eo quod contra mandatum Dei pomum ligni vitæ sumpt. Et ideo conveniens fuit quod Christus ad satisfaciendum pro illo peccato seipsum pateretur ligno affligi, quasi restituens quod Adam sustulerat: secundum illud Psal. lxxviii. 5. *Quæ non rapui, tunc exovebam.* Unde Augustinus dicit in quodam sermone de passionem (implic. serm. ci. de temp. ante med.) *Contempsit Adam præceptum, accipiens ex arbore pomum; sed quisquid Adam perdidit, Christus in cruce invenit.*

Tertia ratio est, quia, ut Chrysostomus dicit in sermone de passione (scilicet hom. de cruce, & latrone aliquant. a princ.) in excello ligno, & non sub tellio passus est, ut etiam ipse aeris natura munderetur. Sed & ipsa terra simile beneficium sentiebat, decurrentis de latere sanguinis stillatione munda. Et super illud Ioan. xii. *Oportet exaltari filium hominis,* dicit Theophylactus (& Athanas. Lib. de passione & cruce Domini a med.) *Exaltari audiens, suspensionem intelligit, gas in altum, ut sanctificaret aerem, qui sanctificaverat terram ambulando in ea.*

Quarta ratio est, quia per hoc quod in alto moritur, ascensum nobis parat in cælum, ut Chrysostomus dicit (Id hab. expref. Athanas. loc. cit. art. præc. ad 2.) Et inde est quod ipse dicit Ioan. xii. 32. *Ego si exaltatus fuero a terra, omnia traham ad meipsum.*

Quinta ratio est, quia hoc competit universali saluationi totius mundi. Unde Gregor. Nyssen. dicit (serm. 1. de resurrectione. vers. li. & Damasc. L. IV. orth. Fid. cap. xxi. cir. med. & August. epist. cxi. al. cxx. cap. xxvi.) quod *figura crucis a medio (a) contactu in quatuor extrema partita, significat virtutem, & providentiam eius qui in ea pendit, ubique diffusam.* Chrysostomus etiam dicit, (hoc etiam hab. Athan. loc. cit. art. præc. ad 2.) quod in cruce *expansis manibus moritur, ut altera manu veterem populum, altera eos qui ex gentibus sunt, trahat.*

Sexta ratio est, quia per hoc genus mortis diversæ virtutes designantur. Unde Augustinus dicit in Lib. de gratia veteris, & novi Testamenti: (scilicet epist. cxi. al. cxx. cap. xxvi. a med.) *Non frustra tale genus mortis elegit, ut latitu-*

*dinis, & altitudinis, & longitudinis, & profunditatis, de quibus Apostolus loquitur, magister existeret. Nam latitudo, quæ est in eo ligno, quod transversum desuper figitur, hoc ab bona opera pertinet: quia ibi extenduntur manus. Longitudo in eo quod ab ipso ligno usque ad terram conspicuum est: ibi enim quodammodo statuit, idest persisterit, & perseveravit; quod longanimitati tribuitur. Altitudo est in ealigini parte quæ ab illa quæ transversum figitur, sursum versus relinquitur, hoc est ad caput crucifixi: quia bene sperantium superna expectatio est. Iam vero illud ex ligno, quod fixum occultatur, unde totum illud exurgit, profunditatem significat gratiæ gratiæ. Et, sicut Augustinus super Ioan. (tract. cxxx. parum a princ.) dicit, lignum, in quo fixa erant membra patientis, etiam cathedra fuit magistri docentis.*

Septima ratio est, quia hoc genus mortis plurimis figuris respondet. Ut enim Augustinus dicit in sermone de passione (hab. aliquid serm. ci. de temp. ante med.) *de diluvio aquarum humanum genus arca lignæ liberavit; de Ægypto dei populo recedente, Moyses mare virga divisi, & Pharaonem prostravit, & populum Dei redemit; idem Moyses lignum in aquam misit, & amaram aquam in dulcedinem commutavit; & lignæ virga de spiritali petra salutaris unda profertur; & ut Amalech vinceretur, circa virgam Moyses expansis manibus extenditur; & lex Dei arce Testamenti creditur lignæ, ut his omnibus ad lignum crucis, quæ per quodam gradus, veniatur.*

Ad primum ergo dicendum, quod altare holocaustorum, in quo sacrificia animalium offerebantur, erat factum de lignis, ut habetur Exodi xxvi. & quantum ad hoc veritas respondet figuræ; non autem oportet quod quantum ad omnia: quia iam non esset similitudo, sed veritas, ut Damascenus dicit in III. Lib. (orth. Fid. cap. xxvi. in fi.) Specialiter tamen, ut Chrysostomus dicit (Id etiam hab. Athan. loc. cit. art. præc. ad 2.) *non caput ei amputatur, ut Ioanni; neque scissus est, ut Iudas; ut corpus integrum, & indivisibile morti servet, & non fiat occasio volentibus Ecclesiam dividere.* Loco autem materialis ignis fuit in holocausto Christi ignis caritatis.

Ad secundum dicendum, quod Christus detrahentes passiones assumere nonuit, quæ pertinebant ad defectum scientiæ,

(2) *Id est cum m. dicit passio. A. tr. illud, quod vult Garcia.*

tiae, vel gratiam; aut etiam virtutis; non autem illas quae pertinent ad iniuriam ab exteriori illatam; quinimmo, ut dicitur Hebr. xii. 2. *sustinuit crucem, confusione contempta.*

Ad tertium dicendum, quod, sicut Augustinus dicit XLV. contra Faustum (cap. vi.) peccatum maledictum est, & per consequens mors, & mortalitas ex peccato proveniens. Caro autem Christi mortalis fuit, similitudinem habens carnis peccati; & propter hoc Moyses eam nominat maledictum; sicut & Apostolus nominat eam peccatum, dicens II. ad Corinth. v. 21. *Eum qui non noverat peccatum, pro nobis peccatum fecit, scilicet propter poenam peccati.* Nec ideo maior invidia est, quia dixit: *Maledictus est a Deo: nisi enim Deus peccatum odisset, & mortem nostram, non ad eam suscipiendam, atque tollendam Filium suum mitteret. Conscire ergo maledictum suscepisse pro nobis, quem confiteris mortuum esse pro nobis.* Unde ad Galat. iii. 13. dicitur: *Christus in nos redemit de maledicto legis, factus pro nobis maledictum.*

#### ARTICULUS V. 250

*Utrum Christus omnes passiones sustinuerit.*

*Inf. quæst. xlviii. art. 2.*

**A**D quintum sic proceditur. Videtur quod Christus omnes passiones sustinuerit. Dicit enim Hilar. X. de Trinit. (aliquant. a princ.) *Unigenitus Dei ad peragendum mortis suae sacramentum, conjunxerat se omne humanarum genus passionum seclatur, cum inclinato capite emisit spiritum.* Videtur ergo quod omnes passiones humanas sustinuerit.

2. Præterea. Isa. lii. 13. dicitur: *Ece intelliges servus meus, & exaltabitur, & elevabitur, & sublimis erit valde; sicut obstupuerunt super eum multi, sic gloriosus erit inter viros apellus eius, & forma eius inter filios hominum.* Sed Christus est exaltatus, secundum hoc quod habuit omnem gratiam, & omnem scientiam, pro quo super eum multi admirantes obstupuerunt. Ergo videtur quod ingloriosus fuerit, sustinendo omnem passionem humanam.

3. Præterea. Passio Christi ordinata est ad liberationem hominis a peccato, ut supra dictum est (art. 3. hu. quæst.) Sed Christus venit liberare homines ab omni

genere peccatorum. Ergo debuit pati omnem genus passionum.

Sed contra est quod dicitur Ioan. xix. 32. *quod milites primi quidem frangerunt crura, & alterius, qui crucifixus est cum eo; ad lesum autem cum venissent, non frangerunt eius crura.* Non ergo passus est omnem humanam passionem.

Respondeo dicendum, quod passiones humanæ possunt considerari dupliciter. Uno modo quantum ad speciem; & sic non oportuit Christum pati omnem passionem: quia multæ passionum species sibi invicem contrariantur, sicut combustio in igne, & submersio in aqua: loquimur enim nunc de passionibus ab extrinseco illatis, quia passiones ab intrinseco casualas, sicut sunt ægritudines corporales, non decuit eum pati, ut supra dictum est (quæst. xiv. art. 4.) Sed secundum genus passus est omnem passionem humanam. Quod quidem potest considerari tripliciter. Uno modo ex parte hominum, a quibus passus est. Passus est enim aliquid & a Gentilibus, & a Iudeis, & a masculis, & a feminis, ut patet de ancillis accusantibus Petrum. Passus est etiam & a principibus, & a ministris eorum, & a popularibus, secundum illud Psal. ii. 1. *Quare fremuerunt gentes, & populi inenitanti sunt inania? Astiterunt Reges terre, & principes convenerunt in unum adversus Dominum, & adversus Christum eius.* Passus est etiam a familiaribus & notis; sicut patet de Iuda eum prodente, & Petro ipsum negante. Alio modo patet idem ex parte eorum in quibus homo potest pati. Passus est enim Christus in suis amicis eum deferentibus; in fama per blasphemias contra eum prolatis; in honore, & gloria per irrisiones, & contumelias ei illatas; in rebus per hoc quod etiam vestibus spoliatus est; in anima per tristicium, tridum, & timorem; in corpore per vulnera, & flagella. Tertio potest considerari quantum ad corporis membra. Passus est enim Christus in capite punctum spinarum coronam, in manibus, & pedibus hionem clavorum, in facie alapas, & sputa, & in toto corpore flagella. Fuit etiam passus secundum omnem sensum corporeum: secundum tactum quidem, flagellatus, & clavis confixus; secundum gustum, felle, & aceto potatus; secundum olfactum, in loco fetido cadaverum mortuorum, qui dicitur calvariae, appensus patibulo, secundum auditum, laceffitus vocibus bla-

blasphemantium; & iridentium; secundum visum, videns matrem, & discipulum quem diligebat, flentes.

Ad primum ergo dicendum, quod verbum illud Hilarii est intelligendum quantum ad omnia genera passionum, non autem quantum ad omnes species.

Ad secundum dicendum, quod similitudo ibi attenditur, non quantum ad numerum passionum, & gratiarum, sed quantum ad magnitudinem utriusque; quia sicut sublimatus est in donis gratiarum super alios; ita deiectus est infra alios per ignominiam passionum.

Ad tertium dicendum, quod secundum sufficientiam una minima passio Christi sufficiens ad redimendum genus humanum ab omnibus peccatis; sed secundum convenientiam sufficiens fuit quod pateretur omnia genera passionum, sicut iam dictum est (in cor. ar.)

ARTICULUS VI. 257

*Utrum dolor passionis Christi fuerit maior omnibus doloribus.*

**A**D sextum sic proceditur. Videtur quod dolor passionis Christi non fuerit maior omnibus aliis doloribus. Dolor enim patientis augetur secundum gravitatem, & diuturnitatem passionis. Sed quidam Martyres graviore passionis, & diuturniores sustinuerunt quam Christus; sicut patet de Laurentio, qui est assatus in craticula; & de Vincencio, cuius carnes sunt unguis ferreis laceratae. Ergo videtur quod dolor Christi patientis non fuerit maximus.

2. Præterea. Virtus mentis est mitigativa doloris, tantum quod Stoici posuerunt, tristitia in animum sapientis non cadere; & Aristot. posuit (Lib. II. Ethic. cap. II. VI. VII. & IX) quod virtus moralis medium tenet in passionibus. Sed in Christo fuit perfectissima virtus mentis. Ergo videtur quod in Christo non fuerit maximus dolor.

3. Præterea. Quanto aliquod patiens est magis sensibile, tanto maior sequitur dolor passionis. Sed anima est sensibilior quam corpus, cum corpus sentiat ex anima: Adam etiam in statu innocentie videtur corpus sensibilius habuisse quam Christus, qui assumpsit corpus humanum cum naturalibus defectibus. Ergo videtur quod dolor animæ patientis in purgatorio, vel in inferno, vel etiam dolor

Adæ, si passus fuisset, maior fuisset quam dolor passionis Christi.

4. Præterea. Maioris boni amissio causat maiorem dolorem. Sed peccator peccando amittit maius bonum quam Christus patiendo, quia vita gratiæ est melior quam vita naturæ: Christus etiam, qui amisit vitam post triduum resurrecturus, minus aliquid amississe videtur quam illi qui amittunt vitam permanens in morte. Ergo videtur quod dolor Christi non fuerit maximus dolorum.

5. Præterea. Innocentia patientis diminuit dolorem passionis. Sed Christus innocenter est passus, secundum illud Hierem. XI. 19. *Ego autem quasi agnus mansuetus, qui portatur ad victimam.* Ergo videtur quod dolor passionis Christi non fuerit maximus.

6. Præterea. In his quæ Christi sunt, nihil fuit superfluum. Sed minimus dolor Christi sufficiens ad finem salutis humanæ habuisset enim infinitam virtutem ex persona divina. Ergo superfluum fuisset assumere maximum dolorum.

Sed contra est quod Thren. I. 12. dicitur ex persona Christi: *Attendite, & videte, si est dolor sicut dolor meus.*

Respondendo dicendum, quod, sicut supra dictum est, cum de defectibus assumptis a Christo ageretur, (quæst. XV. art. 5. & 6.) in Christo patiente fuit verus dolor, & sensibilis, qui causatur ex corporali nocivo, & dolor interior, qui causatur ex apprehensione alicuius nocuamenti, qui tristitia dicitur.

Uterque autem dolor in Christo fuit maximus inter dolores præsentis vitæ. Quod quidem contigit propter quatuor.

Primo quidem propter causas doloris. Nam doloris sensibilis causa fuit læsio corporalis; quæ acerbitatem habuit, tum propter generalitatem passionis, de qua dictum est (art. præc. & quæst. XV.) tum etiam ex genere passionis: quia mors confixorum in cruce est acerbissima, quia consistunt in locis nervosis, & maxime sensibilibus, scilicet in manibus, & pedibus; & ipsum pondus corporis pendens continue auget dolorem; & cum hoc etiam est dolor diuturnitas, quia non statim moriuntur, sicut hi qui gladio intericiuntur. Doloris autem interioris causa fuit, primo quidem omnia peccata humani generis, pro quibus satisfaciebat patiendo, unde ea quasi sibi adscribit, dicens in Psal. XXI. 2. *Verba delictorum meorum: secundo speciali-*



cialiter casus Iudaeorum, & aliorum in eius morte delinquentium, & praecipue discipulorum, qui scandalum passi sunt in Christi passione: tertio etiam amissio vitae corporalis, quae naturaliter est horribilis humanae naturae.

Secundo potest magnitudo doloris eius considerari ex perceptibilitate patientis secundum animam, & secundum corpus. Nam & secundum corpus erat optime complexionatus, cum corpus eius fuerit formatum miraculose operatione Spiritus sancti; sicut & alia quae per miracula facta sunt, fuerunt aliis potiora, ut Chrysostomus dicit (hom. xxx. in Ioan. a med.) de vino, in quod Christus aquam convertit in nuptiis: & ideo in eo maxime viguit sensus tactus, ex cuius perceptione sequitur dolor. Anima etiam secundum vires interiores efficacissime apprehendit omnes causas tristitiae.

Tertio magnitudo doloris Christi patientis potest considerari ex doloris, & tristitiae puritate. Nam in aliis patientibus mitigatur tristitia interior, & etiam dolor exterior ex aliqua consideratione rationis, per quandam derivationem, seu redundantiam a superioribus viribus ad inferiores: quod in Christo patiente non fuit: quia unicuique *vivum permittit agere quod est sibi proprium*, sicut Damascenus dicit (Lib. III. orth. Fid. cap. xv. a med.)

Quarto potest considerari magnitudo doloris Christi patientis ex hoc quod passio illa, & dolor a Christo fuerunt assumpta voluntarie, propter finem liberationis hominum a peccato: & ideo tantam quantitatem doloris assumpsit, quae esset proportionata magnitudini fructus qui inde sequebatur.

Ex his igitur omnibus causis simul consideratis manifeste apparet quod dolor Christi fuerit maximus.

Ad primum ergo dicendum, quod ratio illa procedit ex uno tantum praedictorum, scilicet ex laesione corporali, quae est causa sensibilis doloris; sed ex aliis causis multo maioris doloris Christi patientis augetur, ut dictum est (in cor. ar.)

Ad secundum dicendum, quod virtus moralis aliter mitigat tristitiam interiorem, & aliter exteriorem dolorem sensibilem. Tristitiam enim interiorem diminuit directe, in ea medium constituyendo, sicut in propria materia. Medium autem in passionibus virtus moralis constituit, ut in secunda parte habitum est (1. 11. quest. lxxv. ar. 1. & 2.) non

secundum quantitatem rei, sed secundum quantitatem proportionis, ut scilicet passio non excedat regulam rationis. Et quia Stoici reputabant, quod nulla tristitia esset ad aliquid utilis, ideo credebant quod totaliter a ratione discorderet, & per consequens quod totaliter esset sapienti vitanda. Sed secundum rei veritatem tristitia aliqua laudabilis est, ut Augustinus probat in XIV. de civit. Dei (cap. xx. cir. med.) quando scilicet procedit ex sancto amore; utpote cum aliquis tristetur de peccatis propriis, vel alienis. Assumit etiam ut utilis ad finem satisfactionis pro peccato, secundum illud Apostoli II. ad Cor. vii. 10. *Quae secundum Deum est tristitia, penitentiam in salutem statim operatur*. Et ideo Christus, ut satisfaceret pro peccatis omnium hominum, assumpsit tristitiam, maximam quidem quantitate absoluta, non tamen excedentem regulam rationis. Dolorem autem exteriorem sensus virtus moralis directe non minuit, quia talis dolor non obedit rationi, sed sequitur corporis naturam; diminuit tamen ipsum indirecte per redundantiam a superioribus viribus in inferiores: quod in Christo non fuit, ut dictum est (in corp. & quest. praec. ar. 2.)

Ad tertium dicendum, quod dolor animae separatae patientis pertinet ad statum futurae damnationis, quae excedit omne malum huius vitae, sicut Sanctorum gloria excedit omne bonum praesentis vitae. Unde cum dicimus, Christi dolorem esse maximum, non comparamus ipsum dolori animae separatae. Corpus autem Adae pati non poterat, nisi peccaret; & sic fieret mortale, & passibile, & minus doleat patiens quam corpus Christi, propter rationes praedictas. Ex quibus etiam apparet quod etiam si per impossibile ponatur quod Adam in statu innocentiae passus fuisset, minor fuisset dolor eius quam Christi.

Ad quartum dicendum, quod Christus non solum doluit pro amissione vitae corporalis propriae, sed etiam pro peccatis omnium aliorum: qui dolor in Christo excessit omnem dolorem cuiuscunque contriti: tum quia ex maiori sapientia, & caritate processit, ex quibus dolor contritionis augetur: tum etiam quia pro omnibus peccatis simul doluit, secundum illud Ista lxxi. 4. *Vere dolores nostros ipse tulit*. Vita autem corporalis Christi fuit tantae dignitatis, & praecipue propter Divinitatem unitam, quod de eius amissione

sione etiam ad horam magis esset dolendum quam de amissione vitæ alterius hominis per quantumcumque tempus. Unde & Philolopus dicit III. Ethic. (cap. xx. cir. med.) quod virtuosus tanto plus diligit vitam suam, quanto scit eam esse meliorem; & tamen eam exponit propter bonum virtutis. Et similiter Christus vitam suam maxime dilectam exposuit propter bonum caritatis, secundum illud Hierem. xii. 7. *Dedi dilectam animam meam in manus inimicorum eius.*

Ad quintum dicendum, quod innocentia patientis minuit dolorem passionis quantum ad numerum: quia cum nocens patitur, dolet non solum de pœna, sed etiam de culpa; innocens autem solum de pœna: qui tamen dolor in eo augeatur ex innocentia, inquantum apprehendit nocementum illatum ut magis indebitum: unde etiam & alii magis sunt reprehensibiles, si ei non compatiuntur, secundum illud Ila. lxxi. 1. *Iustus autem perit, & non est qui recogites in corde suo.*

Ad sextum dicendum, quod Christus voluit genus humanum a peccatis liberare non sola potestate, sed etiam iustitia. Eo ideo non solum attendit quantum virtutem dolor eius haberet ex Divinitate unita, sed etiam quantum dolor eius sufficeret secundum humanam naturam ad tantam satisfactionem.

## ARTICULUS VII. 273

*Utrum Christus passus fuerit secundum totam animam.*

III. dist. xv. quæst. 11. ar. 1. quæst. 3. & ar. 3. quæst. 2. & veri. quæst. xxvi. ar. 3. ad 1. & ar. 8. & 9. & quol. vii. ar. 5. & opus. III. cap. cccxxxii.

**A**D septimum sic proceditur. Videtur quod Christus non fuerit passus secundum totam animam. Anima enim patitur patiente corpore per accidens, inquantum est corporis actus. Sed anima non est actus corporis secundum quamlibet partem eius: nam intellectus nullius corporis actus est, ut dicitur in III. de Anima (tex. 6. & 13.) Ergo videtur quod Christus non fuerit passus secundum totam animam.

2. Præterea. Quælibet potentia animæ patitur a suo obiecto. Sed superioris partis rationis obiectum sunt rationes æternæ, quibus inspicendis, & consulendis

intendit, ut Augustinus dicit XII. de Trinit. (cap. vii. in fi.) Ex rationibus autem æternis nullum potuit Christus pati nocementum, cum in nullo ei contrarientur. Ergo videtur quod non fuerit passus secundum totam animam.

3. Præterea. Quando passio sensibilis usque ad rationem pertingit, tunc dicitur completa passio: quæ in Christo non fuit, sed solum *protrahitur*, ut Hieronymus dicit (sup. illud March. xxvi. *Cæpit contristari*;) unde & Dionysius dicit in epist. ad Ioannem Evangelistam (x. cir. med.) quod *passiones sibi illatas patiebatur secundum iudicare solum*. Non ergo videtur quod Christus secundum totam animam pateretur.

4. Præterea. Passio dolorem causat. Sed in intellectu speculativo non est dolor: quia *delectationi quæ est ab eo quod est considerare*, nulla tristitia opponitur, ut Philolopus dicit in I. Topic. (cap. xxi. loco 2.) Ergo videtur quod Christus non pateretur secundum totam animam.

Sed contra est quod in Ps. lxxxvii. 4. dicitur ex persona Christi: *Repleta est malis anima mea*: Glossa (interl. August.) „non vitis, sed doloribus, quibus anima carni compatiatur, vel *malis*, scilicet pereuntis populi, compatiendo: „Non autem fuisset anima eius his malis repleta, si non secundum totam animam passus esset. Ergo Christus est secundum totam animam passus.

Respondendo dicendum, quod totum dicitur respectu partium. Partes autem animæ dicuntur potentie eius. Sic ergo dicitur anima tota pati, inquantum patitur secundum suam essentiam, vel inquantum secundum omnes suas potentias patitur. Sed considerandum est, quod aliqua potentia animæ potest pati dupliciter: uno modo passione propria; quæ quidem est, secundum quod patitur a suo obiecto, sicut si vilus patitur ex superabundanti visibili: alio modo aliqua potentia patitur passione subiecti, super quod fundatur; sicut vilus patitur patiente sensu tactus in oculo, super quem fundatur visus, puta cum oculus pungitur, aut etiam distemperatur per calorem.

Sic igitur dicendum est, quod si intelligamus totam animam ratione sue essentiae, sic manifestum est totam animam Christi passam esse. Nam tota essentia animæ coniungitur corpori, ita quod

quod tota est in toto, & tota in qualibet parte eius. Et ideo, corpore patiente, & disposito ad separationem ab anima, tota anima patiebatur. Si vero intelligamus totam animam secundum omnes potentias eius, sic loquendo de passionibus propriis potentiarum, patiebatur quidem secundum omnes vires inferiores, quia in singulis viribus interioribus animæ, quæ circa temporalia operantur, inveniebatur aliquid quod erat causa doloris Christi, sicut ex supradictis patet (ar. præc.) sed secundum hoc superior ratio non patiebatur in Christo ex parte sui obiecti, scilicet Dei, qui non erat animæ Christi causa doloris, sed delectationis, & gaudii: secundum autem illum modum passionis quo potentia aliqua dicitur pati ex parte sui subiecti, sic omnes potentie animæ Christi patiebantur: omnes enim potentie animæ radicantur in essentia eius, ad quam pervenit passio, passio corpore, cuius est actus.

Ad primum ergo dicendum, quod licet intellectus, secundum quod est potentia quædam, non sit corporis actus; essentia tamen animæ est corporis actus, in qua radicatur potentia intellectiva, ut in prima parte habitum est (quaest. lxxvii. ar. 6. & 8.)

Ad secundum dicendum, quod illa ratio procedit de passione quæ est ex parte proprii obiecti, secundum quam superior ratio in Christo passa non fuit.

Ad tertium dicendum, quod dolor tunc dicitur esse passio perfecta, per quam anima perturbatur, quando passio sensitivæ partis pertingit usque ad immutandum rationem a rectitudine sui actus, ut scilicet sequatur passionem, & non habeat liberum arbitrium super eam. Sic autem passio sensitivæ partis non pervenit in Christo usque ad rationem, sed ex parte subiecti, sicut dictum est (in corp. art.)

Ad quartum dicendum, quod intellectus speculativus non potest habere dolorem, vel tristitiam ex parte sui obiecti, quod est verum absolute consideratum, quod est perfectio eius; potest tamen ad ipsum pertingere dolor, vel causa doloris per modum iam dictum (in corp. art.)

## ARTICULUS VIII. 253

*Utrum tota anima Christi in passione frueretur fruitione beata.*

III. dist. xv. quæst. 11. art. 3. quæst. 2. & ver. quæst. x. art. 11. ad 3. & quæst. xxxvi. art. 9. & 10. & quol. 1. quæst. 11. art. 2. co. & op. 11. cap. ccxxxviii. & ccxxxix.

**A**D octavum sic proceditur. Videtur quod anima Christi in articulo illius passionis non tota frueretur fruitione beata. Impossibile est enim simul dolere, & gaudere, cum dolor, & gaudium sint contraria. Sed anima Christi tota patiebatur dolorem in tempore passionis, ut supra habitum est (ar. præc.) Non ergo poterat esse ut tota frueretur.

2. Præterea. Philolophus dicit in VII. Ethic. (implic. cap. ult.) quod tristitia, si sit vehemens, non solum impedit delectationem contrariam, sed quantumque; & e converso. Dolor autem passionis Christi fuit maximus, ut ostensum est (art. 6. hu. q.) & similiter delectatio fruitionis est maxima, ut in principio secundæ partis habitum est (1. 2. quæst. iv.) Non ergo potuit esse quod anima Christi tota simul pateretur, & frueretur.

3. Præterea. Fructio beata est secundum cognitionem, & amorem divinarum, ut patet per Augustinum in I. de doctrina christi. (cap. iv. & x.) Sed non omnes vires animæ attingunt ad cognoscendum, & amandum Deum. Non ergo tota anima Christi fruebatur.

Sed contra est quod Damascenus dicit in III. Lib. (orth. Fid. cap. xv. a med.) quod *Divinitas Christi permixta carni agere, & pati quæ propria*. Ergo pari ratione, cum proprium esset animæ Christi, inquantum erat beata, quod frueretur, passio eius fruitionem non impediebat.

Respondendo dicendum, quod, sicut dictum est prius (ar. præc.) tota anima potest intelligi & secundum essentiam, & secundum omnes eius potentias.

Si autem intelligatur secundum essentiam, sic tota anima fruebatur, inquantum est subiectum superioris partis animæ, cuius est frui Divinitate; ut sicut passio ratione essentiae attribuitur superiori parti animæ, ita e converso fructio ratione superioris partis animæ attribuitur

tur essentiae. Si vero accipiamus totam animam ratione omnium potentiarum eius, sic non tota anima fruebatur: nec directe quidem, quia fructus non potest esse actus cuiuslibet partis animae; nec per redundantiam gloriæ, quia dum Christus erat viator, non fiebat redundantia gloriæ a superiori parte in inferiorem, nec ab anima in corpus. Sed quia nec e converso superior pars animæ impediabatur circa id quod est sibi proprium per inferiorem, consequens est quod superior pars animæ perfecte fruebatur Christo patiente.

Ad primum ergo dicendum, quod gaudium fructus non contrariatur directe dolori passionis, quia non sunt de eodem. Nihil autem prohibet, contraria eidem inesse non secundum idem. Et sic gaudium fructus potest pertinere ad superiorem partem rationis per proprium actum; dolor autem passionis secundum subiectum. Ad essentiam vero animæ pertinet dolor passionis ex parte corporis, cuius est forma; gaudium vero fructus ex parte potentiae, cui subicitur.

Ad secundum dicendum, quod verbum illud Philosophi habet veritatem ratione redundantiae, quæ naturaliter fit ab una potentia animæ in aliam; sed hoc in Christo non fuit, ut sup. dictum est (in corp. art.)

Ad tertium dicendum, quod ratio illa procedit de totalitate animæ quantum ad eius potentias.

# ARTICULUS IX. 254

*Utrum Christus fuerit convenienti tempore passus.*

*Inf. art. 10. cor.*

**A**D nonum sic proceditur. Videtur quod Christus non fuerit convenienti tempore passus. Passio enim Christi figurabatur per immolationem agni paschalis: unde & Apostolus dicit I. ad Cor. v. 7. *Pascha nostrum immolatus est Christus*: Sed agnus paschalis immolabatur quartadecima die ad vespertam, ut dicitur Exodi xii. Ergo videtur quod Christus tunc debuerit pati: quod patet esse falsum: nam tunc Pascha cum suis discipulis celebravit, secundum illud Mar. xiv. 12. *Primo die azymorum, quando Pascha immolabatur*; sequenti autem die passus fuit.

*S. Tb. Oper. Tom. XXIV.*

2. Præterea. Passio Christi dicitur eius exaltatio, secundum illud Ioan. iii. 14. *Oportet exaltari filium hominis*. Ipse autem Christus dicitur Sol iustitiæ, ut patet Malach. ult. Ergo videtur, quod debuerit pati hora sexta, quando Sol est in sua maxima exaltatione: cuius contrarium videtur per id quod dicitur Mar. xv. 25. *Erat autem hora tertia, & crucifixerunt eum*.

3. Præterea. Sicut Sol in hora sexta maxime exaltatur quolibet die, ita in solstitio æstivali maxime exaltatur quolibet anno. Debuit ergo magis pati circa tempus solstitii æstivalis quam circa tempus æquinoctii vernalis.

4. Præterea. Per præsentiam Christi in mundo mundus illuminabatur, secundum illud Ioan. ix. 5. *Quandiu sum in mundo, lux sum mundi*. Conveniens igitur fuisset humanæ salutis, ut diutius in hoc mundo vixisset, ita quod non pateretur in juvenili ætate, sed magis in senili.

Sed contra est quod dicitur Ioan. xiii. 1. *Sciens Iesus quia venit hora eius, ut transeat de hoc mundo ad Patrem*: & Ioan. ix. 4. dicit: *Nondum venit hora mea*: ubi dicit Augustinus (tract. viii. in Ioan. ad fi.) „Ubi tantum fecit, quantum sufficere iudicavit, venit hora eius non necessitatis, sed voluntatis. Convenienti igitur tempore passus est.

Respondeo dicendum, quod, sicut supra dictum est (art. i. h. q.) passio Christi subiecta erat eius voluntati. Voluntas autem eius regebatur divina sapientia, quæ omnia convenienter, & suaviter disponit, ut dicitur Sap. viii. Et ideo dicendum est, quod convenienti tempore passio Christi celebrata est. Unde Augustinus (alius Auctor) in Lib. questionum veter. & novi Testamenti. (quest. lv. in princ.) dicit: *Omnia propriis locis, & temporibus gessit Salvator*.

Ad primum ergo dicendum, quod quidam dicunt, Christum fuisse passum quartadecima Luna, quando Iudei Pascha immolabant: unde & Ioan. xviii. 28. dicitur, quod Iudei non introierunt in prætorium Pilati ipso die passionis, ut non contaminarentur, sed ut manducarent Pascha: ubi Chrysostomus dicit, (hom. lxxxii. in Ioan. a med.) quod „tunc Iudei faciebant Pascha; ipse vero ante unam diem celebravit Pascha, reservans suam occisionem sextæ feriæ, quando vetus Pascha fiebat. Cui videtur consonare quod dicitur Ioan. xiii.

T quod

quod ante diem festum Paschæ Christus, facta cæna, pedes discipulorum lavit.

Sed contra hoc videtur esse, quod dicitur Matth. xxvi. 17. quod prima die azymorum accesserint discipuli ad Iesum, dicentes: Ubi vis paremus tibi comedere Pascha? Ex quo patet quod „cum primus dies azymorum dicatur quartus, decimus dies mensis primi, quando agnus immolabatur, & Luna plenissima” est, “ut Hieronymus dicit, (supra illud Matth. xxvi. Prima die azymorum accesserint &c.) constat quattodecima Luna Christum cœnam fecisse, & quattodecima cum esse passum. Et hoc expressius manifestatur per id quod dicitur Marci xiv. 12. Primo die azymorum, quando Pascha immolabatur &c. & Lucæ xxii. 7. Venit dies azymorum, in quo necesse erat occidi Pascha.

Et ideo quidam dicunt, quod Christus die convenienti, idest quattodecima luna, Pascha cum discipulis suis manducavit, „demonstrans quod usque ad ultimum diem non erat contrarius legi,“ ut Chrysostomus dicit super Matth. (hom. lxxxii. a princ.) sed Iudei occupati circa procuracionem mortis Christi, contra legem, celebrationem Paschæ in crastinum distulerunt. Et propter hoc de his dicitur, quod in die passionis Christi noluerunt intrare prætorium, ut non contaminarentur, sed ut manducarent Pascha.

Sed nec illud videtur esse consonum verbis Marci dicentis: Primo die azymorum, quando Pascha immolabatur. Simul ergo Christus, & Iudei vetus Pascha celebraverunt. Et, sicut Beda dicit super Marc. (cap. xliii. secundum eius ordinem,) licet Christus, qui est Pascha nostrum, sit crucifixus sequenti die, hoc est quattodecima Luna; tamen nocte, qua agnus immolabatur, corporis, sanguinisque sui discipulis tradens mysteria celebranda, & a Iudeis tentus, ac ligatus, ipsius immolationis, hoc est passionis sue, sacravit exordium. Cum autem dicitur Ioan. xiii. Ante diem festum Paschæ, intelligitur hoc fuisse quattodecima Luna, quod tunc evenit quinta feria; nam Luna existens quattodecima, erat dies solemnissimus Paschæ apud Iudeos: & sic eundem diem, quem Ioannes nominat ante diem festum Paschæ, propter distinctionem naturalium dierum, Matthæus nominat primum diem azymorum: quia secundum ritum Iudaicæ festivitatis solemnitas incipiebat a vespere præcedentis diei. Quod

antem dicitur, eos comesturos esse Pascha in quattodecima Luna, intelligendum est, quod ibi Pascha non dicitur agnus paschalis, qui immolatus fuerat decimaquarta Luna; sed dicitur cibus paschalis, idest azymi panes, quos oportebat comedi a mundis. Unde Chrysostomus ibidem (a med.) aliam expositionem ponit, quod Pascha potest accipi pro toto festo Iudæorum, quod septem diebus agebatur.

Ad secundum dicendum, quod, sicut Augustinus dicit in Libro III. de cons. Evang. (cap. xliii.) hora erat quasi sexta, cum traditus est Dominus crucifigendus a Pilato, ut Ioan. dicit: non enim erat plene sexta, sed quasi sexta, idest peracta quinta (a med.) aliquid etiam de sexta esse cæperat, donec completa sexta, Christo pendente in cruce, tenebræ fierent. Intelligitur autem fuisse hora tertia, cum clamaverunt Iudei, ut Dominus crucifigetur: & veracissime demonstratur, tunc eos crucifixisse, quando clamaverunt. Ergo ne quisquam cogitationem tanti criminis averfus a Iudeis in milites converteret, Erat, inquit, hora tertia, & crucifixi erunt eum, ut illi cum potius crucifixisse inveniantur qui hora tertia ut crucifigetur clamaverunt. Quamquam non desunt qui Parasceven, quam Ioannes commemorat dicens, Erat Parasceve hora quasi sexta, horam diei tertiam velint intelligi. Parasceve quippe interpretatur preparatio. Verum autem Pascha, quod in passione Domini celebratur, incepit preparari ab hora noctis nona, quando scilicet omnes principes sacerdotum dixerunt: Reus est mortis. Ab illa ergo noctis hora usque ad Christi crucifixionem, occurrit hora Parasceves sexta, secundum Ioannem, & hora diei tertia secundum Marcum.

Quidam tamen dicunt, quod hæc divinitas ex peccato scriptoris apud Græcos contigit: nam figuræ, quibus tria, & sex representantur, satis sunt propinque apud eos.

Ad tertium dicendum, quod, sicut dicitur in Lib. de questionibus vet. & novi Testam. (quest. lv. inter op. Aug.) tunc voluit Dominus passione sua mundum redimere, & reformare, quando cum creaverat, idest in æquinoctio, unde mundus initium cepit, & dies super noctem increvit; quia per passionem Salvatoris a tenebris ad lucem perducimur. Et quia perfecta illuminatio erit in secundo adventu Christi, ideo tempus secundi adventus ætati comparatur Matth. xxiv. 32. ubi dicit-

dicitur : *Cum ramus eius iam tener fuerit, & folia nata, scitis quia prope est aestas; ita & vos, cum videritis haec omnia, scitote quia prope est, & in ianuam: & tunc etiam erit maxima Christi exaltatio.*

Ad quantum dicendum, quod Christus in iuvenili aetate pati voluit, propter tria. Primo quidem, ut ex hoc magis suam dilectionem commendaret, quod vitam suam pro nobis dedit, quando erat in perfectissimo statu. Secundo quia non conveniebat, ut in eo appareret naturae diminutio, sicut nec morbus, ut supra dictum est (quaest. xiv. art. 4.) Tercio ut in iuvenili aetate moriens, & resurgens, futuram resurgentium qualitatem in seipso Christus praemonstraret: unde dicitur Ephes. iv. 13. *Donec occurramus omnes in unitatem fidei, & agnitionis Filii Dei in virum perfectum, in mensuram aetatis plenitudinis Christi.*

## ARTICULUS X. 255

*Utrum Christus fuerit convenienti loco passus.*

*Sup. quest. xxxv. art. 7. ad 1. & inf. quest. lxxxiii. art. 3. ad 1. & opus. lx. cap. xviii.*

**A**D decimum sic proceditur. Videtur quod non convenienti loco Christus passus fuerit. Christus enim passus est secundum carnem humanam: quae quidem concepta fuit ex virgine in Nazareth, & nata in Bethlechem. Ergo videtur, quod non in Hierusalem, sed in Nazareth, vel in Bethlechem pati debuerit.

2. Praeterea. Veritas debet respondere figurae. Sed passio Christi figurabatur per sacrificia veteris legis: huiusmodi autem sacrificia offerebantur in templo. Ergo videtur quod & Christus in templo pati debuerit, & non extra portam civitatis.

3. Praeterea. Medicina debet morbo respondere. Sed passio Christi fuit medicina contra peccatum Aed: Adam autem non fuit sepultus in Hierusalem, sed in Hebron: dicitur enim Iosue xiv. 15. *Nomen Hebron ante vocabatur Chabath-Arbe, Adam (a) maximus ibi inter Enachim situs est.* Ergo videtur quod Christus in Hebron, & non in Hierusalem pati debuerit.

Sed contra est quod dicitur Luc. xiii. 33. *Non capit Propheta perire extra Hierusalem.* Sed Christus fuit Propheta. Convenienter ergo passus est in Hierusalem.

Respondendo dicendum, quod, sicut dicitur in Lib. Qi. vet. & novi Testam. (quaest. iv. inter op. Aug.) *omnia propriis locis, & temporibus gessit Salvator*: quia sicut omnia tempora sunt in manibus, ita etiam omnia loca: & ideo sicut convenienti tempore Christus passus est, ita etiam convenienti loco.

Ad primum ergo dicendum, quod Christus convenientissime in Hierusalem passus est. Primo quidem quia Hierusalem erat locus a Deo electus ad sacrificia sibi offerenda: quae quidem figuralia sacrificia figurabant Christi passionem, quod est verum sacrificium, secundum illud Iphes. v. 2. *Tradidit semetipsum hostiam, & oblationem in odorem suavitatis.* Unde Beda dicit in quadam homilia (in Domin. Palmarum, in princ.) quod appropinquante hora passionis, Dominus appropinquare voluit loco passionis, scilicet (b) Hierusalem, quo pervenit ante sex dies Paschae; sicut agnus paschalis ante sex dies Paschae, idest decima Luna, secundum praecceptum legis ad locum immolationis ducebatur. Secundo quia virtus passionis eius ad totum mundum diffundenda erat, in medio terrae habitabilis pati voluit, idest in Hierusalem. Unde dicitur in Psal. lxxxiii. 12. *Deus autem Rex noster ante secula operatus est salutem in medio terrae, idest in Hierusalem, quae dicitur esse umbilicus terrae.* Tercio quia hoc maxime conveniebat humilitati eius: scilicet sicut turpissimum genus mortis elegit, ita etiam ad eius humilitatem pertinuit quod in loco tam celebri confusionem pati non recusavit. Unde Leo Papa dicit in quodam sermone Epiphani. (1. in eo festo cap. 11. a princ.) *Qui servi suscepit formam, Bethlechem praelegit natiuitati, Hierusalem passioni.* Quarto, ut ostenderet, a principibus populi Iudaeorum exortam esse iniquitatem occidentium ipsum; & ideo in Hierusalem, ubi principes morabantur, voluit pati: unde dicitur Act. iv. 27. *Conventerunt in ista civitate adversus sanctum puerum tuum Iesum, quem unxisti, Herodes, & Pontius Pilatus cum gentibus, & populis Israel.*

Ad secundum dicendum, quod Christus

T 2

stus

(a) *Ed. Aecu, aliqui & edii uterentur in terra (vel iuxta) Enachim situs erat (situs est.)* (b) *Al. in Hierusalem.*

rus non in templo, aut in civitate, sed extra portam passus est, propter tria. Primo quidem, ut veritas responderet figuræ. Nam vitulus, & hircus, qui solemnissimo sacrificio ad expiationem totius multitudinis offerebantur, extra castra comburebantur, ut præcipitur Lev. xvi. Unde dicitur Heb. xiii. 11. *Quorum animalium inferitur sanguis, pro peccato in sancta per Pontificem, horum corpora cremantur extra castra.* Propter quod & Iesus, ut sanctificaret per suum sanguinem populum, extra portam passus est. Secundo ut per hoc daret nobis exemplum exeundi a mundana conversatione. Unde ibidem subditur: *Exeamus igitur ad eum extra castra, inproperium eius portantes.* Tertio, ut Chrysostomus in ferm. de Pass. (scu de cruce, & latrone, aliquant. a princ.) dicit, *voluit Dominus pati sub testis, non in templo Iudaico, ne Iudei subtraherent sacrificium salutare, ne putares pro illa tantum plebe oblatum: & ideo foras civitatem, foras muros, ut scias sacrificium esse commune, quod totius est terræ oblatio, quod communis est purificatio.*

Ad tertium dicendum, quod, sicut Hieronymus dicit super Matth. (sup. illud cap. xxvii. *Et venerunt in locum &c.*) quidam exposuit, Calvarie locum, in quo sepultus est Adam, ideo sic appellabant, quia ibi antiqui hominis sit conditum caput. Favorabilis interpretatio, & mulcens aurem populi, nec tamen vera. Extraurbem enim, & foras portam loca sunt, in quibus truncantur capita damnatorum; & calvarie, id est decollatorum jussere nomen. Propterea autem ibi crucifixus est Iesus, ut ubi prius erat arca damnatorum, ibi erigerentur vexilla martyrii. Adam vero sepultum iuxta Hebron, & Arbee, in Iesu filii Nave volumine legimus. Magis autem Iesus cruciendus erat in loco communis damnatorum, quam iuxta sepulcrum Adæ, ut ostenderetur quod crux Christi non solum erat in remedium contra peccatum personale ipsius Adæ, sed etiam contra peccatum totius mundi.

## ARTICULUS XI. 295

*Utrum conveniens fuerit Christum cum latronibus crucifigi.*

**A**D undecimum sic proceditur. Videtur quod non fuerit conveniens, Christum cum latronibus crucifigi. Dicitur enim II. Cor. vi. 14. *Que participatio iustitie cum iniquitate?* Sed Christus factus est nobis iustitia a Deo; iniquitas autem pertinet ad latrones. Non ergo fuit conveniens ut Christus simul cum latronibus crucifigeretur.

2. Præterea. Super illud Matth. xxvi. *Si oportuerit me mori tecum, non te negabo,* dicit Origenes (tract. xxxv. in Matth. inter princ. & med.) „Mori cum „ Iesu pro omnibus moriente hominum „ non erat. “ Et Ambrosius super illud Luc. xxii. *Paratus sum tecum & in carcerem, & in mortem ire.* „ Passio „ inquit, Domini æmulos habet, pares „ non habet. “ Multo igitur minus conveniens videtur quod Christus simul cum latronibus pateretur.

3. Præterea. Matth. xxvii. 44. dicitur, quod *latrones, qui crucifixi erant cum eo, impropertabant ei.* Sed Luc. xxiii. 42. dicitur, quod unus eorum qui crucifixus erat cum Christo, ei dicebat: *Memento mei Domine, dum veneris in regnum tuum.* Ergo videtur quod præter latrones blasphemantes, fuerit cum eo crucifixus alius non blasphemans: & sic videtur inconvenienter ab Evangelistis narratum, quod Christus fuerit cum latronibus crucifixus.

Sed contra est quod Isa. liii. 12. fuerat prophetatum: *Et cum sceleratis reputatus est.*

Respondetur dicendum, quod Christus inter latrones crucifixus est alia quidem ratione quantum ad intentionem ludæorum, alia vero quantum ad Dei ordinationem. Quantum enim ad intentionem ludæorum, duos latrones utrinque crucifixerunt, sicut dicit Chrysostomus (hom. lxxxviii. in Matth. aliquant. a princ. & hom. lxxxiv. in Ioan.) *ut eorum suspensionis fieret participes. Sed non ita evenit: nam de illis nihil dicitur; huius autem ubique crux honoratur: Reges diadematæ deponentes assumunt crucem in purpura, in diadematis, in armis, in mensa sacrata: ubique terrarum crux emicat.* Quantum vero ad Dei ordinationem, Christus cum latronibus crucifixus est, quia

quia, ut Hieronymus dicit super Matth. (sup. illud cap. xxvii. *Venerunt in locum, qui &c.*) sicut pro nobis maledictum crucis factus est Christus, sic pro omnium salute inter noxios quasi noxius crucifigitur. Secundo, ut dicit Leo Papa in sermone de passione (xv. parum a princ.) duo latrones, unus ad dexteram, & alius ad sinistram, crucifiguntur, ut in ipsa panduli specie monstraretur illa quæ in iudicio ipsius omnium hominum facienda est discretio. Et Augustinus dicit super Ioan. (tract. xxxi. in fi.) Ipsa crux, si attendas, tribunal fuit: in medio enim iudice constituto, unus qui credit, liberatus, alter qui insultavit, damnatus est. Iam significabat quid facturus esset de vivis, & mortuis, alios positurus ad dexteram, alios vero ad sinistram. Tertio, secundum Hilarium (can. xxxviii. in Matth. ante med.) duo latrones lævæ, ac dextræ affiguntur, omnem humani generis universitatem vocari ad sacramentum passionis Domini ostendentes. Sed quia per diversitatem fidei, ac infidelium, fit omnium secundum dexteram sinistramque divisio, unus ex duobus ad dexteram eius situs fidei iustificatione salvetur. Quarto, quia, ut Beda dicit super Marc. (cap. xlv. secundum eius ord.) latrones qui cum Domino crucifixi sunt, significant eos qui sub fide, & confessione Christi vel agnem martyrii, vel quolibet arduioris discipline infirmita subeunt: sed qui hoc pro æterna gloriæ gerunt, dexteri latronis fide designantur; qui vero humane laudis intuitu, sinistri latronis mentem imitantur, & æstus.

Ad primum ergo dicendum, quod sicut Christus debuit mortis non habuit, sed mortem voluntarie subiit, ut sua virtute vinceret mortem; ita etiam non habuit meritum, ut cum latronibus poneretur; sed voluit cum iniquis deputari, ut sua virtute iniquitatem destrueret. Unde Chrysostomus dicit super Ioan. (hom. lxxxiv. parum a princ.) quod latronem in cruce convertere, & in paradysum inducere non minus fuit quam convertere petras.

Ad secundum dicendum, quod non conveniebat ut cum Christo aliquis alius pateretur ex eadem causa: unde Origenes ibidem subdit: *Omnes fuerant in peccatis, & omnes opus habebant ut pro eis alius moreretur, non ipsi pro aliis.*

Ad tertium dicendum, quod sicut Augustinus dicit in Lib. III. de consensu Evangelist. (cap. xvi. in fi.) possumus in-

telligere Mattheum posuisse pluralem numerum pro singulari, cum dixit: *latrones improperebant ei.* Vel potest dici secundum Hieronymum (sup. illud Matth. xxvii. *Latrones improperebant*), quod primum uterque blasphemaverit; deinde visis signis, unus eorum crediderit.

## ARTICULUS XII. 257

Utrum passio Christi sit eius Divinitati attribuenda.

IV. cont. cap. lv. ad 14.

AD duodecimum sic proceditur. Videtur quod passio Christi sit eius Divinitati attribuenda. Dicitur enim I. ad Corinthe. ii. 8. *Si cognovissent, nunquam Dominum gloriæ crucifixerunt.* Sed Dominus gloriæ est Christus secundum Divinitatem. Ergo passio Christi competit ei secundum Divinitatem.

2. Præterea. Principium salutis humanæ est ipsa Divinitas, secundum illud Psal. xxxvi. 39. *Salus autem iustorum a Domino.* Si ergo passio Christi ad eius Divinitatem non pertineret, videretur quod non posset nobis esse fructifera.

3. Præterea. Iudæi puniti sunt pro peccato occisionis Christi, tamquam homicidæ ipsius Dei; quod magnitudo peccatæ demonstrat. Hoc autem non esset, si passio ad Divinitatem non pertineret. Ergo passio Christi ad Divinitatem eius pertinet.

Sed contra est quod Athanasius dicit in epist. ad Epictetum (cuius initium: *Ego arbitrabar, a med.*) *Natura Deus manens Verbum est impassibile.* Sed impassibile non potest pati. Passio ergo Christi non pertinebat ad eius Divinitatem.

Respondendo dicendum, quod, sicut supra dictum est (quæst. ii. art. 2. & 3.) unio humanæ naturæ, & divinæ facta est in persona, & hypostasi, & supposito, manente tamen distinctione naturarum, ut scilicet sit eadem persona, & hypostasis divinæ, & humanæ naturæ, salva tamen utriusque naturæ proprietate. Et ideo, sicut supra dictum est (quæst. xvi. art. 5.) supposito divinæ naturæ attribuenda est passio, non ratione divinæ naturæ, quæ est impassibilis, sed ratione humanæ naturæ. Unde in epistola synodali (quæ habetur in Conc. Ephesi. gener. III. part. i. cap. T 3 xxvi.



xxv. ad fin.) Cyrillus dicit: *Si quis non confitetur Dei Verbum passum carne, & crucifixum carne; anathema sit.* Pertinet ergo passio Christi ad suppositum divinæ naturæ ratione naturæ passibilis assumptæ, non autem ratione divinæ naturæ impassibilis.

Ad primum ergo dicendum, quod Dominus gloriæ dicitur crucifixus, non secundum quod est Dominus gloriæ, sed secundum quod erat homo passibilis.

Ad secundum dicendum, quod, sicut dicitur in quodam sermone Ephesini Concilii (qui est Theodoti Ancyr. & hab. in eo Conc. part. III. cap. x.) *mors Christi, tamquam facta mors Dei, scilicet per unionem in persona, destruxit mortem: quoniam Deus, & homo erat qui patiebatur: non enim natura Dei lesa est, sed humana, neque mutatione sua suscepti passiones.*

Ad tertium dicendum, quod, sicut turbidit ibidem, *non purum hominem crucifixerunt Iudei, sed Deo intulerunt præsumptiones.* Pone enim Principem loqui per verbum, & hoc formari per litteras in charta aliqua, & dirigi civitatibus, & aliquis inobediens chartam dirumpat; ad mortis sententiam deducetur, non tamquam chartam dirumpens, sed tamquam verbum imperiale dirumpens. Non ergo securus sit Iudeus, tamquam purum hominem crucifigens; quod enim volebat, quasi charta erat; quod autem in ea celebratur, imperiale Verbum erat, natum ex natura, non prolatum per linguam.

## QUAESTIO XLVH.

*De causa efficiente passionis Christi,  
in sex articulos divisa.*

**D**einde considerandum est de causa efficiente passionis Christi: & circa hoc quaeruntur sex.

Primo, utrum Christus fuerit ab aliis occisus, vel a seipso.

Secundo, ex quo motivo seipsum passioni tradiderit.

Tertio, utrum Pater tradiderit eum ad patiendum.

Quarto, utrum fuerit conveniens ut per manus Gentium pateretur, vel potius a Iudeis.

Quinto, utrum occisores eius eum cognoverint.

Sexto de peccato eorum qui Christum occiderunt.

## ARTICULUS I. 258

*Utrum Christus fuerit ab alio occisus, an a seipso.*

*Infr. quæst. I. art. 1. ad 2. & quæst. II. art. 3. corp. & opusc. II. cap. cccxxxvii. & cccxxxviii.*

**A**D primum sic proceditur. Videtur quod Christus non fuerit ab alio occisus, sed a seipso. Dicit enim Iosephus. x. 18. *Nemo tollit animam meam a me, sed ego pono eam. Ille autem dicitur aliquem occidere qui animam eius tollit.* Non est ergo Christus ab aliis occisus, sed a seipso.

2. Præterea. Illi qui ab aliis occiduntur, paulatim debilitata natura deficiunt; & maxime hoc apparet in crucifixis: ut enim dicit Augustinus in IV. de Trinit. (cap. xiii. a princ.) *longa morte cruciabantur ligno suspensi.* In Christo autem non hoc accidit: nam clamans voce magna emisit spiritum, ut dicitur Matth. xxvii. 50. Non ergo Christus est ab aliis occisus, sed a seipso.

3. Præterea. Illi qui ab aliis occiduntur, per violentiam moriuntur; & ita non voluntarie; quia violentum opponitur voluntario. Sed Augustinus dicit in IV. de Trinit. (loc. cit.) *quod spiritus Christi non deseruit carnem inditus, sed quia voluit, quando voluit, & quomodo voluit.* Non ergo Christus est ab aliis occisus, sed a seipso.

Sed contra est quod dicitur Luc. xviii. 33. *Postquam flagellaverint, occident eum.*

Respondeo dicendum, quod aliquid potest esse causa alicuius effectus dupliciter. Uno modo directe ad illud agendo: & hoc modo persecutores Christi eum occiderunt, quia sufficientem causam mortis ei intulerunt, cum intentione occidendi ipsum, & effectu subsequente, quia scilicet ex illa causa est mors subsecuta. Alio modo dicitur aliquid causa alicuius indirecte, scilicet quia non impedit, cum impedire possit; sicut si dicatur aliquis alium perfundere, quia non clausit fenestram, per quam imber ingreditur: & hoc modo ipse Christus fuit causa suæ passionis, & mortis. Poterat enim suam passionem, & mortem impedire, primo quidem adversarios reprimendo, ut eum aut

aut non vellent, aut non possent interficere; secundo quia spiritus eius habebat potestatem conservandi naturam carnis suae, ne a quocumque laevo inflicto opprimeretur: quod quidem habuit anima Christi, quia erat Verbo Dei coniuncta in unitate personae, ut Augustinus dicit in IV. de Trinit. (cap. xiii.) Quia ergo anima Christi non repulit a proprio corpore nocumentum illatum, sed voluit quod natura corporalis illi nocumento succumberet, dicitur suam animam posuisse, vel voluntarie mortuus esse.

Ad primum ergo dicendum, quod cum dicitur, *Nemo tollit animam meam a me*, intelligitur, *me invito*: quod enim aliquis ab invito avertit, qui resistere non potest, illud proprie dicitur tolli.

Ad secundum dicendum, quod ut Christus ostenderet quod passio illata per violentiam eius animam non eripiebat, naturam corporalem in sua fortitudine conservavit, ut etiam in extremis positus voce magna clamaret: quod inter alia miracula mortis eius computatur. Unde dicitur Marc. xv. 39. *Videns autem Centurio, qui ex adverso stabat, quia sic clamans spirasset, ait: Vere hic homo Filius Dei erat*. Fuit etiam mirabile in Christi morte quod velocius mortuus fuit aliis qui simili passione afficiebantur. Unde dicitur Ioan. xix. 33. quod eorum qui cum Christo crucifixi erant, fregerunt erura; ut cito morerentur; ad Iesum autem cum venissent, ut viderunt eum iam mortuum, non fregerunt eius erura. & Marc. xv. 44. dicitur, quod Pilatus mirabatur, *si iam obisset*. Sicut enim eius voluminate natura corporalis conservata est in suo vigore usque ad extremum; sic etiam quando voluit, subito cessit nocumento illato.

Ad tertium dicendum, quod Christus simul & violentiam passus est, ut moreretur, & tamen voluntarie mortuus fuit: quia violentia corpori eius illata est, quae tamen tantum corpori eius praevaluit, quantum ipse voluit.

## ARTICULUS. II. 259

*Utrum Christus fuerit ex obedientia mortuus.*

*Inf. quest. xlviii. art. 2. & 3. cor. & IV. cont. cap. lv. ad 13. & 16. & opusc. 11. cap. cccxxiv. & Rom. v. lect. 2. fin. & lect. 3. fin.*

**A**D secundum sic proceditur. Videtur quod Christus non fuerit ex obedientia mortuus. Obedientia enim respicit praeceptum. Sed non legitur, Christo fuisse praeceptum quod ipse pateretur. Non ergo ex obedientia passus fuit.

2. Præterea. Illud dicitur aliquis ex obedientia facere quod facit ex necessitate praecepti. Christus autem non ex necessitate, sed voluntarie passus fuit. Non ergo passus est ex obedientia.

3. Præterea. Caritas est excellentior virtus quam obedientia. Sed Christus legitur ex caritate passus, secundum illud Ephel. v. 2. *Ambulate in dilectione, sicut & Christus dilexit nos, & tradidit semetipsum pro nobis*. Ergo passio Christi magis debet attribui caritati quam obedientiae.

Sed contra est quod dicitur Philip. II. 8. *Factus est obediens Patri usque ad mortem*.

Respondeo dicendum, quod convenientissimum fuit quod Christus ex obedientia pateretur. Primo quidem quia hoc conveniebat iustificationi humanæ, ut sicut per unius hominis inobedientiam peccatores constituti sunt multi, ita per unius hominis obedientiam iusti constituantur multi, ut dicitur Rom. v. 19. Secundo hoc conveniens fuit reconciliationi Dei ad homines: unde dicitur Rom. v. 30. *Reconciliati sumus Deo per mortem Filii eius*, inquantum scilicet ipsa mors Christi fuit quoddam sacrificium acceptissimum Deo, secundum illud Ephel. v. 2. *Tradidit seipsum pro nobis, oblationem, & hostiam Deo in odorem suavitatis*. Obedientia vero omnibus sacrificiis antefertur, secundum illud I. Reg. xv. 22. *Melior est obedientia quam victimæ*. Et ideo conveniens fuit ut sacrificium passionis, & mortis Christi ex obedientia procederet. Tertio hoc conveniens fuit eius victoriæ, quia de morte, & auctore mortis triumphavit: non enim niles vincere potest, nisi duci obediatur. Et ita

homo Christus victoriam obtinuit per hoc quod Deo fuit obediens, secundum illud Proverb. xxi. 28. *Vir obediens loquitur glorias.*

Ad primum ergo dicendum, quod Christus mandatum accepit a Patre ut pateretur. Dicitur enim Ioan. x. 28. *Potestatem habeo ponendi animam meam; & potestatem habeo iterum sumendi eam; & hoc mandatum accepit a Patre meo, scilicet ponendi animam, & sumendi eam.* „Ex quo,“ ut Chrysostomus dicit (hom. lxx. in Ioan. inter princ. & med.) „non est intelligendum, quod prius expectavit auditu & opus ei fuerit discere; sed voluntarium monstravit processum, & contrarietatis ad Patrem suspicio; nem destruxit. “ Quia tamen in morte Christi lex vetus consummata est secundum illud quod ipse moriens dixit Ioan. xix. 30. *Consummatum est*, potest intelligi quod patiundo omnia veteris legis praecepta implevit. Moralia quidem, quae in praeceptis caritatis fundantur, implevit, inquantum passus est, & ex dilectione Patris (secundum illud Ioan. xiv. 31. *Ut cognoscat mundus quia diligo Patrem, & sicut mandatum dedit mihi Pater, sic facio; surgite eamus hinc, scilicet ad locum passionis*) & etiam ex dilectione proximi, secundum illud Gal. ii. 20. *Dilexit me, & tradidit semetipsum pro me.* Ceremonialia vero praecepta legis, quae ad sacrificia, & oblationes praecipue ordinantur, implevit Christus sua passione, inquantum omnia antiqua sacrificia figurae fuerunt illius veri sacrificii, quod Christus obtulit moriendo pro nobis. Unde dicitur Colois. ii. 16. *Nemo vos iudicat in cibo, aut in potu, aut in parte diei festi, aut neomeniae, quae sunt umbra futurorum, corpus autem Christi, eo scilicet quod Christus comparatur ad illa sicut corpus ad umbram.* Praecepta vero iudicialia legis, quae praecipue ordinantur ad satisfaciendum iniuriam passis, implevit Christus sua passione: quoniam, ut in Plal. lxxviii. dicitur, *quae non rapuit exolvit*, permittens se ligno affigi pro populo, quod de ligno homo rapuerat contra Dei mandatum.

Ad secundum dicendum, quod obedientia etsi importet necessitatem respectu eius quod praecipitur, tamen importat voluntatem respectu impletionis praeccepti. Et talis fuit obedientia Christi. Nam ipsa passio, & mors, secundum se considerata, naturali voluntati repugnabat;

volebat tamen Christus Dei voluntatem circa hoc implere, secundum illud Psal. xxxix. 9. *Ut facerem voluntatem tuam, Deus meus volui.* Unde dicebat Matth. xxvi. 42. *Si non potest transire a me calix iste, nisi bibam illum, fiat voluntas tua.*

Ad tertium dicendum, quod eadem ratione Christus passus est ex caritate, & obedientia: quia & praecepta caritatis ex obedientia implevit, & obediens fuit ex dilectione ad Patrem praecipientem.

### ARTICULUS III. 269

*Utrum Deus Pater tradiderit Christum passioni.*

III. dist. xx. art. 5. quæst. 1. & quod. 1. art. 3. fin. & Matth. xxvi.

Ad tertium sic proceditur. Videtur quod Deus Pater non tradiderit Christum passioni. Iniquum enim, & crudele videtur esse quod innocens passioni, & morti tradatur. Sed, sicut dicitur Deuter. xxxii. 4. *Deus fidelis, & absque ulla iniquitate.* Ergo Christum innocentem non tradidit passioni, & morti.

2. Præterea. Non videtur quod aliquis a seipso, & ab alio morti tradatur. Sed Christus tradidit semetipsum pro nobis, secundum quod dicitur Isa.

lii. 22. *Tradidit in mortem animam suam.* Non ergo videtur quod Deus Pater eum tradiderit.

3. Præterea. Iudas vituperatur ex eo quod tradidit Christum Iudæis, secundum illud Ioan. vi. 71. *Unus ex vobis diabolus est: quod dicebat propter Iudam, qui eum erat traditurus.* Similiter etiam vituperantur Iudæi, qui eum tradiderunt Pilato, secundum quod ipse dicit Ioan. xviii. 35. *Genus tuum, & Pontifices tui tradiderunt te mihi.* Pilatus etiam tradidit ipsum, ut crucifigeretur, ut habetur Ioan. xix. 16. Non est autem participatio iustitiae cum iniquitate, ut dicitur II. ad Corinth. vi. 14. Ergo videtur quod Deus Pater non tradiderit Christum passioni.

Sed contra est quod dicitur Rom. viii. 32. *Proprio Filio suo non pepercit Deus, sed pro nobis omnibus tradidit illum.*

Respondetur dicendum, quod, sicut dictum est (art. praec.) Christus passus est

ARTICULUS IV. 261

*Utrum fuerit conveniens, Christum pati a Gentilibus.*

voluntarie ex obedientia Patris. Unde secundum tria Dens Pater tradidit Christum passioni. Uno quidem modo secundum quod sua aeterna voluntate praordinavit passionem Christi ad humani generis liberationem, secundum illud quod dicitur Isaia lxxi. 6. *Dominus posuit in eo iniquitatem omnium nostrum*; & iterum: *Dominus voluit conterere eum in infirmitate*. Secundo inquantum inspiravit ei voluntatem patiendi pro nobis, infundendo ei caritatem: unde ibidem sequitur: *Oblatus est, quia ipse voluit*. Tertio non protegendo eum a passione, sed exponendo persequentibus: unde & legitur Matth. xxvii. 46. quod pendens in cruce Christus dicebat: *Deus meus, Deus meus, ut quid dereliquisti me?* quia scilicet potestati persequentium eum exposuit, ut Augustinus dicit de gratia novi Testamenti. (epist. cxl. al. cxx. cap. vi. & x. implic.)

Ad primum ergo dicendum, quod innocentem hominem passioni, & morti tradere contra eius voluntatem, est impium, & crudele. Sic autem Deus Pater Christum non tradidit, sed inspirando ei voluntatem patiendi pro nobis. In quo ostenditur & Dei severitas, qui peccatum sine poena dimittere non vult: quod signat Apostolus dicens (Rom. viii. 32.) *Proprio Filio suo non pepercit*; & bonitas eius in eo quod cum homo iustificenter satisfacere non posset per aliquam poenam, quam pateretur, ei satisfactoriam dedit: quod signavit Apostolus dicens: *Pro nobis omnibus tradidit illum*; & Rom. iii. 25. dicit: *Quem, scilicet Christum, proposuit Deus propitiatorem per fidem in sanguine ipsius*.

Ad secundum dicendum, quod Christus, secundum quod Deus, tradidit semetipsum in mortem eadem voluntate, & actione qua & Pater tradidit eum; sed inquantum homo, tradidit seipsum voluntate a Patre inspirata. Unde non est contrarietas in hoc quod Pater tradidit Christum, & ipse tradidit semetipsum.

Ad tertium dicendum, quod eadem actio diversimode indicatur in bono, vel in malo, secundum quod ex diversa radice procedit. Pater enim tradidit Christum, & ipse semetipsum ex caritate: & ideo laudantur. Iudas autem tradidit ipsum ex cupiditate, Iudaei autem ex invidia; Pilatus ex timore mundano, quo timuit Caesarem: & ideo ipsi vituperantur.

**A**D quartum sic proceditur. Videtur quod non fuerit conveniens Christum pati a Gentilibus. Quia enim per mortem Christi homines erant a peccato liberandi, conveniens videbatur ut paucissimi in morte eius peccarent. Peccaverunt autem in morte eius Iudaei, ex quorum persona dicitur Matth. xxi. 38. *Hic est heres: venit occidamus eum*. Ergo videtur conveniens fuisse quod in peccato occisionis Christi Gentiles non implicarentur.

2. Præterea. Veritas debet respondere figuræ. Sed figuralia sacrificia veteris legis non Gentiles, sed Iudaei offerebant. Ergo neque passio Christi, quæ fuit verum sacrificium, impleri debuit per manus Gentilium.

3. Præterea. Sicut dicitur Ioan. v. Iudaei quærebant Christum interficere, non solum quia solvebat sabbatum, sed quia Patrem suum dicebat Deum, æqualem se Deo faciens. Sed hoc videbatur esse solum contra legem Iudæorum: unde & ipsi dicunt Ioan. xix. 7. *Secundum legem debet mori, quia filium Dei se fecit*. Videtur ergo conveniens fuisse quod Christus non a Gentilibus, sed a Iudæis pateretur, & falsum esse quod dixerunt, *Nobis non licet interficere quemquam*, cum multa peccata secundum legem morte puniantur, ut patet Lev. xx.

Sed contra est quod ipse Dominus dicit Matth. xx. 19. *Tradent eum Gentibus ad illudendum, & flagellandum, & crucifigendum*.

Respondeo dicendum, quod in ipso modo passionis Christi præfiguratus est effectus ipsius. Primo enim passio Christi effectum salutis habuit in Iudæis, quorum plurimi in morte Christi baptizati sunt, ut patet Act. ii. & iii. Secundo vero, Iudæis prædicantibus, effectus passionis Christi transiit ad Gentes. Et ideo conveniens fuit ut Christus a Iudæis pati inciperet, & postea Iudæis tradentibus, per manus Gentilium eius passio finiretur.

Ad primum ergo dicendum, quod Christus ad ostendendam abundantiam caritatis suæ, ex qua patiebatur, in cruce positus veniam pro persecutoribus populi.

fulavit. Et ideo, ut huius petitionis fructus ad Iudæos & Gentiles perveniret, voluit Christus ab utrisque pati.

Ad secundum dicendum, quod passio Christi fuit sacrificii oblatio, in quantum Christus propria voluntate mortem sustinuit ex caritate; in quantum autem a persecutoribus est passus, non fuit sacrificium, sed peccatum gravissimum.

Ad tertium dicendum, quod, sicut Augustinus dicit (tract. xlv. in Ioan. cir. med.) „Iudæi dicentes, *Nobis non licet interficere quemquam*, intellexerunt „non sibi licere interficere quemquam „propter festi diei sanctitatem, quam celebrare iam coeperant.“

Vel hoc dicebant, ut Chrysostomus dicit (hom. lxxxix. in Ioan. a med.) „quia volebant eum occidi, non tamquam transgressorem legis, sed tamquam publicum hostem, quia se Regem fecerat, de quo non erat eorum iudicare.“ Vel quia non licebat eis crucifigere (quod cupiebant) sed lapidare, quod in Stephano fecerunt.

Vel melius dicendum est, quod per Romanos, quibus erant subiecti, erat eis potestas occidendi interdicta.

## ARTICULUS V. 263

*Utrum Christi persecutores eum cognoverint.*

*Opusc. lx. cap. xviii. in fin. & i. ad Cor. ii. lect. 2.*

**A**D quantum sic proceditur. Videtur quod persecutores Christi eum cognoverint. Dicitur enim Matth. xxi. 38. quod agricola videntes filium dixerunt intra se: *Hic est heres: venite, occidamus eum*: ubi dicit Hieronymus (id hab. Rabanus & Glossa ord. in hunc loc.) „Manifeste Dominus probat ex verbis „Iudæorum. Principes non per ignorantiam, sed per invidiam Dei Filium crucifixisse: intellexerunt enim eum esse illum cui Pater per Prophetam dicit „(Psal. ix.) *Posula a me, & dabo tibi gentes hereditatem tuam*.“ Ergo videtur quod cognoverint eum esse Christum, vel Filium Dei.

2. Præterea. Ioan. xv. 24. Dominus dicit: *Nunc autem & viderunt, & oderunt & me, & Patrem meum*. Quod autem videtur, manifeste cognoscitur. Ergo Iudæi cognoscentes Christum ex causa odii ei passionem intulerunt.

3. Præterea. In quodam serm. Ephesini Conc. (cit. quest. præc. art. 12. ad 2.) dicitur: *Sicut qui charitatem imperialem disperserit, tamquam Imperatoris dirumpens verbum, ad mortem adducitur; sic crucifigens Iudæus, quem videbat, pennis dabit, tamquam in ipsum Deum Verbum præsumptiones iniiciens*. Hoc autem non esset, si eum esse Dei Filium non cognovissent, quia ignorantia eos excusasset. Ergo videtur quod Iudæi crucifigentes Christum cognoverint eum esse filium Dei.

Sed contra est quod dicitur I. ad Corinth. xii. 8. *Si cognovissent, numquam Dominum glorie crucifixissent*: & Act. xiii. 17. dicit Petrus Iudæis loquens: *Scio quia per ignorantiam fecistis, sicut & principes vestri*; & Dominus in cruce pendens dicit: *Pater, dimitte illis: non enim sciunt quid faciunt*. (Lucæ xiii. 34.)

Respondetur dicendum, quod apud Iudæos quidam erant maiores, & quidam minores. Maiores quidem, qui eorum principes dicebantur, ut dicitur in Lib. Quæst. veter. & novi Testam. (quest. lxxvi. a med. inter op. Aug.) *sicut & demones*, cognoverunt eum esse Christum promissum in lege: omnia enim signa videbant in eo quæ dixerunt futura Prophete; mysterium autem divinitatis eius ignorabant. Et ideo Apostolus dicit, quod si cognovissent, numquam Dominum glorie crucifixissent. Sciendum tamen, quod eorum ignorantia non eos excusabat a crimine, quia erat quodammodo ignorantia affectata: videbant enim evidenter signa divinitatis ipsius, sed ex odio, & invidia Christi ea pervertebant; & verbis eius, quibus se Dei Filium fatebatur, credere noluerunt. Unde ipse de eis dicit Ioan. xv. 22: *Si non venissem, & locutus eis non fuisset, peccatum non haberent; nunc autem excusationem non habent de peccato suo*. Et postea subdit: *Si opera non fecissem in eis, quæ nemo alius fecit, peccatum non haberent*. Et sic ex persona eorum accipi potest, quod dicitur Iob xxi. 14. *Dixerunt Deo: Recede a nobis, scientiam viarum tuarum nolumus*. Minores vero, id est populares, qui mysteria Scripturæ non noverant, non plene cognoverunt ipsum esse nec Christum, nec Filium Dei. Licet enim aliqui eorum in eum crediderint, multitudo tamen non credidit: & si aliquando dubitaverunt, an ipse esset Christus, propter signorum multitudinem, & efficaciam doctrinæ, ut

ARTICULUS VI. 263

*Utrum peccatum Christum crucifigentium fuerit gravissimum.*

*Sup. art. 4. ad 2. fin. & opusc. lx. cap. xviii. fin.*

aut habetur Ioan. vii. tamen postea decepti fuerunt a suis principibus, ut eum non crederent neque Filium Dei, neque Christum. Unde & Petrus eis dixit: *Scio quia per ignorantiam fecistis, sicut & Principes vestri, quia scilicet per principes seducti erant.*

Ad primum ergo dicendum, quod illa verba dicuntur ex persona colonorum vineæ; per quos significantur retores illius populi, qui eum cognoverunt esse heredem; inquantum cognoverunt eum esse Christum promissum in lege. Sed contra hanc responsionem esse videtur quod illa verba Psalmi 11. 8. *Postula a me, & dabo tibi gentes hereditatem tuam*: eidem dicuntur cui dicitur: *Filius meus es tu, ego hodie genui te*. Si ergo cognoverunt, eum esse illum cui dictum est: *Postula me, & dabo tibi gentes hereditatem tuam*; sequitur quod cognoverint, eum esse Filium Dei. Chrylостомus (alius Auditor) etiam ibidem (hom. xl. in op. imperf. a med.) dicit, quod „cognoverunt eum esse Filium Dei.“ Beda etiam super illud Luc. xxiii. *Quia nesciunt quid faciunt*: (cap. xciv. in Luc.) „Notandum, inquit, quod non pro eis orat qui quem Filium Dei intellexerunt, crucifigere quam confiteri maruerunt.“ Sed ad hoc potest responderi, quod cognoverunt eum esse Filium Dei, non per naturam, sed per excellentiam gratiæ singularis. Possimus tamen dicere, quod etiam verum Dei Filium cognovisse dicuntur, quia evidentia signa huius rei habebant; quibus tamen assentire propter odium, & invidiam noluerunt, ut eum cognoscerent esse Filium Dei.

Ad secundum dicendum, quod ante illa verba præmittitur: *Si opera non fecissent in eis quæ nemo alius fecit, peccatum non haberent*: & postea subditur: *Nunc autem videntur, & odierunt & me, & Patrem meum*. Per quod ostenditur quod videntes opera Christi mirifica, ex odio procedit quod eum Filium Dei non cognoverunt.

Ad tertium dicendum, quod ignorantia affectata non excusat a culpa, sed magis videtur culpam aggravare: ostendit enim hominem sic vehementer esse affectum ad peccandum, quod vult ignorantiam incurrere, ne peccatum vitet. Et ideo Iudei peccaverunt, non solum tanquam hominis Christi, sed etiam tanquam Dei crucifixores.

Ad sextum sic proceditur. Videtur quod peccatum crucifigentium Christum non fuerit gravissimum. Non enim est gravissimum peccatum quod exultationem habet. Sed ipse Dominus excusavit peccatum crucifigentium eum, dicens (Lucæ xiii. 34.) *Pater ignosce illis: quia nesciunt quid faciunt*. Non ergo peccatum eorum fuit gravissimum.

2. Præterea. Dominus dixit Pilato Ioan. xix. 21. *Qui tradidit me tibi, maius peccatum habet*. Ipse autem Pilatus fecit Christum crucifigi per suos ministros. Ergo videtur fuisse maius peccatum Iudei proditoris peccato crucifigentium Christum.

3. Præterea. Secundum Philosophum in V. Ethicor. (cap. ix.) *nullus patitur iniustum volens*: &, sicut ipse ibidem dicit, *nullo patiente iniustum, nullus facit iniustum*: Ergo volenti nullus facit iniustum. Sed Christus voluntarie est passus, ut supra habitum est (art. 1. huius quæst. ad 3. & art. 2.) Non ergo iniustum fecerunt crucifixores Christi: & ita eorum peccatum non fuit gravissimum.

Sed contra est quod super illud Matthæi xxiii. *Et vos implete mensuram patrum vestrorum*, dicit Chrylостомus (alius Auditor hom. xlv. in op. imperf. a med.) „Quantum ad veritatem excesserunt mensuram patrum suorum: illi enim occiderunt homines, isti Deum“ crucifixerunt.

Respondeo dicendum, quod, sicut dictum est (art. præc.) principes Iudeorum cognoverunt Christum: & si aliqua ignorantia fuit in eis, fuit ignorantia affectata, quæ eos non poterat excusare. Et ideo peccatum eorum fuit gravissimum, tum ex genere peccati, tum ex malitia voluntatis. Minores autem Iudei gravissime peccaverunt quantum ad genus peccati: in aliquo tamen diminuebatur eorum peccatum propter eorum ignorantiam. Unde super illud Luc. xxiii. *Nesciunt quid faciunt*, dicit Beda (cap. xciv. in Luc.) „Pro illis

„illis rogat qui nescierunt quid facerent  
 „zelum Dei habentes, sed non secun-  
 „dum scientiam. Multo autem magis  
 „fuit excusabile peccatum Gentilium;  
 „per quorum manus crucifixus est:“  
 qui legis scientiam non habebant.

Ad primum ergo dicendum, quod excusatio illa Domini non refertur ad principes Iudaeorum, sed ad minores de populo, sicut dictum est (in corp. art.)

Ad secundum dicendum, quod Iudas tradidit Christum non Pilato, sed principibus sacerdotum, qui tradiderunt eum Pilato, secundum illud Ioan. xviii. 35. *Gens tua, & Pontifices tui tradiderunt te mihi.* Horum tamen omnium peccatum fuit maius quam Pilati, qui timore Caesaris Christum occidit, & etiamquam peccatum militum, qui de mandato praedictis Christum crucifixerunt, non ex cupiditate, sicut Iudas, nec ex invidia, & odio, sicut principes sacerdotum.

Ad tertium dicendum, quod Christus voluit quidem suam passionem, sicut & Deus eam voluit; iniquum tamen actionem Iudaeorum non voluit. Et ideo occisores Christi ab iniustitia non excusantur. Et tamen ille qui occidit hominem iniuriam facit non solum homini occiso, sed etiam Deo, & Reipublicae; sicut etiam ille qui occidit seipsum, ut Philosophus dicit in V. Ethic. (cap. ult. parum a princ.) Unde & David damnavit illum ad mortem qui non timuerat mittere manum, ut occideret Christum Domini: quamvis eo petente, ut legitur II. Reg. i.

## QUAESTIO XLVIII.

*De modo passionis Christi quantum ad effectum,*

*in sex articulos divisa.*

**D**einde considerandum est de effectu passionis Christi: & primo de modo efficiendi; secundo de ipsius effectu.

Circa primum quaeruntur sex.

Primo, utrum passio Christi causaverit nostram salutem per modum meriti.

Secundo, utrum per modum satisfactionis.

Tercio, utrum per modum sacrificii.

Quarto, utrum per modum redemptionis.

Quinto, utrum esse Redemptorem sit proprium Christi.

Sexto, utrum causaverit effectum nostrae salutis per modum efficientiae.

## ARTICULUS I. 264

*Utrum passio Christi causaverit nostram salutem per modum meriti.*

*Inf. quaest. lxxi. art. 5. & III. dist. xviii. art. 4. & IV. dist. 1. quaest. 1. art. 4. quaest. 3. & ver. quaest. xxvi. art. 6. ad 20. & ad Rom. iv. fin.*

**A**d primum sic proceditur. Videtur quod passio Christi non causaverit nostram salutem per modum meriti. Passionem enim principia non sunt in nobis. Nullus autem meretur, vel laudatur, nisi per id cuius principium est in ipso. Ergo passio Christi nihil est operata per modum meriti.

2. Praeterea. Christus ab initio suae conceptionis meruit & sibi, & nobis, ut supra dictum est (quaest. ix. art. 4. & quaest. xxxiv. art. 3.) Sed superfluum est aliquem iterum mereri id quod ante meruerat. Ergo Christus per suam passionem non meruit nostram salutem.

3. Praeterea. Radix merendi est caritas. Sed caritas Christi non fuit magis augmentata in passione quam ante. Ergo non magis meruit salutem nostram patiendi quam ante fecerat.

Sed contra est quod super illud Philip. ii. *Propter quod & Deus exaltavit illum &c.* dicit Augustinus (tract. civ. in Ioan. sub fin.) „Humilitas passionis“ claritatis est meritum; claritas humilitatis est praemium. „Sed ipse clarificatus est non solum in seipso, sed etiam in suis fidelibus, ut ipse dicit Ioan. xvii. Ergo videtur quod ipse meruerit salutem suorum fidelium.

Respondetur dicendum, quod, sicut supra dictum est (quaest. viii.) Christo data est gratia non solum sicut singulari personae, sed inquantum est caput Ecclesiae, ut scilicet ab ipso redundaret ad membra: & ideo opera Christi hoc modo se habent tam ad se, quam ad sua membra, sicut se habent opera alterius hominis in gratia constituti ad ipsum. Manifestum est autem quod quicumque in gratia constitutus propter iniustitiam patitur, ex hoc ipso meretur sibi salutem, secundum illud Matth. v. 10. *Beati, qui persecutionem patiuntur propter*

per iustitiam. Unde Christus per suam passionem non solum sibi, sed etiam omnibus membris suis meruit salutem.

Ad primum ergo dicendum, quod passio, inquantum huiusmodi, non est meritoria, quia habet principium ab exteriori; sed secundum quod eam aliquis voluntarie sustinet, sic habet principium ab interiori: & hoc modo est meritoria.

Ad secundum dicendum, quod Christus a principio fuit conceptionis meruit nobis salutem aeternam; sed ex parte nostra erant quaedam impedimenta, quibus impediēbatur consequi effectum praecedentium meritorum: unde ad removendum illa impedimenta, oportuit Christum pati, ut supra dictum est (quaest. xlv. art. 3.)

Ad tertium dicendum, quod passio Christi habuit aliquem effectum, quem non habuerunt praecedentia merita, non propter maiorem caritatem, sed propter genus operis, quod erat conveniens tali effectui, ut patet ex rationibus supra inductis de convenientia passionis Christi (quaest. xlv. art. 3. & 4.)

## ARTICULUS II. 265

*Utrum passio Christi causaverit nostram salutem per modum satisfactionis.*

IV. cont. cap. lv. ad 23. & 24. & opusc. lx. cap. xviii.

**A**D secundum sic proceditur. Videtur quod passio Christi non causaverit nostram salutem per modum satisfactionis. Eiusdem enim videtur esse satisfactio cuius est peccare, sicut patet in aliis poenitentibus: eiusdem enim est conteri, & confiteri, cuius est peccare. Sed Christus non peccavit, secundum illud I. Pet. 11. 22. *Qui peccatum non fecit*. Ergo ipse non satisfecit propria passione.

2. Præterea. Nulli satisfecit per maiorem offensam. Sed maxima offensam fuit perpetrata in Christi passione: quia gravissime peccaverunt qui eum occiderunt, ut supra dictum est (quaest. præc. art. 6.) Ergo videtur quod per passionem Christi non potuerit Deo satisfieri.

3. Præterea. Satisfactio importat æqualitatem quamdam ad culpam, cum sit actus iustitiæ. Sed passio Christi non videtur esse æqualis omnibus peccatis hu-

mani generis: quia Christus non est passus secundum Divinitatem, sed secundum carnem, secundum illud I. Pet. 1. *Christo igitur passo in carne*: anima autem, in qua est peccatum, posterior est quam caro. Non ergo Christus sua passione satisfecit pro peccatis nostris.

Sed contra est quod in persona eius dicitur in Pl. lxxviii. 5. *Quæ non rapui, tunc exolvebam*. Non autem exolvit qui perfecte non satisfecit. Ergo videtur quod Christus patiēdo perfecte satisfecerit pro peccatis nostris.

Respondeo dicendum, quod ille proprie satisfacit pro offensâ qui exhibet offensâ id quod æque, vel magis diligit quam odierit offensam. Christus autem ex caritate, & obedientia patiēdo maius aliquid Deo exhibuit quam exigeret recompensatio totius offensæ humani generis: primo quidem propter magnitudinem caritatis, ex qua patiebatur; secundo propter dignitatem vitæ suæ, quam pro satisfactione ponebat, quæ erat vita Dei, & hominis; tertio propter generalitatem passionis, & magnitudinem doloris assumpti, ut supra dictum est (quaest. xlv. art. 6.) Et ideo passio Christi non solum sufficiens, sed etiam superabundans satisfactio fuit pro peccatis humani generis, secundum illud I. Ioan. 11. 2. *Ipse est propitiatio pro peccatis nostris, non pro nostris autem tantum, sed etiam pro totius mundi*.

Ad primum ergo dicendum, quod caput, & membra sunt quasi una persona mystica: & ideo satisfactio Christi ad omnes fideles pertinet sicut ad sua membra. Inquantum etiam duo homines sunt unum in caritate, unus pro alio satisfacere potest, ut infra patebit (in Supplement. quaest. xxi. art. 2.) Non autem est similis ratio de confessione, & contritione: quia satisfactio consistit in actu exteriori, ad quem assumi possunt instrumenta, inter quæ computantur etiam amici.

Ad secundum dicendum, quod maior fuit caritas Christi patientis quam malitia cruciēgentium: & ideo plus potuit Christus satisfacere sua passione quam crucifixores offendere occidendo; intantum quod passio Christi sufficiens fuit, & superabundans ad satisfaciendum pro peccatis occidentium ipsum.

Ad tertium dicendum, quod dignitas carnis Christi non est æstimanda solum secundum carnis naturam, sed secundum per-



personam assumptam, in quantum scilicet erat caro Dei, ex quo habebat dignitatem infinitam.

### ARTICULUS III. 266

*Utrum passio Christi operata sit per modum sacrificii.*

*Inf. quaest. xlix. art. 4. co. & quaest. lxxiii. art. 4. cor. & ad 3. & quaest. lxxxiii. art. 1. co. & opus. ix. cap. xviii.*

**A**D tertium sic proceditur. Videtur quod passio Christi non sit operata per modum sacrificii. Veritas enim debet respondere figuræ. Sed in sacramento veteris legis, quæ erant figuræ Christi, nunquam offerebatur caro humana, quinimo hæc sacrificia imunda, & nequanda habebantur, secundum illud Plal. cv. 38. *Effusaerunt sanguinem innocentem, sanguinem filiorum suorum, & filiarum suarum: quas sacrificauerunt sculpis: ut Canaan.* Ergo videtur quod passio Christi sacrificium dici non possit.

2. Præterea. Augustinus dicit in X. de civitate Dei (cap. v. parum a princ.) quod sacrificium visibile, invisibilis sacrificii sacramentum, id est sacramentum est. Sed passio Christi non est signum, sed magis signatum per alia signa. Ergo videtur quod passio Christi non sit sacrificium.

3. Præterea. Quicumque offert sacrificium, aliquod sacrum facit, ut ipsum nomen sacrificii demonstrat. Illi autem qui Christum occiderunt, non tulerunt aliquod sacrum, sed magnam malitiam perpetraverunt. Ergo passio Christi magis fuit maleficium quam sacrificium.

Sed contra est quod Apostolus dicit Ephel. v. 2. *Tradidit semetipsum pro nobis oblationem, & hostiam Deo in odorem suavitatis.*

Respondendo dicendum, quod sacrificium proprie dicitur aliquid factum in honorem proprie Deo debitum, ad eum placandum: & inde est quod Augustinus dicit in X. de civit. Dei (cap. vi.) *Verum sacrificium est omne opus quod agitur, ut sancta societas inhaerens Deo, relictum scilicet ad illum finem boni, quo veraciter beati esse possimus.* Christus autem, ut ibidem subditur, *seipsum obtulit in passionem pro nobis*: & hoc ipsum quod voluntarie passionem sustinuit, Deo maxime acceptum fuit, utpote ex caritate maxima provemens. Unde manifestum

est quod passio Christi fuerit verum sacrificium.

Et, sicut ipse postea subdit in eodem Libro (cap. xx.) *huius veri sacrificii multiplicia, variaque signa erant sacrificia priscæ Sanctorum, cum hoc unum per multa figuraretur, tamquam verbis multis res una diceretur, ut sine fastidio multum commendaretur.* Ut cum quatuor confideretur in omni sacrificio, ut Augustinus dicit in IV. de Trinitate (cap. xiv.) scilicet cui offeratur, a quo offeratur, quid offeratur, pro quibus offeratur; idem ipse unus, verusque Mediator per sacrificium pacis reconcilians nos Deo, unum cum illo maneret cui offerebatur, unum in se faceret pro quibus offerebatur, unus ipse esset, qui offerebatur, & quod offerebatur.

Ad primum ergo dicendum, quod licet veritas respondeat figuræ quantum ad aliquod, non tamen quantum ad omnia: quia oportet quod veritas figuram excedat. Et ideo convenienter figura huius sacrificii, quo caro Christi offertur pro nobis, fuit caro non hominum, sed animalium animalium significantium carnem Christi, quæ est perfectissimum sacrificium. Primo quidem quia ex eo quod est humanæ naturæ caro, congrue pro hominibus offertur, & ab eis sumitur sub sacramento. Secundo quia ex eo quod erat passibilis, & mortalis, apta erat immolationi. Tercio quia per hoc quod erat sine peccato, efficax erat ad emundanda peccata. Quarto quia ex eo quod erat caro ipsius offerentis, erat Deo accepta, propter caritatem suam carnem offerentis. Unde Augustinus dicit in IV. de Trinitate (cap. xiv.) *Quidam congruenter ab hominibus sumeretur, quod pro eis offerretur, quam humana caro, & quid tam aptum huic immolationi, quam caro mortalis? & quid tam mundum pro mundandis vitiis mortali, quam sine contagione carnalis concupiscentiæ caro nata in utero, & ex utero virginali? & quid tam græte offerri, & suscipi posset, quam caro sacrificii nostri, corpus effectum Sacerdotis nostri?*

Ad secundum dicendum, quod Augustinus ibi loquitur de sacrificiis visibilibus figuratibus: & etiam ipsa passio Christi, licet sit aliquid signatum per alia sacrificia figurata, est tamen signum aliquius rei observandæ a nobis, secundum illud I. Pet. iv. 1. *Christo igitur passo in carne, & vos eadem cogitatione armamini: quia qui passus est in carne, desit a peccatis, ut iam non hominibus desideris*.

*sed voluntati Dei, quod reliquum est, in carne vivat temporis.*

Ad tertium dicendum, quod passio Christi ex parte occidentium ipsum fuit maledictum; sed ex parte ipsius ex caritate patientis fuit sacrificium. Unde hoc sacrificium ipse Christus obtulisse dicitur, non autem illi qui eum occiderunt.

#### ARTICULUS IV. 267

*Utrum passio Christi operata sit nostram salutem per modum redemptionis.*

*Inf. quæst. xlix. art. 2. & II. dist. xix. art. 2. & 3. & op. lx. cap. xviii.*

**A**D quartum sic proceditur. Videtur quod passio Christi non sit operata nostram salutem per modum redemptionis. Nullus enim emit, vel redimit; quod suum esse non desit. Sed homines nunquam delierunt esse Dei, secundum illud Psal. xliiii. 1. *Domini est terra, & plenitudo eius, orbis terrarum, & universi qui habitant in eo.* Ergo videtur quod Christus non redemerit nos sua passione.

2. Præterea. Sicut Augustinus dicit XIII. de Trinit. (cap. xlii. in princ.) *diabolus a Christo iustitia superandus fuit.* Sed hoc exigit inutilia ut ille qui invalide dolose rem alienam, debebat privari ea: quia *fraus, & dolus nemini debet patrocinari*, ut etiam iura humana dicunt (l. lxxv. ff. pro soc.) Cum ergo diabolus creaturam Dei, scilicet hominem, dolose deceptor, & sibi subingaverit, videtur quod non debuerit homo per modum redemptionis ab eius eripi potestate.

3. Præterea. Quicumque emit, aut redimit aliquid, pretium solvit ei qui possidebat. Sed Christus non solvit sanguinem suum, qui dicitur esse pretium redemptionis nostræ, diabolo, qui nos captivos tenebat. Non ergo Christus sua passione nos redemit.

Sed contra est quod dicitur I. Petr. i. xviii. *Non corruptibilibus auro, vel argenti redempti estis de vana vestra conversatione paternæ traditionis, sed pretioso sanguine quasi agni immaculati, & incontaminati Christi; & Galat. iii. dicitur: Christus nos redemit de maledicto legis, factus pro nobis maledictum.* Dicitur autem pro nobis factus maledictum, inquantum pro nobis passus est in ligno, ut supra dictum est (quæst. xlv. art. 4. arg.

3.) Ergo per passionem suam nos redemit.

Respondeo dicendum, quod per peccatum dupliciter homo obligatus erat. Primo quidem servitus peccati: quia *qui facit peccatum, servus est peccati*, ut dicitur Ioan. viii. 34. & II. Petr. ii. 19. *A quo quis superatus est, huius & servus est.* Quia igitur diabolus hominem superaverat, inducendo eum ad peccatum, homo servituti diaboli addictus erat. Secundo quantum ad reatum pœnæ, quo homo erat obligatus secundum Dei iustitiam: & hoc etiam est servitus quædam: ad servitutem enim pertinet quod aliquis patiat quod non vult; cum liberi hominis sit uti seipso ut vult.

Quia igitur passio Christi fuit sufficiens, & superabundans satisfactio pro peccato, & reatu pœnæ generis humani, eius passio fuit quali quoddam pretium, per quod liberati sumus ab utraque obligatione. Nam ipsa satisfactio qua quis satisfacit sive pro se, sive pro alio, pretium quoddam dicitur, quo seipsum, vel alium redimit a peccato, & a pœna, secundum illud Dan. iv. 24. *Peccata tua eleemosynis redime.* Christus autem satisfecit, non quidem pecuniam dando, aut aliquid huiusmodi, sed dando id quod fuit maximum, seipsum scilicet pro nobis. Et ideo passio Christi dicitur esse nostra redemptio.

Ad primum ergo dicendum, quod homo dicitur esse Dei dupliciter. Uno modo inquantum subicitur potestati eius: & hoc modo numquam homo desit Dei esse, secundum illud Daniel. iv. 22. *Dominiatur excelsus in regno hominum, & cuicumque voluerit, dabit illud.* Alio modo per unionem caritatis ad eum, secundum quod dicitur Rom. viii. 9. *Si quis spiritum Christi non habet, hic non est eius.* Primo ergo modo numquam homo desit esse Dei, secundo vero modo desit esse Dei per peccatum. Et ideo, inquantum fuit a peccato liberatus, Christo passio satisfaciens, dicitur per passionem Christi esse redemptus.

Ad secundum dicendum, quod homo peccando obligatus erat & Deo, & diabolo. Quantum enim ad culpam Deum offenderat, & diabolo se subdiderat, ei conigatiens: unde ratione culpæ non erat factus servus Dei; sed potius a Dei servitute recedens, diaboli servitutem incurerat, Deo iuste hoc permittente, propter offensam in se commissam. Sed quantum ad pœnam, principaliter homo erat

erat Deo obligatus sicut summo iudici, diabolo autem tanquam tortori, secundum illud Matth. v. 25. *Ne forte tradat te adversarius tuus iudici, & iudex tradat te ministro, idest angelo pœnarum crudeli*, ut Chrylottomus dicit (alius Auctor hom. xi. in op. imperf. sub fi.) Quamvis igitur diabolus iniuste, quantum in ipso erat, hominem sua fraude deceptum sub servitute teneret & quantum ad culpam, & quantum ad pœnam; iustum tamen erat hoc hominem pari, Deo permittente hoc quantum ad culpam, & ordinante quantum ad penam. Et ideo per respectum ad Deum iustitia exigebat quod homo redimeretur, non autem per respectum ad diabolum.

Ad tertium dicendum, quod quia redemptio requirebatur ad hominis liberationem per respectum ad Deum, non autem per respectum ad diabolum; non erat pretium solvendum diabolo, sed Deo. Et ideo Christus sanguinem suum, qui est pretium nostræ redemptionis, non dicitur obtulisse diabolo, sed Deo.

## ARTICULUS V. 263

*Utrum esse Redemptorem sit proprium Christi.*

III. diff. xix. art. 2. quæst. 2.

**A**D quintum sic proceditur. Videtur quod esse Redemptorem, non sit proprium Christi. Dicitur enim Psal. xxx. 6. *Redemisti me Domine, Deus veritatis*. Sed esse Dominum Deum veritatis, convenit toti Trinitati. Non ergo est proprium Christi.

2. Præterea. Ille dicitur redimere qui dat pretium redemptionis. Sed Deus Pater dedit filium suum redemptionem pro peccatis nostris, secundum illud Psalm. cx. 9. *Redemptionem misit Dominus populo suo*. Glossa (interl. Aug.) idest, Christum, qui dat redemptionem captivis. Ergo non solum Christus, sed etiam Deus Pater nos redemit.

3. Præterea. Non solum passio Christi, sed etiam aliorum Sanctorum proficiua fuit ad nostram salutem, secundum illud Coloss. 1. 24. *Gaudeo in passionibus meis pro vobis, & adimpleo ea que desunt passionum Christi in carne mea pro corpore eius, quod est Ecclesia*. Ergo non solum Christus debet dici Redemptor, sed etiam alii Sancti.

Sed contra est quod dicitur Galat. 3. 13.

*Christus nos redemit de maledictione legis, factus pro nobis maledictum*. Sed Iohannes Christus factus est pro nobis maledictum. Ergo solus Christus debet dici noster redemptor.

Respondetur dicendum, quod ad hoc quod aliquis redimat, duo requiruntur, scilicet actus solutionis, & pretium solutum. Si enim aliquis solvat pro redemptione alicuius rei pretium, quod non est suum, sed alterius, ipse non dicitur redimere principaliter, sed magis ille cuius est pretium. Pretium autem redemptionis nostræ est sanguis Christi, vel vita eius corporalis, quæ est in sanguine, quam ipse Christus exsolvit. Unde utrumque istorum ad Christum pertinet immediate, in quantum est homo, sed ad totam Trinitatem sicut ad causam primam, & remotam, cuius erat & ipsa vita Christi, sicut primi auctoris, & a qua inspiratum fuit ipsi homini Christo ut paterebatur pro nobis. Et ideo esse immediate Redemptorem, proprium est Christi, in quantum est homo; quamvis ipsa redemptio possit attribui toti Trinitati sicut primæ causæ.

Ad primum ergo dicendum, quod Glossa hoc sic exponit: *Tu Domine Deus veritatis, redemisti me in Christo clamante: In manus tuas Domine commendo spiritum meum*. Et sic redemptio immediate pertinet ad hominem Christum, principaliter autem ad Deum.

Ad secundum dicendum, quod pretium redemptionis nostræ homo Christus solvit immediate, sed de mandato Patris, sicut primordialis auctoris.

Ad tertium dicendum, quod passiones Sanctorum proficiunt Ecclesiæ, non quidem per modum redemptionis, sed per modum exempli, & exhortationis, secundum illud II. ad Corinth. 1. 6. *Sive tribulamur pro vestra exhortatione, & salute*.

## ARTICULUS VI. 269

*Utrum passio Christi operata sit nostram salutem per modum efficientiæ.*

Inf. quæst. xlix. art. 1. co. & op. 11. cap. cccxxxviii. fi. & ad Ro. iv. fin. & I. Corinth. 1.

**A**D sextum sic proceditur. Videtur quod passio Christi non sit operata nostram salutem per modum efficientiæ. Causa enim efficiens nostræ salutis est

magnitudo divinæ virtutis, secundum illud Iſa. lxx. 1. *Ecce non est abbreviata manus eius, ut salvare non possit*. Christus autem crucifixus est ex infirmitate, ut dicitur II. ad Corinth. xiii. 4. Non ergo passio Christi efficienter operata est nostram salutem.

2. Præterea. Nullum agens corporale efficienter agit nisi per contactum: unde etiam & Christus tangendo mundavit leprosum, ut ostenderet carnem suam salutiferam virtutem habere, sicut Chrysostomus dicit (inſpic. hom. xxvi. in Matth. & Auctor op. inſp. hom. xxii. & Cyrill. Lib. IV. in Ioan. sup. illud, *Nisi manducaveritis &c.*) Sed passio Christi non potuit contingere omnes homines. Ergo non potuit efficienter operari salutem omnium hominum.

3. Præterea. Non videtur eiusdem esse operari per modum meriti, & per modum efficientiæ: quia ille qui meretur, expectat effectum ab alio. Sed passio Christi operata est nostram salutem per modum meriti. Non ergo per modum efficientiæ.

Sed contra est quod dicitur I. ad Corinth. x. 18. *quod verbum crucis his qui salvi sunt, est virtus Dei*. Sed virtus Dei efficienter operatur nostram salutem. Ergo passio Christi in cruce efficienter operata est nostram salutem.

Respondendo dicendum, quod duplex est efficiens, principale, & instrumentale. Efficiens quidem principale humanæ salutis est Deus. Quia vero humanitas Christi est Divinitatis instrumentum, ut supra dictum est (quæst. xlii. art. 2.) ideo ex consequenti omnes actiones, & passionem Christi instrumentaliter operantur in virtute Divinitatis ad salutem humanam. Et secundum hoc passio Christi efficienter causat salutem humanam.

Ad primum ergo dicendum, quod passio Christi relata ad Christi carnem congruit infirmitati assumptæ; relata vero ad Divinitatem consequitur ex ea infinitam virtutem, secundum illud I. ad Cor. x. 25. *Quod infirmum est Dei, fortius est hominibus*: quia scilicet ipsa infirmitas Christi, inquantum est Dei, habet virtutem excedentem omnem virtutem humanam.

Ad secundum dicendum, quod passio Christi, licet sit corporalis, habet tamen spirituales virtutes ex Divinitate unita: & ideo per spirituales contactum efficaciam sortitur, scilicet per fidem, & fidei sacramentum, secundum illud Apostoli. *Tb. Oper. Tom. XXIV.*

ſoli (Rom. iii. 25.) *Quem proposuit Deus propitiatorem per fidem in sanguine ipsius*.

Ad tertium dicendum, quod passio Christi, secundum quod comparatur ad Divinitatem eius, agit per modum efficientiæ; inquantum vero comparatur ad voluntatem animæ Christi, agit per modum meriti; secundum vero quod consideratur in ipsa carne Christi, agit per modum satisfactionis, inquantum per eam liberamur a reatu peccati; per modum vero redemptionis, inquantum per eam liberamur a servitute culpæ; per modum autem sacrificii, inquantum per eam reconciliamur Deo, ut intra dicitur (quæst. seq. art. 4.)

## QUAESTIO XLIX.

*De effectibus passionis Christi,*

*in sex articulos divisa.*

**D**Einde considerandum est de ipsis effectibus passionis Christi: & circa hoc quaeruntur sex.

Primo, utrum per passionem Christi simus liberati a peccato.

Secundo, utrum per eam simus liberati a potestate diaboli.

Tertio, utrum per eam simus liberati a reatu peccati.

Quarto, utrum per eam simus Deo reconciliati.

Quinto, utrum per eam sit nobis aperta janua cæli.

Sexto, utrum per eam Christus adeptus sit exaltationem.

## ARTICULUS I. 270

*Utrum per passionem Christi simus liberati a peccato.*

*III. dist. xix. art. 1.*

**A**D primum sic proceditur. Videtur quod per passionem Christi non simus liberati a peccato. Liberare enim a peccato est proprium Dei, secundum illud Iſa. xlii. 25. *Ego sum qui deleo iniquitates tuas propter me*. Christus autem non est passus, secundum quod Deus, sed secundum quod homo. Ergo per passionem Christi non sumus liberati a peccato.

2. Præterea. Corporale non agit in spirituale. Sed passio Christi est corporalis; peccatum autem non est nisi in anima, quæ

quæ est spiritalis creatura. Ergo passio Christi non potuit nos emundare a peccato.

3. Præterea. Nullus potest liberari a peccato quod nondum commisit, sed quod in posterum est commissurus. Cum igitur multa peccata post Christi passionem sint commissa, & tota die committantur, videtur quod per passionem Christi non simus liberati a peccato.

4. Præterea. Posita causa sufficienti, nihil aliud requiritur ad effectum inducendum. Requiritur autem adhuc alia ad remissionem peccatorum, scilicet baptismus, & penitentia. Ergo videtur quod passio Christi non sit sufficiens causa remissionis peccatorum.

5. Præterea. Proverb. x. 12. dicitur: *Univerſa delicta operis caritas*: & Act. xv. (a) dicitur: *Per misericordiam, & fidem purgantur peccata*. Sed multa sunt alia de quibus habemus fidem, & quæ sunt provocativa caritatis. Ergo passio Christi non est propria causa remissionis peccatorum.

Sed contra est quod dicitur Apoc. i. 5. *Dilexit nos, & lavit nos a peccatis nostris in sanguine suo*.

Respondendo dicendum, quod passio Christi est propria causa remissionis peccatorum tripliciter. Primo quidem per modum provocantis ad caritatem: quia, ut Apostolus dicit Rom. v. 8. *commendat Deus suam caritatem in nobis: quoniam cum adhuc inimici essemus Christus pro nobis mortuus est*. Per caritatem autem consequimur veniam peccatorum, secundum illud Luc. vii. 47. (b) *Dimissa sunt ei peccata multa, quoniam dilexit multum*. Secundo passio Christi causat remissionem peccatorum per modum redemptionis. Quia enim ipse est caput nostrum, per passionem suam, quam ex caritate, & obedientia sustinuit, liberavit nos tamquam membra sua a peccatis, quasi per pretium suæ passionis; sicut si homo per aliquid opus meritorium quod manu exerceret, redimeret se a peccato quod pedibus commisset. Sicut enim naturale corpus est unum est membrorum diversitate consistens; ita tota Ecclesia, quæ est mysticum corpus Christi, computatur quasi una persona cum suo capite, quod est Christus. Tertio per modum efficientiæ, inquantum caro, secundum quam Christus passionem sustinuit, est instrumentum Divinitatis, ex quo eius passionis, & actiones operantur

in virtute divina ad expellendum peccatum.

Ad primum ergo dicendum, quod licet Christus non sit passus, secundum quod Deus; tamen caro eius est Divinitatis instrumentum; & ex hoc passio eius habet quandam divinam virtutem quæmittendi peccata, ut dictum est (in corp.)

Ad secundum dicendum, quod passio Christi, licet sit corporalis, sortitur tamen quandam spirituales virtutem ex Divinitate, cui caro eius unita est ut instrumentum: secundum quam quidam virtutem passio Christi est causa remissionis peccatorum.

Ad tertium dicendum, quod Christus sua passione nos a peccatis liberavit casualiter, id est instituens causam nostræ liberationis, ex qua possunt quicumque peccata quancumque remitti, vel præterita, vel præterita, vel futura; sicut si medicus faciat medicinam ex qua possint quicumque morbi sanari etiam in futurum.

Ad quartum dicendum, quod quia passio Christi præcessit ut causa quædam universalis remissionis peccatorum, sicut dictum est (in corp. a.) necesse est quod singulis adhibeatur ad deletionem priorum peccatorum. Hoc autem fit per baptismum, & penitentiam, & alia sacramenta, quæ habent virtutem ex passione Christi, ut infra patebit (quest. lxxi. art. 5.)

Ad quintum dicendum, quod etiam per fidem applicatur nobis passio Christi ad percipiendum fructum ipsius, secundum illud Rom. xii. 25. *Quem proposuit Deus propitiaterem per fidem in sanguine eius*. Fides autem, per quam a peccato mundamur, non est fides informis, quæ potest esse etiam cum peccato, sed est fides formata per caritatem; ut sic passio Christi nobis applicetur non solum quantum ad intellectum, sed etiam quantum ad effectum. Et per hunc etiam modum peccata dimituntur ex virtute passionis Christi.

## ARTICULUS II. 271

*Utrum per passionem Christi simus liberati a potestate diaboli.*

*II. dist. XIX. art. 2. & III. dist. XIX. art. 2. & ver. quæst. XXIX. art. 7. ad 9. & op. IX. cap. XVIII. & Heb. 11. lect. 4.*

**A**D secundum sic proceditur. Videtur quod per passionem Christi non simus liberati a potestate diaboli. Ille enim non habet potestatem super aliquos, in quibus nihil line permittione alterius facere potest. Sed diabolus nunquam potuit aliquid in nocementum hominum facere, nisi ex permissione divina; sicut patet Job 1. & 2. quod potestate divinitus accepta, cum primo in rebus, & postea in corpore laesit; & similiter Matth. VIII. dicitur, quod dæmones, nisi Christo concedente, non potuerunt in porcos intrare. Ergo diabolus nunquam habuit in hominibus potestatem: & ita per passionem Christi non simus liberati a potestate diaboli.

2. Præterea. Diabolus potestatem suam in homines exercet, tentando, & corporaliter vexando. Sed hæc adhuc in hominibus operatur post Christi passionem. Ergo non sumus per passionem Christi ab eius potestate liberati.

3. Præterea. Virtus passionis Christi in perpetuum durat, secundum illud Hebr. 2. 14. *Una oblatione consummavit sanctificatos in semperiternum*: similiter etiam ubique extenditur. Sed liberatio a potestate diaboli nec est ubique, quia in multis partibus mundi adhuc sunt idololatras; nec etiam erit semper, quia tempore Antichristi maxime suam potestatem exercebit diabolus in hominum nocementum; de quo dicitur II. ad Thes. 2. 9. *quod eius adventus erit secundum operationem Satane in omni virtute, & signis, & prodigiis mendacibus, & in omni seductione iniquitatis*. Ergo videtur quod passio Christi non sit causa liberationis humani generis a potestate diaboli.

Sed contra est quod Dominus dicit Ioan. XII. 31. *imminente passione: Nunc princeps huius mundi eicitur foras: & ego si exaltatus fuero a terra, omnia traham ad meipsum*. Est autem exaltatus a terra per crucis passionem. Ergo per eam diabolus est a potestate hominum eiectus.

Respondeo dicendum, quod circa po-

testatem quam diabolus in homines exercebat ante Christi passionem, tria sunt consideranda. Primum quidem ex parte hominis, qui suo peccato meruit ut in potestatem traderetur diaboli, per cuius tentationem fuerat superatus. Aliud autem est ex parte Dei, quem homo peccando offenderat, qui per suam iustitiam hominem reliquerat potestati diaboli. Tertium est ex parte ipsius diaboli, qui sua nequissima voluntate hominem a consecutione salutis impediabat.

Quantum ergo ad primum, homo est a potestate diaboli liberatus per passionem Christi, inquantum passio Christi est causa remissionis peccatorum. Quantum autem ad secundum, dicendum, quod passio Christi nos a potestate diaboli liberavit, inquantum nos Deo reconciliavit, ut infra dicitur (art. 4. huius.) Quantum vero ad tertium, passio Christi nos a diabolo liberavit, inquantum in passione Christi excessit modum potestatis sibi tradite a Deo, machinando in mortem Christi, qui non habebat meritum mortis, cum esset absque peccato. Unde Augustinus dicit in XIII. de Trinit. (cap. XIV. in princ.) *Iustitia Christi victus est diabolus; quia cum in eo nihil morte dignum inveniret, occidit eum tamen. Et utique iustum est ut debitoris quos tenebat, liberi dimittantur, in eum credentes, quem sine ullo debito occidit*.

Ad primum ergo dicendum, quod non dicitur sic diabolus in homines potestatem habuisse, quasi posset eis nocere, Deo non permittente; sed quia iuste permittebatur nocere hominibus, quod tentando ad suum consensum perduxerunt.

Ad secundum dicendum, quod diabolus etiam nunc potest quidem Deo permittente homines tentare quantum ad animam, & vexare quantum ad corpus; sed tamen præparatum est homini remedium ex passione Christi, quo se potest tueri contra hostis impugnationes, ne deducatur in interitum mortis æternæ: & quicumque ante passionem Christi diabolo resisterant, per fidem passionis Christi hoc facere poterant, licet passione Christi nondum peracta. Quantum autem ad aliud, nullus poterat diaboli manus evadere, ut scilicet non descenderet in infernum, a quo post passionem Christi se possunt homines eius virtute tueri.

Ad tertium dicendum, quod Deus permittit diabolo posse decipere homines in certis personis, temporibus, & locis, secundum occultam rationem iudiciorum suorum.

suorum; semper tamen per passionem Christi est paratum hominibus remedium se tuendi contra nequitias demonum, etiam tempore Antichristi. Sed si aliqui hoc remedio uti negligant, nil deperit efficaciae passionis Christi.

### ARTICULUS III. 272

*Utrum per passionem Christi homines sint liberati a poena peccati.*

*Inf. quest. lxxi. art. 5. co. & quest. lxxxvi. art. 4. ad 3. & III. dist. xix. art. 3. & ver. quest. xxix. art. 7. ad 3.*

**A**D tertium sic proceditur. Videtur quod per passionem Christi non sint homines liberati a poena peccati. Præcipua enim poena peccati est aeterna damnatio. Sed illi qui damnati erant in inferno pro suis peccatis, non sunt per Christi passionem liberati quia in inferno nulla est redemptio. Ergo videtur quod passio Christi non liberavit homines a poena peccati.

2. Præterea. Illis qui sunt liberati a reatu poenæ, non est aliqua poena iniungenda. Sed poenitentibus iniungitur poena satisfactoria. Non ergo per passionem Christi sunt homines liberati a reatu poenæ.

3. Præterea. Mors est poena peccati, secundum illud Rom. vi. 23. *Stipendia peccati mors*. Sed adhuc post passionem Christi homines moriuntur. Ergo per passionem Christi non sunt homines liberati a reatu poenæ.

Sed contra est quod dicitur Isai. lxxi. *4. Vere languores nostros ipse tulit, & dolores nostros ipse portavit.*

Respondetur dicendum, quod per passionem Christi liberati sumus a reatu poenæ dupliciter. Uno modo directe, in quantum scilicet passio Christi fuit sufficiens, & superabundans satisfactio pro peccatis totius humani generis: exhibitæ autem satisfactione sufficienti, tollitur reatus poenæ. Alio modo indirecte, in quantum scilicet passio Christi est causa remissionis peccati, in quo fundatur reatus poenæ.

Ad primum ergo dicendum, quod passio Christi sortitur effectum suum in illis quibus applicatur per fidem, & caritatem, & per fidei sacramenta. Et ideo damnati in inferno, qui prædicto modo passioni Christi non coniunguntur, effectum eius percipere non possunt.

Ad secundum dicendum, quod, sicut

supra dictum est (ar. i. hu. q. ad 4.) ad hoc quod consequamur effectum passionis Christi, oportet nos ei configurari. Configuramur autem ei in baptismo sacramentaliter, secundum illud Rom. vi. 4. *Consepulti sumus ei per baptismum in morte*. Unde baptizatis nulla poena satisfactoria imponitur, quia sunt totaliter liberati per satisfactionem Christi. Quia vero Christus seculum tantum pro peccatis nostris mortuus est, ut dicitur I. Pet. iii. 18. ideo non potest homo secundario configurari morti Christi per sacramentum baptismi. Unde oportet quod illi qui post baptismum peccant, configurentur Christo patienti per aliquid penalis, vel passionis, quam in seipsis sustineant; quæ tamen multo minor sufficit quam esset condigna peccato, cooperante satisfactione Christi.

Ad tertium dicendum, quod satisfactio Christi habet effectum in nobis, in quantum incorporamur ei, ut membra suo capiti, sicut supra dictum est (ar. i. hu. q.) Membra autem oportet capiti conformari. Et ideo sicut Christus primo quidem habuit gratiam in anima cum passibilitate corporis, & per passionem ad gloriam immortalitatis pervenit; ita & nos, qui sumus membra eius, per passionem ipsius liberamur quidem a reatu cuiuslibet poenæ; ita tamen quod primo recipimus in anima spiritum adoptionis filiorum, quo adscribimur ad hereditatem gloriæ immortalis, adhuc corpus passibile, & mortale habentes; postmodum vero configurati passionibus, & morti Christi, in gloriam immortalem perducimur, secundum illud Apostoli Rom. viii. 17. *si filii & heredes, heredes quidem Dei, coheredes autem Christi, si tamen comparimur, ut & conglorificemur.*

### ARTICULUS IV. 273

*Utrum per passionem Christi finis Deo reconciliati.*

*Sup. quest. xlvii. art. 4. cor. & III. dist. xix. art. 5. quest. 1. & op. ix. cap. xviii.*

**A**D quartum sic proceditur. Videtur quod per passionem Christi non finis Deo reconciliati. Reconciliatio enim non habet locum inter amicos. Sed Deus semper dilexit nos, secundum illud Sap. xi. 25. *Diligis omnia quæ sunt, & nihil odisti eorum quæ fecisti*. Ergo passio Christi non reconciliavit nos Deo.

2. Præterea. Non potest idem esse principium, & effectus: unde gratia, quæ est principium merendi, non cadit sub merito. Sed dilectio Dei est principium passionis Christi, secundum illud Ioan. 11. 16. *Sic Deus dilexit mundum ut Filium suum unigenitum daret*. Non ergo videtur quod per passionem Christi simus reconciliati Deo, ita quod de novo nos amare inciperet.

3. Præterea. Passio Christi impleta est per homines Christum occidentes, qui ex hoc graviter Deum offenderunt. Ergo passio Christi est magis causa indignationis quam reconciliationis Dei.

Sed contra est quod Apostolus dicit Rom. v. 10. *Reconciliati sumus Deo per mortem Filii eius*.

Respondetur dicendum; quod passio Christi est causa reconciliationis nostræ ad Deum dupliciter. Uno modo in quantum removit peccatum, per quod homines constituuntur inimici Dei, secundum illud Sap. xiv. 9. *Similiter odio sunt Deo impius, & impietas eius*; & in Plal. v. 7. *Odisti omnes qui operantur iniquitatem*. Alio modo in quantum est sacrificium Deo acceptissimum. Est enim hoc proprie sacrificii effectus ut per ipsum placeat Deus; sicut cum homo offensam in se commissam remittit propter aliquod obsequium acceptum, quod ei exhibetur. Unde dicitur I. Reg. xxvi. 19. *Si Dominus incitat te ad verbum me, odoratur sacrificium*. Et similiter tantum bonum fuit quod Christus voluntarie passus est, quod propter hoc bonum in natura humana inventum, Deus placatus est super omni offensa generis humani, quantum ad eos qui Christo passio coniunguntur secundum modum præmissum.

Ad primum ergo dicendum, quod Deus diligit omnes homines quantum ad naturam quam ipse fecit; odit tamen eos quantum ad culpam, quam contra eos homines committunt, secundum illud Eccli. xii. 3. *Altissimus odio habet peccatores*.

Ad secundum dicendum, quod passio Christi non dicitur quantum ad hoc Deum nos reconciliasse quod de novo nos amare inciperet, cum scriptum sit Hierem. xxxi. 3. *In caritate perpetua dilexi te*; sed quia per passionem Christi sublata est odii causa, tum per ablationem peccati, tum per recompensationem acceptabilioris (a) boni.

Ad tertium dicendum, quod sicut occurrat. *S. Tb. Op. Tom. XXIV.*

(a) Al. benevolentia. (b) Valgaria Ascendet.

cisores Christi homines fuerunt, ita & Christus occisus. Maior autem fuit caritas Christi patientis quam iniquitas occisorum. Et ideo passio Christi magis valuit ad reconciliandum Deum toti humano generi quam ad provocandum ad iram.

## ARTICULUS V. 274

*Utrum Christus sua passione aperuerit nobis ianuam cæli.*

III. dist. xviii. art. 6. quæst. 2. & 3. & dist. xix. art. 3. & IV. dist. xv. quæst. 2. art. 2. quæst. 6. & ver. quæst. xxix. art. 7. ad 9.

Ad quintum sic proceditur. Videtur quod Christus sua passione non aperuit nobis ianuam cæli. Dicitur enim Proverb. xi. 18. *Seminenti iustitiam merces fidelis*. Sed merces iustitiæ est introitus regni cælestis. Ergo videtur quod sancti patres, qui operati sunt opera iustitiæ, hinc consecuti essent introitum regni cælestis, etiam absque Christi passione. Non ergo passio Christi est causa apertionis ianuæ regni cælestis.

2. Præterea. Ante passionem Christi Elias raptus est in cælum, ut dicitur IV. Regum 2. Sed effectus non præcedit causam. Ergo videtur quod apertio ianuæ cælestis non sit effectus passionis Christi.

3. Præterea. Sicut legitur Matth. iii. Christo baptizato aperti sunt ei cæli. Sed baptismus præcedit passionem. Ergo apertio cæli non est effectus passionis Christi.

4. Præterea. Mich. ii. 13. dicitur: (b) *Ascendit pandens iter ante eos*. Sed nihil aliud videtur esse pandere iter cæli, quam eius ianuam aperire. Ergo videtur quod ianuam cæli sit nobis aperta, non per passionem Christi, sed per ascensionem eius.

Sed contra est quod Apostolus dicit Heb. x. 19. *Habemus fiduciam in introitu Sanctorum, scilicet cælestium, in sanguine Christi*.

Respondetur dicendum, quod clausio ianuæ est obitaculum quoddam prohibens hominem ab ingressu. Prohibebantur autem homines ab ingressu regni cælestis propter peccatum: quia, sicut dicitur I. Ierem. xxxv. 8. *via illa sancta vocabitur, & non transibit per eam pollutus*. Est autem duplex peccatum impediens ab ingressu regni cælestis. Unum quidem commune

V 3 commune



mune totius humanæ naturæ, quod est peccatum primi parentis: & per hoc peccatum præcludebatur homini aditus regni caelestis: Unde legitur Gen. 111. 24. quod post peccatum primi parentis collocavit Deus Chanaan, & flammam gladium, atque versatilem, ad excludendam viam signi vitæ. Aliud autem est peccatum speciale uniuscuiusque personæ, quod per proprium actum committitur uniuscuiusque hominis. Per passionem autem Christi liberati sumus, non solum a peccato communi totius humanæ naturæ & quantum ad culpam, & quantum ad reatum poenæ, ipso solvente pretium pro nobis, sed etiam a peccato propriis singulorum, qui communicant eius passioni per fidem, & caritatem, & tales sacramenta. Et ideo per passionem Christi aperta est nobis ianua regni caelestis. Et hoc est quod Apostolus dicit Heb. ix. 11. quod Christus assilens Pontifex futurorum bonorum, per proprium sanguinem, introivit semel in sancta redemptione inventa. Et hoc figuratur Numer. xxxv. 25. ubi dicitur, quod homicida manebit ibi, scilicet in civitate reliquiæ, donec sacerdos magnus, qui oleo sancto unctus est, moriatur; quo mortuo poterit in domum suam redire.

Ad primum ergo dicendum, quod sancti patres operando opera iustitiæ, meruerunt introitum regni caelestis per fidem passionis Christi, secundum illud Heb. xi. 32. Sancti per fidem vicerunt regna, operati sunt iustitiam: per quam etiam unusquisque a peccato purgatur, quantum pertinet ad emundationem propriæ personæ. Non tamen alicuius fides, vel iustitia sufficiebat ad removendum impedimentum quod erat per reatum totius humanæ creaturæ; quod quidem remotum est pretio sanguinis Christi. Et ideo ante passionem Christi nullus intrare poterat regnum caeleste, adipiscendo scilicet beatitudinem eternam, quæ consistit in plena Dei fructione.

Ad secundum dicendum, quod Elias sublevatus est in caelum aereum, non autem in caelum empyreum, qui est locus Sanctorum: & similiter etiam Enoch raptus est ad paradysum terrestrem, ubi cum Elia simul creditur vivere usque ad adventum Antichristi.

Ad tertium dicendum, quod, sicut supra dictum est (quaest. xxxix. art. 5.) Christo baptizato, aperti sunt caeli, non propter ipsum Christum, cui semper caelum patuit, sed ad significandum quod

caelum aperitur baptizatis baptismo Christi, qui habet efficaciam ex passione ipsius.

Ad quartum dicendum, quod Christus sua passione meruit nobis introitum regni caelestis, & impedimentum removet; sed per suam ascensionem nos quasi in possessionem regni caelestis introduxit. Et ideo dicitur, quod ascendit pandens iter ante eos.

## ARTICULUS VI. 275.

*Utrum Christus per suam passionem meruerit exaltari.*

### III. dist. xviii. art. 4. quaest. 3.

**A**D sextum sic proceditur. Videtur quod Christus per suam passionem non meruerit exaltari. Sicut enim cognitio veritatis est proprium Deo, ita & sublimitas, secundum illud Psal. cxix. 4. Excelsus super omnes gentes Dominus, & super caelos gloria eius. Sed Christus, secundum quod homo, habuit cognitionem omnis veritatis, non ex aliquo merito præcedente, sed ex ipsa unione Dei, & hominis, secundum illud Ioan. i. 14. Vidimus gloriam eius gloriam quasi unigeniti a Patre, plenum gratiæ, & veritatis. Ergo neque exaltationem habuit ex merito passionis, sed ex sola unione.

2. Præterea, Christus meruit sibi a primo instanti suæ conceptionis, ut supra habitum est (quaest. xxxix. art. 3.) Non autem maior caritas fuit in eo tempore passionis quam ante. Cum ergo caritas sit merendi principium, videtur quod non magis meruerit per passionem suam exaltationem quam ante.

3. Præterea, Gloria corporis resultat ex gloria animæ, ut Augustinus dicit in epist. ad Diolcorum (cxviii. al. lvi. ante med.) Sed Christus per passionem suam non meruit exaltationem quantum ad gloriam animæ, quia anima eius fuit beata a primo instanti suæ conceptionis. Ergo neque etiam per passionem meruit exaltationem quantum ad gloriam corporis.

Sed contra est quod dicitur Philip. 11. 8. Factus est obediens usque ad mortem, mortem autem crucis: propter quod & Deus exaltavit illum.

Respondeo dicendum, quod meritum importat quandam æqualitatem iustitiæ: unde & Apostolus dicit Rom. 1v. 4. quod

ei qui operatur, merces imputatur secundum debitum. Cum autem aliquis ex sua iniusta voluntate sibi attribuit pluiquam sibi debeatur, iustum est ut diminuatut etiam quantum ad id quod sibi debebatur; sicut cum furatur quis unam ovem; reddet quatuor, ut dicitur Exodi xxii. Et hoc dicitur mereri, in quantum per hoc punitur eius iniqua voluntas. Ita etiam cum aliquis sibi ex iusta voluntate subtrahit quod debebat habere, meretur ut sibi amplius superaddatur, quasi merces iustae voluntatis. Et inde est quod, sicut dicitur Lucæ xiv. 11. qui se humiliat, exaltabitur.

Christus autem in sua passione seipsum humiliavit infra suam dignitatem quantum ad quatuor: primo quidem quantum ad passionem, & mortem, cuius debitor non erat; secundo quantum ad locum, quia corpus eius positum est in sepulcro, & anima in inferno; tertio quantum ad consensionem, & opprobria, quæ sustinuit; quarto quantum ad hoc quod est traditus humane potestati, secundum quod ipse dicit Pilato Ioan. xix. 11. (a) Non haberes in me potestatem, nisi datum tibi esset desuper. Et ideo per suam passionem meruit exaltationem quantum ad quatuor. Primo quidem quantum ad resurrectionem gloriosam: unde dicitur in Psal. cxxxviii. 1. Tu cognovisti sessionem meam, id est humilitatem meam passionis, & resurrectionem meam. Secundo quantum ad ascensionem in celum: unde dicitur Ephel. iv. 9. Descendit primum in inferiores partes terre: qui autem descendit, ipse est & qui ascendit super omnes celos. Tertio quantum ad consensum paternæ dexteræ, & manifestationem Divinitatis ipsius, secundum illud Ila. lxi. 13. Exaltabitur, & elevaritur, & sublimis erit valde: sicut obdormierunt super eum multi, sic gloriosus erit inter viros aduersus eius: & Philip. ii. 8. dicitur, Factus est obediens usque ad mortem, mortem autem crucis: propter quod & Deus exaltavit illum, & dedit illi nomen quod est super omne nomen, ut scilicet ab omnibus nominetur Deus, & omnes ei reverentiam exhibeant sicut Deo. Et hoc est quod subditur. Ut in nomine Iesu omne genuflectatur, caelestium, ter restum & infernorum. Quarto quantum ad iudiciariam potestatem: dicitur enim Iob xxxvi. 17. Causa tua quasi impii iudicata est: causam, iudiciumque recipies.

Ad primum ergo dicendum, quod principium merendi est ex parte animæ; corpus autem est instrumentum meritorii actus. Et ideo perfectio animæ Christi, quæ fuit merendi principium, non debuit in eo acquiri per meritum, sicut perfectio corporis, quod fuit passionis subiectum, & per hoc fuit ipsius meriti instrumentum.

Ad secundum dicendum, quod per priora merita Christus meruit exaltationem ex parte ipsius animæ, cuius voluntas caritate, & aliis virtutibus informabatur; sed in passione meruit suam exaltationem per modum cuiusdam recompensationis etiam ex parte corporis: iustum est enim ut corpus quod fuerat ex caritate passioni subiectum, acciperet recompensationem in gloria.

Ad tertium dicendum, quod dispensatione quadam factum est in Christo ut gloria animæ ante passionem non redundaret ad corpus, ad hoc quod gloriam corporis honorabilius obtineret, quando eam per passionem meruisset. Gloriam autem animæ differri non conveniebat: quia anima immediate uniebatur Verbo: unde decens erat ut gloria repleretur ab ipso Verbo; sed corpus uniebatur Verbo mediante anima.

## QUAESTIO L.

## De morte Christi,

## in sex articulos divisa.

**D**Einde considerandum est de morte Christi: & circa hoc quaeruntur sex.

Primo, utrum conveniens fuerit Christum mori.

Secundo, utrum per mortem fuerit separata Divinitas a carne.

Tertio, utrum fuerit separata Divinitas ab anima.

Quarto, utrum Christus in triduo mortis fuerit homo.

Quinto, utrum corpus eius fuerit idem numero vivum, & mortuum.

Sexto, utrum mors eius sit aliquid operata ad nostram salutem.

(a) Non haberes potestatem adversus me ullam &c.

## ARTICULUS I. 276

*Utrum conveniens fuerit Christum mori.*

*Inf. quæst. lxxi. art. 1. cor. & IV. cont. cap. lxx. & quod. 11. art. 2. corp. & opusc. 11. cap. vii. & cap. cccxxxiv. & cccxxxviii. fin. & opusc. lx. cap. ix.*

**A**D primum sic proceditur. Videtur quod non fuerit conveniens Christum mori. Illud enim quod est primum principium in aliquo genere, non disponitur per illud quod est contrarium illi generi; sicut ignis, qui est principium caloris, nunquam potest esse frigidus. Sed Filius Dei est fons, & principium omnis vitæ, secundum illud Psal. xxxv. 10. *Apud te est fons vitæ.* Ergo videtur quod non fuerit conveniens Christum mori.

2. Præterea. Maior est defectus mortis quam morbi, quia per morbum pervenitur ad mortem. Sed non fuit conveniens Christum aliquo morbo languescere, ut Chrysostomus dicit. (Vide sup. quæst. lxxi. art. 3. ad 2.) Ergo etiam non fuit conveniens Christum mori.

3. Præterea. Dominus dicit Ioan. x. 10. *Ego veni ut vitam habeant, & abundantius habeant.* Sed oppositum non perducit ad oppositum. Ergo videtur quod non fuerit conveniens Christum mori.

Sed contra est quod dicitur Ioan. xi. 50. *Expedi vobis ut unus homo moriatur pro populo, & non tota gens pereat:* quod quidem Caiaphas propheticè dixit, ut Evangelista testatur.

Respondetur dicendum, quod conveniens fuit Christum mori. Primo quidem ad satisfaciendum pro humano genere, quod erat morti adiudicatum propter peccatum, secundum illud Genes. 3. 17. *Quicumque die comederitis, morte moriemini.* Est autem conveniens satisfaciendi pro alio modo, cum aliquis se hibicet pœnæ quam alius meruit. Et ideo Christus mori voluit, ut moriendo pro nobis satisfaceret, secundum illud I. Petr. 1. 18. *Christus semel pro peccatis nostris mortuus est.* Secundo ad ostendendum veritatem naturæ assumptæ. Sicut enim Eusebius dicit, (in orat. de laudib. Constantini inter med. & fin. seu cap. xv.) *si aliter post conversationem cum hominibus evanescens, subito evolveret fugiens*

*mortem, ab omnibus compararetur phantasmati.* Tercio ut moriendo nos a timore mortis liberaret: unde dicitur Heb. 11. 14. *quod communicavit carni, & sanguini, ut per mortem destrueret eum qui habebat mortis imperium, idest diabolum, & liberaret eos qui timore mortis per totam vitam obnoxii erant servituti.* Quarto ut corporaliter moriendo similitudini peccati, idest penalitati, daret nobis exemplum moriendi spiritualiter peccato. Unde dicitur Rom. vi. 10. *Quod enim mortuus est peccato, mortuus est semel; quod autem vivit, vivit Deo.* Ita & vos existimate mortuos quidem esse peccato, viventes autem Deo. Quinto ut a mortuis resurgendo & virtutem suam ostenderet, qua mortem superavit, & nobis ipsem resurgendi a mortuis daret. Unde Apostolus dicit I. ad Cor. xv. 12. *Si Christus prædicatur, quod resurrexerit a mortuis, quomodo quidam in vobis dicunt, quod resurrectio mortuorum non est?*

Ad primum ergo dicendum, quod Christus est fons vitæ, secundum quod Deus, non autem secundum quod homo; mortuus est autem secundum quod homo, non secundum quod Deus. Unde Augustinus dicit contra Felician. (cap. xiv. in princ.) *Absit quod Christus sic senserit mortem, ut quantum in se est vita vitam perdidisset: si enim hoc ita esset, vitæ fons aruisset. Sensit ergo mortem participatione humani affectus, quem sponte suscepit; non naturæ suæ perdidit potentiam, per quam cunctis vivificat.*

Ad secundum dicendum, quod Christus non sustinuit mortem ex morbo provenientem, ne videretur ex necessitate mori propter inhumanitatem naturæ; sed sustinuit mortem ab exteriori illatam, cui se spontaneum obtulit, ut mortis eius voluntaria ostenderetur.

Ad tertium dicendum, quod unum oppositum per se non ducit ad aliud, sed quandoque per accidens, sicut frigidum quandoque per accidens calefacit: & hoc modo Christus per suam mortem nos perduxit ad vitam, dum sua morte mortem nostram destruxit; sicut ille qui pœnam pro alio sustinet, removel pœnam eius.

## ARTICULUS II. 277

*Utrum in morte Christi fuerit separata  
Divinitas a carne.*

III. dist. III. quæst. II. art. 1. quæst. I. &  
dist. XXI. quæst. I. art. 1. quæst. I. &  
quod. II. art. 1. co. & quæst. IV. art. 6.  
co. & opus. II. cap. CCXXXVI. & CCXXXVII.  
& opus. IX. cap. XIX. fin.

**A**D secundum sic proceditur. Videtur  
quod in morte Christi fuerit sepa-  
rata Divinitas a carne. Ut enim dicitur  
Matth. XXVII. Dominus in cruce pen-  
dens clamabat: *Deus meus, Deus meus,*  
*ut quid dereliquisti me?* quod exponens  
Ambrosius (sup. illud Luc. XXIII. *Et*  
*hec dicens expiravit*) dicit: „Clamabat  
„homo, separatione Divinitatis mori-  
„turus; nam cum Divinitas a morte  
„libera sit, utique mors ibi esse non  
„poterat, nisi vita discederet: quia vi-  
„ta Divinitas est.“ Et sic videtur quod  
in morte Christi sit Divinitas separata a  
carne.

2. Præterea. Remoto medio, separan-  
tur extrema. Sed divinitas unita est car-  
ni mediante anima, ut supra habitum  
est (quæst. VI. art. 1.) Ergo videtur quod  
cum in morte Christi anima sit separata  
a carne, per consequens Divinitas sit a  
carne separata.

3. Præterea. Maior est virtus vivifi-  
candi Dei quam animæ. Sed corpus mori  
non poterat, nisi anima separata. Ergo  
multo minus mori poterat, nisi sepa-  
rata Divinitate.

Sed contra est quod ea quæ sunt hu-  
manæ naturæ, non dicuntur de Filio  
Dei nisi ratione unionis, ut supra habi-  
tum est (quæst. XVI. art. 4. & 5.) Sed  
de Filio Dei dicitur id quod convenit  
corpori Christi post mortem, scilicet esse  
sepultum: ut patet in Symbolo fidei,  
ubi dicitur, quod Filius Dei *conceptus*  
*est, & natus ex Virgine, passus, mor-*  
*tuus, & sepultus*. Ergo corpus Chri-  
sti non fuit in morte a Divinitate sepa-  
ratum.

Respondendo dicendum, quod illud  
quod per gratiam Dei conceditur, num-  
quam absque culpa revocatur. Unde di-  
citur Rom. XI. 29. quod *sine penitentia*  
*juvat dona Dei, & vocatio*. Multo autem  
maior est gratia unionis, per quam Di-  
vinitas unita est carni Christi in perso-  
na, quam gratia adoptionis, per quam

alii sanctificantur; & etiam magis per-  
manens ex sui ratione, quia hæc gratia  
ordinatur ad unionem personalem; gra-  
tia autem adoptionis ad quantum unionem  
affectualem; & tamen videmus quod  
gratia adoptionis numquam perditur sine  
culpa. Cum igitur in Christo nullum  
fuerit peccatum, impossibile fuit quod  
solveretur unio Divinitatis a carne ipsius.  
Et ideo sicut ante mortem caro Christi  
unita fuit secundum personam, & hypo-  
stasim Verbo Dei, ita & remansit unita  
post mortem, ut scilicet non esset alia  
hypostasis Verbi Dei, & carnis Chri-  
sti post mortem, ut Damascenus dicit  
in III. Lib. (orth. Fid. cap. XXVII. ad  
fin.)

Ad primum ergo dicendum, quod de-  
relictio illa non est referenda ad solutio-  
nem unionis personalis, sed ad hoc quod  
Deus Pater eum exposuit passioni: unde  
derelinquere ibi non est aliud quam non  
protegere a persequentibus.

Vel dicit se derelictum quantum ad illam  
orationem, qua dixerat: *Pater, si fieri*  
*potest, transseat a me calix iste*, ut Au-  
gustinus exponit in Lib. de gratia novi  
Testam. (cxl. al. cxx. epist. cap. VI. & X.)

Ad secundum dicendum, quod Ver-  
bum Dei dicitur unitum carni mediante  
anima, in quantum caro per animam per-  
tinet ad humanam naturam, quam Filius  
Dei assumere intendebat; non autem  
ita quod anima sit quasi medium ligans  
unita. Habet autem caro ab anima quod  
pertineat ad humanam naturam, etiam  
postquam anima separata ab ea, in quan-  
tum scilicet in carne mortua remanet  
ex divina ordinatione quidam ordo ad re-  
surrectionem. Et ideo non tollitur unio  
Divinitatis ad carnem.

Ad tertium dicendum, quod anima ha-  
bet vim vivificandi formaliter: & ideo,  
ea præsentem, & unita formaliter, neces-  
se est corpus esse vivum, Divinitas au-  
tem non habet vim vivificandi formaliter,  
sed effective: non enim potest esse  
corporis forma: & ideo non est necesse  
quod manente unione Divinitatis ad car-  
nem, caro sit viva, quia Deus non ex  
necessitate agit, sed ex voluntate.

## ARTICULUS III. 278

*Utrum in morte Christi fuerit facta  
separatio Divinitatis ab  
anima.*

III. dist. XXI. quest. 1. art. 1. quest. 2. &  
quest. 11. art. 1. cor. & opusc. 11. cap.  
cxxxvi. & opusc. lx. cap. xix. fin. &  
Psal. xxi.

**A**D tertium sic proceditur: Videtur  
quod in morte Christi fuerit facta  
separatio Divinitatis ab anima. Dicit e-  
nim Dominus Ioan. x. 18. *Nemo tollit a-*  
*nimam meam a me, sed ego pono eam,*  
*& iterum sumo eam.* Non autem videtur  
quod corpus animam ponere possit, cum  
a se separando: quia anima non subicit  
potestati corporis, sed potius e con-  
verso: & sic videtur quod Christo, te-  
cundum quod est Verbum Dei, conve-  
niat animam suam ponere: hoc autem  
est eam a se separare. Ergo per mor-  
tem anima eius fuit a Divinitate sepa-  
rata.

2. Præterea. Athanasius dicit (implic.  
Lib. VI. de beatitud. Verbi Dei ad Theo-  
phil. a. ned.) *maledictum, qui totum ho-*  
*minem, quem assumpsit Dei Filius, denuo*  
*assumptum, vel liberatum, tertia die a*  
*mortuis resurrexisset non confiteretur.* Sed  
non potuit totus homo denuo assumi,  
nisi aliquando fuerit totus homo a Ver-  
bo Dei separatus: totus autem homo  
componitur ex anima, & corpore. Ergo  
aliquando fuit facta separatio Divinitatis  
& a corpore, & ab anima.

3. Præterea. Propter unionem ad to-  
rum hominem Filius Dei vere dicitur  
homo. Si ergo, soluta unione animæ  
& corporis per mortem, Verbum Dei  
remanisset unitum animæ, sequeretur quod  
vere dici posuisset, Filium Dei esse ani-  
mam. Hoc autem est falsum: quia cum  
anima sit forma corporis, sequeretur quod  
Verbum Dei fuerit corporis forma: quod  
est impossibile. Ergo in morte Christi  
anima fuit a Verbo Dei separata.

4. Præterea. Anima, & corpus ab  
invicem separata non sunt una hypostasis,  
sed duæ. Si igitur Verbum Dei remanisset  
unitum tam corpori, quam animæ Chris-  
ti, separatis eis ab invicem per mortem  
Christi, videtur sequi quod Verbum Dei,  
durante morte Christi, fuerit duæ-hy-  
postases: quod est inconveniens. Non  
ergo post mortem Christi remansit ani-  
ma Verbo unita.

Sed contra est quod dicit Damascenus  
in III. Lib. (orth. Fid. cap. xxvii. a  
med.) *Esti Christus mortuus est ab homo.*  
*& sancta eius anima ab incontaminato*  
*divisa est corpore; Divinitas tamen inse-*  
*parabilis ab utrisque permanfit, ab ani-*  
*ma dico, & corpore.*

Respondendo dicendum, quod anima u-  
nita est Verbo Dei immediatius, & per  
prius quam corpus; cum corpus unitum  
sit Verbo Dei mediante anima, ut supra  
dictum est (quest. vr. art. 1.) Cum ergo  
Verbum Dei non sit separatum in  
morte a corpore, multo minus separa-  
tum est ab anima. Unde fuit de Filio  
Dei prædicatur id quod convenit corpori  
ab anima separato, scilicet *esse sepultum;*  
*ira de eo in Symbolo dicitur, quod de-*  
*scendit ad inferos,* quia anima eius a  
corpore separata descendit ad inferos.

Ad primum ergo dicendum, quod Aug-  
ustinus (tract. xlviii. in Ioan. post  
med.) exponens illud verbum Iohannis in-  
quirat, cum Christus sit Verbum, ani-  
ma, & caro, *utrum ex eo quod est Ver-*  
*bum, ponat animam, an ex eo quod est*  
*anima, an iterum ex eo quod est caro.* Et  
dicit, quod si dixerimus, quod Verbum  
Dei animam posuit, sequitur quod aliquan-  
do anima illa separata est a Verbo; quod  
est falsum: mors enim corpus, ab anima  
separavit; a Verbo autem animam sepa-  
ratam esse non dico. Si vero dixerimus,  
quod ipsa se anima ponat, sequitur quod  
anima ipsa a se separata sit: quod est ab-  
surdum. Relinquitur ergo quod ipsa caro  
animam suam ponit, & iterum eam sum-  
mit, non potestate sua, sed potestate Ver-  
bi inhabitantis carnem: quia, sicut supra  
dictum est (in corp. art. & art. præc.)  
per mortem non est separata Divinitas  
Verbi a carne.

Ad secundum dicendum, quod in ver-  
bis illis Athanasius non intellexit quod  
totus homo denuo sit assumptus, id est  
omnes partes eius, quasi Verbum Dei  
partes humanæ naturæ depoluerit per  
mortem; sed quod iterato totalitas natu-  
ræ assumptæ sit in resurrectione redin-  
tegrata per iteratam unionem animæ, &  
corporis.

Ad tertium dicendum, quod Verbum  
Dei propter unionem humanæ naturæ  
non dicitur humana natura, sed dicitur  
homo, quod est habens humanam natu-  
ram. Anima autem, & corpus sunt par-  
tes essentielles humanæ naturæ. Unde  
propter unionem Verbi ad utrumque eo-  
rum, non sequitur quod Verbum Dei  
sit.

sit anima, vel corpus, sed quod sit habens animam, vel corpus.

Ad quartum dicendum, quod, sicut Damascenus dicit in III. Lib. (orth. Fid. cap. xxvii. ad fin.) quod in morte Christi est separata anima a carne, non est una hypostasis in duas hypostases divisa: nam & corpus, & anima Christi secundum idem ex principio in Verbi hypostasi habuerunt existentiam, & in morte invicem divisa, (a) singulum eorum mansit, unam hypostasim Verbi habens. Quare una Verbi hypostasis (b) Verbi, & animae, & corporis existit hypostasis: numquam enim neque anima, neque corpus propriam habuerunt hypostasim, præter Verbi hypostasim: una enim semper Verbi hypostasis, & nunquam duæ.

ARTICULUS IV. 279

*Utrum Christus in triduo mortis fuerit homo.*

III. dist. xxii. quest. 1. art. 1. & quest. 11. art. 1. & quod. 111. art. 4. cor. fin. & quod. iv. art. 1. & opusc. 11. cap. ccxxvi. & opusc. ix. cap. xx. fin.

**A**D quartum sic proceditur. Videtur quod Christus in triduo mortis fuerit homo. Dicit enim Augustinus in I. de Trinit. (cap. xiii. in princ.) *Talis erat illa susceptio, quæ Deum hominem faceret; & hominem Deum.* Sed illa susceptio non cessavit per mortem. Ergo videtur quod per mortem non desierit esse homo.

2. Præterea. Philosophus dicit in IX. Ethic. (cap. xv. ante med.) quod *unusquisque homo est suus intellectualis*; unde & post mortem animam Petri alloquentes dicimus, *Sancte Petre era pro nobis.* Sed post mortem Filius Dei non fuit separatus ab anima intellectuali. Ergo in illo triduo Filius Dei fuit homo.

3. Præterea. Omnis sacerdos est homo. Sed in illo triduo mortis Christus fuit sacerdos: aliter enim non verum esset, quod dicitur in Psal. cix. 4. *Tu es sacerdos in æternum.* Ergo Christus in illo triduo fuit homo.

Sed contra. Remoto superiori, remouetur inferius. Sed vivum, sive anima-

tum est superius ad animal, & ad hominem, nam animal est substantia animata sensibilis. Sed illo triduo mortis corpus Christi non fuit vivum, neque animatum. Ergo non fuit homo.

Respondeo dicendum, quod Christum vere fuisse mortuum, est articulus fidei. Unde alterere omne illud per quod tollitur veritas mortis Christi, est error contrariam fidem. Propter quod in epist. Synodali Cyrilli (in fin. & hab. in Conc. Ephel. gener. III. part. 1. cap. xxvi.) dicitur: *Si quis non confiteatur Dei Verbum passum carne, & crucifixum carne, & quod mortem gustavit carne; anathematizetur.* Pertinet autem ad veritatem mortis hominis, vel animalis, quod per mortem delinat esse homo, vel animal: mors enim hominis, vel animalis provenit ex separatione animæ, quæ complet rationem animalis, vel hominis. Et ideo dicere Christum in triduo mortis hominem fuisse, simpliciter, & absolute loquendo, erroneum est.

Potest tamen dici, quod Christus in triduo fuit homo mortuus.

Quidam tamen confessi sunt, Christum in triduo hominem fuisse, dicentes quidem verba erronea, sed sensum erroris non habentes in fide: sicut Hugo de Sancto Victore qui (Lib. II. de sacram. part. 1. cap. xi.) ea ratione dixit Christum in triduo mortis fuisse hominem, quia dicebat animam esse hominem: quod tamen est falsum, ut in prima parte ostensum est (quest. lxxv. art. 4.) Magister etiam Sententiarum in xxii. dist. III. Lib. posuit, quod Christus in triduo mortis fuit homo alia ratione: quia credidit quod unum animæ, & carnis non esset de ratione hominis, sed sufficeret ad hoc quod aliquid sit homo, quod habeat animam humanam, & corpus, sive coniuncta, sive non coniuncta: quod etiam patet esse falsum ex his quæ dicta sunt in prima parte (loc. cit.) & ex his quæ supra dicta sunt circa modum unionis (quest. 11. art. 5.)

Ad primum ergo dicendum, quod Verbum Dei suscepit animam, & carnem unitam: & ideo illa susceptio fecit Deum hominem, & hominem Deum. Non autem cessavit illa susceptio per separationem Verbi ab anima, vel a carne;

(a) *Ita passim. Cod. Alcan.* singula eorum manserunt, unam hypostasim Verbi habens. *Damascenus* Latine videtur a *Lequeno* sic. Siquidem & corpus & anima simul ab initio in Verbi persona existentiam habuerunt; ac licet in morte divisa sint, utrumque tamen eorum etiam Verbi personam, qua subsisteret, semper habuit. (b) *Hæc lectio ex fide Damasceni, & D. Thoma mss. arguo edit. Cod. Alcan.* una animæ & corporis &c.

ne; cessavit tamen unio carnis, & animæ.

Ad secundum dicendum, quod homo dicitur esse suus intellectus, non quia intellectus sit totus homo, sed quia intellectus est principalior pars hominis, in quo virtualiter consistit tota dispositio hominis; sicut si rector civitatis dicatur tota civitas, quia in eo consistit tota dispositio civitatis.

Ad tertium dicendum, quod esse sacerdotem convenit homini ratione animæ, in qua est ordinis character: unde per mortem homo non perdit ordinem sacerdotalem, & multo minus Christus, qui est totius sacerdotii origo.

## ARTICULUS V. 280

*Utrum fuerit idem numero corpus Christi viventis, & mortui.*

*Quod. II. ar. 1. & quod. III. ar. 4. ad 1. & quod. IV.*

**A**D quintum sic proceditur. Videtur quod non fuerit idem numero corpus Christi viventis, & mortui. Christus enim vere mortuus fuit, sicut & alii homines moriuntur. Sed corpus cuiuscunque alterius hominis non est simpliciter idem numero mortuum, & vivum, quia differunt essentiali differentia. Ergo neque corpus Christi est simpliciter idem numero mortuum, & vivum.

2. Præterea. Secundum Philosophum in V. Metaph. (tex. 12.) *quæcumque sunt diversa specie, sunt etiam diversa numero*. Sed corpus Christi vivum, & mortuum fuit diversum specie: quia non dicitur oculus, aut caro mortui, nisi æquivoce, ut patet per Philosophum in II. de Anima (tex. 9.) & in VII. Met. (tex. 35.) Ergo corpus Christi non fuit simpliciter idem numero vivum, & mortuum.

3. Præterea. Mors est corruptio quædam. Sed illud quod corrumpitur corruptione substantiali, postquam corruptum est, iam non est: quia corruptio est mutatio de esse in non esse. Corpus ergo Christi, postquam mortuum fuit, non remansit idem numero, cum mors sit substantialis corruptio.

Sed contra est quod Athanasius dicit in epistola ad Epictetum (cir. med. & incipit: *Ego arbitrabar*.) *Circumciso cor-*

*poro, (a) & portato, & manducante, & laborante, & in ligno affixo, erat impassibile, & incorporeum Dei Verbum; hoc erat in sepulchro positum. Sed corpus Christi vivum fuit circumcissum, & in ligno affixum; corpus autem Christi mortuum fuit positum in sepulchro. Ergo hoc idem corpus quod fuit vivum, fuit etiam mortuum.*

Respondendo dicendum, quod hoc quod dico simpliciter potest accipi dupliciter. Uno modo, secundum quod simpliciter idem est quod absolute; sicut *simpliciter dicitur, quod nullo addito dicitur*, ut Philosophum dicit (in II. Lib. II. Top.) & hoc modo corpus Christi mortuum, & vivum simpliciter fuit idem numero. Dicitur enim aliquid esse idem numero simpliciter, quia est supposito idem. Corpus autem Christi vivum, & mortuum fuit supposito idem: quia non habuit aliam hypostasin vivum, & mortuum, præter hypostasin Verbi Dei, ut supra dictum est (ar. 2. huius quæst.) Et hoc modo loquitur Athanasius in auctoritate industria. Alio modo *simpliciter* idem est quod omnino, vel totaliter: & sic corpus Christi mortuum, & vivum non fuit simpliciter idem numero: quia non fuit totaliter idem, cum vita sit aliquid de essentia corporis viventis, est enim prædicatum essentiali, non accidentale: unde consequens est quod corpus quod desinit esse vivum, non totaliter idem remaneat. Si autem diceretur, quod corpus Christi mortuum totaliter idem remaneret, sequeretur quod non esset corruptum, corruptione dico mortis: quod est hæresis Gaianitarum, ut Iliodor. dicit, (Lib. VIII. Eym. cap. v. ad. II.) & habetur in Decretis xxiv. quæst. III. (cap. *Quidam autem*.) Et Damas. dicit in III. Lib. (orth. Fid. cap. xxviii. in princ.) quod *corruptionis nomen duo significat: uno modo separationem anime a corpore, & alia bui/modi; alio modo perfectam dissolutionem in elementa. Ergo incorruptibile dicere corpus Domini, secundum Iulianum, & Gaianum, secundum primum corruptionis modum ante resurrectionem, est impium: quia corpus Christi non esset consubstantiali nobis, nec in veritate mortuum esset, nec secundum veritatem salvati essemus. Secundo autem modo corpus Christi fuit incorruptum.*

Ad primum ergo dicendum, quod corpus mortuum cuiuscunque alterius hominis non remanet unitum alicui hypostasi.

(a) Ita cum Athanasio Nicolaus & posteriores, edit. Al. & portato.

flati permanenti, sicut corpus Christi mortuum. Et ideo corpus mortuum cuiuscumque alterius hominis non est idem simpliciter, sed secundum quid: quia est idem secundum materiam, non autem idem secundum formam. Corpus autem Christi remanet idem simpliciter propter identitatem suppositi, ut dictum est (in corp. ar.)

Ad secundum dicendum, quod quia idem numero dicitur aliquid secundum suppositum, idem autem specie est idem secundum formam; ubicumque suppositum subsistit in una sola natura, oportet quod sublata unitate speciei, auferatur unitas numeralis. Sed hypostasis Verbi Dei subsistit in duabus naturis: & ideo quamvis in Christo non remaneat corpus idem secundum speciem humanæ naturæ, remanet tamen idem numero secundum suppositum Verbi Dei.

Ad tertium dicendum, quod corruptio, & mors non competit Christo ratione suppositi, secundum quod attenditur unitas, sed ratione naturæ, secundum quam invenitur differentia mortis, & vitæ.

#### ARTICULUS VI. 281

*Utrum mors Christi aliquid operata sit ad nostram salutem.*

*Inf. quest. 11. ar. 1. co. & quest. 11. ar. 1. ad 4. & ad Gal. 11.*

**A**D sextum sic proceditur. Videtur quod mors Christi nihil operata sit ad nostram salutem. Mors enim est quædam privatio, est enim privatio vitæ. Sed privatio, cum non sit res aliqua, non habet aliquam virtutem agendi. Ergo non potuit aliquid operari ad nostram salutem.

1. Præterea. Passio Christi operata est ad nostram salutem per modum meriti. Sic autem non potuit operari mors Christi: nam in morte leparatur anima a corpore, quæ est merendi principium. Ergo mors Christi non est operata aliquid ad nostram salutem.

3. Præterea. Corporale non est causa spiritualis. Sed mors Christi fuit corporalis. Non ergo potuit esse causa spiritualis nostræ salutis.

Sed contra est quod Augustinus dicit in IV. de Trinit. (cap. 111. sub ff.) *Una mors nostri Salvatoris, scilicet corporalis, duabus moribus nostris, idest animæ, & corporis, saluti fuit.*

Respondeo dicendum, quod de morte Christi dupliciter loqui possumus: uno modo secundum quod est in fieri; alio modo secundum quod est in facto esse. Dicitur autem mors esse in fieri, quando aliquis per aliquam passionem vel naturalem, vel violentam, tendit in mortem: & hoc modo idem est loqui de morte Christi, & de passione ipsius. Et ita secundum hunc modum mors Christi causa est salutis nostræ secundum id quod de passione supra dictum est (quest. xlii.) Sed in facto esse mors Christi consideratur, secundum quod iam facta est separatio corporis, & animæ: & sic nunc loquimur de morte Christi. Hoc autem modo mors Christi non potest esse causa salutis nostræ per modum meriti, sed solum per modum efficientiæ, in quantum scilicet nec per mortem Divinitas separata fuit a Christi carne: & ideo huicquid contigit circa carnem Christi, etiam anima separata, fuit nobis salutiferum virtute Divinitatis unitæ. Consideratur autem proprie alicuius causæ effectus secundum similitudinem causæ. Unde quia mors est quædam privatio vitæ propriæ, effectus mortis Christi attenditur circa remotionem eorum quæ contrariantur nostræ salutis; quæ quidem sunt mors animæ, & mors corporis. Et ideo per mortem Christi dicitur esse destructa in nobis & mors animæ, quæ est per peccatum nostrum, secundum illud Rom. iv. 25. *Traditus est*, scilicet in mortem, *propter delicta nostra*: & mors corporis, quæ consistit in separatione animæ, secundum illud I. ad Cor. xv. 54. *Absorpta est mors in victoria.*

Ad primum ergo dicendum, quod mors Christi est operata salutem nostram ex virtute Divinitatis unitæ, & non ex sola ratione mortis.

Ad secundum dicendum, quod mors Christi, secundum quod consideratur in facto esse, etsi non est ad nostram salutem operata per modum meriti, est tamen operata per modum efficientiæ, ut dictum est (in cor. art.)

Ad tertium dicendum, quod mors Christi fuit quidem corporalis; sed corpus illud fuit instrumentum Divinitatis sibi unitæ, operans in virtute eius etiam mortuum.



## QUAESTIO LI.

## De sepultura Christi,

in quatuor articulos divisa.

**D**Einde considerandum est de sepultura Christi: & circa hoc quaeruntur quatuor.

Primo, utrum conveniens fuerit Christum sepeliri.

Secundo de modo sepulturae eius.

Tertio, utrum corpus eius fuerit in sepulcro repositum.

Quarto de tempore quo iacuit in sepulcro.

## ARTICULUS I. 282

*Utrum fuerit conveniens Christum sepeliri.*

*Inf. quæst. lxx. art. 4. & opus. ii. cap. cxxli. & cxxlii. & opus. ix. cap. xx. prin. & I. Cor. xv. i. c. l. i.*

**A**D primum sic proceditur. Videtur quod non fuerit conveniens Christum sepeliri. De Christo enim dicitur in Psal. lxxxvii. 6. *Faciens est sicut homo sine adiutorio, inter mortuos liber.* Sed in sepulcro includuntur corpora mortuorum; quod videtur esse contrarium libertati. Ergo non videtur fuisse conveniens quod corpus Christi sepeliretur.

2. Præterea. Nihil circa Christum fieri debuit quod non eilet salutarium nobis. Sed in nullo videtur ad salutem hominum pertinere quod Christus fuit sepultus. Ergo non fuit conveniens Christum sepeliri.

3. Præterea. Inconveniens esse videtur quod Deus, qui est super cælos excelsus, in terra sepeliretur. Sed illud quod convenit corpori Christi mortuo, attribuit Deo ratione unionis. Ergo inconveniens videtur Christum tunc sepeliri.

Sed contra est quod Dominus dicit Matth. xxvi. 10. de muliere, quæ eum inunxerat: *Omne bonum operata est in me*: & postea subdit: *Mittens enim hoc unguentum in corpus meum, ad sepeliendum me fecit.*

Respondetur dicendum, quod conveniens fuit Christum sepeliri. Primo quidem ad comprobandum veritatem mortis: non enim in sepulcro aliquis ponitur, nisi

quando iam de veritate mortis constat. Unde & Marci xv. legitur, quod Pilatus, antequam concederet Christum sepeliri, diligenti inquisitione cognovit, eum mortuum esse. Secundo quia per hoc quod Christus de sepulcro resurrexit, datur spes resurgendi per ipsum, his qui sunt in sepulcro, secundum illud Ioan. v. 28. *Omnes qui in monumentis sunt, audient vocem Filii Dei; & qui audierint, vivent.* Tertio ad exemplum eorum qui per mortem Christi spiritualiter moriuntur peccatis, qui scilicet abiconduntur a conturbatione hominum. Unde dicitur Coloss. iii. 3. *Mortui estis, & vita vestra abscondita est cum Christo in Deo.* Unde & baptizati, qui per mortem Christi moriuntur peccatis, quasi contempuntur Christo per immersionem, secundum illud Rom. vi. 4. *Consepulti sumus cum Christo. per baptismum in mortem.*

Ad primum ergo dicendum, quod Christus sepultus se inter mortuos liberum tunc ostendit in hoc, quod per inclusionem sepulcri non potuit impediri quin ab eo relargendo exiverit.

Ad secundum dicendum, quod sicut mors Christi efficiens operata est nostram salutem, ita etiam & eius sepultura. Unde Hieron. dicit super Matth. *Sepultura Christi resurgens*: & illa. lxxi. super illud, *Dabit impius pro sepultura*, dicit Glo. (ordina. Hieron.) idem; gentes, quæ sine pietate erant, Deo, Patrique dabit: quia mortuus, & sepultus eos acquisivit.

Ad tertium dicendum, quod, sicut dicitur in quodam sermone Concilii Ephesini, (& hab. par. iii. cap. ix. aliquant. a princ.) *nil horum quæ salvant homines, iniuriam Deo facti, quæ offendunt eum non possibiles, sed clementem*: & in alio sermone eiusdem Conc. (parum a princ. cap. x.) legitur: *Nihil putat iniuriam Deus quod est occasio salutis hominibus. Tu quidem non ita visum Dei naturam arbitraberis, tanquam quæ aliquando subiecta possit esse iniuriis.*

## ARTICULUS II. 283

*Utrum convenienti modo Christus fuerit sepultus.*

**A**D secundum sic proceditur. Videtur non convenienti modo Christum fuisse sepultum. Sepultura enim eius respondet morti ipsius. Sed Christus fuit

partus

passus mortem abiectionem, secundum illud Sap. 11. 20. *Morte turpissima condemnemus eum*. Ergo inconveniens videtur esse quod Christo exhibita fuit honorabilis sepultura, inquantum a Magnatibus fuit tumulatus, scilicet a Ioseph ab Arimathea, qui erat nobilis decurio, ut habetur Mar. xv. & a Nicodemo, qui erat princeps Iudeorum, ut habetur Ioan. 111.

2. Præterea. Circa Christum non debuit aliquid fieri quod esset superfluitatis exemplum. Videtur autem superfluitatis fuisse quod ad sepeliendum Christum Nicodemus venit ferens mixturam myrrhæ, & aloës quasi libras centum, ut dicitur Ioan. xix. præsertim cum multæ præteritis corpus eius ungere in sepulturam, ut dicitur Mar. xiv. Non ergo fuit hoc convenienter circa Christum factum.

3. Præterea. Non est conveniens ut aliquid talium sibi ipsi sit diffusum. Sed sepultura Christi fuit simplex ex una parte, quia scilicet Ioseph involvit corpus eius in sindone munda, ut dicitur Matth. xxvii. non autem auro, aut gemmis, aut serico, ut Hieronymus ibid. dicit; ex alia vero parte videtur fuisse ambitiosa, inquantum eum cum aromatibus sepelierunt. Ergo videtur non fuisse convenientis modus sepulture Christi.

4. Præterea. Quæcumque scripta sunt, præcipue de Christo, ad nostram doctrinam scripta sunt, ut dicitur Rom. xv. 4. Sed quædam scribuntur in Evangeliiis circa sepulcrum Christi quæ in nullo videntur ad nostram doctrinam pertinere; sicut quod fuit sepultus in horto, quod in monumento alieno, & novo, & exsilio in petra. Inconveniens ergo fuit modus sepulture Christi.

Sed contra est quod dicitur Isa. xi. 10. *Et erit sepulcrum eius gloriosum*.

Respondet dicendum, quod modus sepulture Christi ostenditur esse convenientis quantum ad tria. Primo quidem quantum ad confirmandam fidem mortis, & resurrectionis ipsius. Secundo ad commendandam pietatem eorum qui eum sepelierunt. Unde Augustinus dicit in l. de civ. Dei (cap. xiii. cir. med.) *Laudabiliter commemorantur in Evangelio qui corpus eius de Cruce acceptum diligenter, atque honorifice legendum, sepeliendumque curantur*. Tercio quantum ad mysticum, per quod informantur illi qui Christo conspiciuntur in mortem.

Ad primum ergo dicendum, quod cir-

ca mortem Christi commendatur patientia, & constantia ipsius, qui mortem est passus; & tanto magis, quanto mors fuit abiectionis: sed in sepultura honorifica consideratur virtus morientis, qui contra intentionem occidentium etiam mortuus honorifice sepelitur; & præfiguratur devotio fidelium, qui erant Christo mortuo servituri.

Ad secundum dicendum, quod in hoc quod Evangelista dicit, quod *sepelierunt eum, sicut mos est Iudeis; sepelire*, sicut Augustinus dicit super Ioan. (tract. cxx. cir. med.) *admonuit in huiusmodi officiis quæ mortuis exhibentur, morem cultus: ibi gentis esse servandum*. Erat autem istius gentis consuetudo ut mortuorum corpora variis aromatibus condirentur, ut diutius servarentur illæsa. Unde & in III. de doctr. Christi. (cap. xxi. a. princ.) dicitur, quod *in omnibus talibus non usus verum, sed libido utritis in culpa est*; & postea subdit: *Quod in aliis personis plerumque flagitium est, in divina, vel prophetica persona, maxime cuiusdam rei signum est*. Myrrha enim, & aloës propter sui amaritudinem significant poenitentiam, per quam aliquis in seipso Christum conservat absque corruptione peccati; odor autem aromatum significat bonam famam.

Ad tertium dicendum, quod myrrha, & aloës adhibebantur corpori Christi, ut immune a corruptione salvaretur, quod videbatur ad quandam necessitatem pertinere: unde datur nobis exemplum, quod licite possumus aliquibus pretiosis uti medicinaliter pro necessitate nostri corporis conservandi: sed involutio corporis pertinebat ad solam quandam decentiam honestatis: & in talibus, simplicibus debemus esse contenti. Per hoc tamen significabatur, ut Hieronymus dicit (in hunc loc. Matth.) *quod ille in sindone munda involvit Iesum qui mente pura eum suscepit*. Et hinc, ut Beda dicit super Mar. (c. xlv. secundum eius ordinem) *Ecclesie mos obtinuit ut sacrificium Altaris non in serico, neque in panno tincto, sed in lino terreno celebretur, sicut corpus Domini est in sindone munda sepultum*.

Ad quartum dicendum, quod Christus sepelitur in horto, ad significandum quod per mortem, & sepulturam ipsius liberamur a morte, quam incurramus per peccatum Adæ in horto paradisi commissum. Ideo autem Salvator in aliena ponitur sepultura, ut Augustinus dicit in

## ARTICULUS III. 234

*Utrum corpus Christi in sepulcro fuerit incineratum.*

*Inf. quæst. lxxx. art. 1. cor. & ad 1. & III. dist. xxi. quæst. 1. ar. 2. & quæst. 11. ar. 1. ad 1. & opus. 11. cap. cccxxx. & opus. lx. cap. xx.*

**A**D tertium sic proceditur. Videtur quod corpus Christi in sepulcro fuerit incineratum. Sicut enim mors est pena peccati primi parentis, ita etiam & incineratio: dictum est enim primo homini post peccatum. *Pulvis es, & in pulverem reverteris*, ut dicitur Gen. iii. 19. Sed Christus mortem sustinuit, ut nos a morte liberaret. Ergo etiam incinerari debuit corpus eius, ut nos ab incineratione liberaret.

2. Præterea. Corpus Christi fuit eiusdem naturæ cum corporibus nostris. Sed corpora nostra statim post mortem resolutioni incipiunt, & ad putredinem disponuntur: quia exhalante calido naturali supervenit calor extraneus, qui putrefactionem causat. Ergo videtur quod similiter in corpore Christi acciderit.

3. Præterea. Sicut dictum est (art. 1. hu. quæst.) Christus sepeliri voluit, ut daret hominibus spem resurgendi etiam de sepulcris. Ergo etiam incinerationem pati debuit, ut spem resurgendi incineratis post incinerationem daret.

Sed contra est quod in Psal. xv. 10. dicitur: *Non dabis sanctum tuum videre corruptionem*: quod Damascenus exponit in III. Lib. (orth. Fid. cap. xviii.) de corruptione quæ est per resolutionem in elementa.

Respondeo dicendum, quod non fuit conveniens corpus Christi putrefieri, vel quocumque modo incinerari: quia putrefactio cuiuscumque corporis provenit ex infirmitate naturæ illius corporis, quæ non potest amplius corpus continere in unum. Mors autem Christi, sicut supra dictum est, (quæst. præc. art. 1. ad 2.) non debuit esse ex naturæ infirmitate, ne crederetur non esse voluntaria: & ideo

in quodam semine (de sepulcro Domini, a nec.) quia pro aliorum moriebatur salute; sepulcrum autem mortis est habitaculum. Per hoc etiam considerari potest paupertatis abundantia pro nobis salutis. Num qui domum in vita non habuit, post mortem quoque in alieno sepulcro reconditur, & nudus exiens a Ioseph cooperitur. In novo autem ponitur monumento, ut Hieron. dicit (in hunc loc. Matth.) *ne post resurrectionem, ceteris corporibus remanentibus, surrexisse alius fingeretur*. Potest autem & novum sepulcrum Mariæ virginalem uterum demonstrare. Per hoc etiam datur intelligi, quod per Christi sepulturam omnes renovamur, morte, & corruptione destructa. In monumento autem exilio in petra conditus est, ut Hieronymus dicit (sup. illud Matth. xxvii. *Iube ergo custodiri &c.*) *ne si ex multis lapidibus edificatum fuisset, tumuli fundamentis suffossis, ablatus furto diceretur*. Unde & saxum magnum, quod appositum fuit, ostendit, quod non absque auxilio plurimum sepulcrum potuisset reverteri. Si etiam sepulcrum fuisset in terra, dicere poterant: *Exciderunt terram, & furati sunt eum*, sicut Augustinus dicit. Significatur autem mystice per hoc, ut Hilar. dicit (can. ult. in Matth. ad fi.) quod per Apostolorum doctrinam in pectus duritiae gentilis quodam doctrine opere excidium Christus inferitur, rude scilicet ac novum, & nullo antea ingressu timori Dei peritum. Et quia nihil præter eum oportet in pectora nostra penetrare, lapis ostio advolvitur: Et, sicut Origen. dicit (tract. xxxv. in Matth. ad fi.) non fortuito scriptum est, quod Ioseph involvit corpus Christi fudone munda, & posuit in monumento novo, & quod advolvitur lapidem magnum: quia omnia, quæ sunt circa corpus Iesu, munda sunt, & nova, & valde magna. (a)

(a) *Hieronymus D. Thomas. Nicolai, ut quo in tractum in posterioribus exemplis transiit, hæc addit. Denique, ut Ambrosius dicit super Luc. (cap. xxiii. sup. illud, & c. ar. vii. &c.)* "per Christum in monumento conditus fuit, ut in illustri habitatione conquireret. Monumentum enim hoc in duritia gentili-  
" si petra sibi iustus excidit: penetrabili verbo, ut præterdaret in nationibus vitiosam Christi. Cui Paulus, christum adnotat ex lapide, ne pateret. Quicumque enim in se bene humaverit Christum, diligenter  
" custodiat, ne eum perdat, neve perdidit ad illum sic ingressus. " Et mox: " Ecce in petra exci-  
" um, hoc est in fidei firmamento, de qua veri Israelitæ dulcedinem mellis, & oleum spirituale Iu-  
" servat. "

ideo non ex morbo, sed ex passione illata voluit mori, cui se obtulit iponte. Et ideo Chrillus, ne mors eius naturae infirmitati adscriberetur, voluit corpus suum qualitercumque putrefieri, aut qualitercumque resolvi; sed ad ostensionem virtutis divinae voluit corpus illud incorruptum permanere. Unde Chrysostomus dicit (in demonstrat. quod Deus sit cont. Gentil. parum ante med.) quod viventibus aliis hominibus, his scilicet qui egerunt strenue, ariditate propria gesta; his autem pereuntibus, pereunt. Sed in Christo est totum contrarium: nam ante crucem omnia sunt macta, & infirma; ut autem crucifixus est, omnia clariora sunt facta; ut noscat, non purum hominem crucifixum.

Ad primum ergo dicendum, quod Christus, cum non esset subiectus peccato, neque morti erat obnoxius, neque incinerationi; voluntarietamen mortem sustinuit propter nostram salutem, secundum rationes supradictas (quæst. præc. art. 1.) Si autem corpus eius fuisset putrefactum, vel resolutum, magis hoc fuisset in detrimentum salutis humanæ, dum non crederetur in eo esse virtus divina. Unde ex persona eius in Psal. xxxix. ro. dicitur: *Quæ utilitas in sanguine meo, dum descendo in corruptionem?* quasi dicat: „Si corpus meum putrescat, perdetur effusi sanguinis utilitas.“ (Gloss. ord. Augustini in istum Psalmum.)

Ad secundum dicendum, quod corpus Christi quantum ad conditionem naturæ passibilis putrefactibile fuit, licet non quantum ad meritum putrefactionis, quod est peccatum; sed virtus divina corpus Christi a putrefactione præservavit, sicut & resuscitavit a morte.

Ad tertium dicendum, quod Christus de sepulcro resurrexit virtute divina, quæ nullis terminis coarctatur. Et ideo hoc quod a sepulcro surrexit, sufficiens argumentum fuit quod homines erant resuscitandi virtute divina non solum de sepulcris, sed etiam de quibuscumque cernibus.

## ARTICULUS IV. 385

*Utrum Christus fuerit in sepulcro solum una die, & duobus noctibus.*

*Inf. quæst. lxx. art. 4. co. & quæst. lxxv. art. 2. cor. & op. 13. cap. cxxxv. & opusc. lx. cap. xx. & I. Cor. xv. lect. 1.*

**A**D quantum sic proceditur. Videtur quod Christus non fuerit in sepulcro solum una die, & duobus noctibus. Dicit enim ipse Matth. xii. 40. *Sicut fuit Jonas in ventre ceti tribus diebus, & tribus noctibus; ita Filius hominis erit in corde terre tribus diebus, & tribus noctibus.* Sed in corde terre fuit in sepulcro existens. Non igitur fuit in sepulcro solum una die, & duobus noctibus.

2. Præterea. Gregorius dicit in hom. paschali (xxi. in Evang. ad fl.) quod sicut *Samson abstulit media nocte portas Gaza; ita Christus media nocte auferens portas inferni resurrexit.* Sed postquam resurrexit, non fuit in sepulcro. Ergo non fuit in sepulcro duobus noctibus integris.

3. Præterea. Per mortem Christi lux prævaluit tenebris. Sed nox ad tenebras pertinet, dies autem ad lucem. Ergo convenientius fuit quod corpus Christi fuerit in sepulcro duobus diebus, & una nocte, quam e converso.

Sed contra est quod, sicut Augustinus dicit in IV. de Trinit. (cap. vi. a med.) *a vespere sepulture usque ad diluculum resurrectionis triginta sex horæ sunt, id est nox tota cum die tota, & nocte tota.*

Respondeo dicendum, quod ipsum tempus quo Christus in sepulcro mansit, electum mortis eius representat. Dictum est autem supra (quæst. præc. art. 6.) quod per mortem Christi liberati sumus a duplici morte, scilicet a morte animæ, & a morte corporis: & hoc significatur per duas noctes, quibus Christus in sepulcro permansit. Mors autem eius, quia non fuit ex peccato proveniens, sed ex caritate suscepta, non habuit rationem noctis, sed diei: & ideo significatur per diem integrum, quo Christus fuit in sepulcro. Et sic conveniens fuit quod Christus una die, & duobus noctibus esset in sepulcro.

Ad primum ergo dicendum, quod, sicut Augustinus dicit in Libro III. de consensu Evangelistarum (cap. xxiv. in med.) *quidam modum locutionis Scripturæ nescientes, noctem voluntariam annumeraverunt illas*

*illas horis a sexta usque ad nonam, quibus Sol obscuratus est, & diem tunc horas alias, quibus iterum terris est redditus, idest a nona usque ad occasum: sequitur enim nox futuri sabbati, qua cum suo die computata, erunt iam dñe noctes, & duo dies. Porro autem post sabbatum sequitur nox primi sabbati, idest illucescentis diei dominici, in qua tunc Dominus resurrexit. Et ita adhuc non corrlabit ratio trium dierum, & trium noctium. Restat ergo ut hoc inveniat illi Scripturarum usitato loquendi modo, quo a parte totum intelligitur; ita scilicet quod unam noctem, & unum diem accipiamus pro uno die naturali. (Quod sequitur habetur Lib. IV. de Trinit. cap. vi.) Et sic primus dies computatur ab extrema parte sui, qua Christus in sexta feria est mortuus, & sepultus; secundus autem dies est integer cum vigintiquatuor horis nocturnis, & diurnis; nox autem sequens pertinet ad tertium diem. Sicut enim primi dies propter futurum hominis lapsum a luce in noctem, ita isti propter hominis reparationem a tenebris computantur in lucem.*

Ad secundum dicendum, quod, sicut Augustinus dicit in IV. de Trinit. (cap. vi. implic.) Christus in diluculo resurrexit, in quo aliquid lucis apparet, & adhuc tamen aliquid remanet tenebrarum noctis. Unde de mulieribus dicitur Ioan. xx. 1. quod cum adhuc essent tenebrae, venerunt ad monumentum. Ratione ergo harum tenebrarum Gregorius dicit (hom. xxi. in Evang. vers. ii.) Christum media nocte surrexisse, non quidem divisam noctem in duas partes aequales, sed infra ipsam noctem: illud enim diluculum & pars noctis, & pars diei dici potest, propter convenientiam quam cum utroque habet.

Ad tertium dicendum, quod intantum lux in morte Christi praevaluit (quae significatur per unam diem) quod tenebras duarum noctium, idest duplicis mortis nostrae, removet, ut dictum est (in cor. art.)

## QUAESTIO LII.

*De descensu Christi ad inferos,*

*in octo articulos divisa.*

**D**Einde considerandum est de descensu Christi ad inferos: & circa hoc quaeruntur octo.

Primo, utrum fuerit conveniens Christum ad inferos descendere.

Secundo, in quem infernum descendere.

Tertio, utrum totus fuerit in inferno.

Quarto, utrum aliquam moram ibi traxerit.

Quinto, utrum sanctos patres ab inferno liberaverit.

Sexto, utrum damnatos ab inferno liberaverit.

Septimo, utrum liberaverit pueros in peccato originali defunctos.

Octavo, utrum liberaverit homines de purgatorio.

## ARTICULUS I. 286

*Utrum fuerit conveniens Christum ad infernum descendere.*

III. dist. xxii. quest. ii. art. 1. quest. i. & op. ii. cap. ccxxxv. & op. ix. cap. xxi. princ.

**A**D primum sic proceditur. Videtur quod non fuerit conveniens Christum ad infernum descendere. Dicit enim Augustinus in epistola ad Evodium (clxiv. al. cxix. aliquant. ante med.) *Nec ipsos quidem inferos uspiam Scripturarum in bono appellatos potui reperire.* Sed anima Christi non descendit ad aliquod malum, quia nec animae iustorum ad aliquod malum descendunt. Ergo videtur quod non fuerit conveniens Christum ad inferos descendere.

2. Præterea. Descendere ad inferos non potest Christo convenire secundum divinam naturam, quæ est omnino immobilis; sed solum convenire potest ei secundum naturam assumptam. Ea vero quæ Christus fecit, vel passus est in natura assumpta, ordinantur ad humanam salutem; ad quam non videtur necessarium fuisse quod Christus descenderet ad inferos: quia per passionem suam, quam in hoc mundo sustinuit, nos liberavit a culpa, & poena, ut supra dictum est (quæst. i. art. 6.) Non igitur fuit conveniens quod Christus ad infernum descenderet.

3. Præterea. Per mortem Christi separata est anima a corpore eius, quod quidem in sepulcro positum fuit, ut supra dictum est (quæst. præc.) Non autem videtur quod secundum animam solam ad infernum descenderet: quia anima, cum sit incorporea, non videtur quod localiter possit moveri: hoc enim est corpus, ut probatur in VI. Physic. (tex. 32) descensus autem motum corporealem

ralem importat. Non ergo fuit conveniens quod Christus ad infernum descenderet.

Sed contra est quod dicitur in Symbolo: *Descendit ad inferos*: & Apostolus dicit Ephel. iv. 9. *Quod autem ascendit, quid est, nisi quia descendit primum ad inferiores partes terrae*: & Glossa (interl.) idest „ad inferos.“

Respondeo dicendum, quod conveniens fuit Christum ad infernum descendere. Primo quidem quia ipse venerat poenam nostram portare, ut nos a poena eriperet, secundum illud Isa. liii. 4. *Verelanguores nostros ipse tulit, & dolores nostros ipse portavit*. Ex peccato autem homo incurerat non solum mortem corporis, sed etiam descensum ad inferos. Et ideo sicut fuit conveniens eum mori, ut nos liberaret a morte; ita conveniens fuit eum descendere ad inferos, ut nos a descensu ad inferos liberaret. Unde dicitur Oleez xiii. 14. *Ero mors tua, o mors; ero morsus tuus, inferne*. Secundo quia conveniens erat ut victo diabolo per passionem, victos eius eriperet, qui detinebantur in inferno, secundum illud Zachar. ix. 11. *Tu quoque in sanguine testamenti tui emissisti victos tuos de lacu*: & Coloss. ii. 15. dicitur: *Expulsi sunt principes, & potestates traduxit confidenter*. Tercio ut sicut potestatem suam ostendit in terra vivendo, & moriendo, ita etiam potestatem suam ostenderet in inferno, ipsum visitando, & illuminando. Unde dicitur in Psalm. cxiii. 7. *Attollite portas, principes, vestras*: Glossa (ord. Aug.) „idest, principes inferni autem, ferte potestatem vestram, qua usque nunc homines in inferno detinebatis.“ & sic in nomine Iesu omne genu flectatur, non solum caelestium, sed etiam infernorum, ut dicitur Philip. ii.

Ad primum ergo dicendum, quod nomen inferorum sonat in malum poenae, non autem in malum culpae. Unde dicitur Christum in infernum descendere, non tamquam ipse esset debitor poenae, sed ut eos qui erant poenae obnoxii, liberaret.

Ad secundum dicendum, quod passio Christi fuit quasi quaedam causa universalis humanae salutis tam vivorum, quam mortuorum. Causa autem universalis applicatur ad singulares effectus per aliquid speciale. Unde sicut virtus passionis Christi applicatur viventibus per

sacramenta configurantia nos passioni Christi; ita etiam applicata est mortuis per descensum Christi ad inferos. Propter quod signanter dicitur Zachar. ix. *quod eduxit victos de lacu in sanguine testamenti sui*, idest per virtutem passionis suae.

Ad tertium dicendum, quod anima Christi non descendit ad inferos eo genere motus quo corpora moventur, sed eo genere motus quo Angeli moventur, sicut in prima parte habitum est (quaest. liii.)

## ARTICULUS II. 237

*Utrum Christus descenderit ad infernum damnatorum.*

III. dist. xxii. quaest. ii. art. i. quaest. 2. & op. lx. cap. xxi. circa med.

**A**D secundum sic proceditur. Videtur quod Christus descenderit etiam ad infernum damnatorum. Dicitur enim ex ore divinae Sapientiae Eccli. xxiv. 45. *Penebrabo omnes inferiores partes terrae*. Sed inter partes inferiores terrae computatur etiam infernus damnatorum, secundum illud Psal. lxi. 10. *Introibunt in inferiora terrae*. Ergo Christus, qui est Dei sapientia, etiam usque ad infernum damnatorum descendit.

2. Praeterea. Act. ii. 24. dicit Petrus, quod *Deus Christum suscitavit, solutis doloribus inferni, iuxta quod impossibile erat teneri illum ab eo*. Sed dolores non sunt in inferno patrum, neque etiam in inferno puerorum, qui non puniuntur aetna sensus propter peccatum actuale, sed solum poena damni propter peccatum originale. Ergo Christus descendit in infernum damnatorum, vel etiam in purgatorium, ubi homines puniuntur poena sensus pro peccatis actualibus.

3. Praeterea. I. Pet. iii. 19. dicitur, quod (a) *Christus his qui in carcere conclusi erant, spiritu veniens praedicavit, qui increduli fuerant aliquando*: quod, sicut Athanasius dicit in epistola ad Epiphletum (cir. med. & incipit, *Ego arbitrabar*) intelligitur de descensu Christi ad inferos. Dicit enim, quod corpus Christi fuit in sepulchro positum, quando ipse perrexit praedicare his qui in custodia erant spiritibus, sicut dixit Petrus. Constat autem quod increduli erant in inferno

X 2

ferno

(a) *Vulgata post verba vivificavit autem spiritus, sic proseguuntur*: In quo & his qui in carcere erant spiritibus veniens praedicavit &c.

ferno damnatorum. Ergo Christus ad infernum damnatorum descendit.

4. Præterea. Augustinus dicit in epistola ad Evod. (clxiv. al. xcix. aliquant. ante med.) *Si in illum Abraham suum Christum venisse sacra Scriptura dixisset, non nominato inferno, cuiusque doloribus, miror si quisquam ad inferos eum descendisse asserere auderet. Sed quia evidenter testimonia & infernum commemorant, & dolores, nulla causa occurrit, cur illo creditur venisse Salvator, nisi ut ab eisdem doloribus salvus faceret.* Sed locus dolorum est infernus damnatorum. Ergo Christus in infernum damnatorum descendit.

5. Præterea. Sicut Augustinus dicit in quodam sermone de resurrectione. (11. a princ.) *Christus ad infernum descendens, omnes iustos, qui originali peccato adstricti tenebantur, absolvit.* Sed inter illos erat etiam Iob, qui de seipso dicit (Iob xvii. 16.) *In profundissimum infernum descendit omnia mea.* Ergo Christus etiam utique ad profundissimum infernum descendit.

Sed contra est quod de inferno damnatorum dicitur Iob x. 21. *Antequam vadum, & non revertar ad terram tenebrarum, & operam mortis caligine, ubi nullus ordo, sed sempiternus horror inhabitat.* Nulla autem est conventio lucis ad tenebras, ut dicitur II. ad Corinth. vi. Ergo Christus, qui est lux, ad illum infernum damnatorum non descendit.

Respondeo dicendum, quod dupliciter dicitur esse aliquid alicubi. Uno modo per suum effectum: & hoc modo Christus in quolibet inferorum descendit; aliter tamen, & aliter: nam in infernum damnatorum habuit hunc effectum, quod descendens ad inferos, eos de sua incredulitate, & malitia confutavit; illis vero qui detinebantur in purgatorio, spem gloriæ consequendæ dedit; sanctis autem patribus, qui pro solo peccato originali detinebantur in inferno, lumen eternæ gloriæ infudit. Alio modo dicitur aliquid esse alicubi per suam essentiam: & hoc modo anima Christi descendit solum ad locum inferni, in quo iusti detinebantur, ut quos ipse per gratiam interius visitabat secundum Divinitatem, eos etiam secundum animam visitaret & loco. Sic autem in una parte inferni existens, effectum suum aliquoties ad omnes inferni partes derivavit, sicut & in uno loco terræ passus, totum mundum sua passione liberavit.

Ad primum ergo dicendum, quod Christus, qui est Dei sapientia, penetravit omnes inferiores partes terræ, non localiter secundum animam omnes circumcundo, sed effectum suæ potentiae aliquoties ad omnes extendendo; ita tamen quod solos iustos illuminavit: sequitur enim: *Et illuminabo omnes sperantes in Domino.*

Ad secundum dicendum, quod duplex est dolor. Unus de passione poenæ, quem patiuntur homines pro peccato actuali, secundum illud Psal. xvii. 6. *Dolores inferni circumdederunt me.* Alius autem dolor est de dilatione speratæ gloriæ, secundum illud Proverb. xiii. 12. *Spes, quæ differtur, affligit animam:* quem quidem dolorem patiebantur sancti patres in inferno: ad quod significandum Augustinus in sermone de resur. (ubi sup. a med.) dicit, quod *lacrymabili obsecratione Christum orabant.* Utroque autem dolore Christus solvit ad inferos descendens; aliter tamen & aliter: nam dolores poenarum solvit, præservando ab eis, sicut medicus dicitur solvere morbum, a quo præservat per medicinam; dolores autem cautatos ex dilatione gloriæ actualiter solvit, gloriam præbendo.

Ad tertium dicendum, quod illud quod ibi dicit Petrus, a quibusdam refertur ad descensum Christi ad inferos, sic exponentibus verbum illud: *His qui in carcere inclusi erant,* idest inferno, *spiritui,* idest secundum animam, *Christus veniens prædicavit, qui increduli fuerant aliquando.* Unde & Damascenus dicit in III. Lib. (orth. Fid. cap. xix.) quod *sicut his qui in terra sunt, evangelizavit; ita & his qui in inferno; non quidem ut incredulos ad fidem converteret, sed ut eorum infidelitatem confutaret:* quia ipsa prædicatio nihil aliud intelligi potest quam manifestatio Divinitatis eius, quæ manifestata est infernalibus per virtuosum descensum Christi ad inferos.

Augustinus tamen melius exponit in epistola ad Evodium (uti sup.) ut refertur non ad descensum Christi ad inferos, sed ad operationem Divinitatis eius, quam exercuit a principio mundi: ut sit sensus, quod *his qui in carcere conclusi erant,* viventes scilicet in corpore mortali, quod est quasi quidam carcer animæ, *spiritus suæ Divinitatis veniens prædicavit* per internas inspirationes, & etiam exteriores admonitiones per ora iustorum: *his,* inquam, *prædicavit, qui increduli fuerant aliquando,* Nos scilicet præ-

prædicanti, quando expectabant Dei patientiam, per quam differrebat poena delicti: unde subdit: *In diebus Nee, cum fabricaretur arca.*

Ad quartum dicendum, quod sinus Abrahæ potest secundum duo considerari. Uno modo secundum quietem, quæ ibi erat a poena sensibilis: & quantum ad hoc non competit ei nec nomen inferni, nec sunt ibi aliqui dolores. Alio modo potest considerari quantum ad privationem gloriæ speratæ: & secundum hoc habet rationem inferni, & doloris. Et ideo nunc dicitur sinus Abrahæ illa requies beatorum; non tamen dicitur infernus, nec dicuntur nunc in sinu Abrahæ esse dolores.

Ad quintum dicendum, quod, sicut Gregorius ibidem (Lib. XIII. Moral. cap. ult. ad h.) dicit, ipsa superiora loca inferni profundissimum infernum vocat. Si enim quantum ad celsitudinem cæli aer iste caliginosus infernus est; quantum ad eisdem aeris altitudinem, terra, quæ inferiorius tacet, & infernus intelligi, & profundum potest; quantum vero ad eisdem terræ altitudinem & loca illa inferni, quæ superiora sunt aliis receptaculis inferni, hoc modo inferni profundissimi appellatione significantur.

### ARTICULUS III. 288

*Utrum Christus fuerit totus in inferno.*

*Opus. 11. cap. cclvi.*

**A**D tertium sic proceditur. Videtur quod Christus non fuerit totus in inferno. Corpus enim Christi est pars eius. Sed corpus Christi non fuit in inferno. Ergo totus Christus non fuit in inferno.

2. Præterea. Nihil, cuius partes ab invicem separatae sunt, potest dici totum. Sed corpus, & anima, quæ sunt partes humanæ naturæ, fuerunt ab invicem separatae post mortem, ut supra dictum est (quæst. I. art. 4.) Descendit autem ad infernum mortuus existens. Non ergo potuit esse totus in inferno.

3. Præterea. Illud totum dicitur esse in aliquo loco, cuius nihil est extra locum illum. Sed aliquid Christi erat extra infernum, quia corpus erat in sepulcro, & Divinitas ubique. Ergo Christus non fuit totus in inferno.

Sed contrari est quod Augustinus dicit in Libro III. de Symbolo (cap. vii.) *S. Tb. Oper. Tomi. XXIV.*

*Totus Filius apud Patrem, totus in cælo, totus in terra, totus in utero Virginis, totus in cruce, totus in inferno, totus in paradiso, quo latronem introduxit.*

Respondendo dicendum, quod sicut patet ex his quæ in prima parte dicta sunt (quæst. xxxi. art. 2. ad 4.) masculinum genus refertur ad hypostasim, vel personam; neutrum autem genus pertinet ad naturam. In morte autem Christi licet anima fuerit separata a corpore, neutrum tamen fuit separatum a persona Filii Dei, ut supra dictum est (quæst. I. art. 2.) Et ideo in illo triduo mortis Christi dicendum est, quod totus Christus fuit in sepulcro, quia tota persona fuit ibi per corpus sibi unitum; & similiter totus fuit in inferno, quia tota persona Christi fuit ibi ratione animæ sibi unitæ; totus etiam Christus tunc erat ubique ratione divinæ naturæ.

Ad primum ergo dicendum, quod corpus quod tunc erat in sepulcro, non est pars personæ increatae, sed naturæ assumptæ. Et ideo per hoc quod corpus Christi non fuit in inferno, non excluditur quin totus Christus fuerit, sed ostenditur quod non fuit ibi totum quod pertinet ad humanam naturam.

Ad secundum dicendum, quod ex anima, & corpore unitis constituitur totalitas humanæ naturæ, non autem totalitas divinæ personæ. Et ideo soluta unionem animæ, & corporis per mortem, remanet totus Christus, sed non remanet humana natura in sua totalitate.

Ad tertium dicendum, quod persona Christi est tota in quolibet loco, sed non totaliter, quia nullo loco circumscribitur; sed nec omnia loca simul accepta eius immensitatem comprehendere possunt; quinimo ipse sua immensitate omnia comprehendit. Hoc autem locum habet in his quæ corporaliter, & circumscriptive sunt in loco, quod si totum sit alieubi, nihil eius sit extra. Sed hoc in Deo locum non habet. Unde Augustinus dicit in Lib. III. de Symbolo (cap. vii.) *Non per diversa tempora, vel loca dicimus ubique Christum esse totum, ut modo ibi totus sit, & alio tempore alibi totus, sed us semper ubique sit totus.*



## ARTICULUS IV. 389

*Utrum Christus aliquam moram traxerit in inferno.*

III. dist. xxii. quest. ii. art. 1. quest. 3. & opu. lx. cap. xxi. circ. fin.

**A**D quantum sic proceditur. Videtur quod Christus nullam moram traxerit in inferno. Christus enim ad hoc in infernum descendit, ut ex eo homines liberaret. Sed hoc statim ab eo factum est in ipso suo descensu: *facile enim est in conspectu Dei subito honestare pauperem*, ut dicitur Eccli. xi. 23. Ergo videtur quod nullam moram in inferno traxerit.

2. Præterea. Augustinus dicit in sermone de Resurrectione (ut sup.) quod *fine aliqua mora ad imperium Domini, ac Salvatoris omnes ferrei contracti sunt vestes*: unde ex persona Angelorum concomitantium Christum dicitur: *Tollite portas principes vestras*: Pl. xxiii. 7. Ad hoc autem Christus illuc descendit ut vestes inferni confringeret. Ergo Christus in inferno nullam moram traxit.

3. Præterea. Luc. xxiii. dicitur, quod Dominus in cruce pendens dixit latroni: *Hodie mecum eris in paradiso*: ex quo patet quod eodem die Christus fuit in paradiso. Non autem secundum corpus, quod positum fuit in sepulcro. Ergo secundum animam, quæ ad infernum descendit: & ita videtur quod non traxerit moram in inferno.

Sed contra est quod Petrus dicit Act. ii. 24. *Quem Deus suscitavit, solutis doloribus inferni, iuxta quod impossibile erat teneri illum ab eo*. Ergo videtur quod usque ad horam resurrectionis manserit in inferno.

Respondeo dicendum, quod sicut Christus, ut nostras poenas in se susciperet, voluit corpus suum in sepulcro poni; ita etiam voluit animam suam ad infernum descendere. Corpus autem eius mansit in sepulcro per diem integrum, & duas noctes, ad comprobandum veritatem mortis suæ. Unde etiam tantum credendum est animam eius fuisse in inferno, ut simul anima eius educeretur de inferno, & corpus de sepulcro.

Ad primum ergo dicendum, quod Christus statim ad infernum descendens sanctos ibi existentes liberavit, non quidem statim educendo eos de loco inferni, sed in ipso inferno eos luce gloriæ

illustrando. Et tamen conveniens fuit, ut tamdiu anima eius remaneret in inferno, quamdiu corpus manebat in sepulcro.

Ad secundum dicendum, quod vestes inferni dicuntur impedimenta, quibus sancti patres de inferno exire prohibebantur, reatu culpæ primi parentis, quos Christus statim descendens ad inferos virtute suæ passionis, & mortis confregit: & tamen voluit in inferno aliquandiu remanere, propter rationem prædictam (in corp. a.)

Ad tertium dicendum, quod illud verbum Domini est intelligendum non de paradiso terrestri corporeo, sed de paradiso spirituali, in quo esse dicuntur quicumque divina gloria perfruuntur. Unde latro quidem cum Christo ad infernum descendit, ut cum Christo esset, quia dictum est ei, *Meum eris in paradiso*; sed præmio in paradiso fuit, quia ibi Divinitate Christi fruebatur, sicut & alii Sancti.

## ARTICULUS V. 390

*Utrum Christus descendens ad inferos sanctos patres inde liberaverit.*

III. dist. xxii. quest. ii. art. 2. quest. 1. & op. ii. cap. cccxxxv.

**A**D quantum sic proceditur. Videtur quod Christus descendens ad inferos sanctos patres inde non liberaverit. Dicit enim Augustinus in epistola ad Evodium (clxv. al. xcix. ante med.) *Illis iustis qui in sinu erant Abrahæ, cum Christus in inferna descenderet, nondum quid contulisset inveni, a quibus cum secundum beatificam præsentiam iuxta Divinitatis nunquam video recessisse*. Multum autem eis contulisset, si eos ab inferis liberasset. Non ergo videtur quod Christus sanctos patres ab inferis liberaverit.

2. Præterea. Nullus in inferno detinetur, nisi propter peccatum. Sed sancti patres, dum adhuc viverent, per fidem Christi iustificati fuerant a peccato. Ergo non indigebant liberari ab inferno, Christo ad inferos descendente.

3. Præterea. Remota causa, removeatur effectus. Sed causa descendendi ad inferos est peccatum, quod fuit remotorum per passionem Christi, ut sup. dictum est (quest. i. art. 6.) Non ergo per descensum Christi ad inferos sancti patres sunt de inferno educti.

Sed contra est quod Augustinus dicit in serm. de resurrect. (ut sup.) quod Christus, quando ad inferos descendit, *portavit inferni, (a) & vestes ferreas confregit; & omnes iustos, qui originali peccato assidui tenebantur, absolvit.*

Respondendo dicendum, quod, sicut supra dictum est (art. præc. ad 2.) Christus descendens ad inferos operatus est in virtute suæ passionis. Per passionem autem Christi liberatum est genus humanum non solum a peccato, sed etiam a reatu pœnæ, ut supra dictum est (quæst. xlix. art. 3. & quæst. l. art. 6.) Dupliciter autem homines reatu pœnæ erant assidui: uno modo pro peccato actuali, quod quilibet in sua persona commiserat; alio modo pro peccato totius humanæ naturæ, quod a primo parente in omnes originaliter devenit, ut dicitur Rom. v. Cuius quidem peccati pœna est mors corporalis, & exclusio a vita gloriæ, ut patet ex his quæ dicuntur Gen. 22. & 22. nam Deus hominem de paradiso post peccatum eiecit, cui ante peccatum mortem fuerat comminatus, si peccaret. Et ideo Christus descendens ad inferos virtute suæ passionis ab hoc reatu sanctos absolvit, quo erant a vita gloriæ exclusi, ut possent Deum per essentiam videre, in quo consistit perfecta hominis beatitudo, ut in secunda parte dictum est (1. 2. quæst. 111. art. 8.) Per hoc autem sancti patres detinebantur in inferno, quod eis ad vitam gloriæ propter peccatum primi parentis aditus non patebat. Et sic Christus descendens ad inferos, sanctos patres ab inferis liberavit. Et hoc est quod dicitur Zachar. 12. 11. *Tu vero in sanguine testamenti tui (b) eduxisti viros de lacu, in quo non erat aqua.* Et Colos. 11. 13. dicitur, quod *expolians principatus, & potestates, scilicet infernales, auferendo Abraham, Isaac, & Iacob, & ceteros iustos, traduxit eos idest, longe ab hoc regno tenebrarum, ad celum duxit, ut Glossa (ord.) ibidem dicit.*

Ad primum ergo dicendum, quod Augustinus ibi loquitur contra quosdam qui aestimabant, antiquos iustos ante adventum Christi in inferno doloribus pœnarum fuisse subiectos. Unde parum ante verba inducta præmittit, dicens: *Addunt quidam, hoc beneficium antiquis etiam sanctis fuisse concessum, ut Dominus cum in infernum venisset, a doloribus solveren-*

*tur. Sed quoniam modo intelligatur Abraham, in cuius sinum etiam pauper ille susceptus est, in illis fuisse doloribus, ego quidem non video. Et ideo cum postea subdit, se nondum invenisse quid descenderet Christi ad inferos antiquis iustis conferretur, intelligendum est quantum ad abolitionem a doloribus pœnarum. Constitit tamen eis quantum ad adeptiorem gloriæ; & per consequens solvit eorum dolorem, quem patiebantur ex dilatione gloriæ; ex cuius tamen spe magnum gaudium habebant, secundum illud Ioh. an. viii. 36. *Abraham pater vester exultavit ut videret diem meum.* Et ideo subdit: *A quibus eum secundum beatificationem præsentiam suæ Divinitatis nunquam video recessisse, inquantum scilicet ante adventum Christi erant beati in spe, licet nondum essent perfecte beati in re.**

Ad secundum dicendum, quod sancti patres, dum adhuc viverent, liberati fuerunt per fidem Christi ab omni peccato tam originali, quam actuali, & a reatu pœnæ actualium peccatorum, non tamen a reatu pœnæ originalis peccati, per quem excluderentur a gloria, nondum soluto pretio redemptionis humanæ; sicut etiam nunc fideles Christi liberantur per baptismum a reatu actualium peccatorum, & a reatu originalis quantum ad exclusionem a gloria; remanent tamen adhuc obligati reatu originalis peccati quantum ad necessitatem corporaliter moriendi: quia renovantur secundum spiritum, sed nondum secundum carnem, secundum illud Rom. viii. 10. *Corpus quidem mortuum est propter peccatum, spiritus vero vivit propter iustificacionem.*

Ad tertium dicendum, quod statim Christo mortem patiente, anima eius ad infernum descendit, & suæ passionis fructum exhibuit sanctis in inferno detentis; quamvis ex loco illo non exierint, Christo apud inferos commorante; quia ipsa Christi præsentia pertinebat ad cumulum gloriæ.

(a) Ita cum Augustinus Codi. Cambr. Acan, Paris. & editi transmissi, Al. deest ferreas. (b) Valgara emisisti viros tuos de lacu &c.

## ARTICULUS VI. 291.

*Utrum Christus aliquos damnatos ab inferno liberaverit.*

III. dist. XXI. quest. 11. art. 1. quest. 3.  
Et opusc. 11. cap. cclxi.

**A**D sextum sic proceditur. Videtur quod Christus aliquos damnatos ab inferno liberaverit. Dicitur enim Isa. xxiv. 22. *Congregabuntur (a) congregatione unius fascis in lacum, & clauduntur ibi in carcere, & post multos dies visitabuntur.* Loquitur autem ibi de damnatis, qui militiam caeli adoraverunt (ut Hieronymus explicat.) Ergo videtur quod etiam damnati, Christo descendente ad inferos, sint visitati: quod ad eorum liberationem videtur pertinere.

2. Præterea. Super illud Zach. ix. 11. *Tu autem in sanguine testamenti tui eduxisti vinulos de lacu, in quo non erat aqua,* dicit Glossa (interl. Hieronymi:). „Tu „eos liberaſti qui tenebantur vinſti carceribus, ubi nulla miſericordia eos reſerabat, quam dives ille petebat.“ Sed ſoli damnati includuntur carceribus abique miſericordia. Ergo Chriſtus liberavit aliquos de inferno damnatorum.

3. Præterea. Potentia Chriſti non fuit minor in inferno quam in hoc mundo: utrobique enim operatus eſt per potentiam ſuæ Divinitatis: Sed in hoc mundo de quolibet ſtatu aliquos liberavit. Ergo etiam in inferno liberavit aliquos etiam de ſtatu damnatorum.

Sed contra eſt quod dicitur Oſæ xiii. 14. *Ero mors tua, o mors; morſus tuus ero inferne:* Glossa (interl.). „Ele- „vos educendo, reprobos ibidem relin- „quendo.“ Sed ſoli reprobi ſunt in inferno damnatorum. Ergo per deſcenſum Chriſti ad inferos non ſunt aliqui de inferno damnatorum liberati.

Reſpondeo dicendum, quod, ſicut ſupra dictum eſt (art. præc.) Chriſtus deſcendens ad inferos, operatus eſt in virtute ſuæ paſſionis. Et ideo eius deſcenſus ad inferos illis ſolis liberationis contulit fructum qui fuerunt paſſioni Chriſti coniuncti per fidem caritate formatam, per quam peccata tolluntur. Illi autem qui erant in inferno damnatorum, aut penitus fidem paſſionis Chriſti non habuerant, ſicut infideles; aut ſi fidem ha-

buerant, nullam conformitatem habebant ad caritatem Chriſti patientis: unde nec a peccatis ſuis erant mundati. Et propter hoc deſcenſus Chriſti ad inferos non contulit eis liberationem a reatu poenæ infernalis.

Ad primum ergo dicendum, quod Chriſto deſcendente ad inferos, omnes qui erant in quacumque parte inferni, ſunt aliquoties viſitati; ſed quidam ad ſuam conſolationem, & liberationem, quidam autem ad ſuam conſutationem, & conſuſionem, ſicut damnati. Unde ibidem ſubditur: *Et erubeſces Luna, & confundetur Sol &c.*

Poteſt etiam hoc referri ad viſitationem qua viſitabuntur in die iudicii, non ut liberentur, ſed ut amplius condemnentur, ſecundum illud Sophoniæ i. 12. *Viſitabo ſuper viros deſixos in ſacibus ſuis.*

Ad ſecundum dicendum, quod cum dicitur in Glossa, *ubi nulla miſericordia eos refrigerabat*, intelligendum eſt quantum ad refrigerium poſtictæ liberationis: quia ſancti patres ab illis inferni carceribus ante Chriſti adventum non poterant liberari.

Ad tertium dicendum, quod non fuit propter Chriſti impotentiam quod non ſunt aliqui liberati de quolibet ſtatu infernalis, ſicut de quolibet ſtatu mundanorum: ſed propter diverſam utrorumque conditionem. Nam homines, quamdiu vivunt, poſſunt ad fidem, & caritatem converteri: quia in hac vita non ſunt homines confirmati in bono, vel malo, ſicut poſt exitum ab hac vita.

## ARTICULUS VII. 292.

*Utrum pueri qui cum originali deceſſerant, fuerint a Chriſto liberati.*

III. dist. XXI. quest. 11. art. 2. quest. 3.  
Et opusc. 11. cap. cclxii.

**A**D ſeptimum ſic proceditur. Videtur quod pueri qui cum originali peccato deceſſerant, fuerint per deſcenſum Chriſti liberati in inferno. Non enim tenebantur in inferno niſi pro peccato originali, ſicut & ſancti patres. Sed ſancti patres ſunt ab inferno liberati per Chriſtum, ut ſupra dictum eſt (art. 5. huius quæſt.) Ergo & pueri ſimiliter per Chriſtum ſunt ab inferno liberati.

2. Præ-

(a) *Vulgata* in congregatione unius fascis in lacum &c.

2. Præterea. Apostolus dicit ad Rom. **v. 15.** *Si unus delicto multi mortui sunt, multo magis gratia Dei, & donum in gratia unius hominis Iesu Christi in plures abundavit.* Sed propter peccatum primi parentis pueri cum solo originali peccato decedentes in inferno detinentur. Ergo multo magis per gratiam Christi sunt ab inferno liberati.

3. Præterea. Sicut baptismus operatur in virtute passionis Christi, ita & descensus eius ad inferos, ut ex dictis patet (art. præc.) Sed pueri per baptismum liberantur a peccato originali, & ab inferno. Ergo similiter liberati sunt per descensum Christi ad inferos.

Sed contra est quod Apostolus dicit Rom. **III. 25.** quod *Deus proposuit Christum propitiatorem per fidem in sanguine eius.* Sed pueri qui cum solo peccato originali decesserant, nullo modo fuerant participes fidei Christi. Ergo non perceperunt fructum propitiationis Christi, ut per ipsum ab inferno liberarentur.

Respondendo dicendum, quod, sicut supra dictum est (art. præc.) descensus Christi ad inferos in illis solis effectum liberationis habuit qui per fidem, & caritatem passioni Christi coniungebantur, in cuius virtute descensus Christi ad inferos liberalioris erat. Pueri autem qui cum originali peccato decesserant, nullo modo fuerant coniuncti passioni Christi per fidem, & dilectionem: neque enim fidem propriam habere potuerant, quia non habuerant ulum liberi arbitrii, neque per fidem parentum, aut per aliquod fidei sacramentum fuerant a peccato originali mundati. Et ideo descensus Christi ad inferos huiusmodi pueros non liberavit ab inferno. Et præterea sancti patres ab inferno sunt liberati per hoc quod sunt ad gloriam divinæ visionis admissi; ad quam nullus potest pervenire nisi per gratiam, secundum illud Rom. **VI. 23.** *Gratia Dei vita æterna.* Cum igitur pueri cum originali peccato decedentes gratiam non habuerint, non fuerunt ab inferno liberati.

Ad primum ergo dicendum, quod sancti Patres, etiam adhuc tenerentur adstricti reatu originalis peccati, inquantum respicit humanam naturam, tamen liberati erant per fidem Christi ab omni macula peccati: & ideo capaces erant illius liberationis quam Christus attulit descendens ad inferos. Sed hoc de pueris dici non potest, ut ex supradictis patet (in corp. art.)

Ad secundum dicendum, quod cum Apostolus dicit, quod gratia Dei in plures abundavit, ly *plures* non est accipiendum comparative, quasi plures numero sint salvati per gratiam Christi quam damnati per peccatum Adæ; sed absolute, ac si diceret, quod gratia unius Christi abundavit in multos, sicut & peccatum Adæ pervenit ad multos. Sed sicut peccatum Adæ ad eos tantum pervenit qui per seminalem rationem carnaliter ab eo descenderunt; ita gratia Christi ad illos tantum pervenit qui spirituali regeneratione eius membra sunt facti: quod non competit pueris decedentibus cum originali peccato.

Ad tertium dicendum, quod baptismus adhibetur hominibus in hac vita, in qua homo potest transmutari de culpa in gratiam; sed descensus Christi ad inferos exhibitus fuit animabus post hanc vitam, ubi non sunt capaces transmutationis prædictæ. Et ideo per baptismum pueri liberantur a peccato originali, & ab inferno, non autem per descensum Christi ad inferos.

# ARTICULUS VIII. 393

*Utrum Christus suo descensu liberaverit animas a purgatorio.*

**III. dist. xxi. quæst. 11. art. 2. quæst. 4. & opus. 11. cap. cclxi.**

**A**D octavum sic proceditur. Videtur quod Christus suo descensu ad inferos liberaverit animas a purgatorio. Dicit enim Augustinus in epist. ad Eudium (clxiv. al. cxx. ante med.) *Quia evidèntia testimonia & infernum commemorant, & dolores, nulla causa occurrat, cur illo credatur venisse Salvator, nisi ut ab eisdem doloribus salvos faceret. Sed utrum omnes quos in eis invenit, an quosdam quos illo beneficio dignos iudicavit, adhuc requiro. Fuisse tamen Christum apud inferos, & in eorum doloribus constitutis hoc beneficium præstisise, non dubito.* Non autem præstitit beneficium liberationis damnatis, sicut supra dictum est (art. 6. huius quæst.) Præter eos autem nulli sunt in doloribus pœnalibus constituti, nisi illi qui sunt in purgatorio. Ergo Christus animas de purgatorio liberavit.

2. Præterea. Ipsa Christi præsentia non minorem effectum habuit quam sacramenta ipsius. Sed per sacramenta Christi.

fi liberantur animæ a purgatorio, & præcipue per Eucharistiæ sacramentum, ut infra dicitur (Supplem. quæst. lxxi. art. 9.) Ergo multo magis per præsentiam Christi ad inferos descendentes sunt animæ a purgatorio liberatæ.

3. Præterea. *Christus, quoscunque curavit in hac vita, totaliter curavit*, ut Augustinus dicit in Lib. de pœnit. (alius Auctor de vera, & falsa pœnitentia cap. ix. a med.) & Ioan. vii. 23. Dominus dicit: *Totum hominem saluum feci in sabbato*. Sed Christus eos qui in purgatorio erant, liberavit a reatu pœnæ damni, quo excluderentur a gloria. Ergo etiam liberavit eos a reatu pœnæ purgatorii.

Sed contra est quod Gregorius dicit in XIII. Moral. (cap. xv. ad fin.) *Dum conditor, ac redemptor noster claustra inferni penetrans, electorum exinde animas eduxit, nos illo ire non patitur, unde iam alios descendendo liberavit*. Patitur autem nos ire ad purgatorium. Ergo descendens ad inferos animas a purgatorio non liberavit.

Respondendo dicendum, quod, sicut sæpe dictum est (art. præc. & 4. huius quæst. ad 2. & art. 5. & 6.) descensus Christi ad inferos liberatorius fuit in virtute passionis ipsius. Passio autem eius non habet temporalem virtutem, & transitoriam, sed sempiternam, secundum illud Heb. x. 14. *Una oblatione consummavit in sempiternum sanctificationes*. Et hic patet quod non habuit tunc maiorem efficaciam passio Christi quam habeat nunc. Et ideo illi qui fuerunt tales, quales nunc sunt, qui in purgatorio detinentur, non fuerunt a purgatorio liberati per descensum Christi ad inferos. Si qui autem inventi sunt tales, quales etiam nunc virtute passionis Christi a purgatorio liberantur, tales nihil prohibet per descensum Christi ad inferos a purgatorio esse liberatos.

Ad primum ergo dicendum, quod ex illa auctoritate Augustini non potest concludi, quod omnes illi qui in purgatorio erant, fuerint a purgatorio liberati, sed quod aliquibus eorum fuerit hoc beneficium collatum, illis scilicet qui iam sufficienter purgati erant, vel etiam qui dum adhuc viverent, meruerunt per fidem, & devotionem ad mortem Christi, ut eo descendente, liberarentur a temporali purgatorii pœna.

Ad secundum dicendum, quod virtus Christi operatur in sacramentis per modum (a) sanationis, & expiationis cuiusdam. Unde sacramentum Eucharistiæ liberat hominem a purgatorio, in quantum est sacrificium quoddam satisfactorium pro peccato. Descensus autem Christi ad inferos non fuit satisfactorius; operabatur tamen in virtute passionis, quæ fuit satisfactoria, ut supra habitum est (quæst. xix. art. 1. 2. & 3.) sed erat satisfactoria in generali, cuius virtutem oportebat applicari ad unumquemque per aliquod specialiter ad ipsum pertinentem. Et ideo non oportet quod per descensum Christi ad inferos omnes fuerint a purgatorio liberati.

Ad tertium dicendum, quod illi descensus, a quibus Christus in hoc mundo simul homines liberabat, erant personales, proprie ad unumquemque pertinentes; sed exclusio a gloria Dei erat quidam defectus generalis pertinens ad totam humanam naturam. Et ideo nihil prohibet eos qui erant in purgatorio, per Christum esse liberatos ab exclusione a gloria, non autem a reatu pœnæ purgatorii, qui pertinet ad proprium defectum; sicut e contrario sancti patres ante Christi adventum liberati sunt a propriis defectibus, non autem a defectu communi, sicut supra dictum est (quæst. xix. art. 5. ad 1.)

## QUAESTIO LIII.

*De resurrectione Christi,*

*in quatuor articulos divisa.*

Consequenter considerandum est de his quæ pertinent ad exaltationem Christi: & primo de eius resurrectione; secundo de eius ascensione; tertio de eius sessione ad dexteram Patris; quarto de iudiciaria potestate ipsius.

Circa primum occurrit quadruplex consideratio. Quarum prima est de ipsa Christi resurrectione. Secunda de qualitate resurrectionis. Tertia de manifestatione resurrectionis. Quarta de eius causalitate.

Circa primum quaeruntur quatuor. Primo de necessitate resurrectionis eius.

Secundo de tempore.

Tercio

(a) Ita cum mss. edit. veteris, Gasco, & edit. Parisi. satisfactoris, Nicolai sanctificatio.

Tertio de ordine.  
Quarto de causa.

## ARTICULUS I. 294

*Utrum fuerit necessarium Christum  
resurgere.*

III. diff. xxi. quæst. II. art. 1. & opus. lx.  
cap. xii. princ.

**A**D primum sic proceditur. Videtur quod non fuerit necessarium Christum resurgere. Dicit enim Damascenus in Lib. IV. (orth. Fid. cap. ult.) *Resurrectio est secunda eius quod dissolutum est, & cecidit, animalis resurrectio.* Sed Christus non cecidit per peccatum, nec corpus eius est dissolutum, ut ex supradictis patet (quæst. li. art. 3.) Non ergo proprie convenit sibi resurgere.

2. Præterea. Quicumque resurgit, ad aliquid aliud promovetur: quia surgere est sursum moveri. Sed corpus Christi remansit post mortem Divinitati unitum; & ita non potuit in aliquid aliud promoveri. Ergo non competebat sibi resurgere.

3. Præterea. Ea quæ circa humanitatem Christi sunt acta, ad nostram salutem ordinantur. Sed sufficiebat ad salutem nostram passio Christi, per quam iustus liberati a pœna, & culpa, ut ex supradictis patet (quæst. xlix. art. 1. & 3.) Non ergo fuit necessarium quod Christus a mortuis resurgeret.

Sed contra est quod dicitur Luc. ult. 26. *Oportebat Christum pati, & resurgere a mortuis.*

Respondeo dicendum, quod necessarium fuit Christum resurgere, propter quinque. Primo quidem ad commendationem divinæ iustitiæ, ad quam pertinet exaltare illos qui se propter Deum humiliant, secundum illud Luc. 1. 32. *Deposuit potentes de sede, & exaltavit humiles.* Quia igitur Christus propter caritatem, & obedientiam Dei se humiliavit usque ad mortem crucis, oportebat quod exaltaretur a Deo usque ad gloriam resurrectionem: unde ex eius peroratio dicitur in Psal. cxxxviii. 1. *Tu cognovit, idest approbavit, sessionem meam, idest humilitatem, & passionem, & resurrectionem meam, idest glorificationem in resurrectione, sicut Glossa (interl.) exponit.* Secundo ad fidei nostræ instructionem: quia per eius resurrectionem confirmata est fides nostra circa Divini-

tatem Christi: quia, ut dicitur II. ad Cor. ult. 4. *Estis crucifixus est ex infirmitate, sed vivit ex virtute Dei.* Et ideo I. ad Corinth. xv. 14. dicitur: *Si Christus non resurrexit, inanis est prædicatio nostra, inanis est & fides vestra:* & in Psal. xxix. 10 dicitur: *Quæ utilitas in sanguine meo, idest in effusione sanguinis mei, dum descendo, quasi per quosdam gradus malorum, in corruptionem? quali dicat, Nulla.* „ Si enim statim non resurgo, „ corruptumque fuerit corpus meum, „ nemini annuntiabo, nullum lucrabor. „ ut Glossa (interl. & ord. Aug.) exponit. Tertio ad sublevationem nostræ spei: quia dum videmus Christum resurgere, qui est caput nostrum, speramus & nos resurrecturos. Unde dicitur I. ad Corinth. xv. 12. *Si Christus prædicatur quod resurrexit a mortuis; quomodo quidam dicunt in vobis, quoniam resurrectio mortuorum non est?* & Iob xix. 25. dicitur: *Scio, scilicet per certitudinem fidei, quod redemptor meus, idest Christus, vivit a mortuis resurgens; & ideo in novissimo die de terra resurrecturus sum: reposita est hæc spes mea in sinu meo.* Quarto ad informationem vitæ fidelium, secundum illud Rom. vi. 4. *Quomodo Christus resurrexit a mortuis per gloriam Patris, ita & nos in novitate vitæ ambulemus:* & infra: *Christus resurgens ex mortuis iam non moritur: ita & vos existimate vos mortuos quidem esse peccato, viventes autem Deo.* Quinto ad complementum nostræ salutis: quia sicut per hoc quod mala sustinuit humiliter est moriendo, ut nos liberaret a malis; ita glorificatus est resurgendo, ut nos promoveret ad bona, secundum illud Rom. iv. 25. *Traditus est propter delicta nostra, & resurrexit propter iustificationem nostram.*

Ad primum ergo dicendum, quod licet Christus non ceciderit per peccatum, cecidit tamen per mortem, quia sicut peccatum est calus a iustitia, ita mors est calus a vita: unde ex persona Christi potest intelligi quod dicitur Mich. vii. 8. *Ne lateris inimica mea super me, quia cecidi: consergam.* Similiter etiam licet corpus Christi non fuerit dissolutum per incinerationem, ipsa tamen separatim animæ a corpore dissolutio quædam fuit.

Ad secundum dicendum, quod Divinitas erat carni Christi post mortem unita unione personalis, non autem unionis naturæ, sicut anima unitur corpori ut forma ad constituendam humanam naturam.

turam. Et ideo per hoc quod corpus eius unicum est animæ, promotum est in altiore statum naturæ, non autem in altiore statum personæ.

Ad tertium dicendum, quod passio Christi operata est nostram salutem, proprie loquendo, quantum ad remotionem malorum; resurrectio autem quantum ad inchoationem, & exemplar bonorum.

## ARTICULUS II. 295

*Utrum fueris conveniens Christum tertia die resurgere.*

*Sup. quest. li. art. 4. & III. dist. xxi. quest. 11. art. 2. & opusc. 11. cap. cclxi. 111. & opusc. lx. cap. x. civ. fin. & Psal. xv. & Ioan. 11. lect. 3.*

**A**D secundum sic proceditur. Videtur quod non fuerit conveniens Christum tertia die resurgere. Membra enim debent capiti conformari. Sed nos, qui sumus membra Christi, non resurgimus a morte tertia die, sed nostra resurrectio differtur usque ad finem mundi. Ergo videtur quod Christus, qui est caput nostrum, non debuerit tertia die resurgere, sed debuerit eius resurrectio differri usque ad finem mundi.

2. Præterea. Act. 11. 24. dicit Petrus, quod impossibile erat Christum detineri ab inferno, & morte. Sed quamdiu aliquis est mortuus, detinetur a morte. Ergo videtur quod Christi resurrectio non debuerit differri usque ad tertiam diem, sed statim eadem die resurgere; præcipue cum Glossa supra inducta (art. præc.) dicat, nullam esse utilitatem in effusione sanguinis Christi, si non statim resurgat.

3. Præterea: Dies incipere videtur ab ortu Solis, qui sua præsentia diem causat. Sed ante ortum Solis Christus resurrexit: dicitur enim Ioan. xx. 1. quod una sabbati Maria Magdalene venit mane, cum adhuc tenebre essent, ad monumentum; & tamen Christus iam resurrexerat; quia sequitur: *Et vidit lapidem sublatum a monumento*. Non ergo resurrexit Christus tertia die.

Sed contra est quod dicitur Matth. xx. 19. *Tradent eum gentibus ad illudendum, & flagellandum, & crucifigendum. & tertia die resurget*.

Respondeo dicendum, quod, sicut dictum est (art. præc.) resurrectio Christi

necessaria fuit ad instructionem fidei nostræ. Est autem fides nostra & de Divinitate, & humanitate Christi, non enim sufficit alterum sine altero credere, ut ex prædictis patet (2. 2. quest. 11. art. 7. & 8.) Et ideo ad hoc quod confirmaretur fides de veritate Divinitatis ipsius, oportuit quod cito resurgeret, & eius resurrectio non differretur usque ad finem mundi. Ad hoc autem quod confirmaretur fides de veritate humanitatis, & mortis eius, oportuit moram esse inter mortem & resurrectionem. Si enim statim post mortem resurrexisset, videri posset quod eius mors vera non fuerit, & per consequens nec resurrectio vera.

Ad veritatem autem mortis Christi manifestandam sufficiebat quod usque ad tertium diem eius resurrectio differretur: quia non contingit quin infra hoc tempus in homine, qui mortuus videtur, cum vivat, appareant aliqua indicia vitæ. Per hoc etiam quod tertia die resurrexit, commendatur perfectio ternarii, qui est numerus omnis rei, utpote habens principium, medium, & finem, ut dicitur in I. de celo (tex. 2.) Ostenditur etiam secundum mysterium quod Christus una morte sua corporali (quæ fuit lux propter iustitiam) duas nostras mortes destruxit, scilicet corporis, & animæ, quæ sunt tenebrosæ propter peccatum: & ideo una die integra, & duabus noctibus permansit in morte, ut Augustinus dicit in IV. de Trinit. (cap. vi.) Per hoc etiam significatur quod per resurrectionem Christi tertium tempus incipiebat: nam primum fuit ante legem, secundum sub lege, tertium sub gratia. Incipit etiam in Christi resurrectione tertius status Sanctorum: nam primus fuit sub figuris legis, secundus sub veritate fidei, tertius erit in æternitate gloriæ, quam Christus inchoavit resurgendo.

Ad primum ergo dicendum, quod caput, & membra conformantur in natura, sed non in virtute: excellentior est enim virtus capitis quam membrorum. Et ideo ad demonstrandam excellentiam virtutis Christi conveniens fuit; ipsum tertia die resurgere, aliorum resurrectione dilata usque ad finem mundi.

Ad secundum dicendum, quod detentio coactionem quandam importat. Christus autem nulla necessitate mortis tenebatur adstrictus sed erat inter mortuos liber: & ideo aliquamdiu in morte mansit, non quasi detentus, sed propria voluntate.

luntate, quamdiu indicavit hoc esse necessarium ad instructionem fidei nostræ. Dicitur autem statim fieri quod sit brevi interposito tempore.

Ad tertium dicendum, quod, sicut supra dictum est (quæst. II. art. 4. ad 2.) Christus resurrexit circa diluculum illucescente iam die, ad significandum quod per suam resurrectionem nos ad lucem gloriæ inducebat; sicut mortuus est ad vespertinentiam iam die, & recedente in tenebras, ad ostendendum quod per suam mortem destrueret tenebras culpæ, & pænæ. Et tamen dicitur tertia die resurrexisse, accipiendo diem pro die naturali, qui continet spatium vigintiquatuor horarum: & sicut dicit Augustinus in IV. de Trinit. (cap. vi. ante med.) *nox usque ad diluculum, quo Domini resurrectio declarata est, ad tertium pertinet diem: quia Deus, qui dixit de tenebris lucem clarescere, ut per gratiam novi Testamenti, & participationem resurrectionis Christi audiremus, Fuistis aliquando tenebræ, nunc autem lux in Domino, insinuat nobis quodammodo, quod a nocte dies sumat initium: sicut enim primi dies propter futurum hominis lapsum a luce in noctem, ita isti propter hominis reparationem a tenebris ad lucem computantur.* Et ita patet quod etiam si media nocte resurrexisset, posset dici eum die tertia resurrexisse, intelligendo de die naturali. Nunc autem eum diluculo surrexit, potest dici, quod tertia die surrexit, etiam accipiendo diem artificialem, quæ causatur ex præsentia Solis, quia iam Sol incipiebat acrem illustrare. Unde & Marci ult. 2. dicitur, *quod mulieres venerunt ad monumentum, orto iam Sole: quod non est contrarium ei quod Ioan. dicit, Dum adhuc tenebræ essent, ut Augustinus dicit in Lib. III. de consensu Evangelist. (cap. xxiv. inter princ. & med.) quia die surgente, reliquæ tenebrarum tanto magis extenuantur, quanto magis oritur lux.* Quod autem dicit Marcus, *Orto iam Sole*, non sic accipiendum est, tamquam iam Sol ipse videretur super terram, sed tamquam de proximo adveniente in has partes.

## ARTICULUS III. 296

*Utrum Christus primo resurrexerit.*

IV. dist. xlii. art. 3. quæst. 1. ad 3. & opusc. II. cap. cccxxvi. & cccxxvii. & I. Cor. v. lect. 3. in princ. & ad Col. 1. lect. 5.

**A**D tertium sic proceditur. Videtur quod Christus non primo resurrexerit. Nam in veteri Testamento per Heliam, & Heliseum aliqui resuscitati leguntur, secundum illud Heb. xi. 35. *Acceperunt mulieres de resurrectione mortuos suos: similiter & Christus ante passionem suam tres mortuos suscitavit.* Non ergo Christus fuit primus resurgens.

2. Præterea. Matth. xxvii. 52. inter alia miracula quæ in passione Christi acciderunt, narratur quod monumenta aperta sunt, & multa corpora sanctorum, qui dormierant, surrexerunt. Non ergo Christus fuit primus resurgens.

3. Præterea. Sicut Christus per suam resurrectionem est causa nostræ resurrectionis, ita per suam gratiam est causa nostræ gratiæ, secundum illud Ioan. 1. 16. *De plenitudine eius nos omnes accepimus.* Sed alii prius tempore gratiam habuerunt quam Christus, sicut omnes patres veteris Testamenti. Ergo etiam aliqui prius ad resurrectionem corporalem pervenerunt quam Christus.

Sed contra est quod dicitur I. ad Cor. xv. 20. *Christus resurrexit a mortuis, primus dormientium:* Glossa (interl.) „quia prius tempore, & dignitate sur-

rexit.“ Respondeo dicendum, quod resurrectio est reparatio a morte in vitam. Dupliciter autem aliquis eripitur a morte: uno modo solum a morte in actu, ut scilicet aliquis vivere incipiat qualitercunque, postquam mortuus fuerat; alio modo ut aliquis liberetur non solum a morte, sed etiam a necessitate, & quod plus est, a possibilitate moriendi. Et hæc est vera, & perfecta resurrectio: quia quamdiu aliquis vivit subiectus necessitati moriendi, quodammodo mori ei dominatur, secundum illud Rom. viii. 10. *Corpus quidem mortuum est propter peccatum.* Illud etiam quod possibile est esse, secundum quid dicitur esse, id est potentialiter. Et sic patet quod illa resurrectio qua quis eripitur solum ab actuali morte, est resurrectio imperfecta.

Lo-



Loquendo igitur de resurrectione perfecta, Christus est primus resurgentium: quia ipse resurgendo primo pervenit ad vitam penitus immortalem, secundum illud Rom. vi. 9. *Christus resurgens ex mortuis iam non moritur*. Sed resurrectione imperfecta quidam alii resurrexerunt ante Christum, ad praemonstrandum quasi in quodam signo resurrectionem ipsius.

Et sic patet responsio ad primum: quia & illi qui suscitati in veteri Testamento sunt, & illi qui suscitati sunt a Christo, sic redierunt ad vitam ut iterum morerentur.

Ad secundum dicendum, quod de illis qui resurrexerunt cum Christo, duplex est opinio. Quidam enim asserunt, quod redierunt ad vitam tamquam non iterum morituri: quoniam magis illis esset tormentum, si iterum morerentur, quam si non resurgerent. Et secundum hoc intelligendum erit, sicut Hieronymus dicit super Matth. (sup. illud cap. xxvii. *Et multa corpora Sanctorum*) quod non ante resurrexerunt, quam resurgeret Dominus. Unde & Evangelista dicit, quod exscentes de monumentis post resurrectionem eius venerunt in sanctam civitatem, & apparuerunt multis. Sed Augustinus in epistola ad Evodium (cxix. ante med.) hanc opinionem commemorans dicit: Scio quibusdam videri morte Domini Christi iam talem resurrectionem praestitam iussis, qualis nobis in fine promittitur: qui si non iterum repositi corporibus dormierunt, videndum est, quomodo intelligatur Christus primogenitus a mortuis, si cum in illa resurrectione torpescerent. Quod si responderetur, hoc esse dictum per anticipationem, ut monumenta illo terrae motu aperta intelligantur, cum Christus in cruce penderet, resurrexisse autem iussorum corpora non tunc, sed cum ille prior resurrexisset; illud adhuc restat quod moveat, quomodo Petrus non de David, sed

de Christo asseruit fuisse praedictum, carnem eius non vidisse corruptionem, per hoc quod apud eos erat monumentum David: & sic illos non convincebat, si corpus David ibi iam non erat: quia etsi ante in recenti sua morte resurrexisset, nec caro eius vidisset corruptionem, posset nihilominus illud monumentum manere. Durum autem videtur ut David non fuerit in illa resurrectione iussorum, si eis iam aeterna donata est, cuius Christus ex semine commendatur. Periclitabitur etiam illud quod ad Hebraeos de iustis antiquis dicitur: Ne sine nobis consummarentur: si iam in illa resurrectionis incorruptione constituti sunt quae nobis perficiendis in fine promittitur. Si ergo Augustinus sentire videtur, quod resurrexerint iterum morituri. Ad quod etiam videtur pertinere quod Hieronymus dicit super Matth. (loc. sup. cit.) quod sicut Lazarus resurrexit, sic & multa corpora Sanctorum resurrexerunt, ut Dominum ostenderent resurgentem. Quamvis hoc in sermone de assumptione (a) sub dubio relinquat. Rationes tamen Augustini multo efficaciores videntur.

Ad tertium dicendum, quod sicut ea quae praecesserunt Christi adventum, fuerunt preparatoria ad Christum; ita gratia est dispositio ad gloriam. Et ideo ea quae sunt gloriae, sive quantum ad animam (sicut perfecta Dei fructio) sive quantum ad corpus (sicut resurrectio gloriosa) prius tempore debuerunt esse in Christo sicut in auctore gloriae, gratiam vero conveniebat prius esse in his quae ordinabantur ad Christum.

A R.

(a) Hic tamen sermo non est Augustini. Post illa autem verba sub dubio relinquat, haec in textu habet Nicolaus. Ubi multis dubitanti praemittit an assumpta fuerit simul cum corpore B. Virgo, an abierit relicto corpore, ab aliis nonnullis autem iam resuscitatum adstruit, & beata cum Christo immortalitate vestiri: & subiungit: Verumtamen quid horum verius censetur ambigimus. Melius tamen Deo totum, cui nihil impossibile est, committimus, quam ut aliquid ea de re temere definire velimus auctore, citate nostra, sicut & alius quos cum Domino resurrexisse credimus (Evangelio teste) sed utrum redierint in pulvere terrae, certum non habemus: nisi quod legimus quia multa corpora Sanctorum qui dormierunt, sunt exortati ut veniant in sanctam civitatem (scilicet Hierusalem) & apparuerunt multis. De his quibus profecto nonnulli Doctorum senserunt, & in suis etiam scriptis reliquerunt, quod iam in illis perpetua sit completa resurrectio. Fatentur enim quod veri testes non essent, nisi & vera eorum esset resurrectio. Quod sane factum & de aliis, quibusdam locis Scripturarum affirmare conantur, quod hi in cum Christo regnent resuscitati in aeterna societate. Quod, quia Deo nihil impossibile est, non abominum: sed quoniam propter cautelam, salva fide, pio magis desiderio id opinari oporteat, quam inconspicue definire quod sine periculo nescitur: quia non est necessarium ad solutorem. Tum sequitur, Rationes tamen &c.

## ARTICULUS IV. 297

*Utrum Christus fuerit causa suae resurrectionis.*

*Psal. xl. & Ioan. 11. & 111. & ad Rom. IV. fin.*

**A**D quartum sic proceditur. Videtur quod Christus non fuerit causa suae resurrectionis. Quicumque enim suscitatur ab alio, non est suae resurrectionis causa. Sed Christus suscitatus est ab alio, secundum illud Act. 11. 24. *Quem Deus suscitavit, solutus doloribus inferni: & Rom. VIII. 11. Qui suscitavit Iesum Christum a mortuis, vivificavit & mortalia corpora nostra* &c. Ergo Christus non est causa suae resurrectionis.

2. Præterea. Nullus dicitur mereri quod ab alio petit aliquid, cuius ipse est causa. Sed Christus sua passione meruit resurrectionem, sicut Augustinus dicit super Ioan. (tract. civ. sub fin.) quod *humilitas passionis meritum est glorie resurrectionis*: ipse etiam petit a Patre se resuscitari, secundum illud Psal. xl. 11. *Tu autem Domine miserere mei, & resuscita me*. Ergo non fuit causa suae resurrectionis.

3. Præterea. Sicut Damascenus probat in IV. Lib. (orth. Fid. cap. ult.) resurrectio non est animæ, sed corporis, quod per mortem cadit. Corpus autem non potest sibi animam unire, quæ est eo nobilior. Ergo id quod resurrexit in Christo, non potuit esse causa suae resurrectionis.

Sed contra est quod Dominus dicit Ioan. x. 18. *Nemo tollit animam meam a me, sed ego pono eam & iterum sumo eam*. Sed nihil est aliud resurgere quam iterato animam sumere. Ergo videtur quod Christus propria virtute resurrexerit.

Respondeo dicendum, quod, sicut supra dictum est (quæst. l. art. 2. & 3.) per mortem non fuit separata Divinitas nec ab anima Christi, nec ab eius carne. Potest igitur tam anima Christi mortui, quam eius caro considerari dupliciter: uno modo ratione Divinitatis; alio modo ratione ipsius naturæ creatæ. Secundum igitur unitæ Divinitatis virtutem & corpus resumplit animam, quam deposuerat, & anima corpus resumplit, quod dimiserat: & sic Christus propria virtu-

te resurrexit. Et hoc est quod de Christo dicitur II. ad Corinth. ult. 4. quod *est crucifixus est ex infirmitate* (a) *nostra, sed vivit ex virtute Dei*. Si autem consideremus corpus, & animam Christi mortui secundum virtutem naturæ creatæ, sic non potuerunt sibi invicem renniri, sed oportuit Christum resuscitari a Deo.

Ad primum ergo dicendum, quod eadem est divina virtus, & operatio Patris, & Filii: unde hæc duo sese consequuntur, quod Christus sit suscitatus divina virtute Patris, & suipsius.

Ad secundum dicendum, quod Christus orando petiit, & meruit suam resurrectionem, inquantum homo, non autem inquantum Deus.

Ad tertium dicendum, quod corpus secundum naturam creatam non est potentius anima Christi; est tamen ea potentius secundum virtutem divinam, quæ etiam rursus secundum Divinitatem unitam est potentior corpore secundum naturam creatam. Et ideo secundum virtutem divinam corpus, & anima mutuo se relumpserunt, non autem secundum virtutem naturæ creatæ.

## QUAESTIO LIV.

*De qualitate Christi resurgentis, in quatuor articulos divisa.*

**D**Einde considerandum est de qualitate Christi resurgentis: & circa hoc quaeruntur quatuor.

Primo, utrum post resurrectionem Christus habuerit verum corpus.

Secundo, utrum resurrexerit cum corporis integritate.

Tertio, utrum corpus eius fuerit gloriosum.

Quarto de cicatricibus in corpore eius apparentibus.

## ARTICULUS I. 298

*Utrum Christus post resurrectionem habuerit verum corpus.*

*Inf. art. 3. cor. & opusc. lx. cap. xxii.*

**A**D primum sic proceditur. Videtur quod Christus post resurrectionem non habuerit verum corpus. Verum enim

(a) Ita cum mss. ceteri omnes. In Vulgata desit nostra.

nim corpus non potest simul esse cum alio corpore in eodem loco. Sed corpus Christi post resurrectionem fuit simul cum alio corpore in eodem loco: intravit enim ad discipulos suos ianuis clausis, ut dicitur Ioan. xx. Ergo videtur quod Christus post resurrectionem non habuerit verum corpus.

2. Præterea. Verum corpus non evanesceat ab aspectu intuentium, nisi forte corrumpatur. Sed corpus Christi evanuit ab oculis discipulorum eum intuentium, ut dicitur Luc. ult. Ergo videtur quod Christus post resurrectionem non habuerit verum corpus.

3. Præterea. Cuiuslibet veri corporis est determinata figura. Sed corpus Christi apparuit discipulis in alia effigie, ut patet Matth. ult. Ergo videtur quod Christus post resurrectionem non habuerit verum corpus humanum.

Sed contra est quod dicitur Luc. ult. 37. quod Christo discipulis apparente, conturbati, & contritii existimabant se spiritum videre, ac si non haberet verum corpus, sed phantasticum: ad quod removendum ipse postea subdit: *Palpate, & videte, quia spiritus carnem, & ossa non habet, sicut me videtis habere.* Non ergo habuit corpus phantasticum, sed verum.

Respondendo dicendum, quod, sicut Damascenus dicit in IV. Lib. (orth. Fid. cap. ult. a princ.) *illud resurgere dicitur quod cecidit.* Corpus autem Christi per mortem cecidit, inquantum scilicet fuit ab eo anima separata, quæ erat eius formalis perfectio. Unde oportuit ad hoc quod esset vera Christi resurrectio, ut idem corpus Christi iterato eidem animæ uniretur. Et quia veritas naturæ corporis est ex forma, consequens est quod corpus Christi post resurrectionem & verum corpus fuerit, & eiusdem naturæ cuius fuerat prius. Si autem eius corpus fuisset phantasticum, non fuisset vera resurrectio, sed apprensio.

Ad primum ergo dicendum, quod corpus Christi post resurrectionem non ex miraculo, sed ex conditione gloriæ, sicut quidam dicunt, clausis ianuis ad discipulos introivit, simul cum alio corpore in eodem loco existens. Sed utrum hoc habere possit corpus gloriosum ex aliqua proprietate sibi indita, ut simul cum alio corpore in eodem loco existat, inferius discutietur (in Supplem. quæst.

lxxxiii. art. 4.) ubi agitur de resurrectione communi. Nunc autem quantum ad propositum sufficit, dicendum est, quod non ex natura corporis, sed potius ex virtute Divinitatis unitæ, illud corpus ad discipulos, licet verum esset, ianuis clausis introivit. Unde Augustinus dicit in quodam sermone paschali (colligitur ex serm. clx. de temp.) quod quidam sic disputant: *Si corpus erat, si hoc surrexit de sepulcro quod pendens in ligno, quomodo per ossa clausa intrare potuit?* Et respondet: *Si comprehendis modum, non est miraculum; ubi deficit ratio, ibi est fidei edificatio.* Et super Ioan. (tract. cxxi. a med.) dicit: *Moli, corporis, ubi Divinitas erat, ossa clausa non obsterunt: ille quippe non eis apertis intrare potuit, quo nascente virginis matris inviolata permansit.* Et idem dicit Gregorius in quadam homil. de octava Paschæ (xxvi. in Evang. cir. princ.)

Ad secundum dicendum, quod, sicut dictum est (quæst. præc. art. 3.) Christus surrexit ad immortalem gloriæ vitam. Hæc est autem dispositio corporis gloriosi, ut sit spirituale, idest subiectum spiritui, ut Apostolus dicit I. ad Cor. xv. Ad hoc autem quod sit omnino corpus subiectum spiritui, requiritur quod omnis actio corporis subdati spiritus voluntati. Quod autem aliquid videatur, sit per actionem visibilis in visum, ut patet per Philosophum in II. de Anima (tex. 73. & 74.) Et ideo quicumque habet corpus glorificatum, in potestate sua habet videri, quando vult, & quando non vult, non videri. Hoc tamen habuit Christus non solum ex conditione corporis gloriosi, sed etiam ex virtute Divinitatis, per quam fieri potest ut etiam corpora non gloriosa miraculose non videantur; sicut præstitum fuit B. Bartholomæo miraculose, ut si vellet, videretur, non autem videretur, si non vellet (a). Dicitur ergo, quod Christus ab oculis discipulorum evanuit, non quia corrumpere, aut resolveretur in aliqua invisibilia; sed quia sua voluntate desinit ab eis videri, vel eo præsentem, vel etiam eo abscedente velociter per dorem agilitatis.

Ad tertium dicendum, quod, sicut Severianus dicit in sermone paschali (id hab. Pet. Chrysol. in serm. lxxxvi. ad fi.) *nemo putet, Christum sua resurrectione suis vultus effigiem commutasse.* Quod est intelli-

(a) Sic in antiquo Predicatorum Rituali, quod anni 1554, quo tempore vivit D. Thomas, statuit in Conv. vniuers. Parisiensis S. Iacobus affirmare, hoc ad marginem Nicolatus.

telligendum quantum ad lineamenta membrorum: quia nihil inordinatum, & deforme fuerat in corpore Christi per Spiritum sanctum concepto, quod in resurrectione corrigendum esset. Accepit tamen in resurrectione gloriam claritatis: unde idem ibidem subdit: *Sed mutatur effigies, dum efficitur ex mortali immortalis; ut hoc sit acquisivisse vultus gloriam, non vultus substantiam perdidisse.* Nec tamen illis discipulis in specie gloriosa apparuit; sed sicut in potestate eius erat ut corpus suum videretur, vel non videretur; ita in potestate eius erat ut ex eius aspectu formaretur in oculis intuituentium vel forma gloriosa, vel non gloriosa, aut etiam commixta, vel qualitercumque se habens. Modica tamen differentia sufficit ad hoc quod aliquis videatur in aliena effigie apparere.

ARTICULUS II. 399

*Utrum Christi corpus resurrexerit integrum.*

*Locus sup. induit.*

**A**D secundum sic proceditur. Videtur quod corpus Christi non resurrexerit integrum. Sunt enim de integritate humani corporis caro, & sanguis: quare Christus non videtur habuisse: dicitur enim I. ad Corinth. xv. 50. *Caro, & sanguis regnum Dei (a) non possidebunt.* Christus autem resurrexit in gloria regni Dei. Videtur ergo quod non habuerit carnem, & sanguinem.

2. Præterea. Sanguis est unus de quatuor humoribus. Si ergo Christus habuit sanguinem, pari ratione habuit alios humores, ex quibus causatur corruptio in corporibus animalium. Sic ergo sequeretur quod corpus Christi fuerit corruptibile: quod est inconveniens. Non igitur Christus habuit carnem, & sanguinem.

3. Præterea. Corpus Christi, quod resurrexit, in cælum ascendit. Sed aliquid de sanguine eius in quibuldā Ecclesiis reservatur pro reliquiis. Non ergo resurrexit corpus Christi cum integritate omnium suarum partium.

Sed contra est quod Dominus dicit Luc. ult. 39. post resurrectionem discipulis loquens: *Spiritus carnem, & ossa non habet, sicut me videtis habere.*

Respondendo dicendum, quod, sicut supra dictum est (art. præc.) corpus Christi in resurrectione fuit eiusdem naturæ, sed

alterius gloriæ. Unde quicquid ad naturam corporis humani pertinet, totum fuit in corpore Christi resurgentis. Manifestum est autem quod ad naturam corporis humani pertinent carnes, & ossa, & sanguis, & alia huiusmodi. Et ideo omnia ista in corpore Christi resurgentis fuerunt, & etiam integraliter abque omni diminutione: alioquin non fuisset perfecta resurrectio, si non fuisset redintegratum quicquid per mortem ceciderat. Unde & Dominus fidelibus suis pronuntiavit, dicens Matth. x. 30. *Vestri autem capilli capitis omnes numerati sunt: & Luc. xxi. 18. dicitur: Capillus de capite vestro non peribit.* Dicere autem, quod corpus Christi carnem, & ossa non habuerit, & alias huiusmodi partes humano corpori naturales, pertinet ad errorem Eutychiei Constantinopolitane urbis Episcopi, qui dicebat (ut hab. Greg. XIV. Moral.

cap. xxi.) quod corpus nostrum in illa resurrectionis gloria erit impalpabile, & ventis, aereque subtilius; & quod Dominus post confirmata corda discipulorum palpatum, omne illud quod in eo palpari potuit, in subtilitatem aliquam rediit. Quod ibidem improbat Gregorius (& hom. xxvi. in Evang. a. pñc.) quod corpus Christi post resurrectionem immutatum non fuit, secundum illud Rom. vi. 9. *Christus resurgens ex mortuis iam non moritur.* Unde & ille, quæ dixerat, in morte retraxit. Si enim inconveniens est ut Christus alterius naturæ corpus in sua conceptione acciperet, puta cælestē, sicut Valentinus asseruit, multo magis inconveniens est quod in resurrectione alterius naturæ corpus resumpserit: quia corpus in resurrectione resumpsit ad vitam immortalem, quod in conceptione assumpserat ad vitam mortalem.

Ad primum ergo dicendum, quod caro, & sanguis ibi non accipitur pro natura carnis, & sanguinis, sed vel pro culpa carnis, & sanguinis, sicut Gregorius dicit in XIV. Moral. (loc. sup. cit.) vel pro corruptione carnis, & sanguinis: quia, ut Augustinus dicit ad Consentium de resurrectione carnis (epist. ccv. al. xlvii. a med.) *non ibi erit corruptio, & mortalitas carnis, & sanguinis.* Caro igitur secundum substantiam possidet regnum Dei, secundum quod dictum est (Luc. ult.) *Spiritus carnem, & ossa non habet, sicut me videtis habere:* caro autem, cum secundum corruptionem intelligitur, non possidebit: unde continuo additum est in verbis Apostoli: *Neque corruptio incorruptelam.*

Ad secundum dicendum, quod, sicut Augustinus dicit in eodem Lib. (loc. cit. parum a princ.) *fortassis, accepta occasione sanguinis, urgetur nos molestior persecutor, & dicit: Si sanguis in corpore Christi resurgens fuit, cur non & pituita, idest phlegma, cur non & sel flavum, idest cholera, & sel nigrum? idest melancholia, quibus quatuor humoribus naturam carnis temperari, etiam medicine disciplina testatur. Sed quodlibet quisquis addat, corruptionem addere caveat, ne suae fidei infirmitatem, castitatemque corrumpat: vales enim divina potentia de ista visibili, atque tractabili natura corporum, quibusdam manentibus, auferre quas voluerit qualitates, ut absit labes, scilicet corruptionis, adsit effigies, adsit moies, absit fatigatio, adsit vescendi potestas, absit esuriendi necessitas.*

Ad tertium dicendum, quod totus sanguis qui de corpore Christi fluxit, cum ad veritatem humanæ naturæ pertineat, in corpore Christi resurrexit: & eadem ratio est de omnibus particulis ad veritatem, & integritatem humanæ naturæ pertinentibus. Sanguis autem ille qui in quibusdam Ecclesiis pro reliquiis conservatur, non fluxit de latere Christi, sed miraculose dicitur effluxisse de quadam imagine Christi percussa.

### ARTICULUS III. 300

*Utrum Christi corpus resurrexerit gloriosum.*

*Inf. quest. lv. art. 6. ad 4. & quo. v. quest. 11. art. 1. & op. 111. cap. cexlv.*

**A**D tertium sic proceditur. Videtur quod corpus Christi non resurrexerit gloriosum. Corpora enim gloriosa sunt fulgentia, secundum illud Matth. xiii. 43. *Fulgebunt iusti, sicut Sol, in regno Patris eorum.* Sed corpora fulgentia videntur secundum rationem lucis, non autem secundum rationem coloris. Cum ergo corpus Christi visum fuerit sub coloris specie, sicut & prius videbatur, videtur quod non fuerit gloriosum.

2. Præterea. Corpus gloriosum est incorruptibile. Sed corpus Christi non videtur fuisse incorruptibile: fuit enim palpabile, sicut & ipse dicit Luc. ult. 39. *Palpate, & videte.* Dicit autem Gregorius in quadam hom. (xxvi. in Evangelium a princ.) quod *corrumpi necesse est quod palpatur; & palpari non potest quod*

*non corrumpitur.* Non ergo corpus Christi fuit gloriosum.

3. Præterea. Corpus gloriosum non est animale, sed spirituale, ut patet I. ad Cor. xv. Sed corpus Christi videtur fuisse animale post resurrectionem: quia cum discipulis manducavit, & bibit, ut legitur Luc. ult. & Ioan. ult. Ergo videtur quod corpus Christi non fuerit gloriosum.

Sed contra est quod Apostolus dicit ad Philip. 111. 21. *Resformabit corpus humilitatis nostræ, configuratum corpori claritatis sue.*

Respondeo dicendum, quod corpus Christi in resurrectione fuit gloriosum. Et hoc apparet triplici ratione. Primo quidem quia resurrectio Christi fuit exemplar, & causa nostræ resurrectionis, ut habetur I. ad Cor. xv. 43. Sancti autem in resurrectione habebunt corpora gloriosa, sicut ibidem dicitur: *Seminatur in ignobilitate, surgit in gloria.* Unde cum causa sit potior causato, & exemplar exemplato, multo magis corpus Christi resurgens fuit gloriosum. Secundo quia per humilitatem passionis meruit gloriam resurrectionis, Unde & ipse dicebat (Ioan. xii. 27.) *Nunc anima mea turbata est; quod pertinet ad passionem: & postea subdit: Pater clarifica nomen tuum; in quo petit gloriam resurrectionis.* Tercio quia, sicut supra habitum est (quest. xxxiv. art. 4.) anima Christi a principio suæ conceptionis fuit gloriosa per fructum Divinitatis perfectam. Est autem dispensative factum, sicut supra dictum est (quest. xiv. art. 1. ad 2.) ut ab anima gloria non redundaret in corpus, ad hoc quod mysterium nostræ redemptionis sua passione impleteret. Et ideo, peractis hoc mysterio passionis, & mortis Christi, statim anima in corpus in resurrectione resumptum suam gloriam derivavit; & ita factum est corpus illud gloriosum.

Ad primum ergo dicendum, quod omne quod recipitur in aliquo, recipitur in eo secundum modum recipientis. Quia igitur gloria corporis derivatur ab anima, ut Augustinus dicit in epistola ad Diocorum (cxviii. al. lvi. ante med.) fulgor, seu claritas corporis gloriosi est secundum colorem humano corpori naturalem; sicut vitrum diversimode coloratum recipit splendorem ex illustratione Solis, secundum modum sui coloris. Sicut autem in potestate hominis gloriosi est ut corpus eius videatur, vel non

vi-

## ARTICULUS IV. 301

videatur, sicut dictum est (art. 1. hu. quæst. ad 2.) ita in potestate eius est quod claritas eius videatur, vel non videatur: unde potest in suo colore sine aliqua claritate videri. Et hoc modo Christus suis discipulis post resurrectionem suam apparuit.

Ad secundum dicendum, quod corpus aliquod dicitur esse palpabile, non solum ratione resistentiæ, sed ratione suæ spissitudinis. Ad rarum autem, & spiritum sequuntur grave, & leve, calidum, & frigidum, & alia huiusmodi contraria, quæ sunt principia corruptionis corporum elementarium. Unde corpus quod est palpabile humano tactu, est naturaliter corruptibile. Si autem sit aliquod corpus resistentis tactui, quod non sit dispositum secundum prædictas qualitates, quæ sunt propria obiecta tactus humani, sicut est corpus cælestis, tale corpus non potest dici palpabile. Corpus autem Christi post resurrectionem vere fuit ex elementis compositum, habens in se tangibiles qualitates, secundum quod requirit natura corporis humani: & ideo naturaliter erat palpabile; & si nihil aliud habuisset supra corpus humani naturam, fuisset etiam corruptibile. Habuit autem aliquid aliud quod ipsum incorruptibile reddidit, non quidem naturam cælestis corporis, ut quidam dicunt, de quo infra magis inquiretur, (vide Supplementum. quæst. lxxxii. art. 1.) sed gloriam redundantem ab anima beata: quia, ut Augustinus dicit in epistola ad Diolcorum (ubi supra) *tam potenti natura Deus fecit animam, ut ex eius plenissima beatitudine redundet in corpus plenitudo sanitatis, id est incorruptionis vigor*. Et ideo, sicut Gregorius dicit ibidem, *ostenditur corpus Christi post resurrectionem fuisse eiusdem nature, sed alterius glorie*.

Ad tertium dicendum, quod, sicut Augustinus dicit XIII. de civ. Dei (cap. xxxi. in fi.) *Salvator noster post resurrectionem, iam quidem in spiritali carne, sed tamen vera, cibum & potum cum discipulis sumpsit, non alimentorum indigentia, sed ea qua hoc poterat potestate*. Ut enim Beda dicit super Lucam (cap. xvii.) *aliter absorbet aquam terra fitiens, aliter Solis radius calens; illa indigentia, iste potentia*. Manducavit ergo post resurrectionem, non quasi cibo indigens, sed ut eo modo naturam corporis resurgentis adlueret. Et propter hoc non sequitur quod fuerit eius corpus animale, quod est indigens cibo.

*Utrum corpus Christi debuerit cum cicatricibus resurgere.*

III. dist. xxi. quæst. ii. art. 4. quæst. 3. & opu. ii. cap. cccxxvi. & op. xx. cap. xxxi.

**A**D quartum sic proceditur. Videtur quod corpus Christi non debuerit cum cicatricibus resurgere. Dicitur enim I. ad Corinth. xv. 52. *quod mortui resurgent incorrupti*. Sed & cicatrices, & vulnera ad quamdam corruptionem pertinent, & defectum. Non ergo fuit conveniens ut Christus, qui est resurrectionis auctor, cum cicatricibus resurgeret.

2. Præterea. Corpus Christi integrum resurrexit, sicut dictum est (art. 1. hu. q.) Sed apertura vulnerum contrarietur integritati corporis, quia per eas discontinnatur corpus. Non ergo videtur sufficere conveniens quod in corpore Christi apertura vulnerum remaneret; etiam remanerent ibi quædam vulnerum insignia, quæ sufficiebant ad aspectum, ad quem Thomas creditur, cui dictum est: *Quia vidisti me Thomas, credidisti*: Ioan. xx. 29.

3. Præterea. Damascenus dicit in IV. Lib. (orth. Fid. cap. xxx. ad fi.) *quod post resurrectionem de Christo dicuntur quædam vere, quæ non habuit secundum naturam, sed secundum dispensationem, ad certificandum quod ipsum quod passum est corpus resurrexit, ut cicatrices*. Cessante autem causa, cessat effectus. Ergo videtur quod certificatis discipulis de sua resurrectione, cicatrices ulterius non habuerit. Sed non conveniebat immutabilitati gloriæ quod aliquid assumeret quod perpetuo in eo non remaneret. Ergo videtur quod non debuerit corpus cum cicatricibus in resurrectione resumere.

Sed contra est quod Dominus dicit Thomæ Ioan. xx. 27. *Infer digitum tuum huc, & vide manus meas, & asser manum tuam, & mitte in latus meum; & noli esse incredulus, sed fidelis*.

Respondeo dicendum, quod conveniens fuit animam Christi in resurrectione corpus cum cicatricibus resumere. Primo quidem propter gloriam ipsius Christi. Dicit enim Beda super Lucam (cap. xvii. secundum eius ordinem) *quod non ex impotentia curandi cicatrices servavit, sed ut in perpetuum victorie sue circumferret*.

*ferat triumphum*. Unde & Augustinus dicit in XXII. de civ. Dei (cap. xx. in princ.) quod *fortassis in illo regno in corporibus Martyrum videbimus vulnere cicatrices*, quae pro Christi nomine pertulerunt: non enim deformitas in eis, sed dignitas erit; & quaedam, quamvis in corpore, non corporis, sed virtutis pulchritudo fulgebit. Secundo ad confirmandum corda discipulorum circa fidem suae resurrectionis. Tercio ut Patri pro nobis supplicans, quale genus mortis pro homine pertulerit, semper offendat. Quarto ut sua morte redemptis, quam misericorditer sint adiuti, propositis eiusdem mortis iudiciis, insinuet. Postremo ut in iudicio, quam iuste damnentur, ibidem denuntiet. Unde, sicut Augustinus dicit in Lib. II. de Symbolo (cap. viii. ante med.) *sciebat Christus, quare cicatrices in suo corpore servaret*. Sicut enim demonstravit Thomas non credenti, nisi tangeret, & videret; ita etiam inimici vulnera demonstraturus est sua, ut convincens eos veritas dicat: *Ecce hominem quem crucifixistis; videtis vulnera, quae infixistis; agnoscitis latus, quod pupugistis, quantum per vos, & propter vos apertum est, nec tamen intrare voluistis*.

Ad primum ergo dicendum, quod cicatrices illae quae in corpore Christi permanserunt, non pertinent ad corruptionem, vel defectum, sed ad maiorem cumulum gloriae, in quantum sunt quaedam virtutis insignia; & in illis locis vulnere quidam specialis decor apparebit.

Ad secundum dicendum, quod quamvis illa apertura vulnere sit cum quadam solutione continuitatis, totum tamen hoc recompeniatur per maiorem decorem gloriae, ut corpus non sit minus integrum, sed magis perfectum. Thomas autem non solum vidit, sed etiam vulnera tetigit: quia, ut dicit Leo Papa (vel Augustinus serm. lvi. in appendice de diversis, ante med.) *suscipit et ad fidem propriam, vidisse quod viderat; sed nobis operatus est, ut tangeret quem videbat*.

Ad tertium dicendum, quod Christus in suo corpore voluit cicatrices vulnere remanere, non solum ad certificandum discipulorum fidem, sed etiam propter alias rationes. Ex quibus apparet quod semper in eius corpore cicatrices illae remanebunt: quia, ut Augustinus dicit ad Consensum de resurrectione carnis (epist. ccc. al. cxlvi. paulo a princ.) *Domini corpus in celo esse credo, ut erat quando ascendit in caelum*. Et Gregorius

XIV. Moral. (cap. xxxix. ante med.) dicit, quod *si quid in corpore Christi post resurrectionem posuit immutari, contra veridicam Pauli sententiam, post resurrectionem Dominus rediit in mortem: quod quis dicere vel stultus praesumat, nisi qui veram carnis resurrectionem denegat*? Unde patet quod cicatrices, quas Christus post resurrectionem in suo corpore ostendit, nunquam postmodum ab illo corpore sunt remotae.

## QUAESTIO LV.

*De manifestatione resurrectionis,*

*in sex articulos divisa.*

**D**Einde considerandum est de manifestatione resurrectionis Christi: & circa hoc quaeruntur sex.

Primo, utrum Christi resurrectio omnibus manifestari debuerit, an solum quibusdam specialiter personis.

Secundo, utrum fuisse conveniens quod eis videntibus resurgeret.

Tercio, utrum post resurrectionem debuerit cum suis discipulis conversari.

Quarto, utrum fuerit conveniens quod suis discipulis in aliena effigie appareret.

Quinto, utrum resurrectionem suam argumentis manifestare debuerit.

Sexto de sufficientia illorum argumentorum.

## ARTICULUS I. 303

*Utrum resurrectio Christi debuerit omnibus manifestari.*

*Sup. quaest. xxxvi. art. 2. co. & op. xi. cap. ccxxxvi. & l. cor. xv.*

**A**D primum sic proceditur. Videtur quod resurrectio Christi debuerit omnibus manifestari. Sicut enim publico peccato debetur poena publica, secundum illud I. Timoth. v. 20. *Peccantes coram omnibus argue*; ita merito publico debetur premium publicum. Sed claritas resurrectionis est premium humilitatis passionis, ut Augustinus dicit super Ioan. (tract. civ. cir. fi.) Cum ergo passio Christi fuerit omnibus manifestata, eo publice patiente, videtur quod gloria resurrectionis ipsius omnibus manifestari debuerit.

2. Praeterea. Sicut passio Christi ordinatur ad nostram salutem, ita & eius

re-

resurrectio, secundum illud Rom. iv. 25. *Resurrexit propter iustificacionem nostram.* Sed illud quod ad communem utilitatem pertinet, omnibus debet manifestari. Ergo resurrectio Christi omnibus debuit manifestari, & non specialiter quibuldam.

3. Præterea illi quibus manifestata est resurrectio Christi, fuerunt resurrectionis testes: unde dicitur Act. iij. 15. *Quem Deus suscitavit a mortuis, cuius nos testes sumus.* Hoc autem testimonium ferebant publice prædicando: quod quidem non convenit mulieribus, secundum illud I. ad Cor. xiv. 34. *Mulieres in Ecclesiis taceant:* & I. ad Timoth. ii. 12. *Docere mulieri non permitto.* Ergo videtur quod inconvenienter resurrectio Christi manifestata fuerit primo mulieribus, quam omnibus communiter.

Sed contra est quod dicitur Act. x. 40. *(a) Quem Deus suscitavit tertia die, & dedit eum manifestum fieri, non omni populo, sed testibus præordinatis a Deo.*

Respondeo dicendum, quod eorum quæ cognoscuntur, quædam cognoscuntur communi lege naturæ, quædam autem cognoscuntur ex speciali munere gratiæ, sicut ea quæ divinitus revelantur: quorum quidem, ut Dionysius dicit in Lib. cæl. Hier. (cap. iv. a med.) *hec est lex divinitus insinua, ut a Deo immediate superioribus revelentur, quibus inædianibus deferantur ad inferiores, sicut patet in ordinatione cælestium spirituum.* Ea vero quæ pertinent ad futuram gloriam, communem hominum cognitionem excedunt, secundum illud IIa. lxiv. 4. *Oculus non vidit, Deus, absque te, quæ præparasti expectantibus te.* Et ideo huiusmodi ab homine non cognoscuntur, nisi divinitus revelata, sicut Apostolus dicit I. ad Cor. ii. 10. *Nobis revelavit Deus per Spiritum suum.* Quia igitur Christus resurrexit gloriosa resurrectione, ideo eius resurrectio non omni populo manifestata est, sed quibuldam, quorum testimonio deferretur in aliorum notitiam.

Ad primum ergo dicendum, quod passio Christi peccata est in corpore adhuc habente naturam passibilem, quæ communi lege nota est omnibus: & ideo passio Christi omni populo immediate manifestari potuit. Resurrectio autem Christi facta est *per gloriam Patris*, ut Apostolus dicit Rom. vi. Et ideo immediate manifestata est, non omnibus, sed quibuldam. Quod autem publice peccantibus poena publica imponitur, intelligitur.

S. Tb. Oper. Tom. XXIV.

(a) Palgia hunc.

dum est de poena præsentis vitæ: & similiter publica merita publice præmiari oportet, ut alii provocentur. Sed poenæ, & præmia futuræ vitæ non publice omnibus manifestantur, sed specialiter illis qui ad hoc præordinati sunt a Deo.

Ad secundum dicendum, quod resurrectio Christi sicut est ad communem omnium salutem, ita in notitiam omnium pervenit; non quidem sic quod immediate omnibus manifestaretur, sed quibuldam, per quorum testimonium deferretur ad omnes.

Ad tertium dicendum, quod mulieri non permittitur publice docere in Ecclesia; permittitur autem ei privatim aliquos domesticæ admonitione instruere. Et ideo, sicut Ambrosius dicit super Luc. (sup. illud cap. xxiv. *Mulieres ex vestris*), *ad eos feminas mittitur qui domestici sunt;* non autem mittitur ad hoc quod resurrectionis testimonium ferat ad populum. Ideo autem primo mulieribus apparuit, ut mulier, quæ primo nuntium mortis ad hominem detulit, primo etiam vitam resurgentis Christi in gloria nuntiaret. Unde Cyprianus dicit (Lib. XII. in Ioan. sup. illud cap. xx. *Vade ad fratres &c.*) *Femina, quæ quondam mortis fuit ministratrix, venerandam resurrectionis mysterium prima percipit, & nuntiat. Adeptum est igitur semineum genus & ignominie abolitionem, & maledictionis repudium.* Similiter etiam per hoc ostenditur quod, quantum ad statum gloriæ pertinet, nullum detrimentum patietur semineus sexus; sed si maiori caritate servebunt, maiori etiam gloria ex visione divina partientur: eo quod mulieres, quæ Dominum ætatis amaverunt, intantum ut ab eius sepulcro discipulis etiam recedentibus non recederent, primo viderunt Dominum in gloria resurgentem.

## ARTICULUS II. 303

*Utrum fuisset conveniens quod discipuli viderent Christum resurgere.*

AD secundum sic proceditur. Videtur quod conveniens fuisset quod discipuli viderent Christum resurgere. Ad discipulos enim pertinebat resurrectionem Christi testificari, secundum illud Act. iv. 33. *Virtute magna reddebant Apostoli testimonium resurrectionis Iesu Christi Domino nostri.* Sed certissimum est testimonium.

Y 3 num



nium de visu. Ergo conveniens fuisse, ut ipsam resurrectionem Christi viderent.

2. Præterea. Ad certitudinem fidei habendam discipuli ascensionem Christi viderunt, secundum illud Act. 1. 9. *Videntibus illis elevatus est*. Sed similiter oportet de resurrectione Christi certam fidem habere. Ergo videtur quod discipulis videntibus debuerit Christus resurgere.

3. Præterea. Resurrectio Lazari quoddam indicium fuit futuræ resurrectionis Christi. Sed discipulis videntibus Dominus Lazarum suscitavit. Ergo videtur quod etiam Christus resurgere debuerit discipulis videntibus.

Sed contra est quod dicitur Marci ult. 9. *Resurgens Dominus mane prima sabba- ti, apparuit primo Mariæ Magdalene*. Sed Maria Magdalena non vidit eum resurgere; sed cum eum quæreret in sepulchro, audivit ab Angelo: *Surrexit, non est hic*. Ergo nullus vidit eum resurgere.

Respondendo dicendum, quod, sicut dicit Apostolus Rom. xiii. 1. *que a Deo sunt, ordinata sunt*. Est autem hic ordo divinitus institutus ut ea quæ supra homines sunt, hominibus per Angelos revelentur, ut patet per Dionysium iv. cap. cæl. Hier. (a med.) Christus autem resurgens non rediit ad vitam communiter hominibus notam, sed ad vitam quandam immortalem, & Deo conformem, secundum illud Roman. vi. 10. *Quod (a) enim vivit, vivit Deo*. Et ideo ipsa Christi resurrectio non debuit immediate ab hominibus videri, sed eis ab Angelis nuntiari. Unde Hilarius dicit super Matth. (can. ult. in fin.) quod ideo Angelus prior resurrectionis est index, ut quoddam famulatu paternæ voluntatis resurrectio nuntiaretur.

Ad primum ergo dicendum, quod Apostoli potuerunt testificari Christi resurrectionem etiam de visu: quia Christum post resurrectionem viventem oculata fide viderunt, quem mortuum seiverant. Sed sicut ad visionem beatam pervenitur per auditum fidei; ita ad visionem Christi resurgentis pervenerunt homines per ea quæ prius ab Angelis audierunt.

Ad secundum dicendum, quod ascensio Christi quantum ad terminum a quo non transcendebat hominum communem notitiam, sed solum quantum ad terminum ad quem. Et ideo discipuli potuerunt videre ascensionem Christi quantum

ad terminum a quo, idest secundum quod elevabatur a terra; non autem viderunt ipsum quantum ad terminum ad quem; quia non viderunt quomodo reciperetur in cælo. Sed resurrectio Christi transcendebat communem notitiam & quantum ad terminum a quo, secundum quod anima rediit ab inferis, & corpus de sepulchro clauso exivit, & quantum ad terminum ad quem, secundum quod est adeptus vitam gloriosam. Et ideo non debuit resurrectio fieri sic quod ab homine videretur.

Ad tertium dicendum, quod Lazarus resuscitatus est, ut rediret ad vitam, qualem prius habuerat, quæ communem notitiam hominum non transcendit. Et ideo non est similis ratio.

## ARTICULUS III. 304

*Utrum Christus post resurrectionem debuerit continue cum discipulis conversari.*

III. dist. xxi. quæst. ii. art. 3. cor. & dist. xxii. quæst. iiii. art. 2. quæst. 3. corp. & Ioan. xx. leff. 6. prin. & cap. xxi. princ.

**A**D tertium sic proceditur. Videtur quod Christus post resurrectionem debuerit continue cum discipulis conversari. Ad hoc enim discipuli post resurrectionem apparuit, ut eos de fide resurrectionis certificaret, & consolationem perturbatis afferret, secundum illud Ioan. xx. 20. *Gavisi sunt discipuli viso Domino*. Sed magis fuissent certificati, & consolati, si eis continue suam præsentiam exhibuisset. Ergo videtur quod continue cum eis debuerit conversari.

2. Præterea. Christus resurgens a mortuis non statim ascendit in cælum, sed post dies quadraginta, ut habetur Act. 1. Illo autem tempore intermedio in nullo alio loco potuit convenientius esse, quam ubi discipuli eius erant pariter congregati. Ergo videtur quod continue cum eis conversari debuerit.

3. Præterea. Ipso die resurrectionis dominicæ quinquies Christus apparuisse legitur, ut Augustinus dicit Lib. III. de consensu Evangelistarum (cap. ult. a med.) Primo quidem mulieribus ad monumentum; secundo eisdem regredientibus a monumento in itinere; tertio Petro; quarto duobus discipulis euntibus in ca-  
stel-

(a) *Vigila autem.*

stellum; quinto pluribus in Hierusalem, ubi non erat Thomas. Ergo etiam videtur quod & aliis diebus ante suam ascensionem ad minus pluries debuerit apparere.

4. Præterea. Dominus ante passionem eis dixerat Matth. xxvi. 32. *Postquam resurrexero, præcedam vos in Galileam*: quod etiam Angelus, & ipsemet Dominus post resurrectionem mulieribus dixit: & tamen antea in Hierusalem ab eis visus est, & ipso die resurrectionis, ut dictum est (in arg. præc.) & etiam die octavo, ut legitur Ioan. xx. Non ergo videtur quod convenienti modo post resurrectionem cum discipulis fuerit conversatus.

Sed contra est quod Ioan. xx. 26. dicitur, quod *post dies octo Christus discipulis apparuit*. Non ergo continue convertabatur cum eis.

Respondeo dicendum, quod circa resurrectionem Christi duo erant discipulis declaranda, scilicet ipsa veritas resurrectionis, & gloria resurgentis. Ad veritatem autem resurrectionis manifestandam sufficit quod pluries eis apparuit, & cum eis familiariter esset locutus, & comedit, & bibit, & se eis palpandum præbuit. Ad gloriam autem resurgentis manifestandam noluit continue conversari cum eis, sicut prius fecerat, ne videretur ad talem vitam resurrexisse, qualem prius habuerat. Unde Luc. ult. 44. *Hæc sunt verba quæ locutus sum ad vos, cum adhuc essem vobiscum*. Tunc quidem erat cum eis præsentia corporali, sed ante cum eis fuerat non solum corporali præsentia, sed etiam per similitudinem mortalitatis. Unde Beda prædicta verba exponens (cap. xxvii. in Luc.) dicit: „Cum adhuc essem vobiscum, id est cum adhuc essem in carne mortali, in qua etis & vos. Tunc quidem in eadem carne resuscitatus erat, sed cum illa in eadem mortalitate non erat.“

Ad primum ergo dicendum, quod frequens Christi apparitio sufficiebat ad certificandum discipulos de veritate resurrectionis. Conversatio autem continua eos potuisset ducere in errorem, ut ad similem vitam cum resurrexisse crederent, quam prius habuerat. Consolationem autem de continua sui præsentia eis in alia vita repromittit, secundum illud Ioan. xvi. 22. *Iterum videbo vos, & gaudebit cor vestrum, & gaudium vestrum nemo tollet a vobis*.

Ad secundum dicendum, quod Christus

non ideo non continue conversabatur cum discipulis, quia reputaret se alibi convenientius esse; sed quia hoc discipulis instruendis convenientius iudicabat, si non continue converteretur cum eis, ratione prædicta (in corp.) Incognitum autem est quibus in locis intermedio tempore corporaliter esset, cum hoc Scriptura non tradat, & in omni loco sit dominatio eius.

Ad tertium dicendum, quod ideo prima die frequentius apparuit, quia per plura indicia erant admonendi, ut a principio fidem resurrectionis reciperent; postquam autem iam receperant, non oportebat eos iam certiçatos tam frequentibus apparitionibus instrui. Unde in Evangelio non legitur, quod post primum diem eis apparuerit, nisi quibus. Ut enim Augustinus dicit in Lib. III. de consensu Evang. (cap. ult. a med.) post primas quinque apparitiones sexto eis apparuit, ubi vidit eum Thomas; septimo ad mare Tyberiadis in captionem piscium; octavo in monte Galilææ, secundum Matthæum; nono, quod dicit Marcus, *noctissime recumbentibus*, quia iam non erant in terra cum illo convitaturi; decimo in ipso die ascensionis, non iam in terra, sed elevatus in nube, cum in cælum ascenderet. Sed non omnia scripta sunt, sicut Ioannes fatetur. Crebra enim erat eius cum eis conversatio, priusquam ascendisset in cælum; & hoc ad consolationem ipsorum. Unde & I. ad Cor. xiv. 6. dicitur, quod *visus est plurimum quingentis fratribus simul, deinde visus est Iacobo*: de quibus apparitionibus in Evangelio non habetur mentio.

Ad quartum dicendum, quod Chrysostomus exponens illud quod dicitur Matth. xxvi. *Postquam resurrexero, præcedam vos in Galileam*, (hom. lxxxiii. in Matth. ante med.) „Non, inquit, in longinquam quandam regionem, ut eis appareat, vadit, sed in ipsa gente, & in ipsis fere regionibus in quibus cum eo plurimum fuerant conversati; ut & hinc crederent, quoniam qui crucifixus est, ipse est & qui resurrexit.“ Propter hoc etiam in Galilæam se ire dicit, ut a timore Iudæorum liberarentur. Sic ergo, ut Ambrosius dicit super Luc. (in fi. comment.) „Dominus mandaverat discipulis, ut in Galilæa eum viderent: sed illis ob metum intra clauem resistentibus ipse primum se obtulit (nec hoc est promissi transgressio, sed potius festinatio ex benignita-

„ te impletio; ) postea vero, confirma-  
 „ ris animis, illi Galilæam petierunt. “  
 „ Vel nihil obstat, si dicamus, paucio-  
 „ res intra oblatæ, & complures in mone-  
 „ te fuisse. Ut enim Eusebius dicit, ( hab.  
 „ in Cat. Div. Th. sup. illud Lucæ ult. *Stet-  
 „ it Iesus in medio &c.* ) „ duo Evangelii-  
 „ stæ, scilicet Lucas, & Ioannes, solis  
 „ undecim hunc scribunt apparuisse in  
 „ Hierusalem; ceteri vero duo in Gali-  
 „ læam properare non solis undecim  
 „ sed universis discipulis, & fratribus dis-  
 „ xerunt Angelum, & Salvatorem ius-  
 „ sisse: de quibus & Paulus meminit di-  
 „ cens: Deinde apparuit plusquam quin-  
 „ gentis fratribus huius.

„ Est autem verior solutio, quod prius  
 „ in Hierusalem latitantibus semel aut bis  
 „ visus est, ad eorum consolationem; in  
 „ Galilæa vero non clam, aut semel, aut  
 „ bis, sed cum multa potestate ostensionem  
 „ sui fecit, præbens se eis viventem pos-  
 „ sionem in signis multis, ut Lucas tes-  
 „ titur in Actio. ( cap. 1. )

„ Vel, sicut dicit Augustinus in Lib. III.  
 „ de centesimo Evang. ( cap. ult. ad fi. )  
 „ *quod ab Angelo, & Domino dictum est,*  
 „ *quod præcæret eos in Galilæam, prophæ-*  
 „ *tice accipiendum est.* In Galilæa enim se-  
 „ cundum transmigrationis significatorem in-  
 „ telligendum occurrit, quæ Christi gratia  
 „ de populo Israel transmigratione erat ad  
 „ Gentes; quibus Apostoli prædicantes non  
 „ crederentur, nisi eis ipse Dominus viam in-  
 „ ceratibus hominum præpararet; & hoc in-  
 „ telligitur, „ Præcedet vos in Galilæam. “  
 „ Secundum illud autem quod Galilæa inter-  
 „ pretatur revelatio, non tam in forma ser-  
 „ vi intelligendus est, sed in illa in qua æ-  
 „ qualis est Patri, quam promissi ante-  
 „ rioribus suis: & illuc præcessit, unde ad nos  
 „ veniens non recessit, & quo nos præcedens  
 „ non deseruit.

#### ARTICULUS IV. 305

*Utrum Christus debuerit discipulis in alia  
 effigie apparere.*

*I. dist. xi. quæst. 11. art. 4. quæst. 1. ad 3.  
 & op. lx. cap. xxii. ff.*

**A**D quartum sic proceditur. Videtur  
 quod Christus non debuerit discipu-  
 lis in alia effigie apparere. Non enim  
 potest apparere secundum veritatem, ni-  
 si quod est. Sed in Christo non fuit nisi  
 una effigies. Si ergo Christus in alia ef-  
 figie apparuit, non fuit apparitio vera,

sed ficta: quod est inconveniens: quia  
 ut Augustinus dicit in Lib. lxxxviii.  
 Q. ( quæst. xiii. ) *si fallit Christus, ve-  
 ritas non est: est autem veritas Christus.*  
 Ergo videtur quod Christus non debuerit  
 discipulis in alia effigie apparere.

2. Præterea. Nihil potest in alia ef-  
 figie apparere quam habeat, nisi oculi in-  
 ventum aliquibus præstigiis detinean-  
 tur. Huiusmodi autem præstigia, cum  
 hiant magicis artibus, non conveniunt  
 Christo, secundum illud II. ad Corinth.  
 vi. 15. *Quæ conventio Christi ad Belial?*  
 Ergo videtur quod non debuerit in alia  
 effigie apparere.

3. Præterea. Sicut per sacram Scrip-  
 turam nostra fides certificatur; ita disci-  
 puli certificati sunt de fide resurrectionis  
 per Christi apparitiones. Sed, sicut Au-  
 gustinus dicit in epistola ad Hieronymum.  
 ( implic. epist. viii. cap. iir. parum a  
 princ. & epist. ix. cap. iir. ) *si vel unum  
 mendacium in sacra Scriptura recipitur,*  
*infirmabitur tota sacra Scriptura auctori-  
 tas.* Ergo si vel in una apparitione Chri-  
 stus discipulis apparuit aliter quam esset,  
 infirmabitur quicquid discipuli post resur-  
 rectionem viderunt in Christo: quod est  
 inconveniens. Non ergo debuit in alia  
 effigie apparere.

Sed contra est quod dicitur Marci ult.  
 12. *Post hæc duobus ex eis ambulantis  
 ostensus est in alia effigie euntibus in vi-  
 lam.*

Respondeo dicendum, quod, sicut di-  
 ctum est ( art. 1. & 2. hu. q. ) resurrectio  
 Christi manifestanda fuit hominibus per  
 modum quo eis divina revelantur. In-  
 norescunt autem divina hominibus diver-  
 timode, secundum quod diversimode sunt  
 affecti. Nam illi qui habent mentem bene  
 dispositam, secundum veritatem divina  
 percipiunt; illi autem qui non habent  
 mentem bene dispositam, divina perci-  
 piunt cum quadam confusione dubitæ-  
 cis, vel erroris: *animalis enim homo non  
 percipit ea quæ sunt spiritus Dei*, ut di-  
 citur I. ad Corinth. ii. 14. Et ideo Chri-  
 stus quibusdam ad credendum dispositis  
 post resurrectionem apparuit in sua ef-  
 figie; illis autem in alia effigie apparuit  
 qui iam videbantur circa fidem tepesce-  
 re: unde dicebant ( Lucæ ult. 21. ) *Nos  
 autem sperabamus quia ipse esset redem-  
 pturus Israel.* Unde Gregorius dicit in  
 in homil. ( xxiii. in Evang. ante med. )  
 quod talem se exhibuit eis in corpore  
 qualis apud illos erat in mente: quia e-  
 nim adhuc in eorum cordibus peregrinus  
 erat

erat a fide, ire se longius finxit, scilicet ac si eligeret peregrinus.

Ad primum ergo dicendum, quod, sicut Augustinus dicit in Lib. II. de quaest. ult. in princ.) non omne quod fingimus, mendacium est; sed quando illud fingimus quod nihil significat, tunc est mendacium; cum autem fides nostra refertur in aliquam significationem, non est mendacium, sed aliqua figura veritatis: aliquando omnia quae a sapientibus, & sanctis viris, vel etiam ab ipso Domino figurate dicta sunt, mendacia deputantur, quia secundum usitatum intellectum non consistit veritas in talibus dictis. Sicut autem dicta, ita etiam finguntur facta sine mendacio, ad aliquam rem significandam. Et ita factum est hic, ut dictum est.

Ad secundum dicendum, quod, sicut Augustinus dicit in Lib. III. de consensu Evangel. (cap. xxv. inter princ. & med.) Dominus poterat transformari carnem suam, ut alia revera esset effigies ab illa quam solebant intueri: quandoquidem & ante passionem suam transformatus est in monte, ut facies eius claresceret, sicut Sol. Sed non ita nunc factum est. Non autem incongruenter accipimus, hoc inordinatum in oculis eorum a Satana factum fuisse, ne agnosceretur Iesus. Unde Luc. ult. 16. dicitur, quod oculi eorum tenebantur, ne eum agnoscerent.

Ad tertium dicendum, quod ratio illa lequeretur, si ab alienae effigiei aspectu non fuissent reducti ad vere videntium Christi effigiem. Sicut enim Augustinus dicit ibid. a Christi facta est permissio, ut scilicet praedicto modo oculi eorum tenerentur, usque ad sacramentum panis; ut unitate corporis eius participata, removeri intelligatur impedimentum iudicium, ut Christus possit agnosci. Unde ibidem subditur, quod aperti sunt oculi eorum, & cognoverunt eum; non quod ante clavis oculis amblerant; sed inerat aliquid, quo non fuissent agnoscere quod videbant; quod scilicet caligo, & aliquis humor efficere solet.

## ARTICULUS V. 308

*Utrum Christus veritatem resurrectionis debuerit argumentis declarare.*

III. dist. XXI. quæst. II. art. 3. & 4. & op. II. cap. cccxxxviii. & opusc. lx. cap. xxii.

**A**D quintum sic proceditur. Videtur quod Christus veritatem resurrectionis non debuerit argumentis declarare. Dicit enim Ambrosius (Lib. I. de Fide cap. v. ad fi.) Tolle argumenta ubi fides queritur. Sed circa resurrectionem Christi queritur fides. Non ergo habent ibi locum argumenta.

2. Præterea. Gregorius dicit (homil. cxxvi. in Evang. in princ.) Fides non habet meritum, cui humana ratio præbet experimentum. Sed ad Christum non pertinebat meritum fidei evacuare. Ergo ad eum non pertinebat resurrectionem per argumenta confirmare.

3. Præterea. Christus in mundum venit, ut per eum homines beatitudinem adipiscantur, secundum illud Ioan. x. 10. Ego veni ut vitam habeant, & abundantius habeant. Sed per huiusmodi ostensiones argumentorum videtur humanæ beatitudinis impedimentum præstari: dicitur enim Ioan. xx. 29. Beati qui non vident, & crediderunt. Ergo videtur quod Christus non debuerit per aliqua argumenta resurrectionem suam manifestare.

Sed contra est quod dicitur Act. 1. 3. quod apparuit discipulis Christus per dies quadraginta in multis argumentis, loquens de regno Dei.

Respondeo dicendum, quod argumentum dicitur dupliciter. Quandoque dicitur argumentum quæcumque ratio rei dubiæ faciens fidem; quandoque autem dicitur argumentum aliquod sensibile signum, quod inducit ad alicuius veritatis manifestationem, sicut etiam Aristoteles in libris suis aliquando utitur nomine argumenti, (ut Lib. de Rethorica ad Alexan. cap. xiv. & xv.) Primo igitur modo accipiendo argumentum, Christus non probavit discipulis suam resurrectionem per argumenta: omnia talis probatio argumentativa processisset ex aliquibus principis, quæ si non essent nota discipulis, nihil per ea eis manifestaretur, quia ex ipsis non potest aliquid fieri notum; si autem esset eis nota, non transcenderent rationem huiusmodi, & ita

& ita non essent efficacia ad fidem resurrectionis adstruendam, quæ rationem humanam excedit: oportet enim principia ex eodem genere assumi, ut dicitur in I. Poster. (tex. 20.) Probavit autem eis resurrectionem suam per auctoritatem sacræ Scripturæ, quæ est fidei fundamentum, cum dixit: *Oportet impleri omnia quæ scripta sunt in Lige, & Psalmis, & Prophetis de me*, ut habetur Luc. ult. 44. Si autem accipiat per secundum modo argumentum, sic dicitur Christus suam resurrectionem argumentis declarasse, in quantum per quædam evidentia signa se vere resurrectisse ostendit. Unde in græco ubi nos habemus, in multis argumentis, loco argumenti ponitur *requisitor*, quod est signum evidens ad probandum. Quæ quidem signa resurrectionis Christus ostendit discipulis propter duo. Primo quidem quia non erant corda eorum disposita ad hoc quod de facili fidem resurrectionis acciperent. Unde ipse dicit eis Luc. ult. 25 *O stulti, & tardi corde ad credendum*: & Marc. ult. 14. *exprobravit illis incredulitatem eorum, & duritiam cordis*. Secundo ut per humiliora signa eis ostensa efficacius eorum testimonium redderetur, secundum illud I. Ioan. 1. 1. *Quod vidimus, & audimus, & manus nostræ contraxerunt... hoc testamur*.

Ad primum ergo dicendum, quod Ambrosius ibi loquitur de argumentis secundum rationem humanam procedentibus; quæ invalida sunt ad ea quæ sunt fidei ostendenda, sicut ostensum est (in corp. art.)

Ad secundum dicendum, quod meritum fidei est ex hoc quod homo ex mandato Dei credit quod non videt. Unde illa sola ratio meritum excludit quæ facit videri per scientiam id quod credendum proponitur: & talis est ratio demonstrativa. Huiusmodi autem rationes Christus non induxit ad resurrectionem suam declarandam.

Ad tertium dicendum, quod, sicut dictum est (in solut. præc.) meritum beatitudinis, quod causat fides, non totaliter excluditur, nisi homo nolle credere nisi ea quæ videt. Sed quod aliquis ea quæ non videt credat per aliqua signa visa, non totaliter fidem evacuat, nec meritum eius; sicut & Thomas cui dictum est, Ioan. xx. 29. *Quia vidisti me, credidisti*, aliud vidit, & aliud credidit: vidit vulnera, & credidit Deum. Est autem perfectioris fidei qui non requirit hu-

iusmodi auxilia ad credendum. Unde ad arguendum defectum fidei in quibusdama Dominus dicit Ioan. xv. 48. *Nisi signa, & prodigia videritis, non creditis*. Et secundum hoc potest intelligi quod illi qui sunt tam prompti animi ut credant Deo, etiam signis non visis, sint beati per comparationem ad illos qui non credunt, nisi talia videant.

## ARTICULUS VI. 307

*Utrum argumenta quæ Christus induxit, sufficienter manifestaverint resurrectionem eius.*

*Locis sup. art. 5. adduct.*

**A**D sextum sic proceditur. Videtur quod argumenta quæ Christus induxit, non sufficienter manifestaverint veritatem resurrectionis eius. Nihil enim ostendit Christus discipulis post resurrectionem, quod etiam Angeli hominibus apparentes vel non ostenderint, vel ostendere non potuerint: nam Angeli frequenter in humana effigie se hominibus ostenderunt, & cum eis loquebantur, & conversabantur, & comedeabant, ac timebant homines veri; sicut patet Gen. xviii. de Angelis, quos Abraham suscepit hospitio: & in Lib. Tobie de Angelo qui cum duxit, & reduxit. Et tamen Angeli non habent vera corpora naturaliter sibi unita, quod requiritur ad resurrectionem. Non ergo signa quæ Christus discipulis exhibuit, fuerunt sufficientia ad resurrectionem eius manifestandam.

2. Præterea. Christus resurrexit resurrectione gloriosa, id est habens simul humanam naturam cum gloria. Sed quædam Christus ostendit discipulis quæ videntur esse contraria naturæ humanæ, sicut quod ab oculis eorum evanuit, & quod ad eos ianuus clausus intravit; quædam autem videntur esse contraria gloriæ, puta quod manducavit, & bibit, & quod habuit vulnerum cicatrices. Ergo videtur quod illa argumenta non fuerint sufficientia, neque convenientia ad fidem resurrectionis ostendendam.

3. Præterea. Corpus Christi non erat tale post resurrectionem, ut tangi deberet ab homine mortali: unde & ipse dixit Magdalenæ Ioan. xx. 17. *Noli me tangere: nondum enim ascendi ad Patrem meum*. Non ergo fuit conveniens quod ad manifestandam veritatem resurrectio-

nis suae seipsum discipulis palpandum exhiberet.

4. Præterea. Inter doctores glorificati corporis præcipua videtur esse claritas; quam tamen in resurrectione nullo argumento ostendit. Ergo videtur quod insufficientia fuerint illa argumenta ad manifestandam qualitatem resurrectionis Christi.

3. Præterea. Angeli in testes resurrectionis inducti ex ista dissimilitudine Evangelistarum insufficientes videntur. Nam apud Matthæum Angelus super lapidem revolutum, apud Marcum vero intus Angelus describitur visus a mulieribus ingressis monumentum: & rursus ab istis unus, a Ioanne cap. xx. duo sedentes, a Luca vero cap. xxiv. duo stantes describuntur. Inconvenientia ergo videntur testimonia resurrectionis.

Sed contra est quod Christus, qui est Dei sapientia, suaviter, & convenienter disponit omnia, ut dicitur Sap. VIII.

Respondeo dicendum, quod Christus resurrectionem suam dupliciter manifestavit, scilicet testimonio, & argumento, sive signo: & utraque manifestatio in tuo genere fuit sufficiens. Est enim usus duplici testimonio ad manifestandam suam resurrectionem discipulis; quorum neutrum potest refelli: quorum primum est testimonium Angelorum, qui mulieribus resurrectionem annuntiaverunt, ut patet per omnes Evangelistas; aliud autem est testimonium Scripturarum, quas ipse proposuit ad ostensionem suae resurrectionis, ut dicitur Luc. ult. Argumenta etiam fuerunt sufficientia ad ostendendam veram resurrectionem, & gloriosam.

Quod autem fuerit vera resurrectio, ostendit uno modo ex parte corporis: circa quod tria ostendit. Primo quidem quod esset corpus verum, & solidum, non corpus phantasticum, vel rarum, sicut est aer. Et hoc ostendit per hoc quod corpus suum palpabile præbuit: unde ipse dicit Luc. ult. 39. *Palpate, & videte, quia spiritus carnes, & ossa non habet, sicut me videtis habere*. Secundo ostendit quod esset corpus humanum, ostendendo eis veram effigiem, quam oculis intuerentur. Tertio ostendit eis quod esset idem numero corpus quod prius habuerat, ostendendo eis vulnerum cicatrices: unde, ut legitur Luc. ult. 39. dixit eis: *Videte manus meas, & pedes meos, quia ego ipse sum*.

Alio modo ostendit eis veritatem suae

resurrectionis ex parte animæ iterato corpori unitæ. Et hoc ostendit per opera triplicis vitæ. Primo quidem per opus vitæ nutritivæ in hoc quod cum discipulis manducavit, & bibit, ut legitur Luc. ult. Secundo per opera vitæ sensitivæ in hoc quod discipulis ad interrogata respondebat, & præsentem salutabat; in quo ostendebat se & videre, & audire. Tertio per opera vitæ intellectivæ in hoc quod eis loquebatur, & de Scripturis diserebat. Et ne quid deesset ad perfectionem manifestationis, ostendit etiam se habere divinitatem naturam per miraculum, quod fecit in piscibus capiendis, & ulterius per hoc quod eis videntibus ascendit in caelum: quia, ut dicitur Ioan. 11. 13. *nemo ascendit in celum, nisi qui descendit de caelo, Filius hominis, qui est in caelo*.

Gloriam etiam suae resurrectionis ostendit discipulis per hoc quod ad eos ianuus clausus intravit: secundum enim quod Gregorius dicit in hom. (xxvi. in Evangelium a princ.) *palpandam carnem Dominus præbuit, quam ianuus clausus introduxit, ut esse post resurrectionem ostenderet corpus suum & eiusdem naturæ, & alterius gloriæ*. Similiter etiam ad proprietatem gloriæ pertinebat, quod subito ab oculis eorum evanuit, ut dicitur Luc. ult. quia per hoc ostendebatur quod in potestate eius erat videri, & non videri; quod pertinet ad conditionem corporis gloriosi, ut supra dictum est (quaest. liv. art. 1. ad 2. & art. 3. ad 1.).

Ad primum ergo dicendum, quod licet singula argumentorum non sufficient ad manifestandam perfectionem Christi resurrectionem; tamen omnia simul accepta perfecte Christi resurrectionem manifestant, maxime propter Scripturæ testimonium, & Angelorum dicta, & etiam ipsius Christi assertionem miraculis confirmatam. Angeli autem apparentes non allerebant se homines esse, sicut alterius Christus vere se hominem esse. Et tamen aliter Christus manducavit, & aliter Angeli. Nam quia corpora ab Angelis assumpta non erant corpora viva, vel animata, non erat vera comestio, licet esset vera cibi contritio, & traictio in interiora partem corporis assumpti: unde & Angeli dixit Tobie xii. 18. *Cum essem vobiscum... videbar quidem vobiscum manducare, & bibere; sed ego cibo invisibilis utor*. Sed quia corpus Christi vere fuit animatum, vera fuit eius comestio. Ut enim

enim Augustinus dicit in XIII. de civit. Dei (cap. xxi. in fin.) *non potestas, seu egestas edendi corporis resurrectionem auferretur.* Unde, sicut Beza dicit (cap. xcvi. in Luc.) *Christus manducavit potestate, non egestas.*

Ad secundum dicendum, quod, sicut dictum est (in corp. art.) argumenta quaedam inducebantur a Christo ad probandam veritatem humanæ naturæ, quædam vero ad probandam gloriam resurrectionis. Conditio autem naturæ humanæ, secundum quod in se consideratur, quantum scilicet ad statum præsentem, contrariatur conditioni gloriæ, secundum illud I. ad Cor. xv. 43. *Seminatur in infirmitate, surgit in virtute.* Et ideo ea quæ inducuntur ad ostendendam conditionem gloriæ, videntur habere contrarietatem ad naturam, non simpliciter, sed secundum statum præsentem, & e converso. Unde Gregorius dicit in hom. (xcvi. in Evan. paulo a princ.) quod duo mira, & iuxta humanam rationem sibi valde contraria Dominus ostendit, dum post resurrectionem corpus suum & incorruptibile, & tamen palpabile demonstravit.

Ad tertium dicendum, quod, sicut Augustinus dicit super Ioan. (tract. cxxi. a med.) *hoc quod Dominus dixit, „Noli me tangere, nondum enim ascendi ad Patrem meum,“ sic dictum est, ut in illa semina figuraretur Ecclesia de gentibus, quæ in Christum non credidit, nisi cum ascendisset ad Patrem.* Aut sic in se credi voluit Iesus, hoc est sic se spiritualiter tangi, quod ipse, & Pater unus sunt: eius quippe intimis sensibus quodammodo ascendit ad Patrem, qui sic in eo profecerit, ut Patri agnoscat æqualem. Hæc autem carnaliter adhuc in eum credebatur, quæ sicut hominem fiebat. Quod autem Maria alibi legitur Christum tetigisse, quando simul cum aliis mulieribus accersit, & tenuit pedes eius, quæstionem non facit, ut Severianus dicit (id hab. Chrysost. Irm. lxxvi. a med.) *siquidem illud de figura est, hoc de jure; illud de divina gratia, hoc de humana natura.* Vel, sicut Chrysostomus dicit (hom. lxxv. in Ioan. ante med.) *volebat hæc mulier adhuc cum Christo conversari, sicut & ante passionem, & præ gaudio nihil magnum cogitabat quamvis caro Christi multo melior facta fuerit resurgendo.* Et ideo dixit: „Nondum ascendi ad Patrem meum;“ quasi dicat, non assestim me tantæ terrenæ vitæ agere: quod enim in terris me videtis, hoc est quia nondum ascendi ad Pa-

trēm meum, sed in promptu est quod ascendam. Unde subditur: *Ascendo ad Patrem meum, & Patrem vestrum.*

Ad quartum dicendum, quod, sicut Augustinus dicit in dialogo ad Orsolum (quæst. xiv.) *clarificata carne Dominus resurrexit; sed noluit in ea clarificatione discipulis suis apparere, quia non possent oculis suis talem claritatem perspicere. Si enim antequam moreretur pro nobis, & resurgeret, quando transfiguratus est in monte, discipuli sui eum videre non potuerunt, quanto magis glorificata carne Dominum eum videre non potuerunt?* Est etiam considerandum, quod post resurrectionem Dominus hoc præcipue volebat ostendere quod idem ipse esset qui mortuus fuerat; quod multum poterat impedire, si eis sui corporis claritatem ostenderet: nam immutatio quæ sit secundum aspectum, maxime ostendit diversitatem eius quod videtur: quia sensibilia communia, inter quæ est unum, & multa, vel idem, & diversum, maxime diiudicat visus. Sed ante passionem, ne infirmitatem passionis eius discipuli despicerent, intendebat Christus eis gloriam maiestatis suæ ostendere, quam maxime demonstrat claritas corporis. Et ideo ante passionem gloriam suam demonstravit discipulis per claritatem, post resurrectionem autem per alia indicia.

Ad quintum dicendum, quod, sicut Augustinus dicit in Lib. III. de consensu Evang. & cap. xxiv. *possumus intelligere unum Angelum visum a mulieribus, secundum Mattheum, & Marcum, ut eas ingressas in monumentum accipiamus, in aliquod scilicet spatium, quod erat aliquæ maceria communium, atque ibi vidisse Angelum sedentem supra lapidem revolutum a monumento, sicut dicit Mattheus; ut hoc sit, sedentem a dextris, quod dicit Marcus: deinde dum introspicerent locum, in quo iacerat corpus Domini, vi-  
jos ab eis alios duos Angelos, primo ostendem sedentes, ut dicit Ioannes, & postea eos surrexisse, ut stantes viderentur, ut dicit Lucas.*

## QUAESTIO LVI.

De resurrectionis Christi causalitate, in duos articulos divisa.

Deinde considerandum est de causalitate resurrectionis Christi: & circa hoc quærentur duo,

Pr-

Primo, utrum resurrectio Christi sit causa nostrae resurrectionis.  
Secundo, utrum resurrectio Christi sit causa nostrae iustificationis.

ARTICULUS I. 308

Utrum resurrectio Christi sit causa resurrectionis corporum.

IV. dist. xliii. art. 2. quæst. 1. & IV. con. cap. lxxx. & veri. quæst. xxvii. art. 3. ad 7. & opusc. 11. cap. cccxxvi. & opusc. lx. cap. xxii. & I. Cor. xv. lect. 1.

**A**D primum sic proceditur. Videtur quod resurrectio Christi non sit causa resurrectionis corporum. Posita enim causa sufficienti, necesse est effectum poni. Si ergo resurrectio Christi est causa sufficientis resurrectionis corporum, statim eo resurgente omnes mortui resurgere deberunt.

2. Præterea. Causa resurrectionis mortuorum est divina iustitia, ut scilicet corpora simul præmierentur, vel puniantur cum animabus, sicut communicaverunt in merito, vel peccato, ut dicit Dionysius ult. cap. calest. Hierar. (a. ned.) & etiam Damascenus dicit in IV. Lib. (orth. Fid. cap. xxviii. parum a princ.) Sed iustitiam Dei necesse esset impleri, etiamsi Christus non resurrexisset. Ergo etiam Christo non resurgente, mortui resurgerent. Non ergo resurrectio Christi est causa resurrectionis corporum.

3. Præterea. Si resurrectio Christi sit causa resurrectionis corporum, aut esset causa exemplaris, aut causa effectiva, aut meritoria. Sed non est causa exemplaris: quia resurrectionem corporum Deus operabitur, secundum illud Ioan. v. 21. *Sicut Pater suscitavit mortuos*: Deus autem non indiget inspicere ad aliquid exemplar extra se. Similiter etiam non est causa effectiva: quia causa efficiens non agit nisi per contactum vel spirituales, vel corporales. Manifestum est autem quod resurrectio Christi non habet contactum corporalem ad mortuos, qui resurgent, propter distantiam temporis, & loci; similiter etiam nec contactum spirituales, qui est per fidem, & caritatem, quia etiam infideles, & peccatores resurgent. Neque etiam est causa meritoria: quia Christus resurgens iam non erat viator, & ita non erat in sta-

tu merendi: & ita nullo modo resurrectio Christi videtur esse causa nostrae resurrectionis.

4. Præterea. Cum mors sit privatio vite, nihil videtur esse aliud destruere mortem quam reducere vitam; quod pertinet ad resurrectionem. Sed Christus moriendo mortem nostram destruxit. Ergo mors Christi est causa nostrae resurrectionis. Non ergo eius resurrectio.

Sed contra est quod super illud I. ad Corinth. xv. *Si Christus prædicatur quod resurrexit a mortuis* &c. dicit Glossa (interl.) „Qui est causa efficiens resurrectionis nostræ.“

Respondeo dicendum, quod illud quod est primum in quolibet genere, est causa omnium que sunt post, ut dicitur in II. Metaph. (tex. 4.) Primum autem in genere veræ resurrectionis fuit resurrectio Christi, sicut ex supradictis patet (quæst. lxi. art. 3.) Unde oportet quod resurrectio Christi sit causa nostræ resurrectionis: & hoc est quod Apostolus dicit I. Corinth. xv. 20. *Christus resurrexit a mortuis primitia dormientium: quoniam quidem per hominem mors, & per hominem resurrectio mortuorum*. Et hoc rationabiliter: nam principium humanæ vivificationis est Verbum Dei, de quo dicitur in Psal. xxxv. 10. *Apu'd te est fons vite*: unde & ipse dicit Ioan. v. 21. *Sicut Pater suscitavit mortuos & vivificavit; sic & Filius quos vult vivificavit*. Habet autem hoc naturalis ordo rerum divinitus institutus ut quælibet causa primo operetur in id quod est sibi propinquius, & per illud operetur in alia magis remota; sicut ignis primo calefacit aerem sibi propinquum, per quem calefacit corpora distantia; & ipse Deus primo illuminat substantias sibi magis propinquas, per quas illuminat magis remotas, ut Dionysius dicit xlii. cap. calest. Hierar. (parum a princ.) Et ideo Verbum Dei primo tribuit vitam immortalē corpori sibi naturaliter unito, & per ipsum operatur resurrectionem in omnibus aliis.

Ad primum ergo dicendum, quod, sicut dictum est (in corp. art.) resurrectio Christi est causa nostræ resurrectionis per virtutem Verbi uniti: quod quidem operatur secundum voluntatem. Et ideo non oportet quod statim sequatur effectus, sed secundum dispositionem Verbi Dei, ut scilicet primo conformemur Christo patienti, & morienti in hac vita passibili, & mortali; deinde perveniamus (a) ad

par-

(a) *Iti cum m.* Tarras, Accas, & Paris: edit. paginæ, ad, ad percipiendum.



participandum similitudinem resurrectionis ipsius.

Ad secundum dicendum, quod iustitia Dei est causa prima resurrectionis nostrae; resurrectio autem Christi est causa secundaria, & quasi instrumentalis. Licet autem virtus principalis agentis non determinetur ad hoc instrumentum determinate; tamen ex quo per hoc instrumentum operatur, instrumentum illud est causa efficiens. Sic ergo divina iustitia, quantum est de se, non est obligata ad resurrectionem nostram causandam per resurrectionem Christi: potuit enim alio modo nos Deus liberare quam per Christi passionem. & resurrectionem, ut supra dictum est (quaest. xlv. art. 2. & 3.) Ex quo tamen decrevit hoc modo nos liberare, manifestum est quod resurrectio Christi est causa nostrae resurrectionis.

Ad tertium dicendum, quod resurrectio Christi non est, proprie loquendo, causa meritoria nostrae resurrectionis, sed est causa efficiens, & exemplaris. Efficiens quidem, inquantum humanitas Christi, secundum quam resurrexit, est quodammodo instrumentum Divinitatis ipsius, & operatur in virtute eius, ut supra dictum est (quaest. xlv. art. 2. & 3.) Er ideo sicut alia quae Christus in sua humanitate fecit, vel passus est, ex virtute Divinitatis eius sunt nobis salutaria, ut supra dictum est (quaest. xlv. art. 6.) ita & resurrectio Christi est causa efficiens nostrae resurrectionis virtute divina, cuius proprium est mortuos vivificare: quae quidem virtus praesentialiter attingit omnia loca, & tempora: & talis contactus virtualis sufficit ad rationem huius efficientiae. Et quia, ut dictum est (in solut. praec.) primordialis causa resurrectionis humanae est divina iustitia, ex qua Christus habet potestatem iudicium facere, inquantum filius hominis est; virtus effectiva resurrectionis eius se extendit non solum ad bonos, sed etiam ad malos, qui sunt eius iudicio subiecti. Sicut autem, resurrectio corporis Christi, ex eo quod corpus illud est personaliter Verbo unitum, est prima tempore; ita etiam est prima dignitate, & perfectione, ut dicit Glossa 1. ad Corinth. xv. (interl. sup. illud, *Primus Christus*.) Semper autem id quod est perfectissimum, est exemplar eius quod est minus perfectum secundum suum modum. Et ideo resurrectio Christi est causa exemplaris nostrae resurrectionis: quod quidem necessarium est, non

ex parte resuscitantis, qui non indiget exemplari, sed ex parte resuscitatorum, quos oportet illi resurrectioni conformari, secundum illud Philip. iii. 21. *Reformabit corpus humilitatis nostrae configuratum corpori claritatis suae*. Licet autem efficientia resurrectionis Christi se extendat ad resurrectionem tam bonorum, quam malorum; exemplaritas tamen eius se extendit proprie solum ad bonos, qui sunt facti conformes filiationis ipsius, ut dicitur Rom. viii.

Ad quartum dicendum, quod secundum rationem efficientem, quae dependet ex virtute divina, communiter tam mors Christi, quam etiam resurrectio, est causa tam destructionis mortis, quam reparationis vitae; sed secundum rationem exemplaritatis mors Christi, per quam recessit a vita mortali, est causa destructionis mortis nostrae; resurrectio vero eius, per quam inchoavit vitam immortalem, est causa reparationis vitae nostrae. Passio tamen Christi est insuper causa meritoria, ut supra dictum est (quaest. xlviii. art. 1.)

## ARTICULUS II. 309.

*Utrum resurrectio Christi sit causa resurrectionis animarum.*

*Locis sup. art. 1. notatis.*

**A**D secundum sic proceditur. Videtur quod resurrectio Christi non sit causa resurrectionis animarum. Dicit enim Augustinus super Ioan. (tract. xxiii. ante med.) quod *corpora resurgunt per dispensationem humanam. sed animae resurgunt per iustitiam Dei*. Sed resurrectio Christi non pertinet ad substantiam Dei, sed ad dispensationem humanam. Ergo resurrectio Christi est sic causa resurrectionis corporum, non tamen videtur esse causa resurrectionis animarum.

2. Praeterea. Corpus non agit in spiritum. Sed resurrectio Christi pertinet ad corpus eius, quod cecidit per mortem. Ergo resurrectio Christi non est causa resurrectionis animarum.

3. Praeterea. Quia resurrectio Christi est causa resurrectionis corporum, omnium corpora resurgent, secundum illud 1. ad Corinth. xv. 51. *Omnes quidem resuregemus*. Sed non omnium animae resurgent: quia quidam ibunt in supplicium aeternum, ut dicitur Matth. xxv. 46. Er-

go resurrectio Christi non est causa resurrectionis animarum.

4. Præterea. Resurrectio animarum fit per remissionem peccatorum. Sed hoc factum est per Christi passionem, secundum illud Apoc. 1. 5. *Lavie nos a peccatis nostris in sanguine suo*. Ergo resurrectionis animarum magis est causa Christi passio quam eius resurrectio.

Sed contra est quod Apostolus dicit Rom. 1v. 25. *Resurrexit propter iustificationem nostram*, quæ nihil aliud est quam resurrectio animarum: & super illud Plal. xxix. *Ad vespertum demorabitur fletus*, dicit Glossa quod „ resurrectio „ Christi est causa resurrectionis nostræ, „ & animæ in præsentem, & corporis in „ futuro. “

Respondendo dicendum, quod, sicut dictum est ( art. præc. ad 3. ) resurrectio Christi agit in virtute Divinitatis: quæ quidem se extendit non solum ad resurrectionem corporum, sed etiam ad resurrectionem animarum: a Deo enim est & quod anima vivat per gratiam, & quod corpus vivat per animam. Et ideo resurrectio Christi habet instrumentaliter virtutem effectivam, non solum respectu resurrectionis corporum, sed etiam respectu resurrectionis animarum. Similiter etiam habet rationem exemplaritatis respectu resurrectionis animarum: quia Christo resurgenti debemus etiam secundum animam conformari, ut sicut secundum Apostolum Rom. vi. 4. *Christus surrexit a mortuis per gloriam Patris; ita & nos in novitate vitæ ambulemus: & sicut ipse resurgens ex mortuis iam non moritur; ita & nos existimemus nos mortuos esse peccato, ut iterum vivamus (a) in illo*.

Ad primum ergo dicendum, quod Augustinus dicit, resurrectionem animarum fieri per Dei substantiam, quantum ad participationem, quia scilicet participando divinam bonitatem animæ fiunt bonæ, & iustæ, non autem participando quamcumque creaturam. Unde cum dixisset, *Animæ resurgunt per substantiam Dei*, subdit: *Participatione enim Dei fit anima beata, non participatione animæ sanctæ*. Sed participando gloriam corporis Christi, efficiuntur corpora nostra gloriosa.

Ad secundum dicendum, quod efficientia resurrectionis Christi pertingit ad animas, non per propriam virtutem ipsius corporis resurgentis, sed per vir-

tutem Divinitatis, cui personaliter unitur.

Ad tertium dicendum, quod resurrectio animarum pertinet ad meritum, quod est effectus iustificationis; sed resurrectio corporum ordinatur ad pœnam, vel præmium, quæ sunt effectus iudicantis. Ad Christum autem non pertinet iustificare omnes, sed iudicare, & ideo omnes resuscitat secundum corpus, sed non omnes secundum animam.

Ad quartum dicendum, quod in iustificatione animarum duo concurrunt, scilicet remissio culpæ, & novitas vitæ per gratiam. Quantum ergo ad efficientiam, quæ est per virtutem divinam, tam passio Christi, quam resurrectio est causa iustificationis quoad utrumque. Sed quantum ad exemplaritatem proprie passio, & mors Christi est causa remissionis culpæ, per quam morimur peccato; resurrectio autem Christi est causa novitatis vitæ, quæ est per gratiam, sive iustitiam: & ideo Apostolus dicit Rom. 1v. 25. quod *traditus est*, scilicet in mortem, *propter delicta nostra*, scilicet tollenda; & *resurrexit propter iustificationem nostram*. Sed passio Christi est etiam causa meritoria, ut dictum est ( art. præc. ad 4. )

## QUAESTIO LVII.

*De ascensione Christi,  
in sex articulos divisa.*

**D**Einde considerandum est de ascensione Christi: & circa hoc quaeruntur sex.

Primo, utrum fuerit conveniens Christum ascendere.

Secundo, secundum quam naturam conveniat sibi ascensio.

Tertio, utrum propria virtute ascenderit.

Quarto, utrum ascenderit super omnes caelos corporeos.

Quinto, utrum ascenderit super omnes spirituales creaturas.

Sexto de effectu ascensionis.

(a) Al. cum illo. Hæc posterior appendix implicita variis Apostoli locis continetur.

## ARTICULUS I. 310

*Utrum fuerit conveniens Christum ascendere.*

III. *dist. xxii. quæst. iiii. art. i. & opus. ii. cap. ccxi. & opus. lx. cap. xxxiii. princ.*

**A**D primum sic proceditur. Videtur quod non fuerit conveniens Christum ascendere. Dicit enim Philosophus in II. de cælo (tex. 65. & 66.) quod illa *quæ optimo modo se habent, possident suum bonum sine motu*. Sed Christus optime se habuit: quia & secundum divinam naturam est summum bonum, & secundum humanam naturam est summe glorificatus. Ergo suum bonum habet sine motu. Sed ascensio est quidam motus. Ergo non fuit conveniens quod Christus ascenderet.

2. Præterea. Omne quod movetur, movetur propter aliquid melius. Sed Christo non fuit melius esse in cælo quam in terra: nihil enim accrevit sibi per hoc quod fuit in cælo, neque quantum ad animam, neque quantum ad corpus. Ergo videtur quod Christus non debuerit in cælum ascendere.

3. Præterea: Filius humanam naturam assumpsit ad nostram salutem. Sed magis fuisset salutare hominibus quod semper conversaretur nobiscum in terris: unde ipse dixit discipulis suis Luc. xvii. 22. *Veniet dies, quando desideretis videre unum diem Filii hominis, & non videbitis*. Videtur ergo quod non fuerit conveniens Christum ascendere in cælum.

4. Præterea. Sicut Gregorius dicit XIV. Moral. (cap. xxxix.) corpus Christi in nullo mutatum fuit post resurrectionem. Sed non immediate post resurrectionem ascendit in cælum: quia ipse dicit post resurrectionem Ioan. xx. 17. *Nondum ascendi ad Patrem meum*. Ergo videtur quod nec post quadraginta dies ascendere debuerit.

Sed contra est quod Dominus dicit Ioan. xx. 17. *Ascendo ad Patrem meum, & Patrem vestrum*.

Respondeo dicendum, quod locus debet esse proportionatus locato. Christus autem per resurrectionem vitam immortalem, & incorruptibilem inchoavit. Locus autem in quo nos habitamus, est locus generationis, & corruptionis; sed

locus cælestis est locus incorruptionis: Et ideo non fuit conveniens quod Christus post resurrectionem remaneret in terris; sed conveniens fuit quod ascenderet in cælum.

Ad primum ergo dicendum, quod illud optime se habens, quod sine motu possidet suum bonum, est ipse Deus, quia est omnino immutabilis, secundum illud Malach. iiii. 6. *Ego Dominus, & non mutar*. Quælibet autem creatura est mutabilis aliquo modo, ut patet per Augustinum VIII. super Gen. ad lit. (cap. xiv.) Et quia natura assumpta a Filio Dei remanuit creatura, ut patet ex his quæ supra dicta sunt (quæst. ii. art. i. & art. 7. ad 1.) non est inconveniens, si ei aliquis motus attribuitur.

Ad secundum dicendum, quod per hoc quod Christus ascendit in cælum, nihil ei accrevit quantum ad ea quæ sunt de essentialia gloriæ sive secundum corpus, sive secundum animam: amen accrevit ei aliquod quantum ad loci decentiam, quod est ad bene esse gloriæ; non quod corpus eius aliquid aut perfectionis, aut conservationis acquireret ex corpore cælesti; sed solummodo propter quamdam decentiam. Hoc autem aliquo modo pertinebat ad eius gloriam: & de hac decentia gaudium quoddam habuit, non quidem quod tunc de novo de hoc gaudere inciperet, quando in cælum ascendit, sed quia novo modo de hoc gavisus est, sicut de re impleta. Unde super illud Psal. xv. *Delectationes in dextera tua usque ad finem*, dicit Glossa (ord. implic.) „Delectatio, „tio, & læticia erit mihi in conspectu „tu tuo, humanis obtutibus subtrahatur. „Ro. 4.

Ad tertium dicendum, quod licet præsentia corporalis Christi fuerit subtrahita fidelibus per ascensionem, præsentia tamen Divinitatis ipsius semper adeit fidelibus, secundum quod ipse dicit Matth. ult. 20. *Ece ego vobiscum sum omnibus diebus usque ad consummationem sæculi*. Qui enim ascendit in celos, non desertit adpratos, ut Leo Papa dicit (serm. 11. de resurrect. cap. iiii. in fin.) Sed ipsa ascensio Christi in cælum, qua corporalem suam præsentiam nobis subtraxit, magis fuit utilis nobis quam præsentia corporalis fuisset. Primo quidem propter fidei augmentum, quæ est de non visis. Unde ipse Dominus dicit discipulis suis Ioan. xvi. quod Spiritus sanctus adveniens arguet mundum de iustitia, scilicet eorum qui credunt, ut Augustinus di-

cit super Ioan. ( tract. xcv. ante med. )  
*Ipsi quippe fidelium comparatio infidelium  
 est vituperatio : unde lubdit : Quia ad  
 Patrem vado, & iam non videbitis me.  
 Beati enim qui non vident, & credunt.  
 Erit igitur vestra iustitia, de qua mundus  
 arguetur, quoniam in me, quem non vi-  
 debitis, credetis. Secundo ad Ipei iube-  
 rationem. Unde ipse dicit Ioan. xiv. 3.  
 Si abiero, & praeparavero vobis locum,  
 iterum veniam, & accipiam vos ad me-  
 ipsum, ut ubi ego sum, & vos sitis. Per  
 hoc enim quod Christus humanam natu-  
 ram assumptam in caelo collocavit, de-  
 dit nobis spem illuc perveniendi : quia  
 ubi fuerit corpus, illuc congregabuntur &  
 aquilae, ut dicitur Matth. xxiv. 28. Un-  
 de & Mich. ii. 13. dicitur : (a) Ascen-  
 dit scandens iter ante eos. Tertio ad erig-  
 endum caritatis affectum in caelestia.  
 Unde dicit Apostolus Coloss. iii. 1. *Quae  
 sursum sunt, querite, ubi Christus est in  
 dextera Dei sedens; quae sursum sunt,  
 sapite, non quae super terram.* Ut enim  
 dicitur Matth. xi. 21. *ubi est thesaurus  
 tuus, ibi est & cor tuum.* Et quia Spi-  
 ritus sanctus est amor nos in caelestia rapi-  
 ens, ideo Dominus dicit discipulis Ioan.  
 xvi. 7. *Expedit vobis ut ego vadam: si  
 enim non abiero, Paracletus non venit  
 ad vos; si autem abiero, mittam eum ad  
 vos: quod exponens Augustinus super  
 Ioan. ( tract. xciv. a med. ) dicit: „ Non  
 „ potellis capere Spiritum, quamdiu se-  
 „ cundum carnem nosse perstistis Chri-  
 „ stum. Christus autem descendente cor-  
 „ poraliter, non solum Spiritus san-  
 „ ctus, sed & Pater, & Filius illis affuit  
 „ spiritualiter. “**

Ad quartum dicendum, quod licet  
 Christo resurgenti in vitam immortalem  
 congrueret locus caelestis; tamen ascen-  
 sionem distulit, ut veritas resurrectionis  
 comprobaretur. Unde dicitur Act. i. 2.  
*quod post passionem suam praebuit seipsum  
 vivum discipulis in multis argumentis,  
 per dies quadraginta: ubi dicitur quaedam  
 Glossa (ordin.) quod quia per quara-  
 ginta horas mortuus fuerat, quadra-  
 ginta diebus le vivere confirmat: vel  
 per quadraginta dies (b) typus prae-  
 sentis saeculi, quo Christus in Ecclesia  
 conversatur, potest intelligi: vel quia  
 homo constans ex quatuor elementis,  
 eruditur contra transgressionem Deca-  
 logi.*

S. Tb. Oper. Tom. XXIV.

(a) Vulgata Ascendit. (b) Ita legendum censeo Garcia cum quibusdam mss. & verisioribus exemplis: quem  
 sequuntur communiter, Al. tempus.

ARTICULUS II. 311

Utrum conveniat Christo ascendere in ca-  
 lum secundum divinam naturam.

III. dist. xxii. quæst. xii. art. 1. ad 3. &  
 opusc. 11. cap. cexl.

**A**D secundum sic proceditur. Videtur  
 quod ascendere in caelum conveniat  
 Christo secundum divinam naturam. Di-  
 citur enim in Psal. xlv. 6. *Ascendit Deus  
 in iubilatione: & Deuter. xxxiii. 26.  
 Ascensor caeli, auxiliator tuus.* Sed ista  
 dicuntur de Deo etiam ante Christi in-  
 carnationem. Ergo Christo convenit a-  
 scendere in caelum, secundum quod est  
 Deus.

2. Præterea. Eiusdem est ascendere in  
 caelum cuius est descendere de caelo, se-  
 cundum illud Ioan. iii. 13. *Nemo ascen-  
 dit in caelum, nisi qui de caelo descendit:*  
 & Ephes. iv. 10. *Qui descendit, ipse est  
 & qui ascendit.* Sed Christus descendit  
 de caelo, non secundum quod homo, sed  
 secundum quod Deus: non enim huma-  
 na eius natura ante in caelo fuerat,  
 sed divina. Ergo videtur quod Christus  
 ascenderit in caelum, secundum quod  
 Deus.

3. Præterea. Christus sua ascensione a-  
 scendit ad Patrem. Sed ad Patris æqua-  
 litatem non pervenit, secundum quod  
 homo: sic enim dicit: *Pater maior me  
 est*, ut habetur Ioan. xiv. 28. Ergo vi-  
 detur quod Christus ascenderit, secundum  
 quod Deus.

Sed contra est quod Ephes. iv. super  
 illud, *Quod autem ascendit, quid est, ni-  
 si quia & ascendit?* dicit Glossa (ordin.  
 Petri Lomb.) „ Constat quod secun-  
 „ dum humanitatem Christus descendit,  
 „ & ascendit. “

Respondendo dicendum, quod ly *secun-  
 dum* duo potest notare, scilicet condi-  
 tionem ascendentis, & causam ascensio-  
 nis. Et si quidem designet conditionem  
 ascendentis, tunc ascendere non potest  
 convenire Christo secundum conditionem  
 divinæ naturæ: tum quia nihil est di-  
 vinitate altius, quo possit ascendere:  
 tum etiam quia ascensio est motus loca-  
 lis, qui divinæ naturæ non competit,  
 quæ est immobilis, & inlocalis. Sed per  
 hunc modum ascensio competit Christo  
 secundum

secundum humanam naturam, quæ continetur loco, & motui subici potest. Unde sub hoc sensu poterimus dicere, quod Christus ascendit in cælum, secundum quod homo, non secundum quod Deus. Si vero *hæc* secundum designet causam ascensionis, cum Christus ex virtute Divinitatis in cælum ascenderit, non autem ex virtute humanæ naturæ; dicendum est, quod Christus ascendit in cælum, non secundum quod homo, sed secundum quod Deus. Unde Augustinus dicit in serm. de ascens. (111. in eo festo, inpl.) *De nostro fuit quod Filius Dei pendit in cruce, sed de suo quod ascendit.*

Ad primum ergo dicendum, quod auctoritates illæ propheticæ dicuntur de Deo, secundum quod erat incarnandus.

Potest tamen dici, quod ascendere etiam non proprie conveniat divinæ naturæ, potest tamen ei metaphorice convenire, prout scilicet dicitur in cor hominis ascendere, quando cor hominis se subiecit, & humiliat Deo: & eodem modo metaphorice dicitur ascendere respectu cuiuslibet creaturæ, ex eo quod eam subiicit sibi.

Ad secundum dicendum, quod ipse idem est qui ascendit, & qui descendit. Dicit enim Augustinus in Lib. IV. de symbolo (cap. vii.) *Quis est qui descendit? Deus homo. Quis est qui ascendit? idem ipse Deus homo.* Descensus tamen duplex attribuitur Christo. Unus quidem, quo dicitur descendisse de cælo: qui quidem attribuitur Deo homini, secundum quod est Deus: non enim est iste descensus intelligendus secundum motum localem, sed secundum exinanitionem, quæ, cum in forma Dei esset, servi formam suscepit: sicut enim dicitur exinanitus, non ex eo quod suam plenitudinem amiserit, sed ex eo quod nostram parvitatem suscepit; ita dicitur descendisse de cælo, non quod cælum deseruerit, sed quia naturam terrenam assumpsit in unitatem personæ. Alius autem est descensus, quo descendit in inferiores partes terræ, ut dicitur Ephes. iv. qui quidem est descensus localis: unde competit Christo secundum conditionem humanæ naturæ.

Ad tertium dicendum, quod Christus dicitur ad Patrem ascendere, inquantum ascendit ad consensum paternæ dexterae: quod quidem convenit Christo aliquatenus secundum divinam naturam, aliquatenus autem secundum humanam, secundum quod infra dicitur (quæst. seq. art. 3.)

*Utrum Christus ascenderit propria virtute.*

*Opusc. 11. cap. cccxxxvi. & opus. lx. cap. xxiii.*

**A**D tertium sic proceditur. Videtur quod Christus non ascenderit propria virtute. Dicitur enim Marci ult. 19. quod Dominus Iesus, postquam locutus est discipulis, assumptus est in cælum: & Act. 1. 9. dicitur: *Videntibus illis elevatus est; & nubes suscepit eum ab oculis eorum.* Sed illud quod assumptus, & elevatur, ab alio videtur moveri. Ergo Christus non propria virtute, sed aliena ferebatur in cælum.

2. Præterea. Corpus Christi fuit terrenum, sicut & corpora nostra. Corpori autem terreno contra naturam est terrae sursum: nullus autem motus est ex propria virtute eius quod contra naturam movetur. Ergo Christus non ascendit propria virtute in cælum.

3. Præterea. Propria virtus Christi est virtus divina. Sed motus ille non videtur fuisse ex virtute divina: quia cum virtus divina sit inhærens, motus ille incipit in instanti; & sic non potuisset videntibus discipulis elevari in cælum, ut dicitur Act. 1. Ergo videtur quod Christus non ascenderit propria virtute.

Sed contra est quod dicitur Ista. lxxx. 1. *Iste formosus in stela sui gradiens in multitudine fortitudinis suæ.* Et Gregorius dicit in hom. Ascensionis (xxix. in Evang. cir. med.) *Notandum est, quod Helias in curru legitur ascendisse, ut videlicet aperte demonstraretur, quia hominibus adiutorio indigebat alieno. Redemptior autem noster non curru, non Angelis sublevatus legitur: quia qui fecerat omnia, super omnia virtute sua ferebatur.*

Respondendo dicendum, quod in Christo est duplex natura, divina scilicet, & humana. Unde secundum utramque naturam potest accipi propria virtus eius. Sed secundum humanam naturam potest accipi duplex virtus Christi: una quidem naturalis, quæ procedit ex principis naturæ, & tunc virtute manifestum est quod Christus in cælum non ascendit: alia autem virtus in humana natura Christi est virtus gloriæ, secundum quam Christus in cælum ascendit.

Cuius quidem virtutis rationem quidam

dam accipiunt ex natura quintæ essentia, quæ est lux, ut dicunt, quam ponunt esse de compositione humani corporis, & per eam elementa contraria conciliari in unum, ita quod in statu huius mortalitatis natura elementaris in corporibus humanis dominatur; & ideo secundum naturam elementi prædominantis corpus humanum naturali virtute deorsum fertur: in statu autem gloriæ prædominabitur natura cælestis, per cuius inclinationem, & virtutem, corpus Christi, & alia Sanctorum corpora feruntur in cælum. Sed de hac opinione & in prima parte habitum est (quaest. lxxvi. art. 7.) & infra magis agetur in tractatu de resurrectione communi (in Supplem. quaest. lxxxiv. art. 1.)

Hac autem opinione prætermissa, alii assignant rationem prædictæ virtutis ex parte animæ glorificatæ, ex cuius redundantia glorificabitur corpus, ut Augustinus dicit ad Dioscorum (epist. cxviii. al. lvi. ante med.) Erit enim tanta obedientia corporis gloriosi ad animam beatam, quod, sicut Augustinus dicit XXII. de civit. Dei (cap. ult. parum a princ.) ubi volat spiritus, ibi protinus erit corpus; nec volat aliquid spiritus, quod nec spiritum possit decere, nec corpus. Decet autem corpus gloriosum, & immortale esse in loco cælesti, sicut dictum est (art. 1. hu. quaest.) Et ideo ex virtute animæ volentis, corpus Christi ascendit in cælum. Sicut autem corpus efficitur gloriosum participatione animæ, ita, ut Augustinus dicit super Ioan. (tract. xxi. inter princ. & med.) participatione Dei sit anima beata. Unde prima origo ascensionis in cælum est virtus divina.

Sic igitur Christus ascendit in cælum propria virtute, primo quidem virtute divina, secundo virtute animæ glorificatæ moventis corpus, prout vult.

Ad primum ergo dicendum, quod sicut Christus dicitur propria virtute surrexisse, & tamen est suscitatus a Patre, eo quod eadem est virtus Patris, & Filii; ita etiam Christus ex propria virtute ascendit in cælum, & tamen a Patre est elevatus, & assumptus.

Ad secundum dicendum, quod ratio illa probat quod Christus non ascendit in cælum propria virtute, quæ est naturæ humanæ naturalis; ascendit tamen in cælum propria virtute, quæ est virtus divina, & propria virtute, quæ est animæ beatæ. Et licet ascendere sursum sit contra naturam humani corporis secundum

statum præsentem, in quo corpus non est omnino subiectum spiritui; tamen non erit contra naturam, neque violentum corpori glorioso, cuius tota natura est omnino subiecta spiritui.

Ad tertium dicendum, quod etsi virtus divina sit infinita, & infinite operetur, quantum est ex parte operantis; tamen effectus virtutis eius recipitur in rebus secundum earum capacitatem, & secundum Dei dispositionem. Corpus autem non est capax ut in instanti localiter moveatur: quia oportet quod commutetur se spatio, secundum cuius divisionem dividitur tempus, ut dicitur VI. Phys. (tex. 36. & seq.) Et ideo non oportet quod corpus motum a Deo moveatur in instanti, sed moveatur ea velocitate qua Deus disponit.

# ARTICULUS IV. 313

*Utrum Christus ascenderit super omnes cælos.*

III. dist. xxi. quaest. III. art. 3. quaest. 1. & 17. cont. cap. lxxxvii. & opus. vi. cap. ix.

**A**D quantum sic proceditur. Videtur quod Christus non ascenderit super omnes cælos. Dicitur enim in Psal. x. 5. Dominus in templo sancto suo, Dominus in cælo sedes eius. Quod autem est in cælo, non est supra cælum. Ergo Christus non ascendit super omnes cælos.

2. Præterea. Super omnes cælos non est aliquis locus, ut probatur in 1. de cælo (tex. 69.) Sed omne corpus oportet esse in loco. Ergo corpus Christi non ascendit super omnes cælos.

3. Præterea. Duo corpora non possunt esse in eodem loco. Cum igitur non sit transitus de extremo in extremum nisi per medium, videtur quod Christus non potuisset ascendere super omnes cælos, nisi cælum divideretur: quod est impossibile.

4. Præterea. Ad. 1. 9. dicitur, quod nubes suscepit eum ab oculis eorum. Sed nubes non possunt elevari super cælum. Ergo Christus non ascendit super omnes cælos.

5. Præterea. Ibi credimus Christum in perpetuum permanfurum, quo ascendit. Sed quod contra naturam est, non potest esse sempiternum: quia id quod est secundum naturam, est ut in pluribus, & ut frequentius. Cum ergo contra na-

turam sit corpori terreno esse supra caelum, videtur quod corpus Christi supra caelum non ascenderit.

Sed contra est quod dicitur Ephes. iv. 10. *Ascendit super omnes caelos, ut adim- pleret omnia.*

Respondere dicendum, quod quanto aliqua corpora perfectius participant bonitatem divinam, tanto sunt superiora corporali ordine, qui est ordo localis. Unde videmus quod corpora quae sunt magis formalia, sunt naturaliter superiora, ut patet per Philosophum in IV. Physic. (implic. tex. 43. & seq.) & in II. de caelo (tex. 30.) per formam enim unumquodque corpus participat divinum esse, ut patet in I. Physic. (tex. 81.) Plus autem participat de divina bonitate corpus per gloriam, quam quodcumque corpus naturale per formam suae naturae; & inter cetera corpora gloriosa manifestum est quod corpus Christi maiori resurgit gloria. Unde convenientissimum est ei quod sit supra omnia corpora constitutum in alto. Et ideo super illud Ephes. iv. *Ascendens in altum*, dicit Glossa (interl.) „Loco, & dignitate.“

Ad primum ergo dicendum, quod sedes Dei dicitur esse in caelo, non sicut in continente, sed magis sicut in contento. Unde non oportet aliquam partem caeli eo superiorem esse, sed ipsum esse super omnes caelos; sicut & in Psal. viii. 3. dicitur: *Elevata est magnificentia tua super caelos, Deus.*

Ad secundum dicendum, quod locus habet rationem continentis: unde primum continens habet rationem primi locantis, quod est primum caelum. In tantum igitur corpora indigent esse in loco per se, in quantum indigent contineri a corpore caelesti. Corpora autem gloriosa, & maxime corpus Christi non indiget tali continentia: quia nihil recipit a corporibus caelestibus, sed a Deo mediante anima. Unde nihil prohibet corpus Christi esse extra totam continentiam caelestium corporum, & non esse in loco continente. Nec tamen oportet quod extra caelum sit vacuum: quia non est ibi locus, nec est ibi aliqua potentia susceptiva alicuius corporis, sed potentia illuc perveniendi est in Christo. Quod autem Aristoteles probat I. de caelo, quod extra caelum non est corpus, intelligendum est de corporibus in solis naturalibus constitutis, ut per probationes apparet.

Ad tertium dicendum, quod quamvis de natura corporis non sit quod possit esse in eodem loco cum aliquo corpore; tamen potest hoc Deus facere per miraculum, quod in eodem loco (a) possit esse simul cum alio corpore; sicut & fecit, ut corpus Christi de clauso utero B. Virginis exiret, & quod intravit ianuam clausam ad discipulos, sicut dicit B. Gregorius (hom. xxvi. in Evang. a princ.) Corpus ergo Christi simul potest esse cum alio corpore in eodem loco, non ex proprietate corporis, sed per virtutem divinam assistentem, & hoc operantem.

Ad quartum dicendum, quod nubes illa non praebuit adminiculum Christo ascendenti per modum vehiculi; sed apparuit in signum Divinitatis, secundum quod gloria Dei Israel apparebat super tabernaculum in nube.

Ad quintum dicendum, quod corpus gloriosum non habet ex principiis suae naturae quod possit in caelo, aut supra caelum esse; sed habet hoc ex anima beata, ex qua recipit gloriam: & sicut motus gloriosi corporis sursum non est violentus; ita nec quies est violenta: unde nihil prohibet eam esse sempiternam.

#### ARTICULUS V. 314

*Utrum corpus Christi ascenderit super omnem creaturam spirituales.*

*Inf. quaest. lviii. art. 3. corp. & Ps. viii. f. & Eph. i. lect. 7. fn.*

AD quintum sic proceditur. Videtur quod corpus Christi non ascenderit super omnem creaturam spirituales. Eorum enim quae non dicuntur secundum unam rationem, non potest convenienter fieri comparatio. Sed locus non eadem ratione attribuitur corporalibus, & spiritualibus creaturis, ut patet ex his quae dicta sunt in I. Par. (quaest. lxxi.) Ergo videtur quod non possit dici corpus Christi ascendisse super omnem creaturam spirituales.

2. Praeterea. Augustinus dicit in Lib. de vera relig. (cap. iv. aliquant. a princ.) quod *omni corpori spiritus praesent.* Sed nobiliori rei sublimior debetur locus. Ergo videtur quod Christus non ascendit super omnem spirituales creaturam.

3. Praeterea. In omni loco est aliquod corpus, cum nihil sit vacuum in natu-

ra.

(a) Ita communiter. Sed, aliter. possunt esse duo corpora.

## ARTICULUS VI. 319

*Utrum ascensio Christi sit causa nostrae salutis.*

ra. Si ergo nullum corpus obtinet altiorum locum quam spiritus in ordine naturalium corporum, nullus locus erit super omnem spiritualem creaturam. Non ergo corpus Christi potuit ascendere super omnem spiritualem creaturam.

Sed contra est quod dicitur Ephes. 1. 21. *Constituit illum supra omnem principatum, & potestatem, & supra omne nomen quod nominatur sive in hoc saeculo, sive in futuro.*

Respondeo dicendum, quod tanto alicui rei debetur altior locus, quanto est nobilior; sive debeatur ei locus per modum contactus corporalis, sicut corporibus; sive per modum contactus spiritualis, sicut spiritualibus substantiis: exinde enim spiritualibus substantiis debetur secundum quamdam congruentiam locus caelestis, qui est supremus locorum, quia illae substantiae sunt supremae in ordine substantiarum. Corpus autem Christi, licet considerando conditiones naturae corporeae, sit infra spirituales substantias; considerando tamen dignitatem unionis, qua est personaliter Deo coniunctum, excelsit dignitatem omnium spiritualium substantiarum. Et ideo secundum praedictam congruentiam rationem debetur ei locus altior ultra omnem creaturam etiam spirituales. Unde & Gregorius dicit in hom. Ascensionis (xxx. in Evang. cir. med.) quod *qui fecerat omnia, super omnia sua virtute ferebatur.*

Ad primum ergo dicendum, quod licet alia ratione attribuitur locus corporali, & spirituali substantiae; tamen hoc est in utraque ratione commune quod digniori rei attribuitur superior locus.

Ad secundum dicendum, quod ratio illa procedit de corpore Christi secundum conditionem naturae corporeae, non autem secundum rationem unionis.

Ad tertium dicendum, quod comparatio ista potest attendi vel secundum rationem locorum; & sic nullus locus est tam altus qui excedat dignitatem spiritualis substantiae, secundum quod procedit obiectio: vel secundum dignitatem eorum quibus attribuitur locus; & sic corpori Christi debetur ut sit supra spirituales creaturas.

**A**D sextum sic proceditur. Videtur quod ascensio Christi non sit causa nostrae salutis. Christus enim fuit causa nostrae salutis, inquantum salutem nostram meruit. Sed per ascensionem nihil nobis meruit: quia ascensio pertinet ad praemium exaltationis eius: non est autem idem meritum, & praemium, sicut nec via, & terminus. Ergo videtur quod ascensio Christi non sit causa nostrae salutis.

2. Praeterea. Si ascensio Christi est causa nostrae salutis, maxime hoc videtur quantum ad hoc quod ascensio eius sit causa nostrae ascensionis. Sed hoc collatum est nobis per eius passionem: quia, ut dicitur Heb. x. 19. *habemus fiduciam in introitu sanctorum per sanguinem ipsius.* Ergo videtur quod ascensio Christi non fuerit causa nostrae salutis.

3. Praeterea. Salus nobis per Christum collata est sempiterna, secundum illud Isa. li. 6. *Salus autem mea in sempiternum erit.* Sed Christus non ascendit in caelum, ut ibi in sempiternum esset: dicitur enim A.R. 1. 11. *Quemadmodum vidistis eum ascendentem in caelum, ita veniet:* legitur etiam, multis Sanctis se demonstrasse in terris post suam ascensionem, sicut de Paulo legitur A.R. ix. Ergo videtur quod eius ascensio non sit causa nostrae salutis.

Sed contra est quod ipse dicit Ioan. xvi. 7. *Expedi vobis ut ego vadam,* id est ut recedam a vobis per ascensionem.

Respondeo dicendum, quod ascensio Christi est causa nostrae salutis dupliciter: uno modo ex parte nostra; alio modo ex parte ipsius. Ex parte quidem nostra, inquantum per Christi ascensionem mens nostra movetur in ipsum; quia per eius ascensionem, sicut supra dictum est (art. 1. hu. q. ad 3.) primo quidem datur locus fidei; secundo spei; tertio caritati; quarto etiam per hoc reverentia nostra augetur ad ipsum, dum iam non existimamus eum sicut hominem terrenum, sed sicut Deum caelestem; sicut & Apostolus dicit II. ad Corinth. v. 16. *Erhagnovimus secundum carnem Christum, id est mortalem, per quod putavimus eum tantum hominem,* "ut Glossa (ord. & interl. Petri Lomb.) exponit;



*sed nunc iam non novimus.* Ex parte autem sua, quantum ad ea quae ipse fecit, ascendens propter nostram salutem, primo quidem viam nobis præparavit ascendendi in cælum, secundum quod ipse dicit Ioan. xiv. 2. *Vado parare vobis locum*; & Mich. ii. 13. *Ascendit pandens iter ante eos*. Quia enim ipse est caput nostrum, oportet illuc sequi membra quo caput præcessit. Unde dicitur Ioan. xiv. 3. *Ut ubi ego sum, & vos sitis*. Et in huius signum animas Sanctorum, quas de inferno eduxerat, in cælum traduxit; secundum illud Psal. lxxvii. 17. *Ascendens Christus in altum, captivam duxit captivitatem*, (Ephes. iv. 8.) quia scilicet eos qui fuerant a diabolo captivati, secum duxit in cælum, quasi in locum peregrinum humanæ naturæ, bona captione captivos, utpote per victoriam acquisitos. Secundo quia sicut Pontifex in veteri Testamento intrabat sanctuarium, ut assisteret Deo pro populo; ita & Christus *intravit cælum ad interpellandum pro nobis*, ut dicitur Heb. vii. Ipsa enim representatio sui ex naturâ humana, quam in cælum intulit, est quædam interpellatio pro nobis; ut ex quo Deus humanam naturam sic exaltavit in Christo, etiam eorum miseretur pro quibus Filius Dei humanam naturam assumpsit. Tercio ut in cælorum sede quasi Deus, & Dominus constitutus, exinde divina dona hominibus mitteret, secundum illud Ephes. iv. 10. *Ascendit super omnes cælos, ut adimpleret omnia*, scilicet, „do-“, „nis suis“, „secundum Glossam (interl.)“.

Ad primum ergo dicendum, quod ascensio Christi est causa nostræ salutis, non per modum meriti, sed per modum efficientiæ, sicut supra de resurrectione dictum est (quæst. præc. art. 1.)

Ad secundum dicendum, quod passio Christi est causa nostræ ascensionis in cælum, proprie loquendo, per remotionem peccati prohibentis, & per modum meriti; ascensio autem Christi est directe causa ascensionis nostræ, quasi inchoando ipsam in capite nostro, cui oportet membra coniungi.

Ad tertium dicendum, quod Christus semel ascendens in cælum adeptus est sibi, & nobis in perpetuum ius, & dignitatem mansionis cælestis: cui tamen dignitati non derogat, si ex aliqua dispensatione Christus quandoque corporaliter ad terram descendat; vel ut ostendat se omnibus, sicut in iudicio; vel ut ostendat sealicui specialiter, sicut Paulo, ut

habetur Act. ix. Et ne quis credat hoc factum fuisse non Christo ibi corporaliter præsentem, sed alicqualiter apparentem, contrarium apparet per hoc quod ipse Apostolus dicit I. ad Cor. xv. 8. ad confirmandam resurrectionis fidem: *Novissime omnium, tamquam abortivo, visus est & mihi*. Quæ quidem vilio veritatem resurrectionis non probaret, nisi ipsum verum Christi corpus visum fuisset ab eo.

## QUAESTIO LVIII.

*De sessione Christi ad dexteram Patris, in quatuor articulos divisa:*

**D**Einde considerandum est de sessione Christi ad dexteram Patris: & circa hoc quaeruntur quatuor.

Primo, utrum Christus sedeat ad dexteram Dei Patris.

Secundo, utrum hoc conveniat sibi secundum divinam naturam.

Tercio, utrum conveniat sibi secundum humanam naturam.

Quarto, utrum hoc sit proprium Christi.

## ARTICULUS I. 316

*Utrum Christo conveniat sedere ad dexteram Dei Patris.*

III. dist. xxxii. quæst. iiii. art. 3. quæst. 2. & opusc. ii. cap. ccxl. & op. vi. cap. ix. & ad Heb. viii. lect. i.

**A**D primum sic proceditur. Videtur quod Christo non conveniat sedere ad dexteram Dei Patris. Dextera enim, & sinistra sunt differentiæ positionum corporalium. Sed nihil corporale convenit Deo, quia *Deus spiritus est*, ut habetur Ioan. iv. 24. Ergo videtur quod Christus non sedeat ad dexteram Patris.

2. Præterea. Si aliquis sedet ad dexteram alicuius, ille sedet ad sinistram eius. Si ergo Christus sedet ad dexteram Patris, sequitur quod Pater sedeat ad sinistram Filii: quod est inconveniens.

3. Præterea. Sedere, & stare videntur oppositionem habere. Sed Stephanus dicit Act. vii 55. *Eccce video cælos apertos, & Filium hominis stantem ad dexteram virtutis Dei*. Ergo videtur quod Christus non sedeat ad dexteram Patris.

Sed contra est quod dicitur Marci ult. 19. *Dominus quidem Iesus, postquam locutus*

ortus est eis, ascendit in caelum, & sedet a dextris Dei.

Respondendo dicendum, quod in nomine sessionis possumus duo considerare: videlicet quietem, secundum illud Luc. ult. 49. *Sedete hic in civitate.* & etiam regiam, vel iudiciariam potestatem, secundum illud Proverb. xx. 8. *Rex qui sedet in solio iudicii, dissipat omne malum intuitu suo.* Utrouque ergo modo Christo convenit sedere ad dexteram Patris. Uno quidem modo, in quantum aeternaliter manet incorruptibilis in beatitudine Patris, quae eius dextera dicitur, secundum illud Pl. xv. 10. *Delectationes in dextera tua usque in finem.* Unde Augustinus dicit in Libro I. de Symbolo (cap. iv. in princ.). *Sedes ad dexteram Patris. Sedere, habitare, intelligite, quomodo dicimus de quocunque homine.* In illa patria sedet per vos annos. Sic ergo creditur Christum habitare in dextera Dei Patris: beatus enim est, & ipsius beatitudinis nomen est dextera Patris. Alio modo dicitur Christus sedere in dextera Dei Patris, in quantum Patri conregnat, & ab eo habet iudiciariam potestatem, sicut ille qui confidet Regi ad dexteram, affidet ei in regnando, & iudicando. Unde Augustinus dicit in alio serm. de Symbolo Lib. II. cap. vii. a princ. *Ipsam dexteram intelligite potestatem, quam accepit ille hominis scriptus a Deo, ut veniat iudicaturus, qui prius venerat iudicandus.*

Ad primum ergo dicendum, quod sicut Damascenus dicit in IV. L. b. (orth. Fid. cap. 11.) non localem dexteram Patris dicimus: qualiter enim qui incircumscriptibilis est, localem adipsiatur dexteram? Dexteram enim, & sinistram eorum quae circumscribuntur, sunt. Dexteram autem Patris dicimus gloriam, & bonorem Divinitatis.

Ad secundum dicendum, quod ratio illa procedit, secundum quod sedere ad dexteram intelligitur corporaliter. Unde Augustinus dicit in quodam sermone de Symb. (scilicet Lib. I. cap. iv. ante med.). *Si carnaliter acceperimus quod Christus sedet ad dexteram Patris, ille erit ad sinistram. Ibi autem, scilicet in aeterna beatitudine, omnis dextera est, quia nulla est ibi miseria.*

Ad tertium dicendum, quod, sicut Gregorius dicit in hom. Alcent. (xxxix in Evang. amed.). *Sedere iudicantis est, stare vero pugnantis, vel adiuvantis.* Stephanus ergo in labore certaminis postus iudicantem vidit, quem adiutorem habuit

Sed hunc post ascensionem Marcus sedere describit, quia post ascensionis suae gloriam iudex in fine videbitur.

## ARTICULUS II. 256

Utrum sedere ad dexteram Patris conveniat Christo, secundum quod est Deus.

Heb. i. *leſt. 3. & leſt. 6. prin. & cap. ix. leſt. 8. & cap. x. leſt. 1.*

**A**D secundum sic proceditur. Videtur quod sedere ad dexteram Patris non conveniat Christo, secundum quod est Deus. Christus enim, secundum quod est Deus, est dextera Patris. Sed non videtur idem esse dextera alicuius, & ille qui sedet ad dexteram eius. Ergo Christus, secundum quod est Deus, non sedet ad dexteram Patris.

2. Præterea. Marci ult. 19. dicitur, quod Dominus Iesus assumptus est in caelum, & sedet a dextris Dei. Christus autem non est assumptus in caelum, secundum quod Deus. Ergo etiam neque secundum quod Deus, sedet a dextris Dei.

3. Præterea. Christus, secundum quod Deus, est æqualis Patri, & Spiritui sancto. Ergo si Christus, secundum quod Deus, sedet ad dexteram Patris, pari ratione Spiritus sanctus sedebit ad dexteram Patris, & Filii, & ipse Pater ad dexteram Filii, & Spiritus sancti: quod nunquam invenitur.

Sed contra est quod Damascenus dicit (Lib. IV. orthod. Fid. cap. 11.) quod dexteram Patris dicimus gloriam, & bonorem Divinitatis, in qua Filii Dei exciit ante secula ut Deus, & Patri consubstantialis.

Respondendo dicendum, quod, ut ex prædictis patet (art. præc.) nomine dexterae tria intelligi possunt: uno modo, secundum Damascenum gloria Divinitatis; alio modo, secundum Augustinum (Lib. cont. serm. Arian. cap. xii. & Lib. I. de Symb. cap. iv.) beatitudo Patris; tertio modo, secundum eundem (ibid. & sup. Plalm. cxv.) iudiciaria potestas. Sessio autem, ut dictum est (art. præc.) vel habitationem, vel regiam, seu iudiciariam dignitatem designat. Unde sedere ad dexteram Patris, nihil aliud est quam simul cum Patre habere gloriam Divinitatis, & beatitudinem, & iudiciariam potestatem, & hoc immutabiliter, & regaliter. Hoc autem convenit Filio.

Dei, secundum quod est Deus. Unde manifestum est quod Christus, secundum quod Deus, sedet ad dexteram Patris; ita tamen quod hæc præpositio *ad*, quæ transitiva est, solam distinctionem personalem importat, & originis ordinem, non autem gradum naturæ, vel dignitatis, qui nullus est in divinis personis, ut in prima parte habitum est (quæst. xlii.).

Ad primum ergo dicendum, quod Filius Dei dicitur dexteram Patris appropriatè, per modum quo etiam dicitur virtus Patris; sed dexteram Patris, secundum tres significationes prædictas, est aliquid commune tribus personis.

Ad secundum dicendum, quod Christus, secundum quod homo, est assumptus ad divinum honorem, qui in prædicta sessione designatur; sed tamen ille honor divinus convenit Christo, inquantum est Deus, non per aliquam assumptionem, sed per æternam originem.

Ad tertium dicendum, quod nullo modo potest dici, quod Pater sedeat ad dexteram Filii, vel Spiritus sancti: quia Filius, & Spiritus sanctus trahunt originem a Patre, & non e converso. Sed Spiritus sanctus proprie potest dici sedere ad dexteram Patris, vel Filii, secundum sensum prædictum; licet secundum quandam appropriationem attribuiatur Filio, cui appropriatur æqualitas, sicut dicit Augustinus (Lib. I. de doctr. christ. cap. v. in fi.) quod *in Patre est unitas, in Filio æqualitas, in Spiritu sancto unitatis, æqualitatisque connexio*.

### ARTICULUS III. 318

*Utrum sedere ad dexteram Patris conveniat Christo secundum quod homo.*

*Locis sup. indutis.*

**A**D tertium sic proceditur. Videtur quod sedere ad dexteram Patris non conveniat Christo, secundum quod est homo. Utenim Damascenus dicit (Lib. IV. orth. Fid. cap. xi.) *dexteram Patris dicitur gloriam, & honorem Divinitatis*. Sed honor, & gloria Divinitatis non convenit Christo, secundum quod est homo. Ergo videtur quod Christus, secundum quod homo, non sedet ad dexteram Patris.

2. Præterea. Sedere ad dexteram regnantis subiectionem excludere videtur: quia qui sedet ad dexteram regnantis, quodammodo illi conregnat. Christus autem, secundum quod homo, est subiectus

Patri, ut dicitur I. ad Cor. xv. Ergo videtur quod Christus, secundum quod homo, non sit ad dexteram Patris.

3. Præterea. Roma. viii. super illud, *Qui est ad dexteram Dei*, exponit Glossa (interl. & ord. Ambros.) idest, *æ-* qualis Patri in honore, quo Deus Pater est: "vel ad dexteram Patris, idest, in potioribus bonis Dei." Et super illud Heb. i. *Sedet ad dexteram maiestatis in excelsis*, Glossa (interl.) idest, est ad æqualitatem Patris super omnia, & loco, & dignitate. "Sed esse æqualem Deo non convenit Christo, secundum quod est homo: nam secundum hoc ipse dicit Ioan. xiv. 28. *Pater maior me est*. Ergo videtur quod sedere ad dexteram Patris non conveniat Christo, secundum quod est homo.

Sed contra est quod Augustinus dicit in sermone de Symbolo (scilicet Lib. II. de Symbolo cap. vii. a princ.) *Ipsem dexteram intelligite potestatem quam accepit ille homo susceptus a Deo, ut veniat iudicaturus, qui prius venerat iudicandus*.

Respondeo dicendum, quod, sicut dictum est (art. præc.) nomine dexteram Patris intelligitur vel ipsa gloria Deitatis ipsius, vel beatitudo æterna eius, vel potestas iudiciaria, & regalis. Hæc autem præpositio *ad* quemdam accessum ad dexteram designat; in quo designatur convenientia cum quadam distinctione, ut supra dictum est (art. præc.) Quod quidem potest esse tripliciter. Uno modo, ut sit convenientia in natura, & distinctio in persona: & sic Christus, secundum quod Filius Dei, sedet ad dexteram Patris, quia habet eandem naturam cum Patre: unde prædicta convenientia essentialiter Filio, sicut & Patri; & hoc est esse in æqualitate Patris. Alio modo secundum gratiam unionis, quæ importat e converso distinctionem naturæ, & unitatem personæ. Et secundum hoc Christus, secundum quod homo, est Filius Dei, & per consequens sedens ad dexteram Patris; ita tamen quod *ly secundum* quod non designet conditionem naturæ, sed unitatem suppositi, ut supra dictum est (quæst. xvi. art. 10.) Tertio modo potest prædictus accessus intelligi secundum gratiam habitualem, quæ abundantior est in Christo præ omnibus aliis creaturis, tantummodo quod ipsa natura humana in Christo est beator ceteris creaturis, & super omnes alias creaturas habens regiam, & iudiciariam potestatem.

Sic igitur si *ly secundum* quod designet

gnet conditionem naturæ, Christus, secundum quod Deus, sedet ad dexteram Patris, idest in æqualitate Patris; secundum autem quod homo, sedet ad dexteram Patris, idest in bonis paternis potioribus præ ceteris creaturis, idest in maiori beatitudine, & habens iudiciariam potestatem. Si vero ly *secundum quod* designet unitatem suppositi, sic etiam secundum quod homo, sedet ad dexteram Patris, secundum æqualitatem honoris, inquantum scilicet eodem honore veneramus ipsum Filium Dei cum natura assumpta, ut supra dictum est (quaest. xxv. art. 1.)

Ad primum ergo dicendum, quod humanitas Christi secundum conditiones suæ naturæ non habet gloriam, vel honorem Deitatis, quam tamen habet ratione personæ cui unitur. Unde ibidem Damascenus subdit: *In qua, scilicet gloria Deitatis, Dei Filius existens ante sæcula, ut Deus, & Patri consubstantialis, sedet conglorificata carne eius: adoratur enim una adoratione cum carne eius ab omni creatura.*

Ad secundum dicendum, quod Christus, secundum quod homo, subiectus est Patri, prout ly *secundum quod* designat conditionem naturæ: & secundum hoc non competit ei sedere ad dexteram Patris, secundum rationem æqualitatis, secundum quod est homo. Sic autem competit ei sedere ad dexteram Patris, secundum quod per hoc designatur excellentia beatitudinis, & iudiciaria potestas super omnem creaturam.

Ad tertium dicendum, quod esse in æqualitate Patris non pertinet ad ipsam naturam humanam Christi, sed solum ad personam assumptam; sed esse in potioribus bonis Dei, secundum quod importat excessum aliarum creaturarum, convenit etiam ipsi naturæ assumptæ.

#### ARTICULUS IV. 319

*Utrum sedere ad dexteram Patris sit proprium Christi.*

III. dist. xxv. quaest. 111. art. 4. quaest. 3.

**A**D quartum sic proceditur. Videtur quod sedere ad dexteram Patris non sit proprium Christi. Dicit enim Apostolus Ephes. 11. 6. *quod Deus conresuscitavit nos, & condescendere fecit in cælestibus in Christo Iesu.* Sed resuscitari non est proprium Christi. Ergo etiam pari ratione

nec sedere ad dexteram Dei in excelsis. 2. Præterea. Sicut Augustinus dicit in Lib. I. de Symbolo (cap. 17. ante med.) *Christum sedere ad dexteram Patris, hoc est habitare in eius beatitudine.* Sed hoc multis aliis convenit. Ergo videtur quod sedere ad dexteram Patris, non sit proprium Christi.

3. Præterea. Ipse dicit Apoc. 111. 27. *Qui videris, dabo ei sedere mecum in throno meo, sicut & ego vici, & sedi cum Patre meo in throno eius.* Sed per hoc sedet Christus ad dexteram Patris quod sedet in throno eius. Ergo etiam alii qui vincunt, sedent ad dexteram Patris.

4. Præterea. Matth. 22. 23. Dominus dicit: *Sedere ad dexteram meam, vel sinistram, non est meum dare vobis, sed quibus paratum est a Patre meo.* Hoc autem frustra diceretur, nisi esset aliquibus paratum. Non ergo sedere ad dexteram convenit soli Christo.

Sed contra est quod dicitur ad Hebr. 1. 13. *Ad quem Angelorum dixit aliquando: Sede a dextris meis, idest in meis bonis potioribus, vel mihi secundum Divinitatem æquali? quasi dicat, ad nullum.* Sed Angeli sunt superiores alii creaturis. Ergo multo magis nulli alii convenit sedere ad dexteram Patris quam Christo.

Respondetur dicendum, quod, sicut dictum est (art. 2. & 3. præc.) Christus dicitur sedere ad dexteram Patris, inquantum secundum naturam divinam est in æqualitate Patris, secundum autem humanam naturam in excellenti possessione divinorum bonorum præ ceteris aliis creaturis. Utrumque autem soli Christo convenit. Unde nulli alii nec Angelo, nec homini convenit sedere ad dexteram Patris, nisi soli Christo.

Ad primum ergo dicendum, quod quia Christus est caput nostrum, illud quod collatum est Christo, est etiam nobis in ipso collatum. Et propter hoc quia ipse iam resuscitatus est, dicit Apostolus, quod Deus nos quodammodo ei conresuscitavit, qui tamen in nobis ipsis nondum sumus resuscitati, sed resuscitandi secundum illud Rom. viii. 11. *Qui suscitavit Iesum a mortuis, vivificabit & mortalia corpora nostra: & secundum eundem modum loquendi subdit Apostolus, quod condescendere nos fecit in cælestibus, scilicet in hoc ipso quod caput nostrum, quod est Christus, ibi sedet.*

Ad secundum dicendum, quod quia dextera est divina beatitudo, sedere in

dextera non significat simpliciter esse in beatitudine, sed habere beatitudinem cum quadam dominativa potestate, & quasi propriam, & naturalem: quod soli Christo convenit, nulli autem aliis creaturæ. Potest tamen dici, quod omnis Sanctus qui est in beatitudine, est ad dexteram Dei constitutus: unde & dicitur Matth. xxv. 33. *quod statuer oves a dextris*.

Ad tertium dicendum, quod per thronum significatur iudiciaria potestas, quam Christus habet a Patre; & secundum hoc dicitur sedere in throno Patris. Alii autem Sancti habent eam a Christo; & secundum hoc dicuntur in throno Christi sedere, secundum illud Matth. xix. 28. *Sedebitis & vos super sedes duodecim, iudicantes duodecim tribus Israel*.

Ad quartum dicendum, quod, sicut Chrysostomus dicit super Matth. (hom. lxxvi. inter princ. & med.) *locus ille*, id est confessus dexteræ, *invis est omnibus non solum hominibus, sed etiam Angelis*: sicut enim præcipuum unigeniti ponit Paulus dicens: *Ad quem autem Angelorum dixit unquam: sede a dextris meis? Dominus ergo non quasi existentibus quibdam qui sessuri sunt, sed condescendens interrogantium* (a) *supplicationis respondit: hoc enim unum solum quærebant præ aliis, stare apud ipsum*.

Potest tamen dici, quod petebant filii Zebedæ excellentiam habere præ aliis in participando iudiciariam potestatem eius: unde non petebant quod sederent ad dexteram, vel sinistram Patris, sed ad dexteram, vel sinistram Christi.

## QUAESTIO LIX.

*De iudiciaria potestate Christi.*

*in sex articulos divisa.*

**D**Einde considerandum est de iudiciaria potestate Christi: & circa hoc quaeruntur sex.

Primo, utrum iudiciaria potestas sit attribuenda Christo.

Secundo, utrum conveniat sibi, secundum quod est homo.

Tertio, utrum eam fuerit ex meritis adeptus.

Quarto, utrum eius potestas iudiciaria sit universalis respectu omnium hominum.

Quinto, utrum præter iudicium quod agitur in hoc tempore, sit expectandum a-

liud universale iudicium futurum per ipsum.

Sexto, utrum eius iudiciaria potestas etiam ad Angelos se extendat.

De executione autem finalis iudicii convenientius agatur, cum considerabimus de his quæ pertinent ad finem mundi (in Snpplem. quæst. lxxxviii. & seq.) nunc autem sufficit ea sola tangere quæ pertinent ad Christi dignitatem.

## ARTICULUS I. 320

*Utrum iudiciaria potestas sit specialiter Christo attribuenda.*

**A**D primum sic proceditur. Videtur quod iudiciaria potestas non sit specialiter attribuenda Christo. Iudicium enim aliquorum videtur pertinere ad dominum: unde dicitur Rom. xiv. 4. *Tu quis es, qui iudicas alienum servum? Sed esse dominum creaturarum, est commune toti Trinitati*. Non ergo specialiter debet attribui Christo iudiciaria potestas.

2. Præterea. Danielis vii. 9. dicitur: *Antiquus dierum sedet*; & postea subditur: *Iudicium sedet, & libri aperti sunt*. Sed antiquus dierum intelligitur Pater: quia, ut Hilarius dicit (Lib. II. de Trinit. princ.) *in Patre est aternitas*. Ergo iudiciaria potestas magis est attribuenda Patri quam Christo.

3. Præterea. Eiusdem videtur esse iudicare cuius est arguere. Sed arguere pertinet ad Spiritum sanctum: dicit enim Dominus Ioan. xvi. 8. *Cum autem venerit ille, scilicet Spiritus sanctus, arguet mundum de peccato, & de iustitia, & de iudicio*. Ergo iudiciaria potestas magis debet attribui Spiritui sancto quam Christo.

Sed contra est quod dicitur Act. x. 42. de Christo: *Hic est qui constitutus est a Deo iudex vivorum, & mortuorum*.

Respondeo dicendum, quod ad iudicium faciendum tria requiruntur. Primo quidem potestas subditos coercendi: unde dicitur Eccli. vii. 6. *Noli quærere fieri iudex, nisi valeas virtute irumpere iniquitates*. Secundo requiritur rectitudinis zelus, ut scilicet aliquis non ex odio, vel livore, sed ex amore iustitiæ iudicium proferat, secundum illud Proverb. xii. 12. *Quem enim diligit Dominus, corripit, & quasi pater in filio complaceat sibi*. Tertio requiritur sapientia.

(a) Ad suspensionem: sic tamen petierit n. s. & adici possim.

Secundum quam formatur iudicium: unde dicitur Eccli. x. 3. *Iudex sapiens iudicabit populum suum*. Prima autem dno præxiguntur ad iudicium; sed proprie tertium est, secundum quod accipitur forma iudicii: quia ipsa ratio iudicii est lex sapientiæ, vel veritatis, secundum quam iudicatur. Et quia Filius est sapientia genita, & veritas a Patre procedens, & ipsum perfecte representans, ideo proprie iudiciaria potestas attribuitur Filio Dei. Unde Augustinus dicit in Lib. de vera religione (cap. xxxi.) *Hæc est incommutabilis illa veritas, quæ lex omnium artium recte dicitur, & ars omnipotentis artificis. Ut autem nos, & omnes animæ rationales secundum veritatem de inferioribus recte iudicamus; sic de nobis, quando eidem coheremus, sola ipsa veritas iudicat; de ipsa vero nec Pater: non enim minor est quam ipse. Et ideo quæ Pater iudicat, per ipsam iudicat. Et postea concludit: Pater ergo non iudicat quemquam, sed omne iudicium dedit Filio.*

Ad primum ergo dicendum, quod ex illa ratione probatur quod iudiciaria potestas sit communis toti Trinitati, quod verum est; sed tamen per quamdam appropriationem iudiciaria potestas attribuitur Filio, ut dictum est (in corp.).

Ad secundum dicendum, quod, sicut Augustinus dicit in VI. de Trinit. (cap. x. cir. princ.) Patri attribuitur æternitas propter commendationem principii, quod importatur in ratione æternitatis. Ibidem etiam Augustinus dicit, quod Filius est ars Patris. Sic igitur auctoritas iudicandi attribuitur Patri, in quantum est principium Filii; sed ipsa ratio iudicii attribuitur Filio, qui est ars, & sapientia Patris, nec scilicet sicut Pater facit omnia per Filium, in quantum est ars eius, ita etiam iudicat omnia per Filium, in quantum est sapientia, & veritas eius. Et hoc significatur in Daniele, ubi primo dicitur, quod *antiquus dierum sedet*; & postea subditur, quod *filius hominis pervenit usque ad antiquum dierum, & dedit ei potestatem, & honorem, & regnum*; per quod datur intelligi quod auctoritas iudicandi est apud Patrem, a quo Filius accepit potestatem iudicandi.

Ad tertium dicendum, quod, sicut Augustinus dicit super Ioan. (tract. xcv. inter princ. & med.) *ita dixit Christus, quod Spiritus sanctus arguet mundum de peccato, tamquam diceret, Ille diffundet in cordibus vestris caritatem: sic enim vi-*

*more depulso, arguendi habebitis libertatem*. Sic ergo Spiritui sancto attribuitur iudicium, non quantum ad iudicii rationem, sed quantum ad affectum iudicandi quem homines habent.

## ARTICULUS II. 321

*Utrum iudiciaria potestas conveniat Christo, secundum quod est homo.*

**A**D secundum sic proceditur. Videtur quod iudiciaria potestas non conveniat Christo, secundum quod est homo. Dicit enim Augustinus in Lib. de vera religione (implic. cap. xxxi.) quod iudicium attribuitur Filio, in quantum est ipsa lex prime veritatis. Sed hoc pertinet ad Christum, secundum quod est Deus. Ergo iudiciaria potestas non convenit Christo, secundum quod est homo, sed secundum quod est Deus.

2. Præterea. Ad iudiciariam potestatem pertinet præmiare bene agentes, sicut & punire malos. Sed præmium bonorum operum est beatus iudicium æternum, quæ non datur nisi a Deo: dicit enim Augustinus super Ioan. (tract. xxi. inter princ. & med.) quod *participatione Dei fit anima beata, non autem participatione anime sanctæ*. Ergo videtur quod iudiciaria potestas non conveniat Christo, secundum quod est homo, sed secundum quod est Deus.

3. Præterea. Ad iudiciariam Christi potestatem pertinet iudicare occulta cordium, secundum illud I. ad Corinth. iv. 5. *Nolite ante tempus iudicare, quoadusque veniat Dominus, qui & illuminabit abscondita tenebrarum, & manifestabit consilia cordium*. Sed hoc pertinet ad solam virtutem divinam, secundum illud Hierem. xxi. 9. *Prænotum est (a) cor hominis, & inscrutabile: quis cognoscat illud? ego Dominus scrutans, corda, & probans renes, & qui do unicuique iuxta viam suam*. Ergo iudiciaria potestas non convenit Christo, secundum quod est homo, sed secundum quod est Deus.

Sed contra est quod dicitur Ioan. v. 27. *Potestatem dedit ei iudicium facere, quia Filius hominis est.*

Respondendo dicendum, quod Chrysostomus super Ioan. (hom. xxxviii. parum ante med.) sentire videtur, quod iudiciaria potestas non conveniat Christo, secundum quod est homo, sed solum secundum quod est Deus. Unde auctorita-

tem

[a] Vnde nota cor omnium.

tem Ioannis inductam sic exponit: *Potestatem dedit ei iudicium facere*; & postea subditur: *Quia filius hominis est, nolite mirari hoc: non enim propterea suscepit iudicium, quoniam homo est; sed quia ineffabilis est Deus Filius, propterea iudex est*. Quia vero ea quae dicebantur, erant maiora quam secundum hominem, ideo hanc opinionem solvens dicit: *Ne miremini, quia filius hominis est: etenim ipse essetiam Filius Dei*. Quod quidem probat per resurrectionis effectum: unde subditur: *Quia venit hora in qua omnes qui in monumentis sunt, audient vocem Filii Dei*.

Sciendum tamen, quod quamvis apud Deum remaneat primæva auctoritas iudicandi; hominibus tamen committitur a Deo iudiciaria potestas respectu eorum: qui eorum iurisdictioni subiciuntur. Unde dicitur Deuter. 1. 16. *Quod iustum est iudicate*; & postea subditur: *Quia Dei est iudicium, cuius scilicet auctoritate vos iudicatis*. Dicitur est autem supra (quæst. viii. art. 1. & 3.) quod Christus etiam in natura humana est caput totius Ecclesiæ, & quod sub pedibus eius Deus omnia subiecit. Unde ad eum pertinet, etiam secundum naturam humanam, habere iudiciariam potestatem.

Propter quod Augustinus (tract. xix. in Ioan. a med.) auctoritatem prædictam Evangelii sic dicit esse intelligendam: *Potestatem dedit ei iudicium facere, quia filius hominis est: non quidem propter conditionem naturæ, quia sic omnes homines huiusmodi potestatem haberent, ut Chrysostomus obicit (loc. sup. cit.) sed hoc pertinet ad gratiam capitis, quam Christus in humana natura accepit*.

Competit autem Christo hoc modo secundum humanam naturam iudiciaria potestas propter tria. Primo quidem propter convenientiam, & affinitatem ipsius ad homines: sicut enim Deus per causas medias, tamquam propinquiores effectibus, operatur; ita iudicat per hominem Christum homines, ut sit tuavius iudicium hominibus. Unde Apostolus dicit Heb. iv. 15. *Non habemus Pontificem, qui non possit compati infirmitatibus nostris, tentatum per omnia pro similitudine absque peccato*. Adeamus ergo cum fiducia ad thronum gratiæ eius. Secundo quia in finali iudicio, ut Augustinus dicit super Ioan. (tract. xxiii. ante med.) erit resurrectio corporum mortuorum,

quæ suscitabit Deus per filium hominis; sicut per eundem Christum suscitabit animas; in quantum est Filius Dei. Tertio quia, ut Augustinus dicit in Lib. de verbis Domini (term. ult. cap. vii. a med.) rectum erat ut iudicandi viderent iudicem. Iudicandi autem erant boni, & mali. Resabat ergo ut in iudicio forma servi & bonis, & malis ostenderetur, forma Dei solis bonis servaretur.

Ad primum ergo dicendum, quod iudicium pertinet ad veritatem sicut ad regulam iudicii; sed ad hominem, qui est veritate imbutus, pertinet, secundum quod est unum quodammodo cum ipsa veritate, quasi quædam lex, & quædam iustitia animata. Unde & ibidem Augustinus introducit quod dicitur I. Cor. 11. 15. *Spiritualis iudicat omnia*. Anima autem Christi præ ceteris creaturis magis fuit unita veritati, & magis ea repleta, secundum illud Ioan. 1. 14. *Vidimus eum plenum gratiæ, & veritatis*. Et secundum hoc ad animam Christi maxime pertinet omnia iudicare.

Ad secundum dicendum, quod solius Dei est sui participatione animas beatas facere; sed adducere homines ad beatitudinem convenit Christo, in quantum est caput, & auctor salutis eorum, secundum illud, Hebr. 11. 10. *Qui multos filios in gloriam adduxerat, auctorem salutis eorum per passionem consummavit*.

Ad tertium dicendum, quod cognoscere occulta cordium, & diiudicare, per se quidem pertinet ad solum Deum, sed ex refluencia Divinitatis ad animam Christum, convenit etiam ei cognoscere, & iudicare occulta cordium, ut supra dictum est, cum de scientia Christi ageretur (quæst. x. art. 2.) Et ideo dicitur Rom. 11. 16. *In die cum iudicabit Deus occulta hominum... per Iesum Christum*.

### ARTICULUS III. 322

*Utrum Christus ex meritis adeptus fuerit iudiciariam potestatem.*

IV. dist. viii. quæst. 1. art. 1. & IV. con. cap. xcv. princ. & opusc. 11. cap. ccxlii.

**A**D tertium sic proceditur. Videtur quod Christus non ex meritis fuerit adeptus iudiciariam potestatem. Iudiciaria enim potestas consequitur regiam

piam dignitatem, secundum illud Prov. xx. 8. *Rex qui sedet in solio iudicii, dissipat omne malum intuitu suo*. Sed regiam dignitatem Christus obtinuit absque meritis: competit enim ei ex hoc ipso quod est unigenitus Dei: dicitur enim Luc. i. 32. *Dabit ei Dominus Deus sedem David patris eius, & regnabit in domo Iacob in aeternum*. Ergo Christus iudiciaria potestatem non obtinuit ex meritis.

2. Præterea. Sicut dictum est (art. præc.) iudiciaria potestas competit Christo, inquantum est caput nostrum. Sed gratia capitis non competit Christo ex meritis, sed consequtur personalem unionem divinæ, & humanæ naturæ, secundum illud (Ioan. 1. 14.) *Vidimus gloriam eius, quasi unigeniti a Patre, plenam gratiæ, & veritatis: & de plenitudine eius nos omnes accepimus*: quod pertinet ad rationem capitis. Ergo videtur quod Christus non habuerit ex meritis iudiciariam potestatem.

3. Præterea. Apostolus dicit I. ad Corinth. 11. 15. *Spiritualis iudicat omnia*. Sed homo efficitur spiritualis per gratiam, quæ non est ex meritis: alioquin iam non esset gratia, ut dicitur Rom. xi. 6. Ergo videtur quod iudiciaria potestas non conveniat nec Christo, nec aliis ex meritis, sed ex sola gratia.

Sed contra est quod dicitur Iob xxxvi. 17. *Causa tua quasi impii iudicata est: iudicium, causamque recipies*: & Augustinus dicit in Lib. de verbis Domini (serm. ult. cap. vii. cir. med.) *Sedebit iudex, qui stetit sub iudice: damnabit (a) veros reos, qui falso factus est reus*.

Respondeo dicendum, quod nihil prohibet unum & idem deberi alicui ex causis diversis; sicut gloria corporis resurgentis debita fuit Christo non solum propter congruentiam Divinitatis, & propter gloriam animæ, sed etiam ex merito humilitatis passionis. Et similiter dicendum est, quod iudiciaria potestas homini Christo competit & propter divinam personam, & propter capitis dignitatem, & propter plenitudinem gratiæ habitualis: & tamen etiam ex merito eam obtinuit, ut scilicet secundum Dei iustitiam iudex esset qui pro Dei iustitia pugnavit, & vicit, & iniuste iudicatus est. Unde ipse dicit Apoc. 11. 21. *Ego vici, & sedi in throno Patris mei*. In throno autem intelligitur iudiciaria potestas, secundum illud Psal. ix.

5. *Sedisti super thronum qui iudicas iustitiam*.

Ad primum ergo dicendum, quod ratio illa procedit de iudiciaria potestate, secundum quod debetur Christo ex ipsa unione ad Verbum Dei.

Ad secundum dicendum, quod ratio illa procedit ex parte gratiæ capitis.

Ad tertium dicendum, quod ratio illa procedit ex parte gratiæ habitualis, quæ est perfectiva animæ Christi. Per hoc tamen quod his modis debetur Christo iudiciaria potestas, non excluditur quin debeat ei ex merito.

## ARTICULUS IV. 323

*Utrum Christo conveniat iudiciaria potestas quantum ad omnes res humanas.*

*Quol. x. art. 2. cor.*

**A**D quartum sic proceditur. Videtur quod ad Christum non pertineat iudiciaria potestas quantum ad omnes res humanas. Ut enim legitur Luc. xii. 13. cum quidam de turba Christo diceret, *Dic fratri meo ut dividat mecum hereditatem*, ille respondit: *Homo, quis me constituit iudicem, aut divisorem super vos?* Non ergo habet iudicium super omnes res humanas.

2. Præterea. Nullus habet iudicium nisi super ea quæ sunt sibi subiecta. Sed Christo nondum videmus omnia esse subiecta, ut dicitur Heb. 11. Ergo videtur quod Christus non habeat super omnes res humanas iudicium.

3. Præterea. Augustinus dicit XX. de civit. Dei (cap. 11. cir. med.) quod ad iudicium divinum pertinet hoc quod interdum boni affliguntur in hoc mundo, & interdum prosperantur, & similiter mali. Sed hoc fuit etiam ante Christi incarnationem. Ergo non omnia iudicia Dei circa res humanas pertinent ad iudiciariam potestatem Christi.

Sed contra est quod dicitur Ioan. v. 22. *Pater omne iudicium dedit Filio*.

Respondeo dicendum, quod si de Christo loquamur secundum divinam naturam, manifestum est quod omne iudicium Patris pertinet ad Filium; sicut enim Pater facit omnia Verbo suo, ita & omnia iudicat Verbo suo. Si vero loquamur de Christo secundum naturam humanam, sic etiam manifestum est quod omnes res humanæ subduntur iudicio.

(a) Ita cum mss. N. & laus, Al. vero, item vero,



cio. Et hoc manifestum est primo quidem, si consideremus habitudinem animæ Christi ad Verbum Dei: si enim *spiritualis iudicat omnia*, ut dicitur I. ad Corinth. II. 15. in quantum mens eius Verbo Dei inhaeret, multo magis anima Christi, quæ est plena veritate Verbi Dei, super omnia iudicium habet.

Secundo apparet idem ex merito mortis eius: quia, ut dicit Rom. XIV. 9. *in hoc Christus mortuus est, & resurrexit, ut vivorum, & mortuorum dominetur*. Et ideo super omnes habet iudicium: propter quod & Apostolus ibi subdit, quod *omnes stabimus ante tribunal Christi*: & Dan. VII. 14. dicitur, quod *dedit ei potestatem, & honorem, & regnum: & omnes populi, tribus, & lingue servient ei*.

Tertio apparet idem ex comparatione rerum humanarum ad finem humanæ salutis. Cuiusque enim committitur principale, committitur & accessorium. Omnes autem res humanæ ordinantur in finem beatitudinis, quæ est salus æterna; ad quam homines admittuntur, vel a qua etiam repelluntur iudicio Christi, ut patet Matth. XXV. Et ideo manifestum est quod ad iudiciariam potestatem Christi pertinent omnes res humanæ.

Ad primum ergo dicendum, quod sicut dictum est (art. præc. arg. 1.) iudiciaria potestas consequitur regiam dignitatem: Christus autem, quamvis esset Rex constitutus a Deo, non tamen in terris vivens terrenum regnum temporaliter administrare voluit: unde ipse dicit Ioan. XVII. 36. *Regnum meum non est de hoc mundo*. Similiter etiam iudiciariam potestatem exercere noluit super res temporales, qui venerat homines ad divinam transire. Unde Ambrosius (in hunc loc. Lucæ) ibidem dicit: *Bene terrena declinat qui propter divina descendit; nec iudex dignatur esse litium, & arbitri facultatem, vivorum habens, mortuorumque iudicium, arbitriumque mortuorum*.

Ad secundum dicendum, quod Christo sunt omnia subiecta quantum ad potestatem, quam a Patre super omnia accepit, secundum illud Matth. ult. 18. *Data est mihi omnis potestas in celo, & in terra*; nondum tamen sunt omnia ei subiecta quantum ad executionem suæ potestatis: quod quidem erit in futuro, quando de omnibus voluntatem suam ad-

implebit, quosdam quidem salvando, quosdam autem puniendo.

Ad tertium dicendum, quod ante incarnationem huiusmodi iudicia exercebantur per Christum, in quantum Dei Verbum est; cuius potestatis facta est participes per incarnationem anima ei personaliter unita.

## ARTICULUS V. 324

*Utrum post iudicium quod agitur in presenti tempore, restet aliud iudicium.*

IV. dist. XLVII. quæst. 1. art. 1. quæst. 1. & IV. cont. cap. XCV. & opusc. II. cap. CCXIX. & opusc. X. cap. XXVII. & 1/a. xxx. lect. 3. princ.

**A**D quintum sic proceditur. Videtur quod post iudicium quod in presenti tempore agitur, non restet aliud iudicium generale. Post ultimam enim retributionem præmiorum, & poenarum frustra adhibetur iudicium. Sed in hoc presenti tempore fit retributio præmiorum, & poenarum: dixit enim Dominus latroni in cruce, Lucæ XXIII. 43. *Hodie mecum eris in paradiso*: & Luc. XVI. 22. dicitur, quod *mortuus est dives, & sepultus est in inferno*. Ergo frustra expectatur finale iudicium.

2. Præterea. Nahum I. 9. dicitur secundum aliam litteram (LXX. Interp.) (a) *Non iudicabit Deus bis in idipsum*. Sed in hoc tempore Dei iudicium exercetur & quantum ad temporalia, & quantum ad spiritualia. Ergo videtur quod non sit expectandum aliud finale iudicium.

3. Præterea. Præmium, & poena respondent merito, & demerito. Sed meritum, & demeritum non pertinent ad corpus, nisi in quantum est animæ instrumentum. Ergo nec præmium, seu poena debetur corpori, nisi propter animam. Non ergo requiritur aliud iudicium in fine, ad hoc quod homo præmiatur, aut puniatur in corpore, præter illud quod nunc puniuntur, aut præmiantur animæ.

Sed contra est quod dicitur Ioan. XII. 48. *Sermo, quem locutus sum, ille iudicabit eum in novissimo die*. Erat ergo quoddam iudicium in novissimo die, præter iudicium quod nunc agitur.

Respondetur dicendum, quod iudicium de

(a) Ps. 14: Non confonet duplex tribulatio,

de aliqua re mutabili perfecte dari non potest ante eius consummationem: sicut iudicium de aliqua actione, qualis sit, perfecte dari non potest, antequam sit consummata & in te, & in suis effectibus: quia multae actiones videntur esse utiles, quae ex effectibus demonstrantur nocivae: & similiter de homine aliquo iudicium perfecte dari non potest, quoad eius vita terminetur, eo quod multipliciter potest mutari de bono in malum, aut e converso, vel de bono in melius, aut de malo in peius. Unde Apostolus dicit Hebr. ix. 27. quod *homini-bus statutum est semel mori; post hoc autem iudicium*. Sciendum tamen, quod licet per mortem vita hominis temporalis terminetur secundum se, remanet tamen ex futuris secundum quid dependens. Uno quidem modo, secundum quod adhuc vivit in memoriis hominum, in quibus quandoque contra veritatem remanet bonae fama, vel malae. Alio modo in filiis, qui sunt quasi aliquid patris, secundum illud Eccli. xxx. 4. *Mortuus est pater eius, & quasi non est mortuus, simul enim reliquit sibi post se*: & tamen multorum bonorum sunt mali filii, & e contrario. Tertio modo quantum ad effectum suorum operum; sicut ex deceptione Arii, & aliorum seductorum pulsat infidelitas usque ad finem mundi, & usque tunc prolicet fides ex praedicatione Apostolorum. Quarto modo quantum ad corpus, quod quandoque honorifice traditur sepulture, quandoque vero relinquitur insepultum, & tandem incineratum omnino resolvitur. Quinto modo quantum ad ea in quibus homo suum affectum defixit, puta in quibuscumque temporalibus rebus, quarum quaedam citius finiuntur, quaedam diutius durant. Omnia autem haec subduntur extinctioni iudicii divini. Et ideo de his omnibus perfectum, & manifestum iudicium haberi non potest, quandiu huius temporis cursus durat. Et propter hoc oportet esse finale iudicium in novissimo die, in quo perfecte id quod ad unumquemque hominem pertinet quocumque modo, perfecte, & manifeste iudicetur.

Ad primum ergo dicendum, quod opinio quorundam fuit quod animae Sanctorum non praemiantur in caelo, nec animae damnatorum puniuntur in inferno usque ad diem iudicii: quod quidem apparet esse falsum ex hoc quod Apostolus II. ad Corinth. v. 8. dicit: *Audemus,*

*& bonam voluntatem habemus magis pergrinari a corpore; & praesentes esse ad Dominum*: quod est iam non ambulare per fidem, sed per speciem, ut patet ex his quae subiunguntur. Hoc autem est videre Deum per essentiam, in quo consistit vita aeterna, ut patet Ioan. xvii. Unde manifestum est animas a corporibus separatas esse in vita aeterna. Et ideo dicendum est, quod post mortem, quantum ad ea quae sunt animae, homo toritur quendam immutabilem statum: & ideo quantum ad praemium animae non oportet ulterius differri iudicium. Sed quia quaedam alia sunt ad hominem pertinentia, quae toto temporis cursu aguntur, quae non sunt aliena a divino iudicio, oportet iterum in fine temporis omnia haec in iudicium adduci. Licet enim homo secundum haec non mereatur, neque demereatur; tamen pertineat ad aliquod eius praemium, vel poenam. Unde oportet haec omnia xtimari in finali iudicio.

Ad secundum dicendum, quod *Deus non iudicabit bis in idipsum*, id est secundum idem; sed secundum diversa non est inconveniens Deum bis iudicare.

Ad tertium dicendum, quod licet praemium, vel poena corporis dependeat ex praemio, vel poena animae; tamen quia anima non est mutabilis nisi per accedens, propter corpus, statim separata a corpore habet statum immutabilem, & accipit suum iudicium. Sed corpus remanet mutabilitati subiectum usque ad finem temporis; & ideo oportet quod tunc recipiat suum praemium, vel poenam in finali iudicio.

## ARTICULUS VI. 375

*Utrum iudiciaria potestas Christi se extendat ad Angelos.*

**A**D sextum sic proceditur. Videtur quod potestas Christi iudiciaria non se extendat ad Angelos. Angeli enim tam boni, quam mali iudicati sunt a principio mundi, quando quibusdam cadentibus per peccatum, alii sunt in beatitudine confirmati. Sed illi qui iudicati sunt, non indigent iterum iudicari. Ergo potestas iudiciaria Christi non se extendit ad Angelos.

2. Præterea. Non est eiusdem iudicare, & iudicari. Sed Angeli venient cum Christo iudicaturi, secundum illud Matth. xx. 31. *Cum veneris filius hominis in ma-*

maiestate sua, & omnes Angeli cum eo. Ergo videtur quod Angeli non sunt iudicandi a Christo.

3. Præterea. Angeli sunt superiores aliis creaturis. Si ergo Christus est iudex non solum hominum, sed etiam Angelorum, pari ratione erit iudex omnium creaturarum: quod videtur esse falsum, cum hoc sit proprium providentiæ Dei: unde dicitur Iob xxxiv. 13. *Quem constituit alium super terram, aut quem posuit super orbem quem fabricatus est?* Non ergo Christus est iudex Angelorum.

Sed contra est quod Apostolus dicit I. Corinth. vi. 3. *An nescitis quoniam Angeli iudicabuntur?* Sed Sancti non iudicabuntur nisi auctoritate Christi. Ergo multo magis Christus habet iudicium potestatem super Angelos.

Respondendo dicendum, quod Angeli sub sunt iudiciariæ potestati Christi, non solum quantum ad divinam naturam, prout est Verbum Dei, sed etiam ratione humanæ naturæ. Quod patet ex tribus. Primo quidem ex propinquitate naturæ assumptæ ad Deum: quia, ut dicitur Hebr. ii. 16. *nuquam Angelos apprehendit, sed semen Abrahæ apprehendit.* Et ideo anima Christi magis est repleta virtute Verbi Dei quam aliquis Angelorum: unde & Angelos illuminat, sicut Dionysius dicit vii. cap. celest. Hierar. (a med.) unde & de eis habet iudicare. Secundo quia per humilitatem passionis humana natura in Christo meruit exaltari super Angelos; ita, sicut dicitur Philip. ii. 10. *ut in nomine Iesu omne genu flectatur, celestium, terrestrium, & infernorum.* Et ideo Christus habet iudicariam potestatem etiam super omnes Angelos & bonos, & malos: in cuius signum dicitur Apoc. vii. 11. *quod omnes Angeli stabant in circuitu throni.* Tercio ratione eorum quæ circa homines operantur, quorum Christus specialiquodam modo est caput. Unde dicitur Hebr. i. 14. *Omnes sunt administratores spiritus, in ministerium missi propter eos qui hereditatem capiunt salutis.* Subiungit autem iudicio Christi uno quidem modo quantum ad dispensationem eorum quæ per ipsos aguntur: quæ quidem dispensatio fit etiam per hominem Christum, cui Angeli ministrabant, ut dicitur Matth. xv. & a quo demones petebant ut in porcos mitterentur, ut dicitur Matth. xiii.

Secundo quantum ad alia accidentalialia præmia bonorum Angelorum, quæ sunt gaudia, quæ habent de salute hominum, secundum illud Luc. xv. 10. *Gaudium erit coram Angelis Dei super uno peccatore penitentiam agente:* & etiam quantum ad pœnas accidentales dæmonum, quibus torquentur vel hic, vel recluduntur in inferno: & hoc etiam pertinet ad hominem Christum. Unde Mar. i. 24. dicitur, quod dæmon clamavit: *Quid nobis, & tibi, Iesu Nazarene? venisti (a) ante tempus perdere nos.* Tercio quantum ad præmium essentiale honorum Angelorum, quod est beatitudo æterna, & quantum ad pœnam essentialem Angelorum malorum, quæ est damnatio æterna. Sed hoc factum est per Christum, in quantum est Verbum Dei, a principio mundi.

Ad primum ergo dicendum, quod ratio illa procedit de iudicio quantum ad præmium essentiale, & pœnam principalem.

Ad secundum dicendum, quod, sicut dicit Augustinus in Lib. de vera relig. (cap. xxxi. a med.) *sic spiritualis iudicet omnia, tamen indicatur ab ipsa veritate.* Et ideo licet Angeli ex eo quod sunt spirituales, iudicent; indicantur tamen a Christo, in quantum est veritas.

Ad tertium dicendum, quod Christus habet iudicium non solum super Angelos, sed etiam super administrationem totius creaturæ. Si enim, ut Augustinus dicit in Ill. de Trinit. (cap. iv.) *inferiora quodam ordine reguntur a Deo per superiora, oportet dicere, quod omnia reguntur per animam Christi, quæ est supra omnem creaturam.* Unde & Apostolus dicit Hebr. ii. 5. *Non enim Angelis subiecit Deus orbem terre (b) futuram, scilicet subiectum ei, de quo loquimur, idest Christo.* Nec tamen propter hoc alium constituit Deus super terram: quia unus & idem est Deus, & homo, Dominus Iesus Christus. De cuius incarnationis mysterio ad præiens dicta sufficiant.

## QUÆ-

(a) In Vulgata desit ante tempus. (b) Ita etiam missi, potius est ad tri passim. Edit. Patav. Gar. etiam sequentes, qui Apostoli verba pressius inspicit, sic: futuram, de quo loquimur, subiectum ei, idest Christo.

QUAESTIO LX.

De sacramentis,

in octo articulos divisa.

**P**ost considerationem eorum quae pertinent ad mysteria Verbi incarnati, considerandum est de Ecclesiae sacramentis, quae ab ipso Verbo incarnato efficaciam habent: & prima consideratio erit de sacramentis in communi; secunda de quoquoque sacramentorum in speciali.

Circa primum quatuor consideranda sunt.

Primo, quid sit sacramentum.

Secundo de necessitate sacramentorum.

Tertio de effectibus sacramentorum.

Quarto de causa eorum.

Quinto de numero.

Circa primum quaeruntur octo.

Primo, utrum sacramentum sit in genere signi.

Secundo, utrum omne signum rei sacrae sit sacramentum.

Tertio, utrum sacramentum sit signum unius rei tantum, vel plurium.

Quarto, utrum sacramentum sit signum, quod est res sensibilis.

Quinto, utrum ad sacramentum requiratur determinata res sensibilis.

Sexto, utrum ad sacramentum requiratur significatio, quae est per verba.

Septimo, utrum requirantur determinata verba.

Octavo, utrum illis verbis possit aliquid addi, vel subtrahi.

ARTICULUS I. 326

*Utrum sacramentum sit in genere signi.*

*IV. dist. 1. quest. 1. art. 1. quest. 1. & art. 3. ad 1. & art. 4. quest. 1. ad 1.*

**A**D primum sic proceditur. Videtur quod sacramentum non sit in genere signi. Videtur enim sacramentum dici a sacrando, sicut medicamentum a medicando. Sed hoc magis videtur pertinere ad rationem causae quam ad rationem signi. Ergo sacramentum magis est in genere causae quam in genere signi.

1. Praeterea. Sacramentum videtur aliquid occultum significare, secundum illud Tob. xii. 7. *Sacramentum Regis abs-*

*5. Th. Op. Tom. XXIV.*

*condere bonum est: & Ephes. iii. 9. Quae sit dispensatio sacramenti absconditi a saeculis in Deo. Sed illud quod est absconditum, videtur esse contra rationem signi: nam signum est quod praeter speciem quam ingerit sensibus, facit aliquid aliud in cognitionem venire, ut patet per Augustinum in II. de doctr. christ. (in princ.) Ergo videtur quod sacramentum non sit in genere signi.*

3. Praeterea. Iuramentum quandoque sacramentum nominatur: dicitur enim in Decr. xxi. quatt. v. (cap. xiv.) *Parvuli, qui sine aetate rationabili sunt, non coguntur iurare: & qui semel perjuratus fuerit, nec testis sit post hoc, nec ad sacramentum, id est iuramentum, accedat. Sed iuramentum non pertinet ad rationem signi. Ergo videtur quod sacramentum non sit in genere signi.*

Sed contra est quod Augustinus dicit in X. de civitate Dei (cap. v. parum a princ.) *Sacris factum visibile invisibilis sacrificii sacramentum, id est sacrum signum est.*

Respondetur dicendum, quod omnia quae habent ordinem ad unum aliquid, licet diversimode, ab illo denominari possunt; sicut a sanitate quae est in animalis, denominatur sanum non solum animal, quod est sanitatis subiectum, sed dicitur medicina sana, inquantum est sanitatis effectiva; dicitur vero, inquantum est conservativa eiusdem; & urina, inquantum est significativa ipsius. Sic igitur sacramentum potest aliquid dici, vel quia in se habet aliquam sanctitatem occultam; & secundum hoc sacramentum idem est quod sacrum secretum: vel quia habet aliquem ordinem ad hanc sanctitatem, vel causae, vel signi, vel secundum quantumque aliam habitudinem. Specialiter autem nunc loquimur de sacramentis, secundum quod importat habitudinem signi: & secundum hoc sacramentum ponitur in genere signi.

Ad primum ergo dicendum, quod quia medicina se habet ut causa effectiva sanitatis, inde est quod omnia denominata a medicina dicuntur per ordinem ad unum primum agens: & propter hoc medicamentum importat causalitatem quamdam. Sed sanctitas, a qua denominatur sacramentum, non significatur per modum causae efficientis, sed magis per modum causae formalis, vel finalis. Et ideo non oportet quod sacramentum semper importet causalitatem.

Ad secundum dicendum, quod ratio illa

A a

illa procedit, secundum quod sacramentum idem est quod sacrum secretum. Dicitur autem non solum Dei secretum, sed etiam Regis esse sacrum, & sacramentum, quia secundum antiquos sancta, vel sacrosancta dicebantur quaecumque violari non licebat; sicut etiam muri civitatis, & personae in dignitatibus constitutae: & ideo illa secreta, sive divina, sive humana, quae non licet violari, quibuslibet publicando, dicuntur sacra, vel sacramenta.

Ad tertium dicendum, quod etiam iuramentum habet quandam habitudinem ad res sacras, inquantum scilicet est quaedam contestatio facta per aliquid sacrum: & secundum hoc dicitur iuramentum esse sacramentum, non eadem ratione qua nunc loquimur de sacramentis, non tamen aequivoce sumpto nomine sacramenti, sed analogice, scilicet secundum diversam habitudinem ad aliquid unum, quod est res sacra.

## ARTICULUS II. 327

*Utrum omne signum rei sacrae sit sacramentum.*

*Infr. quaest. lxxiv. art. 1. & 1. 2. quaest. ci. art. 4. corp. & quaest. cii. art. 5. cor. & IV. dist. 1. quaest. 1. art. 1. quaest. 1.*

**A**D secundum sic proceditur. Videtur quod non omne signum rei sacrae sit sacramentum. Omnes enim creaturae sensibiles sunt signa rerum: sacrum, secundum illud Rom. 1. 20. *Invisibilia Dei per ea quae facta sunt, intellecta conspiciuntur*: nec tamen omnes res sensibiles possunt dici sacramenta. Non ergo omne signum rei sacrae est sacramentum.

1. Praeterea. Omnia quae in veteri lege fiebant, Christum figurabant, qui est *Sandus sanctorum*, secundum illud 1. ad Corinth. x. 11. *Omnia in figura contingebant illis*: & Col. 11. 17. *Quae sunt umbrae futurorum, corpus autem Christi*; nec tamen omnia gesta patrum veteris Testamenti, vel etiam omnes caeremoniae legis sunt sacramenta, sed quaedam specialiter, sicut in secunda parte habitum est (1. 2. quaest. ci. art. 4.) Ergo videtur quod non omne signum rei sacrae sit sacramentum.

3. Praeterea. Etiam in novo Testamento multa geruntur in signum alicuius rei sacrae, quae tamen non dicuntur

sacramenta, sicut asperio aquae benedictae, consecratio altaris, & similia. Non ergo omne signum rei sacrae est sacramentum.

Sed contra est quod definitio convertitur cum definito. Sed quidam definiunt sacramentum per hoc, quod est *sacrae rei signum*: & hoc etiam videtur ex auctoritate Augustini supra inducta (art. praec. in arg. *Sed cont.*) Ergo videtur quod omne signum rei sacrae sit sacramentum.

Respondeo dicendum, quod signa proprie dantur hominibus, quorum est per nota ad ignota pervenire. Et ideo proprie dicitur sacramentum quod est signum alicuius rei sacrae ad homines pertinentis; ut scilicet proprie dicatur sacramentum, secundum quod nunc de sacramentis loquimur, quod est *signum rei sacrae, inquantum est sanctificans homines*.

Ad primum ergo dicendum, quod creaturae sensibiles significant aliquid sacrum, scilicet sapientiam, & bonitatem divinam, inquantum sunt in seipsis sacra, non autem inquantum nos per ea sanctificamur: & ideo non possunt dici sacramenta, secundum quod nunc loquimur de sacramentis.

Ad secundum dicendum, quod quaedam ad vetus Testamentum pertinentia significant sanctitatem Christi, secundum quod in se sanctus est; quaedam vero significant sanctitatem eius, inquantum per ea nos sanctificamur; sicut immolatio agni paschalis significabat immolationem Christi, qua sanctificati sumus: & talia dicuntur proprie veteris legis sacramenta.

Ad tertium dicendum, quod res denominatur a fine, & complemento. Dispositio autem non est finis, neque perfectio. Et ideo quae significant dispositionem ad sanctitatem, non dicuntur sacramenta, de quibus procedit obiectio, sed solum ea quae significant perfectionem sanctitatis humanae.

## ARTICULUS III. 328

*Utrum sacramentum sit signum unius rei tantum.*

*IV. dist. 1. quaest. 1. art. 1. quaest. 1. ad 4. & art. 3. cor.*

**A**D tertium sic proceditur. Videtur quod sacramentum non sit signum nisi unius rei. Id enim quo multa significan-

cantur, est signum ambiguum, & per consequens fallendi occasio, sicut patet de nominibus æquivocis. Sed omnis fallacia debet removeri a christiana religione, secundum illud Colos. 11. 3. *Videte ne quis vos (a) seducat per philosophiam, & inanem fallaciam.* Ergo videtur quod sacramentum non sit signum plurium rerum.

2. Præterea. Sicut dictum est (art. præc.) sacramentum significat rem sacram, inquantum est humanæ sanctificationis causa. Sed una sola est causa humanæ sanctificationis, scilicet sanguis Christi, secundum illud Hebr. ult. 12. *Iesus, ut sanctificaret per suum sanguinem populum, extra portam passus est.* Ergo videtur quod sacramentum non significet plura.

3. Præterea. Dictum est (art. præc. ad 3.) quod sacramentum proprie significat ipsum finem sanctificationis. Sed finis sanctificationis est vita æterna, secundum illud Rom. vi. 22. *Haberis fructum vestrum in sanctificatione, finem vero vitam æternam.* Ergo videtur quod sacramentum non significet nisi unam rem, scilicet vitam æternam.

Sed contra est quod in sacramento altaris est duplex res significata, scilicet corpus Christi verum, & mysticum, ut Augustinus dicit in Lib. sententiar. Prosperi (sive Prosperi in Lib. sententiar. Augustini, ut reletur cap. *Hoc est*, de consecrat. dist. 11.)

Respondeo dicendum, quod, sicut dictum est (art. præc.) sacramentum proprie dicitur quod ordinatur ad significandum nostram sanctificationem: in qua tria possunt considerari; videlicet ipsa causa sanctificationis nostræ, quæ est passio Christi; & forma nostræ sanctificationis, quæ consistit in gratia, & virtutibus; & ultimus finis sanctificationis nostræ, qui est vita æterna. Et hæc omnia per sacramenta significantur. Unde sacramentum est & signum rememorative eius quod præcessit, scilicet passionis Christi, & demonstrativum eius quod in nobis efficitur per Christi passionem, scilicet gratiæ, & pronosticum, idest prænuntiativum futuræ gloriæ.

Ad primum ergo dicendum, quod tunc est signum ambiguum præbens occasionem fallendi, quando significat multa quorum unum non ordinatur ad aliud; sed quando significat multa, secundum

quod ex eis quodam ordine efficitur unum, tunc non est signum ambiguum, sed certum; sicut hoc nomen *homo* significat animam, & corpus, prout ex eis constituitur humana natura. Et hoc modo sacramentum significat tria prædicta, secundum quod quodam ordine sunt unum.

Ad secundum dicendum, quod sacramentum in hoc quod significat rem sanctificantem, oportet quod significet effectum, qui intelligitur in ipsa causa sanctificante, prout est sanctificans.

Ad tertium dicendum, quod sufficit ad rationem sacramenti quod significet perfectionem, quæ est forma; nec oportet quod solum significet perfectionem, quæ est finis.

## ARTICULUS IV. 319

*Utrum sacramentum sit semper aliqua res sensibilis.*

IV. dist. 1. quæst. 1. art. 1. quæst. 1. & art. 2. quæst. 1. & art. 3. cor. & IV. con. cap. lvi. & Ioan. 111. co. 4.

**A**D quantum sic proceditur. Videtur quod sacramentum non semper sit aliqua res sensibilis. Quia secundum Philosophum in Lib. II. Priorum (cap. penult. & ult.) *omnis effectus suæ cause signum est.* Sed sicut sunt quidam effectus sensibiles, ita etiam sunt quidam effectus intelligibiles; sicut scientia est effectus demonstrationis. Ergo non omne signum est sensibile. Sufficit autem ad rationem sacramenti quod sit signum alicuius rei sacræ, inquantum per eam homo sanctificatur, ut dictum est (art. 3. hu. quæst.) Non ergo requiritur ad sacramentum quod sit aliqua res sensibilis.

2. Præterea. Sacramenta pertinent ad cultum, vel regnum Dei. Sed res sensibiles non videntur pertinere ad cultum Dei: dicitur enim Ioan. iv. 24. *Spiritus est Deus; & eos qui adorant eum, in spiritu, & veritate oportet adorare.* & Rom. xiv. 17. *Non est regnum Dei escæ, & potus.* Ergo res sensibiles non requiruntur ad sacramentum.

3. Præterea. Augustinus dicit in Lib. II. de libero arbitrio (cap. xviii. & xix.) quod *res sensibiles sunt minima bona, sine quibus homo recte vivere potest.* Sed sacramenta sunt de necessitate salutis humanæ, ut infra patebit (quæst. seq.) & ita

A a 2 fine

sine eis homo recte vivere non potest. Nun ergo res sensibiles requiruntur ad sacramenta.

Sed contra est quod Augustinus dicit super Ioan. (tract. lxxx. a. med.) *Accedit verbum ad elementum, & fit sacramentum*: & loquitur ibi de elemento sensibili, quod est aqua. Ergo res sensibiles requiruntur ad sacramenta.

Respondeo dicendum, quod sapientia divina unicuique rei providet secundum suum modum: & propter hoc dicitur Sap. viii. 1. quod *suaviter disponit omnia*: unde & Matth. xxv. 15. dicitur, quod *de dedit unicuique secundum propriam virtutem*. Est autem homini connaturale ut per sensibilia perveniat in cognitionem intelligibilem. Signum autem est per quod aliquis devenit in cognitionem alterius. Unde cum res sacre, quae per sacramenta significantur, sint quaedam spiritualia, & intelligibilia bona, quibus homo sanctificatur, consequens est ut per aliquas res sensibiles significatio sacramenti impleatur; sicut etiam per similitudinem sensibilibus rerum in divina Scriptura res spirituales nobis describuntur. Et inde est quod ad sacramenta requiruntur res sensibiles, ut etiam Dionysius probat in 1. cap. caelest. Hierarch. (a. med.)

Ad primum ergo dicendum, quod unumquodque praecipue denominatur, & definitur secundum id quod convenit ei primo & per se, non autem secundum id quod convenit ei per aliud. Effectus autem sensibilibus per se habet quod ducat in cognitionem alterius, quali primo & per se homini innotescens: quia omnis nostra cognitio a sensu oritur. Effectus autem intelligibiles non habent quod possint ducere in cognitionem alterius, nisi inquantum sunt per aliud manifestati, id est per aliqua sensibilia. Et inde est quod primo, & principaliter dicuntur signa quae sensibus offeruntur, sicut Augustinus dicit in II. de doct. christ. (cir. princ.) ubi dicit, quod *signum est quod praeter speciem quam ingerit sensibus, facit aliquid aliud in cognitionem venire*. Effectus autem intelligibiles non habent rationem signi, nisi secundum quod sunt manifestati per aliqua signa. Et per hunc etiam modum quaedam quae non sunt sensibilia, dicuntur quodammodo sacramenta, inquantum sunt significata per aliqua sensibilia, de quibus infra agetur (quæst. lxiii. art. 1.)

Ad secundum dicendum, quod res

sensibiles, ut in sua natura considerantur, non pertinent ad cultum, vel ad regnum Dei, sed solum secundum quod sunt signa spiritualium rerum, in quibus regnum Dei consistit.

Ad tertium dicendum, quod Augustinus ibi loquitur de rebus sensibilibus, secundum quod sunt in sua natura, non autem secundum quod assumuntur ad significandum spiritualia, quae sunt maxima bona.

## ARTICULUS V. 330

*Utrum requirantur determinatae res ad sacramenta.*

*Inf. art. 7. cor.*

**A**D quintum sic proceditur. Videtur quod non requirantur determinatae res ad sacramenta. Res enim sensibiles assumuntur in sacramentis ad significandum, ut dictum est (art. praec.) Sed nihil prohibet diversis rebus sensibilibus idem significari; sicut in sacra Scriptura Deus aliquando metaphorice significatur per lapidem, quandoque per leonem, quandoque per Solem, aut aliquid aliud huiusmodi. Ergo videtur quod diversae res possint congruere eidem sacramento. Non ergo determinatae res in sacramentis requiruntur.

2. Praeterea. Magis est necessaria salus animae quam salus corporis. Sed in medicinis corporalibus, quae ad salutem corporis ordinantur, potest una res pro alia poni in eius defectu. Ergo multo magis in sacramentis, quae sunt medicinae spirituales ad salutem animae ordinatae, poterit una res assumi pro alia, quando illa defuerit.

3. Praeterea. Non est conveniens ut hominis salus ardeat per legem divinam, & praecipue per legem Christi, qui venit omnes salvare. Sed in statu legis naturae non requirebantur in sacramentis aliqua res determinatae, sed ex voto assumebantur, ut patet Gen. xxviii. ubi Iacob vovit, se Deo decimas. & hostias pacificas oblaturum. Ergo videtur quod non debuerit aritari homo, & praecipue in nova lege, ad alienius rei determinatae usum in sacramentis.

Sed contra est quod Dominus dicit Ioan. iii. 5. *Nisi quis renatus fuerit ex aqua, & Spiritu sancto, non potest introire in regnum Dei.*

Respondeo dicendum, quod in usu sacramentorum duo possunt considerari,

scilicet

scilicet cultus divinus, & sanctificatio hominis: quorum primum pertinet ad hominem per comparationem ad Deum; secundum autem & converso pertinet ad Deum per comparationem ad hominem. Non pertinet autem ad aliquem determinare illud quod est in potestate alterius, sed solum id quod est in sua potestate. Quia ergo sanctificatio hominis est in potestate Dei sanctificantis, non pertinet ad hominem suo iudicio assumere res quibus sanctificetur; sed hoc debet esse ex divina institutione determinatum. Et ideo in sacramentis novae legis, quibus homines sanctificantur, secundum illud I. ad Corinth. vi. 11. *ablutis estis, sanctificati estis*, oportet uti rebus ex divina institutione determinatis.

Ad primum ergo dicendum, quod etsi idem potest per diversa signa significari; determinare tamen, quo signo sit utendum ad significandum, pertinet ad significantem. Deus autem est qui nobis significat spiritualia per res sensibiles in sacramentis, & per verba similitudinaria in Scripturis. Et ideo sicut iudicio Spiritus sancti determinatum est quibus similitudinibus in certis Scripturae locis res spirituales significantur; ita etiam debet esse divina institutio de terminatum, quae res ad significandum adhibeantur in hoc vel in illo sacramento.

Ad secundum dicendum, quod res sensibiles habent naturaliter sibi inditas virtutes conferentes ad corporalem salutem; & ideo non refert, si duae earum eandem virtutem habeant, quia quis utatur. sed ad sanctificationem non ordinantur ex aliqua virtute sibi naturaliter indita, sed solum ex institutione divina; & ideo oportuit divinitus determinari, quibus rebus sensibilibus sit in sacramentis utendum.

Ad tertium dicendum, quod, sicut Augustinus dicit XIX. contra Faustum (cap. xvi. & xvii.) diversa sacramenta diversis temporibus congruunt; sicut etiam diversis verbis significantur diversa tempora, scilicet praeteritum, praeteritum, & futurum. Et ideo sicut in statu legis naturae homines nulla lege exteriori data, sed solo interiori instinctu movebantur ad Deum colendum; ita etiam ex interiori instinctu determinabatur eis, quibus rebus sensibilibus ad Dei cultum uterentur: postmodum vero necesse fuit etiam exteriori legem dari, tum propter

obscuritatem legis naturae ex peccatis hominum, tum etiam ad expressiorem significationem gratiae Christi, per quam humanum genus sanctificatur. Et ideo etiam necesse fuit res determinari quibus homines uterentur in sacramentis. Nec propter hoc ardeatur via salutis: quia res quarum usus est necessarius in sacramentis, vel communiter habentur, vel parvo studio adhibito haberi possunt.

## ARTICULUS VI. 331

*Utrum in significatione sacramentorum requirantur verba.*

*II. dist. 1. quest. 1. art. 3. & dist. xiii. quest. 1. art. 2. quest. 6. ad 2. & ver. quest. xxvii. art. 4. ad 10.*

**A**D sextum sic proceditur. Videtur quod in significatione sacramentorum non requirantur verba. Dicit enim Augustinus contra Faustum Lib. XIX. (cap. xvi. cir. med.) *Quid sunt aliquid quaeque corrupta sacramenta, nisi quaedam verba visibilia?* Et sic videtur quod addere verba rebus sensibilibus in sacramentis, sit addere verba verbis. Sed hoc est superfluum. Non ergo requiruntur verba cum rebus sensibilibus in sacramentis.

2. Praeterea. Sacramentum est aliquid unum. Ex his autem quae sunt diversorum generum, non videtur posse aliquid unum fieri. Cum igitur res sensibiles, & verba sint diversorum generum, quia res sensibiles sunt a natura, verba autem a ratione; videtur quod in sacramentis non requirantur verba cum rebus sensibilibus.

3. Praeterea. Sacramenta novae legis successerunt sacramentis veteris legis: quia, illis ablatis, ista sunt instituta, ut Augustinus dicit XIX. contra Faustum (cap. xvi. & xvii.) Sed in sacramentis veteris legis non requirebatur aliqua forma verborum. Ergo nec in sacramentis novae legis.

Sed contra est quod Apostolus dicit Ephes. v. 25. *Christus dilexit Ecclesiam, & tradidit semetipsum pro ea, ut illam sanctificaret, mundans eam lavacro aquae in verbo vitae*; & Augustinus dicit super Ioan. (tract. lxxx. post med.) *Accedit verbum ad elementum, & fit sacramentum.*

Respondeo dicendum, quod sacramen-



ta, sicut dictum est (art. 3. hu. quaest.) adhibentur ad hominum sanctificationem, sicut quædam signa. Tripliciter ergo considerari possunt, & quolibet modo congruit eis quod verba rebus sensibilibus adiungantur. Primo enim possunt considerari ex parte causæ sanctificantis, quæ est Verbum incarnatum; cui sacramentum quodammodo conformatur in hoc quod rei sensibili verbum adhibetur; sicut in mysterio incarnationis carni sensibili est Verbum Dei unitum. Secundo possunt considerari sacramenta ex parte hominis qui sanctificatur, qui componitur ex anima, & corpore; cui proportionatur sacramentalis medicina, quæ per rem visibilem corpus tangit, & per verbum ab anima creditur. Unde Augustinus super illud Ioan. xv. *Iam vos mundi estis propter sermonem* &c. dicit (tract. lxxx. in Ioan. a med.) „Unde est ista tanta virtus aquæ, ut corpus tangat, & cor abluit, nisi faciente verbo, non quia dicitur, sed quia creditur? Tercio possunt considerari ex parte ipsius significationis sacramentalis. Dicit autem Augustinus in II. de doct. christ. (cap. lxx. cir. med.) quod verba inter homines obtinuerunt principatum significandi; quia verba diversimode formari possunt ad significandos diversos conceptus mentis: & propter hoc per verba magis distincte possumus exprimere quod mente concepimus. Et ideo ad perfectionem significationis sacramentalis necesse fuit ut significatio rerum sensibilibus per aliqua verba determinaretur. Aqua enim significare potest & ablationem propter suam humiditatem, & refrigerium propter suam frigiditatem; sed cum dicitur, *Ego te baptizo*, manifestatur quod aqua utimur in baptismo ad significandam emundationem spiritualem.

Ad primum ergo dicendum, quod res visibiles sacramentorum dicuntur verba per quandam similitudinem, in quantum scilicet participant quandam vim significandi, quæ principaliter est in ipsis verbis, ut dictum est (in corp.) Et ideo non est superflua ingeminatio verborum, cum in sacramentis rebus visibilibus verba adduntur, quia unum eorum determinatur per aliud, ut dictum est (ibid.)

Ad secundum dicendum, quod quamvis verba, & aliæ res sensibiles sint in diverso genere, quantum pertinet ad naturam rei; conveniunt tamen in ratio-

ne significandi, quæ perfectius est in verbis quam in aliis rebus. Et ideo ex verbis, & rebus fit quodammodo unum in sacramentis, sicut ex forma, & materia, in quantum scilicet per verba perficitur significatio rerum, ut dictum est (in corp. & art. præc. ad 3.) Sub rebus autem comprehenduntur etiam ipsi actus sensibiles, puta ablutio, inunctio, & alia huiusmodi: quia in his est eadem ratio significandi, & in rebus.

Ad tertium dicendum, quod, sicut Augustinus dicit contra Faustum (Lib. XIX. cap. xvi. & xvii.) alia debent esse sacramenta rei præsentis, & alia rei futuræ. Sacramenta autem veteris legis prænuntia erant Christi venturi; & ideo non ita expresse significabant Christum, sicut sacramenta novæ legis; quæ ab ipso Christo effluunt, & quamdam similitudinem ipsius in se habent, ut dictum est (in corp. art.) Utebantur tamen in veteri lege aliquibus verbis in his quæ ad cultum Dei pertinent, tam sacerdotes, qui erant sacramentorum illorum ministri, secundum illud Num. vi. 23. *Sic benedicetis fratribus Israel, & dixeritis eis: Benedicat tibi Dominus* &c. quam etiam illi qui illis sacramentis utebantur, secundum illud Deuter. xxvi. 3. *Prostator bodie coram Deo tuo, quod* &c.

## ARTICULUS VII. 333

*Utrum requirantur determinata verba in sacramentis.*

**A**D septimum sic proceditur. Videtur quod non requirantur determinata verba in sacramentis. Ut enim Philosophus dicit (Lib. I. Perier. cir. princ.) *voces non sunt eadem apud omnes*. Sed talis, quæ per sacramenta queritur, est eadem apud omnes. Ergo non requiruntur aliqua determinata verba in sacramentis.

2. Præterea. Verba requiruntur in sacramentis, in quantum sunt principaliter significativa, sicut dictum est (art. præc.) Sed contingit per diversa verba idem significari. Ergo non requiruntur determinata verba in sacramentis.

3. Præterea. Corruptio cuiuslibet rei variat eius speciem. Sed quidam corrupte verba proferunt; nec tamen propter hoc creditur sacramentorum effectus impediri; aliqui in illiterati, & babi, qui ista sacramenta conferunt, frequenter delectum in sacramentis inducerent. Ergo vi-

videtur quod non requirantur in sacramentis determinata verba.

Sed contra est quod Dominus determinata verba protulit in consecratione sacramenti Eucharistiae, dicens Matth. xxvi. 26. *Hoc est corpus meum*: similiter etiam mandavit discipulis ut sub determinata forma verborum baptizarent, dicens Matth. ult. 19. *Euntes docete omnes gentes, baptizantes eos in nomine Patris, & Filii, & Spiritus sancti*.

Respondeo dicendum, quod, sicut dictum est (art. praec. ad 2.) in sacramentis verba se habent per modum formae, res autem sensibiles per modum materiae. In omnibus autem compositis ex materia, & forma principium determinationis est ex parte formae, quae est quoddammodo finis, & terminus materiae: & ideo principaliter requiritur ad esse rei determinata forma quam determinata materia: materia enim determinata requiritur, ut sit proportionata determinatae formae. Cum igitur in sacramentis requirantur determinatae res sensibiles, quae se habent in sacramentis sicut materia; multo magis requiritur in eis determinata forma verborum.

Ad primum ergo dicendum, quod, sicut Augustinus dicit super Ioan. (tract. lxxx. a med.) *verbum operatur in sacramentis, non quia dicitur*, id est non secundum exterio rem sonum vocis, sed quia creditur, id est secundum sensum verborum, qui fide tenetur. Et hic quidem sensus est idem apud omnes, licet non eadem voces sint quantum ad sonum. Et ideo, cuiuscumque linguae verbis proferatur talis sensus, perficitur sacramentum.

Ad secundum dicendum, quod licet in qualibet lingua contingat diversis vocibus idem significari; semper tamen aliqua illarum vocum est, qua principaliter & communius homines illius linguae utuntur ad hoc significandum: & talis vox assumi debet in significatione sacramentis: sicut etiam inter res sensibiles illa assumitur ad significationem sacramenti, cuius usus est communior ad actum, per quem sacramenti effectus significatur; sicut aqua communius utuntur homines ad abluionem corporalem, per quam spiritalis ablutio significatur; & ideo aqua assumitur ut materia in baptismo.

Ad tertium dicendum, quod ille qui corrupte proferit verba sacramentalia, si

hoc ex industria facit, non videtur intendere facere quod facit Ecclesia; & ita non videtur perfici sacramentum. Si autem hoc faciat ex errore, vel lapsu linguae, si sit tanta corruptio quae omnino auferat sensum locutionis, non videtur perfici sacramentum: & hoc praecipue contingit, quando fit corruptio ex parte principii dictionis; puta si loco eius quod est, *In nomine Patris*, dicat, *In nomine matris*. Si vero non totaliter auferatur sensus locutionis per huiusmodi corruptelam, nihilominus perficitur sacramentum: & hoc praecipue contingit, quando fit corruptio ex parte finis; puta si aliquis dicat, *In nomine patris, & filias*: quamvis enim huiusmodi verba corrupte prolata nihil significant ex virtute impositionis; accipiuntur tamen ut significantia ex accommodatione usus: & ideo licet mutetur sonus sensibilis, remanet tamen idem sensus. Quod autem dictum est de differentia corruptionis circa principium, vel finem dictionis, rationem habet: quia apud nos variatio dictionis ex parte principii mutat significationem; (a) variatio autem ex parte finis dictionis, ut plurimum non mutat significationem; quae tamen apud Graecos variatur etiam secundum principium dictionis in declinationibus verborum. Magis tamen videtur attendenda quantitas corruptionis: quia ex utraque parte potest esse tam parva quod non auferat sensum verborum, & tam magna quod auferat. Sed unum horum facilius accidit ex parte principii, & aliud ex parte finis.

## ARTICULUS VIII. 333

*Utrum licet aliquid addere verbis in quibus consistit forma sacramentorum.*

IV. dist. 111. art. 2. quaest. 2. ad 3. & 4.

**A**D octavum sic proceditur. Videtur quod nihil liceat addere verbis in quibus consistit forma sacramentorum. Non enim minoris sunt necessitatis huiusmodi verba sacramentalia quam verba sacrae Scripturae. Sed verbis sacrae Scripturae nihil licet addere, vel minueret: dicitur enim Deut. iv. 2. *Non additis ad verbum quod vobis loquor, nec auferetis ab eo*: & Apoc. ult. 18. *Concessor*

A a 4 omni

(a) Ita cum p'ntis mss. editi posim. Edit. Rom. ut p'ntim mutat consignificationem, Garcia plan. & 17 tergo ead. Alcan. variatio autem ex fine ut plurimum non mutat significationem.

omni audienti verba prophetiae libri huius : si quis appoverit ad hæc, apponet super eum Deus plagas scriptas in libro isto ; & si quis diminuerit, auferet Deus partem eius de libro vite . Ergo videtur quod neque in formis sacramentorum liceat aliquid addere, vel minuire .

2. Præterea . Verba he habent in sacramentis per modum formæ, ut dictum est ( art. præc. ) Sed in formis quilibet additio, vel subtractio variat speciem, sicut & in numeris, ut dicitur VIII. Metaph. ( tex. 10. ) Ergo videtur quod si aliquid addatur, vel subtrahatur a forma sacramenti, non erit idem sacramentum .

3. Præterea . Sicut ad formam sacramenti requiritur determinatus numerus dictionum, ita etiam requiritur determinatus ordo verborum, & etiam orationis continuas . Si ergo additio, vel subtractio non auferat sacramenti veritatem, videtur quod pari ratione nec transpositio verborum, aut etiam interpolatio pronuntiationis .

Sed contra est quod in formis sacramentorum quædam apponuntur a quibusdam, quæ ab aliis non apponuntur, sicut Latini baptizant sub hac forma: *Ego te baptizo in nomine Patris, & Filii, & Spiritus sancti*; Græci autem sub ista: *Baptizetur servus Christi N. in nomine Patris &c.* Et tamen utrique verum conferunt sacramentum . Ergo in formis sacramentorum licet aliquid addere, vel minuire .

Respondendo dicendum, quod circa omnes istas mutationes quæ possunt in formis sacramentorum contingere, duo videntur esse considerata . Unum quidem ex parte eius qui profert verba, cuius intentio requiritur ut sacramentum, ut infra dicitur ( quæst. lxxv. art. 3. ) Et ideo si intendat per huiusmodi additionem, vel diminutionem alium ritum inducere, qui non fit ab Ecclesia receptus, non videtur perfici sacramentum: quia non videtur quod intendat facere id quod facit Ecclesia . Aliud tamen est considerandum ex parte significationis verborum . Cum enim verba operentur in sacramentis, quantum ad sensum quem faciunt, ut supra dictum est ( art. præc. ad 1. & ad 3. ) oportet considerare, utrum per talem mutationem tollatur debitum sensus verborum: quia si sic, manifestum est quod tollitur veritas sacramenti .

Manifestum est autem quod si diminuat aliquid eorum quæ sunt de substan-

tia formæ sacramentalis, tollitur debitum sensus verborum; & ideo non perficitur sacramentum . Unde Didymus dicit in Lib. II. de Spiritu sancto ( parum a principio op. Hieron. ) *Si quis ita baptizare conetur, ut unum de predictis nominibus prætermittat* ( scilicet Patris, & Filii, & Spiritus sancti, ) *sine perfectione baptizabit* . Si autem subtrahatur aliquid quod non sit de substantia formæ, talis diminutio non tollit debitum sensum verborum, & per consequens nec sacramenti perfectionem: sicut in forma Eucharistiæ, quæ est, *Hoc est enim corpus meum*, ly enim sublatum non tollit debitum sensum verborum: & ideo non impedit perfectionem sacramenti; quamvis possit contingere quod ille qui prætermittit, peccet ex negligentia, vel contemptu . Circa additionem etiam contingit aliquid apponi, quod est corruptivum debiti sensus; puta si aliquis dicat: *Ego te baptizo in nomine Patris maioris, & Filii minoris*, sicut Ariani baptizabant: & ideo talis additio tollit veritatem sacramenti . Si vero sit talis additio, quæ non auferat debitum sensum, non tollitur sacramenti veritas . Nec relet utrum talis additio fiat in principio, vel in medio, vel in fine: ut si aliquis dicat, *Ego te baptizo in nomine Dei Patris omnipotentis, & Filii eius unigeniti, & Spiritus sancti paracleti*; erit verum baptisma: & similiter si quis dicat, *Ego te baptizo in nomine Patris, & Filii, & Spiritus sancti; & B. Virgo te adiuvet*; erit verum baptisma .

Fortè autem si diceret, *Ego te baptizo in nomine Patris, & Filii, & Spiritus sancti, & B. Virginis Mariæ*, non esset baptismus: quia dicitur I. ad Cor. 1. 13. *Numquid Paulus pro vobis crucifixus est, aut in nomine Pauli baptizati estis?* Sed hoc verum est, si sic intelligatur in nomine B. Virginis baptizari, sicut in nomine Trinitatis, quo baptismus confertur: talis enim sensus esset contrarius veræ fidei, & per consequens tolleret veritatem sacramenti . Si vero sic intelligatur quod additur, *Et in nomine B. Virginis*, non quasi nomen B. Virginis aliquid operetur in baptismo, sed ut eius intercessio proficiat baptizato ad conservandam gratiam baptismalem, non tollitur perfectio sacramenti .

Ad primum ergo dicendum, quod ad verba sacre Scripturæ non licet aliquid apponere quantum ad sensum; sed quantum ad expositionem sacre Scripturæ

mul-

multa eis verba a Doctoribus apponuntur. Non tamen licet etiam verba sacrae Scripturae apponere ita quod dicantur esse de integritate sacrae Scripturae, quia hoc esset vitium falsitatis: & similiter si quis diceret aliquid esse de necessitate formae quod non est.

Ad secundum dicendum, quod verba pertinent ad formam sacramenti ratione sensus significati. Et ideo quaecumque fiat additio, vel subtractio verborum, quae non addat aliquid, aut subtrahat debito sensui, non tollitur species sacramenti.

Ad tertium dicendum, quod si sit tanta interruptio verborum quod intercipiatur intentio pronuntiantis, tollitur sensus sacramenti, & per consequens veritas eius; non autem tollitur, quando est parva interruptio, quae intentionem proferentis, & intellectum verborum non auferat. Et idem est etiam dicendum de transpositione verborum: quia si tollitur sensus locutionis, non pericitur sacramentum; sicut patet de negatione praeposita, vel postposita signo. Si autem sit talis transpositio quae sensum locutionis non variet, non tollitur veritas sacramenti: quia, secundum quod Philosophus dicit (Lib. II. cap. 1. ad finem) *nomenina, & verba transposita idem significant.*

## QUAESTIO LXI.

*De necessitate sacramentorum,  
in quatuor articulos diuisa.*

**D**Einde considerandum est de necessitate sacramentorum: & circa hoc quaeruntur quatuor.

Primo, utrum sacramenta sint necessaria ad salutem humanam.

Secundo, utrum fuerint necessaria in statu ante peccatum.

Tertio, utrum fuerint necessaria in statu post peccatum ante Christum.

Quarto, utrum fuerint necessaria post Christi adventum.

## ARTICULUS I. 334

*Utrum sacramenta sint necessaria ad humanam salutem.*

*IV. dist. 1. quæst. 1. art. 2. quæst. 1. & III. con. cap. ex. & Lib. IV. cap. lv. fin. & cap. lvi.*

**A**D primum sic proceditur. Videtur quod sacramenta non sint necessaria ad humanam salutem. Dicit enim Apostolus 1. ad Timotheum. iv. 8. *Corporalis exercitatio ad modicum utilis est.* Sed usus sacramentorum pertinet ad corporalem exercitationem, eo quod sacramenta periciuntur in significatione sensibilibus rerum, & verborum, ut dictum est (quæst. præc. art. 6. ad 2.) Ergo sacramenta non sunt necessaria ad humanam salutem.

2. Præterea. II. ad Cor. xii. 9. Apostolo dicitur: *Sufficit tibi gratia mea.* Non autem sufficeret, si sacramenta essent necessaria ad salutem. Non sunt ergo sacramenta salutis humanae necessaria.

3. Præterea. Posita causa sufficienti, nihil aliud videtur esse necessarium ad effectum. Sed passio Christi est sufficiens causa nostrae salutis: dicit enim Apostolus Rom. v. 10. *Si cum inimici essemus, reconciliati sumus Deo per mortem Filii eius; multo magis reconciliati salvi erimus in vita ipsius.* Non ergo requiruntur sacramenta ad salutem humanam.

Sed contra est quod Augustinus dicit XIX. contra Faustum (cap. xi. in finem) *In nulum nomen religionis, seu verum, seu falsum, coadunari homines possunt, nisi aliquo signaculorum, seu sacramentorum visibilibus consortio colligentur.* Sed necessarium est ad humanam salutem homines adunari in unum veræ religionis nomen. Ergo sacramenta sunt necessaria ad humanam salutem.

Respondeo dicendum, quod sacramenta sunt necessaria ad humanam salutem, triplici ratione. Quarum prima sumenda est ex conditione humanæ naturæ, cuius proprium est ut per corporalia, & sensibilia in spiritualia, & intelligibilia deducatur. Pertinet autem ad divinam providentiam ut unicuique rei provideat secundum modum suæ conditionis. Et ideo convenienter divina sapientia homini auxilia salutis confert sub quibusdam corporalibus, & sensibilibus signis, quæ sacramenta dicuntur. Secunda

da ratio sumenda est ex statu hominis, qui peccando se subdidit per affectum corporalibus rebus. Ibi autem debet medicinale remedium homini adhiberi ubi patitur morbum. Et ideo conveniens fuit ut Deus per quædam corporalia signa homini spirituales medicinas adhiberet: nam si spiritualia nuda ei proponerentur, eis animus applicari non posset, corporalibus deditus. Tertia autem ratio sumenda est ex studio actionis humane, quæ præcipue circa corporalia versatur. Ne ergo esset homini durum, si totaliter a corporalibus actibus abstraheretur, proposita sunt ei corporalia exercitia in sacramentis, quibus salubriter exerceatur, ad evitanda superstitiosa exercitia, quæ consistunt in cultu dæmonum, vel qualitercumque noxia, quæ consistunt in actibus peccatorum. Sic igitur per sacramentorum institutionem homo convenienter suæ naturæ eruditur per sensibilia; humiliatur, se corporalibus subiectum cognoscens, dum sibi per corporalia subvenitur; præservatur etiam a noxiis actionibus per salubria exercitia sacramentorum.

Ad primum ergo dicendum, quod corporalis exercitatio, in quantum est corporalis, non multum utilis est; sed exercitatio per usum sacramentorum non est pure corporalis, sed quodammodo est spiritualis, scilicet per significationem, & causalitatem.

Ad secundum dicendum, quod gratia Dei est sufficiens causa humane salutis; sed Deus dat hominibus gratiam secundum modum eis convenientem. Et ideo necessaria sunt hominibus sacramenta ad gratiam consequendam.

Ad tertium dicendum, quod passio Christi est sufficiens causa humane salutis: nec propter hoc sequitur quod sacramenta non sint necessaria ad humanam salutem: quia operantur in virtute passionis Christi; & passio Christi quodammodo applicatur hominibus per sacramenta, secundum illud Rom. vi. 3. *Quicumque baptizati sumus in Christo Iesu, in morte ipsius baptizati sumus.*

## ARTICULUS II. 335

*Utrum etiam ante peccatum fuerint hominibus necessaria sacramenta.*

## IV. dist. 1. quæst. 1. art. 2. quæst. 3.

**A**D secundum sic proceditur. Videtur hominibus necessaria sacramenta. Quia, sicut dictum est (art. præc. ad 2.) sacramenta sunt necessaria hominibus ad gratiam consequendam. Sed etiam in statu innocentie homo indigebat gratia, sicut in prima parte habitum est (quæst. xcvi. art. 4. ad 1.) Ergo etiam in statu illo erant necessaria sacramenta.

2. Præterea. Sacramenta sunt necessaria hominibus secundum conditionem humane naturæ, sicut dictum est (art. præc.) Sed eadem est natura hominis ante peccatum, & post peccatum. Ergo videtur quod etiam ante peccatum homo indiguerit sacramentis.

3. Præterea. Matrimonium est quoddam sacramentum, secundum illud Ephes. v. 32. *Sacramentum hoc magnum est; ego autem dico in Christo, & Ecclesia.* Sed matrimonium fuit institutum ante peccatum, ut dicitur Gen. ii. Ergo sacramenta erant necessaria hominibus ante peccatum.

Sed contra est quod medicina non est necessaria nisi æroto, secundum illud Matth. ix. 12. *Non est opus sanis medicus.* Sed sacramenta sunt quædam spirituales medicinæ, quæ adhibentur contra vulnera peccati. Ergo non fuerunt necessaria ante peccatum.

Respondetur dicendum, quod in statu innocentie ante peccatum sacramenta necessaria non fuerunt. Cuius ratio accipi potest ex reſtitutione status illius, in quo superiora inferioribus dominantur, & nullo modo dependebant ab eis: sicut enim mens suberat inferiores animæ vires, & ipsi animæ corpus. Contra hunc autem ordinem esset, si anima perſiceretur, vel quantum ad scientiam, vel quantum ad gratiam, per aliquid corporale, quod fit in sacramentis. Et ideo in statu innocentie homo sacramentis non indigebat, non solum in quantum sacramenta ordinantur ad remedium peccati, sed etiam in quantum ipsa ordinantur ad animæ perfectionem.

Ad primum ergo dicendum, quod ho-

mo in statu innocentiae gratia indigebat; non tamen ut eam conquireretur per aliqua sensibilia signa, sed spiritaliter, & invisibiliter.

Ad secundum dicendum, quod eadem est natura hominis ante peccatum, & post peccatum; non tamen est idem naturae status: nam post peccatum anima etiam quantum ad superiorem partem indiget accipere aliquid a corporalibus rebus ad sui perfectionem; quod in illo statu homini necesse non erat.

Ad tertium dicendum, quod matrimonium fuit institutum in statu innocentiae, non secundum quod est sacramentum, sed secundum quod est in officium naturae; ex consequenti tamen aliquid significabat futurum circa Christum, & Ecclesiam; sicut & omnia alia quae in figura Christi praecellerunt.

### ARTICULUS III. 336

*Utrum post peccatum ante Christum sacramenta debuerint esse.*

*IV. dist. 1. quest. 1. art. 2. quest. 4.*

**A**D tertium sic proceditur. Videtur quod post peccatum ante Christum sacramenta non debuerint esse. Dictum est enim (art. 1. h. quest. ad 3.) quod per sacramenta passio Christi hominibus applicatur; & sic passio Christi comparatur ad sacramenta sicut causa ad effectum. Sed effectus non praecedit causam. Ergo sacramenta non debuerunt esse ante Christi adventum.

2. Praeterea. Sacramenta debent esse convenientia statui humani generis, ut patet per Augustinum XIX. contra Faustum (cap. xvi. & xvii.) Sed status humani generis non fuit mutatus post peccatum, ulque ad reparationem factam per Christum. Ergo neque sacramenta debuerunt immutari, ut praeter sacramenta legis naturae alia statuerentur in lege Moysi.

3. Praeterea. Quanto aliquid est magis propinquum perfectio, tanto magis debet ei assimilari. Sed perfectio salutis humanae per Christum facta est, cui propinquiora fuerunt sacramenta veteris legis quam ea quae fuerunt ante legem. Ergo debuerunt esse similia sacramentis Christi. Cuius tamen contrarium apparet ex eo quod sacerdotium Christi praedicatur esse futurum secundum ordinem Melchisedech, & non secundum ordinem Aa-

ron, ut habetur Hebr. vii. Non ergo convenienter fuerunt disposita ante Christum sacramenta.

Sed contra est quod Augustinus dicit XIX. contra Faustum (cap. xiii. in princ.) quod *prima sacramenta, quae celebrabantur, & observabantur ex lege, praenuntiabant Christi venturi*. Sed necessarium erat ad humanam salutem ut adventus Christi praenuntiaretur. Ergo necessarium erat ante Christum sacramenta quaedam disponi.

Respondetur dicendum, quod sacramenta necessaria sunt ad humanam salutem, in quantum sunt quaedam sensibilia signa invisibilium rerum, quibus homo sanctificatur. Nullus autem sanctificari potest post peccatum, nisi per Christum, quem *proposuit Deus propitiorem per fidem in sanguine ipsius, ad ostensionem iustitiae suae... ut sit ipse iustus, & iustificans eum qui ex fide est Iesu Christi*. (Rom. iii. 25.) Et ideo oportebat ante Christi adventum esse quaedam signa visibilia, quibus homo fidem suam protestaretur de futuro Salvatoris adventu. Et huiusmodi signa dicuntur sacramenta. Et sic patet quod ante Christi adventum necesse fuit quaedam sacramenta institui.

Ad primum ergo dicendum, quod passio Christi est causa finalis veterum sacramentorum, quae scilicet ad ipsam significandam sunt instituta. Causa autem finalis non praecedit tempore, sed solum in intentione agentis. Et ideo non est inconveniens aliqua sacramenta ante Christi passionem fuisse.

Ad secundum dicendum, quod status humani generis post peccatum, & ante Christum, dupliciter potest considerari. Uno modo secundum fidei rationem; & sic semper unus & idem permansit, quia scilicet iustificabantur homines per fidem futuri Christi adventus. Alio modo potest considerari secundum intentionem, & remissionem peccati, & expressae cognitionis de Christo. Nam per incrementa temporum & peccatum coepit in homine magis dominari, intantum quod ratione hominis per peccatum obtenebrata, non sufficerent homini ad recte vivendum praecipua legis naturae, sed necesse fuit determinari praecipua in lege scripta, & cum his quaedam fidei sacramenta. Oportebat etiam quod per incrementa temporum magis explicaretur cognitio fidei: quia, ut Gregorius dicit (hom. xvi. in Ezech. a med.) *per incrementa temporum crevit divina cognitio*

aug.

*augmentum*. Et ideo etiam necesse fuit quod in veteri lege quaedam sacramenta fidei quam habebant de Christo venturo, determinarentur: quæ quidem comparantur ad sacramenta quæ fuerunt ante legem, sicut determinatum ad indeterminatum, quia scilicet ante legem non fuit determinate præfixum homini, quibus sacramentis uteretur, sicut sunt per legem; quod erat necessarium & propter obtenebrationem legis naturalis, & ut esset determinatio huius significatio.

Ad tertium dicendum, quod sacramentum Melchitedech, quod fuit ante legem, magis assimilatur sacramento novæ legis in materia, inquantum scilicet *obtulit panem, & vinum*, ut habetur Genes. xiv. sicut etiam sacrificium novæ legis oblatione panis, & vini perficitur. Sacramenta tamen legis Molææ magis assimilantur rei significatæ per sacramentum, scilicet passioni Christi; ut patet de agno paschali, & aliis huiusmodi: & hoc ideo, ne propter continuitatem temporis, si permaneret eadem sacramentorum species, videretur sacramenti eiusdem esse continuatio.

#### ARTICULUS IV. 337

*Utrum post Christum debuerint esse aliqua sacramenta.*

*IV. dist. 1. quæst. 1. art. 2. quæst. 5. & dist. 11. art. 4. quæst. 1. & IV. contra cap. LVII.*

**A**D quantum sic proceditur. Videtur quod post Christum non debuerint esse aliqua sacramenta. Veniente enim veritate, debet cessare figura. Sed *gratia, & veritas per Iesum Christum facta est*, ut dicitur Ioan. 1. 17. Cum igitur sacramenta sint veritatis signa, siue figure, videtur quod post Christi passionem sacramenta esse non debuerint.

2. Præterea. Sacramenta in quibusdam elementis consistunt, ut ex supradictis patet (quæst. præc. art. 4. & 5.) Sed Apostolus dicit ad Galat. iv. 3. *Cum essemus parvuli, sub elementis mundi eramus servientes*: nunc autem, temporis plenitudine veniente, iam non sumus parvuli. Ergo videtur quod non debeamus Deo servire sub elementis huius mundi, corporalibus sacramentis utendo.

3. Præterea. *Ad Deum non est transmutatio, nec vicissitudinis obumbratio*, ut dicitur Iacobi 1. 17. Sed hoc videtur ad

quandam mutationem divini voluntatis pertinere quod alia sacramenta nunc hominibus exhibeat ad sanctificationem tempore gratiæ, & alia ante Christum. Ergo videtur quod post Christum non debuerint alia sacramenta institui.

Sed contra est quod Augustinus dicit XIX. contra Faustum (cap. xiii.) quod *sacramenta veteris legis sunt ablata, quia impleta; & alia sunt instituta, virtute maiora, utilitate meliora, actu faciliora, numero pauciora*.

Respondeo dicendum, quod sicut antiqui patres salvati sunt per fidem Christi venturi; ita & nos salvamur per fidem Christi iam nati, & passi. Sunt autem sacramenta quædam signa protestantia fidei, qua iustificatur homo. Oportet autem aliis signis significari futura, præterita, & præsentia. Ut enim Augustinus dicit XIX. contra Faustum (cap. xvi. ante med.) *eadem res aliter annuntiatu facienda, aliter facta; sicut ipsa verba, passurus, & passus, non similiter sonant*. Et ideo oportet quædam alia sacramenta esse in nova lege, quibus significetur ea quæ præcesserunt in Christo, præter sacramenta veteris legis, quibus prænuntiabantur futura.

Ad primum ergo dicendum, quod, sicut Dionysius dicit in v. cap. eccl. Hier. (aliquant. a princ.) status novæ legis medius est inter statum veteris legis, cuius figuræ impleatur in nova lege, & inter statum gloriæ, in qua omnisnude, & perfecte manifestabitur veritas: & ideo tunc nulla erunt sacramenta; nunc autem, quoadmodum *per speculum, & in ænigmate cognoscimus*, ut dicitur I. ad Cor. xiii. oportet nos per aliqua sensibilia signa in spiritualia devenire; quod pertinet ad rationem sacramentorum.

Ad secundum dicendum, quod sacramenta veteris legis Apostolus (Galat. iv.) vocat *egena, & infirma elementa*, quia gratiam nec continebant, nec causabant. Et ideo utentes illis sacramentis dicit Apostolus sub elementis mundi Deo servisse, quia scilicet nihil aliud erant quam elementa huius mundi. Nostra autem sacramenta gratiam continent, & causant: & ideo non est de eis similis ratio.

Ad tertium dicendum, quod sicut patrifamilias non ex hoc habere monstratur mutabilem voluntatem, quod diversa præcepta familiæ suæ proponit pro temporum varietate, non eadem præcipiens hieme, & æstate; ita non ostenditur

dicitur aliqua mutatio esse circa Deum ex hoc quod alia sacramenta instituit post Christi adventum, & alia tempore legis: quia illa fuerunt congrua gratiae praeparandae; haec autem sunt congrua gratiae praesentialiter demonstrandae.

QUAESTIO LXII.

*De principali effectu sacramentorum, qui est gratia, in sex articulos divisa.*

**D**Einde considerandum est de effectu sacramentorum: & primo de effectu eorum principali, qui est gratia; secundo de effectu secundo, qui est character.

Circa primum quarantur sex.

Primo, utrum sacramenta novae legis sint causa gratiae.

Secundo, utrum gratia sacramentalis aliquid addat super gratiam virtutum, & donorum.

Tertio, utrum sacramenta contineant gratiam.

Quarto, utrum sit in eis aliqua virtus ad causandum gratiam.

Quinto, utrum talis virtus in sacramentis derivetur a passione Christi.

Sexto, utrum sacramenta veteris legis gratiam causarent.

ARTICULUS I. 338

*Utrum sacramenta sint causa gratiae.*

*Inf. art. 6. & quaest. lxxiv. art. 1. & III. dist. xl. art. 3. & IV. dist. 1. quaest. 1. & art. 4. quaest. 1. & art. 5. quaest. 1. & IV. contr. cap. lvii. & lxxiv. prin. & ver. quaest. xxvii. art. 4. & quolib. xii. art. 16.*

**A**D primum sic proceditur. Videtur quod sacramenta non sint causa gratiae. Non enim idem videtur esse signum, & causa, eo quod ratio signi videtur magis effectui competere. Sed sacramentum est signum gratiae. Non igitur est causa eius.

2. Praeterea. Nullum corporale agere potest in rem spirituale, eo quod *agens honorabilius est patiente*, ut Augustinus dicit XII. super Genes. ad lit. (cap. xvi. in med.) Sed subiectum gratiae est mens hominis, quae est res spiritualis. Non ergo sacramenta possunt gratiam causare.

3. Praeterea. Illud quod est proprium Dei, non debet alicui creaturae attribui. Sed causare gratiam est proprium Dei, secundum illud Psal. lxxxiii. 12. *Gratiam, & gloriam dabit Dominus*. Cum ergo sacramenta consistant in quibusdam verbis, & rebus creatis, non videtur quod possint gratiam causare.

Sed contra est quod Augustinus dicit super Ioan. (tract. lxxx. a med.) quod *aqua baptismalis corpus tangit, & cor abluit*. Sed cor non abluitur nisi per gratiam. Ergo causat gratiam; & pari ratione alia Ecclesiae sacramenta.

Respondeo dicendum, quod necesse est dicere, sacramenta novae legis per aliquem modum gratiam causare. Manifestum est enim quod per sacramenta novae legis homo Christo incorporatur; sicut de baptismo dicit Apostolus Galat. iii. 27. *Quotquot in Christo baptizati estis, Christum induistis*. Non autem efficitur homo membrum Christi nisi per gratiam.

Quidam tamen dicunt, quod non sunt causa gratiae aliquid operando, sed quia Deus, sacramentis adhibitis, in anima gratiam operatur: & ponunt exemplum de illo qui asserens denarium plumbeum, accipit centum libras ex Regis ordinatione; non quod denarius ille aliquid operetur ad habendam praedictae pecuniae quantitatem; sed hoc operatur sola voluntas Regis. Unde & Bernardus dicit in quodam sermone de cena Domini (1. in cena Domini, & inscribitur de baptismo etc. cap. 11.) *Sicut investitur Canonicus per librum, Abbas per baculum, Episcopus per anulum; sic divites gratiarum diversae sunt traditae sacramentis*. Sed si quis recte consideret, ille modus non transgreditur rationem signi. Nam denarius plumbeus non est nisi quoddam signum regiae ordinationis de hoc quod pecunia recipiatur ab illo: similiter liber est quoddam signum, quo designatur traditio Canonicatus. Secundum hoc igitur sacramenta novae legis nihil plus eident quam signa gratiae; cum tamen ex multis Sanctorum auctoritatibus habeatur quod sacramenta novae legis non solum significant, sed causant gratiam.

Et ideo aliter dicendum, quod duplex est causa agens, principalis, & instrumentalis. Principalis quidem operatur per virtutem suae formae, cui assimilatur effectus; sicut ignis suo calore calefacit; & hoc modo nihil potest causare gratiam;



tiam, nisi Deus: quia gratia nihil est aliud quam quædam participata similitudo divinæ naturæ, secundum illud II. Pet. 1. 4. *Magna nobis, & pretiosa promissa donavit, ut divine simus consortes naturæ*. Cautela vero instrumentalis non agit per virtutem suæ formæ, sed solum per motum quo movetur a principali agente. Unde effectus non assimilatur instrumento, sed principali agenti; sicut lectus non assimilatur securi, sed arti, quæ est in mente artificis. Et hoc modo sacramenta novæ legis gratiam causant: adhibentur enim ex divina ordinatione hominibus ad gratiam in eis causandam. Unde Augustinus dicit XIV. contra Faustum (cap. xvi. a. med.) *Hæc omnia, scilicet sacramentalia, sunt, & transeunt; virtus tamen, scilicet Dei, quæ per ista operatur, igitur manet*. Hoc autem proprie dicitur instrumentum, per quod aliquis operatur: unde & Tit. 11. 5. dicitur: *Salvos nos fecit per lavacrum regenerationis*.

Ad primum ergo dicendum, quod causa principalis non proprie potest dici signum effectus, licet occulti, etiam si ipsa sit sensibilis, & manifesta; sed causa instrumentalis, si sit manifesta, potest dici signum effectus occulti, eo quod non solum est causa, sed etiam quodammodo effectus, inquantum movetur a principali agente. Et secundum hoc sacramenta novæ legis simul sunt causæ, & signa; & inde est quod, sicut communiter dicitur, *efficiunt quod figurant*. Ex quo etiam patet quod habent perfectæ rationem sacramenti, inquantum ordinantur ad aliquid sacrum, non solum per modum signi, sed etiam per modum causæ.

Ad secundum dicendum, quod instrumentum habet duas actiones: unam instrumentalem, secundum quam operatur non in virtute propria, sed virtute principalis agentis; aliam autem habet actionem propriam, quæ competit sibi secundum propriam formam; sicut securi competit scindere ratione suæ acuitatis, facere autem lectum, inquantum est instrumentum artis: non autem pericit instrumentalem actionem, nisi exercendo actionem propriam, scindendo enim facit lectum. Et similiter sacramenta corporalia per propriam operationem, quam exercent circa corpus, quod tangunt, efficiunt operationem instrumentalem ex virtute divina circa animam; sicut aqua baptismi ablundo corpus secundum propriam virtutem abluit animam, inquan-

tum est instrumentum virtutis divinæ nam ex anima, & corpore unum fit. Et hoc est quod Augustinus dicit (loc. sup. cit.) quod *corpus tangit, & cor abluunt*.

Ad tertium dicendum, quod ratio illa procedit de eo quod est causa gratiæ per modum principalis agentis: hoc enim est proprium Dei, ut dictum est (in corp. art.)

## ARTICULUS II. 339

*Utrum gratia sacramentalis aliquid addat super gratiam virtutum, & donorum.*

*Inf. quæst. lxxii. art. 7. ad 2. & IV. dist. vii. quæst. 11. art. 1. quæst. 3. & dist. xvii. quæst. 1. art. 4. quæst. 5.*

**A**D secundum sic proceditur. Videtur quod gratia sacramentalis non addat aliquid super gratiam virtutum, & donorum. Per gratiam enim virtutum, & donorum perficitur anima sufficienter & quantum ad essentialia animæ, & quantum ad potentias eius, ut patet ex his quæ in secunda parte dicta sunt (1. 2. quæst. ex. art. 3. & 4.) Sed gratia ordinatur ad animæ perfectionem. Ergo gratia sacramentalis non potest aliquid addere super gratiam virtutum, & donorum.

2. Præterea. Defectus animæ ex peccatis causantur. Sed omnia peccata sufficienter excluduntur per gratiam virtutum, & donorum: quia nullum est peccatum quod non contrarietur alicui virtuti. Gratia ergo sacramentalis, cum ordinetur ad defectus animæ tollendos, non potest aliquid addere super gratiam virtutum, & donorum.

3. Præterea. Omnis additio, vel subtractio in formis variat speciem, ut dicitur VIII. Metaphys. (tex. 10.) Si ergo gratia sacramentalis addat aliquid super gratiam virtutum, & donorum, sequitur quod æquivoce dicatur gratia: & sic nihil certum nobis ostenditur ex hoc quod sacramenta dicuntur gratiam causare.

Sed contra est quod si gratia sacramentalis non addit aliquid super gratiam donorum, & virtutum, frustra sacramenta habentibus & dona, & virtutes conferrentur. In operibus autem Dei nihil est frustra. Ergo videtur quod gratia sacramentalis aliquid addat super gratiam virtutum, & donorum.

Re-

ARTICULUS III. 349

*Utrum sacramenta novæ legis contineant gratiam.*

IV. dist. 11. art. 4. quæst. 4. & ver.  
quæst. xxvii. art. 7.

Respondendo dicendum, quod, sicut in secunda parte dictum est (1. 2. quæst. cx. art. 3. & 4.) gratia secundum se considerata perficit essentiam animæ, in quantum participat quendam similitudinem divini esse: & sicut ab essentia animæ fluunt eius potentie; ita a gratia fluunt quædam perfectiones ad potentias animæ, quæ dicuntur virtutes, & dona, quibus potentie perficiuntur in ordine ad suos actus. Ordinantur autem sacramenta ad quosdam speciales effectus necessarios in vita christiana; sicut baptismus ordinatur ad quendam spirituales regenerationem, qua homo moritur vitiis, & fit membrum Christi: qui quidem effectus est aliquid speciale præter actus potentiarum animæ: & eadem ratio est in aliis sacramentis. Sicut igitur virtutes, & dona addunt super gratiam communiter dictam quendam perfectionem determinate ordinatam ad proprios actus potentiarum; ita gratia sacramentalis addit super gratiam communiter dictam, & super virtutes, & dona, quoddam divinum auxilium ad consequendum sacramenti finem. Et per hunc modum gratia sacramentalis addit super gratiam virtutum, & donorum.

Ad primum ergo dicendum, quod gratia virtutum, & donorum sufficienter perficit essentiam, & potentias animæ quantum ad generalem ordinationem actuum animæ; sed quantum ad quosdam effectus speciales, qui requiruntur in vita christiana, requiritur sacramentalis gratia.

Ad secundum dicendum, quod per virtutes, & dona excluduntur sufficienter vitia, & peccata quantum ad præsens, & futurum, in quantum scilicet impeditur homo per virtutes, & dona a peccando; sed quantum ad præterita peccata, quæ transeunt actu, & permanent reatu, adhibetur homini remedium specialiter per sacramenta.

Ad tertium dicendum, quod ratio sacramentalis gratiæ se habet ad gratiam communiter dictam sicut ratio speciei ad genus. Unde sicut non æquivoce dicitur animal communiter dictum, & pro homine sumptum; ita non æquivoce dicitur gratia communiter sumpta, & gratia sacramentalis.

**A**D tertium sic proceditur. Videtur quod sacramenta novæ legis non contineant gratiam. Contentum enim videtur esse in continente. Sed gratia non est in sacramento neque sicut in subiecto (quia subiectum gratiæ non est corpus, sed spiritus) neque sicut in vase, quia *vase est locus mobilis*, ut dicitur in IV. Physic. (tex. 41.) esse autem in loco non convenit accidenti. Ergo videtur quod sacramenta novæ legis non contineant gratiam.

1. Præterea. Sacramenta ordinantur ad hoc quod homines per ea gratiam consequantur. Sed gratia, cum sit accidens, non potest transire de subiecto in subiectum. Ergo pro nihilo esset gratia in sacramentis.

3. Præterea. Spirituale non continetur a corporali, etiam si in eo sit: non enim anima continetur a corpore, sed potius continet corpus. Ergo videtur quod gratia, cum sit quiddam spirituale, non continetur in sacramento corporali.

Sed contra est quod Hugo de sancto Victore (Lib. I. de sacram. part. ix. cap. 11.) dicit, quod *sacramentum ex sanctificatione invisibilem gratiam continet*.

Respondendo dicendum, quod multipliciter aliquid dicitur esse in alio: inter quos duplici modo gratia est in sacramentis: uno modo sicut in signo, nam sacramentum est signum gratiæ; alio modo sicut in causa, nam, sicut dictum est (art. 1. huius quæst.) sacramentum novæ legis est instrumentalis gratiæ causa. Unde gratia est in sacramento novæ legis, non quidem secundum similitudinem speciei, sicut effectus est in causa univoca; neque etiam secundum aliquam formam propriam, & permanentem, & proportionatam ad talem effectum, sicut sunt effectus in causis non univocis, puta res generatæ in Sole, sed secundum quendam instrumentalem virtutem, quæ est fluens, & incompleta in esse naturæ, ut infra dicitur (art. seq.)

Ad primum ergo dicendum, quod gratia non dicitur esse in sacramento sicut in subiecto, neque sicut in vase, prout

va-

vas est locus quidam, sed prout vas dicitur instrumentum alicuius operis faciendi, secundum quod dicitur Ezech. ix. 1. *Unusquisque vas interfectionis habet in manu sua.*

Ad secundum dicendum, quod quamvis accidens non transeat a subiecto in subiectum, transit tamen a causa per instrumentum aliquammodo in subiectum, non ut eodem modo sit in eis, sed in unoquoque secundum propriam rationem.

Ad tertium dicendum, quod spirituale exiens perfecte in aliquo continet ipsum, & non continetur ab eo. Sed gratia est in sacramento secundum esse fluens, & inconspicuum: & ideo non inconvenienter sacramentum dicitur continere gratiam.

#### ARTICULUS IV. 341

*Utrum in sacramentis sit aliqua virtus gratiae causativa.*

*Inf. quæst. lxxxviii. art. 4. & IV. dist. 1. quæst. 1. art. 4. quæst. 2. & dist. vti. quæst. 11. art. 3. & quod. xii. art. 15.*

**A**D quartum sic proceditur. Videtur quod in sacramentis non sit aliqua virtus gratiae causativa. Virtus enim gratiae causativa est virtus spiritualis. Sed in corpore non potest esse virtus spiritualis neque ita quod sit propria ei, quia virtus fluit ab essentia rei, & ita non potest eam transcendere; neque ita quod recipiat eam ab alio, quia quod recipitur ab aliquo, est in eo per modum recipientis. Ergo in sacramentis non potest esse aliqua virtus gratiae causativa.

2. Præterea. Omne quod est, reduci- tur ad aliquod genus entis, & aliquem gradum boni. Sed non est dare, in quo genere entis sit talis virtus, ut patet dis- currenti per singula; nec etiam potest reduci ad aliquem gradum bonorum: neque enim est inter minima bona, quia sacramenta sunt de necessitate salutis; neque etiam inter media bona, cuiusmodi sunt potentiae animæ, quæ sunt quædam potentiae naturales; neque etiam inter maxima bona, quia nec est gratia, nec virtus mentis. Ergo videtur quod in sacramentis nulla sit virtus gratiae causativa.

3. Præterea. Si talis virtus est in sacramentis, non causatur in eis nisi per creationem a Deo. Sed inconvenienter videtur quod tam nobilis creatura statim

esse desinat, sacramento perfecto. Ergo videtur quod nulla virtus sit in sacramentis ad gratiam causandam.

4. Præterea. Idem non potest esse in diversis. Sed ad sacramenta concurrunt diversa, scilicet verba, & res: unius autem sacramenti non potest esse nisi virtus una. Ergo videtur quod in sacramentis nulla sit virtus.

Sed contra est quod Augustinus dicit super Ioan. (tract. lxxx. a. med.) *Unde tanta vis aquæ, ut corpus tangat, & cor abluiat?* & Beda dicit (cap. x. in Luc. super illud Lucæ iii. *Factum est autem,*) quod *Dominus tactu suæ mundissime carnis vim regenerativam centulis au- quis.*

Respondeo dicendum, quod illi qui ponunt quod sacramenta non causant gratiam nisi per quamdam concomitantiam, ponunt quod in sacramento non sit aliqua virtus quæ operetur ad sacramenti effectum; est tamen virtus divina sacramento assistens, quæ sacramentalem effectum operatur.

Sed ponendo quod sacramentum est instrumentalis causa gratiæ, necesse est simul ponere quod in sacramento sit quædam virtus instrumentalitatis ad inducendum sacramentalem effectum. Et hæc quidem virtus proportionatur instrumentum. Unde comparatur ad virtutem absolutam, & perfectam alicuius rei, sicut comparatur instrumentum ad agens principale. Instrumentum enim, ut dictum est (art. 1. huius quæst.) non operatur, nisi inquantum est motum a principali agente, quod per se operatur: & ideo virtus principalis agentis habet permanentem, & completum esse in natura; virtus autem instrumentalitatis habet esse transiens ex uno alio, & incompletum; sicut & motus est actus imperfectus ab agente in patientem.

Ad primum ergo dicendum, quod virtus spiritualis non potest esse in corpore per modum virtutis permanentis, & completæ, sicut ratio probat. Nihil tamen prohibet in corpore esse virtutem spiritua- lem instrumentalitatis, inquantum scilicet corpus potest moveri ab aliqua substantia spirituali ad aliquem effectum spiritua- lem inducendum; sicut & in ipsa voce sensibili est quædam vis spiritualis ad excitandum intellectum hominis, inquantum procedit a conceptione mentis. Et hoc modo vis spiritualis est in sacramen- tis, inquantum ordinantur a Deo ad effectum spirituale.

Ad secundum dicendum, quod sicut mortuus, eo quod est actus imperfectus, non proprie est in aliquo genere, sed reducitur ad genus actus perfecti, sicut alteratio ad qualitatē; ita virtus instrumentalis non est, proprie loquendo, in aliquo genere, sed reducitur ad genus, & speciem virtutis perfectæ.

Ad tertium dicendum, quod sicut virtus instrumentalis acquiritur instrumento ex hoc ipso quod movetur ab agente principali; ita & sacramentum consequitur instrumentalem virtutem ex benedictione Christi, & applicatione ministrum ad usum sacramenti. Unde Augustinus dicit in quadam sermone de Epiphania: *Nec mirum, quod aquam, hoc est substantiam corporalem, ad purificandam animam dicimus pervenire. Pervenit plane, & penetrat conscientie universa latibilia: quævis enim fit subtilis, & tenuis; benedictione tamen Christi facta subtilior, occulta vitæ causas, ac secreta mentis subtiliora pertranst.*

Ad quartum dicendum, quod sicut eadem vis principalis agentis instrumentaliter invenitur in omnibus instrumentis ordinatis ad effectum, prout sunt quodam ordine unum, ita etiam eadem vis sacramentalis invenitur in verbis, & rebus, prout ex verbis, & rebus perficitur unum sacramentum.

## ARTICULUS V. 342

*Utrum sacramenta novæ legis habeant virtutem ex passione Christi.*

*Inf. quæst. lxxiv. art. 2. & IV. dist. 1. quæst. 1. art. 4. quæst. 3. & dist. v. quæst. 11. art. 2. quæst. 1.*

**A**D quintum sic proceditur. Videtur quod sacramenta novæ legis non habeant virtutem ex passione Christi. Virtus enim sacramentorum est ad gratiam causandam in anima, per quam spiritaliter vivit. Sed, sicut Augustinus dicit super Ioan. (traç. xix. a med.) *Verbum, prout erat in principio apud Deum, vivificat animas; secundum autem quod est caro factum, vivificat corpora.* Cum igitur passio Christi pertineat ad Verbum, secundum quod est caro factum, videtur quod non possit causare virtutem sacramentorum.

2. Præterea. Virtus sacramentorum videtur ex fide dependere: quia, sicut dicit Augustinus super Ioan. (traç. lxxx. a med.) *S. Th. Op. Tom. XXIV.*

Verbum Dei perficit sacramentum, non quia dicitur, sed quia creditur. Sed fides nostra non solum respicit passionem Christi, sed etiam alia mysteria humanitatis ipsius, & principaliter etiam Divinitatem eius. Ergo videtur quod sacramenta non habeant specialiter virtutem a passione Christi.

3. Præterea. Sacramenta ordinantur ad hominum iustificationem, secundum illud I. ad Corinth. vi. 11. *Abstiñistis, & iustificati estis.* Sed iustificatio attribuitur resurrectioni, secundum illud Rom. iv. 25. *Resurrexit propter iustificationem nostram.* Ergo videtur quod sacramenta magis habeant virtutem a resurrectione Christi quam ab eius passione.

Sed contra est quod super illud Rom. v. *In similitudinem prævaricationis Adæ* &c. dicit Glossa (ordin.) „Ex latere „Christi dormientis in cruce fluxerunt „sacramenta“, per quæ salvata est Ecclesia.“ Sic ergo sacramenta videntur habere virtutem ex passione Christi.

Respondeo dicendum, quod, sicut dictum est (art. 1. h. quæst.) sacramentum operatur ad gratiam causandam per modum instrumenti. Est autem duplex instrumentum: unum quidem separatum, ut baculus; aliud autem coniunctum, ut manus. Per instrumentum autem coniunctum movetur instrumentum separatum, sicut baculus per manum. Principalis autem causa efficiens gratiæ est ipse Deus, ad quem comparatur humanitas Christi sicut instrumentum coniunctum, sacramentum autem sicut instrumentum separatum. Et ideo oportet quod virtus salutifera a Divinitate Christi per eius humanitatem in ipso sacramentis derivetur. Gratia autem sacramentalis ad duo præcipue ordinari videtur; videlicet ad tollendos defectus præteritorum peccatorum, in quantum transeunt actus, & remanent reatu; & iterum ad perficiendam animam in his quæ pertinent ad cultum Dei secundum religionem vite christianæ. Manifestum est autem ex his quæ supra dicta sunt (quæst. xlviii. & xlix.) quod Christus liberavit nos a peccatis nostris præcipue per suam passionem, non solum efficienter, & merito, sed etiam satisfactorie. Similiter etiam per suam passionem iniciavit ritum christianæ religionis, *offertens seipsum oblationem, & hostiam Deo*, ut dicitur Ephes. v. Unde manifestum est quod sacramenta Ecclesiæ specialiter habent virtutem ex passione Christi, cuius virtus

quodammodo nobis copulatur per susceptionem sacramentorum: in cuius signum de latere Christi pendens in cruce fluxerunt aqua, & sanguis; quorum unum pertinet ad baptismum, aliud ad Eucharistiam, quæ sunt potissima sacramenta.

Ad primum ergo dicendum, quod *Verbum, prout erat in principio apud Deum, vivificat animas*, sicut agens principale; caro tamen eius, & mytheria in ea prepetrata operantur instrumentaliter ad animæ vitam, ad vitam autem corporis non solum instrumentaliter, sed etiam per quamdam exemplaritatem, ut supra dictum est (quæst. lvi. art. 1. ad 3.)

Ad secundum dicendum, quod per fidem Christus habitat in nobis, ut dicitur Ephes. iii. Et ideo virtus Christi copulatur nobis per fidem. Virtus autem remissiva peccatorum speciali quodam modo pertinet ad passionem ipsius Christi. Et ideo per fidem passionis eius specialiter homines liberantur a peccatis, secundum illud Rom. iii. 25. *Quem proposuit Deus propitiatorem per fidem in sanguine ipsius*. Et ideo virtus sacramentorum, quæ ordinatur ad tollenda peccata, præcipue est ex fide passionis Christi.

Ad tertium dicendum, quod iustificatio attribuitur resurrectioni ratione termini *ad quem*, qui est novitas vitæ per gratiam; attribuitur tamen passioni ratione termini *a quo*, scilicet quantum ad dimissionem culpæ.

## ARTICULUS VI. 343

*Utrum sacramenta veteris legis gratiam causarent.*

1. 2. quæst. ciii. art. 2. & quæst. cvii. art. 1. ad 3. & iv. dist. 1. quæst. 1. art. 5. quæst. 1.

**A**D sextum sic proceditur. Videtur quod etiam sacramenta veteris legis gratiam causarent. Quia, sicut dictum est (art. præc.) sacramenta novæ legis habent efficaciam ex fide passionis Christi. Sed fides passionis Christi fuit in veteri lege, sicut & in nova: habemus enim eundem spiritum fidei, ut habetur II. ad Corinth. iv. 13. Sicut ergo sacramenta novæ legis conferunt gratiam, ita etiam sacramenta veteris legis gratiam conferebant.

2. Præterea. Sanctificatio non fit nisi per gratiam. Sed per sacramenta veteris legis homines sanctificabantur: dicitur enim Levit. viii. 31. *Cumque sanctificasset Moyses Aaron, & filios eius in vestitu suo* &c. Ergo videtur quod sacramenta veteris legis gratiam conferebant.

3. Præterea. Sicut Beda dicit in homilia circumcisionis (inter princ. & med. & est inter hom. hiem. de SS.) *idem salutaris eurationis auxilium circumciso in lege contra originalis peccati vulnus agebat, quod baptismus agere revelate tempore gratiæ consuevit*. Sed baptismus nunc confert gratiam. Ergo circumcisio gratiam conferebat, & pari ratione alia sacramenta legalia: quia sicut baptismus est ianua sacramentorum novæ legis, ita & circumcisio erat ianua sacramentorum veteris legis: propter quod & Apostolus dicit Galat. v. 3. *Testificor omni homini circumcidenti se, quoniam debitor est universæ legis faciendæ*.

Sed contra est quod Gal. iv. 9. dicitur: *Convertimini iterum ad infirmam, & egenam elementa*: Glossa (ordin.) idest, ad legem, quæ dicitur infirma, quia perfecte non iustificat. Sed gratia perfecte iustificat. Ergo sacramenta veteris legis gratiam non conferebant.

Respondetur dicendum, quod non potest dici, quod sacramenta veteris legis conferrent gratiam iustificantem per seipsa, idest propria virtute: quia sic non fuisset necessaria passio Christi, secundum illud Galat. iii. 21. (a) *Si ex lege est iustitia, Christus gratis mortuus est*. Sed nec potest dici, quod ex passione Christi virtutem haberent conferendi gratiam iustificandi. Sicut enim ex prædictis patet (art. præc.) virtus passionis Christi copulatur nobis per fidem, & sacramenta; differenter tamen: nam continuatio quæ est per fidem, fit per actum animæ; continuatio autem quæ est per sacramenta, fit per usum exteriorum rerum. Nihil autem prohibet id quod est posterius tempore, antequam sit, movere, secundum quod præcedit in actu animæ; sicut finis, qui est posterior tempore, movet agentem, secundum quod est apprehensus, & desideratus ab ipso; sed illud quod nondum est in rerum natura, non movet secundum usum exteriorum rerum: unde causa efficiens non potest esse posterior in esse ordine durationis, sicut causa finalis. Sic ergo manifestum est quod a passione Christi, quæ est causa

(a) Vulgata si enim per legem iustitia, ergo &c.

sa humanæ iustificationis, (a) convenienter derivatur virtus iustificativa ad sacramenta novæ legis, non autem ad sacramenta veteris legis. Et tamen per fidem passionis Christi iustificabantur antiqui patres, sicut & nos. Sacramenta autem veteris legis erant quædam illius fidei protestationes, in quantum significabant passionem Christi, & effectus eius. Sic ergo patet quod sacramenta veteris legis non habebant in se aliquam virtutem qua operarentur ad conferendam gratiam iustificanti; sed solum significabant fidem, per quam iustificabantur.

Ad primum ergo dicendum, quod antiqui patres habebant fidem de passione Christi futura, quæ secundum quod erat in apprehensione animæ, poterat iustificare; sed nos habemus fidem de passione Christi præcedenti, quæ potest iustificare etiam secundum realem ulum sacramentalium rerum, ut dictum est (in corp. art.)

Ad secundum dicendum, quod illa sanctificatio erat figurativa: per hoc enim sanctificari dicebantur quod applicabantur cultui divino secundum ritum veteris legis, qui totus ordinabatur ad figurandum passionem Christi.

Ad tertium dicendum, quod de circumcisione multiplex fuit opinio.

Quidam enim dixerunt, quod per circumcisionem non conferebatur gratia, sed solum auferebatur peccatum. Sed hoc non potest esse: quia homo non iustificatur a peccato nisi per gratiam, secundum illud Rom. 11. 24. *Iustificati gratis per gratiam irrisus.*

Et ideo alii dixerunt, quod per circumcisionem conferebatur gratia quantum ad effectus remotos culpæ, sed non quantum ad effectus positivos gratiæ. Sed hoc etiam videtur esse falsum: quia per circumcisionem dabatur pueris facilitas perveniendi ad gloriam, quæ est ultimus effectus positivus gratiæ: & propterea, secundum ordinem causæ formalis, priores sunt naturaliter effectus positivi quam privati; licet secundum ordinem causæ materialis sit e converso: forma enim non excludit privationem, nisi informando subiectum.

Et ideo alii dicunt, quod circumcisio conferebat gratiam etiam quantum ad aliquem effectum positivum, qui est facere dignum vita æterna; non tamen quantum ad hoc quod est reprimere concupiscentiam impellentem ad peccandum:

quod & aliquando mihi visum est (IV. dist. 1. quæst. 11. art. 4. quæst. 3.)

Sed diligentius consideranti apparet, hoc etiam non esse verum: quia minima gratia potest resistere cuilibet concupiscentiæ, & mereri vitam æternam.

Et ideo melius dicendum videtur, quod circumcisio, sicut & alia sacramenta veteris legis, erat solum signum fidei iustificantis. Unde Apostolus dicit Rom. 11. 11. quod Abraham accepit signum circumcisionis, signaculum iustitiæ fidei. Et ideo in circumcissione conferebatur gratia, in quantum erat signum passionis Christi futuræ, ut infra patebit (quæst. lxx. art. 4.)

## QUAESTIO LXIII.

*De effectu sacramentorum, qui est character,*

*in sex articulos divisa.*

**D**Einde considerandum est de alio effectu sacramentorum, qui est character: & circa hoc quaeruntur sex.

Primo, utrum ex sacramentis causetur character aliquis in anima.

Secundo, quid sit ille character.

Tertio, cuius sit character.

Quarto, in quo sit sicut in subiecto.

Quinto, utrum insit indelebiter.

Sexto, utrum omnia sacramenta imprimant characterem.

## ARTICULUS I. 344

*Utrum sacramentum imprimat aliquem characterem in anima.*

*IV. dist. IV. quæst. 1. art. 4. quæst. 1.*

**A**D primum sic proceditur. Videtur quod sacramentum non imprimat aliquem characterem in anima. Character enim significare videtur quoddam signum distinctivum. Sed distinctio membrorum Christi ab aliis fit per æternam prædestinationem, quæ non ponit aliquid in prædestinato, sed solum in Deo prædestinante, ut in prima parte habitum est (quæst. xxiii. art. 2.) dicitur enim II. Timoth. 11. 19. *Firmus fundamentum Dei stat, habens signaculum hoc: Noverit Dominus, qui sunt eius.* Ergo sacramenta non imprimunt characterem in anima.

2. Præterea. Character signum est distinctivum

(a) A quo melius nota est, editi fecerunt, Alii consequenter.

stinctivum. Signum autem, ut Augustinus dicit in II. de doctrina christi. (cir. princ.) est quod *præter speciem quam ingerit sensibus, facit aliquid aliud in cognitionem tenere*. Nihil autem est in anima quod aliquam speciem sensibus ingerat. Ergo videtur quod in anima non imprimatur aliquis character per sacramenta.

3. Præterea. Sicut per sacramenta novæ legis distinguitur fidelis ab infideli, ita etiam per sacramenta veteris legis. Sed sacramenta veteris legis non imprimebant aliquem characterem in anima: unde & dicuntur *infractæ carnis*, secundum Apostolum ad Hebr. ix. Ergo videtur quod neque sacramenta novæ legis imprimunt characterem.

Sed contra est quod Apostolus dicit II. ad Corinth. i. 21. *Qui unxit nos, Deus est, & qui signavit nos, & dedit pignus Spiritus in cordibus nostris*. Sed nihil aliud importat character quam quandam signationem. Ergo videtur quod Deus per sacramenta nobis suum characterem imprimat.

Respondeo dicendum, quod, sicut ex prædictis patet (quæst. præc. art. 1. & 5.) sacramenta novæ legis ad duo ordinantur, videlicet ad remedium contra peccata, & ad petiendum animam in his quæ pertinent ad cultum Dei secundum ritum christianæ vitæ. Quicumque autem ad aliquid certum deputatur, consuevit ad illud consignari; sicut milites, qui adscribebantur ad militiam antiquitus, solebant quibusdam characteribus corporalibus insigniri, eo quod deputabantur ad aliquid corporale. Et ideo cum homines per sacramenta deputentur ad aliquid spirituale pertinens ad cultum Dei, consequens est quod per ea fideles aliquo spirituali characterē insigniantur. Unde Augustinus dicit in II. contra Parmenium (cap. xlii. a med.) *Si militis characterem in corpore suo non militans pavidus exhorruit, & ad elementum imperatoris confugit, ac præce sua, & imperata iam venia, militare cepit; namquid, homine liberato, atque correcto character ille reprobatur, ac non fortis agnitus approbatur? An forte minus berent sacramenta christiana quam corporalis hæc nota?*

Ad primum ergo dicendum, quod fideles Christi ad premium quidem futuræ gloriæ deputantur signaculo prædestinationis divinæ; sed ad actus convenientes prædicti Ecclesiæ deputantur quodam

spirituali signaculo eis insignito, quod character nuncupatur.

Ad secundum dicendum, quod character animæ impressus habet rationem signi, inquantum per sensibile sacramentum imprimitur: per hoc enim scitur aliquis esse baptizatus characterē insignitus quod est ablatus aqua sensibili. Nihilominus tamen character, vel signaculum dici potest per quandam similitudinem omne quod configurat alicui, vel distinguit ab alio etiam si non sit sensibile; sicut Christus dicitur *figura*, vel *character paterne substantiæ*, secundum Apostolum Hebr. i.

Ad tertium dicendum, quod, sicut supra dictum est (quæst. præc. art. 6.) sacramenta veteris legis non habebant in se spirituales virtutes ad aliquem spirituales effectus operandum; & ideo in illis sacramentis non requirebatur aliquis spiritualis character; sed sufficiebat ibi corporalis circumcisio, quam Apostolus signaculum nominat Rom. iv.

## ARTICULUS II. 345

*Utrum character sit spiritualis potestas.*

IV. dist. iv. quæst. 1. art. 1.

AD secundum sic proceditur. Videtur quod character non sit spiritualis potestas. Character enim idem videtur esse quod figura: unde Hebr. i. 3. ubi dicitur, *Figura substantiæ eius*, in Græco habetur loco figuræ *character*. Sed figura est in quarta specie qualitatis; & ita distat a potestate, quæ est in secunda specie qualitatis. Character ergo non est spiritualis potestas.

2. Præterea. Dionysius dicit ii. cap. ecclesiæ Hierar. (a med.) quod *divina beatitudo accedentem ad baptismum in sui participationem recipit, & proprio suo lumine quasi quodam signo ipsi tradit suam participationem*; & sic videtur quod character sit quoddam lumen. Sed lumen ad tertiam speciem qualitatis videtur pertinere. Non ergo character est potestas, quæ videtur ad secundam speciem qualitatis pertinere.

3. Præterea. A quibusdam character se debnitur: *Character est signum sanctum communionis fidei, & sanctæ ordinationis datum a Hierar. ba.* Signum autem est in genere relationis, non autem in genere potestatis. Non ergo character est spiritualis potestas.

4. Præterea. Potestas habet rationem causæ, & principii, ut patet V. Metaph. (tex. 17.) Sed signum, quod ponitur in definitione characteris, magis pertinet ad rationem effectus. Character ergo non est spiritualis potestas.

Sed contra est quod Philosophus dicit in II. Ethic. (cap. v. in princ.) *Tria sunt in anima, potentia, habitus, & passio*. Sed character non est passio: quia passio cito transit; character autem indelebilis est, ut infra dicitur (art. 5. huius quæst.) Similiter etiam non est habitus: quia nullus habitus est qui se possit ad bene, & male habere; character autem ad utrumque se habet, utitur enim eo quidam bene, alii vero male: quod in habitibus non contingit, nam habitus virtutis nullus utitur male, & habitu malitiæ nullus bene. Ergo relinquitur quod character sit potentia.

Respondeo dicendum, quod, sicut dictum est (art. præc.) sacramenta novæ legis characterem imprimunt, in quantum per ea deputantur homines ad cultum Dei, secundum ritum christianæ religionis. Unde Dionysius in II. cap. ecclesiæ Hierarch. (a med.) cum dixisset, quod *Deus in quodam signo tradidit sui participationem accedenti ad baptismum*, subiungit: *Perficiens eum divinum, & communicatorem divinum*. Divinus autem cultus consistit vel in recipiendo aliqua divina, vel in tradendo aliis. Ad utrumque autem horum requiritur quædam potentia: nam ad tradendum aliquid aliis requiritur quædam potentia activa; ad accipiendum autem requiritur potentia passiva. Et ideo character importat quædam potentiam spirituales ordinatam ad ea quæ sunt divini cultus. Sciendum tamen, quod hæc spiritualis potentia est instrumentalis, sicut etiam supra (quæst. præc. art. 4.) dictum est de virtute, quæ est in sacramentis. Habere enim sacramenti characterem competit ministris Dei: minister autem habet se per modum instrumenti, ut Philosophus dicit in I. Politic. (cap. XII. a princ.) Et ideo sicut virtus quæ est in sacramentis, non est in genere per se, sed per reductionem, eo quod est quiddam fluens, & incompletum; ita etiam character non proprie est in genere, vel specie, sed reducitur ad secundam speciem qualitatatis.

Ad primum ergo dicendum, quod figura est quædam terminatio quantitatis: unde, proprie loquendo, non est nisi in  
S. Tb. Oper. Tom. XXIV.

rebus corporeis; in spiritualibus autem dicitur metaphoricè. Non autem ponitur aliquid in genere, vel specie, nisi per id quod de eo proprie prædicatur. Et ideo character non potest esse in quarta specie qualitatatis; licet hoc quidam posuerint.

Ad secundum dicendum, quod in tertia specie qualitatatis non sunt nisi sensibiles passionis, vel sensibiles qualitates. Character autem non est lumen sensibile: & ideo non est in tertia specie qualitatatis, ut quidam dixerunt.

Ad tertium dicendum, quod relatio, quæ importatur in nomine signi, oportet quod supra aliquid fundetur. Relatio autem huius signi, quod est character, non potest fundari immediate super essentiam animæ, quia sic conveniret omni animæ naturaliter. Et ideo oportet aliquid poni in anima, super quod fundetur talis relatio: & hoc est essentia characteris: unde non oportebit quod sit in genere relationis, sicut quidam posuerunt.

Ad quartum dicendum, quod character habet rationem signi per comparisonem ad sacramentum sensibile, a quo imprimitur; sed secundum se consideratus habet rationem principii per modum dictum (in corp. art.)

### ARTICULUS III. 346

*Utrum character sacramentalis sit character Christi.*

*IV. dist. IV. quæst. I. art. 2. & art. 3. quæst. 5.*

Ad tertium sic proceditur. Videtur quod character sacramentalis non sit character Christi. Dicitur enim Ephes. IV. 30. *Nolite contristare Spiritum sanctum Dei, in quo signati estis*. Sed consignatio importatur in nomine characteris. Ergo character sacramentalis magis debet attribui Spiritui sancto quam Christo.

2. Præterea. Character habet rationem signi. Est autem signum gratiæ, quæ per sacramentum confertur; gratia autem infunditur animæ a tota Trinitate: unde dicitur in Psal. LXXXIII. 12. *Gratiam, & gloriam dabit Dominus*. Ergo videtur quod character sacramentalis non debeat specialiter attribui Christo.

3. Præterea. Ad hoc aliquis character  
B b 3



Aerem accipit, ut eo a ceteris distinguatur. Sed distinctio sanctorum ab aliis fit per caritatem, quæ sola distinguit inter filios regni, & filios perditionis, ut Augustinus dicit XV. de Trinit. (cap. xviii.) unde & perditionis filii characterem bestiarum habere dicuntur, ut patet Apoc. xiii. Caritas autem non attribuitur Christo, sed magis Spiritui sancto, secundum illud Rom. v. 5. *Caritas Dei diffusa est in cordibus nostris per Spiritum sanctum, qui datus est nobis*: vel etiam Patri, secundum illud II. ad Corinth. ult. 13. *Gratia Domini nostri Iesu Christi, & caritas Dei*. Ergo videtur quod character sacramentalis non sit attribuendus Christo.

Sed contra est quod quidam sic definiunt characterem: *Character est distinctio a characteribus æternis impressa anime rationali secundum imaginem, consignans trinitatem creatam Trinitati creati, & recreanti, & distinguens a non configuratis secundum statum fidei*. Sed character æternus est ipse Christus, secundum illud Hebr. 1. 3. *Qui cum sit splendor gloria, & figura (vel character) substantiæ eius*. Ergo videtur quod character sit proprie attribuendus Christo.

Respondeo dicendum, quod, sicut ex supradictis patet (art. 1. hu. quæst.) character proprie est signaculum quoddam, quo aliqui insignitur, ut ordinatum in aliquem finem; sicut character insignitur denarius ad usum commutationum; & milites characterem insigniuntur, quasi ad militiam deputati. Homo autem fidelis ad duo deputatur. Primo quidem, & principaliter ad fruitionem gloriæ: & ad hoc insignitur signaculo gratiæ, secundum illud Ezech. ix. 4. *Signa Thau super frontes virorum gementium, & dolentium*: & Apocal. vii. 3. *Nolite nocere terræ, & mari, neque arboribus, quoadusque signemus servos Dei nostri in frontibus eorum*. Secundo autem deputatur quisque fidelis ad recipiendum, vel tradendum alii ea quæ pertinent ad cultum Dei: & ad hoc proprie deputatur character sacramentalis. Totus autem ritus christiane religionis derivatur a sacerdotio Christi.

Et ideo manifestum est quod character sacramentalis specialiter est character Christi, cuius sacerdotio configurantur fideles secundum sacramentales characteres, qui nihil aliud sunt quam quædam participationes sacerdotii Christi ab ipso Christo derivatæ.

Ad primum ergo dicendum, quod A-

postolus ibi loquitur de consignatione, secundum quam aliquis deputatur ad futuram gloriam, quæ fit per gratiam; & Spiritui sancto attribuitur, in quantum ex amore procedit quod Deus nobis aliquid gratis largiatur, quod ad rationem gratiæ pertinet. Spiritus autem sanctus amor est: unde & I. ad Corinth. xii. 4. dicitur: *Divisiones gratiarum sunt, idem autem Spiritus*.

Ad secundum dicendum, quod character sacramentalis est res respectu sacramenti exterioris, & est sacramentum respectu ultimi effectus. Et ideo dupliciter potest aliquid characteri attribui. Uno modo secundum rationem sacramenti: & hoc modo est signum invisibilis gratiæ, quæ in sacramento confertur. Alio modo secundum propriam rationem characteris: & hoc modo est signum configurativum alicui principali, apud quem residet auctoritas eius ad quod aliquis deputatur; sicut milites, qui deputantur ad pugnam, insiguntur signo ducis, quo quodammodo ei configurantur. Et hoc modo illi qui deputantur ad cultum christianum, cuius auctor est Christus, characterem accipiunt, quo Christo configurantur: unde proprie est character Christi.

Ad tertium dicendum, quod character distinguitur aliquis ab alio per comparisonem ad aliquem finem, in quem ordinatur qui characterem accipit, sicut dictum est (art. 1. hu. quæst.) de characterem militari, quo in ordine ad pugnam distinguitur miles Regis a milite hostis. Et similiter character fidelium est quo distinguuntur fideles Christi a servis diaboli vel in ordine ad vitam æternam, vel in ordine ad cultum præsentis Ecclesiæ: quorum primum fit per caritatem, & gratiam, ut obiecto procedit; secundum autem fit per characterem sacramentalem. Unde & character bestiarum intelligi potest per oppositum vel obstinata malitia, qua aliqui deputantur ad penam æternam, vel prolesio illiciti cultus.

ARTICULUS IV. 347

*Utrum character sit in potentis animæ sicut in subiecto.*

IV. dist. IV. quæst. III. art. 1. corp. & art. 3. quæst. 3.

**A**D quantum sic proceditur. Videtur quod character non sit in potentis animæ sicut in subiecto. Character enim dicitur esse dispositio ad gratiam. Sed gratia est in essentia animæ sicut in subiecto, ut in secunda parte dictum est (1. 2. quæst. cxxx. art. 4.) Ergo videtur quod character sit in essentia animæ, non autem in potentia.

2. Præterea. Potentia animæ non videtur esse subiectum alicuius, nisi habitus, vel dispositionis. Sed character, ut dictum est (art. 2. hu. qu.) non est habitus, vel dispositio, sed magis potentia, cuius subiectum non est nisi essentia animæ. Ergo videtur quod character non sit, sicut in subiecto, in potentia animæ, sed magis in essentia ipsius.

3. Præterea. Potentia animæ rationalis distinguuntur per cognitivas, & appetitivas. Sed non potest dici, quod character sit tantum in potentia cognitiva, neque etiam tantum in potentia appetitiva, quia non ordinatur neque ad cognoscendum tantum, neque ad appetendum: similiter etiam non potest dici, quod sit in utraque, quia idem accidens non potest esse in diversis subiectis. Ergo videtur quod character non sit in potentia animæ sicut in subiecto, sed magis in essentia.

Sed contra est quod, sicut in præmissa definitione characteris continetur (art. præc.) character imprimitur animæ rationali secundum imaginem. Sed imago Trinitatis in anima attenditur secundum potentias. Ergo character in potentis animæ existit.

Respondendo dicendum, quod, sicut dictum est (art. præc.) character est quoddam signaculum, quo anima insignitur ad suscipiendum, vel aliis tradendum ea quæ sunt divini cultus. Dominus autem cultus in quibusdam actibus consistit. Ad actus autem proprie ordinantur potentia animæ, sicut essentia ordinatur ad esse. Et ideo character non est sicut in subiecto in essentia animæ, sed in eius potentia.

Ad primum ergo dicendum, quod sub-

iectum alicui accidenti attribuitur secundum rationem eius, ad quod propinque disponit, non autem secundum rationem eius ad quod disponit remote, vel indirecte. Character autem directe quidem, & propinque disponit animam ad ea quæ sunt divini cultus, exequenda. Et quia hæc idonee non sunt sine auxilio gratiæ, quia, ut dicitur Ioan. IV. 24. *eos qui adorant Deum, in spiritu, & veritate adorare oportet*; ex consequenti divina largitas recipientibus characteres largitur gratiam, per quam digne impleant ea ad quæ deputantur. Et ideo characteri magis est attribuendum subiectum secundum rationem actuum ad divinum cultum pertinentium quam secundum rationem gratiæ.

Ad secundum dicendum, quod essentia animæ est subiectum potentia naturalis, quæ ex principiis essentia procedit. Talis autem potentia non est character, sed est quædam spiritalis potentia ab extrinseco adveniens. Unde sicut essentia animæ, per quam est naturalis vita hominis, pericitur per gratiam, quam anima spiritaliter vivit; ita potentia naturalis animæ pericitur per spiritualement potentiam, quæ est character. Habitus enim, & dispositio pertinent ad potentiam animæ, eo quod ordinantur ad actus, quorum potentia sunt principia. Et eadem ratione omne quod ad actum ordinatur, est potentia tribuendum.

Ad tertium dicendum, quod, sicut dictum est (in corp.) character ordinatur ad ea quæ sunt divini cultus; qui quidem est quædam fidei protestatio per exteriora signa. Et ideo oportet quod character sit in cognitiva potentia animæ, in qua est fides.

ARTICULUS V. 348

*Utrum character infus animæ indelebiter.*

IV. dist. IV. quæst. 1. art. 3. quæst. 4. & Rom. VII.

**A**D quantum sic proceditur. Videtur quod character non infus animæ indelebiter. Quanto enim aliquod accidens est perfectius, tanto firmitus inheret. Sed gratia est perfectior quam character, quia character ordinatur ad gratiam, sicut ad ulteriorem finem; gratia autem amittitur per peccatum. Ergo multo magis character.

B b 4

2. Præ-

2. Præterea. Per characterem aliquis deputatur divino cultui, sicut dictum est (art. præc. & art. 1. & 2. hu. quæst.) Sed aliqui a cultu divino transeunt ad contrarium cultum per apostasiam a fide. Ergo videtur quod tales amittant characterem sacramentalem.

3. Præterea. Cessante fine, cessare debet etiam id quod est ad finem; alioquin frustra remaneret; sicut post resurrectionem non erit matrimonium, quia cessabit generatio, ad quam ordinatur matrimonium. Cultus autem exterior, ad quem character ordinatur, non remanebit in patria, in qua nihil agitur in figura, sed totum in nuda veritate. Ergo character sacramentalis non manet in perpetuum in anima; & ita non inest indelebiliter.

Sed contra est quod Augustinus dicit II. contra Parmenianum (cap. xiii. a med.) *Non minus herent sacramenta christiana, quam corporalis nota militie.* Sed character militaris non repetitur, sed agnitio approbatur in eo qui veniam meretur ab Imperatore post culpam. Ergo nec character sacramentalis deleri potest.

Respondeo dicendum, quod, sicut dictum est (art. 3. hu. qu.) character sacramentalis est quædam participatio sacerdotii Christi in fidelibus eius; ut scilicet sicut Christus habet plenam spirituales sacerdotii potestatem, ita fideles eius ei configurentur in hoc quod participant aliquam spirituales potestatem respectu sacramentorum, & eorum quæ pertinent ad divinum cultum. Et propter hoc etiam Christo non competit habere characterem; sed potestas sacerdotii eius comparatur ad characterem, sicut id quod est plenum, & perfectum, ad aliquam sui participationem. Sacerdotium autem Christi est æternum, secundum illud Psal. cix. 4. *Tu es sacerdos in æternum secundum ordinem Melchisedech.* Et inde est quod omnis sanctificatio quæ fit per sacerdotium eius, est perpetua, re consecrata manente. Quod patet etiam in rebus inanimatis: nam Ecclesiæ, vel altaris manet consecratio semper, nisi destruat. Cum igitur anima sit subiectum characteris secundum intellectivam partem, in qua est fides, ut dictum est (art. præc. ad 3.) manifestum est quod sicut intellectus perpetuus est, & incorruptibilis; ita character indelebiliter manet in anima.

Ad primum ergo dicendum, quod a-

liter est in anima gratia, & aliter character. Nam gratia est in anima sicut quædam forma habens esse completum in ea; character autem est in anima, sicut quædam virtus instrumentalis, ut supra dictum est (art. 2. hu. quæst.) Forma autem completa est in subiecto secundum conditionem subiecti. Et quia anima est mutabilis secundum liberum arbitrium, quamvis est in statu viæ, consequens est quod gratia inest animæ mutabiliter. Sed virtus instrumentalis magis attenditur secundum conditionem principalis agentis: & ideo character indelebiliter inest animæ, non propter sui perfectionem, sed propter perfectionem sacerdotii Christi, a quo derivatur character, sicut quædam instrumentalis virtus.

Ad secundum dicendum, quod, sicut Augustinus dicit (Lib. I. de baptis. cont. Donatist. cir. princ. Lib.) *nec ipsos apostatas videmus cavere baptismate, quibus usque per penitentiam redeuntibus non restituitur; Et ideo amitti non posse iudicatur.* Et huius ratio est, quia character est virtus instrumentalis, ut dictum est (in solut. præc.) Ratio autem instrumenti consistit in hoc quod ab alio moveatur, non autem in hoc quod ipsum se moveat, quod pertinet ad voluntatem. Et ideo quantumcumque voluntas moveatur in contrarium, character non removetur, propter immobilitatem principalis moventis.

Ad tertium dicendum, quod quamvis post hanc vitam non remaneat exterior cultus, remanet tamen finis illius cultus. Et ideo post hanc vitam remanet character & in bonis ad eorum gloriam, & in malis ad eorum ignominiam; sicut etiam militaris character remanet in militibus post adeptam victoriam, & in his qui vicerunt, ad gloriam, & in his qui sunt victi, ad poenam.

## ARTICULUS VI. 349

*Utrum per omnia sacramenta novæ legis imprimatur character.*

*Inf. quæst. lxxii. art. 5. & IV. dist. IV. quæst. 1. art. 4. quæst. 2. & 3. & quæst. III. art. 2. quæst. 3. & dist. VII. quæst. II. art. 1. quæst. 1. & quæst. III. art. 3. quæst. 3. & dist. XXIII. quæst. 1. art. 1. quæst. 3.*

**A**D sextum sic proceditur. Videtur quod per omnia sacramenta novæ legis imprimatur character. Per omnia enim sacramenta novæ legis fit aliquis particeps sacerdotii Christi. Sed character sacramentalis nihil est aliud quam participatio sacerdotii Christi, ut dictum est (art. præc.) Ergo videtur quod per omnia sacramenta novæ legis imprimatur character.

2. Præterea. Character se habet ad animam, in qua est, sicut consecratio ad res consecratas. Sed per quodlibet sacramentum novæ legis homo recipit gratiam sanctificantem, ut supra dictum est (quæst. præc. art. 1.) Ergo videtur quod per quodlibet sacramentum novæ legis imprimatur character.

3. Præterea. Character est res, & sacramentum. In quolibet autem sacramento novæ legis est aliquid quod est restantum, & aliquid quod est sacramentum tantum, & aliquid quod est res, & sacramentum. Ergo per quodlibet sacramentum novæ legis imprimatur character.

Sed contra est quod sacramenta, in quibus imprimitur character, non reitentur, eo quod character est indelebilis, ut dictum est (art. præc.) Quædam autem sacramenta iterantur, sicut patet de poenitentia, & matrimonio. Ergo non omnia sacramenta imprimunt characterem.

Respondeo dicendum, quod, sicut supra dictum est (quæst. lxxi. art. 1. & 5.) sacramenta novæ legis ad duo ordinantur, scilicet in remedium peccati, & ad cultum divinum. Est autem omnibus sacramentis commune quod per ea exhibetur aliquod remedium contra peccatum, per hoc quod gratiam conferunt. Non autem omnia sacramenta ordinantur directe ad divinum cultum; sicut patet de poenitentia, per quam homo liberatur a peccato; non autem per hoc sacramentum exhibetur homini aliquid de novo

pertinens ad divinum cultum, sed restituitur in statum pristinum. Pertinet autem aliquod sacramentum ad divinum cultum tripliciter: uno modo per modum ipsius actionis; alio modo per modum agentis; tertio modo per modum recipientis. Per modum quidem ipsius actionis pertinet ad divinum cultum Eucharistia, in qua principaliter divinus cultus consistit, inquantum est Ecclesiæ sacrificium: & per hoc idem sacramentum non imprimitur homini character: quia per hoc sacramentum non ordinatur homo ad aliquid aliud ulterius agendum, vel recipiendum in sacramentis, cum potius sit *finis, & consummatio omnium sacramentorum*, ut Dionysius dicit III. cap. eccl. Hierarch. (in princ.) continet tamen in se ipsum Christum, in quo non est character, sed tota sacerdotii plenitudo. Sed ad agentes in sacramentis pertinet sacramentum ordinis: quia per hoc sacramentum deputantur homines ad sacramenta aliis tradenda. Sed ad recipientes pertinet sacramentum baptismi: quia per ipsum homo accipit potestatem recipienti alia Ecclesiæ sacramenta: unde baptismus dicitur esse janua omnium sacramentorum. Ad idem etiam ordinatur quodammodo confirmatio, ut infra suo loco dicitur (quæst. lxxii. art. 7.) Et ideo per hæc tria sacramenta character imprimitur, scilicet per baptismum, confirmationem, & ordinem.

Ad primum ergo dicendum, quod per omnia sacramenta fit homo particeps sacerdotii Christi, utpote percipiens aliquem effectum eius; non tamen per omnia sacramenta aliquis deputatur ad agendum aliquid, vel recipiendum quod pertineat ad cultum sacerdotii Christi: quod quidem exigitur ad hoc quod sacramentum characterem imprimat.

Ad secundum dicendum, quod per omnia sacramenta sanctificatur homo, secundum quod sanctitas importat mundiciam a peccato, quæ fit per gratiam; sed specialiter per quædam sacramenta, quæ characterem imprimunt, homo sanctificatur quadam consecratione, utpote deputatus ad divinum cultum; sicut etiam res inanimatæ sanctificari dicuntur, inquantum divino cultui deputantur.

Ad tertium dicendum, quod licet character sit res, & sacramentum; non tamen oportet, omne id quod est res, & sacramentum, esse characterem. Quid autem sit res, & sacramentum, in aliis sacramentis infra dicitur.

## QUAESTIO LXIV.

De causa sacramentorum,

in decem articulos divisa.

**D**Einde considerandum est de causa sacramentorum sive per auctoritatem, sive per ministerium: & circa hoc quaeruntur decem.

Primo, utrum solus Deus interius operetur in sacramentis.

Secundo, utrum institutio sacramentorum sit solum a Deo.

Tertio de potestate, quam Christus habuit in sacramentis.

Quarto, utrum illam potestatem potuerit aliis communicare.

Quinto, utrum potestas ministerii in sacramentis conveniat malis.

Sexto, utrum mali peccent dispensando sacramenta.

Septimo, utrum Angeli possint esse ministri sacramentorum.

Octavo, utrum intentio ministri requiratur in sacramentis.

Nono, utrum requiratur ibi recta fides, ita scilicet quod infidelis non possit tradere sacramenta.

Decimo, utrum requiratur ibi recta intentio.

## ARTICULUS I. 350

*Utrum solus Deus operetur interius ad effectum sacramenti.*

*Inf. art. 5. & IV. dist. v. quaest. 11. art. 2. quæst. 2.*

**A**D primum sic proceditur. Videtur quod non solus Deus, sed etiam minister interius operetur ad effectum sacramenti. Interior enim sacramenti effectus est ut homo purgetur a peccatis, & illuminetur per gratiam. Sed ad ministros Ecclesiae pertinet purgare, illuminare, & perficere, ut patet per Dionysium in v. cap. eccles. Hierarch. (a princ.) Ergo videtur quod non solus Deus, sed etiam ministri Ecclesiae interius operentur ad sacramenti effectum.

2. Præterea. In collatione sacramentorum quidam orationum suffragia proponuntur. Sed orationes iustorum sunt

magis apud Deum exaudibiles, quam quorumcumque, secundum illud Ioan. ix. 31. *Si quis Dei cultor est, & voluntatem eius facit, hunc Deus exaudit.* Ergo videtur quod maiorem effectum sacramenti consequatur ille qui recipit ipsum a bono ministro. Sic ergo & minister aliquid operatur ad interiolem effectum, & non solus Deus.

3. Præterea. Dignior est homo quam res inanimata. Sed res inanimata aliquid operatur ad interiolem effectum: nam aqua corpus tangit, & cor abluit, ut Augustinus dicit super Ioan. (tract. lxxx. a med.) Ergo homo aliquid operatur ad interiolem effectum sacramenti, & non solus Deus.

Sed contra est quod dicitur Rom. viii. 33. *Deus est qui iustificat.* Cum ergo interior effectus omnium sacramentorum sit iustificatio, videtur quod solus Deus operetur interiolem effectum sacramenti.

Respondeo dicendum, quod operari aliquid effectum contingit dupliciter: uno modo per modum principalis agentis; alio modo per modum instrumenti. Primo igitur modo solus Deus operatur interiolem effectum sacramenti: tum quia solus Deus illabitur animæ, (a) in qua sacramenti effectus existit; non autem potest aliquid immediate operari ubi non est: tum quia gratia, quæ est interior sacramenti effectus, est a solo Deo, ut in secunda parte dictum est (1. 2. quæst. cxii. art. 1.) Character etiam, qui est interior quorundam sacramentorum effectus, est virtus instrumentalis, quæ manat a principali agente, quod est Deus. Secundo autem modo homo potest operari ad interiolem effectum sacramenti, in quantum operatur per modum ministri. Nam eadem ratio est ministri, & instrumenti: utriusque enim actio exterius adhibetur; sed sortitur effectum interiolem ex virtute principalis agentis, quod est Deus.

Ad primum ergo dicendum, quod purgatio, secundum quod attribuitur ministris Ecclesiae, non est a peccato; sed dicuntur diaconi purgare, in quantum vel immundos eiciunt a cætu fidelium, vel eos sacris admonitionibus disponunt ad sacramentorum receptionem. Similiter etiam sacerdotes illuminare dicuntur sacrum populum, non quidem gratiam in-

(a) Ita etiam miss. pluribus aliis passim. Edit. Rom. in qua sacramenti effectus colligitur, ubi non est: hinc quorundam verbo non confessionem deprecatur a Garcia. Cel. Aragon. in qua sacramenti effectus colligitur in nomine autem ecc.

fundendo, sed sacramenta gratiæ tradendo, ut patet per Dionysium ibidem.

Ad secundum dicendum, quod orationes quæ dicuntur in sacramentorum collatione, proponuntur Deo, non ex parte singularis personæ, sed ex parte totius Ecclesiæ, cuius preces sunt apud Deum exaudibiles, secundum illud Matth. XVIII. 19. *Si duo ex vobis consenserint super terram, de omni re quæcumque petierint, fiet illis a Patre meo.* Nihil tamen prohibet quin devotio viri iusti ad hoc aliquid operetur. Illud tamen quod est sacramenti effectus, non impetratur oratione Ecclesiæ, vel ministri, sed ex merito passionis Christi, cuius virtus operatur in sacramentis, ut dictum est (quæst. LXII. art. 5.) Unde effectus sacramenti non datur melior per meliorem ministrum. Aliquid tamen annexum impetrari potest recipienti sacramentum per devotionem ministri; nec tamen minister illud operatur, sed impetrat operandum a Deo.

Ad tertium dicendum, quod res inanimatæ non operantur aliquid ad interio-rem effectum, nisi instrumentaliter, ut dictum est (in cor.) Et similiter homines non operantur ad sacramentorum interio-rem effectum, nisi per modum ministerii, ut dictum est (ibid.)

## ARTICULUS II. 351

*Verum sacramenta sint solum ex institutione divina.*

IV. dist. III. quæst. 1. art. 2. quæst. 2. cor.  
Et dist. V. quæst. 1. art. 1.

Ad secundum sic proceditur. Videtur quod sacramenta non sint solum ex institutione divina. Ea enim quæ sunt divinitus instituta, traduntur nobis in sacra Scriptura. Sed quedam aguntur in sacramentis, de quibus nulla fit mentio in sacra Scriptura; puta de chrismate, quo homines confirmantur, & de oleo, quo sacerdotes inunguntur, & de multis aliis tam verbis, quam factis, quibus utimur in sacramentis. Non ergo sacramenta sunt solum ex institutione divina.

2. Præterea. Sacramenta sunt quedam signa. Res autem sensibiles naturaliter quedam significant; nec tamen potest dici, quod Deus quibuscumque significationibus delectetur, & non aliis, quia ipse omnia quæ fecit, approbat; hoc autem

proprium videtur esse demonum, ut quibuscumque signis ad aliquid alliciantur: dicit enim Augustinus XXI. de civ. Dei (cap. VI. cir. med.) *Illicuntur demonibus ad inhabitandum per creaturas, quas non ipsi, sed Deus condidit delectabiles pro sua diversitate diversis, non ut animalia cibis, sed ut spiritus signis.* Non ergo videtur quod sacramenta indigeant esse ex institutione divina.

3. Præterea. Apostoli vicem Dei gesserunt in terris: unde Apostolus dicit II. ad Cor. XI. 10. *Nam & ego quod donavi, si quid donavi, propter vos in persona Christi,* id est ac si ipse Christus donasset. Sic ergo videtur quod Apostoli, & eorum successores possint nova sacramenta instituire.

Sed contra est quod ille instituit aliquid qui dat ei robur, & virtutem, sicut patet de institutoribus legum. Sed virtus sacramenti est a solo Deo, ut patet ex prædictis (art. præc. & quæst. LXII. art. 1. & 5.) Ergo solus Deus potest instituire sacramentum.

Respondeo dicendum, quod, sicut ex supradictis patet (ibid.) sacramenta instrumentaliter operantur ad spirituales effectus. Instrumentum autem habet virtutem a principali agente. Agens autem respectu sacramenti est duplex, scilicet instituens sacramentum, & utens sacramento instituto, applicando scilicet ipsum ad inducendum effectum. Virtus autem sacramenti non potest esse ab eo qui utitur sacramento, quia non operatur nisi per modum ministerii. Unde requiritur, quod virtus sacramenti sit ab eo qui instituit sacramentum. Cum igitur virtus sacramenti sit a solo Deo, consequens est quod solus Deus sit sacramentorum institutor.

Ad primum ergo dicendum, quod illa quæ aguntur in sacramentis, per homines instituta, non sunt de necessitate sacramenti, sed pertinent ad quamdam solemnitatem, quæ adhibetur sacramentis ad excitandam devotionem, & reverentiam in his qui sacramenta suscipiunt; ea vero quæ sunt de necessitate sacramenti, ab ipso Christo instituta sunt, qui est Deus, & homo. Et licet non sint omnia tradita in Scripturis, habet tamen ea Ecclesia ex familiari Apostolorum traditione, sicut Apostolus dicit I. ad Cor. XI. 34. *Cetera cum venero disponam.*

Ad secundum dicendum, quod res sensibiles aptitudinem quamdam habent ad signi-

significandum spirituales effectus ex sui natura; sed ista aptitudo determinatur ad specialem significationem ex institutione divina. Et hoc est quod Hugo de S. Viſt. (Lib. I. de sacram. p. ix. cap. 11. ante med.) dicit, quod *sacramentum ex institutione significat*. Praeligit tamen Deus quidam res aliis ad significationes sacramentales, non quia ad eas contrahatur eius affectus, sed ut sit convenientior significatio.

Ad tertium dicendum, quod Apostoli, & eorum successores sunt vicarii Dei quantum ad regimen Ecclesie constitutæ per fidem, & fidei sacramenta. Unde sicut non licet eis constituere aliam Ecclesiam; ita non licet eis tradere aliam fidem, neque instituire alia sacramenta: sed per sacramenta, quæ de latere Christi pendunt in cruce fluxerunt, dicitur esse fabricata Ecclesia Christi.

### ARTICULUS III. 352

*Utrum Christus, secundum quod homo, habuerit potestatem operandi interiorum effectuum sacramentorum.*

*Inf. art. 4. co. & IV. dist. v. quest. 1. art. 1. & quest. 11. art. 2. quest. 2.*

**A**D tertium sic proceditur. Videtur quod Christus, secundum quod homo, habuerit potestatem operandi interiorum effectuum sacramentorum. Dicit enim Ioannes Baptista, ut habetur Ioan. 1. 33. *Qui me misit baptizare in aqua, ille mihi dixit: Super quem videris Spiritum descendentem, & manentem super eum, hic est qui baptizat in Spiritu sancto*. Sed baptizare in Spiritu sancto, est interius gratiam Spiritus sancti conferre: Spiritus sanctus autem descendit super Christum, inquantum homo, non inquantum Deus, quia sic ipse dat Spiritum sanctum. Ergo videtur quod Christus, secundum quod homo, habuerit potestatem interiorum effectuum sacramentorum causandi.

2. Præterea. Matth. ix. 6. Dominus dicit: *Scitis, quia filius hominis habet potestatem in terra dimittendi peccata*. Sed remissio peccatorum est interior effectus sacramenti. Ergo videtur quod Christus, secundum quod homo, interiorum effectuum sacramentorum operetur.

3. Præterea. Institutio sacramentorum pertinet ad eum qui tanquam principale

agens operatur ad interiorum sacramentum effectum. Manifestum est autem quod Christus sacramenta instituit. Ergo ipse est qui interius operatur sacramentorum effectum.

4. Præterea. Nullus potest sine sacramento effectum sacramenti conferre, nisi propria virtute sacramenti effectum operetur. Sed Christus sine sacramento contulit sacramenti effectum, ut patet in Magdalena, cui dixit (Lucæ. vii. 48.) *Dimittuntur tibi peccata*. Ergo videtur quod Christus, secundum quod homo, operetur interiorum sacramenti effectum.

5. Præterea. Illud in cuius virtute sacramentum operatur, est principale agens ad interiorum effectum. Sed sacramenta habent virtutem ex passione Christi, & invocatione nominis eius, secundum illud I. ad Corinth. 1. 12. *Namquid Paulus pro vobis crucifixus est, aut in nomine Pauli baptizati estis?* Ergo Christus, inquantum homo, operatur interiorum effectum sacramenti.

Sed contra est quod Augustinus dicit (implic. tract. lxxx. in Ioan. a med. & Lib. III. cont. Donatist. cap. x. a med. sed exprel. Isidor. Lib. VI. cap. xviii. cir. med.) quod *in sacramentis divina virtus secretius operatur salutem*. Divina autem virtus est Christi, secundum quod est Deus, non autem secundum quod est homo. Ergo Christus non operatur interiorum sacramenti effectum, secundum quod est homo, sed secundum quod est Deus.

Respondeo dicendum, quod interiorum sacramentorum effectum operatur Christus, & secundum quod est Deus, & secundum quod est homo; aliter tamen, & aliter. Nam secundum quod est Deus, operatur in sacramentis per autoritatem; secundum autem quod est homo, operatur ad interiores effectus sacramentorum meritorie, & efficienter, sed instrumentaliter. Dictum est enim, (quæst. xlvi. & xli.) quod passio Christi, quæ competit ei secundum humanam naturam, causa est nostræ iustificationis & meritorie, & effective, non quidem per modum principalis agentis, sive per autoritatem, sed per modum instrumenti, inquantum humanitas est instrumentum Divinitatis eius, ut supra dictum est (quæst. xlii. art. 1. & 3.) Sed tamen quia est instrumentum coniunctum Divinitati in persona, habet quamdam principalitatem, & causalitatem respectu instrumentorum extrinsecorum, qui sunt

mi-

ministri Ecclesiae, ut ex supradictis patet (art. 1. huius quæstionis.) Et ideo sicut Christus, in quantum Deus, habet potestatem auctoritatis in sacramentis; ita in quantum homo, habet potestatem ministerii principalis, sive potestatem excellentiæ: quæ quidem consistit in quatuor. Primum quidem in hoc quod meretur, & virtus passionis eius operatur in sacramentis, ut supra dictum est (quæst. lxxiii. art. 5.) Et quia virtus passionis copulatur nobis per fidem, secundum illud Rom. iii. 25. *Quem proposuit Deus propitiatorum per fidem in sanguine ipsius*; quam fidem per invocationem nominis Christi protestamur; ideo secundo ad potestatem excellentiæ, quam Christus habet in sacramentis, pertinet quod in eius nomine sacramenta sanctificantur. Et quia ex eius institutione sacramenta virtutem obtinent, inde est quod tertio ad excellentiam potestatis Christi pertinet quod ipse qui dedit virtutem sacramentis, potuit instituire sacramenta. Et quia causa non dependet ab effectu, sed potius e converso; ideo quarto ad excellentiam potestatis Christi pertinet quod ipse potuit institui sacramentorum sine exteriori sacramento conferre.

Et per hoc patet responsio ad obiecta: utraque enim pars obiectum secundum aliquid vera est, ut dictum est (in corp.)

## ARTICULUS IV. 352

*Utrum Christus potestatem suam quam habuit in sacramentis, potuerit ministris communicare.*

IV. dist. v. quæst. 1. art. 2. & art. 3. quæst. 1. & 2.

**A**D quantum sic proceditur. Videtur quod Christus potestatem suam quam habuit in sacramentis, non potuerit ministris communicare. Ut enim argumentatur Augustinus contra Maximum. (Lib. III. cap. vii. ad fin.) *Si potuit, & non voluit, invidiosus fuit.* Sed invidia longe fuit a Christo, in quo fuit summa plenitudo caritatis. Ergo cum Christus non communicaverit suam potestatem ministris, videtur quod non potuerit commu-

nicare. 2. Præterea. Super illud Ioan. xiv. *Maiora horum faciet*, dicit Augustinus (tract. lxxxi. in Ioan. a med.) *Propterea maius hoc esse dixerim*, scilicet ut ex imperio iussus fiat, quam creare calum, &

terram. Sed Christus non potuit communicare ministris quod creare calum, & terram. Ergo neque quod iustificarent impium. Cum igitur iustificatio impii fiat per potestatem Christi, quam habet in sacramentis, videtur quod potestatem suam, quam in sacramentis habuit, non potuerit ministris communicare.

3. Præterea. Christo, in quantum est caput Ecclesie, competit ut ab ipso gratia derivetur ad alios, secundum illud Ioan. i. 16. *De plenitudine eius nos omnes accepimus*. Sed hoc non fuit aliis communicabile: quia hic Ecclesia esset monstrosum, multa capita habens. Ergo videtur quod Christus potestatem suam non potuerit ministris communicare.

Sed contra est quod super illud Ioan. i. 31. *Ego nesciebam eum*, dicit Augustinus (tract. v. in Ioan. ante med.) quod *non novit potestatem baptismi ipsum Dominum habiturum, & sibi retenturum*. Hoc autem non ignorasset Ioannes, si talis potestas communicabilis non esset. Potuit ergo suam potestatem Christus ministris communicare.

Respondetur dicendum, quod, sicut dictum est (art. præc.) Christus in sacramentis habuit duplicem potestatem: unam auctoritatis, quæ competit ei, secundum quod est Deus; & talis potestas nulli creaturæ potuit communicari, sicut nec divina scientia: aliam potestatem habuit excellentiæ, quæ competit ei, secundum quod est homo; & talem potestatem potuit ministris communicare, dando scilicet eis tantam gratiæ plenitudinem, ut eorum meritum operaretur ad sacramentorum effectus, ut ad invocationem nominum ipsorum sanctificarentur sacramenta, & ut ipsi possint sacramenta instituire, & sine ritu sacramentorum effectum sacramentorum conferre solo imperio. Potest enim instrumentum coniunctum, quanto fuerit fortius, tanto magis virtutem suam instrumento separato tribue sicut manus baculo.

Ad primum ergo dicendum, quod Christus non ex invidia prætermisit potestatem excellentiæ Ecclesie: ministris communicare; sed propter fidelium utilitatem, ne in homine spem ponerent, & ne essent diversa sacramenta, ex quibus divisio in Ecclesia oriretur; sicut apud illos qui dicebant: *Ego sum Pauli, ego autem Petri, ego vero Cephe*, ut dicitur I. ad Corinth. i. 12.

Ad secundum dicendum, quod obiectio illa procedit ac potestate auctoritatis,



tis, quæ convenit Christo, secundum quod est Deus; licet & potestas excellentiæ possit auctoritas nominari per comparisonem ad alios ministros. Unde super illud I. ad Cor. 1. *Divinus est Christus*, dicit Glossa (ord. sup. illud, *Ego vero Cephæ*;) quod „potuit eis dare auctoritatem baptizandi, quibus contulit ministerium.“

Ad tertium dicendum, quod ad hoc inconveniens est vitandum, ne scilicet multa capita in Ecclesia essent, Christus noluit potestatem suæ excellentiæ ministris communicare. Si tamen communicasset, ipse esset caput principaliter, alii vero secundario.

## ARTICULUS V. 354

*Utrum per malos ministros sacramenta conferri possint.*

*IV. dist. v. quæst. 11. art. 2. & dist. vii. quæst. 111. art. 1. quæst. 1. & dist. xxiv. quæst. 111. art. 3. quæst. 5. ad 3. & IV. contra cap. lxxvi.*

**A**D quantum sic proceditur. Videtur quod per malos ministros sacramenta conferri non possint. Sacramenta enim novæ legis ordinantur ad emundationem culpæ, & collationem gratiæ. Sed mali, cum sint immundi, non possunt alios a peccato mundare, secundum illud Ecclesiæ xxxiv. 4. *Ab immundo quid mundabitur?* & etiam cum gratiam non habeant, non videtur quod gratiam conferre possint, quia nullus dat quod non habet. Non ergo videtur quod per malos sacramenta conferri possint.

2. Præterea. Totā virtus sacramentorum derivatur a Christo, ut dictum est (art. 3. hu. quæst.) Sed mali sunt præcisi a Christo, quia non habent caritatem, per quam membra capiti uniuntur, secundum illud I. Ioan. iv. 16. *Qui manet in caritate, in Deo manet, & Deus in eo.* Ergo videtur quod per malos sacramenta conferri non possint.

3. Præterea. Si desit aliquid horum quæ debitum est esse in sacramentis, non pericitur sacramentum; sicut si desit debita forma, vel debita materia. Sed debitum minister sacramenti est ille qui caret macula peccati, secundum illud Levit. xxi. 17. *Homo de semine tuo per familias qui habuerit maculam, non offeret panes Deo suo, nec accedet ad ministerium eius.* Ergo videtur quod si mini-

ster sit malus, nihil efficiatur in sacramento.

Sed contra est quod Augustinus dicit super illud Ioan. 1. *Super quem videris Spiritum etc.* (tra&v. in Ioan. antemed.) „Quid in Christo non noverat Ioannes? potestatem baptismi ipsum Dominum habiturum, & sibi retenturum, sed ministerium plane transiitum in bonos, & malos. Quid tibi facit malus minister, ubi bonus est Dominus?“

Respondeo dicendum, quod, sicut dictum est (art. 1. & 3. hu. qu.) ministri Ecclesiæ instrumentaliter operantur in sacramentis, eo quod quodammodo eadem ratio est ministri, & instrumenti. Sicut autem supra dictum est (quæst. lxxi. art. 1. & 4.) instrumentum non agit secundum propriam formam, aut virtutem, sed secundum virtutem eius a quo movetur. Et ideo accidit instrumento, inquantum est instrumentum, qualemcumque formam, vel virtutem habeat, præter id quod exigitur ad rationem instrumenti; sicut quod corpus medici, quod est instrumentum animæ habentis artem, sit sanum, vel infirmum; & sicut quod fistula, per quam transit aqua, sit argentea, vel plumbea. Unde ministri Ecclesiæ possunt sacramenta conferre, etiam si sint mali.

Ad primum ergo dicendum, quod ministri Ecclesiæ neque a peccatis mundaunt homines ad sacramenta accedentes, neque gratiam conferunt sua virtute; sed hoc facit Christus sua potestate per eos sicut per quædam instrumenta. Et ideo effectus consequitur in suscipientibus sacramenta non secundum similitudinem ministrorum, sed secundum configurationem ad Christum.

Ad secundum dicendum, quod per caritatem membra Christi uniuntur suo capiti, ut ab eo vitam recipiant: quia, ut dicitur I. Ioan. 111. 14. *qui non diligit, manet in morte.* Potest autem aliquis operari per instrumentum carens vita, & a se separatum, quantum ad corporis unionem, dummodo sit coniunctum per quamdam motionem; aliter enim operatur artifex per manum, & aliter per securum. Sic igitur Christus operatur in sacramentis & per bonos tamquam per membra viventia, & per malos tamquam per instrumenta carentia vita.

Ad tertium dicendum, quod aliquid est debitum esse in sacramento dupliciter: uno modo sicut existens de necessitate sacramenti; quod quidem si desit, non

perficetur sacramentum; sicut si desit debita forma, vel debita materia: alio modo est aliquid debitum esse in sacramento secundum quandam decentiam; & hoc modo debitum est ut ministri sacramentorum sint boni.

## ARTICULUS VI. 355

*Utrum mali ministrantes sacramenta peccent.*

IV. dist. v. quest. II. art. 2. quest. 4. co. & dist. XIX. quest. II. art. 2. cor. & dist. XXIV. quest. 1. art. 2. quest. 1. & art. 3. quest. 1. & 5.

**A**D sextum sic proceditur. Videtur quod mali ministrantes sacramenta non peccent. Sicut enim ministratur Deo in sacramentis, ita per opera caritatis: unde dicitur Hebr. ult. 16. *Beneficentiae, & communionis nolite oblivisci: salubus enim hostiis promeretur Deus*. Sed mali non peccant, si ministrant Deo in operibus caritatis; quinimmo hoc est eis consulendum, secundum illud Dan. iv. 24. *Consilium meum tibi placeat: peccata tua elemosynis redime*. Ergo videtur quod mali non peccent sacramenta ministrando.

2. Præterea. Quicumque communicat alicui in peccato, etiam ipse est reus peccati, secundum illud Rom. 1. 32. *Digni sunt morte, non solum qui peccata faciunt, sed etiam qui consentiunt facientibus*. Sed si mali ministri peccent sacramenta ministrando, illi qui ab eis sacramenta recipiunt, etiam in peccato communicant. Ergo etiam ipsi peccarent: quod videtur inconveniens.

3. Præterea. Nullus videtur esse perplexus: quia sic homo cogeretur desperare, quasi non potens peccatum evadere. Sed si mali peccarent sacramenta tradendo, essent perplexi: quia etiam quandoque peccarent, si sacramenta non traderent, puta cum eis ex officio incumbit necessitas: dicitur enim I. Corinth. ix. 16. *Vae mihi, si non evangelizavero: necessitas enim mihi incumbit: quandoque etiam propter periculum, sicut si puer in periculo mortis existens offeratur alicui peccatori baptizandus*. Ergo videtur quod mali non peccent sacramenta ministrando.

Sed contra est quod Dionysius dicit 8. cap. eccles. Hierarch. (vers. fin.) quod

*malis non est fas nec tangere symbola, idest sacramentalia signa: & in epistola ad Demophilum (viii. parum ante med.) dicit: Talis, scilicet peccator, audax videtur, sacerdos talibus manum apponens, & non timet, neque verecundatur divina præter divinitatem exequens, & Deum putans ignorare quæ ipse in semetipso cognovit; & decipere existimat falso nomine patrem ab ipso appellatum, & audet immundas infamias, non dicam orationes, super divina signa christiformiter enuntiare.*

Respondeo dicendum, quod aliquis in agendo peccat ex hoc quod operatur non secundum quod oportet, ut patet per Philolophum in Lib. II. Ethic. (cap. III. & v.) Dicitur est autem (art. præc. ad 3.) conveniens esse ut sacramentorum ministri sint iusti: quia ministri debent Domino conformari, secundum illud Levit. XIX. 2. *Sancti (a) eritis, quoniam ego sanctus sum: & Eccli. x. 2. Secundum iudicem populi, sic & ministri eius*. Et ideo non est dubium quin mali exhibentes la ministros Dei, & Ecclesie in dispensatione sacramentorum peccent. Et quia hoc peccatum pertinet ad irriverentiam Dei, & contaminationem sacramentorum, quantum est ex parte ipsius peccatoris (licet sacramenta secundum seipsa incontaminabilia sint) consequens est quod tale peccatum ex genere suo sit mortale.

Ad primum ergo dicendum, quod opera caritatis non sunt aliqua consecratione sanctificata; sed ipsa pertinent ad iustitiae sanctitatem, sicut quædam iustitiae partes. Et ideo homo qui se exhibet Deo ministrum in operibus caritatis, si sit iustus, amplius sanctificatur; si vero sit peccator, per hoc ad sanctitatem disponitur. Sed sacramenta in seipsis sanctificationem quandam habent per mysticam consecrationem: & ideo præxigitur in ministro sanctitas iustitiae, ut congruat suo ministerio: & ideo incongrue agit, & peccat, si in peccato existens ad tale ministerium accedat.

Ad secundum dicendum, quod ille qui ad sacramenta accedit, suscipit sacramenta a ministro Ecclesie, non in quantum est talis persona, sed in quantum est minister Ecclesie. Et ideo quantum ab Ecclesia toleratur in ministerio, ille qui ab eo suscipit sacramentum, non communicat peccato eius, sed communicat Ecclesie, quæ cum tanquam ministro

frum exhibet. Si vero ab Ecclesia non toleratur, puta cum egradatur, vel excommunicatur, vel suspenditur, peccat qui ab eo accipit sacramentum, quia communicat peccato ipsius.

Ad tertium dicendum, quod ille qui est in peccato mortali, non est perperus simpliciter, si ex officio ei incumbat sacramenta dispensare: quia potest poenitere de peccato, & licite ministrare. Non est autem inconveniens quod sit perperus, supposito quodam, scilicet quod velit remanere in peccato. In articulo tamen necessitatis non peccaret, baptizando in casu in quo etiam posset laicus baptizare: si enim patet quod non exhiberet se ministrum Ecclesiae, sed subveniret necessitatem patienti. Secus est autem in aliis sacramentis, quae non sunt tantae necessitatis, sicut baptismus, ut infra patebit (quaest. lxxvii. art. 3.)

## ARTICULUS VII. 356

*Utrum Angeli possint sacramenta ministrare.*

*IV. dist. v. quaest. 11. art. 3.*

**A**D septimum sic proceditur. Videtur quod Angeli possint sacramenta ministrare. Quicquid enim potest minister inferior, potest & superior; sicut quicquid potest diaconus, potest sacerdos, sed non convertitur. Sed Angeli sunt superiores ministri in ordine hierarchico quam etiam quicumque homines, ut patet per Dionysium in Lib. caelest. Hier. (cap. ix. ante med.) Ergo cum homines possint ministrare in sacramentis, videtur quod multo magis Angeli.

2. Praeterea. Homines sancti assimilantur Angelis in caelo, ut dicitur Matth. xxii. Sed aliqui Sancti in caelo existentes possunt ministrare in sacramentis: quia character sacramentalis est indelebilis, ut dictum est (quaest. praec. art. 1.) Ergo videtur quod etiam Angeli possint in sacramentis ministrare.

3. Praeterea. Sicut supra dictum est (quaest. viii. art. 7.) diabolus est caput malorum, & mali sunt membra eius. Sed per malos possunt ministrari sacramenta. Ergo videtur quod etiam per daemones.

Sed contra est quod dicitur Hebr. v. 1. *Omnis Pontifex ex hominibus assumptus pro hominibus constituitur in his quae sunt ad Deum.* Sed Angeli boni, vel mali

non sunt ex hominibus. Ergo ipsi non constituuntur ministri in his quae sunt ad Deum, idest in sacramentis.

Respondeo dicendum, quod, sicut supra dictum est (art. 3. hu. quaest.) tota virtus sacramentorum a passione Christi derivatur, quae est Christi, secundum quod est homo, cui in natura conformantur homines, non autem Angeli, sed potius secundum passionem dicitur *medico ab Angelis ministratus*, ut patet Hebr. 11. Et ideo ad homines pertinet dispensare sacramenta, & in eis ministrare, non autem ab Angelis.

Sciendum tamen, quod sicut Deus virtutem suam non alligavit sacramentis, quin possit sine sacramentis effectum sacramentorum conferre; ita etiam virtutem suam non alligavit Ecclesiae ministris, quin etiam Angelis possit virtutem tribuere ministrandi in sacramentis.

Et quia boni Angeli sunt nuntii veritatis, si aliquid sacramentale ministratum a bonis Angelis perficeretur, esset ratum habendum; quia deberet constare, hoc fieri voluntate divina; sicut quaedam templa dicuntur angelico ministerio consecrata.

Si vero daemones, qui sunt spiritus mendacii, aliquid sacramentale ministerium exhiberent, non esset ratum habendum.

Ad primum ergo dicendum, quod illud quod faciunt homines inferiori modo, scilicet per sensibilia sacramenta, quae sunt proportionata naturae ipsorum, faciunt Angeli tantum superiores ministri superiori modo, scilicet invisibiliter purgando, illuminando, & perficiendo.

Ad secundum dicendum, quod Sancti qui sunt in caelo, sunt similes Angelis quantum ad participationem gloriae, non autem quantum ad conditionem naturae, & per consequens neque quantum ad sacramenta.

Ad tertium dicendum, quod mali homines non habent quod possint ministrare in sacramentis ex hoc quod per malitiam sunt membra diaboli: & ideo non sequitur quod diaboli, qui est eorum caput, magis hoc possit.

## ARTICULUS VIII. 357

*Utrum intentio ministri requiratur ad perfectionem sacramenti.*

*Sup. quæst. lx. art. 8. cor. & IV. dist. vi. quæst. 1. art. 2. quæst. 1. & dist. vii. quæst. 1. art. 1. quæst. 1. ad 3. & dist. viii. quæst. 11. art. 4. quæst. 3. ad 1. & dist. xxx. quæst. 1. art. 3. ad 3.*

**A**D octavum sic proceditur. Videtur quod intentio ministri non requiratur ad perfectionem sacramenti. Minister enim in sacramento instrumentaliter operatur. Sed actio non perficitur secundum intentionem instrumenti, sed secundum intentionem principalis agentis. Ergo intentio ministri non requiratur ad perfectionem sacramenti.

2. Præterea. Non potest homini esse nota intentio alterius. Si igitur intentio ministri requiratur ad perfectionem sacramenti, non potest homini ad sacramentum accedenti esse notum quod sacramentum suscipiatur; & ita non potest habere certitudinem salutis, præcipue cum quædam sacramenta sint de necessitate salutis, ut infra dicitur (quæst. lxx. art. 3. & 4.)

3. Præterea. Intentio hominis non potest esse ad id circa quod non est attentus. Sed aliquando illi qui in sacramentis ministrant, non attendunt ad ea quæ dicunt, vel faciunt, alia cogitantes. Ergo secundum hoc non perficeretur sacramentum, propter intentionis defectum.

Sed contra est quod ea quæ sunt præter intentionem, sunt casualia: quod non est dicendum de operatione sacramentorum. Ergo sacramenta requirunt intentionem ministri.

Respondetur dicendum, quod quando aliquid se habet ad multa, oportet quod per aliquid determinetur ad unum, si illud effici debeat. Ea vero quæ in sacramentis aguntur, possunt diversimode agi, sicut ablutio aquæ, quæ fit in baptismo, potest ordinari & ad munditiam corporalem, & ad sanitatem corporalem, & ad ludum, & ad multa alia huiusmodi: & ideo oportet quod determinetur ad unum, id est ad sacramentalem effectum per intentionem abluentis: & hæc intentio exprimitur per verba quæ in sacramentis dicuntur, puta cum dicit: *Ego te baptizo in nomine Patris &c.*

*S. Tb. Op. Tom. XXIX.*

Ad primum ergo dicendum, quod instrumentum inanimatum non habet aliquam intentionem respectu effectus; sed loco intentionis est motus, quo movetur a principali agente. Sed instrumentum animatum, sicut est minister, non solum movetur, sed etiam quodammodo movet seipsum, inquantum sua voluntate movet membra ad operandum: & ideo requiritur eius intentio, quæ se subiciat principali agenti, ut scilicet intendat facere quod facit Christus, & Ecclesia.

Ad secundum dicendum, quod circa hoc est duplex opinio. Quidam enim dicunt, quod requiritur mentalis intentio in ministro; quæ si deest, non perficitur sacramentum; sed hunc defectum in pueris, qui non habent intentionem accedendi ad sacramentum, supplet Christus, qui interius baptizat; in adultis autem, qui intendunt sacramentum suscipere, supplet illum defectum fides, & devotio. Sed hoc satis posset dici quantum ad ultimum effectum, qui est iustificatio a peccatis; sed quantum ad effectum, qui est res, & sacramentum, scilicet quantum ad characterem, non videtur quod per devotionem accedentis possit suppleri: quia character nunquam imprimitur nisi per sacramentum.

Et ideo alii melius dicunt, quod minister sacramentum agit in persona totius Ecclesie, cuius est minister; in verbis autem quæ profert, exprimitur intentio Ecclesie; quæ sufficit ad perfectionem sacramenti, nisi contrarium exterius exprimat ex parte ministri, vel recipientis sacramentum.

Ad tertium dicendum, quod licet ille qui aliud cogitat, non habeat actualem intentionem, habet tamen intentionem habituales, quæ sufficit ad perfectionem sacramenti; puta cum sacerdos accedens ad baptizandum, intendit facere circa baptizandum quod facit Ecclesia: unde si postea in ipso exercitio actus cogitatio eius ad alia rapiatur, ex virtute primæ intentionis perficitur sacramentum. Quamvis studiose curare debeat sacramenti minister ut etiam actualem intentionem adhibeat: sed hoc non est totaliter positum in hominis potestate: quia præter intentionem, cum homo vult multum intendere, incipit alia cogitare, secundum illud Psal. xxxix. 13. *Cor meum dereliquit me.*

## ARTICULUS IX. 358

*Utrum fides ministri sit de necessitate sacramenti.*

*IV. dist. vi. quæst. i. art. i.  
quæst. 2.*

**A**D nonum sic proceditur. Videtur quod fides ministri sit de necessitate sacramenti. Sicut enim dictum est (art. præc.) intentio ministri est necessaria ad sacramenti perfectionem. Sed *fides intentionem dirigit*, ut Augustinus dicit contra Iulianum (in implic. Lib. IV. cap. III. ad fin. & expresse in præfat. ad Psal. xxxi. parum ante med.) Ergo si desit vera fides in ministro, non perficitur sacramentum.

2. Præterea. Si minister Ecclesie veram fidem non habeat, videtur esse hæreticus. Sed hæretici, ut videtur, non possunt sacramenta conferre: dicit enim Cyprianus in epist. contra hæreticos (sub fin. & est XII. Lib. I.) *Omnia eorumque facient hæretici, carnalia sunt, & inania, & falsa, ita ut nihil eorum que illi gesserint, a nobis probari debeat*: & Leo Papa dicit in epist. ad Leonem Augustum (clxv. cap. v. in princ.) *Manifestum est per crudelissimam, & insanissimam vesaniam in Alexandrina sede omne calicis sacramentorum lumen extinctum: intercepta est sacrificii oblatio: defecit ebrijsmatis sanctificatio: & parricidalibus manibus impiorum omnia se subtraxere mysteria*. Ergo vera fides ministri est de necessitate sacramenti.

3. Præterea. Illi qui non habent veram fidem, videntur esse per excommunicationem ab Ecclesia separati: dicitur enim in secunda Canonica Ioannis 10. *Si quis venit ad vos, & hanc doctrinam non afferit, nolite eum recipere in domum, nec Ave dixeritis ei*: & ad Tit. III. 10. *Hæreticum hominem post primam, & secundam correctionem devota*. Sed excommunicatus non videtur posse conferre Ecclesie sacramentum, cum ab Ecclesia sit separatus, ad cuius ministerium pertinet sacramentorum dispensatio. Ergo videtur quod vera fides ministri sit de necessitate sacramenti.

Sed contra est quod Augustinus dicit contra Petilianum Donatistam (Lib. II. cap. xlvii. sub fin.) *Mementote, sacramentis Dei nihil obesse mores malorum ho-*

*minum, quo illa non fiat, vel minus sancta sint.*

Respondeo dicendum, quod, sicut supra dictum est (art. 5. hu. quæst. & quæst. XII. art. 1. & 4.) quia minister in sacramentis instrumentaliter operatur, non agit in virtute propria, sed in virtute Christi. Sicut autem pertinet ad propriam virtutem hominis caritas, ita & fides. Unde sicut non requiritur ad perfectionem sacramenti quod minister sit in caritate, sed possunt etiam peccatores sacramenta conferre, ut supra dictum est (art. 5. hu. quæst.) ita non requiritur ad perfectionem sacramenti fides eius; sed infidelis potest verum sacramentum præbere, dummodo cetera adint quæ sunt de necessitate sacramenti.

Ad primum ergo dicendum, quod potest contingere quod aliquis patiatur defectum fidei circa aliquid, & non circa veritatem sacramenti quod exhibet, puta si aliquis credat iuramentum esse in omni casu illicitum, & tamen credat baptismum efficaciam habere ad salutem: & sic talis infidelitas non impedit intentionem conferendi sacramentum. Si vero patiatur fidei defectus circa ipsum sacramentum quod exhibet, licet credat per id quod agitur exterius, nullum sequi interiore effectum, non tamen ignorat quod Ecclesia catholica intendit per huiusmodi quæ exterius aguntur, præbere sacramentum: unde, non obstante infidelitate, potest intendere facere id quod facit Ecclesia, licet æstimet id nihil esse. Et talis intentio sufficit ad sacramentum: quia, sicut supra dictum est (art. præc. ad 2.) minister sacramenti agit in persona totius Ecclesie, ex cuius fide suppletur id quod desit fidei ministri.

Ad secundum dicendum, quod hæreticorum quidam in collatione sacramentorum formam Ecclesie non servant; & tales neque sacramentum conferunt, neque rem sacramenti: quidam vero servant Ecclesie formam; & tales conferunt quidem sacramentum, sed non conferunt rem sacramenti. Et hoc dico, si sunt manifeste ab Ecclesia præcisi, quia ex hoc ipso quod aliquis accipit sacramenta ab eis, peccat; & per hoc impeditur ne effectum sacramenti consequatur. Unde Augustinus (Fulgentius) dicit in Lib. de fide ad Petrum (cap. xxxvi.) *Firmissime tene, & nullatenus dubites, extra Ecclesiam baptizatis, si ad*  
Eg-

*Ecclesiam non redierint, baptismo cumulari perniciem. Et per hunc modum dicit Leo Papa, in sede Alexandrina sacramentorum lumen esse extinctum, scilicet quantum ad rem sacramenti, non autem quantum ad ipsum sacramentum. Cyprianus autem nullo modo sacramentum conferre hæreticos posse credebatur, sed in hoc eius sententia non tenetur. Unde Augustinus dicit (Lib. de unico baptismo cont. Petil. cap. xlii. a med.) Martyrem Cyprianum, quia apud hæreticos, vel schismaticos datum baptismum nolebat cognoscere, tanta merita usque ad triumphum martyrii secuta sunt, ut caritatis, qua excellebat, luce obumbratio illa fugaretur, & si quid purgandum erat, passionis fœce tolleretur.*

Ad tertium dicendum, quod potestas ministrandi sacramenta pertinet ad spirituales characterem, qui indelebilis est, ut ex supradictis patet (quæst. præc. art. 5.) Et ideo per hoc quod aliquis ab Ecclesia suspenditur, vel excommunicatur, vel etiam degradatur, non amittit potestatem conferendi sacramentum, sed licentiam utendi hac potestate: & ideo sacramentum quidem confert, sed tamen peccat conferendo: & similiter ille qui ab eo accipit sacramentum; & sic non percipit rem sacramenti, nisi forte per ignorantiam excusetur.

## ARTICULUS X. 359

*Utrum intentio recta ministri requiratur ad perfectionem sacramenti.*

*Inf. quæst. lxxiv. art. 2. ad 2. & IV. dist. vi. quæst. 1. art. 2. quæst. 2. & dist. xi. art. 1. quæst. 3. ad 1. & dist. x. quæst. 1. art. 3. ad 3.*

**A**D decimum sic proceditur. Videtur quod intentio recta ministri requiratur ad perfectionem sacramenti. Intentio enim ministri debet conformari intentioni Ecclesie, ut ex dictis patet (ar. 8. hujus quæst. ad 2.) Sed intentio Ecclesie semper est recta. Ergo de necessitate ad sacramenti perfectionem requiritur intentio recta ministri.

2. Præterea. Perverſa intentio deterior esse videtur quam intentio iocosa. Sed intentio iocosa tollit sacramentum, puta si aliquis non serio, sed ludo aliquem baptizaret. Ergo multo magis perversa intentio aufert sacramentum, puta si a-

liquis aliquem baptizaret, ut postmodum eum occideret.

3. Præterea. Perversa intentio facit totum opus vitiosum, secundum illud Luc. xi. 34. *Si oculus tuus fuerit nequam, totum corpus tuum tenebrosum erit.* Sed sacramenta Christi non possunt inquinari per malos homines, sicut Augustinus dicit contra Petil. (Lib. II. cap. xlvii. ad fin. & Lib. III. cont. Crescon. cap. v. & vi.) Ergo videtur quod si sit perversa intentio ministri, non sit ibi verum sacramentum.

Sed contra est quod perversa intentio pertinet ad malitiam ministri. Sed malitia ministri non tollit sacramentum. Ergo nec perversa intentio.

Respondetur dicendum, quod intentio ministri potest perverti dupliciter. Uno modo respectu ipsius sacramenti, puta cum aliquis non intendit sacramentum conferre, sed derisorie aliquid agere: & talis perversitas tollit veritatem sacramenti, præcipue quando suam intentionem exterius manifestat. Alio modo potest perverti intentio ministri quantum ad id quod sequitur sacramentum; puta si sacerdos intendat aliquam feminam baptizare, ut abutatur ea; vel si intendat conficere corpus Christi, ut eo ad venicia utatur. Et quia prius non dependet a posteriori, inde est quod talis intentionis perversitas veritatem sacramenti non tollit; sed ipse minister ex tali intentione graviter peccat.

Ad primum ergo dicendum, quod Ecclesie intentio recta est & quantum ad sacramenti perfectionem, & quantum ad sacramenti usum; sed prima rectitudo perficit sacramentum, secunda operatur ad meritum. Et ideo minister qui conformat intentionem suam Ecclesie, quantum ad primam rectitudinem, non autem quantum ad secundam, perficit quidem sacramentum, sed non est sibi ad meritum.

Ad secundum dicendum, quod intentio iudicia, vel iocosa excludit primam rectitudinem intentionis, per quam perficitur sacramentum. Et ideo non est similis ratio.

Ad tertium dicendum, quod perversa intentio pervertit opus intenditis, non autem opus alterius. Et ideo ex perversa intentione ministri pervertitur id quod agit in sacramentis, inquantum est opus eius, non inquantum est opus Christi, cuius est minister: & est simile, si minister alicuius hominis prava inten-

tione deferret pauperibus elemosynam, quam dominus recta intentione mandaret.

## QUAESTIO LXV.

*De numero sacramentorum,*

*in quatuor articulos divisa.*

**D**Einde considerandum est de numero sacramentorum: & circa hoc quaruntur quatuor.

Primo, utrum sint septem sacramenta. Secundo de ordine eorum ad invicem.

Tertio de comparatione eorum.

Quarto, utrum omnia sint de necessitate salutis.

## ARTICULUS I. 360

*Utum debeant esse septem sacramenta Ecclesiae.*

*IV. dist. 7. quaest. 1. art. 2. & IV. cont. cap. lxxiii.*

**A**D primum sic proceditur. Videtur quod non debeant esse septem sacramenta. Sacramenta enim efficaciam habent ex virtute divina, & ex virtute passionis Christi. Sed una est virtus divina, & una Christi passio: una enim oblatione consummatur in sempiternum sanctificatio, ut dicitur Hebr. x. 14. Ergo non debuit esse nisi unum sacramentum.

2. Præterea. Sacramentum ordinatur contra defectum peccati. Hic autem est duplex, scilicet poena, & culpa. Ergo sufficeret esse duo sacramenta.

3. Præterea. Sacramenta pertinent ad actiones ecclesiasticas hierarchiae, ut per Dionysium patet (cap. 12. & v. eccles. hierarch. a princ.) Sed, sicut ipse dicit (ibid.) tres sunt actiones hierarchiae, scilicet purgatio, illuminatio, & perfectio. Ergo non debent esse nisi tria sacramenta.

4. Præterea. Augustinus dicit XIX. contra Faustum (cap. xlii. a med.) quod sacramenta novae legis sunt numero pauciora quam sacramenta veteris legis. Sed in veteri lege non erat aliquid sacramentum quod responderet confirmationi, & extremæ unctioni. Ergo neque hæc debent numerari inter sacramenta novae legis.

5. Præterea. Luxuria non est gravius inter cetera peccata, ut patet ex hisque in secunda parte dicta sunt (2. 2. quaest. cliv. art. 3.) Sed contra alia peccata non instituitur aliquod sacramentum. Ergo neque contra luxuriam debuit institui sacramentum matrimonii.

6. Sed contra videtur quod sint plura sacramenta. Sacramenta enim dicuntur quasi quædam sacra signa. Sed multæ illarum sanctificationes sunt in Ecclesia secundum sensibilia signa, sicut aqua benedicta, consecratio altaris, & alia huiusmodi. Ergo sunt plura sacramenta quam septem.

7. Præterea. Hugo de S. Victore dicit (Lib. 1. de Sacrament. par. xii. cap. x.) quod sacramenta veteris legis fuerunt oblationes, decimæ, & sacrificia. Sed sacrificium Ecclesiae est unum sacramentum, quod dicitur Eucharistia. Ergo etiam oblationes, & decimæ debent dici sacramenta.

8. Præterea. Tria sunt genera peccatorum, originale, mortale, & veniale. Sed contra originale peccatum ordinatur baptismus, contra mortale autem poenitentia. Ergo deberet esse aliud præter septem, quod ordinetur contra veniale.

Respondeo dicendum, quod, sicut supra dictum est (quaest. lxxi. art. 3. & quaest. lxxiii. art. 3.) sacramenta Ecclesiae ordinantur ad duo, scilicet ad perficiendum hominem in his quæ pertinent ad cultum Dei secundum religionem christianæ vitæ, & etiam in remedium contra defectum peccati. Utroque autem modo convenienter ponuntur septem sacramenta. Vita enim spiritualis conformitatem aliquam habet ad vitam corporalem, sicut & cetera corporalia conformitatem quandam spiritualium habent. In vita autem corporali dupliciter aliquis perficitur: uno modo quantum ad perfectionem propriam; alio modo per respectum ad totam communitatem societatis, in qua vivit: quia homo naturaliter est animal sociale. Respectu autem sui ipsius perficitur homo in vita corporali dupliciter: uno modo per se, acquiescendo scilicet aliquam vitæ perfectionem; alio modo per accidens, scilicet removendo impedimenta vitæ, puta aegritudines, vel aliquid huiusmodi. Per se autem perficitur corporalis vita tripliciter. Primo quidem per generationem, per quam homo incipit esse, & vivere: & loco huius in spirituali vita est baptis-

mus, qui est spiritualis regeneratio, secundum illud ad Tit. iii. *5. Per lavacrum regenerationis &c.* Secundo per augmentum, quo aliquis perducitur ad perfectum quantitatem, & virtutem: & loco huius in spirituali vita est confirmatio, in qua datur Spiritus sanctus ad robur. Unde dicitur discipulis iam baptizatis Luc. ult. 49. *Sedere in civitate, quoadusque induerint virtute ex alio*. Tertio per nutritionem, qua conservatur in homine vita, & virtus: & loco huius in vita spirituali est Eucharistia. Unde dicitur Ioan. vi. 54. *Nisi manducaveritis carnem Filii hominis, & biberitis eius sanguinem, non habebitis vitam in vobis*. Et hoc quidem sufficeret homini, si haberet & corporaliter, & spiritualiter impassibilem vitam. Sed quia homo incurrit interdum & corporalem infirmitatem, & spiritalem, scilicet peccatum, ideo necessaria est homini curatio ab infirmitate: quæ quidem est duplex. Una quidem est sanatio, quæ sanitatem restituit: & loco huius in spirituali vita est poenitentia, secundum illud Psal. xl. *5. Sana animam meam, quia peccavi tibi*. Alia autem est restitutio valetudinis pristinae per convenientem dietam, & exercitium: & loco huius in spirituali vita est extrema unctio, quæ removet peccatorum reliquias, & hominem paratum reddit ad finalem gloriam. Unde dicitur Iacobi v. 15. *Et si in peccatis sit, dimittentur ei*. Perficitur autem homo in ordine ad totam communitatem dupliciter. Uno modo per hoc quod accipit potestatem regendi multitudinem, & exercendi actus publicos: & loco huius in spirituali vita est sacramentum ordinis, secundum illud Hebr. vii. quod sacerdotes hostias offerunt non solum pro se, sed etiam pro populo. Secundo quantum ad naturalem propagationem: quod fit per matrimonium tam in corporali, quam in spirituali vita, eo quod est non solum sacramentum, sed naturæ officium. Ex his etiam patet sacramentorum numerus, secundum quod ordinantur contra defectum peccati. Nam baptismus ordinatur contra carentiam vite spiritualis; confirmatio contra infirmitatem animi, quæ in nuper natis invenitur; Eucharistia contra labilitatem animi ad peccandum; poenitentia contra actuale peccatum post baptismum commissum; extrema unctio contra reliquias peccatorum, quæ scilicet non sunt sufficienter per poenitentiam sublata, aut ex negligentia, aut

ex ignorantia; ordo contra dissolutionem multitudinis; matrimonium in remedium contra concupiscentiam personalem, & contra defectum multitudinis, qui per mortem accidit. Quidam vero accipiunt numerum sacramentorum per quandam adaptationem ad virtutes, & ad defectus culpæ, & poenitentiam, dicentes, quod fidei respondet baptismus; & ordinatur contra culpam originale: ipsi extrema unctio; & ordinatur contra culpam venialem: caritati Eucharistia; & ordinatur contra poenitentiam malitiæ prudentiæ ordo; & ordinatur contra iurorantiam: iustitiæ poenitentia; & ordinatur contra peccatum mortale: temperantiæ matrimonium; & ordinatur contra concupiscentiam: fortitudinis confirmatio; & ordinatur contra infirmitatem.

Ad primum ergo dicendum, quod idem agens principale utitur diversis instrumentis ad diversos effectus, secundum congruentiam operum. Et similiter virtus divina, & passio Christi operantur in nobis per diversa sacramenta quasi per diversa instrumenta.

Ad secundum dicendum, quod culpa, & poena diversitatem habent & secundum speciem, in quantum sunt diversæ speciei culpæ, & poenarum, & secundum diversos hominum status, & habitudines: & secundum hoc oportuit multiplicari sacramenta, ut ex dictis patet (in corp. art.)

Ad tertium dicendum, quod in actionibus hierarchicis considerantur & agentes, & recipientes, & actiones. Agentes autem sunt ministri Ecclesiæ, ad quos pertinet ordinis sacramentum; recipientes autem sunt illi qui ad sacramentum accedunt, qui producuntur per matrimonium; actiones autem sunt purgatio, illuminatio, & perfectio. Sed sola purgatio non potest esse sacramentum novæ legis, quod gratiam conferat; sed pertinet ad quædam sacramentalia, quæ sunt catechismus, & exorcismus. Purgatio autem, & illuminatio simul, secundum Dionysium (cap. iii. ecclesi. Hierarch. parum a princ.) pertinent ad baptismum; & propter recidivum secundario pertinent ad poenitentiam, & extremam unctionem. Perfectio autem, quantum ad virtutem quidem, quæ est quasi perfectio formalis, pertinet ad confirmationem; quantum autem ad consecutionem finis, pertinet ad Eucharistiam.



Ad quartum dicendum, quod in sacramento confirmationis datur plenitudo Spiritus sancti ad robur; in extrema autem unctione præparatur homo ut recipiat immediate gloriam; quorum neutrum competit veteri Testamento. Et ideo nihil potuit his sacramentis in veteri lege respondere. Nihilominus tamen sacramenta in veteri lege plura fuerunt numero, propter diversitatem sacrificiorum, & caeremoniarum.

Ad quintum dicendum, quod contra concupiscentiam venerorum oportuit specialiter remedium adhiberi per aliquod sacramentum: primo quidem quia per huiusmodi concupiscentiam non solum vitatur persona, sed etiam natura; secundo propter vehementiam eius, quæ rationem absorbet.

Ad sextum dicendum, quod aqua benedicta, & aliæ consecrationes non dicuntur sacramenta, quia non perducunt ad sacramenti effectum, qui est gratiæ consecutio; sed sunt dispositiones quædam ad sacramenta vel removendo prohibens, sicut aqua benedicta ordinatur contra insidias demonum, & contra peccata venialia; vel etiam idoneitatem quandam faciendo ad sacramenti perfectionem, & perceptionem, sicut consecratur altare, & vasa propter reverentiam Eucharistiæ.

Ad septimum dicendum, quod oblationes, & decimæ erant tam in lege naturæ, quam in lege Moysi ordinatæ non solum in subsidium ministrorum, & pauperum, sed etiam in figuram: & ideo erant sacramenta. Nunc autem non remanserunt, inquantum sunt figuralia; & ideo non sunt sacramenta.

Ad octavum dicendum, quod ad delectionem venialis peccati non requiritur infusio gratiæ. Unde cum in quolibet sacramento novæ legis gratia infundatur, nullum sacramentorum novæ legis instituitur directe contra veniale, quod tollitur per quædam sacramentalia, puta per aquam benedictam, & alia huiusmodi. Quidam tamen dicunt, extremam unctionem contra veniale peccatum ordinari. Sed de hoc suo loco dicetur (in Suppl. quæst. xxx. art. i.)

## ARTICULUS II. 361

*Utrum sacramenta convenienter ordinantur secundum modum prædictum.*

IV. dist. 11. quæst. 1. art. 3. & dist. vii. quæst. 1. ar. 1. quæst. 3. & Ephes. v. fin.

**A**D secundum sic proceditur. Videtur quod inconvenienter sacramenta ordinantur secundum modum prædictum. Ut enim Apostolus dicit I. ad Corinth. xv. 46. (a) *Prius est quod est animale, deinde quod spirituale*. Sed per matrimonium generatur homo prima generatione, quæ est animalis; per baptismum autem regeneratur homo secunda generatione, quæ est spiritualis. Ergo matrimonium debet præcedere baptismum.

2. Præterea. Per sacramentum ordinis aliquis accipit potestatem agendi actiones sacramentales. Sed agens est prior sua actione. Ergo ordo debet præcedere & baptismum, & alia sacramenta.

3. Præterea. Eucharistia est spirituale nutrimentum; confirmatio autem comparatur augmento. Nutrimentum autem est causa augmenti, & per consequens prius eo. Ergo Eucharistia est prior confirmatione.

4. Præterea. Pœnitentia præparat hominem ad Eucharistiam. Sed dispositio præcedit perfectionem. Ergo pœnitentia debet præcedere Eucharistiam.

5. Præterea. Quod est propinquius fini ultimo, est posterius. Sed extrema unctio inter omnia sacramenta propinquior est ultimo fini beatitudinis. Ergo debet habere ultimum locum inter sacramenta.

In contrarium est quod communiter ordinantur ab omnibus sacramenta, sicut prius dictum est (ar. præc.)

Respondendo dicendum, quod ratio ordinis sacramentorum apparet ex his quæ supra dicta sunt (ibid.) Nam sicut unum est prius quam multitudo; ita sacramenta quæ ordinantur ad perfectionem unius personæ, naturaliter præcedunt ea quæ ordinantur ad perfectionem multitudinis. Et ideo ultimo inter sacramenta ponuntur ordo, & matrimonium, quæ ordinantur ad multitudinis perfectionem; matrimonium tamen post ordinem, eo quod minus participat de ratione spiritualis vitæ, ad quam ordi-

finis

(a) *Vulgata*: Sed non prius quod spirituale est, sed quod animale, deinde &c.

nantur sacramenta. Inter ea vero quæ ordinantur ad perfectionem unius personæ, naturaliter sunt priora illa quæ per se ordinantur ad perfectionem spiritualis vitæ quam illa quæ ordinantur per accidens, scilicet ad removendum accidens nocivum superveniens, cuiusmodi sunt pœnitentia, & extrema unctio; posterior tamen est naturaliter extrema unctio, quæ consummat sanationem, pœnitentia, quæ inchoat. Inter alia vero tria manifestum est quod baptismus, qui est spiritualis regeneratio, est prius; & deinde confirmatio, quæ ordinatur ad formalem perfectionem virtutis; & postmodum Eucharistia, quæ ordinatur (a) ad perfectionem suam.

Ad primum ergo dicendum, quod matrimonium, secundum quod ordinatur ad animalem vitam, est naturæ officium; sed secundum quod habet aliquid spiritualitatis, est sacramentum: & quia minimum habet de spiritualitate, ultimo ponitur inter sacramenta.

Ad secundum dicendum, quod ad hoc quod aliquid sit agens, præsupponitur quod sit in se perfectum. Et ideo priora sunt sacramenta quibus aliquis in seipso perficitur, quam sacramentum ordinis, quo aliquis constituitur perfectior aliorum.

Ad tertium dicendum, quod nutrimentum & præcedit augmentum, sicut causa eius, & subsequitur augmentum, sicut conservans hominem in perfecta quantitate, & virtute. Et ideo potest Eucharistia præmitti confirmationi, ut Dionysius facit in Lib. de ecclesiast. Hierarch. (cap. III. & IV.) & potest postponi, sicut Magister facit in IV. Sentent. (dist. VII. & VIII.)

Ad quartum dicendum, quod ratio illa recte procederet, si pœnitentia ex necessitate requireretur ut præparatoria ad Eucharistiam. Sed hoc non est verum: nam si aliquis esset huius peccato mortali, non indigeret pœnitentia ad summptionem Eucharistie. Et sic patet quod per accidens pœnitentia preparat ad Eucharistiam, scilicet supposito peccato. Unde dicitur II. Paralip. ult. (b) *Tu Domine iustorum, non posuisti pœnitentiam iustis.*

Ad quintum dicendum, quod extrema unctio propter rationem inductam est ultimum inter sacramenta quæ ordinantur ad perfectionem unius personæ.

ARTICULUS III. 362

*Utrum sacramentum Eucharistie sit potissimum inter sacramenta.*

IV. dist. VII. quæst. I. art. I. quæst. 3. co. & dist. VIII. quæst. I. art. I. quæst. I. & IV. con. cap. LXXIV. & VII. quæst. VII. art. 4. cor. 3.

**A**D tertium sic proceditur. Videtur quod sacramentum Eucharistie non sit potissimum inter sacramenta. Bonum enim commune potius est quam bonum unius, ut dicitur I. Eth. (cap. II. in fi.) Sed matrimonium ordinatur ad bonum commune speciei humanæ per viam generationis; sacramentum autem Eucharistie ordinatur ad bonum proprium summentis. Ergo non est potissimum sacramentorum.

2. Præterea. Digniora sacramenta esse videntur quæ per maiorem ministrum conferuntur. Sed sacramentum confirmationis, & sacramentum ordinis non conferuntur nisi per Episcopum, qui est maior minister quam simplex sacerdos, per quem conferuntur Eucharistie sacramenta. Ergo illa sacramenta sunt potiora.

3. Præterea. Sacramenta tanto sunt potiora, quanto maiorem virtutem habent. Sed quedam sacramenta imprimunt characterem, scilicet baptismus, confirmatio, & ordo: quod non facit Eucharistia. Ergo illa sacramenta sunt potiora.

4. Præterea. Illud videtur esse potius ex quo alia dependent, & non e converso. Sed ex baptismo dependet Eucharistia: non enim potest aliquis Eucharistiam accipere, nisi fuerit baptizatus. Ergo baptismus est potior Eucharistia.

Sed contra est quod Dionysius dicit III. cap. eccles. Hierar. (parum a princ.) quod *non contingit aliquem perfecti perfectione hierarchica, nisi per divinissimam Eucharistiam.* Ergo hoc sacramentum est potissimum omnium aliorum.

Respondetur dicendum, quod simpliciter loquendo, sacramentum Eucharistie est potissimum inter alia sacramenta. Quod quidem tripliciter apparet. Primo quidem ex eo quod in eo continetur: nam in sacramento Eucharistie continetur ipse Christus substantialiter; in aliis autem sacramentis continetur quedam virtus

C 4

(a) Ad confirmationem. (b) *Habitu in oratione Monachi inter apostolica ante illi, Librum Estra.*

tus instrumentalis participata a Christo, ut ex supradictis patet (quaest. lxxi. art. 4. ad 3.) semper autem quod est per essentiam, potius est eo quod est per participationem. Secundo hoc apparet ex ordine sacramentorum ad invicem: nam omnia alia sacramenta ordinari videntur ad hoc sacramentum sicut ad finem. Manifestum est enim quod sacramentum ordinis ordinatur ad Eucharistiæ consecrationem; sacramentum vero baptismi ordinatur ad Eucharistiæ receptionem: in quo etiam pericitur aliquis per confirmationem, ut non vereatur se subtrahere a tali sacramento; per poenitentiam etiam, & extremam unctionem preparatur homo ad digne sumendum corpus Christi: matrimonium etiam saltem sua significatione attingit hoc sacramentum, in quantum significat coniunctionem Christi, & Ecclesiae, cuius unctio per sacramentum Eucharistiæ figuratur. Unde & Apostolus dicit Ephes. v. 31. *Sacramentum hoc magnum est; ego autem dico in Christo, & in Ecclesia*. Tertio hoc apparet ex ritu sacramentorum. Nam tere omnia sacramenta in Eucharistia consummuntur, ut Dionysius dicit cap. 111. eccl. Hier. (cir. princ.) sicut patet quod ordinati communicant, & etiam baptizati, si sint adulti.

Aliorum autem sacramentorum comparatio ad invicem potest esse multiplex. Nam in via necessitatis baptismus est potissimum sacramentorum; in via autem perfectionis sacramentum ordinis; medio autem modo se habet sacramentum confirmationis; sacramentum vero poenitentiae, & extrema unctionis sunt interioris gradus a praedictis sacramentis: quia, sicut dictum est (art. 1. huius quaest.) ordinantur ad vitam christianam non per se, sed quasi per acciens, scilicet in remedium superveniens defectus: inter quae tamen extrema unctio comparatur ad poenitentiam, sicut confirmatio ad baptismum; ita scilicet quod poenitentia est maioris necessitatis, sed extrema unctio est maioris perfectionis.

Ad primum ergo dicendum, quod matrimonium ordinatur ad commune bonum corporaliter; sed bonum commune spirituale totius Ecclesiae continetur substantialiter in ipso Eucharistiæ sacramento.

Ad secundum dicendum, quod per ordinem, & confirmationem deputantur iudices Christi ad aliqua specialia officia, quae pertinent ad officium Principis: & ideo tradere huiusmodi sacramenta per-

tinet ad solum Episcopum, qui est quasi Princeps in Ecclesia. Per sacramentum vero Eucharistiæ non deputatur homo ad aliquod officium, sed magis hoc sacramentum est finis omnium officiorum, ut dictum est (in corp.).

Ad tertium dicendum, quod character sacramentalis, sicut supra dictum est (quaest. lxxii. art. 3.) est quaedam participatio sacerdotii Christi. Unde sacramentum quod ipsum Christum coniungit homini, est dignius sacramento quod imprimit Christi characterem.

Ad quartum dicendum, quod ratio ista procedit ex parte necessitatis: sicut enim baptismus, cum sit maximae necessitatis, est potissimum sacramentorum; sic ordo, & confirmatio habent quamdam excellentiam ratione ministerii, & matrimonium ratione significationis: nihil enim prohibet aliquid esse secundum quid dignius, quod tamen non est dignius simpliciter.

#### ARTICULUS IV. 363

*Utrum omnia sacramenta sint de necessitate salutis.*

*IV. dist. vii. quaest. 1. art. 1. quaest. 2. & quaest. 3. art. 2. quaest. 1.*

**A**D quartum sic proceditur. Videtur quod omnia sacramenta sint de necessitate salutis. Illud enim quod non est necessarium, videtur esse superfluum. Sed nullum sacramentum est superfluum: quia Deus nihil facit frustra. Ergo omnia sacramenta sunt de necessitate salutis.

2. Praeterea. Sicut de baptismo dicitur (Ioan. 111. 5.) *Nisi quis renatus fuerit ex aqua, & Spiritu sancto, non potest introire in regnum Dei*: ita de Eucharistia dicitur Ioan. vi. 54. *Nisi manducaveritis carnem filii hominis, & biberitis eius sanguinem, non habebitis vitam in vobis*. Ergo sicut baptismus est sacramentum necessitatis, ita & Eucharistia.

3. Praeterea. Sine sacramento baptismi potest aliquis salvus fieri, dummodo non contemptus religionis, sed necessitas sacramentum excludat, ut infra dicitur (quaest. lxxviii. art. 1. & 2.) Sed in quolibet sacramento contemptus religionis impedit hominis salutem. Ergo pari ratione omnia sacramenta sunt de necessitate salutis.

Sed contra est quod pueri salvantur per

per solum baptismum, sine aliis sacramentis.

Respondeo dicendum, quod necessarium respectu finis, de quo nunc loquimur, dicitur aliquid dupliciter. Uno modo, sine quo non potest haberi finis, sicut cibus est necessarius vitae humanae: & hoc est simpliciter necessarium ad finem. Alio modo dicitur esse necessarium id, sine quo non habetur finis ita convenienter, sicut equus necessarius est ad iter: hoc autem non est simpliciter necessarium ad finem. Primo igitur modo necessitatis sunt tria sacramenta necessaria: duo quidem personae singularem: baptismus quidem simpliciter & absolute; poenitentia autem, supposito peccato mortali post baptismum; sacramentum autem ordinis est necessarium Ecclesiae: quia ubi non est gubernator, populus corruet, ut dicitur Proverb. xi. 14. Sed secundo modo sunt necessaria alia sacramenta. Nam confirmatio quodammodo perficit baptismum, extrema unctio poenitentiam; matrimonium vero Ecclesiae multitudinem per propagationem conservat.

Ad primum ergo dicendum, quod ad hoc quod aliquid non sit superfluum, sufficit quod sit necessarium primo, vel secundo modo: & sic sunt necessaria omnia sacramenta, sicut dictum est (in corp. art.)

Ad secundum dicendum, quod illud verbum Domini est intelligendum de spiritali mandicatione, & non de sola sacramentali, ut Augustinus exponit super Ioan. (tract. xxvi. a med.)

Ad tertium dicendum, quod licet omnium sacramentorum contemptus sit saluti contrarius; non tamen est contemptus sacramenti ex hoc quod aliquis non curat accipere sacramentum, quod non est de necessitate salutis: alioquin omnes qui non accipiunt ordinem, & qui non contrahunt matrimonium, contemnerent huiusmodi sacramenta.

## QUAESTIO LXVI.

De pertinentibus ad sacramentum baptismi, in duodecim articulos divisa.

**D**einde considerandum est de singulis sacramentis in speciali. Primo de baptismo: secundo de confirmatione; tertio de Eucharistia; quarto de poenitentia; quinto de extrema unctione;

sexto de ordine; septimo de matrimonio.

Circa primum occurrit duplex consideratio. Prima de ipso baptismo. Secunda de preparatorius ad baptismum.

Circa primum quatuor considerata occurrunt. Primo de his quae pertinent ad sacramentum baptismi; secundo de ministro huius sacramenti; tertio de recipientibus hoc sacramentum; quarto de effectibus huius sacramenti.

Circa primum quaeruntur duodecim.

Primo, quid sit baptismus, utrum scilicet sit ablutio.

Secundo, de institutione huius sacramenti.

Tercio, utrum aqua sit propria materia huius sacramenti.

Quarto, utrum requiratur aqua simplex.

Quinto, utrum haec sit conveniens forma huius sacramenti: *Ego te baptizo in nomine Patris, & Filii, & Spiritu Sancti*.

Sexto, utrum sub hac forma possit aliquis baptizari: *Ego te baptizo in nomine Christi*.

Septimo, utrum immersio sit de necessitate baptismi.

Octavo, utrum requiratur trina immersio.

Nono, utrum baptismus possit iterari.

Decimo de ritu baptismi.

Undecimo de distinctione baptismatum.

Duodecimo de comparatione baptismatum.

## ARTICULUS I. 364

*Utrum baptismus sit ipsa ablutio.*

*IV. dist. IV. art. 1. & IV. con. cap. IX.*

**A**D primum sic proceditur. Videtur quod baptismus non sit ipsa ablutio. Ablutio enim corporalis transiit; baptismus autem permanet. Ergo baptismus non est ipsa ablutio, sed potius regeneratio, & sigillum, & custodia, & illuminatio, ut Damascenus dicit in IV. Lib. (orth. Fid. cap. x. in med.)

2. Praeterea. Hugo de S. Victor dicit (Lib. III de sacram. par. vi. cap. 11.) quod *baptismus est aqua diluendi criminibus sanctificata per verbum Dei*. Aqua autem non est ipsa ablutio, sed ablutio est quidam usus aquae. Ergo &c.

3. Prae-

3. Præterea. Augustinus dicit super Ioan. (tract. lxxx. a. med.) *Accedit verbum ad elementum, & fit sacramentum*. Elementum autem est ipsa aqua in sacramento baptismi. Ergo baptismus est ipsa aqua, non autem ablutio.

Sed contra est quod dicitur Eccli. xxxiv. 30. *Qui baptizatur a mortuo, & iterum tangit mortuum, quid proficit lavatio eius?* Videtur ergo quod baptismus sit ipsa ablutio, sive lavatio.

Respondendo dicendum, quod in sacramento baptismi est tria considerare; aliquid scilicet quod est sacramentum tantum; aliquid autem quod est res, & sacramentum; aliquid vero quod est res tantum.

Sacramentum tantum est aliquid visibile exterius existens, quod scilicet est signum interioris effectus, hoc enim pertinet ad rationem sacramenti: exterius autem suppositum sensui est ipsa aqua, & eius usus, qui est ablutio. Quidam ergo existimaverunt, quod ipsa aqua sit sacramentum: quod quidem sonare videntur verba Hugonis de S. Victore (cit. in arg. 2.) nam ipse in communi definitione sacramenti (Lib. I. de sacram. p. ix. cap. 11. a. princ.) dicit, quod est *materiale elementum*: & in definitione baptismi dicit, quod est *aqua*. Sed hoc non videtur esse verum: cum enim sacramenta novæ legis sanctificationem quamdam operentur, ibi perficitur sacramentum, ubi perficitur sanctificatio. In aqua autem non perficitur sanctificatio, sed est ibi quædam sanctificationis virtus instrumentalis, non permanens, sed fluens in hominem, qui est veræ sanctificationis subiectum: & ideo sacramentum (a) non perficitur in ipsa aqua, sed in applicatione aquæ ad hominem, quæ est ablutio. Et ideo Magister in 111. dist. IV. Sent. dicit, quod *baptismus est ablutio corporis exterior, facta sub forma præscripta verborum*. Res autem, & sacramentum est character baptismalis, qui est res significata per exteriorem abluionem; & est signum sacramentale interioris iustificationis, quæ est res tantum huius sacramenti, scilicet significata, & non significans.

Ad primum ergo dicendum, quod id quod est sacramentum tantum in baptismo, transit; permanet autem & id quod est sacramentum, & res, scilicet character, & id quod est res tantum, scilicet interior iustificatio: sed character perma-

net indelebiliter, ut supra dictum est (quaest. lxxiii. art. 5.) iustificatio autem permanet, sed amissibiliter. Damascenus autem baptismum definit, non quantum ad id quod exterius agitur, quod est sacramentum tantum, sed quantum ad id quod est interius. Unde posuit duopertinentia ad characterem, scilicet *signillum, & custodiam*, in quantum ipse character, qui signillum dicitur, quantum est de se, custodit animam in bono. Duo etiam posuit pertinentia ad ultimam rem sacramenti, scilicet *regenerationem*, quæ ad hoc pertinet quod per baptismum homo inchoat novam vitam iustitiæ; & *illuminationem*, quæ pertinet specialiter ad fidem, per quam homo spirituales vitam accipit, secundum illud Habac. 11. 2. (b) *Iustus ex fide vivit*. Baptismus autem est quædam fidei processio: unde dicitur *fidei sacramentum*. Et similiter Dionysius baptismum definit per ordinem ad alia sacramenta, dicens 11. cap. ecclesiæ Hier. (parum a princ.) quod est *quoddam principium sanctissimorum mandatorum sacræ actionis, ad eorum susceptivam opportunitatem formans nostros animales habitus*. Et iterum in ordine ad cælestem gloriam, quæ est ultimus finis sacramentorum, cum subdit: *Ad supercælestis quietis anagogen nostrum iter faciens*: & iterum quantum ad principium spiritualis vitæ, per hoc quod subdit: *Sacræ, & divinissima nostræ regenerationis traditio*.

Ad secundum dicendum, quod, sicut dictum est (in corp. art.) opinionem Hugonis de S. Victore in hac parte sequi non oportet. Potest tamen verificari ut baptismus dicatur esse aqua, quia aqua est materiale baptismi principium: & sic erit prædicatio per causam.

Ad tertium dicendum, quod accedente verbo ad elementum, fit sacramentum, non quidem in ipso elemento, sed in homine, cui adhibetur elementum per usum abluionis: & hoc etiam signat verbum, quod accedit ad elementum, cum dicitur: *Ego te baptizo* &c.

(a) Ita nss. & id est passim. Al. dicit non. (b) In g'ta h'i: Iustus autem in fide sua vivit, sic autem habet apostolus Rom. 1. 17.

## ARTICULUS II. 365

*Utrum baptismus fuerit institutus post Christi passionem.*

*IV. dist. III. art. 5. & dist. VIII. quest. 1. art. 3. quest. 3. ad 2.*

**A**D secundum sic proceditur. Videtur quod baptismus fuerit institutus post Christi passionem. Causa enim praecedit effectum. Sed passio Christi operatur in sacramentis novae legis. Ergo passio Christi praedicat institutionem sacramentorum novae legis, & praecipue (a) institutionem baptismi; cum Apostolus dicat Rom. vi. 3. *Quicumque baptizati sumus in Christo Iesu, in morte ipsius baptizati sumus &c.*

2. Praeterea. Sacramenta novae legis efficaciam habent ex mandato Christi: Sed Christus mandatum baptizandi dedit discipulis post passionem, & resurrectionem suam, dicens: *Euntes docete omnes gentes, baptizantes eos in nomine Patris &c.* ut habetur Matth. ult. 19. Ergo videtur quod post passionem Christi baptismus fuerit institutus.

3. Praeterea. Baptismus est sacramentum necessitatis, ut supra dictum est (quest. praec. art. 4.) & ita videtur quod ex quo baptismus institutus fuit, homines obligarentur ad baptismum. Sed ante passionem Christi homines non obligantur ad baptismum: quia adhuc circumcisio suam virtutem habebat, in cuius locum successit baptismus. Ergo videtur quod baptismus non fuerit institutus ante passionem Christi.

Sed contra est quod Augustinus dicit in quodam sermone de Epiphania (serm. 1. Dom. inf. oct. 2. med.) *Ex quo Christus in aqua mergitur, ex eo omnium peccata abluit aqua.* Sed hoc fuit ante Christi passionem. Ergo videtur quod baptismus ante Christi passionem fuerit institutus.

Respondendo dicendum, quod, sicut dictum est supra (quest. lxxi. art. 1.) sacramenta ex sui institutione habent quod conferant gratiam. Unde tunc videtur aliquod sacramentum institui, quando accipit virtutem producendi suum effectum. Hanc autem virtutem accepit baptismus, quando Christus est baptizatus. Unde tunc vere baptismus institutus fuit quantum ad ipsum sacramentum. Sed necessitas utendi hoc sacramento indicta fuit

hominibus post passionem, & resurrectionem: tum quia in passione Christi terminata sunt figuralia sacramenta, quibus succedit baptismus, & alia sacramenta novae legis: tum etiam quia per baptismum configuratur homo passioni, & resurrectioni Christi, in quantum moritur peccato, & incipit novam iustitiae vitam. Et ideo oportuit Christum prius pati, & resurgere, quam hominibus indiceretur necessitas se configurandi morti, & resurrectioni eius.

Ad primum ergo dicendum, quod etiam ante passionem Christi baptismus habebat efficaciam a Christi passione, in quantum eam praefigurabat, aliter tamen quam sacramenta veteris legis: nam illa erant figurae tantum; baptismus autem ab ipso Christo virtutem habebat iustificandi, per cuius virtutem ipsa etiam passio salutifera fuit.

Ad secundum dicendum, quod homines debebant multiplicibus figuris arctari per Christum, qui venerat sua veritate figuras impletas auferre. Et ideo ante passionem suam baptismus institutum non posuit sub praepcepto; sed voluit ad eius exercitium homines assuefieri, & praecipue in populo Iudaeorum, apud quem omnia facta figuralia erant, ut Augustinus dicit contra Faustum (Lib. IV. cap. 11. cir. med.) Post passionem vero, & resurrectionem non solum Iudaeis, sed etiam Gentilibus sub praepcepto necessitatem baptismi imposuit; dicens (Matth. ult. 19.) *Euntes docete omnes gentes.*

Ad tertium dicendum, quod sacramenta non sunt obligatoria, nisi quando sub praepcepto ponuntur: quod quidem non fuit ante passionem, ut dictum est (in corp. art.) Quod enim Dominus ante passionem Nicodemo dixit Ioan. iii. 5. *Nisi quis renatus fuerit ex aqua, & Spiritu sancto, non potest introire in regnum Dei*, magis videtur ad futurum respicere quam ad praesens tempus.

(a) *Ia communiter optime. Alij intentionem.*

## ARTICULUS III. 366

*Utrum aqua sit propria materia baptismi.*

*IV. diff. xli. art. 1. quæst. 1. & diff. xvii. quæst. xli. art. 4. quæst. 3. & IV. cont. cap. lxx. & quol. 11. art. 10. cor. & Io. 111.*

**A**D tertium sic proceditur. Videtur baptismi. Quod aqua non sit propria materia baptismi. Baptismus enim secundum Dionysium (cap. 11. eccl. Hier.) & Damascenum (Lib. IV. orth. Fid. cap. x. cir. med.) habet vim illuminativam. Sed illuminatio maxime competit igni. Ergo baptismus magis debet fieri in igne quam in aqua; præsertim cum Ioannes Baptista prænuuntius Christi baptismum dicat (Matth. 111. 11.) *Ille vos baptizabit in Spiritu sancto, & igni.*

2. Præterea. In baptismo significatur ablutio peccatorum. Sed multa alia sunt ablutiva quam aqua; sicut vinum; & oleum, & huiusmodi alia. Ergo etiam in his potest fieri baptismus. Non ergo aqua est propria materia baptismi.

3. Præterea. Sacramenta Ecclesiæ fluxerunt de latere Christi pendentis in cruce, ut supra dictum est (quæst. lxxi. art. 5.) Sed inde fluxit non solum aqua, sed etiam sanguis. Ergo videtur quod etiam in sanguine possit fieri baptismus: quoniam etiam videtur magis convenire cum causa, & effectu baptismi, quia dicitur Apocal. 1. 5. *Lavit nos a peccatis nostris in sanguine suo.*

4. Præterea. Sicut Augustinus (in pl. serm. xxxvi. de temp. a. med.) & Beda (loc. cit. quæst. lxxi. art. 4. & hab. in Gloss. ord. sup. illud Lucæ 111. *Iesu baptizato &c.*) dicunt, *Christus tactu se emundissime carnis vim regenerativam, & purgativam contulit aquis.* Sed non omnis aqua continuatur cum aqua Iordanis, quam Christus tetigit sua carne. Ergo videtur quod non in omni aqua possit fieri baptismus: & ita aqua, in quantum huiusmodi, non est propria materia baptismi.

5. Præterea. Si aqua secundum se esset propria baptismi materia, non operetur aliquid aliud fieri circa aquam, ad hoc quod in ea baptismus fieret. Sed in Iosolym baptismi aqua, in qua debet celebrari baptismus, exorcizatur, & benedicitur. Ergo videtur quod aqua secundum se non sit propria baptismi materia.

Sed contra est quod Dominus dicit Ioan. 111. 5. *Nisi quis renatus fuerit ex aqua, & Spiritu sancto, non potest introire in regnum Dei.*

Respondeo dicendum, quod ex institutione divina aqua est propria materia baptismi: & hoc convenienter. Primo quidem quantum ad ipsam rationem baptismi, qui est regeneratio in spiritualem vitam; quod maxime congruit aquæ. Unde & semina, ex quibus generantur omnia viventia, scilicet plantæ, & animalia, humida sunt, & ad aquam pertinent. Propter quod quidam Philosophi potuerunt aquam omnium rerum principium. Secundo quantum ad effectus baptismi, quibus competit aquæ proprietates: quæ sua humiditate lavat; ex quo conveniens est ad significandam, & causandam ablationem peccatorum: sua frigiditate etiam temperat superfluitatem caloris; & ex hoc competit ad mitigandam concupiscentiam somitis: sua diaphaneitate est luminis susceptiva; unde competit baptismi, in quantum est fidei sacramentum. Tertio quia convenit ad representandum mysteria Christi, quibus iustificamur. Ut enim dicit Chrysostomus super illud Ioan. 111. *Nisi quis renatus fuerit &c.* (hom. xxiv. in Ioan. a. med.) „sicut in quem sepulcro, in aqua submergentibus nobis capita, verus homo sepelitur; & subterius deorsum occiditur; & deinde novus rursus ascendit.“ Quarto quia ratione suæ communis, & abundantie, est convenienter materia necessitati huius sacramenti: potest enim ubique de facili haberi.

Ad primum ergo dicendum, quod illuminatio pertinet ad ignem active. Ille autem qui baptizatur, non efficitur illuminatus, sed illuminatus per fidem, quæ est ex auditu, ut dicitur Rom. x. Et idcirco magis competit aqua baptismi quam ignis. Quod autem dicitur, *Baptizabit vos in Spiritu sancto, & igni*, potest per ignem, ut Hieronymus dicit (sup. hunc loc. Matth.) intelligi Spiritus sanctus, qui super discipulos in igneis linguis apparuit, ut dicitur Act. 11. Vel per ignem potest intelligi tribulatio, ut Chrysostomus dicit super Matth. (alius Auctor hom. 111. in op. imperf. aliquant. a. med.) quia *tribulatio peccata purgat, & concupiscentiam diminuit.* Vel quia, ut Hilarius dicit super Matth. (can. 11. cir. med.) *baptizatis in Spiritu sancto reliquum est consummari igne iudicii.*

Ad secundum dicendum, quod vinum, & oleum non communiter assumuntur ad usum ablutionis, sicut aqua; nec etiam ita perfecte abluunt: quia ex eorum ablutione remanet aliqua infectio quantum ad odorem; quod non contingit de aqua. Illa etiam non ita communiter, & abundanter habentur, sicut aqua.

Ad tertium dicendum, quod ex latere Christi fluxit aqua ad abluendum, sanguis autem ad redimendum. Et ideo sanguis competit sacramento Eucharistiae, aqua autem sacramento baptismi, qui tamen habet vim ablutivam ex virtute sanguinis Christi.

Ad quartum dicendum, quod virtus Christi derivata est ad omnem aquam, non propter contritum loci, sed propter similitudinem speciei. Unde dicit Augustinus in quodam sermone Epiphaniae (xxxvi. de temp. a. mod.) *Quae de Salvatoris baptismate benedictio fluxit, tamquam fluxus spiritalis, omnium gurgitum tractus, universorum fontium venas implevit.*

Ad quintum dicendum, quod illa benedictio quae adhibetur aquae, non est de necessitate baptismi, sed pertinet ad quandam solemnitatem, per quam excitatur devotio fidelium, & impeditur astutia demonis, ne impediatur baptismi effectus.

## ARTICULUS IV. 367

*Utrum ad baptismum requiratur aqua simplex.*

*IV. dist. 111. art. 3. quaest. 2. & IV. cont. cap. lviii.*

**A**D quartum sic proceditur. Videtur quod ad baptismum non requiratur aqua simplex. Aqua enim quae apud nos est, non est aqua pura; quod praecipue apparet de aqua maris, in qua plurimum admisceatur de terrestri, ut patet per Philosophum in Lib. II. Meteor. (cap. 111.) Et tamen in tali aqua potest fieri baptismus. Ergo non requiritur aqua simplex, & pura ad baptismum.

2. Praeterea. In solemnem celebrationem baptismi aquae infunditur christina. Sed hoc videtur impedire puritatem, & simplicitatem aquae. Ergo aqua pura, & simplex non requiritur ad baptismum.

3. Praeterea. Aqua fluens de latere Christi pendens in cruce fuit signum

baptismi, ut dictum est (art. praec. ad 3.) Sed aqua illa non videtur fuisse aqua pura, eo quod in corpore mixto, cuiusmodi fuit corpus Christi, non sunt elementa in actu. Ergo videtur quod non requiratur aqua pura, vel simplex ad baptismum.

4. Praeterea. Lixivium non videtur esse aqua pura: habet enim (a) contrarias proprietates aquae, scilicet calefaciendi, & deleccandi. Et tamen in lixivio videtur posse fieri baptismus, sicut & in aquis balnearum, quae transeunt per venas sulphureas, sicut & lixivium colatur per cineres. Ergo videtur quod aqua simplex non requiratur ad baptismum.

5. Praeterea. Aqua rosacea fit (b) per sublimationem a rosas; sicut etiam aquae alchemicae generantur per sublimationem ab aliquibus corporibus. Sed in his aquis, ut videtur, potest fieri baptismus, sicut & in aquis pluvialibus, quae per sublimationem vaporum generantur. Cum igitur huiusmodi aquae non sint purae, & simplices; videtur quod aqua pura, & simplex non requiratur ad baptismum.

Sed contra est quod propria materia baptismi est aqua, ut dictum est (art. praec.) Sed speciem aquae non habet nisi aqua simplex. Ergo aqua pura, & simplex de necessitate requiritur ad baptismum.

Respondendo dicendum, quod aqua suam puritatem, & simplicitatem potest amittere dupliciter: uno modo per mixturem alterius corporis; alio modo per alterationem. Utrunque autem horum contingit fieri dupliciter, scilicet per artem, & per naturam. Ars autem deficit ab operatione naturae: quia natura dat formam substantialem, quod ars facere non potest; sed omnes formae artificiales sunt accidentales, nisi forte apponendo proprium agens ad propriam materiam, sicut ignem combustibili: per quem modum a quibusdam quaedam animalia per putrefactionem generantur.

Quaecumque igitur transmutatio circa aquam facta est per artem, sive commiscendo, sive alterando, non transmutatur species aquae. Unde in tali aqua potest fieri baptismus: nisi forte aqua admisceatur per artem in tam parva quantitate alicui corpori, quod compositum magis sit aliud quam aqua; sicut luteum magis est terra quam aqua, & vinum lymphapha-

(a) Nicolai proprietates contrarias, (b) Ita cum mss. Tarraconensis, aliique edidi passim. est. sublimationem.



phatum magis est vinum quam aqua.

Sed transmutatio, quæ fit a natura, quandoque quidem speciem aquæ solvit: & hoc fit, quando aqua efficitur per naturam de substantia alicuius corporis mixti; sicut aqua conversa in liquorem uvæ est vinum, unde non habet speciem aquæ: aliquando autem fit per naturam transmutatio aquæ sine solutione speciei; & hoc tam per alterationem, sicut patet de aqua calefacta a Sole, quam etiam per mixturem, sicut patet de aqua fluminis turbida ex permutatione terrestrium partium. Sic ergo dicendum est, quod in qualibet aqua qualitercumque transmutata, dummodo non solvatur species aquæ, potest fieri baptismus; si vero solvatur species aquæ, non potest fieri baptismus.

Ad primum ergo dicendum, quod transmutatio facta in aqua maris, & etiam in aliis aquis quæ penes nos sunt, non est tanta quod solvat speciem aquæ. Et ideo in huiusmodi aquis potest fieri baptismus.

Ad secundum dicendum, quod admixtio chrismatum non solvit speciem aquæ, sicut nec etiam aqua decoctionis carnium, aut aliorum huiusmodi: nisi forte sit facta tanta resolutio corporum lixatorum in aqua, quod liquor plus habeat de aliena substantia quam de aqua; quod ex ipsitudine percipi potest. Si tamen ex liquore sic inspissato exprimat aqua subtilis, potest in ea fieri baptismus, sicut & in aqua quæ exprimitur ex luto, licet in luto baptismus fieri non possit.

Ad tertium dicendum, quod aqua fluens de latere Christi pendens in cruce non fuit humor phlegmaticus, ut quidam dixerunt: in tali enim humore non posset fieri baptismus, sicut nec in sanguine animalis, aut in vino, aut quocumque liquore alicuius plantæ. Fuit autem aqua pura, miraculose egrediens a corpore mortuo, sicut & sanguis, ad comprobandam veritatem dominici corporis, contra Manichæorum errorem; ut scilicet per aquam, quæ est unum quatuor elementorum, ostenderetur corpus Christi vere fuisse compositum ex quatuor elementis; per sanguinem vero ostenderetur esse compositum ex quatuor humoribus.

Ad quartum dicendum, quod in lixivio, & in aquis sulphureorum balneorum potest fieri baptismus: quia tales aquæ non incorporantur per artem, vel

naturam aliquibus corporibus mixtis, sed solum alterationem quamdam recipiunt ex hoc quod transeunt per aliqua corpora.

Ad quintum dicendum, quod aqua rosacea est liquor rosæ resolutus: unde in ea non potest fieri baptismus; & eadem ratione nec in aquis alchimicis, sicut nec in vino. Nec est eadem ratio de aquis pluvialibus, quæ generantur ex maiori parte ex sublimatione vaporum resolutorum ex aquis; minimum autem est ibi de liquoribus corporum mixtorum; qui tamen per huiusmodi sublimationem virtute naturæ, quæ est fortior arte, resolvuntur in veram aquam; quod ars facere non potest: unde aqua pluvialis nullam proprietatem retinet alicuius corporis mixti; quod de aquis rosaceis, & aquis alchimicis dici non potest.

## ARTICULUS V. 368

*Utrum hæc sit conveniens forma baptismi:*

Ego te baptizo in nomine Patris, & Filii, & Spiritus sancti.

*Inf. quæst. lxxxiv. art. 3. cor. & IV. dist. 111. art. 6. quæst. 1. & I. Cor. 1. lect. 2.*

**A**D quintum sic proceditur. Videtur quod hæc non sit conveniens forma baptismi: Ego te baptizo in nomine Patris, & Filii, & Spiritus sancti. Actus enim magis debet attribui principali agenti quam ministro. Sed in sacramento minister agit ut instrumentum, ut supra dictum est (quæst. lxxv. art. 1.) principale autem agens in baptismo est Christus, secundum illud Ioan. 1. 33. *Super quem videris Spiritum descendentem, & manentem, hic est qui baptizat.* Inconvenienter ergo minister dicit, Ego te baptizo: præsertim quia in hoc quod dicitur, baptizo, intelligitur ego: & sic videtur superflue apponi.

2. Præterea. Non oportet quod ille qui aliquem actum exercet, de actu exercito faciat mentionem; sicut ille qui docet, non oportet quod dicat Ego vos doceo. Dominus autem simul tradidit præceptum baptizandi, & docendi, dicens Matth. ult. 19. *Euntes docete omnes gentes &c.* Ergo non oportet quod in forma baptismi fiat mentio de actu baptismi.

3. Præterea. Ille qui baptizatur, quandoque non intelligit verba; puta si sit stultus, aut puer. Frustra autem ad talia.

lem sermo dirigitur, secundum illud Eccli. xxxii. 6. *Ubi non est auditus, non est fundas sermonem*. Ergo inconvenienter dicitur, *Ego te baptizo*, sermone directio ad eum qui baptizatur.

4. Præterea. Contingit simul plures baptizari, & a pluribus; sicut Apostoli baptizaverunt una die tria millia, & alia die quinque millia, ut dicitur Act. ii. & 4. Non ergo debet forma baptismi determinari in singulari numero, ut dicitur, *Ego te baptizo*; sed potest dici, *Nos vos baptizamus*.

5. Præterea. Baptismus virtutem habet a passione Christi. Sed per formam baptismus sanctificatur. Ergo videtur quod in forma baptismi debeat fieri mentio de passione Christi.

6. Præterea. Nomen designat proprietatem rei. Sed tres sunt proprietates personales divinarum personarum, ut in prima parte dictum est (quaest. xxxii. art. 3.) Non ergo debet dici, *In nomine Patris, & Filii, & Spiritus sancti*, sed, *In nominibus*.

7. Præterea. Persona Patris non solum significatur nomine Patris, sed etiam nomine innascibilis, & genitoris; Filius etiam significatur nomine verbi, & imaginis, & geniti; Spiritus etiam sanctus potest significari nomine doni, & amoris procedentis. Ergo videtur quod etiam his nominibus utendo perficiatur baptismus.

Sed contra est quod Dominus dicit Math. ult. 19. *Euntes docete omnes gentes, baptizantes eos in nomine Patris, & Filii, & Spiritus sancti*.

Respondeo dicendum, quod baptismus per suam formam consecratur, secundum illud Ephes. v. 26. *Mundans eam lavacro aque in verbo vite*; & Augustinus dicit in Lib. de unico baptismo (sive Lib. IV. de baptism. cont. Donatist. cap. xv. & Lib. VI. cap. xxv.) quod *baptismus verbis evangelicis consecratur*. Et ideo oportet quod in forma baptismi exprimaturs causa baptismi. Est autem eius duplex causa: una quidem principalis, a qua virtutem habet, quæ est sancta Trinitas; alia autem instrumentalis, scilicet minister, qui tradit exterius sacramentum. Et ideo oportet in forma baptismi de utraque fieri mentionem. Minister autem tangitur, cum dicitur, *Ego te baptizo*; causa autem principalis, cum dicitur, *In nomine Patris, & Filii, & Spiritus sancti*. Unde hæc est conveniens forma baptismi: *Ego te baptizo in nomine Pa-*

*tris, & Filii, & Spiritus sancti*.

Ad primum ergo dicendum, quod actio attribuitur instrumento, sicut immediate agenti; attribuitur autem huiusmodi actio principali agenti, sicut in cuius virtute instrumentum agit. Et ideo in forma baptismi convenienter significatur minister ut exercens actum baptismi, per hoc quod dicitur, *Ego te baptizo*; sicut & ipse Dominus baptizandi actum attribuit ministris, dicens (Math. ult. 19.) *Baptizantes eos &c.* Causa autem principalis significatur, ut in cuius virtute sacramentum agitur, per hoc quod dicitur, *In nomine Patris, & Filii, & Spiritus sancti*: non enim Christus baptizat sine Patre, & Spiritu sancto. Græci autem non attribuunt actum baptismi ministris, ad evitandum antiquorum errorem, qui virtutem baptismi baptizantibus attribuebant, dicentes (1. Cor. 1. 12.) *Ego sum Pauli, & ego Cephe*; & ideo dicunt: *Baptizetur servus Christi, talis, in nomine Patris &c.* Et quia exprimitur actus exercitus per ministrum cum invocatione Trinitatis, verum perficitur sacramentum. Quod autem additur, *Ego in forma nostra*, non est de substantia formæ, sed ponitur ad maiorem expressionem intentionis.

Ad secundum dicendum, quod quia ablutio hominis in aqua propter multa fieri potest, oportet quod determinetur in verbis formæ, ad quid fiat: quodquidem non fit per hoc quod dicitur: *In nomine Patris, & Filii, & Spiritus sancti*: quia omnia in tali nomine facere debemus, ut habetur Coloss. 111. Et ideo si non exprimaturs actus baptismi vel per modum nostrum, vel per modum Græcorum, non perficitur sacramentum, secundum illam Decretalem Alexandri III. (quæ hab. cap. *Si quis*, de baptis. & eius effect.) *Si quis puerum ter in aqua immerfit in nomine Patris, & Filii, & Spiritus sancti, amen; & non dixerit, Ego te baptizo in nomine Patris, & Filii, & Spiritus sancti, amen; non est puer baptizatus*.

Ad tertium dicendum, quod verba quæ proferuntur in formis sacramentorum, non pronuntiantur solum causa significandi, sed etiam causa efficiendi, in quantum habent efficaciam ab illo Verbo per quod facta sunt omnia; & ideo convenienter diriguntur non solum ad homines non intelligentes, sed etiam ad creaturas insensibiles; ut cum dicitur: *Exorcizo te creatura salis*.

Ad quartum dicendum, quod plures simul non possunt unum baptizare: quia actus multiplicatur secundum multiplicationem agentium, si perfecte ab unoquoque agatur. Et sic si convenirent duo, quorum unus esset mutus, qui non posset proferre verba, & alius carens manibus, qui non posset exercere actum, non possent ambo simul baptizare, uno dicente verba, & alio exercente actum. Possunt autem, si necessitas exigit, plures simul baptizari, quia nullus eorum reciperet nisi unum baptismum; sed tunc oportebit dicere, *Ego baptizo vos*: nec erit mutatio formae: quia vos nihil aliud est, quam *te*, & *te*: quod autem dicitur *nos*, non est idem dicere, quod *ego*, & *ego*, sed *ego*, & *tu*; & sic iam mutaretur forma. Similiter autem mutaretur, si diceretur, *Ego baptizo me*. Et ideo nullus potest baptizare seipsum. Propter quod & Christus a Ioanne voluit baptizari, ut dicitur extra de baptismo, & eius esset (cap. Debitum.)

Ad quintum dicendum, quod passio Christi etsi sit principalis causa respectu ministri, est tamen causa instrumentalis respectu S. Trinitatis: & ideo potius commemoratur Trinitas quam passio Christi.

Ad sextum dicendum, quod etsi sint tria nomina personarum trium personarum, est tamen nomen unum essentiale. Virtus autem divina, quae operatur in baptismo, ad essentiam pertinet: & ideo dicitur *in nomine*, & non *in nominibus*.

Ad septimum dicendum, quod sicut aqua sumitur ad baptismum, quia eius usus est communior ad abluendum; ita ad significandum tres personas in forma baptismi assumuntur illa nomina quibus communis consueverunt nominari personae in illa lingua; nec in aliis nominibus perficitur sacramentum.

#### ARTICULUS VI. 369

*Utrum in nomine Christi possit dari baptismus.*

*IV. dist. IV. art. 3. quæst. 2. ad 3. & 1. Cor. 1. 128. 2.*

**A**D sextum sic proceditur. Videtur quod in nomine Christi possit dari baptismus. Sicut enim una est fides, ita est unum baptismum, ut dicitur Ephes. IV. Sed Act. VIII. 12. dicitur, quod *in nomi-*

*ne Christi baptizabantur viri, & mulieres*. Ergo etiam nunc potest dari baptismus in nomine Christi.

2. Præterea. Ambrosius dicit (Lib. I. de Spiritu S. cap. III. ante med.) *Si Christum dicas, & Patrem, a quo unctus est, & ipsum qui unctus est, Filium, & Spiritum sanctum, quo unctus est, designasti*. Sed in nomine Trinitatis potest fieri baptismus. Ergo & in nomine Christi.

3. Præterea. Nicolaus I. Papa ad consulta Bulgarorum respondens dicit (cap. CIV. & hab. cap. A quodam, de consecrat. dist. IV.) *Qui in nomine sanctæ Trinitatis, vel tantum in nomine Christi, sicut in Actibus Apostolorum legitur, baptizati sunt (unum quippe idemque est, ut sanctus ait Ambrosius) rebaptizari non debent*. Rebaptizaretur autem, si in hac forma baptizati sacramentum baptismi non reciperent. Ergo potest conferri baptismus in nomine Christi sub hac forma: *Ego te baptizo in nomine Christi*.

Sed contra est quod Pelagius Papa scribit Gaudentio Episcopo (ut hab. cap. Si revera, de consecrat. dist. IV.) *Si hi qui in locis dilectioni tue vicinis commemorari dicuntur, sed solummodo in nomine Domini baptizatos fuisse consenserunt, sine cuiuscunque dubitationis ambiguo, eos ad fidem catholicam venientes in sanctæ Trinitatis nomine baptizabis*. Didymus etiam dicit in Lib. II de Spiritu sancto (parum a princ. inter op. Hieron.) *Licet quis possit existere saxeus, ut ita dicam, cordis, & penitus mentis alienus, qui ita baptizari conetur, ut unum de fratribus nominibus (scilicet trium personarum) prætermittat; tamen sine perfectione baptizabit*.

Respondeo dicendum, quod, sicut supra dictum est (art. 2. hu. quæst.) sacramenta habent efficaciam ab institutione Christi. Et ideo si prætermittatur aliquid eorum quæ Christus instituit circa aliquod sacramentum, efficacia caret; nisi ex speciali dispensatione eius qui virtutem suam sacramentis non alligavit. Christus autem instituit, sacramentum baptismi dari cum invocatione Trinitatis. Et ideo quicquid desit ad plenam invocationem Trinitatis, tollit integritatem baptismi. Nec obstat quod in nomine unius persone intelligitur alia (sic in nomine Patris intelligitur Filius) aut quod ille qui nominat unam solum personam, potest habere rectam fidem de tri-

tribus: quia sicut ad sacramentum requiritur materia sensibilis, ita & formalis: unde non sufficit intellectus, vel fides Trinitatis ad perfectionem sacramenti, nisi sensibilibus verbis Trinitas exprimitur. Unde in baptismo Christi, ubi fuit origo sanctificationis nostri baptismi, assuit Trinitas in sensibilibus signis, scilicet Pater in voce, Filius in humana natura, Spiritus sanctus in columna.

Ad primum ergo dicendum, quod ex speciali Christi revelatione Apostoli in primitiva Ecclesia in nomine Christi baptizabant, ut nomen Christi, quod erat odiosum Iudeis, & Gentilibus, honorabile redderetur per hoc quod ad eius invocationem Spiritus sanctus dabatur in baptismo.

Ad secundum dicendum, quod Ambrosius assignat rationem, quare convenienter talis dispensatio fieri potuit in primitiva Ecclesia, quia scilicet in nomine Christi tota Trinitas intelligitur. Et ideo servabatur ad minus integritate intelligibili forma quam Christus tradidit in Evangelio.

Ad tertium dicendum, quod Nicolaus Papa dictum suum confirmat ex duobus praemissis. Et ideo eius responsio patet ex primis duabus solutionibus.

## ARTICULUS VII. 370

*Utrum immersio in aqua sit de necessitate baptismi.*

*IV. dist. III. art. 4. quest. 1.*

**A**D septimum sic proceditur. Videtur quod immersio in aqua sit de necessitate baptismi. Ut enim dicitur Ephes. IV. 5. *una fides, unum baptisma.* Sed apud multos communis modus baptizandi est per immersionem. Ergo videtur quod non possit esse baptismus sine immersione.

2. Præterea. Apostolus dicit Rom. VI. 3. *Quicumque baptizati sumus in Christo Iesu, in morte ipsius baptizati sumus: consepulti enim sumus cum illo per baptismum in mortem.* Sed hoc fit per immersionem: dicit enim Chrysostomus super illud Ioan. III. *Nisi quis renatus fuerit ex aqua, & Spiritu sancto &c.* (hom. XXIV. in Ioan. a med.). Sicut in quodam sepulchro, in aqua submergentibus nobis capita, vetus homo sepelitur, & submersus deorsum occiditur; de-

*J. Tb. Oper. Tom. XXIV.*

inde novus rursus ascendit. "Ergo videtur quod immersio sit de necessitate baptismi."

3. Præterea. Si sine immersione totius corporis posset fieri baptismus, sequeretur quod pari ratione sufficeret quamlibet partem aqua perfundi. Sed hoc videtur inconveniens: quia originale peccatum, contra quod præcipue datur baptismus, non est in una tantum corporis parte. Ergo videtur quod requiratur immersio ad baptismum, & non sufficiat sola aspergio.

Sed contra est quod Hebr. X. 22. dicitur: *Accedamus cum vero corde in plenitudine fidei, aspersi corda a conscientia macula, & abluti corpus aqua mundum.*

Respondetur dicendum, quod aqua assumitur in sacramento baptismi ad usum ablutionis corporalis, per quam significatur interior ablutio peccatorum. Ablutio autem fieri potest per aquam, non solum per modum immersionis, sed etiam per modum asperisionis, vel effusionis. Et ideo quamvis tutius sit baptizare per modum immersionis (quia hoc habet communior usus) potest tamen fieri baptismus per modum asperisionis, vel etiam per modum effusionis, secundum illud Ezech. XXXVI. 25. *Effundam super vos aquam mundam:* sicut beatus Laurentius legitur baptizasse: & hoc præcipue propter necessitatem, vel quia est magna multitudo baptizandorum, ut patet Act. XI. & IV. ubi dicitur, quod crediderunt una die tria millia, & alia die quinque millia. Quandoque autem potest imminere necessitas propter paucitatem aquæ, vel propter debilitatem ministrum, qui non potest sustentare baptizandum, vel propter debilitatem baptizandi, cui potest imminere periculum mortis ex immersione. Et ideo dicendum est, quod immersio non est de necessitate baptismi.

Ad primum ergo dicendum, quod ea quæ sunt per accidens, non variant substantiam rei. Per se autem requiritur ad baptismum corporalis ablutio per aquam: unde & baptismus lavacrum nominatur, secundum illud Ephes. V. 26. *Mundamur lavacro aquæ in verbo vite.* Sed quod fiat ablutio hoc vel illo modo, accidit baptismi. Et ideo talis diversitas non tollit unitatem baptismi.

Ad secundum dicendum, quod in immersione expressius representatur figura sepulture Christi: & ideo hic modus baptizandi est communior, & laudabilior. Sed in aliis modis baptizandi represen-

D d

tatur aliquo modo, licet non ita expresse: nam quocumque modo fiat ablutio, corpus hominis, vel aliqua pars eius aqua supponitur, sicut corpus Christi sub terra fuit positum.

Ad tertium dicendum, quod principalis pars corporis, praecipue quantum ad exteriora membra, est caput, in quo vigent omnes sensus & interiores, & exteriores. Et ideo si totum corpus aqua non possit perfundi propter aquae paucitatem, vel propter aliquam aliam causam, oportet caput perfundere, in quo manifestatur principium animalis vitae. Et licet per membra quae generationi deserviunt, peccatum originale tradatur; non tamen sunt membra illa potius aspergenda quam caput: quia per baptismum non tollitur transmissio originalis in prolem per actum generationis, sed liberatur anima a macula, & reatu peccati, quod incurrit. Et ideo debet praecipue lavari illa pars corporis in qua manifestantur opera animae. In veteri autem lege remedium contra originale peccatum institutum erat in membro generationis: quia adhuc ille per quem originale erat amovendum, natus erat ex semine Abraham, cuius fidem circumcisio significabat, ut dicitur Rom. iv.

#### ARTICULUS VIII. 371

*Utrum trina immersio sit de necessitate baptismi.*

*IV. dist. 111. art. 4. quæst. 2. & 3. & dist. xxiii. quæst. 1. art. 1.*

**A**D octavum sic proceditur. Videtur quod trina immersio sit de necessitate baptismi. Dicit enim Augustinus in quodam sermone de Symbolo ad baptizatos (hom. 11. ad neophytos, ut refertur in Decr. dist. iv. de consec. cap. Postquam:) *Recte tertio mersi estis, qui acceptis baptismum in nomine sanctæ Trinitatis: recte tertio mersi estis, qui acceptis baptismum in nomine Iesu Christi, qui etiam tertia die resurrexistis a mortuis: ulla enim tertio repetita immersio typum dominicæ exprimit sepulture, per quam Christo consepulsi estis in baptismo.* Sed utrumque videtur ad necessitatem baptismi pertinere, scilicet & quod significetur in baptismo Trinitas personarum, & quod fiat configuratio ad sepulturam Christi.

Ergo videtur quod trina immersio sit de necessitate baptismi.

2. Præterea. Sacramenta ex mandato Christi efficaciam habent. Sed trina immersio est ex mandato Christi: scribit enim Pelagius Papa Gaudenzio Episcopo (& hab. cap. *Multi sunt*, de consecr. dist. iv.) *Evangelicum præceptum, ipso Domino Deo, & Salvatore nostro Iesu Christo tradente, nos admonet, in nomine Trinitatis trina immersione sanctum baptismum unicuique tribuere.* Ergo sicut baptizare in nomine Trinitatis est de necessitate baptismi; ita etiam baptizare trina immersione videtur esse de necessitate baptismi.

3. Præterea. Si trina immersio non sit de necessitate baptismi, ergo ad primam immersionem aliquis baptismi consequitur sacramentum. Si ergo addatur secunda, vel tertia, videtur quod secundo, vel tertio baptizetur: quod est inconveniens. Non ergo una immersio sufficit ad sacramentum baptismi; sed trina immersio videtur esse de necessitate ipsius.

Sed contra est quod Gregorius dicit scribens Leandro Episcopo (in Regist. Lib. I. epist. xli. a med.) *Reprobabilis esse nullatenus potest infantem in baptismo vel ter, vel semel immergere: quoniam & in tribus immersionibus personarum Trinitas, & in una potest Divinitatis singularitas designari.*

Respondeo dicendum, quod, sicut prius dictum est (art. præc. ad 1.) ad baptismum per se requiritur ablutio aquæ, quæ est de necessitate sacramenti, modus autem abluionis per accedens se habet ad sacramentum. Et ideo, sicut ex prædicta auctoritate Gregorii patet, quantum est de se, utrumque licite fieri potest, scilicet & semel, & ter immergere: quia unica immersione significatur unitas mortis Christi, & unitas Deitatis; per trinam autem immersionem significatur triduum sepulture Christi, & etiam Trinitas personarum.

Sed diversis ex causis secundum ordinationem Ecclesiæ quandoque institutus est unus modus, quandoque alius. Quia enim a principio nascentis Ecclesiæ quidam de Trinitate male sentiebant, Christum purum hominem esse æstimantes, nec dici Filium Dei, & Deum nisi propter meritum eius, quod præcipue fuit in morte; ideo non baptizabant in nomine Trinitatis, sed in commemoratione mortis Christi, & una immersione: quod repro-

reprobatum fuit in primitiva Ecclesia. Unde in canonicis apostolicis (can. xlix. & hab. cap. lxxix. de consecrat. dist. iv.) *Si quis presbyter, aut Episcopus non trinum immersionem unius mysterii celebret, sed semel mergat in baptismate, quod dari a quibusdam dicitur in morte Domini; deponatur: non enim nobis dixit Dominus, In morte mea baptizate, sed, in nomine Patris, & Filii, & Spiritus sancti.* Postmodum vero inolevit quorundam schismaticorum, & hæreticorum error homines rebaptizantium; sicut de Donatistis Augustinus narrat super Ioan. (tract. xi. a med.) & Lib. de hæresib. (hæresi lxxix.) Et ideo in derestationem erroris eorum fuit statutum in Conc. Toletano IV. (can. vi. & hab. cap. lxxv. de consecrat. dist. iv.) quod fieret una sola immersio; ubi sic legitur: *Propter vitandum schismatis scandalum, vel hæretici dogmatis ylum, simplam teneamus baptismi immersionem.* Sed, cessante tali causa, communiter observatur in baptismo trina immersio. Et ideo graviter peccaret aliter baptizans, quasi ritum Ecclesiae non observans; nihilominus tamen esset baptismus.

Ad primum ergo dicendum, quod Trinitas est sicut agens principale in baptismo. Similitudo autem agentis pervenit ad effectum secundum formam, & non secundum materiam. Et ideo significatio Trinitatis fit in baptismo per verba formæ: nec est de necessitate, quod significetur Trinitas per usum materiarum; sed hoc fit ad maiorem expressionem. Similiter etiam mors Christi figuratur sufficienter in unica immersione. Triduum autem sepulture non est de necessitate salutis nostræ: quia etiam uno die fuisset sepultus, vel mortuus, sufficeret ad perficiendam nostram redemptionem. Sed triduum illud ordinatur ad manifestandum veritatem mortis, ut supra dictum est (quæst. li. art. 4. & quæst. lxx. art. 2.) Et ideo patet quod trina immersio nec ex parte Trinitatis, nec ex parte passionis Christi est de necessitate sacramenti.

Ad secundum dicendum, quod Pelagius Papa intelligit, trinam immersionem esse de mandato Christi in suo simili, in hoc scilicet quod Christus præcepit baptizari in nomine Patris, & Filii, & Spiritus sancti. Non tamen est similis ratio de forma, & de usu materiarum, ut dictum est (in sol. præc.)

Ad tertium dicendum, quod, sicut su-

pra dictum est (lxxv. art. 8.) intentio requiritur ab baptismum. Et ideo ex intentione ministri Ecclesiae, qui intendit unum baptismum dare trina immersione, efficitur unum baptismum. Unde Hieronymus dicit super epistolam ad Ephes. (sup. illud cap. i. v. Unus Dominus &c.) *Licet ter baptizetur, id est immergatur, propter mysterium Trinitatis, tamen unum baptismum reputatur.* Si vero intenderet ad unamquamque immersionem unum baptismum dare, ad singulas immersiones repetens verba formæ, peccaret, quantum in se est, pluries baptizans.

## ARTICULUS IX. 372

*Utrum baptismus possit iterari.*

*IV. dist. vi. quæst. 11. art. 1. quæst. 1. & IV. cent. cap. lxx. fin. & cap. lxx. & lxxi. & Ioan. 111. & Ephes. iv. lect. 2.*

**A**D nonum sic proceditur. Videtur quod baptismus possit iterari. Baptismus enim videtur institutus ad ablu- tionem peccatorum. Sed peccata iterantur. Ergo multo magis baptismus debet iterari: quia misericordia Christi transcendit hominis culpam.

2. Præterea. Ioannes Baptista præcipue fuit a Christo commendatus, cum de eo dictum sit Matth. xi. 11. *Inter natos mulierum non surrexit maior Ioanne Baptista.* Sed baptizati a Ioanne iterum baptizabantur, ut habetur Act. xix. ubi dicitur, quod Paulus baptizabat eos qui erant baptizati baptismum Ioannis. Ergo multo fortius illi qui sunt baptizati ab hæreticis, vel peccatoribus, sunt rebaptizandi.

3. Præterea. In Nicæno Conc. (can. xix.) statutum est, *si quis confugerit ad Ecclesiam catholicam de Paulianistis, & Cataphygis, rebaptizari eos omnino debere.* Videtur autem esse eadem ratio de aliis hæreticis. Ergo baptizati ab hæreticis debent rebaptizari.

4. Præterea. Baptismus est necessarius ad salutem. Sed de quibusdam baptizatis aliquando dubitatur, an sint baptizati. Ergo videtur quod debeant iterum baptizari.

5. Præterea. Eucharistia est perfectius sacramentum quam baptismus, ut supra dictum est (quæst. præc. art. 3.) Sed sacramentum Eucharistiæ iteratur. Ergo videtur quod multo magis baptismus possit iterari.

Sed contra est quod dicitur Ephes. iv. 5. *Una fides, unum baptisma.*  
Respondendo dicendum, quod baptismus iterari non potest.

Primo quidem quia baptismus est quædam spiritalis regeneratio, prout scilicet aliquis moritur veteri vitæ, & incipit novam vitam agere: unde dicitur Ioan. iii. 5. *Nisi quis venatus fuerit ex aqua, & Spiritu sancto, non potest introire in regnum Dei.* Unius autem non est nisi una generatio. Et ideo non potest baptismus iterari, sicut nec carnalis generatio. Unde Augustinus super illud Ioan. v. *Namquid potest homo in ventrem matris sue iterato introire, & renasci?* dicit (tract. xi. in Ioan. ante med.) „Sic tu „intelligis nativitatem spiritus, quomodo „do intellexit Nicodemus nativitatem „carnis: quomodo enim uterus non potest iterari, sic nec baptismus.“

Secundo quia in morte Christi baptizamur, per quam morimur peccato, & resurgimus in novitatem vitæ. Christus autem semel tantum mortuus est. Et ideo baptismus iterari non debet. Propter quod Hebr. vi. 6. contra quosdam rebaptizari volentes dicitur: *Rursus crucigentes sibi metipsos Filium Dei: ubi Glosa (ord. sup. illud, Renovari rursus) dicit: „Una Christi mors unum baptismum consecravit.“*

Tertio quia baptismus imprimit characterem, qui est indelebilis, & cum quadam consecratione datur. Unde sicut aliarum consecrationes non iterantur in Ecclesia, ita nec baptismus. Et hoc est quod Augustinus dicit II. contra ep. Parmenianum (cap. xlii. a med.) quod *character militaris non repetitur, & quod non minus heret sacramentum Christi quam corporalis hec nota: cum videamus nec asphatas carere baptismo, quibus utique per penitentiam redeuntibus non restituitur.*

Quarto quia baptismus principaliter datur contra originale peccatum. Et ideo sicut originale peccatum non iteratur, ita etiam nec baptismus iteratur: quia, ut dicitur Rom. v. 18. *sicut per unius delictum in omnes homines in condemnationem, sic per unius iustitiam in omnes homines in iustificationem vitæ.*

Ad primum ergo dicendum, quod baptismus operatur in virtute passionis Christi, sicut supra dictum est (art. 2. huius quæstionis). Et ideo sicut peccata sequentia virtutem passionis Christi non auferunt, ita etiam non auferunt baptismum, ut

necesse sit ipsum iterari: sed poenitentia superveniente tollitur peccatum, quod impediēbat effectum baptismi.

Ad secundum dicendum, quod, sicut Augustinus dicit super illud Ioan. i. *Sed ego nesciebam eum* (tract. v. in Ioan. vers. fin.) „Ecce post Ioannem baptizatum est, post homicidam non est baptizatum: quia Ioannes dedit baptismum suum, homicida dedit baptismum Christi: quod sacramentum tantum sanctum est, ut nec homicida ministrare te possit.“

Ad tertium dicendum, quod Pauliani, & Cataphrygæ non baptizabant in nomine Trinitatis. Unde Gregorius dicit scribens Quirino Episcopo (in Regist. Lib. IX. epist. lxi. parum a princ.) *Hi heretici qui in Trinitatis nomine baptizantur, sicut sunt Bonosiani, & Cataphrygæ (qui scilicet idem sentiebant cum Paulianis) quia & illi Christum Deum non credunt, exultantes ipsum scilicet esse purum hominem, & isti, scilicet Cataphrygæ, Spiritum sanctum perverso sensu esse quendam prævum bonitatem, Montanum scilicet credunt: tales cum ad sanctam Ecclesiam veniunt, baptizantur: quia baptisma non fuit, quod in errore positi in sanctæ Trinitatis nomine minime perceperunt.* Sed, sicut in regulis eccl. (sc. in Lib. de ecclesiasticis dogm. cap. lxi.) dicitur, *si qui apud illos hereticos baptizati sunt qui in sanctæ Trinitatis confessione baptizabant, & veniunt ad catholicam fidem, recipiant ut baptizati.*

Ad quartum dicendum, quod, sicut dicit Decret. Alexandri III. (quæ hab. cap. De quibus xi. de baptism. & eius effect.) *De quibus dubium est an baptizati fuerint, baptizentur, his verbis premissis: Si baptizatus es, ego non te baptizo: sed si nondum baptizatus es, ego te baptizo &c. non enim videtur iterari quod nequitur esse factum.*

Ad quintum dicendum, quod utrumque sacramentum, scilicet baptismi, & Eucharistiæ, est repræsentativum dominicæ mortis, & passionis, aliter tamen, & aliter: nam in baptismo commemoratur mors Christi, in quantum homo Christo commoritur, ut in novam vitam regeneretur; sed in sacramento Eucharistiæ commemoratur mors Christi, in quantum ipse Christus passus exhibetur nobis, quasi paschale convivium, secundum illud I. Corinth. v. 7. *Pascha nostrum immoletus est Christus: itaque celebretur.* Et quia homo semel nascitur,

multoties autem cibatur; semel tantum datur baptismus; multoties autem Eu-  
charistia.

## ARTICULUS X. 373

*Utrum ritus quo Ecclesia in baptizando  
utitur, sit conveniens.*

*IV. dist. 11. quest. 1. art. 3. ad 7. & dist. 12.  
quest. 11. art. 1. quest. 3.*

**A**D decimum sic proceditur. Videtur  
quod non sit conveniens ritus quo  
Ecclesia utitur in baptizando. Ut enim  
dicit Chrysostomus ( hab. in fragment.  
Chromatii in Biblioth. PP. & cap. x. de  
Consecrat. dist. 14. ) *numquam aquae bap-*  
*tismi purgare peccata credentium poss-*  
*sent, nisi tactu dominici corporis sancti-*  
*ficata fuissent.* Hoc autem factum fuit  
in baptismo Christi, qui celebratur in fe-  
sto Epiphaniae. Ergo magis deberet ce-  
lebrari sollemnis baptismus in festo E-  
piphaniae quam in vigilia Paschae, &  
in vigilia Pentecostes.

2. Præterea. Ad idem sacramentum  
non videtur pertinere diversarum mate-  
riarum usus. Sed ad baptismum pertinet  
ablutio aquæ. Inconvenienter igitur il-  
le qui baptizatur, bis inungitur oleo  
sancto, primum in pectore, deinde in-  
ter scapulas, & tertio chrismate in ver-  
tice.

3. Præterea. (a) *In Christo Iesu non*  
*est masculus, & femina, Barbarus, &*  
*Sytha:* (Coloss. 111. 11. ) & eadem ra-  
tione nec aliquæ aliæ huiusmodi differen-  
tiæ. Multo igitur minus diversitas ve-  
stium aliquid operatur in fide Christi.  
Inconvenienter igitur baptizatis traditur  
candida vestis.

4. Præterea. Sine huiusmodi obser-  
vantis potest baptismus celebrari. Hæc  
igitur quæ dicta sunt, videntur esse su-  
perflua, & ita inconvenienter ab Eccle-  
sia instituta esse in ritu baptismi.

Sed contra est quod Ecclesia regitur  
Spiritu sancto, qui nihil inordinatum o-  
peratur.

Respondeo dicendum, quod in sacra-  
mento baptismi aliquid agitur quod est  
de necessitate sacramenti, & aliquid est  
quod ad quamdam sollemnitatem sacra-  
menti pertinet.

De necessitate quidem sacramenti est  
forma, quæ designat principalem cau-  
sam sacramenti; & minister, qui est cau-  
sa. *S. Th. Oper. Tom. XXIV.*

(a) *Palgæra:* Ubi non est Gentilis, & Indus, circumcisio, & præputium, Barbarus, &  
Sytha.

sa instrumentalis; & usus materie, sci-  
licet ablutio in aqua, quæ designat prin-  
cipalem sacramenti effectum.

Cetera vero omnia quæ in ritu bap-  
tizandi observat Ecclesia, magis pertinent  
ad quamdam sollemnitatem sacramenti.  
Quæ quidem adhibentur in sacramento  
propter tria. Primo quidem ad excitandam  
devotionem fidelium, & reveren-  
tiam ad sacramentum. Si enim simplici-  
ter fieret ablutio in aqua absque sole-  
mnitate, de facili ab aliquibus aestima-  
retur quasi quædam communis ablutio.  
Secundo ad fidelium instructionem. Sim-  
plices enim, qui litteris non erudiuntur,  
oportet erudire per aliqua sensibilia si-  
gna, puta per picturas, & aliqua huius-  
modi: & per hunc modum per ea quæ  
in sacramento aguntur, vel instruuntur,  
vel sollicitantur ad querendum de his  
quæ per huiusmodi sensibilia signa signi-  
ficantur. Et ideo quia præter principalem  
sacramenti effectum, oportet quæ-  
dam alia scire circa baptismum, conve-  
niens fuit ut etiam quibuldam exte-  
rioribus signis repræsentarentur. Ter-  
tio quia per orationes, & benedictio-  
nes, & alia huiusmodi cobibetur vis  
dæmonis ab impedimento sacramentalis  
effectus.

Ad primum ergo dicendum, quod  
Christus in Epiphania baptizatus est ba-  
ptismo Ioannis, ut supra dictum est  
(quest. xxxix. art. 2. ) quo quidem ba-  
ptismo non baptizantur fideles, sed po-  
tius baptismum Christi: qui quidem habet  
efficaciam ex passione Christi, secun-  
dum illud Rom. vi. 3. *Quicumque bap-*  
*tizati sumus in Christo Iesu, in morte i-*  
*phus baptizati sumus:* & ex Spiritu san-  
cto, secundum illud Ioannis 111. 5. *Ni-*  
*si quis renatus fuerit ex aqua, & Spiritu*  
*sancto &c.* Et ideo sollemnis baptismus  
agitur in Ecclesia & in vigilia  
Paschæ, quando fit commemoratio do-  
minicæ sepulture, & resurrectionis  
eiusdem ( propter quod & Dominus post  
resurrectionem præceptum de baptis-  
mo discipulis dedit, ut habetur Mat-  
th. ult. ) & in vigilia Pentecostes,  
quando incipit celebrari sollemnitas Spi-  
ritus sancti: unde & Apostoli legun-  
tur ipso die Pentecostes, quo Spiritum  
sanctum receperant, tria millia homi-  
num baptizasse.

Ad secundum dicendum, quod usus  
aquæ adhibetur in baptismo, quasi per-  
tinentis ad substantiam sacramenti; sed

D d 3 usus



usus olei, vel chrismatis adhibetur ad quamdam solemnitatem. Nam primo baptizandus iungitur oleo sancto & in pectore, & in scapulis, quasi athleta Dei, ut Ambrosius dicit in Lib. I. de sacramentis (cap. 11. in princ.) sicut pugiles iungi consueverunt. Unde, sicut Innocentius III. dicit in quadam Decr. de sacra unctione (cap. Cum venisset, ) baptizandus in pectore iungitur, ut per Spiritus sancti donum errorem abiciat, & ignorantiam, & fidem rectam suscipiat: quia iussus ex fide vivit. Inter scapulas autem iungitur, ut per Spiritus sancti gratiam excusiat negligentiam, & torporem, & bonam operationem exerceat: quia fides sine operibus mortua est; ut per fidei sacramentum sit munditia cogitationum in pectore, & per operis exercitium fortitudo laborum in scapulis. Post baptismum vero, ut Rabanus dicit (Lib. institut. cleric. cap. xxviii. cir. med.) statim signatur in cerebro a Presbytero cum sacro chrismate, sequente simul & oratione, ut Christianus regni particeps fiat, & a Christo Christianus possit vocari: vel, sicut Ambrosius dicit (Lib. III. de sacram. cap. 1. a princ.) unguentum super caput effunditur, quia sapientis sensus in capite eius; (quod sequitur hab. Innocent. III. loc. cit.) ut scilicet sit paratus omni potenti de fide reddere rationem.

Ad tertium dicendum, quod vestis illa candida traditur baptizato, non quidem ea ratione quod non liceat ei aliis vestibus uti, sed in signum gloriæ resurrectionis, ad quam homines per baptismum regenerantur, & ad significandam puritatem vitæ, quam debent post baptismum observare, secundum illud Rom. vi. 4. In novitate vitæ ambulemus.

Ad quartum dicendum, quod ea quæ pertinent ad solemnitatem sacramenti, etsi non sint de necessitate sacramenti, non tamen sunt superflua, quia sunt ad bene esse sacramenti, ut dictum est (in corp.)

## ARTICULUS XI. 374

Utrum convenienter describantur tria baptismata.

IV. dist. IV. quæst. III. art. 3. & quæst. VI. art. 4. & Ioan. III. lect. 1. fin. & Heb. VI. lect. 3. fin.

AD undecimum sic proceditur. Videtur quod inconvenienter describantur tria baptismata, scilicet aquæ, sanguinis, & flaminis, sive Spiritus sancti. Quia Apostolus dicit Ephes. iv. 5. Una fides, unum baptismum. Sed non est nisi una fides. Ergo non debent poni tria baptismata.

2. Præterea. Baptismus est quoddam sacramentum, ut ex supradictis patet (quæst. lxx. art. 1.) Sed solus baptismus aquæ est sacramentum. Ergo non debent poni alia duo baptismata.

3. Præterea. Damascenus in IV. Lib. (orth. Fid. cap. x. a med.) determinat plura alia genera baptismatum. Non ergo debent poni solum tria baptismata.

Sed contra est quod super illud Hebr. vi. Baptismatum doctrinæ, dicit Glossa (ordin.) „Pluraliter dicit, quia est baptismus aquæ, poenitentiae, & sanguinis.“

Respondendo dicendum, quod, sicut supra dictum est (art. 2. hui. quæst. & quæst. lxx. art. 5.) baptismus aquæ efficaciam habet a passione Christi, cui aliquis configuratur per baptismum, & ulterius sicut a prima causa a Spiritu sancto. Licet autem effectus dependeat a prima causa; causa tamen superexcedit effectum, nec dependet ab effectu.

Et ideo præter baptismum aquæ potest aliquis consequi sacramenti effectum ex passione Christi, inquantum quis ei conformatur, pro Christo patiendo. Unde dicitur Apocalyp. vii. 14. Hi sunt qui venerunt ex magna tribulatione, & laverunt stolas suas, & dealbaverunt eas in sanguine agni. Eadem etiam ratione aliquis per virtutem Spiritus sancti consequitur effectum baptismi, non solum sine baptismum aquæ, sed etiam sine baptismum sanguinis, inquantum scilicet alienius cor per Spiritum sanctum movetur ad credendum, & diligendum Deum, & poenitendum de peccatis: unde etiam dicitur baptismus poenitentiae. Et de hoc dici-

dicatur Isa. IV. 4. *Si ablueris Dominus fordes filiarum Sion, & sanguinem Hiempsalem laveris de medio eius in spiritu iudicii, & spiritu ardentis.*

Sic igitur utramque aliorum baptismum nominatur baptismus, in quantum supplet vicem baptismi aquae. Unde dicit Augustinus in IV. Lib. de unico baptismo parvulorum (cont. Donatist. cap. xxii. in princ.) *Baptismi vicem aliquando implere passionem, de latrone illo, cui non baptizato dictum est, Hodie mecum eris in paradiso, beatus Cypranus non leve documentum assumit: quod etiam atque etiam considerans, invenio non tantum passionem pro nomine Christi, id quod baptismo deerat, posse supplere, sed etiam fidem, conversionemque cordis, si forte ad celebrandum mysterium baptismi in angustiis temporum succurri non potest.*

Ad primum ergo dicendum, quod alia duo baptismata includuntur in baptismo aquae, qui efficaciam habet & ex passione Christi, & ex Spiritu sancto. Et ideo per hoc non tollitur unitas baptismatis.

Ad secundum dicendum, quod, sicut supra dictum est (quaest. ix. art. 1. & 2.) sacramentum habet rationem signi; alia vero duo conveniunt cum baptismo aquae non quidem quantum ad rationem signi, sed quantum ad effectum baptismatis: & ideo non sunt sacramenta.

Ad tertium dicendum, quod Damascenus ponit quædam baptismata figurata; sicut diluvium, quod fuit signum nostri baptismi, quantum ad salvationem fidelium in Ecclesia, sicut (a) *tunc paucae anime salve facte sunt in arca*, ut dicitur I. Petr. iii. 20. Ponit etiam transitum maris rubri, qui significat nostrum baptismum, quantum ad liberationem a servitute peccati: unde & Apostolus dicit I. Corinth. x. 2. *quod omnes baptizati sunt in nube, & in mari.* Ponit etiam ablutiones diversas, quæiebant in veteri lege, præfigurantes nostrum baptismum, quantum ad purgationem peccatorum. Ponit etiam baptismum Joannis, qui fuit præparatorius ad nostrum baptismum.

ARTICULUS XII. 375

*Utrum baptismus sanguinis sit potissimus inter alia baptismata.*

IV. dist. IV. quæst. III. art. 3. quæst. 4. & Heb. vi. lect. 3. fin.

**A**D duodecimum sic proceditur. Videtur quod baptismus sanguinis non sit potissimus inter tria prædicta baptismata. Baptismus enim aquae imprimere characterem: quod quidem baptismus sanguinis non facit. Ergo baptismus sanguinis non est potior quam baptismus aquae.

2. Præterea. Baptismus sanguinis non valet sine baptismo flaminis, qui est per caritatem: dicitur enim I. ad Corinth. xiii. 3. *Si tradidero corpus meum, ita ut ardeam, caritatem autem non habuerim: nihil mihi prodest.* Sed baptismus flaminis valet sine baptismo sanguinis, non enim soli Martyres salvantur. Ergo baptismus sanguinis non est potissimus.

3. Præterea. Sicut baptismus aquae habet efficaciam a passione Christi, cui secundum prædicta (art. præc.) respondet baptismus sanguinis; ita passio Christi efficaciam habet a Spiritu sancto, secundum illud Hebr. ix. 14. *Sanguis Christi, qui per Spiritum sanctum obtulit semetipsum pro nobis, emundabit conscientiam nostram ab operibus mortuis &c.* Ergo baptismus flaminis potior est quam baptismus sanguinis. Non ergo baptismus sanguinis est potissimus.

Sed contra est quod Augustinus ad Fortunatum loquens de comparatione baptismatum dicit: (Gennadius in Lib. de eccles. dogmatib. cap. lxxiv.) *Baptizatus confitetur fidem suam coram sacerdote, Martyr coram persecutore: ille post confessionem aspergitur aqua, hic sanguine: ille per impositionem manus Pontificis recipit Spiritum sanctum, hic templum efficitur Spiritus sancti.*

Respondeo dicendum, quod, sicut dictum est (art. præc.) effusio sanguinis pro Christo, & operatio interior Spiritus sancti dicuntur baptismata, inquantum efficiunt effectum baptismi aquae. Baptismus autem aquae efficaciam habet a passione Christi, & a Spiritu sancto, ut dictum est (art. præc.) Quæ quidem duæ causæ operantur in quolibet horum trium baptismatum; excellentissime tam-

D d 4 men

(a) *Valgata*: in qua pauci, id est octo anime &c.

men in baptismo sanguinis: nam passio Christi operatur quidem in baptismo aquae per quamdam figuralem representationem; in baptismo autem flammis, vel poenitentiae per quamdam affectionem; sed in baptismo sanguinis per imitationem operis.

Similiter etiam virtus Spiritus sancti operatur in baptismo aquae per quamdam virtutem latentem; in baptismo autem poenitentiae per cordis commotionem; sed in baptismo sanguinis (a) per potissimum dilectionis, & affectionis fervorem, secundum illud Ioan. xv. 13. *Maiorem hac dilectionem nemo habet quam ut animam suam ponat quis pro amicis suis.*

Ad primum ergo dicendum, quod character est res, & sacramentum. Non autem dicimus, quod baptismus sanguinis praeninentiam habeat secundum rationem sacramenti, sed quantum ad sacramenti effectum.

Ad secundum dicendum, quod effusio sanguinis non habet rationem baptismi, si sit sine caritate. Ex quo patet quod baptismus sanguinis includit baptismum flammis, & non e converso: unde ex hoc ipso probatur perfectior.

Ad tertium dicendum, quod baptismus sanguinis praeninentiam habet, non solum ex parte passionis Christi, sed etiam ex parte Spiritus sancti, ut dictum est (in corp. art.)

## QUAESTIO LXVII.

*De ministris, per quos traditur baptismi sacramentum,*

*in octo articulos divisa.*

**D**Einde considerandum est de ministris, per quos traditur sacramentum baptismi: & circa hoc quaeruntur octo.

Primo, utrum ad diaconum pertineat baptizare.

Secundo, utrum pertineat ab presbyterum, vel solum ad Episcopum.

Tertio, utrum laicus possit sacramentum baptismi conferre.

Quarto, utrum hoc possit facere mulier.

Quinto, utrum non baptizatus possit baptizare.

Sexto, utrum plures possint simul baptizare unum & eundem.

Septimo, utrum necesse sit aliquem esse qui baptizatum de sacro fonte recipiat.

Octavo, utrum suscipiens aliquem de sacro fonte obligetur ad eius instructionem.

## ARTICULUS I. 376

*Utrum ad officium diaconi pertineat baptizare.*

*IV. dist. v. quæst. 11. art. 1. quæst. 1. & dist. vii. quæst. 111. art. 1. quæst. 1. cor & dist. xiii. quæst. 11. art. 3. quæst. 2. corp.*

**A**D primum sic proceditur. Videtur quod ad officium diaconi pertineat baptizare. Simul enim inungitur a Domino officium prædicandi Evangelium, & baptizandi, secundum illud Matth. ult. 19. *Euntes docete omnes gentes, baptizantes eas &c.* Sed ad officium diaconi pertinet evangelizare. Ergo videtur quod etiam ad officium diaconi pertineat baptizare.

2. Præterea. Secundum Dionysium v. cap. eccles. Hierarc. (aliquant. a princ.) purgare pertinet ad officium diaconi. Sed purgatio a peccatis maxime fit per baptismum, secundum illud Ephes. v. 26. *Mundans eam lavacro aque in verbo vite.* Ergo videtur quod baptizare pertineat ad diaconum.

3. Præterea. De B. Laurentio legitur, quod cum ipse esset diaconus, plurimos baptizabat. Ergo videtur quod ad diaconos pertineat baptizare.

Sed contra est quod Gelasius I. Papa dixit (epist. ix. cap. vii.) & habetur in Decret. xciii. dist. (cap. xiii.) *Diaconos propriam constitutionem observare iuramentum: & infra: Absque Episcopo, vel presbytero baptizare non audeant, nisi prædictis ordinibus fortasse longius constitutis, necessitas extrema compellat.*

Respondeo dicendum, quod sicut cælestium ordinum proprietates, & eorum officia ex eorum nominibus accipiuntur, ut Dionysius dicit vii. cap. cælest. Hierarc. (in princ.) ita etiam ex nominibus ecclesiasticorum ordinum accipi potest quid ad unumquemque pertineat ordinem.

Dicuntur autem diaconi, quasi ministri: quia videlicet ad diaconos non pertinet.

(\*) Ita cum missa Garcia & posteriores edidit. Alii per potissimum dilectionis, secundum illud &c.

tinet aliquod sacramentum principaliter, & quasi ex proprio officio præbere, sed adhibere ministerium aliis maioribus in sacramentorum exhibitione. Et sic ad diaconum non pertinet, quasi ex proprio officio, tradere sacramentum baptismi, sed in collatione huius sacramenti, & aliorum assistere, & ministrare maioribus. Unde Isidorus dicit (in epist. ad Laudefred.) *Ad diaconum pertinet assistere, & ministrare sacerdotibus in omnibus quæ aguntur in sacramentis Christi, in baptismo scilicet, in chrismate, in patena, & calice.*

Ad primum ergo dicendum, quod ad diaconum pertinet recitare Evangelium in Ecclesia, & prædicare ipsum per modum catechizantis: unde & Dionysius dicit (cap. v. eccles. Hierarch. cir. med. & cap. III.) quod diaconi habent officium super immundos; inter quos ponit catechumenos. Sed docere, idest exponere Evangelium, pertinet proprie ad Episcopum, cum actus est perficere, secundum Dionysium v. cap. eccles. Hierarch. (ante med.) Perficere autem idem est quod docere. Unde non sequitur quod ad diaconos pertineat officium baptizandi.

Ad secundum dicendum, quod, sicut Dionysius dicit in II. eccles. Hierarch. (parum a princ.) baptismus non solum habet purgativam, sed etiam illuminativam virtutem, & ideo excedit officium diaconi, ad quem pertinet solum purgare, scilicet vel repellendo immundos, vel disponendo eos ad sacramenti susceptionem.

Ad tertium dicendum, quod quia baptismus est sacramentum necessitatis, permittitur diaconis, necessitate urgente, in absentia maiorum baptizare, sicut patet ex auctoritate Gelasii supra induta (in arg. *Sed contr.*) Et hoc modo B. Laurentius diaconus exillens baptizavit.

## ARTICULUS II. 377

*Utrum baptizare pertineat ad officium presbyterorum.*

*IV. dist. v. quest. II. art. I. quest. 2. & dist. VII. quest. I. art. I. quest. 3. cor. & dist. XVII. quest. III. art. 3. quest. 2. corp. & dist. XXIV. quest. II. art. 1. ad 1.*

**A**D secundum sic proceditur. Videtur quod baptizare non pertineat ad officium presbyterorum, sed solum Episcoporum. Quia, sicut dictum est (quest. præc. art. 5. arg. 1. & art. præc. arg. 1.) sub eodem præcepto iniungitur Matth. ult. officium docendi, & baptizandi. Sed docere, quod est perficere, pertinet ad officium Episcopi, ut patet per Dionysium v. & VI. eccles. Hier. Ergo & baptizare pertinet tantum ad officium Episcopi.

2. Præterea. Per baptismum annueatur aliquis populo christiano: quod quidem videtur ad officium solius Principis pertinere. Sed principatum in Ecclesia tenent Episcopi; qui, ut dicitur in Glossa (ord. Bedæ sup. illud, *Designavit Dominus*) Luc. x. tenent locum Apostolorum, de quibus dicitur in Psal. xlv. 17. *Constituens eos principes super omnem terram.* Ergo videtur quod baptizare pertineat solum ad officium Episcopi.

3. Præterea. Isidorus dicit (loc. cit. art. præc.) quod ad Episcopum pertinet basilicarum consecratio, unctio altaris, & confectio chrismatis: ipsa ordines ecclesiasticos distribuit, & sacras virgines benedicit. Sed his omnibus maius est sacramentum baptismi. Ergo videtur quod multo magis ad officium solius Episcopi pertineat baptizare.

Sed contra est quod Isidorus dicit in Lib. II. de offic. (cap. xxiv. ad fin.) *Constat, baptismum solis sacerdotibus esse traditum.*

Respondeo dicendum, quod sacerdotes ad hoc consecrantur ut sacramentum corporis Christi conficiant, sicut supra dictum est (quest. lxiii. art. 2. & 6. & quest. lxxv. art. 3.) Illud autem est sacramentum ecclesiasticæ unitatis, secundum illud Apostoli I. Cor. x. 17. *Unus panis, & unum corpus multi sumus omnes qui de uno pane, & de uno calice participamus.*

Per baptismum autem aliquis fit particeps ecclesiasticæ unitatis: unde & accipit ius ad mensam Domini accedendi.

Et

Et ideo sicut ad sacerdotem pertinet consecrare Eucharistiam (ad quod principaliter sacerdotium ordinatur;) ita ad proprium officium sacerdotis pertinet baptizare: eiusdem enim videtur esse operari totum, & partem in toto disponere.

Ad primum ergo dicendum, quod utrumque officium, scilicet docendi, & baptizandi, Dominus Apostolis iniunxit; quorum vicem gerunt Episcopi; alter tamen, & aliter. Nam officium docendi commisit eis Christus, ut ipsi per se illud exercerent, tanquam principalissimum: unde & ipsi Apostoli dixerunt *Act. vi. 2. Non est æquum nos relinquere verbum Dei, & ministrare mensis.* Officium autem baptizandi commisit Apostolis, ut per alios exercerent. Unde & Apostolus dicit *I. Cor. i. 17. Non misit me Christus baptizare, sed evangelizare:* & hoc ideo quia in baptizando nihil operatur meritum, & sapientia ministri, sicut in docendo, ut patet ex supra dictis (quæst. lxxv. art. 5. 6. & 9.) in cuius etiam signum nec ipse Dominus baptizavit, sed discipuli eius, ut dicitur *Ioan. xv.* Nec tamen per hoc excluditur quin Episcopi possint baptizare: quia quod potest potestas inferior, potest & superior: unde & Apostolus ibidem dicit, se quoddam baptizasse.

Ad secundum dicendum, quod in qualibet republica ea quæ sunt minora, pertinent ad minores, maiora vero maioribus reservantur, secundum illud *Exodi xviii. 22. Quicquid maius fuerit, reseruant ad te; & ipsi solummodo minora iudicent.* Et ideo ad minores civitatis principes pertinet disponere de infimo populo; ad summos autem principes potest disponere ea quæ pertinent ad maiores civitatis. Per baptismum autem non adipiscitur aliquis nisi infimum gradum in populo christiano. Et ideo baptizare pertinet ad minores principes Ecclesie, idest ad presbyteros, qui tenent locum septuaginta duorum discipulorum Christi, ut dicit Glossa *Lucæ x.* (cit. in arg.)

Ad tertium dicendum, quod, sicut supra dictum est (quæst. lxxv. art. 3. in corp. & ad 4.) sacramentum baptismi est potissimum necessitate; sed quantum ad perfectionem, sunt quedam alia potiora, quæ Episcopis reservantur.

## ARTICULUS III. 372

*Utrum laicus possit baptizare.*

2.2. quæst. c. art. 2. ad 1. Et *IV. dist. v. quæst. 12. art. 2. quæst. 1. & 3. & dist. vi. quæst. 1. art. 3. quæst. 2. & 3.*

**A**D tertium sic proceditur. Videtur quod laicus baptizare non possit. Baptizare enim, sicut dictum est (art. præc.) proprie pertinet ad ordinem sacerdotalem. Sed ea quæ sunt ordinis, non possunt committi non habenti ordinem. Ergo videtur quod laicus, qui non habet ordinem, baptizare non possit.

2. Præterea. Maius est baptizare quam alia sacramentalia baptismi perficere; sicut catechizare, & exorcizare, & aquam baptismalem benedicere. Sed hæc non possunt fieri a laicis, sed solum a sacerdotibus. Ergo videtur quod multo minus laici possint baptizare.

3. Præterea. Sicut baptismus est sacramentum necessitatis, ita & poenitentia. Sed laicus non potest absolvere in foro poenitentiali. Ergo neque potest baptizare.

Sed contra est quod Gelasius I. Papa (epist. ix. cap. vii.) & Iudor. (Lib. II. de offic. cap. xxiv. ad fi.) dicunt, quod *baptizare, necessitate imminente, laicis christianis plerumque conceditur.*

Respondeo dicendum, quod ad misericordiam eius qui vult omnes homines salvos fieri, pertinet ut in his quæ sunt de necessitate salutis, homo de facili remedium inveniat.

Inter omnia autem sacramenta maxime necessitatis est baptismus, qui est regeneratio hominis in vitam spirituales: quia pueri aliter omnino subveniri non potest; & adulti non possunt aliter quam per baptismum plenam remissionem consequi & quantum ad culpam, & quantum ad poenam.

Et ideo ut homo circa remedium tam necessarium defectum pari non possit, institutum est ut & materia baptismi sit communis, scilicet aqua, quæ a quolibet de facili haberi potest, & minister baptismi etiam sit quicumque non ordinatus, ne propter defectum baptismi homo salutis suæ expendium pariat.

Ad primum ergo dicendum, quod baptizare pertinet ad ordinem sacerdotalem secundum quamdam convenientiam, & solemnitatem; non autem hoc est de

necessitate sacramenti : unde etiam si extra necessitatem articulum lucius baptizet, peccat quidem ; tamen sacramentum baptismi confert : nec est rebaptizandus ille qui sic est baptizatus.

Ad secundum dicendum, quod illa sacramentalia baptismi pertinent ad solemnitatem, non autem ad necessitatem baptismi. Et ideo fieri non debent, nec possunt a laico, sed solum a sacerdote, cuius est solemniter baptizare.

Ad tertium dicendum, quod, sicut supra dictum est (quaest. lxx. art. 3. & 4.) poenitentia non est tantae necessitatis sicut baptismus : potest enim per contritionem suppleri defectus sacerdotalis absolutionis, quae non liberat a tota poena, nec etiam pueris adhibetur. Et ideo non est simile de baptismo, cuius effectus per nihil aliud suppleri potest.

# ARTICULUS IV. 379

*Utrum mulier possit baptizare.*

*Sup. art. 3. & locis ibidem inductis.*

**A**D quartum sic proceditur. Videtur quod mulier non possit baptizare. Legitur enim in Carthaginensi Concilio (IV. can. xcix. &c.) quod *mulier quumvis docta, & sancta, viros in conventu docere, vel aliquos baptizare non praesumat*. Sed nullo modo licet mulieri docere in conventu, secundum illud I. Cor. xiv. 35. *Turpe est mulieri in Ecclesia loqui*. Ergo videtur quod nec etiam aliquo modo mulieri liceat baptizare.

2. Praeterea. Baptizare pertinet ad officium praelationis : unde a sacerdotibus habentibus curam animarum debet accipi baptismus. Sed hoc non potest competere mulieri, secundum illud I. Timoth. ii. 12. *Docere mulieri non permitto, nec dominari in virum, sed esse in silentio*. Ergo mulier baptizare non potest.

3. Praeterea. In spirituali regeneratione videtur aqua habere locum materni uteri, ut Augustinus dicit super illud Ioan. iii. *Numquid homo potest in ventrem matris suae iterato introire, & renasci?* (tract. xi. in Ioan. ante med.) ille autem qui baptizatur, videtur magis habere patris officium. Sed hoc non competit mulieri. Ergo mulier baptizare non potest.

Sed contra est quod Urbanus Papa dicit, & habetur in Decr. xxx. quaest. lxx. (cap. xv.) *Super quibus consultuit nos tua dilectio, hoc videtur nobis ex senten-*

*tia respondendum, ut baptismus fiat, si instante necessitate femina puerum in nomine sanctae Trinitatis baptizaverit.*

Respondeo dicendum, quod Christus est qui principaliter baptizat, secundum illud Ioan. i. 33. *Super quem videris Spiritum descendentem, & manentem, hic est qui baptizat*. Dicitur autem Coloss. i. 11. (aequivalenter) quod in Christo non est masculus, & femina. Et ideo sicut masculus laicus potest baptizare, quasi minister Christi; ita etiam & femina.

Quia tamen *caput mulieris est vir, & caput viri est Christus*, ut dicitur I. Corinth. xi. non debet mulier baptizare, si adsit copia viri; sicut nec laicus praesente clerico, nec clericus praesente sacerdote; qui tamen potest baptizare praesente Episcopo, eo quod hoc pertinet ad officium sacerdotis.

Ad primum ergo dicendum, quod sicut mulieri non permittitur publice docere, potest tamen privata doctrina, vel monitione aliquem instruere; ita non permittitur ei publice, & solemniter baptizare, sed tamen potest baptizare in necessitatis articulo.

Ad secundum dicendum, quod quando baptismus solemniter, & ordinarie celebratur, debet aliquis sacramentum baptismi suscipere a presbytero curam animarum habente, vel ab aliquo vice eius. Hoc tamen non requiritur in articulo necessitatis, in quo potest mulier baptizare.

Ad tertium dicendum, quod in generatione carnali masculus, & femina operantur secundum virtutem propriae naturae : & ideo femina non potest esse principium generationis activum, sed passivum tantum. Sed in generatione spirituali neuter operatur in virtute propria, sed instrumentaliter tantum per virtutem Christi : & ideo eodem modo potest vir, & mulier in casu necessitatis baptizare. Si tamen mulier etiam extra casum necessitatis baptizaret, non esset rebaptizandus, sicut & de laico dictum est (art. praec.) peccaret tamen ipsa baptizans, & alii qui ad hoc cooperarentur, vel baptismum ab ea suscipiendo, vel ei baptizandum aliquem offerendo.

## ARTICULUS V. 380

*Utrum non baptizatus possit sacramentum baptismi conferre.*

*Sup. art. 3. & locis ibidem notatis.*

**A**D quintum sic proceditur. Videtur quod ille qui non est baptizatus, non possit sacramentum baptismi conferre. Nullus enim dat quod non habet. Sed non baptizatus non habet sacramentum baptismi. Ergo non potest ipsum conferre.

1. Præterea. Sacramentum baptismi confert aliquis, inquantum est minister Ecclesie. Sed ille qui non est baptizatus, nullo modo pertinet ad Ecclesiam, scilicet nec re, nec sacramento. Ergo non potest sacramentum baptismi conferre.

3. Præterea. Maius est sacramentum conferre quam suscipere. Sed non baptizatus non potest alia sacramenta suscipere. Ergo multo minus potest aliquod sacramentum conferre.

Sed contra est quod Isidorus dicit: (hab. cap. Si quis per ignorantiam, i. quæst. 1.) *Romanus Pontifex non hominem iudicat qui baptizat, sed Scrituram Dei subministrare gratiam baptismi, licet paganus sit qui baptizat.* Sed ille qui est baptizatus, non dicitur paganus. Ergo etiam non baptizatus potest conferre sacramentum baptismi.

Respondendo dicendum, quod hanc questionem Augustinus indeterminatam reliquit. Dicit enim II. contra epistolam Parmeniadi (cap. XIII. a med.) *Hæc quidem alia questio est, utrum & ab his qui nunquam fuerunt Christiani, possit baptismus dari: nec aliquid temere inde affirmandum est, sine auctoritate tanti Concilii, quantum tanta rei sufficit.*

Postmodum vero per Ecclesiam determinatum est quod non baptizati, siue sint Iudæi, siue Pagani, possunt sacramentum baptismi conferre, dummodo in forma Ecclesie baptizent. Unde Nicolaus I. Papa respondet de consecr. dist. IV. cap. XXIV. ad consulta Bulgar. (cap. CIV.) *A quodam Iudæo, nescitis utrum Christiano, an Pagano, multos in patria vestra asseritis baptizatos; & quid inde sit agendum, consultis. Hi profecto, si in nomine sanctæ Trinitatis baptizati sunt, re-baptizari non debent; si autem forma Ecclesie non fuerit observata, sacramentum*

*baptismi non confertur.* Et sic intelligendum est quod Gregorius III. scribit Bonifacio Episcopo (epist. I. can. 1. & hab. cap. LX. de consecrat. dist. 4.) *Quos a paganis baptizatos esse asseruisti, scilicet Ecclesie forma non servata, ut denuo baptizes in nomine Trinitatis, mandamus.*

Et huius ratio est, quia sicut ex parte materie, quantum ad necessitatem sacramenti, sufficit quæcumque aqua; ita etiam sufficit ex parte ministri quicumque homo. Et ideo etiam non baptizatus in articulo necessitatis baptizare potest; ut si duo non baptizati se invicem baptizent, dum prius unus baptizaret alium, & postea baptizaretur ab eodem, & consequeretur uterque non solum sacramentum, sed etiam rem sacramenti. Si vero extra articulum necessitatis hoc fieret, uterque graviter peccaret, scilicet baptizans, & baptizatus; & per hoc impediretur baptismi effectus, licet non tolleretur ipsum sacramentum.

Ad primum ergo dicendum, quod homo baptizans adhibet tantummodo ministerium exterius; sed Christus est qui interiorius baptizat, qui potest uti omnibus hominibus ad quodcumque voluerit. Et ideo non baptizati possunt baptizare: quia, ut Nicolaus Papa dicit, baptismus non est illorum, scilicet baptizantium, sed eius, scilicet Christi (Hoc hab. exprel. Augustinus Lib. III. cont. Crelicon. cap. VI. in fin.)

Ad secundum dicendum, quod ille qui non est baptizatus, quamvis non pertineat ad Ecclesiam re, vel sacramento, potest tamen ad eam pertinere intentione, & similitudine actus, inquantum scilicet intendit facere quod facit Ecclesia, & formam Ecclesie servat in baptizando; & sic operatur ut minister Christi, qui virtutem suam non alligavit baptizatis, sicut nec etiam sacramentis.

Ad tertium dicendum, quod alia sacramenta non sunt tantæ necessitatis, sicut baptismus: & ideo magis conceditur quod non baptizatus possit baptizare, quam quod possit alia sacramenta suscipere.

## ARTICULUS VI. 381

*Utrum plures possint simul unum baptizare.*

*IV. dist. III. art. 2. quest. 2. ad 1. & II. dist. VI. quest. 11. art. 4. quest. 1. ad 3.*

**A**D sextum sic proceditur. Videtur quod plures possint simul unum baptizare. In multitudine enim continetur unum, sed non convertitur: unde videtur quod quicquid potest facere unus, possint facere multi, & non e converso; sicut multi trahunt navem, quam unus trahere non posset. Sed unus homo potest simul plures baptizare. Ergo & plures possint simul unum baptizare.

2. Præterea. Difficilius est quod unum agens agat in plura, quam quod plures agentes agant simul in unum. Sed unus homo potest simul plures baptizare. Ergo multo magis plures possunt simul unum baptizare.

3. Præterea. Baptismus est sacramentum maxime necessitatis. Sed in aliquo casu videtur esse necessarium quod plures simul unum baptizent; puta si aliquis parvulus esset in articulo mortis, & adesset duo, quorum alter esset mutus, & alter manibus, & brachiis caret: tunc enim deberet quod mutilatus verba proferret, & mutus actum baptismi exerceret. Ergo videtur quod plures possint simul unum baptizare.

Sed contra est quod unus agentis est una actio. Si ergo plures unum baptizarent, videtur sequi quod essent plures baptismi: quod est contra id quod dicitur Ephes. iv. 5. *Una fides, unum baptisma.*

Respondendo dicendum, quod sacramentum baptismi præcipue habet virtutem ex forma, quam Apostolus nominat *verbum vite* Ephes. v. Et ideo considerare oportet, si plures simul unum baptizarent, qua forma uterentur. Si enim dicerent: *Nos te baptizamus in nomine Patris, & Filii, & Spiritus sancti*: non conferretur sacramentum baptismi, eo quod non servaretur forma Ecclesiae, quæ sic habet: *Ego te baptizo in nomine Patris, & Filii, & Spiritus sancti*. Sed dicunt quidam, quod hoc excluditur per formam baptizandi, qua utitur Ecclesia Græcorum: possent enim dicere: *Baptizatur servus Christi N. in nomine Patris,*

*& Filii, & Spiritus sancti &c.* sub qua forma Græci baptismum suscipiunt: quæ tamen forma multo magis dissimilis est formæ qua nos utimur, quam si dicatur: *Nos te baptizamus*. Sed considerandum est, quod ex tali forma, *Nos te baptizamus*, exprimitur talis intentio quod plures conveniant ad unum baptismum conferendum: quod quidem videtur esse contra rationem ministerii: homo enim non baptizat, nisi ut minister Christi, & vicem eius gerens: unde sicut unus est Christus, ita oportet esse unum ministrum, qui Christum representet. Propter quod signanter Apostolus dicit Ephes. iv. 5. *Unus Dominus, una fides, unum baptisma*. Er ideo contraria intentio videtur excludere baptismi sacramentum.

Si vero uterque diceret, *Ego te baptizo in nomine Patris, & Filii, & Spiritus sancti*, uterque exprimeret suam intentionem, quasi ipse singulariter baptismum conferret: quod posset contingere in eo casu in quo contentiole uterque aliquem baptizare conaretur: & tunc manifestum est quod ille qui prius verba proferret, daret baptismi sacramentum; alius vero, quantumcumque (*n*) ius baptizandi haberet, nihil faceret; & si verba pronuntiare præsumeret, esset puniendus tamquam rebaptizator. Si autem omnino simul ambo verba proferrent, & hominem immergerent, aut aspergerent, essent puniendi de inordinato modo baptizandi, & non de iteratione baptismi: quia uterque intenderet non baptizatum baptizare; & uterque, quantum est in se, baptizaret. Nec traderent aliud, & aliud sacramentum; sed Christus, qui est unus interius baptizans, unum sacramentum per utrumque conferret.

Ad primum ergo dicendum, quod ratio illa locum habet in his quæ agunt propria virtute. Sed homines non baptizant propria virtute, sed virtute Christi, qui cum sit unus, per unum ministrum perficit suum opus.

Ad secundum dicendum, quod in casu necessitatis unus posset simul plures baptizare sub hac forma, *Ego vos baptizo*; puta si immineret ruina, aut gladius, aut aliquid huiusmodi, quod omnino moram non pateretur, ut sigillatim omnes baptizarentur. Nec per hoc diversificaretur forma Ecclesiae: quia plurale non est nisi singulare geminatum; præsertim cum pluraliter dicatur Matth. ult. *Baptizantes eos &c.* Nec est simile

de

(2) Ita cum pluribus mss. ed. si posim, ad, intensionem baptizandi.



de baptizante, & baptizato: quia Christus, qui principaliter baptizat, est unus; sed multi per baptismum efficiuntur unum in Christo.

Ad tertium dicendum, quod, sicut supra dictum est (quaest. lxxvi. art. 3. & 5.) integritas baptismi consistit in forma verborum, & in uli materia. Et ideo neque ille qui tantum verba proferat, baptizat, neque ille qui immergit. Et ideo si unus verba proferat, & alius immergat, nulla forma verborum poterit esse conveniens: neque enim poterit dici, *Ego te baptizo*, cum ipse non immergat, & per consequens non baptizet: neque etiam poterit dici, *Nos te baptizamus*, cum neuter baptizet: si enim duo sint quorum unus unam partem libri scribat, & alius aliam, non erit propria locutio, *Nos scripsimus librum istum*, sed syncdochica, inquantum totum ponitur pro parte.

### ARTICULUS VII. 383

*Utrum in baptismo requiratur aliquis qui baptizatum levet de sacro fonte.*

*Inf. art. 8. ad 1.*

**A**D septimum sic proceditur. Videtur quod in baptismo non requiratur aliquis qui baptizatum de sacro fonte levet. Baptismus enim noster per baptismum Christi consecratur, & ei conformatur. Sed Christus baptizatus non est ab aliquo de fonte susceptus; sed, sicut dicitur Matth. iii. 16. *baptizatus Iesus confestim ascendit de aqua*. Ergo videtur quod nec in aliorum baptismis requiratur aliquis qui baptizatum de sacro fonte suscipiat.

2. Præterea. Baptismus est spiritualis regeneratio, ut dictum est (art. 3. huius quaest.) Sed in carnali generatione non requiritur nisi principium activum, quod est pater, & principium passivum, quod est mater. Igitur cum in baptismo locum patris obtineat ille qui baptizat, locum autem matris ipsa aqua baptismi, ut Augustinus dicit in quodam sermone Epiphaniae (1. Dom. infr. octav.) videtur quod non requiratur aliquis alius qui baptizatum de sacro fonte levet.

3. Præterea. In sacramentis Ecclesiae nihil desiderium fieri debet. Sed hoc desiderium videtur quod adulti baptizati, qui seipsos sustentare possunt, & de sacro fonte exire, ab alio suscipiantur.

Ergo videtur quod non requiratur aliquis, præcipue in baptismis adultorum, qui baptizatum de sacro fonte levet.

Sed contra est quod Dionysius dicit 11. cap. eccl. Hier. (ante med.) quod *sacerdotes assumentes baptizatum, tradunt eum ad educationem susceptorum, & duci*.

Respondeo dicendum, quod spiritualis regeneratio, quæ fit per baptismum, assimilatur quodammodo generationi carnali: unde dicitur 1. Petri ii. 2. *Sicut modo geniti infantes, rationabile, sine dolo, lac concupiscite*. In generatione autem carnali parvulus nuper natus indiget nutrice, & pedagogo. Unde & in spirituali generatione baptismi requiritur aliquis qui fungatur vice nutricis, & pedagogi, informando, & instruendo eum, quasi novitum in fide, de his quæ pertinent ad fidem, & vitam christianam: ad quod prælati Ecclesiae vacare non possunt circa communem curam populi occupati: parvuli enim, & novitii indigent speciali cura præter communem: & ideo requiritur quod aliquis suscipiat baptizatum de sacro fonte, quasi in suam instructionem, & tutelam.

Et hoc est quod Dionysius dicit ult. cap. eccl. Hierarch. (versus fi.) *Divinis nostris ducibus, idest Apostolis, ad mentem venit, & visum est suscipere infantes secundum istum sanctum modum, quod naturales pueri parentes traderent puerum cuidam docto in divinis paedago, & reliquum sub ipso puer ageret, sicut sub divino patre, & salvationis sanctæ suscipere*.

Ad primum ergo dicendum, quod Christus non est baptizatus, ut ipse regeneraretur, sed ut alios regeneraret: & ideo post baptismum non indiguit pedagogo, tamquam parvulus.

Ad secundum dicendum, quod in generatione carnali non requiritur ex necessitate nisi pater, & mater; sed ad facilem partum, & educationem pueri convenientem requiritur obsterix, & nutrix, & pedagogus: quorum vicem implet in baptismo ille qui puerum de sacro fonte levat. Unde non est de necessitate sacramenti; sed unus solus potest in aqua baptizare, necessitate imminente.

Ad tertium dicendum, quod baptizatum non suscipitur a patre de sacro fonte propter imbecillitatem corporalem, sed propter imbecillitatem spirituales, ut dictum est (in corp. art.)

ARTICULUS VIII. 326

*Utrum ille qui aliquem leuat de sacro fonte, teneatur ad eius instructionem.*

*Inf. quæst. lxxi. art. 1. ad 3. & IV. dist. vi. quæst. 11. art. 2. quæst. 3. cor. & ad 3.*

**A**D octavum sic proceditur. Videtur quod ille qui suscipit aliquem de sacro fonte, non obligetur ad eius instructionem. Quia nullus potest instruere nisi instructus. Sed etiam quidam non instructi, sed simplices admittunt levare aliquem de sacro fonte. Ergo ille qui suscipit baptizatum, non obligatur ad eius instructionem.

2. Præterea. Filius magis potest a patre instrui quam ab alio extraneo: nam filius habet a patre esse, & nutrimentum, & disciplinam, ut Philosophus dicit in VIII. Ethic. (cap. xxi. cir. med.) Si ergo ille qui suscipit baptizatum, teneretur eum instruere, magis esset conveniens quod pater carnalis filium suum de fonte susciperet, quam aliquis alius; quod tamen videretur esse prohibitum, ut habetur in Decret. xxx. quæst. 1. (cap. *Pervenit*, & cap. *Disium est*.)

3. Præterea. Plures magis possunt instruere quam unus solus. Si ergo ille qui suscipit aliquem baptizatum, teneretur eum instruere, magis deberent plures suscipere quam unus solus: cuius contrarium habetur ex decreto Leonis Papæ (quod hab. cap. ci. de consecrat. dist. xv.) *Non plures*, inquit, *ad suscipiendum de baptismo infantem, quam unus, accedant, sive vir, sive mulier.*

Sed contra est quod Augustinus dicit in quodam sermone paschali (vii. in Dom. in albis) *Vos ante omnia tam viros, quam mulieres, qui filios in baptismo suscipitis, moneo, ut vos cognoscatis fidei viros apud Deum extitisse pro illis quos vultis de sacro fonte suscipere.*

Respondetur dicendum, quod unusquisque obligatur ad exequendum officium quod accepit. Dictum est autem (art. præc.) quod ille qui suscipit aliquem de sacro fonte, assumit sibi officium pedagogi: & ideo obligatur ad habendam curam de ipso, si necessitas immerget, sicut eo tempore, & loco in quo baptizati inter inhedens nutriuntur.

Sed ubi nutriuntur inter catholicos Christianos, satis possunt ab hac cura ex-

cusari, præsumendo quod a suis parentibus diligenter instruantur. Si tamen quocumque modo sentirent contrarium, tenerentur secundum suum modum salutis spiritualium filiorum curam impendere.

Ad primum ergo dicendum, quod ubi immineret periculum, oporteret esse aliquem doctum in divinis, sicut Dionysius dicit (cap. vii. eccles. Hierar. vers. ii.) qui baptizatum de sacro fonte susciperet: sed ubi hoc periculum non imminet, propter hoc quod pueri nutriuntur inter catholicos, admittuntur quicumque ad hoc officium: quia ea quæ pertinent ad christianam vitam, & fidem, publice omnibus nota sunt. Attamen ille qui non est baptizatus, non potest suscipere baptizatum, ut est declaratum in Concilio Moguntino: (hab. cap. *In baptismo*, de consecrat. dist. iv.) licet non baptizatus possit baptizare: quia persona baptizantis est de necessitate sacramenti, non autem persona suscipientis, sicut dictum est (art. præc. ad 2.)

Ad secundum dicendum, quod sicut est alia generatio spiritualis a carnali; ita etiam debet esse alia disciplina, secundum illud Hebr. xii. 9. *Patres quidem nostræ habuimus eruditores, & reverebamur eos: non multo magis obtemperabimus Patri spirituum, & vivemus?* Et ideo alius debet esse pater spiritualis a patre carnali, nisi necessitas contrarium exigat.

Ad tertium dicendum, quod confusio esset disciplina, nisi esset unus principalis instructor: & ideo in baptismo unus debet esse principalis susceptor; alii tamen possunt admitti quasi coadiutores.

QUAESTIO LXVIII.

*De suscipientibus baptismum,*

*in duodecim articulos divisa.*

**D**Einde considerandum est de suscipientibus baptismum: & circa hoc quarantur duodecim.

Primo, utrum omnes teneantur ad suscipiendum baptismum.

Secundo, utrum aliquis possit salvari sine baptismo.

Tertio utrum baptismus sit differendus.

Quarto, utrum peccatores sint baptizandi.

Quinto, utrum peccatoribus baptizatis

zatis sint imponenda opera satisfactoria.

Sexto, utrum requiratur confessio peccatorum.

Septimo, utrum requiratur intentio ex parte baptizati.

Octavo, utrum requiratur fides.

Nono, utrum pueri sint baptizandi.

Decimo, utrum pueri Iudaeorum sint baptizandi invitis parentibus.

Undecimo, utrum aliqui sint baptizandi in matris uteris existentes.

Duodecimo, utrum furiosi, & amentes sint baptizandi.

Ad hoc autem datur baptismus ut aliquis per ipsum regeneratus incorporetur Christo, factus membrum ipsius: unde dicitur Galat. III. 27. *Quicumque in Christo baptizati estis, Christum induistis*. Unde manifestum est quod omnes ad baptismum tenentur, & sine eo non potest esse salus hominibus.

Ad primum ergo dicendum, quod numquam homines potuerunt salvari etiam ante Christi adventum, nisi fierent membra Christi: quia, ut dicitur A. 8. IV. 12, *non est aliud nomen datum hominibus in quo oporteat nos salvos fieri*. Sed ante adventum Christi homines Christo incorporabantur per fidem futuri adventus; cuius fidei signaculum erat circumcisio, ut Apostolus dicit Rom. IV. ante vero quam circumcisio institueretur, sola fide, ut Gregorius dicit (Lib. IV. Moral. cap. 111. a princ.) cum sacrificiorum oblatione, quibus suam fidem antiqui patres profitebantur, homines Christo incorporabantur. Post adventum etiam Christi homines per fidem Christo incorporantur, secundum illud Ephes. III. 17. *Habitate Christum per fidem in cordibus vestris*. Sed alio signo manifestatur fides rei iam praesentis, quam demonstraretur, quando erat futura; sicut etiam aliis verbis significatur praetens, praeteritum, & futurum. Et ideo licet ipsum sacramentum baptismi non semper fuerit necessarium ad salutem; fides tamen, cuius baptismus sacramentum est, semper necessaria fuit.

Ad secundum dicendum, quod, sicut in secunda parte dictum est (I. 2. quest. lxxxI. art. 3. ad 2.) illi qui baptizantur, renovantur per baptismum secundum spiritum; corpus tamen remanet subiectum vetustati peccati, secundum illud Rom. VIII. 10. *Corpus quidem mortuum est propter peccatum; spiritus vero vivit propter iustificationem*. Unde & Augustinus probat in Lib. VI. contra Iulianum (cap. XVII. cir. med.) quod non baptizatur in homine quicquid in eo est. Manifestum est autem quod homo non generat generatione carnali secundum spiritum, sed secundum carnem. Et ideo filii baptizatorum cum peccato originali nascuntur: unde indigent baptizari.

Ad tertium dicendum, quod illi qui sunt sanctificati in utero, consequuntur quidem gratiam emundantem a peccato originali; non tamen ex hoc ipso consequuntur charactere, quo Christo configurentur, Et propter hoc si aliqui nunquam

## ARTICULUS I. 384

*Utrum omnes teneantur ad susceptionem baptismi.*

*Inf. quest. lxx. art. 2. ad 3. & II. dist. IV. quest. 111. art. 3. quest. 2. eo. & ad 3. & dist. VI. quest. 1. art. 1. quest. 1. cor. & II. cont. cap. lxxi.*

**A**D primum sic proceditur. Videtur quod non teneantur omnes ad susceptionem baptismi. Per Christum enim non est hominibus arctata via salutis. Sed ante Christi adventum poterant homines salvari sine baptismo. Ergo & post Christi adventum.

2. Praeterea. Baptismus maxime videtur esse institutus in remedium peccati originalis. Sed ille qui est baptizatus, cum non habeat originale peccatum, non videtur quod possit illud transfundere in prolem. Ergo filii baptizatorum non videntur esse baptizandi.

3. Praeterea. Baptismus datur ad hoc quod aliquis per gratiam a peccato mundetur. Sed hoc consequuntur illi qui sunt sanctificati in utero sine baptismo. Ergo non tenentur ad suscipiendum baptismum.

Sed contra est quod dicitur Ioan. III. 5. *Nisi quis renatus fuerit ex aqua, & Spiritu sancto, non potest introire in regnum Dei*: & Lib. de eccl. dogmatibus (cap. lxxiv.) dicitur: *Baptizatis tantum iter salutis esse credimus*.

Respondendo dicendum, quod ad illud homines tenentur sine quo saltem consequi non possunt. Manifestum est autem quod nullus potest salutem consequi nisi per Christum. Unde & Apostolus dicit Rom. v. 18. *Sicut per unius delictum in omnes homines in condemnationem, sic & per unius iustitiam in omnes homines in iustificationem vitae*.

sanctificarentur in utero, necesse esset eos baptizari, ut per susceptionem characteris aliis membris Christi conformarentur.

## ARTICULUS II. 385

*Utrum sine baptismo aliquis possit salvari.*

1. 2. *quæst. cxiii. art. 3. ad 1. & IV. dist. iv. quæst. iii. art. 3. quæst. 2. cor. & ad 3. & IV. cont. cap. lxxii. & quæst. 1. art. 4. & Ioan. vi. lec. 7.*

**A**D secundum sic proceditur. Videtur quod sine baptismo nullus possit salvari. Dicit enim Dominus Ioan. iii. 5. *Nisi quis renatus fuerit ex aqua, & Spiritu sancto, non potest introire in regnum Dei.* Sed illi soli salvantur qui regnum Dei intrant. Ergo nullus potest salvari sine baptismo, quo aliquis regeneratur ex aqua, & Spiritu sancto.

2. Præterea. In Lib. de ecclesiast. dogmatibus (cap. lxxiv.) dicitur: *Nullum catechumenum, quamvis in bonis operibus defunctum, vitam æternam habere credimus, excepto martyrio, ubi totum sacramentum baptismi complevit.* Sed si aliquis sine baptismo posset salvari, maxime hoc haberet locum in catechumenis bona opera habentibus, qui videntur habere fidem per dilectionem operantem. Ergo videtur quod sine baptismo nullus possit salvari.

3. Præterea. Sicut supra dictum est (quæst. lxxv. art. 3. & 4.) sacramentum baptismi est de necessitate salutis. Necessarium autem est, sine quo non potest aliquid esse, ut dicitur V. Metaph. (tex. 6.) Ergo videtur quod sine baptismo nullus possit consequi salutem.

Sed contra est quod Augustinus dicit super Leviticum (quæst. xlviii.) *invisibilem sanctificationem quibusdam affuisse, & profuisse sine visibilibus sacramentis; visibilem vero sanctificationem, quæ fit sacramentis visibilibus, sine invisibili posse adesse, sed non posse prodesse.* Cum igitur sacramentum baptismi ad visibilem sanctificationem pertineat, videtur quod sine sacramento baptismi aliquis possit salutem consequi per invisibilem sanctificationem.

Respondendo dicendum, quod sacramentum baptismi dupliciter potest alicui deesse. Uno modo & re, & voto: quod contingit illis qui nec baptizantur, nec baptizari volunt: quod manifeste ad contemptum sacramenti pertinet, quantum

*S. Tb. Oper. Tom. XXIV.*

ad illos qui habent usum liberi arbitrii. Et ideo hi quibus hoc modo deest baptismus, salutem consequi non possunt: quia nec sacramentaliter, nec mentaliter Christo incorporantur, per quem solum est salus.

Alio modo potest sacramentum baptismi alicui deesse re, sed non voto; sicut cum aliquis baptizari desiderat, sed aliquo casu prævenitur morte, antequam baptismum suscipiat: & talis sine baptismum actuali salutem consequi potest, propter desiderium baptismi, quod procedit ex fide per dilectionem operante, per quam Deus interius hominem sanctificat, cuius potentia sacramenti visibilibus non alligatur. Unde Ambrosius dicit (in Lib. de obitu Valentin. aliquant. a med.) de Valentiniano, qui catechumenus mortuus fuit: *Quem regeneraturus eram, amisi; verumtamen ille gratiam, quam poposcit, non amisit.*

Ad primum ergo dicendum, quod, sicut dicitur I. Reg. xvi. 7. *Homo videt ea quæ parent; Dominus autem intuetur cor.* Ille autem qui desiderat per baptismum regenerari ex aqua, & Spiritu sancto, corde quidem regeneratus est, licet non corpore; sicut & Apostolus dicit Rom. 11. 29. *quod circumcisio cordis est in spiritu, non in littera, cuius laus non ex hominibus, sed ex Deo est.*

Ad secundum dicendum, quod nullus pervenit ad vitam æternam, nisi absolutus ab omni culpa, & reatu peccatorum: quæ quidem universalis absolutio fit in perceptione baptismi, & in martyrio: propter quod dicitur, quod in martyrio omnia sacramenta baptismi complentur, scilicet quantum ad plenam liberationem a culpa, & poena. Si quis ergo catechumenus sit habens desiderium baptismi, quia aliter in bonis operibus non moretur, quæ non possunt esse sine fide per dilectionem operante, talis decedens non statim pervenit ad vitam æternam, sed patietur poenam pro peccatis præteritis; ipse tamen *salvus erit sic quasi per ignem*, ut dicitur I. ad Cor. 131. 5.

Ad tertium dicendum, quod pro tanto dicitur sacramentum baptismi esse de necessitate salutis, quia non potest esse homini salus, nisi saltem in voluntate habeatur, quæ apud Deum reputatur pro facto.

## ARTICULUS III. 386

*Utrum baptismus sit differendus.*

*IV. dist. xv. quest. 111. art. 1. quest. 2. & dist. xvii. quest. 111. art. 1. quest. 4. co. & mal. quest. 14. art. 1.*

**A**D tertium sic proceditur. Videtur quod baptismus sit differendus. Dicit enim Leo Papa (epist. 14. cap. v.) *Duo tempora, Pascha, & Pentecoste, ad baptizandum a Romano Pontifice legitime praefixa sunt. Unde dilectionem vestram precamur ut nullo alio die huius observationis misceatis.* Videtur ergo quod oporteat non statim aliquem baptizari, sed usque ad praedicta tempora baptismum differri.

2. Præterea. In Concilio Agathensi (can. xxxiv. & hab. cap. xciii. de consecrat. dist. 14.) legitur: *Indei, quorum perfidia frequenter ad vomitum redit, si ad leges catholicas venire voluerint, octo menses inter catechumenos Ecclesie limen introeant; & si pura fide venire noscantur, tunc demum baptismi gratiam mereantur.* Non ergo statim sunt homines baptizandi; sed usque ad certum tempus est differendum baptismum.

3. Præterea. Sicut dicitur Isaia xxvii. *9. iste est omnis fructus, ut auferatur peccatum.* Sed magis videtur auferri peccatum, vel etiam diminui, si baptismus diu differatur. Primo quidem quia peccantes post baptismum gravius peccant, secundum illud Heb. x. 29. *Quanto magis putatis deteriora mereri supplicia qui sanguinem Testamenti pollutum duxerit, in quo sanctificatus est?* scilicet per baptismum. Secundo quia baptismus tollit peccata præterita, non autem futura: unde quanto magis baptismus differtur, tanto plura peccata tollit. Videtur ergo quod baptismus debeat diu differri.

Sed contra est quod dicitur Eccli. v. 8. *Non tardes converti ad Dominum, & ne differas de die in diem.* Sed perfecta conversio ad Deum est eorum qui regenerantur in Christo per baptismum. Non ergo debet baptismus differri de die in diem.

Respondendo dicendum, quod circa hoc distinguendum est, utrum sint baptizandi pueri, vel adulti. Si enim pueri sint baptizandi, non est differendum baptismum: primo quidem quia non expectatur in eis maior instructio, aut etiam plenior

conversio; secundo propter periculum mortis, quia non potest eis alio remedio subveniri nisi per sacramentum baptismi.

Adultis vero subveniri potest per solum baptismi desiderium, ut supra dictum est (art. præc.) Et ideo adultis, non statim cum convertuntur, est sacramentum baptismi conferendum, sed oportet differre usque ad aliquod certum tempus. Primo quidem propter cautelam Ecclesiae, ne decipiant, sacramentum fide accedentibus conferens, secundum illud I. Ioan. 14. 1. *Nolite omni spiritui credere, sed probate spiritus, si ex Deo sint:* quæ quidem probatio sumitur de accedentibus ad baptismum, quando per aliquod spatium eorum fides, & mores examinantur. Secundo hoc est necessarium ad utilitatem eorum qui baptizantur: quia aliquo temporis spatio indigent, ad hoc quod plene instruantur de fide, & exercitentur in his quæ pertinent ad vitam christianam. Tercio hoc est necessarium ad quamdam reverentiam sacramenti, dum in solemnitatibus præcipuis, scilicet Paschæ, & Pentecostes, homines ad baptismum admittuntur; & ita devotius sacramentum suscipiunt.

Hæc tamen dilatio est prætermittenda duplici ratione. Primo quidem quando illi qui sunt baptizandi, apparent perfecte instructi in fide, & ad baptismum idonei; sicut Philippus statim baptizavit Eunuchum, ut habetur Act. viii. & Petrus Cornelium, & eos qui cum eo erant, ut habetur Act. x. Secundo propter infirmitatem, aut aliquod periculum mortis. Unde Leo Papa dicit (ubi supra cap. vi. cir. princ.) *Hi qui necessitate mortis, agriudinis, obsidionis, persecutionis, & naufragii urgentur, omni tempore debent baptizari.*

Si tamen aliquis morte præveniatur, articulo necessitatis sacramentum excludente, dum expectat tempus ab Ecclesia institutum, salvatur, licet per ignem, ut supra dictum est (art. præc.) Peccat autem, si ultra tempus institutum ab Ecclesia differat accipere baptismum, nisi ex causa necessaria, & licentia prælatorum Ecclesiae. Sed tamen & hoc peccatum cum aliis deleri potest per succedentem contritionem, quæ supplet vicem baptismi, ut supra dictum est (in corp. & art. præc.)

Ad primum ergo dicendum, quod illud mandatum Leonis Papæ de observandis duobus temporibus in baptismo, intelligi-

gendum est de adultis; excepto tamen periculo mortis, quod semper in pueris est timendum, ut dictum est (in corp. art.)

Ad secundum dicendum, quod illud de ludæis est institutum ad Ecclesiæ cautelam, ne simplicium fidem corrumpant, si non fuerint plene conversi; & tamen, ut ibidem subditur, *si infra tempus prescriptum aliquod periculum infirmitatis incurrerint, debent baptizari*.

Ad tertium dicendum, quod baptismus per gratiam, quam confert, non solum removet peccata præterita, sed etiam impedit peccata futura, ne fiant. Hoc autem præcipue desiderandum est ut homines non peccent, secundario autem ut levius peccent, vel etiam ut eorum peccata mündentur, secundum illud I. Ioan. 11. 1. *Filii mei, hæc scribo vobis, ut non peccetis. Sed & si quis peccaverit, advocatum habemus apud Patrem Iesum Christum iustum; & ipse est propitiatio pro peccatis nostris*.

#### ARTICULUS IV. 387

*Utrum peccatores sint baptizandi.*

*Infr. art. 8. ad 4.*

**A**D quartum sic proceditur. Videtur quod peccatores sint baptizandi. Dicitur enim Zachar. xiii. 1. *In die illa eris fons patens domui David, & habitantibus Hierusalem, in ablutionem peccatoris, & menstruatur*: quod quidem intelligitur de fonte baptismali. Ergo videtur quod sacramentum baptismi sit etiam peccatoribus exhibendum.

2. Præterea. Dominus dicit Matth. 12. *Non opus est valentibus medicus, sed male habentibus*. Male autem habentes sunt peccatores. Cum igitur spiritalis medici, scilicet Christi, medicina sit baptismus, videtur quod peccatoribus sit sacramentum baptismi exhibendum.

3. Præterea. Nullum subsidium debet peccatoribus subtrahi. Sed peccatores baptizati ex ipso charactere baptismali spiritualiter adiuvantur, cum sit quedam res significata non respondet. Ex hoc au-

dispositio ad gratiam. Ergo videtur quod sacramentum baptismi sit peccatoribus exhibendum.

Sed contra est quod Augustinus dicit (tract. lxxii. in Ioan. implic. a med. sed expresse serm. xv. de verb. Apost. cap. xi. cir. med.) *Qui creavit te sine te, non iustificabit te sine te*. Sed peccator, cum habeat voluntatem non dispositam, non cooperatur Deo, immo magis contrarium operatur. Ergo frustra adhiberetur sibi baptismus ad iustificationem non disposito. (a)

Respondeo dicendum, quod aliquis potest dici peccator dupliciter. Uno modo propter maculam, & reatum præteritum: & sic peccatoribus est sacramentum baptismi conferendum, quia est ad hoc specialiter institutum, ut per ipsum peccatorum sordes mündentur, secundum illud Ephes. v. 26. *Mundansam, scilicet Ecclesiam, lavacro aquæ in verbo vite*.

Alio modo potest dici aliquis peccator ex voluntate peccandi, & proposito persistendi in peccato: & sic peccatoribus non est sacramentum baptismi conferendum. Primo quidem quia per baptismum homines Christo incorporantur, secundum illud Gal. 3. 27. *Quicumque in Christo baptizati estis, Christum induistis*. Quamdiu autem aliquis habet voluntatem peccandi, non potest esse Christo coniunctus, secundum illud II. Corin. vi. 14. *Quæ participatio iustitiæ cum iniquitate? Unde & Augustinus dicit in Lib. de penitentia, (hom. ult. inter l. cap. 11. a princ.) quod nullus suæ voluntatis arbitrio constitutus potest novam vitam incipere, nisi eum veteris vite peniteat*. Secundo quia in operibus Christi, & Ecclesiæ nihil debet fieri frustra. Frustra autem est quod non pertingit ad finem ad quem est ordinatum. Nullus autem habens voluntatem peccandi simul potest a peccato mündari, ad quod ordinatur baptismus: quia hoc esset ponere contradictoria esse simul. Tercio quia in sacramentalibus signis non debet esse aliqua

incompatibilitas. Est autem signum falsum, cui ritualiter adiuvantur, cum sit quedam res significata non respondet. Ex hoc autem

E p 2 tem

(a) Hæc tantum argumentum Sed contra habent veritas alie. & eod. an. 1478. & 1535. penes Theobaldum, desumptum ex IV. Sent. dist. iv. quæst. 111. art. 2. ubi tantum differentia in minori propositione, legitur enim ibi in contrarium: & in conclusiva: Ergo in baptismo non iustificatur. Et hoc tamen hoc loco additum optimè arguit Garcia ex antiquioribus testi. libris, qui nullum habent, & editis Romanæ, & posterioribus, aliis quoque contraria, attia ad marginem addunt aliud sequens. Sed contra est quod Augustinus ad Bonifatium dicit (hab. in Lib. I. de peccator. merit. & remiss. cap. xxvi. a med. vide infra quæst. lxxxix. art. 3. ad 1.) In baptismo aliquis membrum Christi efficitur. Sed nullus peccator persistens in voluntate peccandi potest fieri membrum Christi: quod est incorporari Christo, Ergo huiusmodi peccator non est baptizandus: quia frustra baptizaretur.

tem quod aliquis lavandum se præbet per baptismum, significatur quod se disponat ad interiorem ablutionem; quod non contingit de eo qui habet propositum persistendi in peccato. Unde manifestum est quod talibus sacramentum baptismi non est conferendum.

Ad primum ergo dicendum, quod illud verbum est intelligendum de peccatoribus qui habent voluntatem recedendi a peccato.

Ad secundum dicendum, quod spiritalis medicus, scilicet Christus, operatur dupliciter: uno modo interius per seipsum; & sic præparat voluntatem hominis, ut bonum velit, & malum odiat: alio modo operatur per ministros, exterior adhibendo sacramenta; & sic operatur perficiendo exteriori id quod est inchoatum. Et ideo sacramentum baptismi non est exhibendum nisi ei in quo interioris conversionis aliquod signum apparet; sicut nec medicina corporalis adhibetur infirmo, nisi in eo aliquis motus vitalis naturæ appareat.

Ad tertium dicendum, quod baptismus est fidei sacramentum. Fides autem informis non sufficit ad salutem, nec ipsa est fundamentum, sed sola fides formata, quæ per dilectionem operatur, ut Augustinus dicit in Lib. de fide & operibus (cap. xvi.). Unde nec sacramentum baptismi salutem conferre potest cum voluntate peccandi, quæ fidei formam excludit. Non est autem per impressionem characteris baptismalis aliquis disponendus ad gratiam, quamdiu in eo apparet voluntas peccandi: quia *Deus neminem ad virtutem compellit*, sicut Damascenus dicit (Lib. II. orth. fid. cap. xxx. in princ.).

## ARTICULUS V. 388

*Utrum peccatoribus baptizatis sint imponenda opera satisfactoria.*

*Sup. quæst. xlix. art. 3. ad 2. & inf. art. 6. cap. & II. dist. vi. quæst. 1. art. 1. quæst. 1. corp. & III. dist. xix. art. 3. quæst. 2. ad 1. & IV. dist. vi. quæst. 1. art. 1. quæst. 1. co. & IV. cont. cap. lviii. & Rom. xi. lect. 4.*

**A**D quintum sic proceditur. Videtur quod peccatoribus baptizatis sint opera satisfactoria imponenda. Hoc enim ad iustitiam Dei pertinere videtur ut pro quolibet peccato aliquis puniatur, se-

cundum illud Eccle. ult. 14. *Cuncta quæ sunt, adducet Deus in iudicium.* Sed opera satisfactoria imponuntur peccatoribus in poenam prætoriorum peccatorum. Ergo videtur quod peccatoribus baptizatis sint opera satisfactoria imponenda.

2. Præterea. Per opera satisfactoria exercitantur peccatores de novo conversi ad iustitiam, & subtrahuntur eis occasionibus peccandi: nam satisfacere est peccatorum causas excidere, & peccatis aditum non indulgere. Sed hoc maxime est necessarium nuper baptizatis. Ergo videtur quod baptizatis sint opera satisfactoria iniungenda.

3. Præterea. Non minus debitum est ut homo Deo satisfaciat quam proximo. Sed nuper baptizatis iniungendum est ut satisficiant proximis, si eos læserint. Ergo est etiam eis iniungendum ut Deo satisficiant per opera poenitentiae.

Sed contra est quod Ambrosius (alius Auctor) super illud Rom. xi. *Sine poenitentia sunt dona, & vocatio Dei*, dicit: „Gratia Dei in baptismo non requiritur gemitum, neque planctum vel etiam opus aliquod, sed solum fidem, & omnia gratis condonat.“

Respondendo dicendum, quod, sicut Apostolus dicit Rom. vi. 3. *quicumque baptizati sumus in Christo, in morte ipsius baptizati sumus: consepulti enim sumus ei per baptismum in mortem*, ita scilicet quod homo per baptismum incorporatur ipsi morti Christi.

Manifestum est autem ex supradictis (quæst. xlviii. & xlix.) quod mors Christi satisfactoria fuit sufficienter pro peccatis, non solum nostris, sed etiam totius mundi, ut dicitur I. Ioan. 12. 2. Et id eo qui baptizatur, pro quibuscumque peccatis non est aliqua satisfactio iniungenda: hoc enim esset iniuriam facere passioni, & morti Christi, quasi ipsa non esset sufficiens ad plenariam satisfactionem pro peccatis baptizatorum.

Ad primum ergo dicendum, quod, sicut Augustinus dicit in Lib. I. de baptismo parvulorum (seu de peccat. merit. & remis. cap. xxvi. a med.) ad hoc baptismus valet ut baptizati Christo incorporantur ut membra eius. Unde ipsa poena Christi fuit satisfactoria pro peccatis baptizatorum; sicut & poena unius membri potest esse satisfactoria pro peccato alterius membri. Unde IIa. 112. 4. dicitur: *Vere languores nostros ipse tulit, & dolores nostros ipse portavit.*

Ad

Ad secundum dicendum, quod nuper baptizati exercitandi sunt ad iustitiam, non per opera pœnalia, sed per opera facilia, ut quasi quodam facile facili exercitii promoveantur ad perfectiora, ut Glossa (ord. implic.) dicit super illud Psal. cxxx. *Sicut ablatus est super matre sua.* Unde & Dominus discipulos suos de novo conversos a ieiunio excusavit, ut patet Matth. ix. Et hoc est quod dicitur 1. Petr. ii. 2. *Sicut modo geniti infantes, lac concupiscite, ut in eo crescatis in salutem.*

Ad tertium dicendum, quod restituere male ablata proximis, & satisfacere eis de iniuriis illatis, est cessare a peccando: quia hoc ipsum quod est decinere aliena, & proximum lætum non placare, est peccatum. Et ideo peccatoribus baptizatis iniungendum est quod satisficiant proximis, sicut & quod desistant a peccato: non est autem eis iniungendum quod pro peccatis præteritis aliquam poenam patiantur.

## ARTICULUS VI. 389

*Utrum peccatores ad baptismum accedentes teneantur sua peccata confiteri.*

III. dist. xix. art. 3. quæst. 1. ad 1. & IV. cont. cap. xviii. & Rom. xi. lect. 4.

**A**D sextum sic proceditur. Videtur quod peccatores ad baptismum accedentes teneantur sua peccata confiteri. Dicitur enim Matth. iii. 6. quod baptizabantur multi a Ioanne in Iordane, confitentes peccata sua. Sed baptismus Christi est perfectior quam baptismus Ioannis. Ergo videtur quod multo magis illi qui sunt baptizandi baptismo Christi, debeant sua peccata confiteri.

2. Præterea. Proverb. xxviii. 13. dicitur: *Qui abscondit scelera sua, non dirigitur; qui autem confessus fuerit, & reliquerit ea, misericordiam consequetur.* Sed ad hoc aliqui baptizantur ut de peccatis suis misericordiam consequantur. Ergo baptizandi debent sua peccata confiteri.

3. Præterea. Pœnitentia requiritur ante baptismum, & secundum illud A. 8. ii. 38. *Agite pœnitentiam, & baptizetur unusquisque vestrum.* Sed confessio est pars pœnitentiæ. Ergo videtur quod confessio peccatorum requiratur ante baptismum.

6. Tb. Op. Tom. XXIV.

Sed contra est quod confessio peccatorum debet esse cum fletu: dicit enim Augustinus in Libro de pœnitentia (alius Auctor de vera & falsa pœnit. cap. xiv. parum a princ.) *Omnis ista varietas confitenda est, & descendenda:* Sed, sicut Ambrosius dicit (alius Auctor sup. illud Rom. xi. *Sine pœnitentia sunt dona,*) „gratia Dei in baptismo non requiritur, gemitum, neque plañtum.“ Ergo a baptizandis non est requirenda confessio peccatorum.

Respondendo dicendum, quod duplex est peccatorum confessio. Una quidem interior, quæ fit Deo: & talis confessio peccatorum requiritur ante baptismum, ut scilicet homo sua peccata recogitans de eis delectet: *non enim potest incipere novam vitam, nisi pœniteat cum veteris vitæ,* ut dicit Augustinus in Lib. de pœnitentia (hom. ult. inter l. cap. ii. a princ.)

Alia vero est confessio peccatorum exterior, quæ fit sacerdoti: & talis confessio non requiritur ante baptismum. Primo quidem quia talis confessio, cum respiciat parsonam ministri, pertinet ad pœnitentiæ sacramentum, quod non requiritur ante baptismum, quia est ianuam omnium sacramentorum. Secundo quia confessio exterior, quæ fit sacerdoti, ordinatur ad hoc quod sacerdos contentem absolvat a peccatis, & liget ad opera satisfactoria; quæ baptizatis non sunt imponenda, ut supra dictum est (art. præc.) nec etiam baptizati indigent remissione peccatorum per claves Ecclesiæ, quibus omnia remittuntur per baptismum. Tercio quia ipsa particularis confessio homini facta, est pœnosa propter verecundiam contentis. Baptizato autem nulla exterior pœna imponitur. Et ideo a baptizatis non requiritur specialis confessio peccatorum; sed sufficit generalis, quam faciunt, cum secundum ritum Ecclesiæ abrenuntiant Satanz, & omnibus pompis eius. Et hoc modo dicit quædam Glossa (ord. sup. illud, *Et baptizabantur ab eo*) Matth. iii. quod „in baptismo Ioannis exemplum“ dabatur baptizandis confitendi peccata, & promittendi meliora. „Si qui tamen baptizandi ex devotione sua peccata confiteri vellent, esset eorum confessio audienda, non ad hoc quod eis satisfactio imponeretur, sed ad hoc quod contra peccata consueta eis spiritualis informatio vitæ traderetur.“

Ad primum ergo dicendum, quod in

E e 3 ba



baptismo Ioannis non remittebantur peccata, sed erat baptismus poenitentiae. Et ideo convenienter accedentes ad illud baptismi confitebantur peccata, ut secundum qualitatem peccatorum eis poenitentia determinaretur. Sed baptismus Christi est sine exteriori poenitentia, ut Ambrosius dicit (loc. sup. cit.) Unde non est similis ratio.

Ad secundum dicendum, quod baptizatis sufficit confessio interior Deo facta, & etiam exterior generalis, ad hoc quod dirigantur, & misericordiam consequantur; nec requiritur confessio specialis exterior, sicut dictum est (in corp.)

Ad tertium dicendum, quod confessio est pars poenitentiae sacramentalis; quare non requiritur ante baptismum, ut dictum est (in corp. art.) sed requiritur interioris poenitentiae virtus.

#### ARTICULUS VII. 390

*Utrum ex parte baptizati requiratur intentio suscipiendi sacramentum baptismi.*

*Infr. quæst. lxx. art. 9. & IV. dist. vi. quæst. 1. art. 2. quæst. 3. & dist. xxvii. quæst. 1. art. 2. quæst. 4. corp.*

**A**D septimum sic proceditur. Videtur quod ex parte baptizati non requiratur intentio suscipiendi sacramentum baptismi. Baptizatus enim se habet sicut pascens in sacramento. Intentio autem non requiritur ex parte patientis, sed ex parte agentis. Ergo videtur quod ex parte baptizati non requiratur intentio suscipiendi baptismum.

2. Præterea. Si prætermittatur id quod requiritur ab baptismum, homo est denuo baptizandus; sicut cum prætermittitur invocatio Trinitatis, ut supra dictum est (quæst. lxxi. art. 6.) Sed ex hoc non videtur aliquis esse denuo baptizandus, quod intentionem non habeat suscipiendi baptismum; alioquin cum de intentione baptizati non constet, quilibet posset petere se denuo baptizari propter intentionis defectum. Non videtur ergo quod intentio requiratur ex parte baptizati ut suscipiat sacramentum.

3. Præterea. Baptismus contra peccatum originale datur. Sed originale peccatum contrahitur sine intentione nascens. Ergo baptismus, ut videtur, intentionem non requirit ex parte baptizati.

Sed contra est quod secundum ritum Ecclesiae baptizandi profitentur se petere ab Ecclesia baptismum; per quod profitentur suam intentionem de susceptione sacramenti.

Respondetur dicendum, quod per baptismum aliquis moritur veteri vitæ peccati, & incipit quandam vitam novitatem, secundum illud Rom. vi. 4. *Consepulsi sumus Christo per baptismum in mortem, ut quomodo Christus surrexit a mortuis per gloriam Patris, ita & nos in novitate vitæ ambulemus.*

Et ideo, sicut ad hoc quod homo moriatur veteri vitæ, requiritur secundum Augustinum (hom. ult. inter l. cap. 11. a princ.) in habente usum liberi arbitrii voluntas, qua eum veteris vitæ poeniteat; ita requiritur voluntas, qua intendat vitæ novitatem; cuius principium est ipsa susceptio sacramenti. Et ideo ex parte baptizati requiritur voluntas, live intentio suscipiendi sacramentum.

Ad primum ergo dicendum, quod in iustificatione, quæ fit per baptismum, non est passio coacta, sed voluntaria; & ideo requiritur intentio recipiendi id quod ei datur.

Ad secundum dicendum, quod si in adulto deesset intentio suscipiendi sacramentum, esset rebaptizandus; si tamen hoc non constaret, esset dicendum: *Si non es baptizatus, ego te baptizo.*

Ad tertium dicendum, quod baptismus ordinatur non solum contra originale peccatum, sed etiam contra actualia, quæ per voluntatem, & intentionem causantur.

#### ARTICULUS VIII. 391

*Utrum fides requiratur ex parte baptizati.*

*IV. dist. vi. quæst. 1. art. 3. quæst. 1. & quæst. 11. art. 2. quæst. 3. corp. & dist. ix. art. 2. quæst. 2. ad 2.*

**A**D octavum sic proceditur. Videtur quod fides requiratur ex parte baptizati. Sacramentum enim baptismi a Christo est institutum. Sed Christus formam baptismi tradens fidem baptismum præmittit, dicens Marci ult. 16. *Qui crediderit, & baptizatus fuerit, salvus erit.* Ergo videtur quod nisi sit fides, non possit esse sacramentum baptismi.

2. Præterea. Nihil frustra in sacramen-

tis Ecclesiae agitur. Sed secundum ritum Ecclesiae ille qui accedit ad baptismum, de fide interrogatur, cum dicitur: *Credis in Deum Patrem? &c.* Ergo videtur quod fides ad baptismum requiratur.

3. Præterea. Ad baptismum requiritur intentio suscipiendi sacramentum. Sed hoc non potest esse sine recta fide, cum baptismus sit rectæ fidei sacramentum: per eam enim incorporantur homines Christo, ut Augustinus dicit in Libro I. de baptismo parvulorum. ( seu de peccat. merit. & remiss. cap. xxvi. a med. ) Hoc autem non potest esse sine recta fide, secundum illud Ephes. iii. 17. *Habitate Christum per fidem in cordibus vestris.* Ergo videtur quod ille qui non habet rectam fidem, non possit suscipere sacramentum baptismi.

4. Præterea. Infidelitas est gravissimum peccatum, ut in secunda parte habitum est ( 2. 2. quæst. x. art. 3. ) Sed permanentes in peccato non sunt baptizandi. Ergo etiam nec permanentes in infidelitate.

Sed contra est quod Gregorius scribens Quirino Episcopo ( in Registr. Lib. IX. epist. lxx. a princ. ) dicit: *Ab antiqua patrum institutione didicimus ut qui apud hæresim in Trinitatis nomine baptizantur, cum ad sanctam Ecclesiam redeunt, aut unctione chrismatis, aut impositione manus, aut sola professione fidei ad sinum matris Ecclesie revocentur.* Hoc autem non esset, si recta fides esset de necessitate baptismi. Non ergo recta fides ex necessitate requiritur ad susceptionem baptismi.

Respondendo dicendum, quod, sicut ex dictis patet ( quæst. lxxii. art. 6. & quæst. lxxvi. art. 9. ) duo efficiuntur in anima per baptismum, scilicet character, & gratia. Dupliciter ergo aliquid ex necessitate requiritur ad baptismum. Uno modo, sine quo gratia haberi non potest, quæ est ultimus effectus sacramenti: & hoc modo recta fides ex necessitate requiritur ad baptismum: quia, sicut dicitur Rom. iii. 22. *iustitia Dei est per fidem Iesu Christi.*

Alio modo requiritur aliquid ex necessitate ad baptismum, sine quo character baptismatis imprimi non potest: & sic recta fides baptizati non requiritur ex necessitate ad baptismum, sicut nec recta fides baptizantis, dummodo adsint cetera quæ sunt de necessitate sacramenti: non enim sacramentum perficitur per

iustitiam hominis dantis, vel suscipientis baptismum, sed per virtutem Dei.

Ad primum ergo dicendum, quod Dominus loquitur ibi de baptismo, secundum quod perducit homines ad salutem per gratiam iustificantem; quod guidem sine recta fide esse non potest; & ideo signanter dicit: *Qui crediderit, & baptizatus fuerit, salvus erit.*

Ad secundum dicendum, quod Ecclesia intendit homines baptizare, ut emundentur a peccato, secundum illud lra. xxvii. 9. *Hic est omnis fructus ut auferatur peccatum.* Et ideo quantum est de se, non intendit dare baptismum nisi habentibus rectam fidem, sine qua non est remissio peccatorum: & propter hoc interrogat accedentes ad baptismum, an credant. Si tamen sine recta fide aliquis baptismum suscipiat extra Ecclesiam, non percipit illud ad suam salutem. Unde Augustinus dicit ( Lib. IV. de baptis. cont. Donatist. in princ. ) *Ecclesia paradoxo comparata indicat nobis, posse quidem baptismum eius homines etiam foris accipere, sed salutem beatitudinis extra eam neminem percipere, vel tenere.*

Ad tertium dicendum, quod etiam non habens rectam fidem circa alios articulos, potest habere rectam fidem circa sacramentum baptismi; & ita non impeditur quin possit habere intentionem suscipiendi sacramentum baptismi. Si tamen etiam circa hoc sacramentum non recte sentiat, sufficit ad perceptionem sacramenti generalis intentio, qua intendit suscipere baptismum, sicut Christus instituit, & sicut Ecclesia tradit.

Ad quartum dicendum, quod sicut sacramentum baptismi non est conferendum ei qui non vult ab aliis peccatis recedere; ita etiam nec ei qui non vult infidelitatem deferere. Uterque tamen suscipit sacramentum, si ei conferatur, licet non ad salutem.

## ARTICULUS IX. 392

*Utrum pueri sint baptizandi.*

IV. dist. iv. quæst. iii. art. i. quæst. i. & mal. quæst. iv. art. i. co. princ. & quol. iv. art. 10. cor. & quol. ix. art. 22. cor.

**A**D nonum sic proceditur. Videtur quod pueri non sint baptizandi. In eo enim qui baptizatur, requiritur intentio suscipiendi sacramentum, ut su-

pra dictum est (art. 7. hu. quæst.) Huiusmodi autem intentionem non possunt pueri habere, cum non habeant ulum liberi arbitrii. Ergo videtur quod non possint suscipere sacramentum baptismi.

2. Præterea. Baptismus est huius sacramentum, ut supra dictum est (quæst. lxxv. art. 1.) Sed pueri non habent fidem, quæ consistit in credentium voluntate, ut Augustinus dicit super Ioan. (tract. xxvi. aliquant. a princ. & Lib. de prædest. Sanctior. cap. v. in fin.) Nec etiam potest dici, quod salventur in huius parentum; quia quandoque parentes sunt infideles; & sic magis per eorum infidelitatem damnarentur. Ergo videtur quod pueri non possint baptizari.

3. Præterea. I. Petr. iii. 21. dicitur, quod homines salvos facit baptisma, non carnis depositio sordium, sed conscientie interrogatio in Deum. Sed pueri neque conscientiam habent bonam, vel malam, cum non habeant ulum rationis; neque etiam convenienter ipsi interrogantur, cum non intelligant. Non ergo pueri debent baptizari.

Sed contra est quod Dionysius dicit ultimo cap. eccl. Hierarch. (vers. fin.) Divini nostri duces, scilicet Apostoli, probaverunt infantes recipi ad baptismum.

Respondendo dicendum, quod, sicut Apostolus dicit Rom. v. 17. si unius delicto mors regnavit per unum, scilicet per Adam, multo magis abundantiam gratiae, & donationis, & iustitiae accipientes, in vita regnabunt per unum Iesum Christum. Pueri autem ex peccato Adæ peccatum originale contrahunt: quod patet ex hoc quod sunt mortalitati subiecti, quæ per peccatum primi hominis in omnes pertransiit, ut Apostolus ibidem dicit. Unde multo magis pueri possunt per Christum gratiam accipere, ut regnent in vita æterna. Ipse autem Dominus dicit Ioan. iii. 5. quod nisi quis renatus fuerit ex aqua, & Spiritu sancto, non potest introire in regnum Dei. Unde necessarium fuit pueros baptizari, ut sicut per Adam damnationem incurrerunt nascendo, ita per Christum salutem consequantur renascendo.

Fuit etiam conveniens pueros baptizari, ut a pueritia nutriti in his quæ sunt christianæ vitæ, firmissi in ea perseverarent, secundum illud Prov. xxii. 6. Ad olefcentem iuxta viam suam, etiam cum senuerit, non recedet ab ea. Et hanc ratio-

nem assignat Dionysius ult. cap. eccl. Hierarch. (vers. fin.)

Ad primum ergo dicendum, quod regeneratio spiritalis, quæ fit per baptismum, est quodammodo similis natiuitati carnali, quantum ad hoc quod sicut pueri in matris utero constituti non per seipsos nutrimentum accipiunt, sed ex nutrimento matris sustentantur; ita etiam pueri nondum habentes ulum rationis, quasi in utero matris Ecclesiæ constituti, non per seipsos, sed per actum Ecclesiæ salutem suscipiunt. Unde Augustinus dicit in Libro I. de peccatorum meritis & remissione (cap. xxv. cir. fi.) Mater Ecclesiæ maternum os parvulis præbet, ut sacris mysteriis imbuantur: quia nondum possunt corde proprio credere ad iustitiam, nec ore proprio confiteri ad salutem. (Ec. cap. xix. cir. fin.) Si autem propterea recte fideles vocantur, quoniam fidem per verba gestantium quodammodo proficiunt, cur etiam non penitentes habeantur, cum per eorundem verba gestantium, diabolo, & huic seculo abrenunciare monstrantur? Et eadem ratione possunt dici intendentes, non per actum propriæ intentionis, cum ipsi quandoque contrariantur, & plorent, sed per actum eorum a quibus offeruntur.

Ad secundum dicendum, quod, sicut Augustinus scribens Bonifacio (Lib. I. cont. duas epist. Pelag. cap. xxii.) dicit, in Ecclesia Salvatoris parvuli per os suos credunt, sicut ex aliis, quæ in baptismo remittuntur, peccata traxerunt. Nec impeditur eorum salus, si parentes sint infideles: quia, sicut Augustinus dicit eidem Bonifacio scribens (epist. xcvi. al. xxii. cir. med.) offeruntur parvuli ad percipiendam spirituales gratias, non tam ab eis quorum gestantur manibus (quamvis & ab ipsis, si ipsi boni fideles sunt) quam ab universa societate sanctorum, atque fidelium. Ab omnibus namque offerri recte intelliguntur, quibus placet quod offeruntur, quorum caritate ad communionem sancti Spiritus adiunguntur. Infidelitas autem propriorum parentum, etiam si eos post baptismum demoniorum sacrificiis imbuerent, pueris non nocet: quia, ut Augustinus ibidem (cir. princ.) dicit, puer semel generatus per aliorum carnalem voluptatem, cum semel regeneratus fuerit per aliorum spirituales voluntatem, deinceps non potest vinculo alienæ iniquitatis obstringi, cui nulla sua voluntate consensit. (Secundum illud. Ezech. xlviii. 4. Sicut anima patris mea

est, ita etiam anima filii: anima quæ peccaverit, ipsa morietur. ) Sed ideo ex A-  
dam traxit, quod sacramenti illius gratia  
solveretur, quia nondum erat anima sepa-  
ratim vivens. Fides autem unius, immo  
totius Ecclesiæ, parvulo prodest per o-  
perationem Spiritus sancti, qui unit Ec-  
clesiam, & bona unius alteri communi-  
cat.

Ad tertium dicendum, quod sicut  
puer, cum baptizatur, non per seipsum,  
sed per alios credit; ita non per seipsum,  
sed per alios interrogatur; & inter-  
rogati consentient fidem Ecclesiæ in per-  
sona pueri, qui huic fidei aggregatur per  
fidei sacramentum. Conscientiam autem  
bonam consequitur puer etiam in seipso,  
non quidem actu, sed habitu per gra-  
tiam iustificantem.

## ARTICULUS X. 392

*Utrum pueri Iudeorum, vel aliorum infidelium sint invititi parentibus baptizandi.*

2. 2. quæst. x. art. 12. & quod. 11. art. 7.  
& 11. cor.

**A**D decimum sic proceditur. Videtur  
quod pueri Iudeorum, vel aliorum  
infidelium sint baptizandi etiam invititi  
parentibus. Magis enim debet homini sub-  
veniri contra periculum mortis æternæ  
quam contra periculum mortis tempora-  
lis. Sed puero in periculo mortis tempo-  
ralis existenti est subveniendum, etiam si  
parentes per malitiam contraniterentur.  
Ergo multo magis est subveniendum pue-  
ris infidelium filiis per baptismum con-  
tra periculum mortis æternæ, etiam in-  
vititi parentibus.

2. Præterea. Filii servorum sunt ser-  
vi, & in potestate dominorum. Sed Iu-  
dæi sunt servi Regum, & Principum,  
& quicumque etiam alii infideles. Ergo  
abique omni iniuria possunt Principes fi-  
lios Iudeorum, vel aliorum servorum  
infidelium facere baptizari.

3. Præterea. Quilibet homo est magis  
Dei, a quo habet animam; quam patris  
carnalis, a quo habet corpus. Non est  
ergo iniustum, si pueri infidelium filii  
parentibus carnalibus auferantur, & Deo  
per baptismum consecrentur.

Sed contra est quod in Decret. dist. xlv.  
(cap. v.) ex Concil. Toletano (IV. can.  
lvii.) sic dicitur: *De Iudeis præci-  
pij sancta Synodus, nemini deinceps ad*

*credendum vim inferre: non enim ta-  
les invititi salvandi sunt, sed volentes, ut  
integra sit forma iustitiæ.*

Respondeo dicendum, quod pueri infide-  
lium filii aut habent usum rationis,  
aut non habent. Si autem habent, iam  
quantum ad ea quæ sunt iuris divini, vel  
naturalis, incipiunt suæ potestatis esse:  
& ideo propria voluntate, invititi paren-  
tibus, possunt baptismum suscipere, sicut  
& matrimonium contrahere. Et ideo  
tales licite moneri possunt, & induci ad  
suscipiendum baptismum.

Si vero nondum habent usum liberi ar-  
bitrii, secundum ius naturale sunt sub cura  
parentum, quamdiu ipsi sibi providere  
non possunt. Unde etiam de pueris anti-  
quorum dicitur, quod salvabantur in fi-  
de parentum. Et ideo contra iustitiam  
naturalem esset, si tales pueri invititi pa-  
rentibus baptizarentur; sicut etiam si  
aliquis habens usum rationis baptizaretur  
invitus. Effet etiam periculosum taliter  
filios infidelium baptizare: quia de  
facili ad infidelitatem redirent propter na-  
turalem affectum ad parentes. Et ideo  
non habet hoc Ecclesiæ consuetudo quod  
filii infidelium, invititi parentibus, ba-  
ptizentur.

Ad primum ergo dicendum, quod a  
morte corporali non est aliquis eripien-  
dus contra ordinem iuris civilis; puta  
si aliquis a suo iudice condemnaretur ad  
mortem, nullus debet eum violenter a  
morte eripere. Unde nec aliquis debet  
irrumperere ordinem iuris naturæ, quod fi-  
lius est sub cura patris, ut eum liberet  
a periculo mortis æternæ.

Ad secundum dicendum, quod Iudæi  
sunt servi Principum servitute civili,  
quæ non excludit ordinem iuris natura-  
lis, vel divini.

Ad tertium dicendum, quod homo or-  
dinatur ad Deum per rationem, per quam  
Deum cognoscere potest. Unde puer,  
antequam usum rationis habeat, natura-  
li ordine ordinatur in Deum per ratio-  
nem parentum, quorum curæ naturali-  
ter subiacet: & secundum eorum dispo-  
sitionem sunt circa ipsum divina agenda.

## ARTICULUS XI. 394

*Utrum pueri in matris utero possint sine baptizandi.*

*IV. dist. vi. quest. 1. art. 1. quest. 1. & dist. xxiii. quest. 11. art. 8. quest. 1. ad 1. & 2.*

**A**D undecimum sic proceditur. Videtur quod pueri in matris utero existentes possint baptizari. Efficacius enim est donum Christi ad salutem quam peccatum Adæ ad damnationem, ut Apostolus dicit Rom. v. Sed pueri in matris utero damnantur propter peccatum Adæ. Ergo multo magis saluari possunt per donum Christi: quod quidem fit per baptismum. Ergo pueri in matris utero existentes possunt baptizari.

1. Præterea. Puer in utero matris existens aliquid matris esse videtur. Sed baptizata mater, baptizatur quicquid est eius intra ipsam existens. Ergo videtur quod, baptizata mater, baptizetur puer in utero eius existens.

3. Præterea. Mors æterna peior est quam mors corporalis. Sed de duobus malis minus malum est eligendum. Si ergo puer in utero matris existens baptizari non potest, melius est quod mater aperiretur, & puer vi eductus baptizaretur, quam quod puer æternaliter damnaretur, absque baptismo decedens.

4. Præterea. Contingit quandoque quod aliqua pars pueri prius egreditur, sicut legitur Gen. xxxviii. 27. quod *pariente Thamar, in ipsa effusione infantum unus protulit manum, in qua obstricta ligavit coccinum, dicens, Ille egreditur prior: illo vero manum retrahente, egressus est alter.* Quandoque autem in tali casu imminet periculum mortis. Ergo videtur quod illa pars debeat baptizari, puero adhuc in materno utero existente.

Sed contra est quod Augustinus dicit in epist. ad Dardanum (cclxxxvii. al. lviij. inter med. & fin.) *Nemo renascitur, nisi primo nascatur.* Sed baptismus est quedam spiritalis regeneratio. Non ergo debet aliquis baptizari, priusquam ex utero nascatur.

Respondeo dicendum, quod de necessitate baptismi est quod corpus baptizandi aliquo modo aqua abluatur, cum baptismus sit quedam ablutio, ut supra dictum est (quæst. lxxi. art. 1.) Corpus

autem infantis, antequam nascatur ex utero, non potest aliquo modo abluī aqua: nisi forte dicatur, quod ablutio baptismalis, qua corpus matris lavatur, ad filium in ventre existentem perveniat. Sed hoc esse non potest: tum quia anima pueri, ad cuius sanctificationem ordinatur baptismus, distincta est ab anima matris: tum quia corpus pueri animati iam est formatum, & per consequens a corpore matris distinctum: & ideo baptismus quo mater baptizatur, non redundat in prolem in utero matris existentem. Unde Augustinus dicit contra Iulianum (Lib. VI. cap. xiv. inter med. & fin.) *Si ad matris corpus id quod in ea concipitur, pertinet, ita ut eius pars imputetur; non baptizaretur infans, cuius mater baptizata est aliquo mortis urgente periculo, cum cum gestaret in utero. Nunc vero cum ipse etiam, scilicet infans, baptizetur, non utique ad maternum corpus, cum esset in utero, pertinebat.*

Et ita relinquitur quod nullo modo. Infantes in matris utero existentes baptizari possunt.

Ad primum ergo dicendum, quod pueri in matris utero existentes nondum prodierunt in lucem, ut cum aliis hominibus vitam ducant: unde non possunt subici actioni humanæ, ut per eorum ministerium sacramenta recipiant ad salutem; possunt tamen subici operationi Dei, apud quem vivunt, ut quodam privilegio gratiæ sanctificationem consequantur, sicut patet de sanctificatis in utero.

Ad secundum dicendum, quod membrum interius matris est aliquid eius per continuationem, & unionem naturalem partis ad totum; puer autem in utero matris existens est aliquid eius per quandam colligationem corporum distinctorum. Unde non est similis ratio.

Ad tertium dicendum, quod non sunt facienda mala, ut veniant bona, ut dicitur Rom. xii. 18. Et ideo non debet homo occidere matrem, ut baptizet puerum. Si tamen mater mortua fuerit vivente prole in utero, debet aperiri, ut puer baptizetur.

Ad quartum dicendum, quod expectanda est totalis egressio pueri ex utero ad baptismum, nisi mors imminet. Si tamen primo caput egrediatur, in quo fundantur omnes sensus, debet baptizari, periculo imminente; & non est postea rebaptizandus, si cum perfecte nasci contigerit. Et videtur idem faciendum, quæ-

cumque alia pars egredietur, periculo imminente. Quia tamen in nulla exteriorum partium integritas vitæ ita consistit sicut in capite, videtur quibuldam quod propter dubium, quacumque alia parte corporis abluta, puer post perfectam natiuitatem sit baptizandus sub hac forma: *Si non es baptizatus, ego te baptizo.*

ARTICULUS XII. 395

*Utrum furiosi, & amentes debeant baptizari.*

*IV. dist. IV. quæst. 311. art. 1. quæst. 3. & dist. XVIII. quæst. 1. art. 3. quæst. 1. corp. & ver. quæst. XXVIII. art. 3. ad 1.*

**A**D duodecimum sic proceditur. Videtur quod furiosi, & amentes non debeant baptizari. Ad susceptionem enim baptismi requiritur intentio in eo qui baptizatur, ut supra dictum est (art. 7. hu. quæst.) Sed furiosi, & amentes, cum careant usu rationis, non possunt habere nisi inordinatam intentionem. Ergo non debent baptizari.

2. Præterea. Homo bruta animalia superexcedit in hoc quod habet rationem. Sed furiosi, & amentes non habent usum rationis, & quandoque etiam in eis non expectatur, sicut expectatur in pueris. Ergo videtur quod sicut bruta animalia non baptizantur, ita nec tales furiosi, & amentes debeant baptizari.

3. Præterea. Magis est ligatus usus rationis in furiosis, vel amentibus, quam in dormientibus. Sed baptismus non consuevit dari dormientibus. Ergo non debet dari amentibus, & furiosis.

Sed contra est quod Augustinus dicit IV. Confess. (cap. IV. cir. med.) de amico suo, qui cum desperaretur, baptizatus est nesciens: & tamen baptismus in eo efficaciam habuit. Ergo, carentibus usu rationis aliquando baptismus dari debet.

Respondeo dicendum, quod circa amentes, & furiosos est distinguendum. Quidam enim sunt a natiuitate tales, nulla habentes lucida intervalla, in quibus etiam nullus usus rationis apparet: & de talibus, quantum ad baptismi susceptionem, videtur esse idem iudicium quod de pueris, qui baptizantur in fide Ecclesie, ut supra dictum est. (art. 9. hu. quæst.)

Alii vero sunt amentes, qui ex sana mente, quam habuerunt prius, in amentiam inciderunt: & tales sunt iudicandi secundum voluntatem, quam habuerunt, dum sanæ mentis existerent. Et ideo si tunc apparuit in eis voluntas suscipiendi baptismum, debet eis exhiberi in furia, & amentia constitutis, etiam si tunc actu contradicant: alioquin si nulla voluntas suscipiendi baptismum in eis apparuit, dum sanæ mentis essent, non sunt baptizandi.

Quidam vero sunt qui etsi a natiuitate fuerint furiosi, vel amentes, habent tamen aliqua lucida intervalla, in quibus recta ratione uti possunt. Unde si tunc baptizari voluerint, baptizari possunt etiam in amentia constituti; & debet eis tunc sacramentum conferri, si periculum timeatur: alioquin melius est ut tempus expectetur, in quo sint sanæ mentis, ad hoc quod deuotius suscipiant sacramentum. Si autem tempore lucidi intervalli non appareat in eis voluntas suscipiendi baptismum, baptizari non debent in amentia constituti.

Quidam vero sunt qui etsi non omnino sanæ mentis exsistant, intantum tamen ratione utuntur quod possunt de sua salute cogitare, & intelligere sacramenti virtutem: & de talibus idem est iudicium sicut de his qui sanæ mentis exsistunt, qui baptizantur volentes, non autem inviti.

Ad primum ergo dicendum, quod amentes qui nunquam habuerunt, nec habent usum rationis, baptizantur ex intentione Ecclesie, sicut & (a) ex actu Ecclesie credunt, & poenitent, sicut supra de pueris dictum est (art. 9. hu. quæst.) Illi vero qui aliquo tempore habuerunt, vel habent usum rationis, secundum propriam intentionem baptizantur, quam habent, vel habuerunt tempore sanæ mentis.

Ad secundum dicendum, quod furiosi, vel amentes carent usu rationis per accidens, scilicet propter aliquod impedimentum organi corporalis, non autem propter defectum anime rationalis, sicut bruta animalia. Unde non est de his similis ratio.

Ad tertium dicendum, quod dormientes non sunt baptizandi, nisi periculum mortis immineat: in quo casu baptizari debent, si prius in eis voluntas apparuit suscipiendi baptismum, sicut & de amentibus dictum est (in corp. art.) sicut Augustinus.

(a) Ita edit. passim, iuxta sententiam Garcia, qui sic legendum vult. Alii, ex ritu. Sed, ut non, habet obscurum ex ritu, vel ex ritu.

gustinus narrat in IV. Lib. Confess. (loc. sup. cit.) de amico suo, qui baptizatus est nesciens, propter periculum mortis.

## QUAESTIO LXIX.

*De effectibus baptismi,*

*in decem articulos divisa.*

**D**Einde considerandum est de effectibus baptismi: & circa hoc quaeruntur decem.

Primo, utrum per baptismum auferantur omnia peccata.

Secundo, utrum per baptismum liberetur homo ab omni poena.

Tertio, utrum baptismus auferat poenales huius vitae.

Quarto, utrum per baptismum conferantur homini gratia, & virtutes.

Quinto de effectibus virtutum, qui per baptismum conferuntur.

Sexto, utrum etiam parvuli in baptismum gratias, & virtutes accipiant.

Septimo, utrum per baptismum aperiantur baptizatis ianua regni caelestis.

Octavo, utrum baptismus æqualem effectum habeat in omnibus baptizatis.

Nono, utrum fides impediat effectum baptismi.

Decimo, utrum, recedente fide, baptismus obtineat suum effectum.

## ARTICULUS I. 396

*Utrum per baptismum tollantur omnia peccata.*

**I. dist. xxxii. quæst. 1. art. 1. & IV. dist. iv. quæst. 2. art. 1. quæst. 1. & dist. xvii. quæst. 111. art. 5. quæst. 1. & IV. cont. cap. lvii. & lxxii. & Hebr. vi. lect. 3. fin.**

**A**D primum sic proceditur. Videtur quod per baptismum non tollantur omnia peccata. Baptismus enim est quædam spiritalis regeneratio, quæ contraponitur generationi carnali. Sed per generationem carnalem homo contrahit solum originale peccatum. Ergo per baptismum solvitur solum originale peccatum.

2. Præterea. Pœnitentia est sufficiens causa remissionis actualium peccatorum. Sed ante baptismum in adultis requiritur pœnitentia, secundum illud Act. 11. 38. *Pœnitentiam agite, & baptizetur unusquisque vestrum.* Ergo baptismus nihil o-

peratur circa remissionem actualium peccatorum.

3. Præterea. Diverforum morborum diversæ sunt medicinæ: quia, sicut Hieronymus (alius Auctor) dicit (sup. illud Marci ix. *Hoc genus Dæmoniorum, non sanat oculus quod sanat calcaneum.* Sed peccatum originale, quod per baptismum tollitur, est aliud genus peccati a peccato actuali. Ergo non omnia peccata remittuntur per baptismum.

Sed contra est quod dicitur Ezech. xxxvi. 25. *Effundam super vos aquam mundam, & mundabimini ab omnibus inquinamentis vestris.*

Respondeo dicendum, quod, sicut Apostolus dicit Rom. vi. 3. *quicumque baptizati sumus in Christo Iesu, in morte ipsius baptizati sumus:* & postea concludit: *Ita & vos existimate vos mortuos quidem esse peccato, viventes autem Deo in Christo Iesu Domino nostro.*

Ex quo patet quod per baptismum homo moritur vetustati peccati, & incipit vivere novitati gratiæ. Omne autem peccatum ad pristinam vetustatem pertinet. Unde consequens est quod omne peccatum per baptismum tollatur.

Ad primum ergo dicendum, quod, sicut Apostolus dicit Rom. v. 16. peccatum Adæ non tantum potest, quantum potest donum Christi, quod in baptismum percipitur. Nam iudicium ex uno in condemnationem, gratia autem ex multis delictis in iustificationem. Unde & Augustinus dicit in Lib. I. de baptismo parvulorum. (seu de peccator. merit. & remis. cap. xv. in fi.) quod *generante carne, tantummodo tribuitur peccatum originale, regenerante autem Spiritu, non solum originale, sed etiam voluntarium fit remissio peccatorum.*

Ad secundum dicendum, quod nullius peccati remissio fieri potest nisi per virtutem passionis Christi: unde & Apostolus dicit Hebr. ix. 22. *quod sine sanguinis effusione non fit remissio.* Unde motus humanæ voluntatis, qui est in pœnitente, non sufficeret ad remissionem culpæ, nisi adesset fides passionis Christi, & propositum participandi ipsam, vel suscipiendo baptismum, vel subiuciendo se clavibus Ecclesiæ. Et ideo quando aliquis adultus pœnitens ad baptismum accedit, consequitur quidem remissionem omnium peccatorum ex proposito baptismi, perfectius autem ex reali susceptione baptismi.

Ad tertium dicendum, quod ratio il-

1a procedit de particularibus medicinis. Baptismus autem operatur in virtute passionis Christi, quæ est universalis medicina omnium peccatorum: & ideo per baptismum omnia peccata tolluntur.

## ARTICULUS II. 397

*Utrum per baptismum liberetur homo ab omni reatu peccati.*

*Sup. quæst. lxxviii. art. 4. & III. dist. xix. art. 3. quæst. 2. & IV. dist. iv. quæst. 11. art. 1. quæst. 2. & art. 3. quæst. 1. & dist. vii. quæst. 1. art. 1. quæst. 1. & IV. cont. cap. lxxviii. lxx. & lxxxi. & Rom. xi. lect. 4. & Heb. vi. lec. 3. fi.*

**A**D secundum sic proceditur. Videtur homo quod per baptismum non liberetur homo ab omni reatu peccati. Dicit enim Apostolus Rom. xiii. 1. *Quæ a Deo sunt, ordinata sunt.* Sed culpa non ordinatur nisi per poenam, ut Augustinus dicit (Lib. 1. Retract. cap. ix. & Lib. III. de lib. arbit. cap. xviii.) Ergo per baptismum non tollitur reatus poenæ præcedentium peccatorum.

2. Præterea. Effectus sacramenti aliquam similitudinem habet cum ipso sacramento: quia sacramenta novæ legis efficiunt quod figurant, ut supra dictum est (quæst. lxxviii. art. 1. ad 1.) Sed ablutio baptismalis habet quidem aliquam similitudinem cum ablutione maculæ, nullam autem similitudinem habere videtur cum subractione reatus poenæ. Non ergo per baptismum tollitur reatus poenæ.

3. Præterea. Sublato reatu poenæ, aliquis non remanet dignus poena; & ita iniustus esset eum puniri. Siquid per baptismum tollitur reatus poenæ, iniustus esset post baptismum suspendere latronem, qui ante homicidium commisit; & ita per baptismum tolleretur rigor humanæ disciplinæ: quod est inconveniens. Non ergo per baptismum tollitur reatus poenæ.

Sed contra est quod Ambrosius (alius Auctor) dicit super illud Rom. xi. *Sine poenitentia sunt dona, & vocatio Dei.* Gratia (inquit) Dei in baptismo gratis omnia condonat.

Respondeo dicendum, quod, sicut supra dictum est (quæst. lxxviii. art. 3. in corp. & ad 1.) per baptismum aliquis incorporatur passioni, & morti Christi, secundum illud Rom. vi. 8. *Si mortui sumus cum Christo, credimus quia simul et*

*iam vivemus cum eo.* Ex quo patet quod omni baptizato communicatur passio Christi ad remedium, ac si ipse passus, & mortuus esset.

Passio autem Christi, sicut dictum est (quæst. lxxviii. art. 3.) est sufficiens satisfactio pro omnibus peccatis omnium hominum. Et ideo ille qui baptizatur, liberatur a reatu totius poenæ sibi debite pro peccatis, ac si ipse sufficienter satisfecisset pro omnibus peccatis suis.

Ad primum ergo dicendum, quod quia poena passionis Christi communicatur baptizato, inquantum fit membrum Christi, ac si ipse poenam illam sustinueret; ideo eius peccata remanent ordinata per poenam passionis Christi.

Ad secundum dicendum, quod aqua non solum abluit, sed etiam refrigerat; & ita suo refrigerio significat subractionem reatus poenæ, sicut sua ablutione significat emundationem a culpa.

Ad tertium dicendum, quod in poenis quæ iudicio humano inferuntur, non solum attenditur qua poena sit homo dignus quoad Deum, sed etiam in quo sit obligatus quoad homines, qui læsi, & scandalizati sunt per peccatum alicuius. Et ideo licet homicida per baptismum liberetur a reatu poenæ quoad Deum; remanet tamen obligatus adhuc quoad homines, quos iustus est edificari de poena, sicut sunt scandalizati de culpa. Pie tamen talibus Princeps posset poenam indulgere.

## ARTICULUS III. 398

*Utrum per baptismum debeant auferri poenalesitates præsentis vitæ.*

*II. dist. xxxii. quæst. 1. art. 1. quæst. 2. & dist. xxxiii. quæst. 1. art. 3. & III. dist. xix. art. 3. quæst. 2. & IV. dist. iv. quæst. 11. art. 1. quæst. 3. & IV. cont. cap. lxi. fi. & IV. ad 3. & xxvii. & cap. lix. & quol. vi. art. 13.*

**A**D tertium sic proceditur. Videtur quod per baptismum debeant auferri poenalesitates præsentis vitæ. Ut enim Apostolus dicit Rom. v. donum Christi potentius est quam peccatum Adæ. Sed per peccatum Adæ, ut ibidem Apostolus dicit, *mors in hunc mundum intravit, & per consequens omnes alie poenalesitates præsentis vitæ.* Ergo multo magis per donum Christi, quod in baptismo percipitur,



pitur, homo a pœnalitatibus præsents vitæ debet liberari.

2. Præterea. Baptismus aufert & culpam originalem, & actualement, sicut supra dictum est (art. 1. hu. quæst.) Sic autem aufert actualement culpam quod liberat ab omni reatu pœnæ consequente actualement culpam. Ergo etiam liberat a pœnalitatibus præsents vitæ, quæ sunt pœna originis peccati.

3. Præterea. Remota causa, remouetur effectus. Sed causa harum pœnalitatum est peccatum originale, quod tollitur per baptismum. Ergo non debent humilmodi pœnalitates remanere.

Sed contra est quod super illud Rom. vi. *Destruatur corpus peccati*, dicit Glossa (vetus mis. ex Augustino Lib. I. de peccator. merit. & remiss. cap. ult.) „Per baptismum id agitur, ut vetus homo crucifigatur, & corpus peccati destruat; non ita ut in ipso vivente carnis concupiscentia reserpta, & innata repente absumatur, & non sit; sed ne oblit mortuo, quæ inerat nato. Ergo pari ratione nec alix pœnalitates per baptismum tolluntur.

Respondetur dicendum, quod baptismus habet virtutem auferendi pœnalitates præsents vitæ; non tamen eas auert in præsenti vita, sed eius virtute auferentur a iustis in resurrectione, quando mortale hoc induit immortalitatem, ut dicitur I. Cor. xv. 54.

Et hoc rationabiliter. Primo quidem quia per baptismum homo incorporatur Christo, & efficitur membrum eius, ut supra dictum est (art. præc.) Et ideo conueniens est ut id æratur in membro incorporato quod est actum in capite. Christus autem a principio suæ conceptionis fuit plenus gratia, & veritate; habuit tamen corpus passibile, quod post passionem, & mortem est ad vitam gloriosam resuscitatum. Unde & Christianus in baptismo gratiam consequitur quantum ad animam; habet tamen corpus passibile, in quo pro Christo possit pati; sed tandem resuscitabitur ad impassibilem vitam. Unde Apostolus dicit Rom. viii. 11. *Qui suscitauit Iesum Christum a mortuis, uiuificabit & mortalia corpora vestra, propter inhabitatem Spiritum eius in vobis*; & infra 17. *Heredes quidem Dei, coheredes autem Christi: si tamen compatimur, ut & simul glorificemur*. Secundo hoc est conueniens propter spirituale exercitium, ut videlicet contra concupiscentiam, & alias passibilitates pugnans homo, victo-

riæ coronam acciperet. Unde super illud Rom. vi. *Ut destruat corpus peccati*, dicit Glossa (Augustini Lib. I. de peccator. merit. & remiss. cap. ult. a princ.) „Si post baptismum vixerit homo in carne, habet concupiscentiam, cum qua pugnet, eamque adiuuante Deo superet. „In cuius figuram dicitur Iudic. 111. 1. *Hæ sunt gentes, quas Dominus dereliquit, ut eraderet in eis Israhælem, & postea discederet filii eorum certare cum hostibus, & habere consuetudinem præliandi*. Tercio hoc fuit conueniens, ne homines ad baptismum accederent propter impassibilitatem præsents vitæ, & non propter gloriam vitæ æternæ: unde & Apostolus dicit I. Corinth. xv. 19. *Si in hac vita tantum sperantes sumus in Christo, miserrabiliores sumus omnibus hominibus*.

Ad primum ergo dicendum, quod, sicut Glossa (Petri Lomb.) dicit Rom. vi. super illud, *Ut ultra non seruiamus peccato*, „sicut aliquis capiens hostem atrocissimum, non statim interficit eum, sed patitur eum cum dedecore, & dolore aliquantulum vivere; ita & Christus pœnam prius alligauit, in futuro autem perimet.

Ad secundum dicendum, quod, sicut ibidem dicit Glossa (ord. sup. illud, *Homo noster crucifixus*), „duplex est pœna peccati, gehennalis, & temporalis. Gehennalem prorsus delevit Christus, ut eam non sentiant baptizati, & vere poenitentes; temporalem vero nondum penitus tulit, manet enim fames, sitis, & mors, & huiusmodi; sed regnum, & dominium eius deiecit, ut scilicet hoc homo non timeat; & tandem in novissimo eandem penitus extinguat.

Ad tertium dicendum, quod, sicut in secunda parte dictum est (1. 2. quæst. lxxx1. art. 1.) peccatum originale hoc modo processit quod primo persona infecta naturam, postmodum vero natura infecta personam. Christus vero converso ordine prius reparavit id quod personæ est, & postmodum simul in omnibus reparavit id quod naturæ est. Et ideo culpam originis peccati, & etiam pœnam carentiæ visionis divinæ, quæ respiciunt personam, statim per baptismum tollit ab homine; sed pœnalitates præsents vitæ (sicut mors, fames, sitis, & alia huiusmodi) respiciunt naturam, ex cuius principis caulantur, prout est deficiuta originali iustitia; & ideo isti defectus non tolluntur.

tollentur nisi in ultima reparatione naturæ per resurrectionem gloriosam.

## ARTICULUS IV. 399

*Utrum per baptismum conferantur homini gratia, & virtutes.*

*Inf. quæst. lxxi. art. 3. cor. & IV. dist. lxi. art. 1. quæst. 3. & quæst. lxi. art. 1. quæst. 2. ad 2. & dist. iv. quæst. 11. art. 2. quæst. 2. co. & dist. ix. art. 1. quæst. 2. & dist. xviii. quæst. 1. art. 3. quæst. 1.*

**A**D quantum sic proceditur. Videtur quod per baptismum non conferantur homini gratia, & virtutes. Quia, sicut supra dictum est (art. 2. huius quæstionis in arg. 2.) sacramenta novæ legis efficiunt quod figurant. Sed per ablutionem baptismi significatur emundatio animæ a culpa, non autem informatio animæ per gratiam, & virtutes. Videtur igitur quod per baptismum non conferantur homini gratia, & virtutes.

2. Præterea. Illud quod iam aliquis adeptus est, non indiget iterum suscipere. Sed aliqui accedunt ad baptismum iam habentes gratiam, & virtutes; sicut Aët. x. 1. legitur: *Vir quidam erat in Cesarea, nomine Cornelius, Centurio cohortis, quæ dicitur Italica, religiosus, & timens Deum*: qui tamen postea a Petro baptizatus est. Non ergo per baptismum conferuntur gratia, & virtutes.

3. Præterea. Virtus est habitus, ad cuius rationem pertinet quod sit *qualitas difficile mobilis, per quam aliquis facilliter, & delectabiliter operetur*. Sed post baptismum remanet in hominibus pronitas ad malum, per quod tollitur virtus, & consequitur difficultatem quis ad bonum, quod est actus virtutis. Ergo per baptismum non consequitur homo gratiam, & virtutes.

Sed contra est quod ad Titum xii. 5. dicit Apostolus: *Salvos nos fecit per lavacrum regenerationis*, id est per baptismum, & *renovationis Spiritus sancti, quem effudit in nos abunde*: id est, ad remissionem peccatorum, & copiam virtutum, ut Glossa (interl.) ibi exponit. Sic ergo in baptismo datur gratia Spiritus sancti, & copia virtutum.

Respondendo dicendum, quod, sicut Augustinus dicit in Lib. I. de baptis. parvulorum ( seu de peccator. merit. & remis. cap. xxv. a med. ) ad hoc baptismus valet ut baptizati Christo incorpo-

rentur ut membra eius. A capite autem Christo in omnia membra eius gratiæ, & virtutis plenitudo derivatur, secundum illud Ioan. 1. 16. *De plenitudine eius nos omnes accepimus*.

Unde manifestum est quod per baptismum aliquis consequitur gratiam, & virtutes.

Ad primum ergo dicendum, quod sicut aqua baptismi per suam ablutionem significat emundationem culpæ, & per suum refrigerium significat liberationem a pœna; ita per naturalem claritatem significat splendorem gratiæ, & virtutum.

Ad secundum dicendum, quod, sicut dictum est (quæst. lxxiii. art. 3.) remissionem peccatorum aliquis consequitur ante baptismum, secundum quod habet baptismum in voto vel explicitè, vel implicitè; & tamen cum realiter suscipit baptismum, fit plenior remissio quantum ad liberationem a tota pœna. Ita etiam ante baptismum Cornelius, & alii similes consequuntur gratiam, & virtutes per fidem Christi, & desiderium baptismi implicitè, vel explicitè; postmodum tamen in baptismo maiorem copiam gratiæ, & virtutum consequuntur. Unde super illud Psalm. xxxii. *Super aquas resurrectionis educavit me*, dicit Glossa (interl. & ord. implic.) „ Per augmentum virtutis, & „ bonæ operationis educavit in baptismi „ mo. “

Ad tertium dicendum, quod difficultas ad bonum, & pronitas ad malum inveniuntur in baptizatis, non propter defectum habitus virtutum, sed propter concupiscentiam, quæ non tollitur in baptismo. Sicut tamen per baptismum diminuitur concupiscentia, ut non dominetur; ita etiam diminuitur utrumque dictorum, ne homo ab his superetur.

## ARTICULUS V. 400

*Utrum convenienter attribuantur baptismi quidam actus virtutum.*

*IV. dist. lxi. quæst. 11. art. 2. quæst. 3. 4. & 5. & dist. v. quæst. 111. art. 1. quæst. 2. cor. & ad 1. & art. 5. quæst. 1. co. & dist. xviii. quæst. 1. art. 1. quæst. 1. ad 1. & quol. vi. art. 4.*

**A**D quantum sic proceditur. Videtur quod inconvenienter attribuantur baptismi pro effectibus quidam actus virtutum, scilicet incorporatio ad Christum, illuminatio, & secundatio. Non enim

enim baptismus datur adulto, nisi fideliter, secundum illud Marci ult. 16. *Qui crediderit, & baptizatus fuerit, salvus erit.* Sed per fidem aliquis incorporatur Christo, secundum illud Ephes. 1. 17. *Habere Christum per fidem in cordibus vestris.* Ergo nullus baptizatur nisi iam Christo incorporatus. Non ergo est effectus baptismi incorporari Christo.

2. Præterea. Illuminatio fit per doctrinam, secundum illud Ephes. 1. 8. *Mibi omnium sanctorum minimo data est gratia hæc, illuminare omnes etc.* Sed doctrina præcedit baptismum in catechismo. Non est ergo effectus baptismi.

3. Præterea. Secunditas pertinet ad generationem activam. Sed per baptismum aliquis regeneratur spiritualiter. Ergo secunditas non est effectus baptismi.

Sed contra est quod Augustinus dicit in Lib. I. de baptismo parvulorum (loc. cit. art. præc.) quod ad hoc valet baptismus ut baptizati Christo incorporentur. Dionysius etiam 11. cap. eccl. Hier. (parum a princ.) illuminationem attribuit baptismi. Et super illud Psal. xxv. *Super aquam resurrectionis*, dicit Glossa (interl.) quod „anima peccatorum ariditas, te sterilis fecundatur per baptismum.“

Respondeo dicendum, quod per baptismum aliquis regeneratur in spiritualem vitam, quæ est per fidem Christi; sicut Apostolus dicit Galat. 1. 30. *Quod autem nunc vivo in carne, in fide vivo Fidei Dei.* Vita autem non est nisi membrorum capitū unitorum, a quo sensum & motum suscipiunt. Et ideo necessesse est quod per baptismum aliquis incorporetur Christo quasi membrum ipsius.

Sicut autem a capite naturali derivatur ad membra sensus, & motus; ita a capite spirituali, quod est Christus, derivatur ad membra eius sensus spiritualis, qui consistit in cognitione veritatis, & motus spiritualis, qui est per gratiæ instinctum. Unde Ioan. 1. 14. dicitur: *Vidimus eum plenum gratiæ, & veritatis.* Et ideo consequens est quod baptizati illuminentur a Christo circa cognitionem veritatis, & fecundentur ab eo fecunditate bonorum operum per gratiæ infusionem.

Ad primum ergo dicendum, quod adulti prius credentes in Christum sunt ei incorporati mentaliter; sed postmodum, cum baptizantur, incorporantur ei quodammodo corporaliter, scilicet per visibile sacramentum, sine cuius proposito

nec mentaliter incorporari possunt.

Ad secundum dicendum, quod doctor illuminat exterius per ministerium catechizando; sed Deus illuminat interius baptizatos, præparans corda eorum ad recipiendam doctrinam veritatis, secundum illud Ioan. vi. 45. *Est scriptum in Prophetis: Erunt omnes docibiles Dei.*

Ad tertium dicendum, quod effectus baptismi ponitur secunditas, qua aliquis producit bona opera, non autem fecunditas, qua aliquis generat alios in Christo; sicut Apostolus dicit 1. ad Cor. iv. 15. *In Christo Iesu per Evangelium ego vos genui.*

## ARTICULUS VI. 401

*Utrum pueri in baptismo consequantur gratiam, & virtutes.*

2. 2. quæst. xlvii. art. 14. ad 3. & IV. dist. iv. quæst. 11. art. 2. quæst. 1. & dist. xlvii. quæst. 1. art. 3. cor. & ad 3. & dist. xlviii. quæst. 1. art. 3. quæst. 1. cor.

**A**D sextum sic proceditur. Videtur quod pueri in baptismo non consequantur gratiam, & virtutes. Gratia enim, & virtutes non habentur sine fide, & caritate. Sed fides, ut Augustinus dicit (Lib. de prædest. sanctor. cap. v. in li.) consistit in credentium voluntate: similiter etiam caritas consistit in diligentium voluntate, cuius usum pueri non habent; & sic non habent fidem, & caritatem. Ergo pueri in baptismo non recipiunt gratiam, & virtutes.

2. Præterea. Super illud Ioan. xiv. *Maiores horum faciet*, dicit Augustinus (tract. lxxii. in Ioan. a med.) quod „ex „impio iustus fiat, in illo, sed non sine „illo, Christus operatur.“ Sed puer, cum non habeat usum liberi arbitrii, non cooperatur Christo ad suam iustificationem; immo quandoque pro posse renititur. Ergo non iustificatur per gratiam, & virtutes.

3. Præterea. Rom. iv. 5. dicitur: *Ei qui non operatur, credenti autem in eum qui iustificat impium, reputatur fides eius ad iustitiam, secundum propositum gratiæ Dei.* Sed puer non est credens in eum qui iustificat impium. Ergo non consequitur gratiam iustificantem, neque virtutes.

4. Præterea. Quod ex carnali intentione agitur, non videtur habere spirituale effectum. Sed quandoque pueri ad ba-

baptismum deferuntur carnali intentione, ut scilicet corporaliter sanentur. Non ergo consequuntur spirituales effectum gratiae, & virtutum.

Sed contra est quod Augustinus dicit in Enchir. (cap. lxx. ante med.) „Parvuli renascendo moriuntur illi peccato quod nascendo contraxerunt; ac per hoc ad illos etiam pertinet quod dicitur: Consepulsi sumus cum illo per baptismum in mortem. Subditur autem: Ut quomodo Christus surrexit a mortuis per gloriam Patris, ita & nos in novitate vitae ambulemus. Sed novitas vitae est per gratiam, & virtutes. Ergo pueri in baptismo gratiam, & virtutes consequuntur.

Respondendo dicendum, quod quidam antiqui posuerunt, quod pueri in baptismo non dantur gratia, & virtutes; sed imprimuntur eis character Christi, cuius virtute, cum ad perfectam aetatem venerint, consequuntur gratiam, & virtutes. Sed hoc patet esse falsum dupliciter. Primo quidem quia pueri, sicut & adulti, in baptismo efficiuntur membra Christi; unde necesse est quod a capite recipiant influxum gratiae, & virtutis. Secundo quia secundum hoc pueri decedentes post baptismum non pervenirent ad vitam aeternam: quia, ut dicitur Rom. vi. 23. gratia Dei est vita aeterna: & ita non protulisset eis ad salutem baptizatos fuisse.

Causa autem erroris fuit, quia nesciunt distinguere inter habitum, & actum: & sic videntes pueros inhabiles ad actum virtutum, crediderunt eos post baptismum nullatenus virtutem habere. Sed ista impotentia operandi non accedit pueris ex defectu habitum, sed ex impedimento corporali; sicut etiam dormientes, quamvis habeant habitum virtutum, impediuntur tamen ab actibus propter somnum.

Ad primum ergo dicendum, quod fides, & caritas consistunt in voluntate hominum; ita tamen quod habitus harum, & aliarum virtutum requirunt potentiam voluntatis, quae est in pueris; sed actus virtutum requirunt actum voluntatis, qui non est in pueris. Et hoc modo Augustinus dicit, quod parvulum, etsi nondum illa fides quae in credendum voluntate consistit, iam tamen ipsius fidei sacramentum, quod scilicet causat habitum fidei, fidelem facit.

Ad secundum dicendum, quod, sicut Augustinus dicit in lib. de caritate (seu tract. lxx. super epist. Ioan. a princ.)

„*3. Tb. Oper. Tom. XXIV.*

nemo ex aqua, & Spiritu sancto renascitur, nisi volens: quod non de parvulis, sed de adultis intelligendum est: & similiter de adultis intelligendum est quod homo a Christo sine ipso non iustificabitur. Quod autem parvuli baptizandi, prout viribus possunt, reluctantur, non eis imputatur: quia in tantum nesciunt quod faciunt, ut nec facere videantur, ut Augustinus dicit in Libro de praesentia Dei ad Dardanum (epist. cclxxxvii. al. lxxi. aliquid, a mod.)

Ad tertium dicendum, quod, sicut Augustinus dicit (serm. x. de verb. Apost. cap. 11. a princ.) parvulus mater Ecclesiae aliorum pedes accommodat, ut veniant, aliorum cor, ut credant, aliorum linguam, ut fateantur: & ita pueri credunt non per actum proprium, sed per fidem Ecclesiae, quae eis communicatur: & huius fidei virtute conferuntur eis gratia, & virtutes.

Ad quartum dicendum, quod carnalis intentio deferentium pueros ad baptismum nihil eis nocet; sicut nec culpa unius nocet alteri, nisi consentiat. Unde Augustinus dicit in epistola ad Bonifacium (xcviii. al. xxiii.) Non illud te moveat quod quidam non ea fide ad baptismum percipiendum parvulos ferunt, ut gratia spirituali ad vitam regenerentur aeternam; sed hoc eos putant remedium corporalem retinere, vel recipere sanitatem: non enim propterea illi non regenerantur, quia non ab istis hac intentione offeruntur.

## ARTICULUS VII. 412

Utrum effectus baptismi sit apertio ianuæ regni caelestis.

IV. dist. lxx. art. 3. quæst. 2. & dist. iv. quæst. 2. art. 2. quæst. 6. & IV. cont. cap. lxx. & Ioan. lxx. lect. 1. fin.

**A**D septimum sic proceditur. Videtur quod effectus baptismi non sit apertio ianuæ regni caelestis. Illud enim quod est apertum, non indiget apertione. Sed ianuæ regni caelestis est aperta per passionem Christi: unde Apoc. iv. 1. dicitur: Post hæc vidi ostium magnum apertum in celo. Non est ergo effectus baptismi apertio ianuæ regni caelestis.

2. Præterea. Baptismus omni tempore, ex quo institutus fuit, habet suum effectum. Sed quidam baptizati sunt baptismum Christi ante eius passionem, ut

F f 44

habetur Ioan. 111. quibus, si tunc decessissent, introitus regni caelestis nondum patebat; in quod nullus ante Christum introivit, secundum (a) illud Mich. 11. 13. *Ascendit pandens iter ante eos*. Non est ergo effectus baptismi apertio regni caelestis.

3. Præterea. Baptizati adhuc sunt obnoxii morti, & aliis pœnalitatibus vitæ præsentis, ut supra dictum est (art. 3. hu. quæst.) Sed nulli est apertus aditus regni caelestis, quamdiu obnoxii sunt pœnæ, sicut patet de his qui sunt in purgatorio. Non ergo effectus baptismi est apertio ianuæ regni caelestis.

Sed contra est quod super illud Lucæ 111. *Apertum est cælum*, dicit Glossa Be-dæ (ord.) „Virtus hic baptismatis ostenditur, de quo quisque cum egreditur, regni caelestis ei ianuæ aperitur. Respondeo dicendum, quod aperire ianuam regni caelestis, est amovere impedimentum, quo quis impeditur regnum caeleste introire.

Hoc autem impedimentum est culpa, & reatus pœnæ. Ostensum est autem supra (art. 1. & 2. hu. quæst.) quod per baptismum omnis culpa, & omnis reatus pœnæ tollitur. Unde consequens est quod effectus baptismi sit apertio ianuæ regni caelestis.

Ad primum ergo dicendum, quod baptismus intantum aperit baptizato ianuam regni caelestis, inquantum incorporat eum passioni Christi, virtutem eius homini applicando.

Ad secundum dicendum, quod quando passio Christi nondum erat realiter perfecta, sed solum in fide credentium, baptismus proportionaliter causabat ianuæ apertionem, non quidem in re, sed in spe: baptizati enim tunc decedentes ex certa spe introitus regni caelestis expectabant.

Ad tertium dicendum, quod baptizatus non est obnoxiius morti, & pœnalitatibus vitæ præsentis propter reatum pœnæ, sed propter statum naturæ: & ideo propter hoc non impeditur ab introitu regni caelestis, quando anima separatur a corpore per mortem, quasi iam perfoluto eo quod naturæ debeatur.

## ARTICULUS VIII. 403

*Utrum baptismus habeat in omnibus æqualem effectum.*

IV. dist. 14. quæst. 11. art. 3. quæst. 1. & 2. & dist. xviii. quæst. 1. art. 3. quæst. 1. cor.

**A**D octavum sic proceditur. Videtur quod baptismus non habeat in omnibus æqualem effectum. Effectus enim baptismi est remotio culpæ. Sed in quibusdam plura peccata tollit quam in aliis: nam in pueris tollit solum peccatum originale, in adultis autem etiam peccata actualia, in quibusdam plura, in quibusdam vero pauciora. Non ergo æqualem effectum habet baptismus in omnibus.

2. Præterea. Per baptismum conferuntur homini gratia, & virtutes. Sed quidam post baptismum videntur habere maiorem gratiam, & perfectionem virtutum quam alii baptizati. Non ergo baptismus habet æqualem effectum in omnibus.

3. Præterea. Natura perficitur per gratiam, sicut materia per formam. Sed forma recipitur in materia secundum eius capacitatem. Cum ergo in quibusdam baptizatis etiam pueris sit maior capacitas naturalium quam in aliis, videtur quod quidam maiorem gratiam consequantur quam alii.

4. Præterea. Quidam in baptismo consequuntur non solum spirituales salutem, sed etiam corporalem; sicut patet de Constantino, qui in baptismo mundatus est a lepra. Non autem omnes infirmi corporalem salutem consequuntur in baptismo. Baptismus ergo non habet æqualem effectum in omnibus.

Sed contra est quod dicitur Ephes. 14. 5. *Una fides, unum baptisma*. Uniformis autem causæ est uniformis effectus. Ergo baptismus habet æqualem effectum in omnibus.

Respondeo dicendum, quod duplex est effectus baptismi unus per se, & alius per accidens. Per se uniformis effectus baptismi est id ad quod baptismus est institutus, scilicet ad regenerandum homines in spirituales vitam: & hunc effectum æqualiter facit in omnibus qui æqualiter se habent ad baptismum. Unde quia omnes pueri æqualiter se habent ad baptismum (quia non in fide propria, sed

in

(a) Vulgata Ascendet.

in fide Ecclesiae baptizantur) omnes æqualem effectum percipiunt in baptismo. Adulti vero, qui per propriam fidem ad baptismum accedunt, non æqualiter se habent ad baptismum: quidam enim cum maiori, quidam cum minori devotione ad baptismum accedunt: & ideo quidam plus, quidam minus de gratia novitatis accipiunt; sicut etiam ab eodem igne accipit plus caloris qui plus ei appropinquat; licet ignis, quantum est de se, æqualiter ad omnes suum calorem effundat.

Effectus autem baptismi per accidens est, ad quem baptismus non est ordinatus, sed divina virtus hoc in baptismo miraculose operatur; sicut super illud Rom. vi. *Ut ultra non serviamus peccato*, dicit Glossa (Augustini Lib. I. de peccator. merit. & remiss. cap. xxxix. ante med.) „Non hoc praestatur in baptismo, nisi forte miraculo ineffabili Creatoris, ut lex peccati, quae est in membris, prius extingatur. „Et tales effectus non æqualiter suscipiuntur ab omnibus baptizatis, etiam cum æquali devotione accedant; sed dispensantur huiusmodi effectus secundum ordinem providentiae divinae.

Ad primum ergo dicendum, quod minima gratia baptismalis sufficiens est ad delendum cuncta peccata. Unde hoc non est propter maiorem efficaciam baptismi, quod in quibusdam plura, in quibusdam autem pauciora peccata solvit, sed propter conditionem subiecti: quia in quolibet solvit quocumque invenerit.

Ad secundum dicendum, quod hoc quod in baptizatis maior, vel minor gratia appareat, potest dupliciter contingere: uno modo quia unus in baptismo percipit maiorem gratiam quam alius propter devotionem maiorem, ut dictum est (in corp. art.) alio modo quia etiam si æqualem gratiam percipiant, non æqualiter ea utuntur; sed unus studiosius in ea proficit, alius per negligentiam gratiae Dei deest.

Ad tertium dicendum, quod diversa capacitas naturalium in hominibus non est ex diversitate mentis, quae per baptismum renovatur (cum omnes homines eiusdem speciei existentes in forma conveniant); sed est ex diversa dispositione corporum. Secus autem est in Angelis, qui differunt specie: & ideo Angelis dantur dona gratuita secundum diversam capacitatem naturalium, non autem hominibus.

Ad quartum dicendum, quod sanitas corporalis non est per se effectus baptismi, sed est quoddam miraculosum opus providentiae divinae.

# ARTICULUS IX. 404

*Utrum fides impediat effectum baptismi.*

*IV. dist. iv. quæst. 11. art. 1. quæst. 1. ad 3. Et quæst. 111. art. 2. quæst. 2. per tot. Et dist. xii. quæst. 11. art. 1. quæst. 3. ad 3.*

**A**D nonum sic proceditur. Videtur quod fides non impediat effectum baptismi. Dicit enim Apostolus Galat. 11. 27. *Quicumque in Christo baptizati estis, Christum induistis*. Sed omnes qui baptismum Christi suscipiunt, baptizantur in Christo. Ergo omnes induunt Christum; quod est percipere baptismi effectum: & ita fides non impedit baptismi effectum.

2. Præterea. In baptismo operatur virtus divina, quae potest voluntatem hominis mutare in bonum. Sed effectus causae agentis non potest impediri per id quod ab illa causa potest auferri. Ergo fides non impedit baptismi effectum.

3. Præterea. Effectus baptismi est gratia, cui peccatum opponitur. Sed multa sunt alia peccata graviora quam fides; de quibus non dicitur, quod effectum baptismi impediunt. Ergo neque fides impedit effectum baptismi.

Sed contra est quod dicitur Sap. 1. 5. *Spiritus sanctus discipline effugiet fidentem*. Sed effectus baptismi est a Spiritu sancto. Ergo fides impedit effectum baptismi.

Respondeo dicendum, quod, sicut Damascenus dicit (Lib. II. orth. Fid. cap. xxx.) *Deus non cogit hominem ad iustitiam*. Et ideo ad hoc quod aliquis iustificetur per baptismum, requiritur quod voluntas hominis amplectatur baptismum, & baptismi effectum.

Dicitur autem aliquis fidentem per hoc quod voluntas eius contradicit vel baptismi, vel eius effectui. Nam secundum Augustinum (Lib. I. de baptismo cont. Donat. cap. xii. & Lib. VII. cap. lxxx.) quatuor modis dicitur aliquis fidentem: uno modo ille qui non credit, cum tamen baptismus sit fidei sacramentum; alio modo per hoc quod contemnit ipsum sacramentum; tertio modo per hoc quod aliter celebrat sacramentum, non servans ritum Ecclesiae; quarto modo per

hoc quod aliquis indevote accedit. Unde manifestum est quod fictio impedit effectum baptismi.

Ad primum ergo dicendum, quod baptizari in Christo potest intelligi dupliciter. Uno modo in Christo, id est in Christi conformitate: & sic quicumque baptizantur in Christo, conformati ei per fidem, & caritatem, induunt Christum per gratiam. Alio modo dicuntur aliqui baptizari in Christo, in quantum accipiunt sacramentum Christi: & sic omnes induunt Christum per configurationem characteris, non autem per conformitatem gratiae.

Ad secundum dicendum, quod quando Deus voluntatem hominis de malo in bonum mutat, tunc homo non accedit fictus; sed non semper hoc Deus facit; nec ad hoc sacramentum ordinatur ut de ficto fiat aliquis non fictus, sed ut non fictus aliquis accedens iustificetur.

Ad tertium dicendum, quod fictus dicitur aliquis ex eo quod demonstrat se aliquid velle quod non vult. Quicumque autem accedit ad baptismum, ex hoc ipso offendit se rectam fidem Christi habere, & sacramentum venerari, & velle se Christo conformare, & velle a peccato recedere. Unde cuicumque peccato vult homo inherere, si ad baptismum accedit, fictus accedit; quod est indevote accedere. Sed hoc intelligendum est de peccato mortali, quod gratiae contrariatur; non autem de peccato veniali. Unde fictio hic quodammodo includit omne peccatum.

#### ARTICULUS X. 405

*Utrum, fictione recedente, baptismus suum effectum consequatur.*

IV. dist. iv. quæst. III. art. 2. quæst. 3. & dist. XVII. quæst. III. art. 2.

**A**D decimum sic proceditur. Videtur quod, fictione recedente, baptismus suum effectum non consequatur. Opus enim mortuum, quod est sine caritate, non potest unquam vivificari. Sed ille qui fictus accedit ad baptismum, recipit sacramentum sine caritate. Ergo nunquam potest vivificari hoc modo ut gratiam conferat.

2. Præterea. Fictio videtur esse fortior quam baptismus, cum impediatur eius effectum. Sed fortius non tollitur a debiliore. Ergo peccatum fictionis non pot-

est tolli per baptismum a fictione impeditum: & sic baptismus non consequetur suum effectum, qui est remissio omnium peccatorum.

3. Præterea. Contingit quod aliquis fide accedat ad baptismum, & post baptismum multa peccata committat; quæ tamen per baptismum non tolluntur, quia baptismus tollit peccata præterita, non futura. Ergo baptismus talis nunquam consequetur suum effectum, qui est remissio omnium peccatorum.

Sed contra est quod Augustinus dicit in Lib. I. de baptismo (cont. Donatist. cap. XII. parum a princ.) *Tunc valere incipit ad salutem baptismus, cum illa fictio veraci confessione recesserit, quæ corde in malitia, vel sacrilegio perseverante, peccatorum abolitionem non sinebat fieri.*

Respondeo dicendum, quod, sicut supra dictum est (quæst. LXVI. art. 9.) baptismus est quedam spiritalis regeneratio. Cum autem aliquid generatur, simul cum forma recipit effectum formæ; nisi sit aliquid impediens; quo remoto, forma rei generatæ pericit suum effectum; sicut simul cum corpus grave generatur, movetur deorsum, nisi sit aliquid prohibens; quo remoto, statim incipit moveri deorsum.

Et similiter quando aliquis baptizatur, accipit characterem quasi formam; & consequitur proprium effectum, qui est gratia remittens omnia peccata. Impeditur autem quandoque per fictionem. Unde oportet quod remota ea per penitentiam, baptismus statim consequatur suum effectum.

Ad primum ergo dicendum, quod sacramentum baptismi est opus Dei, & non hominis: & ideo non est mortuum in ficto, qui sine caritate baptizatur.

Ad secundum dicendum, quod fictio non removetur per baptismum, sed per penitentiam subsequenter; qua remota, baptismus auferit omnem culpam, & reatum omnium peccatorum præcedentium baptismum, & etiam simul existentium cum baptismum. Unde Augustinus dicit in Libro de baptismo (loc. sup. cit.) *Solvitur hesternus dies, & quicquid superest solvitur, etiam ipsa hora, momentumque ante baptismum, & in baptismo; deinceps autem continuo reus esse incipit.* Et sic ad baptismi effectum consequendum concurret baptismus, & penitentia; sed baptismus sicut causa per se agens, penitentia sicut causa per accedens, id est removens prohibens.

Ad

Ad tertium dicendum, quod effectus baptismi non est tollere peccata futura, sed praesentia, vel praeterita: & ideo, recedente fictione, peccata sequentia remittuntur quidem, sed per poenitentiam, non per baptismum. Unde non remittuntur quantum ad totum reatum, sicut peccata praecedentia baptismum.

## QUAESTIO LXX.

De circumcissione, quae praecessit baptismum,

in quatuor articulos divisa.

**D**Einde considerandum est de praeparatorio ad baptismum: & primo de praeparatorio, quod praecessit baptismum, id est de circumcissione; secundo de praeparatorio, quae concurrunt simul cum baptismum, scilicet de catechismo, & exorcismo.

Circa primum quaeruntur quatuor.

Primo, utrum circumcisio fuerit praeparatoria, & figurativa baptismi.

Secundo de institutione ipsius.

Tertio de ritu eius.

Quarto de effectu ipsius.

## ARTICULUS I. 406

Utrum circumcisio fuerit praeparatoria, & figurativa baptismi.

*Sup. quaest. lxxviii. art. 1. ad 1. & 1. 2. quaest. cii. art. 5. cor. & ad 1. & 3. & IV. dist. 1. quaest. 11. art. 1. quaest. 1. cor. & dist. 11. quaest. 1. art. 1. ad 5. & Rom. 11. lect. 2. & 4.*

**A**D primum sic proceditur. Videtur quod circumcisio non fuerit praeparatoria, & figurativa baptismi. Omnis enim figura habet aliquam similitudinem cum suo figurato. Sed circumcisio nullam habet similitudinem cum baptismum. Ergo videtur quod non fuerit praeparatoria, & figurativa baptismi.

2. Praeterea. Apostolus dicit I. Corinth. x. de antiquis patribus loquens, quod omnes in nube, & in mari baptizati sunt. Non autem dicit, quod in circumcissione baptizati sint. Ergo protectio columnae nubis, & transitus maris rubri magis fuerunt praeparatoria ad baptismum, & figurativa ipsius, quam circumcisio.

3. Praeterea. Supra dictum est (quaest. 5. Th. Oper. Tom. XXIV.

(a) *Passata*, Et signum accepit circumcissionis, signaculum iustitiae fidei.

xxxviii. art. 1. ad 1.) quod baptismus Ioannis fuit praeparatorius ad baptismum Christi. Si ergo etiam circumcisio fuit praeparatoria, & figurativa baptismi Christi, videtur quod baptismus Ioannis fuerit superfluum: quod est inconveniens. Non ergo circumcisio fuit praeparatoria, & figurativa baptismi.

Sed contra est quod Apostolus dicit Coloss. 11. 11. *Circumcisio estis circumcisioe non manufacta, in expolatione corporis carnis, sed circumcissione Christi, conspectui ei in baptismo.*

Respondeo dicendum, quod baptismus dicitur sacramentum fidei, in quantum scilicet in baptismum fit quaedam fidei professio, & per baptismum aggregatur hominum congregatio fidelium. Eadem autem est fides nostra, & antiquorum patrum, secundum illud Apostoli II. Cor. IV. 13. *Habentes eundem spiritum fidei, credimus.*

Circumcisio autem erat quaedam protestatio fidei: unde dicitur Rom. IV. 11. quod (a) *Abraham accepit circumcissionem, tamquam signaculum fidei*: unde & per circumcissionem antiqui aggregabantur collegio fidelium. Unde manifestum est quod circumcisio fuit praeparatoria ad baptismum, & praefigurativa ipsius, secundum quod antiquis patribus omnia in figuram futuri contingebant, ut dicitur I. Corinth. x. sicut & fides eorum erat de futuro.

Ad primum ergo dicendum, quod circumcisio habebat similitudinem cum baptismum quantum ad spirituale effectum baptismi: nam sicut per circumcissionem auferebatur quaedam carnalis pellicula, ita per baptismum homo expoliatur a carnali conversatione.

Ad secundum dicendum, quod protectio columnae nubis, & transitus maris rubri fuerunt quaedam figurae nostri baptismi, quo renascimur ex aqua significata per mare rubrum, & Spiritu sancto significato per columnam nubis; non tamen per haec fiebat aliqua professio fidei, sicut per circumcissionem: & ideo praedicta duo erant tantum figurae, & non sacramenta. Circumcisio autem erat etiam sacramentum praeparatorium ad baptismum; minus tamen expresse figurans baptismum, quantum ad exteriora, quam praedicta. Et ideo Apostolus potius fecit mentionem de praedictis quam de circumcissione.

Ad tertium dicendum, quod baptis-

F f 3 mms



mus Ioannis fuit preparatorius ad baptismum Christi quantum ad exercitium actus, sed circumcisio quantum ad professionem fidei, quae requiritur in baptismo, sicut dictum est (in corp. art.)

## ARTICULUS II. 407

*Utrum circumcisio fuerit convenienter instituta.*

2. 2. *quest. ciii. art. 5. ad 4. & quest. ciii. art. 1. ad 3. & I. dist. 1. art. 2. quest. 4. cor. & quest. 11. art. 1. quest. 3. per tot.*

**A**D secundum sic proceditur. Videtur quod circumcisio fuerit inconvenienter instituta. Sicut enim dictum est (art. praec.) in circumcissione fiebat quaedam fidei professio. Sed a peccato primi hominis nullus umquam salvari potuit nisi per fidem passionis Christi, secundum illud Rom. xii. 25. *Quem proposuit Deus propitiatorem per fidem in sanguine ipsius.* Ergo statim post peccatum primi hominis circumcisio inliciti debuit, & non tempore Abraham.

2. Praeterea. In circumcissione homo profitebatur observantiam veteris legis, sicut in baptismo proficitur observantiam novae legis: unde Apostolus dicit Gal. v. 3. *Testificor omni homini circumcidenti se, quoniam debitor est universae legis faciendae.* Sed legalis observantia non est tradita tempore Abraham, sed magis tempore Moysi. Ergo inconvenienter instituta est circumcisio tempore Abraham.

3. Praeterea. Circumcisio fuit figurativa, & preparativa baptismi. Sed baptismus exhibetur omnibus populis, secundum illud Matth. ult. 19. *Euntes docete omnes gentes, baptizantes eos.* Ergo circumcisio non debuit institui ut observanda tantum ab uno populo Iudaeorum, sed ab omnibus populis.

4. Praeterea. Carnalis circumcisio debet respondere spirituali, sicut figura figurato. Sed spiritualis circumcisio, quae fit per Christum, indifferenter convenit utrique sexui: quia in Christo Iesu non est masculus, & femina, ut dicitur Gal. xii. Ergo inconvenienter est circumcisio instituta, quae competit solis masculis.

Sed contra est quod, sicut legitur Genes. xxi. circumcisio est instituta a Deo, cuius perfecta sunt opera.

Respondetur dicendum, quod, sicut di-

ctum est (art. praec.) circumcisio erat preparatoria ad baptismum, in quantum erat quaedam professio fidei Christi, quam etiam in baptismo nos profitemur.

Inter antiquos autem patres primus Abraham promissionem accepit de Christo nascituro, cum dictum est ei Gen. xxii. 18. *In semine tuo benedicentur omnes gentes terrae.* Ipse etiam primus se a societate infidelium segregavit, secundum mandatum Dei dicentis sibi (Gen. xii. 1.) *Egrederis de terra tua, & de cognatione tua.* Et ideo convenienter circumcisio fuit instituta in Abraham.

Ad primum ergo dicendum, quod immediate post peccatum primi parentis, propter doctrinam ipsius Adae, qui plene instructus fuerat de divinis, adhuc fides, & ratio naturalis intantum vigeat in homine quod non oportebat determinari hominibus aliqua signa fidei, & salutis; sed unusquisque pro suo libito fidem suam aliquibus signis protestabatur. Sed circa tempus Abraham diminuta erat fides, plurimis ad idololatriam declinantibus: obscurata etiam erat ratio naturalis per augmentum carnalis concupiscentiae usque ad peccatum contra naturam. Et ideo convenienter tunc, & non ante fuit instituta circumcisio ad profitendum fidem, & ad minuendum carnalem concupiscentiam.

Ad secundum dicendum, quod legalis observantia tradi non debuit nisi populo iam congregato: quia lex ordinatur ad bonum publicum, ut in secunda parte dictum est (1. 2. quest. xc. art. 2.) Populus autem fidelium congregandus erat aliquo signo sensibili; quod est necessarium ad hoc quod homines in quacumque religione adunentur, sicut Augustinus dicit contra Faustum (Lib. XIX. cap. xi. in fin.) Et ideo oportuit prius institui circumcissionem quam lex daretur. Illi autem patres qui fuerunt ante legem, famulias suas instruxerunt de rebus divinis per modum paternae admonitionis. Unde & Dominus dicit ad Abraham (Genes. xviii. 19.) *Scio quod praeparatus sit filiis tuis, & domus tua post te, ut custodiant viam Domini.*

Ad tertium dicendum, quod baptismus in se continet perfectionem salutis, ad quam Deus omnes homines vocat, secundum illud 1. Timoth. ii. 3. *Qui vult omnes homines salvos fieri: & ideo baptismus omnibus populis proponitur. Circumcisio autem non continebat perfectionem salutis, sed figurabat ipsam ut fiendam*  
per

per Christum, qui erat ex Iudaeorum populo nasciturus: & ideo illi soli populo data est circumcisio.

Ad quartum dicendum, quod circumcisio instituta est ut signum fidei Abraham, qui credidit se patrem futurum Christi sibi repromissi: & ideo convenienter solis maribus competeat. Peccatum etiam originale, contra quod specialiter circumcisio ordinabatur, a patre trahitur, non a matre, ut in secunda parte dictum est (1. 2. quæst. lxxxix. art. 5. in corp. & ad 2.) Sed baptismus continet virtutem Christi, qui est universalis causa salutis omnium, & remissionem omnium peccatorum.

## ARTICULUS III. 408

*Utrum ritus circumcisionis fuerit  
conveniens.*

IV. dist. 1. quæst. 11. art. 3. quæst. 2. &  
art. 3. quæst. 2. & 3. & Ioan. vii. lect.  
2. & Rom. iv. lect. 2.

**A**D tertium sic proceditur. Videtur quod ritus circumcisionis non fuerit conveniens. Circumcisio enim, sicut dictum est (art. 1. & 2. præc.) fidei quædam professio est. Sed iudei in vi apprehensiva exstitit, cuius operationes maxime apparent in capite. Ergo magis debuit signum circumcisionis dari in capite quam in membro generationis.

2. Præterea. Ad usum sacramentorum assumimus ea quorum est communior usus, sicut aquam ad abluendum, & panem ad reficiendum. Sed ad incidendum communis utimur cultello ferreo quam petriño. Ergo circumcisio non debuit fieri cultello petriño.

3. Præterea. Sicut baptismus instituitur in remedium originalis peccati, ita etiam circumcisio, sicut Beda dicit (in hom. circumcis. parum a princ.) Sed baptismus non differtur usque ad octavum diem, ne pueris periculum damnationis imminet propter originale peccatum, si non dum baptizati decedant: quandoque etiam traditur baptismus post octavum diem. Ergo circumcisioni non debuit determinari octavus dies, sed debebat quandoque præveniri, sicut etiam quandoque tardari.

Sed contra est quod Rom. iv. super illud, *Et signum accepit circumcisionis* determinatur in Glossa (ord.) prædictus circumcisionis ritus.

Respondeo dicendum, quod, sicut dictum est (art. præc.) circumcisio quoddam signum fidei est, institutum a Deo, cuius sapientiæ non est numerus. Determinare autem convenientia signa, est sapientiæ opus. Et ideo concedendum est quod ritus circumcisionis fuit conveniens.

Ad primum ergo dicendum, quod circumcisio convenienter fiebat in membro generationis. Primo quidem quia signum erat fidei qua Abraham credidit Christum ex suo semine nasciturum. Secundo quia erat in remedium peccati originalis, quod per actum generationis tradidit. Tercio quia ordinabatur ad diminutionem carnalis concupiscentiæ, quæ præcipue in membris illis viget, propter abundantiam delectationis veneriorum.

Ad secundum dicendum, quod cultellus lapideus non erat de necessitate circumcisionis: unde non invenitur tale instrumentum præcepto divino determinatum: neque etiam communiter tali instrumento Iudæi utebantur ad circumcidendum; sicut neque modo utuntur. Leguntur tamen aliquæ circumcisiones famosæ cultello lapideo factæ; sicut legitur Exod. iv. 25. quod tulit Sephora acutissimam petram, & circumcidit præputium filii sui: & Iosue vi. 2. dicitur: *Faci tibi cultellos lapideos, & circumcide secundo filios Israel*: per quod figurabatur, circumcisionem spiritualesse faciendam per Christum; de quo dicitur I. Corinth. x. 4. *Petra autem erat Christus*.

Ad tertium dicendum, quod octavus dies determinabatur circumcisioni tum propter mysterium, quia in octava ætate, quæ erit ætas resurgentium, quasi in octavo die pericietur per Christum spiritualis circumcisio, quando auferet ab electis non solum culpam, sed etiam omnem penalitatem: tum etiam propter reverentiam infantis ante octavum diem. Unde etiam de aliis animalibus Levit. xii. 27. præcipitur: *Bos, ovis, & capra, cum genita fuerint, septem diebus erunt sub ubere matris suæ; die autem octavo, & deinceps offerri poterunt Domino*. Erat autem octavus dies de necessitate præcepti, ita scilicet quod octavum diem præmittentes peccabant, etiam si esset sabbatum, secundum illud Ioan. vii. 23. *Circumcisio mea: ipse homo in sabbato, ut non violatur lex Moysi*. Non tamen erat de necessitate sacramenti: quia si aliqui omittabant octavum diem, postea poterant circumcidi.

Quidam etiam dicunt, quod propter periculum imminentis mortis poterat octavus dies praeveneri. Sed hoc nec ex auctoritate Scripturae, nec ex consuetudine Iudaeorum haberi potest.

Unde melius dicendum est, sicut etiam Hugo de S. Victore dicit (Lib. I. de sacram. par. xii. cap. 11. a med.) quod octavus dies nulla necessitate praeveneretur. Unde super illud Proverb. iv. *Unigenitus eram coram matre mea*, dicit Glossa (ord.) quod alius Berlabæ parvulus non computatur, quia ante octavum diem mortuus nominatus non fuit, & per consequens nec circumcissus.

#### ARTICULUS IV. 409

*Utum circumcisio conferebat gratiam iustificantem.*

*Sup. quaest. lxi. art. 6. ad 3. Et IV. dist.*

*1. quaest. 11. art. 4. Et ver. quaest. xxviii. art. 2. ad 12. Et Rom. iv. lect. 5*

**A**D quartum sic proceditur. Videtur quod circumcisio non conferebat gratiam iustificantem. Dicit enim Apostolus Galat. ii. 21. *Si ex lege est iustitia, Christus gratis mortuus est*, idest sine causa. Sed circumcisio erat quædam obligatio legis implendæ, secundum illud Galat. v. 3. *Testificor omni homini circumcidenti se, quoniam debitor est universæ legis faciendæ*. Ergo si ex circumcissione est iustitia, Christus gratis, idest sine causa, mortuus est. Sed hoc est inconveniens. Non ergo ex circumcissione erat gratia iustificans a peccato.

2. Præterea. Ante institutionem circumcissionis sola fides ad iustificationem sufficiebat: dicit enim Gregorius in IV. Moral. (cap. 111. a princ.) *Quod apud nos valet aqua baptismatis, hoc egit apud veteres pro parvulis sola fides*. Sed virtus fidei non est imminuta per mandatum circumcissionis. Ergo sola fides parvulos iustificabat, & non circumcisio.

3. Præterea. Iosue v. 5 legitur, quod *populus qui natus est in deserto, per quadraginta annos incircumcissus fuit*. Si ergo per circumcissionem auferrebat peccatum originale, videtur quod omnes qui in deserto mortui sunt, tam parvuli, quam adulti, fuerint damnati. Et eadem obiectio est de pueris qui moriebantur ante octavum diem circumcissionis, qui præve-

niri non debebat, ut dictum est (c. art. præc. ad 3.)

4. Præterea. Nihil impedit introitum regni cælestis nisi peccatum. Sed circumcissi ante passionem Christi impediuntur ab introitu regni cælestis. Non ergo per circumcissionem homines iustificabantur.

5. Præterea. Peccatum originale dimittitur sine actuali: quia *impium est a Deo dimidium sperare veniam*, ut Augustinus dicit (alius Auctor in Lib. de vera & falsa penitent. cap. ix. cir. med.) Sed nusquam legitur, quod per circumcissionem remitteretur actuale peccatum. Ergo etiam neque originale per eam dimittebatur.

Sed contra est quod Augustinus dicit ad Valerium contra Iulianum (Lib. II. de nupt. & concupisc. cap. xi. a med.) *Ex quo instituta est circumcisio in populo Dei, quæ erat (a) signaculum iustitiæ dei, ad iustificationem purificationis valebat parvulis originalis, veterisque peccati; sicut & baptizmus ex illo capis valere tempore ad innovationem hominis, ex quo institutus est*.

Respondeo dicendum, quod ab omnibus communiter ponitur, quod in circumcissione peccatum originale remittebatur. Quidam tamen dixerunt, quod non continebatur gratia, sed solum auferrebat peccatum, quod Magister ponit in 2. dist. IV. Sent. & Rom. iv. in Glossa (ord. sup. illud *Signum accepit*.) Sed hoc non potest esse: quia culpa non remittitur nisi per gratiam, secundum illud Rom. xxi. 24. *Iustificati gratis per gratiam* &c.

Et ideo alii dixerunt, quod per circumcissionem conferebatur gratia quantum ad effectus remotivos culpæ, sed non quantum ad effectus positivos; ne cogrentur dicere, quod gratia in circumcissione collata sufficiebat ad implendum mandata legis, & ita superfluum fuerit adventus Christi. Sed hæc etiam positio stare non potest. Primo quidem quia per circumcissionem debatur pueris facultas suo tempore perveniendi ad gloriam, quæ est ultimus effectus positivus gratiæ. Secundo quia priores sunt naturaliter secundum ordinem causæ formalis effectus politici quam privati; licet secundum ordinem causæ materialis sit e converso: forma enim non excludit privationem, nisi informando subiectum.

Et ideo alii dixerunt, quod in circumcissione

(a) Ita cum Augustino passim. Ad. signaculum fidei iustitiæ Dei ad sanctificationem purificationis: item signaculum iustitiæ fidei ad purgationem valebat magnis, & parvulis

cisione conferebatur gratia etiam quantum ad aliquem effectum positivum, qui est facere dignum vita aeterna, sed non quantum ad omnes effectus: quia non sufficiebat reprimere concupiscentiam fœditatis, nec etiam ad implendum mandata legis: quod etiam aliquando mihi visum est (IV. dist. 1. quæst. 11. art. 4. quæst. 111.)

Sed diligenter consideranti apparet, hoc non esse verum: quia minima gratia potest resistere cuilibet concupiscentiæ, & vitare omne peccatum mortale, quod committitur in transgressione mandatorum legis: minima enim caritas plus diligit Deum quam cupiditas millia auri, & argenti.

Et ideo dicendum est, quod in circumcissione conferebatur gratia quantum ad omnes gratiæ effectus; aliter tamen quam in baptismo. Nam in baptismo confertur gratia ex virtute ipsius baptismi, quam habet, in quantum est instrumentum passionis Christi iam perfectæ; (a) in circumcissione autem conferebatur gratia non ex virtute circumcissionis, sed ex virtute fidei passionis Christi, cuius signum erat circumcisio: ita scilicet quod homo qui accipiebat circumcissionem, profitebatur se suscipere talem fidem, vel adultus pro se, vel alius pro parvulis. Unde & Apostolus dicit Rom. IV. 11. quod *Abraham accepit signum circumcissionis signaculum iustitiæ fidei*: quia scilicet iustitia erat ex fide significata, non ex circumcissione (b) significante. Et quia baptismus operatur instrumentaliter in virtute passionis Christi, non autem circumcisio; ideo baptismus imprimit characterem incorporantem hominem Christo, & copiosiores gratias confert quam circumcisio: maior enim est effectus rei iam præsentis quam spei.

Ad primum ergo dicendum, quod ratio illa procederet, si ex circumcissione esset iustitia aliter quam per fidem passionis Christi.

Ad secundum dicendum, quod sicut ante institutionem circumcissionis sola fides Christi fidei iustificabat tam pueros, quam adultos; ita etiam circumcissione data. Sed antea non requirebatur aliquod signum protestativum huius fidei, quia nondum homines fideles seorsum ab infidelibus cœperant adunari ad cultum tuius Dei. Probabile tamen est quod parentes fideles pro parvulis natis, & ma-

xime in periculo existentibus aliquas preces Deo funderent, vel aliquam benedictionem eis adhererent (quod erat quoddam signaculum fidei) sicut adulti pro seipsis preces, & sacrificia offerebant.

Ad tertium dicendum, quod populus in deserto prætermittens mandatum circumcissionis excusabatur, tum quia nesciebant, quando castra movenda erant, tum quia, ut Damascenus dicit (Lib. IV. orth. Fid. cap. xxv. in princ.) non necesse erat eos aliquid signum distinctionis habere, cum seorsum ab aliis populis habitabant; & tamen, ut Augustinus dicit (in Lib. Q. in Iosue quæst. VI. a med.) inobedientiam incurrebant qui ex contemptu prætermittebant. Videatur tamen quod nulli incircumcisi mortui fuerint in deserto: quia, ut in Psal. CIV. dicitur, *non erat in tribubus eorum infirmus*; sed illi soli videntur mortui in deserto qui fuerant in Aegypto circumcisi. Si tamen aliqui incircumcisi mortui sunt, eadem ratio est de his uti de his qui moriebantur ante circumcissionis institutionem: quod etiam intelligendum est de pueris qui moriebantur ante octavam diem tempore legis.

Ad quartum dicendum, quod in circumcissione auferebatur originale peccatum ex parte personæ; remanebat tamen impedimentum intrandi in regnum cælorum ex parte totius naturæ: quod fuit sublatum per passionem Christi. Et ideo etiam baptismus ante passionem Christi non introducebat in regnum. Sed & circumcisio, si haberet locum post passionem Christi, introduceret in regnum.

Ad quintum dicendum, quod adulti, quando circumcidebantur, consequerentur remissionem non solum originalis peccati, sed etiam actualium peccatorum; non tamen ita quod liberarentur ab omni reatu peccatæ, sicut in baptismo, in quo confertur copiosior gratia.

## QUAE-

(a) Ita ed. et omnes libri quos vidi, qui tamen ad marginem utantur variâ lectione, quam ex cod. Aldrov. Tarrac. & Paris. faciunt. Circumcisio autem conferebat gratiam, in quantum erat signum fidei passionis Christi futuræ; ita scilicet &c. (b) Ad. iustificante.

## QUAESTIO LXXI.

*De preparatoris quæ simul concurrunt cum baptismo,*

*in quatuor articulos divisa.*

**D**Einde considerandum est de preparatoris quæ simul concurrunt cum baptismo : & circa hoc quaeruntur quatuor.

Primo, utrum catechismus debeat precedere baptismum.

Secundo, utrum baptismum debeat precedere exorcismus.

Tertio, utrum ea quæ aguntur in catechismo, & exorcismo, aliquid efficiant, vel solum significant.

Quarto, utrum baptizandi debeant catechizari, vel exorcizari per sacerdotes.

## ARTICULUS I. 410

*Utrum catechismus debeat precedere baptismum.*

*IV. dist. vi. quæst. 11. art. 2.  
quæst. 1.*

**A**D primum sic proceditur. Videtur quod catechismus non debet precedere baptismum. Per baptismum enim regenerantur homines in vitam spirituales. Sed prius homo accipit vitam quam doctrinam. Non ergo prius debet homo catechizari, idest doceri, quam baptizari.

2. Præterea. Baptismus exhibetur non solum adultis, sed etiam pueris, qui non sunt doctrinæ capaces, eo quod non habent ulum rationis. Ergo ridiculum est eos catechizare.

3. Præterea. In catechismo confitetur catechizatus suam fidem. Sed pueri non possunt suam fidem confiteri neque per seiplos, neque etiam aliquis alius pro eis: tum quia nullus potest alium ad aliquid obligare: tum etiam quia non potest aliquis scire, utrum pueri, cum ad legitimam ætatem per venerint, assentiantur fidei. Non ergo debet catechismus precedere baptismum.

Sed contra est quod Rabanus de institutione Cleric. ( Lib. I. cap. xxv. a med. ) dicit: *Ante baptismum catechizandi debet hominem prævenire officium, ut fidei primum catechumenus accipias rudimentum.*

Respondeo dicendum, quod, sicut supra dictum est ( quæst. præc. art. 1. ) baptismus est fidei christianæ sacramentum, cum sit quædam professio fidei christianæ. Ad hoc autem quod aliqua fidem accipiat, requiritur quod de fide instruat, secundum illud Rom. x. 14. *Quomodo credent ei quem non audierunt? quomodo autem audient sine prædicante?* Et ideo ante baptismum convenienter præcedit catechismus.

Unde & Dominus præceptum baptizandi discipulis tradens, præmittit doctrinam baptismum dicens ( Matth. ult. 19. ) *Euntes docete omnes gentes, baptizantes eos &c.*

Ad primum ergo dicendum, quod vita gratiæ, in qua regeneratur aliquis per baptismum, præsupponit vitam naturæ rationalis, in qua homo potest esse participes doctrinæ.

Ad secundum dicendum, quod sicut mater Ecclesia, ut supra dictum est ( quæst. lxx art. 6. ad 3. ) accommodat pueris baptizandis aliorum pedes, ut veniant, & aliorum cor, ut credant; ita etiam accommodat eis aliorum aures, ut audiant, & intellectum, ut per alios instruantur: & ideo eadem ratione sunt catechizandi qua sunt baptizandi.

Ad tertium dicendum, quod ille qui pro puero baptizato respondet, *Credo*, non prædicat puerum crediturum, cum ad legitimos annos pervenerit; alioquin diceret, *Credet*; sed profitetur fidem Ecclesie in persona pueri, cui communicatur, cuius sacramentum ei tribuitur, & ad quam obligatur per alium: non est enim inconueniens quod aliquis obligetur per alium in his quæ sunt de necessitate salutis. Similiter etiam pater pro puero respondens, promittit se operam daturum ad hoc quod puer credat: quod tamen non sufficeret in adultis ulum rationis habentibus.

## ARTICULUS II. 411

*Utrum exorcismus debeat precedere baptismum.*

*Inf. art. 3. ad 3. & IV. dist. vi. quæst. 11. art. 3. quæst. 1. per tot. & quæst. 2. ad 4.*

**A**D secundum sic proceditur. Videtur quod exorcismus non debeat precedere baptismum. Exorcismus enim contra energumenos, idest arrepticios, ordi-

natur. Sed non omnes baptizandi sunt tales. Ergo exorcismus non debet praecedere baptismum.

2. Præterea. Quamdiu homo subiacet peccato, diabolus in eum habet potestatem: quia, ut dicitur Ioan. viii. 34. *qui facit peccatum, servus est peccati*. Sed peccatum tollitur per baptismum. Non ergo ante baptismum sunt homines exorcizandi.

3. Præterea. Ad arcendum dæmonum potestatem introducta est aqua benedicta. Non ergo ad hoc oportebat aliud remedium adhiberi per exorcismos.

Sed contra est quod Cælestinus Papa dicit (epist. 11. can. ix. & hab. cap. lxxi. de consecrat. dist. xv. & Lib. de eccles. dogmat. cap. xxxi.) *Sive parvuli, sive iuvenes ad regenerationem veniant sacramentum, non prius fontem vite adeant, quam exorcismis, & exsufflationibus clericorum spiritus immundus ab eis abiciatur*.

Respondeo dicendum, quod quicumque sapienter aliquid opus facere proponit, prius removet impedimenta sui operis: unde dicitur Hierem. iv. 3. *Novate vobis novale, & nolite serere super spinas*.

Diabolus autem hostis est humanæ salutis, quæ homini per baptismum acquiritur; & habet potestatem aliquam in hominem ex hoc ipso quod subditur originali peccato, vel etiam actuali. Unde convenienter ante baptismum expelluntur dæmones per exorcismos, ne salutem hominis impediunt: quam quidem expulsionem significat exsufflatio.

Benedictio autem cum manus impositione præcludit expulso viam ne redire possit. Sal autem in os mittitur, & narium, & aurium spuito linitio significat receptionem doctrinæ fidei quantum ad aures, & approbationem quantum ad nares, & confessionem quantum ad os. Olei vero inunctio significat aptitudinem hominis ad pugnandum contra dæmones.

Ad primum ergo dicendum, quod energumeni dicuntur, quasi interius laborantes ex. intrinseca operatione diaboli: & quanvis non omnes accedentes ad baptismum corporaliter ab eo vexentur, omnes tamen non baptizati potestati dæmonum subiacentur, saltem propter originalis peccati reatum.

Ad secundum dicendum, quod in baptismo per ablutionem peccati excluditur potestas dæmonis ab homine quan-

tum ad hoc quod impedit eum a perceptione gloriæ; sed exorcismi excludunt potestatem dæmonis, inquantum impedit hominem a perceptione sacramenti.

Ad tertium dicendum, quod aqua benedicta datur contra impugnationes dæmonum quæ sunt ab exteriori; sed exorcismus ordinatur contra impugnationes dæmonum quæ sunt ab interiori: unde & energumeni dicuntur, quasi interius laborantes, illi qui exorcizantur.

Vel dicendum, quod sicut in remedium contra peccatum secundo datur poenitentia, quia baptismus non iteratur; ita in remedium contra impugnationes dæmonum secundo datur aqua benedicta, quia exorcismi baptismales non iterantur.

### ARTICULUS III. 413

*Utrum ea quæ aguntur in exorcismo, aliquid efficiant.*

*IV. dist. vi. quæst. xi. art. 3. quæst. 2.*

**A**D tertium sic proceditur. Videtur quod ea quæ aguntur in exorcismo, non efficiant aliquid, sed solum significent. Si enim puer post exorcismos moriatur ante baptismum, salutem non consequetur. Sed ad hoc ordinatur effectus eorum quæ in sacramentis aguntur, ut homo consequatur salutem: unde & Marci ult. 16. dicitur: *Qui crediderit, & baptizatus fuerit, salvus erit*. Ergo ea quæ aguntur in exorcismo, nihil efficiunt, sed solum significant.

2. Præterea. Hoc solum requiritur ad sacramentum novæ legis, ut sit signum, & causa, ut supra dictum est (quæst. lx. art. 1. & quæst. lxxi. art. 1.) Si ergo ea quæ aguntur in exorcismo, aliquid efficiant, videtur quod singula sint quædam sacramenta.

3. Præterea. Sicut exorcismus ordinatur ad baptismum; ita etiam si aliquid in exorcismo efficitur, ordinatur ad effectum baptismi. Sed dispositio ex necessitate præcedit formam perfectam, quia forma non recipitur nisi in materia disposita. Sequeretur ergo quod nullus posset consequi effectum baptismi, nisi prius exorcizetur: quod patet esse falsum. Non ergo ea quæ aguntur in exorcismis, aliquid efficiunt.

4. Præ-

4. Præterea. Sicut quædam aguntur in exorcismo ante baptismum, ita etiam quædam aguntur post baptismum; sicut quod sacerdos baptizatum chrismate ungit in vertice. Sed ea quæ post baptismum aguntur, non videntur aliquid efficere: quia secundum hoc effectus baptismi esset imperfectus. Ergo nec ea quæ ante baptismum aguntur in exorcismo, aliquid efficiunt.

Sed contra est quod Augustinus dicit in Lib. I. de symbolo (cap. i. cir. fin.) *Parvuli exsufflantur, & exorcizantur, ut pellatur ab eis diaboli potestas inimica, quæ decepti hominem.* Nihil autem agitur frustra per Ecclesiam. Ergo per huiusmodi exsufflationes hoc agitur ut dæmonum potestas expellatur.

Respondeo dicendum, quod quidam dixerunt, ea quæ in exorcismo aguntur, nihil efficere, sed solum significare. Sed hoc patet esse falsum per hoc quod Ecclesia in exorcismis imperativis verbis utitur ad expellendam dæmonis potestatem; puta cum dicit: *Ergo maledixit diaboli exi ab eo &c.*

Et ideo dicendum est, quod aliquem effectum habeant, differenter tamen ab ipso baptismo.

Nam per baptismum datur homini gratia ad plenam remissionem culparum; per ea vero quæ in exorcismo aguntur, excluditur duplex impedimentum salutæ gratiæ percipiendæ. Quorum unum est impedimentum extrinsecum, prout dæmones hominis salutem impedire conantur: & hoc impedimentum excluditur per exsufflationes, quibus potestas dæmonis pellitur, ut patet ex inducta auctoritate Augustini, quantum scilicet ad hoc quod non præstet impedimentum sacramento suscipiendo. Manet tamen potestas dæmonis in homine quantum ad maculam peccati, & reatu pænæ, quoque peccatum per baptismum tollatur: & secundum hoc Cyprianus dicit (epist. vii. Lib. IV. a med.) *Scias, diaboli nequitiam posse remanere usque ad aquam salutarem; in baptismo autem omnem nequitiam amittere.* Aliud impedimentum est intrinsecum, prout scilicet homo ex infectione originalis peccati habet sensus præclusos ad percipiendam salutis mysteria: unde Rabanus de institutione Clericorum (Lib. I. cap. xxvi. ad fin.) dicit, quod *per salutem typicam, & sacerdotis tactum sapientia, & virtus divina salutem catechumeni operatur, ut aperiantur ei nares ad percipiendum odorem noti-*

*tis Dei, ut aperiantur ei aures ad audiendum mandata Dei, ut aperiantur illi sensus in intimo corde ad respondendum.*

Ad primum ergo dicendum, quod per ea quæ aguntur in exorcismo, non tollitur culpa, propter quam homo punitur post mortem, sed solum tolluntur impedimenta recipiendi remissionem culpæ per sacramentum. Unde post mortem exorcismus non valet sine baptismo. Præpositivus tamen dicit, quod pueri exorcizati, si moriantur ante baptismum, minores tenebras patiuntur. Sed hoc non videtur verum: quia tenebræ illæ sunt carentia divinæ visionis; quæ non recipit magis, & minus.

Ad secundum dicendum, quod de ratione sacramenti est quod perficiat principalem effectum, qui est gratia remittens culpam, vel supplens aliquem hominis defectum: quod quidem non fit per ea quæ aguntur in exorcismo; sed solum huiusmodi impedimenta tolluntur: & ideo non sunt sacramenta, sed sacramentalia quædam.

Ad tertium dicendum, quod dispositio sufficiens ad suscipiendam gratiam baptismalem est fides, & intentio, vel propria eius qui baptizatur, si sit adultus, vel ipsius Ecclesiæ, si sit parvulus. Ea vero quæ aguntur in exorcismo, ordinantur ad removendum impedimenta: & ideo sine eo potest aliquis consequi effectum baptismi. Non tamen sunt huiusmodi prætermittenda, nisi in necessitatis articulo: & tunc cessante periculo, debent suppleri, ut servetur uniformitas in baptismo. Nec frustra suppletur post baptismum: quia sicut impeditur effectus baptismi, antequam percipiatur; ita potest impediri, postquam fuerit perceptus.

Ad quartum dicendum, quod eorum quæ aguntur post baptismum circa baptizatum, aliquid est quod non solum significat, sed efficit, puta inunctio quæ fit in vertice, quæ operatur conservativam gratiæ baptismalis; aliquid autem est quod nihil efficit, sed solum significat, sicut quod datur ei vestis candida ad significandam novitatem vitæ.

## ARTICULUS IV. 313

*Utrum sit officium sacerdotis catechizare, & exorcizare baptizandum.*

IV. dist. vi. quest. 11. art. 3. quest. 1.

**A**D quartum sic proceditur. Videtur quod non sit sacerdotis catechizare, & exorcizare baptizandum. Ad officium enim ministrorum pertinet habere operationem super imundos, ut Dionysius dicit v. capite eccles. Hierarch. (inter princ. & med.) Sed catechumeni, qui instruuntur in catechismo, & energumini, qui purgantur in exorcismo, computantur inter imundos, ut ibidem Dionysius dicit (& cap. iii. ante med.) Ergo catechizare, & exorcizare non pertinet ad officium sacerdotis, sed potius ministrorum.

2. Præterea. Catechumeni instruuntur de fide per sacram Scripturam, quæ in Ecclesia per ministros recitatur: sicut enim per lectores in Ecclesia legitur vetus Testamentum, ita etiam per diaconos, & subdiaconos legitur novum: & sic ad ministros pertinet catechizare. Similiter etiam exorcizare, ut videtur, ad ministros pertinet: dicit enim Ilidorus in quadam epist. (sc. ad Laudefred. quæ hab. post Conc. Tolet. VIII.) *Ad exorcistam pertinet exorcismus memoriter retinere, manusque super energumenos, & catechumenos in exorcismo imponere.* Non ergo pertinet ad officium sacerdotis catechizare, & exorcizare.

3. Præterea. Catechizare idem est quod docere: & hoc idem est quod perficere; quod ad officium Episcoporum pertinet, ut dicit Dionysius v. cap. eccles. Hierarch. (parum ante med.) Non ergo pertinet ad officium sacerdotis.

Sed contra est quod Nicolaus I. Papa dicit (hab. inter eius decreta tit. xvi. & cap. lvii. de consecrat. dist. iv.) *Catechismi baptizandorum a sacerdotibus unusquisque Ecclesie fieri possunt.* Unde Gregorius etiam super Evang. (hom. xxxix. ante med.) dicit: *Sacerdotes, cum per exorcismi gratiam manum credentibus imponunt, quid aliud faciunt, nisi quod demonia eiciunt?*

Respondetur dicendum, quod minister comparatur ad sacerdotem, sicut secundarium, & instrumentale agens ad principale, ut indicat ipsum nomen mini-

stri. Agens autem secundarium non agit sine principali agente, sed cooperatur principali agenti in operando. Quanto autem potior est operatio, tanto principale agens potioribus indiget instrumentis, seu ministris. Potior autem est operatio sacerdotis, inquantum confert ipsum sacramentum, quam in præparatoriis ad sacramentum.

Et ideo supremi ministri, qui dicuntur diacones, cooperantur sacerdoti in ipsa collatione sacramentorum. Dicit enim Ilidorus (loc. cit. in arg. 2.) quod *ad diaconum pertinet assistere sacerdotibus, & ministrare in omnibus quæ aguntur in sacramentis Christi, in baptismo scilicet, in chrismate, patena, & calice.* Inferiores autem ministri cooperantur sacerdotibus in his quæ sunt præparatoria ad sacramentum; sicut lectores in catechismo, & exorcistæ in exorcismo.

Ad primum ergo dicendum, quod super imundos ministri habent operationem ministerialem, & quasi instrumentalem, sed sacerdos principalem.

Ad secundum dicendum, quod lectores, & exorcistæ habent officium catechizandi, & exorcizandi, non quidem principaliter, sed sicut in his sacerdoti ministrantes.

Ad tertium dicendum, quod multiplex est instructio. Una conversiva ad fidem, quam Dionysius tribuit Episcopo in ii. eccles. Hierarch. (parum a princ.) & potest competere cuilibet prædicatori, vel etiam cuilibet fidei. Secunda est instructio, qua quis eruditur de fidei rudimentis, & qualiter se debeat habere in susceptione sacramentorum: & hæc pertinet secundario quidem ad ministros, principaliter autem ad sacerdotes. Tertia est instructio de conversatione christianæ vitæ: & hæc pertinet ad paternos. Quarta est instructio de profundis mysteriis fidei, & perfectione christianæ vitæ: & hæc ex officio pertinet ad Episcopos.



## QUAESTIO LXXII.

*De sacramento confirmationis.**in duodecim articulos divisa.*

**C**onsequenter considerandum est de sacramento confirmationis : & circa hoc quaruntur duodecim.

Primo, utrum confirmatio sit sacramentum.

Secundo de materia eius.

Tertio, utrum sit de necessitate sacramenti quod christus fuerit prius per Episcopum consecratum.

Quarto de forma ipsius.

Quinto, utrum imprimat characterem.

Sexto, utrum character confirmationis praesupponat characterem baptismalem.

Septimo, utrum conferat gratiam.

Octavo, cui competat recipere hoc sacramentum.

Nono, in qua parte.

Decimo, utrum requiratur aliquis qui teneat confirmandum.

Undecimo, utrum hoc sacramentum per solos Episcopos detur.

Duodecimo de ritu eius.

## ARTICULUS I. 414

*Utrum confirmatio sit sacramentum.*

*Sup. quaest. lxxv. art. 1. & IV. dist. 11. quaest. 11. art. 2. co. & dist. vii. quaest. 1. per tot. & IV. cons. cap. lxxiii.*

**A**D primum sic proceditur. Videtur quod confirmatio non sit sacramentum. Sacramenta enim ex divina institutione efficaciam habent, sicut supra dictum est (quaest. lxxv. art. 2.) Sed confirmatio non legitur a Christo instituta. Ergo non est sacramentum.

2. Præterea. Sacramenta novæ legis in veteri lege præfigurata fuerunt : unde Apostolus dicit I. Corinth. x. 2. quod omnes in Moysē baptizati sunt in nube, & in mari, & omnes eandem escam spiritualem manducaverunt, & omnes eundem potum spiritualem biberunt. Sed confirmatio non fuit præfigurata in veteri Testamento. Non ergo est sacramentum.

3. Præterea. Sacramenta ordinantur ad hominum salutem. Sed sine confir-

matione potest esse salus : nam pueri baptizati, sine confirmatione decedentes, salvantur. Ergo confirmatio non est sacramentum.

4. Præterea. Per omnia sacramenta Ecclesiæ homo Christo conformatur, qui est sacramentorum auctor. Sed per confirmationem non videtur Christo conformari, qui non legitur esse confirmatus. Ergo confirmatio non est sacramentum.

Sed contra est quod Melchisedes Papa scribit Hispaniarum Episcopis (epist. unica ante med. & hab. cap. iij. de consecrat. dist. v.) *De his super quibus rogatis nos vos informari, utrum matius sit sacramentum manus impositio Episcoporum, an baptismus; scitote, utrumque magnum esse sacramentum.*

Respondendo dicendum, quod sacramenta novæ legis ordinantur ad speciales gratie effectus. Et ideo ubi occurrit aliquis specialis effectus gratiæ, ibi ordinatur speciale sacramentum. Quia vero sensibilia, & corporalia gerunt spiritualem, & intelligibilem similitudinem, ex his quæ in vita corporali aguntur, percipere possumus quid in spirituali vita gratiæ speciale exstat.

Manifestum autem est quod in vita corporali specialis quædam perfectio est quod homo ad perfectam ætatem perveniat, & perfectas actiones hominis agere possit : unde & Apostolus dicit I. Corinth. xiii. ii. *Cum autem factus sum vir, evacuavi quæ erant parvuli :* & inde est etiam quod præter motum generationis, quo aliquis accipit vitam corporalem, est motus augmenti, quo aliquis perducitur ad perfectam ætatem. Sic igitur & vitam spirituales homo accipit per baptismum, qui est spiritualis regeneratio ; in confirmatione autem homo accipit quasi quædam perfectam ætatem spiritualis vitæ. Unde Melchisedes Papa dicit (loc. cit.) *Spiritus sanctus, qui super aqua baptismi salutifero descendit lapsu, in fonte plenitudinem tribuit ad innocentiam, in confirmatione augmentum præstat ad gratiam; in baptismo regeneramus ad vitam, post baptismum confirmamus ad pacem; in baptismo abluiamur, post baptismum roboramur.* Et ideo manifestum est quod confirmatio est speciale sacramentum.

Ad primum ergo dicendum, quod circa institutionem huius sacramenti est duplex opinio. Quidam enim dixerunt, quod hoc sacramentum non fuit institutum nec a Christo, nec ab Apostolis, sed postea procedu temporis in quadam

Con-

ARTICULUS II. 415

*Utrum chrisma sit conveniens materia  
huius sacramenti.*

*Inf. quest. lxxxiv. art. 1. ad 1. & IV.  
dist. vii. quest. 1. art. 1. quest. 1. &  
2. & IV. cont. cap. ix.*

Concilio. Alii vero dixerunt, quod fuit institutum ab Apostolis. Sed hoc non potest esse: quia instituere novum sacramentum pertinet ad potestatem excellentiæ, quæ competit soli Christo. Et ideo dicendum est, quod Christus instituit hoc sacramentum, non exhibendo, sed promittendo, secundum illud Ioan. xvi. 7. *Si non abiero, Paracletus non veniet ad vos; si autem abiero, mittam eum ad vos.* Et hoc ideo quia in hoc sacramento datur plenitudo Spiritus sancti, quæ non erat danda ante Christi resurrectionem, & ascensionem, secundum illud Ioan. vii. 39. *Nondum erat Spiritus datus, quia Iesus nondum erat glorificatus.*

Ad secundum dicendum, quod quia confirmatio est sacramentum plenitudinis gratiæ, non potuit habere aliquid respondens in veteri Testamento: quia nihil ad perfectum adduxit lex, ut dicitur Heb. vii. 19.

Ad tertium dicendum, quod sicut supra dictum est (quest. lxxv. art. 4.) omnia sacramenta sunt aliquantulum necessaria ad salutem; sed quædam sunt sine quibus non est salus; quædam sunt quæ cooperantur ad perfectionem salutis. Et hoc modo confirmatio est de necessitate salutis, quamvis sine ea possit esse salus, dum tamen non prætermittatur ex contemptu sacramenti.

Ad quartum dicendum, quod illi qui confirmationem accipiunt, quæ est sacramentum plenitudinis gratiæ, Christo conformantur, inquantum ipse a primo instanti suæ conceptionis fuit *plenus gratiæ, & veritatis*, ut dicitur Ioan. i. Quæ quidem plenitudo declarata est in baptismo, quando Spiritus sanctus descendit corporali specie super eum. Unde & Luc. iv. 1. dicitur, quod *Iesus plenus Spiritu sancto regressus est a Iordane.* Non autem conveniebat dignitati Christi, qui est sacramentorum auctor, ut a sacramento plenitudinem gratiæ acciperet.

**A**D secundum sic proceditur. Videtur quod chrisma non sit conveniens materia huius sacramenti. Hoc enim sacramentum est a Christo promittente discipulis Spiritum sanctum. Sed ipse misit eis Spiritum sanctum absque omni chrismatis inunctione: ipsi etiam Apostoli hoc sacramentum conserebant per solam manus impositionem absque chrismate: Sicut enim Act. viii. quod *Apostoli imponebant manus super baptizatos, & accipiebant Spiritum sanctum.* Ergo chrisma non est materia huius sacramenti, quia materia est de necessitate sacramenti.

2. Præterea. Confirmatio quodammodo perficit sacramentum baptismi, sicut supra dictum est (quest. lxxv. art. 3.) & ita debet ei conformari sicut perfectio perfectibili. Sed in baptismo est materia simplex elementum, scilicet aqua. Ergo huius sacramenti non est conveniens materia chrisma, quod conficitur ex oleo, & balsamo.

3. Præterea. Oleum assumitur in materia huius sacramenti ad inungendum. Sed quolibet oleo potest fieri inunctio, puta oleo quod fit ex nucibus, vel ex quibuscumque aliis rebus. Non ergo solum oleum olivarum debet assumi ad huiusmodi sacramentum.

4. Præterea. Supra dictum est (quest. lxxv. art. 3.) quod aqua assumitur ut materia ad baptizandum, quia ubique de facili invenitur. Sed oleum olivarum non ubique invenitur, & multo minus balsamum. Non ergo chrisma, quod ex his conficitur, est conveniens materia huius sacramenti.

Sed contra est quod Gregorius dicit in Registro (Lib. III. epist. ix. a med.) *Presbyteri baptizatos infantes signare in frontibus sacro chrismate non presumant.* Ergo chrisma est materia huius sacramenti.

Respondeo dicendum, quod chrisma est conveniens materia huius sacramenti. Sicut enim dictum est (art. præc.) in hoc sacramento datur plenitudo Spiritus sancti ad robur speciale, quod competit per-

perfectæ ætati. Homo autem, cum ad perfectam ætatem pervenerit, incipit iam communicare actiones suas ad alios; antea vero quasi singulariter sibi ipse vivit. Gratia vero Spiritus sancti in oleo designatur: unde Christus dicitur *esse unctus oleo lætitiæ* (Psal. xlv.) propter plenitudinem Spiritus sancti quam habuit. Et ideo oleum competit materiæ huius sacramenti. Admisceatur autem balsamum propter fragrantiam odoris, quæ redundat ad alios: unde Apostolus dicit II. Corinth. 11. 13. *Christi bonus odor sumus Deo &c.*

Et licet multa alia sint odorifera, tamen præcipue accipitur balsamum propter hoc quod habet præcipuum odorem, & quia etiam incorruptionem præstat: unde Eccles. xxiv. 21. dicitur: *Quasi balsamum non mixtum odor meus.*

Ad primum ergo dicendum, quod Christus ex potestate excellentiæ, quam habet in sacramentis, contulit Apostolis rem huius sacramenti, id est plenitudinem Spiritus sancti sine sacramento: eo quod *ipsi primitias Spiritus sancti acceperant*, sicut dicitur Rom. viii. Nihilominus tamen aliquid conforme materiæ huius sacramenti exhibitum fuit Apostolis sensibiliter in collatione Spiritus sancti. Quod enim sensibiliter Spiritus sanctus super eos descendit in specie ignis, ac eandem significationem refertur ad quam refertur oleum: nisi quod ignis habet vim activam, oleum autem habet vim passivam, inquantum est materia, & fomentum ignis. Et hoc satis competebat: nam per Apostolos gratia Spiritus sancti erat ad alios derivanda. Super Apostolos etiam Spiritus sanctus descendit in figura lingue: quod ad idem significandum refertur quod significat balsamum: nisi quod lingua per locutionem est communicativa ad alterum, balsamum vero per odorem: quia scilicet Apostoli replebantur Spiritu sancto ut fidei doctores; alii autem fideles ut operadores eorum quæ pertinent ad ædificationem fidelium. Similiter etiam ad impositionem manus Apostolorum, & etiam ad eorum prædicationem descendebat plenitudo Spiritus sancti super fideles sub visibilibus signis, sicut a principio descenderat super Apostolos. Unde Petrus dicit Act. xi. 15. *Cum cepissem loqui, cecidit Spiritus sanctus super eos, sicut & in nos in initio.* Et ideo non erat necessaria sensibilis materia sacramentalis, ubi sensibilia signa miraculose exhibebantur divinitus. Utebantur

tamen Apostoli communiter chrismate in exhibitione sacramenti, quando huiusmodi visibilia signa non exhibebantur. Dicit enim Dionysius iv. cap. eccles. Hierarch. (cir. princ.) *Est quedam perfectiva operatio, quam duces nostri, id est Apostoli, chrismatis hostiam nominant.*

Ad secundum dicendum, quod baptismus datur ad spirituales vitam simpliciter consequendam: & ideo competit illi sacramento materia simplex. Sed hoc sacramentum datur ad plenitudinem consequendam Spiritus sancti, cuius est multiformis operatio, secundum illud Sap. vii. 22. *Est enim in illa Spiritus intelligentie sanctus, unicus, multiplex:* & I. ad Cor. xii. 4. dicitur: *Divisiones gratiarum sunt, idem autem Spiritus.* Et ideo convenienter huius sacramenti est materia composita.

Ad tertium dicendum, quod proprietates olei, quibus significatur Spiritus sanctus, magis inveniuntur in oleo olivarum quam in quocumque alio oleo: unde & ipsa oliva semper frondibus virescens, virorem, & misericordiam Spiritus sancti significat. Hoc etiam oleum proprie dicitur oleum, & maxime habetur in usu ubi haberi potest; quilibet autem alius liquor ex similitudine huius oleum nominatur; nec est in usu communis, nisi in supplementum apud eos quibus deest oleum olivarum. Et ideo hoc oleum solum assumitur in usum huius, & quorundam aliorum sacramentorum.

Ad quartum dicendum, quod baptismus est sacramentum absolute necessitatis: & ideo eius materia debet inveniri ubique. Sufficit autem quod materia huius sacramenti, quod non est tantæ necessitatis, possit de facili ad omnia loca terrarum deferri.

### ARTICULUS III. 416

*Utrum sit de necessitate huius sacramenti quod chrisma fuerit prius per Episcopum consecratum.*

*IV. dist. xvii. quest. 1. art. 2. quest. 2.*

**A**D tertium sic proceditur. Videtur quod non sit de necessitate huius sacramenti quod chrisma, quod est materia huius sacramenti, fuerit prius per Episcopum consecratum. Baptismus enim, in quo fit plena remissio peccatorum,

rum, non est minoris efficaciae quam hoc sacramentum. Sed licet quaedam sanctificatio adhibeatur aquae baptismali ante baptismum, non tamen est de necessitate sacramenti, quia in articulo necessitatis praeteriri potest. Ergo non est de necessitate huius sacramenti quod christina fuerit prius per Episcopum consecratum.

2. Praeterea. Idem non debet bis consecrari. Sed materia sacramenti sanctificatur in ipsa collatione sacramenti per formam verborum, qua confertur sacramentum: unde & Augustinus dicit super Ioann. (trakt. lxxx. a med.) *Accedit verbum ad elementum, & fit sacramentum*. Non ergo debet prius christina consecrari quam hoc sacramentum tradatur.

3. Praeterea. Omnis consecratio quae fit in sacramentis, ad consecrationem gratiae ordinatur. Sed materia sensibilis confecta ex oleo, & balsamo non est capax gratiae. Ergo non debet ei aliqua consecratio adhiberi.

Sed contra est quod Innocentius I. Papa (epist. 1. ad Decent. cap. 111. & hab. cap. cxix. de consecrat. dist. 14.) dicit: *Presbyteris, cum baptizant, chrismate baptizatos ungere liceat, quod ab Episcopo fuerit consecratum; non tamen frontem ex eodem oleo signare, quod solum debetur Episcopis, cum tradunt Paracletum*: quod quidem fit in hoc sacramento. Ergo ad hoc sacramentum requiritur christina per Episcopum consecratum.

Respondeo dicendum, quod tota sacramentorum sanctificatio a Christo derivatur, ut supra dictum est (quaest. lxxv. art. 3.) Est autem considerandum, quod quibuscumque sacramentis habentibus materiam corpoream Christus est usus, scilicet baptismo, & etiam Eucharistia. Et ideo ex ipso usu Christi materiae horum sacramentorum aptitudinem acceperunt ad perfectionem sacramenti. Unde Chrysostomus dicit, (id hab. Chromat. in fragmentis, vide cap. Numquam, de consecrat. dist. 14.) quod *numquam aquae baptismi purgare peccata credentium possent, nisi tactu dominici corporis sanctificate fuissent*. Et similiter ipse Dominus accipiens panem benedixit; similiter autem & calicem, ut habetur Matth. xxvi. & Luc. xxii. Et propter hoc non est de necessitate horum sacramentorum quod materia prius benedicatur, quia sufficit benedictio Christi. Si qua vero benedictio adhibeatur, pertinet ad solemnitatem sacramenti, non autem ad necessitatem.

S. Th. Oper. Tom. XXIV.

Unctionibus autem visibilibus Christus non est usus, ne heret iniuria invisibili unctioni, qua est *unctus pre consortibus suis*, Psal. xlv. Et ideo tam christina, quam oleum sanctum inhiomur, prius benedicuntur, quam adhibeantur ad usum sacramenti.

Ad primum ergo patet responsio ex dictis.

Ad secundum dicendum, quod utraque consecratio chrismatis non reletur ad idem. Sicut enim instrumentum virtutum instrumentalem acquirit dupliciter, scilicet quando accipit formam instrumenti, & quando movetur a principali agente ad effectum; ita etiam materia sacramenti duplici sanctificatione indiget: per quam unam fit propria materia sacramenti, per aliam vero applicatur ad effectum.

Ad tertium dicendum, quod materia corporalis non est capax gratiae, quali gratiae subiectum, sed solum sicut gratiae instrumentum, ut supra dictum est (quaest. lxxii. art. 1. & 3.) & ad hoc materia sacramenti consecratur vel ab ipso Christo, vel ab Episcopo, qui gerit in Ecclesia personam Christi.

#### ARTICULUS IV. 417

*Utrum haec sit conveniens forma huius sacramenti: Consigno te signo crucis &c.*

*Inf. qu. lxxxiv. art. 3. cor. & 18. dist. vii. qu. 1. art. 3. qu. 3. & opus. 11. cap. 1.*

**A**D quartum sic proceditur. Videtur quod haec non sit conveniens forma huius sacramenti: *Consigno te signo crucis, & confirmo te chrismate salutis, in nomine Patris, & Filii, & Spiritus sancti, amen*. Usus enim sacramentorum a Christo, & ab Apostolis derivatur. Sed neque Christus hanc formam instituit, nec Apostoli ea usi leventur. Ergo haec non est conveniens forma huius sacramenti.

2. Praeterea. Sicut sacramentum est idem apud omnes; ita & forma debet esse eadem: quia quaelibet res habet unitatem, sicut & esse a sua forma. Sed hac forma non omnes utuntur: quidam enim dicunt: *Confirmo te chrismate sanctificationis*. Ergo haec non est conveniens forma huius sacramenti.

3. Praeterea. Sacramentum hoc debet

G 5

con-

conformari baptismo, sicut perfectio perfectibili, ut supra dictum est (art. 2. hu. quæst. arg. 2.) Sed in forma baptismi non fit mentio de configuratione characteris, nec etiam de cruce Christi (cum tamen per baptismum homo Christo commoriatur, ut Apostolus dicit Rom. vi.) nec etiam fit mentio de effectu salutis, cum tamen baptismus sit de necessitate salutis: in forma etiam baptismi ponitur unus actus tantum, & exprimitur persona baptizantis, cum dicitur, *Ego te baptizo*: cuius contrarium apparet in forma prædicta. Non ergo est conveniens forma huius sacramenti.

Sed contra est auctoritas Ecclesiæ, quæ hac forma communiter utitur.

Respondetur dicendum, quod prædicta forma est conveniens huic sacramento.

Sicut enim forma rei naturalis dat ei speciem, ita forma sacramenti continere debet quicquid pertinet ad speciem sacramenti. Sicut autem ex supradictis patet (art. 1. hu. quæst.) in hoc sacramento datur Spiritus sanctus ad robur spiritualis pugne. Et ideo in hoc sacramento tria sunt necessaria, quæ continentur in forma prædicta. Quorum primum est causa conferens plenitudinem roboris spiritualis, quæ est sancta Trinitas: quæ exprimitur, cum dicitur: *In nomine Patris &c.* Secundum est ipsum robur spirituale, quod homini contetur per sacramentum materię visibilis ad salutem: quod quidem tangitur, cum dicitur: *Confirmo te chrismate salutis.* Tertium est signum quod pugnatore datur; sicut & in pugna corporali milites insigniis ducum insigniuntur: & quantum ad hoc dicitur: *Consigno te signo crucis*, in quo scilicet Rex noster triumphavit, ut dicitur Coloss. 11.

Ad primum ergo dicendum, quod, sicut supra dictum est (art. 2. hu. quæst. ad 1.) per ministerium Apostolorum quandoque dabatur effectus huius sacramenti, scilicet plenitudo Spiritus sancti, quibusdam visibilibus signis miraculose a Deo effectis, qui potest effectum sacramenti sine sacramento conferre; & tunc non erat necessaria nec materia, nec forma huius sacramenti. Quandoque autem, tamquam ministri sacramentorum, hoc sacramentum præbebant: & tunc sicut materia, ita & forma ex mandato Christi utebantur. Multa enim servabant Apostoli in sacramentorum collatione, quæ in Scripturis communiter propositis non sunt tradita. Unde Dionysius dicit

in fine eccles. Hierarch. (cap. ult. inter med. & fi.) *Consummativas invocationes, id est verba quibus perficiuntur sacramenta, non est islum Scripturas interpretantibus, neque mysticum earum, aut in ipsis operatas ex Deo virtutes ex occulto ad commune adducere; sed nostra sacra traditio sine pompa, id est occulte, eas adoptet.* Unde & Apostolus dicit loquens de celebratione Eucharistiæ 1. Corinth. xi. 34. *Cetera, cum venero, disponam.*

Ad secundum dicendum, quod sanctitas est salutis causa. Et ideo in idem redit, quod dicitur *chrismate salutis*, & *sanctificationis*.

Ad tertium dicendum, quod baptismus est regeneratio in spiritualem vitam, qua homo vivit in seipso: & ideo non ponitur in forma baptismi nisi unus actus ad ipsum hominem sanctificandum pertinens. Sed hoc sacramentum non solum ordinatur ad hoc quod homo sanctificetur in seipso; sed exponitur cuidam pugne exteriori: & ideo non solum fit mentio de interiori sanctificatione, cum dicitur, *Confirmo te chrismate salutis*; sed etiam consignatur homo exterius quasi vexillo crucis ad pugnam spiritualem: quod significatur, cum dicitur: *Consigno te signo crucis.* In ipso autem verbo baptizandi, quod ablutionem significat, potest intelligi & materia (quæ est aqua ablvens) & effectus salutis; quæ non intelliguntur in verbo confirmandi: & ideo oportuit hæc ponere. Dictum est autem supra (quæst. lxxi. art. 5. ad 1.) quod hoc quod dicitur, *Ego*, non est de necessitate formæ baptismalis, quia intelligitur in verbo primæ personæ; apponitur tamen ad exprimendam intentionem: quod non est ita necessarium in confirmatione, quæ non exhibetur nisi ab excellenti ministro, ut infra dicitur (art. 11. hu. quæst.)

## ARTICULUS V. 418

*Utrum sacramentum confirmationis imprimat characterem.*

IV. dist. vii. quæst. 11. art. 1. quæst. 1. Et quæst. 111. art. 3. quæst. 3.

**A**D quintum sic proceditur. Videtur quod sacramentum confirmationis non imprimat characterem. Character enim importat quoddam signum distinctivum. Sed per sacramentum confirmationis non distinguitur homo ab infidelibus,

bus, hoc enim fit per baptismum; neque etiam ab aliis fidelibus, quia hoc sacramentum ordinatur ad pugnam spirituales, quæ omnibus fidelibus indicitur. Non ergo in hoc sacramento imprimitur aliquis character.

2. Præterea. Supra dictum est (quæst. lxxii. art. 2.) quod character est quædam potentia spiritualis. Potentia autem non est nisi activa, vel passiva. Potentia autem activa in sacramentis confertur per sacramentum ordinis; potentia autem passiva, sive receptiva per sacramentum baptismi. Ergo per sacramentum confirmationis nullus character imprimitur.

3. Præterea. In circumcissione, quæ est character corporalis, non imprimitur aliquis spiritualis character. Sed in hoc sacramento imprimitur quidam character corporalis, cum scilicet homo chrismate signatur signo crucis in fronte. Non ergo imprimitur in hoc sacramento character spiritualis.

Sed contra. In omni sacramento quod non iteratur, imprimitur character. Sed hoc sacramentum non iteratur: dicit enim Gregorius (hab. cap. ix. de consecrat. dist. v.) *de homine qui a Pontifice confirmatus fuerit denuo, talis iteratio prohibenda est*. Ergo in confirmatione imprimitur character.

Respondeo dicendum, quod, sicut supra dictum est (quæst. lxxii. art. 2.) character est quædam spiritualis potestas ad aliquas sacras actiones ordinata. Dictum est autem supra (art. 1. hujus quæst.) quod sicut baptismus est quædam spiritualis regeneratio in vitam christianam, ita etiam confirmatio est quoddam spirituale augmentum promovens hominem in spiritualem ætatem perfectam.

Manifestum est autem ex similitudine corporalis vitæ, quod alia est actio hominis statim nati, & alia actio quæ competit ei, cum ad perfectam ætatem pervenerit. Et ideo per sacramentum confirmationis datur homini potestas spiritualis ad quasdam alias actiones sacras, præter illas ad quas datur ei potestas in baptismo. Nam in baptismo accipit homo potestatem ad ea agenda quæ ad propriam pertinent salutem, prout scilicet secundum seipsum vivit; sed in confirmatione accipit homo potestatem ad agendum ea quæ pertinent ad pugnam spirituales contra hostes fidei; sicut patet exemplo Apostolorum, qui antequam plenitudinem Spiritus sancti acciperent, erant in cœnaculo perseverantes in oratione;

postmodum vero egressi non verebantur publice fidem fateri etiam coram inimicis fidei christianæ. Et ideo manifestum est quod in sacramento confirmationis imprimitur character.

Ad primum ergo dicendum, quod pugna spiritualis contra hostes invisibiles omnibus competit; sed contra hostes visibiles, idest contra persecutores fidei, pugnare, nomen Christi publice confitendo, est confirmatorum, qui iam sunt perducti spiritualiter ad virilem ætatem, secundum quod dicitur I. Ioan. 11. 14. *Scribo vobis iuvenes, quoniam fortes estis, & verbum Dei in vobis manet, & vicisti malignum*. Et ideo character confirmationis est signum distinctivum, non infidelium a fidelibus, sed spiritualiter provectorum ab his quibus dicitur (I. Petri 11. 2.) *Sicut modo geniti infantes*.

Ad secundum dicendum, quod omnia sacramenta sunt quædam fidei protestationes. Sicut igitur baptizatus accipit potestatem spirituales ad protestandam fidem per susceptionem aliorum sacramentorum; ita confirmatus accipit potestatem publice fidem Christi verbis protestandi, quasi ex officio.

Ad tertium dicendum, quod sacramenta veteris legis dicuntur *iusstitiæ carnis*, ut patet Hebr. ix. quia scilicet interius nihil efficiebant: & ideo in circumcissione imprimebatur character solum in corpore, non autem in anima. Sed in confirmatione cum characterem corporali imprimitur simul character spiritualis, eo quod est sacramentum novæ legis.

## ARTICULUS VI. 419

*Utrum character confirmationis præsupponat characterem baptismi.*

*IV. dist. vii. quæst. 11. art. 1. quæst. 3. & dist. xxiv. quæst. 1. art. 2. quæst.*

*3. & 4.*

**A**D sextum sic proceditur. Videtur quod character confirmationis non præsupponat ex necessitate characterem baptismalem. Sacramentum enim confirmationis ordinatur ad confitendum publice fidem Christi. Sed multi etiam ante baptismum sunt fidem Christi publice confessi, sanguinem fundentes pro fide. Ergo character confirmationis non præsupponit characterem baptismalem.

2. Præterea. De Apostolis non legitur, quod

G g 2

quod fuerint baptizati; præsertim cum dicitur Ioan. iv. quod ipse Christus non baptizabat, sed discipuli eius: & tamen postea fuerunt confirmari per adventum Spiritus sancti. Ergo similiter alii possunt confirmari, antequam baptizentur.

3. Præterea. Añ. x. 44. dicitur, quod adhuc loquente Petro, cecidit Spiritus sanctus super eos qui audiebant verbum: & audiebant eos loquentes linguis: & postea Petrus iussit eos baptizari. Ergo pari ratione possunt alii prius confirmari quam baptizentur.

Sed contra est quod Rabanus dicit in libro I. de instit. cleric. (cap. xxx. in princ.) *Novissime a summo Sacerdote per impositionem manus Paracletus traditur baptizato, ut roboretur per Spiritum sanctum ad prædicandum.*

Respondendo dicendum, quod character confirmationis ex necessitate præsupponit characterem baptismalem; ita scilicet quod si aliquis non baptizatus confirmaretur, nihil reciperet; sed oporteret iterato ipsum confirmari post baptismum.

Cuius ratio est, quia ita se habet confirmatio ad baptismum, sicut augmentum ad generationem, ut ex supradictis patet (art. 1. huius quæstionis.) Manifestum est autem quod nullus potest promoveri in ætatem perfectam, nisi primo fuerit natus: & similiter nisi primo aliquis fuerit baptizatus, non potest sacramentum confirmationis accipere.

Ad primum ergo dicendum, quod virtus divina non est alligata sacramentis. Unde potest conferri homini spirituale robur ad constituendum publice fidem Christi absque sacramento confirmationis; sicut etiam potest consequi remissionem peccatorum sine baptismo. Sicut tamen nullus consequitur effectum baptismi sine baptismo voto; ita nullus consequitur effectum confirmationis sine voto ipsius; quod potest haberi etiam ante susceptionem baptismi.

Ad secundum dicendum, quod, sicut Augustinus dicit (epist. cclxv. al. cviii. a med.) ex hoc quod Dominus dicit Ioan. xlii. *Qui lotus est, non indiget nisi ut pedes lavet, intelligimus, Petrum, & alios Christi discipulos fuisse baptizatos, sine baptismo Ioannis (sicut nonnulli arbitrantur.) si vero (quod magis credibile est) baptismo Christi: neque enim renuit ministerium baptizandi, ut haberet & baptizatos servos, per quos ceteros baptizaret.*

Ad tertium dicendum, quod audientes predicationem Petri acceperunt effectum

confirmationis miraculose, non tamen confirmationis sacramentum. Dicitur enim autem (art. 2. huius quæstionis. ad 1. & art. 4. ad 1.) quod effectus confirmationis potest alicui conferri ante baptismum, non autem sacramentum confirmationis. Sicut enim effectus confirmationis, qui est robur spirituale, præsupponit effectum baptismi, qui est iustificatio; ita sacramentum confirmationis præsupponit sacramentum baptismi.

## ARTICULUS VII. 420

*Utrum per sacramentum confirmationis conferatur gratia gratum faciens.*

IV. dist. vii. quæst. 11. art. 2.

**A**D septimum sic proceditur. Videtur quod per hoc sacramentum gratia gratum faciens non conferatur. Gratia enim gratum faciens ordinatur contra culpam. Sed hoc sacramentum, sicut dictum est (art. præc.) non exhibetur nisi baptizatis, qui sunt a culpa mundati. Ergo per hoc sacramentum gratia gratum faciens non conferatur.

2. Præterea. Peccatores maxime indigent gratia gratum faciente, per quam solam iustificari possunt. Si ergo per hoc sacramentum gratia gratum faciens conferatur, videtur quod deberet dari hominibus in peccato existentibus: quod tamen non est verum.

3. Præterea. Gratia gratum faciens specie non differt, cum ad unum effectum ordinetur. Sed duæ formæ eiusdem speciei non possunt esse in eodem subiecto. Cum ergo gratia gratum faciens conferatur homini per baptismum, videtur quod per sacramentum confirmationis, quod non exhibetur nisi baptizato, gratia gratum faciens non conferatur.

Sed contra est quod Melchisedes Papa dicit (in epist. unica a med. & hab. cap. 11. de consecrat. dist. v.) *Spiritus sanctus in fonte baptismi plenitudinem tribuit ad innocentiam, in confirmatione augmentum præstat ad gratiam.*

Respondendo dicendum, quod in hoc sacramento, sicut dictum est (art. 4. huius quæstionis.) datur baptizato Spiritus sanctus ad robur; sicut Apostolis datus est in die Pentecostes, ut legitur Añ. 11. & sicut dabatur baptizatis per impositionem manus Apostolorum, ut dicitur Añ. xiii. Ostensum est autem in prima parte (quæst. xlii. art. 3.) quod missio, seu datio Spiritus

ritus sancti non est nisi cum gratia gratum faciente. Unde manifestum est quod gratia gratum faciens consistit in hoc sacramento.

Ad primum ergo dicendum, quod gratia gratum facientis primus effectus est remissio culpæ. Habet tamen & alios effectus: quia sufficit ad hoc quod promoveat hominem per omnes gradus usque in vitam æternam, secundum illud Rom. vi. 27. *Gratia Dei vita æterna*. Unde & Paulo dictum est II. Corinth. xii. 9. *Sufficit tibi gratia mea*: & ipse de se dicit I. Corinth. xv. 10. *Gratia Dei sum id quod sum*. Et ideo gratia gratum faciens non solum datur ad remissionem culpæ, sed etiam ad augmentum, & firmitatem iustitiæ. Et sic consistit in hoc sacramento.

Ad secundum dicendum, quod, sicut ex ipso nomine apparet, hoc sacramentum datur ad confirmandum quod prius invenerit: & ideo non debet dari his qui non habent gratiam. Et propter hoc sicut non datur non baptizatis, ita non debet dari adultis peccatoribus, nisi per pœnitentiam reparatis. Unde dicitur in Aurelianensi Concilio (hab. inter capit. Herardi Turon. can. lxxv. & cap. vi. de consecrat. dist. v.) *ut ieiuni ad confirmationem veniant, ut moneantur confessionem facere prius, ut mundi domum Spiritus sancti valeant accipere*. Et tunc per hoc sacramentum periturus pœnitentiæ effectus, sicut & baptismi: quia per gratiam collatam in hoc sacramento consequntur pœnitens plenioris remissionem peccati: & si aliquis adultus in peccato existens, cuius conscientiam non habet, vel si etiam non perfecte contritus accedat, dummodo non sitis accedat, per gratiam collatam in hoc sacramento consequetur remissionem peccatorum.

Ad tertium dicendum, quod, sicut dictum est (quæst. lxxii. art. 2.) gratia sacramentalis addit super gratiam gratum facientem communiter sumptam aliquid effectivum specialis effectus, ad quod ordinatur sacramentum. Si ergo consideretur gratia in hoc sacramento collata, quantum ad id quod est commune, sic per hoc sacramentum non confertur aliqua alia gratia quam per baptismum, sed quæ prius inerat, augetur. Si autem consideretur quantum ad illud speciale quod superadditur, sic non est eiusdem speciei cum ipsa.

## ARTICULUS VIII. 471

*Utrum hoc sacramentum sit omnibus exhibendum.*

IV. dist. vii. quæst. iii. art. 2. quæst. 2. & 3. & dist. xxv. quæst. ii. art. 1. quæst. 2. corp.

**A**D octavum sic proceditur. Videtur quod hoc sacramentum non sit omnibus exhibendum. Hoc enim sacramentum ad quandam excellentiam datur, ut dictum est (art. 1. & 4. hu. quæst.) Sed id quod ad excellentiam pertinet, non competit omnibus. Ergo hoc sacramentum non debet omnibus dari.

2. Præterea. Per hoc sacramentum augetur aliquis spiritualiter in perfectum ætatem. Sed perfecta ætas repugnat ætati puerili. Ergo ad minus pueris dari non debet.

3. Præterea. Sicut Melchisedes Papa dicit (epist. unica a med. & hab. cap. ii. de consecrat. dist. v.) *post baptismum confirmamur ad pregnam*. Sed puerare non competit mulieribus propter fragilitatem sexus. Ergo nec mulieribus hoc sacramentum dari debet.

4. Præterea. Melchisedes Papa dicit (loc. cit.) quod *quævis continuo transiuntis sufficiant regenerationis beneficia; videtur tamen confirmationis auxilia necessaria sunt: quia confirmatio armat, & instruit ad agones mundi huius, & prælia reservandos; qui autem post baptismum cum acquisita innocentia immaculatus pervenerit ad mortem, confirmatur morte, quia iam non potest peccare post mortem*. Ergo statim moriturus non debet hoc sacramentum conferri: & sic non debet omnibus dari.

Sed contra est quod dicitur Act. ii. 2. quod *Spiritus sanctus adveniens replevit totam domum, per quam significatur Ecclesia*: & postea subditur, quod *repleti sunt omnes Spiritu sancto*. Sed ad illam plenitudinem consequendam hoc sacramentum datur. Ergo est omnibus qui sunt in Ecclesia, exhibendum.

Respondetur dicendum, quod, sicut dictum est (art. 1. hu. quæst.) per hoc sacramentum promovetur homo spiritualiter in ætatem perfectam.

Hoc autem est de intentione nature ut omnis qui corporaliter nascitur, ad perfectam ætatem perveniat; sed hoc quandoque impeditur propter corruptibi-



litem corporis, quod morte prævenitur. Multo autem magis de intentione Dei est omnia ad perfectionem perducere, ex cuius imitatione hoc natura participat. Unde & Deut. xxxii. 4. dicitur: *Dei perfecta sunt opera.*

Anima autem, ad quam pertinet & spiritualis nativitas, & spiritualis ætatis perfectio, immortalis est; & potest licet tempore senectutis spirituales nativitates consequi, ita tempore iuventutis vel pueritiæ consequi perfectam ætatem: quia huiusmodi corporales ætates animæ non præiudicant. Et ideo hoc sacramentum debet omnibus exhiberi.

Ad primum ergo dicendum, quod hoc sacramentum datur ad quamdam excellentiam, non quidem unius hominis ad alium, sicut sacramentum ordinis, sed hominis ad seipsum; sicut idem perfectus vir exiens habet excellentiam ad se ipsum.

Ad secundum dicendum, quod, sicut dictum est (in corp. art.) ætas corporalis non præiudicat animæ: unde etiam in puerili ætate homo potest consequi perfectionem spirituales ætatis, de qua dicitur Sap. xv. 8. *Senectus venerabilis est non diuturna, neque numero annorum computata.* & inde est quod multi in puerili ætate propter robur spiritus sancti perceptum, usque ad sanguinem fortiter certaverunt pro Christo.

Ad tertium dicendum, quod, sicut Chrysostomus dicit in homil. de Machabæis (inter princ. & med.) *in mundanis agonibus ætatis, ac formæ, generisque dignitas requiritur: & iugo iertis, ac mulieribus, & senibus, ac pueris ad eos aditus dængatur.* In cælestibus autem omni persone, & ætati, ac sexui indifferenter facultas studium patet. Et in hom. de militiæ spirituali (vult. fi.) dicit: *Ardua Deum semineus etiam militat sexus. Multæ namque femine animo virili spirituales militiam gesserunt: quædam enim interitis hominis virtute viros æquaverunt in agonibus Martyrum; quædam etiam fortiores viros existerunt.* Et ideo etiam mulieribus hoc sacramentum conferendum est.

Ad quartum dicendum, quod, sicut dictum est (in corp.) anima, ad quam pertinet spiritualis ætas, immortalis est. Et ideo etiam mortuus hoc sacramentum dandum est, ut in resurrectione perfecti appareant, secundum illud Ephes. xv. 12. *Donc occurramus omnes in virum perfectum, in mensuram ætatis plenitudinis*

*Christi.* Et ideo Hugo de S. Viâ. dicit (Lib. II. de sacram. p. vii. cap. iiii.) *Omnino periculosum esset, si ab hac vita sine confirmatione migrare cingeretur: non quia damnaletur, nisi forte propter contemptum; sed quia detrimentum perfectionis pateretur.* Unde etiam pueri confirmati decedentes maiorem gloriam consequuntur, sicut & hic maiorem obtinent gratiam. Auctoritas autem illa intelligitur quantum ad hoc quod morituri non est necessarium hoc sacramentum propter periculum pugne præsentis.

## ARTICULUS IX. 422

*Utrum hoc sacramentum sit conferendum homini in fronte.*

*Inf. art. 11. ad 3. & IV. dist. vii. quasi. 111. art. 3. quæst. 2. & IV. cont. cap. ix. & quol. xi. art. 7. cor. & Rom. 1. lect. 5. fin. & cap. x. lect. 2.*

**A**D nonum sic proceditur. Videtur quod hoc sacramentum non sit conferendum homini in fronte. Hoc enim sacramentum est perfectivum baptismi, ut supra dictum est (quæst. lxxv. art. 4.) Sed sacramentum baptismi confertur homini in toto corpore. Ergo hoc sacramentum non debet conferri solum in fronte.

2. Præterea. Hoc sacramentum datur ad robur spirituale, ut supra dictum est (art. 1. hu. quæst.) Sed spirituale robur maxime consistit in corde. Ergo hoc sacramentum magis debet conferri supra cor quam in fronte.

3. Præterea. Hoc sacramentum datur homini ad hoc quod libere fidem Christi confiteatur. Sed ore fit confessio ad salutem, ut dicitur Rom. x. 10. Ergo hoc sacramentum magis debet conferri circa os quam in fronte.

Sed contra est quod Rabanus dicit in Lib. I. de institutione clericorum (cap. xxx. in princ.) *Signatur baptizatus chrismate in summitate capitis per sacerdotem, per Pontificem vero in fronte.*

Respondetur dicendum, quod, sicut supra dictum est (art. 1. hu. quæst.) in hoc sacramento homo accipit Spiritum sanctum ad robur spiritualis pugne, ut fortiter etiam inter adversarios fidei Christi fidem correatur. Unde convenienter signatur chrismate signo crucis in fronte propter duo.

Primo quidem quia insignitur signo crucis,

cis, sicut miles signo ducis; quod quidem debet esse evidens, & manifestum. Inter omnia autem loca corporis humani maxime frons manifesta est, quæ quasi numquam obtegatur: & ideo linitur confirmatus chrismate in fronte, ut in manifesto demonstret se esse christianum; sicut & Apostoli post acceptum Spiritum sanctum se manifestaverunt, qui prius in cœnaculo latabant. Secundo quia aliquis impeditur a libera confessione nominis Christi propter duo, scilicet propter timorem, & propter verecundiam. Utriusque autem horum signum maxime manifestatur in fronte, propter duo, scilicet propter propinquitatem imaginationis, & propter hoc quod spiritus a corde directe ad frontem ascendunt: unde *verecundati erubescunt, timentes autem pallebant*, ut dicitur in IV. Eth. (cap. ult. cir. princ.) Et ideo in fronte signatur chrismate, ut neque propter timorem, neque propter erubescitiam nomen Christi confiteri prætermittat.

Ad primum ergo dicendum, quod per baptismum regeneramur ad vitam spirituales, quæ ad totum hominem pertinent; sed in confirmatione roboramur ad pugnam, cuius signum ferendum est in fronte, quasi in evidenti loco.

Ad secundum dicendum, quod principium fortitudinis est in corde, sed signum apparet in fronte: unde dicitur Ezechiel. 111. 8. *Ecce dedi .... frontem tuam duriorem frontibus eorum*. Et ideo sacramentum Eucharistiæ, quo homo in seipso confirmatur; pertinet ad cor, secundum illud Psal. 111. 15. *Panis cor hominis confirmet*; sed sacramentum confirmationis requiritur in signum fortitudinis ad alios: & ideo exhibetur in fronte.

Ad tertium dicendum, quod hoc sacramentum datur ad libere confitendum, non autem ad confitendum simpliciter, quia hoc fit etiam in baptismo: & ideo non debet dari in ore, sed in fronte, ubi apparent signa passionum, quibus libera confessio impeditur.

*Utrum ille qui confirmatur, debeat teneri ab alio.*

IV. dist. VII. quæst. 111. art. 3. quæst. 1.

**A**D decimum sic proceditur. Videtur quod ille qui confirmatur, non debeat ab alio teneri ad confirmationem. Hoc enim sacramentum non solum pueris, sed etiam adultis exhibetur. Adultus autem per seipsum stare possunt. Ergo ridiculum est quod ab alio reneantur.

2. Præterea. Ille qui iam est de Ecclesia, liberum habet accessum ad Ecclesiam principem, qui est Episcopus. Sed hoc sacramentum, sicut dictum est (art. 6. hu. quæst.) non exhibetur nisi baptizato, qui iam est membrum Ecclesie. Videtur ergo quod non debeat per alium exhiberi Episcopo ad hoc sacramentum recipiendum.

3. Præterea. Hoc sacramentum datur ad robur spirituale: quod magis viget in viris quam in mulieribus, secundum illud Proverb. ult. 1. *Mulierem fortem quis inveniet?* Ergo ad minus mulier non debet tenere virum ad confirmationem.

Sed contra est quod Innocentius Papa dicit, & habetur in Decret. xxx. quæst. 14. (cap. 111.) *Si quis ex coniugio filium, aut filiam alterius de sacro fonte suscepit, aut ad chrisma tenuerit &c.* Ergo sic requiritur quod aliquis baptizatum de sacro fonte levet; ita debet aliquis ab alio teneri ad sacramentum confirmationis accipiendum.

Respondetur dicendum, quod, sicut dictum est (art. præc.) hoc sacramentum exhibetur homini ad robur pugne spiritualis. Sic autem aliquis de novo natus indiget instructore in his quæ pertinent ad conservationem vitæ, secundum illud Hebr. xii. 9. *Patres quidem carnis nostræ habuimus eruditores, & reverebamur eos*; ita illi qui assumuntur ad pugnam, indigent eruditoribus, a quibus instruantur de his quæ pertinent ad modum certaminis. Et ideo in bellis materialibus constituuntur duces, & centuriones, per quos alii gubernentur.

Et propter hoc etiam ille qui accipit hoc sacramentum, ab alio teneri, quasi per alium in pugna spirituali erudiendus. Similiter etiam quia per hoc sacramentum confertur homini perfectio spiritualis ætatis, sicut dictum est (art. 2. &

5. hu. quæst.) ideo ille qui ad hoc sacramentum accedit, sustentatur, quasi adhuc spiritualiter imbecillus, & puer.

Ad primum ergo dicendum, quod licet ille qui confirmatur, sit adultus corporaliter, nondum tamen est adultus spiritualiter.

Ad secundum dicendum, quod licet baptizatus sit effectus membrum Ecclesiæ, nondum tamen est adscriptus naturæ christiæ: & ideo Episcopo, tanquam duci exercitus, per alium exhibetur iam militiæ christiæ adscriptum: non enim debet alium ad confirmationem tenere qui nondum est confirmatus.

Ad tertium dicendum, quod, sicut dicitur Colois. III. II. in Christo Iesu non est masculus, & femina: & ideo non distinet, utrum masculus, vel femina teneat aliquem in confirmatione.

## ARTICULUS XI. 424

*Utrum solus Episcopus hoc sacramentum conferre possit.*

IV. dist. VII. quæst. 1. art. 1. quæst. 2. & dist. XIII. quæst. 1. art. 1. quæst. 1. & dist. XXV. quæst. 1. art. 1. cor. & II. cont. cap. IX. & quol. X. art. 7.

**A**D undecimum sic proceditur. Videatur quod non solum Episcopus hoc sacramentum conferre possit. Gregorius enim scribens Ianuario Episcopo (in Regist. Lib. III. epist. XLVI. in fi.) dicit: *Pervenit ad nos, quoddam scandalizatorum fuisse, quod presbyteros chrismate tangere eos qui baptizati sunt, prohibuimus. Et nos quidem secundum veterem usum nostræ Ecclesiæ fecimus. Sed si omnino hæc de re aliqui contrariantur, ubi Episcopi desunt, ut presbyteri etiam in fronte baptizatos chrismate tangere debeant, concedimus.* Sed illud quod pertinet ad necessitatem sacramentorum, non est propter vitandum scandalum immutandum. Ergo videtur quod non sit de necessitate huius sacramenti quod ab Episcopo consecratur.

2. Præterea. Sacramentum baptismi videtur maioris efficaciz quam sacramentum confirmationis: quia per baptismum, fit plena remissio peccatorum & quantum ad culpam, & quantum ad penam, quod non fit in hoc sacramento. Sed simplex sacerdos ex suo officio potest tradere sacramentum baptismi, & in necessitate quilibet etiam non ordinatus potest

baptizare. Ergo non est de necessitate huius sacramenti quod ab Episcopo consecratur.

3. Præterea. Summitas capitis, ubi secundum medicos est locus rationis, scilicet particularis, quæ dicitur virtus cogitativa, est nobilior fronte, ubi est locus imaginativæ virtutis. Sed simplex sacerdos potest baptizatos ungere chrismate in vertice. Ergo multo magis potest eos chrismate signare in fronte; quod pertinet ad hoc sacramentum.

Sed contra est quod Eusebius Papa dicit (epist. III. cir. II. & hab. cap. IV. de consecrat. dist. V.) *Manus impositionis sacramentum magna veneratione tenendum est, quod ab aliis perfici non potest nisi a summis Sacerdotibus; nec tempore Apostolorum ab aliis quam ab ipsis Apostolis, legitur, aut scitur peractum esse; nec ab aliis quam qui eorum locum tenent, unquam perfici potest, aut fieri debet: nam si aliter præsumptum fuerit, irritum habeatur, & vacuum; nec inter ecclesiastica unquam reputabitur sacramenta.* Est igitur de necessitate huius sacramenti, quod dicitur sacramentum manus impositionis, quod ab Episcopo tractatur.

Respondetur dicendum, quod in quolibet opere ultima consummatio supremæ arti, aut virtutis reservatur; sicque præparatio materiæ pertinet ad inferiores artífices, superior autem dat formam. Supremus autem est ad quem pertinet usus, qui est finis artíficiarum: unde epistola, quæ a notario scribitur, (a) a domino signatur.

Fideles autem Christi sunt quoddam divinum opus, secundum illud I. Corinth. III. 9. *Dei edificatio illud.* Sunt etiam quasi quedam epistola scriptæ Dei scriptæ, sicut dicitur II. Corinth. III. 3. Hoc autem confirmationis sacramentum est quasi ultima consummatio sacramenti baptismi; ita scilicet quod per baptismum adificatur homo in domum spirituale, & consecratur quasi quedam spiritualis epistola; sed per sacramentum confirmationis, quasi domus adificata, dedicatur in templum Spiritus sancti, & quasi epistola consecrata signatur signo crucis. Et ideo collatio huius sacramenti Episcopis reservatur, qui obtinent summam potestatem in Ecclesiâ; sicut & in primitiva Ecclesiâ per impositionem manus Apostolorum, quorum vicem gerunt Episcopi, plenitudo Spiritus sancti dabatur, ut habetur Act. VIII. Unde Urbanus I. Pa-

pa

(a) Ita cum vulg. Nicolai. vel, a domiq. P. 22.

pa dicitur (in epist. ad omnes fidel. cir. fi. & hab. cap. 1. de consecrat. dist. v.) *Omnino fideles per manus impositionem Episcoporum, Spiritum sanctum post baptismum accipere debent, ut pleni Christiani inventantur.*

Ad primum ergo dicendum, quod Papa in Ecclesia habet plenitudinem potestatis, ex qua potest quadam quæ sunt superiorum ordinum, committere quibusdam inferioribus; sicut quibusdam presbyteris concedit conferre minores ordines, quod pertinet ad potestatem episcopalem. Et ex hac plenitudine potestatis concessit B. Gregorius Papa, quod simplices sacerdotes hoc sacramentum conferrent, quamdiu scandalum tolleretur.

Ad secundum dicendum, quod sacramentum baptismi est efficacius quam hoc sacramentum, quantum ad remotionem mali, eo quod est spiritualis generatio, quæ est mutatio de non esse in esse. Hoc autem sacramentum est efficacius ad proficiendum in bono, quia est quoddam spirituale augmentum de esse imperfecto ad esse perfectum. Et ideo hoc sacramentum digniori ministro committitur.

Ad tertium dicendum, quod, sicut Rabanus dicit in Lib. 1. de institutione clericorum (cap. xxx.) *figuntur baptizati christum in summitate capitis per sacerdotem, per Pontificem vero in fronte; ut in priori unctione super ipsum significetur Spiritus sancti descensus ad habitationem Dei consecrandam; in secunda quoque, ut eiusdem Spiritus sancti sentisformis gratia, cum omni plenitudine sanctitatis, & scientiæ, & virtutis, venire in hominem declaratur.* Non ergo propter diuiniorem partem, sed propter potius effectum, hæc unctio Episcopis reservatur.

## ARTICULUS XII. 425

*Utrum ritus huius sacramenti sit  
conueniens.*

*IV. dist. vii. quæst. iiii. art. 3. quæst. 2. ad  
3. & in expost. lit.*

**A**D duodecimum sic proceditur. Videtur quod ritus huius sacramenti non sit conueniens. Sacramentum enim baptismi est maioris necessitatis quam hoc sacramentum, ut supra dictum est (quæst. lxx. art. 4.) Sed baptismo deputantur certa tempora, scilicet Pascha, & Pentecoste. Ergo etiam huic sacramento ali-

quod certum tempus debet præfigi.

2. Præterea. Sicut hoc sacramentum requirit devotionem & dantis, & recipientis, ita etiam & sacramentum baptismi. Sed in sacramento baptismi non requiritur quod a ieiunio sumatur, vel conleatur. Ergo videtur inconuenienter statutum in Concilio Aureliensi (ut cit. art. 7. hu. quæst. ad 2.) *ut ieiunium ad confirmationem veniant;* & in Concilio Meldensi (ut hab. cap. vii. de consecr. dist. v.) *ut Episcopi non nisi ieiunium per impositionem manuum Spiritum sanctum irradant.*

3. Præterea. Christus est quoddam signum plenitudinis Spiritus sancti, ut supra dictum est (art. 2. hu. quæst.) Sed plenitudo Spiritus sancti data est fidelibus Christi in die Pentecostes, ut habetur Act. ii. Magis ergo debet christum conliti, & benedici in festo Pentecostes quam in cæna Domini.

Sed contra est usus Ecclesiæ, quæ a Spiritu sancto gubernatur.

Respondeo dicendum, quod Dominus Math. xviii. 20. fidelibus suis promissit, dicens: *Ubi fuerint duo, vel tres congregati in nomine meo, ibi sum in medio eorum.* Et ideo firmiter tenendum est quod ordinationes Ecclesiæ dirigantur secundum sapientiam Christi. Et propter hoc certum esse debet, ritus quos Ecclesia obliuat in hoc, & in aliis sacramentis, esse conuenientes.

Ad primum ergo dicendum, quod, sicut Melchirades Papa dicit (in sua epist. ante med. & hab. cap. De his, de consecr. dist. v.) *ita coniuncta sunt hæc duo sacramenta, scilicet baptismi, & confirmationis, ut ab invicem, nisi morte interveniente, nullatenus possint segregari, & unum sine altero rite perfectum non possit.* Et ideo eadem tempora sunt præfixa baptismi solemniter celebrando, & huic sacramento. Sed quia hoc sacramentum a solis Episcopis datur, qui non sunt semper præsentibus, ubi presbyteri baptizant, oportuit, quantum ad communem usum, sacramentum confirmationis etiam in alia tempora differri.

Ad secundum dicendum, quod ab illa prohibitionem excipiuntur infirmi, & morte periclitantes, sicut in statuto Meldensi Concilii legitur. Et ideo propter multitudinem fidelium, & propter periculum imminentiæ sustinetur ut hoc sacramentum, quod non nisi ab Episcopis dari potest, etiam a non ieiunis detur, vel accipiat: quia unus Episcopus, præcipue in magna diocesi, non sufficeret ad tot homi-

homines confirmandos, si eis tempus ar-  
taretur. Ubi tamen congrue observari  
potest, convenientius est ut a ieiuniis de-  
tur, & accipitur.

Ad tertium dicendum, quod, sicut ex  
Concilio Martini Papæ ( hab. inter cap.  
Martini Episcop. Bracarenis cap. 11. &  
cap. cxxix. de consecrat. dist. 1v.) habe-  
tur, omni tempore licebat chrisma con-  
ficere; sed quia sollemnis baptismus, ad  
quem requiritur usus chrismatis, in vigi-  
lia Paschæ celebratur, congrue ordina-  
tum est ut per bidden ante ab Episcopo  
chrisma benedicatur, ut possit per dioe-  
cesim destinari. Dies etiam ille satis con-  
gruit ad materias sacramentorum bene-  
dicendas, in quo fuit Eucharistiæ sacra-  
mentum institutum, ad quod omnia alia  
sacramenta quodammodo ordinantur,  
sicut supra dictum est (quæst. lxxv. art. 3.)

### QUAESTIO LXXIII.

*De sacramento Eucharistiæ,  
secundum se,*

*in sex articulos divisa.*

**C**onsequenter considerandum est de  
sacramento Eucharistiæ: & primo  
de ipso sacramento; secundo de mate-  
ria; tertio de forma; quarto de effe-  
ctibus; quinto de recipientibus hoc sacra-  
mentum; sexto de ministro; septimo de  
ritu.

Circa primum quaeruntur sex.

Primo, utrum Eucharistia sit sacra-  
mentum.

Secundo, utrum sit unum, vel plu-  
ra.

Tertio, utrum sit de necessitate sa-  
laris.

Quarto de nominibus eius.

Quinto de institutione ipsius.

Sexto de figuris eius.

### ARTICULUS I. 426

*Utrum Eucharistia sit sacramentum.*

*Inf. art. 4. & quæst. lxxix. art. 5. & 7.*

*& IV. dist. viii. quæst. 1. art.*

*1. quæst. 1.*

**A**D primum sic proceditur. Videtur  
quod Eucharistia non sit sacra-  
mentum. Ad idem enim non debent ordina-  
ri duo sacramenta: quia unumquodque  
sacramentum efficax est ad suum effectum

producendum. Cum ergo ad perfectiorem  
ordinetur & confirmatio, & Eucharistia,  
ut dicit Dionysius iv. eccles. Hierarch.  
(cir. princ. & cap. 11. cir. med.) vide-  
tur Eucharistia non esse sacramentum,  
cum confirmatio sit sacramentum, ut  
prius habitum est (quæst. præc. art. 1. &  
quæst. lxxv. art. 1.)

2. Præterea. In quolibet sacramento  
novæ legis id quod visibiliter subiicitur  
sensui, efficit invisibilem effectum sacra-  
menti; sicut ablutio aquæ causat & cha-  
racterem baptismalem, & abluionem spi-  
ritualem, sicut supra dictum est (quæst.  
lxxix. art. 6. & quæst. lxxv. art. 1.) Sed  
species panis, & vini, quæ subiiciuntur  
sensui in hoc sacramento, non efficiunt ne-  
que ipsum corpus Christi verum, quod  
est res, & sacramentum, neque corpus  
mythicum, quod est res tantum in Eu-  
charistia. Ergo videtur quod Eucharistia  
non sit sacramentum novæ legis.

3. Præterea. Sacramenta novæ legis  
habentia materiam, in usu materiæ peri-  
citantur; sicut baptismus in ablutione,  
& confirmatio in chrismatis consignatio-  
ne. Si ergo Eucharistia sit sacra-  
mentum, periceretur in usu materiæ, non  
in consecratione ipsius materiæ: quod  
patet esse falsum: quia forma huius sa-  
cramenti sunt verba quæ in consecra-  
tione materiæ dicuntur, ut infra patebit  
(quæst. lxxviii. art. 1.) Ergo Eucharistia  
non est sacramentum.

Sed contra est quod in collecta dicitur:  
*Hoc tuum sacramentum non sit nobis reatu-  
sus ad poenam.*

Respondetur dicendum, quod sacra-  
menta Ecclesiæ ordinantur ad subveniendum  
homini in vita spirituali. Vita autem spi-  
ritualis vitæ corporali conformatur, eo  
quod corporalia spiritualium similitudinem  
gerunt.

Manifestum est autem quod sicut ad vi-  
tam corporalem requiritur generatio, per  
quam homo vitam accipit, & augmen-  
tum, quo homo perducitur ad perfectio-  
nem vitæ; ita etiam requiritur alimen-  
tum, quo homo conservatur in vita. Et  
ideo sicut ad vitam spiritualem oportuit  
esse baptismum, qui est spiritualis gene-  
ratio, & confirmationem, quæ est spi-  
rituale augmentum; ita oportuit esse sa-  
cramentum Eucharistiæ, quod est spi-  
rituale alimentum.

Ad primum ergo dicendum, quod du-  
plex est perfectio. Una quæ est in ipso  
homine, ad quam perducitur per aug-  
mentum: & talis perfectio competit con-  
fir-

firmationi. Alia autem est perfectio quam homo consequitur ex adiunctione alicuius extrinseci hominem conservantis, puta ex adiunctione cibi, vel indumenti, vel alicuius huiusmodi: & talis perfectio competit Eucharistiae, quae est spiritualis perfectio.

Ad secundum dicendum, quod aqua baptismi non causat aliquem spirituales effectum propter ipsam aquam, sed propter virtutem Spiritus sancti in aqua existentem. Unde Chrysostomus dicit super illud Ioan. v. *Angius Domini secundum tempus &c.* (hom. xxxv. in Ioan. inter princ. & med.) „In baptizatis non simpliciter aqua operatur, sed cum Spiritus sancti susceperint gratiam, tunc omnia solvit peccata.“ Sicut autem se habet virtus Spiritus sancti ad aquam baptismi, ita se habet corpus Christi verum ad species panis, & vini: unde species panis, & vini non efficiunt aliquid nisi virtute corporis Christi veri.

Ad tertium dicendum, quod sacramentum dicitur ex eo quod continet aliquid sacrum. Potest autem aliquid esse sacrum dupliciter, scilicet absolute, & in ordine ad aliud. Haec autem est differentia inter Eucharistiam & alia sacramenta habentia materiam sensibilem, quod Eucharistia continet aliquid sacrum absolute, scilicet ipsum Christum; aqua vero baptismi continet aliquid sacrum in ordine ad aliud, scilicet virtutem ad sanctificandum: & eadem ratio est de chrismate, & similibus. Et ideo sacramentum Eucharistiae perficitur in ipsa consecratione materiae; alia vero sacramenta perficiuntur in applicatione materiae ad hominem sanctificandum: & ex hoc etiam consequitur alia differentia: nam in sacramento Eucharistiae id quod est res, & sacramentum, est in ipsa materia; id autem quod est res tantum, est in suscipiente, scilicet gratia, quae confertur; in baptismo autem utrumque est in suscipiente, scilicet & character, qui est res, & sacramentum, & gratia remissionis peccatorum, quae est res tantum. Et eadem ratio est de aliis sacramentis.

## ARTICULUS II. 427

*Utum hoc sacramentum sit unum, vel plura.*

*Inf. quæst. lxxviii. art. 6. ad 2. & IV. dist. viii. quæst. 1. art. 1. quæst. 2.*

**A**D secundum sic proceditur. Videtur quod Eucharistia non sit unum sacramentum, sed plura. Dicitur enim in collecta: *Purificent nos, Domine, sacramenta quæ sumemus*: quod quidem dicitur propter Eucharistiae susceptionem. Ergo Eucharistia non est unum sacramentum, sed plura.

2. Præterea. Impossibile est, multiplicato genere, non multiplicari speciem; sicut quod unus homo sit plura animalia. Sed signum est genus sacramenti, ut supra dictum est (quæst. lx. art. 1.) Cum igitur in Eucharistia sint plura signa, scilicet panis, & vinum, videtur consequens esse quod sint plura sacramenta.

3. Præterea. Hoc sacramentum perficitur in consecratione materiae, sicut dictum est (art. præc. ad 3.) Sed in hoc sacramento est duplex materiae consecratio. Ergo est duplex sacramentum.

Sed contra est quod Apostolus dicit I. Corinth. x. 17. *Unus panis, & unum corpus multi sumus omnes, qui de uno pane, & de uno calice participamus*: ex quo patet quod Eucharistia est sacramentum ecclesiasticæ unitatis. Sed sacramentum similitudinem gerit rei cuius est sacramentum. Ergo Eucharistia est unum sacramentum.

Respondeo dicendum, quod, sicut dicitur V. Metaph. (tex. 9. & seq.) unum dicitur, non solum indivisibile, quod est continuum, sed etiam quod est perfectum; sicut dicitur una domus, & unus homo. Est autem unum perfectione, ad cuius integritatem concurrunt omnia quæ requiruntur ad finem eiusdem; sicut homo integratur ex omnibus membris necessariis ad operationem animæ, & domus integratur ex omnibus partibus quæ sunt necessariae ad inhabitandum. Et sic hoc sacramentum dicitur unum: ordinatur enim ad spirituales refectionem, quæ corporali conformatur.

Ad corporalem autem refectionem duo requiruntur, scilicet cibus, qui est alimentum siccum, & potus, qui est alimentum humidum. Et ideo etiam ad in-

te-

tegritatem huius sacramenti duo concurrunt, scilicet spiritualis cibus, & spiritualis potus, secundum illud Ioan. vi. 56. *Caro mea vero est cibus, & sanguis meus vere est potus*. Ergo hoc sacramentum multa quidem est materialiter, sed unum formaliter, & perfective.

Ad primum ergo dicendum, quod in eadem collecta & pluraliter dicitur primo: *Purificent nos sacramenta quae sumimus*; & postea singulariter subditur: *Hoc tuum sacramentum non fit nobis reatum ad penam*, ad ostendendum quod hoc sacramentum quodam modo est multa, simpliciter autem unum.

Ad secundum dicendum, quod panis, & vinum materialiter quidem sunt plura signa, formaliter vero, & perfective unum, inquantum ex eis percipitur una relatio.

Ad tertium dicendum, quod ex hoc quod est duplex consecratio materiae huius sacramenti, non potest plus haberi nisi quod hoc sacramentum materialiter est multa, ut dictum est (in corp.)

### ARTICULUS III. 423

*Utrum Eucharistia sit de necessitate salutis.*

*In. quæst. lxxx. art. II. & IV. dist. 17. art. 1. quæst. 2. & dist. XII. quæst. 111. art. 2. quæst. 1. & Ioan. VI. lect. 7.*

**A**D tertium sic proceditur. Videtur quod hoc sacramentum sit de necessitate salutis. Dicit enim Dominus Ioan. vi. 54. *Nisi manducaveritis carnem filii hominis, & biberitis eius sanguinem, non habebitis vitam in vobis*. Sed in hoc sacramento manducatur caro Christi, & bibitur sanguis eius. Ergo sine hoc sacramento non potest homo habere salutem spirituales vitae.

2. Præterea. Hoc sacramentum est quoddam spirituale alimentum. Sed alimentum corporale est de necessitate corporalis salutis. Ergo etiam hoc sacramentum est de necessitate spiritualis salutis.

3. Præterea. Sicut baptismus est sacramentum dominicæ passionis, sine quo non est salus; ita & Eucharistia: dicit enim Apostolus I. Corinth. xi. 26. *Quotiescumque manducabitis panem hunc, & calicem bibetis, mortem Domini annuntiabitis, donec veniat*. Ergo sicut baptismus est de necessitate salutis, ita etiam hoc sacramentum.

Sed contra est quod Augustinus scribit Bonifacio contra Pelagianos (Lib. I. contr. duas epist. Pelag. cap. xxii.) *Nec illud cegitatis, parvulos vitam habere non posse, qui sunt expertes corporis, & sanguinis Christi*.

Respondetur dicendum, quod in hoc sacramento duo est considerare, scilicet ipsum sacramentum, & rem sacramenti.

Dictum est autem (art. præc.) quod res huius sacramenti est unitas corporis mystici, sine qua non potest esse salus: nulli enim patet aditus salutis extra Ecclesiam, sicut nec in diluvio absque arca Noe, quæ significat Ecclesiam, ut habetur I. Petr. iii. Dictum est autem supra (quæst. lxxviii. art. 2.) quod res aliquius sacramenti haberi potest ante perceptionem sacramenti ex ipso voto sacramenti percipiendi. Unde ante perceptionem huius sacramenti potest homo habere salutem ex voto percipiendi hoc sacramentum, sicut & ante baptismum ex voto baptismi, ut supra dictum est (quæst. lxxviii. art. 2.) Est tamen differentia quantum ad duo. Primo quidem quia baptismus est principium spiritualis vitæ, & initium sacramentorum; Eucharistia vero est quasi consummatio spiritualis vitæ, & omnium sacramentorum finis, ut supra dictum est (quæst. lxxv. art. 3.) per sanctificationes enim omnium sacramentorum fit preparatio ad suscipiendam, vel consecrandam Eucharistiam. Et ideo perceptio baptismi est necessaria ad inchoandam spirituales vitam; perceptio autem Eucharistie est necessaria ad consummandam ipsam, non ad hoc quod simpliciter habeatur, sed sufficit eam habere in voto, sicut & finis habetur in desiderio, & intentione. Alia differentia est, quia per baptismum ordinatur homo ad Eucharistiam: & ideo ex hoc ipso quod pueri baptizantur, ordinantur per Ecclesiam ad Eucharistiam; & sicut ex hinc Ecclesie credunt, sic ex intentione Ecclesie desiderant Eucharistiam, & per consequens recipiunt rem ipsam. Sed ad baptismum non ordinantur per aliud præcedens sacramentum: & ideo ante susceptionem baptismi non habent pueri aliquo modo baptismum in voto, sed soli adulti: unde rem sacramenti non possunt percipere sine perceptione sacramenti. Et ideo hoc sacramentum non hoc modo est de necessitate salutis, sicut baptismus.

Ad primum ergo dicendum, quod, sicut Augustinus dicit (tract. xxvi. in Ioan.

Ioan. inter med. & fin.) exponens illud verbum Ioan. *Hunc cibum, & potum*, scilicet carnis, & sanguinis, „societas, tem vult intelligi corporis, & membrorum suorum, quod est Ecclesia in praedestinatis, & vocatis, & iustificatis, & glorificatis sanctis, & fidelibus eius.“ Unde, sicut ipse dicit in epist. ad Bonifacium, ( id hab. Bed. super illud 1. Corinth. x. *Calix benedictionis &c.* Vide cap. cxxx. de consecrat. dist. iv. ) *nulli est aliquatenus ambigendum, tunc unumquemque fidelium corporis, sanguinisque Domini participem fieri, quando in baptismo membrum corporis Christi efficitur; nec alienari ab illius panis, calicisque consortio, etiamsi antequam panem illum comedit, & calicem bibat, de hoc saeculo in unitate corporis Christi constitutus abscedat.*

Ad secundum dicendum, quod haec est differentia inter alimentum corporale, & spirituale, quod alimentum corporale convertitur in substantiam eius qui nutritur; & ideo non potest homini valere ad vitae conservationem alimentum corporale, nisi realiter sumatur: sed alimentum spirituale convertit hominem in seipsum, secundum illud quod Augustinus dicit in Lib. VII. Confess. ( cap. x. a med. ) quod quasi audivit vocem Christi dicentis sibi: *Nec tu me mutabis in te, sicut cibum carnis tuae, sed tu mutaberis in me.* Potest autem aliquis in Christum mutari, & ei incorporari votomentis, etiam sine luitus sacramenti perceptione. Et ideo non est simile.

Ad tertium dicendum, quod baptizmus est sacramentum mortis, & passionis Christi prout homo regeneratur in Christo virtute passionis eius; sed Eucharistia est sacramentum passionis Christi, prout homo pernicitur in unione ad Christum passum. Unde sicut baptizmus dicitur sacramentum fidei, quae est fundamentum spiritualis vitae; ita Eucharistia dicitur sacramentum caritatis, quae est vinculum perfectionis, ut dicitur Coloss. 111. 14..

# ARTICULUS IV. 429

*Utrum convenienter hoc sacramentum pluribus nominibus nominetur.*

*Inf. quæst. lxxix. art. 2. ad 1. & IV. dist. viii. quæst. 1. art. 1. quæst. 3.*

**A**D quartum sic proceditur. Videtur quod inconvenienter hoc sacramentum pluribus nominibus nominetur. Nomina enim debent respondere rebus. Sed hoc sacramentum est unum, ut dictum est ( art. 2. hu. quæst. ) Ergo non debet pluribus nominibus nominari.

2. Præterea. Species non notificatur convenienter per id quod est commune toti generi. Sed Eucharistia est sacramentum novæ legis: omnibus autem sacramentis commune est quod in eis confertur gratia, quod significat nomen *Eucharistia*, quod est idem quod *bona gratia*: omnia etiam sacramenta remedium nobis afferunt in via præsentis vitæ; quod pertinet ad rationem *Vitæ*: in omnibus etiam sacramentis fit aliquid sacrum; quod pertinet ad rationem *Sacrificii*: & per omnia sacramenta sibi invicem communicant fideles; quod significat hoc nomen *communio* in Græco, vel *Communio* in Latino. Ergo hæc nomina non convenienter adaptantur huic sacramento.

3. Præterea. Hostia videtur esse idem quod sacrificium. Sicut ergo non proprie dicitur sacrificium, ita nec proprie dicitur *Hostia*.

Sed contra est quod usus fidelium habet.

Respondendo dicendum, quod hoc sacramentum habet triplicem significationem. Unam quidem respectu præteriti, inquantum scilicet est commemorativum dominicæ passionis, quæ fuit verum sacrificium, ut supra dictum est ( quæst. xlviii. art. 2. ) & secundum hoc nominatur *Sacrificium*. Aliam autem significationem habet respectu rei præsentis, scilicet ecclesiasticæ unitatis, cui homines aggregantur per hoc sacramentum: & secundum hoc nominatur *Communio*, vel *communio*. Dicit enim Damascenus IV. Lib. ( orth. Fid. cap. xiv. ad fin. ) quod dicitur *Communio*, quia communicamus per ipsam Christo, & quia participamus eius carne, & Divinitate, & quia communicamus, & unimur ad invicem per ipsam. Tertiam significationem habet respectu



specu futuri, inquantum scilicet hoc sacramentum est praefigurativum fruitionis Dei, quae erit in patria : & secundum hoc dicitur *Viticum*, quia hic praebet nobis viam illuc perveniendi : & secundum hoc etiam dicitur *Eucharistia*, id est *bona gratia*, quia *gratia Dei vita aeterna*, ut dicitur Rom. vi. 23. vel quia realiter continet Christum, qui est plenus gratia. Dicitur etiam in Græco *παράκλησις*, id est *Assumptio* : quia, ut Damascenus dicit (loc. sup. cit.), *per hoc Filii Dei sem assumimus*.

Ad primum ergo dicendum, quod nihil prohibet, idem pluribus nominibus nominari, secundum diversas proprietates, vel effectus.

Ad secundum dicendum, quod id quod est commune omnibus sacramentis, attribuitur antonomastice huic propter eius excellentiam.

Ad tertium dicendum, quod hoc sacramentum dicitur *Sacrificium*, inquantum repræsentat ipsam passionem Christi; dicitur autem *Hostia*, inquantum continet ipsum Christum, qui est hostia salutaris, ut dicitur Ephes. v.

#### ARTICULUS V. 430

*Utrum institutio huius sacramenti fuerit conveniens.*

*Inf. quest. lxxiv. art. 4. co. & ad 1. & quest. lxxx. art. 8. ad 1. & IV. dist. viii. quest. 1. art. 3. & I. Cor. xi. lect. 4. & lect. 5.*

**A**D quintum sic proceditur. Videtur quod non fuerit conveniens institutio huius sacramenti. Ut enim Philosophus dicit in II. de gener. (tex. 50.) *ex eisdem nutritur ex quibus sumus*. Sed per baptismum, qui est spiritualis resecratio, accipimus esse spirituale, ut Dionysius dicit 11. cap. eccles. Hierarch. (parum a princ.) Ergo per baptismum etiam nutritur. Non ergo fuit necessarium instituere hoc sacramentum quasi spirituale nutrimentum.

2. Præterea. Per hoc sacramentum homines Christo iniungunt sicut membra capiti. Sed Christus est caput omnium hominum, etiam qui fuerunt ab initio mundi, ut supra dictum est (quest. viii.) Ergo non debuit institutio huius sacramenti differri usque ad carnem Domini.

3. Præterea. Hoc sacramentum dici-

tur memoriale dominicæ passionis, secundum illud Lucæ xxii. 19. *Hoc facite in meam commemorationem*. Sed memoria est præteritorum. Ergo hoc sacramentum non debuit institui ante Christi passionem.

4. Præterea: Per baptismum aliquis ordinatur ad Eucharistiam, quæ non nisi baptizatis dari debet. Sed baptismus institutus fuit post Christi passionem, & resurrectionem, ut patet Matth. ult. Ergo inconvenienter hoc sacramentum fuit ante passionem Christi institutum.

Sed contra est quod hoc sacramentum est institutum a Christo, de quo dicitur Marci vii. 37. *Bene omnia fecit*.

Respondeo dicendum, quod convenienter hoc sacramentum institutum fuit in cæna, in qua scilicet Christus ultimo cum suis discipulis fuit conversatus.

Primo quidem ratione continentie huius sacramenti: continetur enim ipse Christus in Eucharistia sicut in sacramento. Et ideo quando ipse Christus in propria specie a discipulis dicebatur, in sacramentali specie seipsum eis reliquit; sicut in absentia Imperatoris exhibetur veneranda eius imago. Unde Eusebius Emisenus dicit (hom. v. in Pascha, quæ incipit, *Magnitudo celestium &c.* parum a princ.) *Quia corpus assumptum ablatus erat ab oculis, & illatus fidei, necesse erat ut die carne sacramentum corporis, & sanguinis sui consecraret nobis, ut coheretur ingiter per mysterium quod semel offerebatur in pretium*. Secundo quia sine huius passionis Christi nunquam potuit esse salus, secundum illud Rom. iii. 25.

*Quem proposuit Deus propitiorem per fidem in sanguine ipsius*. Et ideo oportuit omni tempore apud homines esse aliquid representativum dominicæ passionis: cuius in veteri quidem Testamento præcipuum sacramentum erat agnus paschalis. Unde & Apostolus dicit I. Corinth. v. 7. *Pascha nostrum immolatus est Christus*. Successit autem ei in novo Testamento Eucharistia sacramentum, quod est rememorativum præteritæ passionis, sicut & illud fuit præfigurativum futuræ. Et ideo conveniens fuit ut imminente passione, celebrato priori sacramento, novum sacramentum institueret. Unde Leo Papa dicit (serm. vii. de pas. Dom. cap. 1. in fin.) quod *ut umbra cederet corpori, antiqua observantia novo excluditur sacramento; hostia in hostiam transiit; sanguine sanguis auferitur; & legalis festivitas, dum mutatur, impletur*. Tercio quia ea quæ ultimo dicuntur

tur, maxime ab amicis recedentibus, magis memoriz commendantur, præsertim quia tunc magis inflammatur affectus ad amicos: ea vero ad quæ magis afficimur, profundius animo imprimuntur. Quia igitur, ut beatus Alexander I. Papa dicit (epist. 1. ad omnes orth. cap. IV.) *nihil in sacrificiis maius esse potest quam corpus, & sanguis Christi, nec ulla oblatio hoc potior est*; ideo ut in maiori veneratione haberetur, Dominus in ultimo discessu suo a discipulis hoc sacramentum instituit. Et hoc est quod Augustinus dicit in Libro responsum ad Ianuarium (epist. lrv. al. cxviii. cap. vi. a med.) *Salvator quo vehementius commendaret mysterii huius altitudinem, ultimum hoc voluit ardens infingere cordibus, & memorie discipulorum, a quibus ad passionem digressurus erat.*

Ad primum ergo dicendum, quod eisdem nutrimur ex quibus sumus, non tamen eodem modo nobis advenientibus: nam ea ex quibus sumus, nobis adveniunt per generationem; eadem autem, in quantum ex eis nutrimur, nobis adveniunt per manducationem. Unde sicut per baptismum regeneramur in Christo, ita per Eucharistiam manducamus Christum.

Ad secundum dicendum, quod Eucharistia est sacramentum perfectum dominicæ passionis, tamquam continens ipsum Christum passum: & ideo non potuit institui ante incarnationem; sed tunc habebant locum sacramenta quæ erant tantum præfigurativa dominicæ passionis.

Ad tertium dicendum, quod sacramentum istud fuit institutum in cœna, ut in futurum esset memoriale dominicæ passionis, ea perfecta. Unde signanter dicit, *Hæc quotiescumque feceritis*, de futuro loquens.

Ad quartum dicendum, quod institutio respondet ordini intentionis. Sacramentum autem Eucharistiæ, quamvis sit posterius baptismo in perceptione, est tamen prius in intentione: & ideo debuit prius institui.

Vel potest dici, quod baptismus iam erat aliquoties institutus in ipso Christi baptismo: unde & iam aliqui ipso Christi baptismo erant baptizati, ut legitur Ioan.

## ARTICULUS VI. 431

*Utrum agnus paschalis fuerit præcipua figura huius sacramenti.*

*Inf. quæst. lxxx. art. 10. ad 2. & IV. dist. viii. quæst. 1. art. 2. & dist. xii. quæst. iiii. art. 1. quæst. 3. ad 1.*

**A**D sextum sic proceditur. Videtur quod agnus paschalis non fuerit præcipua figura huius sacramenti. Christus enim dicitur (Plal. cix. 4.) *sacerdos secundum ordinem Melchisedech*, propter hoc quod Melchisedech gessit figuram sacrificii Christi, offerens panem, & vinum. Sed expressio similitudinis facit quod unum ab alio denominetur. Ergo videtur quod oblatio Melchisedech fuerit potissima figura huius sacramenti.

2. Præterea. Transitus maris rubri fuit figura baptismi, secundum illud I. Cor. x. 2. *Omnes baptizati sunt in nube, & in mari*. Sed immolatio agni paschalis præcessit transitum maris rubri, quem subsecutum est manna, sicut Eucharistia sequitur baptismum. Ergo manna est expressior figura huius sacramenti quam agnus paschalis.

3. Præterea. Potissima virtus huius sacramenti est quod introducit nos in regnum cælorum, sicut quoddam viaticum. Sed hoc maxime præfiguratum fuit in sacramento expiationis, quando Pontifex intrabat semel in anno cum sanguine in sancta sanctorum, sicut Apostolus probat Hebr. ix. Ergo videtur quod illud sacrificium fuit expressior figura huius sacramenti quam agnus paschalis.

Sed contra est quod Apostolus dicit I. Corinth. v. 7. *Pascha nostrum immolatus est Christus: itaque epulemur in azymis sinceritatis, & veritatis*.

Respondetur dicendum, quod in hoc sacramento tria considerare possumus; scilicet id quod est sacramentum tantum, quod est panis & vinum; & id quod est res, & sacramentum, scilicet corpus Christi verum; & quod est res tantum, scilicet effectus huius sacramenti.

Quantum igitur ad id quod est sacramentum tantum, potissima figura fuit huius sacramenti oblatio Melchisedech, qui obtulit panem, & vinum. Quantum autem ad ipsum Christum passum, qui continetur in hoc sacramento, figure eius fuerunt omnia sacrificia veteris Testamenti, præcipue sacrificium expiationis, quod

quod erat solemnissimum. Quantum autem ad effectum, sunt præcipua eius figura manna, quod *babebat in se omnis saporis suavitatem*, ut dicitur Sap. xvi. 20. licet & gratia huius sacramenti quantum ad omnia reficit mentem.

Sed agnus paschalis quantum ad hæc tria præfigurabat hoc sacramentum. Quantum enim ad primum, quia manducabatur cum panibus azymis, secundum illud Exodi xii. 8. *Edent carnes . . . & azymos panes*. Quantum vero ad secundum, quia immolabatur ab omni multitudine filiorum Israel quartadecima Luna; quod fuit figura passionis Christi, qui propter innocentiam dicitur agnus. Quantum vero ad effectum, quia per sanguinem agni paschalis protecti sunt filii Israel a devastante Angelo, & educti de Aegyptiaca servitute: & quantum ad hoc ponitur præcipua figura huius sacramenti agnus paschalis, quia secundum omnia ipsum representat.

Et per hoc patet responsio ad obiecta.

## QUAESTIO LXXIV.

*De materia Eucharistiae quantum ad speciem.*

*in octo articulos divisa.*

**D**Einde considerandum est de materia huius sacramenti: & primo de specie materiae; secundo de conversione panis, & vini in corpus Christi; tertio de modo existendi corpus Christi in hoc sacramento; quarto de accidentibus panis, & vini, quæ in hoc sacramento remanent.

Circa primum quaeruntur octo.

Primo, utrum panis, & vinum sint materia huius sacramenti.

Secundo, utrum ad materiam huius sacramenti requiratur determinata quantitas.

Tertio, utrum materia huius sacramenti sit panis triticus.

Quarto, utrum sit panis azymus, vel fermentatus.

Quinto, utrum materia huius sacramenti sit vinum de vite.

Sexto, utrum sit admiscenda aqua.

Septimo, utrum aqua sit de necessitate huius sacramenti.

Octavo de quantitate aquæ quæ apponitur.

## ARTICULUS I. 432

*Utrum materia huius sacramenti sit panis, & vinum.*

*IV. dist. xi. quest. 11. art. 1. quest. 1. & 2. & IV. cont. cap. lxi. & lxxviii. & 1. Cor. xi. lect. 5.*

**A**D primum sic proceditur. Videtur quod materia huius sacramenti non sit panis, & vinum. Hoc enim sacramentum perfectius debet representare passionem Christi quam sacramenta veteris legis. Sed carnes animalium, quæ erant materiae sacramentorum veteris legis, expressius representant passionem Christi quam panis, & vinum. Ergo materia huius sacramenti magis debet esse carnes animalium quam panis, & vinum.

1. Præterea. Hoc sacramentum est ubique celebrandum. Sed in multis terris non invenitur panis triticus, & in aliquibus non invenitur vinum. Ergo panis, & vinum non sunt conveniens materia huius sacramenti.

3. Præterea. Hoc sacramentum competit sanis, & infirmis. Sed vinum nocet quibusdam infirmis. Ergo videtur quod vinum non debet esse materia huius sacramenti.

Sed contra est quod Alexander I. Papa dicit (epist. 1. ad omnes orth. cap. iv.) *In sacramentorum oblationibus panis tantum, & vinum aqua permixtum in sacrificium offerantur.*

Respondendo dicendum, quod circa materiam huius sacramenti aliqui multipliciter erraverunt.

Quidam enim, qui dicuntur Artotyriæ, ut Augustinus dicit in lib. de hæresibus (hæresis xxviii.) offerunt panem, & cateum in hoc sacramento, dicentes, a primis hominibus oblatione fidei fructibus terræ, & ovium fuisse celebratas.

Alii vero, scilicet Cataphrygæ, & Pepuziani, de infantis sanguine, quem de toro eius corpore minutis punctonum vulneribus extorquent, quasi Eucharistiam suam conficere perhibentur, miscentes eum farinæ, panemque inde facientes.

Quidam vero, qui dicuntur Aquarii, aquam solam sub specie sobrietatis in hoc sacramento offerunt.

Omnes autem hi errores, & similes excluduntur.

cluduntur per hoc quod Christus hoc sacramentum sub specie panis, & vini instituit, ut patet Matth. xxvi. Unde panis, & vinum sunt materia conveniens huius sacramenti.

Et hoc rationabiliter. Primo quidem quantum ad usum huius sacramenti, qui est manducatio: sicut enim aqua assumitur in sacramento baptismi ad usum spiritualis abluitionis, quia corporalis abluitione communiter fit in aqua; ita panis, & vinum, quibus communis homines reficiuntur, assumuntur in hoc sacramento ad usum spiritualis manducationis. Secundo quantum ad passionem Christi, in qua sanguis est a corpore separatus: & ideo in hoc sacramento, quod est memoriale dominicæ passionis, sanctorum sumitur panis ut sacramentum corporis, & vinum ut sacramentum sanguinis. Tertio quantum ad effectum consideratum in unoquoque fumentum: quia, ut Ambrosius dicit super epistolam I. ad ad Cor. (alius Auctor sup. illud cap. xi. *Hic calix novum &c.*) hoc sacramentum valet ad tuitionem anime, & corporis: & ideo corpus Christi sub specie panis pro salute corporis, sanguis vero sub specie vini pro salute anime offertur; sicut dicitur Levit. xvii. quod anima carnis in sanguine est. Quarto quantum ad effectum respectu totius Ecclesie, quæ constituitur ex diversis fidelibus; „sicut panis conficitur ex diversis granis, & vinum fluit ex diversis uvis,“ ut dicit Glossa (ord. Aug. tract. xxvi. in Ioan. aliquant. ante fin.) super illud I. Corinth. x. *Multi unum corpus sumus &c.*

Ad primum ergo dicendum, quod licet carnes animalium occisiorum expressius repræsentent Christi passionem; tamen minus competunt ad communem usum huius sacramenti, & ad ecclesiasticam unitatem significandam.

Ad secundum dicendum, quod licet non in omnibus terris nascatur triticum, vel vinum; tamen de facili ad omnes terras deferri potest, quantum sufficit ad usum huius sacramenti: nec propter defectum alterius est unum tantum sine altero consecrandum, quia non esset perfectum sacramentum.

Ad tertium dicendum, quod vinum in modica quantitate sumptum non potest multum ægrotanti nocere.

Et tamen si nocumentum timeatur, non est necesse quod omnes accipientes corpus Christi etiam accipiant sanguinem, ut infra dicitur (quaest. lxxx. art. 12.)

*S. Tb. Oper. Tom. XXIV.*

(a) Valgata: De potestate nulla.

## ARTICULUS II. 433

*Utrum requiratur determinata quantitas panis, & vini ad materiam huius sacramenti.*

*IV. dist. xi. quaest. 11. art. 1. quest. 3.*

**A**D secundum sic proceditur. Videtur quod requiratur determinata quantitas panis, & vini ad materiam huius sacramenti. Effectus enim gratiæ non sunt minus ordinati quam effectus naturæ. Sed, sicut dicitur in II. de Anima (tex. 41.) *omnium natura constanti in potestate terminatur & ratio magnitudinis, & augmenti.* Ergo multo magis in hoc sacramento, quod dicitur *Eucharistia*, idest *bona gratia*, requiritur determinata quantitas panis, & vini.

2. Præterea. Ministris Ecclesie non est a Christo data potestas ad ea quæ pertinent ad irrisionem fidei, & sacramentorum eius, secundum illud II. Corinth. x. 1. *Secundum potestatem (a) quam dedit nobis Deus in edificationem, & non in destructionem.* Sed hoc esset ad irrisionem sacramenti, si sacerdos vellet consecrare totum panem qui venditur in foro, & totum vinum quod est in cellario. Ergo hoc facere non potest.

3. Præterea. Si aliquis baptizetur in mari, non tota aqua maris sanctificatur per formam baptismi, sed solum aqua illa qua corpus baptizati abluatur. Ergo nec in hoc sacramento superflua quantitas panis, & vini consecrari potest.

Sed contra est quod multum opponitur paucis, & magnum parvo. Sed nulla est ita parva quantitas panis, aut vini, quæ non possit consecrari. Ergo etiam nulla est ita magna, quæ consecrari non possit.

Respondeo dicendum, quod quidam dixerunt, quod sacerdos non posset consecrare immensam quantitatem panis, aut vini; puta totum panem qui venditur in foro, aut totum vinum quod est in dolio.

Sed hoc non videtur esse verum: quia in omnibus habentibus materiam ratio determinationis materiae sumitur ex ordine ad finem; sicut materia ferræ est ferrum, ut sit apta sectioni. Finis autem

H

hu-

huius sacramenti est usus fidelium. Unde oportet quod quantitas materię huius sacramenti determinetur per comparationem ad usum fidelium. Non autem potest esse quod determinetur per comparationem ad usum fidelium, qui nunc occurrunt: alioquin sacerdos paucos parochianos habens non posset consecrare multas hostias. Unde relinquitur quod materia huius sacramenti determinetur per comparationem ad usum fidelium absolute. Numerus autem fidelium est indeterminatus. Unde non potest dici, quod quantitas materię huius sacramenti sit determinata.

Ad primum ergo dicendum, quod cuiuslibet rei naturalis materia accipit determinatam quantitatem secundum comparationem ad formam determinatam. Sed numerus fidelium, ad quorum usum ordinatur hoc sacramentum, non est determinatus. Unde non est simile.

Ad secundum dicendum, quod potestas ministrorum ecclesię ad duo ordinatur: primo quidem ad effectum proprium; secundo ad finem effectus. Secundum autem non tollit primum. Unde si sacerdos intendat consecrare corpus Christi propter aliquem malum finem, puta ut irrideat, vel veneficia faciat, propter intentionem mali finis peccat; nihilominus tamen propter potestatem sibi datam perficit sacramentum.

Ad tertium dicendum, quod baptismi sacramentum perficitur in usu materię: & ideo per formam baptismi non plus de aqua sanctificatur quam quantum venit in usum. Sed hoc sacramentum perficitur in consecratione materię. Et ideo non est simile.

### ARTICULUS III. 434

*Utrum requiratur ad materiam huius sacramenti quod sit panis triticeus.*

*IV. dist. xi. quęst. xi. art. 2. quęst. 1. & dist. xix. quęst. 1. art. 2. quęst. 3. ad 1. & IV. cont. cap. lxxviii. & I. Cor. xi. lect. 7. princ.*

**A**D tertium sic proceditur. Videtur quod non requiratur ad materiam huius sacramenti quod sit panis triticeus. Hoc enim sacramentum est rememorativum dominicę passionis. Sed magis videtur esse consonium dominicę passioni panis hordeaceus, qui est asperior,

& de quo etiam Christus pavit turbas in monte, ut dicitur Ioan. vi. quam panis triticeus. Ergo panis triticeus non est propria materia huius sacramenti.

2. Pręterea. Figura est signum speciei in naturalibus rebus. Sed quędam frumenta sunt quę habent similem figuram grano tritici; sicut far, & spelta, de quę etiam in quibusdam locis panis conficitur ad usum huius sacramenti. Ergo panis triticeus non est propria materia huius sacramenti.

3. Pręterea. Permixtio speciem solvit. Sed vix invenitur farina triticea, quę alterius frumenti permixtionem non habeat, nisi forte de electis granis studiose fiat. Non ergo videtur quod panis triticeus sit propria materia huius sacramenti.

4. Pręterea. Illud quod est corruptum, videtur esse alterius speciei. Sed aliqui conficiunt ex pane corrupto, qui iam non videtur esse panis triticeus. Ergo videtur quod talis panis non sit propria materia huius sacramenti.

Sed contra est quod in hoc sacramento continetur Christus, qui se grano frumenti comparat Ioan. xii. 24. dicens: *Nisi granum frumenti cadens in terram mortuum fuerit, ipsum solum manet.* Ergo panis frumenti, sive triticeus, est materia huius sacramenti.

Respondeo dicendum, quod, sicut dictum est (art. 1. hu. quęst. & quęst. lxxv. art. 3.) ad usum sacramentorum assumitur talis materia quę communis apud homines in talem usum venit. Inter alios autem panes communis homines utuntur pane triticeo: nam alii panes videntur esse introducti in huius panis defectum. Et ideo Christus creditur in huius panis specie hoc sacramentum instituisse: qui etiam panis magis confortat hominem; & ita convenientius significat effectum huius sacramenti. Et ideo propria materia huius sacramenti est panis triticeus.

Ad primum ergo dicendum, quod panis hordeaceus competit ad significandam duritiem veteris legis, propter duritiem panis, tum etiam quia, ut Augustinus dicit in Lib. lxxxviii. Q. 9. (quęst. lxi. cir. princ.) *borderi medulla, quę tenacissima palea tegitur, vel ipsam legem significat, quę ita data erat, ut in ea vitale animę alimentum corporalibus sacramentis obtegeretur, vel ipsum populum nondum expoliatum carnali desiderio, quod tamquam palea cordi eius inaberebat.* Hoc

autem sacramentum pertinet ad suave-  
jugum Christi, & ad veritatem iam ma-  
nifestatam, & ad populum spirituales.  
Unde non esset materia conveniens hu-  
ius sacramenti panis hordeaceus.

Ad secundum dicendum, quod gene-  
rans generat sibi simile in specie; sit ta-  
men aliqua dissimilitudo generantis ad  
genitum, quantum ad accidentia, vel  
propter materiam, vel propter debilita-  
tem virtutis generativæ. Et ideo si qua  
frumenta sunt, quæ ex semine tritici ge-  
nerari possunt (sicut ex grano tritici le-  
minato in malis terris nascitur siligo)  
ex tali frumento panis confectus potest  
esse materia huius sacramenti: quod ta-  
men non videtur habere locum neque in  
hordeo, neque in spelta, neque etiam  
in farre, quod inter omnia est grano tri-  
tici similis. Similitudo autem figuræ in  
talibus magis videtur significare propin-  
quitatem quam identitatem speciei; sic-  
ut ex similitudine figuræ manifestatur  
quod canis, & lupus sunt propinquæ spe-  
cies, non autem eiusdem. Unde ex tali-  
bus frumentis, quæ nullo modo possunt  
(a) ex semine tritici generari, non potest  
confici panis, qui sit debita materia  
huius sacramenti.

Ad tertium dicendum, quod modica  
permixtio non solvit speciem: quia id  
quod est modicum, quodammodo (b) ab-  
sumitur a plurimo. Ideo si sit modica  
admixtio alterius frumenti ad multo ma-  
iorem quantitatem tritici, poterit exinde  
confici panis, qui sit materia huius  
sacramenti; si vero sit magna permixtio,  
puta ex æquo, vel quasi, talis permix-  
tio speciem mutat: unde panis exinde  
confectus non erit debita materia huius  
sacramenti.

Ad quartum dicendum, quod aliquan-  
do est tanta corruptio panis, quod sol-  
vitur species panis; sicut cum continui-  
tas solvitur, & sapor, & color, & alia  
accidentia mutantur: unde ex tali ma-  
teria non potest confici corpus Christi.  
Aliquando vero non est tanta corruptio  
quæ speciem solvat, sed est aliqua dispo-  
sicio ad corruptionem; quod declarat a-  
liqualis immutatio saporis: & ex tali pa-  
ne potest confici corpus Christi; sed pec-  
cat conficiens propter irreverentiam sa-  
cramenti. Et quia amyllum est ex triti-  
co corrupto, non videtur quod panis ex  
eo confectus possit fieri corpus Christi;  
quamvis quidam contrarium dicant.

ARTICULUS IV. 435

*Utrum hoc sacramentum debeat confici  
ex pane azymo.*

IV. dist. xi. quæst. 11. art. 2. quæst. 3. & IV.  
cont. cap. lxxviii. & op. i. cap. lxi.  
& lo. vi. lect. 2.

**A**D quartum sic proceditur. Videtur  
quod hoc sacramentum non debeat  
confici ex pane azymo. Debemus enim  
in hoc sacramento imitari institutionem  
Christi. Sed Christus videtur hoc sacra-  
mentum instituisse in pane fermentato:  
quia, sicut legitur Exodi xii. Iudei se-  
cundum legem incipiebant uti azymis in  
die Paschatis, quod celebratur quartade-  
cima Luna: Christus autem instituit hoc  
sacramentum in cœna, quam celebravit  
*ante diem festum Pasche*, ut habetur Io-  
an. xiiii. Ergo & nos debemus hoc sa-  
cramentum celebrare in pane fermenta-  
to.

2. Præterea. Legalia non sunt obser-  
vanda tempore gratiæ. Sed uti azymis  
fuit quædam legalis cæremonia, ut pa-  
tet Exodi xii. Ergo in hoc sacramento  
gratiæ non debemus azymis uti.

3. Præterea. Sicut supra dictum est  
(quæst. lxxv. art. 1. & quæst. lxxviii. art.  
3. ad 3.) Eucharistia est sacramentum  
caritatis, sicut baptismus fidei. Sed fer-  
vor caritatis significatur per fermentum,  
ut patet in Glossa (interl.) super illud  
Matth. xiiii. 33. *Simile est regnum celo-  
rum fermento*. Ergo hoc sacramentum  
debet confici de pane fermentato.

4. Præterea. Azymum, & fermenta-  
tum sunt accidentia panis non variantia  
eius speciem. Sed in materia baptismi  
nulla discretio adhibetur circa differe-  
ntiam accidentium aquæ; puta si sit fal-  
sa, vel dulcis, calida, vel frigida. Ergo  
in hoc sacramento aliqua discretio adhi-  
beri non debet, utrum panis sit azymus,  
vel fermentatus.

Sed contra est quod extra, de celebr.  
Missarum (cap. *Litteras*) puniunt sacerdotes  
qui in pane fermentato, & scypho ligneo  
*Missarum solemniter celebrare præsumpti*.

Respondeo dicendum, quod circa ma-  
teriam huius sacramenti duo possunt con-  
siderari, scilicet quid sit necessarium, &  
quid conveniens. Necessarium quidem est  
ut sit panis triticus, sicut dictum est

H h 2 (art.)

(a) Ita passim. Caten. A'can. ex semine grani. Utrumque scriptum a D. Thoma v. venierat Aristoteli  
ex semine grani tritici. (b) Ita passim. Glossam editi passim. Rom. Edit. cum cod. A'can. assumitur.

(art. præc.) sine quo non perficitur sacramentum. Non est autem de necessitate sacramenti quod sit azymus, vel fermentatus: quia in unoquoque confici potest. Conveniens autem est ut uniusquisque servet ritum suæ Ecclesiæ in sacramenti celebratione. Super hoc autem sunt diversæ Ecclesiarum consuetudines: dicit enim B. Gregorius in Regllo (implic. id hab. Innocent. III. Lib. IV. de mystic. Millæ cap. IV.) *Romana Ecclesia offert azymos panes, propterea quod Dominus sine ulla commixtione suscepit carnem, sed Græcæ Ecclesiæ offerunt fermentatum, pro eo quod Verbum Patris inditum est carne, sicut fermentum mixtum farina.* Unde sicut peccat Presbyter in Ecclesia Latinarum celebrans de pane fermentato; ita peccaret Presbyter Græcus in Ecclesia Græcorum celebrans de pane azymo, quasi pervertens Ecclesiæ suæ ritum.

Et tamen consuetudo de pane azymo celebrandi rationabilior est. Primo quidem propter institutionem Christi, qui hoc sacramentum instituit *prima die azymorum*, ut habetur Matth. xxvi. & Marci xiv. & Lucæ xxi. quia die nihil fermentatum in domibus Iudeorum esse debebat, ut habetur Exodi xii. Secundo quia panis est proprie sacramentum corporis Christi, quod sine corruptione conceptum est, magis quam Divinitatis ipsius, ut infra patebit (quest. lxxvi. art. 1.) Tertio quia hoc magis competit sinceritati fidelium, quæ requiritur ad utrum huius sacramenti, secundum illud I. Corin. v. 7. *Pascba nostrum immolatus est Christus: itaque epulemur in azymis sinceritatis, & veritatis.*

Habet tamen hæc consuetudo Græcorum aliquam rationem & propter significationem, quam tangit Gregorius, & in detestationem hæresis Nazæeorum, qui legalia Evangelio miscebant.

Ad primum ergo dicendum, quod, sicut legitur Exodi xii. solemnitas paschalis incipiebat (a) in vespere quartæ decimæ Lunæ: & tunc Christus post immolationem agni paschalis hoc sacramentum instituit: unde hæc dies a Ioanne dicitur præcedere diem Paschæ, & a tribus aliis Evangelistis dicitur *prima dies azymorum*, quando fermentatum in domibus Iudeorum non inveniebatur, ut dictum est (in corp.) Et de hoc supra notatum est plenius in tractatu dominicæ passionis (quest. xlv. art. 9. ad 1.)

Ad secundum dicendum, quod conficientes ex azymo non intendunt carcerum legis servare, sed conformare se institutioni Christi: & ideo non iudicant; alioquin & celebrantes in pane fermentato iudicarent, quia Iudæi panes primitiarum fermentatos offerebant.

Ad tertium dicendum, quod fermentum significat caritatem propter aliquem effectum, quia scilicet panem facit sapidiorem, & maiorem; sed corruptionem significat ex ipsa ratione suæ speciei.

Ad quartum dicendum, quod quia fermentum habet aliquod corruptionis, & ex pane corrupto non potest confici hoc sacramentum, ut dictum est (art. præc. ad 4.) ideo magis attenditur circa panem differentia azymi, & fermentati, quam circa aquam baptismi differentia calidi, & frigidi: potest enim tanta esse corruptio fermenti quod ex eo non possit confici sacramentum.

## ARTICULUS V. 436

*Utrum vinum vitis sit propria materia huius sacramenti.*

*IV. dist. xi. quest. 11. art. 3. quest. 1. & I. Cor. xi. lect. 7. prin.*

**A**D quintum sic proceditur. Videtur quod non sit propria materia huius sacramenti vinum vitis. Sicut enim aqua est materia baptismi, ita vinum est materia huius sacramenti. Sed in qualibet aqua potest neri baptismus. Ergo in quolibet vino, puta malorum granatorum, vel mororum, aut huiusmodi, potest confici hoc sacramentum; præsertim cum in quibusdam terris vites non crescant.

2. Præterea. Acetum est quedam species vini, quod de vite sumitur, ut Ildorus dicit (implic. Lib. XX. Etym. cap. xii. cir. med.) Sed de aceto non potest confici hoc sacramentum. Ergo videtur quod vinum vitis non sit propria materia huius sacramenti.

3. Præterea. Sicut de vite sumitur vinum depuratum, ita etiam agresta, & mustum. Sed de his non videtur posse confici hoc sacramentum, secundum illud quod in VI. Synodo legitur (hab. in Conc. Quinisexto cap. xxviii. post Conc. Constant. III.) *Didicimus quod in quibusdam Ecclesiis sacerdotes sacrificio oblationis coniungunt utras; & sic simul utraque populo dispensant. Præcipimus igitur*

gitur ut nullus sacerdos hoc ulterius faciat: & Iulius I. Papa ( decreto vii. ) reprehendit quosdam , qui exprellum vinum in sacramento dominici calicis offerunt . Ergo videtur quod vinum vitis non sit propria materia huius sacramenti .

Sed contra est quod sicut Dominus se comparavit grano frumenti , ita etiam se comparavit viti , dicens Ioan. xv. 1. *Ego sum vitis vera* . Sed solus panis de frumento est materia huius sacramenti , ut dictum est ( art. 3. hu. quatit. ) Ergo solum vinum de vite est propria materia huius sacramenti .

Respondeo dicendum , quod de solo vino vitis potest confici hoc sacramentum .

Primo quidem propter institutionem Christi , qui in vino vitis hoc sacramentum instituit , ut patet ex eo quod ipse dicit Matth. xxvi. 29. circa institutionem huius sacramenti : *Non bibam amodo de hoc genimine vitis* . Secundo quia , sicut dictum est ( art. 3. hu. quatit. ) ad materiam sacramentorum assumitur id quod proprie , & communiter habet talem speciem . Proprie autem vinum dicitur quod de vite sumitur , alii vero liquores vinum dicuntur secundum quandam similitudinem ad vinum vitis . Tertio quia vinum vitis magis competit ad effectum huius sacramenti , qui est spiritualis læticia : quia scriptum est ( Plal. cxi. 15. ) *quod vinum lætificat cor hominis* .

Ad primum ergo dicendum , quod illi liquores non dicuntur proprie vinum , sed secundum quandam similitudinem . Potest autem verum vinum ad terras illas deterri , in quibus vites non crescunt , quantum sufficit ad hoc sacramentum .

Ad secundum dicendum , quod vinum fit acetum per corruptionem : unde non sit redditus de aceto in vinum , ut dicitur VIII. Metaph. ( tex. 14. ) Et ideo licet de pane totaliter corrupto non potest confici hoc sacramentum , ita nec de aceto . Potest tamen confici de vino aceto , sicut & de pane qui est in via ad corruptionem , licet peccet conficiens , ut prius dictum est ( art. 3. hu. quatit. ad 4. )

Ad tertium dicendum , quod agresta est in via generationis , & ideo nondum habet speciem vini : & propter hoc de ea non potest confici hoc sacramentum . Multum autem iam habet speciem vini : nam eius dulcedo attestatur digestionem , quæ est ( a ) completio a naturali calo-

re , ut dicitur in IV. Meteor. ( cap. 117. ) parum a princ. ) & ideo de nullo potest confici hoc sacramentum . Non tamen debent uvæ integræ huic sacramento misceri , quia iam ei ibi aliquid præter vinum . Prohibetur etiam ne mustum statim exprellum de uva in calice offeratur , quia hoc est indecens propter impuritatem musti . Potest tamen in necessitate fieri : dicitur enim ab eodem Iulio Papa ( loc. cit. in arg. ) *Si necesse fuerit , botrus in calice comprimat* .

## ARTICULUS VI. 437

*Utrum aqua sit vino permiscenda .*

IV. dist. xi. quæst. 11. art. 4. quæst. 1. & I. Cor. xi. lect. 6.

**A**D sextum sic proceditur . Videtur quod aqua non sit vino permiscenda . Sacrificium enim Christi figuratum fuit per oblationem Melchisedech , qui Gen. xiv. non legitur obtulisse nisi panem , & vinum . Ergo videtur quod in hoc sacramento non debeat adungi aqua .

2. Præterea . Diversorum sacramentorum diversæ sunt materiæ . Sed aqua est materia baptismi . Ergo non debet assumi ad materiam huius sacramenti .

3. Præterea . Panis , & vinum sunt materia huius sacramenti . Sed panis nihil adiungitur . Ergo nec vino debet aliquid adungi .

Sed contra est quod Alexander I. Papa scribit ( epist. 1. ad omnes orthodox. cap. 14. ) *In sacramentorum oblationibus , quæ inter Missarum solennia Dominico offeruntur , panis tantum , & vinum aqua permixtum in sacrificium offeruntur* .

Respondeo dicendum , quod vino , quod offertur in hoc sacramento , debet aqua misceri .

Primo quidem propter institutionem . Probabiliter enim creditur quod Dominus hoc sacramentum instituerit in vino aqua permixto secundum morem illius terræ : unde & Proverb. ix. 5. dicitur : *Bibite vinum quod miscui vobis* . Secundo quia hoc convenit representationi dominicæ passionis : unde dicit Alexander I. Papa ( loc. cit. ) *Non debet in calice Domini aut vinum solum , aut aqua sola offerri , sed utrumque permixtum : quia utrumque ex latere eius in passione sua profusus legitur* . Tertio quia hoc convenit

H h 3 ad

(a) Ita cum msi. edit. omnes libri. Dominicus Soto legis completus.



ad significandum effectum huius sacramenti, qui est unio populi christiani ad Christum: quia, ut Iulius I. Papa dicit (in decreto viii.) *videmus in aqua populum intelligi, in vino vero ostendi sanguinem Christi. Ergo cum in calice vino aqua miscetur, Christo populus adiunatur.* Quarto quia hoc competit ad ultimum effectum huius sacramenti, qui est introitus ad vitam aeternam: unde Ambrosius dicit in Lib. V. de sacramentis (cap. 1. a med.) *Redundat aqua in calicem, & salit in vitam aeternam.*

Ad primum ergo dicendum, quod, sicut Ambrosius dicit ibidem, sicut sacrificium Christi significatum est per oblationem Melchisedech, ita etiam significatum est per aquam, quae in crebro fluxit de petra, secundum illud I. Cor. x. 4. *Bibebat autem de spiritali confluence eorum petra.*

Ad secundum dicendum, quod aqua assumitur in baptismo ad utrumque ablutionis; in hoc autem sacramento assumitur ad usum refectionis, secundum illud Psalm. xxii. 3. *Super aquam refectionis educavit me.*

Ad tertium dicendum, quod panis ex aqua, & farina conficitur: & ideo cum vino aqua miscetur, neutrum sine aqua exiit.

## ARTICULUS VII. 487

*Utrum permixtio aquae sit de necessitate huius sacramenti.*

*Inf. quæst. lxxxiii. art. 6. ad 4. & 6. & IV. dist. xi. quæst. 11. art. 4. quæst. 2. & 3. & I. Cor. xi. lect. 6.*

**A**D septimum sic proceditur. Videtur quod permixtio aquae sit de necessitate huius sacramenti. Dicit enim Cyprianus ad Cæciliam (Lib. II. epist. 111. inter med. & fin.) *Sic calix Domini non est aqua sola, & vinum solum, nisi utrumque miscetur, quomodo nec corpus Domini potest esse farina sola, nisi utrumque, scilicet farina, & aqua, fuerit adiunctum.* Sed admixtio aquae ad farinam est de necessitate huius sacramenti. Ergo pari ratione admixtio aquae ad vinum.

2. Præterea. In passione Domini, cuius hoc sacramentum est memoriale, sicut de latere eius exiit sanguis, ita & aqua. Sed vinum, quod est sacramentum sanguinis, est de necessitate huius sacramenti. Ergo pari ratione & aqua.

3. Præterea. Si aqua non esset de necessitate huius sacramenti, non referret quæcumque aqua huic sacramento apponeretur; & ita posset apponi aqua rosacea, vel quæcumque alia huiusmodi aqua: quod non habet usus Ecclesie. Aqua ergo est de necessitate huius sacramenti.

Sed contra est quod Cyprianus dicit (loc. cit.) *Si aliquis de antecessoribus nostris vel ignoranter, vel simpliciter non hoc observavit, ut scilicet aquam vino misceret in sacramento, potest simplicitati eius venia concedi: quod non esset, si aqua esset de necessitate sacramenti, sicut est vinum, vel panis.* Non ergo aquae admixtio est de necessitate sacramenti.

Respondeo dicendum, quod iudicium de signo sumendum est ex eo quod significatur. Appositio autem aquae ad vinum refertur ad significandum participationem huius sacramenti a fidelibus, quantum ad hoc quod per aquam mixtam vino significatur populus adiunctus Christo, ut dictum est (art. præc.) Sed & hoc ipsum quod de latere Christi pendens in cruce aqua profluxit, ad idem refertur: quia per aquam significatur ablutio peccatorum, quæ fiebat per passionem Christi.

Dictum est autem supra (quæst. præc. art. 1. ad 3.) quod hoc sacramentum perficitur in consecratione materie: ultra autem fidelium non est de necessitate sacramenti, sed est aliquid consequens ad sacramentum. Et ideo consequens est quod appositio aquae non sit de necessitate sacramenti.

Ad primum ergo dicendum, quod verbum illud Cypriani est intelligendum, secundum quod dicitur illud esse non potest quod convenienter esse non potest. Et sic similitudo illa attenditur quantum ad id quod debet fieri, non autem quantum ad necessitatem: nam aqua est de essentia panis, non autem de essentia vini.

Ad secundum dicendum, quod effusio sanguinis directe pertinebat ad ipsam Christi passionem: est enim naturale corpori humano vulnerato quod ex eo profluat sanguis. Sed effusio aquae non fuit de necessitate passionis, sed ad demonstrandum effectum passionis, qui est ablutio a peccatis, & refrigerium contra ardorem concupiscentiæ. Et ideo aqua non solum offertur a vino in hoc sacramento, sicut vinum offertur solum a pane; sed aqua offertur vino permixta, ut ostendatur quod vinum per se pertinet ad hoc sacramentum, tamquam de eius neces-

cessitate existens, aqua autem secundum quod adiungitur vino.

Ad tertium dicendum, quod quia admixtio aquae ad vinum non est de necessitate sacramenti, non relet, quantum ad sacramenti necessitatem, quaecumque aqua misceatur vino, sive naturalis, sive artificialis, ut rosacea; quamvis quantum ad convenientiam sacramenti peccet qui aliam aquam miscet nisi naturalem, & veram: quia de latere Christi appendentis in cruce aqua vero profluxit, non humor phlegmaticus, ut quidam dixerunt, ad ostendendum quod corpus Christi erat vere compositum ex quatuor elementis; sicut per sanguinem fluentem ostendebatur, quod erat compositum ex quatuor humoribus, ut Innocentius III. dicit in quadam Decretali (quae hab. cap. *In quadam* de celebrat. Miss.) Quia vero admixtio aquae ad farinam est de necessitate huius sacramenti, utpote constituens substantiam panis, si farinae admisceretur aqua rosacea, vel quicumque alius liquor quam vera aqua, non posset ex eo confici sacramentum, quia non esset verus panis.

#### ARTICULUS VIII. 439

*Utrum aqua debeat in magna quantitate apponi.*

IV. dist. xi. quæst. 11. art. 4. quæst. 4. & I. Cor. xi. lect. 6.

**A**D octavum sic proceditur. Videtur quod oporteat aquam in magna quantitate apponi. Sicut enim sanguis de latere Christi sensibilibiter fluxit, ita & aqua: unde dicitur Ioan. xix. 35. *Qui vidit, testimonium perhibuit.* Sed aqua non posset sensibilibiter esse in hoc sacramento, nisi in magna quantitate poneretur. Ergo videtur quod aqua debeat apponi in magna quantitate.

2. Præterea. Parva aqua multo vino admixta corrumpitur. Quod autem corruptum est, iam non est. Ergo idem est apponere parum de aqua in hoc sacramento, & nihil apponere. Sed non licet nihil apponere. Ergo non licet parum apponere.

3. Præterea. Si sufficeret parum apponere, per consequens esset sufficiens quod gutta aquae in totum dolium proiceretur. Sed hoc videtur ridiculum. Ergo non sufficit quod parva quantitas apponatur.

Sed contra est quod extra, de celebrat. Missarum (cap. xxi.) dicitur: *Perniciosus in tuis partibus inolevit abusus, videlicet quod in minori quantitate de aqua in sacrificio ponitur quam de vino; cum secundum rationabilem consuetudinem Ecclesie generalis plus in ipso sit de vino quam de aqua ponendum.*

Respondeo dicendum, quod circa aquam adiunctam vino, sicut Innocentius III. dicit in quadam Decretali (cap. *Cum Martine*, de celebr. Miss.) triplex est opinio.

Quidam enim dicunt, quod aqua adiuncta vino per se manet vino converso in sanguinem. Sed hæc opinio stare non potest: quia in sacramento altaris post consecrationem nihil est nisi corpus, & sanguis Christi. Sicut enim Ambrosius dicit in Lib. de officiis (hab. in Lib. de iniciand. cap. ix. a med.) *ante benedictionem alia species nominatur, post benedictionem corpus Christi significatur*: alioquin non totum adoraretur veneratione latræ.

Et ideo alii dixerunt, quod sicut vinum convertitur in sanguinem, ita aqua convertitur in aquam, quæ de latere Christi fluxit. Sed nec hoc rationabiliter dici potest: quia secundum hoc aqua ferorum consecraretur a vino, sicut vinum a pane.

Et ideo, sicut ipse dicit (scilicet Innocentius loc. cit.) aliorum opinio probabilior est, qui dicunt aquam converti in vinum, & vinum in sanguinem. Hoc autem fieri non posset, nisi adeo modicum apponeretur de aqua quod converteretur in vinum. Et ideo semper tutius est parum de aqua apponere, & præcipue si vinum sit debile: quia si tanta fieret appositio aquæ ut solveretur species vini, non posset perfici sacramentum. Unde Iulius I. Papa (in decreto vii.) reprehendit quosdam qui pannum lineum multo intinctum per totum annum servant, & in tempore sacrificii aqua partem eius lavant, & sic offerunt.

Ad primum ergo dicendum, quod sufficit ad sacramenti huius significationem quod sentiatur aqua, cum apponitur vino; non autem oportet quod sit sensibilibus post mixtionem.

Ad secundum dicendum, quod si aqua omnino non apponeretur, totaliter excluderetur significatio; sed cum aqua in vinum convertitur, significatur quod populus Christo incorporatur.

Ad tertium dicendum, quod si aqua apponeretur dolio, non sufficeret ad signifi-

ficationem huius sacramenti; sed oportet aquam vino apponi circa ipsam celebrationem sacramenti.

## QUAESTIO LXXV.

*De conversione panis, & vini in corpus, & sanguinem Christi,*

*in octo articulos divisa.*

**D**Einde considerandum est de conversione panis, & vini in corpus, & sanguinem Christi: & circa hoc quaeruntur octo.

Primo, utrum in hoc sacramento sit corpus Christi secundum veritatem, an solum secundum figuram, vel sicut in signo.

Secundo, utrum in hoc sacramento remaneat substantia panis, & vini post consecrationem.

Tertio, utrum substantia panis, vel vini post consecrationem huius sacramenti annihilatur, aut in pristinam materiam resolvatur.

Quarto, utrum panis possit converti in corpus Christi.

Quinto, utrum in hoc sacramento post conversionem remaneant accidentia panis, & vini.

Sexto, utrum facta consecratione, remaneat in hoc sacramento forma substantialis panis.

Septimo, utrum ista conversio fiat in instanti.

Octavo, utrum hæc sit falsa: *Ex pane fit corpus Christi.*

## ARTICULUS I. 440

*Utrum in hoc sacramento sit corpus Christi secundum veritatem.*

*Sup. quæst. lxxv. art. 3. cor. princ. & inf. quæst. lxxvi. per totam, & IV. d. 1. princ. & IV. con. cap. lxi. & I. Corinth. xi.*

**A**D primum sic proceditur. Videtur quod in hoc sacramento non sit corpus Christi secundum veritatem, sed solum secundum figuram, vel sicut in signo. Dicitur enim Ioan. vi. 54. quod cum Dominus dixisset, *Nisi manducaveritis carnem filii hominis, & biberitis eius sanguinem &c.* multi ex discipulis eius audientes dixerunt: *Durus est hic sermo:*

quibus ipse dixit: *Spiritus est qui vivificat; caro non prodest quicquam:* quali diceret, secundum expositionem Augustini super Plal. xcvi. (parum a med.) „Spiritualiter intelligite quæ locutus sum: non hoc corpus quod videtis, manducaturi estis, & bibeturi illum sanguinem quem iusuri sunt qui me cruciabant. Sacramentum autem quod vobis commendavi, spiritualiter intellectum vivificabit vos; caro autem non prodest quicquam.“

2. Præterea. Dominus dicit Matth. ult. 20. *Ecce ego vobiscum sum omnibus diebus usque ad consummationem sæculi:* quod exponens Augustinus (tract. xxx. in Ioan. a princ.) dicit: „Donec sæculum finiatur, sursum est Dominus; sed tamen & hic nobiscum est veritas.“ (a) Domini: corpus enim, in quore surrexit, in uno loco oportet esse; veritas autem eius ubique diffusa est. Non ergo secundum veritatem est corpus Christi in hoc sacramento, sed solum sicut in signo.

3. Præterea. Nullum corpus potest esse simul in pluribus locis, cum nec Angelo hoc conveniat: eadem enim ratione posset esse ubique. Sed corpus Christi est verum corpus, & est in cælo. Ergo videtur quod non sit secundum veritatem in sacramento altaris, sed solum sicut in signo.

4. Præterea. Sacramenta Ecclesiæ ad utilitatem fidelium ordinantur. Sed secundum Gregorium in quadam homilia (xxviii. in Evang. a princ.) Regulus reprehenditur, quod quærebatur corporalem Christi præsentiam: Apostoli etiam impediuntur recipere Spiritum sanctum, propter hoc quod affecti erant ad eius præsentiam corporalem, ut Augustinus dicit super illud Ioan. xvi. *Si non abiero, Paracletus non venit ad vos* (tract. xciv. in Ioan. a med.) Non ergo Christus secundum præsentiam corporalem est in sacramento altaris.

Sed contra est quod Hilarius dicit in VIII. de Trin. (inter princ. & med.) *De veritate carnis, & sanguinis Christi non est veliculus ambigendi locus: nunc enim & Iesus Dominum professione, & fide nostra caro eius vere est cibus, & sanguis eius vere est potus.* Et Ambrosius dicit VI. de sacramentis (cap. 1. in princ.) *Sicut verus Dei Filius est Dominus Iesus Christus; ita vera Christi caro est quam accipimus, & verus sanguis eius est potus.*

Ref-

(a) Ita communiter. Nescimus Domini.

Respondeo dicendum; quod verum corpus Christi, & sanguinem eius in hoc sacramento, (a) neque sensu, neque intellectu deprehendi potest, sed sola fide, euz auctoritati divinae innuitur. Unde super illud Luc. xxii. *Hoc est corpus meum, quod pro vobis traditur*, dicit Cyrillus (hab. in Catena Div. Th.) „Non dubites, an hoc verum sit; sed potius suscipe verba Salvatoris in fide: cum enim sit veritas, non mentitur.“

Hoc autem conveniens est primo quidem perfectioni novae legis. Sacrificia enim veteris legis illud verum sacrificium passionis Christi continebant solum in figura, secundum illud Hebr. x. i. *Unbram habens lex futurorum bonorum, non ipsam verum imaginem*. Et ideo oportuit ut a liquid plus haberet sacrificium novae legis a Christo institutum, ut scilicet contineret ipsum Christum passum, non solum in significatione, vel figura, sed etiam in rei veritate. Et ideo hoc sacramentum, quod ipsum Christum realiter continet, ut Dionysius dicit iii. cap. eccl. Hierarch. (vers. fin.) est perfectivum omnium aliorum sacramentorum, in quibus virtus Christi participatur. Secundo hoc competit caritati Christi, ex qua pro salute nostrae corporis verum nostrae naturae assumptis. Et quia maxime proprium amicitiae est convivere amicis, ut Philosophus dicit IX. Ethic. (cap. xii.) sui praesentiam corporalem nobis reprobem in praemium, dicens Mitth. xxv. 28. *Ubi fueris corpus, illuc congregabuntur & aquila*. Interim tamen nec sua praesentia corporali nos in hac peregrinatione destituit; sed per veritatem corporis, & sanguinis sui nos sibi coniungit in hoc sacramento. Unde ipse dicit Ioan. vi. 57. *Qui manducat meam carnem, & bibit meum sanguinem, in me manet, & ego in eo*. Unde hoc sacramentum est maxima caritatis signum, & nostrae spei sublevationem ex tani familiari coniunctione Christi ad nos. Tercio hoc competit perfectioni fidei, quae sicut est de Divinitate Christi, ita est de eius humanitate, secundum illud Ioan. xiv. i. *Creditis in Deum, & in me credite*. Et quia fides est invisibilium, sicut Divinitatem suam nobis exhibet Christus invisibiliter, ita & in hoc sacramento carnem suam nobis exhibet invisibili modo.

Quae quidam non attendentes posuerunt, corpus, & sanguinem Christi non esse in hoc sacramento nisi sicut in signo: quod est tanquam haereticum abiliendum, utpote verbis Christi contrarium. Unde & Berengarius, qui primus huius erroris auctor fuerat, postea coactus est suum errorem revocare, & veritatem fidei confiteri (ut habetur cap. Ego Berengarius, de consecr. dist. 11.)

Ad primum ergo dicendum, quod ex hac auctoritate praedicti haeretici occasionem errandi sumplerunt, male verba Augustini intelligentes. Cum enim Augustinus dicit, *Non hoc corpus, quod videtur, manducatur estis*, non intendit excludere veritatem corporis Christi, sed quod non erat manducandum in hac specie in qua ab eis videbatur. Per hoc autem quod subdit, *Sacramentum, quod vobis commendavi, spiritualiter intellectum vivificabit vos*, non intendit quod corpus Christi sit in hoc sacramento solum secundum mysticam significationem, (b) sed *spiritualiter* dicit, id est invisibiliter, & per virtutem Spiritus sancti. Unde super Ioan. exponens id quod dicitur, *Caro non prodest quicquam* (tract. xxvii. parum ante med.) dicit: „Sed quomodo illi intellexerunt: carnem quippe sic intellexerunt manducandam, quomodo in cadavere dilaniatur, aut in macello venditur, non quomodo spiritu vegetatur. Accedat spiritus ad carnem, & prodest plurimum: nam si caro nihil prodesset, Verbum caro non fieret, ut habitaret in nobis.“

Ad secundum dicendum, quod verbum illud Augustini, & omnia similia sunt intelligenda de corpore Christi, secundum quod videtur in propria specie; secundum quod etiam ipse Dominus dicit Matth. xxvi. 11. *Me autem non semper habebitis*. Invisibiliter tamen sub speciebus habuit sacramenti est, ubiqueque hoc sacramentum perficitur.

Ad tertium dicendum, quod corpus Christi non est eo modo in hoc sacramento, sicut corpus in loco, quod suis dimensionibus loco commensuratur; sed quodam (c) speciali modo. qui est proprius huic sacramento. Unde dicimus, quod corpus Christi est in diversis altaribus, non sicut in diversis locis, sed sicut in sacramento: per quod non intelligi-

(a) Ita cum quibusdam cod. pñ Nesciam recentis ediri. Veteres enim alii mss. sensu deprehendi non potest, sed sola fide. (b) Ita edidit, omnes cum quibusdam mss. Gd., Tarrac. & al. an. sed spiritualiter dicit, & invisibiliter, & per virtutem Spiritus. Unde &c. al. loc. invisibilitate regitur impassibiliter.

(c) Al. spirituali.

relligimus quod Christus sit ibi solum sicut in signo, licet sacramentum sit in genere signi; sed intelligimus, corpus Christi hic esse, sicut dictum est (in cor. art.) secundum (a) modum proprium huic sacramento.

Ad quartum dicendum, quod ratio illa procedit de praesentia corporis Christi, prout est praesens (b) per modum corporis, id est prout est in sua specie visibili, non autem prout est spiritualiter, id est invisibili modo, & virtute spiritus. Unde Augustinus dicit super Ioan. (tract. xxvii. cir. med.) *Si intellexisti spiritualiter verba Christi de carne sua, spiritus, & vita tibi sunt; si intellexisti carnaliter, etiam sic spiritus, & vita sunt, sed tibi non sunt.*

## ARTICULUS II. 441

*Utrum in hoc sacramento remaneat substantia panis, & vini post consecrationem.*

*Inf. art. 6. co. & quest. lxxvii. art. 1. & 5. & IV. dist. xi. quest. 1. art. 1. quest. 1. & dist. xii. quest. 1. art. 1. quest. 3. & IV. cont. cap. lxxii. princ. & quol. vii. art. 9. & quol. ix. art. 5. ad 3. & I. cor. xi. lect. 4. & 5.*

**A**D secundum sic proceditur. Videtur quod in hoc sacramento remaneat substantia panis, & vini post consecrationem. Dicit enim Damascenus in IV. Lib. (orth. Fid. cap. xiv. cir. med.) *Quia consuetudo est hominibus comedere panem, & vinum bibere, coniugavit eis Deus divinitatem, & fecit ea corpus, & sanguinem suum: & ita panis communicationis non panis simplex est, sed unitus divinitati.* Sed coniugatio est rerum actu existentium. Ergo panis, & vinum simul sunt in hoc sacramento cum corpore, & sanguine Christi.

2. Præterea. Inter Ecclesiae sacramenta debet esse conformitas. Sed in aliis sacramentis substantia materiam manet, sicut in baptismo substantia aquae, & in confirmatione substantia chrismatis. Ergo & in hoc sacramento substantia panis, & vini manet.

3. Præterea. Panis, & vinum assumuntur in hoc sacramento, in quantum significant ecclesiasticam unitatem, prout unus panis fit ex multis granis, & unum vinum ex multis racemis, ut Augustinus

dicat in Lib. de symbolo (hab. tract. xxv. in Ioan. aliquant. ante fi.) Sed hoc pertinet ad ipsam substantiam panis, & vini. Ergo substantia panis, & vini remanet in hoc sacramento.

Sed contra est quod Ambrosius dicit in Lib. IV. de sacramentis (implic. cap. iv. & Lib. VI. cap. 1.) *Licet figura panis, & vini videatur; tamen nihil aliud, quam caro Christi, & sanguis post consecrationem credenda sunt.*

Respondetur dicendum, quod quidam posuerunt, post consecrationem substantiam panis, & vini in hoc sacramento remanere.

Sed hæc positio stare non potest. Primo quidem quia per hanc positionem tollitur veritas huius sacramenti, ad quam pertinet ut verum corpus Christi in hoc sacramento existat, quod quidem ibi non est ante consecrationem. Non autem aliquid potest esse alicubi, ubi prius non erat, nisi vel per loci mutationem, vel per alterius conversionem in ipsum; sicut in domo aliqua de novo incipit esse ignis, aut quia illuc deferretur, aut quia ibi generatur. Manifestum est autem quod corpus Christi non incipit esse in hoc sacramento per motum localem. Primo quidem quia sequeretur quod desineret esse in caelo: non enim quod localiter movetur, pervenit de novo ad aliquem locum, nisi deleat priorem. Secundo quia omne corpus localiter motum pertransit omnia media; quod hic dici non potest. Tertio quia impossibile est quod unus motus eiusdem corporis localiter moti terminetur simul ad diversa loca; cum tamen in pluribus locis corpus Christi sub hoc sacramento simul esse incipiat. Et ideo relinquatur quod non possit aliter corpus Christi incipere esse de novo in hoc sacramento nisi per conversionem substantiae panis in ipsum: quod autem convertitur in aliquid, facta conversione, non manet. Unde relinquatur quod salva veritate huius sacramenti, substantia panis post consecrationem remanere non possit.

Secundo quia hæc positio contrariatur formæ huius sacramenti, in qua dicitur: *Hoc est corpus meum*: quod non esset verum, si substantia panis ibi remaneret: nunquam enim substantia panis esset corpus Christi; sed potius esset dicendum: *Hic est corpus meum.*

Tertio quia contrariatur venerationi huius sacramenti, si aliqua substantia crea-

(a) Ita communiter. Codd. Alean. locum proprium. (b) Ita inf. & editi passim. Alii motum.

creata esset ibi, quæ non posset adorari latræ adorari.

Quarto quia contrariatur ritui Ecclesiæ, secundum quem post corporalem cibum non licet sumere corpus Christi; cum tamen post unam hostiam consecratam liceat sumere aliam.

Unde hæc positio vitanda est tamquam hæretica.

Ad primum ergo dicendum, quod Deus coniugavit Divinitatem suam, id est divinam virtutem, panis, & vino, non ut remaneant in hoc sacramento, sed ut faciat inde corpus, & sanguinem suum.

Ad secundum dicendum, quod in aliis sacramentis non est ipse Christus realiter, sicut in hoc sacramento: & ideo in aliis sacramentis manet substantia materię, non autem in isto.

Ad tertium dicendum, quod species quæ remanent in hoc sacramento, ut infra dicitur (quæst. lxxvii. art. 3. & 4.) sufficiunt ad significationem huius sacramenti: nam per accidentia cognoscitur ratio substantię.

### ARTICULUS III. 442

*Utrum substantia panis, vel vini post consecrationem huius sacramenti annihilatur.*

*IV. dist. xi. quæst. 1. art. 2. & IV. cont. cap. lxxiii. & quol. v. art. 1. & quol. ix. art. 5. ad 3. & I. Cor. xi. lect. 5.*

**A**D tertium sic proceditur. Videtur quod substantia panis post consecrationem huius sacramenti annihilatur, aut in pristinam materiam resolvatur. Quod enim est aliquid corporale, oportet alicubi esse. Sed substantia panis, quæ est quiddam corporale, non manet in hoc sacramento, ut dictum est (præc.) nec etiam est dare aliquem locum, ubi sit. Ergo non est aliquid post consecrationem. Igitur aut est annihilata, aut in præiacentem materiam resoluta.

2. Præterea. Illud quod est terminus a quo in qualibet mutatione, non remanet, nisi forte in potentia materię; sicut cum ex aere fit ignis, forma aeris non manet nisi in potentia materię; & similiter quando ex albo fit nigrum. Sed in hoc sacramento substantia panis, aut vini se habet sicut terminus a quo, corpus autem, vel sanguis Christi sicut terminus ad quem: dicit enim Ambrosius

in Lib. de officiis: (hab. Lib. de iniciand. cap. ix. a med.) *Ante benedictionem illa species nominatur, post benedictionem corpus Christi significatur.* Ergo, facta consecratione, substantia panis, vel vini non manet, nisi forte resoluta in suam materiam.

3. Præterea. Oportet alterum contradictorium esse verum. Sed hæc est falsa: *Facta consecratione, substantia panis, vel vini est aliquid.* Ergo hæc est vera: *Substantia panis, vel vini est nihil.*

Sed contra est quod Augustinus dicit in Lib. lxxxiii. Q. (quæst. xxi.) *Deus non est causa tendendi in non esse.* Sed hoc sacramentum divina virtute perficitur. Ergo in hoc sacramento non annihilatur substantia panis, aut vini.

Respondetur dicendum, quod quia substantia panis, vel vini non manet in hoc sacramento, quidam impossibile reputantes quod substantia panis, vel vini in corpus, vel sanguinem Christi convertatur, posuerunt quod per consecrationem substantia panis, vel vini vel resolvatur in præiacentem materiam, vel quod annihilatur.

Præiacens autem materia, in quam corpora mixta resolvi possunt, sunt quatuor elementa. Non enim potest resolutio fieri in materiam primam, ita quod sine forma exsistat: quia materia sine forma esse non potest. Cum autem post consecrationem nihil sub speciebus sacramenti remaneat, nisi corpus, & sanguis Christi, oportebit dicere, quod elementa, in quæ resoluta est substantia panis, vel vini, inde discedant per motum localem: quod sensu perciperetur. Similiter etiam substantia panis, vel vini manet usque ad ultimum instantis consecrationis; in ultimo autem instanti consecrationis iam est ibi substantia corporis, vel sanguinis Christi, sicut in ultimo instanti generationis iam inest forma. Unde non erit dare aliquid instantis in quo sit ibi præiacens materia. Non enim potest dici, quod paulatim substantia panis, vel vini resolvatur in præiacentem materiam, vel successive egrediat de loco specierum: quia si hoc inciperet fieri in ultimo instanti suæ consecrationis, simul sub aliqua parte hostiæ esset corpus Christi cum substantia panis: quod est contra prædicta (lic sup. & art. præc.) Si vero hoc incipiat fieri ante consecrationem, erit dare aliquid tempus in quo sub aliqua parte hostiæ neque erit substantia panis, neque erit corpus Christi: quod

quod est inconveniens . Et hoc ipsmet perpenderit videntur .

Unde (a) posuerunt illud sub distinctione, scilicet vel quod annihiletur, vel in praecentem materiam resolvatur .

Sed nec hoc potest esse : qui non est dare aliquem modum, quo corpus Christi verum esse incipiat in hoc sacramento, nisi per conversionem substantiae panis in ipsum : quae quidem conversio tollitur, posita vel annihilatione substantiae panis, vel resolutione in praecentem materiam . Sive etiam non est dare, unde talis resolutio, vel annihilatio in hoc sacramento cauteatur ; cum effectus sacramenti significetur per formam : neutrum autem horum significatur per haec verba formae : *Hoc est corpus meum* .

Unde patet praedictam positionem esse falsam .

Ad primum ergo dicendum, quod substantia panis, vel vini, facta consecratione, neque sub speciebus sacramenti manet, neque alibi ; non tamen sequitur quod annihiletur : convertitur enim in corpus Christi : sicut non sequitur, si aer, ex quo generatus est ignis, non sit ibi, vel alibi, quod sit annihilatus .

Ad secundum dicendum, quod forma, quae est terminus a quo, non convertitur in aliam formam ; sed una forma succedit alteri in subiecto : & ideo prima forma non remanet nisi in potentia materiae . Sed hic substantia panis convertitur in corpus Christi, ut supra dictum est ( in corp. & art. praec. ) Unde ratio non sequitur .

Ad tertium dicendum, quod licet post consecrationem haec sit talia, *Substantia panis est aliquid* ; id tamen, inquit substantia panis est conversa, est aliquid : & ideo substantia panis non est annihilata .

## ARTICULUS IV. 443

*Utrum panis possit converti in corpus Christi .*

*Inf. art. 6. cor. & art. 8. cor. & ad 5. & IV. dist. xi. quest. 1. art. 1. quest. 2. ad 1. & quest. 3. ad 3. & art. 3. quest. 1. per 10. & IV. con. cap. lxxv. & quod. v. art. 11. & op. 11. cap. viii. & 1. Cor. xi. l. d. 4. & 5.*

**A**D quartum sic proceditur . Videtur quod panis non possit converti in corpus Christi . Conversio enim quaedam mutatio est . Sed in omni mutatione oportet esse aliquod subiectum, quod prius est in potentia, & postea in actu : ut enim dicitur III. Physic. ( tex. 6. ) *motus est actus existentis in potentia* . Non est autem dare aliquod subiectum substantiae panis, & corporis Christi : quia de ratione substantiae est quod sit non in subiecto, ut dicitur in Praedicamentis ( cap. de substant. ) Non ergo potest esse quod tota substantia panis convertatur in corpus Christi .

**2.** Praeterea . Forma illius in quod aliquid convertitur de novo, incipit esse in materia eius quod in ipsum convertitur ; sicut cum aer convertitur in ignem prius non existentem, forma ignis incipit de novo esse in materia aeris ; & similiter cum cibus convertitur in hominem prius non existentem, forma hominis incipit esse de novo in materia cibi . Si ergo panis convertitur in corpus Christi, necesse est quod forma corporis Christi de novo incipiat esse in materia panis : quod est falsum . Non ergo panis convertitur in substantiam corporis Christi .

**3.** Praeterea . Quae sunt secundum se diversa, nunquam unum eorum fit alterum ; sicut albedo nunquam fit nigredo, sed subiectum albedinis fit subiectum nigredinis, ut dicitur in I. Physicor. ( tex. 43. & seq. ) Sed sicut duae formae contrariae sunt secundum se diversae, utpote principia formalis differentiae existentes ; ita duae materiae signatae sunt secundum se diversae, utpote existentes principia materialis distinctionis . Ergo non potest esse quod haec materia panis fiat haec materia quod individuat corpus Christi : & ita non potest esse quod substantia huius

pa-

(a) Ita post Garziam edit. omnes . Videri cum inf. quoniam posuerunt aliud sub distinctione, scilicet quod annihiletur ; sequentia addunt ad marginem, nisi est quodam in eis . Aliam

panis convertatur in substantiam corporis Christi.

Sed contra est quod Eusebius Emisenus dicit (hom. v. de Palcha, quæ incipit *Magnitudo celestis*, parum a princ.) *Novum tibi, & impossibile esse non debet, quod in Christi substantiam terrena, & mortalia convertuntur.*

Respondet dicendum, quod, sicut supra dictum est (art. 1. hu. quæst.) cum in hoc sacramento sit verum corpus Christi, nec incipiat ibi esse de novo per motum localem, (a) cum etiam nec corpus Christi sit ibi sicut in loco, ut ex dictis patet (art. 2. hu. quæst.) necesse est dicere, quod incipiat ibi esse per conversionem substantiæ panis in ipsum.

Hæc tamen conversio non est similis conversionibus naturalibus, sed est omnino supernaturalis, sola Dei virtute effecta. Unde Ambrosius dicit in Lib. de sacramentis (hab. lib. de iniciand. cap. ix. a med.) *Liquet quod præter naturæ ordinem Virgo generavit, & hoc quod conficimus, corpus ex Virgine est. Quid ergo quæris naturæ ordinem in Christi corpore, cum præter naturam sit ipse Dominus Iesus partus ex Virgine?* Et super illud Ioan. vi. *Verba quæ ego locutus sum vobis, scilicet de hoc sacramento, spiritus, & vita sunt,* dicit Chrysostomus (hom. xlv. in Ioan. ante med.) „ id est spiritualia „ sunt, nihil habentia carnale, neque „ consequentiam naturalem; sed eruta „ sunt ab omni tali necessitate quæ in „ terra, & a legibus quæ hic positæ sunt. „ Manifestum est enim quod omne agens agit, inquantum est actu. Quodlibet autem agens creatum, est determinatum in suo actu, cum sit determinati generis, & speciei. Et ideo cuiuslibet agentis creati actio fertur super aliquem determinatum actum. Determinatio autem cuiuslibet rei in esse actuali est per eius formam. Unde nullum agens naturale, seu creatum potest agere nisi ad immutationem formæ: & propter hoc omnis conversio quæ sit secundum leges naturæ, est formalis. Sed Deus est actus infinitus, ut in prima parte habitum est (quæst. vii. art. 1. & quæst. xxv. art. 2.) unde eius actio se extendit ad totam naturam entis. Non igitur solum potest perficere conversionem formalem, ut scilicet diversæ formæ sibi in eodem subiecto succedant; sed conversionem totius entis, ut scilicet tota substantia huius convertatur in totam substantiam illius. Et hoc

agitur divina virtute in hoc sacramento: nam tota substantia panis convertitur in totam substantiam corporis Christi, & tota substantia vini in totam substantiam sanguinis Christi. Unde hæc conversio non est formalis, sed substantialis; nec continetur inter species motus naturalis, sed proprio nomine potest dici transubstantiatio.

Ad primum ergo dicendum, quod obiectio procedit de mutatione formali, quia formæ proprium est in materia, vel subiecto esse; non autem habet locum in conversione totius substantiæ. Unde cum hæc conversio substantialis importet quandam ordinem substantiarum, quarum una convertitur in alteram, est sicut in subiecto in utraque substantia, sicut ordo, & numerus.

Ad secundum dicendum, quod illa obiectio procedit de conversione formali, seu mutatione, quia oportet, sicut dictum est (in corp. & art. præc.) formam esse in materia, vel subiecto; non autem habet locum in conversione totius substantiæ, cuius non est accipere aliquod subiectum.

Ad tertium dicendum, quod virtute agentis finiti non potest forma in formam mutari, nec materia in materiam; sed virtute agentis infiniti, quod habet actionem in totum ens, potest talis conversio fieri: quia utrique formæ, & utrique materiæ est communis natura entis; & id quod est entitatis in una, potest auctor entis convertere in id quod est entitatis in altera, sublato eo per quod ab illa distinguebatur.

## ARTICULUS V. 444

*Utrum in hoc sacramento remaneant accidentia panis, & vini post conversionem.*

*Sup. art. 2. ad 3. & infra quæst. lxxvi. art. 1. ad 3. & IV. dist. xi. quæst. 1. art. 1. quæst. 2. & dist. xii. quæst. 1. art. 1. quæst. 2. & I. Cor. xi. lect. 5.*

**A**D quintum sic proceditur. Videtur quod in hoc sacramento non remaneant accidentia panis, & vini. Remoto enim priori, removetur & posterior. Sed substantia est naturaliter prior accidenti, ut probatur VII. Metaphys. (tex. 4.) Cum igitur, facta consecratione, non remaneat substantia panis in hoc sacra-

(a) Ita cum *q. d. edit. pag. im. Nicolaus* nec etiam sit ibi sicut in loco.



mento, videtur quod non possint remanere accidentia eius.

2. Præterea. In sacramento veritatis non debet esse aliqua deceptio. Sed per accidentia iudicamus de substantia. Videtur ergo quod deceptiatur humanum iudicium, si remanentibus accidentibus, substantia panis non remaneat. Non ergo hoc est conveniens huic sacramento.

3. Præterea. Quamvis fides nostra non sit subiecta rationi, non tamen est contra rationem, sed supra ipsam, ut in principio huius operis dictum est (quæst. 1. art. 2. & 8. & 2. 2. quæst. 1. art. 4. & 5. & quæst. 2. art. 1. ad r.). Sed ratio nostra habet ortum a sensu. Ergo fides nostra non debet esse contra sensum. Est autem contra sensum, dum sensus iudicat esse panem, & fides credit esse substantiam corporis Christi. Non ergo hoc est conveniens huic sacramento, quod accidentia panis subiecta sensibus maneant, & substantia panis non maneat.

4. Præterea. Illud quod manet, conversione facta, videtur esse subiectum mutationis. Si ergo accidentia panis manent, conversione facta, videtur quod ipsa accidentia sint conversionis subiectum: quod est impossibile, nam accidentis non est accidens. Non ergo in hoc sacramento debent remanere accidentia panis, & vini.

Sed contra est quod Augustinus dicit in Lib. Sentent. Prosperi (seu Prosper in Lib. Sent. Augustini: & hab. cap. xli. de consecrat. dist. 11.). *Nos in specie panis, & vini, quam videmus, res invisibiles, id est carnem, & sanguinem, honoramus.*

Respondeo dicendum, quod sensui apparet, facta consecratione, omnia accidentia panis, & vini remanere.

Quod quidem rationabiliter per divinam providentiam fit. Primo quidem quia non est consuetum hominibus, sed horribile carnem hominis comedere, & sanguinem bibere. Et ideo proponuntur nobis caro, & sanguis Christi sumenda sub speciebus illorum quæ frequentius in usum hominis veniunt, scilicet panis, & vini. Secundo ne hoc sacramentum ab inidelibus irrideretur, si sub specie propria Dominum nostrum manducaremus. Tercio ut dum invisibiliter corpus, & sanguinem Domini nostri sumimus, hoc pronunciat ad meritum fidei.

Ad primum ergo dicendum, quod, sicut dicitur in Lib. de causis (proposit. 1.) effectus plus dependet a causa prima quam a causa secunda. Et ideo

virtute Dei, qui est causa prima omnium, fieri potest ut remaneant posteriora, prioribus sublatis.

Ad secundum dicendum, quod in hoc sacramento nulla est deceptio: sunt enim ibi secundum rei veritatem accidentia, quæ sensibus diiudicantur. Intellectus autem, cuius est proprium obiectum substantia, ut dicitur in III. de Anima (tex. 26.) per fidem a deceptione præservatur.

Et sic patet responsio ad tertium: nam fides non est contra sensum, sed est de eo ad quod sensus non attingit.

Ad quartum dicendum, quod hæc conversio non proprie habet subiectum, ut dictum est (art. præc. ad 1. & 2.) sed tamen accidentia quæ remanent, habent aliquam similitudinem subiecti.

## ARTICULUS VI. 445

*Utrum, facta consecratione, remaneat in hoc sacramento forma substantialis panis.*

*Infr. quæst. lxxvii. art. 1. & 6 cor. & IV. dist. xi. quæst. 1. art. 1. quæst. 3. & dist. xii. quæst. 1. art. 2. quæst. 3. cor. & I. Cor. xi. lect. 4. fin.*

**A**D sextum sic proceditur. Videtur quod, facta consecratione, remaneat in hoc sacramento forma substantialis panis. Dictum est enim (art. præc.) quod, facta consecratione, remaneant accidentia. Sed cum panis sit quoddam artificiale, etiam forma eius est accidens. Ergo remanet, facta consecratione.

2. Præterea. Forma corporis Christi est anima: dicitur enim in II. de Anima (tex. 4. 5. & 6.) quod *anima est actus corporis physici, potentia vitam habentis*. Sed non potest dici, quod forma substantialis panis convertatur in animam. Ergo videtur quod remaneat, facta consecratione.

3. Præterea. Propria operatio rei sequitur formam substantialem eius. Sed illud quod remanet in hoc sacramento, nutrit, & omnem operationem facit quam faceret panis existens. Ergo forma substantialis panis remanet in hoc sacramento, facta consecratione.

Sed contra. Forma substantialis panis est de substantia panis. Sed substantia panis convertitur in corpus Christi, sicut dictum est (art. 2. & 4. huius quæst. 1.) Ergo forma substantialis panis non manet.

Respondeo dicendum, quod quidam posuerunt, quod facta consecratione, non solum remanent accidentia panis, sed etiam forma substantialis eius.

Sed hoc esse non potest. Primo quidem quia si forma substantialis panis remaneret, nihil de pane converteretur in corpus Christi, nisi sola materia; & ita sequeretur quod non converteretur in corpus Christi totum, sed in eius materiam: quod repugnat formae sacramenti, qua dicitur: *Hoc est corpus meum*. Secundo quia si forma substantialis panis remaneret, aut remaneret in materia, aut a materia separata. Primum autem esse non potest: quia si remaneret in materia panis, tunc tota substantia panis remaneret: quod est contra praedicta (art. 2. huius quæstionis.) In alia autem materia remanere non posset: quia propria forma non est nisi in propria materia. Si autem remaneret a materia separata, iam esset forma intelligibilis actu, & etiam intelligens: nam omnes formae a materia separatae sunt tales. Tertio esset inconueniens huic sacramento: nam accidentia panis in hoc sacramento remanent, ut sub eis videatur corpus Christi, non autem sub propria specie, sicut supra dictum est (art. præc.)

Et ideo dicendum est, quod forma substantialis panis non remanet.

Ad primum ergo dicendum, quod nihil prohibet, arte fieri aliquid cuius forma non est accidens, sed forma substantialis, sicut arte possunt produci ranæ, & serpentes: talem enim formam non producit ars virtute propria, sed virtute naturalium principiorum. Et hoc modo producit formam substantialem panis, virtute ignis decoquentis materiam ex farina, & aqua coactam.

Ad secundum dicendum, quod anima est forma corporis, dans ei totum ordinem esse perfecti, scilicet & esse corporeum, & esse animatum, & sic de aliis. Convertitur igitur forma panis in formam corporis Christi, secundum quod dat esse corporeum, non autem secundum quod dat esse animatum tali animæ.

Ad tertium dicendum, quod operatio panis quædam consequuntur ipsum ratione accidentium, sicut immutare sensum: & tales operationes inveniuntur in speciebus panis post consecrationem, propter ipsa accidentia quæ remanent. Quædam autem operationes consequuntur panem vel ratione materiae, sicut quod

convertatur in aliquid, vel ratione formæ substantialis, sicut est operatio consequens speciem eius, puta quod confirmetur hominis: & tales operationes inveniuntur in hoc sacramento non propter formam, vel materiam, quæ remaneat, sed quia miraculose conferuntur ipsis accidentibus, ut infra dicitur (quæst. lxxvii. ar. 3. 5. & 6.)

## ARTICULUS VII. 445

*Utrum ista conversio fiat in instanti.*

*Sup. art. 3. corp. & inf. quæst. lxxviii. art. 2. & 5. cor. & IV. dist. xi. quæst. 1. art. 2. cor. & art. 3. quæst. 2. per tot. & IV. cont. cap. lxxxiii.*

**A**D septimum sic proceditur. Videtur quod ista conversio non fiat in instanti, sed sit successiva. In hac enim conversione prius est substantia panis, & postea substantia corporis Christi. Non ergo utrumque est in eodem instanti, sed in duobus instantibus. Sed inter quolibet duo instantia est tempus medium. Ergo oportet quod hæc conversio fiat secundum successionem temporis, quod est inter ultimum instans quo ibi est panis, & primum instans quo ibi est corpus Christi.

2. Præterea. In omni conversione est fieri, & factum esse. Sed hæc duo non sunt simul: quia quod fit, non est; quod autem factum est, iam est. Ergo in hac conversione est prius, & posterius: & ita oportet quod non sit instantanea, sed successiva.

3. Præterea. Ambrosius dicit in Lib. IV. de sacram. (cap. xv. parum a princ.) quod istud sacramentum *Christi sermone conficitur*. Sed sermo Christi successive profertur. Ergo hæc conversio fit successive.

Sed contra est quod hæc conversio perficitur virtute infinito, cuius est subito operari.

Respondeo dicendum, quod aliqua mutatio est instantanea triplici ratione. Uno quidem modo ex parte formæ, quæ est terminus mutationis. Si enim sit aliqua forma quæ recipiat magis, & minus, successive acquiritur subiecto; sicut sanitas: & ideo quia forma substantialis non recipit magis, & minus, inde est quod subito fit eius introductio in materia. Alio modo ex parte subiecti, quod quandoque successive præparatur ad susceptionem formæ; & ideo aqua successive calcit:

lesit: quando vero ipsum subiectum est in ultima dispositione ad formam, subito recipit ipsam, sicut diaphanum, subito illuminatur. Tercio modo ex parte agentis, quod est infinita virtutis: unde statim potest materiam ad formam disponere; sicut dicitur Marci VII. 34. quod cum Christus dixisset, *Ephpheta, quod est adapere, statim aperte sunt aures hominis, & solutum est vinculum lingue eius.*

Ex his tribus rationibus hæc conversio est instantanea. Primo quidem quia substantia corporis Christi, ad quam terminatur ista conversio, non lusepit magis, neque minus. Secundo quia in hac conversione non est aliquid subiectum, quod successive preparatur. Tercio quia agitur Dei virtute infinita.

Ad primum ergo dicendum, quod quidam non simpliciter concedunt, quod inter quolibet duo instantia sit tempus medium. Dicunt enim, quod hoc habet locum in duobus instantibus quæ referuntur ad eundem motum, non autem in duobus instantibus quæ referuntur ad diversa: unde inter instans quod mensurat finem quietis, & aliud instans quod mensurat principium motus, non est tempus medium.

Sed in hoc decipiuntur: quia unitas temporis, & instantis, vel etiam pluralitas eorum non accipitur secundum quodcumque motus, sed secundum primum motum cæli, qui est mensura omnis motus, & quietis.

Et ideo alii hoc concedunt in tempore quod mensurat motum dependentem ex motu cæli. Sunt autem quidam motus ex motu cæli non dependentes, nec ab eo mensurati, sicut in prima parte dictum est de motibus Angelorum (quæst. LIII. art. 3.) Unde inter duo instantia illis motibus respondentia non est tempus medium.

Sed hoc non habet locum in proposito: quia quamvis ista conversio secundum se non habeat ordinem ad motum cæli, consequitur tamen prolationem verborum, quam necesse est motu cæli mensurari. Et ideo necesse est inter quolibet duo instantia circa istam conversionem signata esse tempus medium.

Quidam ergo dicunt, quod instans in quo ultimo est panis, & instans in quo primo esse corpus Christi, sunt quidem duo per comparisonem ad mensurata, sed sunt unum per comparisonem ad tempus mensurans; sicut cum duæ lineæ se

contingunt, sunt duo puncta ex parte duatum linearum, unum autem punctum ex parte loci continentis.

Sed hoc non est simile: quia instans, & tempus particularibus motibus non est mensura intrinseca, sicut linea, & punctum corporis; sed solum extrinseca, sicut corporibus locus.

Unde alii dicunt, quod est idem instans re, sed aliud ratione.

Sed secundum hoc sequeretur quod realiter opposita essent simul: nam diversitas rationis non variat aliquid ex parte rei.

Et ideo dicendum est, quod hæc conversio, sicut dictum est (in corp. art.) perficitur per verba Christi, quæ a sacerdote proferuntur; ita quod ultimum instans prolationis verborum est primum instans in quo est in sacramento corpus Christi; in toto autem tempore præcedente est ibi substantia panis: cuius temporis non est accipere aliquod instans proxime præcedens ultimum, quia tempus non componitur ex instantibus consequenter se habentibus, ut probatur VI. Physic. (a princ. Lib.) Et ideo est quidem dare primum instans in quo est corpus Christi; non est autem dare ultimum instans in quo sit substantia panis, sed est dare ultimum tempus. Et idem est in mutationibus naturalibus, ut patet per Philosophum in VIII. Physic. (tex. 72.)

Ad secundum dicendum, quod in mutationibus instantaneis simul est fieri, & factum esse; sicut simul est illuminari, & illuminatum esse: dicitur enim in talibus factum esse, secundum quod iam est; fieri autem, secundum quod ante non fuit.

Ad tertium dicendum, quod ista conversio, sicut dictum est (in resp. ad 1.) fit in ultimo instanti prolationis verborum: tunc enim completur verborum significatio, quæ est efficax in sacramentorum formis. Et ideo non sequitur quod ista conversio sit successiva.

## ARTICULUS VIII. 447

*Utrum hæc sit falsa: Ex pane fit corpus Christi.*

## IV. dist. XI. quæst. I. art. 4.

**A**D octavum sic proceditur. Videtur quod hæc sit falsa: *Ex pane fit corpus Christi*. Omne enim id ex quod fit aliquid, (a) etiam dicitur quod fit illud, sed non convertitur: dicimus enim, quod ex albo fit nigrum, & quod albam fit nigrum; & licet dicamus, quod homo fiat niger, non tamen dicimus, quod ex homine fiat nigrum. ut patet in I. Phyc. (tex. 44.) Si ergo verum est quod ex pane fiat corpus Christi, verum erit dicere, quod panis fiat corpus Christi: quod videtur esse falsum, quia panis non est subiectum fæctionis, sed magis est terminus. Ergo non vere dicitur, quod ex pane fiat corpus Christi.

2. Præterea. Fieri terminatur ad esse, vel ad factum esse. Sed hæc nunquam est vera: *Panis est corpus Christi*; vel *Panis est factum corpus Christi*; vel etiam, *Panis erit corpus Christi*. Ergo videtur quod hæc etiam hæc sit vera: *Ex pane fit corpus Christi*.

3. Præterea. Omne id ex quo fit aliquid, convertitur in id quod fit ex eo. Sed hæc videtur esse falsa: *Panis convertitur in corpus Christi*; quia hæc conversio videtur esse miraculosior quam creatio mundi; in qua tamen non dicitur, quod non ens convertitur in ens. Ergo videtur quod etiam hæc sit falsa: *Ex pane fit corpus Christi*.

4. Præterea. Illud ex quo fit aliquid, potest esse illud. Sed hæc est falsa: *Panis potest esse corpus Christi*. Ergo & hæc est falsa: *Ex pane fit corpus Christi*.

Sed contra est quod Ambrosius dicit in Lib. IV. de sacramentis (cap. IV. cir. princ.) *Ubi accedit consecratio, de pane fit corpus Christi*.

Respondendo dicendum, quod hæc conversio panis in corpus Christi quantum ad aliquid convenit cum creatione, & cum transmutatione naturali, & quantum ad ad aliquid differt ab utrobique. Est enim commune his tribus ordo terminorum; scilicet ut post hoc fit hoc (in creatio-

ne enim est esse post non esse; in hoc sacramento corpus Christi post substantiam panis; in transmutatione naturali album post nigrum, vel ignis post aerem) & quod prædicti termini non sint simul. Convenit autem conversio de qua nunc loquimur, cum creatione, quia in neutra eorum est aliquod commune subiectum utrique extremorum: cuius contrarium apparet in omni transmutatione naturali. Convenit vero hæc conversio cum transmutatione naturali in duobus, licet non similiter. Primo quidem quia in utraque unum extremorum transit in aliud; sicut panis in corpus Christi, & aer in ignem; non autem non ens convertitur in ens. Aliter tamen hoc accidit utrobique: nam in hoc sacramento tota substantia panis transit in totum corpus Christi; sed in transmutatione naturali materia unius suscipit formam alterius, priori forma deposita. Secundo conveniunt in hoc quod utrobique remanet aliquid idem, quod non accidit in creatione; differenter tamen: nam in transmutatione naturali remanet eadem materia, vel subiectum; in hoc autem sacramento remanet eadem accidentia.

Et ex his potest accipi, qualiter differenter in talibus loqui debeamus. Quia enim in nullo prædictorum trium extrema sunt simul, ideo in nullo eorum potest unum extremum de alio prædicari per verbum substantivum præsentis temporis: non enim dicimus, *Non ens est ens*, vel *Panis est corpus Christi*, vel *Aer est ignis*, vel *Album est nigrum*. Propter ordinem vero extremorum possumus uti in omnibus hac præpositione ex, quæ ordinem designat: possumus enim vere, & proprie dicere, quod ex non ente fit ens, & ex pane corpus Christi, & ex aere ignis, vel ex albo nigrum. Quia vero in creatione unum extremorum non transit in alterum, non possumus in creatione uti verbo conversionis; ut dicamus, quod non est, convertitur in ens: quo tamen verbo uti possumus in hoc sacramento, sicut & in transmutatione naturali. Sed quia in hoc sacramento tota substantia in totam substantiam mutatur, propter hoc hæc conversio proprie transubstantiatio vocatur.

Rursum quia huius conversionis non est accipere aliquid subiectum, ea quæ verificantur in conversione naturali ratione

I

sub-

(a) Ita Theologi, Nicolaus, & editi recentiores cum quibusdam v. Cod. Alioq. optime est illud quod fit. & ceteri editi est id quod fit illud.

subiecti, non sunt concedenda in hac conversione. Et primo quidem manifestum est quod potentia ad oppositum consequitur subiectum, ratione cuius dicimus, quod album potest esse nigrum, & aer potest esse ignis; licet hæc non sit ita propria, sicut prima: nam subiectum albi, in quo est potentia ad nigredinem, est tota substantia albi: non enim albedo est pars eius: subiectum autem formæ aeris est pars eius: unde cum dicitur, Aer potest esse ignis, verificatur ratione partis per se necesse est. Sed in hac conversione, & similiter in creatione, quia nullum est subiectum, non dicitur, quod unum extremum possit esse aliud; sicut quod non ens possit esse ens, vel quod panis possit esse corpus Christi: & eadem ratione non potest proprie dici, quod de non ente fiat ens, vel quod de pane fiat corpus Christi: quia hæc præpositio *de* designat causam consubstantialitatem: quæ quidem consubstantialitas extremorum in transmutationibus naturalibus attenditur penes convenientiam in subiecto. Et simili ratione non conceditur, quod panis erit corpus Christi, vel quod fiat corpus Christi; licet neque conceditur in creatione, quod non ens erit ens, vel quod non ens fiat ens: quia hic modus loquendi verificatur in transmutationibus naturalibus ratione subiecti; puta cum dicimus, quod album sit nigrum, vel album erit nigrum.

Quia tamen in hoc sacramento, facta conversione, aliquid idem manet scilicet accidentia panis, ut supra dictum est (art. 5. huius quæstionis.) secundum quandam similitudinem aliquæ harum locutionum possunt concedi; scilicet quod panis sit corpus Christi, vel panis erit corpus Christi, vel de pane sit corpus Christi; ut nomine panis ubi intelligatur substantia panis, sed in universali hoc quod sub speciebus panis continetur, sub quibus prius continetur substantia panis, & postea corpus Christi.

Ad primum ergo dicendum, quod illud ex quo aliquid fit, quandoque quidem importat simul subiectum cum uno extremorum transmutationis; sicut cum dicitur, Ex albo fit nigrum; & sic etiam dici potest, Hoc fit illud, id est album fit nigrum: quandoque vero importat solum oppositum, vel extremum; sicut cum dicitur, Ex mane fit dies: Et sic non conceditur, quod hoc fiat illud, id est quod mane fiat dies. Et ita etiam in proposito, licet proprie dicatur, quod

ex pane, fiat corpus Christi; non tamen proprie dicitur, quod panis fiat corpus Christi, nisi secundum quandam similitudinem, ut dictum est (in corp.)

Ad secundum dicendum, quod illud ex quo fit aliquid, quandoque erit illud propter subiectum quod importatur. Et ideo cum huius conversionis non sit aliquid subiectum, non est similis ratio.

Ad tertium dicendum, quod in hac conversione sunt pura difficultiora quam in creatione, in qua hoc solum difficile est quod aliquid fit ex nihilo, quod tamen pertinet ad proprium modum productionis primæ causæ, quæ nihil aliud præsupponit; sed in hac conversione non solum est difficile quod hoc totum convertitur in illud totum, ita quod nihil prioris remaneat (quod non pertinet ad communem modum productionis alicuius causæ) sed etiam habet hoc difficile quod accidentia remaneant, corrupta substantia, & multa alia, de quibus in sequentibus agitur. Tamen verbum conversionis recipitur in hoc sacramento, non autem in creatione, sicut dictum est (in corp. art.)

Ad quartum dicendum, quod, sicut dictum est (in corp.) potentia pertinet ad subiectum, quod non est accipere in hac conversione: & ideo non conceditur quod panis possit esse corpus Christi: non enim hæc conversio fit per potentiam passivam creaturæ, sed per solam potentiam activam creatoris.

## QUAESTIO LXXVI.

*De modo quo Christus est in hoc sacramento.*

*in octo articulos divisa.*

**D**Einde considerandum est de modo quo Christus existit in hoc sacramento. & circa hoc quaeruntur octo.

Primo, utrum totus Christus sit sub hoc sacramento.

Secundo, utrum totus Christus sit sub utraque specie sacramenti.

Tertio, utrum totus Christus sit sub qualibet parte specierum.

Quarto, utrum dimensiones corporis Christi totæ sint in hoc sacramento.

Quinto, utrum corpus Christi sit in hoc sacramento localiter.

Sexto, utrum corpus Christi moveatur ad motum hostiæ, vel calicis post consecrationem.

Septimo, utrum corpus Christi, prout est in hoc sacramento, possit videri ab aliquo oculo glorificato.

Octavo, utrum verum corpus Christi remaneat in hoc sacramento, quando miraculose apparet sub specie pueri, vel carnis.

## ARTICULUS I. 448

*Utrum totus Christus contineatur sub hoc sacramento.*

*Infr. quæst. lxxix. art. 1. ad 3. & IV. dist. x. art. 2. & quol. vii. art. 2. & Ioan. vi. lect. 6. fin.*

**A**D primum sic proceditur. Videtur quod non totus Christus contineatur sub hoc sacramento. Christus enim incipit esse in hoc sacramento per conversionem panis, & vini, sicut dictum est (quæst. præc. art. 4.) Sed manifestum est quod panis, & vinum non possunt converti neque in Divinitatem Christi, neque in eius animam. Cum ergo Christus existat ex tribus substantiis, scilicet Divinitate, anima, & corpore, ut supra habitum est (quæst. xi.) videtur quod totus Christus non sit sub hoc sacramento.

1. Præterea. Christus est in hoc sacramento, secundum quod competit refectioni fidelium, quæ in cibo, & potu consistit, sicut supra dictum est (quæst. lxxiv. art. 1.) Sed Dominus dicit Ioan. vi. 56. *Caro mea vere est cibus, & sanguis meus vere est potus.* Ergo solum caro, & sanguis Christi continentur in hoc sacramento. Sunt autem multæ aliæ partes corporis Christi, puta nervi, ossa, & alia huiusmodi. Non ergo totus Christus continetur sub hoc sacramento.

3. Præterea. Corpus maioris quantitatis non potest totum contineri sub minoris quantitatis mensura. Sed mensura panis, & vini consecrati est multo minor quam propria mensura corporis Christi. Non potest ergo esse quod totus Christus sub hoc sacramento contineatur.

Sed contra est quod Ambrosius dicit in Lib. de offic. (hab. Lib. de initiand. cap. ix. in fin.) *In illo sacramento Christus est.*

Respondendo dicendum, quod omnino necesse est confiteri secundum fidem catholicam, quod totus Christus sit in hoc sacramento.

Sciendum tamen, quod aliquid Christi est in hoc sacramento dupliciter: uno modo quali ex vi sacramenti; alio modo ex naturali concomitantia. Ex vi quidem sacramenti est sub speciebus huius sacramenti id in quod directe convertitur substantia panis, & vini præexistens, prout significatur per verba formæ, quæ sunt effectiva in hoc sacramento, sicut & in ceteris mutationibus; puta cum dicitur, *Hoc est corpus meum*, vel *Hic est sanguis meus*. Ex naturali autem concomitantia est in hoc sacramento illud quod realiter est coniunctum ei in quod prædicta conversio terminatur. Si enim aliqua duo sunt realiter coniuncta, ubicumque est unum realiter, oportet & aliud esse. Sola enim operatione animæ discernuntur quæ realiter sunt coniuncta.

Ad primum ergo dicendum, quod quia conversio panis, & vini non terminatur ad Divinitatem, vel animam Christi, consequens est quod Divinitas, vel anima Christi non sit in hoc sacramento ex vi sacramenti, sed ex reali concomitantia. Quia enim Divinitas corpus assumptum nunquam deposuit, ubicumque est corpus Christi, necesse est & eius Divinitatem esse: & ideo in hoc sacramento necesse est esse Divinitatem Christi, concomitantem eius corpus. Unde (a) in Symbolo Ephesino (in Conc. gen. III. part. 1. cap. xxvi. in epit. Cyril. cap. vii.) legitur: *Participes efficiamur corporis, & sanguinis Christi, non ut communem carnem percipientes, nec ut viri sanctificati, & Verbo coniuncti secundum dignitatis unitatem, sed vere vivificatricem, & ipsius Verbi propriam sacram.* Anima vero realiter separata fuit a corpore, ut supra dictum est (quæst. l. art. 3. & 4.) Et ideo si in illo triduo mortis fuisset hoc sacramentum celebratum, non fuisset ibi anima Christi nec ex vi sacramenti, nec ex reali concomitantia. Sed quia *Christus resurgens ex mortuis iam non moritur*, ut dicitur Rom. vi. 9. anima eius semper est realiter corpori eius unita. Et ideo in hoc sacramento corpus quidem Christi est ex vi sacramenti, anima autem Christi ex reali concomitantia.

Ad secundum dicendum, quod ex vi sacramenti sub hoc sacramento continetur, quantum ad species panis, non solum caro, sed totum corpus Christi, scilicet ossa, nervi, & alia huiusmodi. Et hoc apparet ex forma huius sacramenti, in qua non dicitur, *Hæc est caro mea*,

I i 2 sed

(a) *As in Synodo Ephesina?*

fed *Hoc est corpus meum*. Et ideo cum Dominus dixit Ioan. vi. 56. *Caro mea vere est cibus*, caro ponitur ibi pro toto corpore: quia secundum consuetudinem humanam videtur esse magis manducationi accommodata, prout scilicet homines carnis animalium vescuntur communiter, non autem ossibus, vel aliis huiusmodi.

Ad tertium dicendum, quod, sicut supra dictum est (quaest. lxxv. art. 5) facta conversione panis in corpus Christi, vel vini in sanguinem, accidentia utriusque manent. Ex quo patet quod dimensiones panis, vel vini non convertuntur in dimensiones corporis Christi, sed substantia in substantiam: & sic substantia corporis Christi, vel sanguinis est sub hoc sacramento ex vi sacramenti, non autem dimensiones corporis, vel sanguinis Christi. Unde patet quod corpus Christi est in hoc sacramento per modum substantiae, & non per modum quantitatis. Propria autem totitas substantiae continetur indifferenter in parva, vel magna quantitate; sicut tota natura aeris in magno, vel parvo aere, & tota natura hominis in magno, vel parvo homine. Unde & tota substantia corporis, & sanguinis Christi continetur in hoc sacramento post consecrationem, sicut ante consecrationem continebatur ibi tota substantia panis, & vini.

## ARTICULUS II. 449

*Utrum totus Christus contineatur sub utraque specie huius sacramenti.*

*Inf. quaest. lxxviii, art. 6. ad 2. & quaest. lxxix, art. 1. ad 3. & quaest. lxxx. art. 12. ad 3. & 11. dist. xi. quaest. 11. art. 1. quaest. 1. ad 2. & Ioan. vi. l. 7. & I. Cor. xi. l. 6.*

**A**D secundum sic proceditur. Videtur quod non sub utraque specie huius sacramenti totus Christus contineatur. Hoc enim sacramentum ad salutem fidelium ordinatur, non virtute specierum, sed virtute eius quod sub speciebus continetur: quia species erant etiam ante consecrationem, ex qua est virtus huius sacramenti. Si ergo nihil continetur sub una specie quod non contineatur sub alia, sed totus Christus continetur sub utraque; videtur quod altera illarum superflua sit in hoc sacramento.

3. Præterea. Dictum est (art. præc.

in corp. & ad 2.) quod sub nomine carnis omnes aliae partes corporis continentur, sicut ossa, nervi, & alia huiusmodi. Sed sanguis est una partium humani corporis, sicut patet per Aristotelem in in Lib. III. de animal. (sc. hist. animal. cap. 11. & Lib. II. de partib. animal. cap. 11.) Si ergo sanguis Christi continetur sub specie panis, sicut continetur ibi aliae partes corporis, non deberet seorsum sanguis consecrari, sicut neque seorsum consecratur aliqua alia pars corporis.

3. Præterea. Quod iam factum est, iterum fieri non potest. Sed corpus Christi iam incipit esse in hoc sacramento per consecrationem panis. Ergo non potest esse quod de novo incipiat esse per consecrationem vini: & ita sub specie vini non continebitur corpus Christi, & per consequens nec totus Christus. Non ergo sub utraque specie totus Christus continetur.

Sed contra est quod I. Corinth. x. super illud, *Et calicem*, dicit Glossa (ordin.) quod sub utraque specie, scilicet panis, & vini, *idem sumitur*: & ita videtur sub utraque specie totus Christus esse.

Respondendo dicendum, certissime tenendum esse, quod sub utraque specie sacramenti totus est Christus; aliter tamen, & aliter.

Nam sub speciebus panis est quidem corpus Christi ex vi sacramenti, sanguis autem ex reali concomitantia, sicut supra dictum est (art. præc. ad 1.) de anima, & Divinitate Christi; sub speciebus vero vini est quidem sanguis Christi ex vi sacramenti, corpus autem Christi ex reali concomitantia, sicut anima, & Divinitas: eo quod nunc sanguis Christi non est ab eius corpore separatus, sicut fuit tempore passionis, & mortis: unde si tunc fuisset hoc sacramentum celebratum, sub speciebus panis fuisset corpus Christi sine sanguine, & sub speciebus vini sanguis sine corpore, sicut erat in rei veritate.

Ad primum ergo dicendum, quod quavis totus Christus sit sub utraque specie, non tamen frustra. Nam primo quidem hoc valet ad representandam passionem Christi, in qua seorsum fuit sanguis a corpore separatus: unde & in forma consecrationis sanguinis fit mentio de eius effusione. Secundo hoc est conveniens usus huius sacramenti, ut seorsum exhibetur fidelibus corpus Christi in cibum, & san-

& sanguis in potum. Tercio quantum ad effectum, secundum quod supra dictum est (quæst. lxxiv. art. 1) quod corpus exhibetur pro salute corporis, & sanguis pro salute animæ.

Ad secundum dicendum, quod in passionem Christi, cuius hoc sacramentum est memoriale, non fuerunt aliæ partes corporis ab invicem separatae, sicut sanguis, sed corpus indissolubile permansit, secundum quod legitur Exod. xii. 46. *Nec es illius confringeris*. Et ideo in hoc sacramento secritum consecratur sanguis a corpore, non autem aliqua alia pars ab alia.

Ad tertium dicendum, quod, sicut dictum est (in corp.) corpus Christi non est sub specie vini ex vi sacramenti, sed ex reali concomitantia; & ideo per consecrationem vini non fit ibi corpus Christi per se, sed concomitanter.

### ARTICULUS III. 450

*Utrum sit totus Christus sub qualibet parte specierum panis, vel vini,*

IV. dist. x. art. 3. quæst. 3. & dist. xii. quæst. 1. art. 3. quæst. 2. ad 3. & IV. con. cap. lxxvii. & quol. IV. art. 8. cor. fin.

**A**D tertium sic proceditur. Videtur quod non sit totus Christus sub qualibet parte specierum panis, vel vini. Species enim illæ dividi possunt in infinitum. Si ergo Christus totus est sub qualibet parte specierum prædictarum, sequeretur quod infinites eliet in hoc sacramento; quod est inconveniens: nam infinitum repugnat non solum naturæ, sed etiam gratiæ.

2. Præterea. Corpus Christi, cum sit organicum, habet partes determinate distantes: est enim de ratione organici corporis determinata distantia singularum partium ab invicem, sicut oculi ab oculo, & oculi ab aure. Sed hoc non posset esse, si sub qualibet parte specierum esset totus Christus: oporteret enim quod sub qualibet parte esset quælibet pars; & ita ubi esset una pars, esset & alia. Non ergo potest esse quod totus Christus sit sub qualibet parte hostiæ, vel vini contenti in calice.

3. Præterea. Corpus Christi semper veram retinet corporis naturam, neque unquam mutatur in spiritum. Sed de ra-

*S. Th. Oper. Tom. XXIV.*

(2.) Ita communiter. Respondens. Ad rationem autem huius quantitatis &c.

tionem corporis est ut sit quantitas positionem habens, ut patet in Prædicamentis (cap. de quant.). (2) Sed ad rationem huius quantitatis pertinet quod diversæ partes in diversis partibus loci existant. Non ergo potest esse, ut videtur, quod totus Christus sit sub qualibet parte specierum.

Sed contra est quod Augustinus dicit in quodam sermone (id habet Greg. in Sacramentar. Dominica v. post Epiph.) *Singuli accipiunt Christum Dominum, & in singulis portionibus totus est, nec per singulas minuitur, sed integrum se præbet in singulis*.

Respondendo dicendum, quod, sicut ex supradictis patet (art. præc. & art. i. huius quæst.) quia in hoc sacramento substantia corporis Christi est ex vi sacramenti, quantitas autem dimensiva ex vi realis concomitantiae; ideo corpus Christi est in hoc sacramento per modum substantiæ, id est per modum quo substantia est sub dimensionibus, non autem per modum dimensionum, id est non per modum illum quo quantitas dimensiva alicuius corporis est sub quantitate dimensiva loci.

Manifestum est autem quod natura substantiæ tota est sub qualibet parte dimensionum, sub quibus continetur; sicut sub qualibet parte aeris est tota natura aeris, & sub qualibet parte panis est tota natura panis: & hoc indifferenter, sive sint dimensiones actu divise (sicut cum aer dividitur, vel panis secatur) vel etiam sint actu indivise, divisibiles vero potentia. Et ideo manifestum est quod totus Christus est sub qualibet parte specierum panis, etiam hostia integra manente, & non solum cum frangitur, sicut quidam dicunt, ponentes exemplum de imagine, quæ apparet in speculo, quæ apparet una in speculo integro, in speculo autem fracto apparet singulari in singulis partibus: quod quidem non est omnino simile: quia multiplicatio huiusmodi imaginum accidit in speculo fracto propter diversas reflexiones ad diversas partes speculi; hic autem non est nisi una consecratio, propter quam corpus Christi est in hoc sacramento.

Ad primum ergo dicendum, quod numerus sequitur divisionem. Et ideo quantum quantitas manet indivisa actu, neque substantia alicuius rei est pluries sub dimensionibus propriis, neque corpus Christi sub dimensionibus panis, & per con-

113 se-



sequens neque infinitus, sed toties, in quot partes dividitur.

Ad secundum dicendum, quod illa determinata distantia partium in corpore organico fundatur super quantitate dimensionis ipsius, ipsa autem natura substantiae praecedit etiam quantitatem dimensionem. Et ideo quia conversio substantiae panis directe terminatur ad substantiam corporis Christi, secundum cuius modum proprie, & directe est in hoc sacramento corpus Christi; talis distantia partium est quidem in ipso corpore Christi vero, sed non secundum hanc distantiam comparatur ad hoc sacramento, sed secundum modum suae substantiae, sicut dictum est (in corp. & art. 1. hu. quest.)

Ad tertium dicendum, quod ratio illa procedit de natura corporis, quam habet secundum quantitatem dimensionem. Dictum est autem (in corp.) quod corpus Christi comparatur ad hoc sacramento, non ratione quantitatis dimensionis, sed ratione suae substantiae, sicut dictum est (ibid.)

#### ARTICULUS IV. 451

*Utrum tota quantitas dimensionis corporis Christi sit in hoc sacramento.*

*IV. dist. x. art. 2. quest. 3. & 4. & dist. xii. quest. 1. art. 2. quest. 1. co. & IV. cont. cap. lxxii. lxxiv. & lxxv. & quod. vii. art. 8. cor.*

**A**D quantum sic proceditur. Videtur quod non tota quantitas dimensionis corporis Christi sit in hoc sacramento. Dictum est enim (art. praec.) quod totum corpus Christi continetur sub qualibet parte hostiae consecratae. Sed nulla quantitas dimensionis tota continetur in aliquo toto, & in qualibet parte eius. Ergo est impossibile quod tota quantitas dimensionis corporis Christi contineatur in hoc sacramento.

2. Praeterea. Impossibile est duas quantitates dimensionis esse similes, etiam si una sit separata, & alia in corpore naturali, ut patet per Philosophum in III. Metaphysic. (tex. 9.) Sed in hoc sacramento remanet quantitas dimensionis panis, ut sensu apparet. Non ergo est ibi quantitas dimensionis corporis Christi.

3. Praeterea. Si duae quantitates dimensionis inaequales iuxta se ponantur, maior extenditur ultra minorem. Sed quantitas dimensionis corporis Christi est mul-

to maior quam quantitas dimensionis hostiae consecratae secundum omnem dimensionem. Si ergo in hoc sacramento sit quantitas dimensionis corporis Christi cum quantitate dimensionis hostiae, quantitas dimensionis corporis Christi extendetur ultra quantitatem hostiae; quae tamen non est sine substantia corporis Christi. Ergo substantia corporis Christi erit in hoc sacramento, etiam praeter species panis: quod est inconveniens, cum substantia corporis Christi non sit in hoc sacramento nisi per consecrationem panis, ut dictum est (art. 1. hu. quest.) Impossibile ergo videtur quod tota quantitas dimensionis corporis Christi sit in hoc sacramento.

Sed contra est quod quantitas dimensionis corporis alicuius non separatur secundum esse a substantia eius. Sed in hoc sacramento est tota substantia corporis Christi, ut supra habitum est (art. praec.) Ergo tota quantitas dimensionis corporis Christi est in hoc sacramento.

Respondeo dicendum, quod, sicut supra dictum est (art. 1. hu. quest.) dupliciter aliquid Christi est in hoc sacramento: uno modo ex vi sacramenti; alio modo ex reali concomitantia. Ex vi quidem sacramenti quantitas dimensionis corporis Christi non est in hoc sacramento: ex vi enim sacramenti est in hoc sacramento illud in quod directe conversio terminatur. Conversio autem quae fit in hoc sacramento, directe terminatur ad substantiam corporis Christi, non autem ad dimensiones eius: quod patet ex hoc quod quantitas dimensionis panis remanet, facta consecratione, sola substantia panis transeunte.

Quia tamen substantia corporis Christi realiter non dividitur a sua quantitate dimensionis, & ab aliis accidentibus; inde est quod ex vi realis concomitantiae est in hoc sacramento tota quantitas dimensionis corporis Christi, & omnia accidentia eius.

Ad primum ergo dicendum, quod modus essendi cuiuslibet rei determinatur secundum id quod est ei per se, non autem secundum id quod est ei per accidens; sicut corpus est in visu, secundum quod est album, non autem secundum quod est dulce; licet item corpus sit album, & dulce: unde & dulcedo est in visu secundum modum albedinis, non secundum modum dulcedinis. Quia igitur ex vi huius sacramenti est in altari substantia corporis Christi, quantitas autem di-

dimensiva eius est ibi concomitanter, & in eo localiter. Ergo corpus Christi est quali per accidens; ideo quantitas dimensiva corporis Christi est in hoc sacramento, non secundum proprium modum (ut scilicet sit tota in toto, & singulae partes in singulis partibus) sed per modum substantiae, cuius natura est tota in toto, & tota in qualibet parte.

Ad secundum dicendum, quod duae quantitates dimensionales non possunt naturaliter simul esse in eodem, ita quod utraque sit ibi secundum proprium modum quantitatis dimensionalis. In hoc autem sacramento quantitas dimensiva panis est secundum proprium modum, scilicet secundum commensurationem quandam; non autem quantitas dimensiva corporis Christi, sed est ibi per modum substantiae, ut dictum est (in corp. & art. praec. ad 2.)

Ad tertium dicendum, quod quantitas dimensiva corporis Christi non est in hoc sacramento secundum modum commensurationis, qui est proprius quantitati, ad quem pertinet quod maior quantitas extendatur ultra minorem; sed est ibi per modum iam dictum (in corp. & in solut. praec.)

## ARTICULUS V. 452

*Utrum corpus Christi sit in hoc sacramento sicut in loco.*

*Inf. art. 6. cor. & ad 1. & IV. dist. x. art. 1. ad 5. 6. 7. & 8. & art. 3. quæst. 2. ad 2. & IV. cont. cap. lxxv. fin. & quod. 1. art. 12. ad 2.*

**A**D quintum sic proceditur. Videtur quod corpus Christi sit in hoc sacramento sicut in loco. Esse enim in aliquo definitivè, vel circumscriptivè, est pars eius quod est esse in loco. Sed corpus Christi videtur esse definitivè in hoc sacramento, quia ita est ubi sunt species panis, vel vini, quod non est in alio loco altaris: videtur etiam ibi esse circumscriptivè, quia ita continetur superficie hostiae consecratae, quod nec excedit, nec exceditur. Ergo corpus Christi est in hoc sacramento sicut in loco.

2. Præterea. Locus specierum panis non est vacuum: natura enim non patitur vacuum: nec est ibi substantia panis, ut supra habitum est (quæst. praec. art. 2.) sed est ibi solum corpus Christi. Ergo corpus Christi replet locum illum. Sed omne quod replet locum aliquem, est

in eo localiter. Ergo corpus Christi est in hoc sacramento localiter.

3. Præterea. Sicut dictum est (art. praec. & art. 3. huius quæst.) in hoc sacramento est corpus Christi cum sua quantitate dimensionali, & cum omnibus suis accidentibus. Sed esse in loco est accidens corporis: unde & ibi connumeratur inter novem genera accidentium. Ergo corpus Christi est in hoc sacramento localiter.

Sed contra est quod oportet locum, & locatum esse aequalia, ut patet per Philosophum in IV. Physic. (tex. 30.) Sed locus, ubi est hoc sacramento, est multo minor quam corpus Christi. Ergo corpus Christi non est in hoc sacramento sicut in loco.

Respondeo dicendum, quod, sicut iam dictum est (art. 3. huius quæst.) corpus Christi non est in hoc sacramento secundum proprium modum quantitatis dimensionalis, sed magis secundum modum substantiae. Omne autem corpus locatum est in loco secundum modum quantitatis dimensionalis, in quantum scilicet commensuratur loco secundum suam quantitatem dimensionalem. Unde relinquitur quod corpus Christi non est in hoc sacramento sicut in loco, sed per modum substantiae, eo scilicet modo quo substantia continetur a dimensionibus: succedit enim substantia corporis Christi in hoc sacramento substantiae panis: unde sicut substantia panis non erat sub suis dimensionibus localiter, sed per modum substantiae, ita nec substantia corporis Christi. Non tamen substantia corporis Christi est subiectum illarum dimensionum, sicut erat substantia panis: & ideo substantia panis ratione suarum dimensionum localiter erat ibi, quia comparabatur ad locum illum medianibus propriis dimensionibus; substantia autem corporis Christi comparatur ad locum illum medianibus dimensionibus alienis; ita quod e converso dimensiones propriae corporis Christi comparantur ad locum illum mediante substantia; quod est contra rationem corporis locati.

Unde nullo modo corpus Christi est in hoc sacramento localiter.

Ad primum ergo dicendum, quod corpus Christi non est in hoc sacramento definitivè: quia sic non esset alibi quam in hoc altari, ubi conficitur hoc sacramentum; cum tamen sit & in calce in propria specie, & in multis aliis altaribus sub specie sacramenti. Similiter etiam patet quod non est in hoc sacramen-

to circumscriptive: quia non est ibi secundum commensurationem propriæ quantitatis, ut dictum est (in corp.) Quod autem non est extra superficiem sacramenti, nec est in alia parte altaris, non pertinet ad hoc quod sit ibi definitive, vel circumscriptive; sed ad hoc quod incipit ibi esse per consecrationem, & conversionem panis, & vini, ut supra dictum est (quaest. præc. art. 3. & 4.)

Ad secundum dicendum, quod locus ille in quo est corpus Christi, non est vacuus; neque tamen proprie est repletus substantia corporis Christi, quæ non est ibi localiter, sicut dictum est (in corp. art.) sed est repletus speciebus sacramentorum, quæ habent replere locum vel propter naturam dimensionum, vel saltem miraculose, sicut & miraculose subsistunt per modum substantiæ.

Ad tertium dicendum, quod accidentia corporis Christi sunt in hoc sacramento, sicut supra dictum est (art. præc.) secundum realem concomitantiam. Et ideo illa accidentia corporis Christi sunt in hoc sacramento, quæ sunt ei intrinseca. Esse autem in loco est accidens per comparationem ad extrinsecum continens. Et ideo non oportet quod Christus sit in hoc sacramento sicut in loco.

## ARTICULUS VI. 453

*Utrum corpus Christi sit mobiliter in hoc sacramento.*

IV. dist. x. art. 4. quæst. 4. & opusc. xi. art. 34.

**A**D sextum sic proceditur. Videtur quod corpus Christi sit mobiliter in hoc sacramento. Dicit enim Philosophus in II. Top. (cap. xii. loco 24.) quod *motus nobis, moventur ea quæ in nobis sunt*: quod quidem est verum etiam de spiritali substantia animæ. Sed Christus est in hoc sacramento, ut supra habitum est (art. i. huius quæst.) Ergo movetur ad motum ipsius.

2. Præterea. Veritas debet respondere figuræ. Sed de agno paschali, qui erat figura huius sacramenti, *non remanebat quicquam usque mane*, sicut præcipitur Exodi xii. Ergo neque etiam hoc sacramentum reservetur in crastinum, erit ibi corpus Christi: & ita non est immobiliter in hoc sacramento.

3. Præterea. Si corpus Christi rema-

neat sub hoc sacramento etiam in crastino, pari ratione remanebit & per totum sequens tempus: non enim potest dici, quod desinat ibi esse, cessantibus speciebus, quia esse corporis Christi non dependet a speciebus illis. Non autem remanet sub hoc sacramento Christus per totum tempus futurum. Videtur ergo quod statim in crastino, vel post modicum tempus desinat esse sub hoc sacramento: & ita videtur quod Christus mobiliter sit in hoc sacramento.

Sed contra. Impossibile est idem esse motum, & quietum, quia sic contradictoria verificarentur de eodem. Sed corpus Christi in cælo quietum residet. Non ergo est mobiliter in hoc sacramento.

Respondetur dicendum, quod cum aliquid est unum subiecto, & multiplex secundum esse, nihil prohibet secundum aliquid moveri, & secundum aliquid immobiler permanere; sicut corpori est aliud esse album, & aliud esse magnum: unde potest moveri secundum albedinem, & permanere immobile secundum magnitudinem.

Christo autem non est idem esse secundum se, & esse sub hoc sacramento: quia per hoc quod dicimus ipsum esse sub hoc sacramento, significatur quedam habitudo eius ad hoc sacramentum. Secundum igitur hoc esse non movetur Christus per se secundum locum, sed solum per accidens: quia Christus non est in hoc sacramento sicut in loco, sicut prædictum est (art. præc.) quod autem non est in loco, non movetur per se in loco, sed solum ad motum eius in quo est. Similiter autem neque per se movetur secundum esse quod habet in hoc sacramento, quacumque alia mutatione, prout quantum ad hoc quod desinat esse sub hoc sacramento: quia illud quod de se habet esse indiciens, non potest esse deficienti principium; sed alio deficienti, hoc desinit esse in eo: sicut Deus, cuius esse est indiciens, & immortale, desinit esse in aliqua creatura corruptibili per hoc quod creatura corruptibilis desinit esse. Et hoc modo cum Christus habeat de se esse indiciens, & incorruptibile, non desinit esse sub hoc sacramento neque per hoc quod ipsum desinat esse, neque etiam per motum localem sui, ut ex dictis patet (art. præc.) sed solum per hoc quod species huius sacramenti desinit esse.

Unde patet quod Christus, per se loquendo

quando, immobiliter est in hoc sacramento.

Ad primum ergo dicendum, quod ratio illa procedit de motu per accidens, quo ad motum nostri moventur ea quae in nobis sunt; aliter tamen ea quae per se possunt esse in loco, sicut corpora; & aliter ea quae per se non possunt esse in loco, sicut formae, & spirituales substantiae. Ad quem modum potest reduci quod dicimus Christum moveri per accidens, secundum esse quod habet in hoc sacramento, in quo non est sicut in loco.

Ad secundum dicendum, quod hac ratione moti videntur fuisse quidam ponentes, quod corpus Christi non remaneat sub hoc sacramento, si in crastinum reſervetur. Contra quos Cyrillus dicit (hab. in Cat. D. Th. sup. illud Lucae xxii. *Hoc est corpus meum*): *Inſanunt quidam dicentes mysticam benedictionem cessare a sanctificatione, si quae eius reliquiae remanserint in diem subsequentem. non enim mutatur sacramentum corpus Christi, sed virtus benedictionis, & vivificativa gratia iugis in eo est*: sicut etiam omnes aliae consecrationes immobiliter manent, permanentibus rebus consecratis; propter quod non iterantur. Veritas autem licet figurae respondeat, tamen figura non potest eam adaequare.

Ad tertium dicendum, quod corpus Christi remanet in hoc sacramento non solum in crastino, sed etiam in futuro, quousque species sacramentales manent, quibus cessantibus, definit esse corpus Christi sub eis, non quia ab eis dependeat, sed quia tollitur habitudo corporis Christi ad istas species: per quem modum Deus definit esse Dominus creaturae desinentis.

# ARTICULUS VII. 454

*Utrum corpus Christi, prout est in hoc sacramento, possit videri ab aliquo oculo saltem glorificato.*

*Inf. art. 8. co. & IV. dist. x. art. 1. quest. 2. ad 3. & art. 4. quest. 1. per tot. & quest. 4. ad 2. & in expo. litt. ad 1. 2. & 4.*

**A**D septimum sic proceditur. Videtur quod corpus Christi, prout est in hoc sacramento, possit videri ab aliquo oculo saltem glorificato. Oculus enim noster impeditur a visione corporis Christi

in hoc sacramento existentis, propter species sacramentales ipsum circumvelantes. Sed oculus glorificatus non potest ab aliquo impediri quin corpora quaelibet videat, prout sunt. Ergo oculus glorificatus potest videre corpus Christi, prout est in hoc sacramento.

2. Præterea. Corpora gloriosa Sanctorum erunt configurata corpori claritatis Christi, ut dicitur Philip. iii. Sed oculus Christi videt seipsum, prout est in hoc sacramento. Ergo pari ratione quilibet alius oculus glorificatus potest ipsum videre.

3. Præterea. Sancti in resurrectione erunt æquales Angelis, ut dicitur Lucae xx. Sed Angeli vident corpus Christi, prout est in hoc sacramento: quia etiam demones inveniuntur huic sacramento reverentiam exhibere, & ipsum timere. Ergo pari ratione oculus glorificatus potest Christum videre, prout est in hoc sacramento.

Sed contra. Nihil idem existens potest simul ab eodem videri in diversis speciebus. Sed oculus glorificatus semper videt Christum, prout est in sua specie, secundum illud iia. xxxiii. 17. *Regem in decore suo videbunt*. Ergo videtur quod non videat Christum, prout est sub specie huius sacramenti.

Respondeo dicendum, quod duplex est oculus; scilicet corporalis proprie dictus, & intellectualis, qui per similitudinem dicitur. A nullo autem oculo corporali corpus Christi potest videri, prout est in hoc sacramento. Primo quidem quia corpus visibile per sua accidentia immutat medium. Accidentia autem corporis Christi sunt in hoc sacramento mediante substantia; ita scilicet quod accidentia corporis Christi non habent immediatam habitudinem neque ad hoc sacramentum, neque ad corpora quae ipsum circumstant; & ideo non possunt immutare medium, ut sic ab aliquo corporali oculo videri possint. Secundo quia, sicut supra dictum est (art. 1. hu. quæst. ad 3.) corpus Christi est in hoc sacramento per modum substantiae. Substantia autem, inquantum huiusmodi, non est visibilis oculo corporali; neque subiacet alicui sensui, sed nec etiam imaginationi, sed soli intellectui, cuius obiectum est quod quid est, ut dicitur in III. de Anima (tex. 16.)

Et ideo, proprie loquendo, corpus Christi secundum modum essendi quem habet in hoc sacramento, neque sensui, neque imaginatione perceptibile est, sed

solo intellectu, qui dicitur oculus spiritualis. Percipitur autem diversimode a diversis intellectibus. Quia enim modus eicenti quo Christus est in hoc sacramento, est penitus supernaturalis, a supernaturali intellectu, scilicet divino, secundum se visibilis est, & per consequens ab intellectu beato vel Angeli, vel hominis, qui secundum participationem claritatem divini intellectus videt ea quæ supernaturalia sunt per visionem divinæ essentiae. Ab intellectu autem hominis viatoris non potest conspici nisi per fidem, sicut & cetera supernaturalia. Sed nec etiam intellectus angelicus secundum sua naturalia sufficit ad hoc intueundum: unde demones non possunt videre per intellectum Christum in hoc sacramento, nisi per fidem; cui non voluntarie assentiunt, sed ad eam evidentiā signorum convincuntur, prout dicitur Iacobi 11. 19. *quod demones credunt, & contremiscunt.*

Ad primum ergo dicendum, quod oculus noster corporeus per species sacramentales impeditur a visione corporis Christi sub eis existentis, non solum per modum tegumenti (sicut impeditur videre id quod est velatum quocumque corporali velamine); sed quia corpus Christi non habet habitudinem ad medium quod circumstat hoc sacramentum, mediantibus propriis accidentibus, sed mediantibus speciebus sacramentalibus.

Ad secundum dicendum, quod oculus coporalis Christi videt seipsum sub sacramento existentem; non tamen potest videre ipsum modum essendi quo est sub sacramento; quod pertinet ad solum intellectum. Non tamen est simile ac alio oculo glorioso: quia etiam ipse oculus Christi est sub hoc sacramento, in quo non conformatur ei alius oculus gloriosus.

Ad tertium dicendum, quod Angelus bonus, vel malus non potest aliquid videre oculo corporeo, sed solum oculo intellectu. Unde non est similis ratio, ut ex dictis patet (in corp. art.)

## ARTICULUS VIII. 455

*Utrum quando in hoc sacramento appareat miraculose caro, vel puer, sit ibi vere corpus Christi.*

*IV. dist. x. art. 2. quest. 2. ad 3. & art. 4. quest. 2. & 3. & opus. lvi. cap. xi.*

**A**D octavum sic proceditur. Videtur quod quando in hoc sacramento miraculose appareat caro, vel puer, non sit ibi vere corpus Christi. Corpus enim Christi desinit esse sub hoc sacramento, quando desinit esse species sacramentales, ut dictum est (art. 6. huius quest.) Sed quando appareat caro, vel puer, desinit esse species sacramentales. Ergo non est ibi vere corpus Christi.

2. Præterea. Ubicumque est corpus Christi, vel est ibi sub specie propria, (a) vel sub specie sacramenti. Sed quando tales apparitiones fiunt, manifestum est quod non est ibi Christus sub specie propria: quia in hoc sacramento totus Christus continetur, qui permanet integer in forma qua ascendit in cælum; cum tamen id quod miraculose appareat in hoc sacramento, quandoque videatur ut quidam parva caro, quandoque autem ut parvus puer. Manifestum est etiam quod non est ibi sub specie sacramenti, quæ est species panis, vel vini. Ergo videtur quod corpus Christi nullo modo sit ibi.

3. Præterea. Corpus Christi incipit esse in hoc sacramento per consecrationem, & conversionem, ut supra dictum est (quest. lxxv. art. 2. 3. & 4.) Sed caro, & sanguis miraculose apparens non sunt consecrata, nec converta in verum corpus, & sanguinem Christi. Non ergo sub his speciebus est corpus, vel sanguis Christi.

Sed contra est quod in tali apparitione facta, eadem reverentia exhibetur ei quod appareat quæ etiam primo exhibebatur: quod quidem non fieret, si vere non esset ibi Christus, cui reverentiam latræ exhibemus. Ergo etiam tali apparitione facta, Christus est sub hoc sacramento.

Respondeo dicendum, quod dupliciter contingit talis apparitio, quia quandoque in hoc sacramento miraculose videtur caro, aut sanguis, aut etiam aliquis puer. Quandoque enim hoc contingit ex parte videntium, quorum oculi

(a) Ita cum n. J. ed. i. communiter. Al. vel specie.

inmutantur tali immutatione, ac si expresse viderent exteriori carnem, vel sanguinem, vel puerum, nulla tamen immutatione facta ex parte sacramenti. Et hoc quidem videtur contingere, quando uni videtur sub specie carnis, vel pueri, aliis tamen videtur, sicut & prius, sub specie panis; vel quando eidem ad horam videtur sub specie carnis, vel pueri, & postmodum sub specie panis. Nec hoc tamen pertinet ad aliquam deceptionem, sicut accidit in magorum praeligiis: quia talis species diuinitus formatur in oculo ad aliquam veritatem figurandam, ad hoc scilicet quod manifestetur vere corpus Christi esse sub hoc sacramento; sicut etiam Christus absque deceptione apparuit discipulis euntibus in Emmaus. Dicit enim Augustinus in Lib. II. de quaest. Evang. (quaest. ult. in princ.) quod cum *scilicet nostra reseretur ad aliquam significationem, non est mendacium, sed aliqua figura veritatis*. Et quia per hunc modum nulla immutatio fit ex parte sacramenti, manifestum est quod non delinit Christus esse sub hoc sacramento, tali apparitione facta.

Quandoque vero contingit talis apparitio non per solam immutationem videntium, sed specie quæ videtur realiter exteriori existente: & hoc quidem videtur esse, quando sub tali specie ab omnibus videtur, & non ad horam, sed per longum tempus ita permanet: & in hoc casu quidam dicunt, quod est propria species corporis Christi. Nec obstat quod quandoque non videtur ibi totus Christus, sed aliqua pars carnis, vel etiam videtur non in specie iuuenili, sed in effigie puerili: quia in potestate corporis gloriosi est quod videatur ab oculo non glorificato vel secundum totum, vel secundum partem, & in effigie vel propria, vel aliena, ut infra dicitur (in Supplem. quaest. lxxxv. art. 2. & 3.)

Sed hoc videtur esse inconueniens. Primo quidem quia corpus Christi non potest in propria specie videri nisi in uno loco, in quo definitiue continetur. Unde cum videatur in propria specie, & adoretur in calis, sub propria specie non videtur in hoc sacramento. Secundo quia corpus gloriosum, quod apparet ut vult, post apparitionem, cum voluerit, dispareret; sicut dicitur Lucæ ult. quod Dominus ex oculis discipulorum euauit. Hoc autem quod sub specie carnis in hoc sacramento apparet, diu permanet; quinimmo legitur quandoque esse inclu-

sus, & multorum Episcoporum consilio in pixide reservatum: quod nefas esset de Christo sentire, secundum propriam speciem. Et ideo dicendum est, quod manentibus dimensionibus, quæ prius fuerant, sit miraculose quadam immutatio circa alia accidentia, puta figuram, & colorem, & alia huiusmodi, ut videatur caro, vel sanguis, aut etiam puer. Et, sicut prius dictum est (hic sup.) hoc non est deceptio: quia fit in figuram cuiusdam veritatis, scilicet ad ostendendum per hanc miraculosam apparitionem, quod in sacramento est vere corpus, & sanguis Christi. Et sic patet quod remanentibus dimensionibus, quæ sunt fundamenta aliorum accidentium, ut infra dicitur (quaest. seq. art. 2.) remanet vere corpus Christi in hoc sacramento.

Ad primum ergo dicendum, quod facta tali apparitione, species sacramentales quandoque quidem totaliter remanent in seipsis, quandoque autem secundum id quod est principale in eis, ut dictum est (in corp. art.)

Ad secundum dicendum, quod in huiusmodi apparitionibus, sicut dictum est (ibid.) non videtur propria species Christi, sed species miraculose formata vel in oculis intuentium, vel etiam in ipsis sacramentalibus dimensionibus, ut dictum est (ibid.)

Ad tertium dicendum, quod dimensiones panis, & vini consecrati manent, immutatione circa eas miraculose facta, quantum ad alia accidentia, ut dictum est (quaest. lxxv. art. 5.)

## QUAESTIO LXXVII.

*De accidentibus remanentibus in hoc sacramento,*

*in octo articulos diuisa.*

**D**Einde considerandum est de accidentibus remanentibus in hoc sacramento: & circa hoc quaeruntur octo.

Primo, utrum accidentia quæ remanent, sint sine subiecto.

Secundo, utrum quantitas dimensiva sit subiectum aliorum accidentium.

Tertio, utrum huiusmodi accidentia possint immutare aliquod corpus extrinsecum.

Quarto, utrum possint corrumpi.

Quinto, utrum ex eis possit aliquid generari.

So-

Sexto, utrum possint nutrire.

Sentimo de fractione panis consecrati.

Octavo, utrum vino consecrato possit aliquid permisceri.

## ARTICULUS I. 456

*Utrum accidentia remaneant sine subiecto in hoc sacramento.*

*Sup. quæst. lxxv. art. 5. & I. dist. xlvii.*

*art. 4. co. & IV. dist. xii. quæst. 1. art.*

*1. & IV. cont. cap. lxxiii. & lxxv. & quol.*

*III. art. 1. & quol. IV. art. 5. & opusc.*

*III. cap. viii. & I. Corin. ii. lect. 5.*

**A**D primum sic proceditur. Videtur quod accidentia non remaneant in hoc sacramento sine subiecto. Nihil enim inordinatum, aut fallax debet esse in hoc sacramento veritatis. Sed accidentia esse sine subiecto est contra rerum ordinem, quem Deus naturæ indidit: videtur etiam ad quandam fallaciam pertinere, cum accidentia naturaliter sint signa naturæ subiecti. Ergo in hoc sacramento non sunt accidentia sine subiecto.

2. Præterea. Fieri non potest etiam miraculose quod definitio rei ab ea separatur, vel quod uni rei conveniat definitio alterius rei, puta quod homo manens homo sit animal irrationale: ad hoc enim sequeretur, contradictoria esse simul: hoc enim quod significat nomen, rei est definitio, ut dicitur in IV. Metaph. (tex. 28.) Sed ad definitionem accidentis pertinet quod sit in subiecto, ad definitionem vero substantiæ quod per se subsistat, non in subiecto. Non ergo potest miraculose fieri quod in hoc sacramento sint accidentia sine subiecto.

3. Præterea. Accidens individuat ex subiecto. Si ergo accidentia remanent in hoc sacramento sine subiecto, non erunt individua, sed universalia: quod patet esse falsum, quia sic non essent sensibilia, sed intelligibilia tantum.

4. Præterea. Accidentia per consecrationem huius sacramenti non adipiscuntur aliquam compositionem. Sed ante consecrationem non erant composita neque ex materia, & forma, neque ex quo est, & quod est. Ergo etiam post consecrationem non sunt composita altero horum modorum: quod est inconveniens, quia sic essent simpliciora quam Angeli, cum tamen hæc accidentia sint sensibi-

lia. Non ergo accidentia remanent in hoc sacramento sine subiecto.

Sed contra est quod Gregorius dicit in homil. Palch. (id hab. Lanfranc. in Lib. de corp. & sang. Dom. cap. xx. a princ.) quod species sacramentales sunt illarum rerum vocabula quæ ante fuerunt, scilicet panis, & vini: & ita cum non remaneat substantia panis, & vini; videtur quod huiusmodi species remaneant sine subiecto.

Respondetur dicendum, quod accidentia panis, & vini, quæ sensu deprehenduntur in hoc sacramento remanere post consecrationem, non sunt sicut in subiecto in substantia panis, & vini, quæ non manet, ut supra habitum est (quæst. lxxv. art. 2. & 6.) neque etiam in forma substantiali, quæ non manet, & si remaneret, subiectum esse non posset, ut patet per Boetium in Lib. I. de Trinit. (parum a princ.) Manifestum est etiam quod huiusmodi accidentia non sunt in substantia corporis, & sanguinis Christi sicut in subiecto, quia substantia humani corporis nullo modo potest his accidentibus affici: neque etiam est possibile quod corpus Christi gloriosum, & impassibile existeret alteretur ad suscipiendis huiusmodi qualitates.

Dicunt autem quidam, quod sunt sicut in subiecto in aere circumstante. Sed nec hoc esse potest. Primo quidem quia aer non est huiusmodi accidentium susceptivus. Secundo quia huiusmodi accidentia non sunt ubi est aer, quinimmo ad motum harum specierum aer depellitur. Tercio quia accidentia non transeunt de subiecto in subiectum, ut scilicet idem accidens numero, quod primo fuit in uno subiecto, postmodum fiat in alio: accidens enim numerum accipit a subiecto: unde (a) non potest esse quod idem numero manens sit quoadquod in hoc, quandoque in illo subiecto. Quarto quia cum aer non spoliatur accidentibus propriis, simul haberet accidentia propria, & aliena. Nec potest dici, quod hoc fiat miraculose virtute consecrationis, quia verba consecrationis hoc non significant; quæ tamen non efficiunt nisi suum significatum.

Et ideo relinquitur quod accidentia in hoc sacramento manent sine subiecto: quod quidem virtute divina fieri potest. Cum enim effectus magis dependeat a causa prima quam a causa secunda; Deus, qui est prima causa substantiæ, & acci-

(a) Ita cum mss. editi fere omnes, Al. deq. non.

dentis, per suam infinitam virtutem conservare potest in esse accidentis, subtrahita substantia, per quam conservabatur in esse, sicut per propriam causam; sicut etiam alios effectus naturalium causarum potest producere sine naturalibus causis, sicut humanum corpus formavit in utero Virginis sine virili semine.

Ad primum ergo dicendum, quod nihil prohibet aliquid esse ordinatum secundum communem legem naturae, cuius tamen contrarium est ordinatum secundum speciale privilegium gratiae; ut patet in relevatione mortuorum, & in illuminatione caecorum; prout etiam in rebus humanis quaedam aliquibus conceduntur ex speciali privilegio praeter legem communem. Et ita etiam licet sit secundum communem naturae ordinem quod accidentis sit in subiecto; ex speciali tamen ratione secundum ordinem gratiae accidentia sunt in hoc sacramento sine subiecto, propter rationes supra deductas (in corp. art.)

Ad secundum dicendum, quod cum ens non sit genus, hoc ipsum quod est esse, non potest esse essentia substantiae, vel accidentis. Non est ergo definitio substantiae, ens per se sine subiecto, nec definitio accidentis, ens in subiecto; sed quidditati, seu essentiae substantiae competit habere esse non in subiecto; quidditati autem, siue essentiae accidentis competit habere esse in subiecto. In hoc autem sacramento non datur accidentibus quod ex vi suae essentiae non sint in subiecto, sed ex divina virtute sustentante; & ideo non desunt esse accidentia, quia nec separatur ab eis definitio accidentis, quae est aptitudo ad subiectum, quae semper manet in eis, non actualis inherencia, nec competit eis definitio substantiae.

Ad tertium dicendum, quod huiusmodi accidentia acquirunt esse individuum in substantia panis, & vini; quae conversa in corpus, & sanguinem Christi, remanent virtute divina accidentia in illis esse individua quod prius habebant: unde sunt singularia, & sensibilia.

Ad quartum dicendum, quod accidentia huiusmodi, manente substantia panis, & vini, non habebant ipsa esse, sicut nec alia accidentia, sed subiecta eorum habebant huiusmodi esse per ea, sicut nix est alba per albedinem; sed post consecrationem ipsa accidentia, quae remanent, habent esse, unde sunt composita ex *esse*, & *quod est*, sicut in prima

parte de Angelis dictum est (quaest. I. art. 2. ad 3.) & cum hoc habent compositionem partium quantitativarum.

## ARTICULUS II. 457

*Utrum in hoc sacramento quantitas dimensiva panis, vel vini sit aliorum accidentium subiectum.*

IV. dist. XII. quaest. 1. art. 1. quaest. 3. & IV. cons. cap. LXIX. & LXIV. & I. Cor. XI. lect. 5. fin.

**A**D secundum sic proceditur. Videtur quod in hoc sacramento quantitas dimensiva panis, vel vini non sit aliorum accidentium subiectum. Subiectum enim accidentis non est accidentis: nulla enim forma potest esse subiectum, cum subiecti pertineat ad proprietatem materiae. Sed quantitas dimensiva est quoddam accidentis. Ergo quantitas dimensiva non potest esse subiectum aliorum accidentium.

2. Praeterea. Sicut quantitas individua ex substantia, ita etiam alia accidentia. Si ergo quantitas dimensiva panis, aut vini remanent individua secundum esse prius habitum, in quo conservantur, pari ratione & alia accidentia remanent individua secundum esse quod prius habebant in substantia. Non ergo sunt in quantitate dimensiva sicut in subiecto, cum omne accidentis individuetur per suum subiectum.

3. Praeterea. Inter alia accidentia panis, & vini, quae remanent, deprehenduntur etiam sensu rariū, & densum: quae non possunt esse in quantitate dimensiva, praeter materiam existentem: quia rariū est quod habet parum de materia sub magnis dimensionibus; densum autem quod habet multum de materia sub parvis dimensionibus, ut dicitur IV. Physic. (text. 84.) Non ergo videtur quod quantitas dimensiva possit esse subiectum accidentium, quae remanent in hoc sacramento.

4. Praeterea. Quantitas a subiecto separata videtur esse quantitas mathematica, quae non est subiectum qualitatū sensibilium. Cum ergo accidentia quae remanent in hoc sacramento, sint sensibilia, videtur quod non possint esse in hoc sacramento, sicut in subiecto, in quantitate dimensiva panis, & vini remanente post consecrationem.

Sed contra est quod quantitates non sunt divi-



divisibiles nisi per accedens, scilicet ratione subiecti. Dividuntur autem qualitates remanentes in hoc sacramento per divisionem quantitatis dimensionis, sicut patet ad sensum. Ergo quantitas dimensionis est subiectum accidentium, quæ remanent in hoc sacramento.

Respondetur dicendum, quod necesse est dicere, accidentia alia quæ remanent in hoc sacramento, esse sicut in subiecto in quantitate dimensionis panis, vel vini remanente.

Primo quidem per hoc quod ad sensum apparet aliquid quantum esse ibi coloratum, & aliis accidentibus affectum: nec in talibus sensus decipitur. Secundo quia prima dispositio materię est quantitas dimensionis: unde & Plato ponit primas differentias materię *magnam*, & *parvam* (ex Arist. Lib. I. Metaph. tex. 8.) Et quia primum subiectum est materia, consequens est quod omnia alia accidentia referantur ad subiectum, mediante quantitate dimensionis, sicut & primum subiectum coloris dicitur esse superficies; ratione cuius quidam potuerunt, dimensiones esse substantias corporum, ut dicitur in I. Metaph. (tex. 19. & seq.) Et quia subtrahendo subiecto, remanent accidentia secundum esse quod prius habebant, consequens est quod omnia accidentia remaneant fundata super quantitatem dimensionis. Tercio quia cum subiectum sit principium individuationis accidentium, oportet id quod ponitur aliquorum accidentium subiectum, esse aliquo modo individuationis principium. Est autem de ratione individui quod non possit in pluribus esse: quod quidem contingit dupliciter: uno modo quia non est natum esse in aliquo; & hoc modo formę immateriales separatae per se subsistentes sunt etiam per seipsas indivisibiles: alio modo ex eo quod forma substantialis, vel accidentalis est quidem nata in aliquo esse, non tamen in pluribus, sicut hæc albedo, quæ est in hoc corpore. Quantum igitur ad primum, materia est individuationis principium omnibus formis inherentibus: quia cum huiusmodi formę, quantum est de se, sint natae in aliquo esse sicut in subiecto, ex quo aliqua earum recipitur in materia, quæ non est in alio, iam nec forma ipsa sic existens potest in alio esse. Quantum autem ad secundum, dicendum est, quod individuationis principium est quantitas dimensionis. Ex hoc enim aliquid est natum esse in uno solo, quod illud est in se in-

divisum, & divisum ab omnibus aliis. Divisio autem accedit substantię ratione quantitatis, ut dicitur in I. Physicor. (tex. 15. & 16.) Et ideo ipsa quantitas dimensionis est quoddam individuationis principium huiusmodi formis, in quantum scilicet diversę formę numero sunt in diversis partibus materię: unde & ipsa quantitas dimensionis secundum se habet quamdam individuationem; ita quod possumus imaginari plures lineas eiusdem speciei, differentes positione, quæ cadit in ratione huius quantitatis: convenit enim dimensioni quod sit quantitas positionem habens: & ideo potius quantitas dimensionis potest esse subiectum aliorum accidentium quam e converso.

Ad primum ergo dicendum, quod accedens per se non potest esse subiectum alterius accidentis, quia per se non est; secundum vero quod est in alio, unum accedens dicitur esse subiectum alterius, in quantum unum accedens recipitur in subiecto, alio mediante; sicut superficies dicitur esse subiectum coloris. Unde quando accidenti datur divinitus ut per se sit, potest etiam per se alterius accidentis subiectum esse.

Ad secundum dicendum, quod alia accidentia, etiam secundum quod erant in substantia panis, individuabantur mediante quantitate dimensionis, sicut dictum est (in corp. art.) Et ideo potius quantitas dimensionis est subiectum aliorum accidentium remanentium in hoc sacramento quam e converso.

Ad tertium dicendum, quod *rarum*, & *densum* sunt quædam qualitates consequentes corpora, ex hoc quod habent multum, vel parum de materia sub dimensionibus, sicut etiam omnia alia accidentia consequuntur ex principis substantię: & ideo sicut subtrahita substantia, divina virtute conservantur alia accidentia; ita subtrahita materia, divina virtute conservantur qualitates materiam consequentes, sicut *rarum*, & *densum*.

Ad quartum dicendum, quod quantitas mathematica non abstrahit a materia intelligibili, sed a materia sensibili, ut dicitur VII. Metaph. (tex. 35.) Dicitur autem materia sensibilis ex hoc quod subicitur sensibilibus qualitatibus. Et ideo manifestum est quod quantitas dimensionis, quæ remanet in hoc sacramento sine subiecto, non est quantitas mathematica.

ARTICULUS III. 458

*Utrum species quæ remanent in hoc sacramento, possint immutare aliquid extrinsecum.*

IV. dist. XII. quæst. 1. art. 2. quæst. 1. & 2.

**A**D tertium sic proceditur. Videtur quod species quæ remanent in hoc sacramento, non possint immutare aliquid extrinsecum. Probatum enim VII. Phisic. quod formæ quæ sunt in materia, sunt a formis quæ sunt in materia, non autem a formis quæ sunt sine materia: eo quod simile agit in sibi simile. Sed species sacramentales sunt species sine materia, quia remanent sine subiecto, ut ex dictis patet (art. 1. h. quæst.). Non ergo possunt immutare materiam exterioriorem, inducendo aliquam formam.

2. Præterea. Cessante actione principalis agentis, necesse est quod cesseret actio instrumenti: sicut quiescente fabro, non movetur martellus. Sed omnes formæ accidentales agunt instrumentaliter in virtute formæ substantialis, tamquam principalis agentis. Cum ergo in hoc sacramento non remaneat forma substantialis panis, & vini, sicut supra habitum est (quæst. lxxv. art. 2. & 6.) videtur quod formæ accidentales remanentes agere non possint ad immutationem exterioris materiæ.

3. Præterea. Nihil agit ultra suam speciem, quia effectus non potest esse posterior causa. Sed species sacramentales omnes sunt accidentia. Non ergo possunt exterioriorem materiam immutare, ad minus ad formam substantialem.

Sed contra est quod si non possent immutare exteriora corpora, non possent sentiri: sentitur enim aliquid per hoc quod immutatur sensus a sensibili, ut dicitur II. de Anima (tex. 51. 74. & 121.).

Respondeo dicendum, quod quia unumquodque agit, in quantum est ens actus, consequens est quod unumquodque sicut se habet ad esse, ita se habeat ad agere.

Quia igitur secundum prædicta (art. 1. h. quæst.) speciebus sacramentalibus datum est divina virtute ut remaneant in suo esse quod habebant, substantia panis, & vini existente, consequens est quod etiam remaneant in suo agere: & ideo omnem actionem quam poterant a-

gere, substantia panis, & vini existente, possunt etiam agere, substantia panis, & vini transeunte in corpus, & sanguinem Christi. Unde non est dubium quod possunt immutare exteriora corpora.

Ad primum ergo dicendum, quod species sacramentales, licet sint formæ sine materia exilentes, retinent tamen idem esse quod habebant prius in materia: & ideo secundum suum esse assimilantur formis quæ sunt in materia.

Ad secundum dicendum, quod ita actio formæ accidentalis dependet ab actione formæ substantialis, sicut etiam accidentis dependet ab esse substantia: & ideo sicut divina virtute datur speciebus sacramentalibus ut possint esse sine substantia; ita datur eis ut possint agere sine forma substantiali virtute Dei, a quo sicut a primo agente dependet omnis actio formæ & substantialis, & accidentalis.

Ad tertium dicendum, quod immutatio quæ est ad formam substantialem, non fit a forma substantiali immediate, sed mediantibus qualitatibus activis, & passivis, quæ agunt in virtute formæ substantialis. Hæc autem virtus instrumentalis conservatur in speciebus sacramentalibus divina virtute, sicut & prius erat: & ideo possunt agere ad formam substantialem instrumentaliter: per quem modum aliquid potest agere ultra suam speciem, non quali virtute propria, sed virtute principalis agentis.

ARTICULUS IV. 459

*Utrum species sacramentales possint corrumpi.*

Inf. art. 5. cor. & IV. dist. XII. quæst. 1. art. 2. quæst. 3. & IV. cont. cap. lxxvi.

**A**D quartum sic proceditur. Videtur quod species sacramentales corrumpi non possint. Corruptio enim accide per separationem formæ a materia. Sed materia panis non remanet in hoc sacramento, sicut ex supradictis patet (quæst. lxxv. art. 2.). Ergo huiusmodi species non possunt corrumpi.

2. Præterea. Nulla forma corrumpitur nisi per accidens, corrupto subiecto: unde formæ per se sublimescentes incorruptibiles sunt, sicut patet in substantiis spiritualibus. Sed species sacramentales sunt formæ sine subiecto. Ergo corrumpi non possunt.

3. Præ-

3. Præterea. Si corrumpuntur, aut hoc erit naturaliter, aut miraculose. Sed non naturaliter, quia non est ibi assignare aliquid corruptionis subiectum, quod maneat, corruptione terminata: similiter etiam nec miraculose, quia miracula quæ sunt in hoc sacramento, sunt virtute consecrationis, per quam species sacramentales conservantur: non est autem idem causa conservationis, & corruptionis. Ergo nullo modo species sacramentales corrumpi possunt.

Sed contra est quod sensu deprehenditur, hostias consecratas putrefieri, & corrumpi.

Respondeo dicendum, quod corruptio est motus ex esse in non esse. Dicitur est autem supra (art. præc.) quod species sacramentales retinent idem esse quod prius habebant, substantia panis, & vini existente. Et ideo sicut etiam horum accidentium poterat corrumpi, substantia panis, & vini existente; ita etiam potest corrumpi, illa substantia abeunte.

Poterant autem huiusmodi accidentia primo corrumpi dupliciter, uno modo per se, alio modo per accidens. Per se quidem, sicut per alterationem qualitatum, & augmentum, vel diminutionem quantitatis: non quidem per modum augmenti, vel diminutionis, qui invenitur in solis corporibus animatis, qualia non sunt substantia panis, & vini, sed per additionem, vel divisionem. Nam, sicut dicitur III. Metaph. (tex. 17.) per divisionem una dimensio corrumpitur, & sunt duæ; per additionem autem e converso ex duabus fit una. Et per hunc modum manifeste possunt corrumpi huiusmodi accidentia post consecrationem: quia & ipsa quantitas dimensiva remansens potest divisionem, & additionem suscipere; & cum sit subiectum qualitatum sensibilium, sicut dictum est (art. 2. huius quæst.) potest etiam esse subiectum alterationis earum; puta si alteretur color, aut sapor panis, aut vini.

Alio modo poterant corrumpi per accidens per corruptionem subiecti; & hoc modo possunt corrumpi etiam post consecrationem: quavis enim subiectum non remaneat, remanet tamen esse quod habebant huiusmodi accidentia in subiecto, quod quidem est proprium, & conforme subiecto: & ideo huiusmodi esse potest corrumpi a contrario agente, sicut corrumpebatur substantia panis, vel vini, quæ etiam non corrumpebatur, nisi præcedente alteratione circa accidentia.

Distinguendum tamen est inter utrumque modum prædictarum corruptionum: quia cum corpus Christi, & sanguis succedant in hoc sacramento substantiæ panis, & vini, si fiat talis immutatio ex parte accidentium, quæ non sufficeret ad corruptionem panis, & vini, propter ralem immutationem non definit corpus, & sanguis Christi esse sub hoc sacramento: si vero fiat immutatio ex parte qualitatis, puta cum modicum immutatur color, aut sapor panis, vel vini; si vero ex parte quantitatis, sicut cum dividitur panis, aut vinum in tales partes, quod adhuc in eis possit salvari natura panis, aut vini. Si vero fiat tanta immutatio, quod fuisset corrupta substantia panis, aut vini, non remanent corpus, & sanguis Christi sub hoc sacramento: & hoc si ex parte qualitatum, sicut cum ita immutatur color, & sapor, & aliæ qualitates panis, & vini, quod nullo modo possint comparari naturam panis, aut vini; si vero ex parte quantitatis, puta si pulverizetur panis, vel vinum in tam minutas partes dividatur, ut iam non remaneant species panis, vel vini.

Ad primum ergo dicendum, quod ad corruptionem per se pertinet quod aufertur esse rei. Unde in quantum esse alienius formæ est in materia, consequens est quod per corruptionem separatur forma a materia. Si vero huiusmodi esse non esset in materia, simile tamen ei quod est in materia, posset per corruptionem auferri, etiam materia non existente; sicut accidit in hoc sacramento, ut ex dictis patet (in cor. art.)

Ad secundum dicendum, quod species sacramentales, licet sint formæ non in materia, habent tamen esse quod prius in materia habebant.

Ad tertium dicendum, quod corruptio illarum specierum non est miraculosa, sed naturalis; præsupponit tamen miraculum, quod est factum in consecratione, scilicet quod illæ species sacramentales retineant esse sine subiecto, quod prius habebant in subiecto; sicut & cæcus miraculose illuminatus naturaliter videt.

## ARTICULUS V. 450

*Utrum ex speciebus sacramentalibus aliquid possit generari.*

*Inf. art. 3. ad 2. & IV. dist. xii. quest. 1. art. 2. quest. 4. & IV. cont. cap. lxxvi. & quol. ix. art. 5. ad 2. & I. Cor. xi. lect. 4. fin.*

**A**D quintum sic proceditur. Videtur quod ex speciebus sacramentalibus nihil possit generari. Quod enim generatur, ex aliqua materia generatur: ex nihilo enim nihil generatur, quamvis ex nihilo fiat aliquid per creationem. Sed speciebus sacramentalibus non subest aliqua materia, nisi corporis Christi, quod est incorruptibile. Ergo videtur quod ex speciebus sacramentalibus nihil possit generari.

2. Præterea. Ea quæ non sunt unius generis, non possunt ex se invicem fieri: non enim ex albedine fit linea. Sed accidens, & substantia differunt genere. Cum ergo species sacramentales sint accidentia, videtur quod ex eis non possit aliqua substantia generari.

3. Præterea. Si ex eis generetur aliqua substantia corporea, illa substantia non erit sine accidente. Si ergo ex speciebus sacramentalibus generetur aliqua substantia corporea, oportet quod ex accidente generetur substantia, & accidens duo faciet ex uno; quod est impossibile. Ergo impossibile est quod ex speciebus sacramentalibus aliqua substantia corporea generetur.

Sed contra est quod ad sensum videri potest, ex speciebus sacramentalibus aliquid generari, vel cineres, si commouantur, vel vermes, si putrescant, vel pulveres, si conterantur.

Respondendo dicendum, quod cum corruptio unius fit generatio alterius, ut dicitur in I. de generatione (cex. 17.) necesse est quod ex speciebus sacramentalibus aliquid generetur, cum corrumpantur, ut dictum est (art. præc.) non enim sic corrumpuntur ut omnino dispereant, quasi in nihilum redigantur; sed maneat aliquid sensibile eis succedat.

Quomodo autem ex eis aliquid generari possit, difficile est videre. Manifestum est enim quod ex corpore, & sanguine Christi, quæ ibi veraciter sunt, non generatur aliquid, cum sint incorruptibilia. Si autem substantia panis,

aut vini remaneret in hoc sacramento, vel eorum materia, facile esset assignare, quod ex eis generatur illud sensibile, quod succedit, ut quidam posuerunt. Sed hoc est falsum, ut supra habitum est (quest. lxxv. art. 2. & 6.)

Et ideo quidam dixerunt, quod ea quæ generantur, non sunt ex speciebus sacramentalibus, sed ex aere circumstante. Quod quidem multipliciter apparet esse impossibile. Primo quia ex eo generatur aliquid, quod prius alteratum, & corruptum apparet: nulla autem alteratio, vel corruptio prius apparuit in aere circumstante: unde ex eo vermes, vel cineres non generantur. Secundo quia natura aeris non est talis, quod ex eo per tales alterationes talia generentur. Tercio quia potest contingere, in magna quantitate hostias consecratas comburi, vel putrescere, nec esset possibile tantum de corpore terreno ex aere generari, nisi magna, & valde sensibili insipulatione aeris lacta. Quarto quia idem potest accidere corporibus solidis circumstantibus, puta ferro, aut lapidibus, quæ integra remanent post prædictorum generationem. Unde hæc positio stare non potest, quia contrariatur ei quod ad sensum apparet.

Et ideo alii dixerunt, quod redit substantia panis, & vini in ipsa corruptione specierum, & sic ex substantia panis, & vini redeunte generantur cineres, aut vermes, aut aliquid huminodis. Sed hæc positio videtur esse impossibilis. Primo quidem quia si substantia panis, & vini convertitur est in corpus, & sanguinem Christi, ut supra habitum est (quest. lxxv. art. 2. & 4.) non potest substantia panis, aut vini redire, nisi corpore, aut sanguine Christi iterum conversio in substantiam panis, vel vini: quod est impossibile; sicut si aer sit conversus in ignem, non potest aer redire, nisi ignis iterum convertatur in aerem. Si vero substantia panis, aut vini sit annihilata, non potest iterum redire: quia quod in nihilum decidit, non redit eundem numero. Nisi forte dicatur redire prædicta substantia, quia Deus de novo creat aliam novam substantiam loco primæ. Secundo videtur hoc esse impossibile, quia non est dare quando substantia panis redcat. Manifestum est enim ex prædictis (art. præc. & quest. præc. art. 6. ad 3.) quod manentibus speciebus panis, & vini, manet corpus, & sanguis Christi, quæ non sunt simul cum substantia panis,

nis, & vini in hoc sacramento, secundum præhabita (quæst. lxxv. art. 2. & 6.) Unde substantia panis, & vini non potest redire, speciebus sacramentalibus manentibus; similiter etiam nec eis cessantibus, quia iam substantia panis, & vini esset sine propriis accidentibus: quod est impossibile.

Nisi forte dicatur, quod in ipso ultimo instanti corruptionis specierum redit non quidem substantia panis, & vini, quia illud idem instans est in quo primo habent esse substantia: generata ex speciebus; sed materia panis, & vini: quæ magis de novo creata diceretur quam rediens, proprie loquendo. Et secundum hoc posset sustineri prædicta positio. Verum quia non rationabiliter videtur dici, quod miraculose aliquid accidat in hoc sacramento, nisi ex ipsa consecratione, ex qua non est quod materia creetur, vel redeat; melius videtur dicendum, quod in ipsa consecratione miraculose datur quantitati dimensivæ panis, & vini, quod sit primum subiectum subsequentium formarum. Hoc autem est proprium materiæ. Et ideo ex consequenti datur prædictæ quantitati dimensivæ omne illud quod ad materiam pertinet. Et ideo quicquid posset generari ex materia panis, vel vini, si adesset, totum potest generari ex prædicta quantitate dimensiva panis, vel vini, non quidem novo miraculo, sed ex vi miraculi prius facti.

Ad primum ergo dicendum, quod quavis non sit ibi materia, ex qua aliquid generetur; quantitas tamen dimensiva supplet vicem materiæ, ut dictum est (in cor. art.)

Ad secundum dicendum, quod illæ species sacramentales sunt quidem accidentia, habent tamen actum, & vim substantiæ, ut dictum est (ibid. & art. 1. huius quæst. ad 4.)

Ad tertium dicendum, quod quantitas dimensiva panis, & vini retinet naturam propriam, & accipit miraculose vim, & proprietatem substantiæ: & ideo potest transire in utrumque, idest in substantiam, & dimensionem.

## ARTICULUS VI. 461

*Utrum species sacramentales possint nutrire.*

IV. dist. xii. quæst. 1. art. 2. quæst. 5. & IV. cont. cap. lxvi. & I. cor. xi. lec. 4. fin.

**A**D sextum sic proceditur. Videtur quod species sacramentales non possint nutrire. Dicit enim Ambrosius in Lib. V. de sacramentis (cap. iv. in med.) *Non iste panis est qui vadit in corpus, sed panis vite æternæ, qui animæ nostræ substantiam fulcit.* Sed omne quod nutrit, vadit in corpus. Ergo panis iste non nutrit: & eadem ratio est de vino.

2. Præterea. Sicut dicitur II. de generatione (tex. 50.) *ex ejusdem nutrimum ex quibus sumus.* Species autem sacramentales sunt accidentia, ex quibus homo non constat: non enim accidens est pars substantiæ. Ergo videtur quod species sacramentales nutrire non possint.

3. Præterea. Philosophus II. de Anima (tex. 47.) dicit, quod *alimentum nutrit, prout est substantia quædam; auget autem, prout est aliquid quantum.* Sed species sacramentales non sunt substantia: Ergo non possunt nutrire.

Sed contra est quod Apostolus I. Cor. xi. 21. loquens de hoc sacramento, dicit: *Alius quidem esurit, alius autem ebrius est: ubi dicit Glossa (ordin.) quod „non,“* tat illos qui post celebrationem sacri „mysterii, & consecrationem panis, & „vini, suas oblationes vendicabant, & „aliis non communicantes soli sumebant, ita ut inde etiam inebriarentur:“ quod quidem non posset contingere, si sacramentales species non nutrent. Ergo species sacramentales nutriunt.

Respondeo dicendum, quod hæc quæstio difficultatem non habet, præcedenti quæstione soluta. Ex hoc enim, ut dicitur II. de Anima (tex. 45. & 46.) cibis nutrit quod convertitur in substantiam nutriti. Dictum est autem (art. præc.) quod species sacramentales possunt converti in substantiam aliquam, quæ ex eis generatur: per eandem autem rationem possunt converti in corpus humanum per quam possunt converti in cineres, vel in vermes. Et ideo manifestum est quod nutriunt.

Quod autem quidam dicunt, quod non vere nutriunt, quasi in corpus humanum convertantur, sed reficiunt, & confortant

tant quadam sensuum immutatione (sicut homo confortatur ex odore cibi, & inebriatur ex odore vini) ad sensum patet esse fallum: talis enim relectio non diu sufficit homini, cuius corpus propter continuam deperditionem restauratione indiget; & tamen homo diu sustentari posset, si hostias, & vinum consecratum sumeret in magna quantitate.

Similiter etiam non potest stare quod quidam dicunt, quod species sacramentales nutriunt propter formam substantialem panis, & vini, quæ remanet: tunc quia non remanet, ut supra dictum est (quæst. lxxv. art. 6.) cum quia non est actus formæ nutrire, sed magis materiæ, quæ accipit formam nutriti, recedente forma nutrimenti: unde dicitur in II. de Anima (tex. 45.) quod *nutrimentum in principio est dissimile, in fine autem simile*.

Ad primum ergo dicendum, quod, facta consecratione, dupliciter potest dici panis in hoc sacramento esse: uno modo ipsæ species panis, quæ retinent nomen prioris substantiæ, ut Gregorius dicit in hom. paschali (loc. cit. art. 1. huius quæst.) alio modo potest dici panis ipsum corpus Christi, quod est panis mysticus de cælo descendens. Ambrosius ergo, cum dicit, quod *ipse panis non transiit in corpus*, accipit panem secundo modo, quia scilicet corpus Christi non convertitur in corpus hominis, sed relictæ mentem eius; non autem loquitur de pane primo modo dicto.

Ad secundum dicendum, quod species sacramentales, etsi non sint ea ex quibus corpus hominis constat, tamen in ea convertuntur, sicut dictum est (in cor. art.)

Ad tertium dicendum, quod species sacramentales, quamvis non sint substantia, habent tamen virtutem substantiæ, sicut dictum est (ibid.)

*Utrum species sacramentales frangantur in hoc sacramento.*

IV. dist. x. art. 1. ad 1. & dist. xii. quæst. 1. art. 3. quæst. 1. & 2. & IV. con. cap. lxxvii. & op. ii. cap. viiii. & I. Cor. xi. lec. 5.

**A**D septimum sic proceditur. Videtur quod species sacramentales non frangantur in hoc sacramento. Dicit enim Philosophus IV. Meteor. (summa ii. cap. ii. ante med.) quod corpora dicuntur frangibilia propter determinatam dispositionem pororum: quod non potest attribui sacramentalibus speciebus. Ergo sacramentales species non possunt frangi.

2. Præterea. Fractionem sequitur sonus. Sed species sacramentales non sunt sonabiles: dicit enim Philosophus II. de Anima (tex. 77.) quod *sonabile est corpus durum, habens superficiem lenem*. Ergo species sacramentales non franguntur.

3. Præterea. Eiusdem videtur esse manducari, frangi, & masticari. Sed verum corpus Christi est quod manducatur, secundum illud Ioan. vi. 57. *Qui manducat meam carnem, & bibit meum sanguinem*. Ergo corpus Christi est quod frangitur, & masticatur: unde & in confessione Berengarii. (quæ hab. cap. *Ego Berengarius*, de consecrat. dist. 11.) dicitur: *Consentio sanctæ Romanæ Ecclesiæ, & corde, & ore profiteor, panem, & vinum, quæ in altari ponuntur, post consecrationem verum corpus, & sanguinem Christi esse, & in veritate manibus sacerdotum tractari, frangi, & fidelium dentibus atteri*. Non ergo fractio debet attribui sacramentalibus speciebus.

Sed contra est quod fractio fit per divisionem quanti. Sed nullum quantum ibi dividitur, nisi species sacramentales: quia neque corpus Christi, quod est incorruptibile, neque substantia panis, quæ non manet (a). Ergo species sacramentales franguntur.

Respondendo dicendum, quod apud antiquos circa hoc multiplex fuit opinio. Quidam enim dixerunt, quod non erat in hoc sacramento fractio secundum rei veritatem, sed solum secundum aspectum intuitum. Sed hoc non potest stare: quia in hoc sacramento veritatis, sensus

k k 2 non

non decipitur circa ea quorum iudicium ad ipsum pertinet: inter quæ est fractio, per quam ex uno fiunt multa: quæ quidem sunt sensibilia communia, ut patet in Lib. II. de Anima (tex. 64.)

Unde alii dixerunt, quod erat quidem ibi vera fractio sine subiecto existente. Sed hoc etiam sensui contradicit: apparet enim in hoc sacramento aliquid quantum, prius unum existens, postea in multa partitum, quod quidem oportet esse subiectum fractionis. Non autem potest dici, quod ipsum corpus Christi verum frangatur: primo quidem quia est incorruptibile, & impassibile; secundo quia est totum sub qualibet parte, ut supra habitum est (quæst. lxxv. art. 3.) quod quidem est contra rationem eius quod transigitur.

Unde relinquitur quod fractio sit, sicut in subiecto, in quantitate dimensiva panis, sicut & alia accidentia: & sicut species sacramentales sunt sacramentum corporis Christi veri; ita fractio huiusmodi specierum est sacramentum dominiæ passionis, quæ fuit in corpore Christi vero.

Ad primum ergo dicendum, quod sicut in speciebus sacramentalibus remanet rarum, & densum, ut supra dictum est (art. 2. in quæst. ad 3.) ita etiam remanet ibi porositas, & per consequens fragibilitas.

Ad secundum dicendum, quod densitatem sequitur duritia: & ideo ex quo in speciebus sacramentalibus remanet densitas, consequens est quod remaneat ibi duritia, & per consequens sonabilitas.

Ad tertium dicendum, quod illud quod manducatur in propria specie, ipsum & frangitur, & misceatur in sua specie. Corpus autem Christi non manducatur in sua specie, sed in specie sacramentali. Unde & super illud Ioan. vi. *Caro non prodest quicquam*, dicit Augustinus (tract. xxvii. in Ioan. inter princ. & med.) „Hoc est intelligendum secundum illos qui carnaliter intelligebant: carni quippe sic intellexerunt, quomodo in calavere dilaniatur, aut in mactello venditur.“ Et ideo ipsum corpus Christi non frangitur, nisi secundum speciem sacramentalem. Et hoc modo intelligenda est confessio Berengarii, ut fractio, & attritio dentium referatur ad speciem sacramentalem, sub qua vere est corpus Christi.

## ARTICULUS VIII. 463

*Utrum aliquis liquor possit vino consecrato commisceri.*

IV. dist. xii. quæst. 1. art. 2. quæst. 6. Et quod. x. art. 3.

**A**D octavum sic proceditur. Videtur quod vino consecrato non possit aliquis liquor misceri. Omne enim quod permiscetur alicui, recipit qualitatem ipsius. Sed nullus liquor potest recipere qualitatem sacramentalium specierum: quia accidentia illa sunt sine subiecto, ut dictum est (art. 1. ha. quæst.). Ergo videtur quod nullus liquor possit permisceri speciebus sacramentalibus vini.

2. Præterea. Si aliquis liquor permisceatur illis speciebus, oportet quod ex his fiat aliquid unum. Sed non potest fieri aliquid unum neque ex liquore, qui est substantia, & speciebus sacramentalibus, quæ sunt accidentia, neque ex liquore, & sanguine Christi, qui ratione tuæ incorruptibatur neque additionem recipit, neque diminutionem. Ergo nullus liquor potest admisceri vino consecrato.

3. Præterea. Si aliquis liquor admisceatur vino consecrato, videtur quod etiam ipsum efficiatur consecratum; sicut aqua quæ admisceatur aquæ benedictæ, efficitur benedicta. Sed vinum consecratum est vere sanguis Christi. Ergo etiam liquor permixtus esset sanguis Christi: & ita aliquid fieret sanguis Christi aliter quam per consecrationem: quod est inconveniens. Non ergo vino consecrato potest aliquis liquor permisceri.

4. Præterea. Si duorum, unum totaliter corruptatur, non erit mixtio, ut dicitur in I. de generatione (tex. 82. & seq.) Sed ad permutationem cuiuscumque liquoris videtur corrupti totalis species sacramentalis vini, ita quod sub ea desinat esse sanguis Christi: tum quia magnum, & parvum sunt differentie quantitatis, & diversificant ipsam, sicut album, & nigrum colorem: tum etiam quia liquor permixtus, cum non habeat obstaculum, videtur undique diffundi per totum; & ita desinit ibi esse sanguis Christi, qui non est ibi simul cum alia substantia. Non ergo aliquis liquor potest permisceri vino consecrato.

Sed contra est quod ad sensum patet alium.

alium liquorem vino permisceri post consecrationem, sicut & ante.

Respondeo dicendum, quod istius questionis veritas manifesta est ex praemissis. Dictum est enim supra (art. 1. huius quæst. ad 4. & art. 5. ad 2.) quod species in hoc sacramento remanentes, sicut adipiscuntur virtute consecrationis modum essendi substantiæ, ita etiam consequuntur modum agendi, & patiendi; ut scilicet agere, & pati possint quicquid ageret, vel pateretur substantia, si ibi præsens existeret. Manifestum est autem quod si esset ibi substantia vini, liquor aliquis posset ei permisceri.

Huius tamen permixtionis diversus esset effectus & secundum formam liquoris, & secundum quantitatem. Si enim permisceretur aliquis liquor in tanta quantitate, quod posset diffundi per totum vinum, totum fieret permixtum: quod autem est commixtum ex duobus, neutrum miscibile est, sed utrumque transit in quoddam tertium ex his compositum: unde sequeretur quod vinum prius existens non remaneret. Sed si liquor permixtus esset alterius speciei, puta si permisceretur aqua, solveretur species vini, & esset liquor alterius speciei. Si autem esset eiusdem speciei liquor adiunctus, puta si vinum permisceretur vino, remaneret quidem eadem species, sed non remaneret idem numero vinum: quod declarat diversitas accidentium: puta si unum vinum esset album, & aliud rubrum. Si vero liquor adiunctus esset tam parvæ quantitatæ, quod non posset perfundi per totum, non fieret totum vinum permixtum, sed aliqua pars eius: quæ quidem non remaneret eadem numero propter permixtionem extraneæ materiæ, remaneret tamen eadem species, non solum si parvus liquor permixtus esset eiusdem speciei, sed etiam si esset alterius speciei: quia gutta aquæ multo vino permixta transit in speciem vini, ut dicitur in I. de generatione (tex. 34. 39. & 88.)

Manifestum est autem ex prædictis (art. 4. huius quæst. & quæst. lxxvi. art. 6. ad 3.) quod corpus, & sanguis Christi remanent in hoc sacramento, quamdiu illæ species manent eadem numero: consecratur enim hic panis, & hoc vinum. Unde si fiat tanta permixtio liquoris cuiuscumque quod pertingat ad totum vinum consecratum, & fiat permixtum, erit aliud numero, & non remanebit ibi sanguis Christi; si vero fiat tam parva

aliquis liquoris adiunctio quod non possit diffundi per totum, sed usque ad aliquam partem specierum, desinet esse sanguis Christi sub illa parte vini consecrati, remanebit tamen sub alia.

Ad primum ergo dicendum, quod Innocentius III. dicit in quadam Decretali (quæ hab. cap. *Cum Martia*, de celebrat. Missar.) quod ipsa accidentia vinum appositum videntur efficere: quia si aqua fuerit apposta, vini saporem assumit. Contingit igitur accidentia mutare subiectum, sicut & subiectum contingit accidentia permutare: cedit quippe natura miraculo, & virtus supra consuetudinem operatur. Hoc tamen non est sic intelligendum, quali idem numero accidens quod prius fuit in vino ante consecrationem, postmodum fiat in vino appposito; sed talis permutatio fit per actionem nam accidentia vini remanentia retinent actionem substantiæ, secundum prædicta (in corp. art.) & ita immutando afficiunt liquorem appositum.

Ad secundum dicendum, quod liquor appositus vino consecrato nullo modo miscetur substantiæ sanguinis Christi; miscetur tamen speciebus sacramentalibus; ita tamen quod permixtione facta, corrumpuntur prædictæ species vel in toto, vel in parte, secundum modum quo supra dictum est (art. 5. huius quæst.) quod ex speciebus illis potest aliquid generari: & si quidem corrumpantur in toto, nulla iam remanet quæstio, quia iam totum erit uniforme; si autem corrumpantur in parte, erit quidem una dimensio secundum continuitatem quantitatæ, non tamen una secundum modum essendi, quia una pars eius erit sine subiecto, alia erit in subiecto; sicut si aliquod corpus constituitur ex duobus metallis, erit unum corpus secundum rationem quantitatæ, non tamen unum secundum speciem materiæ.

Ad tertium dicendum, quod, sicut Innocentius III. dicit in Decretali prædicta, si post consecrationem calicis aliud vinum misceatur in calicem, illud quidem non transit in sanguinem, neque sanguini commiscetur, sed accidentibus prioris vini commixtum, saporis quod sub eis latet undique circumfunditur, non madidans circumfusum. Quod quidem intelligendum est, quando non fit tanta permixtio liquoris extranei, quod sanguis Christi deinat esse sub toto: tunc enim dicitur undique circumfundi, non quia tangat sanguinem Christi secundum eius proprias



dimensiones, sed secundum dimensiones sacramentales, sub quibus continetur. Nec est simile de aqua benedicta: quia illa benedictio nullam immutationem facit circa substantiam aquae, sicut facit consecratio vini.

Ad quartum dicendum, quod quidam posuerunt, quod quantumcumque parva sit extranei liquoris permixtio, substantia sanguinis Christi definit esse sub toto; & hoc ratione inducta; quæ tamen non cogit: quia magnum, & parvum diversificant quantitate dimensionum, non quantum ad eius essentiam, sed quantum ad determinationem mensuræ. Similiter etiam liquor appositus adeo potest esse parvus quod sua parvitate impeditur ne diffundatur per totum, (a) & non solis dimensionibus; quæ licet sint sine subiecto, tamen obstant alteri liquori, sicut & substantia, si ibi adesset, secundum ea quæ præmissa sunt.

## QUAESTIO LXXVIII.

*De forma sacramenti Eucharistiæ,  
in sex articulos divisa.*

**D**Einde considerandum est de forma huius sacramenti: & circa hoc quæ-  
runtur sex.

Primo, quæ sit forma huius sacramenti.

Secundo, utrum sit conveniens forma consecrationis panis.

Tertio, utrum sit conveniens forma consecrationis sanguinis.

Quarto de virtute utriusque formæ.

Quinto de veritate locutionis.

Sexto de comparatione unius formæ ad aliam.

## ARTICULUS I. 464

*Utrum hæc sit forma huius sacramenti:*

Hoc est corpus meum, & Hic est  
calix sanguinis mei.

*IV. dist. VIII. quæst. II. art. 2. & 3.*

**A**D primum sic proceditur. Videtur quod hæc non sit forma huius sacramenti: Hoc est corpus meum, & Hic est calix sanguinis mei. Illa enim verba videntur pertinere ad formam huius sacramenti, quibus Christus corpus suum, & sanguinem consecravit. Sed Christus

ante benedixit panem acceptum, & postea dixit: Accipite, & comedite, hoc est corpus meum, ut habetur Matth. xxvi. 26. & similiter fecit de calice. Ergo prædicta verba non sunt forma huius sacramenti.

2. Præterea. Eusebius Emisenus dicit (hom. v. de Pascha, quæ incipit, *Magnitudo celestis*. a princ.) quod *invisibiles sacerdotes visibiles creaturas in suum corpus convertit, dicens: Accipite, & comedite: hoc est corpus meum*. Ergo totum hoc videtur pertinere ad formam huius sacramenti: & eadem ratio est de verbis pertinentibus ad sanguinem.

3. Præterea. In forma baptismi exprimitur persona ministri, & actus eius, cum dicitur: *Ego te baptizo*. Sed in præmissis verbis nulla sit mentio de persona ministri, nec de actu eius. Ergo non est conveniens forma sacramenti.

4. Præterea. Forma sacramenti sufficit ad perfectionem sacramenti: unde sacramentum baptismi quandoque perfici potest solis verbis formæ prolatis, omnibus aliis prætermisissis. Si ergo prædicta verba sunt forma huius sacramenti, videtur quod aliquando possit hoc sacramentum perfici his solis verbis prolatis, & omnibus aliis prætermisissis, quæ in Missa dicuntur; quod tamen videtur esse falsum: quia ubi verba alia prætermitterentur, prædicta verba acciperentur ex persona sacerdotis proferentis, in cuius corpus, & sanguinem panis, & vinum non convertuntur. Non ergo prædicta verba sunt forma huius sacramenti.

Sed contra est quod Ambrosius dicit in Lib. IV. de sacramentis (cap. iv. a princ.) *Consecratio fit verbis, & sermonibus Domini Iesu: nam per reliqua omnia quæ dicuntur, laus Deo deferuntur, oratio præmittitur pro populo, pro Regibus, pro ceteris; ubi autem venit ut conficiatur venerabile sacramentum, iam non suis sermonibus sacerdos utitur, sed utitur sermonibus Christi. Ergo sermo Christi hoc conficit sacramentum*.

Respondeo dicendum, quod hoc sacramentum ab aliis sacramentis differt in duobus. Primo quidem quantum ad hoc quod hoc sacramentum perficitur in consecratione materiæ, alia vera sacramenta perficiuntur in usu materiæ consecratæ. Secundo quia in aliis sacramentis consecratio materiæ consistit solum in quadam benedictione, ex qua materia con-

(a) id. & non solum dimensionibus.

consecrata accipit instrumentaliter quamdam spirituales virtutes, quæ per ministrum, qui est instrumentum animatum, potest ad instrumenta inanimata procedere; sed in hoc sacramento consecratio materiæ consistit in quadam miraculosa conversione substantiæ, quæ a solo Deo perfici potest: unde minister in hoc sacramento perficiendo non habet alium actum nisi prolationem verborum.

Et quia forma debet esse conveniens rei, ideo forma huius sacramenti differt a formis aliorum sacramentorum in duobus. Primo quidem quia formæ aliorum sacramentorum important usum materiæ, puta baptismationem, vel signationem; sed forma huius sacramenti importat solam consecrationem materiæ, quæ in transubstantiatione consistit: puta cum dicitur: *Hoc est corpus meum*, vel *Hic est calix sanguinis mei*. Secundo quia formæ aliorum sacramentorum profertur ex persona ministris, sive per modum exercentis actum; sicut cum dicitur, *Ego te baptizo*, vel *Ego te confirmo* &c. sive per modum imperantis, sicut cum in sacramento ordinis dicitur: *Accipe potestatem* &c. sive per modum deprecantis, sicut cum in sacramento extremæ unctionis dicitur: *Per istam unctionem, & nostram intercessionem* &c. Sed forma sacramenti profertur quasi ex persona ipsius Christi loquentis; ut detur intelligi quod minister in perfectione huius sacramenti nihil agit, nisi quod profert verba Christi.

Ad primum ergo dicendum, quod circa hoc est multiplex opinio. Quidam enim dixerunt, quod Christus, qui habebat potestatem excellentiæ in sacramentis, absque omni forma verborum hoc sacramentum perfecit, & postea verba protulit, sub quibus alii postmodum consecrarent. Quod videntur sonare Innocentii III. dicentis (Lib. IV. de mystic. Missæ cap. vi. in fin.) *Sane dici solet, Christus virtute divina consecravit, & ressecramam expressit, sub qua posteri benedicerent.*

Sed contra hoc expresse sunt verba Evangelii, in quibus dicitur, quod Christus benedixit: quæ quidem benedictio a liquidis verbis facta est. Unde prædicta verba Innocentii sunt opinative magis dicta quam determinative.

Quidam autem dixerunt, quod benedictio illa facta est quibusdam aliis verbis nobis ignotis.

Sed nec hoc stare potest: quia benedictio consecrationis nunc perficitur per recitationem eorum quæ tunc acta sunt: unde si tunc per hæc verba non est facta consecratio, nec modo fieret.

Et ideo alii dixerunt, quod illa benedictio eisdem etiam verbis facta est quibus modo fit; sed Christus ea his protulit, primo quidem secrete ad consecrandum, secundo manifeste ad influendum.

Sed nec hoc stare potest: quia sacerdotes consecrat, proferens hæc verba, non ut a Christo in occultis benedictione dicta, sed ut publice prolata. Unde cum non habeant vim huiusmodi verba, nisi ex Christi prolatione, videtur quod etiam Christus manifeste ea proferens consecraverit.

Et ideo alii dixerunt, quod Evangelistæ non semper eundem ordinem in recitando servaverunt, quo res sunt gestæ, ut patet per Augustinum in Lib. II. de consensu Evang. (cap. xxx. xxxi. & xlv.) Unde intelligendum est, ordinem rei gestæ licet exprimi posse: *Accipiens panem benedixit, dicens: Hoc est corpus meum: & deinde sumpsit, & dedit discipulis suis.*

Sed idem sensus haberi potest etiam verbis Evangelii non mutatis. Nam hoc participium *dicens* concomitantiam quamdam importat verborum prolatorum ad ea quæ præcedunt. Non autem oportet quod hæc concomitantia intelligatur solum respectu ultimi verbi prolati, quasi Christus tunc ista verba protulerit, quando dedit discipulis suis; sed potest intelligi concomitantia respectu totius præcedentis; ut sit sensus: Dum benediceret, frangeret, & daret discipulis suis, hæc verba dixit: *Accipite* &c.

Ad secundum dicendum, quod in his verbis, *Accipite, & comedite*, intelligitur usus materiæ consecratæ, qui non est de necessitate huius sacramenti, ut supra habitum est (quæst. lxxiv. art. 7.) Et ideo nec hæc verba sunt de substantia formæ. Quia tamen ad quamdam perfectionem sacramenti pertinet materiæ consecratæ usus, sicut operatio non est prima, sed secunda perfectio rei; ideo per omnia ista verba exprimitur tota perfectio huius sacramenti: & hoc modo Eusebius intellexit, his verbis concilii sacramentum quantum ad primam, & secundam perfectionem ipsius.

Ad tertium dicendum, quod in sacramento baptismi minister aliquem actum

exercet circa usum materię, qui est de essentia sacramenti; quod non est in hoc sacramento: & ideo non est similis ratio.

Ad quantum dicendum, quod quidam dixerunt, hoc sacramentum perfecti non posse prædictis verbis prolatis, & aliis prætermisissis: præcipue quæ sunt in canone Missæ.

Sed hoc patet esse falsum, tum ex verbis Ambrosii supra inductis (in arg. *Sed cont.*) tum etiam quia canon Missæ non est idem apud omnes, nec secundum omnia tempora, sed diversa sunt a diversis appolata.

Unde dicendum est, quod si sacerdos sola verba prædicta proferret cum intentione conficiendi hoc sacramentum, perficeretur hoc sacramentum: quia intentio faceret ut hæc verba intelligerentur quasi ex persona Christi prolata, etiam si verbis præcedentibus hoc non recitaretur; gravior tamen peccaret sacerdos conficiens hoc sacramentum, utpote ritum Ecclesiæ non servans. Nec est simile de baptismo, quod est sacramentum necessitatis; defectum autem huius sacramenti potest supplere spiritalis manducatio, sicut Augustinus dicit (tract. xxvi. in Ioan.)

## ARTICULUS II. 465

*Utrum hæc sit conveniens forma consecrationis panis: Hoc est corpus meum.*

*Sup. quest. lx. art. 2. cor. & quest. lxxv. art. 2. cor. & inf. quest. lxxxiii. art. 4. ad 1. & quest. lxxxiv. art. 3. cor. & 14. dist. viii. quest. 2. art. 3. quest. 1. & 2. & art. 4. quest. 3. & 1. Corinthe. xi. lect. 5.*

**A**D secundum sic proceditur. Videtur quod hæc non sit conveniens forma consecrationis panis: *Hoc est corpus meum*. Per formam enim sacramenti debet exprimi sacramenti effectus. Sed effectus qui fit in consecratione panis, est conversio substantię panis in corpus Christi, quæ magis exprimitur per hoc verbum *fit*, quam per hoc verbum *est*. Ergo in forma consecrationis deberet dici: *Hoc fit corpus meum*.

2. Præterea. Ambrosius dicit in Lib. IV. de sacramentis (cap. iv. a princ.) *Sermo Christi hoc conficit sacramentum: quis jermo Christi? h'c, quæ facta sunt omnia.*

*Iussit Dominus, & facta sunt cæli, & terra.* Ergo & forma huius sacramenti convenientior esset per verbum imperativum, ut diceretur: *Hoc fit corpus meum*.

3. Præterea. Per subiectum huius locutionis importatur illud quod convertitur, sicut per prædicatum importatur conversionis terminus. Sed sicut est determinatum id in quod fit conversio, non enim fit conversio nisi in corpus Christi; ita est determinatum id quod convertitur, non enim convertitur in corpus Christi nisi panis. Ergo sicut ex parte prædicati ponitur nomen, ita ex parte subiecti debet poni nomen, ut dicatur: *Hic panis fit corpus meum*.

4. Præterea. Sicut id in quod terminatur conversio, est determinatæ naturæ (quia est corpus,) ita etiam est determinatæ personæ. Ergo sicut ad determinandam naturam dicitur *corpus*, ita ad determinandam personam deberet dici: *Hoc est corpus Christi*.

5. Præterea. In verbis formæ non debet poni aliquid quod non sit de substantia eius. Inconvenienter ergo additur in quibusdam libris hæc coniunctio *enim*, quæ non est de substantia formæ.

Sed contra est quod Dominus hæc forma in consecrando est usus, ut patet Matth. xxvi.

Respondetur dicendum, quod hæc est conveniens forma consecrationis panis.

Dictum est enim (art. præc.) quod hæc consecratio consistit in conversione substantię panis in corpus Christi. Oportet autem formam sacramenti significare id quod in sacramento efficitur. Unde & forma consecrationis panis debet significare ipsam conversionem panis in corpus Christi; in qua tria considerantur, scilicet ipsa conversio, & terminus *a quo*, & terminus *ad quem*. Conversio autem potest considerari dupliciter; uno modo ut in fieri, alio modo ut in facto esse. Non autem debuit significari conversio in hac forma ut in fieri, sed ut in facto esse. Primo quidem quia hæc conversio non est successiva, ut supra dictum est (quest. lxxv. art. 7.) sed instantanea: in huiusmodi autem mutationibus fieri non est nisi factum esse. Secundo quia ita se habent formæ sacramentales ad significandum effectum sacramenti, sicut se habent formæ artificiales ad repræsentandum effectum artis. Forma autem artificialis est similitudo ultio-

ultimi effectus, in quem fertur intentio artificis; sicut forma artis in mente edificatoris est forma domus edificatae principaliter, edificationis autem per consequens. Unde & in hac forma debet exprimi conversio ut in facto esse, ad quod fertur intentio. Et quia ipsa conversio exprimitur in hac forma ut in facto esse, necesse est quod extrema conversionis significetur, ut se habent in facto esse conversionis. Tunc autem terminus ad quem habet propriam naturam suam substantiam; sed terminus a quo non manet secundum suam substantiam, sed solum secundum accidentia, quibus sensus subiaceret, & ad sensum determinari potest. Unde convenienter terminus conversionis a quo exprimitur per pronomen demonstrativum relatum ad accidentia sensibilia, quae manent; terminus autem ad quem exprimitur per nomen significans naturam eius in qua fit conversio; quod quidem est totum corpus Christi, & non sola caro eius, ut dictum est (quest. lxxvi. art. 1. ad 2. & art. 2.) Unde haec forma est convenientissima: *Hoc est corpus meum*.

Ad primum ergo dicendum, quod fieri non est ultimus effectus huius consecrationis, sed factum esse, ut dictum est in corp. art.) & ideo hoc potius exprimi debet in forma.

Ad secundum dicendum, quod sermo Dei operatus est in creatione rerum, qui etiam operatur in hac consecratione; aliter tamen, & aliter. Nam hic operatur effective, & sacramentaliter, id est secundum vim significationis; & ideo oportet in hoc sermone significari ultimum effectum consecrationis per verbum substantivum indicativi modi, & praesentis temporis. Sed in creatione rerum operatus est solum effective; quae quidem efficientia est per imperium suae sapientiae; & ideo in creatione rerum exprimitur sermo divinus per verbum imperativi modi, secundum illud Gen. 1. 3. *Fiat lux, & facta est lux*.

Ad tertium dicendum, quod terminus a quo in ipso facto esse conversionis non retinet naturam suam substantiam, sicut terminus ad quem. Et ideo non est simile.

Ad quartum dicendum, quod per hoc pronomen *meum*, quod includit demonstrationem primae personae, quae est persona loquens, iudicenter exprimitur persona Christi, ex cuius persona haec proferuntur, ut dictum est (art. praec.)

Ad quintum dicendum, quod haec consecratio enim apponitur in hac forma secundum consuetudinem Romanae Ecclesiae, a B. Petro Apostolo derivatam; & hoc propter continuationem ad verba praecedentia: & ideo non est de forma, sicut nec verba praecedentia formam.

### ARTICULUS III. 466

*Utrum haec sit conveniens forma consecrationis vini: Hic est calix sanguinis mei &c.*

IV. dist. viii. quest. 11. art. 3. quest. 1. & 3.

**A**D tertium sic proceditur. Videtur quod haec non sit conveniens forma consecrationis vini: *Hic est calix sanguinis mei, novi, & aeterni testamenti, mysterium fidei, qui pro vobis, & pro multis effundetur in remissionem peccatorum*. Sicut enim panis convertitur in corpus Christi ex vi consecrationis, ita & vinum in sanguinem Christi, sicut ex praedictis patet (quest. lxxvi. art. 1. 2. & 3.) Sed in forma consecrationis panis ponitur in recto corpus Christi, nec aliquid aliud additur. Inconvenienter ergo in hac forma ponitur sanguis Christi in obliquo, & additur calix in recto, cum dicitur: *Hic est calix sanguinis mei*.

2. Praeterea. Non sunt maioris efficaciae verba quae proferuntur in consecratione panis, quam ea quae proferuntur in consecratione vini, cum utraque sint verba Christi. Sed statim dicto, *Hoc est corpus meum*, est perfecta consecratio panis. Ergo statim cum dictum est, *Hic est calix sanguinis mei*, est perfecta consecratio sanguinis; & ita ea quae sequuntur, non videntur esse de substantia formae, praesertim cum pertineant ad proprietates huius sacramenti.

3. Praeterea. Testamentum novum pertinere videtur ad internam inspirationem, ut patet ex hoc quod Apostolus ad Heb. viii. 8. introducit verba quae habentur Hierem. xxxi. 31. *Consummabo super domum Israel Testamentum novum. . . . dando leges meas in mentem eorum*. Sacramentum autem exterius visibiliter agitur. Inconvenienter ergo in forma sacramenti dicitur, *Novi Testamenti*.

4. Praeterea. Novum dicitur aliquid ex eo quod est prope principium sui

c. 12.

esse. Aeternum autem non habet principium sui esse. Ergo inconvenienter dicitur, *Novi*, & *aeterni*: quia videtur contradictionem implicare.

5. Præterea. Occasiones erroris sunt hominibus subrahendæ, secundum illud I. Cor. xvii. 14. *Auferet offendicula de via populi mei*. Sed quidam erraverunt, æstimantes mystice solum esse corpus, & sanguinem Christi in hoc sacramento. Ergo in hac forma inconvenienter ponitur, *Mysterium fidei*.

6. Præterea. Supra dictum est (quæst. lxxiii. art. 3. ad 3.) quod sicut baptismus est sacramentum fidei, ita Eucharistia est sacramentum caritatis. Ergo in hac forma magis debet poni caritas quam fides.

7. Præterea. Totum hoc sacramentum, & quantum ad corpus, & quantum ad sanguinem, est memoriale dominicæ passionis, secundum illud I. Cor. xi. 26. *Quotiescumque manducabitis panem hunc, & calicem bibetis, mortem Domini annuntiabitis*. Non ergo magis debuit in forma consecrationis sanguinis fieri mentio de passione Christi, & eius fructu, quam in forma consecrationis corporis; præsertim cum Luc. xxii. 19. Dominus dixerit: *Hoc est corpus meum, quod pro vobis (a) traditur*.

8. Præterea. Passio Christi, ut supra habitum est (quæst. xlviii. & xlix. art. 2.) ad sufficientiam profuit omnibus, quantum vero ad efficientiam profuit multis. Debit ergo dici, *Qui effunditur pro omnibus, aut pro multis*, sine hoc quod adderetur, *pro vobis*.

9. Præterea. Verba quibus hoc sacramentum concititur, efficaciam habent ex institutione Christi. Sed nullus Evangelista recitat, Christum hæc omnia verba dixisse. Ergo hæc non est conveniens forma consecrationis vini.

Sed contra est quod Ecclesia ab Apostolis instructa utitur hac forma in consecratione vini.

Respondendo dicendum, quod circa hæc formam est duplex opinio. Quidam enim dixerunt, quod de substantia formæ huius est hoc solum, quod dicitur, *Hic est calix sanguinis mei*, non autem ea quæ sequuntur. Sed hoc videtur inconveniens: quia ea quæ sequuntur, sunt quædam determinationes prædicatæ, idest sanguinis Christi: unde pertinent ad integritatem eiusdem locutionis.

Et propter hoc sunt alii qui melius dicunt, quod omnia sequentia sunt de substantia formæ usque ad hoc quod posita sequitur, *Hæc quotiescumque feceritis*, quod pertinet ad usum huius sacramenti: unde non est de substantia formæ. Et inde est quod sacerdos eodem ritu, & modo, scilicet tenendo calicem in manibus, omnia hæc verba profert. Lucæ etiam xxii. interponuntur verba sequentia verbis præmissis, cum dicitur: *Hic calix novum testamentum est in meo sanguine*. Dicendum est ergo, quod omnia prædicta verba sunt de substantia formæ; sed per prima verba, cum dicitur *Hic est calix sanguinis mei*, significatur ipsa conversio vini in sanguinem, eo modo quo dictum est (art. præc.) in forma consecrationis panis; per verba autem sequentia designatur virtus sanguinis effusi in passione, quæ operatur in hoc sacramento: quæ quidem ad tria ordinatur. Primo quidem, & principaliter ad adipiscendam æternam hereditatem, secundum illud Heb. x. 19. *Habentes fiduciam in introitu sanctorum in sanguine Christi*: & ad hoc designandum dicitur, *Novi, & æterni testamenti*. Secundo ad iustitiam gratiæ, quæ est per fidem, secundum illud Rom. iii. 25. *Quem proposuit Deus propitiorem per fidem in sanguine ipsius, ut sit ipse iustus, & iustificans eum qui ex fide est Iesu Christi*: & quantum ad hoc subditur, *Mysterium fidei*. Tertio autem ad removendum impedimenta utriusque prædictorum, scilicet peccata, secundum illud Heb. ix. 14. *Sanguis Christi... emundabit conscientiam nostram ab operibus mortuis, idest a peccatis*: & quantum ad hoc subditur: *Qui pro vobis, & pro multis effunditur in remissionem peccatorum*.

Ad primum ergo dicendum, quod cum dicitur, *Hic est calix sanguinis mei*, est locutio figurativa: & potest dupliciter intelligi. Uno modo secundum metonymiam, qua ponitur continens pro contento; ut sit sensus: *Hic est sanguis meus contentus in calice, de quo fit hic memoria*: quia sanguis Christi in hoc sacramento consecratur, in quantum est potus fidelium, quod non importatur in ratione sanguinis: & ideo oportuit hoc designari per vas huic usui accommodatum. Alio modo potest intelligi secundum metaphoram, prout per calicem similitudinarie intelligitur passio Christi, quæ ad similitudinem calicis inebriat, secundum illud.

(a) Pagina datur.

illud Thren. iii. 15. *Replevi me amaritudinibus, inebriavi me absinthio*: unde & ipse Dominus passionem suam calicem nominat Matth. xxvi. 39. dicens: *Transseat a me calix iste*: ut sit sensus: *Hic est calix passionis meae, de qua fit mentio in sanguine scorum a corpore consecrato*: quia separatio sanguinis a corpore fuit per passionem.

Ad secundum dicendum, quod quia, ut dictum est (in solut. præc. & quæst. lxxvi. art. 2. ad 1.) sanguis scorum consecratus expresse passionem Christi repræsentat, ideo potius in consecratione sanguinis fit mentio de effectu passionis, quam in consecratione corporis, quod est passionis subiectum: quod etiam designatur in hoc quod Dominus dicit: *Quod pro vobis tradetur*; quali diceret: *Quod pro vobis passioni subicietur*.

Ad tertium dicendum, quod testamentum est dispositio hereditatis. Hereditatem autem caelestem disposuit Deus hominibus dandam per virtutem sanguinis Iesu Christi: quia, ut dicitur Heb. ix. 15. *ubi est testamentum, mors necesse est intercedat testatoris*. Sanguis autem Christi dupliciter est hominibus exhibitus. Primo quidem in figura; quod pertinet ad vetus Testamentum: & ideo Apostolus ibidem concludit: *Unde nec primum Testamentum sine sanguine dedicatum est*: quod patet ex hoc quod, sicut dicitur Exodi xxiv. *lecto omni mandato legis a Moyse, omnem populum aspersit, dicens: Hic est sanguis Testamenti, quod mandavit ad vos Deus*. Secundo autem est exhibitus in rei veritate; quod pertinet ad novum Testamentum: & hoc est quod Apostolus ibidem præmittit dicens: *Ideo novi Testamenti mediator est (Christus), ut, morte intercedente, repromissionem accipiant, qui vocati sunt, æternæ hereditatis*. Dicitur ergo, *Hic sanguis novi Testamenti*, quia iam non in figura, sed in veritate exhibetur: unde subditur: *Qui pro vobis effundetur*. Interna autem inspiratio ex huius sanguinis virtute procedit, secundum quod passione Christi iustificamur.

Ad quartum dicendum, quod hoc Testamentum est novum ratione exhibitionis; dicitur autem æternum tam ratione æternæ Dei præordinationis, quam etiam ratione æternæ hereditatis, quæ per hoc Testamentum disponitur: ipsa etiam persona Christi, cuius sanguine Testamentum disponitur, est æterna.

Ad quintum dicendum, quod *mysterium*

hic ponitur, non quidem ad excludendam rei veritatem, sed ad ostendendam occultationem: quia & ipse sanguis Christi occulto modo est in hoc sacramento; & ipsa passio Christi occulte fuit figurata in veteri Testamento.

Ad sextum dicendum, quod dicitur *mysterium fidei*, quali fidei obiectum: quia quod sanguis Christi secundum veritatem sit in hoc sacramento, sola fide tenetur. Ipsa etiam Christi passio per fidem iustificat. Baptismus autem dicitur sacramentum fidei, quia est quædam fidei protestatio. Hoc autem est sacramentum caritatis, quali figurativum, & effectivum.

Ad septimum dicendum, quod, sicut dictum est (in respon. ad 2.) sanguis scorum consecratus a corpore expressius repræsentat passionem Christi: & ideo potius in consecratione sanguinis fit mentio de passione Christi, & fructu ipsius, quam in consecratione corporis.

Ad octavum dicendum, quod sanguis passionis Christi non solum habet efficaciam in ludæis electis, quibus exhibitus est sanguis veteris Testamenti, sed etiam in Gentilibus; nec solum in sacerdotibus, qui hoc conficiunt sacramentum, vel aliis qui sumunt, sed etiam in illis pro quibus offertur. Et ideo signanter dicit, *pro vobis*, ludæis, & *pro multis*, scilicet Gentilibus: vel *pro vobis* manducantibus, & *pro multis*, pro quibus offertur.

Ad nonum dicendum, quod Evangelistæ non intendebant tradere formas sacramentorum, quas in primitiva Ecclesia oportebat esse occultas, ut dicit Dionysius in fine ecclesiast. Hierarch. sed intenderunt historiam de Christo texere. Et tamen hæc omnia fere verba ex diversis Scripturæ locis accipi possunt. Nam quod dicitur, *Hic est calix, habetur* Luc. xxii. & I. Corinth. xxi. Matth. autem xxvi. dicitur: *Hic est sanguis meus novi testamenti, qui pro multis effundetur in remissionem peccatorum*. Quod autem additur, *æterni*, & iterum, *mysterium fidei*, ex traditione Domini habetur, quæ ad Ecclesiam per Apostolos pervenit, secundum illud I. Corinth. xi. 23. *Ego accepi a Domino, quod & tradi di vobis*.

## ARTICULUS IV. 467

*Utrum praedictis verbis formarum insit aliqua vis creata effectiva consecrationis.*

*Inf. art. 5. co. & IV. dist. 1. quaest. 1. art. 4. quaest. 2. dist. 111. quaest. 11. art. 3. & dist. x. in expof. litt. ad 6. & 8.*

**A**D quantum sic proceditur. Videtur quod praedictis verbis formarum non insit aliqua vis creata effectiva consecrationis. Dicit enim Damascenus in IV. Lib. (orth. Fid. cap. xiv. cir. med.) *Sola virtute Spiritus sancti fit conversio panis in corpus Christi*. Sed virtus Spiritus sancti est virtus increata. Ergo nulla virtute creata horum verborum conficitur hoc sacramentum.

2. Praeterea. Opera miraculosa non fiunt aliqua virtute creata, sed sola virtute divina, ut in prima parte habitum est (quaest. cx. art. 4.) Sed conversio panis, & vini in corpus, & sanguinem Christi est opus non minus miraculosum quam creatio rerum, vel etiam formatio corporis Christi in utero virginali: quae quidem nulla virtute creata fieri potuerunt. Ergo neque hoc sacramentum consecratur aliqua virtute creata dictorum verborum.

3. Praeterea. Praedicta verba non sunt simplicia, sed ex multis composita; nec simul, sed successive proferuntur. Conversio autem praedicta, ut supra dictum est (quaest. lxxv. art. 7.) fit in instanti: unde oportet quod fiat per simplicem virtutem. Non ergo fit per virtutem horum verborum.

Sed contra est quod Ambrosius dicit in Lib. IV. de sacramentis (cap. xv. ante med.) *Si tanta est vis in sermone Domini Iesu, ut inciperent esse quae non erant; quanto magis operatorius est ut finis quae erant, & in aliud commutentur?* Et sic quod erat panis ante consecrationem, iam corpus Christi est post consecrationem: quia sermo Christi in aliud creaturam mutat.

Respondeo dicendum, quod quidam dixerunt, nullam virtutem creatam esse nec in praedictis verbis ad transubstantiationem faciendam, nec etiam in aliis sacramentorum formis, vel etiam in ipsis sacramentis ad inducendos sacramentorum effectus: quod, sicut supra habitum est (quaest. lxxi. art. 1. 3. & 4.) &

dictis Sanctorum repugnat, & derogat dignitati sacramentorum novae legis.

Unde cum hoc sacramentum sit praeter ceteris dignius, sicut supra dictum est (quaest. lxxv. art. 3.) consequens est quod in verbis formalibus huius sacramenti sit quaedam virtus creata ad conversionem huius sacramenti faciendam, instrumentalitatem tamen, sicut & in aliis sacramentis, sicut supra dictum est (quaest. lxxi. art. 1. 3. & 4.) Cum enim haec verba ex persona Christi proferantur, ex eius mandato consequuntur virtutem instrumentalem a Christo, sicut & cetera eius facta, vel dicta habent instrumentaliter salutiferam virtutem, ut supra dictum est (ibid.)

Ad primum ergo dicendum, quod cum dicitur, sola virtute Spiritus sancti panem in corpus Christi converti, non excluditur virtus instrumentalis, quae est in forma huius sacramenti; sicut cum dicitur, *Solus faber facit cultellum*, non excluditur virtus martelli.

Ad secundum dicendum, quod opera miraculosa nulla creatura potest facere quasi agens principale; potest tamen ea facere instrumentaliter, sicut ipse tactus manus Christi sanavit leprosum. Et per hunc modum verba Christi convertunt panem in corpus Christi: Quod quidem fieri non potuit in conceptione corporis Christi, quia corpus Christi formabatur, ut aliquid a corpore Christi procedens haberet instrumentalem virtutem ad ipsius corporis formationem. In creatione etiam non fuit aliquod extremum, in quod instrumentalitatis actio creaturae posset terminari. Unde non est simile.

Ad tertium dicendum, quod praedicta verba, quibus fit consecratio, sacramentaliter operantur: unde vis conversiva, quae est in formis horum sacramentorum, consequitur significationem, quae in prolatione ultimae dictionis terminatur. Et ideo in ultimo instanti prolationis verborum praedicta verba consequuntur hanc virtutem, in ordine tamen ad praecedentia: & haec virtus est simplex ratione simplicis significati, licet in ipsis verbis exterius prolatis sit quaedam compositio.

ARTICULUS V. 468

*Utrum praedictae locutiones sint verae.*

IV. dist. viii. quaest. 11. art. 1. quaest. 4.

**A**D quantum sic proceditur. Videtur quod praedictae locutiones non sint verae. Cum enim dicitur, *Hoc est corpus meum*, ly *hoc* est determinativum substantiae. Sed secundum praedicta (art. 2. hu. quaest.) quando proferuntur hoc pronomen *hoc*, adhuc est ibi substantia panis: quia transubstantiatio fit in ultimo instanti prolationis verborum. Sed haec est tara, *Panis est corpus Christi*. Ergo & haec est talia, *Hoc est corpus meum*.

2. Praeterea. Hoc pronomen *hoc* facit demonstrationem ad sensum. Sed species lenibiles, quae sunt in hoc sacramento, neque sunt ipsum corpus Christi, neque accidentia corporis Christi. Erat haec locutio non potest esse vera, *Hoc est corpus meum*.

3. Praeterea. Haec verba, sicut dictum est (art. praec.) sua significatione efficiunt conversionem panis in corpus Christi. Sed ante conversionem haec est falsa, *Hoc est corpus meum*. Ergo simpliciter est iudicandum, quod sit falsa: & eadem ratio est de hac locutione, *Hic est calix sanguinis mei* &c.

Sed contra est quod haec verba proferuntur ex persona Christi, qui de se dicit Ioan. xiv. 6. *Ego sum veritas*.

Respondendo dicendum, quod circa hoc multiplex fuit opinio. Quidam enim dixerunt, quod in hac locutione, *Hoc est corpus meum*, haec dictio *hoc* importat demonstrationem ut conceptam, & non ut exercitam: quia tota ista locutio sumitur materialiter, cum recitative proferatur: recitat enim sacerdos Christum dixisse, *Hoc est corpus meum*. Sed hoc stare non potest: quia secundum hoc verba haec non applicarentur ad materiam corporalem praesentem; & ita non perficeretur sacramentum. Dicit enim Augustinus super Ioan. (tract. lxxx. a med.) *Accedit verbum ad elementum, & fit sacramentum*. Et praeterea ex hoc totaliter non evitatur dicitur istas huius quaestiones: quia ex tunc rationes manent circa primam prolationem, qua Christus haec verba protulit. Quare manifestum est quod non materialiter, sed significative sumebantur. Et ideo dicendum est,

quod etiam quando proferuntur a sacerdote, significative, & non tantum materialiter sumuntur. Nec obstat quod sacerdos ea recitative proferat quasi a Christo dicta: quia propter infinitam virtutem Christi, sicut ex contactu carnis suae vis regenerativa pervenit non solum ad illas aquas quae Christum tetigerunt, sed ad omnes ubique terrarum per omnia futura saecula; ita etiam ex prolatione ipsius Christi haec verba virtutem consecrativam sunt consecuta, a quocumque sacerdote dicantur, ac si Christus ea praetentialiter proferret.

Et ideo alii dixerunt, quod haec dictio *hoc* in hac locutione facit demonstrationem non ad sensum, sed ad intellectum; ut sit sensus: *Hoc est corpus meum*, id est significarum per hoc, *est corpus meum*. Sed nec hoc stare potest: quia cum in sacramentis hoc efficiatur quod significatur, non heret per hanc formam ut corpus Christi sit in hoc sacramento secundum veritatem, sed solum sicut in signo: quod est haereticum, ut supra dictum est (quaest. lxxxv. art. 1.)

Et ideo alii dixerunt, quod haec dictio *hoc* facit demonstrationem ad sensum; sed intelligitur haec demonstratio non pro illa instanti locutionis quo proferitur haec dictio, sed pro ultimo instanti locutionis: sicut cum aliquis dicit, *Nunc tace*, hoc adverbium *nunc* facit demonstrationem pro instanti immediate sequenti locutionem: est enim sensus: *Statim his verbis dictis taceo*. Sed nec hoc stare potest: quia secundum hoc huius locutionis esset sensus: *Corpus meum est corpus meum*: quod praedicta locutio non facit, quia hoc fuit etiam ante prolationem verborum: unde nec hoc praedicta locutio significat.

Et ideo aliter dicendum est, quod, sicut praedictum est (art. praec.) haec locutio habet virtutem factivam conversionis panis in corpus Christi. Et ideo comparatur ad alias locutiones, quae habent solum vim significativam, & non factivam, sicut comparatur conceptio intellectus practici, quae est factiva rei, conceptioni intellectus nostri speculativi, quae est accepta a rebus: nam *verba sunt signa intellectuum*, secundum Philosophum (Lib. I. Perher. in princ.) Et ideo sicut conceptio intellectus practici non praesupponit rem conceptam, sed facit eam; ita veritas huius locutionis non praesupponit rem significatam, sed facit eam: sic enim & habet Verbum Dei ad res

8as



has per Verbum. Hæc autem conversio non fit successively, sed in instanti, sicut dictum est (quæst. lxxv. art. 7.) Et ideo oportet quidem intelligere prædictam locutionem secundum ultimum instanti prolationis verborum, non tamen ita quod præsupponatur ex parte subiecti id quod est terminus conversionis, scilicet quod corpus Christi sit corpus Christi, neque etiam illud quod fuit ante conversionem, scilicet panis; sed id quod communiter se habet quantum ad utrumque, scilicet contentum in generali sub istis speciebus. Non enim faciunt hæc verba quod corpus Christi sit corpus Christi, neque quod panis sit corpus Christi, sed quod contentum sub his speciebus, quod prius erat panis, sit corpus Christi. Et ideo signanter non dicit Dominus: *Hic panis est corpus meum*; quod esset secundum intellectum secundæ opinionis: neque: *Hoc corpus meum est corpus meum*; quod esset secundum intellectum tertiæ. Sed in generali: *Hoc est corpus meum*, nullo nomine appposito a parte subiecti, sed solo pronominis, quod significat substantiam in communi, sine qualitate, idest forma determinatam.

Ad primum ergo dicendum, quod hæc dictio *hoc* demonstrat substantiam, sed abique determinatione propriæ naturæ, sicut dictum est (in corp.).

Ad secundum dicendum, quod hoc nomen *hoc* non demonstrat ipsam accidentiam, sed substantiam sub accidentibus contentam, quæ primo fuit panis, postea est corpus Christi; quod licet non informetur his accidentibus, tamen sub eis continetur.

Ad tertium dicendum, quod significatio huius locutionis præintelligitur res significatæ ordine naturæ, sicut causa naturaliter est prior effectui; non tamen ordine temporis, quia hæc causa simul habet secum suum effectum: & hoc sufficit ad veritatem locutionis.

#### ARTICULUS VI. 469

*Utrum forma consecrationis panis consequatur suum effectum, antequam perficiatur forma consecrationis vini.*

IV. dist. viii. quæst. 11. art. 4. quæst. 2.  
& dist. xi. quæst. 11. art. 1. quæst. 1.  
ad 4. & 1. Corin. x. lxx. 6.

**A**D sextum sic proceditur. Videtur quod forma consecrationis panis non

consequatur suum effectum, quousque perficiatur forma consecrationis vini. Sicut enim per consecrationem panis incipit esse corpus Christi sub hoc sacramento, ita per consecrationem vini incipit esse sanguis. Si ergo verba consecrationis panis haberent suum effectum ante consecrationem vini, sequeretur quod in hoc sacramento inciperet esse corpus Christi sine sanguine: quod est inconveniens.

2. Præterea. Unum sacramentum unum habet complementum: unde licet in baptismo sint tres immersiones, non tamen prima immerio consequitur suum effectum, quousque tertia fuerit terminata. Sed totum hoc sacramentum est unum, ut supra dictum est (quæst. lxxiii. art. 2.) Ergo verba quibus consecratur panis, non consequuntur suum effectum sine verbis sacramentalibus quibus consecratur vinum.

3. Præterea. In ipsa forma consecrationis panis sunt plura verba, quorum prima non consequuntur effectum, nisi prolato ultimo, sicut dictum est (art. 4. hu. quæst. ad 3.) Ergo pari ratione nec verba quibus consecratur corpus Christi, habent effectum, nisi prolatis verbis quibus sanguis Christi consecratur.

Sed contra est quod statim dictis verbis consecrationis panis, hostia consecrata proponitur populo adoranda: quod non fieret, si non esset ibi corpus Christi, quia sic ad idololatriam pertineret. Ergo verba consecrationis panis suum effectum consequuntur, antequam proferantur verba consecrationis vini.

Respondeo dicendum, quod quidam antiqui Doctores dixerunt, quod hæc duæ formæ, scilicet consecrationis panis, & vini, se invicem expectant in agendo; ita scilicet quod prima non perficit suum effectum, antequam proferatur secunda.

Sed hoc stare non potest: quia, sicut dictum est (art. 2. & 5. hu. quæst.) ad veritatem huius locutionis, *Hoc est corpus meum*, requiritur propter verbum præsentis temporis quod res significata simul tempore sit cum ipsa significatione locutionis; alioquin si in futurum expectaretur res significata, apponeretur verbum futuri temporis, non autem verbum præsentis; ita scilicet quod non diceretur, *Hoc est corpus meum*; sed, *Hoc erit corpus meum*. Significatio autem huius locutionis completur statim completa prolatione horum verborum. Et ideo oportet

ter rem significatam statim adesse, quæ quidem est effectus huius sacramenti; alioquin locutio non esset vera. Est etiam hæc positio contra ritum Ecclesiæ, quæ statim post prolationem verborum corpus Christi adorat. Unde dicendum est, quod prima forma non expectat secundum in agendo, sed statim habet suum effectum.

Ad primum ergo dicendum, quod ex hac ratione videntur fuisse decepti illi qui prædictam positionem posuerunt. Unde intelligendum est quod facta consecratione panis, est quidem corpus Christi ibi ex vi sacramenti, & sanguis ex reali concomitantia; sed postmodum per consecrationem vini fit ibi e converso sanguis Christi ex vi sacramenti, corpus autem ex reali concomitantia; ita quod totus Christus est sub utraque specie, sicut supra dictum est (quæst. lxxvi. ar. 2.)

Ad secundum dicendum, quod hoc sacramentum est nunc perfectione, sicut supra dictum est (quæst. lxxiii. art. 2.) scilicet in quantum constituitur ex duobus, scilicet cibo, & potu, quorum utrumque per se habet suam perfectionem, sed tres immersiones baptismi ordinantur ad unum simplicem effectum: & ideo non est simile.

Ad tertium dicendum, quod diversa verba, quæ sunt in forma consecrationis panis, constituunt veritatem unius locutionis, non autem verba diversarum locutionum: & ideo non est simile.

## QUAESTIO LXXIX.

### *De effectibus sacramenti Eucharistiæ,*

#### *in octo articulos divisa.*

**D**Einde considerandum est de effectibus huius sacramenti: & circa hoc quaeruntur octo.

Primo, utrum hoc sacramentum conferat gratiam.

Secundo, utrum effectus huius sacramenti sit adeptio gloriæ.

Tertio, utrum effectus huius sacramenti sit remissio peccati mortalis.

Quarto, utrum per hoc sacramentum remittatur peccatum veniale.

Quinto, utrum per hoc sacramentum tota poena peccati remittatur.

Sexto, utrum hoc sacramentum homines præservet a peccatis futuris.

Septimo, utrum hoc sacramentum proficit aliis quam fumentibus.

Octavo de impedimento effectus huius sacramenti.

## ARTICULUS I. 470

### *Utrum per hoc sacramentum conferatur gratia.*

*Inf. art. 4. cor. & IV. dist. xii. quæst. 11. art. 2. quæst. 1. ad 2.*

**A**D primum sic proceditur. Videtur quod per hoc sacramentum non conferatur gratia. Hoc enim sacramentum est nutrimentum spirituale. Nutrimentum autem non datur nisi viventi. Cum ergo vita spiritualis sit per gratiam, non competit hoc sacramentum nisi habenti gratiam. Non ergo per hoc sacramentum confertur gratia, ut primo habeatur; similiter etiam nec ad hoc quod augeatur, quia augmentum spirituale pertinet ad sacramentum confirmationis, ut dictum est (quæst. lxxii. art. 1.) Non ergo per hoc sacramentum gratia confertur.

2. Præterea. Hoc sacramentum confertur ut quædam spiritualis resectio. Sed resectio spiritualis magis videtur pertinere ad usum gratiæ quam ad gratiæ collationem. Ergo videtur quod per hoc sacramentum gratia non conferatur.

3. Præterea. Sicut supra dictum est (quæst. lxxiv. art. 1.) in hoc sacramento corpus Christi offertur pro salute corporis, sanguis autem pro salute animæ. Sed corpus non est subiectum gratiæ, sed anima, ut in secunda parte habitum est (1. 2. quæst. ex. art. 4.) Ergo ad minus quantum ad corpus per hoc sacramentum gratia non confertur.

Sed contra est quod Dominus dicit Ioan. vi. 52. *Panis quem ego dabo, caro mea est pro mundi vita.* Sed vita spiritualis est per gratiam. Ergo per hoc sacramentum gratia confertur.

Respondendo dicendum, quod effectus huius sacramenti debet considerari primo quidem & principaliter ex eo quod in hoc sacramento continetur, quod est Christus: qui sicut in mundum visibiliter veniens contulit mundo vitam gratiæ, secundum illud Ioan. i. 17. *Gratia, & veritas per Iesum Christum facta est;* ita in hominem sacramentaliter veniens vitam gratiæ operatur, secundum illud Ioan.

Ioan. vi. 58. *Qui manducat me, et vivet propter me.* Unde & Cyrillus dicit (similia his multa hab. Lib. IV. in Ioan. cap. 11. & 111. hab. autem expref. in Cat. anr. D. Th. fup. hunc loc.) *Vivificativum Dei Verbum unius feipfum proprie carni, fecit iftam vivificativam. Decebat enim cum noftris quodammodo uniri corporibus per facram eius carnem, & pretiofui sanguinem, quæ accipimus in benedictionem vivificativam in pane, & vino.* Secundo confideratur ex eo quod per hoc facramentum repræfentatur, quod eft paffio Chrifti, ficut fupra dictum eft (quæft. lxxiv. art. 1. & quæft. lxxvi. art. 2. ad 1.) Et ideo effectum, quem paffio Chrifti fecit in munus, hoc facramentum facit in homine. Unde fup. illud Ioan. xix. *Contino exivit sanguis, & aqua,* dicit Chryftoftomus (hom. lxxxiv. in Ioan. cir. med.) „*Quia huc* „*fufcipiunt principium facra myfteria,* „*cum accelleris ad tremendum calicem,* „*ut ab ipfa bibiturus Chrifti cifta ita* „*accedas.*“ Unde & ipfe Dominus dicit Marth. xxvi. 28. *Hic eft fanguis meus, qui (a) pro vobis effundetur in remiffionem peccatorum.* Tercio confideratur effectus huius facramenti ex modo quod traditur hoc facramentum, quod traditur per modum cibi, & potus. Et ideo omnem effectum quem cibis, & potus materialis facit quantum ad vitam corporealem, quod feilicet fuffentat, auger, reparat, & delectat, hoc totum facit hoc facramentum quantum ad vitam fpiritualem. Unde Ambrofius dicit in Lib. V. de facramentis (cap. iv. cir. med.) *Ifte panis eft vitæ æternæ, qui anima noftra fubftantiam fœdit.* Et Chryftoftomus dicit fup. Ioan. (hom. xlv. a med.) *Præstat fe nobis adherentibus & palare, & comedere, & amplecti.* Unde & ipfe Dominus dicit Ioan. vi. 56. *Caro mea vere eft cibus, & fanguis meus vere eft potus.* Quarto confideratur effectus huius facramenti ex fpeciebus, in quibus traditur hoc facramentum. Unde Auguftinus ibidem (fc. tract. xxvi. in Ioan. parum ante fin.) dicit: *Dominus nofter corpus, & fanguinem fuum in eis rebus commendavit quæ ad unum aliquid rediguntur ex multis: namque aliud, feilicet panis, ex multis granis in unum confat; aliud, feilicet vinum, in unum ex multis acinis confuit.* Et ideo ipfe alibi dicit fup. Ioan. (loc. cit. a med.) *O facramentum pietatis,*

*o fignum unitatis, o vinculum caritatis.*

Et quia Chriftus, & eius paffio eft caufa gratiæ, & fpirituális relectio, & caritas line gratia elle non poteft; ex omnibus præmiſſis manifeſtum eſt quod hoc facramentum gratiam confert.

Ad primum ergo dicendum, quod hoc facramentum ex feipſo virtutem habet gratiam conferendi: nec aliquis habet gratiam ante fufceptionem huius facramenti, niſi ex aliquo voto ipſius, vel per feipſum, ſicut adulti, vel voto Ecclæſiæ, heut parvuli, ſicut fupra dictum eſt (quæft. lxxxiii. art. 3.) Unde ex efficacia virtutis ipſius eſt quod etiam ex voto ipſius aliquis gratiam confequitur, per quam ſpiritaliter vivificetur. Reſtat igitur ut cum facramentum realiter ſumitur, gratia augeatur, & vita ſpirituális perſectiatur; aliter tamen quam per facramentum confirmationis: in quo augeatur, & perſectur gratia ad peſiſtendum contra exterioris impugnaciones inimicorum Chrifti; per hoc autem facramentum augeatur gratia, & perſectur ſpirituális vita, ad hoc quod homo in ſeipſo perfectus exiſtat per communionem ad Deum.

Ad ſecundum dicendum, quod hoc facramentum confert gratiam ſpiritaliter cum virtute caritatis. Unde Damascenus (Lib. IV. orth. Fid. cap. xiv. a med.) comparat hoc facramentum carboni quem Iſaías vidit Iſa. vi. Carbo enim lignum ſimplex non eſt, ſed unitum igni: ita & panis communiois non ſimplex paris eſt, ſed unitus Divinitati. Sicut autem Gregorius dicit in homil. Pen-tecoſtes (xxx in Hyang. parum a princ.) *Amor Dei non eſt eiſect: magis enim operatur, ſi eſt.* Et ideo per hoc facramentum, quantum eſt ex ſua virtute, ſolum habetur gratia, & virtutis confectur, ſed etiam exercitur in actum, ſecundum illud II. Cor. v. 14. *Caritas Chrifti urget nos.* Et inde eſt quod ex virtute huius facramenti anima ſpiritaliter reſectur, per hoc quod anima ſpiritaliter delectatur, & quodammodo inebriatur dulcedine bonitatis divini, ſecundum illud Cantic. v. 1. *Comedite amicti, & bibite, & inebriamini cariſſimi.*

Ad tertium dicendum, quod quia ſacramenta operantur ſalutem, quam ſignificant, ideo ſecundum quamdam aſſimilationem dicitur, quod in hoc ſacramento corpus offertur pro ſalute corpo-

(a) Palſura eſt pro multis.

ris, & sanguis pro salute animarum; quamvis utrumque ad salutem utriusque operetur, cum sub utroque totus sit Christus, ut supra dictum est (quæst. lxxvi. art. 2.) Et licet corpus non sit immediatum subiectum gratiæ; ex anima tamen redundat effectus gratiæ ad corpus, dum in præsentia membra nostra exhibentur *arma iustitiæ Deo*, ut habetur Rom. vi. & in futuro corpus nostrum sortietur incorruptionem, & gloriam animarum.

## ARTICULUS II. 471

*Utrum effectus huius sacramenti sit adeptio gloriæ.*

*Inf. quæst. lxxx. art. 2. ad 1. & Ioan. vi.*

**A**D secundum sic proceditur. Videtur quod effectus huius sacramenti non sit adeptio gloriæ. Effectus enim proportionatur suæ causæ. Sed hoc sacramentum competit viatoribus, unde & viaticum dicitur. Cum igitur viatores nondum sint capaces gloriæ, videtur quod hoc sacramentum non causet adeptionem gloriæ.

2. Præterea. Posita causa sufficienti, ponitur effectus. Sed multi accipiunt hoc sacramentum qui nunquam perveniunt ad gloriam, ut patet per Augustinum XXI. de civit. Dei (cap. xxy.) Non ergo hoc sacramentum est causa adeptionis gloriæ.

3. Præterea. Maius non efficitur a minori: quia nihil agit ultra suam speciem. Sed minus est accipere Christum sub specie aliena, quod fit in hoc sacramento, quam frui eo in specie propria, quod pertinet ad gloriam. Ergo hoc sacramentum non causet adeptionem gloriæ.

Sed contra est quod dicitur Ioan. vi. 52. *Si quis manducaverit ex hoc pane, vivet in æternum*. Sed vita æterna est vita gloriæ. Ergo effectus huius sacramenti est adeptio gloriæ.

Respondetur dicendum, quod in hoc sacramento potest considerari & id ex quo habet effectum, scilicet ipse Christus contentus, & passio eius representata; & id per quod habet effectum, scilicet usus sacramenti, & species eius.

Et quantum ad utrumque competit huic sacramento quod causet adeptionem vitæ æternæ. Nam ipse Christus per suam passionem aperuit nobis aditum

vitæ æternæ, secundum illud Heb. ix. 15. *Novi Testamenti mediator est, ut morte intercedente, qui vocati sunt accipiant repromissionem æternæ hereditatis*. Unde & in forma huius sacramenti dicitur: *Hic est calix sanguinis mei, novi, & æterni Testamenti*. Similiter etiam relectio cibi spiritualis, & unitas significata per species panis, & vini habentur quidem in præsentia, sed imperfecte; perfecte autem in statu gloriæ. Unde Augustinus dicit super illud Ioan. vi. *Caro mea vere est cibus* (tract. xxvi. in Ioan. aliquant. ante fin.) „Cum cibo, & potu id appetant homines ut non esturiant, neque sitiant, hoc veraciter non præstat nisi ille cibus, & potus, qui eos a quibus lumitur, immortales, & incorruptibiles facit in societate. Sanctorum, ubi pax erit, & unitas plena, atque perfecta.“

Ad primum ergo dicendum, quod sicut passio Christi, in cuius virtute hoc sacramentum operatur, est quidem causa sufficiens gloriæ, non tamen ita quod statim per ipsam introducatur in gloriam, sed oportet ut prius simul computetur, ut postea simul gloriemur, sicut dicitur Rom. viii. ita hoc sacramentum non statim nos in gloriam introducit, sed dat nobis virtutem perveniendi ad gloriam, & ideo viaticum dicitur: in cuius figuram legitur III. Reg. xix. 8. *quod Elias comedit, & bibit, & ambulavit in fortitudine eorum quæ quadraginta diebus, & quadraginta noctibus usque ad montem Dei Oreb*.

Ad secundum dicendum, quod sicut passio Christi non habet suum effectum in his qui se ad eam non habent ut debent; ita & per hoc sacramentum non adipiscuntur gloriam qui incedentes ipsum suscipiunt. Unde Augustinus dicit super Ioan. exponens illa verba: (loc. cit.) *Aliud est sacramentum, & aliud virtus sacramenti. Multi de altari accipiunt, & accipiendo moriuntur. Panem ergo celestem spiritualiter manducate, innocentiam ad altare apportate*. Unde non est mirum, si illi qui innocentiam non servant, effectum huius sacramenti non consequuntur.

Ad tertium dicendum, quod hoc quod Christus sub aliena specie sumitur, pertinet ad rationem sacramenti, quod instrumentali ter agit. Nihil autem prohibet causam instrumentalem producere potentiori effectum, ut ex supradictis patet (quæst. lxxvi. art. 3. ad 3.)

## ARTICULUS III. 472

*Utrum effectus huius sacramenti sit remissio peccati mortalis.*

*IV. dist. ix. art. 3. quæst. 2. cor. & dist. xii. quæst. 11. art. 2. quæst. 2.*

**A**D tertium sic proceditur. Videtur quod effectus huius sacramenti sit remissio peccati mortalis. Dicitur enim in quadam collecta: *Sit hoc sacramentum ablutio scelerum*. Sed scelera dicuntur peccata mortalia. Ergo per hoc sacramentum peccata mortalia abluuntur.

2. Præterea. Hoc sacramentum agit in virtute passionis Christi, sicut & baptismus. Sed per baptismum dimittuntur peccata mortalia, ut supra dictum est (quæst. lxxix. art. 1.) Ergo & per hoc sacramentum; præsertim cum in forma huius sacramenti dicatur: *Qui pro multis effunderetur in remissionem peccatorum*.

3. Præterea. Per hoc sacramentum gratia confertur, ut dictum est (art. 1. huius quæst.) Sed per gratiam iustificatur homo a peccatis mortalibus, secundum illud Rom. xiii. 24. *Iustificati gratis per gratiam ipsius*. Ergo per hoc sacramentum remittuntur peccata mortalia.

Sed contra est quod dicitur I. Cor. xi. 29. *Qui manducat, & bibit indigne, iudicium sibi manducat, & bibit*: dicit autem Glossa (Petri Lomb.) ibidem, quod „*ille manducat, & bibit indigne*,” qui in crimine est, vel irreverenter „*tractat*”: & talis manducat, & bibit sibi iudicium, id est damnationem. “ Ergo ille qui est in peccato mortali, per hoc quod accipit hoc sacramentum, magis accumulatur sibi peccatum quam remissionem sui peccati consequatur.

Respondeo dicendum, quod virtus huius sacramenti potest considerari dupliciter. Uno modo secundum se: & sic hoc sacramentum habet virtutem ad remittendum quæcumque peccata ex passione Christi, quæ est iunctio, & causa remissionis peccatorum.

Alio modo potest considerari per comparationem ad eum qui recipit hoc sacramentum, prout in eo invenitur, vel non invenitur impedimentum percipiendi huius sacramenti effectum. Quicumque autem habet conscientiam peccati mortalis, habet in se impedimentum per-

cipiendi effectum huius sacramenti, eo quod non est conveniens susceptor huius sacramenti: tum quia non vivit spiritaliter; & ita non debet spirituale nutrimentum suscipere, quod non est nisi viventis: tum quia non potest uniri Christo (quod fit per hoc sacramentum) dum est in affectu peccandi mortaliter. Et ideo, ut dicitur in Lib. de ecclesiast. dormitib. (cap. lxxx.) *si mens (a) in affectu peccandi est, gravatur magis Eucharistie perceptione, quam purificetur*. Unde hoc sacramentum in eo qui ipsum percipit in conscientia peccati mortalis, non operatur remissionem peccati.

Potest tamen hoc sacramentum operari remissionem peccati dupliciter: uno modo non perceptum actu, sed voto; sicut cum quis prius iustificatur a peccato: alio modo etiam perceptum ab eo qui est in peccato mortali, cuius conscientiam, & affectum non habet: forte enim primo non fuit sufficienter contritus; sed devote, & reverenter accedens consequetur per hoc sacramentum gratiam caritatis, quæ contritionem perficiet, & remissionem peccati.

Ad primum ergo dicendum, quod petimus ut hoc sacramentum sit ablutio scelerum, vel eorum quorum conscientiam non habemus, secundum illud Psalm. xlviii. 13. *Ab oculis meis munda me Domine*; vel ut contritio in nobis perficiatur ad scelerum remissionem; vel etiam ut nobis robur detur ad scelera vitanda.

Ad secundum dicendum, quod baptismus est spiritualis generatio, quæ est mutatio de non esse spirituali in esse spirituale; & datur per modum ablutionis: & ideo, quantum ad utrumque, non inconvenienter accedit ad baptismum qui habet conscientiam peccati mortalis. Sed per hoc sacramentum homo sumit in se Christum per modum spiritualis nutrimenti, quod non competit mortuo in peccatis. Et ideo non est similis ratio.

Ad tertium dicendum, quod gratia est sufficiens causa remissionis peccati mortalis; non tamen actu remittit peccatum mortale, nisi cum primo datur peccatori. Sic autem non datur in hoc sacramento. Unde ratio non sequitur.

A R-

(a) Ita cum Gualtero huius libri auctore, ut communis censetur, & in plurimis Mss. A. in

ARTICULUS IV. 473

*Utrum per hoc sacramentum remittantur peccata venialia.*

*Inf. quæst. lxxxvii. art. 3. cor. & IV. dist. xii. quæst. 11. art. 1. quæst. 1. cor. & art. 2. quæst. 1. per tot.*

**A**D quantum sic proceditur. Videtur quod per hoc sacramentum non remittantur peccata venialia. Hoc enim sacramentum, ut Augustinus dicit super Ioan. (tract. xxvi. amed.) est *sacramentum caritatis*. Sed venialia peccata non contrariantur caritati, ut in secunda parte habitum est (1. 2. quæst. lxxxviii. art. 1. & 2. & 2. quæst. xxiv. art. 10.) Cum ergo contrarium tollatur per suum contrarium, videtur quod peccata venialia per hoc sacramentum non remittantur.

2. Præterea. Si peccata venialia per hoc sacramentum remittantur, qua ratione remittitur unum, remittuntur & omnia. Sed non videtur quod omnia remittantur: quia sic frequenter aliquis esset absque omni peccato veniali, contra id quod dicitur I. Ioan. 1. 8. *Si dixerimus quia peccatum non habemus, ipsi nos seductus sumus*. Non ergo per hoc sacramentum remittitur aliquod peccatum veniale.

3. Præterea. Contraria mutuo se expellunt. Sed peccata venialia non prohibent a perceptione huius sacramenti dicit enim Augustinus super illud Ioan. vi. *Patres vestri manducaverunt manna in deserto, & mortui sunt* (tract. xxvi. in Ioan. parum ante med.), „ Innocentiam „ ad altare apportate: peccata, etsi sunt „ quotidiana, non sint mortifera. „ Ergo neque peccata venialia per hoc sacramentum tolluntur.

Sed contra est quod Innocentius III. dicit (Lib. IV. de myster. Missæ cap. xiv. ante med.) quod hoc sacramentum *venialia delet, & caret mortalia*.

Respondendo dicendum, quod in hoc sacramento duo possunt considerari, scilicet ipsum sacramentum, & res sacramenti.

Et ex utroque apparet quod hoc sacramentum habet virtutem ad remissionem venialium peccatorum. Nam hoc sacramentum sumitur sub specie cibi nutritivis. Nutrimentum autem cibi est necessarium corpori ad restaurandum id quod

quotidie deperditur per actionem caloribus naturalis. Spiritualiter autem quotidie aliquid in nobis deperditur ex calore concupiscentiæ per peccata venialia, quæ minuunt fervorem caritatis, ut in secunda parte habitum est (2. 2. quæst. xxiv. art. 10.) Et ideo competit huic sacramento ut remittat peccata venialia. Unde & Ambrosius dicit in Lib. V. de sacramentis (cap. iv. implic.) quod *ipse panis quotidianus sumitur in remedium quotidianæ infirmitatis*. Res autem huius sacramenti est caritas, non solum quantum ad habitum, sed etiam quantum ad actum, qui excitatur in hoc sacramento, per quem peccata venialia solvuntur. Unde manifestum est quod virtute huius sacramenti remittuntur peccata venialia.

Ad primum ergo dicendum, quod peccata venialia etsi non contrariantur caritati quantum ad habitum, contrariantur tamen ei quantum ad fervorem actus, qui excitatur per hoc sacramentum, ratione cuius peccata venialia tolluntur.

Ad secundum dicendum, quod illud verbum non est intelligendum, quin aliqua hora possit homo esse absque omni reatu peccati venialis; sed quia vitam istam Sancti non ducunt sine peccatis venialibus.

Ad tertium dicendum, quod maior est virtus caritatis, cuius est hoc sacramentum, quam venialium peccatorum. Nam caritas tollit per suum actum peccata venialia, quæ tamen non possunt totaliter impedire actum caritatis. Et eadem ratio est de hoc sacramento.

ARTICULUS V. 474

*Utrum per hoc sacramentum tota pena peccati remittatur.*

*IV. dist. iv. quæst. 11. art. 1. quæst. 2. ad 3. & dist. xi. quæst. 11. art. 2. quæst. 3.*

**A**D quantum sic proceditur. Videtur quod per hoc sacramentum tota pena peccati remittatur. Homo enim per hoc sacramentum suscipit in se effectum passionis Christi, ut dictum est (art. 1. & 2. hu. quæst.) sicut & per baptismum percipit homo remissionem omnis poenæ virtute passionis Christi, quæ sufficienter satisfecit pro omnibus peccatis, ut ex supradictis patet (quæst. lxxix. art. 2.) Ergo videtur quod per hoc sacramentum

homini remittatur totus reatus poenae.

2. Præterea. Alexander I. Papa dicit (in epist. ad omnes orth. post med. & hab. cap. viii. de consecrat. dist. 11.) *Nihil in sacrificiis maius esse potest quam corpus, & sanguis Christi.* Sed per sacrificia veteris legis homo satisfaciebat pro peccatis suis: dicitur enim Levit. iv. & v. *Si peccaverit homo, offeret hoc, vel illud pro peccato suo, & remittetur ei.* Ergo multo magis hoc sacramentum valet ad remissionem omnis poenae.

3. Præterea. Constat quod per hoc sacramentum aliquid de reatu poenae dimittitur: unde & in satisfactionem aliquibus iniungitur quod pro se Missas faciant celebrari. Sed qua ratione una pars poenae dimittitur, eadem ratione & alia; cum virtus Christi, quæ in hoc sacramento continetur, sit infinita. Ergo videtur quod per hoc sacramentum tota poena tollatur.

Sed contra est quod secundum hoc non esset homini alia poena iniungenda, sicut nec baptizato iniungitur.

Respondeo dicendum, quod hoc sacramentum simul est sacrificium, & sacramentum; sed rationem sacrificii habet, in quantum offertur; rationem autem sacramenti, in quantum sumitur.

Et ideo effectum sacramenti habet in eo qui sumit, effectum autem sacrificii in eo qui offert, vel in his pro quibus offertur.

Si igitur consideretur ut sacramentum, habet effectum dupliciter: uno modo directe ex vi sacramenti; alio modo quasi ex quadam concomitantia, sicut & circa continentiam sacramenti dictum est (quæst. lxxvi. art. 1. & 2.) Ex vi quidem sacramenti directe habet illum effectum ad quem est institutum. Non est autem institutum ad satisfaciendum, sed ad spiritualiter nutriendum per unionem ad Christum, & ad membra eius; sicut & nutrimentum unitur nutritio. Sed quia hæc unitas fit per caritatem, ex cuius fervore aliquis consequitur remissionem non solum culpæ, sed etiam poenæ, inde est quod ex consequenti per quandam concomitantiam ad principalem effectum homo consequitur remissionem poenæ, non quidem totius, sed secundum modum suæ devotionis, & servoris.

In quantum vero est sacrificium, habet vim satisfactivam. Sed in satisfactione magis attenditur affectus offerentis quam quantitas oblationis. Unde & Dominus dicit Luc. xxi. de vidua, quæ obtulit

duo æra, quod *plus omnibus misit.* Quamvis ergo hæc oblatio ex sui quantitate sufficiat ad satisfaciendum pro omni poenâ; tamen sit satisfactoria illis pro quibus offertur, vel etiam offerentibus secundum quantitatem suæ devotionis, & non pro tota poenâ.

Ad primum ergo dicendum, quod sacramentum baptismi directe ordinatur ad remissionem poenæ, & culpæ, non autem Eucharistia: quia baptismus datur homini quasi commorienti Christo, Eucharistia autem quasi nutriendo, & perficiendo per Christum. Unde non est similis ratio.

Ad secundum dicendum, quod illa sacrificia, & oblationes non operantur remissionem totius poenæ neque quantum ad quantitatem oblatis, sicut hoc sacrificium, neque quantum ad devotionem hominis, ex qua contingit quod etiam hic non tollitur tota poena.

Ad tertium dicendum, quod hoc quod tollitur pars poenæ, & non tota poena per hoc sacramentum, non contingit ex defectu virtutis Christi, sed ex defectu devotionis humanæ.

#### ARTICULUS VI. 475

*Utrum per hoc sacramentum præservetur homo a peccatis futuris.*

IV. dist. xii. quæst. 11. art. 2. quæst. 2. ad 1. & dist. xiv. quæst. 11. art. 3. quæst. 1. ad 3.

**A**D sextum sic proceditur. Videtur quod per hoc sacramentum non præservetur homo a peccatis futuris. Multi enim digne sumentes hoc sacramentum, postea in peccatum cadunt: quod non accideret, si hoc sacramentum præservaret a peccatis futuris. Non ergo effectus huius sacramenti est a peccatis futuris præservare.

2. Præterea. Eucharistia est sacramentum caritatis, ut supra dictum est (art. 4. huius quæst.) Sed caritas non videtur præservare a peccatis futuris, quia semel habita potest amitti per peccatum, ut in secunda parte habitum est (2. 2. quæst. xxiv. art. 11.) Ergo videtur quod nec hoc sacramentum præservet hominem a peccato.

3. Præterea. Origo peccati in nobis est *lex peccati, quæ est in membris nostris*, ut patet per Apostolum Rom. vii. Sed mitigatio fomitis, qui est *lex peccati*.

ti, non ponitur effectus huius sacramenti, sed magis baptismi. Ergo præservare a peccatis futuris non est effectus huius sacramenti.

Sed contra est quod Dominus dicit Ioan. vi. 50. *Hic est panis de caelo descendens, ut si quis ex ipso manducaverit, non moriatur*: quod quidem manifestum est non intelligi de morte corporali. Ergo intelligitur quod hoc sacramentum præservet a morte spiritali, quæ est per peccatum.

Respondetur dicendum, quod peccatum est quedam spiritalis mors animæ. Unde hoc modo præservatur aliquis a peccato futuro, quo præservatur corpus a morte futura: quod quidem fit dupliciter. Uno modo inquantum natura hominis interiori roboratur contra interiora corruptiva: & sic præservatur a morte per cibum, & medicinam. Alio modo per hoc quod munitur contra exteriores impugnationes: & sic præservatur per arma, quibus munitur corpus.

Utroque autem modo hoc sacramentum præservat a peccato. Nam primo quidem per hoc quod Christo coniungitur per gratiam, roboratur spiritalis vitam hominis, tanquam spiritalis cibus. & spiritalis medicina, secundum illud Psal. ciii. 5. *Panis cor hominis confirmat*. Et Augustinus dicit super Ioan. (tract. xxvi. a med.) *Securus accedo: panis est, non venenum*. Alio modo inquantum est quoddam signum passionis Christi, per quam victi sunt demones, repellit omnem demonum impugnationem. Unde Chrysostomus dicit super Ioan. (hom. xlv. a med.) *Ut leones flammam spirantes, sic ab illa mensa discedimus terribiles effecti diaboli*.

Ad primum ergo dicendum, quod effectus huius sacramenti recipitur in homine secundum hominis conditionem; sicut contingit de qualibet causa activa, quod eius effectus recipitur in materia secundum modum materię. Homo autem in statu viæ est huius conditionis, quod liberum arbitrium eius potest flecti in bonum, & malum. Unde licet hoc sacramentum, quantum est de se, habeat virtutem præservativam a peccato, non tamen auferit homini possibilitatem peccandi.

Ad secundum dicendum, quod etiam caritas, quantum est in se, præservat hominem a peccato, secundum illud Rom. xii. 10. *Dilectio proximi malum non operatur*; sed ex mutabilitate liberi arbitrii.

S. 7b. Oper. Tom. XXIV.

contingit quod aliquis post habitam caritatem peccat, sicut & post susceptionem huius sacramenti.

Ad tertium dicendum, quod licet hoc sacramentum non directe ordinetur ad diminutionem fomitis, diminuit tamen fomitem ex quadam consequentia, inquantum auget caritatem: quia, sicut Augustinus dicit in Lib. lxxxiii. Qg. (quest. xxxvi. a princ.) *augmentum caritatis est diminutio cupiditatis*. Directe autem confirmat cor hominis in bono, per quod etiam præservatur homo a peccato.

## ARTICULUS VII. 476

*Utrum hoc sacramentum prodest aliis quam sumentibus.*

*Sup. quest. lxxviii. art. 3. ad 8 & præfati quest. art. 5. cor. & 17. dist. xii. quest. 11. art. 2. quest. 2. ad 4. & dist. xlv. quest. 11. art. 3. quest. 1. ad 3. & Ioan. vi. lect. 6. fin.*

**A**D septimum sic proceditur. Videtur quod hoc sacramentum non prodest nisi sumentibus. Hoc enim sacramentum est unius generis cum aliis sacramentis, utpote aliis conditum. Sed alia sacramenta non prodest nisi sumentibus, licet effectum baptismi non suscipit nisi baptizatus. Ergo nec hoc sacramentum prodest aliis nisi sumentibus.

2. Præterea. Effectus huius sacramenti est adeptio gratiæ, & gloriæ, & remissio culpe ad minus venialis. Si ergo hoc sacramentum haberet effectum in alius quam in sumentibus, posset contingere quod aliquis adipisceretur & gratiam, & gloriam, & remissionem culpe, absque actione, & passione propria, alio sumente, vel offerente hoc sacramentum.

3. Præterea. Multiplicata causa, multiplicatur effectus. Si ergo hoc sacramentum prodesset aliis quam sumentibus, sequeretur quod magis prodesset alicui, si multi sumerent hoc sacramentum, multis hostiis in una Missa consecratis; quod non habet Ecclesiæ consuetudo, ut scilicet multi communicent pro alicuius salute. Non ergo videtur quod hoc sacramentum prodest nisi sumentibus.

Sed contra est quod in celebratione huius sacramenti fit pro multis aliis deprecatio: quod frustra fieret, nisi hoc sacramentum aliis prodesset. Hoc ergo sacramentum non solum sumentibus prodest.

L 1 3

Reli-



Respondeo dicendum, quod, sicut prius dictum est (art. 3. huius quæstionis) hoc sacramentum non solum est sacramentum, sed etiam est sacrificium. In quantum enim in hoc sacramento repræsentatur passio Christi, qua Christus *obtulit se hostiam Deo*, ut dicitur Ephes. v. habet rationem sacrificii; in quantum vero in hoc sacramento traditur invisibilis gratia sub visibili specie, habet rationem sacramenti. Sic ergo hoc sacramentum fumentibus quidem prodest & per modum sacramenti, & per modum sacrificii: quia pro omnibus fumentibus offertur. Dicitur enim in canone Missæ: *Quorquod ex hac altaris participatione sacrificium Filii tui corpus, & sanguinem sumperimus, omni benedictione celesti, & gratia repleamur.*

Sed aliis qui non sumunt, prodest per modum sacrificii, in quantum pro salute eorum offertur. Unde & in canone Missæ dicitur: *Memento Domine famulorum, famularumque tuarum, pro quibus tibi offerimus, vel qui tibi offerunt hoc sacrificium laudis, pro se, suisque omnibus, pro redemptione animarum suarum, pro spe salutis, & incolumitatis suæ.* Et utrumque modum proficiendi Dominum exprefcit, dicens Matth. xxvi. & Luc. xxii. *Qui pro vobis, scilicet fumentibus, & pro multis, scilicet aliis, effundetur in remissionem peccatorum.*

Ad primum ergo dicendum, quod hoc sacramentum præ aliis habet quod est sacrificium: & ideo non est similis ratio.

Ad secundum dicendum, quod sicut passio Christi prodest quidem omnibus quantum ad sufficientiam, & ad remissionem culpæ, & ademptionem gratiæ, & gloriæ; sed effectum non habet nisi in illis qui passioni Christi coniunguntur per fidem, & caritatem; ita & hoc sacrificium, quod est memoriale dominicæ passionis, non habet effectum nisi in illis qui coniunguntur huic sacramento per fidem, & caritatem. Unde & Augustinus dicit ad Renatum (Lib. I. de anima, & eius orig. cap. ix. a princ.) *Quis offert corpus Christi nisi pro his qui sunt membra Christi?* Unde & in canone Missæ non oratur pro his qui sunt extra Ecclesiam. Illis tamen prodest plus, vel minus, secundum modum devotionis eorum.

Ad tertium dicendum, quod sumptio pertinet ad rationem sacramenti; sed oblatio pertinet ad rationem sacrificii. Et

ideo ex hoc quod aliquis sumit corpus Christi, vel etiam plures, non accrescit aliis aliquid iuvamentum. Similiter etiam ex hoc quod sacerdos plures hostias consecrat in una Missa, non multiplicatur effectus huius sacramenti: quia non est nisi unum sacrificium: nihil enim plus est virtutis in multis hostiis consecratis quam in una, cum sub omnibus, & sub una non sit nisi totus Christus. Unde nec si aliquis simul in una Missa multas hostias consecratas sumat, participabit maiorem effectum sacramenti. In pluribus vero Missis multiplicatur sacrificii oblatio: & ideo multiplicatur effectus sacrificii, & sacramenti.

## ARTICULUS VIII. 477

*Utrum per veniale peccatum impediatur effectus huius sacramenti.*

IV. dist. xii. quæst. ii. art. 1. quæst. 3. & art. 2. quæst. 1. ad 2.

**A**D octavum sic proceditur. Videtur quod per veniale peccatum non impediatur effectus huius sacramenti. Dicit enim Augustinus super illud Ioan. vi. *Patres vestri manducaverunt manna:* (tract. xxvi. in Ioan. a med.) „Panem „caelestem spiritualiter manducate; in „nocentiam ad altare apportate; pec- „cata, etsi sunt quotidiana, non sint „mortifera. “ Ex quo patet quod venialia peccata, quæ quotidiana dicuntur, spirituales manducationem non impediunt. Sed spiritualiter manducantes effectum huius sacramenti percipiunt. Ergo peccata venialia non impediunt effectum huius sacramenti.

2. Præterea. Hoc sacramentum non est minoris virtutis quam baptismus. Sed effectum baptismi, sicut supra dictum est (quæst. lxxix. art. 9.) impedit sola fides; ad quam non pertinent peccata venialia: quia, sicut Sap. i. 5. dicitur, *Spiritus sanctus discipline effugiet fœdum*; qui tamen per peccata venialia non fugatur. Ergo neque effectum huius sacramenti impediunt peccata venialia.

3. Præterea. Nihil quod removetur per actionem alicuius causæ, potest impedire eius effectum. Sed peccata venialia tolluntur per hoc sacramentum. Ergo non impediunt eius effectum.

Sed contra est quod Damascenus dicit in IV. Lib. (Orth. Fid. cap. xiv. a med.) *Ignis eius, quod in nobis est, desiderium*

*assumens eam, quæ ex carbone, idest ex hoc sacramento, ignitionem, comburat nostra peccata, & illuminet corda nostra, ut participatione divini ignis igniamur, & deficiamus. Sed ignis nostris delictis, vel amoris impeditur per peccata venialia, quæ impediunt fervorem caritatis, ut in secunda parte habitum est (1. 2. quæst. lxxxix. art. 4. & 2. 2. quæst. xxiv. art. 10.) Ergo peccata venialia impediunt effectum huius sacramenti.*

Respondeo dicendum, quod peccata venialia dupliciter accipi possunt: uno modo prout sunt præterita; alio modo prout sunt actu exercita.

Primo quidem modo peccata venialia nullo modo impediunt effectum huius sacramenti. Potest enim contingere quod aliquis post multa peccata venialia commissa devote accedat ad hoc sacramentum, & plenarie huius sacramenti consequatur effectum.

Secundo autem modo peccata venialia non ex toto impediunt huius sacramenti effectum, sed in parte. Dictum est enim (art. 1. & 2. huius quæst.) quod effectus huius sacramenti non solum est adeptio habitualis gratiæ, vel caritatis, sed etiam quædam actualis resurrectio spiritualis dulcedinis: quæ quidem impeditur, si aliquis accedat ad hoc sacramentum per peccata venialia mente distractus; non autem tollitur augmentum habitualis gratiæ, vel caritatis.

Ad primum ergo dicendum, quod ille qui cum actu venialis peccati ad hoc sacramentum accedit, habitualiter quidem manducat spiritualiter, sed non actualiter: & ideo habituales effectum huius sacramenti percipit, non autem actuales.

Ad secundum dicendum, quod baptismus non ita ordinatur ad actuales effectum, idest fervorem caritatis, sicut hoc sacramentum. Nam baptismus est spiritualis regeneratio, per quam acquiritur prima perfectio, quæ est habitus, vel forma; hoc autem sacramentum est spiritualis manducatio, quæ habet actuales delectationem.

Ad tertium dicendum, quod illa ratio procedit de venialibus præteritis, quæ per hoc sacramentum tolluntur.

## QUAESTIO LXXX.

*De usu, seu sumptione huius sacramenti in communi,*

*in duodecim articulos divisa.*

**D**Einde considerandum est de usu, si-  
ve sumptione huius sacramenti: &  
primo quidem in communi; secundo quo-  
modo Christus est ulius hoc sacramento.

Circa primum quærentur duodecim.

Primo, utrum sint duo modi manducandi hoc sacramentum, scilicet sacramentaliter, & spiritualiter.

Secundo, utrum soli homini conveniat manducare spiritualiter hoc sacramentum.

Tertio, utrum solius hominis iusti sit manducare sacramentaliter.

Quarto, utrum peccator manducans sacramentaliter peccet.

Quinto de quantitate huius peccati.

Sexto, utrum peccator accedens ad hoc sacramentum sit repellendus.

Septimo, utrum nocturna pollutio impediatur hominem a sumptione huius sacramenti.

Octavo, utrum sit solum a ieiunis sumendum.

Nono, utrum sit exhibendum non habentibus ulum rationis.

Decimo, utrum sit quotidie sumendum.

Undecimo, utrum liceat omnino abstinerere.

Duodecimo, utrum liceat percipere corpus sine sanguine.

## ARTICULUS I. 478

*Utrum distinguantur debeant duo modi manducandi corpus Christi.*

*Inf. art. 2. & 3. cor. & IV. dist. ix. art. 1. quæst. 1. ad 1. & quæst. 3. per tot. & Ioan. vi. lect. 7. & 1. Cor. xi. lect. 7. fin. & op. lvi. cap. xviii. xviii. xix. & xx.*

**A**D primum sic proceditur. Videtur quod non debeant distinguantur duo modi manducandi corpus Christi, scilicet sacramentaliter, & spiritualiter. Sicut enim baptismus est spiritualis regeneratio, secundum illud Ioan. iii. 5. *Nisi quis renatus fuerit ex aqua, & Spiritu sancto &c.* ita etiam hoc sacramentum

est spiritualis cibus : unde Dominus de hoc sacramento loquens dicit Ioan. vi. 64. *Verba quæ ego locutus sum vobis, spiritus, & vita sunt.* Sed circa baptismum non distinguitur duplex modus sumendi, scilicet sacramentalis, & spiritualis. Ergo neque circa hoc sacramentum debet hæc distinctio adhiberi.

2. Præterea. Ea quorum unum est propter alterum, non debent ab invicem dividi, quia unum ab alio speciem trahit. Sed sacramentalis manducatio ordinatur ad spirituales sicut ad finem. Non ergo debet sacramentalis manducatio contra spirituales dividi.

3. Præterea. Ea quorum unum potest esse sine altero, non debent contra se dividi. Sed videtur quod nullus possit manducare spiritualiter, nisi etiam sacramentaliter manducet : alioquin antiqui patres hoc sacramentum spiritualiter manducassent : frustra etiam esset sacramentalis manducatio, si sine ea spiritualis esse posset. Non igitur convenienter distinguitur circa hoc sacramentum duplex manducatio, scilicet sacramentalis, & spiritualis.

Sed contra est quod super illud I. Corinth. xi. *Qui manducat, & bibit indigne* etc. dicit Glossa (ordin.) „Duos dicitur esse modos manducandi, unum sacramentalem, & alium spiritualem.“

Respondetur dicendum, quod in sumptione huius sacramenti duo sunt consideranda, scilicet ipsum sacramentum, & effectus ipsius ; de quorum utroque iam supra dictum est (quæst. præc. art. 3.) Perfectus igitur modus sumendi hoc sacramentum est quando aliquis ita hoc sacramentum suscipit quod percipit eius effectum. Contingit autem quandoque, sicut supra dictum est (quæst. præc. art. 3. & 8.) quod aliquis impediat a percipiendo effectum huius sacramenti : & talis sumptio huius sacramenti est imperfecta.

Sicut igitur perfectum contra imperfectum dividitur ; ita sacramentalis manducatio, per quam sumitur solum sacramentum sine effectum ipsius, dividitur contra spirituales manducationem, per quam quis percipit effectum huius sacramenti, quo spiritualiter homo Christo coniungitur per fidem, & caritatem.

Ad primum ergo dicendum, quod etiam circa baptismum, & alia huiusmodi sacramenta similis distinctio adhibetur. Nam quidam suscipiunt tantum sacramentum, quidam vero sacramentum,

& rem sacramenti. In hoc tamen differunt, quia cum alia sacramenta perficiantur in usu materie, percipere sacramentum est ipsa perfectio sacramenti ; hoc autem sacramentum perficitur in consecratione materie : & ideo uterque usus est consequens hoc sacramentum. In baptismo etiam, & aliis sacramentis characterem imprimentibus illi qui accipiunt sacramentum, recipiunt aliquem spirituales effectum, scilicet characterem : quod non accidit in hoc sacramento. Et ideo magis in hoc sacramento distinguitur usus sacramentalis a spirituali, quam in baptismo.

Ad secundum dicendum, quod sacramentalis manducatio, quæ pertingit ad spirituales, non dividitur contra spirituales, sed includitur ab ea ; sed illa sacramentalis manducatio contra spirituales dividitur quæ effectum non consequitur ; sicut imperfectam, quod non pertingit ad perfectionem speciei, dividitur contra perfectum.

Ad tertium dicendum, quod sicut supra dictum est (quæst. lxxxiii. art. 3.) effectus sacramenti potest ab aliquo percipi, si sacramentum habeat in voto, quamvis non accipiat in re. Et ideo sicut aliqui baptizantur baptismi flaminis propter desiderium baptismi, antequam baptizentur baptismi aque ; ita etiam aliqui manducant spiritualiter hoc sacramentum, antequam sacramentaliter sumunt. Sed hoc contingit dupliciter. Uno modo propter desiderium sumendi ipsum sacramentum : & hoc modo dicuntur baptizari, & manducare spiritualiter, & non sacramentaliter illi qui desiderant sumere hæc sacramenta iam instituta. Alio modo propter figuram ; sicut dicit Apostolus I. Cor. x. 2. *quod antiqui patres baptizati sunt in nube, & in mari ; & quod spirituales escam manducaverunt, & spirituales potum biberunt.* Nec tamen frustra adhibetur sacramentalis manducatio : quia plenius inducit sacramenti effectum ipsa sacramenti susceptio quam solum desiderium, sicut supra circa baptismum dictum est (quæst. lxxx. art. 4. ad 2.).

## ARTICULUS II. 479

*Utrum solius hominis sit hoc sacramentum spiritualiter sumere.*

IV. dist. ix. art. 2. quæst. 3. & 5. & I. Cor. xi. l. 6. 7.

**A**D secundum sic proceditur. Videtur quod non solius hominis sit hoc sacramentum spiritualiter sumere, sed etiam Angelorum. Quia super illud Pl. lxxxvii. *Panem Angelorum manducavit homo*, dicit Glossa (ord. & interl. implic.) „ idest corpus Christi, qui est verus re cibis Angelorum. “ Sed hoc non esset, si Angeli spiritualiter Christum non manducarent. Ergo Angeli spiritualiter Christum manducant.

2. Præterea. Augustinus dicit super Ioan. (tract. xxvi. inter med. & fi.) *Hunc cibum, & potum societatem vult intelligi corporis, & membrorum suorum, quod est Ecclesia in prædestinatis*. Sed ad istam societatem non solum pertinent homines, sed etiam sancti Angeli. Ergo sancti Angeli spiritualiter manducant.

3. Præterea. Augustinus in Lib. de verbis Domini (serm. xlv.) dicit: *Spiritualiter manducandus est Christus: quoniam ipse dicit: Qui manducat meam carnem, & bibit meum sanguinem, in me manet, & ego in eo*. Sed hoc convenit non solum hominibus, sed etiam sanctis Angelis, in quibus per caritatem est Christus, & ipsi in eo. Ergo videtur quod spiritualiter manducare non solum sit hominum, sed etiam Angelorum.

Sed contra est quod Augustinus dicit super Ioan. (tract. xxvi. parum a med.) *Panem de altari spiritualiter manducate, innocentiam ad altare apportate*. Sed Angelorum non est accedere ad altare, tamquam aliquid sint inde sumpturi. Ergo Angelorum non est spiritualiter manducare.

Respondeo dicendum, quod in hoc sacramento continetur ipse Christus, non quidem in specie propria, sed in specie sacramenti. Dupliciter ergo contingit manducare spiritualiter ipsum Christum. Uno modo prout in sua specie consistit: & hoc modo Angeli manducant spiritualiter ipsum Christum, in quantum ei uniuntur fruitione caritatis perfectæ, & visione manifesta (quem panem expectamus in patria) non per fidem, sicut nos ei hic unimur.

Alio modo contingit spiritualiter manducare Christum, prout est sub speciebus huius sacramenti, in quantum scilicet aliquis credit in Christum cum desiderio sumendi hoc sacramentum: & hoc non solum est spiritualiter manducare Christum, sed etiam spiritualiter manducare hoc sacramentum: quod non competit Angelis. Et ideo licet Angeli spiritualiter manducant Christum; non tamen convenit eis spiritualiter manducare hoc sacramentum.

Ad primum ergo dicendum, quod sumptio Christi sub hoc sacramento ordinatur sicut ad finem ad fruitionem patriæ, eo modo quo Angeli eo fruuntur: & quia ea quæ sunt ad finem, derivantur a fine, inde est quod ista manducatio Christi qua cum sumimus sub sacramento, quodammodo derivatur ab illa manducatione qua Angeli fruuntur Christo in patria. Et ideo dicitur homo manducare panem Angelorum, quia primo, & principaliter est Angelorum, qui eo fruuntur in specie propria; secundario autem est hominum, qui Christum sub sacramento accipiunt.

Ad secundum dicendum, quod ad societatem corporis mystici pertinent quidem & homines, & Angeli; sed homines per fidem, Angeli autem per manifestam visionem. Sacramenta autem proportionantur fidei, per quam veritas videtur in speculo, & in ænigmate. Et ideo, proprie loquendo, non Angelis, sed hominibus convenit manducare spiritualiter hoc sacramentum.

Ad tertium dicendum, quod Christus manet in hominibus secundum præsentem statum per fidem; sed in Angelis beatis est per manifestam visionem. Et ideo non est simile, sicut dictum est (in solut. præc.)

## ARTICULUS III. 480

*Utrum solus homo iustus possit Christum sacramentaliter manducare.*

IV. dist. ix. art. 2. quæst. 1. & 2. & art. 3. quæst. 2. co. fi. & dist. xii. quæst. 1. art. 2. quæst. 2. cor.

**A**D tertium sic proceditur. Videtur quod nullus possit manducare Christum sacramentaliter, nisi homo iustus. Dicit enim Augustinus in Lib. de remedio penitentiarum (hab. tract. xxv. in Ioan. cir. med.) *Ut quid parvas dentem, & ven-*

*& ventrem? Crede, & manducasti: credere enim in eum, hoc est panem vivum manducare.* Sed peccator non credit in eum, quia non habet fidem formatam, ad quam pertinet credere in Deum, ut in secunda parte habitum est (2.2. quaest. 1v. art. 5.) Ergo peccator non potest manducare hoc sacramentum, quod est panis vivus.

2. Præterea. Hoc sacramentum maxime dicitur esse sacramentum caritatis, ut supra dictum est (quaest. præc. art. 4.) Sed sicut infideles privantur fide, ita omnes peccatores privantur caritate: infideles autem non videntur posse sacramentaliter sumere hoc sacramentum, cum in forma huius sacramenti dicatur, *Mysterium fidei.* Ergo pari ratione neque aliquis peccator potest corpus Christi sacramentaliter manducare.

3. Præterea. peccator magis est abominabilis Deo quam creatura irrationalis: dicitur enim in Psal. xlviii. 21. de homine peccatore: *Homo, cum in honore esset, non intellexit; comparatus est iumentis insipientibus, & similis factus est illis.* Sed animal brutum, puta mus, aut canis, non potest sumere hoc sacramentum, sicut etiam non potest sumere sacramentum baptismi. Ergo videtur quod pari ratione neque peccatores hoc sacramentum manducant.

Sed contra est quod super illud Ioan. vi. *Patres vestri manducaverunt manna in deserto, & mortui sunt,* dicit Augustinus (tract. xxvi. in Ioan. a med.) „ Multi de altari accipiunt, & accipiunt, do moriuntur: unde dicit Apollolus: „ Iudicium sibi manducat, & bibit. „ Sed non moriuntur sumendo nisi peccatores. Ergo peccatores corpus Christi sacramentaliter manducant, & non solum iusti.

Respondetur dicendum, quod circa hoc quidam antiqui erraverunt, dicentes, quod corpus Christi nec etiam sacramentaliter a peccatoribus sumitur; sed quando cito labiis peccatoris contingitur, tam cito sub speciebus sacramentalibus definit esse corpus Christi.

Sed hoc est erroneum: derogat enim veritati huius sacramenti, ad quam pertinet, sicut supra dictum est (quaest. lxxvi. art. 6. ad 3.) quod manentibus speciebus, corpus Christi sub eis esse non desinat. Species autem manent, quamdiu substantia panis maneret, si ibi adesset, ut supra dictum est (quaest. lxxvii. art. 5. & 8.) Manifestum est autem quod substantia panis assumpta a peccatore

non statim esse definit, sed manet, quamdiu per calorem naturalem digeratur: unde tamdiu corpus Christi sub speciebus sacramentalibus manet a peccatoribus sumptis. Unde dicendum est, quod peccator sacramentaliter corpus Christi manducare potest, & non solum iustus.

Ad primum ergo dicendum, quod verba illa, & similia sunt intelligenda de spiritali manducatione, quæ peccatoribus non convenit. Et ideo ex pravo intellectu horum verborum videtur prædictus error processisse; dum nesciunt distinguere inter corporalem, & spiritualement manducationem.

Ad secundum dicendum, quod etiam si infidelis sumat species sacramentales, corpus Christi sub Sacramento sumit: unde manducat Christum sacramentaliter, si ly *sacramentaliter* determinat verbum ex parte manducati; si autem ex parte manducantis, tunc proprie loquendo non manducat sacramentaliter, quia non utitur eo quod accipit, ut Sacramento, sed ut simplici cibo. Nisi forte infidelis intenderet recipere illud quod Ecclesia confert, licet non haberet fidem: veram circa alios articulos, vel etiam circa hoc sacramentum.

Ad tertium dicendum, quod etiam si mus, vel canis hostiam consecratam manducat, substantia corporis Christi non desinit esse sub speciebus, quamdiu species illæ manent, hoc est quamdiu substantia panis maneret; sicut etiam si proiceretur in lutum. Nec hoc vergit in detrimentum dignitatis corporis Christi, qui voluit a peccatoribus crucifigi absque diminutione suæ dignitatis; præsertim cum mus, aut canis non tangat ipsum corpus Christi secundum propriam speciem, sed solum secundum species sacramentales. Quidam autem dixerunt, quod statim cum sacramentum tangitur a mure, vel caue, desinit ibi esse corpus Christi: quod etiam derogat veritati sacramenti, sicut supra dictum est (in corp. art.) Nec tamen dicendum est, quod animal brutum sacramentaliter corpus Christi manducat, quia non est natum uti eo ut Sacramento: unde non sacramentaliter, sed per accidens corpus Christi manducat; sicut manducaret ille qui sumeret hostiam consecratam, nesciens eam esse consecratam. Et quia id quod est per accidens, non cadit in divisione aliquius generis; ideo hic modus manducandi corpus Christi non ponitur tertius præter sacramentalem, & spiritualement.

A R-

## ARTICULUS IV. 481

*Utrum peccator sumens corpus Christi sacramentaliter, peccet.*

*Inf. art. 7. & 8. cor. & IV. diff. 1x. art. 3. quæst. 1. & 2. & I. cor. xi. l. c. 7.*

**A**D quantum sic proceditur. Videtur quod peccator sumens corpus Christi sacramentaliter, non peccet. Non enim est maioris dignitatis Christus sub specie sacramenti quam sub specie propria. Sed peccatores tangentes corpus Christi sub specie propria non peccabant; quin etiam veniam peccatorum consequebantur, sicut legitur Lucæ vii. de muliere peccatrice: & Matth. xiv. 36. dicitur: *Quicumque tetigerunt fimbriam vestimenti eius, salvi facti sunt.* Ergo non peccant, sed magis salutem consequuntur, sacramentum corporis Christi sumendo.

2. Præterea. Hoc sacramentum, sicut & alia, est quedam spiritualis medicina. Sed medicina datur infirmis ad salutem, secundum illud Matth. ix. 12. *Non est opus valentibus medicus, sed male habentibus:* infirmi autem, vel male habentes spiritualiter sunt peccatores. (a) Ergo hoc sacramentum absque culpa sumere possunt.

3. Præterea. Hoc sacramentum, cum in se Christum contineat, est de maximis bonis. Maxima autem bona, secundum Augustinum in Lib. II. de libero arbitrio (cap. xix.) sunt quibus nullus male potest uti. Nullus autem peccat, nisi per abusum alicuius rei. Ergo nullus peccator sumens hoc sacramentum peccat.

4. Præterea. Sicut hoc sacramentum sentitur gustu, & tactu, ita & visu. Si ergo peccator ex eo quod sumit (b) hoc sacramentum, peccet, videtur etiam quod peccaret videndo: quod patet esse falsum; cum Ecclesia omnibus hoc sacramentum videndum, & adorandum proponat. Ergo peccator non peccat ex hoc quod manducat hoc sacramentum.

5. Præterea. Contingit quandoque quod aliquis peccator non habet conscientiam sui peccati; nec tamen talis peccare videtur corpus Christi sumendo: quia se-

cundum hoc omnes peccarent qui sumunt, quasi periculo se exponentes; cum Apostolus dicat I. Corinth. xv. 4. *Nihil mihi conscius sum; sed non in hoc iustificatus sum.* Non ergo videtur quod peccatori cedat in culpam, si hoc sacramentum sumat.

Sed contra est quod Apostolus dicit I. Corinth. xi. 29. *Qui manducat, & bibit indigne, iudicium sibi manducat, & bibit, id est condemnationem.* Dicit autem Gloriosa (Petri Lomb.) ibidem, quod „indigne manducat, & bibit, qui in crimine est, vel irreverenter tractat.“ Ergo qui est in peccato mortali, si hoc sacramentum accipiat, damnationem acquirit, mortaliter peccans.

Respondeo dicendum, quod in hoc sacramento, sicut in aliis, id quod est sacramentum, est signum eius quod est res sacramenti. Duplex autem est res huius sacramenti, sicut supra dictum est (quæst. lxxxiii. art. 6.) una quidem, quæ est significata, & contenta, scilicet ipse Christus; alia autem est significata, & non contenta, scilicet corpus Christi mysticum, quod est societas Sanctorum.

Quicumque ergo hoc sacramentum sumit, ex hoc ipso significat se esse Christo unitum, & membris eius incorporatum: quod quidem fit per fidem formatam, quam nullus habet cum peccato mortali. Et ideo manifestum est quod quicumque cum peccato mortali hoc sacramentum sumit, falsitatem in hoc sacramento committit: & ideo incurrat sacrilegium, tamquam sacramenti violator; & propter hoc mortaliter peccat.

Ad primum ergo dicendum, quod Christus in propria specie apparens non exhibebat se tangendum hominibus in signum spiritualis unionis ad ipsum, sicut exhibetur sumendus in hoc sacramento. Et ideo peccatores eum in propria specie tangentes non incurrant crimen falsitatis circa divina, sicut peccatores lumentes hoc sacramentum. Et præterea Christus adhuc gerebat similitudinem carnis peccati: & ideo convenienter se peccatoribus tangendum exhibebat; sed remota similitudine carnis peccati per gloriosam resurrectionis, se tangi prohibuit a muliere, quæ defectum fidei circa ipsum patiebatur, secundum illud Ioan. xx. 17. *Noli me tangere: nondum enim ascendi ad*

(a) Ita edita exempla omnia qua vidimus. Codd. Tarrae, & Alcan. Ergo hoc sacramentum absque culpa sumi potest. Theologi: Ergo hoc sacramentum corporaliter absque culpa sumi potest: qua est secundo Averanti, & edit. Plantin. & max. nalis edit. Rom. (b) Ita, Theologi præstantibus, editi. Mss. fore omnia hoc sacramentum gustu, & tactu, peccet: & max. ead. Alcan. videtur quod etiam peccaret & o. melius,

ad *Patrem meum*, scilicet in corde tuo ut Augustinus exponit (tract. cxxi. in Ioan. cir. med.) Et ideo peccatores, qui defectum fidei formatæ patiuntur circa Christum, repelluntur a contactu huius sacramenti.

Ad secundum dicendum, quod non quolibet medicina competit secundum quemlibet statum infirmitatis: nam medicina quæ datur iam liberatis a febre ad confortationem, noceret, si daretur adhuc febrientibus. Ita enim baptizamus, & poenitentia sunt quasi medicina purgativæ, quæ dantur ad tollendam febrem peccati; hoc autem sacramentum est medicina confortativa, quæ non debet dari nisi liberatis a peccato.

Ad tertium dicendum, quod maxima bona intelligit Augustinus virtutes animæ, quæ nullus male utitur, quasi principiis mali usus; utitur tamen eis aliquis male, quasi obiectis mali usus, ut patet in his qui de virtutibus superbiunt. Ita & hoc sacramentum, quantum est ex se, non est principium mali usus, sed obiectum. Unde Augustinus dicit (tract. lxi. in Ioan. cir. princ.) *Multi indigne accipiunt corpus Christi: per quod docemur, quam cavendum sit male accipere bonum. Ecce enim per bonum factum est malum, dum male accipitur bonum; sic ut e contra Apostolo per malum factum est bonum, cum bene accipit malum*, scilicet cum stimulum Satanæ patienter portavit.

Ad quartum dicendum, quod per visum non accipitur ipsum corpus Christi, sed solum sacramentum eius: quia scilicet non pertingit visus ad substantiam corporis Christi, sed solum ad species sacramentales, ut supra dictum est (quæst. lxxvi. art. 7.) Sed ille qui manducat, non solum sumit species sacramentales, sed etiam ipsum Christum, qui est sub eis. Et ideo a visione corporis Christi nullus prohibetur qui sit sacramentum Christi consecutus, scilicet baptismum. Non baptizati autem non sunt admittendi etiam ad inspectionem huius sacramenti, ut patet per Dionysium in Lib. eccl. Hierarch. (cap. vii. ante med.) Sed ad manducationem non sunt admittendi, nisi soli illi qui non solum sacramentaliter, sed etiam realiter sunt Christo coniuncti.

Ad quintum dicendum, quod hoc quod non habet aliquis conscientiam sui peccati, potest contingere dupliciter. Uno modo per culpam suam: vel quia per i-

gnorantiam iuris, quæ non excusat, reputatur non esse peccatum quod est peccatum; puta si aliquis fornicator reputaret, simplicem fornicationem non esse peccatum mortale: vel quia negligens est in examinatione sui ipsius, contra id quod Apostolus dicit I. Corinth. xi. 28. *Probet autem seipsum homo, & sic de pane illo edat, & de calice bibat*. Et sic nihilominus peccat peccator sumens corpus Christi, licet non habeat conscientiam peccati, quia ipsa ignorantia est ei peccatum. Alio modo potest contingere sine culpa ipsius; puta cum doluit de peccato, sed non est sufficienter contritus; & in tali casu non peccat sumendo corpus Christi: quia homo per certitudinem scire non potest, utrum sit vere contritus: sufficit enim, si in se signa contritionis inveniat, puta si doleat de præteritis, & proponat cavere de futuris. Si vero ignorat, hoc quod fecit, esse actum peccati, propter ignorantiam facti, quæ excusat, puta si accessit ad non suam, quam credebatur esse suam, non est ex hoc dicendus peccator: similiter etiam si totaliter est peccatum oblitus, luthicit ad eius deletionem generalis contritio, ut infra dicitur (in suppl. quæst. ii. art. 3. ad 2.) unde iam non est dicendus peccator.

## ARTICULUS V. 483

*Utrum accedere ad hoc sacramentum cum conscientia peccati sit gravissimum omnium peccatorum.*

*IV. dist. ix. art. 3. quæst. 3. & I. Corinth. xi. lect. 5.*

**A**D quintum sic proceditur. Videtur quod accedere ad hoc sacramentum cum conscientia peccati sit gravissimum omnium peccatorum. Dicit enim Apostolus I. ad Cor. xi. *Quicumque manducaverit panem, & biberit calicem Domini indigne, reus erit corporis, & sanguinis Domini* (interl. implic.) ibidem: „ hoc est, ac si Christum occiderit, punietur. “ Sed peccatum Christum occidentium videtur fuisse gravissimum. Ergo & hoc peccatum, quo aliquis cum conscientia peccati ad mensam Christi accedit, videtur esse gravissimum.

2. Præterea. Hieronymus dicit in quadam epistola ( hab. quoad partem in epist. ad Ocean. de vita cleric. inter eius op. asciticia. ) *Quid tibi cum semina,*

qui ad altare cum Deo fabularis? Dic sacerdos, die clericus, qualiter eisdem labijs Filium Dei oscularis, quibus osculatus es labia meretricis? Cum Iuda, osculo Filium hominis tradis? Et sic videtur fornicator ad mentiam Christi accedens peccare, sicut Iudas peccavit, cuius peccatum fuit gravissimum. Sed multa alia peccata sunt graviora quam peccatum fornicationis, & praecipue peccatum infidelitatis. Ergo cuiuslibet peccatoris ad mentiam Christi accedentis peccatum est gravissimum.

3. Praeterea. Magis est abominabilis Deo immunditia spiritualis quam corporalis. Sed si quis proiceret corpus Christi in lutum, vel herquilinum, gravissimum reputaretur eius peccatum. Ergo gravius peccat, si ipsum sumat cum peccato, quod est immunditia spiritualis. Ergo hoc peccatum est gravissimum.

Sed contra est quod super illud Ioan. xv. *Si non tenuissem, & locutus eis non fuisset, peccatum non haberent*, dicit Augustinus (tract. lxxxix. in Ioan. a princ.) hoc intelligendum esse de peccato infidelitatis, quo tenentur cuncta peccata: & ita videtur hoc peccatum non esse gravissimum, sed magis peccatum infidelitatis.

Respondendo dicendum, quod, sicut in secunda parte dictum est (1. 2. quaest. lxxiii. art. 6. & 2. 2. quaest. lxxiii. art. 3.) dupliciter aliquod peccatum potest dici gravius alio: uno modo per se; alio modo per accidens. Per se quidem secundum rationem suae speciei, quae attenditur ex parte obiecti. Et secundum hoc, quanto id contra quod peccatur, est maius, tanto peccatum est gravius. Et quia Divinitas Christi est maior humanitate ipsius, & ipsa humanitas est potior quam sacramenta humanitatis; inde est quod gravissima peccata sunt quae committuntur in ipsam Divinitatem, sicut est peccatum infidelitatis, & blasphemiae. Secundario autem sunt gravia peccata quae committuntur in humanitatem Christi: unde & Matth. xxi. 31. dicitur: *Qui dixerit verbum contra Filium hominis, remittetur ei; qui autem dixerit verbum contra Spiritum sanctum, non remittetur ei neque in hoc saeculo, neque in futuro*. Tercio autem loco sunt peccata quae committuntur contra sacramenta, quae pertinent ad humanitatem Christi; & post haec sunt alia peccata contra puras creaturas.

Per accidens autem unum peccatum est

gravius alio ex parte peccantis; puta peccatum quod est ex ignorantia, vel inimitate, est levius peccato quod est ex contemptu, vel ex certa scientia: & eadem ratio est de aliis circumstantiis. Et secundum hoc istud peccatum in quibusdam potest esse gravius, sicut in his qui ex actuali contemptu, cum conscientia peccati ad hoc sacramentum accedunt; in quibusdam vero minus grave, puta in his qui ex quodam timore, ne deprehendantur in peccato, cum conscientia peccati ad hoc sacramentum accedunt.

Sic ergo patet quid hoc peccatum est multis aliis gravius secundum suam speciem; non tamen est omnium gravissimum.

Ad primum ergo dicendum, quod peccatum indigne sumentium hoc sacramentum comparatur peccato occidentium Christum, secundum similitudinem, quia utrumque committitur contra corpus Christi; non tamen secundum criminis quantitatem. Peccatum enim occidentium Christum fuit multo gravius: primo quidem quia illud peccatum fuit contra corpus Christi in specie propria; hoc autem peccatum est contra corpus Christi in specie sacramenti: secundo quia illud peccatum processit ex intentione nocendi Christo, non autem hoc peccatum.

Ad secundum dicendum, quod fornicator accipiens corpus Christi comparatur Iudae Christum osculanti, quantum ad similitudinem criminis, quia uterque ex signo caritatis Christum offendit; non tamen quantum ad criminis quantitatem, sicut etiam prius dictum est (in solut. praec.) Hae tamen criminis similitudo non minus competit aliis peccatoribus quam fornicatoribus. Nam & per alia peccata mortalia agitur contra caritatem Christi, cuius signum est hoc sacramentum; & tanto magis, quanto peccata sunt graviora. Secundum quid tamen peccatum fornicationis magis reddit hominem ineptum ad perceptionem huius sacramenti, inquantum scilicet per hoc peccatum spiritus maxime carni subicitur; & ita impeditur fervor dilectionis, qui requiritur in hoc sacramento. Plus tamen ponderat impedimentum ipsius caritatis quam fervoris eius. Unde & peccatum infidelitatis, quod funditus separat hominem ab Ecclesiae unitate, simpliciter loquendo, maxime hominem ineptum reddit ad inspectionem huius sacramenti, quod est sacramentum finalis.



fiatitæ unitatis, ut supra dictum est (quæst. lxxxii. art. 4.) Unde & gravius peccat infidelis accipiens hoc sacramentum, quam fidelis peccator; & magis contemnit Christum, secundum quod est sub hoc sacramento, præsertim si non credat, Christum vere sub hoc sacramento esse; quia, quantum est in se, dimittit sanctitatem huius sacramenti, & virtutem Christi operantis in hoc sacramento; quod est contemnere ipsum sacramentum in seipso. Fidelis autem qui cum conscientia peccati sumit, contemnit hoc sacramentum non in seipso, sed quantum ad utrumque, indigne accipiens. Unde & Apostolus I. Cor. xi. assignans rationem huius peccati, dicit: *Non discernens ipsum ab aliis cibis: quod maxime facit ille qui non credit Christum esse sub hoc sacramento.*

Ad tertium dicendum, quod ille qui proiciere hoc sacramentum in lutum, multo gravius peccat quam ille qui cum conscientia peccati irrationis ad hoc sacramentum accedit. Primo quidem quia ille hoc faciet ex intentione iniuriam faciendo huic sacramento; quod non intendit peccator indigne corpus Christi accipiens. Secundo quia homo peccator est capax gratiæ: unde etiam magis est aptus ad suscipiendum hoc sacramentum quam quæcumque alia irrationalis creatura. Unde maxime inordinate uteretur hoc sacramento qui proiciere ipsum canibus ad manducandum, vel qui proiciere in lutum ad conculcandum.

#### ARTICULUS VI. 483

*Utrum sacerdos debeat denegare corpus Christi peccatori petenti.*

*Inq. quæst. lxxxv. art. 2. co. & ad 2. & IV. dist. 1x. art. 5. quæst. 1. per 10. & quæst. 2. cor. & quol. v. art. 12.*

**A**D sextum sic proceditur. Videtur quod sacerdos debeat denegare corpus Christi peccatori petenti. Non enim est faciendum contra Christi præceptum propter vitandum scandalum, vel infamiam alicuius. Sed Dominus præcepit Matth. vii. 6. *Nolite sanctum dare canibus: maxime autem datur sanctum canibus, cum hoc sacramentum peccatoribus exhibetur.* Ergo neque propter vitandum scandalum, neque propter vitandam infamiam alicuius, debet hoc

sacramentum peccatori petenti dari. 2. Præterea. De duobus malis minus malum est eligendum. Sed minus malum esse videtur, si peccator infametur, vel etiam si ei hostia non consecrata detur, quam si sumens corpus Christi mortaliter peccet. Videtur ergo hoc potius esse eligendum quod vel infametur peccator petens corpus Christi, vel etiam quod detur ei hostia non consecrata.

3. Præterea. Corpus Christi interdum datur suspectis de crimine ad criminis manifestationem. Legitur enim in Decr. II. quæst. v. (cap. xxxiii.) *Sæpe contingit ut in monasteriis monachorum furta perpetrentur: idcirco statimur ut quando isti fratres de talibus expurgare se debent, missa ab Abbate celebretur, vel ab aliquo cui Abbas præceperit, presentibus fratribus; & sic, expleta missa, omnes communent in hac verba: Corpus Christi sit mihi hodie ad probationem.* Et intra (cap. xxvi.) *Si Episcopo, aut Presbytero aliquid maleficium fuerit imputatum, pro singulis missam celebrare debet, & communicare, & de singulis sibi imputatis innocentem se ostendere.* Sed peccatores occultos non oportet manifestari; quia si frontem veritatis abiecerint, liberius peccabunt, ut Augustinus dicit in Lib. de verbis Domini (term. xvi.) Ergo peccatoribus occultis non est corpus Christi dandum, etiam si petant.

Sed contra est quod super illud Psal. xxi. *Manducaverunt, & adoraverunt omnes pingues terræ,* dicit Augustinus (hab. in Glossa ord. & cap. lxxv. de consecrat. dist. 11.) „Non prohibeat dist. „pensator pingues terræ, idest peccatores, in mensa Domini manducare.“ Respondeo dicendum, quod circa peccatores distinguendum est. Quidam enim sunt occulti, quidam vero manifesti, scilicet per evidentiam facti, sicut publici iurarii, aut publici raptores, vel etiam per aliquod iudicium ecclesiasticum, vel sæculare. Manifesti ergo peccatoribus non debet etiam petentibus sacra Communio dari. Unde Cyprianus scribit ad quemdam (epist. x. Lib. I.) *Pro dilectione tua consulendum me existimasti, quid mihi videatur de hisfratribus, & magis illo, qui apud vos constitutus adhuc in artibus suis dedecore perseverat, an talibus sacra Communio cum ceteris Christianis debeat dari. Puto nec manifesti divine, nec evangelicæ discipline congruere, ut pudor, & honor Ecclesie tam turpi, & infamii contagione sudetur.*

Si vero non sunt manifesti peccatores, sed occulti, non potest eis penitentibus sacra Communio denegari. Cum enim quilibet Christianus, ex hoc ipso quod est baptizatus, sit admissus ad dominicam mensam, non potest ei ius suum tolli, nisi pro aliqua causa manifestata. Unde super illud I. Cor. v. *Si is qui frater nominatur inter vos &c.* dicit Gloila Augustini (hom. ult. inter l. inter med. & fin.) „ Nos a Communionem quemquam „ prohibere non possumus, nisi aut spon- „ te confessum, aut in aliquo iudicio „ ecclesiastico, vel seculari nominatum, „ atque convictum. “ Potest tamen sacerdos, qui est conscius criminis, occulte monere peccatorem occultum, vel etiam in publico generaliter omnes, ne ad mensam Domini accedant, antequam de peccatis peniteant, & Ecclesiae reconcilientur: nam post penitentiam, & reconciliationem etiam publicis peccatoribus non est Communio deneganda, precipue in articulo mortis. Unde in Concilio Carthaginensi (III. can. xxxv.) legitur: *Scenicis, atque dissimilibus, ceterisque huiusmodi personis, vel apostatis conversis ad Deum reconciliatio non negetur.*

Ad primum ergo dicendum, quod sancta prohibentur dari canibus, idest peccatoribus manifestis; sed occulta non possunt publice puniri, sed sunt divino iudicio reservanda.

Ad secundum dicendum, quod licet peius sit peccatori occulto peccare mortaliter, sumendo corpus Christi, quam infamari; tamen sacerdoti ministranti corpus Christi peius est peccare mortaliter infamando iniuste peccatorem occultum, quam quod ille mortaliter peccet: quia nullus debet peccatum mortale committere, ut alium liberet a peccato. Unde Augustinus dicit in Lib. Q. super Genetim. (quæst. xlii.) *Periculosissime admittitur hæc conuentio, ut nos faciamus aliquid mali, ne alius gravius malum faciat.* Peccator tamen occultus potius deberet eligere infamari, quam indigne ad mensam Domini accedere. Hostia tamen non consecrata nullo modo debet dari loco consecrata: quia sacerdos hoc faciens, quantum in se est, facit idololatrare illos qui credunt esse hostiam consecratam, sive alios presentes, sive etiam ipsum sumentem: quia, ut Augustinus dicit in Psalm. lcviii. (cir. med.) *nemo carnem Christi manducet, nisi prius aderet.* Unde extra, de celebratione Missarum (cap. de homine) dici-

tur: *Licet is qui pro sui criminis conscientia reputat se indignum, peccati graviter, si se ingerat irreverenter ad illud; gravius tamen videtur offendere qui fraudulenter illud præsumptis simulare.*

Ad tertium dicendum, quod decreta illa sunt abrogata per contraria documenta Romanorum Pontificum. Dicit enim Stephanus Papa (cit. ab Alex. III. in epist. xix. ad fin.) *Færi candentis, vel aque ferventis examinatione confessionem extorqueri a quolibet, sacri carones non concedunt: spontanea enim confessio, vel testium approbatione, publica delicta commissa sunt regimini nostro iudicare; occulta vero, & incognita illi sunt relinquenda qui solus novit corda filiorum hominum.* Et idem habetur extra, de purificationibus (cap. *Ex tuarum.*) In omnibus enim talibus esse videtur Dei tentatio: unde sine peccato fieri non possunt. Et gravius videretur, si in hoc sacramento, quod est institutum ad remedium salutis, aliquis incurreret iudicium mortis. Unde nullo modo corpus Christi debet dari alicui suspecto de crimine, quæ ab examinationem.

## ARTICULUS VII. 434

*Utrum nocturna pollutio aliquem impediat a sumptione huius sacramenti.*

2. 2. quæst. cliv. art. 5. & IV. dist. ix. art. 4. quæst. 2. & ver. quæst. xxviii. art. 3. ad 6.

**A**D septimum sic proceditur. Videtur quod nocturna pollutio non impediat aliquem a sumptione corporis Christi. Nullus enim impeditur a sumptione corporis Christi nisi propter peccatum. Sed nocturna pollutio accidit sine peccato: dicit enim Augustinus XII. super Gen. ad lit. cap. xv. antemed. *Ipsa phantasia, quæ fit in cogitatione jermocinantis, cum sit expressa fuerit in visione jomnantis, ut inter illam, & veram conjunctionem corporum non discernatur; continuo movetur caro, & sequitur quod eum motum sequi solet; cum hoc tam sine peccato fiat, quam sine peccato a vigilantibus dicitur: quod ut diceretur, procul dubio cogitatum est.* Ergo nocturna pollutio non impedit hominem ab huius sacramenti sumptione.

2. Præterea. Gregorius dicit in epistola ad Augustinum Episcopum Anglorum (Lib. XII. Regist. epist. xxxi. ad interrogat. 10. vers. fin.) *Si quis sua conia-*

ge non cupidine voluptatis captus, sed tantum procreandorum liberorum gratia uitur, ille protectio sine de ingressu Ecclesiae, sine de sumendo corporis domini mysterio suo est iudicio relinquendus; quia prohiberi a nobis non debet accipere qui in igne positi non possunt ardere. Ex quo patet quod carnalis pollutio etiam vigilantis, si sit sine peccato, non prohibet hominem a sumptione corporis Christi. Multo igitur minus prohibet nocturna pollutio dormientis.

3. Præterea Nocturna pollutio videtur solum immunditiam corporalem habere. Sed aliae immunditiae corporales, quae secundum legem impediabant ab ingressu Sanctorum, in nova lege non impediunt a sumptione huius sacramenti, sicut de muliere pariente, vel menstrua, vel fluxum sanguinis patiente scribit B. Gregorius Augustinus Anglorum Episcopo (loc. cit.) Ergo videtur quod neque etiam nocturna pollutio impedit hominem a sumptione huius sacramenti.

4. Præterea .. Peccatum veniale non impedit hominem a sumptione huius sacramenti, sed nec etiam peccatum mortale post poenitentiam. Sed dato quod nocturna pollutio proveniret ex aliquo peccato præcedenti, sive crapulae, sive turpium cogitationum, plerumque tale peccatum est veniale; & si aliquando sit mortale, potest contingere quod de mane poeniteat, & peccatum suum confiteatur. Ergo videtur quod non debeat impediri a sumptione huius sacramenti.

5. Præterea. Gravius peccatum est homicidium quam fornicationis. Sed si aliquis de nocte somniet se homicidium perpetrare, aut furtum, aut quodcumque aliud peccatum, non propter hoc impeditur a sumptione corporis Christi. Ergo videtur quod multo minus fornicatio somniata cum pollutione subsequente impedit a sumptione huius sacramenti.

Sed contra est quod Levit. xv. 16. dicitur: *Vir de quo egredietur semen coitus, immundus erit usque ad vesperum.* Sed immundus non patet aditus ad sacramenta. Ergo videtur quod propter pollutionem nocturnam aliquis impediatur a sumptione huius sacramenti, quod est maximum sacramentum.

Respondendo dicendum, quod circa pollutionem nocturnam duo possunt considerari: unum quidem, ratione cuius ex necessitate impedit hominem a sumptione huius sacramenti; aliud autem, ra-

tionem cuius non ex necessitate impedit hominem ab huiusmodi sacramenti perceptione, sed ex quadam congruentia.

Ex necessitate quidem impedit hominem ab huius sacramenti perceptione solum peccatum mortale. Et quavis nocturna ipsa pollutio secundum se constituta peccatum mortale esse non possit; inhiominus tamen ratione suae causae quandoque habet peccatum mortale annexum. Et ideo consideranda est causa pollutionis nocturnae. Quandoque enim provenit a causa extrinseca spirituali, scilicet ex canonum illusione, qui, sicut in prima parte habitum est (quaest. cxx. art. 3.) phantasmata commovere possunt, ex quorum apparitione pollutio interdum sublequitur. Quandoque vero provenit pollutio ex causa intrinseca spirituali, scilicet ex præcedentibus cogitationibus. Aliquanto autem ex causa intrinseca corporali, vel ex superfluitate, sive debilitate naturae, sive etiam ex superfluitate cibi, vel potus. Quilibet autem harum trium causarum potest & sine peccato, & cum peccato veniali, vel mortali existere. Et si quidem sit sine peccato, vel cum peccato veniali, non ex necessitate impedit sumptionem huius sacramenti, ita scilicet quod homo sumendo sit reus corporis, & sanguinis Domini. Si vero sit cum peccato mortali, impedit ex necessitate.

Illusio enim demonum quandoque provenit ex præcedenti negligentia preparationis (a) ad devotionem; quae potest esse & mortale, & veniale peccatum: quandoque vero provenit ex sola nequitia demonum volentium impediri hominem a sumptione huius sacramenti. Unde legitur in collationibus Patrum (collat. xxxi. cap. vi.) quod cum quidam frater pateretur pollutionem semper in leitis in quibus erat communicandum, inferiores comperto quod nulla causa ab ipso præcellerat, decreverunt quod propter hoc a Communionem non cessaret; & ita cessavit illusio demonum.

Similiter etiam præcedentes cogitationes laicivae quandoque possunt esse omnino sine peccato; puta cum aliquis causa lectionis, vel disputationis cogitatur de talibus cogitare: & si hoc sit sine concupiscentia, & delectatione, non erunt cogitationes immundae, sed honestae; ex quibus tamen pollutio sequi potest, sicut patet ex auctoritate Augustini

(a) & a. m. f. & ad si. possim. Ali. ad devotionem, & orationem.

ni supra inducta (in arg. 1.) Quandoque vero precedentes cogitationes sunt ex concupiscentia, & delectatione: & si adsit consensus, erit peccatum mortale; si autem desit, erit veniale.

Similiter etiam & causa corporalis quandoque est sine peccato; puta cum est ex infirmitate naturæ, unde quidam etiam in vigilando absque peccato fluxum seminis patiuntur: vel etiam si sit ex superfluitate naturæ: sicut enim contingit sanguinem fluere absque peccato, ita & semen, quod est superfluitas sanguinis, secundum Philosophum (Lib. 1. de gener. animal. cap. xix. a princ.) Quandoque vero est cum peccato, puta cum provenit ex superfluitate cibi, & potus: & hoc etiam potest esse peccatum veniale, vel mortale; licet frequentius peccatum mortale accadat circa turpes cogitationes, propter facilitatem consensus, quam circa sumptionem cibi, & potus. Unde & Gregorius (loc. sup. cit.) scribens Augustino Anglorum Episcopo dicit, cessandum esse a Communione, quando ex turpibus cogitationibus provenit, non autem quando provenit ex superfluitate cibi, vel potus, præsertim si necessitas adsit. Sic igitur ex causa pollutionis considerari potest, utrum nocturna pollutio impediat ex necessitate sumptionem huius sacramenti.

Ex quadam vero congruentia impedit quantum ad duo. Quorum unum semper accidit, scilicet quædam scditas corporalis, cum qua, propter reverentiam sacramenti, non decet ad altare accedere: unde & volentes tangere aliquid sacrum, manus lavant: nisi forte talis immunditia sit perpetua, vel diuturna, sicut est lepra, vel fluxus sanguinis, vel aliquid huiusmodi. Aliud autem est evagatio mentis, quæ sequitur pollutionem nocturnam, præcipue quando cum turpi imaginatione contingit. Hoc tamen impedimentum, quod ex congruitate provenit, poni debet propter aliquam necessitatem; puta, ut Gregorius dicit (loc. cit. ad interrogat. xi.) cum fortasse aut festus dies exigit, aut exhibere ministerium, pro eo quod sacerdos alius desit, ipsa necessitas compellit.

Ad primum ergo dicendum, quod ex necessitate quidem non impeditur homo a sumptione huius sacramenti nisi propter peccatum mortale; sed ex quadam convenientia potest homo impediri propter alias causas, sicut dictum est (in corp.)

S. Th. Op. Tom. XXIV.

(2) *id. vacare amplius.*

Ad secundum dicendum, quod coitus coniugalis, si sit sine peccato (puta si fiat causa prolis generandæ, vel causa reddendi debitum) non alia ratione impedit sumptionem huius sacramenti, nisi sicut dictum est (in corp. art.) de pollutione nocturna quæ accidit sine peccato, scilicet propter immunditiam corporalem, & mentis distractionem: ratione cuius Hieronymus dicit super Matth. (hab. in ferm. de esu agni, qui Hieron. ascribitur, sub fin. & cap. Sciatis, xxxiii. quæst. xv.) *Si panes propositionis ab his qui uxores tetigerant, comedi non poterant, quanto magis ille panis, qui de celo descendit, non potest ab his qui coniugalibus paulo ante (a) habere complexibus, violari, atque contingi? Non quod nuptias condemnemus; sed quod eo tempore, quo carnes agni manducaturi sumus, vacare carnalibus operibus non debeamus.* Sed quia hoc secundum congruitatem, & non idem necessitatem est intelligendum; Gregorius dicit, quod talis est suo iudicio relinquendus. Si vero non amor procreandæ sobolis, sed voluptas dominatur in opere, ut ibidem Gregorius subdit, tunc prohiberi debet ne accedat ad hoc sacramentum.

Ad tertium dicendum, quod, sicut Gregorius dicit in epistola supradicta ad Augustinum Anglorum Episcopum (loc. cit. in arg. 2.) in veteri Testamento aliqui polluti dicebantur figuratiter: quod populus novæ legis spiritualiter intelligit. Unde huiusmodi corporales immunditiæ, si sint perpetuæ, vel diuturnæ, non impediunt sumptionem huius sacramenti salutaris, sicut impediunt accessum ad sacramenta figuralia; si vero cito transeant, sicut immunditia pollutionis nocturnæ, ex quadam congruentia impediunt sumptionem huius sacramenti per illum diem quo hoc accidit. Unde & Deuter. xxxiii. 10. dicitur: *Si fueris inter vos homo qui nocturno pollutus sit somnio, egredietur extra castra, & non revertetur, priusquam ad vesperam laetetur aqua.*

Ad quartum dicendum, quod licet per contritionem, & confessionem auferatur reatus culpæ, non tamen auferitur corporalis immunditia, & distractio mentis ex pollutione consecrata.

Ad quintum dicendum, quod somnium homicidii non inducit corporalem immunditiam, nec etiam tantam distractionem mentis, sicut proferatio somniata pro-

M m

per

pter delectationis intensiorem; si tamen omnium homicidii proveniat ex causa quæ est peccatum, præterit mortale, impedit a sumptione huius sacramenti ratione suæ causæ.

## ARTICULUS VIII. 485

*Utrum cibus, vel potus præassumptus impediatur sumptionem huius sacramenti.*

*Inf. art. 9. cor. & 2. 2. quæst. cxxxiv. art. 6. ad 2. & IV. dist. viii. quæst. 1. art. 4. quæst. 1. & 2. & I. Corinth. xi. lect. 4.*

**A**D octavum sic proceditur. Videtur quod cibus, vel potus præassumptus non impediatur sumptionem huius sacramenti. Hoc enim sacramentum est a Domino institutum in cena. Sed Dominus, postquam cenavit, hoc sacramentum discipulis suis tradidit, sicut patet Luc. xxii. & I. Corinth. xi. Ergo videtur quod etiam post alios cibos assumptos nos debeamus sumere hoc sacramentum.

2. Præterea. I. Corinth. xi. 33. dicitur: *Cum convenitis ad manducandum, scilicet corpus Domini, invicem expectate: si quis autem esurit, domi manducet: & ita videtur quod postquam aliquis domi manducaverit, possit in Ecclesia corpus Christi manducare.*

3. Præterea. In Concilio Carthaginensi (III. can. xxix.) legitur, & habetur de consec. dist. 1. (cap. xlix.) *Sacramenta altaris non nisi a ieiunio hominibus celebrantur, excepto uno die anniversario quo cena Domini celebratur.* Ergo saltem illa die aliquis potest corpus Christi post alios cibos sumere.

4. Præterea. Sumptio aquæ, vel medicinæ, vel alterius cibi, vel potus in minima quantitate, vel reliquiarum cibi in ore manentium, neque ieiunium Ecclesiæ solvit, neque sobrietatem tollit, quæ exigitur ad hoc quod aliquis reverenterumat hoc sacramentum. Ergo per prædicta non impeditur aliquis a sumptione huius sacramenti.

5. Præterea. Quidam de nocte profunda comedunt, aut bibunt, & forte totam noctem infirmum ducentes, de mane percipiunt sacra mysteria nondum plene digesti. Minus autem impediretur sobrietatem hominis, si in mane parum comederet, & postea circa nonam sumeret hoc sacramentum, cum etiam sit quandoque maior distantia temporis. Er-

go videtur quod talis cibi præassumptio non impediatur hominem ab hoc sacramento.

6. Præterea. Non minor reverentia debetur huic sacramento iam sumpto quam ante sumptionem. Sed sumpto sacramento, licet cibum, aut potum sumere. Ergo & ante sumptionem.

Sed contra est quod Augustinus dicit in Lib. responsum ad Ianuarium (epist. lvi. al. cxviii. cap. vi. ante med.) *Placuit Spiritui sancto ut in honorem tanti sacramenti prius in os Christiani corpus dominicum intraret quam ceteri cibi.*

Respondeo dicendum, quod aliquid impedit sumptionem huius sacramenti dupliciter. Uno modo iecundum se, sicut peccatum mortale, quod habet repugnantiam ad significatum huius sacramenti, ut supra dictum est (art. præc. & art. 4. huius quæst.) Alio modo propter prohibitionem Ecclesiæ: & sic impeditur aliquis a sumptione huius sacramenti post cibum, & potum assumptum, triplici ratione.

Primo quidem, sicut Augustinus dicit (loc. cit.) *in honorem huius sacramenti, ut scilicet in os hominis intret nondum aliquo cibo, vel potu infectum.* Secundo propter significationem, ut scilicet detur intelligi, quod Christus, qui est res huius sacramenti, & caritas eius, debet primo fundari in cordibus nostris, iecundum illud Matth. vi. 33. *Quærite primum regnum Dei.* Terrio propter periculum vomitus, & ebrietatis, quæ quandoque contingunt ex hoc quod homines inordinate cibis utuntur; sicut & Apostolus dicit I. Cor. xi. 21. *Alius quidem esurit, alius autem ebrius est.*

Ab hac tamen generali regula excipiuntur infirmi, qui statim communicandi sunt, etiam post cibum, si de eorum periculo dubitatur, ne sine Communionem decedant: quia necessitas legem non habet. Unde dicitur de consecrat. dist. xi. (cap. xciii.) *Presbyter infirmum statim communicet, ne sine Communionem moriatur.*

Ad primum ergo dicendum, quod, sicut Augustinus in eodem Lib. (loc. cit.) dicit, *neque quia post cibos Dominus dedit, præterea transi, aut canati fratres ad hoc sacramentum accipiendum convenire debent, aut mensis suis miscere; sicut faciebant, quos Apostolus arguit, & emendat. Namque Salvator, quo rebermentius commendaret mysterii illius altitudinem, ultimum hoc veluit ardens inge-*

*figere cordibus, & memorie discipulorum: & ideo non praecepit, quo deinceps ordine sumeretur, ut Apostolis, per quos Ecclesias disposuit erat, servaret hunc locum.*

Ad secundum dicendum, quod illud verbum in Glossa (interl.) sic exponitur: „Si quis elurit, & impatiens non vult expectare alios, manducet domi cibos suos, id est pane terreno pascatur, nec post Eucharistiam sumat.“

Ad tertium dicendum, quod capitulum illud loquitur secundum consuetudinem aliquando apud aliquos observatam, ut in repraesentationem dominicae coenae illo die a non ieiunius corpus Christi sumeretur. Sed nunc hoc abrogatum est: nam, sicut Augustinus in Lib. praedictio (loc. cit.) dicit, *per univ. orbem mos iste servatur, ut scilicet corpus Christi a ieiunius sumatur.*

Ad quartum dicendum, quod, sicut in secunda parte habitum est (2.2. quaest. cxlvii. art. 6. ad 2.) duplex est ieiunium. Primum est ieiunium naturae, quod importat privationem cuiuscunque praesumpti per modum cibi, vel potus: & tale ieiunium requiritur ad hoc sacramentum propter praedicta (in corp. art.) Et ideo neque post assumptionem aquae, vel alterius cibi, aut potus, vel etiam medicinae, in quantumcumque parva quantitate, licet hoc sacramentum accipere. Nec refert, utrum aliquid huiusmodi nutriat, vel non nutriat, aut per se, aut cum aliis, dummodo sumatur per modum cibi, vel potus. Reliquae tamen cibi remanentes in ore, si casualiter transglutiantur, non impediunt summptionem huius sacramenti: quia non transiuntur per modum cibi, sed per modum salivae: & eadem ratio est de reliquis aquae, vel vini, quibus os abluatur, dummodo non transiuntur in magna quantitate, sed permixtae salivae; quod vitari non potest. Aliud autem est ieiunium Ecclesiae, quod instituitur ad carnis macerationem: & tale ieiunium per praedicta non impeditur: quia praedicta non multum nutriunt, sed magis ad alterandum sumuntur.

Ad quintum dicendum, quod cum dicitur, quod hoc sacramentum prius quam alit. cibi debet in os Christiani intrare, non est intelligendum absolute respectu totius temporis; alioquin qui semel comisisset, vel bibisset, numquam posset postea hoc sacramentum accipere; sed est intelligendum quantum ad eundem diem: & licet principium diei secundum

diversos diversimode sumatur (nam quidam a meridie, quidam ab occasu, quidam a media nocte, quidam ab ortu Solis diem incipiunt;) Ecclesia tamen Romana diem a media nocte incipit. Et ideo si post mediam noctem aliquis sumplerit aliquid per modum cibi, vel potus, non potest eadem die hoc sumere sacramentum; potest vero, si ante mediam noctem. Nec refert utrum post cibum, vel potum assumptum dormierit, aut etiam digestus sit, quantum ad rationem praeccepti; refert autem quantum ad perturbationem mentis, quam patiuntur homines propter insonnietatem, vel indigestionem: ex quibus si mens multum perturbetur, homo redditur ineptus ad summptionem huius sacramenti.

Ad sextum dicendum, quod maxima devotio requiritur in ipsa summptione huius sacramenti, quia tunc percipitur sacramenti effectus: quae quidem devotio magis impeditur per praecedentiam quam per sequentiam. Et ideo magis est institutum quod homines ieiunent ante summptionem huius sacramenti, quam post. Debet tamen esse aliqua mora inter summptionem huius sacramenti, & reliquos cibos. Unde & in Missa oratio gratiarum actionis post Communionem dicitur, & communicantes etiam suas privatas orationes dicunt. Secundum tamen antiquos canones statutum fuit a Papa Clemente I. (epist. 31. a princ.) ut habetur de consecrat. dist. 11. (cap. xxiii.) *Si mane dominica portio editur, usque ad sextum ieiunent ministri qui eam sumplerunt; & si tertia, vel quarta hora acceperint, ieiunent usque ad vespertum.* Antiquitus enim rarius Missarum sollemnium celebrabantur, & cum maiori preparatione. Nunc autem, quia oportet frequentius sacra mysteria celebrare, non posset de facili observari: & ideo per contrariam consuetudinem est abrogatum.

## ARTICULUS IX. 486

*Utrum non habentes usum rationis debeant suscipere hoc sacramentum.*

IV. dist. 111. art. 5. quaest. 3. & 4. & dist. xxiii. quaest. 11. art. 2. & 3. cor. & Ioan. vi. lect. 7.

**A**D nonum sic proceditur. Videtur quod non habentes usum rationis non debeant hoc sacramentum suscipere.

M. m. 2. re.

re. Requiritur enim quod aliquis ad hoc sacramentum cum devotione, & præcedente sui examinatione accedat, secundum illud I. Corinth. xi. 28. *Probet seipsum homo, & sic de pane illo edat, & de calice bibat.* Sed hoc non potest esse in his qui carent usu rationis. Ergo non debet eis hoc sacramentum dari.

2. Præterea. Inter alios qui carent usu rationis, sunt etiam arreptitii, qui *energumeni* dicuntur. Sed tales etiam ab inspectione huius sacramenti arcentur, secundum Dionysium in Lib. ecclesi. Hierarch. (cap. 111. ante med.) Ergo carentibus usu rationis hoc sacramentum dari non debet.

3. Præterea. Inter alios carentes usu rationis maxime pueri videntur esse innocentes. Sed pueri hoc sacramentum non exhibetur. Ergo multo minus aliis carentibus usu rationis.

Sed contra est quod legitur in Concilio Araulicano (I. can. xxi.) & habetur in Decr. xxvi. quæst. vi. (cap. *Qui recedunt*.) *Amentibus, quæcumque pietatis sunt, conferenda sunt:* & ita est eis conferendum hoc sacramentum, quod est sacramentum pietatis.

Respondeo dicendum, quod aliqui dicuntur non habere usum rationis dupliciter. Uno modo quia habent debilem usum rationis, sicut dicitur non videns, qui male videt: & quia tales possunt aliquam devotionem huius sacramenti concipere, non est eis hoc sacramentum denegandum.

Alio modo dicuntur aliqui non habere totaliter usum rationis. Aut igitur nunquam habuerunt usum rationis, sed sic a nativitate permanserunt; & sic talibus non est hoc sacramentum exhibendum, quia in eis nullo modo præcessit huius sacramenti devotio: aut non semper caruerunt usu rationis; & tunc, si prius, quando erant compotes suæ mentis, apparuit in eis devotio huius sacramenti, debet eis in articulo mortis hoc sacramentum exhiberi: nisi forte timeatur periculum vomitus, vel expuitionis. Unde in Concilio Carthaginensi (IV. can. lxxvi.) legitur, & habetur in Decret. xxvi. quæst. vi. (cap. viii.) *Is qui in infirmitate penitentiam petit, si casu dum ad eum sacerdos invitatus venit, oppressus infirmitate obmutuerit, vel in phrenesim conversus fuerit, dent testimonium qui eum audierunt, & accipiat penitentiam; & si continuo creditur mortuus, reconcilietur per manus imposi-*

*tionem, & infundatur oleum eius Eucharistia.*

Ad primum ergo dicendum, quod carentes usu rationis possunt devotionem ad sacramentum habere, quantum ad aliquos quidem præsentem, quantum ad alios autem præteritam.

Ad secundum dicendum, quod Dionysius loquitur ibi de energumenis nondum baptizatis, in quibus scilicet nondum est vis demonis extincta, quæ viget in eis per originale peccatum. Sed de baptizatis qui corporaliter ab immundis spiritibus vexantur, est eadem ratio, & de aliis amentibus. Unde Cassianus dicit (collat. vii. cap. xxx.) *Eis qui ab immundis vexantur spiritibus, Communionem sacrosanctam a senioribus nostris nunquam meminimus interdiciam.*

Ad tertium dicendum, quod eadem ratio est de pueris recenter natis, & de amentibus, qui nunquam habuerunt usum rationis. Unde talibus non sunt sacra mysteria danda. Quamvis quidam Græci contrarium faciant, propter hoc quod Dionysius tr. cap. cælest. Hierar. (cir. med.) dicit, baptizatis esse sacram Communionem dandam, non intelligentes, quod Dionysius ibi loquitur de baptismo adulterorum. Nec tamen per hoc aliquod detrimentum vitæ patiuntur, propter hoc quod Dominus dicit Ioan. vt. 54. *Nisi manducaveritis carnem Filii hominis, & biberitis eius sanguinem, non habebitis vitam, in vobis:* quia, sicut Augustinus scribit Bonifacio (vide sup. quat. lxxiii. art. 3. ad 1.) *tunc unusquisque fidelium corporis, & sanguinis Domini particeps fit, scilicet spiritualiter, quando in baptismo membrum corporis Christi efficitur.* Sed quando iam pueri incipiunt aliqualem usum rationis habere, ut possint devotionem concipere huius sacramenti, tunc potest eis hoc sacramentum conferri.

## ARTICULUS X. 487

*Utrum liceat quotidie hoc sacramentum suscipere.*

*IV. dist. xxi. quæst. iiii. art. i. & I. Corinth. xi. leß. 7.*

**A**D decimum sic proceditur. Videtur quod non liceat quotidie hoc sacramentum suscipere. Sicut enim baptismus repræsentat dominicam passionem, ita & hoc sacramentum. Sed non licet pluries

ba-

baptizari, sed semel tantum: quia *Christus semel tantum pro peccatis nostris mortuus est*, ut dicitur 1. Petr. III. 18. Ergo videtur quod non liceat hoc sacramentum quotidie suscipere.

2. Præterea. Veritas debet respondere figuræ. Sed agnus paschalis, qui fuit figura præcipua huius sacramenti, ut supra dictum est (quæst. lxxiii. art. 6.) non manducabatur nisi semel in anno: semel etiam in anno Ecclesia celebrat Christi passionem, cuius hoc sacramentum est memoriale. Ergo videtur quod non liceat quotidie sumere hoc sacramentum, sed solum semel in anno.

3. Præterea. Huic sacramento, in quo totus Christus continetur, maxima reverentia debetur. Ad reverentiam autem pertinet quod aliquis ab hoc sacramento abstineat: unde & laudatur Centurio, qui dixit Matth. VIII. 8. *Domine non sum dignus ut intres sub tectum meum: & Petrus, qui dixit Lucæ v. 8. Exi a me Domine, quia homo peccator ego sum*. Ergo non est laudabile quod homo quotidie hoc sacramentum suscipiat.

4. Præterea. Si esset laudabile frequenter hoc sacramentum accipere, quanto frequentius sumeretur, tanto esset laudabilius. Sed maior esset frequentia, si homo pluries in die sumeret hoc sacramentum. Ergo esset laudabile quod homo pluries in die communicaret; quod tamen non habet Ecclesiæ consuetudo. Non ergo videtur esse laudabile quod aliquis quotidie hoc sacramentum accipiat.

5. Præterea. Ecclesia intendit suis statutis hoc veluti utilitati providere. Sed ex statuto Ecclesiæ fideles tenentur solum semel communicare in anno: unde dicitur extra, de poenitentia, & remiss. (cap. XII.) *Omnis utriusque sexus fidelis suscipiat reverenter, ad minus in Pascha, Eucharistie sacramentum; nisi forte de proprii sacerdotis consilio ob aliquam rationabilem causam ad semper ab eius perceptione duxerit abstinendum*. Non ergo est laudabile quod quotidie hoc sacramentum sumatur.

Sed contra est quod Augustinus dicit in Lib. de verbis Domini (serm. xxviii. cir. med.) *Iste panis quotidianus est: accipe quotidie, ut quotidie tibi proficiat*.

Respondendo dicendum, quod circa usum huius sacramenti duo possunt considerari. *Th. Oper. Tom. XXXV.*

Unum quidem ex parte ipsius sacramenti, cuius virtus est hominibus salutaris: & ideo utile est quotidie ipsum sumere, ut homo quotidie eius fructum percipiat. Unde Ambrosius dicit in Lib. IV. de sacramentis (cap. vi. a med.) *Si quotiescumque effunditur sanguis Christi, in remissionem peccatorum effunditur, (a) deo semper accipere, qui semper pecco, deo semper habere medicinam*.

Alio modo potest considerari ex parte sumentis, in quo requiritur ut cum magna devotione, & reverentia ad hoc sacramentum accedat. Et ideo si aliquis se quotidie ad hoc paratum inveniat, laudabile est quod quotidie sumat. Unde Augustinus cum dixisset, *accipe quotidie, ut quotidie tibi proficiat*, subiungit: *Sic vive, ut quotidie merearis accipere*. Sed quia multoties in pluribus hominibus multa impedimenta huius devotionis occurrunt, propter corporis indispositionem, vel animæ, non est utile omnibus hominibus quotidie ad hoc sacramentum accedere, sed quotiescumque se ad illud homo invenerit præparatum. Unde in Lib. de eccles. dogmatibus (cap. lxxi.) dicitur: *Quotidie Eucharistia communionem accipere nec laudo, nec vitupero*.

Ad primum ergo dicendum, quod per sacramentum baptismi configuratur homo morti Christi, in se suscipiens eius characterem. Et ideo sicut Christus semel mortuus est, ita solum semel debet homo baptizari. Sed per hoc sacramentum non recipit homo Christi characterem, sed ipsum Christum, cuius virtus manet in æternum. Unde Hebr. x. 14. dicitur: *Una oblatione consummavit in sempiternum sanctificatos*. Et ideo quia quotidie homo indiget salutifera Christi virtute, quotidie potest laudabiliter hoc sacramentum suscipere. Et quia præcipue baptismus est spiritualis regeneratio, ideo sicut homo semel carnaliter nascitur, ita debet semel spiritualiter renasci per baptismum, ut Augustinus dicit super illud Ioan. III. *Quomodo potest homo nasci, cum sit senex? (tract. xi. in Ioan. aliquant. ante med.)* Sed hoc sacramentum est cibis spiritualis: unde sicut cibis corporalis quotidie sumitur, ita & hoc sacramentum quotidie sumere laudabile est. Unde Dominus Lucæ xii. 3. docet petere: *Panem nostrum quotidianum*. M m 3

(a) Ita communiter. Nicolaus in Ambrosio sic, deo semper accipere, ut semper nihil peccata cluniantur; qui semper pecco &c.



*num da nobis hodie:* In cuius expositione Augustinus dicit in Lib. de verbis Domini (loc. sup. cit.) „ Si quotidie accipis (scilicet hoc sacramentum,) quotidie tibi est hodie, tibi quotidie Christus resurgit: (a) hodie enim est, quando Christus resurgit. ”

Ad secundum dicendum, quod agnus paschalis praecipue fuit figura huius sacramenti quantum ad passionem Christi, quae repraesentatur per hoc sacramentum: & ideo semel tantum in anno fumebatur, quia Christus semel mortuus est. Et propter hoc etiam Ecclesia celebrat semel in anno memoriam passionis Christi. Sed in hoc sacramento traditur nobis memoriale passionis Christi per modum cibi, qui quotidie sumitur: & ideo quantum ad hoc significatur permanens, quod quotidie dabatur populo in deserto.

Ad tertium dicendum, quod reverentia huius sacramenti habet timorem amoris coniunctum: unde timor reverentiae ad Deum dicitur timor filialis, ut in secunda parte dictum est (1. 2. quaest. lxxvii. art. 4. ad 2. & 2. quaest. xix.) ex amore enim provocatur desiderium sumendi, ex timore autem confurgit humilitas reverendi. Et ideo utrumque pertinet ad reverentiam huius sacramenti, & quod quotidie sumatur, & quod aliquando abstinatur. Unde Augustinus dicit (epist. lxxv. ad c. xlviii. cap. lxxv.) *Si dixeris quispiam, non quotidie accipiendum Eucharistiam, attus contra, faciat unusquisque quod secundum fidem suam pie credit esse faciendum: neque enim litigaverunt inter se Zachaeus, & ille Centurio, cum alter eorum gaudens suscepit Dominum, alter dixit: Non sum dignus ut intres sub tectum meum: ambo Salvatorem honorificantes, quantum non uno modo. Amor tamen, & ipse, ad quae temper Scriptura nos provocat, praerogatur timori. Unde & cum Petrus dixisset, Exi a me Domine, quia homo peccator sum, respondit Iesus, Noli timere*

Ad quartum dicendum, quod quia Dominus dicit (Luc. xxi.) *Panem nostrum quotidianum da nobis hodie*, non est pluries in die communicandum, ut saltem per hoc quod aliquis semel in die communicat, repraesentetur unitas passionis Christi.

Ad quantum dicendum, quod secundum diversum statum Ecclesiae diversa circa

hoc statuta emanaverunt. Nam in primitiva Ecclesia, quando magna vigebat devotio inter Christianos, statutum fuit ut quotidie haec communicarentur: unde Anastasius Papa (epist. 1. in med. & hab. cap. x. de consecrat. dist. 11.) dicit: *Per alia consecratione, omnes communicant qui noluerint ecclesiasticis carere luminibus: sic enim & Apostoli statuerunt, & sancta Romana tenet Ecclesia.* Postmodum vero, diminito haec fervore, Fabianus Papa (decreto vii. & hab. cap. xvi. de consecrat. dist. 11.) indulgit ut si non frequentius, saltem ter in anno omnes communicent, scilicet in Pascha, Pentecoste, & Natali Domini. Soter etiam Papa (decreto iv.) in cena Domini dicit esse communicandum, ut habetur in Decret. de consecrat. dist. 11. (cap. xvii.) Postmodum propter iniquitatis abundantiam, refrigerante caritate multorum, statuit Innocentius iii. (in Concil. Lateran. iv. cap. xxi.) ut saltem semel in anno, scilicet in Pascha, fideles communicent. Consulitur tamen in Lib. de ecclesiasticis dogmatibus (cap. lxxi.) omnibus diebus dominicis esse communicandum.

## ARTICULUS XI. 438

*Utrum liceat omnino a Communionem cessare.*

*IV. dist. xxi. quaest. lxxi. art. 2.*

**A**D undecimum sic proceditur. Videtur quod liceat cessare omnino a Communionem. Laudatur enim Centurio de hoc quod dicit Marth. viii. 8. *Domine, non sum dignus ut intres sub tectum meum: cui comparatur ille qui reputat a Communionem sibi esse abstinendum, ut dictum est (art. praec. ad 3.)* Cum ergo nunquam legatur Christum in eius domum venisse, videtur quod liceat alicui toto tempore vitae suae a Communionem abstinere.

2. Praeterea. Cuilibet licet abstinere ab his quae non sunt de necessitate salutis. Sed hoc sacramentum non est de necessitate salutis, ut supra dictum est (quaest. lxxxi. art. 3.) Ergo licet assumptionem huius sacramenti omnino cessare.

3. Praeterea. Peccatores non tenentur communicare: unde Fabianus Papa (loc. cit. art. praec. ad 5.) cum dixisset,

*Ter*

(a) Ita vero res editi cum miss. In edit. Patav. desit enim. Nicetianus: Hodie est enim tibi quicumque dies, quo tibi Christus resurgit.

*Ter in anno omnes communicent, adiunxit: Nisi forte quis maioribus criminibus impediatur. Si ergo illi qui non sunt in peccato, tenentur communicare, videtur quod melioris conditionis sint peccatores quam iusti: quod est inconveniens. Ergo videtur quod etiam iustis liceat a Communionem cessare.*

Sed contra est quod Dominus dicit Ioan. vi. 54. *Nisi manducaveritis carnem Filii hominis, & biberitis eius sanguinem, non habebitis vitam in vobis.*

Respondendo dicendum, quod, sicut supra dictum est (art. 1. hu. quest.) duplex est modus percipiendi hoc sacramentum, scilicet spiritualis, & sacramentalis. Manifestum est autem quod omnes tenentur saltem spiritualiter manducare: quia hoc est Christo incorporari, ut supra dictum est (quest. lxxxi. art. 3. ad 1.) Spiritualis autem manducatio includit votum, seu desiderium percipiendi hoc sacramentum, ut supra dictum est (ibid.). Et ideo sine voto percipiendi hoc sacramentum non potest homini esse salus.

Frustra autem esset votum, nisi impleretur quando opportunitas adesset. Et ideo manifestum est quod homo tenetur hoc sacramentum sumere, non solum ex statuto Ecclesie, sed ex mandato Domini dicentis Luc. xxi. 19. *Hoc facite in meam commemorationem.* Ex statuto autem Ecclesie sunt determinata tempora exequendi Christi preceptum.

Ad primum ergo dicendum, quod, sicut Gregorius dicit in Pastoralis (parte 1. cap. vi.) *illa est vera humilitas, cum ad respuendum quod uniter precipitur, pertinax non est.* Et ideo non potest esse laudabilis humilitas, si contra preceptum Christi, & Ecclesie aliquis omnino a Communionem abstineat. Neque enim Centurioni preceptum fuit ut Christum in sua domo reciperet.

Ad secundum dicendum, quod hoc sacramentum dicitur non esse necessarius, sicut baptismus, quantum ad pueros, quibus potest esse salus sine hoc sacramento, non autem sine sacramento baptismi; quantum vero ad adultos, utrumque est necessarius.

Ad tertium dicendum, quod peccatores magnum detrimentum patiuntur ex hoc quod repelluntur a perceptione huius sacramenti: unde per hoc non sunt melioris conditionis: & licet in peccatis permanentes non excusentur propter hoc a transgressione precepti; penitentiam tamen, qui, ut Innocentius dicit (loc. cit. art. præc. ad 5.) secundum consilium sacerdotis abstinent, excusantur.

## ARTICULUS XII. 489

*Utrum liceat sumere corpus Christi sine sanguine.*

*Inf. quest. lxxxii. art. 4. & IV. dist. xii. quest. 111. art. 1. quest. 2.*

**A**D duodecimum sic proceditur. Videtur quod non liceat sumere corpus Christi sine sanguine. Dicit enim Gelatius Papa, & habetur de consecrat. dist. 11. (cap. xii.) *Comerimus quod quidam, sumpta tantummodo corporis sacri portione, a calice sacri crucis abstinent; qui proculdubio, quoniam nequeo qua superstitione docentur adstringi, aut integra sacramenta percipiant, aut ab integris arceantur.* Non ergo licet sumere corpus Christi sine eius sanguine.

2. Præterea. Ad perfectionem huius sacramenti concurrunt & manducatio corporis, & potatio sanguinis, ut supra habitum est (quest. lxxvi. art. 1. & quest. xxxvi. art. 2. ad 1.) Si ergo sumatur corpus sine sanguine, erit sacramentum imperfectum; quod ad sacerdotium pertinet: videtur: unde ibidem Gelatus habet; *quia diversio unius eiusdemque mysterii sine grandi sacrilegio provenire non potest.*

3. Præterea. Hoc sacramentum celebratur in memoriam demicæ passionis, ut supra dictum est (loc. cit.) & sumitur pro animæ salute. Sed passio Christi magis exprimitur in sanguine quam in corpore; sanguis etiam pro salute animæ offertur, ut supra habitum est (ibid.). Potius ergo esset abstinentium a sumptione corporis quam a sumptione sanguinis. Ergo accedentes ad hoc sacramentum non debent sumere corpus Christi sine eius sanguine.

Sed contra est multarum Ecclesiarum usus, in quibus populo communicanti datur corpus Christi sumendum, non autem sanguis.

Respondendo dicendum, quod circa usum huius sacramenti duo possunt considerari, unum ex parte ipsius sacramenti, aliud ex parte sumentium. Ex parte quidem ipsius sacramenti convenit quod utrumque sumatur, scilicet & corpus, & sanguis, quia in utroque consistit perfectio sacramenti. Et ideo quia ad sacerdotem pertinet hoc sacramentum consecrare, & perficere, nullo modo de-

bet corpus Christi sumere sine sanguine.

Ex parte autem fumentium requiritur summa reverentia, & cautela, ne aliquid accidat quod vergat ad iniuriam tanti mysterii. Quod praecipue posset accidere in sanguinis sumptione, qui quidem si incaute sumeretur, de facili posset effundi. Et quia crevit multitudo populi christiani, in qua continentur senes, & iuvenes, & parvuli, quorum quidam non sunt tantae discretionis, ut cautela debitam circa usum huius sacramenti adhibeant; ideo provide in quibusdam Ecclesiis observatur ut populo sanguis sumendus non detur, sed solum a Sacerdote sumatur.

Ad primum ergo dicendum, quod Gelasius loquitur quantum ad sacerdotes, qui sicut totum consecraunt sacramentum, ita etiam toti communicare debent. Ut enim legitur in Concilio Toletano (XII. can. v.) *quale erit sacrificium, cui nec ipse sacrificans particeps esse dignoscitur?*

Ad secundum dicendum, quod perfectio huius sacramenti non est in utroque fidelium, sed in consecratione materiae. Et ideo nihil derogat perfectioni huius sacramenti, si populus sumat corpus sine sanguine, dummodo sacerdos consecrans sumat utrumque.

Ad tertium dicendum, quod repraesentatio dominicae passionis agitur in ipsa consecratione huius sacramenti, in qua non debet corpus sine sanguine consecrari. Potest autem a populo corpus sine sanguine sumi; nec exinde sequitur aliquod detrimentum: quia sacerdos in persona omnium sanguinem offert, & sumit; & sub utraque specie totus Christus continetur, ut supra habitum est (quaest. lxxvi. art. 2.)

## QUAESTIO LXXXI.

*De modo quo Christus usus est hoc sacramento,*

*in quatuor articulos divisa.*

**D**Einde considerandum est de usu huius sacramenti, quo Christus usus est in prima sui institutione: & circa hoc quaeruntur quatuor.

Primo, utrum Christus sumperit suum corpus, & sanguinem.

Secundo, utrum Iudae dederit.

Tertio, quale corpus sumperit, aut

dederit, utrum scilicet passibile, vel impassibile.

Quarto, quomodo se habuisset Christus sub hoc sacramento, si fuisset in triduo mortis reservatum, aut consecratum.

## ARTICULUS I. 490

*Utrum Christus sumperit suum corpus, & sanguinem.*

*Inf. quaest. lxxxiv. art. 7. ad 4. & IV. dist. xi. quaest. lxi. art. 1.*

**A**D primum sic proceditur. Videtur quod Christus non sumperit corpus suum, & sanguinem. Non enim de factis Christi, & actis asserti debet quod auctoritate sacrae Scripturae non traditur. Sed in Evangelio non habetur quod Christus corpus suum manducaverit, aut sanguinem suum biberit. Non ergo est hoc asserendum.

2. Praeterea. Nihil potest esse in seipso, nisi forte ratione partium, prout scilicet una pars eius est in alia, ut habetur IV. Physicor. (tex. 34.) Sed illud quod manducatur, & bibitur, est in manducante, & bibente. Cum igitur totus Christus sit sub utraque specie sacramenti, videtur impossibile tunc quod ipse sumperit hoc sacramentum.

3. Praeterea. Duplex est sumptio huius sacramenti, scilicet spiritualis, & sacramentalis. Sed spiritualis non competebat Christo, quia nihil a sacramento accepit; & per consequens nec sacramentalis, quae sine spirituali est imperfecta, ut supra habitum est (quaest. praec. art. 1.) Ergo Christus nullo modo hoc sacramentum sumplit.

Sed contra est quod Hieronymus dicit ad Hedibiam (quaest. 11. a med.) *Dominus Iesus Christus ipse conviva, & convivium, ipse comedens, & qui comeditur.*

Respondeo dicendum, quod quidam dixerunt, quod Christus in cena corpus, & sanguinem suum discipulis suis tradidit, non tamen ipse sumplit.

Sed hoc non videtur convenienter dici: quia Christus ea quae ab aliis observanda instituit, ipse primitus observavit. Unde & ipse prius baptizari voluit quam alii baptismum imponeret, secundum illud Act. 1. 1. *Cepit Iesus facere, & docere.* Unde & primo ipse corpus suum, & sanguinem sumplit, & postea

ea discipulis sumendum tradidit. Et hoc est quod Ruth. III. super illud, *Cumque comedisset, & bibisset &c.* dicit Glossa (ordin.) quod „ Christus comedit, & bibit in cœna, cum corporis, & sanguinis sui sacramentum discipulis tradidit. Unde quia pueri communicaverunt carni, & sanguini, & ipse participavit eisdem.

Ad primum ergo dicendum, quod in Evangelio legitur, quod Christus accepit panem, & calicem: non est autem intelligendum quod accepit solum in manibus, ut quidam dicunt; sed eo modo accepit quo aliis accipiendum tradidit: unde cum discipulis dixerit, *Accipite, & comedite*, & iterum, *Accipite, & bibite*, intelligendum est quod ipse accipiens comedit, & biberit. Unde & quidam matrice dixerunt:

*Rex sedet in cœna turba cinctus duodena:*

*Se tenet in manibus, se cibis ipse ludib.*

Ad secundum, dicendum, quod, sicut supra dictum est (quæst. lxxvi. art. 5.) Christus secundum quod est sub hoc sacramento, comparatur ad locum non secundum proprias dimensiones, sed secundum dimensiones specierum sacramentalium; ita quod in quocumque loco ubi sunt illæ species, est ipse Christus: & quia species illæ potuerunt esse in manibus, & in ore Christi, ipse totus Christus potuit esse in suis manibus, & in suo ore. Non autem hoc potuisset esse, secundum quod comparatur ad locum per proprias dimensiones.

Ad tertium dicendum, quod, sicut supra dictum est (quæst. lxxix. art. 1. ad 2.) effectus huius sacramenti est non solum augmentum habitualis gratiæ, sed etiam quædam actualis delectatio spiritualis dulcedinis. Quamvis autem Christo gratia non fuerit augmentata ex susceptione huius sacramenti; habuit tamen quandam spirituales delectationem in nova institutione huius sacramenti. Unde ipse dicebat Luc. xxi. 15. *Desidero desideravi hoc Pascha manducare vobiscum*: quod Eusebius exponit de novo mysterio novi Testamenti, quod tradebat discipulis. (Tab. in Cat. S. Th.) Et ideo spiritualiter manducavit, & similiter sacramentaliter, in quantum corpus suum sub sacramento sumplit, quod sacramentum

sui corporis intellexit, & disposuit: aliter tamen quam ceteri sacramentaliter, & spiritaliter sumunt: (a) qui augmentum gratiæ suscipiunt, & sacramentalibus signis indigent ad veritatis perceptionem.

## ARTICULUS II. 491

*Utrum Christus dederit Iudæ corpus suum.*

IV. dist. xi. quæst. III. art. 2. quæst. 1. & 2. & Ioan. xiii. lect. 3. fin. & lect. 4. fin.

**A**D secundum sic proceditur. Videtur quod Christus Iudæ non dederit corpus suum. Ut enim legitur Matth. xxvi. 29. postquam dedit Dominus corpus suum, & sanguinem discipulis, dixit eis: *Non bibam amodo de hoc genere vitis usque in diem illum, cum illud bibam vobiscum novum in regno Patris mei*. Ex quo videtur quod illi quibus corpus suum, & sanguinem dederat, cum eo essent iterum bibituri. Sed Iudas postea cum ipso non bibit. Ergo non accepit cum aliis discipulis corpus Christi, & sanguinem.

2. Præterea. Dominus implevit quod præcepit, secundum illud Act. 1. 1. *Cæpit Iesus facere, & docere*. Sed ipse præcepit Matth. vii. 6. *Nolite sanclum dare canibus*. Cum ergo ipse cognosceret Iudam esse peccatorem, videtur quod ei corpus suum, & sanguinem non dederit.

3. Præterea. Christus specialiter legitur Iudæ panem intinctum porrexisse Ioan. xiii. Si ergo corpus suum ei dedit, videtur quod sub buccella ei dedit: præcipue cum legatur ibidem, quod *post buccellam intinxit in eum Satanias*: ubi Augustinus dicit (tract. lxxi. in Ioan. a princ.), „ Hinc nos docemur, „ quam sit cavendum male accipere bonum. Si enim corripitur qui non dicitur, iudicat, id est non discernit corpus Domini a ceteris cibis, quomodo non damnabitur qui ad eius mensam sine gens se amicum, accedit inimicus? „ Sed cum buccella intincta non accepit corpus Christi: ut enim Augustinus dicit super illud Ioan. xiii. *Cum intinxisset panem, dedit Iudæ Simonis Ischario-*

(a) Ita com. mss. Camer. & Alcon. Tholigi. Edit. Rom. qui augmentum gratiæ suscipiunt sub sacramento cibibus signis, quibus indigent &c. *Utrum lectionem retineat Hieronymus, & edit. Patav. mutat tantum quia in quia, vel, quia qui augmentum gratiæ suscipiunt, etiam sacramentalibus signis indigent, &c.*

ibis (loc. cit.) „non, ut putant quidam negligenter legentes, tunc Iudas corpus Christi accepit.“ Ergo videtur quod Iudas corpus Christi non accepit.

Sed contra est quod Chrysostomus dicit (hom. lxxxiii. in Matth. in princ.) Iudas particeps existens mysteriorum contrarius non est: unde fit scelus eius utrumque immanius, tum quia tali proelio imbutus audit mysteria, tum quia adiens melior factus non fuit nec metu, nec beneficio, nec honore.

Respondeo dicendum, quod Hilarius posuit super Matthaeum (can. xxx.) quod Christus Iudae corpus suum, & sanguinem non dedit. Et hoc quidem conveniens fuit, considerata malitia Iudae.

Sed quia Christus nobis debuit esse exemplum iustitiae, non conveniebat eius magisterio ut Iudam occidit peccatori sine accusatore. & evidenti probatione ab aliorum communione separaret; ne per hoc daretur exemplum praelatis Ecclesiae similia faciendi, & ipse Iudas exasperatus inde sumeret occasionem peccandi. Et ideo dicendum est, quod Iudas cum aliis discipulis corpus Domini, & sanguinem suscepit, ut dicit Dionysius in Lib. eccl. Hierarch. (cap. iiii. inter princ. & med.) & Augustinus super Ioan. (tract. lxxi.)

Ad primum ergo dicendum, quod illa est ratio Hilarii (loc. cit.) ad ostendendum quod Iudas corpus Christi non sumpsit; non tamen cogit: quia Christus loquitur discipulis, a quorum collegio Iudas se separavit. Non autem Christus eum excludit: & ideo Christus, quantum est in se, etiam cum Iuda vinum in regno Dei bibit; sed hoc convivium ipse Iudas repudiavit.

Ad secundum dicendum, quod Christo nota erat Iudae iniquitas, sicut Deo; non autem erat tibi nota per modum quo hominibus innotescit. Et ideo Christus Iudam non repulit a Communionem, ut daret exemplum, tales peccatores occultos non esse ab aliis sacerdotibus expellendos.

Ad tertium dicendum, quod sine dubio Iudas sub pane intincto corpus Christi non sumpsit, sed simplicem panem. Significatur autem foras, ut Augustinus ibidem dicit, per panis intinctionem fido Iudae: ut enim intinctus nonnulla, intinguntur. Si autem bonum aliquid hic significat intinctio (scilicet dulcedinem vocatus divinae, quia panis ex intinctione

sapidior redditur; ) eidem bono ingratum non immerito est secuta damnatio. Et propter hanc ingratitudinem id quod est bonum, factum est ei malum, sicut accidit circa tumentes corpus Christi indigne: & sicut Augustinus ibidem dicit, intelligendum est quod Dominus iam antea distribuatur omnibus discipulis suis sacramentum coreris, & sanguinis sui, ubi & inde Iudas erat, sicut Lucas narrat; ac deinde ad hoc ventum est, ubi secundum narrationem Iohannis Dominus per buccellam intinctam, atque porrectam suum exprimit proditorem.

## ARTICULUS III. 491

Utrum Christus sumpserit, & discipulis dederit corpus suum impassibile.

IV. dist. xi. quæst. iiii. art. 3. & dist. xii. quæst. i. art. 3. quæst. i. cor.

Ad tertium sic praedicatur. Videtur quod Christus sumpserit, & discipulis dederit corpus suum impassibile: Quia super illud Matth. xvii. Transfiguratus est ante eos, dicit quidam Glossa (ordin.) „Illum corpus quod habuit per naturam, dedit discipulis in coena, na, non mortale, & passibile.“ Et Levit. ii. super illud, Si oblato tua fuerit de sanguine, dicit Glossa (ordin. Etych.) „Crux super omnia tortis carnei Christi, quæ ante passionem non videretur, debatur ei apta, post aptam fecit.“ Sed Christus dedit corpus suum et aptum ad manducandum. Ergo dedit tale, quale habuit post passionem, scilicet impassibile, & immortale.

2. Præterea. Omne corpus passibile per contactum, & manducationem patitur. Si ergo corpus Christi erat passibile, per contactum, & comestorem discipulorum passum fuisset.

3. Præterea. Verba sacramentalia non sunt modo maioris virtutis quando proferuntur a sacerdote in persona Christi, quam tunc quando fuerint prolata ab ipso Christo. Sed nunc virtute verborum sacramentalium in altari consecratur corpus Christi impassibile, & immortale. Ergo multo magis tunc.

Sed contra est quod, sicut Innocentius III. dicit (Lib. IV. de myst. Mat. cap. xii. sub h.) tale corpus tunc dedit discipulis, quale habuit. Habuit autem tunc corpus passibile, & mortale. Ergo corpus passibile, & mortale discipulis dedit.

Relat.

Respondeo dicendum, quod Hugo de sancto Victore posuit ( vide Supplem. quæst. xlv. art. 2. ) quod Christus ante passionem diversis temporibus quatuor doctes corporis glorificati assumpserit; scilicet sublimitatem in nativitate, quando exivit de clauso utero Virginis; agilitatem, quando ambulavit siccis pedibus super mare; claritatem in transfiguratione; impassibilitatem in cena, quando corpus suum discipulis tradidit manducandum. Et secundum hoc dedit discipulis suis corpus suum impassibile, & immortale.

Sed quicquid sit de aliis, de quibus supra dictum est ( quæst. xxviii. art. 2. ad 3. & quæst. xlv. art. 2. & quæst. liv. art. 1. ad 1. ) quid sentiri debeat, circa impassibilitatem tamen impossibile est esse quod dicitur. Manifestum est enim quod idem corpus Christi erat quod a discipulis tunc in propria specie videbatur, & in specie sacramenti timebatur. Non autem erat impassibile, secundum quod in propria specie videbatur; quinimo erat passioni paratum. Unde nec ipsum corpus Christi, quod in specie sacramenti dabatur, impassibile erat.

Impassibili tamen modo erat sub specie sacramenti, quod in se erat passibile, sicut invisibiliter, quod in se erat visibile. Sicut enim vino requirit contactum corporis quod videtur, ad circumstantans medium visionis; ita passio requirit contactum corporis quod patitur, ad ea quæ agunt. Corpus autem Christi, secundum quod est sub sacramento, ut supra dictum est ( quæst. lxxvi. art. 4. 5. & 6. ) non comparatur ad ea quæ circumstant, mediantibus propriis dimensionibus, quibus corpora se tangunt, sed mediantibus dimensionibus specierum panis, & vini: & ideo species illæ sunt quæ parantur, & videntur, non autem ipsum corpus Christi.

Ad primum ergo dicendum, quod Christus dicitur in cena non dedisse corpus suum mortale, & passibile, quia non dedit mortali, & passibili modo. Crux autem fecit carnem Christi aptam manducationi, in quantum hoc sacramentum representat passionem Christi.

Ad secundum dicendum, quod ratio illa procederet, si corpus Christi, sicut erat passibile, ita passibili modo fuisset sub hoc sacramento.

Ad tertium dicendum, quod sicut supra dictum est ( quæst. lxxvi. art. 4. ) accidentia corporis Christi sunt in sacra-

mento ex reali concomitantia, non autem ex vi sacramenti, ex qua est ibi substantia corporis Christi. Et ideo virtus verborum sacramentalium ad hoc se extendit, ut sit sub sacramento corpus Christi, scilicet quibuscumque accidentibus realiter in eo existentibus.

## ARTICULUS IV. 493

*Utrum si hoc sacramentum tempore mortis Christi fuisset servatum, vel consecratum, ibi moreretur.*

*IV. dist. x. art. 2. quæst. 1. co. & dist. xi. quæst. 111. art. 4. & IV. cont. cap. lxxv. & quod. v. art. 11. ad 1. & 10. vi. lect. 6. fin. & 1. Cor. xi. lect. 6. fin.*

**A**D quartum sic proceditur. Videtur quod si hoc sacramentum tempore mortis Christi fuisset servatum in pixide, vel ab aliquo Apostolorum consecratum, non ibi moreretur. Mors enim Christi accidit per eius passionem. Sed Christus impassibili modo etiam tunc erat in hoc sacramento. Ergo non poterat mori in hoc sacramento.

2. Præterea. In morte Christi separatus fuit sanguis eius a corpore. Sed in hoc sacramento simul est corpus Christi, & sanguis. Ergo Christus in hoc sacramento non moreretur.

3. Præterea. Mors accidit per separationem animæ a corpore. Sed in hoc sacramento continetur tam corpus quam anima Christi. Ergo in hoc sacramento non poterat Christus mori.

Sed contra est quod idem Christus, qui erat in cruce, fuisset in sacramento. Sed in cruce moriebatur. Ergo & in sacramento conservato moreretur.

Respondeo dicendum, quod corpus Christi idem in substantia est in hoc sacramento, & in propria specie; sed non eodem modo: nam in propria specie contingit circumstantia corpora per proprias dimensiones; non autem prout est in hoc sacramento, ut supra dictum est ( art. præc. ) Et ideo quicquid pertinet ad Christum, secundum quod in se est, potest attribui ei & in propria specie, & in sacramento existentibus, sicut vivere, mori, dolere, animatum, vel inanimatum esse, & cetera huiusmodi; quæcumque vero conveniunt ei per comparationem ad corpora extrinseca, possunt ei attribui in propria specie existentibus, non autem prout est in sacramento, sicut irrideri,

deri, conspui, crucifigi, flagellari, & cetera huiusmodi. Unde & quidam metricè dixerunt:

*Pixide servato poteris sociare dolorem  
Innatum; sed non illatus convenit illi.*

Ad primum ergo dicendum, quod, sic ut dictum est (in corp. art.) passio convenit corpori passio per comparationem ad agens extrinsecum. Et ideo Christus, secundum quod est sub hoc sacramento, pati non potest, potest tamen mori.

Ad secundum dicendum, quod, sicut supra dictum est (quæst. lxxvi. art. 2.) sub specie panis est corpus Christi ex vi consecrationis, sanguis autem sub specie vini. Sed nunc quidem, quando realiter sanguis Christi non est separatus ab eius corpore, ex reali concomitantia & sanguis Christi est sub specie panis simul cum corpore, & corpus sub specie vini simul cum sanguine. Sed si tempore passionis Christi, quando realiter sanguis fuit separatus a corpore Christi, fuisset hoc sacramentum consecratum, sub specie panis fuisset solum corpus, & sub specie vini fuisset solum sanguis.

Ad tertium dicendum, quod, sicut supra dictum est (quæst. lxxvi. art. 1. ad 1.) anima Christi est in hoc sacramento ex reali concomitantia, quia non est sine corpore; non autem ex vi consecrationis. Et ideo si tunc fuisset hoc sacramentum consecratum, vel peractum, quando anima erat a corpore realiter separata, non fuisset anima Christi sub hoc sacramento, non propter defectum virtutis verborum, sed propter aliam dispositionem rei.

## QUAESTIO LXXXII.

*De ministro huius sacramenti,*

*in decem articulos divisa.*

**D**Einde considerandum est de ministro huius sacramenti: & circa hoc quaeruntur decem.

Primo, utrum consecrare hoc sacramentum sit proprium sacerdotis.

Secundo, utrum plures sacerdotes simul possint eandem hostiam consecrare.

Tertio, utrum dispensatio huius sacramenti pertineat ad solum sacerdotem.

Quarto, utrum liceat sacerdoti consecranti a communione abstinere.

Quinto, utrum sacerdos peccator possit consecrare hoc sacramentum.

Sexto, utrum Missa mali sacerdotis minus valeat quam bona.

Septimo, utrum haeretici, schismatici, vel excommunicati possint consecrare hoc sacramentum.

Octavo, utrum degradari.

Nono, utrum peccent a talibus Communionem recipientes.

Decimo, utrum liceat sacerdoti omnino a celebratione abstinere.

## ARTICULUS I. 494

*Utrum consecratio huius sacramenti sit propria sacerdotis.*

*IV. dist. xiii. art. 1. quæst. 1. & dist. xvii. quæst. iii. art. 3. quæst. 1. cor. & dist. xiv. quæst. ii. art. 1. quæst. 2. cor. & art. 2. ad 2.*

**A**D primum sic proceditur. Videtur quod consecratio huius sacramenti non sit propria sacerdotis. Dictum est enim supra (quæst. lxxviii. art. 4.) quod hoc sacramentum conficitur virtute verborum, quæ sunt forma huius sacramenti. Sed illa verba non mutantur, sive dicantur a sacerdote, sive a quocunque alio. Ergo videtur quod non solus sacerdos, sed etiam quilibet alius possit hoc sacramentum consecrare.

2. Præterea. Sacerdos hoc sacramentum conficit in persona Christi. Sed laicus sanctus est unitus Christo per caritatem. Ergo videtur quod etiam laicus possit hoc sacramentum consecrare: unde & Chrysostomus dicit super Matth. (alius Auctor hom. xliii. in op. imperf. a princ.) quod *omnis sanctus est sacerdos*.

3. Præterea. Sicut baptismus ordinatur ad hominum salutem, ita & hoc sacramentum, sicut ex supradictis patet (quæst. lxxix. art. 1.) Sed etiam laicus potest baptizare, ut supra dictum est (quæst. lxxvii. art. 3.) Non ergo est proprium sacerdotis consecrare hoc sacramentum.

4. Præterea. Hoc sacramentum perficitur in consecratione materiz. Sed alias materias consecrare, scilicet christi, & oleum sanctum, & oleum benedictum, pertinet ad solum Episcopum; quarum tamen consecratio non est tantæ dignitatis, sicut consecratio Eucharistiz, in qua est totus Christus. Ergo non est proprium sacerdotis, sed solius Episcopi hoc sacramentum consecrare.

Sed contra est quod Ildorus dicit in quadam epistola (ad Laudefred. quæ habet post)

post Concil. Tolet. VIII.) & habetur in Decret. dist. xxv. (cap. *Perleſſis*.) *Ad presbyterum pertinet sacramentum corporis, & sanguinis Domini in altari Dei consecrare.*

Respondeo dicendum, quod, sicut supra dictum est (quæst. lxxviii. art. 1. & 4.) hoc sacramentum est tantæ dignitatis quod non conficitur nisi in persona Christi. Quicumque autem aliquid agit in persona alterius, oportet hoc fieri per potestatem ab illo concessam. Sicut autem baptizato conceditur a Christo potestas lumendi hoc sacramentum; ita sacerdoti, cum ordinatur, confertur potestas hoc sacramentum consecrandi in persona Christi. Per hoc enim ponitur in gradu eorum quibus dictum est a Domino Lucæ xxi. 19. *Hoc facite in meam commemorationem.*

Et ideo dicendum est, quod proprium est sacerdotum consecrare hoc sacramentum.

Ad primum ergo dicendum, quod virtus sacramentalis in pluribus consistit, & non in uno tantum, sicut virtus baptismi consistit in ipsis verbis, & in aqua. Unde & virtus consecratoria non solum consistit in ipsis verbis, sed etiam in potestate sacerdoti tradita in sua consecratione, & ordinatione, cum ei dicitur ab Episcopo: *Accipe potestatem offerendi in Ecclesia sacrificium tam pro vivis, quam pro mortuis.* Nam & virtus instrumentalis in pluribus instrumentis consistit, per quæ agit principale agens.

Ad secundum dicendum, quod laicus iustus unitus est Christo unione spiritali per fidem, & caritatem, non autem per sacramentalem potestatem: & ideo habet spirituale sacerdotium ad offerendum spirituales hostias, de quibus dicitur in Plal. l. 19. *Sacrificium Deo spiritus contribulatus*: & Rom. xii. 1. *Exhibentis corpora vestra hostiam viventem.* Unde & I. Petri ii. 5. dicitur: *Sacerdotium sanctorum, offerre spirituales hostias.*

Ad tertium dicendum, quod perceptio huius sacramenti non est tantæ necessitatis, sicut perceptio baptismi, ut ex supradictis patet (quæst. lxxiii. art. 3. & quæst. lxxx. art. 1. ad 2.) Et ideo licet in necessitate articulo laicus possit baptizare, non tamen potest hoc sacramentum consecrare.

Ad quartum dicendum, quod Episcopus accipit potestatem ut agat in persona Christi super corpus eius mysticum, id est super Ecclesiam: quam quidem potestatem non accipit sacerdos in sua con-

secratione, licet possit eam habere ex Episcopi commissione. Et ideo ea quæ non pertinent ad dispositionem corporis mystici, non reservantur Episcopo, sicut consecratio huius sacramenti. Ad Episcopum vero pertinet tradere non solum populo, sed etiam sacerdotibus ea ex quibus possunt propriis officiis uti. Et quia benedictio chrismatum, & olei sancti, & olei infirmorum, & aliorum quæ consecrantur, puta altaris, Ecclesiæ, vestium, & valorum, præstat quamdam idoneitatem ad sacramenta perficienda, quæ pertinent ad officium sacerdotum; ideo tales consecrationes Episcopo reservantur, tamquam principi totius ecclesiastici ordinis.

## ARTICULUS II. 495

*Utrum plures sacerdotes possint unam & eandem hostiam consecrare.*

*IV. dist. xlii. quæst. 1. art. 2. quæst. 1.*

**A**D secundum sic proceditur. Videtur quod plures sacerdotes non possint unam & eandem hostiam consecrare. Dictum est enim supra (quæst. lxxvii. art. 6.) quod plures non possunt simul unum baptizare. Sed non minor vis est sacerdotis consecrantis quam hominis baptizantis. Ergo etiam non possunt simul plures unam hostiam consecrare.

2. Præterea. Quod potest fieri per unum, superflue fit per multos. In sacramentis autem nihil debet esse superfluum. Cum ergo unus sufficiat ad consecrandum, videtur quod plures non possint unam hostiam consecrare.

3. Præterea. Sicut dicit Augustinus super Ioan. (tract. xxv. inter med. & fin.) hoc sacramentum est *sacramentum unitatis*. Sed contrarium unitati esse videtur multitudo. Ergo non videtur conveniens esse huic sacramento quod plures sacerdotes eandem hostiam consecrent.

Sed contra est quod secundum consuetudinem quarundam Ecclesiarum sacerdotes, cum de novo ordinantur, concelebrant Episcopo ordinanti.

Respondeo dicendum, quod, sicut dictum est (art. præc.) sacerdos, cum ordinatur, constituitur in gradu eorum qui a Domino acceperunt potestatem consecrandi in cena. Et ideo secundum consuetudinem quarundam Ecclesiarum, sicut Apostoli Christo cœnanti cœnava-



verunt, ita novi ordinati Episcopo ordinanti concelebant.

Nec propter hoc iteratur consecratio super eandem hostiam: quia, sicut Innocentius III. dicit (Lib. IV. de myst. Missæ cap. xxv. in med.) *omnium intentio debet ferri ad idem instant consecrationis.*

Ad primum ergo dicendum, quod Christus non legitur simul baptizasse cum Apostolis, quando iniunxit eis officium baptizandi: & ideo non est similis ratio.

Ad secundum dicendum, quod si quilibet sacerdotum operaretur in virtute propria, superfluerent alii celebrantes, uno sufficienter celebrante. Sed quia sacerdos non consecrat nisi in persona Christi, multi autem sunt unum in Christo: ideo non refert utrum per unum, aut per multos hoc sacramentum consecretur, nisi quod oportet ritum Ecclesiæ servari.

Ad tertium dicendum, quod Eucharistia est sacramentum unitatis ecclesiasticæ, quæ attenditur secundum hoc quod multi tunc unum in Christo.

### ARTICULUS III. 496

*Utrum dispensatio huius sacramenti pertineat solum ad sacerdotem.*

*IV. dist. xi. quæst. 11. art. 1. quæst. 1. ad 3. & dist. xiii. quæst. 1. art. 3. quæst. 1. & 2.*

**A**D tertium sic proceditur. Videtur quod non pertineat solum ad sacerdotem dispensatio huius sacramenti. Sanguis enim Christi non minus pertinet ad hoc sacramentum quam corpus. Sed sanguis Christi dispensatur per diaconos: unde & beatus Laurentius dixit beato Sixto: *Experire, utrum idoneum ministrum elegeris, cui commissum dominici sanguinis dispensationem.* Ergo & pari ratione dispensatio corporis Christi non pertinet ad solos sacerdotes.

2. Præterea. Sacerdotes constituuntur ministri sacramentorum. Sed hoc sacramentum percipitur in consecratione materiarum, non in usu, ad quem pertinet dispensatio. Ergo videtur quod non pertineat ad sacerdotem corpus Domini dispensare.

3. Præterea. Dionysius dicit in Lib. ecclesiæ Hier. (cap. 111. a princ. & cap. 14.) quod hoc sacramentum habet perfectivam virtutem, sicut & christma. Sed signare christmate baptizatos non perti-

net ad sacerdotem, sed ad Episcopum. Ergo etiam dispensare hoc sacramentum pertinet ad Episcopum, non ad sacerdotem.

Sed contra est quod dicitur de consecr. dist. xii. (cap. xxvii.) *Peruenit ad notitiam nostram quod quidam presbyteri laico, aut femina corpus Domini tradunt ad deferendum infirmis. Igitur interdicat synodus ne talis præsumptio ulterius fiat, sed presbyter per semetipsum infirmos communicet.*

Respondeo dicendum, quod ad sacerdotem pertinet dispensatio corporis Christi, propter tria.

Primo quidem quia, sicut dictum est (art. 1. huius quæst.) ipse consecrat in persona Christi. Ipse autem Christus sicut consecravit corpus suum in cena, ita & aliis sumendum dedit. Unde licet ad sacerdotem pertinet consecratio corporis Christi, ita ad eum pertinet dispensatio. Secundo quia sacerdotes constituitur medius inter Deum & populum: unde sicut ad eum pertinet dona populi Deo offerre, ita ad eum pertinet dona sanctificata divinitus populo tradere. Tertio quia in reverentiam huius sacramenti, a nulla re contingitur nisi consecrata: unde & corporale, & calix consecrantur, & similiter manus sacerdotis, ad tangendum hoc sacramentum: unde nulli alii tangere licet, nisi in necessitate, puta si caderet in terram, vel in aliquo alio necessitatis calu.

Ad primum ergo dicendum, quod diaconus quasi propinquus ordini sacerdotum aliquid participat de eius officio, ut scilicet dispense sanguinem, non autem corpus, nisi in necessitate, inbente Episcopo, vel presbytero. Primo quidem quia sanguis Christi continetur in vase: unde non oportet quod tangatur a dispensante, sicut tangitur corpus Christi. Secundo quia sanguis designat redemptionem a Christo in populum derivaram: unde & sanguini admiscetur aqua, quæ significat populum. Et quia diaconi sunt inter sacerdotem, & populum, magis convenit diaconis dispensatio sanguinis quam dispensatio corporis.

Ad secundum dicendum, quod eiusdem est hoc sacramentum dispensare, & consecrare, ratione iam dicta (in corp. art.)

Ad tertium dicendum, quod sicut diaconus in aliquo participat illuminativam virtutem sacerdotis, in quantum dispensat sanguinem; ita sacerdos participat perfectivam dispensationem Episcopi, in quantum

quantum dispensat hoc sacramentum, quo perficitur homo secundum se per comparationem ad Christum. Aliæ autem perfectiones, quibus homo perficitur per comparationem ad alios, Episcopo relevantur.

# ARTICULUS IV. 497

*Utrum sacerdos consecrans teneatur sumere hoc sacramentum.*

*Sap. quæst. lxxx. art. 12. & IV. dist. xli. quæst. 111. art. 1. quæst. 2.*

**A**D quartum sic proceditur. Videtur quod sacerdos consecrans non teneatur sumere hoc sacramentum. In aliis enim consecrationibus ille qui consecrat materiam, non utitur ea, sicut Episcopus consecrans chrisma non linquit eodem. Sed hoc sacramentum consistit in consecratione materie. Ergo sacerdos perficiens hoc sacramentum non necesse habet uti eodem, sed potest licite a sumptione eius abstinere.

2. Præterea. In aliis sacramentis minister non præbet sacramentum sibi ipsi: nullus enim baptizare potest seipsum, ut supra dictum est (quæst. lxxv. art. 5. ad 4.) Sed sicut baptismus ordinate dispensatur, ita & hoc sacramentum. Ergo sacerdos perficiens hoc sacramentum non debet ipsum sumere a seipso.

3. Præterea. Contingit quandoque quod miraculose corpus Christi in altari appareat sub specie carnis, & sanguis sub specie sanguinis; quæ non sunt apta cibo, & potui: unde, sicut supra dictum est (quæst. lxxv. art. 5.) propter hoc sub alia specie traduntur, ne sint horrori fumentibus. Ergo sacerdos consecrans non semper tenetur sumere hoc sacramentum.

Sed contra est quod in Concilio Toletano (XII. can. v.) legitur, & habetur de consecr. dist. 11. (cap. Relatum:) *Modis omnibus tenendum est, ut quotiescumque sacrificans corpus, & sanguinem Domini nostri Iesu Christi in altari immolat, toties perceptionis corporis, & sanguinis Christi participem se præbeat.*

Respondetur dicendum, quod, sicut supra dictum est (quæst. lxxix. art. 5. & 7.) Eucharistia non solum est sacramentum, sed etiam sacrificium.

Quicumque autem sacrificium offert, debet sacrificii fieri participes: quia exterius sacrificium, quod offertur, signum

est interioris sacrificii, quo quis seipsum offert Deo, ut Augustinus dicit X. de civit. Dei (cap. v.) Unde per hoc quod participat sacrificio, ostendit ad se sacrificium interius pertinere. Similiter etiam per hoc quod sacrificium populo dispensat, ostendit se esse dispensatorem divinorum, quorum ipse primo debet esse particeps, sicut Dionysius dicit in Lib. eccles. hier. (cap. 111. vers. fin.) Et ideo ipse ante sumere debet quam populo dispenset. Unde & in prædicto cap. legitur: *Quale est sacrificium, cui nec ipse sacrificans particeps esse dignoscitur?* Per hoc autem fit particeps quod de sacrificio sumit, secundum illud Apostoli I. Cor. x. 18. *Nonne qui edunt hostias, participes sunt altaris?* Et ideo necesse est quod sacerdos, quotiescumque consecrat, sumat integre hoc sacramentum.

Ad primum ergo dicendum, quod consecratio chrisimatis, vel cuiuscumque alterius materie, non est sacrificium, sicut consecratio Eucharistiæ: & ideo non est similis ratio.

Ad secundum dicendum, quod sacramentum baptismi perficitur in ipso usu materie: & ideo nullus potest baptizare seipsum, quia in sacramento non potest esse idem agens, & patiens. Unde nec in hoc sacramento sacerdos consecrat seipsum, sed panem, & vinum, in qua consecratione perficitur sacramentum. Uius autem sacramenti est consequenter se habens ad hoc sacramentum: & ideo non est simile.

Ad tertium dicendum, quod si miraculose corpus Christi in altari sub specie carnis appareat, aut sanguis sub specie sanguinis, non est sumendum. Dicit enim Origenes super Levit. (implic. hom. v. 11. in Levit. a med. & hab. cap. lxxvi. de consecr. dist. 11.) *De hac quidem hostia, quæ in Christi commemoratione mirabiliter fit, edere licet; de illa vero quam Christus in ara crucis obtulit, secundum se nulli edere licet.* Nec propter hoc sacerdos transgressor efficitur: quia ea quæ miraculose fiunt, legibus non subduntur. Consulendum tamen esset sacerdoti quod iterato corpus, & sanguinem Domini consecraret, & sumeret.

## ARTICULUS V. 498

*Utrum malus sacerdos Eucharistiam consecrare possit.*

*IV. dist. xviii. quest. ii. art. 2. quest. 1. ad 2.*

**A**D quintum sic proceditur. Videtur quod malus sacerdos Eucharistiam consecrare non possit. Dicit enim Hieronymus super Sophon. (sup. illud cap. xii. *Sacerdotes polluerunt*;) *Sacerdotes, qui Eucharistiae serviunt, & sanguinem Domini populis dividunt, impie agunt in lege Christi, putantes Eucharistiam precantibus facere verba, non vitam, & necessariam esse tantum solemnem orationem, (a) & non sacerdotis merita: de quibus dicitur: Sacerdos in quacumque fuerit macula, non accedat offerre oblationes Domino. Sed sacerdos peccator, cum sit maculosus, nec vitam habet, nec merita huic convenientia sacramento. Ergo sacerdos peccator non potest consecrare Eucharistiam.*

2. Præterea. Damascenus dicit in IV. Lib. (orth. Fid. cap. xiv. a med.) quod *pauis, & vinum per adventum sancti Spiritus supernaturaliter transiit in corpus, & sanguinem Domini. Sed Gelasius Papa dicit, sicut habetur in decreto 1. quæst. 1. (cap. Sacrosancta: ) Quomodo ad divini mysterii consecrationem celestis Spiritus invocatus adveniet, si sacerdos, qui cum adesse deprecatur, criminosis plenus actionibus comprobetur? Ergo per malum sacerdotem non potest Eucharistia consecrari.*

3. Præterea. Hoc sacramento sacerdos benedictione consecratur. Sed benedictio sacerdotis peccatoris non est efficax ad consecrationem huius sacramenti; cum scriptum sit Malach. ii. 2. *Malédicam benedictionibus vestris: & Dionysius dicit in epistola ad Demophilum monachum (viii. cir. med.) Perfekte cecidit a sacerdotali ordine, qui non est illuminatus: & audeat quidem nimium mihi videretur talis, sacerdotalibus manum apponens, & audet immundus insanias (non enim dicam orationes) super divina symbola christiformiter enuntiare.*

Sed contra est quod (b) Augustinus (Pascasius) dicit in Lib. de corpore Domini (cap. xii. vide cap. lxxvii. 1. quæst.

1.) *Intra Ecclesiam catholicam, in mysterio corporis, & sanguinis Domini, nihil a bono maius, nihil a malo minus perficitur sacerdote: quia non in merito consecrantis, sed in verbo perficitur Creatoris, & virtute Spiritus sancti.*

Respondeo dicendum, quod, sicut supra dictum est (art. 1. & 3. hu. quæst.) sacerdos consecrat hoc sacramentum non virtute propria, sed sicut minister Christi, in cuius persona consecrat hoc sacramentum. Non autem ex hoc ipso definit aliquis minister esse Christi quod est malus: habet enim Dominus bonos, & malos ministros, seu servos. Unde Matth. xxiv. 45. Dominus dicit: *Quis putas est fidelis servus, & prudens? &c. & postea subdit: Si autem dixit malus iste servus in corde suo &c. Et Apostolus dicit I. Corinth. iv. 1. Sic nos existimet homo, ut ministros Christi: & tamen postea subdit: Nihil mihi conscius sum; sed non in hoc iustificatus sum. Erat ergo certus se esse ministrum Christi; tamen non erat certus se esse iustum. Potest ergo aliquis esse minister Christi, etiam si iustus non sit.*

Et hoc ad excellentiam Christi pertinet, cui, sicut vero Deo, serviunt non solum bona, sed etiam mala, quæ per ipsius providentiam in eius gloriam ordinantur.

Unde manifestum est quod sacerdotes, etiam si non sint iusti, sed peccatores, possunt Eucharistiam consecrare.

Ad primum ergo dicendum, quod Hieronymus per illa verba improbat errorem sacerdotum, qui credebant se digne posse Eucharistiam consecrare, ex hoc solo quod sunt sacerdotes, etiam si sint peccatores; quod improbat Hieronymus per hoc quod maculosi ad altare accedere prohibentur; non tamen removetur qui, si accesserint, sit verum sacrificium quod offerunt.

Ad secundum dicendum, quod ante illa verba Gelasius Papa præmittit: *Sacrosancta religio, quæ catholicam continet disciplinam, tantam sibi reverentiam vendicat, ut ad eam quilibet, nisi pura conscientia, non audeat pervenire. Ex quo manifeste apparet eius intentionem esse quod peccator sacerdos non debet ad hoc sacramentum accedere. Unde per hoc quod subdit, quomodo celestis Spiritus advocatus adveniet? intelligi oportet quod non advenit ex merito sacerdotis, sed*

ex

(a) Ita cum mss. Alcan. aliiq.que Nicolæus, & edit. Clarima. Al. dicit non. (b) Ita cum mss. edit. passim. Edit. Patav. delcto AUGUSTINUS, substituit PASCASIUS, quod D. Thomas non scripsit.

ex virtute Christi, cuius verba profert sacerdos.

Ad tertium dicendum, quod sicut eadem actio, inquantum fit ex prava intentione ministri, potest esse mala; bona autem, inquantum fit ex bona intentione Domini: ita benedictio sacerdotis peccatoris, inquantum ab ipso indigne fit, est maledictione digna, & quasi infamia, sive blasphemia, & non oratio reputatur; inquantum autem profertur ex persona Christi, est sancta, & efficax ad sanctificandum. Unde signanter dicitur: *Maledicam benedictionibus vestris.*

## ARTICULUS VI. 499

*Utrum Missa mali sacerdotis minus valeat quam Missa sacerdotis boni.*

IV. dist. XIII. quæst. 1. art. 1. quæst. 5.

**A**D sextum sic proceditur. Videtur quod Missa sacerdotis mali non minus valeat quam Missa sacerdotis boni. Dicit enim Gregorius in Registro (hab. cap. Multi secularium, 1. quæst. 1.) *Hæc, in quam magnum laqueum incidunt qui divina, & occulta mysteria plus ab aliis sanctificata posse fieri credunt: cum unus idemque Spiritus sanctus ea mysteria occulte, atque invisibiliter operando sanctificet? Sed hæc occulta mysteria celebrantur in Missa. Ergo Missa mali sacerdotis non minus valet quam Missa boni.*

2. Præterea. Sicut baptismus traditur a ministro in virtute Christi, qui baptizat; ita & hoc sacramentum in persona Christi consecratur. Sed non melior baptismus datur a meliori ministro, ut supra dictum est (quæst. lxxv. art. 5. & quæst. lxxvii. art. 5.) Ergo etiam neque melior Missa est quæ celebratur a meliori sacerdote.

3. Præterea. Sicut merita sacerdotum differunt per bonum, & melius, ita etiam differunt per bonum, & malum. Si ergo Missa melioris sacerdotis est melior, sequitur quod Missa mali sacerdotis sit mala: quod est inconveniens: quia *malaria ministrorum non potest redundare in Christi mysteria*, sicut Augustinus dicit in Lib. IV. de Baptismo (scilicet cont. Donarist. cap. xvi. ad fi. & Lib. II. cont. epist. Parmen. cap. xi. & Lib. II. cont. lit. Petil. cap. xlvii.) Ergo neque Missa melioris sacerdotis est melior.

Sed contra est quod habetur in Decret. 1. quæst. 1. (cap. xct.) *Quanto sa-*

*l. Tb. Oper. Tom. XXIV.*

*cerdotes fuerint digniores, tanto facilius in necessitatibus, pro quibus clamant, exaudiuntur.*

Respondeo dicendum, quod in Missa duo est considerare; scilicet ipsum sacramentum, quod est principale; & orationes quæ in Missa fiunt pro vivis, & mortuis.

Quantum ergo ad sacramentum, non minus valet Missa sacerdotis mali quam boni: quia utroque idem conficitur sacramentum.

Oratio etiam quæ fit in Missa, potest considerari dupliciter. Uno modo inquantum habet efficaciam ex devotione sacerdotis orantis: & sic non est dubium quod Missa melioris sacerdotis magis est fructuosa. Alio modo, inquantum oratio in Missa profertur a sacerdote in persona totius Ecclesiæ, cuius sacerdos est minister: quod quidem ministerium etiam in peccatoribus manet, sicut supra dictum est (art. præc.) de ministerio Christi. Unde etiam quantum ad hoc est fructuosa non solum oratio sacerdotis peccatoris in Missa, sed etiam omnes eius orationes quas facit in ecclesiasticis officiis, in quibus gerit personam Ecclesiæ: licet orationes eius privatæ non sint fructuosæ, secundum illud Proverb. xxviii. 9. *Qui declinat aures suas, ne audias legem, oratio eius erit execrabilis.*

Ad primum ergo dicendum, quod Gregorius loquitur ibi quantum ad sanctitatem divini sacramenti.

Ad secundum dicendum, quod in sacramento baptismi non fiunt solennes orationes pro omnibus fidelibus, sicut in Missa. Et ideo quantum ad hoc non est simile; est autem simile quantum ad effectum sacramenti.

Ad tertium dicendum, quod per virtutem Spiritus sancti, qui per unitatem caritatis communicat invicem bona membrorum Christi, fit quod bonum privatum, quod est in Missa sacerdotis boni, est fructuosum aliis; malum autem privatum unius hominis non potest alteri nocere, nisi per aliquem consensum, ut Augustinus dicit in Lib. II. contra Parmenianum (seu cont. epist. Parm. cap. xxi.)

## ARTICULUS VII. 500

*Utrum hæretici, schismatici, & excommunicati possint consecrari.*

*IV. dist. XIII. quæst. 1. art. 1. quæst. 3. & in exp. li. in prin. & dist. XVIII. quæst. 1. art. 2. quæst. 3. ad 2. & dist. XIX. quæst. 1. art. 2. quæst. 3. ad 1. & quæst. XII. art. 16.*

**A**D septimum sic proceditur. Videtur quod hæretici, schismatici, & excommunicati Eucharistiam consecrare non possint. Dicit enim Augustinus (Prosper. in Lib. Sent. Augustini cap. XVI.) quod *extra Ecclesiam catholicam non est locus veri sacrificii*: & Leo Papa dicit (epist. XI. cap. II.) & habetur in Decretis I. quæst. 1. (cap. LXVIII.) *Aliter*, scilicet quam in Ecclesia, quæ corpus Christi est, *nec rata sunt sacerdotia, nec vera sacrificia*. Sed hæretici, schismatici, & excommunicati sunt ab Ecclesia separati. Ergo non possunt verum sacrificium consecrare.

2. Præterea. Sicut ibidem legitur (cap. LXXXII. I. quæst. 1.) Innocentius I. Papa (epist. XVIII. a med.) dicit: *Arianos, ceterasque eiusmodi pestes, quia laicorum sub imagine pœnitentie suscepimus, non videtur clericos eorum cum sacerdotii, aut cuiuspiam ministerii suscipi debere dignitate, quibus solum baptismus ratum esse permittimus*. Sed non potest aliquis consecrare Eucharistiam, nisi sit cum sacerdotii dignitate. Ergo hæretici, & ceteri huiusmodi non possunt Eucharistiam consecrare.

3. Præterea. Ille qui est extra Ecclesiam, non videtur aliquid posse agere in persona totius Ecclesiæ. Sed sacerdos consecrans Eucharistiam hoc agit in persona totius Ecclesiæ; quod patet ex hoc quod omnes orationes proponit in persona Ecclesiæ. Ergo videtur quod illi qui sunt extra Ecclesiam, scilicet hæretici, schismatici, & excommunicati, non possint consecrare Eucharistiam.

Sed contra est quod Augustinus dicit in II. contra Parmenianum (cap. XIII. ante med.), *Sicut baptizamus in eis*, scilicet hæreticis, schismaticis, & excommunicatis, *ita ordinatio mansit integra*. Sed ex vi ordinationis sacerdos potest consecrare Eucharistiam. Ergo hæretici, schismatici, & excommunicati, cum in eis maneat ordinatio integra, videtur quod possint consecrare Eucharistiam.

Respondeo dicendum, quod quidam dixerunt, quod hæretici, schismatici, & excommunicati, quia sunt extra Ecclesiam, non possunt consecrare hoc sacramentum.

Sec in hoc decipiuntur: quia, sicut Augustinus dicit in II. contra Parmenianum (loc. cit.) *aliud est aliquid omnino non habere, aliud autem non recte habere*: & similiter etiam est aliud non dare, & aliud non recte dare. Illi igitur qui intra Ecclesiam constituti receperunt potestatem consecrandi Eucharistiam in ordinatione sacerdotii, recte quidem habent potestatem, sed non recte ea utuntur, si postmodum per hæresim, aut schisma, vel excommunicationem ab Ecclesia separantur. Qui autem sic separati ordinantur, nec recte habent potestatem, nec recte utuntur. Quod tamen utrique potestatem habeant, patet per hoc quod, sicut Augustinus ibidem dicit, cum redeunt ad unitatem Ecclesiæ, non reordinantur, sed recipiuntur in suis ordinibus. Et quia consecratio Eucharistiæ est actus consequens ordinis potestatem, illi qui sunt ab Ecclesia separati per hæresim, aut schisma, vel excommunicationem, possunt quidem consecrare Eucharistiam, quæ ab eis consecrata verum corpus, & sanguinem Christi continet; non tamen hoc recte faciunt, sed peccant facientes: & ideo fructum sacrificii non percipiunt, quod est sacrificium spirituale.

Ad primum ergo dicendum, quod auctoritates illæ, & similes intelligentæ sunt quantum ad hoc quod non recte extra Ecclesiam sacrificium offertur. Unde extra Ecclesiam non potest esse spirituale sacrificium, quod est verum veritate fructus, licet sit verum veritate sacramenti; sicut etiam supra dictum est (quæst. LXXX. art. 3.) quod peccator sumit corpus Christi sacramentaliter, sed non spiritualiter.

Ad secundum dicendum, quod solum baptismus permittitur esse ratus hæreticis, & schismaticis, quia possunt licite baptizari in articulo necessitatis; in nullo autem casu licite possunt Eucharistiam consecrare, vel alia sacramenta conferre.

Ad tertium dicendum, quod sacerdos in Missa in orationibus quidem loquitur in persona Ecclesiæ, in cuius unitate consistit; sed in consecratione sacramenti loquitur in persona Christi, cuius vicem in hoc gerit per ordinis potestatem.

Et

Et ideo si sacerdos ab unitate Ecclesiae præcilius Missam celebret, quia potestatem ordinis non amittit, consecrat verum corpus, & sanguinem Christi; sed quia est ab Ecclesiae unitate separatus, orationes eius efficaciam non habent.

ARTICULUS VIII. 501

*Utrum sacerdos degradatus possit hoc sacramentum conficere.*

*IV. dist. XIII. quæst. II. art. I. quæst. 4. & quol. XII. art. 16.*

**A**D octavum sic proceditur. Videtur quod sacerdos degradatus non possit hoc sacramentum conficere. Nullus enim conicit hoc sacramentum nisi per potestatem consecrandi quam habet. Sed degradatus non habet potestatem consecrandi, licet habeat potestatem baptizandi, ut dicit canon 1. quæst. 1. cap. *Quod quidam* (in appendice Gratiani ad canon. illud.) Ergo videtur quod presbyter degradatus non possit Eucharistiam consecrare.

2. Præterea. Ille qui aliquid dat, potest etiam auferre. Sed Episcopus dat presbytero potestatem consecrandi, ordinando ipsum. Ergo etiam potest ei auferre degradando eum.

3. Præterea. Sacerdos per degradationem aut amittit potestatem consecrandi, aut solam executionem. Sed non solam executionem: quia sic non plus amitteret degradatus quam excommunicatus, qui etiam executione caret. Ergo videtur quod amittat potestatem consecrandi: & ita videtur quod non possit conficere hoc sacramentum.

Sed contra est quod Augustinus in II. contra Parmenianum (cap. XIII.) probat, quod apostata a fide non carent baptismate, per hoc quod per prænitentiam redeuntibus non restituitur: & ideo amitti non posse iudicatur. Sed similiter degradatus, si reconciliatur, non est iterum ordinandus. Ergo non amittit potestatem consecrandi: & ita sacerdos degradatus potest conficere hoc sacramentum.

Respondendo dicendum, quod potestas consecrandi Eucharistiam pertinet ad characterem sacerdotalis ordinis. Character autem quilibet, quia cum quadam consecratione datur, indelebilis est, ut supra dictum est (quæst. LXXIII. art. 5.) sic ut & quarumcumque rerum consecratio-

nes perpetuæ sunt, nec amitti, nec reiterari possunt. Unde manifestum est quod potestas consecrandi non amittitur per degradationem. Dicit enim Augustinus in II. contra Parmenianum (cap. XIII. ante med.) *Utrumque, scilicet baptismus, & ordo, sacramentum est, & quadam consecratione utrumque homini datur; illud, cum baptizatur; istud, cum ordinatur: ideoque non licet a Catholicis utrumque iterari.* Et sic patet quod sacerdos degradatus potest conficere hoc sacramentum.

Ad primum ergo dicendum, quod canon ille non loquitur assertive, sed inquisitive, sicut ex circumstantia litterarum haberi potest.

Ad secundum dicendum, quod Episcopus non dat potestatem sacerdotalis ordinis propria virtute, sed instrumenta-liter, sicut minister Dei; cuius effectus per hominem tolli non potest, secundum illud Matth. XIX. 6. *Quod Deus coniunxit, homo non separet.* Et ideo Episcopus non potest hanc potestatem auferre; sicut nec ille qui baptizat, potest auferre characterem baptismalem.

Ad tertium dicendum, quod excommunicatio est medicinalis. Et ideo excommunicatis non auferitur executio sacerdotalis potestatis, quali in perpetuum, sed ad correctionem usque ad tempus, degradatis autem auferitur executio, quali in perpetuum condemnatis.

ARTICULUS IX. 512

*Utrum liceat ab excommunicatis, vel hæreticis, seu peccatoribus Communionem recipere, & eorum Missam audire.*

*Sup. quæst. LXIV. art. 9. ad 2. & 3. & IV. dist. XIII. quæst. I. art. 3. quæst. 3.*

**A**D nonum sic proceditur. Videtur quod aliquis licite possit Communionem recipere a sacerdotibus hæreticis, vel excommunicatis, vel etiam peccatoribus, & ab eis Missam audire. Sicut enim Augustinus contra Petilianum (Lib. III. cap. IX. in fi. vide cap. *Neque in homine*, 1. quæst. 1.) dicit, *neque in homine bono, neque in homine malo aliquis Dei fruiat sacramenta.* Sed sacerdotes, quamvis sint peccatores, & hæretici, vel excommunicati, verum conficiunt sacramentum. Ergo videtur quod non sit vitandum ab eis Communionem

accipere, vel eorum Missam audire.

2. Præterea. Corpus Christi verum figurativum est corporis mystici, sicut supra dictum est (quæst. lxxx. art. 4.) Sed a prædictis sacerdotibus verum corpus Christi consecratur. Ergo videtur quod illi qui sunt de corpore mystico, possint eorum sacrificiis communicare.

3. Præterea. Multa peccata sunt graviora quam fornicatio. Sed non est prohibitum audire Missas sacerdotum aliter peccantium. Ergo etiam non debet esse prohibitum audire Missas sacerdotum fornicationum.

Sed contra est quod Canon dicit xxxi. dist. (cap. v.) *Nullus Missam audiat sacerdos quem indubitanter concubinam noviter habere: & Gregorius dicit in III Dialogum (cap. xxxi. parum a princ.) quod pater persequens Arianum Episcopum misit ad filium, ut de eius manu sacrilegæ consecrationis Communionem perciperet. Sed vir Deo deditus Arianum Episcopum venienti exprobravit, ut debuit.*

Respondeo dicendum, quod, sicut supra dictum est (art. 7. & 8. præc.) sacerdotes, si sint hæretici, vel schismatici, vel excommunicati, vel etiam peccatores, quamvis habeant potestatem consecrandi Eucharistiam, non tamen ea recte utuntur, sed peccant utentes. Qui cumque autem communicat alicui in peccato, ipse participes peccati efficitur. Unde & in II. Canonica Ioannis. ii. dicitur, quod *qui dixerit ei, Ave*, scilicet hæretico, *communicat operibus illius malignis*. Et ideo non licet a prædictis Communionem accipere, aut eorum Missam audire.

Differt tamen inter prædictas sectas. Nam hæretici, & schismatici, & excommunicati sunt per sententiam Ecclesiæ executione consecrandi privati. Et ideo peccat quicumque eorum Missam audit, vel ab eis accipit sacramenta. Sed non omnes peccatores sunt per sententiam Ecclesiæ executione huius potestatis privati. Et sic quamvis sint suspensi quantum ad se ex sententia divina, non tamen quantum ad alios ex sententia Ecclesiæ. Et ideo usque ad sententiam Ecclesiæ licet ab eis Communionem accipere, & eorum Missam audire. Unde super illud I. Corinth. v. *Cum huiusmodi nec cibum sumere*, dicit Glossa Augustini (hom. ult. inter I. a med.) „Hoc, dicendo noluit hominem ab homine, iudicari ex arbitrio suspensionis, vel

etiam extraordinario usurpato iudicio, sed potius ex lege Dei, secundum ordinem Ecclesiæ, live ultro consensum, live accusatum, & convictum.“

Ad primum ergo dicendum, quod in hoc quod refugimus audire Missas talium sacerdotum, aut ab eis Communionem accipere, non refugimus Dei sacramenta, sed potius ea veneramur: (unde hostia a talibus sacerdotibus consecrata est adoranda; & si reverteretur, licite potest sumi a sacerdote legitimo;) sed refugimus culpam inigne ministrantium.

Ad secundum dicendum, quod unitas corporis mystici est fructus corporis veri percepti: Illi autem qui indigne percipiunt, vel ministrant, privantur fructu, ut supra dictum est (art. 7. hu. quæst. & quæst. lxxx. art. 4.) Et ideo non est sumendum ex eorum dispensatione sacramentum ab eis (a) qui sunt in unitate Ecclesiæ.

Ad tertium dicendum, quod licet fornicatio non sit gravior ceteris peccatis, tamen ad eam priorior sunt homines propter carnis concupiscentiam. Et ideo specialiter hoc peccatum sacerdotibus prohibitum est ab Ecclesia, & ne aliquis audiat Missam concubinarij sacerdotis. Sed hoc intelligendum est de notorio, vel per sententiam quæ fertur in convictum, vel per confessionem in iure factam, vel per evidentiam facti, quando non potest peccatum aliqua tergiversatione celari.

## ARTICULUS X. 503

*Utrum liceat sacerdoti omnino a consecratione Eucharistiæ abstinere.*

*IV. dist. xii. quæst. iiii. art. 2. quæst. 3. & dist. xlii. quæst. i. art. 3. quæst. i.*

**A**D decimum sic proceditur. Videtur quod liceat sacerdoti omnino a consecratione Eucharistiæ abstinere. Sicut enim ad officium sacerdotis pertinet Eucharistiam consecrare, ita etiam baptizare, & in aliis sacramentis ministrare. Sed sacerdos non tenetur ministrare in aliis sacramentis, nisi propter curam animarum suscepit. Ergo videtur quod nec etiam teneatur Eucharistiam consecrare, si curam non habeat animarum.

2. Præterea. Nullus tenetur facere quod sibi non licet; alioquin esset perplexus. Sed sacerdoti peccatori, vel etiam

(a) Ita est: & adici possim, *ut, perperam qui non sunt,*

iam excommunicato non licet Eucharistiam consecrare, ut supra dictum est (art. 7. hu. quaest.). Ergo videtur quod tales non teneantur ad celebrandum, & ita nec alii: alioquin ex sua culpa commodum reportarent.

3. Præterea. Dignitas sacerdotalis non perditur per subsequentem infirmitatem: dicit enim Gelasius Papa, & habetur in Decretis dist. lv. (cap. xxi.). *Sicut præcepta canonica non patiuntur venire ad sacerdotium debiles corpore; ita si quis in eo fuerit confectus, ac tunc fuerit sanatus, amittere non potest quod tempore suæ sinceritatis accepit.* Contingit autem quandoque quod ordinati in sacerdotes incurrant aliquos defectus, ex quibus a celebratione impediuntur, sicut est lepra, vel morbus caducus, vel aliquid aliud huiusmodi. Non ergo videtur quod sacerdotes ad celebrandum teneantur.

Sed contra est quod dicit Ambrosius in quajam oratione: *Grave est quod ad mensam tuam mundo corde, & manibus innocentibus non venimus; sed gravius est, si dum peccata metumus, etiam sacrificium non reddamus.*

Respondet dicendum, quod quidam dixerunt, quod sacerdos potest omnino a consecratione licite abstinere, nisi teneatur ex cura sibi commissa celebrare populo, & sacramenta præbere.

Sed hoc irrationabiliter dicitur: quia unusquisque tenetur uti gratia sibi data, cum fuerit opportunum, secundum illud II. ad Corinth. vi. 1. *Exhortamur ne in vacuum gratiam Dei recipiatis.* Opportunitas autem sacrificium offerendi non solum attenditur per comparisonem ad fideles Christi, quibus oportet sacramenta ministrari, sed principaliter per comparisonem ad Deum, cui consecratione huius sacramenti sacrificium offertur. Unde sacerdoti, etiam si non habeat curam animarum, non licet omnino a celebratione cessare; sed saltem videtur quod celebrare teneatur in præcipuis festis, & maxime in illis diebus in quibus fideles communicare consueverunt. Et hinc est quod II. Machab. iv. 14. contra quosdam sacerdotes dicitur, quod iam non circa altaris officia dediti erant, contempto templo, & sacrificiis neglectis.

Ad primum ergo dicendum, quod alia sacramenta perticiuntur in usu fidelium: & ideo in aliis ministrare non tenetur nisi ille qui super fideles suscipit curam. Sed hoc sacramentum perficitur in con-

secratione Eucharistiæ, in qua sacrificium Deo offertur, ad quod sacerdos obligatur Deo ex ordine iam suscepto.

Ad secundum dicendum, quod sacerdos peccator, si per sententiam Ecclesiæ sit executione ordinis privatus vel simpliciter, vel ad tempus, redditus est impotens ad sacrificium offerendum: & ideo obligatio tollitur. Hoc autem cedit sibi in detrimentum spiritualis fructus magis quam in emolumentum. Si vero non sit privatus potestate celebrandi, non solvitur obligatio: nec tamen perplexus est, quia potest de peccato poenitere, & celebrare.

Ad tertium dicendum, quod debilitas, vel agritudo superveniens ordini sacerdotali ordinem non tollit; executionem tamen ordinis (a) impedit quantum ad consecrationem Eucharistiæ: quandoque quidem propter impossibilitatem executionis, sicut si privetur oculis, aut digitis, aut usu linguæ; quandoque autem propter periculum, sicut patet de eo qui patitur morbum caducum, vel etiam quaecumque alienationem mentis; quandoque propter abominationem, sicut patet de leproso, qui non debet publice celebrare; potest tamen Missam dicere occulte, nisi lepra adeo invaluerit quod per corrosionem membrorum eum ad hoc reddiderit impotentem.

## QUAESTIO LXXXIII.

*De ritu huius sacramenti,*

*in sex articulos divisa.*

**D**Einde considerandum est de ritu huius sacramenti: & circa hoc quaeruntur sex.

Primo, utrum in celebratione huius mysterii Christus immoletur.

Secundo de tempore celebrationis.

Tertio de loco, & aliis quæ pertinent ad apparatus huius celebrationis.

Quarto de his quæ in celebratione huius mysterii dicuntur.

Quinto de his quæ circa celebrationem huius sacramenti fiunt.

Sexto de defectibus qui circa celebrationem huius sacramenti occurrunt.



## ARTICULUS I. 504

*Utrum in hoc sacramento Christus immoletur.*

*Inf. art. 2. cor. & ad 1. & 2.*

**A**D primum sic proceditur. Videtur quod in celebratione huius sacramenti Christus non immoletur. Dicitur enim Hebr. x. 14. quod *Christus una oblatione consummavit in sempiternum sanctificatos*. Sed illa oblatio fuit eius immolatio. Christus ergo non immoletur in celebratione huius sacramenti.

2. Præterea. Immolatio Christi facta est in cruce, in qua *tradidit semetipsum oblationem, & hostiam Deo in odorem suavitatis*, ut dicitur Ephes. v. 2. Sed in celebratione huius mysterii Christus non crucifigitur. Ergo nec immoletur.

3. Præterea. Sicut Augustinus dicit in IV. Libro de Trin. (cap. vii. in princ. & cap. xiv. in fin.) *in immolatione Christi idem est sacerdos, & hostia*. Sed in celebratione huius sacramenti non est idem sacerdos, & hostia. Ergo celebratio huius sacramenti non est Christi immolatio.

Sed contra est quod Augustinus dicit in Lib. sent. Prosperi (sive Prosperi in Lib. sent. Augustini: vide cap. lxi. de consecrat. dist. 11.) *Semel immolatus est in semetipso Christus; & tamen quotidie immoletur in sacramento*.

Respondetur dicendum, quod duplici ratione celebratio huius sacramenti dicitur immolatio Christi. Primo quidem quia, sicut dicit Augustinus ad Simplicianum (Lib. II. quæst. xii. ante med.) *solens imagines earum rerum nominibus appellari quarum imagines sunt; sicut cum invenient tabulam, aut parietem pictum dicimus: Ille Cicero est, & ille Sallustius*. Celebratio autem huius sacramenti, sicut supra dictum est (quæst. lxxix. art. 1.) imago quædam est repræsentativa passionis Christi; quæ est vera eius immolatio. Et ideo celebratio huius sacramenti dicitur Christi immolatio. Unde Ambrosius dicit super epist. ad Hebr. (sup. illud cap. x. *Umbra enim &c.*) *In Christo semel oblata est hostia, ad salutem sempiternam potens: quid ergo nos? nonne per singulos dies offerimus? sed ad recordationem mortis eius*.

Alio modo quantum ad effectum passionis Christi, quia scilicet per hoc sa-

cramentum participes efficiuntur fructus dominicæ passionis. Unde in quadam dominicali oratione secreta dicitur: *Quoties huius hostie commemoratio celebratur, opus nostræ redemptionis exercetur*. Quantum igitur ad primum modum, poterat dici Christus immolari etiam in figuris veteris Testamenti. Unde & Apoc. xiii. 8. dicitur: *Quorum nomina non sunt scripta in libro vite agni, qui occisus est ab origine mundi*. Sed quantum ad secundum modum, proprium est huic sacramento quod in eius celebratione Christus immoletur.

Ad primum ergo dicendum, quod, sicut Ambrosius ibidem dicit, *una est hostia*, quam scilicet Christus obtulit, & nos offerimus, *& non multe, quia semel oblatus est Christus*. Hoc autem sacrificium exemplum est illius. Sicut enim quod ubique offertur, unum est corpus, & non multa corpora; ita & unum sacrificium.

Ad secundum dicendum, quod sicut celebratio huius sacramenti est imago repræsentativa passionis Christi; ita altare est repræsentativum crucis ipsius, in qua Christus in propria specie immolatus est.

Ad tertium dicendum, quod per eandem rationem etiam sacerdos gerit imaginem Christi, in cuius persona, & virtute verba pronuntiat ad consecrandum, ut ex supradictis patet (quæst. præc. art. 1. & 3.) Et ita quodammodo idem est sacerdos, & hostia.

## ARTICULUS II. 505

*Utrum convenienter sit determinatum tempus celebrationis.*

*IV. dist. xiii. quæst. 1. art. 2. quæst. 4.*

**A**D secundum sic proceditur. Videtur quod inconvenienter sit determinatum tempus celebrationis huius mysterii. Hoc enim sacramentum est repræsentativum dominicæ passionis, ut dictum est (art. præc.) Sed commemoratio dominicæ passionis fit in Ecclesia semel in anno: dicit enim Augustinus super Psal. xxi. (in præfat. ad exposit. 11. eius Psal. cir. princ.) *Quotiescumque Pascha celebratur, numquid toties Christus occiditur? sed tamen anniversaria recordatio repræsentat quod olim factum est; & sic nos facit moveri, tamquam videamus in cruce pendentem Dominum*. Ergo hoc sa-

cræ-

cramentum non debet celebrari nisi semel in anno.

2. Præterea. Passio Christi commemoratur in Ecclesia sexta feria ante Pascha, non autem in festo Natalis. Cum ergo hoc sacramentum sit commemorativum dominicæ passionis, videtur inconveniens esse quod in die Natalis ter celebretur hoc sacramentum, in Parasceve autem totaliter intermittatur.

3. Præterea. In celebratione huius sacramenti Ecclesia debet imitari institutionem Christi. Sed Christus consecravit hoc sacramentum hora serotina. Ergo videtur quod hora tali debeat hoc sacramentum celebrari.

4. Præterea. Sicut habetur de consecrat. ult. 1. (cap. II.) Leo Papa scribit Diotyro Alexandrino Episcopo (epist. lxxx. sub fin.) quod in prima parte diei Missas celebrare licet. Sed dies incipit a media nocte, ut supra dictum est (quæst. lxxx. art. 8. ad 5.) Ergo videtur quod etiam post mediam noctem liceat celebrare.

5. Præterea. In quadam dominicali oratione iocretur dicitur: *Concede nobis Domine, quæsumus, hæc frequentare mysteria*. Sed maior erit frequentia, si etiam pluribus horis in die sacerdos celebret. Ergo videtur quod non debeat prohiberi sacerdos pluries celebrare in die.

Sed contra est consuetudo quam servat Ecclesia secundum Canonum statuta.

Respondetur dicendum, quod, sicut dictum est (art. præc.) in celebratione huius mysterii attenditur representatio dominicæ passionis, & participatio fructus eius. Et secundum utrumque oportuit determinare tempus aptum celebrationi huius sacramenti. Quia enim fructus dominicæ passionis quotidie indigemus propter quotidianos defectus, quotidie in Ecclesia regulariter hoc sacramentum offertur. Unde & Dominus nos petere docet Luc. xi. 3. *Panem nostrum quotidianum da nobis hodie*: quod exponens Augustinus in Lib. de verbis Dom. (serm. xxxviii. a med.) dicit: „Si quotidianus est panis, cur post annum illum sumas, quemadmodum Græci in Oriente, facere consueverunt? Accipe quotidie, quod quotidie tibi proficit.“

Quia vero dominica passio celebrata est a tertia hora usque ad nonam, ideo regulariter in illa parte diei solemniter hoc sacramentum in Ecclesia celebratur.

Ad primum ergo dicendum, quod in hoc sacramento recolitur passio Christi, secundum quod eius effectus ad fideles derivatur; sed tempore passionis recolitur passio Christi solum secundum hoc quod in ipso capite nostro fuit perfecta: quod quidem factum est semel; quotidie autem fructum dominicæ passionis fideles percipiunt: & ideo illa commemoratio fit semel in anno, hoc autem quotidie & propter fructum, & propter iugem memoriam.

Ad secundum dicendum, quod veniente veritate, cessat figura. Hoc autem sacramentum est figura quadam, & exemplum dominicæ passionis, sicut dictum est (in corp. art.) Et ideo in die quo ipsa passio Domini recolitur, prout realiter gesta est, non celebratur consecratio huius sacramenti. Ne tamen Ecclesia ea etiam die sit sine fructu passionis per hoc sacramentum nobis exhibito, corpus Christi consecratum die præcedenti reservatur sumendum in illo die; non autem sanguis, propter periculum, & quia sanguis specialius est imago dominicæ passionis, ut supra dictum est (quæst. lxxviii. art. 3. ad 2.) Nec verum est quod quidam dicunt, quod per immersionem particulæ corporis Christi in vinum convertatur vinum in sanguinem. Hoc enim aliter fieri non potest quam per consecrationem factam sub debita forma verborum. In die autem Nativitatis plures Missæ celebrantur propter triplicem Christi nativitatem. Quarum una est æterna, quæ quantum ad nos est occulta: & ideo una Missa cantatur in nocte, in cuius introitu dicitur: *Dominus dixit ad me: Filius meus es tu: ego hodie genui te*. Alia autem est temporalis, sed spiritalis, qua scilicet Christus oritur, tamquam *lucifer in cordibus nostris*, ut dicitur II Petr. 1. & propter hoc cantatur Missa in aurosa, in cuius introitu dicitur: *Lux fulgebit hodie super nos*. Tertia est Christi nativitas temporalis, & corporalis, secundum quam visibilis nobis processit ex utero virginali, carne indutus: & ob hoc cantatur tertia Missa in clara luce, in cuius introitu dicitur: *Puer natus est nobis*. Licet e converso possit dici, quod nativitas æterna secundum se est in plena luce: & ob hoc in Evangelio tertiæ Missæ fit mentio de nativitate æterna. Secundum autem nativitatem corporalem ad litteram natus est de nocte, in signum quod veniebat ad tenebras iniquitatis nostræ:

unde & in Missa nocturna dicitur Evangelium de corporali Christi nativitate. Sic etiam in alijs diebus, in quibus occurrunt plura Dei beneficia vel recolenda, vel expetenda, plures Missae celebrantur in die, puta una pro festo, & alia pro ieiunio, vel pro mortuis.

Ad tertium dicendum, quod, sicut dictum est superius (quaest. lxxxiii. art. 5.) Christus voluit ultimo hoc sacramentum discipulis suis tradere, ut fortius eorum cordibus imprimeretur: & ideo post cenam in fine diei hoc sacramentum consecravit, & discipulis suis tradidit. A nobis tamen celebratur hora dominicae passionis, scilicet diebus festis in tertia, quando crucifixus est linguis ludaeorum, ut dicitur Mar. xv. & quando Spiritus sanctus descendit super discipulos; vel diebus profectis in sexta, quando crucifixus est manibus militum, ut habetur Ioan. xix. vel diebus ieiuniorum in nona, quando voce magna clamans emisit spiritum, ut dicitur Matth. xxvii. Potest tamen tardari, maxime quando sunt ordines faciendi, & praecipue in Sabbato sancto, tum propter prolixitatem officii, tum quia ordines pertinent ad diem dominicam, ut habetur in Decret. distinct. lxxv. (cap. *Quod a patribus*.) Possunt tamen Missae celebrari in prima parte diei propter aliquam necessitatem, ut dicitur de consecrat. distinct. i. (cap. *Necesse est* &c.)

Ad quartum dicendum, quod regulariter Missa debet celebrari in die, & non in nocte: quia ipse Christus est praesens in hoc sacramento, qui dicit Ioan. ix. 4. *Me oportet operari opera eius qui misit me, donec dies est: venit nox, quando nemo potest operari: quamdiu in mundo sum, lux sum mundi:* ita tamen quod principium diei accipiat non a media nocte, nec etiam ab ortu Solis, id est quando substantia Solis apparet super terram, sed quando incipit apparere aurora: tunc enim quodammodo dicitur Sol ortus, inquantum claritas radiorum eius apparet. Unde & Marci xvi. 1. dicitur, *quod mulieres venerunt ad monumentum orto iam Sole;* cum tamen venerint, cum adhuc tenebrae essent, ad monumentum, ut dicitur Ioan. xx. 1. Sic enim hanc contrarietatem solvit Augustinus in Libro III. de consensu Evang. (cap. xxiv. aliquant. a princ.) Specialiter tamen in nocte Natalis Domini Missa celebratur propter hoc quod Dominus in nocte natus est, ut dicitur de consecr.

distinct. i. (cap. *Nocte* &c.) Et similiter etiam in sabbato sancto circa noctis principium, propter hoc quod Dominus nocte surrexit, id est cum adhuc tenebrae essent, ante manifestum Solis ortum.

Ad quintum dicendum, quod, sicut habetur de consecrat. dist. i. (cap. lxxxv.) ex decreto Alexandri II. Papae (decreto xi.) *sufficit sacerdoti unam Missam in die una celebrare: quia Christus semel passus est, & totum mundum redemit: & vult de felix est, qui unam digne celebrare possit. Quidam tamen pro defunctis unam faciunt, alteram de aie, si necesse sit. Qui vero pro pecunia, aut adulationibus secularium, una die praesunt plures celebrare Missas, non aequivoce evadere damnationem.* Et extra, de celebr. Miss. (cap. *Conjulgisti*) dicit Innocentius III. quod, *excepto die nativitatis dominicae, nisi causa necessitatis suadeat, sufficit sacerdoti semel in aie unam Missam solummodo celebrare.*

### ARTICULUS III. 366

*Utrum oporteat hoc sacramentum celebrari in domo, & vasis sacris.*

IV. dist. xlii. quaest. 1. art. 1. quaest. 5. & dist. xliii. quaest. 11. art. 2. ad 9.

**A**D tertium sic proceditur. Videtur quod non oporteat hoc sacramentum celebrari in domo, & vasis sacris. Hoc enim sacramentum est repraesentativum dominicae passionis. Sed Christus non est passus in domo, sed extra portam civitatis, secundum illud Hebr. 1. 12. *Iesus, ut sanctificaret per suum sanguinem populum, extra portam passus est.* Ergo videtur quod hoc sacramentum non debeat celebrari in domo, sed magis sub dio.

2. Praeterea in celebratione huius sacramenti debet Ecclesiae imitari morem Christi, & Apostolorum. Sed domus, in qua primo Christus hoc sacramentum concelebravit, non fuit consecrata, sed tunc quoddam commune coenaculum a quodam patrefamilias praeparatum, ut habetur Luc. xxi. legitur etiam Act. ii. 46. quod *Apostoli erant perdurantes unanimiter in templo, & frangentes circa domos panem, & jubebant cibum cum exultatione.* Ergo nec modo oportet domus esse consecrata in quibus hoc sacramentum celebratur.

3. Præterea. Nihil frustra in Ecclesia fieri debet, quæ Spiritu sancto gubernatur. Sed frustra videtur adhiberi consecratio Ecclesiæ, vel altari, & huiusmodi rebus inanimatis, quæ non sunt susceptivæ gratiæ, vel spiritualis virtutis. Inconvenienter igitur huiusmodi consecrationes in Ecclesia fiunt.

4. Præterea. Solum divina opera debent recolui cum quadam solemnitate, secundum illud Psal. xci. 5. *In operibus manuum tuarum exultabo*. Sed Ecclesia, vel altare opere humano consecratur, sicut & calix, & ministri, & alia huiusmodi: sed horum consecrationes non recoluntur celebriter in Ecclesia. Ergo neque consecratio Ecclesiæ, vel altaris cum solemnitate recolui debet.

5. Præterea. Veritas debet respondere figure. Sed in veteri Testamento, quod gerebat figuram novi, non habebat altare de lapidibus sectis: dicitur enim Exodus xx. 24. *Altare de terra facietis mihi. . . quod si altare lapideum feceris mihi, non edificabis illud de sectis lapidibus*. Exodus etiam xxvii. mandatur fieri altare de lignis Setim vestitis ære, vel etiam auro, ut habetur Exodus xxv. Ergo videtur inconvenienter observari in Ecclesia quod altare fiat solum de lapide.

6. Præterea. Calix cum patena representat sepulcrum Christi, quod fuit exitum in petra, ut in Evangelio habetur. Ergo calix debet de petra fieri, & non solum de argento, vel auro, vel stanno.

7. Præterea. Sicut aurum pretiosius est inter materias valorum, ita panni serici pretiosiores sunt inter alios pannos. Ergo debet calix fit de auro, ita palis altaris debent de serico fieri, & non solum de panno lineo.

8. Præterea. Dispensatio sacramentorum, & ordinatio eorumdem ad ministros Ecclesiæ pertinet; sicut dispensationum temporalium subiacet ordinationi Principum secularium: unde & Apostolus dicit I. Cor. iv. 1. *Sic nos existimet homo ut ministros Christi, & dispensatores mysteriorum Dei*. Sed si circa dispensationem rerum temporalium aliquid fiat contra statuta Principum, habetur irritum. Ergo si hæc quæ dicta sunt, convenienter sunt statuta per prælatos Ecclesiæ, videtur quod sine his corpus Christi confici non possit: & sic videtur sequi quod verba Christi non sunt sufficientia ad hoc sacramentum conficiendum: quod est inconveniens. Non ergo videtur conve-

niens fuisse quod hæc circa celebrationem huius sacramenti statuerentur.

Sed contra est quod ea quæ per Ecclesiam statuuntur, ab ipso Christo ordinantur, qui dicit Matth. xviii. 20. *Ubi cumque fuerint duo, vel tres congregati in nomine meo, ibi sum in medio eorum*.

Respondetur dicendum, quod in his quæ circumstant hoc sacramentum, duo considerantur: quorum unum pertinet ad representationem eorum quæ circa dominicam passionem sunt acta; aliud autem pertinet ad reverentiam huius sacramenti, in quo Christus secundum veritatem continetur, & non solum in figura.

Unde & consecrationes adhibentur his rebus quæ veniunt in usum huius sacramenti, tum propter sacramenti reverentiam, tum ad representandum effectum sanctificationis, quæ ex passione Christi provenit, secundum illud Hebr. ult. 12. *Iesus, ut sanctificaret per suum sanguinem populum &c.*

Ad primum ergo dicendum, quod regulariter hoc sacramentum celebrari debet in domo, per quam significatur Ecclesia, secundum illud I. Timoth. iii. 15. *Ut scias quomodo oportet te in domo Dei conversari, quæ est Ecclesia Dei vivi*. Extra Ecclesiam enim non est locus veri sacrificii, ut Augustinus dicit (Propter in Lib. sent. Augustini cap. xv.) Et quia Ecclesia non erat concludenda sub finibus gentis Iudaicæ, sed erat in universo mundo fundanda; ideo passio Christi non est celebrata intra civitatem Iudeorum, sed sub dio, ut sic totus mundus se haberet ad passionem Christi ut domus: & tamen, ut dicitur de consecratione dist. 1. (cap. *Concedimus*), *in itinere positus si Ecclesia defuerit, sub dio, seu in tentorio, sitabula altaris consecrata, ceteraque sacra mysteria ad id officium pertinentia ibi asserviant, Missarum sollemnia celebrari concedimus*.

Ad secundum dicendum, quod domus in qua sacramentum celebratur, Ecclesiam significat, & Ecclesia nominatur; convenienter tamen consecratur, tum ad representandam sanctificationem, quam Ecclesia consecuta est per passionem Christi, tum etiam ad significandam sanctitatem, quæ requiritur in his qui hoc sacramentum suscipere debent. Per altare autem significatur ipse Christus, de quo dicit Apostolus Hebr. ult. 15. *Per ipsum offerimus hostiam laudis Deo*. Unde & con-

consecratio altaris significat sanctitatem Christi, de qua dicitur Luc. 1. 35. *Quod ex te nascetur sanctum, vocabitur Filius Dei*. Unde de consecratione dist. 1. (cap. xxxii.) dicitur: *Altaria placuit non solum unctione chrismatis, sed etiam sacerdotali benedictione sacra*. Et ideo regulariter non licet celebrare hoc sacramentum nisi in domibus consecratis. Unde, sicut habetur de consecratione dist. 1. (cap. xv.) *nullus presbyter Missas celebrare presumat, nisi in consecratis ab Episcopo locis*. Propter quod etiam, quia Pagani non sunt de Ecclesia, nec alii infideles, ideo in eadem distinctione (cap. xxviii.) legitur: *Ecclesiam, in qua mortuorum cadavera infidelium sepeliuntur, sanctificare non licet; sed si apta videtur ad consecrandum, inde evulsis corporibus, & rasis parietibus, vel ignis eius loci reedificetur; sed si haec consecrata prius fuerit, Missas in ea celebrare licet; tamen si fideles siverint qui ea sepulti sunt*. Propter necessitatem tamen potest hoc sacramentum peragi in domibus non consecratis, vel violatis; sed tamen de consensu Episcopi. Unde in eadem distinctione (cap. xii.) legitur: *Missarum sollemnitas non ubique, sed in locis ab Episcopo consecratis, vel ubi ipse permiserit, celebranda esse censemus*. Non tamen tunc altari portatili per Episcopum consecrato. Unde in eadem dist. (cap. xxx.) legitur: *Concedimus, si Ecclesiae fuerint intactae, vel combustae, in capellis cum tabula consecrata Missas celebrari*. Quia enim sanctitas Christi fons est totius ecclesiasticae sanctitatis, ideo in necessitate sufficit ad peragendum hoc sacramentum altare sanctificatum. Propter quod etiam numquam Ecclesia sine altari consecratur. Tamen tunc Ecclesia quandoque consecratur altare cum reliquis Sancto-rium, quorum vita abscondita est cum Christo in Deo. (Colos. iii.) Unde in eadem distinctione (cap. xxvi.) legitur: *Placuit ut altaria in quibus nullum corpus, aut reliquiae Martyrum condita probantur, ab Episcopis, qui eisdem locis praesunt, si fieri potest, evertantur*.

Ad tertium dicendum, quod Ecclesia, & altare, & alia huiusmodi inanimata consecrantur, non quia sint gratiae susceptiva, sed quia ex consecratione adipsam quendam spirituales virtutes, per quam apta redduntur divino cultui, ut scilicet homines devotionem quamdam exinde percipiant, ut sint paratiores ad divina, nisi hoc propter irreverentiam

impediatur. Unde & II. Machab. iii. 38. dicitur: *Vere Dei virtus quaedam est in loco: nam ipse qui habet in celis habitationem, visitator, & adiutor est loci illius*. Et inde est quod huiusmodi ante consecrationem emundantur, & exorcizantur, ut exinde virtus inimici pellatur. Eadem ratione Ecclesiae, quae sanguinis effusione, aut cuiuscunque semine pollutae fuerint, reconciliantur: quia per peccatum ibi commissum apparet ibi aliqua operatio inimici. Propter quod etiam in eadem dist. (cap. xxi.) legitur: *Ecclesias Arianorum, ubicunque inventis catholicas, eas divinis precibus, & operibus abique ulla mora consecrare*. Unde & quidam probabiliter dicunt, quod per ingressum Ecclesiae consecratae homo consequitur remissionem peccatorum venialium, sicut & per aspersionem aquae benedictae, induentes quod in Psal. lxxxiv. 1. dicitur: *Benedixisti Domine terram tuam, remisisti iniquitatem plebis tuae*. Et ideo propter virtutem quae ex consecratione Ecclesiae acquiritur, consecratio Ecclesiae non iteratur. Unde in eadem distinctione (cap. xx.) ex Concilio Nicæno legitur: *Ecclesiam semel Deo consecratam non debet iterum consecratio ausciperi, nisi aux ab igne exisse, aut sanguinis effusione, aut cuiuscunque semine pollutae fuerint: quia scilicet infans a qualicunque sacerdote in nomine Patris, & Filii, & Spiritus sancti semel baptizatus non debet iterum baptizari; ita nec locus Deo dicatus est iterum consecrandus, nisi propter eas causas quas superius nominavimus; si tamen fidem sanctae Trinitatis tenuerint qui consecraverunt: alioquin qui sunt extra Ecclesiam, consecrare non possunt; sed, sicut in eadem distinctione cap. xviii.) legitur, *Ecclesiae, vel altaria, quae ambigua sunt de consecratione, consecrantur*. Propter hoc etiam quod aliquam spirituales virtutes adipsam per consecrationem, in eadem distinctione (cap. xxxviii.) statutum legitur: *Ligna Ecclesiae dedicata non debent ad aliud opus iungi, nisi ad altam Ecclesiam, vel igni comburenda, vel ad proscelium in monasterio fratribus: in laicorum autem opera non debent admitti*. Et ibidem (cap. xxxix.) legitur: *Altaris palla, cathedra, candelabrum, & velum, si fuerint vetustate consumpta, incendio demitur; cineres quoque eorum in baptisterium inferantur, aut in pariete, aut in fossis parvimentorum iaculentur, ne introeuntium pedibus inquinentur*.*

Ad quartum dicendum, quod quia consecratio altaris repræsentat sanctitatem Christi, consecratio vero domus sanctitatem totius Ecclesie; ideo convenientius recolitur cum sanctitate, & solemnitate consecratio Ecclesie, vel altaris, quam aliorum quoque consecrantur. Propter quod etiam octo diebus solemnitas dedicationis agitur, ad significandam beatam resurrectionem Christi, & membrorum Ecclesie. Nec est opus solius hominis consecratio Ecclesie, & altaris, cum habeat spirituales virtutes. Unde de consecrat. distinct. eadem (cap. xvi.) dicitur: *Solemnitates dedicationum Ecclesiarum per singulos annos solemniter sunt celebranda. Quod autem octo diebus encensia sint celebranda, in Libris Regum perfecta dedicatione templi reperies (III. Reg. viii.)*

Ad quintum dicendum, quod, sicut legitur de consecrat. dist. 1. (cap. xxxi.) *altaria, si non fuerint lapidea, chrismatis unzione non consecrantur.* Quod quidem competit significationi huius sacramenti: tum quia altare significat Christum: dicitur autem I. Corinth. x. 3. *Petra autem erat Christus:* tum etiam quia corpus Christi in sepulcro lapideque fuit reconditum. Competit etiam quoad usum sacramenti. Lapis enim & solidus est, & de facili potest inveniri ubique: quod non erat necessarium in veteri lege, ubi fiebat in uno loco altare. Quod autem mandatur altare fieri de terra, vel de lapidibus insectis, fuit ad idololatriam removendam.

Ad sextum dicendum, quod, sicut in distinctione eadem dicitur (cap. Vasa) *quondam sacerdotes non aureis, sed ligneis calicibus utebantur. Zepherinus autem Papa patenis vtreis Missam celebrari constituit: deinde Urbanus omnia fecit argentea.* Postmodum autem statutum est (cap. xlv. dist. ead.) *ut calix Domini cum patena, sive ex auro omnino, sive ex argento fiat, vel saltem stanneus calix habeatur. De ære, aut ex aurichalco non fiat, quia ob vini virtutem arguinem parit, pariterque vomitus provocat.* Nullus autem in ligneo, seu vitreo calice presumat Missam cantare: quia scilicet lignum porolum est, & sanguis consecratus in eo remaneret; vitrum autem fragile est, & posset fractionis periculum imminere: & eadem ratio est de lapide. Et ideo propter reverentiam sacramenti statutum est ut ex prædictis materiis calix fiat.

Ad septimum dicendum, quod ubi potuit sine periculo fieri, Ecclesia statuit circa hoc sacramentum id quod expressius repræsentat passionem Christi. Non erat autem tantum periculum circa corpus, quod ponitur in corporali, sicut circa sanguinem, qui continetur in calice. Et ideo licet calix non fiat de petra; corporale tamen fit de panno lineo, quo corpus Christi fuit involutum. Unde in epistola Silvestri Papæ in eadem distinctione (cap. xlv.) legitur: *Consulto omnium statuimus ut sacrificium altaris non in jenco panno, aut intincto quisquam celebrare (a) præsumat, sed in panno lineo ab Episcopo consecrato; sicut corpus Christi in sindone lineæ, & munda sepulchrum fuit.* Competit etiam pannus lineus propter sui munditiam, ad significandam conscientie puritatem, & propter multiplicem laborem, quo talis pannus præparatur, ad significandam Christi passionem.

Ad octavum dicendum, quod dispensatio sacramentorum pertinet ad ministros Ecclesie; sed consecratio eorum est ab ipso Deo. Et ideo ministri Ecclesie non habent aliquid statuere circa formam consecrationis, sed circa usum sacramenti, & modum celebrandi. Et ideo si sacerdos verba consecrationis proferat super materia debita cum intentione consecrandi, absque omnibus prædictis, scilicet domo, & altari, calice, & corporali consecratis, & ceteris huiusmodi per Ecclesiam institutis, consecrat quidem in rei veritate corpus Christi; peccat tamen graviter, ritum Ecclesie non servans.

## ARTICULUS IV. 507

*Utrum convenienter ordinentur ea quæ circa hoc sacramentum dicuntur.*

IV. dist. 1. quæst. 1. art. 5. quæst. 1. ad 2. & dist. viii. in exposit. lit. & dist. xiii. in exposit. lit. prin. & dist. xv. quæst. 1. art. 3. quæst. 1. cor. & I. Timoth. 11. lect. 1.

**A**D quartum sic proceditur. Videtur quod inconvenienter ordinentur ea quæ circa hoc sacramentum dicuntur. Hoc enim sacramentum verbis Christi consecratur, ut Ambrosius dicit in Lib. IV. de sacramentis (cap. 1. v. a princ.) Non ergo debent aliqua alia in hoc sacramento dici quam verba Christi.

2. Præ-

(52) Ita Nicolaus. Alii hic addunt Missam perperam.

2. Præterea. Verba, & facta Christi nobis per Evangelium innotescunt. Sed quædam dicuntur circa consecrationem huius sacramenti quæ in Evangelium non ponuntur: non enim legitur in Evangelio quod Christus in consecratione huius sacramenti oculos ad cælum levaverit: similiter etiam in Evangelio dicitur: *Accipite, & comedite*; nec ponitur, *omnes*: cum in celebratione huius sacramenti dicitur: *Elevari oculis in cælum*: & iterum: *Accipite, & manducate ex hoc omnes*. Inconvenienter ergo huiusmodi verba dicuntur in celebratione huius sacramenti.

3. Præterea. Omnia sacramenta ordinantur ad salutem fidelium. Sed in celebratione aliorum sacramentorum non fit communis oratio pro salute fidelium defunctorum. Ergo inconvenienter fit in hoc sacramento.

4. Præterea. Baptismus dicitur specialiter iter sacramentum. Ea ergo quæ pertinent ad instructionem fidei, magis debent circa baptismum tradi quam circa hoc sacramentum, sicut doctrina apostolica, & evangelica.

5. Præterea. In omni sacramento exigitur devotio fidelium. Non ergo magis in hoc sacramento quam in aliis deberet excitari devotio fidelium per laudes divinas, & per admonitiones, puta cum dicitur, *Sursum corda*.

6. Præterea. Minister huius sacramenti est sacerdos, ut dictum est (quæst. præc. art. 1.) Omnia ergo quæ in hoc sacramento dicuntur, a sacerdote dici deberent, & non quædam a ministris, quædam a choro.

7. Præterea. Hoc sacramentum per certitudinem operatur virtus divina. Superflue ergo sacerdos petit huius sacramenti perfectionem, cum dicit: *Quam oblationem tu Deus in omnibus &c.*

8. Præterea. Sacrificium novæ legis multo est excellentius quam sacrificium antiquorum patrum. Inconvenienter ergo sacerdos petit quod hoc sacrificium habeatur sicut sacrificium Abel, Abraham, & Melchisedech.

9. Præterea. Corpus Christi sicut non incipit esse in hoc sacramento per locutionem, ut supra dictum est (quæst. lxxv. art. 2.) ita etiam nec esse desinit. Inconvenienter ergo sacerdos petit: *Iube hæc perferri per manus sancti Angeli tui in sublime altare tuum*.

Sed contra est quod dicitur de consecratione. 1. (cap. xlvii.) *Iacobus frater Domini secundum carnem, & Bassilius Cæsariensis Episcopus (a) ediderunt Missæ celebrationem*: ex quorum auctoritate patet convenienter singula circa hoc dici.

Respondendo dicendum, quod quia in hoc sacramento totum mysterium nostræ salutis comprehenditur, ideo præ ceteris sacramentis cum maiori solemnitate agitur. Et quia scriptum est Eccl. iv. 17. *Custodi pedem tuum ingrediens domum Domini*: & Eccl. xviii. 23. *Ante orationem præpara animam tuam*: ideo ante celebrationem huius mysterii primo quidem præmittitur præparatio quædam ad digne agenda ea quæ sequuntur. Cuius præparationis prima pars est laus divina, quæ fit in introitu, secundum illud Psal. xlix. 23. *Sacrificium laudis honorificabit me*, & *illic iter quo ostendam illi salutem Dei*: & sumitur hoc ut pluries de Psalmis, vel saltem (b) cum Psalmo cantatur, quia, ut Dionysius dicit in iii. cap. eccl. Hierarch. (aliquant. ante med.) *Psalmi comprehendunt per modum laudis quicquid in sacra Scriptura continetur*.

Secunda pars continet commemorationem præsentis miseriarum, dum misericordia petitur, dicendo, *Kyrie eleison*, ter quidem pro persona Patris, ter autem pro persona Filii, cum dicitur, *Christe eleison*, & ter pro persona Spiritus sancti, cum subditur, *Kyrie eleison*, contra triplicem miseriam, ignorantiam, culpam, & poenam; vel ad significandum quod omnes personæ sunt in se invicem. Tertia autem pars commemorat celestem gloriam, ad quam tendimus post præsentem vitam, & miseriam, dicendo, *Gloria in excelsis Deo*: quod cantatur in festis, in quibus commemoratur celestis gloria; intermittitur autem in officiis luctuosis, quæ ad commemorationem miseriarum pertinent. Quarta autem pars continet orationem, quam sacerdos pro populo facit, ut digni habeantur tantis mysteriis. Secundo autem præmittitur instructio fidelis populi: quia hoc sacramentum est mysterium fidei, ut supra habitum est (quæst. lxxviii. art. 3.) Quæ quidem instructio dispositive quidem fit per doctrinam Prophetarum, & Apostolorum, quæ in Ecclesia legitur per Lectores, & subdiaconos: post quam lectionem cantatur a choro Graduale, quod significat profectum vite, & Alleluia, quod

(a) Ita mss. & editi passim. Al. Scripturis addiderunt iterum in Scripturis addiderunt nobis. (b) Ita editi recentiores communiter, Cod. Alesan. cum Psalmus canitur: al. Psalmus canatur.

quod significat spiritualem exultationem, vel Tractus in officiis luctuosis, qui significat spiritualem gemitum: hæc enim consequi debent in populo ex prædicta doctrina. Perfecte autem populus instruitur per doctrinam Christi in Evangelio contentam, quæ a summis ministris legitur, scilicet a diaconibus: & quia Christo credimus tamquam divinæ veritati, secundum illud Ioan. viii. 46. *Si veritatem dico vobis, quare non creditis mihi?* lecto Evangelio, Symbolum huius cantatur, in quo populus offendit, se per fidem Christi doctrinæ assentiri. Cantatur autem hoc Symbolum in festis, de quibus sit aliqua mentio in Symbolo; sicut in festis Christi, & B. Virginis, & Apostolorum, qui hanc fidem fundaverunt, & aliis huiusmodi.

Sic igitur populo præparato, & instructo, consequenter acceditur ad celebrationem mysterii: quod quidem & offertur ut sacrificium, & consecratur, & sumitur ut sacramentum. Unde primo peragitur oblatio; secundo consecratio materię oblatæ; tertio eiusdem perceptio. Circa oblationem vero duo aguntur: scilicet laus populi in cantu Offerenti, per quod significatur lætitia offerentium; & oratio sacerdotis, qui petit ut oblatio populi sit Deo accepta. Unde & I. Paralip. xxxix. 17. dixit David: *Ego in simplicitate cordis mei lætus obולי univēsa hæc, & populum tuum, qui hic repertus est, vidi cum ingenti gaudio tibi offerre donaria:* & postea orat dicens: *Dominus Deus custodi hanc voluntatem.*

Deinde circa consecrationem, quæ supernaturali virtute agitur, primo excitatur populus ad devotionem in Prælatione: unde & monetur *surgam corda habere ad Dominum:* & ideo, finita Prælatione, populus devote laudat Divinitatem Christi, cum Angelis dicens: *Sandus, Sandus, Sanctus:* & humanitatem cum pueris dicens: *Benedictus qui venit* &c. Deinde sacerdos secreto commemorat primo quidem pro quibus hoc sacrificium offertur, scilicet pro universalis Ecclesiæ, & pro his qui in sublimitate sunt constituti (I. Timoth. ii.) & specialiter quosdam qui offerunt, vel pro quibus offertur. Secundo commemorat Sanctos, quorum patrocinia implorat pro prædictis, cum dicit: *Communīcantes, & memoriam venerantes* &c. Tertio petitionem concludit, cum dicit: *Ut hæc oblatio sit illis pro quibus offertur, salutari-*

*ris.* Deinde accedit ad ipsam consecrationem, in qua primo petit consecrationis effectum, cum dicit: *Quam oblationem tu Deus* &c. Secundo consecrationem peragat per verba Salvatoris, cum dicit: *Qui pridie* &c. Tertio excusat præsumptionem per obedientiam ad mandatum Christi, cum dicit: *Unde & memores* &c. Quarto petit hoc sacrificium perceptum esse Deo acceptum, cum dicit: *Supra quæ propitio* &c. Quinto petit huius sacrificii, & sacramenti effectum: primo quidem quantum ad ipsos sumentes, cum dicit, *Supplices te rogamus;* secundo quantum ad mortuos, qui iam sumere non possunt, cum dicit, *Memento etiam Domine* &c. Tertio specialiter quantum ad ipsos sacerdotes offerentes, cum dicit, *Nobis quoque peccatoribus* &c.

Deinde agitur de perceptione sacramenti: & primo præparatur populus ad percipiendum: primo quidem per orationem communem totius populi, quæ est oratio dominica, in qua petimus panem quotidianum nobis dari; & etiam privatam, quam specialiter sacerdotes pro populo offert, cum dicit: *Libera nos, quæsumus, Domine* &c. secundo præparatur populus per pacem, quæ datur dicendo, *Agnus Dei:* est enim hoc sacramentum unitatis, & pacis, ut supra dictum est (quæst. lxxxiii. art. 4. & quæst. lxxxix. art. 1.) In Missis tamen defunctorum, in quibus sacrificium offertur non pro pace præsentis, sed pro requie mortuorum, pax intermittitur. Deinde sequitur perceptio sacramenti, primo percipiente sacerdote, & postmodum aliis dante, quia, ut Dionysius dicit i. cap. eccles. Hierarch. (vers. fin.) *ille qui aliis divina tradit, primo debet ipse particeps esse.*

Ultimo autem tota Missæ celebratio in gratiarum actione terminatur, populo exultante pro tumptione mysterii (quod significat cantus post communionem) & sacerdote per orationem gratias offerente; sicut & Christus celebrata cœna cum discipulis, hymnum dixit, ut dicitur Matth. xxvi.

Ad primum ergo dicendum, quod consecratio solis verbis Christi conficitur; alia vero necesse est addere ad præparationem populi sumentis, sicut dictum est (in corp.)

Ad secundum dicendum, quod, sicut dicitur Ioan. ult. multa sunt a Domino facta, vel dicta, quæ Evangelistæ non scripserunt: inter quæ fuit hoc quod Do-



minus in cœna oculos levavit in cœlum; quod tamen Ecclesia ex traditione Apostolorum habuit. Rationabile enim videtur ut qui in suscitatione Lazari, ut habetur Ioan. xi. & in oratione quam pro discipulis fecit, Ioan. xvii. oculos levavit ad Patrem, in huius sacramenti institutione multo magis hoc fecerit, tamquam in re potiori. Quod autem dicitur, *Manducate, & non comedite*, non differt quantum ad sensum: nec multum refert quid dicatur; præsertim cum verba illa non sint de forma, ut supra dictum est (quæst. lxxviii. art. 1. ad 2. & 4.) Quod autem additur *omnes*, intelligitur in verbis Evangelii, licet non exprimitur: quia ipse dixerat Ioan. vi. 54. *Nisi manducaveritis carnem Filii hominis, non habebitis vitam in vobis*.

Ad tertium dicendum, quod Eucharistia est sacramentum totius ecclesiastica unitatis: & ideo specialiter in hoc sacramento magis quam in aliis, debet fieri mentio de omnibus quæ pertinent ad salutem totius Ecclesiæ.

Ad quartum dicendum, quod instructio fidei est duplex. Una quæ sit noviter imbuendis, scilicet catechumenis: & talis instructio fit (a) circa baptismum. Alia autem est instructio qua instruitur fidelis populus, qui communicat huius mysterio: & talis instructio fit in hoc sacramento; & tamen ab hac instructione non repelluntur etiam catechumeni, & infideles. Unde dicitur de consecrat. dist. 1. (cap. lxxvii.) *Episcopus nullum prohibeat ingredi Ecclesiam, & audire verbum Dei, siue Gentilem, siue hereticum, siue Iudeum, usque ad Missam catechumenorum, in qua scilicet continetur instructio fidei*.

Ad quintum dicendum, quod in hoc sacramento & maior devotio requiritur quam in aliis sacramentis, propter hoc quod in hoc sacramento totus Christus continetur, & etiam communior, quia in hoc sacramento requiritur devotio totius populi christiani, pro quo sacrificium offertur, & non solum percipientium sacramentum, sicut in aliis sacramentis. Et ideo, ut Cyprianus dicit (in Lib. de orat. dom. aliquant. ante fin.) *sacerdos præfatione præmissa parat fratrum mentes, dicendo, Sursum corda, ut dum respondet plebs, Habemus ad Dominum, admonetur nihil aliud se quam Deum cogitare debere*.

Ad sextum dicendum, quod in hoc

sacramento, sicut dictum est (in resp. ad 3-) tanguntur ea quæ pertinent ad totam Ecclesiam: & ideo quædam dicuntur a choro, quæ pertinent ad populum: quorum quædam chorus totaliter profertur, quæ scilicet toti populo inspirantur, quædam vero populus profertur, sacerdote inchoante, qui personam Dei gerit; in signum quod talia pervenerunt ad populum ex revelatione divina, sicut fides, & gloria cælestis: & ideo sacerdos inchoat Symbolum fidei, & *Gloria in excelsis Deo*. Quædam vero dicuntur per ministros, sicut doctrina veteris, & novi Testamenti; in signum quod per ministros a Deo missos est doctrina hæc populo annunciata. Quædam vero sacerdotes solum profertur, quæ scilicet ad proprium officium sacerdotis pertinent, ut scilicet  *dona, & preces offerat pro populo*, sicut dicitur Hebr. v. In his tamen quædam dicit publice, scilicet quæ pertinent & ad sacerdotem, & ad populum, sicut sunt orationes communes; quædam vero pertinent ad solum sacerdotem, sicut oblatio, & consecratio: & ideo quæ circa hæc sunt dicenda, occurrunt a sacerdote dicuntur. In utrisque tamen excitat attentionem populi, dicendo,  *Dominus vobiscum, & expectat attentionem dicentium, Amen*. Et ideo etiam in his quæ secrete dicuntur, publice præmittit  *Dominus vobiscum, & subiungit, Per omnia secula seculorum*; vel secrete aliqua sacerdos dicit, in signum quod circa Christi passionem discipuli nonnisi occulte continebantur Christum.

Ad septimum dicendum, quod efficacia verborum sacramentalium impediri potest per intentionem sacerdotis.

Nec tamen est inconveniens quod a Deo petamus id quod certissime scimus ipsum facturum, sicut Christus Ioan. xvii. petit suam clarificationem.

Non tamen videtur ibi sacerdos orare ut consecratio impleatur, sed ut nobis fiat tria: unde significanter dicit:  *Ut nobis corpus, & sanguis fiat*: & hoc significant verba quæ præmittit, dicens.  *Hanc oblationem facere digneris benedictum, secundum Augustinum* (hab. ex Lib. de corp. & sang. Dom. Patchalii Abb. cap. xxi. cir. med.) idest per quam benedicamur, scilicet per gratiam;  *adscriptam*, idest per quam in celo adscribamur;  *ratam*, idest per quam de visceribus Christi esse censeamur;  *rationabilem*, idest per quam a bestiali sensu exuamur;  *acceptabilem*,

(2) *Lo. cum. m. f. Com. & Alcan. editi recentiores passim, Al. per baptismum.*

ut qui nobis ipsi displicemus, per hanc acceptabiles eius unico Filio simus.

Ad octavum dicendum, quod licet hoc sacramentum ex seipso praeferatur omnibus antiquis sacrificiis; tamen sacrificia antiquorum fuerunt Deo acceptissima eorum devotione. Petit ergo sacerdos ut sic hoc sacrificium acceptetur a Deo ex devotione offerentium, sicut illa accepta fuerunt Deo.

Ad nonum dicendum, quod sacerdos non petit neque quod species sacramentales deferantur in caelum, neque corpus Christi verum, quod ibi esse non definit; sed petit hoc pro corpore mystico, quod scilicet in hoc sacramento significatur, ut scilicet orationes sacerdotis, & populi Angelus assistens divinis mysteriis Deo repraesentet, secundum illud Apoc. viii.

4. *Ascendit fumus incensorum de oblationibus Sanctorum de manu Angeli.* Sublime autem altare Dei dicitur vel ipsa Ecclesia triumphans, in quam transferri petimus, vel ipse Deus, cuius participationem petimus: de hoc enim altari dicitur Exodi xx. 26. *Non ascendes ad altare meum per gradus, idest „ in Trinitate gradus non facies.* (Glos. interl.) Vel per Angelum intelligitur ipse Christus, qui est magni consilii Angelus, qui corpus suum mysticum Deo Patri coniungit, & Ecclesiae triumphanti: & propter hoc etiam Missa nominatur, quia per Angelum sacerdos preces ad Deum mittit, sicut populus per sacerdotem; vel quia Christus est hostia nobis missa a Deo: unde & in fine Missae diaconus in festivis diebus populum licentiat, dicens: *Ite, missa est*, scilicet hostia ad Deum per Angelum, ut scilicet sit Deo accepta.

#### ARTICULUS V. 503

*Utrum ea quae in celebratione huius sacramenti aguntur, sint convenientia.*

IV. *Sent. dist. xxi. in exp. lit. & op. lxx. cap. v. & opusc. lxxi. per tot.*

**A**D quintum sic proceditur. Videtur quod ea quae in celebratione huius sacramenti aguntur, non sint convenientia. Hoc enim sacramentum ad novum Testamentum pertinet, ut ex forma ipsius appareat. In novo autem Testamento non sunt observandae caeremoniae veteris Testamenti, ad quas pertinebat quod

sacerdos, & ministri aqua lavabantur, quando accedebant ad offerendum: legitur enim Exodi xxx. 19. *Lavabunt Aaron, & filii eius manus suas, ac pedes, quando ingressuri sunt tabernaculum testimonii, & quando accessuri sunt ad altare.* Non est ergo conveniens quod sacerdos lavet manus suas inter Missarum solennia.

2. Præterea. Ibidem Dominus mandavit quod Aaron adoleret incensum suave fragrans super altare, quod erat ante propitiatorium: quod etiam pertinebat ad caeremonias veteris Testamenti. Inconvenienter ergo in Missa sacerdos thurificatione utitur.

3. Præterea. Ea quae in sacramentis Ecclesiae aguntur, non sunt iteranda. Inconvenienter igitur sacerdos multoties iterat crucelignationes super hoc sacramentum.

4. Præterea. Apostolus dicit Hebr. vii. 7. *Sine ulla contradictione, quod minus est, a maiori benedicitur.* Sed Christus, qui est in hoc sacramento post consecrationem, est multo maior sacerdote. Inconvenienter igitur sacerdos post consecrationem benedicit hoc sacramentum, cruce signando.

5. Præterea. In sacramento Ecclesiae nihil debet fieri quod ridiculosum videatur. Videtur autem ridiculosum gestulationes facere, ad quas pertinet videtur quod sacerdos quandoque brachia extendat, manus iungit, digitos complicit, & seipsum inclinat. Ergo hæc non debent fieri in hoc sacramento.

6. Præterea. Ridiculosum etiam videtur quod sacerdos multoties se ad populum vertit, & multoties populum salutet. Non ergo debent hæc fieri in celebratione huius sacramenti.

7. Præterea. Apostolus I. Corinth. i. pro inconvenienti habet quod Christus divisus sit. Sed post consecrationem Christus est in hoc sacramento. Inconvenienter ergo hostia frangitur a sacerdote.

8. Præterea. Ea quae in hoc sacramento aguntur, passionem Christi repraesentant. Sed in passione Christi corpus fuit divisum in locis quinque vulnerum. Ergo corpus Christi in quinque partes frangi deberet magis quam in tres.

9. Præterea. Totum corpus Christi in hoc sacramento seorsum consecratur a sanguine. Inconvenienter ergo una pars eius sanguini miscetur.

10. Præterea. Sicut corpus Christi proponitur in hoc sacramento ut cibis, ita & lau-

& sanguis Christi ut potus. Sed sumptioni corporis Christi non adiungitur in celebratione Missæ alius corporalis cibus. Inconvenienter igitur sacerdos post summptionem sanguinis Christi vinum non consecratum sumit.

11. Præterea. Veritas debet respondere figuræ. Sed de agno paschali, qui sunt figura huius sacramenti, mandatur quod non remaneret ex eo quicquam ulque mane. Inconvenienter igitur hostiæ consecratae relinquantur, & non statim sumuntur.

12. Præterea. Sacerdos pluraliter loquitur audientibus, cum dicit, *Dominus vobiscum, & Gratias agamus*. Sed inconvenienter videtur pluraliter loqui uni, & maxime minori. Ergo inconvenienter videtur quod sacerdos uno tantum ministro præsentem celebret Missam. Sic igitur videtur quod inconvenienter aliqua agantur in celebratione huius sacramenti.

Sed in contrarium est Ecclesiæ consuetudo, quæ errare non potest, utpote a Spiritu sancto instructa.

Respondeo dicendum, quod, sicut supra dictum est (quæst. lx. art. 5. & 6.) in sacramentis dupliciter aliquid significatur, scilicet verbis, & factis, ad hoc quod sit perfectior significatio. Significatur autem verbis in celebratione huius sacramenti quædam pertinentia ad passionem Christi, quæ repræsentatur in hoc sacramento, vel etiam ad corpus mysticum, quod significatur in hoc sacramento; & quædam pertinentia ad utrum huius sacramenti, qui debet esse cum devotione, & reverentia.

Et ideo in celebratione huius mysterii quædam aguntur ad repræsentandam passionem Christi, vel etiam dispositionem corporis mystici; & quædam aguntur pertinentia ad devotionem, & reverentiam huius sacramenti.

Ad primum ergo dicendum, quod ablutio manuum fit in celebratione Missæ propter reverentiam huius sacramenti; & hoc dupliciter. Primo quidem quia aliqua pretiosa tractare non consuevimus nisi manibus ablutis: unde indecens videtur quod ad tantum sacramentum aliquis accedat manibus etiam corporaliter inquinatis. Secundo propter significationem: quia, ut Dionysius dicit iii. cap. eccles. Hierar. (a med.) extremitatum ablutio significat emundationem etiam a minimis peccatis, secundum illud lo-

an. xiii. 10. *Qui lotus est, non indiget nisi ut pedes lauet*. Et talis emundatio requiritur ab eo qui accedit ad hoc sacramentum: quod etiam significatur per confessionem, quæ fit ante Introitum Missæ. Et hoc idem significabat ablutio sacerdotum in veteri lege, ut ibidem Dionysius dicit. Nec tamen Ecclesiæ hoc servat tamquam cæremoniale veteris legis præceptum, sed quali ab Ecclesia institutum, sicut quiddam secundum te conveniens: & ideo non eodem modo observatur sicut tunc: præmittitur enim pedum ablutio, & servatur ablutio manuum, quæ potest fieri magis in promptu, & quæ sufficit ad significandam perfectam mundationem: cum enim manus sit *organum organorum*, ut dicitur III. de Anima (tex. 38.) omnia opera attribuantur manibus: unde in Psalm. xxv. 6. dicitur: *Lavabo inter innocentes manus meas*.

Ad secundum dicendum, quod etiam thurificatione non utimur quasi cæremoniali præcepto legis, sed sicut Ecclesiæ statuto: unde non eodem modo utimur sicut in lege veteri erat statutum. Pertinet autem ad duo: primo quidem ad reverentiam huius sacramenti, ut scilicet per bonum odorem depellatur, si quid corporaliter pravi odoris in loco fuerit, quod posset provocare horrorem; secundo pertinet ad repræsentandum effectum gratiæ, qua, sicut bono odore, Christus plenus fuit, secundum illud Genes. xxvii. 27. *Ecce odor filii mei, sicut odor agri pleni*: & a Christo derivatur ad fideles officio ministrorum, secundum illud II. Cor. ii. 14. *Odorem notitiæ suæ (a) spargit per nos in omni loco*: & ideo, undique thurificatio altari, per quod Christus designatur, thurificantur omnes per ordinem.

Ad tertium dicendum, quod sacerdos in celebratione Missæ utitur crucificatione ad exprimendam passionem Christi, quæ ad crucem est terminata. Est autem passio Christi quibusdam quasi gradibus perfecta. Nam primo fuit Christi traditio, quæ facta est a Deo, Iuda, & Iudeis; quod significat trina crucifixio super illa verba: *Hec dona, hec munera, hec sancta sacrificia illibata*. Secundo fuit Christi venditio: est autem venditus Sacerdotibus, Scribis, & Phariseis: ad quod significandum fit iterum trina crucifixio super illa verba: *Benedicam, adscriptam, ratam*: vel ad ostenden-

(a) *Puiga manifestat.*

dendum pretium venditionis, scilicet triginta denarios. Additur autem & duplex crux super illa verba: *Ut nobis corpus, & sanguis &c.* ad designandam personam Iudæ venditoris, & Christi venditi. Tercio autem fuit prægnatio passionis Christi facta in cœna: ad quod designandum sunt tertio duæ cruces, una in consecratione corporis, alia in consecratione sanguinis; ubi utrobique dicitur, *Benedixit*. Quarto autem fuit ipsa passio Christi; unde ad repræsentandum quinque plagas Christi sit quarto quintuplex crucesignatio super illa verba, *Hosiam puram, hosiam sanctam, hosiam immaculatam, panem sanctum vite æternæ, & calicem salutis perpetuæ*. Quinto repræsentatur extensio corporis, & effusio sanguinis, & fructus passionis per trinam crucesignationem quæ sit super illis verbis, *Corpus, & sanguinem sumperimus, omni benedictionis &c.* Sexto repræsentatur triplex oratio quam fecit in cruce: unam pro persecutoribus, cum dixit: *Pater ignosce illis*: secundam pro liberatione a morte, cum dixit: *Deus meus, Deus meus, ut quid dereliquisti me?* tertia pertinet ad ademptionem gloriæ, cum dixit: *Pater, in manus tuas commendo spiritum meum*: & ad hoc significandum, sit trina crucesignatio super illa verba, *Sanctificas, vivificas, benedixisti &c.* Septimo repræsentantur tres horæ quibus pependit in cruce, scilicet a sexta usque ad horam nonam: & ad hoc significandum sit iterum trina crucesignatio ad illa verba, *Per ipsam, & cum ipso, & in ipso*. Octavo autem repræsentatur separatio animæ a corpore per duas cruces sequentes extra calicem factas. Nono autem repræsentatur relaxatio tertia die facta per tres cruces, quæ sunt ad illa verba, *Pax Domini sit semper vobiscum*.

Potest autem brevis dici, quod consecratio huius sacramenti, & acceptatio huius sacrificii, & fructus ipsius procedit ex virtute crucis Christi: & ideo ubicunque sit mentio de aliquo horum, sacerdos crucesignatione utitur.

Ad quartum dicendum, quod sacerdos post consecrationem non utitur crucesignatione ad benedicendum, & consecrandum, sed solum ad commemorandum virtutem crucis, & modum passionis Christi, ut ex dictis patet (in solut. præc.)

Ad quintum dicendum, quod ea quæ sacerdos in Missa facit, non sunt ridiculæ gestulationes, sunt enim ad ali-

*S. Th. Oper. Tom. XXV.*

(A) ad. MICHELLE.

quid repræsentandum. Quod enim sacerdos brachia extendit post consecrationem, significat extensionem brachiorum Christi in cruce. Levat etiam manus orando, ad designandum quod oratio eius dirigitur pro populo ad Deum, secundum illud Thren. 111. 41. *Levemus corda nostra cum manibus ad Dominum in celos*: & Exodi XVII. 11. dicitur, quod cum levaret Moyses manus, vincebat Israel. Quod autem manus interdum iungit, & se inclinat, est suppliciter, & humiliter orantis; & designat humilitatem, & obedientiam Christi, ex qua passus est. Digtos autem iungit post consecrationem, scilicet pollicem cum indice, quibus corpus Christi consecratum tegebat, ut si qua particula digitis adhaerere, non dispergatur; quod pertinet ad reverentiam sacramenti.

Ad sextum dicendum, quod quinquies se sacerdos vertit ad populum, ad significandum quod Dominus die resurrectionis quinquies se manifestavit, ut supra dictum est in tractatu de resurrectione Christi (quæst. IV. art. 3. arg. 3.) Salutem autem septies populum, scilicet quinquies vicibus, quibus se convertit ad populum, & bis, quando se non convertit, scilicet cum ante Præstationem dicit, *Dominus vobiscum*, & cum dicit, *Pax Domini sit semper vobiscum*, ad designandam septiformem gratiam Spiritus sancti. Episcopus autem celebrans in festis in prima salutatione dicit, *Pax vobis*, quod post resurrectionem discipulis dixit Dominus, cuius personam repræsentat præcipue Episcopus.

Ad septimum dicendum, quod fractio hostiæ tria significat: primo quidem ipsam divisionem corporis Christi, quæ facta est in passione; secundo distinctionem corporis mystici secundum diversos status; tertio distributionem gratiarum procedentium ex passione Christi, ut Dionysius dicit 111. cap. eel. Hier. (vers. 5.) unde talis fractio non inducit divisionem Christi.

Ad octavum dicendum, quod, sicut Sergius Papa dicit, & habetur de consecr. dist. 11. (cap. xx11.) *triformis est corpus Domini: pars oblata in calicem missa corpus Christi, quod iam surrexit, monstrat, scilicet ipsum Christum, & B. Virginem, vel si qui alii Sancti cum corporibus iam sunt in gloria: pars comesta ambulantes adhuc super terram, quia scilicet viventes in terra sacramento (a)*

O o utun-

ntuntur, & passionibus conteruntur; sicut & panis comestus conteritur dentibus: pars in altari usque ad finem Missae remanens est corpus iacens in sepulcro: quia usque in finem saeculi corpora sanctorum in sepulcris erunt; quorum tamen animae sunt vel in purgatorio, vel in caelo. Hic tamen ritus non servatur modo, ut scilicet una pars servetur usque in finem Missae, propter periculum; manet tamen eadem significatio partium: quam quidam metrice expresserunt dicens:

*Hosia dividitur in partes, tincta beatos  
Plene, sicca notat vivos, servata sepultos.*  
Quidam tamen dicunt, quod pars in calicem missa significat eos qui vivunt in hoc mundo; pars autem extra calicem servata significat plene beatos, scilicet quantum ad animam, & corpus; pars autem comesta significat ceteros.

Ad novum dicendum, quod per calicem duo possunt significari. Uno modo ipsa passio Christi, quae repraesentatur in hoc sacramento: & secundum hoc per partem in calicem missam significantur illi qui adhuc sunt participes passionum Christi. Alio modo potest significari fructus beatus, quae etiam in hoc sacramento praefiguratur: & ideo illi quorum corpora iam sunt in plena beatitudine, significantur per partem in calicem missam. Et est notandum, quod pars in calicem missa non debet populo dari in supplementum Communionis: quia panem intinctum non porrexit Christus nisi Iudae proditori.

Ad decimum dicendum, quod vinum ratione suae humiditatis est ablutivum: & ideo sumitur post susceptionem huius sacramenti ad abluendum os, ne aliqua reliqua remaneant; quod pertinet ad reverentiam sacramenti. Unde extra de celebr. liti. (cap. Ex parte) dicitur: *Semper sacerdos vino os perungere debet, postquam totum percipit Eucharistiae sacramentum, nisi cum eadem die aliam Missam debuerit celebrare, ne si forte vinum perfusionis acciperet, celebrationem aliam impediret: & eadem ratione perfundit vino digitos, quibus corpus Christi tetigitur.*

Ad undecimum dicendum, quod veritas quantum ad aliquid debet respondere figurae, quia scilicet non debet pars hostiae consecratae, de qua sacerdos, & ministri, vel etiam populus communicat, in crastinum reservari. Unde, ut habetur de consecr. dist. 11. (cap. Tribus gra-

dibus) Clemens I. Papa (epist. 11. in princ.) statuit quod tanta bolocaula in altari offerantur, quanta populo sufficere debeant: quod si remanserint, in crastinum non reserventur, sed cum timore, & tremore Clericorum diligentia consumantur. Quia tamen hoc sacramentum quotidie sumendum est, non autem agnus paschalis quotidie sumebatur; ideo oportet alias hostias consecratas pro infirmis conservare. Unde in eadem distinctione legitur (cap. xciii.) *Presbyter Eucharistiam semper habeat paratam, ut quando quis infirmatus fuerit, statim eum communiect, ne sine communione moriatur.*

Ad duodecimum dicendum, quod in solemnibus celebrationibus Missae plures debent adesse. Unde Soter Papa dicit (decreto lli.) ut habetur de consecr. dist. 1. (cap. lxi.) *Hoc quoque statutum est, ut nullus presbyterorum Missarum solennia celebrare praesumat, nisi duobus praesentibus, sibiique respondentibus, ipse tertius babeatur: quia cum pluraliter ab eo dicitur, Dominus vobiscum, & illud in secretis, Orate pro me, apertissime convenit ut ipse respondeat salutationi.* Unde & ad maiorem sollemnitatem ibidem statutum legitur (cap. ltx.) quod Episcopus cum pluribus Missarum solennia peragat. In Missis tamen privatis sufficit unum habere ministrum, qui gerit personam totius populi catholici, ex cuius persona sacerdote pluraliter respondet.

## ARTICULUS VI. 309

*Utrum possit sufficienter occurrere defectibus circa celebrationem huius sacramenti occurrentibus, statuta Ecclesiae observando.*

*IV. dist. xliii. in exposit. lit.*

**A**D sextum sic proceditur. Videtur quod non possit sufficienter occurrere defectibus qui circa celebrationem huius sacramenti occurrunt, statuta Ecclesiae observando. Contingit enim quia: doque quod sacerdos ante consecrationem, vel post moritur, vel alienatur, vel aliqua alia infirmitate impeditur, ne sacramentum finire possit, & Missam perficere. Ergo videtur quod non possit impleri statutum Ecclesiae quo praecipitur quod sacerdos consecrans suo sacrificio communicet.

2. Præterea. Contingit quandoque quod sacerdos ante consecrationem, vel post reco-

recolit se aliquid comedisſe, vel bibiſſe, vel etiam alicui peccato mortali ſubiace-  
re, vel etiam excommunicationi, cuius  
prius memoriam non habebat. Neceſſe  
eſt ergo quod ille qui eſt in tali articu-  
lo conſtitutus, peccet mortaliter contra  
ſtatutum Eccleſiæ faciens, ſive ſumat,  
ſive non ſumat.

3. Præterea. Contingit quandoque quod  
in calicem muſca, vel aranea, vel ali-  
quod animal venenolum cadit poſt con-  
ſecrationem; vel etiam cognoscit ſacer-  
dos calici venenum eſſe immiſſum ab a-  
liquo malevolo cauſa occideri ipſum:  
in quo caſu ſi ſumat, videtur mortaliter  
peccare ſe occidendo, vel Deum tentan-  
do: ſimiliter ſi non ſumat, peccat con-  
tra ſtatutum Eccleſiæ faciens. Ergo vi-  
detur eſſe perplexus, & ſubiectus neceſ-  
ſitati peccandi: quod eſt inconveniens.

4. Præterea. Contingit quandoque quod  
per negligentiam miniſtri aut aqua non  
ponitur in calice, aut etiam nec vinum,  
& hoc ſacerdos advertit. Ergo in hoc et-  
iani caſu videtur eſſe perplexus, ſive ſu-  
mat corpus ſine ſanguine, quaſi imper-  
fectum faciens ſacrificium, ſive non ſu-  
mat nec corpus, nec ſanguinem.

5. Præterea. Contingit quandoque quod  
ſacerdos non recolit ſe dixiſſe verba  
conſecrationis, vel etiam alia quæ in ce-  
lebratione huius ſacramenti dicuntur.  
Videtur ergo peccare in hoc caſu, ſive  
reiteret verba ſuper eandem materiam,  
quæ forte iam dixerat, ſive utatur pa-  
ne, & vino non conſecratis, quaſi con-  
ſecratis.

6. Præterea. Contingit quandoque pro-  
pter frigus, quod ſacerdoti dilabitur ho-  
ſtia in calicem, ſive ante fractionem, ſive  
poſt. In hoc ergo caſu non poterit  
ſacerdos ritum Eccleſiæ implere vel de  
ipſa fractione, vel etiam de hoc quod  
ſola tertia pars mittatur in calicem.

7. Præterea. Contingit quandoque quod  
per negligentiam ſacerdotis ſanguis Chri-  
ſti effunditur, vel etiam quod ſacerdos  
ſacramentum ſumptum vomit, aut et-  
iam quod hoſtiæ conſecratæ tamdiu con-  
ſervantur ut putreſcant, vel etiam a mu-  
ribus corrodantur, vel etiam qualiter-  
cumque perdantur: in quibus caſibus non  
videtur poſſe huic ſacramento debita re-  
verentia exhiberi ſecundum Eccleſiæ ſta-  
tuta. Non videtur ergo quod hiſ deſe-  
ctibus, ſeu periculis occurrī poſſit, ſal-  
vis Eccleſiæ ſtatutis.

Sed contra eſt quod ſicut Deus, ita  
Eccleſiæ non præcipit aliquid impoſſibile.

Reſpondeo dicendum, quod periculis,  
ſeu deſectibus circa hoc ſacramentum con-  
tingentibus dupliciter poteſt occurrī: uno  
modo præveniēdo, ne ſcilicet pericu-  
lum accidat; alio modo ſubſequenti,  
ut ſcilicet id quod accidit, emendetur,  
vel adhibendo remedium, vel ſaltem per  
poenitentiam eius, qui negligenter egit  
circa hoc ſacramentum.

Ad primum ergo dicendum, quod ſi ſa-  
cerdos morte, aut infirmitate gravi oc-  
cupetur ante conſecrationem corporis,  
& ſanguinis Domini, non oportet ut per  
aliū ſuppleatur. Si vero, incepta conſe-  
cratione, hoc acciderit, puta conſe-  
crato corpore ante conſecrationem ſan-  
guinis, vel etiam conſecrato utroque,  
debet Miſſæ celebritas per aliū exple-  
ri. Unde, ut habetur in decret. vii.  
quaſt. i. (cap. *Nihil*.) in Toletano Con-  
cilio (vii. cau. ii.) legitur: *Cenſuimus  
convenire ut cum a ſacerdotibus Miſſarum  
tempore myſteria ſacra conſecrantur, ſi æ-  
gritudinis acciderit cuiuſlibet eventus, quo  
cæptum nequeant explere myſterium, ſi li-  
berum Epilcopo, vel preſbytero alteri con-  
ſecrationem exequi incepti officii. Non e-  
nim aliud competit ad ſupplementum ini-  
tiatis myſterii, quam aut incipientis, aut  
ſubſequentis benedictio completa ſacerdo-  
tis: quia nec perfectiſſa videri poſſunt, niſi  
perfecto ordine complentur. Cum enim  
ſumus omnes unum in Chriſto, nihil  
contrarium diverſis perſonarum format, ubi  
efficaciam preſentis unitas fidei re-  
praſentat. Ne tamen quod nature languoris  
cauſa conſulitur, in præſumptionis per-  
niciem converſatur, nullus abſque præſen-  
tis patentiſſi miſterii, vel ſacerdos  
cum caperit, imperfecta officia præſumat  
omnino relinquere. Si quis hoc temerarie  
præſumpſerit, excommunicationis ſenten-  
tiam ſuſtinebit.*

Ad ſecundum dicendum, quod ubi di-  
fficultas occurrīt, ſemper eſt accipiendum  
illud quod habet minus de periculo.  
Maxime autem periculofum circa hoc ſa-  
cramentum eſt, quod eſt contra perfec-  
tionem huius ſacramenti, quia hoc eſt  
immane ſacrilegium; minus autem eſt il-  
lud quod pertinet ad qualitatem ſumen-  
tis. Et ideo ſi ſacerdos poſt conſecratio-  
nem inceptam recorderetur ſe aliquid co-  
mediſſe, vel bibiſſe, nihilominus debet  
perficere ſacrificium, & ſumere ſacra-  
mentum: ſimiliter ſi recorderetur ſe pec-  
catum aliquod commiſiſſe, debet poeni-  
tere cum propoſito confitendi, & ſatis-  
faciendi; & ſic non indigne, ſed fruſtra-

se fumet sacramentum: & eadem ratio est, si meminerit se excommunicationis cuiusque subiacere: debet enim allumere propositum humiliter absolutionem petendi; & sic per invisibilem Pontificem Iesum Christum absolutionem consequetur quantum ad hunc actum, quod peragat divina mysteria. Si vero ante consecrationem alicuius prædictorum sit minor, titulus reputarem, maxime in casu manducationis, & excommunicationis, quod Missam inceptam desereret, nisi grave scandalum timeretur.

Ad tertium dicendum, quod si musca, vel aranea in calicem ante consecrationem ceciderit, aut etiam venenum deprehenderit esse immixtum, debet effundi, & ablato calice, denuo aliud vinum poni consecrandum. Si vero aliquid horum post consecrationem acciderit, debet animal caute capi, & diligenter lavari, & comburi, & ablatis cum cineribus in sacrum mitti. Si vero venenum ibi esse deprehenderit immixtum, nullo modo debet sumere, nec alii dare, ne calix vitæ vertatur in mortem; sed debet diligenter in aliquo vasculo ad hoc apto cum reliquiis conservari: & ne sacramentum remaneat imperfectum, debet aliud vinum apponere in calicem, & denuo resumere a consecratione sanguinis, & sacrificium perficere.

Ad quartum dicendum, quod si sacerdos ante consecrationem sanguinis, & post consecrationem corporis percipiat aut vinum, aut aquam non esse in calice, debet statim apponere, & consecrare. Si vero post consecrationis verba percipiat quod aqua deest, debet nihilominus procedere: quia impositio aquæ, ut supra dictum est (quæst. lxxiv. art. 7.) non est de necessitate sacramenti: debet tamen puniri ille ex cuius negligentia hoc contingit. Nullo autem modo debet aqua vino iam consecrato misceri: quia sequeretur corruptio sacramenti pro aliqua parte, ut supra dictum est (quæst. lxxvii. art. 8.) Si vero percipiat post verba consecrationis quod vinum non fuerit positum in calice, si quidem hoc percipiat ante sumptionem corporis, debet, deposita aqua, si ibi fuerit, impingere vinum cum aqua, & resumere a verbis consecrationis sanguinis. Si vero hoc perceperit post sumptionem corporis, aliam hostiam apponere debet iterum consecrandam simul cum sanguine: quod ideo dico, quia si diceret sola verba consecrationis sanguinis, non servaretur de-

bitus ordo consecrandi: & sicut dicitur in prædicto cap. Toletani Concilii (cic. in resp. ad 1.) *perfecta videri non possunt sacrificia, nisi perfectò ordine compleantur*. Si vero inciperet a consecratione sanguinis, & repeteret omnia verba consequentia, non competeret, nisi adesset hostia consecrata; cum in verbis illis occurrant quædam dicenda, & fienda non solum circa sanguinem, sed etiam circa corpus: & debet in fine iterum sumere hostiam consecratam, & sanguinem, non obstantem etiam si prius impleverit aquam quæ erat in calice: quia præceptum de perfectione, vel de perceptione huius sacramenti maioris est ponderis quam præceptum quod sacramentum a rebus sumatur, ut supra dictum est (quæst. lxxx. art. 8.)

Ad quintum dicendum, quod licet sacerdotes non recolat se dixisse aliquarum quæ dicere debuit, non tamen debet ex hoc mente perturbari: non enim quia multa dicit, recolat omnia quæ dixit: nun forte aliquid in dicendo apprehenderit sub ratione iam dicti: sic enim aliquid emittitur memorabile. Unde si aliquis attente cogitet illud quod dicit, non tamen cogitet se dixisse illud, non multum postea recolat se dixisse: sic enim aliquid obiectum memoræ, inquantum accipitur sub ratione præteriti, sicut dicitur in Lib. de memoria (cap. i. a princ.) Si tamen sacerdos probabiliter contulerit se aliqua omisisse, si quidem non sunt de necessitate sacramenti, non existimo quod propter hoc debeat resumere, immutando ordinem sacrificii, sed debet ulterius procedere; si vero certificetur se omisisse aliquid eorum quæ sunt de necessitate sacramenti, scilicet formam consecrationis, cum forma consecrationis sit de necessitate sacramenti, sicut & materia, idem videtur faciendum, quod dictum est (in solut. præc.) in defectu materiæ, ut scilicet resumatur a forma consecrationis, & cetera per ordinem reiterentur, ne mutetur ordo sacrificii.

Ad sextum dicendum, quod fractio hostiæ consecratæ, & quod una sola pars mittatur in calicem, respicit corpus mysticum, sicut admixtio aquæ significat populum: & ideo horum prætermissio non facit imperfectionem sacrificii, ut propter hoc sit necesse aliquid reiterare circa celebrationem huius sacramenti.

Ad septimum dicendum, quod, sicut legitur de consecr. dist. vii. (cap. xxvii.) ex decreto (vi.) Pii I. Papæ *si per ne-*  
glex.

gligentiam aliquid de sanguine stillaverit in tabulam quæ terræ adhaeret, lingua lambetur, & tabula radetur. Si vero non fuerit tabula, terra radetur, & igni consumetur, & cinis intra altare condetur; & sacerdos quadraginta diebus pœniteat. Si autem super altare stillaverit calix, forbeat minifter stillam, & tribus diebus pœniteat: si super linteam altaris, & ad aliud stilla pervenerit, quatuor diebus pœniteat: si usque ad tertium, novem diebus pœniteat: si usque ad quartum, viginti diebus pœniteat; & lintamina quæ stilla tetigerit, tribus vicibus laet minifter, calice subius posito; & aqua ablutionis sumatur, & iuxta altare recondatur. Posset etiam sumi in potum a ministro, nisi propter abominationem dimitteretur. Quidam autem ulterius partem illam linteaminum incidunt, & comburunt, & cinerem in altari, vel sacrario reponunt. Subditur autem ibidem (cap. xxviii.) ex Pœnitentiali Bedæ Presbyteri (Lib. de remedio peccator. cap. de ebrietate) Si quis per ebrietatem, vel voracitatem Eucharistiam evomerit, quadraginta diebus pœniteat, si laicus est: clericus, vel monachus, seu diaconi, & presbyteri septuaginta diebus pœniteant; Episcopus nonaginta. Si autem infirmitatis causa evomerint, septem diebus pœniteant. Et in eadem dist. (cap. xciv.) legitur ex Concilio Arelatensi (IV.) Qui non bene custodierit sacrificium, & mus, vel aliquod animal illud comederit, quadraginta diebus pœniteat; qui autem prœdiderit illud in Ecclesia, aut pars eius ceciderit, & non inventa fuerit, triginta diebus pœniteat. Et eadem pœnitentia videtur dignus sacerdos, per cuius negligentiam hostiæ consecratæ putrefiunt. Prædictis autem diebus debet pœnitens ieiunare, & a Communionem cessare. Penfatis tamen conditionibus negotii, & personæ, potest minui, vel addi ad pœnitentiam prædictam. Hoc tamen observandum est, quod ubicumque species integræ inveniuntur, sunt reverenter conservandæ, vel etiam sumendæ: quia manentibus speciebus, manet ibi corpus Christi, ut supra dictum est (quæst. lxxvii. art. 5.) Ea vero in quibus inveniuntur, si commode fieri potest, sunt comburenda, cinere in sacrario recondito, sicut de rasura tabulæ dictum est (hic sup.)

## QUAESTIO LXXXIV.

De sacramento pœnitentiæ,  
in decem articulos divisa.

Consequenter considerandum est de sacramento pœnitentiæ: circa quod primo considerandum est de ipsa pœnitentia; secundo de effectu ipsius; tertio de partibus eius; quarto de suscipientibus hoc sacramentum; quinto de potestate ministrorum, quæ ad claves pertinet; sexto de solemnitate huius sacramenti.

Circa primum duo consideranda sunt. Primo de pœnitentia, secundum quod est sacramentum. Secundo de pœnitentia, secundum quod est virtus.

Circa primum quærentur decem.

Primo, utrum pœnitentia sit sacramentum.

Secundo de propria materia eius.

Tertio de forma ipsius.

Quarto, utrum impositio manus requiratur ad hoc sacramentum.

Quinto, utrum hoc sacramentum sit de necessitate.

Sexto de ordine eius ad alia sacramenta.

Septimo de institutione eius.

Octavo de duratione ipsius.

Nono de continuatione eius.

Decimo, utrum possit iterari.

## ARTICULUS I. 510

Utrum pœnitentia sit sacramentum.

IV. dist. xiv. quæst. 1. art. 1. quæst. 1. & dist. xxii. quæst. 11. art. 3. quæst. 2. cor.

Ad primum sic proceditur. Videtur quod pœnitentia non sit sacramentum. Gregorius enim dicit (id hab. lisd. Lib. VI. Etymolog. cap. ult. cir. med.) & habetur in Decret. 1. quæst. 1. (cap. Mulier secularium:) Sacramenta sunt baptismus, Chrisma, corpus, & sanguis Christi: quæ ob id sacramenta dicuntur, quia sub tegumento corporalium rerum divina virtus secretius (a) operatur salutem. Sed hoc non contingit in pœnitentia: quia non adhibentur aliquæ corporales res, sub quibus divina virtus operetur salutem. Ergo pœnitentia non est sacramentum.

2. Præterea. Sacramenta Ecclesiæ a

Q o 3 mi-



ministris Christi exhibentur, secundum illud I. Cor. xv. 1. *Sic non existimet homo ut ministris Christi, & dispensatores mysteriorum Dei.* Sed poenitentia non exhibetur a ministris Christi, sed interius a Deo hominibus inspiratur, secundum illud Hierem. xxxi. 19. *Postquam converti-  
fime, & poenitentiam.* Ergo videtur quod poenitentia non sit sacramentum.

3. Præterea. In sacramentis de quibus iam supra diximus, est aliquid quod est sacramentum tantum, aliquid quod est res, & sacramentum, aliquid vero quod est res tantum, ut ex præmissis patet (quæst. lxxv. art. 1.) Sed hoc non invenitur in poenitentia. Ergo poenitentia non est sacramentum.

Sed contra est quod sicut baptismus adhibetur ad purificandum a peccato, ita & poenitentia: unde & Petrus dixit Simoni Act. viii. 22. *Poenitentiam age ab hac nequitia tua.* Sed baptismus est sacramentum, ut supra habitum est (quæst. lxxv. art. 1.) Ergo pari ratione & poenitentia.

Respondetur dicendum, quod, sicut Gregorius dicit in cap. supra dicto (in arg. 1.) *sacramentum est in aliqua celebratione, cum res gesta ita sit ut aliquid significative accipiamus, quod sancte accipendum est.*

Manifestum est autem quod in poenitentia ita res gesta sit quod aliquid sanctum significatur tam ex parte peccatoris poenitentis, quam ex parte sacerdotis absolventis: nam peccator poenitens per ea quæ facit, & dicit, ostendit cor suum a peccato recessisse: similiter etiam sacerdos per ea quæ agit, & dicit circa poenitentem, significat opus Dei remittentis peccata. Unde manifestum est quod poenitentia quæ in Ecclesia agitur, est sacramentum.

Ad primum ergo dicendum, quod nomine corporalium rerum intelliguntur large etiam ipsi exteriores actus sensibiles; qui ita se habent in hoc sacramento, sicut aqua in baptismo, vel chrisma in confirmatione. Est autem attendendum, quod in illis sacramentis in quibus confertur excellens gratia, quæ superabundat omnem facultatem humani actus, adhibetur aliqua corporalis materia exterior; sicut in baptismo, ubi fit plena remissio peccatorum & quantum ad culpam, & quantum ad poenam; & in confirmatione, ubi datur plenitudo Spiritus sancti; & in extrema unctione, ubi confertur perfecta sanitas spiritualis,

quæ provenit ex virtute Christi, quasi ex quodam extrinseco principio. Unde si quis actus humani sunt in talibus sacramentis, non sunt de essentia sacramentorum, sed dispositive habent ad sacramenta. In illis autem sacramentis quæ habent effectum correspondentem humanis actibus, ipsi actus humani sensibiles sunt loco materiae; ut accedit in poenitentia, & matrimonio: sicut etiam in medicinis corporalibus quædam sunt res exterioribus adhibita, sicut emplastra, & electuaria; quædam vero sunt actus sanandorum, puta exercitationes quædam.

Ad secundum dicendum, quod in sacramentis quæ habent corporalem materiam, oportet quod illa materia adhibeatur a ministro Ecclesiae, qui gerit personam Christi, in signum quod excellentia virtutis in sacramento operantis est a Christo. In sacramento autem poenitentiae, sicut dictum est (in solut. præc.) sunt actus humani pro materia, qui proveniunt ex inspiratione interna: unde materia non adhibetur a ministro, sed a Deo interius operante; sed complementum sacramenti exhibet minister, dum poenitentem absolvit.

Ad tertium dicendum, quod etiam in poenitentia est aliquid quod est sacramentum tantum, scilicet actus exterior exercitus tam per peccatorem poenitentem, quam etiam per sacerdotem absolventem; res autem, & sacramentum est poenitentia interior peccatoris; res autem tantum, & non sacramentum est remissio peccati: quorum primum totum simul sumptum est causa secundi; primum autem, & secundum sunt quodammodo causa tertiæ.

## ARTICULUS II. 511

*Utrum peccata sint propria materia huius sacramenti.*

**A**D secundum sic proceditur. Videtur quod peccata non sint propria materia huius sacramenti. Materia enim alius sacramenti per aliqua verba prolata sanctificatur, & sanctificata effectum sacramenti operatur. Peccata autem non possunt sanctificari, eo quod contrariantur effectui sacramenti, qui est gratia remittens peccata. Ergo peccata non sunt materia propria huius sacramenti.

2. Præterea. Augustinus dicit in Lib. de poenitentia (sc. hom. xxviii. inter 1, cap. 1,

cap. 1. parum a princ.) *Nullus potest inchoare novam vitam, nisi eum veteris vitae poeniteat.* Sed ad veritatem vitae pertinent non solum peccata, sed etiam poenitates praesentis vitae. Non ergo peccata sunt propria materia poenitentiae.

3. Praeterea. Peccatorum quoddam est originale, quoddam mortale, quoddam veniale. Sed poenitentiae sacramentum non ordinatur contra originale peccatum, quod tollitur per baptismum; neque contra peccatum mortale, quod tollitur per confessionem peccatoris; nec etiam contra veniale, quod tollitur perunctionem pectoris, & per aquam benedictam, & alia huiusmodi. Ergo peccata non sunt propria materia poenitentiae.

Sed contra est quod Apostolus dicit II. Cor. xii. 21. *Non egerunt poenitentiam super immunditia, & fornicatione, & impudicitia, quam gesserunt.*

Respondeo dicendum, quod duplex est materia, scilicet proxima, & remota; sicut statim proxima materia est metallum, remota vero aqua.

Dictum est autem (art. praec. ad 1. & 2.) quod materia proxima huius sacramenti sunt actus poenitentis: cuius materia sunt peccata, de quibus dolet, & quae confitentur, & pro quibus satisfacit. Unde relinquatur quod remota materia poenitentiae sint peccata, non acceptanda, sed detestanda, & destruenda.

Ad primum ergo dicendum, quod ratio illa procedit de proxima materia sacramenti.

Ad secundum dicendum, quod vetus, & mortalis vita est obiectum poenitentiae, non ratione poenitentiae, sed ratione culpae annexae.

Ad tertium dicendum, quod poenitentia quodammodo est de quolibet peccatorum genere, non tamen eodem modo. Nam de peccato actuali mortali est poenitentia proprie, & principaliter: proprie quidem, quia proprie dicitur poenitere de his quae nostra voluntate commisimus; principaliter autem, quia ad deletionem peccati mortalis hoc sacramentum est principaliter institutum. De peccatis autem venialibus est quidem poenitentia proprie, inquantum sunt nostra voluntate facta; non tamen contra haec principaliter est hoc sacramentum institutum. De peccato vero originali poenitentia nec principaliter est (quia contra ipsum non ordinatur hoc sacramentum,

sed magis baptismus) nec etiam proprie, quia peccatum originale non est nostra voluntate peccatum: nisi forte inquantum voluntas Adae reputatur nostra, secundum modum loquendi quo Apostolus dicit Rom. v. 12. *In quo omnes peccaverunt.* Inquantum tamen large accipitur poenitentia pro quacunque detestazione rei praeteritae, potest dici poenitentia de peccato originali, sicut loquitur Augustinus in Lib. de poenitentia (alius Auditor de vera & falsa poenit. cap. viii.)

### ARTICULUS III. 312

*Utrum haec sit forma huius sacramenti, Ego te absolvo.*

IV. dist. xxii. quest. 11. art. 2. quest. 2. & 3. & op. xxii.

**A**D tertium sic proceditur. Videtur quod haec non sit forma huius sacramenti, *Ego te absolvo*. Formae enim sacramentorum ex institutione Christi, & Ecclesiae uli habentur. Sed Christus non legitur hanc formam instituisse, neque etiam in communi usu habetur; quinimmo in quibusdam absolutionibus quae in Ecclesia publice fiunt, sicut in Prima, & Completorio, & in Coena Domini, absolvens non utitur oratione indicativa, ut dicat, *Ego te absolvo*, sed oratione deprecativa, cum dicit, *Miserere tui omnipotens Deus*, vel *Absolutionem, & remissionem tribuas vobis omnipotens Deus*. Ergo haec non est forma huius sacramenti, *Ego te absolvo*.

2. Praeterea. Leo Papa dicit (epist. cviii. al. xci. ad Theodor. cap. ii.) quod indulgentia Dei nisi supplicationibus sacerdotum nequit obtineri. Loquitur autem de indulgentia Dei quae praestatur poenitentibus. Ergo forma huius sacramenti debet esse per modum deprecationis.

3. Praeterea. Idem est absolvere peccatum, quod peccatum remittere. Sed solus Deus peccatum remittit, qui etiam solus interius hominem a peccato mundat, ut Augustinus dicit super Ioan. (tract. iv. cir. med. & Lib. I. de peccator. merit. & remis. cap. xxiii.) Ergo videtur quod solus Deus a peccato absolvat. Non ergo debet sacerdos dicere, *Ego te absolvo*, sicut non dicit, *Ego tibi peccata remitto*.

4. Praeterea. Sicut Dominus dedit potestatem discipulis absolviendi a peccatis, ita etiam dedit eis potestatem curandi

infirmittes, & ut dæmonia eiecerent, & ut languores sanarent, ut habetur Matth. x. & Luc. ix. Sed sanando infirmos Apostoli non utebantur his verbis, *Ego te sano*; sed, *Sanet te Dominus Iesus Christus*, sicut Petrus dixit paralytico, ut habetur Act. ix. 34. Ergo videtur quod sacerdotes habentes potestatem Apostolis a Christo traditam non debeant uti hac forma verborum, *Ego te absolvo*, sed, *Abolutionem tribuat tibi Christus*.

5. Præterea. Quidam hac forma utentes sic eam exponunt, *Ego te absolvo*, idest *absolutum offendo*. Sed nec hoc etiam sacerdos facere potest, nisi ei divinitus reveletur: unde, ut legitur Matth. xvi. 19. antequam Petro diceretur, *Quodcumque solveris super terram &c.* dictum est ei: *Beatus es Simon Bariona: quia caro, & sanguis non revelavit tibi, sed Pater meus qui est in celis*. Ergo videtur quod sacerdos, cui non est facta revelatio, præsumptuose dicat, *Ego te absolvo*, etiam si exponatur, idest *absolutum offendo*.

Sed contra est quod sicut Dominus dixit discipulis Matth. ult. 19. *Ventes docete omnes gentes, baptizantes eos &c.* ita dixit Petro Matth. xvi. 19. *Quodcumque solveris super terram &c.* Sed sacerdos auctoritate illorum verborum Christi fretus dicit, *Ego te baptizo*. Ergo eadem auctoritate dicere debet in hoc sacramento, *Ego te absolvo*.

Respondendo dicendum, quod in qualibet re perfectio attribuitur formæ. Dictum est autem supra (art. 1. in. quæst. ad 2.) quod hoc sacramentum perficitur per ea quæ sunt ex parte sacerdotis. Unde oportet quod ea quæ sunt ex parte penitentis, sive sint verba, sive facta, sint quædam materia huius sacramenti; ea vero quæ sunt ex parte sacerdotis, se habeant per medium formæ.

Cum autem sacramenta novæ legis efficiant quod figurant, ut supra dictum est (quæst. lxxii. art. 1. ad 1.) oportet quod forma sacramenti significet id quod in sacramento aptatur proportionaliter materię sacramenti. Unde forma Baptismi est, *Ego te baptizo*; & forma confirmationis est, *Confero te signo crucis, & confirmo te christi salute*: eo quod huiusmodi sacramenta perficiuntur in usu materię: in sacramento autem Eucharistiæ, quod consistit in ipsa consecratione materię, exprimitur veritas consecrationis, cum dicitur, *Hoc est corpus meum*.

Hoc autem sacramentum, scilicet po-

nitentiæ, non consistit in consecratione alicuius materię, nec in usu alicuius materię sanctificatæ, sed magis in remotione cuiusdam materię, scilicet peccati, prout peccata dicuntur esse materię penitentię, ut ex supra dictis patet (art. præc.) Talis autem remotio significatur a sacerdote, cum dicitur, *Ego te absolvo*. Nam peccata sunt quædam vincula, secundum illud Proverb. v. 22. *Iniquitates sue capiunt impium: & funibus peccatorum suorum quisque constringitur*. Unde patet quod hæc est convenientissima forma huius sacramenti, *Ego te absolvo*.

Ad primum ergo dicendum, quod ista forma assumitur ex ipsis verbis Christi, quibus Petro dixit (Matth. xvi. 19.) *Quodcumque solveris super terram &c.* Et tali forma Ecclesia utitur in sacramentali abolutione. Huiusmodi autem abolutiones in publico factæ non sunt sacramentales, sed sunt orationes quædam ordinatæ ad remissionem venialium peccatorum. Unde in sacramentali abolutione non sufficeret dicere, *Miserere tui omnipotens Deus*, vel *Abolutionem, & remissionem tribuat tibi Deus*: quia per hæc verba sacerdos abolutionem non significat fieri, sed petit ut fiat. Præmittitur tamen etiam in sacramentali abolutione talis oratio, ne impediatur effectus sacramenti ex parte penitentis, cuius actus materialiter quodammodo se habent in hoc sacramento, non autem in baptismo, vel in confirmatione.

Ad secundum dicendum, quod verbum Leonis est intelligendum quantum ad deprecationem, quæ præmittitur abolutioni; non autem removel quin sacerdotes absolvant.

Ad tertium dicendum, quod solus Deus per auctoritatem & a peccato absolvit, & peccatum remittit; sacerdotes tamen utrumque faciunt per ministerium, in quantum scilicet verba sacerdotis in hoc sacramento instrumentaliter operantur in virtute divina, sicut etiam in aliis sacramentis. Nam virtus divina est quæ interius operatur in omnibus sacramentalibus signis, sive sint res, sive verba, sicut ex supradictis patet (quæst. lxxii. art. 4. & quæst. lxxiv. art. 1. & 2.) Unde & Dominus expressit utrumque: nam Matth. xvi. 19. dixit Petro: *Quodcumque solveris super terram &c.* & Ioan. xx. 23. dixit discipulis: *Quorum remiseritis peccata, remittantur eis*. Ideo tamen sacerdos potius dicit, *Ego te absolvo*, quam

Ego

Ego tibi peccata remitto, quia hoc magis congruit verbis quæ Dominus dixit, virtutem clavium ostendens, per quas sacerdotes absolvunt. Quia tamen sacerdotes sicut ministræ absolvi, convenienter apponitur aliquid quod pertinet ad primam auctoritatem Dei, scilicet ut dicatur: *Ego te absolvo in nomine Patris, & Filii, & Spiritus sancti*, vel per virtutem passionis Christi, vel auctoritate Dei, sicut Dionysius exponit 111. cap. cæ. Hierarch. (a med. implic. & cap. vii. eccl. Hierar. vers. fi.) Quia tamen hoc non est determinatum, eis verbis Christi, sicut in baptismo, talis appositio relinquitur arbitrio sacerdotis.

Ad quantum dicendum, quod Apostolis non est data potestas ut ipsi sanarent infirmos, sed ut ad eorum orationem infirmi sanarentur; est autem eis collata potestas operandi instrumentaliter, sive ministerialiter in sacramentis: & ideo magis possunt in formis sacramentalibus exprimere actum suum quam in sanationibus infirmitatum.

In quibus tamen non semper modo deprecativo utebantur, sed quandoque modo indicativo, & imperativo, sicut Act. 111. 6. legitur, quod Petrus dixit claudo: *Quod habeo, hoc tibi do: in nomine Iesu Christi Nazareni surge, & ambula.*

Ad quantum dicendum, quod ista expositio, *Ego te absolvo*, idest *absolutum ostendo*, quantum ad aliquid quidem vera est; non tamen est perfecta. Sacramenta enim novæ legis non solum significant, sed etiam faciunt quod significant. Unde sicut sacerdos baptizando aliquem, ostendit hominem interius ablutum per verba, & facta, & non solum significative, sed etiam effective; ita etiam cum dicit, *Ego te absolvo*, ostendit hominem absolutum non solum significative, sed etiam effective. Nec tamen loquitur quasi de re incerta: quia sicut alia sacramenta novæ legis habent de se certum effectum ex virtute passionis Christi, licet possit impediri ex parte recipientis; ita etiam & in hoc sacramento. Unde Augustinus dicit in Lib. II. de adult. coniug. (cap. ix in princ.) *Non est turpis, nec difficilis post patrata, & purgata adulteria reconciliatio coniugii, ubi per claves regni calorum non dubitatur fieri remissio peccatorum.* Unde nec sacerdos indiget speciali revelatione sibi facta; sed sufficit generalis revelatio fidei, per quam remittuntur peccata. Unde revelatio fidei dicitur Petro facta fuisse: *Esset au-*

tem perfectior expositio, *Ego te absolvo*, idest *sacramentum absolutionis tibi imponendo.*

# ARTICULUS IV. 513

*Utrum impositio manuum sacerdotis requiratur ad hoc sacramentum.*

IV. cont. gen. cap. lxxi. & op. xxii. cap. iv.

**A**D quantum sic proceditur. Videtur quod impositio manuum sacerdotis requiratur ad hoc sacramentum. Dicitur enim Marci ult. 18. *Super agros manus imponit, & bene habebunt.* Agri autem spiritualiter sunt peccatores, qui recipiunt bonam habitudinem per hoc sacramentum. Ergo in hoc sacramento est manus impositio facienda.

2. Præterea. In sacramento penitentiae recuperat homo Spiritum sanctum amissum: unde ex persona penitentis dicitur in Plal. l. 14. *Redde mihi lætitiæ salutaris tui, & Spiritu principali confirma me.* Sed Spiritus sanctus datur per impositionem manuum: legitur enim Act. viii. 17. quod *Apostoli imponebant manus super illos, & accipiebant Spiritum sanctum*: & Matth. xix. 19. dicitur quod *oblati sunt Domino parvuli, ut eis manus imponeret.* Ergo in hoc sacramento est facienda manus impositio.

3. Præterea. Verba sacerdotis in hoc sacramento non sunt maioris efficaciz quam in aliis sacramentis. Sed in aliis sacramentis non sufficiunt verba ministræ, nisi aliquem actum exerceat; sicut in baptismo simul cum hoc quod sacerdos dicit, *Ego te baptizo*, requiritur corporalis ablutio. Ergo etiam simul cum hoc quod sacerdos dicit, *Ego te absolvo*, oportet quod aliquem actum exerceat circa penitentem, in ponendo ei manus.

Sed contra est quod cum Dominus dixit Petro (Matth. xvi. 19.) *Quodcumque solveris super terram &c.* nullam mentionem de manus impositione fecit: neque etiam cum omnibus Apostolis simul dixit: *Quorum remisistis peccata, remittuntur eis* (Ioan. xx. 23.) Non ergo ad hoc sacramentum requiritur impositio manuum.

Respondeo dicendum, quod impositio manuum in sacramentis Ecclesiz fit ad designandum aliquem copiosum gratiz effectum, quo illi quibus manus imponuntur, quodammodo per quamdam similitudi-

tudinem continuantur ministris, in quibus copia gratiæ esse debet. Er ideo manus impositio fit in sacramento confirmationis, in quo confertur plenitudo Spiritus sancti; & in sacramento ordinis, in quo confertur quædam excellentia potestatis in divinis mysteriis; unde & II. ad Timoth. i. 6. dicitur: *Resuscites gratiam Dei, quæ est in te per impositionem manuum mearum.*

Sacramentum autem poenitentiae non ordinatur ad consequendam aliquam excellentiam gratiæ, sed ad remotionem peccatorum: & ideo ad hoc sacramentum non requiritur manuum impositio, sicut etiam nec ad baptismum, in quo tamen fit plenior remissio peccatorum.

(a)

Ad primum ergo dicendum, quod illa manus impositio non est sacramentalis, sed ordinatur ad miracula perficienda, ut scilicet per contactum manus hominis sanctificati etiam corporalis infirmitas tollatur; sicut etiam legitur de Domino Marc. vi. 5. quod *infirmos manibus impositis curavit*; & Matth. viii. legitur, quod leprosum mundavit per contactum.

Ad secundum dicendum, quod non quilibet acceptio Spiritus sancti requirit manus impositionem, quia etiam in baptismo accipit homo Spiritum sanctum, nec tamen hic ibi manus impositio; sed acceptio Spiritus sancti cum plenitudine requirit manus impositionem, quod pertinet ad confirmationem.

Ad tertium dicendum, quod in sacramentis quæ perficiuntur in usu materiæ, minister habet aliquem actum corporalem exercere circa eum qui suscipit sacramentum, sicut in baptismo, & confirmatione, & extrema unctione; sed hoc sacramentum non consistit in usu alicuius materiæ exterioris appositæ; sed loco

materiæ se habent ea quæ sunt ex parte poenitentis; unde sicut in Eucharistia sacerdos sola prolatione verborum super materiam perficit sacramentum, ita etiam sola verba sacerdotis absolventis super poenitentem periciunt absolutionis sacramentum. Et si aliquis actus corporalis esset ex parte sacerdotis necessarius, non minus cometeret crucisignatio, quæ adhibetur in Eucharistia, quam inanus impositio, in signum quod per sanguinem crucis Christi remittuntur peccata; & tamen non est de necessitate huius sacramenti, sicut nec de necessitate Eucharistiae.

## ARTICULUS V. 314

*Utrum hoc sacramentum sit de necessitate salutis.*

*Sup. quæst. lxxv. art. 1. cor. & art. 2. ad 4. & art. 4. cor. & IV. dist. xiv. quæst. 1. art. 5. & in prin. exp. lit. & IV. cont. cap. xvii.*

**A**D quintum sic proceditur. Videtur quod hoc sacramentum non sit de necessitate salutis. Quia super illud Ps. cxxv. *Qui seminant in lacrimis &c.* dicit Glossa (interl. Aug.) „Noli esse tristis, si adit tibi bona voluntas, unde metitur pax.“ Sed tristitia est de ratione poenitentiae, secundum illud II. Cor. vii. 10. *Quæ secundum Deum est tristitia, poenitentiam in salutem stabilem operatur.* Ergo bona voluntas sine poenitentia sufficit ad salutem.

2. Præterea. Proverb. x. 12. dicitur: *Universa delicta operis caritas*; & intra cap. xv. 27. *Per misericordiam, & fidem purgantur peccata.* Sed hoc sacramentum non est nisi ad purgandum peccata. Ergo habendo caritatem, & fidem, & misericordiam

(a) *Hec D. Thomas. Sic autem proseguitur in textu Nicolai.* Licet interdum sacramentum poenitentiae publice, vel private manus impositio apud veteres appelletur, vel per manuum impositionem designetur. Sic enim S. Clemens L. b. II. Constitutionum apostolicarum cap. xviii. de reconciliatione peccatoris agens *Eni qui iacet*, inquit, *cum ei manus imponatur, res per, ac permittit in Ecclesia esse*; ut & cap. xli. *cum ei manus imponatur, in antiqua passio resurget.* Sic Cyprianus Lib. de lapsis *Antea, prius delicta, ante excommunicationem, id est confessionem, faciem criminis, ante purgatam conscientiam sacrificio, & manu sacerdotis, pacem piam esse, quam quidam verba sacrilegia vendunt &c.* Sic Augustinus de baptis. adversus Iovinellum Lib. III. cap. xvi. *Manus impositio, id est poenitentia, vel reconciliatio, non fieri potest nisi ante baptismum*; quod est *in eis diu nisi ratio super hominem*? Quasi dicat, baptismum quidem iterum non posse, post autem poenitentiam, vel reconciliationem iterari. Sic S. Leo episc. xxv. cap. xvii. *eos qui eis immolationibus usi sunt, manus impositione urgere ait.* Sic Optatus Milevitanus Lib. II. *Dum manus imposita, & delicta donantur &c.* Ut & in Concilio Carthaginiensi IV. cap. lxxvii. *Si continuo credens, mori sui reconciliatur per manus impositionem &c.* & in Africanico cap. lxx. *Sicut in ordine poenitentiam, ut esset necessaria poenitentia fructibus legitimam communionem cum reconciliata manus impo- sitione recipiat.* Sed a catholico tantum exteriori, quæ nunc etiam in usu est, sacramentum poenitentiae sic vocatur non quod eius essentiam sive intrinsecam rationem ceremoniam illa pertineat; sicut etiam sacramentum Eucharistiae Tertullianus Lib. de pudicitia cap. xvi. *Sacramentum benedictionis vocat*; & Eusebium eodem sensu Quædam passim appellant, quia in eo coniunctio benedictionis adhibetur exemplo Christi; quævis eius consecrationi vel consecrationi essentialis non sit.

ericordiam, potest quisque salutem consequi etiam sine poenitentiae sacramento.

3. Præterea. Sacramenta Ecclesiae initium habent ab institutione Christi. Sed, sicut legitur Ioan. viii. Christus mulierem adulteram absoluit absque poenitentia. Ergo videtur quod poenitentia non sit de necessitate salutis.

Sed contra est quod Dominus dicit Luc. xiii. 3. *Si poenitentiam non habueritis, omnes simul peribitis.*

Respondendo dicendum, quod aliquid est necessarium ad salutem dupliciter: uno modo absolute; alio modo ex suppositione. Absolute quidem necessarium est ad salutem illud sine quo nullus salutem consequi potest, sicut gratia Christi, & sacramentum baptismi, per quod aliquis in Christo renascitur. Ex suppositione autem est necessarium sacramentum poenitentiae; quod quidem est necessarium non omnibus, sed peccato subiacentibus. Dicitur enim II. Paral. ult. (in orat. Manassae ante Lib. III. Esdræ: ) *Tu Domine Deus israhel non posuisti poenitentiam iustis, Abraham, Isaac, & Iacob, & his qui tibi non peccaverunt.* Peccatum autem, cum corpi n. m. n. m. fuerit, generat mortem, ut dicitur Iacobi 1. 15. Et ideo necessarium est ad salutem peccatoris quod peccatum removeatur ab eo: quod quidem non potest fieri sine poenitentiae sacramento, in quo operatur virtus passionis Christi per abolitionem sacerdotis simul cum opere poenitentis, qui cooperator gratiae ad destructionem peccati. Sicut enim dicit Augustinus super Ioan. (implic. tract. lxxxi. ante med. & expref. serm. xv. de verb. Apost. cap. xi. cir. med.) *qui creavit te sine te, non iustificabit te sine te.* Unde patet quod sacramentum poenitentiae est necessarium ad salutem post peccatum, sicut medicatio corporalis, postquam homo in morbum periculolum incidit.

Ad primum ergo dicendum, quod Glossa illa videtur esse intelligenda de eo cui adest bona voluntas sine interpolatione quæ sit per peccatum: talis enim non habet tristitiae causam: sed ex quo bona voluntas tollitur per peccatum, non potest restitui sine tristitia, qua quis dolet de peccato præterito; quod pertinet ad poenitentiam.

Ad secundum dicendum, quod ex quo aliquis peccatum incurrit, caritas, fides, & misericordia non liberant hominem a peccato sine poenitentia. Requirit enim

caritas quod homo doceat de offensa in amicis commissa, & quod amico homo studeat satisfacere: requirit etiam ipsa fides ut per virtutem passionis Christi, quæ in sacramentis Ecclesiae operatur, quærat iustificari a peccatis: requirit etiam & ipsa misericordia ordinata ut homo subveniat poenitendo suæ miseriae, quam per peccatum incurrit, secundum illud Proverb. xiv. 34. *Miserus facit populos peccatum:* unde Eccli. xxx. 24. dicitur: *Miserere animæ tuæ, placens Deo.*

Ad tertium dicendum, quod ad peccatum excellentiæ, quam solus Christus habuit, ut supra dictum est (quæst. lxxv. art. 3.) pertinuit quod Christus effectum sacramenti poenitentiae, qui est remissio peccatorum, contulit mulieri adulteræ sine exterioris poenitentiae sacramento, licet non sine interiori poenitentia, quam ipse in ea per gratiam est operatus.

## ARTICULUS VI. 315

*Utrum poenitentia sit secunda tabula post naufragium.*

IV. dist. 11. quæst. 1. art. 3. ad 5. & dist. xiv. quæst. 1. art. 2. quæst. 4. & dist. xvi. quæst. 1v. art. 1. quæst. 1. ad 1.

**A**D sextum sic proceditur. Videtur quod poenitentia non sit secunda tabula post naufragium. Quia super illud Iia. 111. *Peccatum suum quasi Sodoma prædicaverunt*, dicit Glossa (interl. Hieron.) „Secunda tabula post naufragium „ est peccata abscondere. „ Poenitentia autem non abscondit peccata, sed magis ea revelat. Ergo poenitentia non est secunda tabula.

2. Præterea. Fundamentum in edificio non tenet secundum, sed primum locum. Poenitentia autem in spirituali edificio est fundamentum, secundum illud Hebr. vi. 1. *Non rursus iacentes fundamentum poenitentiae ab operibus mortuis:* unde & præcedit ipsum baptismum, secundum illud Act. 11. 38. *Poenitentiam agite, & baptizetur unusquisque vestrum.* Ergo poenitentia non debet dici secunda tabula.

3. Præterea. Omnia sacramenta sunt quædam tabulae, idest remedia contra peccatum. Sed poenitentia non tenet secundum locum inter sacramenta, sed magis quartum, ut ex supradictis patet (quæst. lxxv. art. 1. & 2.) Ergo poenitentia

tentia non debet dici secundum tabulam post naufragium.

Sed contra est quod Hieronymus dicit (loc. cit.) quod *secunda tabula post naufragium est poenitentia*.

Respondeo dicendum, quod id quod est per se, naturaliter prius est eo quod est per accidens, sicut & substantia prior est accidente. Sacramenta autem quædam per se ordinantur ad salutem hominis; sicut baptisimus, qui est spiritualis generatio; & confirmatio, quæ est spirituale augmentum; & Eucharistia, quæ est spirituale nutrimentum: poenitentia autem ordinatur ad salutem hominis quasi per accidens, supposito quodam, scilicet ex suppositione peccati: nisi enim homo peccaret actualiter, poenitentia non indigeret; indigeret tamen baptismo, & confirmatione, & Eucharistia: sicut & in vita corporali non indigeret homo medicatione, nisi infirmaretur; indigeret autem homo per se ad vitam generatione, augmento, & nutrimento.

Et ideo poenitentia tenet secundum locum respectu status integritatis, qui confertur, & conservatur per sacramenta prædicta: unde & metaphorice dicitur *secunda tabula post naufragium*. Nam sicut primum remedium mare transeuntibus est ut conserventur in navi integra; secundum autem remedium est post navem fractam, ut quis tabulæ adhæreat: ita etiam primum remedium in mari huius vitæ est quod homo integritatem servet; secundum autem remedium est, si per peccatum integritatem perdidit, quod per poenitentiam redeat.

Ad primum ergo dicendum, quod abscondere peccata contingit dupliciter. Uno modo, dum ipsa peccata fiunt. Est autem peius peccare publice quam occulte: tum quia peccator publicus videtur ex maiori contemptu peccare; tum etiam quia peccat cum scandalo aliorum. Et ideo quoddam remedium est in peccatis quod aliquis in occulto peccet: & secundum hoc dicit Glossa, quod *secunda tabula post naufragium est peccata abscondere*, non quod per hoc tollatur peccatum, sicut per poenitentiam, sed quia per hoc peccatum fit minus. Alio modo aliquis abscondit peccatum prius factum per negligentiam confessionis: & hoc contrariatur poenitentiz: & sic abscondere peccatum non est secunda tabula, sed magis contrarium tabulæ: dicitur enim Proverb. xxviii. 13. *Qui abscondit scelera sua, non dirigitur*.

Ad secundum dicendum, quod poenitentia non potest dici fundamentum spiritualis ædifici simpliciter, idest in prima ædificatione; sed est fundamentum in secunda reedificatione, quæ fit per destructionem peccati: nam primo redeuntibus ad Deum occurrit poenitentia. Apostolus tamen ibi loquitur de fundamento spiritualis doctrinæ. Poenitentia autem quæ baptismum præcedit, non est poenitentia sacramentum.

Ad tertium dicendum, quod tria præcedentia sacramenta pertinent ad navem integram, idest ad statum integritatis, respectu cuius poenitentia dicitur secundum tabulam.

## ARTICULUS VII. 516

*Utrum hoc sacramentum fuerit convenienter in nova lege institutum.*

*IV. dist. xxii. quest. v. art. 3.*

**A**D septimum sic proceditur. Videtur quod hoc sacramentum non fuerit convenienter institutum in nova lege. Ea enim quæ sunt de iure naturali, institutione non indigent. Sed poenitere de malis quæ quis gessit, est de iure naturali: non enim potest aliquis bonum diligere, quin de contrario doceat. Ergo poenitentia non fuit convenienter instituta in nova lege.

2. Præterea. Illud quod fuit in veteri lege, instituendum non fuit in nova. Sed etiam in veteri lege fuit poenitentia: unde & Dominus conqueritur Hierem. viii. 6. dicens: *Nullus est qui agat poenitentiam super peccato suo, dicens, Quid feci?* Ergo poenitentia non debuit institui in nova lege.

3. Præterea. Poenitentia consequenter se habet ad baptismum, cum sit secunda tabula, ut supra dictum est (art. præc.) Sed poenitentia videtur a Domino instituta ante baptismum: nam in principio prædicationis suæ dixisse Dominus legitur Matth. iv. 17. *Poenitentiam agite: appropinquavit enim regnum celorum*. Ergo hoc sacramentum non fuit convenienter institutum in nova lege.

4. Præterea. Sacramenta novæ legis institutionem habent a Christo, ex cuius virtute operantur, ut supra dictum est (quest. lxi. art. 3. & quest. lxi. art. 1.) Sed Christus non videtur instituisse hoc sacramentum, cum ipse non sit usus eo, sicut aliis sacramentis quæ ipse instituit.

tuit. Ergo hoc sacramentum non fuit convenienter institutum in nova lege.

Sed contra est quod dicit Dominus Luc. ult. 46. *Oratebat Christum rati, & resurgere a mortuis die tertia, & praedicari in nomine eius penitentiam, & remissionem peccatorum in omnes gentes.*

Respondendo dicendum, quod, sicut supra dictum est (art. 1. hu. quaest. ad 1. & 2.) in hoc sacramento actus poenitentis le habet sicut materia; id autem quod est ex parte sacerdotis, qui operatur ut minister Christi, le habet ut formale, & completivum sacramenti. Materia verum etiam in aliis sacramentis praexistit a natura, ut aqua; vel ab arte, ut panis: sed quod talis materia ad sacramentum assumitur, institutione induit hoc determinante. Sed forma sacramenti, & virtus ipsius totaliter est ex institutione Christi, ex cuius passione procedit virtus sacramentorum.

Sic ergo huius sacramenti materia praexistit a natura: ex naturali enim ratione homo movetur ad poenitendum de malis quae fecit; sed quod hoc, vel illo modo homo poenitentiam agit, est ex instituta divina. Unde & Dominus in principio praedicationis suae induxit hominibus, ut non solum poeniterent, sed etiam poenitentiam agerent, significans determinatos modos actuum, qui requiruntur ad hoc sacramentum. Sed id quod pertinet ad officium ministrorum, determinavit Matth. xvi. 19 ubi dixit Petrus *Tibi dabo claves regni caelorum &c.* Efficaciam autem huius sacramenti, & originem virtutis eius manifestavit post resurrectionem Luc. ult. 47. ubi dixit, quod *oro ut praedicari in nomine eius poenitentiam, & remissionem peccatorum in omnes gentes.* praemisso de passione, & resurrectione. Ex virtute enim nominis Iesu Christi patiens, & resurrexeris hoc sacramentum efficaciam habet in remissionem peccatorum.

Et sic patet convenienter hoc sacramentum in nova lege institutum fuisse.

Ad primum ergo dicendum, quod de iure naturali est quod aliquis poeniteat de malis quae fecit, quantum ad hoc quod doleat ea fecisse. & doloris remedium quaerat per aliquem modum, & quod etiam aliqua signa doloris ostendat; sicut & Nimivix fecerunt, ut Ionae iii. legitur: in quibus tamen aliquid fuit adiunctum fidei, quam conceperant ex praedicatione Ionae, ut scilicet hoc agerent sub spe veniae consequendae a Deo, se-

cundum illud quod ibi 9. legitur: *Quis scit, si convertatur, & ignoscit Deus, & revertatur a furore irae suae, & non peribimus?* Sed sicut alia quae sunt de iure naturali, determinationem acceperunt ex institutione legis divinae, ut in secunda parte dictum est (1. 2. quaest. xc1. art. 4. & quaest. xcv. art. 2. & quaest. xcix.) ita etiam & poenitentia.

Ad secundum dicendum, quod ea quae sunt iuris naturalis, diversimodo determinationem accipiunt in veteri, & in nova lege, secundum quod congruit imperfectiōi veteris legis, & perfectiōi novae legis. Unde & poenitentia in veteri lege aliquam determinationem habuit, quantum quidem ad dolorem, ut esset magis in corde quam in exterioribus signis, secundum illud Isai. li. 12. *Sic dicit orda vestra, & non vestimenta vestra:* quantum autem ad remedium doloris quaerendum, ut aliquo modo ministris Dei peccata sui confiterentur, ad minus in generali. Unde Dominus Levit. v. 17. dicit: *Anima, si peccaverit per ignorantiam...* offeret arietem immaculatum de gregibus sacerdotum, iuxta mensuram, estimationemque peccati: qui orabit pro eo, qui nesciit fecerit: & dimittetur ei: in hoc enim ipso quod oblationem faciebat aliquis pro peccato suo, quodammodo suum peccatum sacerdoti confitebatur. Et secundum hoc dicitur Proverb. xxviii. 13.

*Qui abscondit scelera sua, non dirigitur; qui autem confessus fuerit, & reliquerit ea, misericordiam consequetur.* Nondum autem erat instituta potestas clavium, quae a passione Christi derivatur; & per consequens nondum erat institutum quod aliquis doleret de peccato cum proposito subducendi se per confessionem, & satisfactionem clavibus Ecclesiae sub spe consequendae veniae virtute passionis Christi.

Ad tertium dicendum, quod si quis recte consideret ea quae Dominus dixit de necessitate baptismi Ioan. iii. tempore praecesserunt ea quae dixit Matth. iv. de necessitate poenitentiae: nam id quod dixit Nicodemo de baptismo, fuit ante incarcerationem Ioannis, de quo postea subditur, quod baptizabat; illud vero quod de poenitentia dixit Matth. iv. fuit post incarcerationem Ioannis.

Si tamen prius ad poenitentiam induxisset quam ad baptismum, hoc ideo esset, quia etiam ante baptismum requiritur quadam poenitentia; sicut & Petrus dicit Act. ii. 38. *Poenitentiam agite, & baptizetur unusquisque vestrum.*



Ad quartum dicendum, quod Christus non est usus baptismo, quem ipse instituit, sed est baptizatus baptismo loan- nis, ut supra dictum est (quæst. xxxix. art. 1. & 2.) Sed nec etiam adive usus est suo ministerio, quia ipse non baptizabat communiter, sed discipuli eius, ut dicitur Ioan. iv. quamvis credendum sit quod discipulos suos baptizaverit, ut Augustinus dicit ad Silecianum (epist. cclxv. al. cviii. ante med. & Lib. III. de anima & eius orig. cap. ix.) Usus autem huius sacramenti ab eo instituti nullo modo sibi compete- bat; nec quantum ad hoc quod ipse pœniteret, in quo peccatum non fuit, neque quantum ad hoc quod hoc sacramentum aliis præberet, quia ad ostendendam misericordiam, & virtutem tuam, effectum huius sacramenti sine sacramento præbebat, ut supra dictum est (art. 3. h. quæst. ad 2.) Sacramentum autem Eucharistiæ & ipse sumpsit, & aliis dedit, tum ad commendandam excellentiam huius sacramenti, tum quia hoc sacramentum est memorie sue passionis, in qua Christus est sacerdos, & hostia.

# ARTICULUS VIII. 517

*Utrum pœnitentia debeat durare usque ad finem vitæ.*

*Inf. art. 9. ad 1. & IV. dist. xvii. quæst. ii. art. 4. quæst. 1. & 2.*

**A**D octavum sic proceditur. Videtur quod pœnitentia non debeat durare usque ad finem vitæ. Pœnitentia enim ordinatur ad deletionem peccati. Sed pœnitens statim consequitur remissionem peccatorum, secundum illud Ezech. xviii. 21. *Si impius egerit pœnitentiam ab omnibus peccatis suis quæ operatus est... vita vivet, & non morietur.* Ergo non oportet ulterius pœnitentiam protendi.

2. Præterea. Pœnitentiam agere pertinet ad statum incipientium. Sed homo de hoc statu debet procedere ad statum proficientium, & ulterius ad statum perfectorum. Ergo non debet homo pœnitentiam agere usque ad finem vitæ.

3. Præterea. Sicut in aliis sacramentis homo debet servare statuta Ecclesiæ, ita & in hoc sacramento. Sed secundum canones determinata sunt tempora pœnitendi, ut scilicet ille qui hoc, vel illud peccatum commiserit, tot annis pœ-

niteat. Ergo videtur quod non sit pœnitentia extendenda usque ad finem vitæ.

Sed contra est quod Augustinus dicit in Lib. de pœnit. (alius Auctor de vera, & falsa pœnit. cap. xiii.) *Quid restat nobis nisi semper dolere in vita? ubi enim dolor finitur, deficit pœnitentia; si vero pœnitentia finitur, quid relinquitur de venia?*

• Respondeo dicendum, quod duplex est pœnitentia, scilicet interior, & exterior. Interior quidem pœnitentia est quæ quis dolo de peccato commisso: & talis pœnitentia debet durare usque ad finem vitæ: semper enim debet homini displicere quod peccavit: si enim ei placeret peccasse, iam ex hoc ipso peccatum incurreret, & fructum veniæ perderet. Dis- pœnitentia autem dolorem causat in eo qui est susceptivus doloris, qualis est homo in hac vita; post hanc vitam autem Sancti non sunt susceptivi doloris: unde displicebunt eis peccata præterita sine omni tristitia, secundum illud Ier. lxxv. 16. *Observanti traditæ sunt angustie priores.*

Pœnitentia vero exterior est quæ quis exteriora signa doloris ostendit, & verbo tenus peccata sua confiteri sacerdoti absolventi, & iuxta eius arbitrium satisfacit: & talis pœnitentia non oportet quod duret usque ad finem vitæ, sed usque ad determinatum tempus, secundum mensuram peccati.

Ad primum ergo dicendum, quod vera pœnitentia non solum renovet peccata præterita, sed etiam præservet hominem a peccatis futuris. Quamvis igitur homo in primo instanti veræ pœnitentiæ remissionem consequatur præteritorum peccatorum; oportet tamen in homine perseverare pœnitentiam, ne iterum incidat in peccatum.

Ad secundum dicendum, quod agere pœnitentiam interiore simul, & exteriori, pertinet ad statum incipientium, qui scilicet de novo redeunt a peccato; sed pœnitentia interior habet locum etiam in proficientibus, & perfectis, secundum illud Psal. lxxxiii 7. *Ascensiones in corde suo dissoluit, in valle lacrymarum.* Unde & ipse Paulus dicebat I. Corinth. xv. 9. *Non sum dignus vocari Apostolus, quoniam persecutus sum Ecclesiam Dei.*

Ad tertium dicendum, quod illa tempora præfiguntur pœnitentibus quantum ad actionem exterioris pœnitentiæ.

## ARTICULUS IX. 518

*Utrum poenitentia possit esse continua.*

*IV. dist. xiv. quest. 1. art. 4. quest. 1.*

**A**D nonum sic proceditur. Videtur quod poenitentia non possit esse continua. Dicitur enim Hierem. xxxv. 16. *Quiescat vox tua a ploratu, & oculi tui a lacrymis.* Sed hoc esse non posset, si poenitentia continuaretur, quæ consistit in ploratu, & lacrymis. Ergo poenitentia non potest continuari.

2. Præterea. De quolibet bono opere debet homo gaudere, secundum illud Ps. xcix. 1. *Servite Domino in lætitia.* Sed agere poenitentiam est bonum opus. Ergo de hoc ipso debet homo gaudere. Sed non potest homo simul gaudere, & tristiari, ut patet per Philosophum in IX. Ethic. (cap. xv. sub fi.) Ergo non potest esse quod poenitens continue tristetur de peccatis præteritis; quod pertinet ad rationem poenitentiae. Ergo poenitentia non potest esse continua.

3. Præterea. II. ad Corinth. 11. 7. Apostolus dicit: *Consolamini, scilicet poenitentem, ne forte abundantiori tristitia abhorbeat quæ eiusmodi est.* Sed consolatio depellit tristitiam, quæ pertinet ad rationem poenitentiae. Ergo poenitentia non debet esse continua.

Sed contra est quod Augustinus dicit in Lib. de poenitentia (de vera, & falsa poenit. ut supra cap. xiii.) *Dolor in poenitentia continue custodiatur.*

Respondendo dicendum, quod poenitere dicitur dupliciter, secundum actum, & secundum habitum. Actu quidem impossibile est quod homo continue poeniteat: quia necesse est quod actus poenitentis sive interior, sive exterior interpoletur ad minus somno, & aliis quæ ad necessitatem corporis pertinent.

Alio modo dicitur poenitere secundum habitum: & sic oportet quod homo continue poeniteat & quantum ad hoc quod homo nunquam aliquid contrarium poenitentiae faciat, per quod habitualis dispositio poenitentis tollatur, & quantum ad hoc quod debet homo in proposito gerere quod tempore sibi præterita peccata displiceant.

Ad primum ergo dicendum, quod ploratus, & lacrymæ ad actum exterioris poenitentiae pertinent, qui non solum poenitens debet esse continuus, sed nec etiam

oportet quod duret usque ad finem vite, ut dictum est (art. præc.) Unde & signanter ibi subditur: *quia est merces operis tui.* Est autem merces operis poenitentis plena remissio peccati & quantum ad culpam, & quantum ad poenam: post cuius consecutionem non est necesse quod homo ulterius exteriorem poenitentiam agat. Per hoc tamen non excluditur continuas poenitentiae, qualis dicta est (in corp. & art. præc.)

Ad secundum dicendum, quod de dolore, & gaudio dupliciter loqui possumus. Uno modo secundum quod sunt passiones appetitus sensitivi: & sic nullo modo possunt esse simul, eo quod sunt omnino contrariae, vel ex parte obiecti (puta cum sunt de eodem) vel saltem ex parte motus cordis, nam gaudium est cum dilatatione cordis, tristitia vero cum contractione: & hoc modo loquitur Philosophus in IX. Ethic. Alio modo possumus loqui de gaudio, & tristitia, secundum quod consistunt in simplici actu voluntatis, cui aliquid placet, vel displicet: & secundum hoc non possunt habere contrarietatem nisi ex parte obiecti, puta cum sunt de eodem, & secundum idem: & sic non possunt simul esse gaudium, & tristitia: quia non potest simul idem secundum idem placere, & displicere. Si vero gaudium, & tristitia sic accepta non sint de eodem secundum idem, sed vel de diversis, vel de eodem secundum diversa: sic non est contrarietas gaudii, & tristitiae: unde nihil prohibet hominem simul gaudere, & tristiari; puta si videamus iustum affligi, simul placet nobis eius iustitia, & displicet eius afflictio. Et hoc modo simul potest alicui displicere quod peccavit, & placere quod hoc ei displicet cum spe veniæ; ita quod ipsa tristitia sit materia gaudii. Unde & Augustinus dicit in Lib. de poenitentia (loc. sup. cit.) *Semper debeat poenitens, & de dolore gaudere.*

Si tamen tristitia nullo modo compateretur sibi gaudium, per hoc non tolleretur habitualis continuas poenitentiae, sed actualis.

Ad tertium dicendum, quod secundum Philosophum in II. Ethic. (cap. 11. vii. & ix.) ad virtutem pertinet tenere medium in passionibus. Tristitia autem quæ in appetitu sensitivo poenitentis conquiretur ex dispendia voluntatis, passio quadam est: unde moderanda est secundum virtutem, & eius superfluitas est vitiosa, quia inducit in despera-

sperationem : quod significat Apostolus ibidem dicens : *Ne maiori tristitia aborbeat qui huiusmodi est.* Et sic consolatio de qua ibi Apostolus loquitur , est moderativa tristitiæ , non autem totaliter ablativa .

## ARTICULUS X. 519

*Utrum sacramentum penitentiae debeat iterari .*

IV. dist. xiv. quæst. 1. art. 4. quæst. 3. & art. 5. quæst. 2 & Heb. vi.

**A**D decimum sic proceditur . Videtur quod sacramentum penitentiae non debeat iterari . Dicit enim Apostolus Hebr. vi. 4. *Impossibile est eis qui semel sunt illuminati , & gustaverunt celeste donum , & participes sunt sancti Spiritus sancti , & prolapsi sunt , renouari rursum ad penitentiam .* Sed quicumque penituerunt , sunt illuminati , & acceperunt donum Spiritus sancti . Ergo quicumque peccat post penitentiam , non potest iterato penitere .

2. Præterea . Ambrosius dicit in Lib. II. de penitentia ( cap. x. a med. ) *Repeuntur qui sepius agendam penitentiam putant , qui luxuriarunt in Christo : nam si vere penitentiam agerent , iterandam posce non putarent : quia sicut unum est baptisma , ita & unica est penitentia .* Sed baptismus non iteratur . Ergo nec penitentia .

3. Præterea . Miracula quibus Dominus infirmitates corporales sanavit , significant sanationes spiritualium infirmitatum , quibus scilicet homines liberantur a peccatis . Sed non legitur quod Dominus aliquem cæcum bis illuminaverit , vel quod aliquem leprosum bis munda-verit , aut aliquem mortuum bis suscitaverit . Ergo videtur quod nec alicui peccatori bis per penitentiam veniam largiatur .

4. Præterea . Gregorius dicit in hom. Quadagesimæ ( xxxiv. in Evang. inter med. & fi. ) *Penitentia est antea cæca peccata deslere , & secunda iterum non committere :* & Isidorus dicit in Lib. II. de summo bono ( cap. xvi. ) *Irrigor est , & non penitens , qui adhuc agit quod penitet .* Si ergo aliquis vere poeniteat , non iterum peccabit . Ergo non potest esse quod penitentia iteretur .

5. Præterea . Sicut baptismus habet efficaciam ex passione Christi , ita & po-

nitentia . Sed baptismus non iteratur propter unitatem passionis , & non ortus Christi . Ergo pari ratione nec penitentia iteratur .

6. Præterea . Ambrosius dicit ( sup. illud Plal. cxviii. *Deprecatus sum faciem Te .* ) quod *facilitas venie incenitum præbet delinquenti .* Si ergo Deus veniam frequenter præbet per penitentiam , videtur quod ipse hominibus præbeat incenitum delinquendi : & sic videretur delectari in peccatis ; quod eius bonitati non congruit . Non ergo potest penitentia iterari .

Sed contra est quod homo inducitur ad misericordiam exemplo divinæ misericordiæ , secundum illud Lucae vi. 26. *Eplote misericordes , sicut & Pater vester misericors est .* Sed Dominus hanc misericordiam discipulis suis imponit , ut sapius remittant fratribus contra se peccantibus : unde , heur dicitur Matthei. xviii. 21. Petro quærenti , *Quoties peccabit in me frater meus , & dimittam ei ? usque septies ?* respondit Iesus : *Non dico tibi usque septies , sed usque septuagies septies .* Ergo etiam Deus sapius per penitentiam veniam peccantibus præbet , præsertim cum doceat nos petere ( Matthei. vi. 12. ) *Dimitte nobis debita nostra , sicut & nos dimittimus debitoribus nostris .*

Respondeo dicendum , quod circa penitentiam quidam erraverunt , dicentes , non posse hominem per penitentiam secundo consequi veniam peccatorum . Quorum quidam , scilicet Novatiani , hoc tantum extenderunt ut dicerent , post primam penitentiam , quæ agit in baptismo , peccantem non posse per penitentiam iterato restitui . Alii vero fuerunt hæretici , ut Augustinus dicit in Lib. de poenit. ( alius Auctor de vera , & falsa poenit. cap. v in princ. ) qui post baptismum dicebant quidem esse utilem penitentiam , non tamen pluries , sed semel tantum .

Videntur autem huiusmodi errores ex duobus processisse . Primo quidem ex eo quod errabant circa rationem veræ penitentiae . Cum enim ad veram penitentiam caritas requiratur , line qua non desunt peccata , credebant quod caritas semel habita non possit amitti ; & per consequens penitentia , si sit vera , nunquam per peccatum tollatur , ut sic sit necesse eam iterari . Sed hoc improbatum est in secunda parte ( 2. 2. quæst. xxiv. art. 11. ) ubi ostensum est quod caritas semel habita propter libertatem arbitrii

potest amitti; & per consequens post veram poenitentiam potest aliquis peccare mortaliter. Secundo ex eo quod errant circa estimationem gravitatis peccati. Putabant enim adeo grave esse peccatum quod aliquis committit post veniam impetratam, quod non sit possibile ipsum remitti. In quo quidem errabant & ex parte peccati, quod etiam post remissionem coniectum potest esse & gravius, & levius quam fuerit primum peccatum remissum; & multo magis contra inhumanitatem divinae misericordiae, quae superat omnem numerum, & magnitudinem peccatorum, secundum illud Psal. l. 1.

*Miserere mei Deus secundum magnam misericordiam tuam; & secundum multitudinem miserationum tuarum dele iniquitatem meam.* Unde reprobatur verbum Cain dicentis Genes. iv. 12. *Maiores iniquitatis meae quam ut veniam merear.* Et ideo misericordia Dei peccantibus per poenitentiam veniam praebet absque ullo termino: unde dicitur II. Paralip. ult. (in orat. Manaf. ante Lib. III. Ezech.) *Inimonia, & investigabilis misericordia propitius tunc propter magnam hominum.*

Unde manifestum est quod poenitentia pluries est reiterabilis.

Ad primum ergo dicendum, quod quia apud Iudeos erat secundum legem quaedam lavacra infusa, in quibus pluries se ab immunditiis purgabant, credebant aliqui Iudeorum quod etiam per lavacrum baptismi aliquis pluries purificari posset. Ad quod excluduntur non Apostoli scribit Hebraeis, quod *irresistibile est eis qui semel sunt illuminati, scilicet per baptismum, rursum renovari ad poenitentiam*, scilicet per baptismum. qui est *lavacrum regenerationis, & renovationis Spiritus sancti*, ut dicitur ad Tit. iii. 5. Et rationem assignat ex hoc quod per baptismum bono Christo communitur unde subditur: *Rursus crucifigentes sibi crucifixi Filium Dei.* (Hebr. vi. 6.)

Ad secundum dicendum, quod Ambrosius loquitur de poenitentia toleranti, quae in Ecclesia non iteratur, ut infra dicitur (Suppl. quaest. xxviii. art. 2.)

Ad tertium dicendum, quod, sicut Augustinus dicit in Lib. de poenit. (loc. sup. cit.) *multos cecos, & in diverso tempore Dominus illuminavit, & multos debiles confirmavit, ostenders in diversis illis eadem sepe peccata dimitti, ut quem prius sanavit leprosum, alio tempore (a) illuminaverit caecum.* Ideo enim *tot sanavit*

*sebricitantes, tot languidos, tot claudos, caecos, & aridos, ne desperet de se peccator: ideo non scribitur, aliquem nisi semel sanasse, ut quilibet timeatungi peccato: medicum se vocat, & non sanis, sed male habentibus opportunum. Sed qualis hic medicus, qui malum iteratum nesciret curare? Medicorum enim est centies infirmum centies curare: qui ceteris minor esset, si aliis possibilia ignoraret.*

Ad quartum dicendum, quod poenitere est anteacta peccata desistere, & stenda non committere, scilicet simul dum sit vel actu, vel proposito. Ille enim est irritor, & non poenitens, qui simul dum poenitet, agit quod poenitet, vel proponit iterum se facturum quod gessit, vel etiam actualiter peccat eodem, vel alio genere peccati. Quod autem aliquis postea peccat vel actu, vel proposito, non excludit quin prima poenitentia vera fuerit: nunquam enim veritas prioris actus excluditur per actum contrarium subsequentem: sicut enim vere cucurrit qui postea sedet, ita vere poenituit qui postea peccat.

Ad quintum dicendum, quod baptismus habet virtutem ex passione Christi, sicut quaedam spiritualis generatio cum spirituali morte praecedentis vitae. *Statutum autem est hominibus semel mori*, (Hebr. ix. 27.) & semel nasci: & ideo semel tantum debet homo baptizari. Sed poenitentia habet virtutem ex passione Christi, sicut spiritualis medicatio, quae frequenter iterari potest.

Ad sextum dicendum, quod secundum Augustinum in Lib. de poenitentia (loc. sup. cit.) *constat Deo multum displicere peccata, qui semper praesto est ea destruere, ne solvatur quod creavit, nec corrumpatur quod amavit*, scilicet per desperationem.

## QUAESTIO LXXXV.

*De sacramento poenitentiae, secundum quod est virtus,*

*in sex articulos divisa.*

**D**einde considerandum est de poenitentia, secundum quod est virtus: & circa hoc quaeruntur sex.

Primo, utrum poenitentia sit virtus.

Secundo, utrum sit virtus specialis.

Tertio, sub qua specie virtutis contineatur.

P p

Quar-

S. Th. Op. Tom. XXIV.

(a) et illuminet.

Quarto de subiecto eius.  
Quinto de causa ipsius.  
Sexto de ordine eius ad alias virtutes.

## ARTICULUS I. 302

*Utrum pœnitentia sit virtus.*

IV. diff. xxiv. quæst. 1. art. 1. quæst. 2. & art. 3. quæst. 1. cor. & ad 2. & quæst. 2. & 4.

**A**D primum sic proceditur. Videtur quod pœnitentia non sit virtus. Pœnitentia enim est quoddam sacramentum aliis sacramentis connumeratum, ut ex supradictis patet (quæst. præc. art. 1. & quæst. lxx. art. 1.) Sed nullum aliud sacramentorum est virtus. Ergo neque pœnitentia est virtus.

2. Præterea. Secundum Philosophum IV. Ethic. (cap. ult.) *verecundia non est virtus*: tum quia est passio habens corporalem immutationem; tum etiam quia non est dispositio perfecti, cum sit de turpi actu; quod non habet locum in homine virtuoso. Sed similiter pœnitentia est quædam passio habens corporalem immutationem, scilicet piorum, sicut Gregorius dicit (hom. xxxiv. in Evang. inter med. & fin.) quod *pœnitere est peccata præterita plangere*: essetiam de turpibus factis, scilicet de peccatis, quæ non habent locum in homine virtuoso. Ergo pœnitentia non est virtus.

3. Præterea. Secundum Philosophum IV. Ethic. (cap. iii. cir. princ.) *nullus est stultus eorum qui sunt secundum virtutem*. Sed stultum videtur dolere de commissis præteritis, quod non potest non esse; quod tamen pertinet ad pœnitentiam. Ergo pœnitentia non est virtus.

Sed contra est quod præcepta legis dantur de actibus virtutum: quia *legislator intendit civem facere virtuosum*, ut dicitur II. Ethic. (cap. 1. ante med.) Sed præceptum divinæ legis est de pœnitentia, secundum illud Matth. xv. 17. *Pœnitentiam agite &c.* Ergo pœnitentia est virtus.

Respondendo dicendum, quod, sicut ex dictis patet (in arg. 2. & quæst. præc. art. 10. ad 4.) pœnitere est de aliquo prius a se facto dolere. Dictum est autem supra (quæst. præc. art. 9.) quod dolor, vel tristitia dupliciter dicitur. Uno modo secundum quod est passio quædam appetitus sensitivi: & quantum ad hoc

pœnitentia non est virtus, sed passio. Alio modo secundum quod consistit in voluntate: & hoc modo est cum quadam electione; quæ quidem sit recta, necesse est quod sit actus virtutis. Dicitur enim in II. Eth. (cap. vi.) quod virtus est habitus electivus secundum rationem rectam. Pertinet autem ad rationem rectam ut aliquis doleat, de quo dolendum est, & eo modo, & fine, quo dolendum est: quod quidem observatur in pœnitentia de qua nunc loquimur: nam pœnitens assumit moderatum dolorem de peccatis præteritis cum intentione removendi ea. Unde manifestum est quod pœnitentia de qua nunc loquimur, vel est virtus, vel actus virtutis.

Ad primum ergo dicendum, quod, sicut dictum est (quæst. præc. art. 1. ad 1. & art. 2. & 3.) in sacramento pœnitentiæ materialiter se habent actus humani: quod non contingit in baptismo, vel confirmatione. Et ideo cum virtus sit principium alicuius actus, potius pœnitentia est virtus, vel cum virtute, quam baptismus, seu confirmatio.

Ad secundum dicendum, quod pœnitentia, secundum quod est passio, non est virtus, ut dictum est (in corp. art.) sic autem habet corporalem transmutationem adiunctam: est tamen virtus, secundum quod habet ex parte voluntatis electionem rectam; quod tamen magis potest dici de pœnitentia quam de verecundia: nam verecundia respicit turpe factum ut præsens, pro quo timet confundi; pœnitentia vero ut præteritum. Est autem contra perfectionem virtutis quod aliquis in præteriti habeat turpe factum, de quo oporteat cum verecundari; non est autem contra perfectionem virtutis quod aliquis prius commiserit turpia facta, de quibus oporteat cum pœnitere, cum ex vitioso fiat aliquis virtuosus.

Ad tertium dicendum, quod dolere de eo quod prius factum est, cum intentione conandi ad hoc quod factum non fuerit, esset stultum. Hoc autem non intendit pœnitens; sed dolor eius est displicentia, seu reprobatio facti præteriti cum intentione removendi sequelam ipsius, scilicet offensam Dei, & reatum pœnæ: & hoc non est stultum.

ARTICULUS II. 521

*Utrum poenitentia sit specialis virtus.*

*IV. dist. xiv. quæst. 1. art. 1. quæst. 2. 3. & 4.*

**A**D secundum sic proceditur. Videtur quod poenitentia non sit specialis virtus. Eiusdem enim rationis videtur esse gaudere de bonis prius actis, & dolere de malis perpetratis. Sed gaudium de bono prius facto non est specialis virtus, sed est quidam affectus laudabilis ex caritate proveniens, ut patet per Augustinum XIV. de civitate Dei (implic. cap. vii. viii. & ix.) unde & Apostolus I. ad Corinth. xiii. 6. dicit, quod *caritas non gaudet super iniquitate, congaudet autem veritati*. Ergo pari ratione nec poenitentia, quæ est dolor de peccatis præteritis, est specialis virtus, sed est quidam affectus ex caritate proveniens.

2. Præterea. Quilibet virtus specialis habet materiam specialem: quia habitus distinguuntur per actus, & actus per obiecta. Sed poenitentia non habet materiam specialem: sunt enim eius materia peccata præterita circa quaecumque materiam. Ergo poenitentia non est specialis virtus.

3. Præterea. Nihil expellitur nisi a suo contrario. Sed poenitentia expellit omnia peccata. Ergo contrariatur omnibus peccatis. Non ergo est specialis virtus.

Sed contra est quod de ea datur speciale legis præceptum, ut supra habitum est (quæst. præc. art. 5. & 7.)

Respondeo dicendum, quod, sicut in secunda parte habitum est (1. 2. quæst. liv. art. 1. ad 1. & art. 2.) species habituum distinguuntur secundum species actuum: & ideo ubi occurrit specialis actus laudabilis, ibi necesse est ponere specialem habitum virtutis. Manifestum est autem quod in poenitentia invenitur specialis ratio actus laudabilis, scilicet operari ad destructionem peccati præteriti, in quantum est Dei offensæ, quod non pertinet ad rationem alterius virtutis. Unde necesse est ponere quod poenitentia est specialis virtus.

Ad primum ergo dicendum, quod a caritate derivatur aliquis actus dupliciter. Uno modo sicut ab ea elicitur: & talis actus virtuosus non requirit aliam virtutem præter caritatem; sicut diligere bo-

num, gaudere de eo, & tristari de opposito. Alio modo aliquis actus a caritate procedit, quasi a caritate imperatus: & sic quia ipsa imperat omnibus virtutibus, utpote ordinans eas ad finem suum, actus a caritate procedens potest etiam ad aliam specialem virtutem pertinere. Si ergo in actu poenitentis consideretur sola dispendentia peccati præteriti, hoc immediate ad caritatem pertinet, sicut & gaudere de bonis præteritis; sed intentio operandi ad deletionem peccati præteriti requirit specialem virtutem sub caritate.

Ad secundum dicendum, quod poenitentia habet quidem realiter generalem materiam, in quantum respicit omnia peccata, sed tamen sub ratione speciali, in quantum scilicet sunt emendabilia per actum hominis cooperantis Deo ad suam iustificationem.

Ad tertium dicendum, quod quolibet virtus specialis formaliter expellit habitum vitii oppositi, sicut albedo expellit nigredinem ab eodem subiecto; sed poenitentia expellit omne peccatum effective, in quantum operatur ad destructionem peccati, prout est remissibile ex divina gratia, homine cooperante. Unde non lequitur quod sit virtus generalis.

ARTICULUS III. 522

*Utrum virtus poenitentia sit species iustitiæ.*

*Inf. art. 6. cor. & IV. dist. xiv. quæst. 1. art. 1. quæst. 4. ad 4. & quæst. 5 & dist. xv. quæst. 1. art. 1. quæst. 3. ad 4.*

**A**D tertium sic proceditur. Videtur quod virtus poenitentia non sit species iustitiæ. Iustitia enim non est virtus theologica, sed moralis, ut in secunda parte patet (1. 2. quæst. lxxi. art. 3.) Poenitentia autem videtur esse virtus theologica, quia habet Deum pro obiecto: satisfacit enim Deo, cui etiam reconciliat peccatorem. Ergo videtur quod poenitentia non sit species iustitiæ.

2. Præterea. Iustitia, cum sit virtus moralis, consistit in medio. Sed poenitentia non consistit in medio, sed in quodam excessu, secundum illud Hieremias vi. 26. *Luctum unigeniti fac tibi planctum amarum*. Ergo poenitentia non est species iustitiæ.

3. Præterea. Duæ sunt species iustitiæ, ut dicitur in V. Ethic. (cap. iv.)

P p 2 sci

scilicet distributiva, & commutativa. Sed sub neutra videtur poenitentia contineri. Ergo videtur quod poenitentia non sit species iustitiæ.

4. Præterea. Super illud Luc. vi. *Beati qui nunc fletis*, dicit Glossa (ordin. Bedæ:), „Ecce prudentia, quæ ostenditur quam hæc terrena sint miseria, & quam beata cælestia.“ Sed hæc est actus poenitentiae. Ergo poenitentia magis est species prudentiæ quam iustitiæ.

Sed contra est quod Augustinus dicit in Lib. de poenitentia (alius Auctor de vera & falsa poenit. cap. viii. a med. & cap. xix.) *Poenitentia est quedam dolentis vindicta, semper ponens in se quod dolet commississe*. Sed vindictam facere pertinet ad iustitiam: unde Tullius in sua Rhetorica (Lib. II. de invent. aliquant. ante fi.) ponit vindicativam unam speciem iustitiæ. Ergo videtur quod poenitentia sit species iustitiæ.

Respondetur dicendum, quod, sicut supra dictum est (irt. præc. ad 2.) poenitentia non habet quod sit virtus specialis ex hoc solo quod dolet de malo perpetrato (ad hoc enim sufficeret caritas;) sed ex eo quod poenitens dolet de peccato commissio, inquantum est offensiva Dei cum emendationis proposito. Emendatio autem offensæ contra aliquem committitur non sit per solam cessationem offensæ; sed exigitur ulterius quedam recompensatio, quæ habet locum in offensæ in alterum commissis, sicut & retributio: nisi quod recompensatio est ex parte eius qui offendit, utpote cum satisfaciit; retributio autem est ex parte eius in quem est offensiva commissa. Utrumque autem ad materiam iustitiæ pertinet, quia utrumque est commutatio quedam. Unde manifestum est quod poenitentia, secundum quod est virtus, est pars iustitiæ.

Sciendum tamen est, quod secundum Philosophum in V. Ethic. (cap. vi.) dupliciter dicitur iustum, scilicet simpliciter, & secundum quid. Simpliciter quidem iustum est inter æquales: eo quod iustitia est æqualitas quedam, quod ipse vocat iustum politicum, vel civile, eo quod omnes cives æquales sunt quantum ad hoc quod immediate sunt sub Principe, sicut liberi existentes. Iustum autem secundum quid dicitur quod est inter illos quorum unus est sub potestate alterius; sicut servus sub domino, filius sub patre, uxor sub viro. Et tale iustum

consideratur in poenitentia. Unde poenitens recurrit ad Deum cum emendationis proposito, sicut servus ad dominum, secundum illud Psal. cxxii. 2. *Sicut oculi servorum in manibus dominorum suorum, ita oculi nostri ad Dominum Deum nostrum, donec misereatur nostri*: & sicut filius ad patrem, secundum illud Luc. xv. 21. *Pater, peccavi in celum, & coram te*: & sicut uxor ad virum, secundum illud Hierem. iii. 1. *Fornicata es cum amatoribus multis; tamen revertere ad me: dicit Dominus*.

Ad primum ergo dicendum, quod, sicut in V. Ethic. (cap. i. vers. fin.) dicitur, iustitia est virtus ad alterum: ille autem ad quem est iustitia, non dicitur esse materia iustitiæ, sed magis res quæ distribuuntur, vel commutantur. Unde & materia poenitentiae non est Deus, sed actus humani, quibus Deus offenditur, vel placatur; sed Deus se habet sicut ille ad quem est iustitia. Ex quo patet quod poenitentia non est virtus theologica, quia non habet Deum pro obiecto, vel materia.

Ad secundum dicendum, quod medium iustitiæ est æqualitas, quæ constituitur inter illos inter quos est iustitia, ut dicitur in V. Ethic. (cap. i. & v.) In quibusdam autem non potest perfecta æqualitas constitui propter alterius excellentiam, sicut inter patrem & filium, aut inter Deum & hominem, ut Philosophus dicit in VIII. Ethic. (cap. ult.) unde in talibus ille qui est deficient, debet facere quicquid potest. Nec tamen hoc erit sufficiens simpliciter, sed solum secundum acceptionem superioris: & hoc significatur per excessum, qui attribuitur poenitentiae.

Ad tertium dicendum, quod sicut est commutatio quedam in beneficiis, cum scilicet aliquis pro beneficio recepto gratiam rependit; ita etiam est commutatio in offensis, cum aliquis pro offensâ in alterum commissa vel invitatus puniatur, quod pertinet ad vindicativam iustitiam; vel voluntarie recompensat emendam, quod pertinet ad poenitentiam, quæ respicit personam peccatoris, sicut iustitia vindicativa personam iudicis. Unde manifestum est quod utraque sub iustitia commutativa continetur.

Ad quartum dicendum, quod poenitentia licet sit directe species iustitiæ; comprehendit tamen quodammodo ea quæ pertinent ad omnes virtutes: inquantum enim est iustitia quedam hominis

his ad Deum, oportet quod participet ea quæ sunt virtutum theologicarum, quæ habent Deum pro obiecto. Unde Pœnitentia est cum hœdipassionis Christi, Per quam iustificamur a peccatis, & cum spe veniæ, & cum odio vitiatorum, quod pertinet ad caritatem. In quantum vero est virtus moralis, participat aliquid prudentiæ, quæ est directiva omnium moralium virtutum: sed ex ipsa ratione iustitiæ non solum habet id quod iustitiæ est, sed etiam ea quæ sunt temperantiæ, & fortitudinis, in quantum scilicet ea quæ delectationem causant ad temperantiam pertinentem, vel terrorem incutiunt, quem fortitudo moderatur, in communionem iustitiæ veniunt. Et secundum hoc ad iustitiam pertinet & abstinere a delectabilibus, quod pertinet ad temperantiam, & sustinere dura, quod pertinet ad fortitudinem.

## ARTICULUS IV. 523

*Utrum voluntas sit proprie subiectum pœnitentiæ.*

IV. dist. XIV. quæst. II. art. 3. quæst. 3. per tot. & quæst. 4. cor.

**A**D quartum sic proceditur. Videtur quod subiectum pœnitentiæ non sit proprie voluntas. Pœnitentia enim est tristitiæ species. Sed tristitia est in concupiscibili, sicut & gaudium. Ergo pœnitentia est in concupiscibili.

2. Præterea. Pœnitentia est vindicta quædam, sicut Augustinus dicit in Lib. de pœnitentia (loc. cit. art. præc.) Sed vindicta videtur ad irascibilem pertinere, quia ira est appetitus vindictæ. Ergo videtur quod pœnitentia sit in irascibili.

3. Præterea. Præteritum est proprium obiectum memoriæ, secundum Philosophum in Lib. de memoria (cap. 1. a princ.) Sed pœnitentia est de præterito, ut dictum est (art. 1. hu. quæst. ad 2. & ad 3.) Ergo pœnitentia est in memoria sicut in subiecto.

4. Præterea. Nihil agit ubi non est. Sed pœnitentia excludit peccatum ab omnibus viribus animæ. Ergo pœnitentia est in qualibet vi animæ, & non in voluntate tantum.

Sed contra. Pœnitentia est sacrificium quoddam, secundum illud Psal. 119. *Sacrificium Deo spiritus contribulatus*. Sed of ferre sacrificium est actus voluntatis, se-

*J. Tb. Oper. Tom. XXIV.*

cundum illud Psal. 111. 8. *Voluntarie sacrificabo tibi*. Ergo pœnitentia est in voluntate.

Respondendo dicendum, quod de pœnitentia dupliciter loqui possumus. Uno modo secundum quod est passio quædam: & sic, cum sit species tristitiæ, est in concupiscibili sicut in subiecto. Alio modo secundum quod est virtus: & sic, sicut dictum est (art. præc.) est species iustitiæ. Iustitia autem, ut in secunda parte habitum est (1. 2. quæst. Ivi. art. 6.) habet pro subiecto appetitum rationis, qui est voluntas. Unde manifestum est quod pœnitentia, secundum quod est virtus, est in voluntate sicut in subiecto; & proprius eius actus est propositum emendandi illud quod contra Deum commissum est.

Ad primum ergo dicendum, quod ratio illa procedit de pœnitentia, secundum quod est passio.

Ad secundum dicendum, quod vindictam appetere ex passione de alio, pertinet ad irascibilem; sed appetere, vel facere vindictam ex ratione de se, vel de alio, pertinet ad voluntatem.

Ad tertium dicendum, quod memoria est vis apprehensiva præteriti. Pœnitentia autem non pertinet ad vim apprehensivam, sed ad appetitivam, quæ præsupponit actum apprehensivæ. Unde pœnitentia non est in memoria, sed præsupponit eam.

Ad quartum dicendum, quod voluntas, sicut in prima parte habitum est (quæst. lxxxii. art. 4. & 1. 2. quæst. ix. art. 1.) movet omnes alias potentias animæ: & ideo non est inconveniens, si potentia in voluntate existens aliquid in singulis potentiis animæ operetur.

## ARTICULUS V. 524

*Utrum principium pœnitentiæ sit ex timore.*

IV. dist. XIV. quæst. 1. art. 2. quæst. 1. per tot. & quæst. 2. cor.

**A**D quintum sic proceditur. Videtur quod principium pœnitentiæ non sit ex timore. Pœnitentia enim incipit in displicentia peccatorum. Sed hoc pertinet ad caritatem, ut supra dictum est (art. 3. hu. quæst.) Ergo pœnitentia magis oritur ex amore quam ex timore.

P p 3

2. Præ-



2. Præterea. Ad poenitentiam homines provocantur per expectationem regni caelestis, secundum illud Matth. 111. & 14. 17. *Poenitentiam agite, appropinquavit enim regnum caelorum*. Sed regnum caelorum est obiectum spei. Ergo poenitentia magis procedit ex spe quam ex timore.

3. Præterea. Timor est quidam actus interior hominis. Poenitentia autem non videtur in nobis esse ex opere hominis, sed ex opere Dei, secundum illud Hierem. xxxi. 19. *Postquam convertisti me, ego poenitentiam*. Ergo poenitentia non procedit ex timore.

Sed contra est quod Isa. xxvi. 17. dicitur: *Sicut quæ concepit, cum appropinquaverit ad partum, dolens clamat in doloribus suis, sic facti sumus*, scilicet per poenitentiam: & postea subditur secundum aliam litteram ( LXX. Interpr. ) ( a ) *A timore tuo Domine concepimus, & quasi parturivimus, & peperimus spiritum salutis*, idest poenitentiae salutatis, ut per præmissa patet. Ergo poenitentia procedit ex timore.

Respondeo dicendum, quod de poenitentia loqui possumus dupliciter. Uno modo quantum ad habitum: & sic immediate a Deo infunditur sine nobis principaliter operantibus, non tamen sine nobis dispositivè cooperantibus per aliquos actus.

Alio modo possumus loqui de poenitentia quantum ad actus, quibus Deo operanti in poenitentia cooperamur: quorum actuum primum principium est Dei operatio convertentis cor, secundum illud Thren. ult. 21. *Convertite vos Domine ad te, & convertemur*: secundus actus est motus fidei: tertius est motus timoris servilis, quo quis timore suppliciorum a peccatis retrahitur: quartus actus est motus spei, quo quis sub spe veniæ consequendæ assumit propositum emendandi: quintus actus est motus caritatis, quo alicui peccatum displicet secundum seipsum, & non iam propter supplicia: sextus actus est motus timoris filialis, quo propter reverentiam Dei aliquis emendandam Deo voluntarius offert.

Sic igitur patet quod actus poenitentiae a timore servili procedit sicut a primo motu affectus ad hoc ordinato: a timore autem filiali sicut ab immediato & proprio principio.

Ad primum ergo dicendum, quod pec-

catum prius incipit homini displicere, maxime peccatori, propter supplicia, quæ respicit timor servilis, quam propter Dei offensam, vel peccati turpitudinem, quod pertinet ad caritatem.

Ad secundum dicendum, quod in regno caelorum appropinquante intelligitur adventus Regis, non solum præmiantis, sed etiam punientis. Unde & Matth. 111. 7. Ioannes Baptista dicebat: *Progenies viperarum, quis demonstravit vobis fugere a ventura ira?*

Ad tertium dicendum, quod ipse etiam motus timoris procedit ex actu Dei convertentis cor: unde dicitur Deuter. v. 29. *Quis det eos talem habere mentem ut timeant me?* Et ideo per hoc quod poenitentia a timore procedit, non excluditur quin procedat ex actu Dei convertentis cor.

## ARTICULUS VI. 535

*Utrum poenitentia sit prima virtutum.*

IV. dist. xiv. quæst. 1. art. 1. quæst. 6. & art. 2. quæst. 2.

**A**D sextum sic proceditur. Videtur quod poenitentia sit prima virtutum. Quia super illud Matth. 111. *Poenitentiam agite*, dicit Glossa (ord.) „Prima virtus est per poenitentiam perimere veterem hominem, & vitia odif-“ se.

2. Præterea. Recedere a termino prius esse videtur quam accedere ad terminum. Sed omnes aliae virtutes pertinere videntur ad accessum ad terminum, quia per omnes ordinatur homo ad bonum agendum; poenitentia autem videtur ordinari ad recessum a malo. Ergo poenitentia videtur esse prior omnibus aliis virtutibus.

3. Præterea. Antepoenitentiam est peccatum in anima. Sed simul cum peccato nulla virtus animæ inest. Ergo nulla virtus est ante poenitentiam; sed ipsa videtur esse prima, quæ alii aditum aperit, excludendo peccatum.

Sed contra est quod poenitentia procedit ex fide, spe, & caritate, sicut iam dictum est (art. præc. & art. 2. huius quæst.) Non ergo est poenitentia prima virtutum.

Respondeo dicendum, quod in virtutibus non attenditur ordo temporis quantum

(a) *Concepimus* sic facti sumus a facie tua, Domine. *Concepimus*, & quasi parturivimus, & peperimus spiritum salutis non secundum in terra &c.

tum ad habitus: quia cum virtutes sint connexae, ut in secunda parte habitum est (1. 2. quaest. lxxv. art. 1.) omnes simul incipiunt esse in anima: sed dicitur una earum esse prior altera ordine naturae, qui consideratur ex ordine actuum, secundum scilicet quod actus unus virtutis praesupponit actum alterius virtutis.

Secundum hoc igitur dicendum est, quod actus quidam laudabiles etiam tempore praecedere possunt actum, & habitum poenitentiae, sicut actus fidei, & spei informium, & actus timoris servilis, ac istis autem, & habitus caritatis simul sunt tempore cum actu, & habitu poenitentiae, & cum habitibus aliarum virtutum. Nam, sicut in secunda parte habitum est (1. 2. quaest. cxxxi. art. 3. & 4.) in iustificatione impii simul est motus liberi arbitrii in Deum, qui est actus fidei per caritatem formatus, & motus liberi arbitrii in peccatum, qui est actus poenitentiae. Horum tamen duorum actuum primus naturaliter praecedit secundum. nam actus virtutis poenitentiae est contra peccatum ex amore Dei: unde primus actus est ratio, & causa secundi.

Sic igitur poenitentia non est simpliciter prima virtutum nec ordine temporis, nec ordine naturae: quia secundum ordinem naturae simpliciter praecedunt ipsae virtutes theologicae: sed quantum ad aliquid est prima inter ceteras virtutes ordine temporis, quantum ad eius actum, qui primus occurrit in iustificatione impii; sed ordine naturae videntur esse aliae virtutes priores, sicut quod est per se, est prius eo quod est per accidens: nam aliae virtutes per se videntur esse necessariae ad bonum hominis; poenitentia autem, supposito quodam, scilicet peccato praesistenti, sicut etiam dictum est (quaest. lxxv. art. 2. in corp. & ad 4.) circa ordinem sacramenti poenitentiae ad alia sacramenta praedicta.

Ad primum ergo dicendum, quod Glossa illa loquitur quantum ad hoc quod actus poenitentiae primus est tempore inter actus aliarum virtutum moralium.

Ad secundum dicendum, quod in motibus successivis recedere a termino est prius tempore quam pervenire ad terminum, & prius natura quantum est ex parte subiecti, sive secundum ordinem causae materialis; sed secundum ordinem causae agentis, & finalis prius est pervenire ad terminum: hoc enim est quod primo agens intendit. Et hic ordo pra-

cipue attenditur in actibus animae, ut dicitur in II. Physic.

Ad tertium dicendum, quod poenitentia aperit aditum virtutibus, expellendo peccatum per virtutem fidei; spei, & caritatis, quae sunt naturaliter priores; ita tamen aperit eis aditum quod ipsae simul intrant cum ipsa: nam in iustificatione impii simul cum motu liberi arbitrii in Deum, & in peccatum, est remissio culpae, & infusio gratiae, cum qua simul infunduntur omnes virtutes, ut in secunda parte habitum est (1. 2. quaest. lxxv. art. 3.)

## QUAESTIO LXXXVI.

*De effectu poenitentiae quoad mortalium peccatorum remissionem, in sex articulos divisa.*

**D**Einde considerandum est de effectu poenitentiae: & primo quantum ad remissionem peccatorum mortalium; secundo quantum ad remissionem peccatorum venialium; tertio quantum ad reditum peccatorum dimissorum; quarto quantum ad restitutionem virtutum.

Circa primum quaeruntur sex.

Primo, utrum omnia peccata mortalia per poenitentiam auferantur.

Secundo, utrum possint sine poenitentia tolli.

Tertio, utrum unum possit remitti sine alio.

Quarto, utrum poenitentia auferat culpam, remanente reatu.

Quinto, utrum remaneant reliquiae peccatorum.

Sexto, utrum auferre peccatum sit effectus poenitentiae, in quantum est virtus, an in quantum est sacramentum.

## ARTICULUS I. 326

*Utrum per poenitentiam omnia peccata removeantur.*

*Inf. quaest. lxxxvii. art. 1. & IV. dist. xiv. quaest. 11. art. 1. quaest. 1. & dist. xvi. quaest. 1. art. 2. quaest. 3. & III. con. cap. clvi. & op. 11. cap. cxlvi.*

**A**D primum sic proceditur. Videtur quod per poenitentiam non omnia peccata removeantur. Dicit enim Apostolus Hebr. xii. 17. quod *Esau non invenit poenitentiae locum, quamquam cum*

*lacrymis inquisisset eam*: Glossa (interl.) idest, „non invenit locum veniæ, & benedictionis per poenitentiam:“ & II. Machab. 12. 13. dicitur de Antiocho: *Orabat scelestus (a) Deum, a quo non erat misericordiam consecutus*. Non ergo videtur quod per poenitentiam omnia peccata tollantur.

2. Præterea. Augustinus dicit in Lib. 1. de sermone Domini in monte (cap. xxi. a princ.) quod *tanta labes est illius peccati, scilicet cum post agnitionem Dei per gratiam Christi oppugnat aliquis fraternitatem, & adversus ipsam gratiam invidiæ facibus agiatur, ut deprecandi humilitatem subire non possit, etiamsi peccatum suum mala conscientia agnoscere, & annuntiare eugatur*. Non ergo omne peccatum potest per poenitentiam tolli.

3. Præterea. Dominus dicit Matth. xii. 32. *Qui dixerit contra Spiritum sanctum verbum, non remittitur ei neque in hoc seculo, neque in futuro*. Non ergo omne peccatum remitti potest per poenitentiam.

Sed contra est quod dicitur Ezech. xviii. 22. *Omnium iniquitatum eius quas operatus est, non recordabor amplius*.

Respondendo dicendum, quod hoc quod aliquod peccatum per poenitentiam tolli non possit, potest contingere dupliciter. uno modo quia aliquis de peccato poenitentia non possit delere peccatum. Primo quidem modo non possunt per poenitentiam deleri peccata demonum, & etiam hominum damnatorum: quia affectus eorum sunt confirmati in malo, ita quod non possit eis displicere peccatum, in quantum est culpa, sed solum displicet eis poena quam patiuntur, ratione cuius aliquam poenitentiam, sed infructuosam habent, secundum illud Sap. v. 3. *Poenitentiam agentes, & præ angustia spiritus gementes*. Unde talis poenitentia non est cum spe veniæ, sed cum desperatione. Tale autem non potest esse aliquod peccatum hominis vioris, cuius liberum arbitrium flexibile est ad bonum, & ad malum. Unde dicere, quod aliquod peccatum sit in hac vita, de quo quis poenitere non possit, erroneum est: primo quidem quia per hoc tolleretur libertas arbitrii: secundo quia per hoc derogaretur virtuti gratiæ, per quam moveri potest cor cuiuscumque peccatoris ad poenitendum, secundum illud Proverb. xxi. 1. *Cor Regis in manu Dei, & quocumque voluerit, vertet illud*.

Quod autem secundo modo non possit per veram poenitentiam aliquod peccatum remitti, est etiam erroneum. Primo quidem quia repugnat divinæ misericordiæ, de qua dicitur Ioc. 11. 13. *quod benignus, & misericors est, & pateriens, & multæ misericordiæ, & præstabilis super malitia*: vinceretur enim quodammodo Deus ab homine, si homo peccatum vellet deleri, quod Deus delere non vellet. Secundo quia hoc derogaret virtuti passionis Christi, per quam poenitentia operatur, sicut & cetera sacramenta, cum scriptum sit I. Ioan. 11. 2. *Ipse est propitiatio pro peccatis nostris, non solum nostris, sed etiam totius mundi*.

Unde simpliciter dicendum est, quod omne peccatum in hac vita per poenitentiam veram deleri potest.

Ad primum ergo dicendum, quod Esau non vere poenituit: quod patet ex hoc quod dixit (Gen. xxvii. 41.) *Veniet dies luctus patris mei, & occidam Iacob fratrem meum*: similiter etiam nec Antiochus vere poenituit: dolebat enim de culpa præterita, non propter offensam Dei, sed propter infirmitatem corporalem quam patiebatur.

Ad secundum dicendum, quod illud verbum Augustini sic intelligendum est: *Tanta est labes illius peccati, ut deprecandi humilitatem subire non possit, scilicet de facili; secundum quod dicitur ille non posse sanari qui non potest de facili sanari: potest tamen hoc fieri per divinæ gratiæ virtutem, quæ etiam interdum in profundum maris convertit, ut dicitur in Plal. lxxvii.*

Ad tertium dicendum, quod illud verbum, vel blasphemia contra Spiritum sanctum est finalis impenitentia, ut Augustinus dicit in Lib. de verbis Domini (term. xi. cap. xxi. & xiii.) quæ penitus irremissibilis est, quia post finem huius vite non est remissio peccatorum: vel si intelligatur per blasphemiam Spiritus sancti peccatum quod fit ex certa malitia, vel etiam ipsa blasphemia Spiritus sancti, dicitur non remitti, scilicet de facili: vel quia tale peccatum non habet in se causam exultationis: vel quia pro tali peccato punitur aliquis & in hoc seculo, & in futuro, ut in secunda parte expositum est (2. 2. quæst. xiv.)

(a) *Volgata Dominum, & rex est.*

## ARTICULUS II. 527

*Utrum sine pœnitentia peccatum remitti possit.*

*Inf. art. 3. co. & quaest. lxxxvii. art. 1. cor. & IV. dist. xiv. quaest. 11. ar. 5. & dist. xvi. quaest. 1. art. 2. quaest. 1.*

**A**D secundum sic proceditur. Videtur quod sine pœnitentia peccatum remitti possit. Non enim est minor virtus Dei circa adultos quam circa pueros. Sed pueris peccata dimittit sine pœnitentia. Ergo etiam adultis.

2. Præterea. Deus virtutem suam sacramentis non alligavit. Sed pœnitentia est quoddam sacramentum. Ergo virtute divina possunt peccata sine pœnitentia dimitti.

3. Præterea. Maior est misericordia Dei quam misericordia hominis. Sed homo interdum remittit offensam suam homini etiam non pœnitenti: unde & ipse Dominus mandat Matth. v. 44. *Diligite inimicos vestros, benefacite his qui oderunt vos*. Ergo multo magis Deus dimittit offensam suam hominibus non pœnitentibus.

Sed contra est quod Dominus dicit Hierem. xviii. 8. *Si pœnitentiam egerit gens illa a malo quod fecit, agam & ego pœnitentiam super malo quod cogitavi ut facerem ei*. Et sic e contrario videtur quod si homo pœnitentiam non agat, Deus ei non remittat offensam.

Respondendo dicendum, quod impossibile est peccatum actuale mortale sine pœnitentia remitti, loquendo de pœnitentia quæ est virtus. Cum enim peccatum sit Dei offensam, eo modo Deus peccatum remittit, quo remittit offensam in se commissam. Offensa autem directe opponitur gratiæ: ex hoc enim dicitur aliquis alteri esse offensus quod repellit eum a gratia sua. Sicut autem habitum est in secunda parte (1. 2. quaest. cx. art. 1.) hoc interest inter gratiam Dei, & gratiam hominis, quod gratia hominis non causat, sed præsupponit bonitatem veram, vel apparentem in homine grato; sed gratia Dei causat bonitatem in homine grato, eo quod bona voluntas Dei, quæ in nomine gratiæ intelligitur, est causa omnis boni creati. Unde potest contingere quod homo remittat offensam, qua offensus est alicui, absque aliqua immutatione voluntatis eius; non autem con-

tingere potest quod Deus remittat offensam alicui absque immutatione voluntatis eius. Offensa autem peccati mortalis procedit ex hoc quod voluntas hominis est averfa a Deo per conversionem ad aliquod bonum commutabile. Unde requiritur ad remissionem divinæ offensæ quod voluntas hominis sic immutetur, ut convertatur ad Deum cum detestatione conversionis prædictæ, & proposito emendæ; quod pertinet ad rationem pœnitentis, secundum quod est virtus. Et ideo impossibile est quod peccatum alicui remittatur sine pœnitentia, secundum quod est virtus.

Sacramentum autem pœnitentiæ, sicut supra dictum est (quaest. lxxxiv. art. 3.) perficitur per officium sacerdotis ligantis, & solventis, sine quo potest Deus peccatum remittere, sicut remisit Christus mulieri adulteræ, ut legitur Ioan. viii. & peccatrici, ut legitur Luc. vii. quibus tamen non remisit peccata sine virtute pœnitentiæ: nam, sicut Gregorius dicit in hom. (xxxiii. in Evang. parum a princ.) *per gratiam traxit intus, scilicet ad pœnitentiam, quam per misericordiam suscepit foris*.

Ad primum ergo dicendum, quod in pueris non est nisi peccatum originale, quod non consistit in actuali deordinatione voluntatis, sed in quadam habituali deordinatione naturæ, ut in secunda parte habitum est (1. 2. quaest. lxxxii. art. 1.) & ideo remittitur eis peccatum cum habituali immutatione per infusionem gratiæ, & virtutum, non autem cum actuali. Sed adulto, in quo sunt actualia peccata, quæ consistunt in deordinatione actuali voluntatis, non remittuntur peccata, etiam in baptismo, sine actuali immutatione voluntatis; quod fit per pœnitentiam.

Ad secundum dicendum, quod ratio illa procedit de pœnitentia, secundum quod est sacramentum.

Ad tertium dicendum, quod misericordia Dei est maioris virtutis quam misericordia hominis in hoc quod immutat voluntatem hominis ad pœnitendum, quod misericordia hominis facere non potest.

## ARTICULUS III. 328

Utrum possit per poenitentiam unum peccatum sine alio remitti.

1. 2. quæst. lxxiii. art. 3. & III. dist. xxxvi. art. 5. & IV. dist. xv. quæst. 1. art. 5. quæst. 1. cor. & dist. xvi. quæst. 2. art. 1. quæst. 2. cor. & dist. xviii. quæst. 1. art. 5. quæst. 3. ad 1.

**A**D tertium sic proceditur. Videtur quod possit per poenitentiam unum peccatum sine alio remitti. Dicitur enim Amos iv. 7. *Plui super unam civitatem, & super alteram civitatem non plui: pars una completa est, & pars super quam non plui, aruit.* Quod exponens Gregorius super Ezech. (hom. x. cir. med.) dicit: „Cum ille qui proximum odit, ab aliis vitiis se corrigit, una eademque civitas ex parte compluitur, & ex parte arida manet: quia sunt qui cum quodam vicio relescant, in aliis graviter perdurant.“ Ergo potest unum peccatum per poenitentiam dimitti sine alio.

2. Præterea. Ambrosius super Psalm. *Beati immaculati in via* (post explicat. vertic. *Exitus aquarum* &c.) dicit quod „prima consolatio est, quia non obli- vilicitur misereri Deus; secunda per punitionem; ubi etsi fides desit, poenitentia satisfacit, & relevat.“ Potest ergo aliquis relevari ab aliquo peccato, manente peccato infidelitatis.

3. Præterea. Eorum quæ non necesse est esse simul, unum potest auferri sine alio. Sed peccata, ut in secunda parte habitum est (1. 2. quæst. lxxiii. art. 1.) non sunt connexa; & ita unum eorum potest esse sine alio. Ergo etiam unum eorum potest remitti sine alio per poenitentiam.

4. Præterea. Peccata sunt debita, quæ nobis relaxari petimus, cum dicimus in oratione dominica: *Dimitte nobis debita nostra* &c. Sed homo quandoque dimittit unum debitum sine alio. Ergo etiam Deus per poenitentiam dimittit unum peccatum sine alio.

5. Præterea. Per dilectionem Dei relaxantur hominibus peccata, secundum illud Hierem. xxxi. *In caritate perpetua dilexi te: ideo attraxi te miserans.* Sed nihil prohibet quin Deus diligat hominem quantum ad unum, & sic ei offensam quantum ad aliud; sicut peccatorem

diligit quantum ad naturam, odit autem quantum ad culpam. Ergo videtur possibile quod Deus per poenitentiam remittat unum peccatum sine alio.

Sed contra est quod Augustinus dicit in Lib. de poenitentia (alius Auctor de vera & falsa poenit. cap. ix. cir. med.) *Sunt plures, quos poenitet peccasse, sed non omnino, reservantes sibi quædam, in quibus delectantur, non animadvertentes, Dominum simul mutem, & surdum a demonio liberasse, per hoc docens, nos nunquam nisi de omnibus sanari.*

Respondeo dicendum, quod impossibile est per poenitentiam unum peccatum sine alio remitti.

Primo quidem quia peccatum remittitur, in quantum tollitur Dei offensam per gratiam. Unde in secunda parte habitum est (1. 2. quæst. cix. art. 7. & quæst. exiii. art. 2.) quod nullum peccatum potest remitti sine gratia. Omne autem peccatum mortale contrariatur gratiæ, & excludit eam. Unde impossibile est quod unum peccatum sine alio remittatur. Secundo quia, sicut offensum est (art. præc.) peccatum mortale non potest sine vera poenitentia remitti, ad quam pertinet desistere peccatum, in quantum est contra Deum; quod quidem est commune omnibus peccatis mortalibus: ubi autem est eadem ratio, & idem effectus. Unde non potest esse vere poenitens qui de uno peccato poenitet, & non de alio. Si enim displiceret ei illud peccatum, quia est contra Deum super omnia dilectum (quod requiritur ad rationem veræ poenitentiae) sequeretur quod de omnibus peccatis poeniteret. Unde sequitur quod impossibile sit unum peccatum per poenitentiam remitti sine alio. Tercio quia hoc esset contra perfectionem misericordiae Dei, cuius perfecta sunt opera, ut dicitur Deuteron. xxxiii. unde cuius miseretur, totaliter miseretur. Et hoc est quod Augustinus dicit in Lib. de poenitentia (loc. cit.) *Quadam impietas infidelitatis est, ab illo qui iustus, & iustitia est, dimidium sperare veniam.*

Ad primum ergo dicendum, quod illud verbum Gregorii non est intelligendum quantum ad remissionem culpæ, sed quantum ad cessationem ab actu: quia inter-dum ille qui plura peccata consuevit committere, desinit unum, non tamen aliud; quod quidem fit auxilio divino, quod tamen non pertingit usque ad remissionem culpæ.

Ad secundum dicendum, quod in ver-

bo illo Ambrosii fides non potest accipi, quia creditur in Christum: quia, ut Augustinus dicit super illud Ioan. xv. *Si non venissem, & locutus eis non fuisset, peccatum non haberent*, scilicet infidelitatis (tract. lxxxix. in Ioan. parum a princ.), hoc est peccatum quo tenentur cuncta peccata. "Sed accipitur fides pro conscientia: quia interdum per poenas, quas quis patienter sustinet, consequitur remissionem peccati, cuius conscientiam non habet."

Ad tertium dicendum, quod peccata, quamvis non sint connexa quantum ad conversionem ad bonum commutabile, sunt tamen connexa quantum ad aversionem a bono incommutabili, in qua conveniunt omnia peccata mortalia: & ex hac parte habent rationem offensae, quam oportet per poenitentiam tolli.

Ad quartum dicendum, quod debitum exterioris rei, puta pecuniae, non contrariatur amicitiae, ex qua debitum remittitur: & ideo potest unum dimitti sine alio. Sed debitum culpae contrariatur amicitiae: & ideo una culpa, vel offensae non remittitur sine altera: ridiculum enim videtur quod etiam ab homine aliquis veniam peteret de una offensae, & non de alia.

Ad quintum dicendum, quod dilectio qua Deus diligit hominis naturam, non ordinatur ad bonum gloriae, a quo impeditur homo per quodlibet peccatum mortale: sed dilectio gratiae, per quam fit remissio peccati mortalis, ordinat hominem ad vitam aeternam, secundum illud Roman. vi. 13. *Gratia Dei vita aeterna*. Unde non est similis ratio.

#### ARTICULUS IV. 529

*Utrum, remissa culpa per poenitentiam, remaneat reatus poenae.*

*Sup. quaest. lxxvii. art. 3. ad 3. & quaest. lxxix. art. 10. ad 3. & IV. dist. xiv. quaest. 11. art. 1. & Rom. xi. lec. 4. & Heb. vi.*

**A**D quartum sic proceditur. Videtur quod, remissa culpa per poenitentiam, non remaneat reatus poenae. Remota enim causa, removetur effectus. Sed culpa est causa reatus poenae: ideo enim est aliquis dignus poena, quia culpam commisit. Ergo, remissa culpa, non potest remanere reatus poenae.

2. Præterea. Sicut Apostolus dicit Rom. v. donum Christi est efficacius quam peccatum. Sed peccando homo simul incurrit culpam, & poenae reatum. Ergo multo magis per donum gratiae simul remittitur culpa, & tollitur poenae reatus.

3. Præterea. Remissio peccatorum fit in poenitentia per virtutem passionis, secundum illud Roman. 111. 25. *Quem proposuit Deus propitiatorem, per fidem in sanguine ipsius, propter remissionem praecedentium delictorum*. Sed passio Christi est sufficienter satisfactoria pro omnibus peccatis, ut supra dictum est (quaest. xlvi. & xlv. & quaest. lxxix. art. 5.) Non ergo post remissionem culpae remanet aliquis reatus poenae.

Sed contra est quod II. Reg. xii. 13. dicitur, quod cum David poenitens dixisset ad Nathan, *Peccavi Domino*, dixit Nathan ad illum: *Dominus quoque transiit peccatum tuum: non morieris: verumtamen filius qui natus est tibi, morte morietur*: quod fuit in poenam praecedentis peccati, ut ibidem dicitur. Ergo, remissa culpa, remanet reatus alicuius poenae.

Respondeo dicendum, quod, sicut in secunda parte habitum est (1. 2. quaest. lxxxvii. art. 4.) in peccato mortali sunt duo, scilicet aversio ab incommutabili bono, & conversio ad commutabile bonum inordinata. Ex parte ergo aversionis ab incommutabili bono consequitur peccatum mortale reatus poenae aeternae, ut qui contra aeternum bonum peccavit, in aeternum puniatur; ex parte etiam conversionis ad bonum commutabile, in quantum est inordinata, consequitur peccatum mortale reatus alicuius poenae: quia inordinatio culpae non reducitur ad ordinem iustitiae nisi per poenam: iustum est enim ut qui voluntati suae plus indultit quam debuit, contra voluntatem suam aliquid patiat: sic enim erit aequalitas. Unde Apoc. xviii. 7. dicitur: *Quantum glorificavisti te, & in deliciis fuit, tantum date illi tormentum, & iustum*.

Quia tamen conversio ad bonum commutabile est finita, non habet ex hac parte peccatum, quod debeatur ei poena aeterna. Unde si fit inordinata conversio ad bonum commutabile sine aversione a Deo, sicut est in peccatis venialibus, non debetur peccato poena aeterna, sed temporalis. Quando igitur per gratiam remittitur culpa, tollitur aversio animae a Deo,

Deo, in quantum per gratiam anima Deo coniungitur. Unde & per consequens simul tollitur reatus poenae aeternae; potest tamen remanere reatus alicuius poenae temporalis.

Ad primum ergo dicendum, quod culpa mortalis utrumque habet, & averfionem a Deo, & conversionem ad bonum creatum. Sed, sicut in secunda parte habitum est (1. 2. quaest. lxxx. art. 6.) averfio a Deo est ibi sicut formale; conversio autem ad bonum creatum, est ibi sicut materiale. Remoto autem formali cuiuscumque rei, tollitur species; sicut remoto rationali, tollitur species humana. Et ideo ex hoc ipso dicitur culpa mortalis remitti, quod per gratiam tollitur averfio mentis a Deo simul cum reatu poenae aeternae; remanet tamen illud quod est materiale, scilicet inordinata conversio ad bonum creatum, pro qua debetur reatus poenae temporalis.

Ad secundum dicendum, quod, sicut in secunda parte habitum est (1. 2. quaest. cix. art. 7. & 8. & quaest. cxi. art. 2.) ad gratiam pertinet operari in homine iustificando ipsum a peccato, & cooperari homini ad recte operandum. Remissio igitur culpae, & reatus poenae aeternae pertinet ad gratiam operantem; sed remissio reatus poenae temporalis pertinet ad gratiam cooperantem, in quantum scilicet homo, cum auxilio divinae gratiae patienter poenas tolerando; absolvitur etiam a reatu poenae temporalis. Sicut igitur prius est effectus gratiae operantis quam gratiae cooperantis, ita etiam prius est remissio culpae, & poenae aeternae, quam plena absolutio poenae temporalis; utrumque enim est a gratia, sed primum a gratia sola, secundum ex gratia, & libero arbitrio.

Ad tertium dicendum, quod passio Christi de se sufficiens est ad tollendum omnem reatum poenae non solum aeternae, sed etiam temporalis; & secundum modum quo homo participat virtutem passionis Christi, percipit etiam absolutionem a reatu poenae. In baptismo autem homo participat totaliter virtutem passionis Christi, utpote per aquam, & spiritum Christi commortuus peccato, & in eo regeneratus ad novam vitam: & ideo in baptismo homo consequitur remissionem reatus totius poenae. In poenitentia vero consequitur virtutem passionis Christi secundum modum propriorum actuum, qui sunt materia poenitentiae; sicut aqua baptismi, ut supra dictum est.

(quaest. lxxxiv. art. 1. & 3.) Et ideo non statim per primum actum poenitentiae, quo remittitur culpa, solvitur reatus totius poenae, sed completis omnibus poenitentiae actibus.

## ARTICULUS V. 530

*Utrum remissa culpa mortali, tollantur omnes reliquiae peccati.*

*Sup. art. 4. ad 3. & IV. dist. xiv. quaest. 11. art. 1. quaest. 3. & 1. Cor. xi. lect. 7.*

**A**D quintum sic proceditur. Videtur quod remissa culpa mortali, tollantur omnes reliquiae peccati. Dicit enim Augustinus in Lib. de poenitentia (alius Auctor de vera & falsa poenit. cap. ix. a med.) *Numquam Dominus aliquem sanavit, quem omnino non liberavit: totum enim hominem sanavit in sabbato, quia & corpus ab omni infirmitate, & animam ab omni contagione.* Sed reliquiae peccati pertinent ad inhumilitatem peccati. Ergo non videtur possibile quod remissa culpa, remaneant reliquiae peccati.

1. Praeterea. Secundum Dionysium iv. cap. de div. Nom. (par. iv. lect. 16.) *bonum est efficacius quam malum, quia malum non agit nisi virtute boni.* Sed homo peccando simul totam infectionem peccati incurrit. Ergo multo magis poenitendo liberatur etiam ab omnibus peccati reliquiis.

3. Praeterea. Opus Dei efficacius est quam opus hominis. Sed per exercitium humanorum operum ad bonum tolluntur reliquiae peccati contrarii. Ergo multo magis tolluntur per remissionem culpae, quae est opus Dei.

Sed contra est quod Marci viii. legitur, quod caecus illuminatus a Domino primo restitutus est ad imperfectum visum: unde ait: *Vide homines velut arbores ambulantes*: deinde restitutus est perfecte, ita ut videret clare omnia. Illuminatio autem caeci significat liberationem peccatoris. Post primam ergo remissionem culpae, qua peccator restituitur ad visum spirituale, adhuc remanent in eo aliquae reliquiae peccati praeteriti.

Respondeo dicendum, quod peccatum mortale ex parte conversionis inordinatae ad bonum commutabile quandam dispositionem causalat in anima, vel etiam habitum, si actus frequenter iteretur.

Sic.

Sicut autem dictum est (art. præc.) culpa peccati mortalis remittitur, inquantum tollitur per gratiam averſio mentis a Deo.

Sublato autem eo quod est ex parte averſionis, nihilominus remanere potest id quod est ex parte conversionis inordinata; cum hanc contingat esse sine illa, sicut prius dictum est (art. præc.) Et ideo nihil prohibet quin remissa culpa, remaneant dispositiones ex præcedentibus actibus causatae, quæ dicuntur peccati reliquæ; remanent tamen debilitatæ, & diminutæ, ita quod homini (a) non dominantur; & hoc magis per modum dispositionum quam per modum habituum; sicut etiam remanet fomes post baptismum.

Ad primum ergo dicendum, quod Deus totum hominem perficit; curat; sed quandoque subito, sicut soecum Petri statim restituit perfectæ sanitati, ita ut *ſurgens ministraret illis*, ut legitur Luc. ix. quandoque autem successive, sicut dictum est (quæst. xlv. art. 3. ad 2.) de cæco illuminato, Mar. viii. Et ita etiam spiritualiter quandoque tanta commotione convertit cor hominis, ut subito perfecte consequatur sanitatem spirituales, non solum remissa culpa, sed sublati omnibus peccati reliquiis, ut patet de Magdalena Luc. vii. Quandoque autem prius remittit culpam per gratiam operantem, & postea per gratiam cooperantem successive tollit peccati reliquias.

Ad secundum dicendum, quod peccatum etiam quandoque statim inducit debilem dispositionem, utpote per unum actum causatam; quandoque autem fortius, causatam per multos actus.

Ad tertium dicendum, quod uno actu humano non tollantur omnes reliquæ peccati; quia, ut dicitur in Prædicamentis (cap. de opposit. a med.) *præter ad meliores exercitationes deductus ad modicum aliquid proficit, ut melior sit; multiplicato autem exercitio, ad hoc pervenit ut sit bonus virtute acquisita*. Hoc autem multo efficacius facit divina gratia sive uno, sive pluribus actibus.

ARTICULUS VI. 531

Utrum remissio culpæ sit effectus pœnitentiæ.

IV. dist. xiv. quæst. 2. art. 1. quæst. 1.

**A**D sextum sic proceditur. Videtur quod remissio culpæ non sit effectus pœnitentiæ, secundum quod est virtus. Dicitur enim pœnitentia virtus, secundum quod est principium humani actus. Sed humanus actus non operatur ad remissionem culpæ, quæ est effectus gratiæ operantis. Ergo remissio culpæ non est effectus pœnitentiæ, secundum quod est virtus.

2. Præterea. Quædam aliæ virtutes sunt excellentiores pœnitentia. Sed remissio culpæ non dicitur effectus alicuius alterius virtutis. Ergo etiam non est effectus pœnitentiæ, secundum quod est virtus.

3. Præterea. Remissio culpæ non est nisi ex virtute passionis Christi, secundum illud Hebr. ix. 22 *Sine sanguinis effusione non fit remissio*. Sed pœnitentia, inquantum est sacramentum, operatur in virtute passionis Christi, sicut & cetera sacramenta, ut ex supradictis patet (quæst. lxxi. art. 4. & 5.) Ergo remissio culpæ non est effectus pœnitentiæ, inquantum est virtus, sed inquantum est sacramentum.

Sed contra. Illud est proprie causa alicuius, sine quo esse non potest: omnis enim effectus dependet a sua causa. Sed remissio culpæ potest esse a Deo sine pœnitentiæ sacramento, non autem sine pœnitentia, secundum quod est virtus, ut supra dictum est (quæst. lxxxiv. art. 5. ad 3. & quæst. lxxxv. art. 2.) unde & ante sacramenta novæ legis pœnitentibus Deus peccata remittebat. Ergo remissio culpæ est præcipue effectus pœnitentiæ, secundum quod est virtus.

Respondetur dicendum, quod pœnitentia est virtus, secundum quod est principium quorundam actuum humanorum. Actus autem humani, qui sunt ex parte peccatoris, materialiter se habent in sacramento pœnitentiæ.

Omne autem sacramentum producit effectum suum non solum virtute formæ, sed etiam virtute materiæ: ex utroque enim est unum sacramentum, ut supra habitum est (quæst. lx art. 6. ad 2. &

(a) Ita mss. & edit. passim, Alii, non dominantur magis per modum dispositionum &c.



art. 7.) Unde sicut remissio culpæ fit in baptismo non solum virtute formæ, sed etiam virtute materiæ, scilicet aquæ; principalis tamen virtute formæ, ex qua & ipsa aqua virtutem recipit: ita etiam remissio culpæ est effectus poenitentiae principalis quidem ex virtute clavium, quas habent ministri, ex quorum parte accipitur id quod est formale in hoc sacramento, ut supra dictum est (quæst. lxxxiv. art. 3.) secundario autem ex vi actuum poenitentis pertinentium ad virtutem poenitentiae; tamen prout hi actus aliquantulum ordinantur ad claves Ecclesiae. Et sic patet quod remissio culpæ est effectus poenitentiae secundum quod est virtus, principalis tamen secundum quod est sacramentum.

Ad primum ergo dicendum, quod effectus gratiae operantis est iustificatio impii, ut in secunda partedictum est (1. 2. quæst. cxiii.) in qua, ut ibidem dictum est (art. 1. 2. & 3.) non solum est gratiae infusio, & remissio culpæ, sed etiam motus liberi arbitrii in Deum, qui est actus fidei formatæ, & motus liberi arbitrii in peccatum, qui est actus poenitentiae. Hi tamen actus humani sunt ibi ut effectus gratiae operantis, simul producti cum remissione culpæ. Unde remissio culpæ non fit sine actu poenitentiae virtutis, licet sit effectus gratiae operantis.

Ad secundum dicendum, quod in iustificatione impii non solum est actus poenitentiae, sed etiam actus fidei, ut dictum est (in solut. præc. & 1. 2. quæst. cxiii. art. 4.) Et ideo remissio culpæ non ponitur effectus solum poenitentiae virtutis, sed principaliter fidei, & caritatis.

Ad tertium dicendum, quod ad passionem Christi ordinatur actus poenitentiae virtutis & per fidem, & per ordinem ad claves Ecclesiae; & ideo utroque modo causatur remissio culpæ virtute passionis Christi.

Ad id autem quod in contrarium obijciatur, dicendum est, quod actus poenitentiae virtutis habet quod sine eo non possit fieri remissio culpæ, inquantum est inseparabilis effectus gratiae, per quam principaliter culpa remittitur, quæ etiam operatur in omnibus sacramentis. Et ideo per hoc non potest concludi, nisi quod gratia est principalior causa remissionis culpæ quam poenitentiae sacramentum. Sciendum tamen, quod etiam in veteri lege, & in lege naturæ erat aliquantulum

sacramentum poenitentiae, ut supra dictum est (quæst. lxxxiv. art. 7. ad 2.)

## QUAESTIO LXXXVII.

*De remissione venialium peccatorum, in quatuor articulos divisa.*

**D**Einde considerandum est de remissione venialium peccatorum: & circa hoc quaeruntur quatuor.

Primo, utrum sine poenitentia peccatum veniale possit dimitti.

Secundo, utrum possit dimitti sine gratiae infusione.

Tertio, utrum peccata venialia remittantur per asperisionem aquæ benedictæ, & episcopalem benedictionem, & tunctionem pectoris, & orationem dominicam, & alia huiusmodi.

Quarto, utrum veniale peccatum possit remitti sine mortali.

## ARTICULUS I. 532.

*Utrum peccatum veniale possit remitti sine poenitentia.*

*Inf. art. 2. ad 2. & 3. & art. 3. cor. & IV. dist. xvi. quæst. 11. art. 2. quæst. 2. ad 2. & dist. xxi. quæst. 11. art. 1. corp. & mal. quæst. vii. art. 12. cor.*

**A**D primum sic proceditur. Videtur quod veniale peccatum possit remitti sine poenitentia. Pertinet enim, ut supra dictum est (quæst. lxxxiv. art. 10. ad 4.) ad rationem veræ poenitentiae quod non solum homo doleat de peccato præterito, sed etiam proponat cavere de futuro. Sed fine tali proposito peccata venialia dimittuntur: cum certum sit quod homo sine peccatis venialibus præsentem vitam ducere non potest. Ergo peccata venialia possunt remitti sine poenitentia.

2. Præterea. Poenitentia non est sine actuali displicentia peccatorum. Sed peccata venialia possunt dimitti sine displicentia actuali eorum; sicut patet in eo qui dormiens occideretur propter Christum, statim enim evoleret: quod non contingit, manentibus peccatis venialibus. Ergo peccata venialia possunt remitti sine poenitentia.

3. Præterea. Peccata venialia opponuntur fervori caritatis, ut in secunda parte dictum est (2. 2. quæst. xxiv. art. 10.)

10.) Sed unum oppositorum tollitur per aliud. Ergo per fervorem caritatis, quem contingit esse sine actuali displicentia peccati venialis, fit remissio peccatorum venialium.

Sed contra est quod Augustinus dicit in Lib. de poenit. (alius Auctor de vera & falsa poenit. cap. viii. & August. hom. xxvii. inter l. cap. ii. & hom. ult. ante med.) quod est quedam poenitentia quotidiana agitur in Ecclesia pro peccatis venialibus: quæ frustra esset, si sine poenitentia peccata venialia posset dimitti. Videtur ergo quod peccata venialia non possint sine poenitentia dimitti.

Respondetur dicendum, quod remissio culpæ, sicut dictum est (quæst. præc. art. 2.) fit per conjunctionem hominis ad Deum, a quo aliquoties separatur culpa. Sed hæc separatio perfecte quidem fit per peccatum mortale, imperfecte autem per peccatum veniale: nam per peccatum mortale mens omnino a Deo avertitur, utpote contra caritatem agens; per peccatum autem veniale retardatur affectus hominis, non prompte in Deum feratur. Et ideo utrumque peccatum per poenitentiam quidem remittitur, quia per utrumque deordinatur voluntas hominis per immoderatam conversionem ad bonum creatum: sicut enim peccatum mortale remitti non potest, quamdiu voluntas peccato adhæret, ita etiam nec peccatum veniale: quia manente causa, manet effectus.

Exigitur autem ad remissionem peccati mortalis perfectior poenitentia, ut scilicet homo actualiter peccatum mortale commissum detestetur, quantum in ipso est, ut scilicet diligentiam adhibeat ad rememorandum singula peccata mortalia, ut singula detestetur. Sed hoc non requiritur ad remissionem venialium peccatorum; non tamen sufficit habitualis displicentia, quæ habetur per habitum caritatis, vel poenitentiae virtutis: quia sic caritas non comparetur peccatum veniale, quod patet esse falsum. Unde sequitur quod requiratur quedam virtualis displicentia; puta cum aliquis hoc modo fertur secundum affectum in Deum, & res divinas, ut quicquid sibi occurreret quod eum ab hoc motu retardaret, displiceret ei, & doleret se commisisse, etiam si actu de illo non cogitaret: quod tamen non sufficit ad remissionem peccati mortalis, nisi quantum ad peccata obliata post diligentem inquisitionem.

Ad primum ergo dicendum, quod homo

in gratia constitutus potest vitare omnia peccata mortalia, & singula; potest etiam vitare singula peccata venialia, sed non omnia, ut patet ex his quæ in secunda parte dicta sunt (2.2. quæst. lxxxiv. art. 3. ad 2. & quæst. cix. art. 8.) Et ideo poenitentia de peccatis mortalibus requirit quod homo proponat abstinere ab omnibus, & singulis peccatis mortalibus; sed ad poenitentiam peccatorum venialium requiritur quod homo proponat abstinere a singulis, non tamen ab omnibus, quia hoc infirmitas huius vite non patitur; debet tamen habere propositum se præparandi ad peccata venialia minuenda; alioquin esset ei periculum deficiendi, cum desereret appetitum proficiendi, seu tollendi impedimenta spiritualis profectus, quæ sunt peccata venialia.

Ad secundum dicendum, quod passio pro Christo suscepta, sicut supra dictum est (quæst. lxxv. art. 11.) obtinet vim baptismi: & ideo purgat ab omni culpa & veniali, & mortali, nisi actualiter voluntatem peccato inveneris inherentem.

Ad tertium dicendum, quod fervor caritatis virtualiter implicat displicentiam venialium peccatorum, ut supra dictum est (quæst. lxxxix. art. 4.)

## ARTICULUS II. 333

*Utrum ad remissionem venialium peccatorum requiratur gratia infusio.*

*Sup. quæst. lxxv. art. 1. ad 8. & inf. præsentii quæst. art. 3. corp. & art. 4. ad 2. & IV. dist. xvi. quæst. 11. art. 2. quæst. 7. & mal. quæst. viii. art. 11. cor. & ad 14. & art. 12. cor. & ad 1.*

**A**d secundum sic proceditur. Videtur quod ad remissionem venialium peccatorum requiratur gratia infusio. Effectus enim non est sine propria causa. Sed propria causa remissionis peccatorum est gratia: non enim ex meritis propriis peccata hominis remittuntur: unde dicitur Ephes. 11. 4. *Deus, qui dives est in misericordia, propter nimiam caritatem suam, qua dilexit nos, cum essemus mortui peccatis, convivificavit nos in Christo, cuius gratia salvati sumus.* Ergo peccata venialia non remittuntur sine gratiæ infusione.

2. Præterea. Peccata venialia non remittuntur sine poenitentia. Sed in poenitentia infunditur gratia, sicut & in aliis

illis sacramentis novæ legis. Ergo peccata venialia non remittuntur sine gratiæ infusione.

3. Præterea. Peccatum veniale maculam quamdam animæ infert. Sed macula non auferitur nisi per gratiam, quæ est spiritualis animæ decor. Ergo videtur quod peccata venialia non dimittantur sine gratiæ infusione.

Sed contra est quod peccatum veniale adveniens non tollit gratiam, neque etiam diminuit eam, ut in secunda parte habitum est (1. 2. quæst. xiv. art. 10.). Ergo pari ratione ad hoc quod peccatum veniale remittatur, non requiritur novæ gratiæ infusio.

Respondetur dicendum, quod unumquodque tollitur per suum oppositum. Peccatum autem veniale non contrariatur habitudini gratiæ, vel caritati, sed retardat actum eius, in quantum nimis inhaeret homini bono creato, licet non contra Deum, ut in secunda parte habitum est (1. 2. quæst. lxxxviii. art. 1. & 2. 2. quæst. xxiv. art. 10.). Et ideo ad hoc quod peccatum veniale tollatur, non requiritur quod infundatur aliqua habitualis gratia, sed sufficit aliquis motus gratiæ, vel caritatis ad eius remissionem.

Quia tamen in habentibus usum liberi arbitrii, in quibus solis possunt esse venialia peccata, non contingit esse infusionem gratiæ sine actuali motu liberi arbitrii in Deum, & in peccatum; ideo quandocumque de novo gratia infunditur, peccata venialia remittuntur.

Ad primum ergo dicendum, quod etiam remissio peccatorum venialium est effectus gratiæ, per actum scilicet quem de novo elicit, non autem per aliquod habituale de novo animæ infusum.

Ad secundum dicendum, quod peccatum veniale nunquam remittitur sine aliquali actu poenitentiae virtutis, explicito scilicet, vel implicito, ut supra dictum est (art. præc.). Potest tamen remitti peccatum veniale sine poenitentiae sacramento, quod in absolutione sacerdotis formaliter perficitur, ut supra dictum est (quæst. præc. art. 2.). Et ideo non sequitur quod ad remissionem venialium peccatorum requiratur gratiæ infusio; quæ licet sit in quolibet sacramento, non tamen est in quolibet actu virtutis.

Ad tertium dicendum, quod sicut in corpore contingit esse maculam dupliciter: uno modo per privationem eius quod requiritur ad decorem, puta debiti coloris, aut debiti proportionis mem-

brorum; alio modo per superinductionem alicuius impediens decorem, puta luti, aut pulveris: ita etiam animæ inducitur macula uno modo per privationem decoris gratiæ per peccatum mortale; alio modo per inclinationem affectus inordinatam ad aliquid temporale: & hoc fit per peccatum veniale. Et ideo ad tollendam maculam peccati mortalis requiritur infusio gratiæ; sed ad tollendam maculam venialis peccati requiritur aliquis actus procedens ex gratia, per quam removeatur inordinata adhesio ad rem temporalem.

### ARTICULUS III. 534

*Utrum venialia peccata remittantur per asperersionem aquæ benedictæ, & cetera huiusmodi.*

*Sup. quæst. lxxv. art. 1. ad 6. & 8. & quæst. lxxxiii. art. 3. ad 3. & IV. dist. xvi. quæst. 11. art. 2. quæst. 4. & dist. xvii. quæst. 111. art. 3. quæst. 3. & dist. xxi. quæst. 11. art. 1. & 2. & mal. quæst. vii. art. 12.*

**A**D tertium sic proceditur. Videtur quod venialia peccata non remittantur per asperersionem aquæ benedictæ, & episcopalem benedictionem, & alia huiusmodi. Peccata enim venialia non remittuntur sine poenitentia, ut dictum est (art. 1. huius quæst.). Sed poenitentia per se sufficit ad remissionem venialium peccatorum. Ergo ista nihil operantur ad huiusmodi remissionem.

2. Præterea. Quodlibet istorum eandem relationem habet ad unum peccatum veniale, & ad omnia. Si ergo per aliquod istorum remittitur aliquod peccatum veniale, sequitur quod pari ratione remittantur omnia; & ita per unam asperersionem pectoris, vel per unam asperersionem aquæ benedictæ redderetur homo immunis ab omnibus peccatis venialibus: quod videtur inconveniens.

3. Præterea. Peccata venialia inducunt reatum alicuius poenæ, licet temporalis: dicitur enim I. Cor. xii. 13. *de eo qui superedificat lignum, fenum, & stipulam, quod salvus erit, sic tamen quasi per ignem.* Sed huiusmodi, per quæ dicitur peccatum veniale dimitti, vel nullam, vel minimam poenitentiam in se habent. Ergo non sufficiunt ad plenam remissionem venialium peccatorum.

Sed contra est quod Augustinus dicit in

in Lib. de poenitentia (scilicet hom. ult. inter l. aliquant. ante med.) quod *propter peccatis peccata nostra tunc dimittimus, & dicimus: Dimitte nobis debita nostra*; & ita videtur quod tuncio peccatoris, & oratio dominica causent remissionem venialium peccatorum; & eadem ratio videtur etiam de aliis.

Respondetur dicendum, quod, sicut supra dictum est (art. præc.) ad remissionem venialis peccati non requiritur novæ gratiæ infusio, sed sufficit aliquis actus procedens ex gratia, quo aliquis detestetur peccatum veniale vel explicite, vel saltem implicite; sicut cum aliquis ferventer movetur in Deum.

Et ideo triplici ratione aliqua causant remissionem venialium peccatorum. Uno modo inquantum in eis infunditur gratia: quia per infusionem gratiæ tolluntur venialia peccata, ut supra dictum est (art. præc.) Et hoc modo per Eucharistiam, & extremam unctionem, & universaliter per omnia sacramenta novæ legis, in quibus confertur gratia, peccata venialia remittuntur. Secundo inquantum sunt cum aliquo motu detestationis peccatorum: & hoc modo confitio generalis, tuncio peccatoris, & oratio dominica operantur ad remissionem venialium peccatorum: nam in oratione dominica petimus: *Dimitte nobis debita nostra*. Tercio modo inquantum sunt cum aliquo motu reverentiae in Deum, & ad res divinas: & hoc modo benedictio episcopalis, asperitio aquæ benedictæ, quælibet sacramentalis unctio, oratio in Ecclesia dedicata, & si aliqua alia sunt huiusmodi, operantur ad remissionem venialium peccatorum.

Ad primum ergo dicendum, quod omnia ista causant remissionem peccatorum venialium, inquantum inclinant animam ad motum poenitentiae, qui est detestatio peccatorum vel implicite, vel explicite.

Ad secundum dicendum, quod omnia ista, quantum est de se, operantur ad remissionem omnium peccatorum venialium; potest tamen impediri remissio quantum ad aliqua peccata venialia, quibus mens actualiter inhaeret; sicut & per fictionem interdum impeditur effectus baptismi.

Ad tertium dicendum, quod per prædicta tolluntur quidem peccata venialia inquantum ad culpam, tum virtute alienius satisfactionis, tum etiam virtute caritatis, cuius motus per prædicta excitatur.

S. Th. Oper. Tom. XXIV.

ratur; non autem per quodlibet prædictorum semper tollitur totus reatus poenitæ, quia sic quælibet esset omnino immunitas a peccato mortali, asperitio aquæ benedicta statim evolveret; sed reatus poenitæ remittitur per prædicta secundum motum fervoris in Deum, qui per prædicta excitatur quantoque magis, quantoque autem minus.

# ARTICULUS IV. 535

Utrum veniale peccatum possit remitti sine mortali peccato.

Inf. quæst. xc. art. 4. ad 3. & IV. dist. xvi. quæst. xi. art. 1. quæst. 2. & 3.

**A**D quartum sic proceditur. Videtur quod veniale peccatum possit remitti sine mortali. Quia super illud Ioan. viii. *Qui sine peccato est vestrum, primus in illam lapidem mittat*, dicit quædam Glossa (ex Lib. de vera & falsa poenit. cap. ult. a princ.) quod „omnes illi erant in peccato mortali: venialia enim eis dimittebantur per ea remonias.“ Ergo veniale peccatum potest remitti sine mortali.

2. Præterea. Ad remissionem peccati venialis non requiritur gratiæ infusio. Requiritur autem ad remissionem mortalis. Ergo veniale peccatum potest remitti sine mortali.

3. Præterea. Plus distat peccatum veniale a mortali quam ab alio veniali. Sed unum veniale potest dimitti sine alio, ut dictum est (art. præc. ad 2. & quæst. præc. art. 3.) Ergo veniale potest dimitti sine mortali.

Sed contra est quod dicitur Matth. v. 26. *Amen dico tibi, non exies inde*, scilicet ex carcere, in quem intraditur homo pro peccato mortali, *donec reddas novissimum quadrantem*: per quem significatur veniale peccatum. Ergo veniale peccatum non remittitur sine mortali.

Respondetur dicendum, quod, sicut supra dictum est (quæst. præc. art. 3.) remissio culpæ cuiuscunque nunquam fit nisi per virtutem gratiæ: quia, ut Apostolus dicit Rom. iv. ad gratiam Dei pertinet quod Deus alicui non imputet peccatum: quod Glossa (interl. sup. illud. *Beatus vir cui non imputavit* &c.) ibi exponit de veniali. Ille autem qui est in peccato mortali, caret gratia Dei. Unde nullum veniale ei remittitur.

Ad primum ergo dicendum, quod veniale potest remitti sine mortali.

Qq

nialia ibi dicuntur irregularitates, five immundities, quas contrahabant secundum legem.

Ad secundum dicendum, quod licet ad remissionem peccati venialis non requiratur nova infusio habitualis gratiae, requiritur tamen aliquis gratiae actus, qui non potest esse in eo qui subiacet peccato mortali.

Ad tertium dicendum, quod peccatum veniale non excludit omnem actum gratiae, per quem possunt omnia peccata venialia dimitti; sed peccatum mortale excludit totaliter habitum gratiae, sine quo nullum peccatum mortale, vel veniale remittitur. Et ideo non est similis ratio.

### QUAESTIO LXXXVIII.

*De reditu peccatorum per poenitentiam dimissorum,*

*in quatuor articulos divisa.*

**D**Einde considerandum est de reditu peccatorum per poenitentiam dimissorum: & circa hoc quaeruntur quatuor.

Primo, utrum peccata per poenitentiam dimissa redeant simpliciter per sequens peccatum.

Secundo, utrum aliquo modo per ingratitudinem redeant specialius secundum quaedam peccata.

Tertio, utrum peccata redeant in æquali reatu.

Quarto, utrum illa ingratitudo per quam redeunt, sit speciale peccatum.

### ARTICULUS 1. 536

*Utrum peccata dimissa redeant per sequens peccatum.*

*Inf. art. 2. & 3. corp. & IV. dist. xxii. quæst. 1. art. 1.*

**A**D primum sic proceditur. Videtur quod peccata dimissa redeant per sequens peccatum. Dicit enim Augustinus in Lib. I. de baptismo (cont. Donatist. cap. xii. in med.) *Redire dimissa peccata, ubi fraterna caritas non est, aperiuntur Dominus in Evangelio docet in illo servo, a quo dimissum debitum Dominus repetit, eo quod ille conseruo suo debitum nollet dimittere.* Sed fraterna caritas tollitur per quodlibet peccatum mortale. Ergo per quodlibet sequens mor-

tale peccatum redeunt peccata prius per poenitentiam dimissa.

2. Præterea. Super illud Lucæ xi. *Revertar in domum meam, unde exivi*, dicit Beda (cap. xlviii. in Luc. secundum eius ord.) „Timendus est ille vericulus, non exponendus; ne culpa quam in nobis extinctam credebamus, per incuriam nos vacantes opprimat.“ Hoc autem non esset, nisi rediret. Ergo culpa per poenitentiam dimissa rediret.

3. Præterea. Ezech. xviii. 24. Dominus dicit: *Si averterit se iustus a iustitia sua, & fecerit iniquitatem, omnes iustitiae eius quas fecerat, non recordabuntur.* Sed inter alias iustitias, quas fecit, etiam præcedens poenitentia continetur; cum supra dictum sit (quæst. lxxxv. art. 2.) poenitentiam esse partem iustitiæ. Ergo postquam poenitens peccat, non imputatur ei præcedens poenitentia, per quam consecutus est veniam peccatorum. Redeunt ergo illa peccata.

4. Præterea. Peccata præterita per gratiam teguntur, ut patet per Apostolum Rom. iv. inducentem illud Psalmi xxxi. 1. *Beati quorum remisse sunt iniquitates, & quorum tecta sunt peccata.* Sed per peccatum mortale sequens gratia tollitur. Ergo peccata quæ fuerant prius commissa, remanent detecta; & ita videtur quod redeant.

Sed contra est quod Apostolus dicit Rom. xi. 29. *Sine poenitentia sunt dona, & vocatio Dei.* Sed peccata poenitentis sunt dimissa per donum Dei. Ergo per peccatum sequens non redeunt dimissa peccata, quasi Deus de dono remissionis poeniteat.

Præterea. Augustinus dicit in Libro I. responsionum Prosperi (Prosper ad obiect. Gallorum obiect. 2.) *Qui recedit a Christo, & alienatus a gratia finit hanc vitam, quid nisi in perditionem vadit? sed non in quod remissum est, recidit, nec pro originali peccato damnabitur.*

Respondendo dicendum, quod, sicut supra dictum est (quæst. lxxxvi. art. 4.) in peccato mortali sunt duo, scilicet averlio a Deo, & conversio ad bonum creatum. Quicquid autem est ex parte averisionis in peccato mortali, secundum se consideratum, est commune omnibus peccatis mortalibus, quia per quodlibet peccatum mortale homo avertitur a Deo: unde & per consequens macula, quæ est per privationem gratiæ, & reatus poenæ æternæ communia sunt omnibus peccatis mortalibus. Et secundum hoc intelligitur

ligitur id quod dicitur Iacobi 11. 10. *Qui offendit in uno, factus est omnium reus*. Sed ex parte conversionis peccata mortalia sunt diversa, & interdum contraria. Unde manifestum est quod ex parte conversionis peccatum mortale sequens non facit redire peccata mortalia prius abolita: alioquin sequeretur quod homo per peccatum prodigalitatis reduceretur in habitum, vel dispositionem avaritiæ prius abolitæ; & sic contrarium esset causa sui contrarii, quod est impossibile. Sed considerando in peccatis mortalibus id quod est ex parte avertionis absolute, per peccatum mortale sequens redit illud quod fuerat in prioribus peccatis ante dimissionem, inquantum per peccatum mortale sequens homo privatur gratia, & fit reus pœnæ æternæ, sicut & prius erat.

Verum quia avertio in peccato mortali ex conversione quodammodo causatur, recipiunt ea quæ sunt ex parte avertionis, quodammodo diversitatem per comparisonem ad diversas conversiones, sicut ad diversas causas; ita quod sit alia avertio, & alia macula, & alius reatus, prout confurgit ex alio & alio actu peccati mortalis. Et hoc modo in questione vertitur, utrum macula, & reatus pœnæ æternæ, secundum quod causabantur ex actibus peccatorum prius dimissorum, redeant per peccatum mortale sequens.

Quibuldam igitur visum est quod simpliciter etiam hoc modo redeant. Sed hoc non potest esse: quia opus Dei per opus hominis irritari non potest. Remissio autem peccatorum priorum fuit opus divinæ misericordiæ: unde non potest irritari per sequens peccatum hominis, secundum illud Rom. 11. 3. *Numquid incredulitas illorum fidem Dei evacuabit?*

Et ideo alii ponentes peccata redire, dixerunt quod Deus non remittit peccata pœnitenti postmodum peccato secundum præsentiam, sed solum secundum præsentem iustitiam: præscit enim se pro his peccatis eum æternaliter puniaturum; & tamen per gratiam facit eum præsentialiter iustum. Sed nec hoc itare potest: quia si causa absolute ponatur, & effectus ponitur absolute. Si igitur non absolute heret per gratiam, & gratiæ sacramenta peccatorum remissio, sed eum quadam conditione in futurum dependente, sequeretur quod gratia, & gratiæ sacramenta non essent sufficiens causa remissionis peccatorum: quod est er-

roneum, utpote derogans gratiæ Dei.

Et ideo nullo modo potest esse quod macula, & reatus præcedentium peccatorum redeant, secundum quod ex talibus actibus causabantur. Contingit autem quod sequens actus peccati virtualiter continet reatum prioris peccati, inquantum scilicet aliquis homo secundo peccans, ex hoc ipso videtur gravius peccare quam prius peccaverat, secundum illud Rom. 11. 5. *Secundum duritiam tuam, & cor impenitens thesaurizas tibi iram in die iræ*, ex hoc scilicet solo quod contemnitur Dei bonitas, quæ ad penitentiam expectat. Multo autem magis contemnitur Dei bonitas, si post remissionem prioris peccati secundo peccatum iteretur, quanto maius est beneficii peccatum remittere quam peccatorem sustinere.

Sic igitur per peccatum sequens pœnitentiam redit quodammodo reatus peccatorum prius dimissorum, non inquantum causabatur ex illis peccatis prius dimissis, sed inquantum causatur ex peccato ultimo perpetrato, quod aggravatur ex peccatis prioribus. Et hoc non est peccata dimissa redire simpliciter, sed redire secundum quid, inquantum scilicet virtualiter in peccato sequenti continetur.

Ad primum ergo dicendum, quod illud verbum Augustini videtur esse intelligendum de reditu peccatorum quantum ad reatum pœnæ æternæ in se consideratum, quia scilicet post pœnitentiam peccans incurrit reatum pœnæ æternæ, sicut & prius; non tamen omnino propter eandem rationem. Unde Augustinus in Lib. de responsionibus Properi, cum dixisset, quod non in eo quod remissum est, recidis, nec pro originali peccato damnabitur, lubidit (loc. cit. ut sup.) *Qui tamen propter postrema crimina ea morte afficitur quæ ei propter illa quæ ei remissa sunt, debebatur*: quia scilicet incurrit mortem æternam, quam meruerat per peccata præterita.

Ad secundum dicendum, quod in illis verbis non intendit dicere Beda, quod culpa prius dimissa hominem opprimat per reditum reatus præteriti, sed per iterationem actus.

Ad tertium dicendum, quod per sequens peccatum iustitiæ priores oblivioni traduntur, inquantum erant meritorie vitæ æternæ, non tamen inquantum erant impeditivæ peccati. Unde si aliquis peccet mortaliter, postquam resti-

tuit debitum, non efficitur reus, quasi debitum non reddidisset; & multo minus traditur oblivioni penitentia prius acta, quantum ad remissionem culpæ, cum remissio culpæ magis sit opus Dei quam hominis.

Ad quartum dicendum; quod gratia simpliciter tollit maculam, & reatum penæ æternæ; tegit autem actus peccati præteritos, ne scilicet propter eos Deus hominem gratia privet, & reum habeat penæ æternæ: & quod gratia semel fecit, perpetuo manet.

## ARTICULUS II. 537

*Utrum peccata dimissa redeant per ingratitudinem, quæ specialiter est secundum odium fraternum, apostasiam a fide, contemptum confessionis, & dolorem de penitentia habitam.*

*IV. dist. xxii. quæst. 1. art. 1. cor. & art. 3.*

**A**D secundum sic proceditur. Videtur quod peccata dimissa non redeant per ingratitudinem, quæ specialiter est secundum quatuor genera peccatorum, scilicet secundum odium fraternum, apostasiam a fide, contemptum confessionis, & dolorem de penitentia habitam, secundum quod quidam metricè dixerunt:

*Frateris odit, apostata fit, spernitque sacer.*

*Penituisse piget; pristina culpa redit.* Tanto enim est maior ingratitudo, quanto gravius est peccatum quod quis contra Deum committit post beneficium remissionis peccatorum. Sed quædam alia peccata sunt his graviora, sicut blasphemia contra Deum, & peccatum in Spiritum sanctum. Ergo videtur quod peccata dimissa non redeant magis secundum ingratitudinem commissam secundum hæc peccata quam secundum alia.

2. Præterea. Rabanus dicit (implic. lib. V. in Matth. in fi. & hab. cap. Si Iudas, de penit. dist. xv.) *Nequam servum traiecit Deus scortibus, quodvisque redderet universum decem; quia non solum peccata quæ post baptismum homo egit, reputabuntur ei ad penam, sed & signalia, quæ in baptismo sunt ei dimissa.* Sed etiam peccata venialia interdubia computantur, pro quibus dicitur: *Dimitte nobis debita nostra.* Ergo ipsa etiam redeunt per ingratitudinem: & par ratione videtur quod per peccata venia-

lia redeant peccata prius dimissa, & non solum per peccata prædicta.

3. Præterea. Tanto est maior ingratitudo, quanto post maius beneficium acceptum aliquis peccat. Sed beneficium Dei est etiam ipsa innocentia, quæ peccatum vitamus: dicit enim Augustinus in II. Confess. (cap. vii.) *Gratias tuas depreco, quæcunque peccata non feci.* Maius autem donum est innocentia quam etiam remissio omnium peccatorum. Ergo non minus est ingratus Deo qui primo peccat post innocentiam, quam qui peccat post penitentiam: & ita videtur quod per ingratitudinem, quæ nec secundum peccata prædicta, non maxime redeunt peccata dimissa.

Sed contra est quod Gregorius dicit XVIII. Moral. (hab. lib. IV. Dialog. cap. ult. ad fi.) *Ex dictis evangelicis constat quod si quod in nos delinquitur, ex corde non dimittimus; & illud rursum exigitur quod nobis iam per penitentiam dimissum fuisse gaudebamus: & ita propter odium fraternum specialiter peccata dimissa redeunt secundum ingratitudinem: & eadem ratio videtur de aliis.*

Respondeo dicendum, quod, sicut supra dictum est (art. præc.) peccata dimissa per penitentiam redire dicuntur, inquantum reatus eorum ratione ingratitudinis virtualiter continetur in peccato sequenti. Ingratitudo autem, potest committi dupliciter. Uno modo ex eo quod aliquid sit contra beneficium: & hoc modo per omne peccatum mortale, quo Deum offendit, redditur homo ingratus Deo, qui peccata remisit: & sic per quodlibet peccatum mortale sequens redeunt peccata prius dimissa, ratione ingratitudinis. Alio modo committitur ingratitudo, non solum faciendo contra ipsum beneficium, sed etiam faciendo contra formam beneficii præstiti. Quæ quidem forma si attendatur ex parte benefactoris, est remissio debitorum: unde contra hanc formam facit qui fratri penitentiam veniam non remittit, sed odiu tenet. Si autem attendatur ex parte penitentis, qui accipit hoc beneficium, invenitur ex parte eius duplex motus liberi arbitrii. Quorum primus est motus liberi arbitrii in Deum, qui est adus fidei formatæ: & contra hoc facit homo apostatando a fide. Secundus autem est motus liberi arbitrii in peccatum, qui est adus penitentiae: ad quem primo pertinet, ut supra dictum est (quæst. lxxxv. art. 2. & 3.) quod homo deteleetur peccata

cata præterita; & contra hoc facit ille qui dolet se poenituisse. Secundo pertinet ad actum poenitentiae ut poenitens proponat se subicere clavibus Ecclesiae per confessionem; secundum illud Psalmi xxxi. 5. *Dixi: Confitebor adversum me iniquitatem meam Domino: & tu remisisti impietatem peccati mei*: & contra hoc facit ille qui contemnit confiteri, secundum quod proposuerat.

Et ideo dicitur, quod specialiter ingratitudo hominum peccatorum facit redire peccata prius dimissa.

Ad primum ergo dicendum, quod hoc non dicitur specialiter de illis peccatis, quia sint ceteris graviora, sed quia directius opponuntur beneficio remissionis peccatorum.

Ad secundum dicendum, quod etiam peccata venialia, & ipsum originale redeunt modo prædicto (in cor. art.) sicut & peccata mortalia, in quantum contemnitur Dei beneficium, quo hæc peccata sunt remissa. Non tamen per peccatum veniale aliquis incurrit ingratitudinem: quia homo peccando venialiter non facit contra Deum, sed præter ipsum: & ideo per peccata venialia nullo modo peccata dimissa redeunt.

Ad tertium dicendum, quod beneficium aliquod habet pensari dupliciter. Uno modo ex quantitate ipsius beneficii: & secundum hoc innocentia est maius Dei beneficium quam poenitentia, quæ dicitur secunda tabula post naufragium. Alio modo potest pensari beneficium ex parte recipientis, qui minus est dignus; & sic magis habet sibi gratia, unde & ipse magis est ingratus, si contemnat: & hoc modo beneficium remissionis culpe est maius, in quantum prællatur totaliter indigno; & ideo ex hoc sequitur maior ingratitudo.

### ARTICULUS III. 338

*Utrum per ingratitudinem peccati sequentis confluat tantus reatus, quantus fuerat peccatorum prius dimissorum.*

*IV. dist. xxi. quæst. 1. art. 2. quæst. 3.*

**A**D tertium sic proceditur. Videtur quod per ingratitudinem peccati sequentis confluat tantus reatus, quantus fuerat peccatorum prius dimissorum. Quia secundum magnitudinem peccati est magnitudo beneficii, quo peccatum remittitur, & per consequens magnitudo

*S. Th. Opus. Tom. XXIV.*

ingratitudinis, quia hoc beneficium contemnitur. Sed secundum quantitatem ingratitudinis est quantitas reatus consequentis. Ergo est tantus reatus qui confluit ex ingratitudine sequentis peccati, quantus fuit reatus omnium præcedentium peccatorum.

2. Præterea. Magis peccat qui Deum offendit quam qui offendit hominem. Sed servus manumissus ab aliquo domino reducitur in eandem servitutem a qua prius fuit liberatus, vel etiam in graviores. Ergo multo magis ille qui contra Deum peccat post liberationem a peccato, reducitur in tantum reatum poenæ, quantum primo habuerat.

3. Præterea. Matth. xviii. 34. dicitur, quod *iratus Dominus tradidit eum* (cui replicabantur peccata dimissa propter ingratitudinem) *tormentoribus, quoadusque redderet universum debitum*. Sed hoc non esset, nisi conflueret ex ingratitudine tantus reatus, quantus fuit omnium præteritorum peccatorum. Ergo æqualis reatus per ingratitudinem redit.

Sed contra est quod dicitur Deut. xxv.

2. *Pro mensura peccati eris & plagarum modus*: ex quo patet quod ex parvo peccato non confluit magnus reatus. Sed quandoque peccatum mortale sequens est multo minus quolibet peccatorum prius dimissorum. Non ergo ex peccato sequenti redit tantus reatus, quantus fuit peccatorum prius dimissorum.

Respondetur dicendum, quod quidam dixerunt, quod ex peccato sequenti propter ingratitudinem confluit tantus reatus, quantus fuit reatus peccatorum prius dimissorum, super reatum proprium huius peccati. Sed hoc non est necessarium: quia, sicut supra dictum est (art. i. huius quæst.) reatus præcedentium peccatorum non redit per peccatum sequens, in quantum sequitur ex actibus præteritorum peccatorum, sed in quantum consequitur actum sequentis peccati. Et ideo oportet quod quantitas reatus redeuntis sit secundum gravitatem peccati subsequentis.

Potest autem contingere quod gravitas peccati subsequentis adæquetur gravitati omnium peccatorum præcedentium. Sed hoc non semper est necesse; siue loquamur de gravitate eius quam habet ex sua specie (cum quandoque peccatum sequens sit fornicatio simplex; peccata vero præterita fuerint adulteria, vel homicidia, seu sacrilegia;) siue etiam loquamur de gravitate quam habet ex in-

Qq 3 gra



gratitudine annexa. Non enim oportet quod quantitas ingratitudinis sit absolute æqualis quantitati beneficii suscepti, cuius quantitas attenditur secundum quantitatem peccatorum prius dimissorum. Contingit enim quod contra idem beneficium unus est multum ingratus vel secundum intentionem contemptus beneficii, vel secundum gravitatem culpæ contra benefactorem commissæ; alius autem parum, vel quia minus contemnit, vel quia minus contra benefactorem agit. Sed proportionaliter quantitas ingratitudinis adæquatur quantitati beneficii: supposito enim æquali contemptu beneficii, vel offensa benefactoris, tanto erit gravior ingratitudo, quanto beneficium fuit maius.

Unde manifestum est quod non est necesse quod propter ingratitudinem semper per peccatum sequens redeat tantus reatus, quantum fuit præcedentium peccatorum; sed necesse est quod proportionaliter, quanto peccata prius dimissa fuerunt plura, & maiora, tanto redeat maior reatus per qualecumque sequens mortale peccatum.

Ad primum ergo dicendum, quod beneficium remissionis culpæ recipit quantitatem absolutam secundum quantitatem peccatorum prius dimissorum; sed peccatum ingratitudinis non recipit quantitatem absolutam secundum quantitatem beneficii, sed secundum quantitatem contemptus, vel offensæ, ut dictum est (in cor. art.) Et ideo ratio non sequitur.

Ad secundum dicendum, quod etiam servus manumissus non reducitur in pristinam servitutem pro quocumque ingratitudine, sed pro aliqua gravi.

Ad tertium dicendum, quod illi cui peccata dimissa replicantur propter subsequentem ingratitudinem, reddit universum debitum, in quantum quantitas peccatorum præcedentium proportionaliter invenitur in ingratitudine subsequenti, non autem absolute, ut dictum est (in cor. ar.)

#### ARTICULUS IV. 539

*Utrum ingratitudo, ratione cuius sequens peccatum facit redire peccata prius dimissa, sit speciale peccatum.*

2. 2. quæst. cvii. art. 2. ad 1. & IV. dist. 11. quæst. 1. art. 3. quæst. 3.

**A**D quartum sic proceditur. Videtur quod ingratitudo, ratione cuius se-

quens peccatum facit redire peccata prius dimissa, sit speciale peccatum. Retributio enim gratiarum pertinet ad contrapassum, quod requiritur in iustitia, ut patet per Philosophum V. Ethic. (cap. v.) Sed iustitia est specialis virtus. Ergo ingratitudo est speciale peccatum.

2. Præterea. Tullius in II. Rhetor. (seu de invent. aliquant. ante fi.) ponit quod gratia est specialis virtus. Sed ingratitudo opponitur gratiæ. Ergo ingratitudo est speciale peccatum.

3. Præterea. Specialis effectus a speciali cautela procedit. Sed ingratitudo habet specialem effectum, scilicet quod facit aliquant. redire peccata prius dimissa. Ergo ingratitudo est speciale peccatum.

Sed contra. Illud quod consequitur omnia peccata, non est speciale peccatum. Sed per quodcumque peccatum mortale aliquis efficitur Deo ingratus, ut ex præmissis patet (art. 1. hu. quæst.) Ergo ingratitudo non est speciale peccatum.

Respondeo dicendum, quod ingratitudo peccantis quandoque est speciale peccatum, quandoque autem non; sed est circumstantia generaliter consequens omne peccatum mortale, quod contra Deum committitur; peccatum enim speciem recipit ex intentione peccantis: unde, ut Philosophus dicit V. Ethic. (cap. 11. parum a princ.) *ille qui mæchatur ut furgetur, magis est fur quam mæchus.*

Si igitur, aliquis peccator in contemptum Dei, & suscepti beneficii aliquid peccatum committat, illud peccatum trahitur ad speciem ingratitudinis; & hoc modo ingratitudo peccantis est speciale peccatum. Si vero aliquis intendens aliquid peccatum committere, puta homicidium, aut adulterium, non retrahatur ab hoc propter hoc quod pertinet ad Dei contemptum, ingratitudo non erit speciale peccatum, sed trahetur ad speciem alterius peccati, sicut circumstantia quædam.

Ut autem Augustinus dicit in Lib. de natura, & gratia (cap. xxix.) non omne peccatum est ex contemptu; & tamen in omni peccato Deus contemnitur in suis præceptis. Unde manifestum est quod ingratitudo peccantis quandoque est speciale peccatum, sed non semper.

Et per hoc patet responso ad obiecta. Nam primæ rationes concludunt, quod ingratitudo secundum se sit quædam species peccati; ultima autem ratio concludit quod ingratitudo, secundum quod inve-

invenitur in omni peccato, non sit speciale peccatum.

## QUAESTIO LXXXIX.

*De virtutum recuperatione per poenitentiam,*

*in sex articulos divisa.*

**D**Einde considerandum est de recuperatione virtutum per poenitentiam: & circa hoc quaeruntur sex.

Primo, utrum per poenitentiam restituantur virtutes.

Secundo, utrum restituantur in æquali quantitate.

Tertio, utrum restituantur poenitenti æqualis dignitas.

Quarto, utrum opera virtutum per peccatum sequens mortificentur.

Quinto, utrum opera mortificata per peccatum, per poenitentiam reviviscant.

Sexto, utrum opera mortua, idest absque caritate facta, per poenitentiam vivificentur.

## ARTICULUS I. 540

*Utrum per poenitentiam virtutes restituantur.*

a. 2. quæst. lxxi. art. 3. ad 3. & IV. dist. xiv. quæst. ii. art. 2.

**A**D primum sic proceditur. Videtur quod per poenitentiam virtutes non restituantur. Non enim possent virtutes amissæ per poenitentiam restitui, nisi poenitentia virtutes causaret. Sed poenitentia, cum sit virtus, non potest esse causa omnium virtutum; præsertim cum quædam virtutes sine naturaliter priores poenitentia, scilicet fides, spes, & caritas, ut supra dictum est (quæst. lxxxv. art. 6.) Ergo per poenitentiam non restituantur virtutes.

2. Præterea. Poenitentia in quibusdam actibus poenitentis consistit. Sed virtutes gratuitæ non causantur ex actibus nostris: dicit enim Augustinus in Lib. II. de libero arbit. (cap. xviii. & in Psal. cxviii. conc. xxvi. ante med.) quod *virtutem Deus in nobis sine nobis operatur*. Ergo videtur quod per poenitentiam non restituantur virtutes.

3. Præterea. Habens virtutem sine difficultate, & delectabiliter actus virtutum operatur: unde Philosophus dicit in I. E-

thic. (cap. viii. a med.) quod *non est iustus qui non gaudet in sua operatione*. Sed multi poenitentes adhuc difficultatem patiuntur in operando actus virtutum. Non ergo per poenitentiam restituantur virtutes.

Sed contra est quod, sicut Luc. xv. legitur, pater mandavit quod filius poenitens indueretur stola prima, quæ secundum Ambrosium (in hunc loc.) est *amissus sapientiæ*, quam simul consequuntur omnes virtutes, secundum illud Sap. viii. 7. *Sobrietatem, & iustitiam docet, prudentiam, & virtutem, quibus utilius nihil est in vita hominibus*. Ergo per poenitentiam omnes virtutes restituantur.

Respondeo dicendum, quod per poenitentiam remittuntur peccata, ut dictum est (quæst. lxxxvi. art. 1.) Remissio autem peccatorum non potest esse nisi per infusionem gratiæ. Unde relinquitur quod per poenitentiam homini gratia infundatur.

Ex gratia autem consequuntur omnes virtutes gratuite, sicut ex essentia animæ fluunt omnes potentie, ut in secunda parte habitum est (1. 2. quæst. cx. art. 4. ad 1.) Unde relinquitur quod per poenitentiam omnes virtutes restituantur.

Ad primum ergo dicendum, quod eodem modo poenitentia restituit virtutes per quem modum est causa gratiæ, ut iam dictum est (in corp. & quæst. lxxxvi.) Est autem causa gratiæ, in quantum est sacramentum: nam in quantum est virtus, est magis gratiæ effectus. Et ideo non oportet quod poenitentia, secundum quod est virtus, sit causa omnium aliarum virtutum; sed quod habitus poenitentiae simul cum habitibus aliarum virtutum per sacramentum poenitentiae causetur.

Ad secundum dicendum, quod in sacramento poenitentiae actus humani se habent materialiter; sed formalis vis huius sacramenti dependet ex virtute clavium. Et ideo virtus clavium effective causat gratiam, & virtutes, instrumentaliter tamen; sed actus primus poenitentis se habet ut ultima dispositio ad gratiam consequendam, scilicet contritio; alii vero sequentes actus poenitentiae procedunt iam ex gratia, & virtutibus.

Ad tertium dicendum, quod, sicut supra dictum est (quæst. lxxxvi. art. 5.) quandoque post primum actum poenitentiae, qui est contritio, remanent quædam reliquæ peccatorum, scilicet dispositiones

ex prioribus actibus peccatorum causata; ex quibus præstat difficultas quædam penitenti ad operandum opera virtutum; sed, quantum est ex ipsa inclinatione caritatis, & aliarum virtutum, penitens opera virtutum delectabiliter, & sine difficultate operatur: sicut si virtuosus per accidens difficultatem pateretur in executione actus virtutis, propter somnum, aut aliquam corporis indispositionem.

## ARTICULUS II. 541

*Utrum post penitentiam resurgat homo in æquali virtute.*

*Inf. art. 5. ad 3. & III. dist. xxxi. quæst. 1. art. 4.*

**A**D secundum sic proceditur. Videtur quod post penitentiam resurgat homo in æquali virtute. Dicit enim Apostolus Roman. viii. 28. *Diligentibus Deum omnia cooperantur in bonum*: ubi dicit Glossa Augustini (ord. Lib. de corrept. & grat. cap. ix. a med.) quod „hoc ad „eo verum est ut si quorum deviet, „& exorbitent, etiam hoc ipsum eis „Deus faciat in bonum proficere. “ Sed hoc non esset, si homo resurgeret in minori virtute. Ergo videtur quod penitens nunquam resurgat in minori virtute.

2. Præterea. Ambrosius dicit (hab. ex Autore Hypognost. Lib. III. cap. ix. in fi.) quod *penitentia res optima est, quæ omnes defectus res vocat ad perfectum*. Sed hoc non esset, nisi virtutes in æquali quantitate recuperarentur. Ergo per penitentiam semper recuperatur æqualis virtus.

3. Præterea. Super illud Gen. i. *Factum est vespere, & mane dies unus*, dicit Glossa: „Vespertina lux est, a qua „quis cecidit; matutina, in qua resurgit. “ Sed lux matutina est maior vespertina. Ergo aliquis resurgit in maiori gratia, vel caritate quam prius habuerit: quod etiam videtur per id quod Apostolus dixit Rom. v. 20. *Ubi abundavit delictum, superabundavit & gratia*.

Sed contra. Caritas proficiens, vel perfecta est maior quam caritas incipiens. Sed quandoque aliquis cadit a caritate proficiente, resurgit autem in caritate incipiente. Ergo semper resurgit homo in minori virtute.

Respondendo dicendum, quod, sicut di-

ctum est (quæst. lxxxvi. art. 6. ad 3. & art. præc. ad 2.) motus liberi arbitrii, qui est in iustificacione impii, est ultima dispositio ad gratiam: unde in eodem instanti est gratiæ infusio cum prædicto motu liberi arbitrii, ut in secunda parte habitum est (1. 2. quæst. exiii. art. 5. & 7.) in quo quidem motu comprehenditur actus penitentis, ut supra dictum est (quæst. lxxxvi. art. 2.)

Manifestum est autem eundem formæ quæ possunt recipere *magis*, & *minus*, intenduntur, & remittuntur secundum diversam dispositionem subiecti, ut in secunda parte habitum est (1. 2. quæst. lxi. art. 1. & 2. & quæst. lxxv. art. 1.) Et inde est quod secundum quod motus liberi arbitrii in penitentia est intensior, vel remissior, secundum hoc penitens consequitur maiorem, vel minorem gratiam. Contingit autem intentionem motus penitentis quandoque proportionatam esse maiori gratiæ quam fuerit illa a qua ceciderat per peccatum, quandoque autem æquali, quandoque vero minori. Et ideo penitens quandoque resurgit in maiori gratia quam prius habuerat, quandoque autem in æquali, quandoque etiam in minori: & eadem ratio est de virtutibus, quæ ex gratia consequuntur.

Ad primum ergo dicendum, quod non omnibus diligentibus Deum cooperatur in bonum hoc ipsum quod per peccatum a Dei amore cadunt; quod patet in his qui cadunt, & nunquam resurgunt, vel qui resurgunt, iterum cadunt: sed his tantum, qui secundum prophetam vocati sunt *sancti*, id est prædestinati, qui quotiescunque cadunt, finaliter tamen resurgunt. Cedit ergo eis in bonum hoc quod cadunt, non quia semper in maiori gratia resurgant, sed quia resurgunt in permanentiori gratia: non quidem ex parte ipsius gratiæ, quia quanto gratia est maior, tanto de se est permanentior; sed ex parte hominis, qui tanto stabilis in gratia permanet, quanto est cautior, & humilior. Unde & Glossa ibidem subdit, quod *ideo proficit eis in bonum, quod cadunt, quia humiliores redeunt, atque doctiores*.

Ad secundum, dicendum, quod penitentia, quantum est de se, habet virtutem reparandi omnes defectus ad perfectum, & etiam promovendi in ulteriorem statum; sed hoc quandoque impeditur ex parte hominis, qui remissius movetur in Deum, & in detestationem peccati; sicut etiam in baptismo aliqui adulti consequuntur.

sequuntur maiorem, vel minorem gratiam, secundum quod diversimode se disponunt.

Ad tertium dicendum, quod assimilatio illa utriusque gratiae ad lucem vespertinam, & matutinam fit propter similitudinem ordinis: quia post lucem vespertinam sequuntur tenebrae noctis, post lucem autem matutinam sequitur lux diei: non autem propter similitudinem maioris, vel minoris quantitatis. Illud etiam verbum Apostoli intelligitur de gratia Christi, quae superat omnem abundantiam humanorum peccatorum. Non autem est verum in omnibus quod quanto abundantius peccant, tanto abundantius gratiam consequantur, penitens quantitate habitualis gratiae. Est tamen superabundans gratia quantum ad ipsam gratiae rationem: quia magis gratis beneficium remissionis magis peccatori confertur: quamvis quandoque abundanter peccantes abundantius doleant, & sic abundantius habitum gratiae, & virtutum consequuntur, sicut patet in Magdalena.

Ad id vero quod in contrarium obicitur, dicendum quod una & eadem gratia maior est proiciens quam incipiens, sed in diversis hoc non est necesse: unus enim incipit a maiori gratia quam alius habeat in statu profectus, sicut Gregorius dicit in II. Dialog. (cap. 1. ante med.) *Quatenus & praesentes, & securi omnino agnoscerent, Benedictus puer (a) conversationis gratiam a quanta perfectione cepisset.*

## ARTICULUS III. 542

*Utrum per penitentiam restituatur homo in pristinam dignitatem.*

III. dist. xxxi. quaest. 1. art. 4. quaest. 7. an  
1. & II. dist. xiv. quaest. 1. art. 5. quaest. 1.  
ad 2. & dist. xix. quaest. 1. art. 3. quaest.  
2. ad 2. & dist. xxxviii. quaest. 11. art.  
2. ad 4.

**A**D tertium sic proceditur. Videtur quod per penitentiam non restituatur homo in pristinam dignitatem. Quia super illud Amos v. *Virgo Israel cecidit*, dicit Glossa (ord. Hieron.), Non negat posse resurgere, sed non resurgit *virgo Israel*: quia semel aberrans ovis, ethi reportetur humeris pastoris, non habet tantam gloriam, quantum quae

numquam erravit. Ergo per penitentiam non recuperat homo pristinam dignitatem.

2. Praeterea. Hieronymus dicit (hab. cap. xxx. dist. 1.) *Quicumque dignitatem divini gradus non custodiunt, contenti sunt animam salvare: reverti enim in pristinum gradum difficile est: & Innocentius I. Papa (epist. vi. ad Agapitum), & hab. cap. Canones, dist. 1.) dicit, quod apud Nicenam constituti canones penitentes etiam ab infimis officiis clericorum excludunt. Non ergo per penitentiam homo recuperat pristinam dignitatem.*

3. Praeterea. Ante peccatum potest aliquis ad maiorem gradum ascendere. Non autem hoc post peccatum conceditur penitenti: dicitur enim Ezech. xlv. 10. *Levite qui recesserunt a me... numquam appropinquabunt mihi, ut sacerdos fungantur: & sicut habetur in Decret. dist. 1. (cap. lxx.) in Ilerdensi Concilio (can. v.) legitur: Hi qui sancto altari deserviunt, si subito in fenda carnis fragilitate corruerint, & Domino respiciente digne penituerint, officiorum suorum sic loca recipiant, ut non possint ad altiora officia ulterius promoveri. Non ergo penitentia restituit hominem in pristinam dignitatem.*

Sed contra est quod, sicut in eadem dist. 1. (cap. xvi.) legitur, Gregorius scribens Secundino (Lib. VII. Regist. in dist. 2. epist. lxx. cir. med.) dicit: *Poss. dignam satisfactionem credimus, hominem posse redire ad suum honorem: & in Concil. Agathensi (can. 11.) legitur: Contumaces clerici, prout dignitatis ordo permiserit, ab Episcopis costringantur: ita ut cum eos penitentia correxit, gradum suum, dignitatemque recipiant.*

Respondeo dicendum, quod homo per peccatum duplicem dignitatem amittit, unam quantum ad Deum, aliam vero quantum ad Ecclesiam. Quantum autem ad Deum, amittit duplicem dignitatem. Unam principalem, quae scilicet computatus erat inter filios Dei per gratiam; & hanc dignitatem recuperat per penitentiam: quod significatur Luc. xv. in fido prodigo, cui penitenti pater iussit restitui *solam primam, & annulum, & calceamenta*. Aliam vero dignitatem amittit secundariam, scilicet innocentiam, de qua (sicut ibidem legitur) gloriabatur filius tenior dicens: *Ecce tot annis servio tibi, & numquam mandatum tuum praecevi: & hanc dignitatem penitens*

re-

(a) Ita cum *Gr. gloria msi. & edit. passim. Cod. Alcan. ord. ut tantum verbum: translatum inceptum. Edit. Rom. hoc testem conversionis.*

recuperare non potest; recuperat tamen quandoque aliquid maius: quia, ut Gregorius dicit in hom. de centum ovibus (xxxiv. in Evang. aliquant. a princ.) qui errasse a Deo se considerant, damna præcedentia lucris sequentibus recompensant. Maius ergo gaudium de eis fit in celo: quia & dux in prælio plus eum militem diligit qui post fugam reverfus hostem fortiter premit, quam illum qui numquam terga præbuit, & numquam aliquid fortiter fecit.

Dignitatem autem ecclesiasticam homo per peccatum perdit, quia indignum le reddit ad ea quæ competunt dignitati ecclesiasticæ exercenda: quam quidem recuperare prohibetur. Uno modo quia non potest: unde Isidorus (a) ad Malsonem Episcopum scribit (a princ. & hab. inter op. Rabani) sicut in eadem dist. legitur (cap. Dominus): Illor ad pristinos gradus redire canones præcipiunt, quos penitentiae præcessu satisfactio, vel condigna peccatorum confessio. At contra hi qui a vitio corruptionis non emendantur, nec gradum honoris, nec gratiam recipiunt communionis. Secundo quia penitentiam negligenter facit: unde in eadem dist. (cap. Si quis diaconus) dicitur: Cum in aliquibus ne compunctio humilitatis, nec instantia orandi appareat, nec ieiunium, vel lectitionibus eos vacare videamus, possumus agnoscere, si ad pristinos honores redirent, cum quantâ negligentia permanerent. Tertio licet nunquam aliquid peccatum quod habet irregularitatem annexam: unde in eadem dist. (cap. viii.) ex Concilio Martini Papæ dicitur (hab. inter capitula Martini Bracarenfis cap. xxvi.) Si quis viduam, aut ab alio relictam duxerit, non admittatur ad clericum: quod si irreperit, deiciatur. Similiter si homicidium aut factio, aut præcepto, aut consilio, aut defensione post baptismum concius fuerit. Sed hoc non est ratione peccati, sed ratione irregularitatis. Quarto propter scandalum: unde, ut in eadem dist. legitur, (cap. De his vero) Rabanus dicit (Lib. i. Penitentium (b) ad Heribaldum cap. i.) Hi qui deprehensi, vel capsi fuerint publice in perituro, furto, atque fornicatione, & ceteris huiusmodi criminibus, secundum canonum sacrorum instituta a proprio gradu decedant: quia scandalum est populo Dei, tales personas iuxta se positas habere. Qui autem de prædictis peccatis abijcense a se commissis occulte sacerdoti

confitentur, si se per ieiunia, & elemosinas, vigiliaeque, & sacras operationes purgare curaverint, his etiam gradu proprio servato spes venit de misericordia Dei promittenda est. Et hoc est quod dicitur extra, de qualitate ordinandorum (cap. Quæstum): Si proposita crimina ordine iudiciario comprobata, vel alias notoria non fuerint, præter reos homicidii, post penitentiam in susceptis, vel iam suscipiendis ordinibus impediri non possunt.

Ad primum ergo dicendum, quod eadem ratio est de recuperatione virginitatis, & de recuperatione innocentie, quæ pertinet ad secundariam dignitatem quoad Deum.

Ad secundum dicendum, quod Hieronymus in verbis illis non dicit esse impossibile, sed esse difficile, hominem recuperare post peccatum pristinum gradum: quia hoc non conceditur nisi perfecte penitenti, ut dictum est (in corp.) Ad statuta autem canonum, quæ hoc prohibere videntur, respondet Augustinus Bonitacio scribens (epist. clxxxv. al. l. num. 45.) Ut constitueretur in Ecclesia, ne quisquam post alicuius criminis penitentiam clericatum accipiat, vel ad clericatum redeat, vel in clericatu maneat, non depravatione indulgentie, sed rigore factum est discipline: aliquando contra claves Ecclesie datas disputabitur, de quibus dictum est: Quæcumque solveritis super terram, soluta erunt & in celo. Et postea subdit: Nam & sanctus David de criminibus mortiferis egit penitentiam: & tamen in honore suo perstitit: & beatum Petrum, quando amarissimas lacrymas sudit, atque Dominum negasse penituit; & tamen Apostolus permansit. Sed non ideo putanda est supervacua (c) posteriorum diligentia, qui ubi iacti nihil detrahebatur, humilitati aliquid addiderunt, experti (ut credo) aliquorum fidas penitencias per affectatas bonorum (d) potentias.

Ad tertium dicendum, quod illud statutum intelligitur de illis qui publicam penitentiam agunt, qui postmodum non possunt ad maiorem provehi gradum. Nam & Petrus post negationem pastor ovium Christi constitutus est, ut patet Ioan. ult. ubi etiam Chryostomus dicit (hom. lxxxvii. in Ioan. ante med.) quod Petrus post negationem, & penitentiam ostendit, se habere maiorem fiduciam ad Christum: qui enim in cena non audebat interrogare, sed Ioanni interrogationem commisit, huic post-

(a) Ita edit. Parav. Al. ad Massanum, item Missanum, item Modunum, Ced. A'cast. ad Iulianum.  
(b) Nonnulli i. a. Edit. Parav. ad Otheatum. (c) Ita cum Augustinus eid. A'cast. in tra. v. m. Garcia.  
Al. posteriorum doliorem diligentia. (d) Ita cum Augustinus ms. & edit. postea, Al. pompas.

postea & praepositura fratrum credita est, & non solum non committit alteri interrogare quae ad ipsum pertinent, sed de reliquo ipse pro Ioanne Magisterum interrogat.

ARTICULUS IV. 543

Utrum opera virtutum in caritate facta possint mortificari.

2. 2. quæst. cxxxii. art. 3. ad 1. & III. dist. xxxvi. art. 5. ad 1. & IV. dist. xiv. quæst. 11. art. 3. quæst. 2. & dist. xxi. quæst. 1. art. 1. quæst. 1. ad 3. & dist. xxii. quæst. 1. art. 1. ad 6. & Hebr. vi.

**A**D quartum sic proceditur. Videtur quod opera virtutum in caritate facta mortificari non possint. Quod enim non est, immutari non potest. Sed mortificatio est quidam mutatio de vita in mortem. Cum ergo opera virtutum, postquam facta sunt, iam non sint, videtur quod ulterius mortificari non possint.

2. Præterea. Per opera virtutum in caritate facta homo meretur vitam æternam. Sed subtrahere mercedem merenti est iniustitia, quæ non cadit in Deum. Ergo non potest esse quod opera virtutum in caritate facta per peccatum sequens mortificentur.

3. Præterea. Fortius non corrumpitur a debiliori. Sed opera caritatis sunt fortiora quibuscumque peccatis: quia, ut dicitur Proverb. x. 12 *universa delicta operit caritas*. Ergo videtur quod opera in caritate facta, per sequens mortale peccatum mortificari non possint.

Sed contra est quod dicitur Ezech. xlii. 24. *Si averterit se iustus a iustitia sua, omnes iustitiæ eius, quas fecerat, non recordabuntur*.

Respondeo dicendum, quod res viva per mortem perdit operationem vitæ. Unde per quamdam similitudinem dicuntur res mortificari, quando impediuntur a suo proprio effectu, vel operatione.

Effectus autem operum virtuosorum, quæ in caritate fiunt, est perducere ad vitam æternam: quod quidem impeditur per peccatum mortale sequens, quod gratiam tollit. Et secundum hoc opera in caritate facta mortificari dicuntur per sequens peccatum mortale.

Ad primum ergo dicendum, quod sicut opera peccatorum transeunt actu, & manent reatu; ita opera in caritate facta, postquam transeunt actu, manent merito in Dei acceptatione: & secundum hoc mortificantur, inquantum impediuntur

homo ne consequatur suam mercedem.

Ad secundum dicendum, quod sine iniustitia potest merces subtrahi merenti, quando ipse reddidit se indignum mercede per culpam sequentem: nam & ea quæ homo iam accepit, quandoque iuste propter culpam perdit.

Ad tertium dicendum, quod non est propter fortitudinem operum peccati, quod mortificantur opera prius in caritate facta; sed est propter libertatem voluntatis, quæ potest a bono in malum deflecti.

ARTICULUS V. 544

Utrum opera mortificata per peccatum per penitentiam reviviscant.

IV. dist. xiv. quæst. 11. art. 3. quæst. 3. & dist. xxii. quæst. 1. art. 1. ad 6. & Hebr. v. lect. 1. & 3.

**A**D quintum sic proceditur. Videtur quod opera mortificata per peccatum, per penitentiam non reviviscant. Sicut enim per penitentiam subsequenter remittuntur peccata præterita, ita etiam per peccatum sequens mortificantur opera prius in caritate facta. Sed peccata dimissa per penitentiam non redeunt, ut supra dictum est (quæst. præc. art. 1. & 2.) Ergo videtur quod etiam opera mortificata per caritatem non reviviscant.

2. Præterea. Opera dicuntur mortificari, ad similitudinem animalium quæ moriuntur, ut dictum est (art. præc.) Sed animal mortuum non potest iterum vivificari. Ergo nec opera mortificata possunt iterum per penitentiam reviviscere.

3. Præterea. Opera in caritate facta merentur gloriam secundum quantitatem gratiæ, vel caritatis. Sed quandoque per penitentiam homo resurgit in minori gratia, vel caritate. Ergo non conligitur gloriam secundum meritum priorum operum: & ita videtur quod opera per peccatum mortificata non reviviscant.

Sed contra est quod super illud Ios. 11. *Reddam vobis annos, quos comedit locusta*, dicit Glossa (interl.), „Non patiar perire libertatem, quam cum per illam turbationem animi amisisti.“ Sed illa libertas est meritum bonorum operum, quod fuit perditum per peccatum. Ergo per penitentiam reviviscunt opera meritoria prius facta.

Respondeo dicendum, quod quidam dixerunt, quod opera meritoria per peccatum sequens mortificata non reviviscant per

per poenitentiam subsequenter, considerantes quod opera illa non remanent, ut iterum vivificari possint. Sed hoc impedire non potest quin vivificentur: non enim habent vim perducendi in vitam æternam (quod pertinet ad eorum vitam) solum secundum quod actu existunt, sed etiam postquam actu esse desinunt, secundum quod remanent in acceptatione divina. Sic autem remanent, quantum est de se, etiam postquam per peccatum mortificantur: quia semper Deus illa opera, prout facta fuerunt, acceptabit, & sancti de eis gaudebunt, secundum illud Apoc. 11. 11. *Tene quod habes, ne alius accipiat coronam tuam.*

Sed quod illi qui ea fecit, non sint efficaciter adducendum in vitam æternam, provenit ex impedimento peccati supervenientis, per quod ipse redditus est indignus vita æterna. Hoc autem impedimentum tollitur per poenitentiam, inquantum per eam remittuntur peccata. Unde restat quod opera prius mortificata, per poenitentiam recuperant efficaciam perducendi eum qui fecit ea, in vitam æternam; quod est ea revivificare. Et ita patet quod opera mortificata per poenitentiam reviviscunt.

Ad primum ergo dicendum, quod opera peccati per poenitentiam abolentur secundum se, ita scilicet quod ex eis ulterius, Deo indulgente, nec macula, nec reatur inducatur; sed opera in caritate facta non abolentur a Deo, in cuius acceptatione remanent; sed impedimentum accipiunt ex parte hominis operantis: & ideo remoto impedimento, quod est ex parte hominis operantis, Deus implet ex parte sua illud quod opera merebantur.

Ad secundum dicendum, quod opera in caritate facta non mortificantur secundum se, sicut dictum est (in corp. art.) sed solum per impedimentum superveniens ex parte operantis. Animalia autem moriuntur secundum se, inquantum privantur principio vite: & ideo non est simile.

Ad tertium dicendum, quod ille qui per poenitentiam resurgit in minori caritate, consequetur quidem præmium essentiale, secundum quantitatem caritatis in qua invenitur; habebit tamen gaudium maius de operibus in prima caritate factis, quam de operibus quæ in secunda fecit; quod pertinet ad præmium accidentale.

*Utrum per poenitentiam subsequenter etiam opera mortua vivificentur.*

*IV. dist. XIV. quæst. 11. art. 3. quæst. 1. & dist. XV. quæst. 1. art. 3. quæst. 4. & 5.*

**A**D sextum sic proceditur. Videtur quod per poenitentiam subsequenter etiam opera mortua, quæ scilicet non sunt in caritate facta, vivificentur. Difficilius enim videtur quod ad vitam perveniat illud quod fuit mortificatum, quod nunquam sit secundum naturam, quam illud quod nunquam fuit vivum, vivificetur: quia ex non vivis secundum naturam aliqua viva generantur. Sed opera mortificata per poenitentiam vivificantur, ut dictum est (art. præc.) Ergo multo magis opera mortua vivificantur.

2. Præterea. Remota causa removetur effectus. Sed causa quare opera de genere bonorum sine caritate facta non fuerunt viva, fuit defectus caritatis, & gratiæ; sed iste defectus tollitur per poenitentiam. Ergo per poenitentiam opera mortua vivificantur.

3. Præterea. Hieronymus dicit (in illud Agai 1. *Seminasti multum*): *Si quando videris inter multa mala opera facere peccatorem quemquam aliquamque infra sunt, non est tam iniustus Deus ut propter multa mala oblitiscatur paucorum bonorum.* Sed hoc maxime videtur, quando mala præstata per poenitentiam tolluntur. Ergo videtur quod per poenitentiam Deus remuneret priora bona opera in statu peccati facta; quod est ea vivificare.

Sed contra est quod Apostolus dicit I. Corinth. XII. 3. *Si distribuero in cibos pauperum omnes facultates meas, & si tradidero corpus meum, ita ut ardeam, caritatem autem non habuero, nihil mihi prodest.* Hoc autem non esset, si saltem per poenitentiam subsequenter vivificarentur. Non ergo poenitentiam vivificat opera prius mortua.

Respondetur dicendum, quod opus aliquod dicitur mortuum dupliciter. Uno modo effective, quia scilicet est causa mortis; & secundum hoc opera peccati dicuntur opera mortua, secundum illud Hebr. IX. 14 *Sanguis Christi... emundabit conscientias nostras ab operibus mortuis.* Hæc igitur opera mortua non vivificantur per poenitentiam, sed magis abolentur, secundum illud Hebr. VI. 1. *Non turbantes fundamentum poenitentiae ab operibus mortuis.*

Alio modo dicuntur opera mortua privative, scilicet quia carent vita spirituali: quæ est ex caritate, per quam anima Deo coniungitur, ex quo vivit, sicut corpus per animam: & per hunc modum etiam fides, quæ est sine caritate, dicitur mortua, secundum illud Iacobi 11. 20. *Fid. sine operibus mortua est.* Et per hunc etiam modum omnia opera quæ sunt bona ex genere, si sine caritate fiant, dicuntur mortua, inquantum scilicet non procedunt ex principio vitæ; sicut si dicamus sonum citharæ vocem mortuam.

Sic igitur differentia mortis, & vitæ in operibus est secundum comparationem ad principium a quo procedunt. Opera autem non possunt iterum a principio procedere, quia transeunt, & iterum eadem numero reitum non possunt. Unde impossibile est quod opera mortua iterum fiant viva per penitentiam.

Ad primum ergo dicendum, quod in rebus naturalibus tam mortua, quam mortificata carent principio vitæ. Sed opera dicuntur mortificata, non ex parte principii, ex quo processerunt, sed ex parte impedimenti extrinseci; mortua autem dicuntur ex parte principii. Et ideo non est similis ratio.

Ad secundum dicendum, quod opera de genere bonorum sine caritate facta dicuntur mortua propter defectum caritatis, & gratiæ, sicut principii. Hoc autem non præstat eis per penitentiam sequentem, ut ex tali principio procedant. Unde ratio non sequitur.

Ad tertium dicendum, quod Deus recordatur bonorum quæ quis facit in statu peccati, non ut remuneret ex in vita æterna, quæ debetur solis operibus vivis, idest ex caritate factis; sed remunerat ea temporaliter remuneratione, sicut Gregorius dicit in homil. de divite, & Lazaro (xl. in Ev. g. cir. med.) quod *nisi daret ille aliquid bonum egisset, & in præsentis seculo remunerationem accepisset, nequaquam ei Abraham diceret: Receristi bona in vita tua.* Vel etiam hoc potest referri ad hoc quod pietius tolerabilius iudicium: unde dicit Augustinus in Lib. de patientia (cap. xxvi.) *Non possumus dicere: Sibi magis melius fuisse ut Christiano negando nihil eorum pateretur quæ passus est confitendo: sed existimandum est, tolerabilius et futurum iudicium, quam si Christiano negando, nihil eorum pateretur; ut illud quod ait Apropiolus, Si tradidero corpus meum, ita ut ardeam, caritatem autem non habuero, nihil mihi prodest, intelligatur pertinere ad regnum cælorum o-*

*tinendum, non ad extremi supplicii indicium tolerabilius subeundum.*

## QUAESTIO XC.

*De partibus penitentiae in generali, in quatuor articulos divisa.*

**D**Einde considerandum est de partibus penitentiae: & primo in generali; secundo in speciali de singulis.

Circa primum quaeruntur quatuor.

Primo, utrum penitentia habeat partes.

Secundo de numero partium.

Tertio, quales partes sint.

Quarto de divisione eius in partes subiectivas.

## ARTICULUS I. 546

*Utrum penitentiae debeant partes assignari.*

*IV. dist. xvi. quest. 1. art. 1. quest. 1. & 4.*

**A**D primum sic proceditur. Videtur quod penitentiae non debeant partes assignari. Sacramenta enim sunt in quibus divina virtus secretis operatur salutem. Sed virtus divina est una, & simplex. Non ergo penitentiae, cum sit sacramentum, debent partes assignari.

2. Præterea. Penitentia & est virtus, & est sacramentum. Sed ei, inquantum est virtus, non assignantur partes; cum virtus sit habitus quidam, qui est simplex qualitas mentis: similiter etiam & penitentiae, inquantum est sacramentum, non videtur quod sint partes assignandæ, quia baptismo, & aliis sacramentis non assignantur partes. Ergo penitentiae nullo modo debent partes assignari.

3. Præterea. Penitentiae materia est peccatum, ut supra dictum est (quest. lxxxiv. art. 2.) Sed peccatum non assignantur partes. Ergo etiam nec penitentiae sunt partes assignandæ.

Sed contra est quod partes sunt ex quibus perfectio alicuius integratur. Sed penitentiae perfectio integratur ex pluribus, scilicet contritione, confessione, & satisfactione. Ergo penitentia habet partes.

Respondeo dicendum, quod partes rei sunt in quas materialiter totum dividitur: habent enim se partes ad totum sicut materia ad formam: unde in II. Physicor. (tex. 31.) partes ponuntur in genere causæ materialis, totum autem in genere causæ formalis. Ubicumque igitur ex parte materiae invenitur aliqua pluralitas,



liras, ibi est invenire partem rationem. signantur hæc partes sacramento pœnitentiae.

Dicendum est autem supra (quæst. lxxxiv. art. 2. & 3.) quod in sacramento pœnitentiae actus humani se habent per modum materię. Et ideo cum plures actus humani requirantur ad pœnitentię perfectionem, scilicet contritio, confessio, & satisfactio, ut infra patebit (art. seq.) consequens est quod sacramentum pœnitentię habeat partes.

Ad primum ergo dicendum, quod quodlibet sacramentum habet simplicitatem ratione virtutis divinę, quę in eo operatur; sed virtus divina propter sui magnitudinem operari potest & per unum, & per multa, ratione quorum alicui sacramento possunt partes assignari.

Ad secundum dicendum, quod pœnitentię, secundum quod est virtus, non assignantur partes: actus enim humani, qui multiplicantur in pœnitentiā, non comparantur ad habitum virtutis sicut partes, sed sicut effectus. Unde relinquatur quod partes assignentur pœnitentię, in quantum est sacramentum, ad quod actus humani comparantur ut materia. In aliis autem sacramentis materia non sunt actus humani; sed aliqua res exterior una, sive simplex, ut aqua, vel oleum; sive composita, ut christma. Et ideo aliis sacramentis non assignantur partes.

Ad tertium dicendum, quod peccata sunt materia remota pœnitentię, in quantum scilicet sunt materia, vel obiectum humanorum actuum, qui sunt propria materia pœnitentię, prout est sacramentum.

## ARTICULUS II. 547

*Utrum convenienter assignentur partes pœnitentię, contritio, confessio, & satisfactio.*

*IK. dist. xvi. quæst. 1. art. 1. quæst. 2. & IV. dist. xvii. quæst. iii. art. 3. quæst. 4. & dist. xxvi. quæst. ii. art. 1. quæst. 2. ad 3. & II. Cor. vii. lect. 1.*

**A**D secundum sic præceditur. Videtur quod inconvenienter assignentur partes pœnitentię, contritio, confessio, & satisfactio. Contritio enim est in corde, & sic pertinet ad interiorem pœnitentiā; confessio autem in ore; & satisfactio in opere: & sic duo ultima pertinent ad exteriorem pœnitentiā. Pœnitentia autem interior non est sacramentum, sed sola pœnitentia exterior, quę sensui subiacet. Non ergo convenienter as-

2. Præterea. In sacramento novę legis confertur gratia, ut supra habitum est (quæst. lxxi. art. 1. & 3.) Sed in satisfactione non confertur aliqua gratia. Ergo satisfactio non est pars sacramenti.

3. Præterea. Non est idem fructus rei, & pars. Sed satisfactio est fructus pœnitentię, secundum illud Luc. iii. 8. *Facite fructus dignos pœnitentię*. Ergo non est pars pœnitentię.

4. Præterea. Pœnitentia ordinatur contra peccatum. Sed peccatum potest persicci solum in corde per consensum, ut in secunda parte habitum est (1. 2. quæst. lxxii. art. 7.) Ergo, & pœnitentia. Non ergo pœnitentię debent partes poni confessio oris, & satisfactio operis.

Sed contra. Videtur quod debeant poni plures partes pœnitentię. Pars enim hominis ponitur non solum corpus, quod est eius materia, sed etiam anima, quę est eius forma. Sed tria prædicta, cum sint actus pœnitentis, se habent sicut materia; absolutio autem sacerdotis se habet per modum formę. Ergo absolutio sacerdotis debet poni quarta pars pœnitentię.

Respondeo dicendum, quod duplex est pars, ut dicitur in VII. Metaph. (tex. 33. & 34.) scilicet pars essentię, & pars quantitatis. Partes essentię sunt naturaliter quidem forma, & materia, logice autem genus, & differentia. Hoc autem modo quodlibet sacramentum distinguitur in materiam, & formam, sicut in partes essentię. Unde & supra dictum est (quæst. lx. art. 5. & 6.) quod sacramenta consistunt in rebus, & verbis. Sed quia quantitas se tenet ex parte materię, partes quantitatis sunt partes materię. Et hoc modo sacramento pœnitentię specialiter assignantur partes, ut dictum est (art. præc.) quantum ad actus pœnitentis, qui sunt materia huius sacramenti.

Dicendum est autem supra (quæst. lxxxv. art. 3. ad 3.) quod alio modo fit recompensatio offensę in pœnitentiā, & in vindicativa iustitia. Nam in vindicativa iustitia fit recompensatio secundum arbitrium iudicis, non secundum voluntatem offensantis, vel offensę; sed in pœnitentiā fit recompensatio offensę secundum voluntatem peccantis, & secundum arbitrium Dei, in quem peccatur: quia hic non queritur sola reintegratio æqualitatis iustitię, sicut in iustitia vindicativa, sed magis reconciliatio amicitię; quod fit, dum offendens recompensat secundum voluntatem eius quem offendit.

Sic

Sic igitur requiritur ex parte poenitentis primo quidem voluntas recompenfandi ; quod fit per contritionem : secundo quod se subiciat arbitrio sacerdotis loco Dei ; quod fit in confessione : tertio quod recompenfet secundum arbitrium ministri Dei ; quod fit in satisfatione . Et ideo contritio , confessio , & satisfactio ponuntur partes poenitentiae .

Ad primum ergo dicendum , quod contritio secundum essentiam quidem est in corde , & pertinet ad interiorem poenitentiam ; virtualiter autem pertinet ad exteriorem poenitentiam , inquantum scilicet implicat propositum confitendi , & satisfaciendi .

Ad secundum dicendum , quod satisfactio confert gratiam , prout est in proposito , & auget eam , prout est in executione ; sicut etiam baptismus in adultis , ut supra dictum est ( quaest. lxxviii. art. 2. & quaest. lxxix. art. 3. )

Ad tertium dicendum , quod satisfactio est pars poenitentiae sacramenti , fructus autem poenitentiae virtutis .

Ad quartum dicendum , quod plura requiruntur ad bonum , *quod procedit ex integra causa* , quam ad malum , *quod procedit ex singularibus defectibus* , secundum Dionysium cap. iv. de div. Nom. ( par. iv. lect. 22. ) Et ideo licet peccatum perficiatur in consensu cordis ; ad perfectionem tamen poenitentiae requiritur & contritio cordis , & confessio oris , & satisfactio operis .

Ad contrarium vero patet solutio per ea quae dicta sunt ( in corp. art. )

### ARTICULUS III. 548

*Utrum praedicta tria sint partes integrales poenitentiae .*

*IV. dist. xvi. quaest. 1. art. 1. quaest. 3.*

**A**D tertium si proceditur . Videtur quod praedicta tria non sint partes integrales poenitentiae . Poenitentia enim , ut dictum est ( quaest. lxxxix. art. 3. ) contra peccatum ordinatur . Sed peccatum cordis , oris , & operis sunt partes subiectivae peccati , & non partes integrales : quia peccatum de quolibet horum praedicatur . Ergo etiam in poenitentia contritio cordis , confessio oris , & satisfactio operis non sunt partes integrales .

2. Praeterea . Nulla pars integralis in se continet aliam sibi conditam . Sed contritio continet in se confessionem , &

satisfactionem in proposito . Ergo non sunt partes integrales .

3. Praeterea . Ex partibus integralibus simul , & aequaliter constituitur totum , sicut linea ex suis partibus . Sed hoc non contingit hic . Ergo praedicta non sunt partes integrales poenitentiae .

Sed contra . Illae dicuntur partes integrales ex quibus perfectio totius integratur . Sed ex tribus praedictis integratur perfectio ipsius poenitentiae . Ergo sunt partes integrales poenitentiae .

Respondeo dicendum , quod quidam dixerunt , haec tria esse partes subiectivas poenitentiae . Sed hoc non potest esse : quia singulis partibus subiectivis adest tota virtus totius & simul , & aequaliter ; sicut tota virtus animalis , inquantum est animal , salvatur in qualibet specie animalis , quae simul , & aequaliter dividuntur animal . Sed hoc non est in proposito .

Et ideo alii dixerunt , quod sunt partes potentiales . Sed nec hoc verum esse potest : quia singulis partibus potentialibus adest totum secundum totam essentiam , sicut tota essentia animae adest cuilibet eius potentiae . Sed hoc non est in proposito .

Unde relinquitur quod praedicta tria sint partes integrales poenitentiae : ad quarum rationem exigitur ut totum non adit singulis partibus ; neque secundum totam virtutem eius , neque secundum totam eius essentiam , sed omnibus simul .

Ad primum ergo dicendum , quod peccatum , quia rationem mali habet , potest in uno tantum perfici , ut dictum est ( art. praec. ad 4. ) Et ideo peccatum quod in solo corde perficitur , est una species peccati . Alia vero species est peccatum quod perficitur in corde , & ore . Tertia vero species est peccatum quod perficitur in corde , ore , & opere . Et huiusmodi peccati partes quasi integrales sunt quod est in corde , & quod est in ore , & quod est in opere . Et ideo poenitentiae , quae in his tribus perficitur , haec tria sunt partes integrales .

Ad secundum dicendum , quod una pars integralis potest continere totum , licet non secundum essentiam : fundamentum enim quodammodo virtute continet totum adhaerens ; & hoc modo contritio continet virtute totam poenitentiam .

Ad tertium dicendum , quod omnes partes integrales habent ordinem quemdam ad invicem : sed quaedam habent ordinem tantum in situ ; sive consequenter se habeant , sicut partes exercitus ;

sive

sive se tangant, sicut partes acervi; sive etiam colligantur, sicut partes domus; sive etiam continentur, sicut partes lineae: quaedam vero habent intemper ordinem virtutis; sicut partes animalis, quarum prima virtute est cor, & aliae quodam ordine virtutis dependent ab invicem: tertio modo ornamantur ordine temporis; sicut partes temporis, & motus. Partes igitur poenitentiae habent ad invicem ordinem virtutis, & temporis, quia sunt aeternae; non autem ordinem situs, quia non habent positionem.

#### ARTICULUS IV. 549

*Utrum convenienter dividatur poenitentia in poenitentiam ante baptismum, poenitentiam mortaliem, & poenitentiam venialem.*

IV. dist. XVI. quæst. I. art. 2. quæst. I. & 3. cor. & Matib. III.

**A**D quantum sic proceditur. Videtur quod inconvenienter dividatur poenitentia in poenitentiam ante baptismum, poenitentiam mortaliem, & poenitentiam venialem. Poenitentia enim est secunda tabula post naufragium, ut supra dictum est (quæst. lxxxiv. art. 6.) baptismus autem prima. Illud ergo quod est ante baptismum, non debet poni species poenitentiae.

2. Præterea. Quod potest destruere maius, potest etiam destruere minus. Sed mortale est maius peccatum quam veniale: illa vero poenitentia, quæ est de mortalibus, eadem etiam est de venialibus. Non ergo debent poni diversæ species poenitentiae.

3. Præterea. Sicut post baptismum peccatur venialiter, & mortaliter, ita etiam ante baptismum. Si ergo post baptismum distinguitur poenitentia venialis, & mortalis, pari ratione debet distinguì ante baptismum. Non ergo convenienter dividitur poenitentia per has species.

Sed contra est quod Augustinus in Lib. de poenitentia (sc. hom. ult. inter l. cap.

II. III. & IV.) ponit prædictas tres poenitentiae species.

Respondeo dicendum, quod hæc divisio est poenitentiae, secundum quod est virtus. Est autem considerandum, quid qualibet virtus operatur secundum congruentiam temporis, sicut & secundum alias debitas circumstantias: unde & virtus poenitentiae actum suum habet in hoc tempore, secundum quod convenit novæ legi.

Pertinet autem ad poenitentiam ut detestetur peccata præterita cum proposito immutandi vitam in melius, quod est quasi poenitentia finis. Et quia moralia recipiunt speciem secundum finem, ut in secunda parte habitum est (1. 2. quæst. 1. art. 3. & quæst. lxxviii. art. 4. & 6.) conveniens est quod diversæ species poenitentiae accipiantur secundum diversas immutationes, quas poenitens intendit.

Est autem triplex immutatio a poenitente intentata. Prima quidem per regenerationem in novam vitam: & hæc pertinet ad poenitentiam quæ est ante baptismum. Secunda autem immutatio est per reformationem vitæ præteritæ iam corruptæ: & hæc pertinet ad poenitentiam mortaliem post baptismum. Tertia autem immutatio est in perfectiorem operationem vitæ. & hæc pertinet ad poenitentiam venialem, quæ remittuntur per aliquem ferventem actum caritatis, ut supra dictum est (quæst. lxxxviii. art. 2. & 3.)

Ad primum ergo dicendum, quod poenitentia quæ est ante baptismum, non est sacramentum, sed est actus virtutis disponens ad sacramentum baptismi.

Ad secundum dicendum, quod poenitentia quæ delet peccata mortalia, delet etiam venialia; sed non convertitur. Et ideo hæc duæ poenitentiae se habent sicut perfectum, & imperfectum.

Ad tertium dicendum, quod ante baptismum non sunt peccata venialia sine mortalibus. Et quia veniale sine mortali dimitti non potest, ut supra dictum est (quæst. lxxxviii. art. 4.) ideo ante baptismum non distinguitur poenitentia mortalem, & venialem.









